


አራሳ ጫቆ ማጻፋት ጋሞል



New Testament in Gamo (ET:gmv:Gamo)

**አራሳ ጫቆ ማገፋ ጋሞሶ**

New Testament in Gamo (ET:gmv:Gamo)

copyright © 2011 Wycliffe Bible Translators, Inc.

Language: Gamo

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gamo

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

---

PDF generated using Haiola and XeLaTeX on 4 Mar 2019 from source files dated 22 Dec 2018  
dffa0cbb-5f77-5875-bf95-f4176677af45

Contents

ማቶሳ . . . . .	1
ማርቆሳ . . . . .	33
ሉቃሳ . . . . .	54
ዮሀንሳ . . . . .	88
ሃዋሬታ አሶ . . . . .	111
አሮሚ . . . . .	140
1 ቆሮንቶሴ . . . . .	153
2 ቆሮንቶሴ . . . . .	165
ጋላቲያ . . . . .	173
ኤፌሶኔ . . . . .	178
ፒሊዲሲዮሴ . . . . .	183
ቆላሲያሴ . . . . .	187
1 ታሶሎንቄ . . . . .	191
2 ታሶሎንቄ . . . . .	194
1 ዲሞቶሳ . . . . .	196
2 ዲሞቶሳ . . . . .	200
ቲቶሳ . . . . .	203
ፕልሞና . . . . .	205
ኢብራዌ . . . . .	206
ያቆቤ . . . . .	216
1 ጴጥሮሳ . . . . .	220
2 ጴጥሮሳ . . . . .	224
1 ዮሀንሳ . . . . .	227
2 ዮሀንሳ . . . . .	231
3 ዮሀንሳ . . . . .	232
ዩሁዳ . . . . .	233
ዮሀንሳ አጁታ . . . . .	235

### ማቶሲ ፩ዓዓ ኑ ጎዳ ዮሱስ ኪርስቶስ ሚሺራቾ ቃላ ጊዶ ቆፋ

ማቶሲ ሚሺራቾ ቃላይ፡ ዮሱስ ኪርስቶስ ቡሮፔ ያናይሳ ሲንሳሲዲ ኢዛ ጊሽ ዮቴቲዳ ዴሬ አሻናዴይ ኢዛ ጊዲዳይሳኔ ያሲ ካሴ ጋልዓ ጫቆ ማፃፋን ባ ዴሬዛስ ኢሚዳ ሂዶታ ቃላ ኩንሲዳይ ኢዛ ባጋራ ጊዲዳይሳ ዮቴዛ ሚሺራቾ ቃላራ ዴስ። ሄሲካ ሄ ሚሺራቾ ቃላይ፡ ዮሱስ ኪርስቶሲ ኢስታ ጊዶን ዮሌቲ ዲጩዳ አይሁዳ አሳስ ያላላ ጊዶንታ አላሜ አሳስ ኩሜሳሳ።

ማቶሲ ሚሺራቾ ቃላይ፡ ዳርፔ ናጌቴላን ጊጌቲዳ ማፃፋ። ማፃፋዚ ኮይርፔ ዮሱሳስ ዮሌቴላ ጊሽ ዮቶ ዶሚዲ ኢዛ ሂንቃቴ ጊሺኔ ኢዚ ፓጩቲዳ ፓጩዛ ሎኔሲ ዮቴዳፔ ጉዮ ኢዚ ጋሊላ ዴሬን ሳባኪዳይሳ፡ ታማርሲዳይሳኔ አሳ ሃርጌሬ ፓሲዳይሳ ቆንጩሴስ። ቃሴካ ዮሱሲ ጋሊላ ዴሬፔ ዮሩሳሌሜ ቢዳይሳ፡ ኢዚ ሃይሳ ሃ አላሜዛ ቦላ ዴዲዳ ዴዎ ጊሺኔ ሃ አላሜዛ ቦላ ጋምዲዳ ወርሴሳ ላይሳን ወርሴሳ ሳሚንታን ሃኒዳ ሃኖታ ጊሽ ዮቴስ። ሄይቲካ ዮሱሲ ካቲቲዳይሳ፡ ሃይቲዳይሳኔ ሃይቆፔ ዴንዲዳይሳ።

ሃ ሚሺራቾ ቃላዚ፡ ዮሱሲ ያሳ ዎጋ ቢርሻናስ ኢዛስ ጎዳቴላ ዲዛዴኔ ያሳ ካዎቴላ ጊሽ ታማርሲዛ ጊታ አስታማሬ ሂስቲ ሺሼስ። ኢዛ ቲሚርቴዛፔ ዳርዛ ባጋይ ኢቻሹ ዱማ ዱማ ኪሬሴን ሻኬቴስ።

1. ያሳ ካዎቴላን ዲዛይታ ሃኖ፡ ኢስታ አሶ፡ ኢስታ ሸኔ፡ ኢስቲ ሃኖና ማላ ኢስታስ ቤሲዛዚኔ ኢስታስ ቤሲዛ ወርሴሳ ኤፃ ሻኪ ኤሪሲዛ ዙማ ቦላ ሳባኪዳ ቃላ (ሼምፖ 5-7)
2. ታማኔ ናምዑ ኢዛ አሽካራቲ ሚሺራቾ ቃላ ዮታናስ ኪቴቲ ቢሺን ኢስታስ ኢሜቲዳ ዎጋታ (ሼምፖ 10)
3. ያሳ ካዎቴላ ጊሽ ሸቂዳ ዱማ ዱማ ሌሚሶታ (ሼምፖ 13)
4. ዮሱሳ ዎስቲ ካላናኮኔ ኢስታስ ጌላና ማላ ኢሜቲዳ ቲሚርቴ (ሼምፖ 18)
5. ሃይሳ ሃ ዎዴዛ ወርሴሳ ጊሺኔ ያሳ ካዎቴላይ ያናይሳ ጊሽ ኢሜቲዳ ቲሚርቴ (ሼምፖ 24-25)

- ሃ ማፃፋይ አይኪዳ ኩሜሳ ቆፋ
- ዮሱስ ኪርስቶስ ዮሌቴላ ዛርኬኔ ኢዛ ዮሌቴላ 1:1-2:23
- ፃግቂዛ ዮሃንሳ አሶ 3:1-12
- ዮሱሳ ፃግቂቴላኔ ኢዛ ፓጩቴላ 3:13-4:11
- ዮሱሲ ጋሊላን አሶ ዶሚዴስ 4:12-18:35
- ዮሱሲ ጋሊላፔ ዮሩሳሌሜ ቡስ 19:1-20:34
- ዮሱሳ ወርሴሳ ሳሚንታን ጋኪዳ ሜቶታ 21:1-27:66
- ዮሱሲ ሃይቆፔ ዴንዲ ቤቲዴስ 28:1-20

#### ዮሱስ ኪርስቶስ ዮሌታ ዛርኬ (ሉቃ 3:23-38)

- 1 ዳዉቱ ና፡ አብራሃሜ ና ጊዲዳ ዮሱስ ኪርስቶስ ዮሌቴላ ዛርኬይ ሃይሳሬ ካሊዛይሳ፤
- 2 አብራሃሜይ ዩሳቃ ዮሊዴስ፤ ዩሳቂ ያቆቤ ዮሊዴስ፤ ያቆቤይ ዮሁዳኔ ኢዛ ኢሻታ ዮሊዴስ፤
- 3 ዮሁዳይ ቲሚርፔ ፋራሳኔ ዛራ ዮሊዴስ፤ ፋራሳይ ኤስሮሜ ዮሊዴስ፤ ኤስሮሜይ አራሜ ዮሊዴስ፤
- 4 አራሜይ አሚናዳቤ ዮሊዴስ፤ አሚናዳቤይ ኔፃሶኔ ዮሊዴስ፤ ኔፃሶኔይ ሳሎሞኔ ዮሊዴስ፤
- 5 ሳሎሞንካ ቦኔዜ ኤራዓቢፔ ዮሊዴስ፤ ቦኔዜይ ኡሩቲፔ ኢዮቤዴ ዮሊዴስ፤ ኢዮቤዴይ ኢሴዮ ዮሊዴስ፤
- 6 ኢሴዮይ ካዎ ዳዉቱ ዮሊዴስ፤ ዳዉቱይ አሪዮ ማቼዴሬ ሶሎሞኔ ዮሊዴስ።
- 7 ሶሎሞንካ ሮቢዳሜ ዮሊዴስ፤ ሮቢዳሜይ አቢያ ዮሊዴስ፤ አቢያይካ አሳሬ ዮሊዴስ፤
- 8 አሳሬይ ዮሳፒዩ ዮሊዴስ፤ ዮሳፒዩይ ኢዮራሜ ዮሊዴስ፤ ኢዮራሜይ አዚያ ዮሊዴስ፤
- 9 አዚያይ ኢዮጋታሜ ዮሊዴስ፤ ኢዮጋታሜይ አካዜ ዮሊዴስ፤ አካዜይ ሂዚቃሴ ዮሊዴስ፤
- 10 ሂዚቃሴ ሚናሴ ዮሊዴስ፤ ሚናሴይ አሞዩ ዮሊዴስ፤ አሞዩይካ ዮሲያሳ ዮሊዴስ፤
- 11 ዮሲያሲ ባቢሎኔ ዲዎ ላይሳ ኢኮኛኔኔ ኢዛ ኢሻታ ዮሊዴስ።
- 12 ባቢሎኔ ዲዎፔ ጉዮ ኢኮኛኔይ ሳላቲያሌ ዮሊዴስ፤ ሳላቲያሌይካ ዜሩባቤሌ ዮሊዴስ፤
- 13 ዜሩባቤሌይ አቢዮዴ ዮሊዴስ፤ አቢዮዴይ ኤሊያቂሜ ዮሊዴስ፤ ኤሊያቂሜይ አዛሬ ዮሊዴስ፤
- 14 አዛሬይ ሳዶቂ ዮሊዴስ፤ ሳዶቂይ አኪሜ ዮሊዴስ፤ አኪሜይካ ኤሊዮዴ ዮሊዴስ፤
- 15 ኤሊዮዴይ አላዛሬ ዮሊዴስ፤ አላዛሬይ ማታኔ ዮሊዴስ፤ ማታኔይ ያቆቤ ዮሊዴስ፤
- 16 ያቆቤይካ ኪርስቶስ ጌቴቲዳይሳ ዮሱሳ ዮሊዳ ማራሞ ኤካና ጊጊሲዳ ዮሴሬ ዮሊዴስ። \*
- 17 ሄሳ ጊሽ አብራሃሜፔ ዩዲ ዳዉቱ ጋካናስ ታማኔ አይዱ ዮሌቴላ፤ ቃሴ ዳዉቱፔ ባቢሎኔ ዲዎ ዎዴ ጋካናስ ታማኔ አይዱ ዮሌቴላ፤ ባቢሎኔ ዲዎፔ ኪርስቶስ ዮሌቴላ ጋካናስ ታማኔ አይዱ ዮሌቴላ ጊዴስ።

#### ዮሱስ ኪርስቶስ ዮሌታ

18 ዮሱስ ኪርስቶስ ዮሌቴላ ታሪኬይ ሃይሳሬ ካሊ ዲዛይሳ፤ ኢዛ አያ ማራማ ዮሴሬስ ጊጌታ ዲሺን ኢዚ ኢዚራ ጋይቶንታ ጊሎ አያናን ቃንሳታዳ ቤታዱስ። \* 19 ኢዛ ጊጊሲዳ ዮሴሬይ ጊሎ

\* 1:16 ኪርስቶስ ኪርስቶስ ጉሲ “ሜሲሄ” ዎይኮ “ቴዮቲዳይሳ” ጉሳ። \* 1:18 ሉቃ 1:27

አስ ጊዲዳ ጊሽ ማራሞ አሳ ሲንሳን ቆንጩ ኬሶንታ ቆታራ አጋናስ ባ ዎዝናራ ቃቺደስ።<sup>20</sup> ሃይሳ ኢዚ ቆፒሺን ሶሳ ኪታንቻይ አጉሞራ ኢዛስ ቆንጩዲ “ዳዉቴ ና ዮሴፌ! ኔ ጊጊሲዳ ማራማ ቃንሳቲዳይ ጊሎ አያናን ጊዲዳ ጊሽ ኢዞ ኔሶ ኤፋናስ ባቦፋ።<sup>21</sup> ኢዛ አቱማ ና ዮሳና፤ ኢዚ አሳ ናጋራፔ አሻናዴ ጊዲዳ ጊሽ ኢዛ ሱንሳ ኔ ‘ዮሱሳ’ ጋ ሱንሳና” ጊዴስ። \*

<sup>22-23</sup> ጎዳይ ናቤ ኢሳያሳ ዱናን “ሄኮ! ጌላዎይ ቃንሳታና፤ አቱማ ናካ ዮሳና፤ ናዛ ሱንሳይካ አማኑዔላ ጌቱታና፤ ሄሳ ቢርሼሲካ ‘ዮሲ ኑናራ ዴስ’ ጌቱቲዲ ሃፌቲዳይሲ ፖሎታና ማላ ሃይሲ ወሪካ ሃኒዴስ” ጊዴስ። \*

<sup>24</sup> ዮሴፌይካ ዲስኮፌ ቤጊዲ ጎዳ ኪታንቻይ ኢዛ አዛዚዳ ማላ ማራሞ ባሶ ኤፊዴስ።  
<sup>25</sup> ጊዶ አቲን ባዳ ኢዛ ኮይሮ ናዛ ዮሳና ጋካናስ ኢዞ ኤኪቤና። ዮሎቲዳ ጉሳ ናዛ ሱንሳ “ዮሱሳ” ጊዴስ። \*

2

**አዋ አርሼይ ሞኪዛ ባጋፌ ዩዳ ኤራንቻታ**  
<sup>1</sup> ከዎ ሄርዶሳ ዎዴ ዮሱሲ ቤቴሌሜ ዮሁዳን ዮሎቲዳፔ ጉዮ አዋ አርሼይ ሞኪዛ ባጋፌ ኤራንቻቲ ዮሩሳላሜ ዩዲ <sup>2</sup> “ዮሎቲዳ አይሁዳ ካዎይ አዋን ዲዜ? አዋ አርሼይ ሞኪዛ ባጋራ ኢዛ ያሊንቴዛ ቤዩዲ ኢዛስ ጎይናና ዩዶስ” ጊዲ አይቺዳ።

<sup>3</sup> ከዎ ሄርዶሲ ሄሳ ሲይዲ ዳጋሚዴስ፤ ዮሩሳላሜን ዲዛ አሳይ ወሪ ኢዛራ ዳጋሚዴስ። <sup>4</sup> ኢዚካ ቁሴታ ሃላቃታይ ዎጋ ታማርሲዛይታ ኡባ ሺሺዲ “ኪርስቶሲ አዋን ዮሎታኔ?” ጊዲ አይቺዴስ።

<sup>5-6</sup> ኢስቲካ ኢዛስ “ናቤይ ዮሁዳ ቢታን ዲዛሬ ሃኔ ቤቴሌሜ! ታ ዴሬ ኢስራዔል ናጊዛዴይ ኔፔ ኪዛና ጊሽ ሃንኮ ዮሁዳ ሃሪዛይታፔ አዛንካ ጉዳካ’ ጊዲ ሃፌዳ ጊሽ ኢዚ ቤቴሌሜ ዮሁዳን ዮሎታና” ጊዲ ዮቲዳ። \*

<sup>7</sup> ሄሳፌ ጉዮ ሄርዶሲ ሄ ኤራንቻታ ጊማራ ዩይጊሲዲኔ ኢስታ ሃሳይሲዲ ያሊንቴዚ ኢስታስ ቤቲዳ ዎዴዮ ሻኪ ኤሪዴስ። <sup>8</sup> ኤራንቻታ ቤቴሌሜ ዮዲዲ “ቤዲ ጉሳ ናዛ ኮዩቴ፤ ታካ ባዳ ኢዛስ ጎይናና ማላ ዴሚዳ ማላ ሃ ታኮ ሲሚዲ ኢዚ አዋን ዲዛኮን ታስ ዮቲቴ” ጊዴስ።

<sup>9</sup> ኤራንቻቲካ ካዎይ ኢስታስ ጊዳይሳ ሲዩዳፔ ጉዮ ሲሚ ቤዳ፤ አዋ አርሼይ ሞኪዛ ባጋራ ኢስታስ ቤቲዳ ያሊንቴይ ኢስታ ካሌሲዲ ጉሳ ናዚ ዲዛሶ ጋሲዴስ። <sup>10</sup> ኢስቲ ያሊንቴዛ ቤዩዳ ዎዴ ዳሮ ኡፋዮቲዳ። <sup>11</sup> ኬሴ ጌሊዲ ጉሳ ናዛ ኢዛ አዮ ማራሚራ ዴሚዲኔ ጉልባቲዲ ኢዛስ ጎይኒዳ፤ ባ ሳዪኔ ሳዪኔ ዶይዲ ዎርቃ፤ ኤፃኔኔ ካርቤ ጊዛ ሚሽ ኢዛስ ኢሚዳ።

<sup>12</sup> ኢስቲ ሄርዶሳኮ ሲሞንታ ማላ አጉሞን ኬሂ ናጌታና ማላ ጌቱቲዳ ጊሽ ሃራ አጌራ ባ ዴሬ ሲሚዳ።

**ጊብዔ ቢታ ቤቴ ቡስ**  
<sup>13</sup> ኤራንቻቲ ቢዳፔ ጉዮ ጎዳ ኪታንቻይ ዮሴፌስ አጉሞራ ቤቲዲ “ሄርዶሲ ጉሳ ናዛ ዎዳና ኮዩዛ ጊሽ ኔ ሲማና ዎዴ ታ ኔና ኤሪሳና ጋካናስ ዴንዳዳ ጉሳ ናዛ አዩይራ ኤካዳ ዱጌ ጊብዔ ቢታ ባቃታዳ ሄን ዳሻ” ጊዴስ።

<sup>14</sup> ሄሳ ጊሽ ዮሴፌይ ዴንዲዲ አዩዮ ናዛራ ኤኪዲ ጊዶሳራ ዱጌ ጊብዔ ቢታ ቢዴስ። <sup>15</sup> ሄርዶሲ ሃይቃና ጋካናስ ሄን ዴዒዴስ። ሄሳንካ “ታ ናዛ ታ ጊብዔ ቢታፌ ዩይጋዲስ” ጊዲ ጎዳይ ካሴ ናቤ ዱናን ሃሳዩዳይሲ ፖሎቲዴስ። \*

<sup>16</sup> ኤራንቻቲ ኢዛ ባሌሲዳይሳ ኤሪዳ ዎዴ ሄርዶሲ ኬሂ ሃንቁቲዴስ። ኤራንቻቲ ኢዛስ ካሴ ዮቲዳ ማላ ባ አስ ኪቲዲ ናምዑ ሳይሳኔ ናምዑ ሳይስ ኩሞንታይታ ቤቴሌሜኒኔ ቤታሌሜ ዩሾን ዲዛ ጉሳ አቱማ ናይታ ኡባ ዎዲሲዴስ።

<sup>17-18</sup> ሄሳን “ዮሆይኔ ጊታ ዋሶ ጊሪሳይ ኤራማን ሲዮቲዴስ፤ ኢራዔላ ባ ናይታስ ዮካዱስ፤ ናይቲ ወሪ ወሪዳ ጊሽ ሚናናስ ዳንዳዮንታ ኢዳዱስ” ጌቱቲዲ ናቤ ኤርማሳን ዮቱቲዳይስ ፖሎቲዴስ። \*

**ጊብዔፔ ናዚራቴ ሲሞ**  
<sup>19</sup> ሄርዶሲ ሃይቂዳፔ ጉዮ ጎዳ ኪታንቻይ አጉሞራ ዮሴፌስ ጊብዔ ቢታን ቤቲዳ፤ <sup>20</sup> “ዴንዳዳ ጉሳ ናዛኔ ኢዛ አዩዮ ኤካዳ ኢስራዔል ቢታ ሲማ፤ ናዛ ዎዳና ኮዩዛይቲ ሃይቂዳ” ጊዴስ። <sup>21</sup> ዮሴፌይ ዴንዲዲ ናዛ አዩይራ ኤኪዲ ኢስራዔል ቢታ ሲሚዴስ።

<sup>22</sup> ጊዶ አቲን አርካላዎሲ ባ አዋ ሄርዶሳ ሶን ዮሁዳን ካዎቲዳይሳ ሲይዲኔ ሄ ባናስ ባቢዴስ፤ ጎዳይ አጉሞራ ኢዚ ሄ ቦንታ ማላ ዮቲዳ ጊሽ ጋሊላ አወራጃ ቢዴስ። <sup>23</sup> ናዚራቴ ጌቱቲካ ካታማዮ

\* 1:21 ሉቃ 1:31 \* 1:22-23 ኢሳ 7:14 \* 1:25 ሉቃ 2:21 \* 2:5-6 ሚክ 5:2 \* 2:15 ሆሴ 11:1 \* 2:17-18 ኤር 31:15

ቢዲ ሄን ዱስ አይኪዴስ። ሄሳንካ ካሴ ናቤታን “ናዚሬቴ አስ ጌቴታና” ጌቴቲዲ ካሴቲዲ ሲንሳፌስ ሃሳዬቴዳይሲ ኩሚዴስ። \*

3

ግማቂዛ ዮሃንሳ ሳባኮ

(ማር 1:1-8፤ ሉቃ 3:1-18፤ ዮሃ 1:19-28)

1-2 ሄ ዎዴ ግማቂዛ ዮሃንሲ አሳስ “ሳሎ ካዎቴሲ ማቲዳ ጊሽ ኢንቴ ናጋራፔ ሲሚቴ” ጊ ሳባኪሼ ዩሁዳ ባዞራ ዩዴስ። \*

3 “ጎዳ አጌ አሲቴ፥ ዎጋ አጌዛካ ሎዔሲቴ ጊሽ ባዞ ቢታን ዋሲዛ ቃላ”

ጌቴቲዲ ካሴ ናቤ አሳያሳን ዮቴቲዳይሲ ዮሃንሳ ጊሻሳ። \*

4 ዮሃንሲ ጋሜላ አሲኬፌ አሴቲዳ ማይዎ ማይዔስ። ባ ያሳን ዳፎ ጊዩስ፤ አዚ ሚዛ ቁማይ ዴጌራ ኡሳኔ ቦሌ። \* 5 ዩሩሳላሚቴ፥ ኩሚሳ ዩሁዳፔኔ ዮርዳኖሴ ሻፋ ማታን ዲዛ ዴሬ አሳይ ወሪ ዮሃንሳኮ ዎዲዲ፥ 6 ባ ናጋራካ ኢዛስ ፓዲሼ ዮርዳኖሴ ሻፋን ኢዛ ኩሼን ግማቂቲዴስ።

7 ዳሮ ፋርሳዌቲኔ ሳዱቃዌቲ አዚ ግማቂዛሶ ዩሼን ቤዩዲ ዮሃንሲ “ኢንቴኖ ሾሻቶ! ኢንቴ ሲንሳራ ዲዛ ሃንቆፌ አታና ማላ ኢንቴና አኒ ቤሲዴ” \* 8 ኢንቴ ኢንቴ ናጋራፔ ሲሚዳይሳ ቤሲዛ አሶ አሲቴ። 9 ኑ አዎይ አብራሃሜይ ኑስ ዴስ ጊዛይሳን ኢንቴርካ ኢንቴና ባሌሶፍቴ፤ ታ ኢንቴስ ያሲ ሃይታ ሹቻታፔ አብራሃሜስ ና አሲ ዴንሳናስ ዳንዳዩስ ጋይስ። \* 10 ሄኮ ካልታይ ቃንግናስ ሚሳታ ጋርሳን ጊጌቲ ኡቴዴስ፤ ሄሳ ጊሽ ሎዎ አይፌ አይፎንታ ሚሲ ወሪ ቃንግታናኔ ታማን ዩጌታና። \*

11 ታኒ ማርቴሳስ ሃሳን ግማቃይስ፤ ሃራይ አቶ ሺን ታ ኢዛ ጫማ ቶካናስ ቤሶንታዴይ ታፔ አዲዛ ሚኖይ ጉዩራ ያና፤ አዚካ ያሎ አያናኒኔ ታማን ኢንቴና ግማቃና። 12 ካስ ሱራጊዛ ፒሳይ ኢዛ ኩሼን ዴስ፤ አዚካ ባ ካሳ ባሌዛ ፒቲ ጊሻና፤ ባ ጊስቴዛካ ካሳ ዲዔን ቆላና፤ ሃፓ ጊዲኮ ቶዎንታ ታማን ፁጋና” ጊዴስ።

ዩሱሲ ግማቂቲዴስ

(ማር 1:9-11፤ ሉቃ 3:21-22)

13 ሄ ዎዴ ዩሱሲ ዮሃንሳን ግማቂታናስ ጋሊላፔ ዮርዳኖሴ ሻፋ ቤዴስ። 14 ጊዶ አቲን ዮሃንሲ “ሃይሲ ሃኔና፤ ታኒ ኔናን ግማቂታና ቤሲሺን ኔኒ ዋናዳ ታኮ ያይ?” ጊዲ አዛራ ማርሼቴዴስ።

15 ዩሱሲካ “አይኮይ ባዎ፥ ኤሮ ጋርኪ? ሃይሳ አሲዲ ኑኒ ያሎቴስ ኡባ ፖላናስ ኑስ ቤሴስ” ጊዴስ። ዮሃንሲካ አዛ ቆፋ ኤሮ ጊ ኤኪዴስ። 16 ዩሱሲ ግማቂቲዲ ሃሳፌ ኬዚዳ ማላ ሄራካ ሳሎይ ዶዩቲን ያሳ አያናይ ሃራጴ ካፎ ሚሳቲዲ ኢዛ ቦላ ዎዲሺን ቤዩዴስ። 17 ሳሎፔካ “ታኒ ኢዛን ኡፋዮቲዛ ናዚኔ ታ ሲቂዛ ታ ናዚ ሃይሳ” ጊዛ ቃላይ ሲዩቴዴስ። \*

4

ዩሱሲ ፓጩቴዴስ

(ማር 1:12-13፤ ሉቃ 4:1-13)

1 ሄሳፌ ጉዩ ያሎ አያናይ ግላዔን ፓጩታና ማላ ዩሱሳ ዱጌ ባዞ ቢታ ኤፌዴስ። \* 2 አይዱ ታሙ ጋላሲኔ አይዱ ታሙ ቃማ ያሚዳፔ ጉዩ ዩሱሲ ጋፊዴስ። 3 ፓጩዛይሲ ዩሱሳኮ ሺቂዲ “ኔ ያሳ ና ጊዲኮ አኔ ሃይታ ሹቻታ ኡኬስ ጊዳና ማላ አዛዛ” ጊዴስ።

4 ዩሱሲካ “አሲ ያሳ ዱናፔ ኬዚዛ ቃላንፔ አቲን ካሳን ግላ ዴና’ ጌቴቲ ግፌቴዴስ” ጊዲ አዛስ ዛሪዴስ። \*

5 ቃሴካ ግላዔይ ዩሱሳ ጊሻ ካታማዮ ኤፌ ያሳ ኬሳ ቁስቴ ቦላ ኬሲዲ፥ 6 “ኔ ያሳ ና ጊዲኮ አኔ ሃይሳፌ ዱጌ ጉፓ፤ አይሲ ጊኮ ‘ኔ ቶሆይ ሹቻን ዱጴቶንታ ማላ ኪታንቻቲ

ባ ኩሼራ ኔና አይኪ ዴንሳና ማላ ኔ ጊሽ ያሲ ባ ኪታንቻ ኪታና’ ጌቴቲ ግፌቴዴስ” ጊዴስ። \*

7 ዩሱሲካ “ጊሻ ማግፋን ‘ኔ ጎዳ ያሳ ፓጩፋ’ ጌቴቲ ግፌቴዴስ” ጊዲ ዛሪዴስ። \* 8 ቃሴካ ግላዔይ ዩሱሳ ኬሂ ዶቃ ዙማ ቦላ ኬሲዲ ሳሎ ጉፓንሶን ዲዛ ካዎቴሳ ቦንቾዛራ ኡባ ኤሂ ቤሲዲ፥ 9 “ኔ ኩንዳዳ ታስ ጎይኒኮ ሃይሳ ኡባ ታ ኔስ ኢማና” ጊዴስ።

10 ዩሱሲ “ሃይሶ ግላዔ! ታ ሲንሳፌ ሃካ! ‘ኔኒ ኔ ጎዳስ ያሳስ ጎይና፤ ኢዛስ ግላላ አዛዜታ’ ጌቴቲ ጊሻ ማግፋን ግፌቴዴስ” ጊዴስ። \*

11 ሄሳፌ ግላዔይ ኢዛ አጊዲ ቤዴስ፤ ኪታንቻቲካ ዩዲ ኢዛ ማዲዳ።

ዩሱሲ ሳባኮ አይኪዴስ

(ማር 1:14-15፤ ሉቃ 4:14-15)

\* 2:23 ማር 1:24፤ ሉቃ 2:39፤ ዮሃ 1:45 \* 3:1-2 ማቶ 4:17፤ ማር 1:15 \* 3:3 ኢሳ 40:3 \* 3:4 2ካዎ 1:8 \* 3:7 ማቶ 12:34፤ 23:33 \* 3:9 ዮሃ 8:33 \* 3:10 ማቶ 7:19 \* 3:17 ሜዴ 22:2፤ ማቶ 12:18፥17:5፤ ማር 1:11፤ ሉቃ 9:35 \* 4:1 ኢብ 2:18፤ 4:15 \* 4:4 ዛሬ 8:3 \* 4:6 ማዛ 91:11-12 \* 4:7 ዛሬ 6:16 \* 4:10 ዛሬ 6:13

12 ዮሴፍ፣ የሃኒሲ ቃሽቲዳይሳ ሲይዲ ጌዴ ጋሊላ ሲሚዴስ። \* 13 ናዘሬቱ ካታማ አጊዲ ዛቢሎኔ ኒፍታሌሜ ሄራን አባ ማታን ዲዛ ቂፊርናሆሜ ካታማን ዱስ አይኪዴስ። \*

14-16 “ሄሳን ዛቢሎኔኒኔ ኒፍታሌሜ ቢታን፣ የርዳኖሴፔ ሄ ፒንሳን አባ ላንቄራ ኤፊዛ ኦጌ ማታን ዲዛ አይዛቤ ጊዲዳ ጋሊላ ዴሬ አሳይ፣

ዱማን ዲዛ ዴሬይ ዎልቃማ ፖፖ ቤዩዴስ።

ሃይቆ ኩዋ ጊዶን ዲዛ ዴሬስ ፖፖይ ፖዲዴስ”

ጌቱቲዲ ናቤ ኢሳያሳ ዱናን ካሴቲዲ ሃሳዩቲዳይሲ ፖሌቲዴስ።

17 ዮሴፍ ሄ ዎዴፔ ሃ ሲሚን “ሳሎ ካዎቱላ ማቲዴስ፣ ማርታ ጌሊቱ” ጊዲ ሳባኮ አይኪዴስ። \*

**ኮይሮ ዮሴፍ ካሊዳይታ ዔይጌቱስ**  
(ማር 1:16-20፣ ሉቃ 5:1-11)

18 ዮሴፍ ጋሊላ አባ ላንቄራ አዲሽ ናምዑ ኢሻንታ፤ ሄይቲካ ጳፅሮሳ ጌቱቲዛ ሲሞናኔ ኢዛ ኢሻ ኢንዲራሳ ቤዩዴስ። ኢስቲካ ሞሌ አይኪዳይታ ጊዲዳ ጊሽ ሞሌ አይኪዛ ጌቱ አባን ዩጊሽ ዴቱስ።

19 ዮሴፍ ኢስታ “ሃ ዩቱ! ታና ካሊቱ! ታ ኢንቴና አስ አይኪዛ አስ ኬሳና” ጊዴስ። 20 ኢስቲ ሄራካ ሞሌ አይኪዛ ጌቱዛ ዩጊ አጊዲ ዮሴፍ ካሊዳ።

21 ጉስ ሲገሴ ቢሽ ሃራ ናምዑ ኢሻንታ ዛቢዶሳ ና ናምዳታ ያቆቤኔ የሃኒሳ ቤዩዴስ፤ ኢስቲካ ባ አዋ ዛቢዶሳራ ዎጎሎ ጊዶን ሞሌ ጌቱ ሎዴሴቱስ። ዮሴፍ ኢስታ ዔይጊን፤ 22 ኢስቲ ሄራካ ዎጎሎዛኔ ባ አዋ አጊዲ ካሊዳ።

**ዮሴፍ ሃርጊዛይታ ፓሲዴስ**  
(ሉቃ 6:17-19)

23 ዮሴፍ አይሁዳታ ኢስታ ዎሳ ኬሳን ታማርሲሽኔ ካዎቱሳ ሚሺራቾ ቃላ ሳባኪሽ ቃሴ ዴሬ ጊዶን አይ ሃርጊይካ ሳኪዛይታ ፓሲሽ ኩሜሳ ጋሊላን ዩዩዴስ። \* 24 ሄሳ ጊዶን ሎፖ ናሾይ ኩሜሳ ሶሪያ ቢታን ሲዮቲዴስ፤ ዴሬይካ ዱማ ዱማ ሳኮን ዳሮ ዋዩቲዛይታ፣ ዳይዳንሲ ኢስታን ጌሊዳይታ፣ ቦላፌ ቢታን ዩጊዛ ሃርጊይ ዲዛይታኔ ሲሊዳይታ ኢዛኮ ኤሂን ኡባካ ፓሲዴስ። 25 ሄሳፌ ዴንዲዳይሳን ጋሊላፔ፣ ታሙ ካታማታፔ፣ ዩሩሳላሜፔኔ ዩሁዳፔ፣ የርዳኖሴ ሻፋ ፒንሳፌ ዩዳ ዳሮ አሳይ ኢዛ ካሊዴስ። \*

**ዮሴፍ ዙማ ቦላ ታማርሲዳ ቲሚርቱ**

1 ዳሮ ዴሬይ ሸቂዳይሳ ቤዩዲ ዮሴፍ ፑዴ ዙማ ቦላ ኬዚ ኡቲዴስ፤ ኢዛ ካሊዛይቲካ ኢዛኮ ዩዳ። 2 ኢዚካ ኢስታ ሂዝጊ ታማርሶ አይኪዴስ፤

**ቱማ አንጆ ዴማና አሳቲ**  
(ሉቃ 6:20-23)

3 “አያናን ባና ካዉሸዛይቲ አንጆቲዳይታ፤ አይሲ ጊኮ ሳሎ ካዎቱላ ኢስታሳ።

4 ቃዴቲዛይቲ አንጆቲዳይታ፣ አይሲ ጊኮ ኢስቲ ሚኔታና። \*

5 አሽኬቲ አንጆቲዳይታ፤ አይሲ ጊኮ ኢስቲ ቢታ ላታና። \*

6 ዒሎቱስ ጋፌቲዛይቲኔ ሳሞቲዛይቲ አንጆቲዳይታ፤ አይሲ ጊኮ ኢስቲ ካላና። \*

7 አሳስ ሎፖ አሲዛይቲ አንጆቲዳይታ፤ አይሲ ጊኮ ኢስታስካ ሎፖይ አሴታና።

8 ዎዚና ዒሎቲ አንጆቲዳይታ፤ አይሲ ጊኮ ኢስቲ ያሳ ቤያና።

9 ሳሮቱስ አሲዛይቲ አንጆቲዳይታ፤ አይሲ ጊኮ ኢስቲ ያሳ ናይታ ጌቱቲ ዔይጌታና።

10 ዒሎቱሳ ጊሽ ጎዴቲዛይቲ አንጆቲዳይታ፤ አይሲ ጊኮ ሳሎ ካዎቱላ ኢስታሳ። \*

\* 4:12 ማቶ 14:3፤ ማር 6:17፤ ሉቃ 3:19-20 \* 4:13 ዮሃ 2:12 \* 4:17 ማቶ 3:2 \* 4:23 ማቶ 9:35፤ ማር 1:39 \* 4:25 ታሙ ካታማፔ ጊሪኬ ቃላ ሃሳዩዛይቲኔ አይሁዳ ጊዶንታ ዴሬቲ ኢሲፌ ዲዛሶይ ታሙ ካታማታ ጌቱቱስ። ሄ ካታማታፔ ዳሮ ባጋቲ ጌሊላ አባፌ አዋ አርሼይ ጌልዛሶ ባጋራኔ ፑዴሃ ባጋራ ኡሻቻ ቦላ ዴቱስ። \* 5:4 ኢሳ 61:2 \* 5:5 ማዛ 37:11 \* 5:6 ኢሳ 55:1-2 \* 5:10 1ጴፀ 3:14



11 “ታ ጌዶን አሳይ ኢንቴና ጫዩኮ፣ ጎዲኮኔ ኢታ ዮዖ ዎርዶራ ኢንቴ ቦላ ሃሳዩኮ ኢንቴ አንጄቲዳይታ። \* 12 ኢንቴ ሳሎን ዴማና ዋጋይ ኬሂ ጊታ ጊዲዳ ጊሽ ኡፋይሳን ጉፒቴ። ኢንቴፊ ሲንላን ዲዛ ናቤታካ ሄሳሶ ጎዲዳ። \*

**ማህኔኔ ፖዖ ሴሚሶ**  
(ማር 9:50፤ ሉቃ 14:34-35)

13 “ኢንቴ ሃ ቢታ አሳሰ ማህኔ ማላ። ማህኔይ ባ ማልዎቴላ ዮዲዛ ጊዲኮ ጌዴ ካሬ ዮጌቲዲ ዮዴቴላፊ አቲን፣ ዛሪዲ ዴማናስ ዳንዳዩኬ? \* 14 ኢንቴ ዴሬስ ፖዖ። ዙማ ቦላ ዲዛ ካታማያ ቆቴታናስ ዳንዳዮኩ። \* 15 አሲ ያምፔ አይሲዲ ኬላን ዲዛ አሳ ኩሜሳስ ፖግና ማላ ጵቃሶን ዎሴስ አቲን ጌማ ሶን ዎሲ ኤሬና። \* 16 ሄሳሶካ አሳይ ኢንቴ ሎዖ አሶ ቤዩዲ ሳሎን ዲዛ ኢንቴ አዋ ቦንቻና ማላ ኢንቴ ፖዖይ አሳ ሲንላን ፖዖ። \*

**ሙሴ ዎጋ ጊሽ**

17 “ታኒ ሙሴ ዎጋኔ ናቤታ ቃላ ሻራና ዩዳ ኢንቴስ ሚሳቶፖ፤ ፖላናስ ያዲስ አቲን ሻራናስ ያቤኬ። 18 ታ ኢንቴስ ቱሙ ጋይስ፤ ሳሎይኔ ሳሳይ አዳና ጋካናስ ሙሴ ዎጋይ ወሪ ፖሌታና አቲን ዎጋፔ ኢሲ ፒዳሌይካ ዎይኮ ቆሪኻካ ሻራቱኩ። \* 19 ሄሳ ጊሽ አኒካ ሃ አዛዞታፔ ጉዲዛሮ ጊዲኮካ አሶንታ ዮጊ አዲኮ፣ ሃንኮይታካ ዮዲ አዳና ማላ ታማርሲኮ ሳሎ ካዎቴላን ሄሳዴይ ጉስ ጌቴቲ ያይጌታና፤ ጊዶ አቲን ሃይታ አዛዞታ አሲ ፖሊሼ ሃንኮይታ ፖላና ማላ ታማርሲኮ ሄሳዴይ ሳሎ ካዎቴላን ጊታ ጌቴታና። 20 ታ ኢንቴስ ጋይስ፣ ኢንቴ ያሎቴሲ ፋርሳዌታፔኔ ሙሴ ዎጋ ታማርሲዛይታ ያሎቴላፔ አዶንታ አጊኮ ሳሎ ካዎቴስ ጌላና ዳንዳዩኬታ።

**አስ ዎዳናስ ቤሴና**

21 “ካሴ አሳታስ ‘ዎዶፓ፤ ዎዲዳዴ ቦላ ፒርዴታና’ ጌቴቲዳይሳ ኢንቴ ሲዩዴታ። \* 22 ታ ቃሴ ኢንቴስ ጊዛይ ባ ኢሻ ቦላ አጌይ ባይንዳ ሃንቁቲዛዴ ቦላ ፒርዴታና፤ አኒካ ባ ኢሻ ‘ናፓይ’ ጊዛዴይ ዱላታ ሲንላን አይሼታና። ‘ኤያይ’ ጊዛዴይ ጋናሜ ታማ ፒርዳይ ናጌስ። 23 ሄሳ ጊሽ ኔኒ ያርሾ ሺሺዛሶን ያሳስ ያርሻና ጊሺን ኔ ኢሻይ ኔ ቦላ ሚሼቲዳዚ ኔስ ቆፔቲኮ። 24 ኔ ያርሺዛይሳ ሄን ያርሾሶን አጋጋዳ ኮይሮ ባዳ ኔ ኢሻራ ጊጋ፤ ሄሳፊ ጉዮ ሲማዳ ኔ ያርሾዛ ያሳስ ሺሻ።

25 “ኔና ሞቲዳ ኔ ሞርኬይ ኔ ቦላ ፒርዲሶንታ ማላ፣ ፒርዲዛ ዳናይ ቃቴዛይሳስ ኔና አሲ ኢሞንታ ማላ፣ ቃሾ ኬላን ኔ ዎዶንታ ማላ ቡሮ አጌ ቦላ ዳሼ ኔ ሞርኬራ ኤሌላ ጊጋይቻ። 26 ታ ኔስ ቱሙ ጋይስ፤ ኢዚ ፒርዲሲ ወርሲዳ ጊዲኮ ወርሴላ ሳንቲዮ ቃንግና ጋካናስ ቃሾፔ ቢርሼታካ።

**ላይማታናስ ቤሴና**

27 “‘ላይማቶፓ’ ጊዛይሳ ኢንቴ ሲዩዴታ። \* 28 ታኒ ጊዲኮ ኢንቴና ሂዝጋይስ፤ ማጫሳ አዋ አይፊራ ያሊዳዴይ ወሪ ባ ዎዝናን ኢዚራ ላይማቲዴስ። 29 ናጋራ አሳናስ ኔ ኡሻቻ አይፊይ ኔስ ጋሶ ጊዲኮ ኔፔ ኬሳ ዎራ ዮጋ፤ ኔ አሳቴላይ ኩሜስ ጌዴ ጋናሜ ታማን ዮጌታናፔ ኔ አሳቴላፊ ኢሲና ፓጩኮ ሎዖ። 30 ኔ ኡሻቻ ኩሼይ ናጋራ አሶስ ጋሶ ጊዲኮ ኔፔ ቃንግ ዲጋ፤ ኔ አሳቴላይ ኩሜስ ጋናሜን ዮጌታናይሳፊ ኔ አሳቴላፊ ኢሲ ቢሊቴይ ኔስ ፓጩ ጊዲኮ ሎዖ።

31 “‘ማቾ አንጄ ዮዲዛዴይ ፒርማ ዋራቃታ ኢዚስ ኢማና ቤሴስ’ ጌቴቲዴስ። \* 32 ታኒ ቃሴ ኢንቴና ሂዝጋይስ፣ ሃራ አሳራ ላይማቲሺን ቤዮንታ ዲሼ ባ ማቾ አንጄዛዴይ ወሪ ኢዛ ላይማታና ማላ አሴስ። ሄሳሶካ አንጄቲዳሮ ኤኪዛዴይካ ላይማቲዳ ማላ ቆዴቴስ። \*

**ጫቆ ጊሽ**

33 “ካሴ አሳታስ ‘ዎርዶ ጫቆፋ፤ ያሳ ሲንላን ኔ ጫቂዳይሳ ናጋ’ ጌቴቲዳይሳ ኢንቴ ሲዩዴታ። \* 34 ታ ቃስ ኢንቴና አይኮካ ጫቆፍቱ ጋይስ፤ ሳሎይ ያሳስ ኡቲዛ አልጋ ጊዲዳ ጊሽ ሳሎን ጫቆፍቱ። \* 35 ቢታይ ያሳ ቶሆይ ዮዲዛሶ ጊዲዳ ጊሽ ቢታንካ ጫቆፍቱ። ዎጋ ካዎ ካታማ ጊዲዳ ጊሽ ዮራሳላሜንካ ጫቆፍቱ። \* 36 ኢንቴ ሁዔንካ ጫቆፍቱ፤ ኢንቴ ሁዔ ቢናናፔ ኢሲኔዮካ ቦስ ዎይኮ ካሬስ ሂስታናስ ዳንዳዩኬታ። 37 ሄሳ ጊሽ ኢንቴ ኢንቴ ጊዶን ሃሳዩቲሺን ኢንቴ ሃሳያይ “ኤ” ጋናዝ ጊዲኮ “ኤ” ጊቴ “አካይ” ጋናዝ ጊዲኮ “አካይ” ጊቴ፤ ሄሳፊ ካሬ ጊዲዳይ ወሪ ኢታ አሳፔ ዩዛዛ።

**ሃሎ ኬሶ ጊሽ**  
(ሉቃ 6:29-30)

38 “‘አይፊ ጊሻስ አይፊ አቻ ጊሻስ አቻ’ ጌቴቲዳይሳ ኢንቴ ሲዩዴታ። \* 39 ታ ቃሴ ኢንቴስ ጊዛይ ኢታ አሲዳዴራ ኤቁቶፒቴ፤ ጊዶ አቲን ኔስ ኡሻቻ ሻጋላ ባቂዛዴስ ሃንኮይሳካ ዩሻ ቤሳ። 40 ኢሲ አሲ ኔ ጊዶራ ማይዲዳይሳ ኔፔ ኤካናስ ኔና ሞቲኮ ቦላራ ማይዲዳይሳካ ጉጃዳ ኢዛስ ኢማ።

\* 5:11 1ጴ፩ 4:14 \* 5:12 2ታር 36:16፤ ሃዋ 7:52 \* 5:13 ማር 9:50፤ ሉቃ 14:34 \* 5:14 ዮሃ 8:12፤ 9:5  
\* 5:15 ማር 4:21፤ ሉቃ 8:16፤ 11:33 \* 5:16 1ጴ፩ 2:12 \* 5:18 ሉቃ 16:17 \* 5:21 ኬሳ 20:13፤ ዛሬ 5:17  
\* 5:27 ኬሳ 20:14፤ ዛሬ 5:18 \* 5:31 ማቶ 19:7፤ ማር 10:4 \* 5:32 ማቶ 19:9፤ ማር 10:11-12፤ ሉቃ 16:18፤  
1ቆሮ 7:10-11 \* 5:33 ሉዌ 19:12፤ ታይ 30:2፤ ዛሬ 23:21 \* 5:34 ያቆ 5:12፤ ማቶ 23:22 \* 5:35 ኢሳ 66:1፤  
ማዛ 48:2 \* 5:38 ኬሳ 21:24፤ ሉዌ 24:20፤ ዛሬ 19:21



41 ኢሲ አሲ ኔና ኢሲ ሳቴ አጌ ኔ ባና ማላ ዎልቃሲኮ ኢሲፌ ናምዑ ዳኮ ጊዳና አጌ ኢዛራ ባ።  
 42 ኔና ዎሲዛዴስ ኢማ፤ ኔፔ ታልዔ ኤካናስ ኮዩዛዴስ ዞኮ ዛሮፓ።  
 43 “ኔ ላጌ ሲቃ፤ ኔ ሞርኬ ኢፃ፤ ጌቴቴዳይሳ ሲዩዴታ። 44 ታ ቃስ ኢንቴና ኢንቴ ሞርኬታ ዶሲቴ፤ ኢንቴና ጎዲዛይታስ ዎሲቴ ጋይስ። 45 ኢንቴ ሄሳሶ አሲኮ ኢንቴ ሳሎ አዋስ ናይታ ጊዳና። ኢዚ አዋ አርሼ ኢታታሲኔ ሎዎታስ ኢሲ ቦላ ጋሲ ኢሜስ። ኢራካ ሂሎታሲኔ ናጋራንቻታስ ኢሲ ቦላ ቡኪሴስ። 46 ኢንቴና ዶሲዛይታ ሃላላ ኢንቴ ዶሲኮ ኢንቴስ አዛ ጎዳይ ዲዜ? ቃራፃ ቃንጊሲዝይቲ ሄሳሶ አሴቴ? 47 ኢንቴ ኢሻታ ሃላ ኢንቴ ሳሮቴኮ ሃንኮይታፔ አዛን ሎዔቴ? አማኖንታይቲካ ሄሳሶ አሴቴስ። 48 ሄሳ ጊሽ ኢንቴ ሳሎ አዋይ ዎሶይ ባይንዳይታ ጊዲዳ ማላ ኢንቴካ ዎሶይ ባይንዳይ ጊዲቴ። \*  
 ጊዲቴ። \*

6

ማንቆስ ማይ ኢዋ

1 “አሲ ኢንቴና ቤያና ማላ አሳ ሲንላን ሎዎ አሶንታ ማላ ናጌቴቴ፤ ሄሳሶ አሲኮ ኢንቴ ሳሎ አዋፔ ጎዳ ዴሜኬታ። \* 2 ኢንቴ ማንቆታስ ማይ ኢሚዛ ዎዴ አሲ ታና ቤዮ ጊዲ አሳ ሲንላን ቦንቼታናስ አጌኒኔ አይሁዳ ዎሳ ኬላን ፀሩምባ ፑኒሲዛ ቆዴፔ ቆሞን ሃንዛይታሶ አሶፍቴ። ታ ኢንቴስ ቱሙ ጋይስ፤ ኢስቲ ባ ዋጋ ኡባ ሃን ኤኪቼዳ። 3 ኢንቴ ማንቆታስ ኢሚሺን ኡሻቻ ኩሼይ አሲዛ ሃዲሪሳ ኩሼይ ኤሮፖ። 4 ኢንቴ ኢዋይ ጌማን ጊዶ፤ ቆታን አሴቴዳይሳ ቤዩዛ ኢንቴ አዋይካ ኢንቴ ዋጋ ኢንቴስ ኢማና።

ዎሳ ጊሽ (ሉቃ 11:2-4)

5 “ኢንቴ ዎሲሼ ቆዴፔ ቆሞን ሃንዛይታ ማላ ሃኖፕቴ፤ ኢስቲ አሲ ቤያና ማላ አይሁዳ ዎሳ ኬላታኒኔ አይዱ አጌ ቦላ ኤቂዲ ዎሳናስ ዶሴቴስ። ታ ኢንቴስ ቱሙ ጋይስ፤ ኢስቲ ኩሜላ ዋጋ ኤኪቼዳ። \* 6 ኔ ዎሳና ጌሲዛ ኔ ኪፊሌ ጌላ፤ ካሪካ ኔ ቦላ ጎርዳዳ ጌማን ዲዛ ኔ አዋኮ ዎሳ። ጌማን አሴቴዳይሳ ቤዩዛ ኔ አዋይ ኔ አሶ ማላ ኔስ ኢማና።

7 “አማኖንታ አሳይ ኢሲ ቃላ ዛሪ ዛሪ ዎሲኮ ኢስታስ ሲዩቴዛ ሚሳቴን ኢስቲ ዛሪ ዛሪ ጊዛይሳሶ ኢንቴካ ዎሲሼ ኢሲ ቃላ ዛሪ ዛሪ ጎፕቴ። 8 ጊዶ አቲን ኢንቴ አዋይ ኢንቴ ዎሳናፔ ካሴቴዲ ኢንቴስ አዚ ኮሺዛኮኔ ኤሪዛ ጊሽ ኢንቴ ኢስታ ሚሳቶፕቴ። 9 ኢንቴ ዎሲሼ ‘ሳሎን ዲዛ ኑ አዋዉ!

- ኔ ሱንሲ አንጄቶ።
- 10 ኔ ካዎቴሲ ሃዮ፤
- ኔ ሼኔይ ሳሎን ጊዲዳ ማላ ሳዓንካ ሃኖ።
- 11 ሃቺስ ጊዲዛ ካሶ
- ኑስ ሃቺ ኢማ።
- 12 ኑ ኑና ቆሂዳይታስ አቶ ጊዛ ማላ
- ኔካ ኑ ቆሆ ኑስ አቶ ጋ።
- 13 ኢታፔ ኑና አሻ አቲን ኑና ፓጩን ጌልሶፋ፤
- ቦንቸይ ሜርፔ ሜርና ጋካናስ ኔይሳ። አሚን’
- ጊ ዎሲቴ።

14 “ኢንቴ ኢንቴና ቆሂዳይታስ አቶ ጊኮ ኢንቴ ሳሎ አዋይ ኢንቴስ አቶ ጋና። 15 ቃሴ ኢንቴ አሳ ናጋራ አቶ ጎንታ ኢዲኮ ኢንቴ አዋይካ ኢንቴ ናጋራ አቶ ጌና።

ዎማ ጊሽ

16 “ኢንቴ ዎማ ዎሚሼ ቆዴፔ ቆሞራ ዎሚዛይታሶ ሹሎፍቴ። ኢስቲ ባ ዎሚዛይሳ አሲ ኤራና ማላ ባ አይፌሶ ኢሴቴስ። ታ ቱሙ ጋይስ፤ ሄሳሶ አሲዛይቲ ባ ዋጋ ኩሜስ ኤኪቼዳ። 17 ኔኒ ዎማ ዎማሼ ኔ አይፌሶ ሜጩታ፤ ኔ ሁዔ ቴዩታ። 18 ሄሳሶ ኔ ዎሚኮ ጌማን ዲዛ ኔ አዋይ ሃላላ ኤሪዛዚኔ አሲ አኒካ ኤሮንታ ቆታን ጊዳና። ቆታን አሴቴዳይሳ ቤዩዛ ኔ አዋይካ ኔ ዋጋ ኔስ ኢማና።

ሳሎን ዲዛ ሃሮ (ሉቃ 12:33-34)

19 “ቢላይ ሚዛሶን ቡቂዲኔ ሺይዲ ሞሬቴዛሶን ካይሶይ ቦኪዲ ካይሳናስ ዳንዳዩዛሶን፤ ሃ ቢታ ቦላ ኢንቴስ ሚሼ ሺሾፍቴ። \* 20 ጊዶ አቲን ቢላይ ማናስ፤ ቡቂዲ ዎይኮ ሺይዲ ሞሬቶንታሶን፤ ካይሶይ ቦኪ ኤካና ዳንዳዩንታሶን ሄን ሳሎን ኢንቴስ ሚሼ ሺሼቴ። 21 ኔ ሚሻይ ዲዛሶን ኔ ዎዝናይ ሄን ዴስ።

22 “አይፌይ አሳቴሳስ ፖዎ፤ ሄሳ ጊሽ ኔ አይፌይ ፓፃ ጊዲኮ፤ ኔ ኩሜላ አሳቴሳይካ ፖዎ ጊዳና።  
 23 ኔ አይፌይ ሃርጋንቻ ጊዲኮ፤ ኔ ኩሜላ አሳቴሳይካ ዱማ ሃላ ጊዳና። ሂስቲኮ ኔናን ዲዛ ፖዎይ ዱማ ጊዲኮ፤ ቃሴ ዱማይ ዋኒዳ ጊርድ ጊዳ ዱማ ጊዳንዴ?

24 “ኢሲ አሲ ናምዑ ጎዳስ አሳና ዳንዳዩና። ኢሳ ኢዲ ናምዳንሶዛ ዶሳና፤ ዎይኮ ኢሳ ቦንቼዲ ናምዳንሳ ሴቃና፤ ዎሳሲኔ ሚሻስ ናምዳታስ ጋሲ አሳናስ ዳንዳዩቴና።

\* 5:48 ሌዌ 19:2፤ ዛሬ 18:13 \* 6:1 ማቶ 23:5 \* 6:5 ሉቃ 18:10-14 \* 6:19 ያቆ 5:2-3

**ዳር ቆጥፍቴ**

25 “ሄሳ ጊሽ ታ ኢንቴና ኢንቴ ዱሳ ጊሽ አይ ሚኖ? አይ ኡዩኖ? አይ ማይኒኖ? ጊዲ ሂርጎፍቴ ጋይስ። ሽምጋይ ቁማቴ፤ አሾይ ማይዎቴ አዴኔ? 26 አኔ ሳሎ ካፎታ ያሊቴ! ዜሬቴና፤ ማፄቴና፤ ዲዔን ቆሌቴና ሺን ኢንቴ ሳሎ አዋይ ኢስታ ሚዜስ። ኢንቴ ኢስታፊ ኬሂ አዴኬቴ? 27 አኔ ኢንቴፊ ዳር ዋዩቴዲ ባስ ኢሜቴዳ ሳይሳ ባላ ሃራ ኢሲ ጋላስ ጉጃና ዳንዳዩዛ አሲ ዲዜ? \*

28 “ቃሴ ማይዎ ጊሽ አዛስ ሂርጊቴ? አኔ ሮ ዴንባን ዲዛ ጨሻታ ያሊቴ፤ ዳቡራቴና ዎይኮ ሱቁቴና። 29 ሄሳ ጊሽ ታ ኢንቴና ጊዛይ ሃራይ አቶ ሺን ካዎ ሰሎሞኒካ ባ ቦንቾራ ሃ ጨሻታቴ ኢሲኔይ ማላ ሎዎ ማይኒቤና። 30 ኢንቴኖ ፓጩ አማኖይ ዲዛይቶ! ሃቺ አሳ አይፊን ቤቴዲ ዎንቶ ታማን ዎዳና ማታ ሃይሳሶ ማይዚዛ ያሲ ኢንቴና ሄሳፊ ሎዔሲ አሲ ማይዛናስ ዳንዳዩኔ? 31 ሄሳ ጊሽ ኑ አይ ማኔ? አይ ኡዩኔ? አይ ማይዓኔ? ጊዲ ሂርጎፍቴ። 32 ሃንኮ አማኖንታ አሳይ ሃይሳ ዴማናስ ዳር ቆጥፍቴ። ሃይሲ ወሪ ኢንቴስ ኮሺዛይሳ ኢንቴ ሳሎ አዋይ ኤሬስ። 33 ሃራቴ ሲንሳቴዲ ያሳ ካዎቴሳ ሂሎቴስ ኮዩቴ፤ ሃይቴ ወሪ ኢንቴስ ጉጃታና። 34 ሄሳ ጊሽ ዎንቶስ ኬሂ ቆጥፍቴ፤ ዎንቶ ሜቶይ ዎንቶስ አቆ፤ ኢሲ ኢሲ ጋላሳይ ባሲ ጊዲዛ ሜቶራ ዴስ።

**ሃራ አሳ ባላ ፐርዳናስ ኮሺና**

(ሉቃ 6:37-42)

1 “ኢንቴ ባላ ፐርዴቶንታ ማላ ሃራ አሳ ባላ ፐርዴፍቴ። 2 ኢንቴ ፐርዲዳ ማላ ኢንቴ ባላካ ፐርዴታና። ኢንቴ ማኪዳ ሚሻራ ኢንቴስ ማኬታና። \* 3 ኔ አይፊን ዲዛ ጊታ ሚሳ ቤዮንታ ዳሺ ኔ ኢሻ አይፊን ዲዛ ቁሪ ቡራ አዛስ ያላይ? 4 ኔ አይፊን ጊታ ሚሲ ዲሺን ኔ ኢሻ ‘አኔ ታ ኔ አይፊቴ ቁሪ ቡራዮ ኬሳይስ’ ጋናስ ዋና ዳንዳዩይ? 5 ኔኖ ቆዴቴ ቆሞን ሃሂዛይሶ ካሴታዳ ኔ አይፊን ዲዛ ጊታ ሚሳ ኬሳይቻ። ሄሳፊ ካላዳ ኔ ኢሻ አይፊን ዲዛ ቡራ ኬሳናስ ሎዔሳ ያላንዳሳ። 6 ባ ቶሆን ዩዶንታ ማላኔ ሲሚዲ ኢንቴና ሳሂ ዳኬሬሶንታ ማላ አንጄቴዳይሳ ካናታ ሲንሳን ዩጎፍቴ፤ ቃሴ ኢንቴ ዎርቃካ ጉዳንሳታ ሲንሳን ዩጎፍቴ።

**ዎሲቴ፣ ኮዩቴ፣ ቆፂቴ**

(ሉቃ 11:9-13)

7 “ዎሲቴ ኢንቴስ ኢሜታና፤ ኮዩቴ ኢንቴ ዴማና፤ ካሬ ቆፂቴ ኢንቴስ ዶዩታና። 8 ዎሲዳ ኡባስ ኢሜታና፤ ኮዩዛ አሲ ዴማና፤ ቆፂዛዴስ ካሬይ ዶዩታና። 9 ኢንቴ ጊዶፊ ኢሳዴስ ናይ ኡኬስ ዎሲኮ ሹቾ ኢሚዛ አዋይ ዳንዴ? 10 ዎይኮ ሞሌ ዎሲኮ ሹቾ ኢሚዛዴይ ዳንዴ? 11 ሂስቴን ኢንቴ ኢታታ ጊዲ ኡቴዲ ኢንቴ ናይታስ ሎዎ ሚሽ ኢሞ ኤሪዛይታ ጊዲኮ ኢንቴ ሳሎ አዋይ ኢዛ ዎሲዛይታስ ዋኒዲ አዲዛ ሎዎ ሚሽ ኢሜኔ? 12 ሄሳ ጊሽ ሃራ አሲ ኢንቴስ አሳና ማላ ኢንቴ ኮዩዛይሳ፤ ኢንቴካ ሃራታስ አሲቴ። ሙሴ ዎጋይኔ ናቤቴ ሃይሳን ኩዩቴስ። \*

**አሆ ፔንጌኔ ፀንሳ ፔንጌ**

(ሉቃ 13:24)

13 “ፀንሳ ፔንጌራ ጌሊቴ፤ ዳዮሶ ኤሬዛ አጌይ ጊታ፤ ፔንጌይካ አሆ፤ ዳር አሳይ ሄ ፔንጌዛራ ጌሌስ። 14 ዴዎስ ጋሲዛ አጌይ ጊዲኮ ፀንሳ፤ ፔንጌይካ ፀንሳ፤ ጌላናይቴካ ጉሳታ ሃላላ።

**ዎርዶ ናቤታ**

(ሉቃ 6:43-44)

15 “ኢስታስ ጊዶ ባጋይ ካና ሱይቴ ማላ ጊዲ ኡቴዲኔ ዶርሳ ኢቴ ማይኒዲ ኢንቴ ጊዶ ጌሊዲ ጊዶራ አሲዛ ዎርዶ ናቤታቴ ናጌቴቴ። \* 16 ኢንቴ ኢስታ፣ ኢስታ አሶን ኤራንዴታ። አጉንሳ ዎራቴ ዎይይ፤ ከንዲቾ አጉንሳፊ ባላሴ አይፊይ ማይቴዜ? 17 ሄሳሶካ ሎዎ ሚሲ ወሪ ሎዎ አይፊስ፤ ኢታ ሚሲካ ኢታ አይፊ አይፊስ። 18 ሎዎ ሚሲ ኢታ አይፊ አይፋናስ ዳንዳዩንታይሳ ማላ ኢታ ሚሲ ሎዎ አይፊ አይፋናስ ዳንዳዩና። 19 ሎዎ አይፊ አይፎንታ ሚሲ ወሪካ ቃንፄታና ኔ ታማን ዩጌታና። \* 20 ሄሳ ጊሽ ኢንቴ ኢስታ ኢስቴ አይፊዛ አይፊን ሻኪ ኤራና። \*

21 “ሳሎን ዲዛ ታ አዋ ሽኔ ፖሎንታ ዲሽ ታና ‘ጎዶ! ጎዶ!’ ጊዛይ ወሪ ሳሎ ካዎቴስ ጌሌና። 22 ሄ ጋላስ ዳርቴ ‘ጎዶ! ጎዶ! ኑኔ ኔ ሱንሳን ቴንቢቴ ዮቴቤኮኒ? ኔ ሱንሳን ዳይዳንሲ ኬሲቤኮኒ? ኔ ሱንሳን ዳር ማላታ አሲቤኮኒ?’ ጋና። 23 ሄ ዎዴ ታ ኢስታስ ‘ታ ኢንቴና ሙሌካ ኤሪኬ! ኢንቴ ኢታቴ ታቴ ሃኪቴ’ ጋዳ ቆንጩራ ታ ኢስታስ ዮታና።

**ኬሴ ኬፂዛ ኤዶኔ ኤራ አሳ ሴሚሶ**

(ሉቃ 6:47-49)

24 “ሂስቴኮ ሃይሳ ታ ቃላ ሲይዲ አሶን ፔይሺዛይይ ባ ኬሴ ዛላ ባላ ኬፂዛዴ ሚሳቴስ። 25 ዴዎ ኢራይ ቡኪን፤ ሃርይካ ሃርቴዴስ፤ ጫርኮይካ ጫርኪዴስ፤ ኬሳካ ሱጊዴስ ሺን ዛላ ባላ ኬፂቴዳ ጊሽ ኩንዲቤና።

\* 6:27 ባስ ኢሜቴዳ ሳይሳ ባላ ሃራ ኢሲ ጋላስ ጉጃና ዳንዳዩዛ አሲ ዲዜ? ጊዛይሳ ኢሲ ኢሲ ጊሻ ማፄታ ቢርሼላን “ባሲ ዲዛ አዳሳቴሳ ባላ ኢሲ ዋዳ ፑዴ ጉጃናስ ዳንዳዩዛ አሲ ዲዜ?” ጊዛዚ ዴስ። \* 7:2 ማር 4:24 \* 7:12 ሉቃ 6:31 \* 7:15 ካና ሱይቴ ኢሲ ኢሲ ባጋ ጋሞሶ ቃላን ሱዳሜ ጌቴቴስ። \* 7:19 ማቶ 3:10፤ ሉቃ 3:9 \* 7:20 ማቶ 12:33

26 “ሃይሳ ታ ቃላ ሲይዱ አሰንታዬይ ጊዲኮ ባ ኬሴ አጩ ቦላ ኬዲዳ ኤያ አሳ ማላ። 27 ደዎ ኢራይ ቡኪን ሃሮይካ ሃሮቲደስ፤ ጫርኮይካ ጫርኪደስ፤ ሄ ኬሳካ ሱጊደስ፤ ኬሳይካ ኢታ ኩንደስ ኩንዲደስ” ጊደስ። 28 ዩሱሲ ታማርሲ ወርሲን አሳይ ኢዛ ቲግርቴዛን ማለሌቲደስ። 29 ጋሶይካ ሙሴ ዎጋ ታማርሲዛይታ ማላ ጊደንታ ኢዚ ጎዳቴሲ ዲዛ አሳ ማላ ታማርሲደስ።

8

**ዩሱሲ ኢንቺራቻ ሃርጊይ አይኪዳ አደዛ ፓሲደስ**

(ሉቃ 6:37፣ 41-42)

1 ዩሱሲ ዙማ ቦላፌ ዎዲን ዳሮ ደሬይ ኢዛ ካሊደስ። 2 ኢሲ ኢንቺራቻ ሃርጊይ ዲዛይይ ዩሱሳኮ ሸቂዲ ኢዛ ሲንሳን ጉልባቲዲ “ጎዶ! ኔ ኮይኮ ታና ፓሳናስ ዳንዳያሳ” ጊደስ \* 3 ዩሱሲ ባ ኩሼ ዩዲዲ “ታ ደሳዲስ፤ ፓዓ!” ጊን አደዚ ሄ ሃርጊዛፔ ሄራካ ፓዒደስ። 4 ቃሴካ ዩሱሲ አደዛ “ኔ ፓዒዳይሳ አናስካ ዮቶፓ፤ ጊዶ አቲን ባዳ ኔና ቄሴስ ቤሳ። ኢስቲ አዛዚዳ ያርሾዛ ጋሳ፤ ሄሲካ ኢስታስ ማርካ ጊዳና” ጊደስ።

**ዩሱሲ ማቶ ሃላቃዛ አሽካራ ፓሲደስ**

(ሉቃ 7:1-10)

5 ዩሱሲ ቂሬርናሆሜ ጋኪዳ ማላ ማቶ ሃላቃይ ኢዛኮ ሸቂዲ ኢዛ ሂዝጊ ዎሲደስ። 6 “ጎዶ! ታ አሽካራይ ኬሂ ሳኬቲዲ ኬሳን ኢቺዲ ደስ” ጊደስ።

7 ዩሱሲካ ኢዛስ “ታ ባዳ ፓሳና” ጊደስ። 8 ማቶ ሃላቃይ ኢዛስ ዛሪዲ “ታ ኔና ታ ኬሴ ጌልሳናስ ቤሲዛደ ጊዲኬ፤ ጊዶ አቲን ኔ ሃን ዳዳ ኢሲ ቃላ ሃላ ጊኮ ታ አሽካራይ ፓዓና። 9 ታስካ ታና አዛዚዛ ሃላቃቲ ታፔ ቦላራ ደቴስ፤ ቃሴካ ታስ አዛዜቲዛ ዎታዳራቲ ታፔ ጋርሳራ ደቴስ፤ ኢስታፌ ኢሳ ‘ባ!’ ጊኮ ቤስ፤ ቃሴ ኢሳ ‘ሃያ!’ ጊኮ ዩስ፤ ታ አሽካራ ‘ሄሳ አሳ!’ ጊኮ አሴስ” ጊደስ።

10 ዩሱሲ ኢዛ ዛርዛን ማለሌቲዲ ባና ካሊዛይታስ “ታ ኢንቲስ ቱሙ ጋይስ፤ ሃራይ አቶሺን ኢስራዴሌታ ጊደን ሃይሳ ማላ አማኖይ ዲዛደ ኢሳደካ ደማቤኬ። 11 ታ ኢንቲስ ዮታይስ፤ ዳርቲ አዎ አርሼይ ሞኪዛ ባጋፌ ወሊዛ ባጋፌ ያና። ሳሎ ካዎቴሳ ማዳን አብራሃሜንታራ ዩሳቃንታራ ኔ ያቆቤንታራ ኢሲፌ ኡታና። \* 12 ሳሎ ካዎቴሲ ኢስታስ ጊዳና ቤሲዛ አሳቲ ሄን ካሬ ዱማን ዩጊታና። ሄንካ ዩሆይ ኣቻ ጋርጩኾ ጊዳና” ጊደስ። \* 13 ዩሱሲካ ማቶ ሃላቃስ “ኔ ባ ኔ አማኖ ማላ ኔስ ሃኖ” ጊደስ፤ አሽካራዚ ሄራካ ፓዒደስ።

**ዩሱሲ ዳርታ ፓሲደስ**

(ማር 1:29-34፤ ሉቃ 4:38-41)

14 ዩሱሲካ ቡሮ ጴጦሮሳ ኬሴ ጌልሺን ጴጦሮሳ ቦሎቴያ ሚሾ ሃርጊ ሳኬታዳ ኢቺዳሮ ቤዩደስ።

15 ኢዚ ኩሼ ዩሱሲ ቦቺን ሚሾ ሃርጊይ አጊደስ። ኢዛካ ደንዳዳ ዩሱሳ ሞካዱስ።

16 ሄ ጋላሳ አማሪስ ዳይዳንሲ አይኪዳ ዳሮ አሳታ ዩሱሳኮ ኤሂዳ። ኢዚካ ቱና አያናታ ባ ቃላራ ኢስታፌ ኬሲደስ፤ ሃርጋንቻታካ ኡባ ፓሲደስ። 17 ኢሳያሲ “ኢዚ ኑ ሃርጊ ኤኪደስ፤ ኑ ሳኮካ ቶኪደስ” ጊዳ ቃላይ ሃይሳን ፖሎቲደስ።

18 ዳሮ አሳይ ኢዛ ጊዶሲዳይሳ ቤዩዲ ዩሱሲ አሳ አባፌ ሄ ፒንስ ፒናና ማላ አዛዚደስ። 19 ሄሳ ዎደ ኢሲ አይሁዳ አማኖ ታማርሲዛይይ ኢዛኮ ሸቂዲ “አስታማሬ! ኔ ቢዛሶ አዋካ ታ ኔና ካላና” ጊደስ።

20 ዩሱሲካ ኢዛስ ዛሪዲ “ዎርካናታስ አላይ ደስ፤ ሳሎ ካፎታስ ኬሲ ደስ፤ ታስ አሳ ናስ ጊዲኮ ሁዔ ጌልሲዛሶይ ባዎ” ጊደስ።

21 ኢዛ ካሊዛ ኢሲ ሃራ አሲ ቃሴ “ጎዶ! ኮይኮ ባዳ ታ አዎ ሞጎ?” ጊደስ። † 22 ኢዚ ቃሴ “ሃይቂዳይቲ ባ ሃይቂስ ሞጌቶ፤ ኔኔ ጊዲኮ ታና ካላ” ጊደስ።

**ዩሱሲ አባ ዳምባላ ጮው ሂስቲደስ**

(ማር 4:35-41፤ ሉቃ 8:22-25)

23 ሄሳፌ ጉዩ ዩሱሲካ ዎጎሎን ጌሊን ኢዛ ካሊዛይቲካ ኢዛራ ኢሲፌ ቤዳ። 24 ቆፖንታ አባ ጊደን ዳምባላይ ደንዲዲ ዎጎሎኖ ሚታና ጋካናስ ኢስታ ዋይሲደስ። ሄሲ ወሪ ሃኒሺን ዩሱሲ ዲስኪደስ። 25 ኢዛ ካሊዛይቲ ኢዛ ቤጎሲዲ “ጎዶ! ኑ ዳዮስ፤ ኑና አሻ!” ጊዳ።

26 ዩሱሲካ ኢስታ “ኢንቲኖ አማኖይ ፓጩዳይቶ! አዛስ ሃይሳ ማላ ባቤቲ?” ጊደስ። ሄሳፌ ደንዲዲ ጫርኮዛኔ አባ ዳምባላ ኢዚ ሃንቂን ሄራካ ሲርጵ ጊደስ።

27 ኢስቲካ “ሃይሲ አባይኔ ጫርኮይካ ኢዛስ አዛዜቲዛይይ ኢዚ ዋኒዳደ?” ጊዲ ማለሌቲዳ።

**ቱና አያናፔ ፓዒዳ ናምዑ አሳታ**

(ማር 5:1-20፤ ሉቃ 8:26-39)

28 ኢዚ አባ ፒኒዲ ጌርጌሴኖኔ ጌቲቲዛ ደሬ ጋኪዳ ማላ ዳይዳንሲ አይኪዳ ናምዑ አስ ዳይቲ ባ ዲዛ ዱፎፔ ኬዚዲ ኢዛራ ጋጊዳ። አሲ ሄ አጌዛራ አዳናስ ዳንዳዮቶንታ ማላ አሳስ ዳሮ ኬሂ ሜቶ ጊዲ ደቴስ። 29 ኢስቲካ “ያሳ ናዉ! ኔስ ኑናራ አዛ ኢሲፌቴስ ዲዜ? ኑ ዎደይ ጋኮንታ ዲሺን ኑና ፁጋና ያዲ?” ጊዲ ዋሲዳ።

\* 8:2 ኢንቺራቻ ጌሻ ማገፋይ ቆንጫሲዛ ማላ አሳቴሳ ቦላ ቦላራ ጋልባን ኬዚዛ ዱማ ዱማ ሃርጊታ ኡባ ቤሴስ። \* 8:11 ሉቃ 13:29 \* 8:12 ማቶ 22:13፤ 25:30፤ ሉቃ 13:28 † 8:21 ታ አዎ ሞጎ? ኢዛ አዋይ ሃይቃና ጋካናዉ ሄሚዲ ሃይቂኮ ሞጊ ያናስ ዲዛ ኢዛ አዋዛ ቤሲዛ ሚሳቴስ።

30 ሄን ኢስታፌ ጉስ ሃኪዲ ዳር ጉዳንሳ ወደደ ኢሲ ቦላ ሄሜቴስ። 31 ዳይዳንሳቲ ዩሱሳ “ኔ ኑና ኬሳና ጊዲኮ ሃይታን ዳር ጉዳንሳታን ኑ ጌላና ማላ ኑስ ፒቃዴ ኢማ” ጊዲ ዎሲዳ። 32 ዩሱሱካ ኢስታ “ቢቱ!” ጊዲስ። ዳይዳንሳቲካ ኢስታፌ ኬዚዲ ጉዳንሳታን ጌሊዳ። ጉዳንሳቲ ወሪካ ባ ዲዛሶ አፎራ ቢቻርፎ አባን ጌሊዲ ሃሳን ሚቴቲዲ ሃይቂዳ።

33 ጉዳንሳ ሄሚዛይቲ ኤሌሊዲ ካታማይ ዲዛሶ ቢዲ ጉዳንሳይ ሃኖይሳኔ ዳይዳንሳ ኢስታ አይኪዳ አሳታ ቦላ ሃኒዳይሳ ኡባ አሳስ ዮቲዳ። 34 ካታማ አሳይ ወሪ ዩሱሳራ ጋጋናስ ኬዚዲስ። ዩሱሳ ቤዩዲኔ ኢስታ ዴሬ ዩዲ ባና ማላ ኢዛ ዎሲዳ።

9

**ጉንዳ አዴዛ ፓዎ**  
(ማር 2:1-12፤ ሉቃ 5:17-26)

1 ሄሳፌ ጉዩ ዩሱሱ አባ ቦላ ዎጎሎራ ፒኒዲ ካሴ ባ ዲዛ ካታማ ዩዴስ። 2 ሄን ኢሲ ጉንዳ አዴዛ፤ አሳይ ሃላራ ቶኪዲ ዩሱሳኮ ኤሂዴስ። ዩሱሱካ ኢስታ አማኖ ቤዩዲ ጉንዳ አዴዛ “አይኮይ ባ፤ ሃይሶ ናዘ! ኔ ናጋራይ አቶ ጌቴቲዴስ” ጊዲስ። \*

3 ሄ ዎዴ ሙሴ ዎጋ ታማርሲዛይቲ “ሃይሲ ዎሳ ጫሻ” ጊዲ ባ ዎዘናን ቆፒዳ።  
4 ዩሱሱ ኢስታ ቆፋ ኤራዲ “ኢንቴ ዎዘናን ኢታ ዮዎ አዛስ ቆፕቲ?” 5 “ኔ ናጋራይ አቶ ጌቴቲዴስ” ጉሳፌኔ ‘ዴንዳዳ ባ!’ ጉሳፌ አዎይሲ ካወሹ? 6 ጊዶ አቲን አሳ ናስ ቢታ ቦላ አሴ ናጋራፔ ማራናስ ሸኔይ ዲዛይሳ ኤራና ማላሳ” ጊዲ ጉንዳ አዴዛ “ዴንዳ! ኔ ሃላ ኤካዳ ጌዴ ኔሶ ባ” ጊዲስ። 7 ጉንዳ አዴዚካ ዴንዲዲ ባሶ ቢዴስ። 8 ዴሬይካ ሄሳ ቤዩዲ ማላሌቴሳኒኔ ባቦን ኩሚዲ ሃይሳ ሲሬ ጎዳቴሲ አሳስ ኢሚዳ ዎሳ ጋላቲዴስ።

**ዩሱሱ ማቶሳ ዪይጊዴስ**  
(ማር 2:13-17፤ ሉቃ 5:27-32)

9 ዩሱሱ ሄፔ ዴንዲዲ ቢሹ ኢሲ ማቶሳ ጌቴቲዛይዴ ቃራፃ ቃንጊሲዛሶን ኡቲዳይሳ ቤዩዲ “ታና ካላ!” ጊን፣ ዴንዲዲ ኢዛ ካሊዴስ።

10 ዩሱሱ ማቶሳሶን ማዳ ቦላ ዲሺን ዳር ቃራፃ ቃራጊዝይቲኔ ናጋራንቻቲ ኢዛኮ ዩዲ ኢዛራኔ ኢዛ ካሊዛይታራ ኢሲፌ ማናስ ኡቲዳ። 11 ፋርሳዌቲ ሄሳ ቤዩዲ ዩሱሳ ካሊዛይታ “ኢንቴና ታማርሲዛይሲ ቃራፃ ቃንጊሲዛይታራኔ ናጋራንቻታራ ዎስቲ ኢስታራ ኢሲፌ ካስ ሚዜ?” ጊ አይቺዳ።

12 ዩሱሱካ ኢስቲ ጊዛይሳ ሲይዲ ኢስታ “አኪሜይ ኮሺዛይ ሳኬቲዳይታስ አቲን ሳኬቶንታ ፓፃታስ ጊዴና። 13 ሄሳ ጊሽ ‘ኢንቴ ቢዲ ያርሾ ጊዶንታ ማሮቴስ ዶሳይስ’ ጊዛ ቃላ ቢርሼስ ታማራቴ። ናጋራንቻታ ዪይጋና ያዲስ አቲን ጊሎታ ዪይጋናስ ያቤኬ” ጊዴስ። \*

**ዩሱሳ ካሊዛይቲ ዎማ ዎዎንታ ጋሶ**  
(ማር 2:18-22፤ ሉቃ 5:33-39)

14 ፃማቂዛ ዮሃኒሳ ካሊዛይቲ ዩሱሳኮ ዩዲ “ኑኒኔ ፋርሳዌቲ ዎሚሺን ኔና ካሊዛይቲ አዛስ ዎሜቴኔ?” ጊ አይቺዳ።

15 ዩሱሱ ኢስታስ “ሚሺራ ላጌቲ ሚሺራዚ ኢስታራ ዲሺን ሙዞታና ቤሲዜ? ሚሺራይ ኢስታፌ ኤኬታና ዎዴይ ያና፤ ኢስቲ ሄ ዎዴ ዎማና።

16 “ጋልዓ ማይዎ ቦላ አራሳ ዎሶ ዎሲ ሲኪዛ አሲ ዴና። ጋልዓ ቦላ አራስ ዎሲ ሲኪኮ አራሳዚ ጋላዛ ፔዴሬሲዲ ሃ ዳሲ ዳሪሳና። 17 አኒካ አራሳ ዎይኔ ጫጄ ጋልዓ ሉካዎን ጉጀና። ጉጀዛ ጊዲኮ ሉካዎዚ ዱቃና፤ ዎይኔ ጫጄዚካ ጉካና፤ ሉካዎዚካ ጎዓይ ባይንዳዚ ጊዳና። ጊዶ አቲን አራሳ ዎይኔ ጫጄይ አራሳ ሉካዎዛን ጉጀቴስ። ሄሳ ማላራ ዎይኔ ጫጄዚኔ ሉካዎዚ ሎዎ ናጌቲዲ ጋምዓና” ጊዴስ። †

**ያዲርሳ ናዮኔ ዩሱሳ አፋላ ማጫራ ቦቺዳ ማጫሳዮ**  
(ማር 5:21-43፤ ሉቃ 8:40-56)

18 ዩሱሱ አሳ ሃሳይሶን ዲሺን ኢሲ ሹሜይ ኢዛ ሲንሳን ኩንዲዲ “ታስ ና ዳራ ሃይቃና ጋወስ። ኢዛ ፓፃ ዳና ማላ ያዳ ኔ ኩሼ ኢዚ ቦላ ዎሳርኪ?” ጊን፣ 19 ዩሱሱ ዴንዲዲ ኢዛራ ቢዴስ፤ ዩሱሳ ካሊዛይቲካ ኢዛራ ቢዳ።

20 ታማኔ ናምዑ ላይስ ኩሜስ ኢዚፔ ሱሲ ጉኪዛ ኢሲ ማጫሲ ዩሱሳፔ ጉዩራ ያዳ ኢዛ አፋላ ማጫራ ቦቻዱስ። \* 21 ኢዛ ሄሳ አሲዳይ “ታ ኢዛስ አፋላ ማጫራ ቦቺዳኮ ፓፃና” ጊዛ አማኖይ ኢዚ ዎዘናን ዲዛ ጊሽ ቦቻዱስ።

22 ዩሱሱካ ጉዩ ሲሚ ዪሊዲ ማጫሳዮ “አይኮይ ባ፣ ታ ናዩ፤ ኔና ኔ አማኖይ ፓሲዴስ” ጊን ማጫሳዮ ሄራካ ፓፃጋዱስ።

23 ዩሱሱካ ሹሜዛ ሶ ማታ ጋኪሺን ዴሬይ ዛዩራኔ ዲንኬራ ዋሲሹ ዩኪዛይሳ ቤዲዲ፣ 24 “ኪቺቱ! ናዮ ዲስካዱስ አቲን ሃይቃቤኩ” ጊን ኢስቲ ኢዛ ቦላ ሚጫዳ። 25 ዴሬይ ወሪ ኬሳፌ ኬዚን ኢዚ ኬሴ ጌሊዲ ናይ ኩሼ አይኪዴስ፤ ናዮካ ዴንዳ ኤቃዱስ። 26 ኢዛ ጎባቴሲ ሄ ዴሬ ኡባን ሴቴቲዴስ።

**ዩሱሱ ዱና ዱዴዛኔ ቆቂታ ፓሲዴስ**

\* 9:2 ሃላ፣ ኢሲ ኢሲ ባጋ ጋዎሶ ቃላን ሃላ ጉሲ ዛጳ ጉሳ። \* 9:13 ማቶ 12:7 † 9:17 ሉካዎ፣ ኢሲ ኢሲ ባጋ ጋዎሶ ቃላን አጎሮ ጉሳ። \* 9:20 ታይ 15:38፤ ዛሬ 22:12



27 ዮሴፊክ ሄፔ ቢሺን ናምዑ ቆቁቲ “ዳወቴ ናወ! ኑና ማራሪኪ!” ጊዲ ሞሲሽ ኢዛ ጌዶ ካሊዳ።  
 28 ቆቁቲክ ዮሴፊ ጌሊዳ ኬሳ ኢዛ ካሊዲ ጌሊዳ። ዮሴፊክ ኢስታ “ታ ኢንቴ አይፌ ፓላና ዳንዳሊዳላ አማኔቲ?” ጊዲ አይቺደስ። ኢስቲክ “ኤ፣ ጎዶ!” ጊዳ።  
 29 ሄሳፌ ጉዩ ዮሴፊ ኢስታ አይፌ ቦቺዲ “ኢንቴ አማኖ ማላ ኢንቴስ ሃኖ!” ጊደስ። 30 ኢስታ አይፌይካ ሄሊደስ። ዮሴፊክ “ሃይሳ አኒካ ኤርንታ ማላ” ጊዲ ሚንሳ ዮቲደስ።  
 31 ጊዶ አቲን ኢስቲ ቢዲ፣ ሄራ ኡባሶን ዮሴፊ ጊሽ ዎሬሲዳ። 32 ኢስቲ ሄፔ ኬዚሽን ዳይዳንሳ አይኪዳ ኢሲ ዱና ዱደ አስ ዮሴፊክ ኤሂዳ። 33 ዳይዳንሳዚ ኬዚዳፔ ጉዩ ሄ ዱና ዱደ አደዚ ሃሳዩ አይኪደስ፤ ደሬዚካ ማላሌቲዲ “ሃይሳ ማላ ሃኖይ ኢስራዔል ቢታን ሃኒን ኑ ቤዩ ኤርኮ” ጊዳ።  
 34 ጊዶ አቲን ፋርሳዌቲ ዛሪዲ ኢዛ “ዳይዳንሳ ኬሲዳይ ዳይዳንሳታ ሃላቃና” ጊዳ። \*

**ዮሴፊ አሳስ ሚቼቲደስ**

35 ዮሴፊ አይሁዳታ ምሳ ኬሳን አይሁዳታ ታማርሲሽኔ ምሳ ካዎቴሳ ሚሺራቾ ቃላ ዮቲሽ ቃሴካ ሃርጌ ኡባፌ አሳ ፓሲሽ ጉታታን ጉታታን ዩዩደስ። \* 36 አሳይ ወሪ ሄሚዳይ ዳይንዳ ዶርሳ ማላ ኬሂ ሜቶቲዲ ሄሊዳይ ዳይንዳደ ጊዲዳይሳ ቢዩዳ ዎደ ኢስታስ ዳር ሚሽቲደስ። \* 37 ባና ካሊዳይታስካ “ማግ ጋኪዳ ካሳይ ዳር ሺን ማግ ሺሽዳይቲ ጉሳታ። 38 ሄሳ ጊሽ ካሳ ጎዳይ ካሳኮ አሳንቻታ ዩዳና ማላ ዎሲቲ!” ጊደስ።

**ዮሴፊ ካሊዳ ታማኔ ናምዳታ ኪቴቴስ (ማር 3:13-19፤ ሉቃ 6:12-16)**

1 ዮሴፊ ባና ካሊዳ ታማኔ ናምዳታ ባኮ ሄይጊዲ፣ ኢስቲ ቱና አያናታ ኬሳና ማላ ቃሴካ ሳኮፔኔ ሃርጌፌ ፓላና ማላ ኢስታስ ጎዳቴስ ኢሚደስ። 2 ታማኔ ናምዑ ሃሞሬታ ሱንሳይ ሃይሳፌ ካሊዳይሳ፤ ኮይደ ጳፅርሳ ጌቲቲዛ ሲሞና፣ ኢዛ ኢሻ ኢንዲራሳ፣ ዛቢዶሳ ና ያቆቤኔ ኢዛ ኢሻ ዮሃኒ፣ 3 ፒሊጶሳኔ ባርቴሌሞሳ፣ ቶማሳኔ ቃራግ ሺሽዛ ማቶሳ፣ ኢልፊዮሳ ና ያቆቤኔ ታዶሳ፣ 4 ባ ባጋስ ሚሽቲዛ ሲሞና፤ ጉዩፔ ዮሴፊ ሃይቆስ አሳ ኢሚዳ አስቆርንቶ ዩሁዳ። \*†

5 ሃይታ ታማኔ ናምዳታ ኡባ “ጌደ አይዛቢታ ጋስ ቦፒቴ፤ ሳማሪያ አሳ ካታማ ጌሎፒቴ። 6 ጊዶ አቲን ኢስራዔል ደሬ ጋርሳፌ ዳይዳ ዶርሳታኮ ቢቴ። 7 ቢዲኔ ‘ሳሎ ካዎቴስ ማቲደስ!’ ጊዲ ሳባኪቴ። \* 8 ሃርጋንቻታ ፓሲቴ፣ ሃይቂዳይታ ሃይቆፔ ደንሳቴ፣ ኢንቺራቻ ሃርጊዳይታ ጌሺቴ፤ ዳይዳንሳታ ኬሲቴ፤ ኢንቴ ሚላ ኤኪዳይሳ ሚላ ኢሚቴ፤ 9 ዎርቃ፣ ቢራ ዎይኮ ሃርቂማላ ጊደን ኢንቴ ኬሴን አይኮፍቴ። 10 አሳንቻስ ሃቺስ ሃቺስ ጊዲዛዚ ኮሺዛ ጊሽ ኢንቴ አኒስ ጊዲ ሺንቅ፣ ኮሾንታ ማይዎ፣ ጫማ ዎይኮ ጉፌ ኤኪ ቦፒቴ። \*

11 “ኢሲ ካታማ ዎይኮ ኢሲ ጉታ ኢንቴ ጌሊዳ ዎደ ኢንቴና ሞካናደ ኮዩ ደሚዲ ኢዛ ኬሳን ሽምፒቴ፤ ሄፔ ኬዛና ጋካናስ ሄን ዲሺቴ። 12 ኢንቴ እና ኬሲካ ጌሊሽ ‘ሳር’ ጊቴ። 13 ሄ ኬሳይ ሳርታይ ቤሲዛ ኬሴ ጊዲኮ ኢንቴ ሳርታይ ሄ ኬሳስ ጊዶ፤ ሶርታይ ቤሶንታ ኬሴ ጊዲኮ ኢንቴ ሳርታይ አጊዲ ኢንቴስ ሲሞ። 14 አይ አሲካ ኢንቴና ሞኪ ኤካናሲኔ ኢንቴ ጊዛ ሲያናስ ኮዮንታደ ጊዲኮ ሄሳደ ኬሳፌ ዎይኮ ሄ ካታማፔ ኬዚሽ ኢስታ ቦላ ዩዛ ጎሜፔ ኢንቴ አቲዳይሳስ ማርካ ጊዳና ማላ ኢንቴ ቶሆ ቦላ ዲዛ ጉዱላ ፒቲዲ ኬዚቴ። \* 15 ታ ኢንቴስ ቱሙ ጋይስ፤ ፐርዳ ጋላስ ሄ ካታማይ ቦላ ጋካና ፐርዳይ ሶዶሜ ቦላን ጋሞራ ቦላ ጋኪዳ ፐርዳፌ ደዎ ጊዳና። \*

16 “ታ ኢንቴና ዶርሳ ማላ ካና ሱይቴታ ጊዶራ ኪታይስ። ሄሳ ጊሽ ሾሻ ማላ ጩንጫታኔ ሃራጵ ማላ አሽኬታ ጊዲቴ። \* 17 አሳይ ኢንቴና አይኪዲ ፐርዲዛ ዱላታስ ሺሻና፤ አይሁዳቲ ባ ምሳ ኬሳን ኢንቴና ጋራፋና፤ ሄሳ ጊሽ ኢስታፌ ናጌቲቴ። \* 18 ታ ጊዶን ደሬ ሃሪዳይታኮ ካዎታኮ ኢንቴና ኤፋና፤ ኢስታ ሲንጮኒኔ አማኖንታ አሳታ ሲንሳን ኢንቴ ማርካ ጊዳና። 19 ኢንቴና ኢስቲ አይኪዛ ዎደ ‘ኑ አይ ጊ ሃሳዩኖ? ዎዘጊ ዛር ኢሚኖ?’ ጊ ሂርጎፍቴ። ሄ ዎደ ኢንቴ ጋናዚ ኢንቴስ ኢሚታና። 20 ኢንቴናን ሃሳያናይ ኢንቴ አዎ አያናፔ አቲን ኢንቴና ጊደኬታ።

21 “ኢሻይ ባ ኢሻ ሃይቆስ አሳ ኢሚኖ፤ አዎይ ባ ና ቦላ፣ ናይቲ ባና ዩሊዳይታ ቦላ ማካላቴሳን ደንዲዲ ሃራ አሳን ዎዲሳና። 22 ታ ጊሽ አሲ ወሪካ ኢንቴና ኢዳና። ጊዶ አቲን ወርሴስ ጋካናስ ሚቅኒ ኤቂዳይ ኢዚ አታና። \* 23 አሳይ ኢንቴና ኢንቴ ዲዛ ሄራፔ ጎዲኮ ሃራሶ ኪቺቴ! ታ ኢንቴስ ቱሙ ጋይስ፤ ኢንቴ ኢስራዔል ካታማ ኡባ ጋኮንታ ዲሺን ታ አሳ ናይ ያና።

\* 9:34 ግጥ 10:25፤ 12:34፤ ማር 3:22፤ ሉቃ 11:15 \* 9:35 ግጥ 4:23፤ ማር 1:39፤ ሉቃ 4:44 \* 9:36 ማር 6:34  
 \* 10:4 ባ ባጋስ ሚሽቲዛ ሲሞና ሃይሲ ሃ ሱንሳይ ጉጂቲዳይ ኢሲ ኢሲ አሳቲ ኢዚ ባ ሃይማኖቲካስ ሚሽቲዛ ጊሻሳ ጌቲስ። ሃራቲ ቃሴ ኢዚ ኢሲ አሳ አይሌቴሳፌ ኬሲዛ ኢሲ ዲርጂቲ ጊዶን ዲዛ ጊሻሳ ጌቲስ። † 10:4 አስቆርንቶ ሃይሳ ሃ ቃላ ጊሽ ሺቂዛ ናምዑ ቆቁቲ ደሬቲስ፤ ኢሶይ ዩሁዳይ አስቆርንቶ ጊዛ ደሬፔ ዩዳይሳ ቤሳናስ ጎሜቲሽን ሃራይቲ ቃሴ ዩሁዳ፣ ዎርዳንቻኔ ባሌሳዳይሳ ጊዲ ጫያናስ ጎሜቲዛ ሱንሳ ጌቲስ። \* 10:7 ሉቃ 10:4-12 \* 10:10 1ቆር 9:14፤ 1ጊዎ 5:18 \* 10:14 ሃዎ 13:51  
 \* 10:15 ግጥ 11:24 \* 10:16 ሉቃ 10:3 \* 10:17 ማር 13:9-11፤ ሉቃ 12:11-12፤ 21:12-15 \* 10:22 ግጥ 24:9፤ ማር 13:13፤ ሉቃ 21:17

24 “አሽካራይ ጎዳፔ ዎይኮ ካሊዛዴይ ካሌሲዛዴሬ አደና። \* 25 ታማሬይ ባና ታማርሲዛይሳ ማላ ዎይኮ አሽካራይ ጎዳ ማላ ጊዲኮ ሄሲ ኢዛስ ጊዳና። ኬሳ አዋ ‘ቢዔሊዜቡላ’ ጊኮ ሶ አሳ አይሲ ሄሳሬ ኢታ ጌቴ። \*

26 “ሄሳ ጊሽ ኢስታስ ባቦፍቴ፤ ጌጫቴዳይ ቆንጮንታ ቆቴቴዳይ ጊሽ ኪዞንታ አቴና። \* 27 ታ ኢንቴስ ዲማራ ዮቴዳይሳ ፖፖን ሃሳዬቴ፤ ሃይሳን ሲዩዳይሳ ቆንጮን ሃሳዬቴ። 28 አሾ ዎዲኮሬ አቴን ሽምፖ ዎዳናስ ዳንዳዮንታይታስ ባቦፍቴ፤ ሄሳሬ አሾኔ ሽምፖ ጋሲ ጋናጫ ታማን ዳይሳናስ ዳንዳዩዛይሳስ ባቢቴ። 29 ኢሲ ሳንቴን ባይዜቴዛ ናምቡ ሲኔ ካፎታፔ ኢሲኒያካ ኢንቴ ሳሎ አዋ ሽኔይ ባይንዳ ጮ ኩንዳ አቴኩ። † 30 ሃራይ አቶ ሺን ኢንቴ ሁዔ ቢናናይካ ታዩቦን ዴስ። 31 ሄሳ ጊሽ ባቦፍቴ። ዳሮ ሲኔ ካፎታፔ ኢንቴ ዋጋይ አዲ ቦንጅቴዳዛ።

32 “አሳ ሲንሳን ታስ ማርካቴዛዴስ ታካ ሳሎን ዲዛ ታ አዋ ሲንሳን ኢዛዴስ ማርካታና። 33 ቃሴ አሳ ሲንሳን ታና ካዲዳይ ታካ ሳሎን ዲዛ ታ አዋ ሲንሳን ኢዛ ካዳና። \*

34 “ታ ቢታ ቦላ ሳሮቴስ ኤሃናስ ዩዳ ኢንቴስ ሚሳቶፖ፤ ማሻ ኤሃናስ አቴን ሳሮቴስ ኤሃናስ ያቤኬ። 35 ታኒ ዩዳይ ና አዋፔ፤ ማጫ ና አዩፔ፤ ና ማሾ ቦሎቴፔ ሻካናሳ። 36 አሳስ ሞርኬይ ሶ አሳ ጊዳና።

37 “ታፔ አሲዲ ባ አዋ ዎይኮ ባ አዮ ሲቂዛዴይ ታስ ጊዳናስ ቤሴና። ታፔ አሲዲ ባ አቴማ ና ዎይኮ፤ ማጫ ና ሲቂዛዴይ ታስ ጊዳናስ ቤሴና። 38 ባ ማስቃሌ ቶኪዲ ታና ካሎንታ አሲ ታስ ጊዳናስ ቤሴና። \* 39 ባ ሽምፖ አሻናስ ኮዩዛዴይ ዳይሴስ፤ ባ ሽምፖ ታ ጊሽ አሲ ኢሚዛዴይ አሽስ። \*

40 “ኢንቴና ሞኪ ኤኪዛዴይ ታናካ ሞኪ ኤኪስ። ታና ሞኪ ኤኪዛዴይ ታና ኪቴዳዴካ ሞኪ ኤኪስ። \* 41 ኢሲ ናቤ ናቤቴሳን ሞኪ ኤኪዛዴይ ሄ ናቤዛ ዋጋ ዴማና። ዂሎ አስ ኢዛ ዂሎቴሳ ጊሽ ሞኪ ኤኪኮ ሄ ዂሎዛ ዋጋ ኤካና። 42 ሄሳ ጊሽ ታ ኢንቴስ ቴሙ ጋይስ፤ አኒካ ሃይታ ጉሳታፔ ታና ካሊዛዴ ጊዲዳ ጊሽ ኢሲ ፁዓ ኢርፃ ሃላ ኡሺኮ ሂኒስካ ዋጋይ ዳዩና” ጊዴስ።

11

ፃማቂዛ ዮሃኒሲ ኪቴዳ አሳታ (ሉቃ 7:18-35)

1 ዮሱሲካ ባና ካሊዛ ታማኔ ናምቡ አሳታስ አዛዞ ኢሚ ወርሲዳፔ ጉዩ ታማርሳናሲኔ ሳባካናስ ጋሊላን ዲዛ ካታማታ ቢዴስ።

2-3 ዮሃኒሲ ቃሾ ኬሳን ዲሽ ኪርስቶሳስ አሲዛ ሃኖታ ሲይዲ ባና ካሊዛይታ ኢዛኮ ዩዲዲ “አሲ አሽዛዴይ ያና ጌቴቴዳይ ኔኔዩ? ሃራ ናጊኖ?” ጊዲ አይቺዴስ።

4 ዮሱሲካ ዛሪዲ “ቢዲ ኢንቴ ሲዳይሳኔ ኢንቴ ቤዩዳይሳ ዮሃኒሳስ ዮቴቴ። 5 ቆቂቴ ዂሎቴስ፤ ዎቤቴ ሃሙቴቴስ፤ ኢንቸራቻ ሃርጊዛይቴ ፓዌቴስ፤ ቴሌቴ ሲዮቴስ፤ ሃይቂዳይቴ ሃይቆፔ ፓዂ ዴንዴቴስ፤ ማንቆታስ ሚሽራቾ ቃላይ ዮቴቴስ። 6 ታናን ዲዴቶንታዴይ አንጄቴዳይ” ጊዴስ።

7 ዮሃኒሳ ካሊዛይቴ ቢዳፔ ጉዩ ዮሱሲካ አሳስ ዮሃኒሳ ጊሽ “አይ ቤያናስ ዱጌ ባዞ ቢዴቴ? ጫርኮይ ቃሲዛ ሾምቆ ቤያናስ ዩዴቴ? 8 ዎይኮ አይ ቤያናስ ኬዚዴቴ? ሎዎ ማይዎ ማይዲዲ ሎዲ ኡቴዳዴ ቤያና ዩዴቴ? ሎዎ ማይዎ ማይዲዲ ሎዲዛይቴ ካዎታ ኬሳን ዴቴስ። 9 ሂስቴን አይ ቤያና ኬዚዴቴ? ናቤ ቤያና ኬዚዴቴ? ኤ፤ ታ ኢንቴስ ጋይስ ናቤፔ አዲዛይሳ ቤያናሳ።

10 “ኔ ባና አጌ ኔስ ጊጊሳናዴ ኔፔ ካሴታ ታ ኔስ ኪታና ጌቴቴዳ ኢዛ ጊሽ ካሴ ያፌቴዳዴይ ኢዛኮ!” ጊዴስ። 11 ታ ኢንቴስ ቴሙ ጋይስ፤ ማጫሳፔ ዩሎቴዳ አሳፔ ፃማቂዛ ዮሃኒሳ ሚሳቴዛ አሲ ቢታ ቦላ ዴንዲቤና። ጊዲኮካ ያሳ ካዎቴሳን አስ ኡባሬ ላፋ አሲ ዮሃኒሳፔ አዳና።

12 “ፃማቂዛ ዮሃኒሳ ዎዴፔ ሃ ሲሚን ሃሲ ጋካናስ ሳሎ ካዎቴሳያ ዳሮ ባዌታ ቦላ ዳወስ። ሚኖ አሳቴ ያላ ኢዞ ዴማና። 13 ናቤቴካ ሙሴ ዎጋይካ ወሪ ዮሃኒሳ ዎዴ ጋካናስ ቡሮፔ ሃናናይሳ ዮቴዳ።

14 ሂስቴኮ ኢንቴ ኤካና ኮይኮ ኢዚ ያና ጌቴቴዳ ኤላሲ ኢዛኮ! \* 15 ሲዩዛ ሃይሲ ዲዛ አስ ሲዮ!

16-17 “ሃይሳ ሃ ዎዴ አሳ አዛን ሌሚሶ? ጊያን ኡቴዲ ባ ላጌታ ‘ኑ ኢንቴስ ዲሲ ዲዂን ኢንቴ ዱርቤኬታ! ዮሆ ዚላልስ ዚላሊን ዩኪቤኬታ!’ ጊዛ ናይታ ሚሳቴቴስ። 18 ዮሃኒሲ ሙሳፌኔ ኡሻሬ ናጌቴዲ ዩዳ ጊሽ ‘ኢዚ ዳይዳንሳራ ዴስ’ ጊዳ። 19 ታ አሳ ናይ ማሽኔ ኡያሽ ዩን ‘ሃይሲ ሚዲ ካሎንታ አሳ፤ ኡሻንቻ፤ ቃራፃ ሽሽዛይታሲኔ ናጋራንቻታስ ላጌኮ!’ ጊዳ። ጊዶ አቴን ያሳ ኤራቴሲ ባ አሶን ዂላዱስ” ጊዴስ።

አማኖንታ ኢዲዳ ጊሽ ዋላሴቴዳ ካታማታ (ሉቃ 10:13-15)

20-21 ሄሳሬ ጉዩ ዮሱሲ ኢዚ ማላታታ አሲዳ ካታማ አሳይ ማሮቴሳን ጌሎንታ አጊዳ ጊሽ “ኩራዚኔኔ ቤቴሳይዳ! ኢንቴና አዩ አና! ኢንቴ ቦላ አሴቴዳ ማላታይ ዂሮሴ ቦላኔ ሲዶና ቦላ

\* 10:24 ሉቃ 6:40፤ ዮሃ 13:16፤ 15:20 \* 10:25 ማቶ 9:34፤ 12:24፤ ማር 3:2፤ ሉቃ 11:15 \* 10:26 ማር 4:22፤ ሉቃ 8:17 † 10:29 ሲኔ ካፎ ኢሲ ኢሲ ባጋ ጋሞሶ ቃላን ሲኔ ጊዛይሲ ጋሽ ካፎ ጉሳ። \* 10:33 2ዲሞ 2:12 \* 10:38 ማቶ 16:24፤ ማር 8:34፤ ሉቃ 9:23 \* 10:39 ማቶ 16:25፤ ማር 8:35፤ ሉቃ 9:24፤ 17:33፤ ዮሃ 12:25 \* 10:40 ማር 9:37፤ ሉቃ 9:48፤ ዮሃ 13:20 \* 11:14 ማቶ 17:10-13፤ ማር 9:11-13



አሴቲዳኮ ኢስቲ ማቃ ማይዲዲኔ ቢዲንሳን ኡቲዲ ቤኒ ቤኒ ማሮቴሳን ጌላናኮሺን። \* 22 ሄሳ ጊሽ ታኒ ኢንቴስ ጊዛይ ፐርዳ ጋላስ ኢንቴፌ ኦዲ ዲሮሴሲኔ ሲዶናስ ቂፃቴይ ካዉያና።

23 “ሃኔ ቂፊርናምሜ ፑዴ ሳሎ ጴቁ ጴቁ ጋናስ ኮያዲ? ጊዶ ኦቲን ኔኒ ዱጌ ሲያሌ ዎዳንዳሳ፤ ኔ ቦላ አሴቲዳ ማላታይ ሶዶሜን አሴቲዳኮ ሶዶሜይ ሃቺ ጋካናስ ዳናኮሺን። 24 ሄሳ ጊሽ ታ ኔና ጊዛይ ፐርዳ ጋላስ ቂፃቴይ ኔፕ ሶዶሜስ ካዉያና” ጊዴስ። \*

**ኪርስቶሲ ኢሚዛ ሽምፖ**

(ሉቃ 10: 21-22)

25 ሄ ዎዴ ዮሱሲ “ሳሎኔ ሳዓ ጎዶ! ታ አዋዉ! ሃይሳ ዳር ኤራንቻታፔኔ ጨንጫታፔ ቆታዳ ቂሪ ናይታስ ኔ ቆንጨሲዳ ጊሽ ታ ኔና ጋላታይስ። 26 ታ አዋዉ! ኤ ሃይሲ ኔ ሲንሳን ሎዎ ኔ ሽኔ ጊዲዲ ቤቲዴስ።

27 “ዉሪካ ታ አዋፔ ታስ ኢሜቲዴስ፤ አዋፔ ኦቲን ናዛ ጊሽ ኤሪዛ አስ ባዋ፤ ቃሴ ናዛፔኔ ናዚ ባ ሽኔን ቆንጨሲዳ አሳፔ ሃራይ አዋ ኤሪዛ አስ ባዋ። \*

28 “ቶሆይ ዴዲዳይቶ፣ ዳቡሪዳይቶ ኢንቴ ዉሪካ ታኮ ሃ ዩቴ፤ ታካ ኢንቴስ ሽምፖ ኢማና። 29 ታ ቃምባራ ቶኪቴ፤ ታፔካ ታማሪቴ፤ ታኒ ታ ዎዝናን አዳኔ አሽኬ፤ ኢንቴ ሽምፖስ ኢንቴ ሽምፖ ዴማና። 30 ታ ቃምባራይ ሻይኮኔ ታ ቶሆይ ካዉሻ” ጊዴስ።

**ሳምባታ ጊሽ ሽቂዳ አይሾ**

(ማር 2: 23-28፤ ሉቃ 6: 1-5)

1 ሄሳፌ ጉዬ ዮሱሲ ሳምባታ ጋላስ ካሳ ጊዶራ ኦዲ ቢዴስ። ኢዛ ካሊዛይቲካ ጋፊዳ ጊሽ ቲያ ዱሲዲ ሽጊቺ ሙስ አይኪዳ። 2 ፋርሳዌቲ ሄሳ ቤዬዲ ዮሱሳ “ሄኮ ኔና ካሊዛይቲ ሳምባታ ጋላስ አሴታናስ ቤሶንታይሳ አሴቴስ” ጊዳ።

3 ኢዚካ ኢስታስ ዛሪዲ “ዳዉቴይኔ ኢዛራ ዲዛ አሳቲ ጋፊዳ ዎዴ ኢዚ አይ አሲዳኮኔ ናባቢቤኬቲ? 4 ዎሳ ኬሴ ጌሊዲ ቁሴታፔ ኦቲን ዳዉቴይኔ ኢዛራ ዲዛይቲ ቦቻናስ ቤሶንታ ዱማቲዳ ኡኬስ ሚዴስ።

5 ቃሴ ቁሴቲ ሳምባታ ሻሪዲ ዎሳ ኬሳ ጊዶን አሶ አሲኮ ሞር ጊዶንታይሳ ሙሴ ዎጋፔ ናባቢቤኬቲ? 6 ጊዲኮካ ታ ኢንቴስ ጊዛይ ዎሳ ኬሳፌ አዲዛዴይ ሃን ዴስ። 7 ‘ታኒ ያርሾ ጊዶንታ ማሮቴስ ዶሳይስ’ ጊዛ ቃላይ አይ ጉሲኮኔ ኢንቴ ኤሪዛኮ ያሎታ ቦላ ፐርዴኬታኮሺን። \* 8 አሳ ናይ ሳምባታስ ጎዳ” ጊዴስ።

9 ሄፔ ኢዚ ጌዴ አዲሽ አይሁዳታ ዎሳ ኬሳን ጌሊዴስ። 10 ሄንካ ኢሲ ኩሽ ሲሊዳዴይ ዴስ። ዮሱሳ ሞታናስ ጋሶ ኮይዲ “ሳምባታ ጋላስ ፓሳናስ ቤሲዜ?” ጊዲ ኢዛ አይቺዴስ።

11 ኢዚካ ኢስታ “ኢንቴፌ ኢሳዴ ዶርሲ ሳምባታ ጋላስ ኦሳን ጌሊኮ ባ ዶርሳ ኢዚ ጌሊዲ ኦላፌ ጎቺ ኬሲ ኤሬኔ?” \* 12 ሂስቲኮ አሲ ዶርሳፌ ኬሂ አዴኔ? ሄሳ ጊሽ ሳምባታ ጋላስ ሎዎ አሶይ ዲጌቴና” ጊዴስ። 13 ቃሴካ አዴዛ “ኔ ኩሽ ፐዲሳ!” ጊዴስ፤ አዴዚካ ባ ኩሽ ፐዲሲን ሂንኮ ኩሽዛ ማላ ፓፃ ጊዲዴስ። 14 ጊዶ ኦቲን ፋርሳዌቲ ሄፔ ኬዚዲ፣ ዮሱሳ ዎስቲ አይኪ ዎዳናኮኔ ባ ጊዶን ዞሬቲዳ።

**ዎሲ ዶሪዳ አሽካራ**

15 ዮሱሲ ኢስታ ቆፋ ኤሪዲ ሄፔ ሃራሶ ሽርዲ ጊዴስ። ዳር ዴሬይ ኢዛ ካሊዴስ፤ ሃርጋንቻታካ ኡባ ፓሲዴስ። 16 ኢዚ አናኮኔ አሳስ ዮቶንታ ማላ ኢስታ አዛዚዴስ። 17-21 ሄሲካ ሃኒዳይ ናቤ ኢሳያሳን

- “ታ ዶሪዳይኔ
- ታ ኢዛን ኡፋዬቲዛ ታ ናይ ሃይሳኮ!
- ታ አያናፔ ታ
- ኢዛ ቦላ ዎሳና፤
- ኢዚካ አማኖንታ ዴሬታስ ቱሙ ፐርዳ አዋጃና፤
- ማርሼቴና፤ ዎይኮ ዋሴና።
- ኢዛስ ቃላይካ ካሬን ሲዬቴና፤
- ቱማ ፐርዳ ዎናስ ጋሳና ጋካናስ
- ዲንጩቲ ኡቲዳ ሽምቦቆካ ሜንጩናኔ
- ጨዋቲዛ ሙቃዳካ ቶይሴና፤
- አይዛቤቲ ኢዛ ኡፋይሳን ናጋና”
- ጌቴቲ ዮቴቲዳ ቲንቢቴ ቃላይ ፖሌታና።

**ዮሱሳኔ ቢዴሊዜቡላ**

(ማር 3: 20-30፤ ሉቃ 11: 14-23)

22 ሄሳፌ ጉዬ ዳይዳንሲ አይኪን ያላናሲኔ ሃሳያናስ ዳንዳዮንታ ኢሲ አስ ዮሱሳኮ ኤኪ ዩዳ። ዮሱሲካ ኢዛ ፓሲን አዴዚ ያላናሲኔ ሃሳያናስ ዳንዳዮዴስ። 23 አሳይ ዉሪካ ማላሌቲዲ “ሃይሲ አዴዚ ዳዉቴ ናሻ?” ጊዴስ።

\* 11:20-21 ማቃ ጊዛይሲ ኢሲ ኢሲ ባጋ ጋሞሶ ቃላን ዋር ጌቴቲስ። \* 11:24 ማቶ 10: 15፤ ሉቃ 10: 12 \* 11:27 ዮሃ 3: 35፤ 1: 18፤ 10: 15 \* 12:7 ማቶ 9: 13 \* 12:11 ሉቃ 14: 5

24 ጊዶ አቲን ፋርሳዌቲ ሄሳ ሲደዳ ዎዴ “ሃይሲ አዴዚ ዳይዳንስ ኬሲዛይ ዳይዳንሳ ሃላቃ ቢዔሊዜቡላ ዎልቃን ሃላ ጊዳናስ ቢሴስ” ጊዳ። \*

25 ዮሱሲካ ኢስታ ቆፋ ኤሪዲ “ባ ጊዶን ኢሶይ ኢሳፌ ሻኬቲዛ ካዎቲሲ ወሪካ ኩንዳና፤ ባ ጊዶን ሻኬቲዛ ካታማይ ዎይኮ ኬሳ አሲ ሚኔና። 26 ሃላዔይ ሃላዔ ኬሲዛ ጊዲኮ ሃላዔይ ባ ጊዶን ሻኬቲዳስ ጉሳ። ሄሳላ ሃኒኮ ኢዛ ካዎቲሲ ዋኒ ሚናና ዳንዳዩዜ? 27 ታኒ ቢዔሊዜቡላ ዎልቃን ኬሲዛ ጊዲኮ ኢንቴ ናይቲ አዛ ዎልቃን ኬሳኒ? ሄሳ ጊሽ ኢንቴ ናይቲ ኢንቴ ቦላ ፐርዳና። 28 ጊዶ አቲን ታኒ ዳይዳንስ ኬሲዛይ ዎሳ አያናን ጊዲኮ ዎሳ ካዎቲሲ ኢንቴኮ ዩዴስ ጉሳ።

29 “ዎይኮ ኢሲ አስ ዎልቃራ ዲዛዴ ኬሴ ጌሊዲ ሚሼ ቦንቃና ኮይኮ ካሴቲዲ ሄ ዎልቃራ ዲዛ አዴዛ አይኪ ቃቾንታ ዎስቲ ቦንቃኒ? ቃቾዳፕ ጉዩ ቦንቃና ዳንዳዩስ።

30 “ታናራ ጊዶንታዴይ ታናራ ኤቁቴስ፤ ታናራ ኢሲፌ ሺሾንታ አሲ ወሪካ ላሌስ። \* 31 ሄሳ ጊሽ ታ ኢንቴስ ቱሙ ጋይስ፤ ናጋራ አሶይኔ ጫሺ ወሪ አሳስ አቶ ጌቴታና ሺን ሂሎ አያና ጫዩዳይይ ማሬቴና። 32 አይ አሲካ አሳ ና ቦላ ሃሳዩዛ ኢታ ቃላ ጊሽ ማሬታና ሺን፤ ሂሎ አያና ቦላ ሃሳዩዛ ኢታ ቃላይ ጊዲኮ ሃይሳ ሃ ዎዴን ጊዲን ዎይኮ ቡሮ ያና ዎዴን ጊዲን ማሮይ ዴና። \*

**ሎዎ ሚሲ ሎዎ አይፌን ኤሬቴስ**

(ሉቃ 6:43-45)

33 “ሚሲ ወሪ አይፌን ኤሬቴዛይሳ ማላ ኢንቴ ሎዎ አይፌ ዴማናስ ኢንቴስ ሎዎ ሚሲ ዶ፤ ኢንቴስ ኢታ ሚሲ ዲዛ ጊዲኮ ኢንቴ ኢታ አይፌ ኤካና። \* 34 ኢንቴኖ ማርሼራ ዲዛ ሾሻቶ! ኢንቴ ኢታታ ጊዲ ኡቲዲ ዎስቲ ሎዎ ሃሳያናስ ዳንዳዩቲ? ኡሎ ጊዶን ኩሚዳዚ ዱናራ ሃሳዩቴስ። \*

35 “ሎዎ አሲ ባ ዎዝናን ኩንሲ ዎሲዳ ሎዎ ቆፋፕ ሎዎ ሃሳዩስ፤ ኢታ አሲካ ባ ዎዝናን ኩንሲ ዎሲዳ ኢታቴሳፌ ኢታ ዮዎ ኬሴስ። 36 ጊዶ አቲን ታ ኢንቴስ ጊዛይ አሳይ ባ ሃሳዩዳ ሃዳ ቃላ ኡባ ጊሽ ፐርዳ ጋላስ ወሪካ አይሼታና። 37 ጋሶይካ ኔ ቃላፕ ዴንዲዳይሳን ኔ ሂላዳ አታና ኔ ቃላፕ ዴንዲዳይሳን ኔ ቦላ ፐርዴታና” ጊዴስ።

**ማላታ ቤያናስ ሺቂዳ አይሾ**

(ማር 8:11-12፤ ሉቃ 11:29-32)

38 ሄሳፌ ጉዩ ኢሲ ኢሲ ሙሴ ዎጋ ታማርሲዛይቲኔ ፋርሳዌቲ ዮሱሳ “አስታማሬ! ኮ ኔፕ ማላሊሲዛ ማላታ ቤያናስ ኮዮስ” ጊዳ። \* 39 ኢዚ ኢስታስ ዛሪዲ “ሃ ኢታኔ ሳይማ ዮሌታይ ማላታ አይቼስ፤ ጊዶ አቲን ናቤ ዮናሳ ማላታፕ አቲን ሃራ ማላታይ ኢሜቴና። \* 40 ዮናሲ ጊታ ሞሌ ኡሎ ጊዶን ሄሽ ቃማኔ ሄሽ ጋላስ ጋምዲዳ ማላ አሳ ናይካ ሄሽ ጋላሲኔ ሄሽ ቃማ ቢታ ጋርሳን ጋምዳና። 41 ናናዌ አሳይ ፐርዳ ጋላስ ሃይሳ ሃ ዮሌታራ ዴንዲዲ ሃ ዮሌታ ቦላ ፐርዳና፤ ጋሶይካ ናናዌ አሳይ ዮናሳ ማርካቴሳን ማሮቴስ ጌሊዳ ጊሻሳ። ሄኮ ዮናሳፕ አዲዛዴይ ሃን ዴስ። 42 ዱጌሃ ዴሬ ካዎዎ ሶሎሞኔ ኮራቴስ ሲያናስ ቢታ ጋዋፕ ዴንዳዳ ዩዳ ጊሽ ፐርዳ ጋላስ ኢዛ ሃይሳ ዮሌቴሳራ ዴንዳዳ ሃ ዮሌቴሳ ቦላ ፐርዳና። ሄኮ ሶሎሞኔ አዲዛዴይ ሃይሳን ዴስ።

43 “ቱና አያናይ አሳፕ ኬዚዲ ሼምፖ ዴማናስ ሃሲ ባይንዳ ሜላ ቢታን ዳቡሬስ። ጊዶ አቲን ባ ኮዩዛ ሼምፖ ዴሜና። 44 ሄሳፌ ቃሴ ካሴ ታ ዲዛሶ ሲማ ባና ጊዲ ቤኒሶ ኢዚ ሲሚሺን ካሴ ኢዚ ዲዛሶይ አይኮይኔ ባይንዳ ሜላ ኬሴ ጊዲዲ ጌዩዳይሳኔ ጊጌቲ ዲዛይሳ ዴሜስ። 45 ሄሳፌ ቢዲ ሃራ ባፕ ኢቲዛ ላፑን ኢታ አያናታ ባናራ ኤዚዲ ዮስ። ኢስቲካ ሄ አዴዛን ጌሊዲ ዴዓና። ሄ አዴዛስ ካሴ ዱሳፌ ጉዩ ዱሳይ ኢታ ጊዳና። ሃይሳ ኢታ ዮሌቴሳስካ ሄሳ ማላ ሃናና” ጊዴስ።

**ዮሱሳ አዩዮኔ ኢዛ ኢሻታ**

(ማር 3:31-35፤ ሉቃ 8:19-21)

46 ዮሱሲ አሳስ ዮቲሺን ኢዛ አዩያኔ ኢሻቲ ኢዛ ዮቻና ኮይዲ ካሬን ኤቂዳ። 47 ኢሲ አሲ “ሄኮ ኔ አያኔ ኔ ኢሻቲ ኔና ሃሳዩሳናስ ካሬን ኤቂዲ ኔና ኮዩቴስ” ጊዴስ። \*

48 ዮሱሲካ “ታ አያ ኦኔ? ታ ኢሻቲቾ፤ ኢስቲ ኦናንቴ?” ጊዴስ። 49 ባ ኩሼራ ባና ካሊዛይታኮ ማላቲዲ “ታ አያኔ ታ ኢሻቲ ሃይታንታ። 50 ሳሎን ዲዛ ታ አዎ ሼኔ አሲዛይቲ ወሪካ ታስ ኢሻ፤ ሚቾኔ አዮ” ጊዴስ።

**ዜሬስ ዜሪዛዴ ሌሚሶ**

(ማር 4:1-9፤ ሉቃ 8:4-8)

1 ሄ ጋላሲ ዮሱሲ ኬሳፌ ካሬ ኬዚዲ አባ ላንቁን ኡቲዴስ። 2 ዳር ዴሬይ ኢዛ ዩዩ አዲ ጊዶሲዳ ጊሽ አሳ አባ ጋዋን አጊዲ ዎጎሎ ጊዶ ጌሊ ኡቲዲ፤ \* 3 ዳር ዮዎ ሌሚሶራ “ኢሲ ጎሻንቻይ ዜሬስ ዜራናስ ኬዚዴስ። 4 ኢዚ ዜሪሺን ኢሲ ኢሲ ዜሬሲ አጌ ዱናን ዎዲን ካፎቲ ዩዲ ማዲ ሚዳ። 5 ኢሲ ኢሲ ዜሬሲ ሜላኔ ሹቻቲዛ ቢታ ቦላ ዎዲን ቢታይ ሜላ ቢታ ጊዲዳ ጊሽ ኤሴ

\* 12:24 9:34፤ 10:25 \* 12:30 ማር 9:40 \* 12:32 ሉቃ 12:10 \* 12:33 ማቶ 7:20፤ ሉቃ 6:44 \* 12:34 ማቶ 3:7፤ 23:33፤ 15:18፤ ሉቃ 3:7፤ 6:45 \* 12:38 ማቶ 16:1፤ ማር 8:11፤ ሉቃ 11:16 \* 12:39 ማቶ 16:4፤ ማር 8:12 \* 12:47 ኢሲ ኢሲ ጌሻ ማጎፌታን ፓይዶ አይዱ ታማኔ ላፑና ቦላ ዲዛ ቃላይ ዴና። \* 13:2 ሉቃ 5:1-3

ጫሪደስ።<sup>6</sup> ጊዶ አቲን አዋይ አዋቲን ሹሊዲኔ ፃጵ ዩዶንታ አጊዳ ጊሽ ሜሊደስ።<sup>7</sup> ኢሲ ኢሲ ዜሬሳይ አጉንጎ ጊዶን ዎዲደስ፤ አጉንጎይካ ዲጩዲ ጫሬቻ ጩሊደስ።<sup>8</sup> ሃራ ዜሬሲካ ሎዎ አርዴ ቢታን ዎዲዲ አይሬካ አይሬደስ፤ ኢሶይ ዌቱ፣ ኢሶይ ኡሱፑን ታሙ ኢሶይ ሄዙ ታሙ አይሬ ኢሚደስ።<sup>9</sup> ሲዩዛ ሃይሲ ዲዛደይ ሲዮ!” ጊ ዮቲደስ።

<sup>10</sup> ሄሳፌ ኢዛ ካሊዛይቲ ኢዛኮ ሺቂዲ “አዛስ ሌሚሶራ ዮታይ?” ጊዳ።  
<sup>11</sup> ኢዚካ ኢስታስ “ሳሎ ካዎቱሳ ፀራ ኤርይ ኢንቴስ ኢሜቲደስ፤ ኢስታስ ጊዲኮ ኢሜቲቤና።  
<sup>12</sup> ዲዛደስ ዲዛይሳ ቦላ ጉጂታናኔ ዳራና ሺን ባይንዳደሬ ሂና ዲዛራካ ኤኬታይቻና። \* <sup>13</sup> ታ ሃይሳላ ሌሚሶራ ዮቲዛይ ኢስቲ ሲዩሼ ኤዝጎንታ ጊሺኔ ዌሊሼ ደሞንታ ጊሻሳ።

<sup>14-15</sup> “ኢሳያሲ  
‘ኢንቴ ሲሳ ሲያናሺን ዩሺ ቆፕኬታ፤  
ዌሎ ዌላና ሺን ዎዝናን ዎሴኬታ፤  
ደሬዛ ዎዝናይ ሙሚደስ፤  
ኢስታ ሃይሳይካ ሲዩና፤  
ዌሎንታ ማላ ባ አይሬ ቂልምዲዳ፤  
ሄሲ ባይንዳኮ ኢስቲ ባ አይሬራ ቤዩዲኔ  
ባ ሃይሳራ ሲይዲ  
ባ ዎዝናን ዩሺ ቆፕዲ  
ታኮ ሃ ሲሚን  
ታ ኢስታ ፓላና ሺን’

ጊዳ ቲንቤቲ ቃላይ ኢስታን ፖሌቲደስ። \*  
<sup>16</sup> “ኢንቴ አይሬይ ዌሊዛ ጊሺኔ ኢንቴ ሃይሳቲ ሲዩዛ ጊሽ ኢንቴ አንጂቲዳይታ። <sup>17</sup> ታ ኢንቴስ ቱሙ ጋይስ፤ ዳሮ ናቤቲኔ ዳሮ ዌሎ አሳቲ ሃዲ ኢንቴ ቤዩዛይሳ ቤያናሲኔ ሃዲ ኢንቴ ሲዩዛይሳ ሲያናስ አዎቲዳ ሺን ኢስታስ ሃኒቤና።

<sup>18</sup> “ሂስቲኮ ሃዲ ዜሬሳ ሌሚሶዛ ቢርሼሳ ሲዩቱ፣ <sup>19</sup> ካዎቱሳ ቃላ ሲይዲ ዩሺ ቆፓንታ አይ አሳ ዎዝናፕካ ፃላዌይ ዩዲ ዜሬቲዳ ዜሬሳ ኤሶን ማጊቻና። ሄሲካ አጌ ቦላ ዎዲዳ ዜሬሳ። <sup>20</sup> ሹቻ ቦላ ዜሬቲዳይሲ ቃላ ሲዩዳ ማላ ኡፋይሳን ሲይዲ ሄራካ ኡፋይሳን ኤኪዛዴ ሚሳቲስ። <sup>21</sup> ጊዶ አቲን ፃጵ ዩዳናስ ዳንዳዮንታ አጊዳ ጊሽ ዳሮ ጋምዎንታ ቃላ ጊዶን ሜቶይኔ ጎዴቴሲ ዩዛ ዎዴ ኤሌሊ ዱጵቴስ። <sup>22</sup> አጉንጎ ጊዶን ዜሬቲዳ ዜሬሳይ ቃላ ሲይዲ ሃይሳ ሃ አላሚዛስ ዳሮ ሜቶቱሳኔ ዱሬቴሳ ቆፋን ባሌቲዲኔ ጩሌቲዲ አይሬ ኢሞንታ አሳ ማላ። <sup>23</sup> ሎዎ ቢታን ዜሬቲዳ ዜሬሳይ ቃሌ ቃላ ሲይዲ ዩሺ ቆፕዛዴ ሚሳቲስ፤ ቱሙ አይሬ አይሬስ፤ ኢሶይ ዌቱ፣ ኢሶይ ኡሱፑን ታሙ፣ ኢሶይ ሄዙ ታሙ አይሬ ኢሚደስ” ጊደስ።

**ሌሾ ሌሚሶ**  
<sup>24</sup> ዩሱሲ ቃሌካ ሃራ ሌሚሶ ኢስታስ “ሳሎ ካዎቱሳ ባ ጎሻ ጋዴን ሎዎ ዜሬሳ ዜሬዳዴ ሚሳቲስ።  
<sup>25</sup> ጊዶ አቲን አሲ ዉሪ ኢቺዳ ዎዴ ሞርኬይ ዩዲ ጊስቴዛ ጊዶን ሌሾ ዜሬዲ ቢደስ። <sup>26</sup> ጊስቴዚ ዲጩዲ አይሬ አይሬዛ ዎዴ ሌሾይካ ኢዛራ ኢሲሬ ቤቲደስ።

<sup>27</sup> “ካሳ ጎዳ አሽካራቲ ጎዳዛኮ ሺቂዲ ‘ጎዶ! ኔኔ ኔ ጎሻን ሎዎ ዜሬሳ ዜሬቤኪ? ሃይሲ ሌሾይ አዋፕ ዩዴ?” ጊዳ።  
<sup>28</sup> “ኢዚካ ኢስታስ ‘ሄሳ ሞርኬይ አሲደስ’ ጊደስ። አሽካራቲካ ‘ኑ ቢዲ ሌሾዛ ሾዳና ማላ ኮያይ?’ ጊ አይቺዳ።

<sup>29</sup> “ኢዚካ ኢስታስ፣ ‘አካይ ሃኔና፤ ጋሶይካ ኢንቴ ሌሾዛ ሾዲሼ ጊስቴዛራ ጋሲ ሾዳና፤ <sup>30</sup> አጊቱ! ማፃ ዎዴይ ጋካናስ ኢሲሬ ዲጮ፤ ሄ ዎዴ ማጊዛይቲ ሌሾዛ ካሴቲዲ ቆሪ ማጊዲ ታማን ፀጋናስ ሚርቁን ሚርቁን ቃቺቱ፤ ጊስቴዛ ቃሌ ሺሺዲ ጎታራን ጌልሱቱ’ ጋዳ ታ ኢንቴስ ዮታና” ጊ ዮቲደስ።

**ሚሳ አይሬ ሌሚሶኔ ኢርሾ ሌሚሶ**  
(ማር 4:30-32፤ ሉቃ 13:18-19)

<sup>31</sup> ሃራ ሌሚሶ ኢስታስ “ሳሎ ካዎቱሳ ኢሲ አሲ ባ ጋዴ ጊዶን ዜሬዳ ባርዛሬ ሚሳ አይሬ ማላ። <sup>32</sup> ባርዛሬ ሚሳ አይሬይ ሃራ ሚሳ አይሬ ኡባሬ ዳሮ ላፋ ጊዲኮካ ዲጫዳ ሚሳ ኡባሬ ጊታ ጊዳዉስ። ሳሎ ካፎቲካ ኢዚ ሃጋ ቦላ ኬዲዲ ዳና ጋካናስ ጊታ ሚሲ ጊዳዉስ” ጊደስ።  
<sup>33</sup> ሃዲካ ሃራ ሌሚሶ ኢስታስ “ሳሎ ካዎቱሳ ማጫሲ ሊዌይ ዴንዳና ማላ ሊዌ ጊዶን ጉጂዳ ጉሳ ኢርሾ ሚሳታዉስ” ጊደስ።

<sup>34</sup> ዩሱሲ ሃይሳ ኡባ አሳስ ሌሚሶራ ዮቲደስ። ሌሚሶይ ባይንዳ ኢሲኖካ ዮቲቤና። <sup>35</sup> ሄሳንካ ካሴ ናቤ ዱናን  
“ታ ዱና ታ ሌሚሶን ዶያና፤  
አላሜይ ሜዴቶሳፕ ሃ ሲሚን  
ቆቱቲዳይሳ ታ ሃሳያና”  
ጌቱቲ ዮቱቲዳይስ ፖሌቲደስ። \*

**ሌሾ ሌሚሶዛ ቢርሼሳ**  
<sup>36</sup> ሄሳፌ ዩሱሲ አሳ አጊዲ ሶ ጌሊደስ። ኢዛ ካሊዛይቲ ኢዛኮ ሺቂዲ “ካሳ ጊዶን ዲዛ ሌሾዛ ጊሽ ኔ ዮቲዳ ሌሚሶዛ ቢርሼሳ ኑስ ዮታ” ጊዳ።

\* 13:12 ማቶ 25:29፤ ማር 4:25፤ ሉቃ 8:18፤ 19:26 \* 13:14-15 ኢሳ 6:9-10 \* 13:35 ማዘ 78:2

37 ኢዚካ ኢስታስ ዛሬዲ “ሎዎ ዜሬስ ዜሬዳይ አሳ ና። 38 ኅሻይ ሃይሳ አላሜዛ፤ ሎዎ ዜሬሳይ ካዎቴሳ ናይታ ጊዲዳይሳ ቤሴስ፤ ሌሾይ ቃሴ 9ላዔ ናይታ። 39 ሌሾዛ ዜሬዲ ቢዳ ሞርኬይ ዳቡሎሳ። ማፃ ዎዴይ አላሜ ወርሴሳ ጊዲሺን ማጊዛይቲ ዎሳ ኪታንቻታ።

40 “ሌሾይ ቆሬቲዲ ታማን ፀጊቲዛይሳ ማላ አላሜ ወርሴሳን ሄሳሶ ሃናና። 41 አሳ ናይ ባ ኪታንቻታ ኪታና፤ ኢስቲካ ናጋራስ ጋሶ ጊዲዳይታኔ ኢታ ኦሲዛይታ ኢዛ ካዎቴሳ ጊዶሬ ኡባ ቆሪ ኪሳና።

42 ዩሆይ ዲዛሶኔ አች ጋርጨዛሶን ዳር ዎልቃማ ታማን ኢስታ ዩጋና። 43 ሄሳ ዎዴ ጊሎቲ ባ አዋ ካዎቴሳን አዋ አርሼ ማላ ፖፃና። ሲዩዛ ሃይሳ ዲዛዴይ ሲዮ!

**ቆታን ዲዛ ሃርኔ ኢንቆ ጌቴቲዛ ዎርቃ ሌሚሶ**

44 “ሳሎ ካዎቴሳ ጋዴ ጊዶን ቆቴቲዳ ሚሼ ሚሳቴስ። ኢሲ አስ ሄ ሚሻዮ ዴሚዲ ዛሪ ቆቴዴስ። ኡፋይሳሬ ዴንዲዳይሳን ቢዲ ባስ ዲዛዚ ኡባ ባይዚዲ ሄ ሚሺያ ዲዛ ቢታ ሻሚዴስ።

45 “ሄሳሶካ ሳሎ ካዎቴሳ አልዎ ዎርቃ ኮዩዛ ዛልፃንቻ ሚሳቴስ። 46 ዳር አልዎ ጊዲዳ ኢንቆ ጊዛ ሹቻ ዴሚዳ ማላ ቢዲ ባስ ዲዛዚ ኡባ ባይዚዲ ሻሚዴስ።

**ሞሌ ጊቴ ሌሚሶ**

47 “ቃሴካ ሳሎ ካዎቴሳ አባ ጊዶን ዩጌቲዲ ዱማ ዱማ ሞሌ አይኪዳ ሞሌ ጊቴ ሚሳቴስ።

48 ሞሌ አይኪዛይቲ ጊቴይ ኩሚን ኅቼዲ አባ ላንቁ ኪሲዳ። ሄን ኡቲዲ ሎዎ ሎዎ ሞሌ ቆሪዲ ኪሼን ጉጂዳ። ኢታ ሞሌታ ዎራ ዩጊዳ። 49-50 አላሜ ወርሴሳን ሄሳሶ ሃናና። ኪታንቻቲ ዩዲ ናጋራንቻታ ጊሎታፕ ሻኪዲ ዩኪዛሶኔ አች ጋርጨዛሶ ጊዴ ቶዎንታ ታማን ዩጋና።

51 “ዩሱሲ ኢስታ ሃይሲ ወሪ ኢንቴስ ጌሊዴ?” ጊዴስ። ኢስቲካ “ኤ” ጊዳ።

52 ኢዚካ ዛሬዲ “ሄሳ ጊሽ ሳሎ ካዎቴሳ ፀራይ ጌሊዳ ሙሴ ዎጋ ታማርሲዛዴይ አኒካ ኢዛስ ሚንጂ ዎሊዳ አልዎ ሚሻሬ አራሳኔ ካሴ ጋልፃ ሚሽ ኪሲዛዴ ሚሳቴስ” ጊዴስ።

**ናቤይ ባ ዴሬን ቦንቼቴና**

(ማር 6:1-6፤ ሉቃ 4:16-30)

53 ዩሱሲካ ሃይታ ሌሚሶታ ዮቲ ወርሲዲ ሄፔ ሃራሶ ቢዴስ። 54 ጌዴ ባ ዴሬ ቢዲ አይሁዳታ ዎሳ ኪሳን አሳ ታማርሶ አይኪዴስ። ኢስቲካ ማላሌቲዲ “ሃይሲ አዴዚ ሃይሳ ኤራቴሳኔ ሃይታ ማላታታ አሳና ዎልቃ አዋፔ ዴሚዴ? 55 ሃይሲ አናዌዛ ና ዴኔ? ኢዛ አዩይ ሱንሲ ማራሞ ጊዴኔ? ኢዛ ኢሻቲ ያቆቤ፣ ዮሴሬ፣ ሲሞናኔ ዩሁዳ ጊዴቴኔ? 56 ሚቼቲ ኑናራ ዲዛይታ ጊዴቴኔ? ሂስቲን ሃይሲ አዴዚ ሃይሳ ኡባ አዋፔ ኤኪዴ?” ጊዳ።

57 ሄሳ ጊሽ ኢስቲ ኢዚ ጊዛይሳ ኤኪቤቴና። ዩሱሲካ ኢስታስ “ናቤይ ባ ዴሬኒኔ ባ ኪሳን ቦንቼቴና አቲን ሃራሶን ቦንቼቴስ” ጊዴስ። 58 ኢስቲ አማፃንታ አጊዳ ጊሽ ዳር ማላታታ ሄን አሲቤና።

**ፃማቂዛ ዮሃኒሳ ሃይቆ**

(ማር 6:14-29፤ ሉቃ 9:7-9)

1 ሄ ዎዴ ጋሊላ ዴሬ ሃሪዛ ሄርዶሲ አሳይ ዩሱሳ ናሺዛይሳ ሲይዴስ። 2 ሄርዶሲ ባ አሽካራታስ “ሄሳ ጊዲኮ፣ ፃማቂዛ ዮሃኒሲ ሃይቆፔ ዴንዲዲ ዩዴስ ጉሳካ! ሃይሲ ወሪ ጊታ ማላታይ ኢዛ ኩሼን አሴቲዛይ ሄሳሳ” ጊዴስ።

3 ሄርዶሲ ባ ኢሻ ፒሊጶሳ ማሻ ሄርዲያዲ ጋሶን ዮሃኒሳ አይሲዲ ቃሾ ኪሳን ዩጊዴስ። \* 4 ጋሶይካ ዮሃኒሲ ሄርዶሳ “ኔ ኢዛ ኤካና ማላ ዎጋ ጊዴና ጊዳ ጊሻሳ” ጊዴስ። 5 ሄርዶሲካ ዮሃኒሳ ዎዳናስ ኮዩሺን አሳይ ዮሃኒሳ ናቤ ማላ ያሊዛ ጊሽ ባቤዴስ።

6-7 ሄርዶሲ ባ ዩሌቴሳ ጋላስ ሄርዲያዲ ናዮ ዩሳን ኢዛ ኡፋይሲዳ ጊሽ ናዮ ኢዛ አይቼዳዝ ኡባ ኢማናስ ኢዚስ ጫቂዴስ። 8 ናዮካ አዩይ ዞሬን “ፃማቂዛ ዮሃኒሳ ሁዔ ኬሬን ዎሳዳ ሃዲ ሃኒን ታስ ኢማ” ጋዱስ።

9 ሄ ዎዴ ካዎዚ ኢዛስ ሚሼቲዴስ። ጊዶ አቲን ጫቂዳ ጊሺኔ ኢዛራ ዲዛ ኢማሳታ ጊሽ ጊዲ ናይ አይሾይ ፖሌታና ማላ አዛዚዴስ። 10 ኪቲዲኔ ዮሃኒሳ ዎይኔ ኪሳን ዲሺን ቆዴ ቃንጊሲዴስ። 11 ቃንጊቲዳ ሁዔዛ ኪሬን ዎሊዲ ናይስ ኢሚዳ። ናዮካ ኤካዳ ባ አዩይስ ኢማዱስ። 12 ዮሃኒሳ ካሊዛይቲ ኢዛ አሃ ኤኪዲ ሞጊዲኔ ሃኒዳይሳ ኡባ ዩሱሳስ ዮቲዳ።

**ዩሱሲ ኢቻሹ ሺ አሳ ሚዚዴስ**

(ማር 6:30-44፤ ሉቃ 9:10-17፤ ዮሃ 6:1-14)

13 ሄሳ ሲዩዳ ማላ ዩሱሲ ካሴ ባ ዲዛሶ አጊዲኔ ዎንሎን ጌሊዲ ባርካ ሃራ አሲ ባይንዳሶ ቢዴስ። ዴሬይካ ሄሳ ሲይዲ ካታማይ ዲዛሶፔ ቶሆራ ኢዛ ካሊዴስ። 14 ዩሱሲካ ዎንሎዎፔ ዎዲሼ ዳር አሳ ቤዩዲ አሳስ ሚሼቲዴስ። ሳኬቲዛይታካ ፓሊዴስ።

15 ጋዴይ ቃሚ ቃሚ ቢዛይሳ ቤዩዲ ኢዛ ካሊዛይቲ ኢዛኮ ሺቂዲ “ሃይሲ ኑ ዲዛሶይ ባዞ፤ ጋዴይካ ቃሚ ቃሚ ቢዛ ጊሽ ጌዴ ጉታታን ጉታታን ቢዲ ባሲ ማናዝ ሻማና ማላ አሳ ዩዳ” ጊዳ።

16 ጊዶ አቲን ዩሱሲካ ኢስታ “ኢንቴ አሳስ ማናዝ ኢሚቴ አቲን አሳይ ባናስ ኮሼና” ጊዴስ።

17 ኢስቲካ ኢዛስ ዛሬዲ “ሃይሳን ኑስ ኢቻሹ ኡኬሲኔ ናምዑ ሞሌፔ አቲን ሃራይ ባዋ” ጊዳ።

\* 14:3 ሉቃ 3:19-20



18 ኢዚካ ኢስታ “አኔ ሄይታ ዲዛይታ ሃ ታስ ኤኪ ዩቴ” ጊደስ። 19 ቃሴካ አሳይ ማታ ቦላ ኡታና ማላ አዛዚደስ። ኢቻሹ ኡኬሳኔ ናምዑ ሞሌታ ባ ኩሼን አይኪዲ ባ አይፌ ፑደ ሳሎ ዶቁ ሂስቲ ጋላቲዲ፣ ኡኬሳ ሜንሲ ባና ካሊዛይታስ ኢሚደስ። ኢስቲካ አሳስ ኢሚዲ።

20 አሳይ ወሪካ ሚዲ ካሊደስ። ሄሳፌ ጉዩ ኢዛ ካሊዛይቲ አሳፕ ሚሺን አቲዳይሳ ታማኔ ናምዑ ሌማቴ ኩሜስ ሺሺዳ። 21 ሚዳ አሳይ ማጫሳቲኔ ጉላ ናይቲ ጉጂቶንታ አቲማሳይ ሃላላ ኢቻሹ ሺ ጊዳና።

**ዩሱሲ አባ ቦላ ሃሙቲደስ**  
(ማር 6:45-52፤ ዮሃ 6:15-21)

22 ሄራካ ኢዛ ካሊዛይቲ ዎጎሎን ጌሊዲ ጌዴ ፒንስ ኢዛፕ ካሴቲዲ ፒናና ማላ አዛዚዲ አሳ ሞይዛናስ ባሲ ጉዩ አቲደስ። 23 ዴሬዛ ሞይዚዳፕ ጉዩ ዎሳ ዎሳናስ ባርካ ዙማ ቦላ ኬዚደስ። ጋዴይ ዲሚንካ ያን ዙማ ቦላ ባርካ ደስ። 24 ሄሳ ዎዴ ዎጎሎያ አባ ካንላ ቢሺን ዳምባላይ ዴንዲዲ ዳሮ ሜቶሶ አይኪደስ።

25 ቃማፕ ኮይሮ ኩቶይ ባቂሺን ዩሱሲ አባ ቦላራ ሃሙቲዲ ኢዛ ካሊዛይቲ ዲዛሶ ዩደስ። 26 ዩሱሳ ካሊዛይቲካ ኢዚ አባ ቦላራ ሃሙቲ ዩሺን ቤዩ ባቢዳ ጊሽ ኢዛ ሞይቲሌ ጊዲኔ ዋሲዳ።

27 ዩሱሲ ሄራካ “አይኮይ ባ! ታናኮ፤ ባቦፍቴ!” ጊደስ።

28 ጴጥሮሲ “ጎዶ! ኔና ጊዲኮ ታ አባ ቦላራ ሃሙታዳ ኔኮ ባና ማላ ታና አዛዛ!” ጊደስ።

29 ዩሱሲ ኢዛ “ሃያ!” ጊደስ። ጴጥሮሲካ ዎጎሎዛፕ ዎዲዲ ሃላ ቦላራ ሃሙቲዲ ዩሱሳኮ ዩደስ።

30 ጊዶ አቲን ጫርኮዛ ዎልቃ ቢዩዲ ባቢዳ ጊሽ ሃሳን ሚቴቴስ አይኪዲ “ጎዶ! ታና አሻ!” ጊ ዋሲደስ።

31 ዩሱሲ ሄራካ ባ ኩሼ ዩዲ አይኪዲ “ኔኖ፣ አማኖይ ፓጩዳይሶ! አዛስ ሲዳዲ?” ጊደስ።

32 ዩሱሲኔ ጴጥሮሲ ዎጎሎዛን ጌሊዳ ማላ ጫርኮይ ሲርጽ ጊደስ። 33 ሄሳፌ ጉዩ ዎጎሎን ዲዛይቲ “ኔኒ ቱሙ ዎሳ ና!” ጊዲ ኢዛስ ጎይኒዳ።

**ዩሱሲ ጌንሴሬዩን ሃርጋንቻታ ፓሲደስ**

34 ዩሱሲኔ ኢዛ ካሊዛይቲ አባ ፒኒዲ ጌንሴሬዩ ጌቴቲዛሶ ጋኪዳ። 35 ሄን ዲዛይቲ ዩሱሳ ጊዲዳይሳ ኤሪዲ፣ ሄ ሄራን ዩዩ አዳናስ ዲዛ አሳስ ኪታ ዩዲዳ። አሳይካ ሃርጋንቻታ ኡባ ዩሱሳኮ ኤሂደስ።

36 ሃርጋንቻቲ ኢዛ አፋላ ዪራ ሃላላ ቦቻና ማላ ዩሱሳ ዎሲዳ። ቦቻዳይቲ ወሪካ ፓዲዳ።

15

1 ቃሴካ ዩሩሳላሜፕ ዩዳ ፋርሳዌቲኔ ሙሴ ዎጋ ታማርሲዛይቲ ዩሱሳኮ ሸቂዲ 2 “ኔና ካሊዛይቲ ካሴ ኑ አዋታ ዎጋ አዛስ ዳይሲዛ? ቁማ ማናስ ኩሼ ሜጩቴቴና” ጊዳ።

3 ዩሱሲካ ኢስታስ “ኢንቴ ኢንቴ ዎጋስ ጊዲ ዎሳ አዛዛ አይስ ሻሬቲ? 4 ዎሲ ‘ኔ አዩዮኔ ኔ አዋ ቦንቻ፤ ባ አዋ ቦላ ዎይኮ ባ አዩ ቦላ ኢታ ቃላ ሃሳዩዳይይ ሃይቆ!’ ጊ አዛዚደስ። 5 ኢንቴ ጊዲኮ አይ አሲካ ባ አዋ ዎይኮ ባ አዩ ‘ታ ኢንቴስ አሳናስ ቤሲዛዝ አይ ሚሼካ ዎሳስ ያርሾ አላ ሺሻዲስ’ ጊኮ። 6 ‘ሄ አዴዚ ባ አዋ ዎይኮ ባ አዩ ቦንቹደስ’ ጊታ፤ ሄሳ ጊሽ ኢንቴ ዎጋ ጊሽ ዎሳ ቃላ ሻሬታ።

7-9 ኢንቴኖ፣ ቆዴፕ ቆሞን ሃኒዛይቶ! ኢሳያሲ ኢንቴ ጊሽ ዮቲሼ

‘ሃይሲ ዴሬይ  
ታና ዱናን ሃላላ ቦንቹስ፤  
ዎዝናይ ጊዲኮ ታፕ ሃኪደስ፤  
ሜላ ሃዳ ታና ጎይኒስ፤

ኢስታ ቲሚርቴይካ አሲ ዎሲዳ ዎጋ  
ጊዲዲ ሲንሳፌ ሃናናይሳ ዮቲዳይሲ ቱማኮ” ጊደስ።

10 ዩሱሲ አሳ ባኮ ዪይጊዲ “ሲዩቴ ዎዝናን ዎሲቴ። 11 አስ ቱኒሲዛይ ኢዛዴ ዱናራ ሃ ኬዚዛይሳፌ አቲን ዱናራ ዱጌ ጌሊዛይ ቱኒሴና”

ጊደስ።

12 ቃሴ ኢዛ ካሊዛይቲ ኢዛኮ ሸቂዲ “ፋርሳዌቲ ኔ ጊዳይሳ ሲይዲ ሃንቄቲዳይሳ ኤራዲ?” ጊዳ።

13 ኢዚ ኢስታስ “ታ አዋ ሳሎይሲ ቶኮንታ ሚሲ ወሪካ ዶቃሌታና። 14 ኢስታ አጋጊቴ ኢስቲ ቆቂቲ ካሌሲዛ ቆቂታ ጊዲዳ ጊሽ፣ ቆቂቲ ቆቂ ካሌሲኮ ናምዳይ ኢሶይ ኢሳራ አይኬቲዲ አፎን ወላና” ጊደስ። \*

15 ጴጥሮሲ ዩሱሳ “ኔ ዮቲዳ ሌሚሶዛ ኑስ ቢርሻ” ጊደስ።

16 ኢዚካ “ኢንቴ ሃዲ ጋካናስካ ኤሪቤኪታ ጉሴ? 17 ዱናራ ጌሊዛይ ወሪ ዱጌ ቃንሴ ካንሲዲ ጌዴ ካሪ ኬዚዛይሳ ኤሪኪቲ? 18 ዱናራ ኬዚዛይ ጊዲኮ ዎዝናፕ ፑልቴስ። አስ ቱኒሲዛይ ሄሳ። \* 19 ኢታ ቆፋይ፣ ሽምፖ ዎዶይ፣ ላይማይ፣ ላይማታናስ ቃቃቶይ፣ ካይሶይ፣ ዎርዶ ማርካቴሲኔ አሳ ሱንስ ሞሮይ ወሪ ዎዝናፕ ፑልቴስ። 20 አስ ቱኒሲዛይ ሃይታንታፌ አቲን ኩሼ ሜጩቶንታ ሙሲ አስ ቱኒሴና” ጊደስ።

**ካናኔ ዴሬ ማጫሳይ አማኖ**  
(ማር 7:24-30)

\* 15:14 ሉቃ 6:39 \* 15:18 ማቶ 12:34

21 ዮሴፊ ሄፔ ከዚያ ጌዴ ጊሮሴኔ ሲዶና ጌቴጣ ደሬ ቢደስ። 22 ኢሲ ካናኔ ማጫሲ ዲዛራ ሄ ሄራፔ ከዛያ ዮሴፊኮ ያዳ “ጎዶ፣ ዳዉቴ ናዉ! ታስ ሚሼታ! ታ ናያ ቴና አያናይ አይኪን ኬሃ ዋያዉስ” ጋዳ ዋሳዱስ።

23 ጊዶ አቴን ኢዚ ኢሲ ቃላካ ኢዚስ ዛሪቤና። ሂስቴን ሄ ዎዴ ኢዛ ካሊዛይቲ ኢዛኮ ሺቂዲ “ኑና ካላ ካላ ዋይሲዛ ጊሽ ኔ ኢዞ ሞይዚኮቺ?” ጊዲ ኢዛ አይቺዳ።

24 ኢዚካ ኢስታስ “ታኒ ኢስራዌሌ ኬሳፌ ዳዩዳ ዶርሳታኮ 9ላላ ኪቴታዲስ” ጊደስ።

25 ማጫሳያካ ዮሴፊ ቶሆ ቦላ ኩንዳዳ “ጎዶ! ታና ማዳርኪ!” ጋዱስ።

26 ኢዚካ ኢዚስ ዛሪዲ “ናይታ ካስ ኤኪዲ ካና ቡቴላታስ ዮጋናስ ቤሴና” ጊደስ።

27 ኢዛካ “ኤ ጎዶ፤ ቡቴላቲካ ባ ጎዳ ማዳፔ ጋዴን ዎዲዳ ካስ ማጊ ሜቴስ” ጋዱስ።

28 ሂዘጊን ዮሴፊካ ማጫሳዮ “ሃኔ ማጫሳዮ፣ ኔ አማኖይ ጊታ! ኔ ኮይዳ ማላ ኔስ ሃኖ” ጊደስ። ማጫሳይ ናያካ ሄራካ ፓዳዱስ።

29 ዮሴፊ ሄፔ ዴንዲዲ ጋሊላ አባ ላንቄ ቢዲ ሄን ዲዛ ኢሲ ዙማ ቦላ ከዚ ኡቴደስ። 30 ቆዳን ዳሮ ዴሬይ ዎቤታ፣ ቆቆታ፣ ሲላታ፣ ሃሳዮንታ ዱዴታ ሃራታካ ዳሮ ሃርጋንቻታ ኤሂዲ ኢዛ ሲንሳን ዎሲደስ፤ ኢዚካ ኢስታ ፓሲደስ። 31 ዱዴይ ሃሳዩሺን፣ ቶሆ ሲላይ ፓዲሺን፣ ዎቤይ ሲቲ ጊዲ ሃሙቴሺን፣ ቆቆይ ዌሊሺን ቤዩዲ አሳይ ማላሌቴደስ፤ ኢስራዌሌ ጎዳካ ጋላቲደስ።

**ዮሴፊ አይዱ ሺ አሳ ሚዚደስ**  
(ማር 8:1-10)

32 ዮሴፊ ባና ካሊዛይታ ዌይጊዲ “አሳይ ታናራ ሄቩ ጋላስ ጋምዲዳ ጊሺኔ ማና ካሲ ባይንዳ ጊሽ አሳይ ታና ሚቼስ። አጌ ቦላን ጋፋን ዳቡሪዲ ኩንዶንታ ማላ ሜላ ኡሎራ ዮዳናስ ኮዩኪ” ጊደስ።

33 ኢዛ ካሊዛይቲ “ሃይሳን አይኮይካ ባይንዳ ባዞ ቢታን ሃይሳ ኬና ዴሬ ሚዛናስ ጊዲዛ ቁማ ኑ አዋፔ ዴማኔ?” ጊዳ።

34 ዮሴፊ ኢስታ “ኢንቴስ አፑን ኡኬሲ ዲዜ?” ጊ አይቺን ኢስቲካ “ላፑን ኡኬሲኔ ቂ ጉሳ ሞሌቲ ዴቴስ” ጊዳ።

35 ኢዚካ ዴሬዚ ጋዴን ኡታና ማላ አዛዚደስ። 36 ላፑን ኡኬሳኔ ሞሌዛ ባ ኩሺን አይኪዲ ጋላቲዳፔ ጉዮ ሜንሲዲ ባና ካሊዛይታስ ኢሚደስ፤ ኢስቲካ ዴራስ ጊሺዳ። 37 አሳይ ዉሪካ ሚዲ ካሊደስ፤ ዮሴፊ ካሊዛይቲ አሳፔ አቴዳይሳ ላፑን ሌማቴ ኩሜስ ሺሺዳ። 38 ሚዳይቲካ ናይቲኔ ማጫሳይ ባይንዳ አዴቲ 9ላላ አይዱ ሺ ጊዲዳ።

39 ዮሴፊ ዴሬዛ ሞይዚዳፔ ጉዮ ዎጎሎን ጌሊዲ ሜጊዶኔ ጌቴጣሶ ቢደስ።

16

1 ፋርሳዌቲኔ ሳዱቃዌ ጌቴጣይቲ ዮሴፊኮ ሺቂዲ ኢዛ ፓጫናስ “ሳሎፔ ማላታ ቤሳ” ጊዲ አይቺዳ።

\* 2 ኢዚካ ኢስታስ “አማርሳ ዎዴ ሳሎይ ዞዒኮ ‘ጋዴይ አዋታና’ ጌታ። 3 ዎንታ ቦላ ‘ሳሎይ ዴዒኮ ዴዒደስ፤ ሃቺ ኢራይ ቡካና’ ጌታ፤ ሳሎ ሜዳ ዌሊዲ ሻኪ ኤሬታ ሺን ታ ያና ዎዴ ማላታ ሻኪ ኤራናስ ዳንዳዩኬታ። \* 4 ሃይሲ ኢታኔ ላይማ ዮሌታይ ማላታ ኮዩስ፤ ጊዶ አቴን ዮናሳ ማላታፔ አቴን ሃራ ማላታይ ኢዛስ ኢሜቴና” ጊደስ። ዮሴፊ ኢስታ ሄን አጋጊዲ ሃራሶ ቢደስ። \*

5 አባ ፒኒዳ ማላ ዮሴፊ ካሊዛይቲ ቁማ አይካናይሳ ባሌቴዳ። 6 ዮሴፊካ “ቆፒቴ፤ ፋርሳዌታ ኢርሾሬኔ ሳዱቃዌታ ኢርሾሬ ናጌቴቴ” ጊደስ። \*

7 ኢስቲ ቃሴ ባ ጊዶን “ኑኒ ካስ አይኮንታ ጊሽ ሄሳ ጊደስ” ጊዲ ኢሶይ ኢሳራ ሃሳዮቴዳ

8 ዮሴፊካ ኢስታ ቆፋ ኤሪዲ “ኢንቴኖ አማኖይ ፓጫዳይቶ! ካስ አይኮንታ ጊሽ አዛስ ኢሶይ ኢሳራ ሃሳዮቴቲ? 9 ኢቻሹ ኡኬሲ ኢቻሹ ሺ አሳስ ጊዲዲ አፑን ሌማቴይ ቲርፒን ኢንቴ ዴንሲዳኮኔ ዩሺ ቆፔኬቲ? \* 10 ሄሳሳካ ላፑን ኡኬሲ አይዱ ሺ አሳስ ጊዲዲ አፑን ሌማቴይ ቲርፒን ኢንቴ ዴንሲዳኮኔ ዎዘናን ዎሲቤኬታ ጉሴ? \* 11 ሂስቴን ታ ኢንቴስ ዮቴዳይ ካሳ ጊሽ ጊዶንታይሳ ዋንዲ ዩሺ ቆፔኬቲ? ሃዒካ ፋርሳዌታ ኢርሾሬኔ ሳዱቃዌታ ኢርሾሬ ናጌቴቴ” ጊደስ።

12 ሃዒ ኢዚ ኢስታ ቆሬሲዛይ ቡኬሶ ዴንሳናስ ጉጂዛ ኢርሾ ጊሽ ጊዶንታ ፋርሳዌታኔ ሳዱቃዌታ ቲሚርቴሬ ናጌታና ማላ ጊዲዳይሲ ኢስታስ ጌሊደስ።

**ጴጥሮስ ዮሴፊ ያሳ ና ጊዶይሳ ዮቴደስ**

13 ዮሴፊ ቀሳሪያ ፒሊጲሲዮሴ ጌቴጣሶ ቢታ ጋኪዳ ዎዴ ባና ካሊዛይታ “አሳይ ታና አሳ ና አና ጊዜ?” ጊዲ አይቺደስ።

14 ኢስቲካ “ኢሲ ኢሲ አሳይ ‘9ማቂዛ ዮሃንሳ’ ጌስ፤ ባጋ አሳይ ‘ኤላሳ’ ጌስ፤ ባጋይ ‘ኤርማሳ ዎይኮ ናቤታፔ ኢሳዴ ጊዶንታ አጌና’ ጌስ” ጊዳ። \*

15 ኢዚካ ኢስታ “ኢንቴ ታና አና ጌቲ?” ጊደስ።

16 ሲሞና ጌቴጣሶ ጴጥሮስ “ኔኒ ኪርስቶስ ዴዎ ያሳ ና ጊዲኪ?” ጊዲ ዛሪደስ። \*

17 ዮሴፊ “ዮና ና ሲሞና ኔኒ አንጄቴዳዴ! ኔስ ሃይሳ ቆንጨሲዳይ ሳሎን ዲዛ ታ አዋፔ አቴን አሾኔ ሱሲ ጊደና። 18 ኔኒ ዛላ፤ ሃይሳ ዛላ ቦላ ታኒ ታ ዎሳ ኬሴ ኬፃና፤ ጋናሜ ፔንጌቲካ ኢዞ

\* 16:1 ሉቃ 11:38 \* 16:3 ኢሲ ኢሲ ጌሻ ማፃፊታን ፓይዶ ናምዓኔ ሄቫ ቦላ ዮሴፊ ሃሳዩዳ ሌሚሳዛ ጎዔቴቴና። \* 16:4 ማቶ 12:39፤ ሉቃ 11:29 \* 16:6 ሉቃ 12:1 \* 16:9 ማቶ 14:17-21 \* 16:10 ማቶ 15:34-38 \* 16:14 ማር 6:14-15፤ ሉቃ 9:7-8 \* 16:16 ዮሃ 6:68-69



ያኔ፡፡ 19 ሳሎ ካዎቴሳ ቁልፎታ ታ ኔስ ኢማና፤ ኔኒ ቢታ ቦላ ሃኖ ጊዛይ ወሪ ሳሎኒካ ሃናና፡፡ ቢታ ቦላ ኔ ሃኖ፡፡ ጊዳይሲ ወሪካ ሳሎኒካ ሃናና” ጊደስ፡፡ \*

20 ቃሴካ ኢዚ ኪርስቶስ ጊዳይሳ ኢስቲ ኦናስካ ዮቶንታ ማላ ባና ካሊዛይታስ ሎዔሲ ዮቲደስ፡፡ †

**ዮሱሲ ባ ቦላ ጋካና ሜቶ ጊሽ ናምዓንሶካ ዮቲደስ**

21 ሄሳፌ ሃ ሲሚን ዮሱሲ ዮሩሳሌም ባናይሳ፡፡ ሄን ደሬ ጨማታን፡፡ ቁሴታ ሃለቃታኒኔ ሙሴ ዎጋ ታማርሲዛይታ ኩሼን ዋዬ ኤካናይሳ፡፡ ሃይቃናይሳኔ ሄዳንሶ ጋላስ ሃይቆፕ ደንዳናይሳ ባና ካሊዛይታስ ቆንጨሲዲ ዮቲደስ፡፡

22 ጴጥሮሲ ዮሱሳ ጊዴ ኢሲ ባጋ ዛሪዲ “ጎዶ! ሃይሲ ኔ ቦላ ጋኮፎ!” ጊዲ ሃንቁደስ፡፡

23 ዮሱሲ ጴጥሮሳኮ ሺቁዲ “ሃይሶ ሃላዔ! ሃይሳፌ ኪቻ! ኔኒ ኣሳዛፕ ኣቲን ሶሳ ዮይይ ኔ ዎዝና ጊዶን ባይንዳ ጊሽ ኔ ታስ ጴጴ ጊዳይሳ” ጊደስ፡፡

24 ቃሴካ ዮሱሲ ባና ካሊዛይታስ “ታና ካላናስ ዶሲዛ ኣሲ ባና ካዶ፤ ባ ማስቃሌ ቶኪዲ ታና ካሎ፡፡ † 25 ባ ሼምፖ ኣሻና ኮዬዛ ኣሲ ወሪ ጳይሳና፤ ጊዶ ኣቲን ባ ሼምፖ ታ ጊሽ ጳይሲዛይይ ኣሻና፡፡ \* 26 ኣሲ ኣላሜን ዲዛዝ ኩሜስ ሃሪድ ባ ሼምፖ ጳይሲኮ ኢዛ ኣይ ማዳኔ? ዎይኮ ኣሲ ባ ሼምፖ ጊሽ ቃንጎና ዳንዳዬዛዚ ኣዜ? 27 ኣሳ ናይ ባ ኣዋ ቦንቾራኔ ሳሎ ኪታንቻታራ ያና፤ ኢሳስ ኢሳስ ኢዛ ኣሶ ማላ ኢዛዴ ዋጋ ኢማና፡፡ \* 28 ታ ኢንቴስ ቱሙ ጋይስ፤ ሃይሳን ኤቂዳ ኣሳታ ጊዶፌ ኣሳ ናይ ባ ካዎቴሳራ ዩሺን ቤያና ጋካናስ ሃይቆይ ኢስታ ቦቾንታ ኣሳቲ ዴቴስ” ጊደስ፡፡

**ዮሱሳ ሜዳይ ላሜቲደስ**

(ማር 9:2-13፤ ሉቃ 9:28-36)

1 ኡሱፑን ጋላሳፌ ጉዬ ዮሱሲ ጴጥሮሳኔ ያቆቤ ቃሴካ ያቆቤ ኢሻ ዮሃኒሳ ባናራ ኤኪዲ ኢስታራ ሃላላ ኢሲ ጵቃ ዙማ ቦላ ኬዚደስ፡፡ \* 2 ኢስቲ ሄን ዲሺን ዮሱሳ ሜዳይ ላሜቲደስ፤ ኢዛ ኣይፌሶይ ኣዋ ኣርሼ ማላ ፖሊደስ፤ ኢዛ ማይይይካ ፖፖ ማላ ያልቁደስ፡፡ 3 ሄራካ ሙሴይኔ ኤላሲ ዮሱሳራ ሃሳዩሼ ኢስታስ ቤቲደስ፡፡ 4 ጴጥሮሲ ዮሱሳ “ጎዶ! ኑ ሃኒን ዲዛኮ ኑስ ሎዎ! ኔ ሼኔ ጊዲኮ ኢሲ ዳሴ ኔስ፤ ኢሲ ዳሴ ሙሴስ፤ ኢሲ ዳሴ ኤላሳስ ሄዥ ዳሴ ኣሶ?” ጊደስ፡፡

5 ኢዚ ቡሮ ሃሳያን ዲሺን ፖሊዛ ሻራይ ኢስታ ካሚደስ፤ ሻራ ጋላራ “ታኒ ኢዛን ኡፋዮቲዛ ታ ዶሲዛ ታ ናይ ሃይሳ፤ ኢዚ ጊዛዝ ሲዩቴ” ጊዛ ቃላ ጊሪስ ሲዩቲደስ፡፡ \*

6 ኢዛ ካሊዛይቲካ ሄሳ ሲዩዳ ዎዴ ዳጋሚዲ ቢታ ቦላ ጉፋኒዳ፡፡ 7 ዮሱሲ ኢስታኮ ሺቁ ኢስታ ባ ኩሼን ቦቹዲ “ዴንዲቴ፤ ባቦፍቴ!” ጊደስ፡፡ 8 ኢስቲ ጵቁ ጊ ዩሊሺን ዮሱሳፕ ኣቲን ኢዛራ ሃራ ኣስ ኦናካ ቤዒቤቴና፡፡

9 ኢስቲ ዙማ ቦላፌ ዎዲሺን ዮሱሲ “ኣሳ ናይ ሃይቆፕ ደንዳና ጋካናስ ኢንቴ ቤዮይሳ ኦናስካ ዮቶንታ ማላ” ጊ ኣዛዚደስ፡፡

10 ዮሱሳ ካሊዛይቲ “ሂስቲን ሙሴ ዎጋ ታማርሲዛይቲ፤ ኤላሲ ካሴቲዲ ያና ቤሴስ ኣዛስ ጊዞ?” ጊዲ ኣይቹዳ፡፡ \*

11 ኢዚካ ኢስታስ “ቱማኮ፤ ኤላሲ ዩዲ ወርሲካ ጊጊሳና ጊዲ ዛሪደስ፡፡ 12 ታ ኢንቴስ ጊዛይ ኤላሲ ዩደስ፤ ጊዶ ኣቲን ኣሳይ ባ ኮይዳ ማላ ኢዛ ቦላ ኦሲደስ ኣቲን ኢዛ ኤርቤና፤ ሄሳሶካ ኣሳ ናይ ኢስታ ኩሼን ዋዬ ቤያና” ጊደስ፡፡ \*

13 ሄ ዎዴ ዮሱሳ ካሊዛይቲ ዮሱሲ ኢስታስ ዮቲዛይስ ማግቂዛ ዮሃኒሳ ጊሽ ጊዳይሳ ኤሪዳ፡፡

**ዳይዳንሳ ኣይኪዳ ኢሲ ና ዮሱሲ ፓሲደስ**

(ማር 9:14-29፤ ሉቃ 9:37-43)

14-15 ዮሱሲኔ ኢዛ ካሊዛይቲ ኣሳኮ ሲሚዳ ማላ ኢሲ ኣሲ ዮሱሳኮ ሺቁዲ ኢዛ ሲንሳን ጉልባቲዲ “ጎዶ! ታ ና ዳይሳ ቦላፌ ዮጊዛ ሃርጌይ ዳሮ ዋይሲዛ ጊሽ ታስ ማራሪኪ! ዳሮ ዎዴ ታማን ኩንደስ፤ ሃሳንካ ጌሌስ፡፡ 16 ታኒ ናዛ ኔና ካሊዛይታኮ ኤሃዲስ ሺን ኢስቲ ኢዛ ፓሳና ዳንዳይቤቴና” ጊደስ፡፡

17 ዮሱሲ “ኔኖ ኣማኖንታ ጌላ ዮሌታዞ! ኣይዴ ጋካናስ ታ ኢንቴናራ ዳኔ? ቃሴ ኣይዴ ጋካናስ ታ ኢንቴና ዳንዳይኔ? ኣኔ ናዛ ሃ ታኮ ኤሂቴ” ጊደስ፡፡ 18 ሄሳፌ ጉዬ ዮሱሲ ዳይዳንሳ ሴሪዲ ናዛፕ ኬሲደስ፤ ናዚካ ሄ ሳቴፕ ሲሚዲ ፓሂደስ፡፡

19 ዮሱሳ ካሊዛይቲ ሃላላ ኢዛኮ ሺቁዲ “ኑኒ ዳይዳንሳ ኬሳናስ ኣዛስ ዳንዳይቤይኮኒ?” ጊዲ ኣይቹዳ፡፡

20 ኢዚካ ኢስታስ “ኢንቴስ ኣማኖይ ፓጩ ጊዲዳ ጊሽ ዳንዳይቤይታ፤ ታ ኢንቴስ ቱሙ ጋይስ፤ ቁሪ ጋሼ ኣይፌ ማላ ኣማኖይ ኢንቴ ቦላ ዲዛኮ ሃይሳ ዙማ ‘ሃይሳፌ ደንዳና ጊዴ ባ!’ ኢንቴ ጊዳኮ ኢዚ ኢንቴስ ባና፡፡ ኢንቴና ያናይደ ደና፡፡ \* 21 ሃይሳ ማላይ ጊዲኮ ምኒኔ ዎሳን ኣቲን ሃራን ኬዜና” ጊደስ፡፡ \*

\* 16:19 ማቶ 18:18፤ ዮሃ 20:23 † 16:20 ኪርስቶስ ጉሲ ያሳፌ ቲዩቲዳይ ጉሳ፡፡ † 16:24 ማስቃሌ ጉሲ ሜቶ ጉሳ፡፡ \* 16:25 ማቶ 10:39፤ ሉቃ 17:33፤ ዮሃ 12:25 \* 16:27 ማቶ 25:31፤ ማዛ 62:12፤ ኦሮ 2:6 \* 17:1 2ጴጥ 1:17-18 \* 17:5 ሜዴ 22:2፤ ዛሬ 18:5፤ ማቶ 3:17፤ 12:8፤ ኢሳ 2:7፤ ማር 1:11፤ ሉቃ 3:22 \* 17:10 ሚካ 4:5 \* 17:12 ማቶ 11:14 \* 17:20 ማቶ 21:21፤ ማር 11:23፤ 1ቆሮ 13:2 \* 17:21 ኢሲ ኢሲ ጌኤሻ ማጎፋታን ፓይዶ ናምዑ ታማኔ ኢሲን ቦላ ዲዛ ቆፋይ ጉጂቲቤና፤ ቃላይካ ማር 9:29 ዲዛይሳ ማላ፡፡

22 ኢስቲ ጋሊሳን ኢሲፌ ዲሺን ዮሱሲ ኢስታ “ታና አሳ ና አሳስ አሲ ኢማና።” 23 ኢስቲካ ኢዛ ዎዳና፤ ኢዚካ ሄዳንሶ ጋላስ ዴንዳና” ጊን ኢዛ ካሊዛይቲ ኬሂ ሚሼቲዳ።

**ዎሳ ኬሳ ጊራ ቃንዎ**

24 ዮሱሲ ኢዛ ካሊዛይቲ ቂፊርናሆሜ ጌቴቲዛሶ ጋኪዳ፤ ጉዮ ዎሳ ኬሳ ጊራ ኤኪዛይቲ ጳፅሮሳኮ ሺቂዲ “ኢንቴ አስታማሬይ ዎሳ ኬሳ ጊራ ናምዑ ዲናሬዛ አይስ ቃንዩ።” ጊዳ። \*†

25 ኢዚካ ኢስታስ “ቃንዩስ” ጊዴስ። ጳፅሮሲ ሶ ጊሊዳ ማላ ዮሱሲ ካሴቲዲ “ሲሞና ዴሬ ካዎቲ ጊራ ጊዲን ዎይኮ ቃራፃ ጊዲን ባ ናይታ፤ ኤኪዛዮ? ሃራታ፤ ኤኪዛ ሚሳቲዜ?” ጊዴስ።

26 ጳፅሮሲካ “ሃራታ፤ ኤኪቴስ” ጊዴስ። ዮሱሲ “ሂስቲኮ ናይታ ቦላ አጮይ ባ ጉሳካ! 27 ሂስቲኮካ ኢስታ ኑ ዳጳሶንታ ማላ ኔ ሞሌ አይኪዛ ጊቴ ኤካ ባዳ አባን ዮጋ፤ ኮይሮ አይኪዳ ሞሌዛ ዱና ኔ ፖቃዳ ዴሚዛ ሚሻ ኤካዳ ታ ሱንሳራ ኔ ሱንሳራ ጊራ ቃንዩ” ጊዴስ።

18

**ሳሎ ካዎቴሳን ኡባሬ አዳናይ አኔ?**

(ማር 9:33-37፤ ሉቃ 9:46-48)

1 ሄ ዎዴ ዮሱሳ ካሊዛይቲ ኢዛኮ ሺቂዲ “ሳሎ ካዎቴሳን ኑ ጋራሳን ኡባሬ አዳናይ አኔ?” ጊ አይቺዳ። \* 2-3 ዮሱሲ ኢሲ ና ዌይጊ ኤሂዲ ኢስታ ጊዴን ኤሲዲ “ታ ኢንቴስ ቱሙ ጋይስ፤ ኢንቴ ሲሞንታ ኢዲኮኔ ጉሳ ናይታ ማላ ሃኖንታ ኢዲኮ ሙሌካ ሳሎ ካዎቴሳ ጌሌኪታ።” \* 4 ሄሳ ጊሽ ሃ ናዛ ማላ ባና ዚቂሲዛዴይ ሳሎ ካዎቴሳን ኡባሬ አዳና። 5 ሃይሳ ማላ ጉሳ ና ታ ሱንሳን ኤኪዛዴይ ታና ኤኪስ። \*

6 “ጊዴ አቲን ታና አማኒዛ ጉሳታ፤ ኢሳዴ ዳጳሲዛይ ዴዎ ዎፃ ሹቸ ባ ቆዴን ቃሼቲዲ አባ ጨማን ዮጌቲዲ ሚቴቲኮ ኢዛስ ሎዎ ጊዳና” ጊዴስ። 7 ሃና አላሜያ አሲ ዳጳና ጋሶ ጊዲዳ ጊሽ ኢዚስ አዩ-አና! ዳጳይ ዮስ አጊና ሺን ዳጳዛስ ጋሶ ጊዲዛይስ አዩ-አና!

8 ኔ ኩሼይ ዎይኮ ኔ ቶሆይ ኔና ዳጳናስ ጋሶ ጊዲኮ ኔ፤ ቃንዩ ዲጋ! ኔ ናምዑ ኩሼራ ዎይኮ ናምዑ ቶሆራ ጊዴ ሜርና ታማን ዮጌታና፤ ዎሴ ዎይኮ ቶሆ ሲላ ጊዳዳ ሄ ጊዴ ዴዎይ ዲዛሶ ጌሎይ ኔስ ሎዳና። 9 ሄሳሶካ ኔ አይሬይ ኔስ ዳጳ ጊዲኮ ኔ፤ ኬሳ ዮጋ! ናምዑ አይሬራ ጊዴ ጋናሚ ታማን ኔ ዮጌታና፤ ኢሲ አይሬራ ዴዎይ ዲዛሶ ኔ ጊሊዛይሲ ኔስ ሎዎ። \*

10 “ሃይታ ጉሳታ ጊዴሬ ኢሲኒዮካ ኢንቴ ካዲንታ ማላ ናጌቲቲ! ታ ኢንቴስ ቱሙ ጋይስ፤ ሳሎን ዲዛ ኢስታ ኪታንቻቲ ሳሎን ታ አዋ አይሬሶ ኡባ ጋላስ ዌሌቲስ።” 11 አሳ ናይ ዳይዳይታ አሻናስ ዮዴስ። \*\*

**ዳይዳ ዶርሳ ሴሚሶ**

(ሉቃ 15:3-7)

12 “አኔ ታስ ዮቲቲ ኢሳዴስ ዌቲ ዶርሲ ዲኮ ቃሴ ኢስታሬ ኢሲና ዳይኮ፤ ሃንኮ ኡዱፋን ታማኔ ኡዱፋናታ ዙማ ቦላ ዮጊዲ ዳይዳሮ ኮያና ቢ ኤሬኔ? 13 ታ ኢንቴስ ቱሙ ጋይስ፤ ሃንኮ ዳዮንታ አቲዳ ኡዱፋን ታማኔ ኡዱፋን ዶርሳታ፤ አሲዲ ቤቲዳ ዶርሳይን ኡፋዮቲስ።” 14 ሄሳሶካ ሃ ጉሳታ ጊዴሬ ኢሶይ ዳይና ማላ ሳሎን ዲዛ ኢንቴ አዋ ሼኔ ጊዴና።

**ቆሂዳዴስ አይ አሳና ቤሲዛኮ**

15 “ኔ ኢሻይ ኔና ቆሂኮ ኢዛኮ ባዳ ኢዛ ፃላላ ኔናራ ኤካዳ ኢዛ ሞሮ ኢዛስ ዮታ፤ ኢዚ ኔ ጊዛ ሲዩኮ ኔ ኢሻ ኔ አስ አሳሳ።” \* 16 ኢዚ ኔ ጊዛይሳ ሲዮንታ ኢዲኮ ዮዎይ ወሪ ናምዑ ማርካን ዎይኮ ሄዥ ማርካን ላዲዛ ጊሽ ኢሳዴ ዎይኮ ናምዑ አስ ኔናራ ኤካ ባዳ ኢዛ ሃሳይሳ። \* 17 ኢዚ ኢስታካ ሲዮንታ ኢዲኮ ዎሳ ኬሳስ ዮታ፤ ዎሳ ኬሳኮካ ሲዮንታ ኢዲኮ ኢዛዴ ኔ አማኖንታዴ ማላኔ ዮቲን ሲሞንታ ኢታ አሳ ማላ ቆዳ።

18 “ታ ኢንቴስ ቱሙ ጋይስ፤ ኢንቴ ቢታ ቦላ ቃቺዳይ ወሪካ ሳሎኒካ ቃሼቲዳ ጊዳና፤ ኢንቴ ቢታ ቦላ ቢርሺዳዚ ሳሎኒካ ቢርሼቲዳይሳ ጊዳና።” \* 19 ቃሴካ ታ ኢንቴስ ቱሙ ጋይስ፤ ኢንቴ ቢታ ቦላ ናምዑ ጊዲዲ አይ ሚሺካ ኤሮ ኤሮ ጊዲ ኢንቴ አይቺኮ ሳሎን ዲዛ ታ አዋይ ኢንቴስ ኢማና። 20 ናምዑ ዎይኮ ሄዥ ጊዲዲ ታ ሱንሳን ኢንቴ ሺቂዛሶን ሄን ኢንቴ ጊዴን ታ ዳና” ጊዴስ።

**ማሮ ጊሽ**

21 ሄሳ ዎዴ ጳፅሮሲ ዮሱሳኮ ሺቂዲ “ጎዶ! ታ ኢሻይ ታና ቆሂኮ ታ ኢዛስ አፑንቶ አቶ ጎ? ላፑንቶ አቶ ጎ?” ጊዴስ። \*

22 ዮሱሲካ ኢዛስ ዛሪዲ “ላፑን ታሙቶ ላፑን አቲን ላፑንቶ ፃላላ ጋ፤ ጊኬ፤” \*

\* 17:24 ኬሳ 30:13-15፤ 38:26 † 17:24 ኢሲ ዲናሬይ ሄ ዎዴ ኢሲ አሳስ ናምዑ ጋላሳ ዳሞዛ ላጊ። \* 18:1 ሉቃ 22:24 \* 18:2-3 ማር 10:15፤ ሉቃ 18:17 \* 18:5 ማር 9:42-48፤ ሉቃ 17:1-2 \* 18:9 ማቶ 5:29 \* 18:11 ሉቃ 19:10 \* 18:11 ኢሲ ኢሲ ጊሻ ማፃፋቲ ፓይዶ ታማኔ ኢሲን ቦላ ዲዛ ቆፋ ጉጂቴስ፤ ኢዚካ ሉቃሳ ሽምፖ 10 ቦላ ዲዛይሳ ማላ። \* 18:15 ሉቃ 17:3 \* 18:16 ዛሪ 19:15 \* 18:18 ማቶ 16:19፤ ዮሃ 20:23 \* 18:21 ሉቃ 17:3-4 \* 18:22 ሜዴ 4:24

23 “ሄሳ ጊሽ ሳሎ ካዎቴሲ አሽካራ ቦላ ዲዛ ሚሼ ሸሻና ኮይዳ ካዎ ሚሳታዉስ። 24 ሚሻ ቆዳ አይኪዳ ማላ ኢዛ አሽካራታፔ ዳሮ ሚሎኔ ቢራ አጮይ ኢዛ ቦላ ዲዛዴ ኤኪ ዩዳ። † 25 አሽካራይካ ኢዛ ቦላ ዲዛ አጮዛ ቃንጾይ ጾንዳ ጊሽ ኢዚካ ኢዛ ማቺያካ ኢዛ ናይቲኔ ኢዛዚ ወሪ ባይዜቲዲ ሚሻይ ቃንጻታና ማላ ኢዛ ጎዳይ አዛዚዴስ። 26 ሄ ዎዴ አሽካራዚ ጎዳዛ ቶሆ ቦላ ኩንዲዲ ‘ታኒ ታ ቦላ ዲዛ አጮዛ ወርሲ ኔስ ቃንጻና ጋካናስ ታስ ጉላ ዎዴ ኢማርኪ!’ ጊዲ ዎሲዴስ። 27 ኢዛ ጎዳይካ ኢዛዚ ሚሹቲዲ ኢዛ አጮዛ ወርሲ ማሪዲ ዩዲዴስ።

28 “ሄ አሽካራይካ ባ ጎዳ አቻፌ ኬዚዳ ማላ ጉላ አጮይ ኢዛ ቦላ ዲዛ ባ ላጌ ዴሚዲኔ ‘ኔ ቦላ ዲዛ ታ ሚሻዮ ሃረ ሃኒን ቃንጻ’ ጊዲ ጩሊ አይኪዴስ። ‡ 29 ሄ ኢዛ ላጌ አሽካራይ ‘ታስ ጉላ ዎዴ ኢማርኪ! ታ ኔስ ቃንጻና’ ጊዲ ኢዛ ቶሆ ቦላ ኩንዲዲ ዎሲዴስ።

30 “ጊዶ አቲን ኢዛዚ ጉላ ዎዴ ኢማናስ ኮዮንታ ኢዲዲ ኢዛ ላጌዚ ባ ቦላ ዲዛ አጮዛ ቃንጻና ጋካናስ ቃሻ ኬላን ዩጊዴስ። 31 ሄሳ ኢዚ አሲሽን ቤዩዳ አሳይኔ ሃንኮ ኢዛ ላጌ አሽካራቲ ዳሮ ሚሹቲዳ። ቢዲካ ሃኒዳይሳ ወርሲ ባ ጎዳስ ዮቲዳ።

32-33 “ሄ ዎዴ ጎዳዚ ሄ አሽካራ ዪይጊሲ ኤሂዲ፣ ሃይሶ ኔዮ! ኢታዞ፣ ኔ ታና ዎሲን ኔ ቦላ ዲዛ አጮዛ ታ ኔስ አጋዲሲሽን ታ ኔና ማሪዳ ማላ ኔካ ኔ ላጌዛ ማሪናስ ቤሴኔ? 34 ጊዲ ኢዛ ቦላ ዲዛ አጮዛ ኢዚ ወርሲ ቃንጻና ጋካናስ ቃቻና ማላ ቃቻዛይታስ አሲ ኢሚዴስ። 35 ሄሳ ጊሽ ኢንቴ ኢሶይ ኢሳ ዎዘናፔ ማሮንታ አጊኮ ሳሎን ዲዛ ታ አዋይካ ኢንቴና ማሪና” ጊዴስ።

19

**ዩሱሲ ኤኮ ጊሺኔ ጌሎ ጊሽ ታማርሲዴስ**  
(ማር 10:1-12)

1 ዩሱሲ ዮቲ ወርሲዳፔ ጉዩ ጋሊላ አጊዲ ዮርዳናሴ ፒንላን ዲዛ ዩሁዳ አወራጃ ቢዴስ። 2 ዳሮ ዴሬይ ኢዛ ሄን ካሊን ኢዚካ ሃርጋንቻታ ፓሲዴስ።

3 ፋርሳዌቲ ኢዛ ፓጫናስ ኢዛኮ ሸቂዲ አይ ጋሶንካ “አሲ ባ ማቾ አንጂ ዩዳና ቤሲዜ?” ጊዲ አይቺዳ።

4 ኢዚካ ኢስታስ “ዎሲ ኮይሮፔ ማጫኔ አዴ ሜዲዳይሳ ናባቢቤይኪቲ? ጊዴስ። \* 5 ቃሴካ ‘አሲ አዋኔ አዮ አጊዲ ባ ማቺራ ኢሲፌ ጊዴስ። ናምዳይካ ኢሲ አሾ ጊዴቲስ’ ጌቲቲዳይሲ ሃይሳ ጌዶን ጊዴኔ? ጊዴስ። \* 6 ናምዳይ ኢሲ አሾ አቲን ሲንሳፌ ናምዑ ጊዴቲና። ሄሳ ጊሽ ዎሲ ጋሊ ዋሂዳይሳ አሲ ሻኮሮ” ጊዴስ።

7 ኢስቲካ ኢዛዚ “ሂስቲን ሙሴይ ‘አሲ ባ ማቾ አንጂ ዩዲዳ አንጂ ዋራቃታ ኢዚስ ኢሚ ዩዶ’ ጊዲ አዛስ አዛዚዴስ?” ጊዳ። \*

8 ዩሱሲካ ኢስታስ “ሙሴይ ኢንቴ ዎዘና ሙሜቲስ ቤዩዲ ማቺታ ኢንቴ አንጃና ማላ ፒቃዴ ኢንቴስ ኢሚዴስ አቲን ኮይሮፔ ሄሳ ማላ ጊዴና።

9 “ታ ኢንቴስ ቱሙ ጋይስ፤ ባ አዚናፔ ሃራራ ላይማቶንታ ዲሸን ባ ማቾ አንጂዲ ሃራ ማቾ ኤኪዛዴይ ወሪ ላይማቲስ። አንጂቲዳሮካ ኤኪዛዴይ ኢዚራ ላይማቲስ” ጊዴስ። \* 10 ዩሱሳ ካሊዛይቲ ኢዛዚ “ማቺ ዎጋይኔ አዚና ዎጋይ ሃይሳ ማላ ጊዲኮ ማቾ ኤኮንታ አጎይ ሎዎ” ጊዳ።

11 ጊዶ አቲን ዩሱሲ ኢስታስ “አሲ ኢሲ ኢሜቲዳ አሳታፔ አቲን ሃይሳ ቲሚርቱዛ አኒካ ኤካናስ ዳንዳዩና። 12 ጋሶይካ ኢሲ ኢሲ አሳይ ባ አዩ ኡሎፔ ዩሎቲሽ ሹፋ ጊዲዲ ዩሎቲስ፤ ኢሲ ኢሲ አሳይ አሳ ኩሼን ቃራቲቲዲ ጉንዱሎስ፤ ኢሲ ኢሲ አሳይ ሳሎ ካዎቴሳስ ጊዲ ባና ባርካ ጉንዱላ አሲዛ አሲካ ዴስ። ሃይሳ ኤካናስ ዳንዳዩዛዴይ ኤኮ” ጊዴስ።

**ዩሱሲ ጉላ ናይታ አንጂዴስ**  
(ማር 10:13-16፤ ሉቃ 18:15-17)

13 ሄ ዎዴ ዩሱሲ ኢስታ ቦላ ባ ኩሼ ዎሲዲ ዎሳና ማላ ጉላ ናይታ ኢዛኮ ኤኪ ኤሂዳ፤ ጊዶ አቲን ኢዛ ካሊዛይቲ ናይታ ኤሂዳ አሳታ ቦላ ሃንቁቲዳ። 14 ዩሱሲ “ናይቲ ሃ ታኮ ዩቶ፤ ዲጎፍቴ፤ ሳሎ ካዎቴሲ ሃይታንታ ማላሳ!” ጊዴስ።

15 ባ ኩሼ ናይታ ቦላ ዎሲዲ አንጂዳፔ ጉዩ ሄፔ ዴንዲ ቢዴስ።

**ናቴላ ዱሬ አዴዛ አይሻ**  
(ማር 10:17-31፤ ሉቃ 18:18-30)

16 ሄሳፌ ጉዩ ኢሳዴይ ዩሱሳኮ ሸቂዲ “አስታማሬ! ሜርና ዴዎ ዴማናስ ታኒ ሎዎ አሶ አይ አሶ?” ጊዲ አይቺዴስ። 17 ዩሱሲካ “ታና አዛስ ሎዎ ጊሽ አይቻይ? ሎዎይ ኢሲ ዶሳ ሃላላ፤ ጌዴ ዴዎይ ዲዛሶ ኔ ጌላና ኮይኮ አዛዞታ ናጋ” ጊዴስ።

18-19 አዴዚ “አዛዞቲ አዋይቲ?” ጊዲ አይቺዴስ። ዩሱሲካ ዛሪዲ “አስ ዎዶፓ፤ ላይማቶፓ፤ ካይሶቶፓ፤ ዎርዶ ማርካቶፋ፤ ኔ አዋኔ ኔ አዮ ቦንቻ፤ ኔ ሾሮ ኔ ማላ ሲቃ” ጊዴስ። \* 20 ናቴላዚ ዛሪዲ “ሃይሳ ወርሳ ታ ናጋዲስ፤ ሃራይ አዚ ታስ ፓጩዴ?” ጊዴስ።

† 18:24 ዳሮ ሚሎኔ ቢራ ዳሮ ሚሎኔ ቢራ ጊዛይሲ አማራ ማጻፍን ‘ሜክሊቲ’ ጌስ፤ ኢሲ ሜክሊቲይ ሄ ዎዴ ኢሲ አሳስ ታማኔ ኢቻሹ ላይሳ ዳዎዜፔ ቦላ ጊዲዳይሳ ቤሴስ። ‡ 18:28 ጉላ አጮይ ጊዛይሳ አማራ ማጻፍን ‘ዪቱ ዲናሬ’ ጌስ፤ ሄ ዎዴ ኢሲ አሳስ ኢሲ ጋላሳ አሶ ዳዎዜ ቤሴስ። \* 19:4 ሜዴ 1:27፤ 5:2 \* 19:5 ሜዴ 2:24 \* 19:7 ዛሬ 24:1-4፤ ማቶ 5:31 \* 19:9 ማቶ 5:32፤ 1ቆሮ 7:10-11 \* 19:18-19 ኬሳ 20:13-16፤ ዛሬ 5:17-20፤ ሎዌ 19:18

21 ዮሴፊክ ዛሪዲ “ኔ ሙሴ ጊላና ኮይኮ ባዳ ኔ ሃሪዳዝ ወርሳ ባይዛዳ ሚሻ ወርሳ ማንቆታስ ኢማ፤ ኔኔ ሳሎን ሚሽ ደማንዳሳ፤ ሄሳፌ ጉዩ ሲማ ያዳ ታና ካላ” ጊደስ።

22 አደዜ ሄሳ ሲይዲ ኢዛስ ዳሮ ሚሺ ዲዛ ጊሽ ኬሂፕ ሚሽቴሽ ቢደስ። 23 ዮሴፊ ባና ካሊዛይታ “ታ ኢንቴስ ቱሙ ጋይስ፤ ዱሬቲ ሳሎ ካዎቴስ ጊላናይሲ ዳሮ ሜቶ። 24 ቃሴካ ታኒ ኢንቴስ ጊዛይ ዱሬይ ሳሎ ካዎቴስ ጊላናይሳፌ ጋሜላይ ናርፕ ሉኮራ አደሴ ካወያና” ጊደስ። \*

25 ሄሳ ሲዩዳ ኢዛ ካሊዛይቲ ዳሮ ቆፕዲ “ሂስቲን አኒ አታናስ ዳንዳዩዜ?” ጊዲ ዮሴሳ አይቺዳ።

26 ዮሴፊክ ኢስታ ዪሊዲ “ሃይሲ አሳ አቻን ዳንዳዩቴና፤ ያሳ አቻን ጊዲኮ ወርካ ዳንዳዩቴስ” ጊደስ።

27 ጴፅሮሲ ኢዛስ ዛሪዲ “ኑ ወርሲካ አጊዲ ኔና ካሊዶስ፤ ሂስቲን ሃዲ ኑ አይ ደማኔሻ?” ጊደስ።

28 ዮሴፊክ ኢስታስ “ታ ኢንቴስ ቱሙ ጋይስ፤ አሳ ናይ ቡሮ ያና አራሳ አላሜን ባ ቦንቾ አልጋ ቦላ ኡቲዛ ዎዴ ኢንቴ ታና ካሊዳይቲ ታማኔ ናምዑ አልጋ ቦላ ኡቲዲ ታማኔ ናምዑ ኢስራኔሴ ናይታ ቦላ ፐርዳና። \* 29 ታ ሱንላ ጊሽ ጊዲ ባ ኬሴ፥ ባ ኢሻታ፥ ባ ሚቼታ፥ ባ አዋ፥ ባ አዮኔ ባ ናይታ፥ ዎይኮ ባ ቢታ አጊዛ አሲ ወር ዪቱ ኩሼ ዳኮ ኤካና፤ ሜዲና ደዎካ ላታና። 30 ጊዶ አቲን ዳሮ ሲንሴ ጊዲዳ አሳቲ ጉዩ ጊዳና፤ ዳሮ ጉዩን ዲዛ አሳቲ ሲንሳታና። \*

20

**ዎይኔ አታኪልቲ አሳንቻታ ሌሚሶ**

1 “ሳሎ ካዎቴሲ ባ ዎይኔ አታኪልቲ ጊዶን አሲዛ አሳንቻታ ቃፃራናስ ማላዶራ ኬዜዳ ኢሲ አታኪልቲይ ዲዛ ጋዳዴ ሚሳታወስ። 2 ኢሲ ጋላሳ ዳዎዛ ጊዲዛዝ ሃሳዩቲዲ ጊጊዳፕ ጉዩ አሳንቻታ ዎይኔ አታኪልቲ አሶ አይሲደስ።

3 “ማላዶ ሄሹ ሳቲን ኬዜዲ አሶይ ባይንዳ ሜላ ጊያይ ኤቁዛሶን ኤቁዳ ሃራ አሳታ ደሚደስ።

4 ‘ኢንቴ ቢዲ ታ ዎይኔ ጊዶን አሲቴ፤ ታ ኢንቴስ ቢሲዛ ሚሽ ኢማና’ ጊደስ። 5 ኢስቲካ ቢዳ፥ ቃሴካ ጋላሳፌ ኡሱፕን ሳቲኔኔ ኡዱፉን ሳቲ ቦላ ኬዜዲ ሃራ አሳንቻታ አሶን ጊልሲደስ። 6 አማርሳ ዎዴ ታማኔ ኢሲ ሳቲ ጊዲዛ ዎዴ ኬዜዲ ሙ ኤቁዳይታ ሃራታ ደሚዲ ‘ኢንቴ ኩሜላ ጋላስ አሶይ ባይንዳ አዛስ ሃይሳን ኤቁቲ?’ ጊዲ አይቺደስ።

7 “ኢስቲካ ‘ኑና አሲሲዛ አሲ ዳዩዳ ጊሽ ኤቁዶስ’ ጊዳ። ኢዜካ ኢስታ ‘ኢንቴካ ቢዲ ታ ዎይኔ አታኪልቲ ጊዶን አሲቴ’ ጊደስ።

8 “ጋዴይ ቃሚሽን ዎይኔ አታኪልቲዛ ጎዳይ አሳንቻታ አላፌዛስ ‘ጉዩፕ ዩዳይታፕ አይካዳ ኮይሮ ዩዳይታ ጋካናስ ዲዛ አሳንቻታ ወርሲ ዪይጋዳ ኢስታ አሶ ዋጋ ቃንፃ’ ጊደስ። \* 9 ታማኔ ኢሲንላ ሳቲ ቦላ አሶን ጊሊዳይቲ ዩዲ ኢሶይ ኢሶይ ኩሜላ ጋላሳ ዋጋ ኤኪዳ።

10 “ኮይሮ አሶን ጊሊዳይቲ ዩሼ ባ ዎዝናራ ሂንኮይታፕ ቦላራ ዳሮ ደማና ጊ ቆፕሺን ኢስታስካ ሂንኮይታራ ጊና ኢሚደስ። 11-12 ሚሻ ኤኪሼ ቃንፃዛዴ ቦላ ‘ሃይቲ ወርሴላን አሶን ጊሊዲ ኢሲ ሳቲ ሃላላ አሲዳይቲ ኩሜላ ጋላስ አሶን ዱራዲኔ አዋን ፀጌቲዲ ፕዲዳ ኑሳራ ዎስታ ኢስታስ ኢሲ ጊና ቃንፃይ?’ ጊዳ።

13-14 “ኢዜካ ኢስታፌ ኢሳዴስ ‘ታ ጃላወ! ኔና ቆሃቤኬ፤ ኢሲ ጋላሳስ ጊዲዛ ዳዎዛን አሳናስ ታናራ ጊጋቤይኪ? ሃዲ ሄሂ ኔ ጊሻ ኤካዳ ባ፤ ኔስ ኢሚዳይሳ ማላ ወርሴላን ዩዳይሳስካ ታ ኢማና ኮይሮ። 15 ሂስቲን ታ ሚሻን ታ ዶሲዳዜ አሳናስ ዳንዳዲኪና? ዎይኮ ታ ኪያ ጊዲዳይሲ ኔና ቃናቲሲዜ?’

16 “ጉዩን ዲዛይቲ ሲንሴ፥ ሲንሴን ዲዛይቲ ጉዩ አዳና” ጊደስ። \*

**ዮሴፊ ባ ሃይቆ ጊሽ ሄሻንሶ ዮቲደስ**

(ማር 10: 32-34፤ ሉቃ 18: 31-34)

17 ዮሴፊ ዩሩሳላሚ ቢሼ ባና ካሊዛ ታማኔ ናምዓታ ዱማ ሻኪ ኤኪዲ 18 “ሂያ ኑኔ ዩሩሳላሚ ባና ጎስ፤ አሳ ናይ ቁሴታ ሃላቃሲኔ ሙሴ ዎጋ ታማርሲዛይታስ አዲ ኢሜታና፤ ኢስቲካ ኢዜ ሃይቃና ማላ ኢዛ ቦላ ፐርዳና። 19 ኢዛ ቦላ ቁዲ ካዳናሲኔ ጋራፋና ማላ፥ ዎዳና ማላካ ደሬታስ አሲ ኢማና፤ ሄሻንሶ ጋላስ ኢዜካ ሃይቆፕ ዴንዳና” ጊደስ።

**ዛቢዶሳ ናይታ አዩይ አይሻ**

(ማር 10: 35-45)

20 ሄሳፌካ ዛቢዶሳ ናይታ አያ ባ ናይታራ ዮሴሳኮ ሺቃዳ ኢዛ ሲንላን ጉልባታዳ ዮሴፊ ኢዜስ ኢሲ ሚሽ አሳና ማላ ዎሳዱስ። 21 ኢዜካ ኢዛ “አይ ኮይይ?” ጊደስ፤ ኢዛካ “ሃይቲ ታ ና ናምዓቲ ኔ ካዎቴላን ኢሶይ ኔ ኡሻቻራ፥ ኢሶይ ኔ ሃዲርሳራ ኡታና ማላ አሳርኪ!” ጋዱስ።

22 ዮሴፊክ ዛሪዲ “ኢንቴ ዎሲዛዝ ኤሬኬታ፤ ታኒ ኡዩዛ ፀዓ ኢንቴ ኡያና ዳንዳያኔ?” ጊደስ። ኢስቲካ “ኤ ዳንዳዮስ” ጊዳ።

23 ኢዜካ “ታ ፀዓፕ ቱሙ ኢንቴ ኡያናሺን ታ ኡሻቻኔኔ ታ ሃዲርሳን ኡቴሲ ታ አዋይ ጊጊሲዳይንታስ አቲን ታኒ ኢሚዛዝ ደና” ጊደስ። 24 ታማቲ ሄሳ ሲይዲ ናምዑ ኢሻታ ቦላ ሃንቁቲዳ። 25 ዮሴፊ ኢስታ ኢሲ ቦላ ዪይጊዲ “አይዛቤ ሃላቃቲ ባ ሃሪዛ ደሬ ቦላ ጎዳቲዛይሳ ማላ ጎዳቲሲ ዲዛይቲ ዎልቃራ ሃሪዛይሳ ኢንቴ ኤሬታ። 26 ኢንቴ ጊዶን ሄሳ ማላ ሃናናስ ቤሴና፤ ኢንቴፌ

\* 19:24 ጋሜላይ ጊዛይሳ ኢሲ ኢሲ ባጋ ጋዎሶ ቃላን ጋሌይ ጌቱስ። \* 19:28 ማቶ 25:31፤ ሉቃ 22:30 \* 19:30 ማቶ 20:16፤ ሉቃ 13:30 \* 20:8 ሌዌ 19:13፤ ዛሬ 24:15 \* 20:16 ማቶ 19:30፤ ማር 10:31፤ ሉቃ 13:30



ጊታ ጊዳና ኮዩዛዴይ ኢንቴስ አሲዛዴ ጊዶ። \* 27 ኢንቴፌ ቦላ ጊዳናስ ኮዩዛዴይ ኢንቴፌ ጋርስ ጊዶ። 28 አሳ ናይ አሳይ ኢዛስ አሳና ማላ ጊዶንታ አሳስ አሳናሲኔ ባ ሼምፖ ዳርታ ጊሽ አሲ ኢማናስ ዩዴስ” ጊዴስ።

ዮሱሲ አይፌ ቆቄ ናምዑ አሳታ ፓሲዴስ  
(ማር 10: 46-52፤ ሉቃ 18: 35-43)

29 ዮሱሲ ባና ካሊዛይታራ ኢያርኮፌ ኬዚዲ ቢሸን ዳር ዴሬይ ኢዛ ካሊዴስ። 30 ሄን አይፌይ ቆቄዳ ናምዑ አሳቲ ኦጌ ዱናን ኡቲ ዴቴስ። ዮሱሲ አዲ ቢዛይሳ ሲይዲ “ጎዶ! ዳዉቴ ናዉ ኑና ማራ!” ጊዲ ዋሲዳ።

31 ዴሬዚ “ሃይዚቴ!” ጊዲ ሃንቂዴስ፤ ጊዶ አቲን ኢስቲ ዳርሲ ዋሲሼ “ጎዶ! ዳዉቴ ናዉ ኑና ማራ!” ጊዳ።

32 ዮሱሲካ ኤቂዲ ኢስታ ያይጊዲ “ታ ኢንቴስ አይ አሳና ማላ ኮዩቲ?” ጊዴስ።

33 ኢስቲካ “ኑ አይፌይ ያላና ማላ ኮዩስ” ጊዳ። 34 ዮሱሲ ኢስታስ ሚሼቲዲ ኢስታ አይፌታካ ባ ኩሼራ ቦሼቺን ሄራካ ያሊዲ ኢዛ ካሊዳ።

21

ዮሱሲ ጊታ ቦንቾን ዮሩሳላሜ ጌሊዴስ  
(ማር 11: 1-11፤ ሉቃ 19: 28-38፤ ዮሃ 12: 12-19)

1 ኢስቲ ዮሩሳላሜ ማታን ዳብራዛይቲ ዙማ ቦላ ዲዛ ቤቴፋጌ ጌቲዛሶ ጋኪዳ ማላ ዮሱሲ ባና ካሊዛይታፕ ናምዓታ ኪቲዴስ። 2 “ሃና ኢንቴ ማታን ዲዛ ጉታዮ ቢዲ ኢንቴ ሄ ጋኪዳ ማላ ኢሲ ሃራ ዲዛራ ባ ጉቴይራ ቃሼታ ዲሸን ኢንቴ ዴማና። ቢርሸዲ ሃ ታኮ ኤኪ ዩቴ። 3 አኒካ ኢንቴና ‘አይስ ሃይሳሶ አሴቲ?’ ጊኮ ‘ጎዳይ ኢስታ ኮዩስ’ ጊቴ፤ ኢንቴና አይቺዛዴይ ሄራካ ዮዳና።

4-5 “ሃይሲካ ሃኒዛይ ካሴ ናቤን

ዲዮኒስ ሂዝጊቴ

‘ሄኮ! ኔ ካዎይ አሸኪ ጊዲዲ

ሃራዮኔ ሃራይ ጉቴዮ ቶጊዲ ኔኮ ያና’

ጌቲቲዳይሲ ፖሌታናሳ” ጊዴስ። \*

6 ኢዛ ካሊዛይቲ ዮሱሲ ኢስታስ ዮቲዳ ማላ አሲዳ። 7 ሃራዮ ኢዚ ጉቴይራ ኤሂዲ ባ ማይዮ ኢስታ ቦላ ዎሲን ኢዚካ ሃራታ ቶጊዴስ። \*

8 ዴራፔ ዳሪዛ ባጋይ ባ ማይዮ አጌ ቦላ ሚጨዴስ፤ ባጋ አሳይ ሚሳ ቦንጮ ዱሲ ዱሲ አጌ ቦላ አሲ አሲ ዩጊዴስ። 9 ኢዛፕ ሲንሳራ ቢዛ ዴሬይኔ ጉዩራ ካሊዛ ዴሬይካ ባ ቃላ ዶቂ ሂስቲዲ “ሆሳና! ዳዉቴ ናይ ጋላቲቶ!

ጎዳ ሱንሳን ዩዳይ አንጄቲዳዴ!

ዶሲ ጋላቲቶ!” ጊዳ። †

10 ኢዚ ዮሩሳላሜ ጌሊዳ ዎዴ ካታማ አሳይ ወሪ “ሃይሲ አኔ?” ጊዲ ያርክ ያርኪዴስ።

11 ኢዛ ካሊዲ ዩዳ ዴሬይካ “ሃይሲ ጋሊላ ጊዶን ዲዛ ናዚሬቴፕ ዩዳ ናቤ ዮሱሳ ጊዴኔ?” ጊዴስ።

ዮሱሲ ዶሳ ኬሴን ዛልዔ ዛልዒዛ አሳ ጎዲዴስ  
(ማር 11: 15-19፤ ሉቃ 19: 45-48፤ ዮሃ 2: 13-22)

12-13 ሄሳፌ ዮሱሲ ዶሳ ኬሳ ጌሊዲ ዶሳ ኬሳ ካራ ጊዶን ጋሳን ባይዚዛይታኔ ሻሚዛይታ ጎዲዴስ። ሚሽ ላሚዛይታ ሃራጴዛታኔ ሃራጴ ባይዚዛይታ አይዴ ሸሪ ሸሪ ዩጊዲ “‘ታ ኬሳይ ዶሳ ኬሴ ጌቲቴስ’ ጌቲቴዲ ሃፌቲዴስ፤ ኢንቴ ቃሴ ቦንቂዛይታ ጎንጎሎ ሂስቲዴታ” ጊዴስ። \*

14 አይፌ ቆቄታኔ ቶሆይ ሲሊዳ አሳታ ዮሱሳኮ ዶሳ ኬሴ ኤሂዳ። ኢዚካ ኢስታ ፓሲዴስ። 15 ጊዶ አቲን ቁሴታ ሃላቃቲኔ ሙሴ ዎጋ ታማርሲዛይቲ ኢዚ አሲዳ ማላታታ ቢዩዳይሳኒኔ ጉሳ ናይቲ “ዎዜ ካዎ፤ ጋላታይ ዳዉቴ ናስ ጊዶ!” ጊዲ ዋሲዛይሳ ሲዩዳ ጊሽ ዳር ሃንቂቲዳ።

16 ኢስቲካ ዮሱሳ “ሃይቲ ናይቲ ጊዛይሳ ሲያይ?” ጊዳ፤ ዮሱሲካ ኢስታስ “ኤ ሲያዲስ፤ ናይታ ዱናፕኔ ዳሚዛ ቁሪ ናይታ ዱናን ታኒ ጋላታ ጊጊሳዲስ ጊዛሶ ሙሌራካ ናባቢ ኤሬኬቲ?” ጊዴስ።

17 ኢስታ ዩጊ አጊዲ ሄ ካታማፕ ኬዚዲ ቢታኒያ ጌቲቲዛሶ ቢዲ ሄን አቂዴስ።

አይፌይ ባይንዳ ባላሴ ሚሲዮ  
(ማር 11: 12-14፤ 20-24)

18 ዮሱሲ ዎንቴሳ ጋላስ ማላዶ ጉዩ ካታማ ሲሚሸን ኢዛ ጋፊሲዴስ። 19 አጌ ማታን ኢሲ ባላሴ ጌቲቲዛ ሚሲ ቤዩዲ ጌዴ ኢዚኮ ሸቂሸን ሃይስ ሃላላፕ አቲን አይፌይ ባይንዳይሳ ቤዩዲ “ሂያፕ ጉዩ ኔ ቦላ አይፌይ ዶፖ!” ጊን ባላሴ ሚሳያ ሄራካ ሚላዳስ።

20 ዮሱሳ ካሊዛይቲ ሄሳ ቤዩዲኔ ማላሌቲዲ “ሃና ባላሴያ ዋናዳ ሄራካ ሚላዳ?” ጊዳ። 21 ዮሱሲካ ኢስታ “ታ ኢንቴስ ቱሙ ጋይስ፤ ኢንቴስ አማኖይ ዲኮኔ ኢንቴ ሲዶንታ አጊኮ ባላሴ ሚሳይ ቦላ ሃኒዳይሳ ማላ ሃላላ ጊዶንታ ሃይሳ ዙማ ‘ሃይሳፌ ዶቃሌታዳ ዱጌ አባን ጌላ’ ኢንቴ ጊዳኮካ ኢዚ ጌላና” ጊዴስ። 22 ኢንቴስ አማኖይ ዲኮ ኢንቴ ዎሳን አይቺዳ ሚሽ ወርሲካ ኤካና።

\* 20:26 ግብጽ 23:11፤ ማር 9:35፤ ሉቃ 22:26 \* 21:4-5 ዛክ 9:9 \* 21:7 ሃራታ ቶጊዴስ ጊዛይሲ NIV ጋርሳን ዴስ፤ ሃራይ ቃሴ ቲንቤቴይ ፖሌታና ማላ ሃራ ጉቴ ቦላ ኡቲዴስ ባጋ ጊሻ ማግፋይ ጊስ። † 21:9 ሆሳና ኢብራዌታ ቃላራ ሆሳዒና ጉሳ “አቶቴስ” “ኑና አሻርኪ!” ጉሳ። \* 21:12-13 ኢሳ 56:7፤ ኤር 7:11

**ዮሴፍ ጎዳቴላ ጊሽ ሺቂዳ አይሻ**  
(ማር 11:27-33፤ ሉቃ 20:1-8)

23 ዮሴፍ ጎዳቴላ ጊሽ ሺቂዳ ስራ ጠቅላይ ገዢው ሆኖ ለገዢው ሆኖ ለገዢው ሆኖ “ሃይላ ወርሳ እና ሽጌን አላይ? ሃይላ አላናሰ ሽጌ ነስ አኒ ኢሚዴ?” ጊዴ ኢዛ አይቺዳ።

24 ዮሴፍ ጎዳቴላ ጊሽ ሺቂዳ “ታካ ኢንቴና ኢሲኖ አይቻይስ፤ ኢንቴ ታስ ዛሪኮ ታካ ሃይታ አሲዛይታ እና ሽጌን አሲዛይታ ኢንቴስ ዮታና። 25 ዮሃንሳ ሂንቃይይ አዋፕ ዩዴ? ሳሎፕ ዩዴዮ? አሳፕ?” ጊዴስ። ኢስቲካ “ኑ ሳሎፕ ዩዴስ” ጊሮ ‘ሂስቲን አዛስ አማኒቤኬቲ?’ ጋና ጊዴ ባ ጊዶን ኢሶይ ኢሶይ ኢሳራ ዞሬቲዳ። 26 ቃሴ ኑ ‘አሳፕ’ ጊሮ፤ አሳይ ወሪካ ዮሃንሳ ናቤ ጊዴ አማኒዛ ጊሽ ኑ ባቦስ” ጊዳ።

27 ሄሳ ጊሽ ዮሴፍስ “ኑ ኤሮኮ” ጊዴ ዛሪዳ። ኢዚካ ኢስታስ “ሃይታ ታ አሲዛይታ እና ሽጌን አሲዛይታ ታካ ኢንቴስ ዮቲኬ” ጊዴስ።

**ናምዑ ናይታ ሌሚሶ**

28 ዮሴፍ ኢስታ “ኢንቴስ አይ ሚሳቲዜ? ናምዑ አቲማ ናይ ዲዛ ኢሳዴይ ዴስ፤ ኢዚካ ኮይሮ ናዛኮ ቢዲ ‘ታ ናዛ! ሃቺ ጌዴ ዎይኔ ሚሳሶ ባዳ አላ’ ጊዴስ። 29 ናዚ ቃሴ ‘ቢኬ!’ ጊዴኔ ጉዮፕ ሙዞቲዲ ቢዴስ።

30 “ናምዳንሶ ናዛካ ካሴይሳሶካ ‘ባ!’ ጊን ናዚ ‘ኤሮ!’ ጊዴ ቦንታ አጋጊዴስ። 31 ሃይታ ናምዳታፕ አዋ ሽጌ ፖሊዳይ አዋይሴ?” ጊዴ አይቺዳ። ኢስቲካ “ኮይሮ ናዛ!” ጊዳ። ዮሴፍ ኢስታስ፤ “ታ ኢንቴስ ቱሙ ጋይስ፤ ቃራፃ ቃንጊሲዛይቲኔ ላይማቲዛይቲ ሳሎ ካዎቴሲ ኢንቴፌ ሲንሳን ጌላና።

32 “ፃማቂዛ ዮሃንሲ ኢንቴና ጊሎቴላ አጌ ቤሳናስ ኢንቴኮ ዩዴስ ሺን ኢንቴ ኢዚ ጊዛይሳ አማኒቤኬታ፤ ጊዶ አቲን ቃራፃ ቃንጊሲዛይቲኔ ላይማቲዛይቲ ጊዴኮ አማኒዳ፤ ኢዚ ሃኒዳይሳ ኢንቴ ቤዩ ሲሚዲካ ማሮቴላን ጌሊዲ አማኒቤኬታ” ጊዴስ። \*

**ዎይኔ ሚሳ ጊዶን አሲዛ ጎሻንቻ ሌሚሶ**  
(ማር 12:1-12፤ ሉቃ 20:9-19)

33 “ሃራ ሌሚሶካ ሲዩቴ፤ ዎይኔ ሚሳ ቶኪዛሶይ ዲዛዴይ ሄ ዎይኔዛስ ቢርዳ ዩሺ አሲዲ ዎይኔዛ አይፌ ጉምዳናስ አላ ቦኪዴስ። ዎይኔዛ ናጋናስ ሚሳ ቦላ ሻኮ ጊጊሲዴስ። ሄሳፌ ጉዮ ጋዴዛ ዎይኔ ሚሳራ ጎይዛይታስ ኪራ ኢሚዲ ሃራ ዴሬ ቢዴስ። \*† 34 ቦኔይ ጋኪሺን ዎይኔ ሚሳዛ አይፌ ኤካናስ ባ አሽካራታ ጋዴዛ ጎይዛይታኮ ዩዴዴስ። 35 ጋዴዛ ጎይዛይቲ አሽካራታ አይኪዲ ኢሳ ዎዲዳ፤ ኢሳ ቃሴ ሹቻን ጫዲዳ። 36 ጋዳ ጎዳይ ካሴይታፕ አዲዛ ሃራ አሽካራታ ዩዴዴስ። ጎይዛይቲ ሃሲካ ካሴይታ ቦላ አሲዳይሳ ማላካ ኢስታ ቦላካ ፖሊዳ። 37 ወርሴላን አኒ ኤሪዜ ‘ኢስቲ ኢዛ ቦንቻናኮኔ’ ጊዴ ባ ና አሲ ዩዴዴስ። 38 ጊዶ አቲን ጋዳ ጎይዛይቲ ናዛ ቤዩዳ ማላ ‘ሃይሲ ኢዛ ላታናይሳኮ! አኔ ሃ ዩቴ፤ ኢዛ ዎዲዲ ጋዳ ላቶስ’ ጊዳ። 39 ናዛ አይኪዲ ዎይኔይ ቶኬቲዳሶፕ ጌዴ ካሬ ኬሲዲ ዎዲዳ።

40 “ኤሮ! ዎይኔዛ ጎዳይ ዩዛ ዎዴ ሄ ጋዳ ጎይዛ አሳታ ዎስታና ኢንቴስ ሚሳቲዜ?” ጊዴስ።

41 ኢስቲካ “ሄይታንታ ኢታታ ዳሮ ዋይሲ ዎዲዲ ዎይኔይ ቶኬቲዛ ጋዳፕ ቤሲዛ ዎይኔ አይፌ ዎዴራ ኢዛስ ኢሚዛ ሃራ ጋዴ ጎይዛይታስ ኪራሳና” ጊዴ ኢዛስ ዛሪዳ።

42 ዮሴፍ ኢስታስ “ጌሻ ማፃፋን ጊምቤ ከጊዛይቲ ኢታ ጊዴ ዎራ ዩጊዳ ሹቻይ ኬላስ ማዛኔ ቦላ ዎዲዛ ሹቻ ጊዴዴስ፤ ዎሲ ሃይሳ አሲዴስ፤ ኢዛ አሶይካ ኑ አይፌስ ማላሊሲዛዝ’

ጌቲቲ ፃፌቲዳይሳ ናባቢቤኬቲ? \*  
ጌቲቲ ፃፌቲዳይሳ ናባቢቤኬቲ? \*

43 “ሄሳ ጊሽ ታ ኢንቴስ ዎሳ ካዎቴሲ ኢንቴፌ ኤኬታዳ አይፌ አይፌዛ ዴሬታስ ኢሜታና።

44 ሃይሳ ሹቻ ቦላ ኩንዲዛይ ሜቃና፤ ሹቻይ ኢዛ ቦላ ዎዲዛይይካ ሊቃና” ጊዴስ። §

45 ቁሴታ ሃላቃቲኔ ፋርሳዌቲ ኢዛ ሌሚሶይ ኢስታ ጊሽ ጊዲዳይሳ ኤሪዳ። 46 ጊዶ አቲን ኢስቲ ኢዛ አይኪ ቃቾንታ ማላ አሳይ ዮሴፍ ናቤ ማላ ሂሊዛ ጊሽ ባቢዳ።

**ሳርጌስ ሄይጌቲዳ አሳታ ሌሚሶ**  
(ሉቃ 14:15-24)

1 ቃሴካ ዮሴፍ ሃራ ሌሚሶ 2 “ሳሎ ካዎቴሲ ባ ናስ ሳርጌ ጊጊሲዳ ኢሲ ካዎ ሚሳታዉስ።

3 ካዎይካ ዲጊሳስ ዮቲዳይታ ሄይጋናስ ባ አሽካራታ ዩዴዴስ፤ ሄይጌቲዳይቲካ ‘ኑ ቦኮ’ ጊዳ።

4 “ቃሴካ ሃራ አሽካራታ ‘ካሴ ኢስታስ ዮቲዳይታ ሄኮ ታ ሳንጋ ቦራታኔ ዋዲዳ ሜሄታ ሹካዳ ዲጊሳ ጊጊሳዲስ፤ ወሪካ ጊጌቲዳ ጊሽ ሳርጌሶ ሃ ዩቴ!’ ጊዴ ዮቲቴ። 5 ሄይጌቲዳይቲ ጊዴኮ ኢዛ ሄይሳ ወዳን ዩጎንታ አጊዲ ኢሶይ ባ ጎሻሶ፤ ኢሶይ ባ ዛልዴሶ ቢዴስ። 6 ሃንኮ አቲዳይታ፤ አሽካራቲ አይኪዲ ዳሮ ዋይሲዲ ዎዲዳ።

\* 21:32 ሉቃ 3:12፤ 7:29-30 \* 21:33 ኢሳ 5:1-2 † 21:33 ሻኮ ኢሲ ኢሲ ባጋ ጋዎሶ ቃላን ቱላ ጌቲቲስ። \* 21:42 ማዛ 118:22-23 § 21:44 ኢሲ ኢሲ ጌሻ ማፃፋቲ ፓይዶ አይዱ ታማኔ አይዱ ቦላ ዲዛይሳ ጉጂቲስ፤ ቆፋይካ ሉቃሳ ሽዎፖ 20:18 ዲዛይሳ ሚሳቲስ።



7 “ካዎይካ ሃንቁቲዲ ዎታዳራታ ዩዲዲ አሽካራ ዎዲዳይታ ዳይሲዴስ፤ ኢስታ ካታማ ፀጊዴስ።  
 8 ባ አሽካራታካ ሳርጌዛ ዲጊሴይ ጊጊዴስ፤ ጊዶ አቲን ሳርጌዛሶ ያይጌቲዳይቲ ሳርጌስ ቤሲዛይታ ጊዲቤቲና።  
 9 ጊዴ አጌ ቦላ ኬዚዲ ኢንቲ ዴሚዳ አስ ወርሲ ሃ ሳርጌ ዲጊሴስ ያይጊቲ፣ ጊዴስ።  
 10 አሽካራቲካ አጌ ቦላ ኬዚዲ ባ ዴሚዳይታ ሎዎታካ ኢታታካ ወርሲ ሺሺዲ ሳርጌዛሶ ኢማሰ ኩንሲዳ።

11 “ካዎይካ ያይጌቲዳ ኢማሳ ቤያናስ ሶ ጊሊዛ ዎዴ ሳርጌ ማይዎ ማይዎንታ አስ ዴሚዴስ።  
 12 ‘ሃይሰ! ሳርጌ ማይዎ ማይዎንታ ዋናዳ ሃይሳ ጊላናስ ዳንዳዳዲ?’ ጊ አይቺን አዴዛስ ዛራና ቃላይ ዳዩዴስ።  
 13 ካዎይካ ባ አሽካራታ ‘ሃይሳ አዴዛ ቶሆኔ ኩሼ ሺሺ ቃቺዲ ሄን ካሬን ዲዛ ዳማን ኬሲ አሊቲ፤ ሄን ዩሆኔ አቻ ጋርጨች ጊዳና።’\*  
 14 “ያይጌቲዳይቲ ዳርታ፤ ዶሬቲዳይቲ ጊዲኮ ጉሳታ” ጊ ዮቲዴስ።

**ጊራ ቃንጻናስ ሺቂዳ አይሾ**  
 (ማር 12:13-17፤ ሉቃ 20:20-26)

15 ሄሳፌ ጉዩ ፋርሳዌቲ ኬዚ ቢሼ “ኢዛ ዱናፕ ባላ ቃላ ዎስቲ ዴሚ አይኪኖ?” ጊዲ ዞሬቲዳ።  
 16 ባና ካሊዛይታ ሄርዶሳ አሳታራ ኢዛኮ ኪቲዲ “አስታማሬ! ኔኔ ቱማንቻኔ ያሳ አጌ ቱማፕ ታማርሲዛይ ጊዲዳይሳኔ አናስካ ዱማ ማዶ አሶንታ ወርሳካ ኢሲ ማላ ኔ ያሊዛይሳ ኑ ኤርስ።  
 17 ኔስ አይ ሚሳቲዛኮኔ አኔ ኑስ ዮታ? ቁሳሬስ ጊራ ቃንጻናስ ቤሲዜ? ቤሴኔ?” ጊዳ።

18 ዩሱሲካ ኢስታ ጌኔ ቆፋ ኤሪዲ “ኢንቲና ቆዴፕ ቆሞን ሃኒዛይቶ ታና ዮዎን ባሌሲ አይካናስ አዛስ ኮዩቲ? 19 ኢንቲ ጊራ ቃንጻዛ ሚሻ አኔ ታና ቤሲቲ” ጊን ኢስቲካ ኢሲ ዲናሬ ጌቲቲዛ ሚሽ ኢዛስ ኤሂዳ።  
 20 ኢዚካ “ሃይሳ ሚሻ ቦላ ዲዛ ሚሲሌይኔ ጻፌቲዳ ሱንሳይ አናይሴ?” ጊዴስ።

21 ኢስቲካ ኢዛስ “ቁሳሬይሳ” ጊዳ። ኢዚካ ኢስታስ ዛሪዲ “ቁሳሬይሳ ቁሳሬስ፣ ያሳይሳ ያሳስ ኢሚቲ” ጊዴስ።  
 22 ሄሳ ሲዩዳ ዎዴ ማላሌቲዲኔ ኢዛ አጊ ቤዳ።

**ሃይቂዳይታ ዴንሳ ጊሽ ሺቂዳ አይሾ**  
 (ማር 12:18-27፤ ሉቃ 20:27-40)

23 “ሃይቂዳይታስ ዴንዶይ ባዎ” ጊዲ አማኒዛ ሳዱቃዌቲ ሄ ጋላስ ዩሱሳኮ ሺቂዲ። \* 24 “አስታማሬ! ሙሴይ ‘ኢሳዴይ ማቾ ኤኪዲ ና ዩሎንታ ሃይቂኮ ኢዛ ኢሻይ ሃይቂዳይሳ ማቾ ኤኪዲ ባ ኢሻ ላቲዛ ና ኢዛስ ዩሎ’ ጊዴስ። \* 25 ኑ አቻን ላፑን ኢሻቲ ዴቴስ ሺን ኮይር ኢሻይ ማቾ ኤኪዲ ና ዩሎንታ ሃይቂዳ ጊሽ ካሎ ኢሻይ ኢዛ ማቾዮ ኤኪዴስ።  
 26 ናምዓንሉ ኢሻይካ ሃይቂዳ ኢሻሶ ና ዩሎንታ ሃይቂዴስ፤ ሄሳሶካ ሃኒሺን ማጫሳዎ ላፑንሳ ኢሻ ጊላዱስ።  
 27 ወርሴሳን ማጫሳዎ ሃይቃዱስ።  
 28 ሄሳ ጊሽ ላፑናቲ ወርካ ኢዞ ኤኪዳ ሺን ሃይቆፕ ዴንሳ ጋላስ ማጫሳዎ ላፑንታፕ አዋይሳ ማቾ ጊዳኔ?” ጊዳ።

29 ዩሱሲካ ኢስታስ ዛሪዲ “ጊሻ ማጻፋታኔ ያሳ ዎልቃ ኢንቲ ኤርንታ ጊሽ ባሌቲታ።  
 30 ሃይቆፕ ዴንዲዳፕ ጉዩ አሳይ ሳሎ ኪታንቻታ ማላ ጊዳና አቲን ኤኬቲቲናኔ ጊሌቲና።  
 31-32 ሃይቂዳይታ ዴንሳ ጊሽ ጊዲኮ ያሲ ‘ታኒ አብራሃሜ ያሳ፣ ዩሳቃ ያሳ፣ ያቆቤ ያሳ’ ጊዲ ኢንቲስ ዮቶይሳ ናባቢቤኬቲ? ያሲ ፓገታ ያሳ አቲን ሃይቂሳታ ያሴ ጊዴና” ጊዴስ። \* 33 ዴሬይካ ሄሳ ሲዩዲ ኢዛ ቲሚርቲዛን ማላሌቲዴስ።

**ወርሶፕ አዲዛ አዛዞ**  
 (ማር 12:28-34፤ ሉቃ 10:25-28)

34 ዩሱሲ ሳዱቃዌታ ሙዑ ሂስቲዳይሳ ሲይዲ ፋርሳዌቲ ኢሲ ቦላ ሺቂቲዳ።  
 35-36 ኢስታ ጊዶሬ ኢሲ ሙሴ ዎጋ ሎኔሲ ኤሪዛዴይ ዩሱሳ ፓጫናስ ኮይዲ “አስታማሬ! ሙሴ ዎጋታ ጊዶን ኡባሬ አዲዛይ አዋይሴ?” ጊዲ አይቺዴስ። \*

37 ኢዚካ ዛሪዲ “ኔ ጎዳ ያሳ ኔ ኩሜሳ ዎዝናፕ፣ ኔ ኩሜሳ ሽምፖሬ፣ ኔ ኩሜሳ ቆፋፕ ዶሳ።’ \* 38 ሃይሲ ኮይሮኔ ኡባሬ አዲዛ አዛዞ።  
 39 ናምዓንሉይካ ኢዛ ሚሳቲስ፣ ሄሲካ ‘ኔ ሾር ኔ ሁዔ ማላ ዶሳ’ ጊዛይሳ። \* 40 ሙሴ ዎጋይኔ ናቤታ ቲሚርቲይ ወርካ ሃይታ ናምዑ አዛዞታን ቃሼቲስ” ጊዴስ።

**ኪርስቶሳ ጊሽ ሺቂዳ አይሾ**  
 (ማር 12:35-37፤ ሉቃ 20:41-44)

41 ፋርሳዌቲ ኢሲ ቦላ ሺቂቲ ዲሺን ዩሱሲ ኢስታ፣ 42 “ኪርስቶሳ ጊሽ ኢንቲ አይ ጌቲ? ኢዚ አና ና?” ጊ አይቺዴስ፤ ኢስቲካ ኢዛስ ዛሪዲ “ኢዚ ዳወቲ ና” ጊዳ።

43-44 ኢዚካ ኢስታስ  
 “ሂስቲን ዳወቲይ ያሎ አያና ዎልቃን  
 ‘ያሳይ ታ ጎዳ’ ጊዲ ዋኒ ያይጊዴ?  
 ‘ታ ኔ ዋርኬታ ኔ ቶሆ ጊዶን ጉልባቲሳና ጋካናስ ኔ ታ ኡሻቻን  
 ኡታ!’ ጊዴስ። \* 45 ሄሳ ጊሽ ዳወቲይ ኢዛ ‘ታ ጎዳ’ ጊዲ ያይጊኮ ዋኒዲ ኢዛስ ና ጊዳና ዳንዳዩዜ?”  
 ጊዴስ። 46 ኢዛስ ኢሲ ቃላ ዛራና ዳንዳዩዳ አሲ ዎይኮ ሄ ጋላሳፌ ሲሚን ኢዛ አይሾ አይቻና ጻሊዳ አሲ አኒካ ቤቲቤና።

\* 22:13 ማቶ 8:12፤ 25:30፤ ሉቃ 13:28 \* 22:23 ሃዎ 23:8 \* 22:24 ዛሬ 25:5 \* 22:31-32 ኬሳ 3:6  
 \* 22:35-36 ሉቃ 10:25-28 \* 22:37 ዛሬ 6:5 \* 22:39 ሌዌ 19:18 \* 22:43-44 ማዛ 110:1

23

ዮሴፊ ፋርሳዌታኔ ሙሴ ዎጋ ታማርሲዛይታ ካዲዴስ

(ማር 12:38-39፤ ሉቃ 11:43-46፤ 20:45-46)

1 ቃሴካ ዮሴፊ ዴሬዛሲኔ ባና ካሊዛይታስ፤ 2 “ሙሴ ዎጋ ታማርሲዛይታኔ ፋርሳዌታ ሙሴ ዎምባራ ቦላ ኡቲዳ። 3 ሄሳ ጊሽ ኢስቲ ኢንቴስ ዮቲዛይሳ ወርሲ አሲቴኔ ናጊቴ፤ ጊዶ አቲን ኢስቲ ዱናን ሃሳዬዛይሳ ማላ አሶን ቤሶንታ ጊሽ ኢንቴ ኢስታ አሶ ካሎፍቴ።

4 “ሄሳሶካ አሲ ቶካናስ ዳንዳዮንታ ዴዎ ቶሆ ቃቺዲ አሳ ሃሼ ቦላ ዎሴቴስ ሺን ባሲ ጊዲኮ ቢራዲ ዓራንካ ቦፍቴና። 5 ኢስታ አሶ ወርሲ አሲ ቤያና ማላ አሴቴስ፤ ባ አሽንኪታቤ ጊሻ ማፃፋ ጊዶፋ ሃሬ ኡኪዳ ኢሲ ኢሲ ዓቂሴታ ኪታቤ ሲኪዲ ሊዲ ቦላ ዎይኮ ኩሼን ቃቺዛዝ አሴቴስ። ባ ማይዎ ማጫራ አዱሴቴስ። 6 ዲጊሳይ ዲዛሶን ቦንቾ ሶ አይሁዳ ዎሳ ኬሳንካ ሲንሳራ ኡታና ዶሴቴስ። 7 ሄሳሶካ ጊያ ጊዶን ሳሮ ጌቴታናሲኔ አሳይ ኢስታ ‘አስታማሬ!’ ጋና ማላ ኮሎቴስ።

8 “ኢንቴ ጊዲኮ ‘አስታማሬ’ ጌቴቲ ዩይጌቶፍቴ። ኢንቴ አስታማሬይ ኢሳ ሃላላ ጊዲሺን ኢንቴ ወርካ ኢሳይ ኢሳስ ኢሻንታ። 9 ሳሎን ኢንቴስ ኢሲ አዋይ ሃላላ ዲዛ ጊሽ ቤታ ቦላ አናካ ‘አዋወ!’ ጊዲ ዩይጎፍቴ። 10 ኢንቴ አስታማሬይ ኢሲ ኬርስቶሳ ሃላ ጊዲዳ ጊሽ ኢንቴ ‘አስታማሬቶ!’ ጌቴቶፍቴ። 11 ኢንቴ ጊዶን ኡባሬ አዲዛይይ ኢንቴስ አሲዛይ ጊዳና። \* 12 ባና ዶቂሲዛይይ ካወያና፤ ባና ካወሺዛይይ ቦንቾታና። \*

13 “ኢንቴኖ ቆዴፕ ቆሞን ሃኒዛይቶ፤ ሙሴ ዎጋ ታማርሲዛይቶ፤ ኢንቴኖ ፋርሳዌቶ! አሳይ ዎሳ ካዎቴስ ጌሎንታ ማላ አሳ ቦላ ኢንቴ ፔንጌ ጎርዲዛ ጊሽ ኢንቴና አዩ-አና! ኢንቴ ኢንቴስ ጌሎኪታኔ ጌላናስ ኮዩዛይታካ ጌልሴኪታ። 14 ኢንቴኖ ቆዴፕ ቆሞን ሃኒዛይቶ፤ ሙሴ ዎጋ ታማርሲዛይቶ፤ ቃሴካ ፋርሳዌቶ! ኢንቴስ አዩ-አና! አዚናይ ባይንዳ ማጫሳታ ኬሳ ካሎሲሼ አሳ አይሬ ሲንሳን አዱሳ ዎሳ ኢንቴ ዎሲዛ ጊሽ ኢንቴ ኢታ ፐርዳ ፐርዴታና። \*

15 “ኢንቴኖ ቆዴፕ ቆሞን ሃኒዛይቶ፤ ሙሴ ዎጋ ታማርሲዛይቶ፤ ቃሴካ ፋርሳዌቶ! ኢሲ አስ አይሁዳ አማኖን ጌልሳናስ አባ ቦላራኔ ቤታ ቦላራ ዩዩ ዳቡርዲኔ አማንሲዳ አሳ ኢንቴሬ ናምቡ ኩሼ አሲዲ ጋናሜ ና ኢንቴ ኬሲዛ ጊሽ ኢንቴና አዩ-አና!

16 “ኢንቴኖ! ኢንቴስ ቆቂ ኡቲዲ ሃራታ ካሌሲዛይቶ! ኢንቴስ አዩ-አና! ‘አኒካ ዎሳ ኬሳን ጫቂኮ አይኮይ ባ’ ጊዶ አቲን ‘ዎሳ ኬሳ ጊዶን ዲዛ ዎርቃን ጫቂኮ ጫቆ ጎሜይ ጋካና’ ጌታ። 17 ኢንቴኖ ቆቂዳይቶ! ባሌቲዳይቶ፤ ዎርቃሬኔ ዎርቃ ዱማሲዳ ዎሳ ኬሳሬ አዋይሲ አዲዜ? 18 ሄሳሶካ ‘አኒካ ያርሾ ያርሺዛሶ ቦላ ጫቂኮ አይኮይ ባዋ፤ ሺን ያርሺዛሶን ዲዛ ያርሾ ቦላ ጫቂኮ ጫቆይ ጎሜስ’ ጌታ። † 19 ኢንቴኖ ቆቂቶ! ያርሾፔኔ ያርሾ ሺሺዛሶን አዋይሴ አዲዛይ? 20 ሄሳ ጊሽ ያርሾ ሺሺዛሶ ቦላ ጫቂዛይይ ያርሾሶዛ ቦላኔ ያርሺዛሶ ቦላ ዲዛ ኡባ ሚሻን ጫቁስ። 21 ሄሳሶካ ዎሳ ኬሳዛ ቦላ ጫቂዳይ ዎሳ ኬሳኒኔ ኢዛ ጊዶን አቂዛይሳን ጫቁስ። 22 ሳሎን ጫቂዛይይካ ዎሳ አልጋኒኔ አልጋ ቦላ ኡቲዳይሳን ጫቁስ። \*

23 “ኢንቴኖ ቆዴፕ ቆሞን ሃኒዛይቶ፤ ሙሴ ዎጋ ታማርሲዛይቶ፤ ፋርሳዌቶ! ኢንቴና አዩ አና! አሱታፔ፤ አኑጋፔኔ ካትካልዳሬ ታማሬ ኢሲኖ ኢሜታ ሺን ዎጋታፔ ዋናቲዛይታ ሄይቲካ ቱማ ፐርዳ፤ ማሮቴሴኔ አማኔቴስ ጊዲኮ ካዲዴታ። ሄይታ አጎንታ ዲሼ ሃይታንታ ኢንቴ አሳናስ ኢንቴስ ቤሴስ ሺን አጊዴታ። \* 24 ኢንቴኖ ቆቂ ኡቲዲ ካሌሲዛይቶ! ኡዔ ጋጩዲ ኡዩታ ሺን ጋሜላ ሙሜ ሚቴታ!

25 “ኢንቴኖ ቆዴፕ ቆሞን ሃኒዛይቶ፤ ሙሴ ዎጋ ታማርሲዛይቶኔ ፋርሳዌቶ! ኢንቴስ አዩ-አና! ፀዓሲኔ ኬሬስ ቦላ ባጋ ቁጩታ ሺን ኢዛ ጊዶን ዲዛይሳ ኢንቴ ቦንቃኒኔ ኡዜቴሳን ሺሺዴታ።

26 ኔኖ ቆቂ ፋርሳዌቶ! ኮይሮታዳ ፀዓሲኔ ኬሬስ ጊዶ ባጋ ጊሻ! ሄሳሬ ጉዩ ካሬ ባጋይ ጊሽ ጊዳና።

27 “ኢንቴኖ ቆዴፕ ቆሞን ሃኒዛይቶ፤ ሙሴ ዎጋ ታማርሲዛይቶ፤ ቃሴ ፋርሳዌቶ! ቦላ ባጋይ ኖራራ ሜሼቲዲ ሎዒዛይቲ ጊዶይ ጊዲኮ ሃይቂዳይታ ሜቁሴኔ ዳሮ ቴናኔቴሳን ኩሚዳ ዱፎታ ሚሳቲዛ ጊሽ ኢንቴና አዩ-አና! \* 28 ኢንቴካ ቦላ ባጋራ አሳስ ሂሎ አሳታ ሚሳቴታ፤ ኢንቴ ጊዶይ ጊዲኮ ጩዋኒኔ ኢታቴሳን ኩሚዴስ።

29 “ኢንቴኖ ዱናን ጩሚዛይቶ! ሙሴ ዎጋ አስታማሬቶ፤ ቃሴካ ፋርሳዌቶ! ኢንቴስ አዩ-አና! ናቤታ ዱፎ ሎዒሲዛይቶ፤ ሂሎ አሳታ ዱፎ ሃወልቴራ ጊጊሲዛይቶ! 30 ኑ አዋቲ ናቤታ ዎዲዛ ዎዴ ኑ ዲዛኮ ኢስታራ ዙፔቶኮኮ ሺን፤ 31 ኢንቴ ናቤታ ዎዲዳ አሳታ ናይታ ጊዲዳይሳ ኢንቴ ዱናራ ኢንቴርካ ኢንቴ ኢንቴ ቦላ ማርካቴታ። 32 ሂስቲኮ አሴቲዲ ፖሌቶንታ ኦጌ ቦላ ዲዛ ኢንቴ አዋታ አሶ ፖሊቴ። ‡

33 “ኢንቴኖ ዱኪዛ ኢታ ሾሻ ናይቶ! ጋናሜ ታማ ፐርዳሬ ኢንቴ ዋኒ አታኔ? \* 34 ሄሳ ጊሽ ናቤታኔ ኡራንቻታ አስታማሬታካ ታ ኢንቴስ ዩዳና። ኢንቴ ኢስታ ጊዶሬ ኢሲ ኢሲ አሳታ ዎዳና። ባጋይታ ኢንቴ ካቃና፤ ባጋይታ ኢንቴ አይሁዳ ዎሳ ኬሳን ጋራፋናኔ ሃ ካታማፔ ሃራ ኢንቴ ጎዳና። 35 ሄሳ ጊሽ ሂሎ አቤሌ ሱሳሬ ሃ ሲሚን ዎሳ ኬሳኒኔ ያርሾ ያርሺዛሶ ጊዶን ኢንቴ ዎዲዳ

\* 23:11 ማቶ 20:26-27፤ ማር 9:35፤ 10:43-44፤ ሉቃ 22:26 \* 23:12 ሉቃ 14:11፤ 18:14 \* 23:14 ኢሲ ኢሲ ጊሻ ማፃፋቲ ፓይዶ ታማኔ እይዱ ቦላ [14] ዲዛ ቆፋ ጉጂቴስ፤ ቆፋይካ ማርቆሳን ሺምፖ 12:40 ዲዛይሳ ሚሳቴስ። † 23:18 ያርሾ። አሲ ባ ጎዳስ ጊዲ እሲዛ አሶይ ወራ ያርሾ ጌቴቴስ። \* 23:22 ኢሳ 66:1፤ ማቶ 5:34 \* 23:23 ሌዌ 27:30 \* 23:27 ሃዋ 23:3 ‡ 23:32 ቦኔ፤ ኢስታ ዴሬን ሚሳቲ ሃይሳ ኬሲዛይኔ ጩሊሲዛይ ቦኔይ ማቲሺን ጊዶይሳ ቤሴስ። \* 23:33 ማቶ 3:7፤ 12:34፤ ሉቃ 3:7

ባራኪዮ ና ዛካርያ ሱላ ጋካናስ ቢታ ቦላ ጉኪዳ ጊሎታ ሱላ ኡባስ ኢንቴ አይሼታና። \* 36 ታ ኢንቴስ ቱሙ ጋይስ፤ ካሴ አዲዳ ዮዖ ኡባስ ሃይሲ ሃ ዮሌታይ አይሼታና።

37 “ሃኔ ዮሩሳሌሜ! ናቢታ ዎዲዛሬ! ኔኮ ኪቴቲዳይታ ሹቻራ ጫዲዛሬ! ሃኔ ዮሩሳሌሜ ኩቶ አዖ ባ ጨዮታ ባ ቁፌ ጊዶ ሺሺዛ ማላ ታ ኔ ናይታ ሺሻናስ አፑን ዎዴ ኮዖዲናሺን ኔ ጊዲኮ ኮዖባካ።

38 ሄኮ ኢንቴ ኬሲ ካይስ ጊዲ አታና። \* 39 ታ ኢንቴስ ቱሙ ጋይስ፤ ኢንቴ ጎዳ ሱንላን ዩዛዴይ አንጄቲዳይ ጋና ዎዴይ ጋካናስ ናምዓንሶ ታና ቤዮኬታ” ጊዴስ። \*

24

ዎዴ ወርሴላ ማላታታ (ማር 13:1-2፤ ሉቃ 21:5-6)

1 ዮሱሲ ዎላ ኬላፌ ኬዚ ቢሺን ኢዛ ካሊዛይቲ ዎላ ኬላዚ ሹቻን ኬዲቲዳይሳ ቤሳና ኮይዲ ዮሱሳኮ ሺቁዳ። 2 ኢዚካ ኢስታስ “ሃይሳ ወርሴ ያሌቲ? ታ ኢንቴስ ቱሙ ጋይስ፤ ሃይሲ ኢንቴ ቤዩዛ ኢሶይ ኢሳ ቦላ ዲዛ ሹቻይ ላሌቶንታ ኢሲ ሹቸካ ሃይሳሶ ዴና” ጊዴስ።

3 ኢዚ ዳብራዛይቲ ጌቴቲዛ ዙማ ቦላ ኡቲ ዲሺን ኢዛ ካሊዛይቲ ዓላላ ኢዛኮ ሺቁዲ “አኔ ኑስ ዮታ፤ ሃይሲ ኔ ጊዛይሲ አይዴ ሃናኔ? ኔ ዩሳሲኔ ዎዴ ወርሴላስ ማላታይ አኬ?” ጊ አይቸዳ።

4 ዮሱሲካ ዛሪዲ “አኒካ ኢንቴና ባሌሶንታ ማላ ናጌቲቱ። 5 ቡሮ ዳሮቲ ‘ታ ኪርስቶሳ’ ጊሼ ታ ሱንላን ያና፤ ዳሮታካ ባሌሳና። 6 አላኔ አላ ጊሽ ሃሳዮቲዛ ዎሬ ኢንቴ ሲያና። ሃ ዮዖቲ ወሪካ ዎልቃራ ፖሌታና ሺን ወርሴሲ ቡሮ ጊዲዳ ጊሽ ኢንቴ ሃይሳን ዳጋሞንታ ማላ ናጌቲቱ። 7 ዴሬይ ዴሬ ቦላ፤ ካዎይ ካዎ ቦላ ዴንዳና፤ ዱማ ዱማ ዴሬን ኮሻይኔ ቢታ ቃሊ ሃናና። 8 ሄሲ ወሪካ ሚፃስ ሌሶ ማላ። 9 ሄ ዎዴ ኢንቴና ሞዩስ አሊ ኢማና፤ ኢንቴና ዎዳና፤ ታ ሱንላ ጌዶን ዴሬ ኡባን ኢንቴ ኢዬቲዳይታ ጊዳና። \*

10 “ሄ ዎዴ ዳሮ አሳይ ዱዲታና፤ ኢሶይ ኢሳ አሊ አሊ ኢማናኔ ባ ጊዶን ኢዬታና። 11 ዳሮ ዎርዶ ናቤቲ ዴንዳናኔ ዳሮታ ባሌሳና። 12 ኢታቲሊ ዳሪዛ ጊሽ ዳሮታፕ ሲቆይ ኢርፃና። 13 ወርሴሳ ጋካናስ ሚኒዳይይ አታና። \* 14 ዴሬ ኡባስ ማርካ ጊዳና ማላ ሃይሲ ካዎቴላ ሚሺራቾ ቃላይ ኩሜላ አላሜን ዮቲታና፤ ሄሳፌ ጉዬ ወርሴሲ ያና።

15 “ሄሳ ጊሽ ናቤ ዳኔላን ዮቲቲዳይሳ ማላ ‘ሃራሲዛ ቱናቴሊ’ አንጄቲዳሶን ኤቁዳይሳ ኢንቴ ቤዩዛ ዎዴ ናባቢዛይይ ዎዝናን ዎሶ። \* 16 ሄ ዎዴ ዮሁዳን ዲዛይቲ ፑዴ ዙማ ቦላ ጋንጌቶ። 17 ኬላ ካራ ቦላ ዲዛዴይ አኒካ ባ ሚሽ ኬላፌ ኬሳና ጊዲ ዱጌ ዎዶ። \* 18 ጋዴ ጊዶን ዲዛዴይ አኒካ ባ ማይዖ ኤካና ጊዲ ሶ ሲሞፎ። 19 ሄ ጋላሳታን ቃንላራ ዲዛ ማጫሳታሲኔ ና ዳንሊዛ አዮታስ አዮ-አና! 20 ሄሳ ጊሽ ኢንቴ ጋንጎይ ባልጎ ዎይኮ ሳምባታ ጋላስ ጊዶንታ ማላ ዎሲቱ። 21 ሄ ዎዴ አላሜይ ሜዴቶሳፕ ሃቺ ጋካናስ ሃኒ ኤርንታ ሚሺ ሲንሳፌካ ኢዛ ሚሳቲዛይ ባይንዳ ዎልቃማ ሜቶይ ሃናና። 22 ሄ ጋላሳቲ ቃሞንታኮ አሾ ማይዲዳ አሲ ወሪ አቴና ሺን ዶሬቲዳይታ ጊሽ ሄ ጋላሳቲ ቃማና።

23 “ሄ ዎዴ አኒካ ‘ሄኮ ኪርስቶሲ ሃይሳን ዴስ!’ ዎይኮ ‘ሄሳን ዴስ’ ጊዛዴ አማኖፕቲ። 24 ዎርዶ ኪርስቶሳኔ ዎርዶ ናቤቲ ቡሮ ዴንዲዲ ኢስታስ ዳንዳዮቲኮ ዶሬቲዳይታ ባሌሳናስ ጊዲ ዎልቃማ ማላታታኔ ካሴ አሌቲ ኤርንታ ሚሽ አሳና።

25 “ሄኮ ሃይሳ ታ ኢንቴስ ካሴታ ዮታይስ። 26 ሄሳ ጊሽ ‘ሄኮ ሂርኪ ባዞን ዴስ’ ጊዲ ኢንቴስ ዮቲኮ ሄ ኬዞፕቲ፤ ‘ሄኮ ኢልፒኔን ዴስ’ ጊኮ አማኖፕቲ። \* 27 ዎልቃንሊ አዎ አርሼይ ሞኪዛሶ ዎልቃሚዲ አዎ አርሼይ ወሊዛሶ ጋካናስ ፖሊዛይሳ ማላ አሳ ና ዩሳይካ ሄሳሶ ሃናና። 28 አሃይ ዲዛሶ አንኮ ካፎይ ሺቁስ። \*

29 “ሄራካ ሄ ኢታ ሜቶ ጋላሳታፕ ጉዬ አዎ አርሼይ ዱማና፤

አጊናይ ባ ፖዖ ዲጋና፤

ዖሊንቴቲ ሳሎፕ ቆቆፌታና፤

ሳሎ ዎልቃማቲካ ቃፃና። \*

30 ሄ ዎዴ አሳ ና ማላታይ ሳሎ ቦላ ቤታና። ቢታ ቦላ ዲዛ ዴሬይ ወሪ ዮካና፤ አሳ ናይካ ሳሎ ሻራ ቦላ ዳሮ ዎልቃራኔ ጊታ ቦንቾራ ዩሺን አሳይ ቤያና። 31 ኪታንቻታካ ዳሮ ዎልቃማ ፁሩምባ ጊሪሳራ ዮዳና። ኢስቲካ ዶሬቲዳይታ አይዱ ማዲዜኔፕ ሳሎስ ሃ ባጋ ጋፃፕ ሄ ጋፃ ባጋ ጋፃ ጋካናስ ወርሴ ኢሲ ሶ ሺሻና።

32 “ባላሴ ጌቴቲዛ ሚሳፌ ሃይሳ ታማሪቲ፤ ባላሴ ሚሳይስ ኡንቁሎይ ጨሊሊዛ ዎዴ ኢዛ ሃይሳ ኬሲሺን ቦኔይ ማቲዳይሳ ኢንቴ ኤሬታ። 33 ሄሳሶ ሃይታ ኢንቴ ቤዩዛ ዎዴ ኢዚ ፕንጌ ማቲዳይሳ ኢንቴ ኤራና። 34 ታ ቱሙ ጋይስ፤ ሃይሲ ወሪ ፖሌታና ጋካናስ ሃ ዮሌታይ አዴና። 35 ሳሎይኔ ሳፃይ አዳና ሺን ታ ቃላይ ጊዲኮ ሙሌካ አዴና።

ጎዳይ ያና ጋላስ አኒካ ኤሬና (ማር 13:32-37፤ ሉቃ 17:26-30፤ 34-36)

\* 23:35 ሜዴ 4:8፤ 2ታር 24:20-21 \* 23:38 ኤር 22:5 \* 23:39 ማዛ 118:26 \* 24:9 ማቶ 10:22 \* 24:13 ማቶ 10:22 \* 24:15 ዳኔ 9:27፤ 11:31፤ 12:11 \* 24:17 ሉቃ 17:31 \* 24:26 ሉቃ 17:23-24 \* 24:28 ሉቃ 17:37 \* 24:29 ኢሳ 13:10፤ 34:4፤ ኢዩ 2:10፤ 31፤ 3:15፤ አጁ 6:12-13፤ ሂዚ 32:7፤ ኢዩ 2:10፤ 3:15



36 “ሄ ጋላሳዮኔ ሄ ሳቴዎ አዋፔ አቲን ሳሎ ኪታንቻታ ጊዲንካ ናዛ ጊዲንካ አኒካ ኤሬና። 37 ናሄ ዎዴ ሃኒዳይሳ ማላ አሳ ና ዩሲ ሄሳ ማላ ጊዳና። \* 38 ዳይሲዛ ሃላፌ ካሴ ናሄይ ማርካቤን ጌሊዛ ጋላስ ጋካናስ አሳይ ሚሼኔ ኡዩሼ፣ ኤኪሼኔ ጌሊሼ ጋምዲዴስ። 39 ሄ ዎዴይ ጋካናስ አዚ ሃናናኮኔ አሳይ ኤሮንታኔ ቆፖንታ ባሻ ሃሳይ ዩዲ ሚቲዳይሳ ማላ ታ አሳ ናይ ዩዛ ዎዴይካ ሄሳሶ ሃናና። \*

40 “ሄ ዎዴ ናምዑ አሳቲ ኢሲፌ ጎሻን ፔግና ሺን ኢስታፌ ኢሳዴይ ኤኬታና፤ ኢሳዴይ አታና። 41 ናምዑ ማጫሳቲ ዎግን ኢሲፌ ጋጫና ሺን ኢስታፌ ኢሲኔያ ኤኬታና ኢሲኔያ አታና።

42 “ሂስቲኮ ኢንቴ ጎዳይ ያና ጋላሳ ኢንቴ ኤሮንታ ጊሽ ቤጊዲ ናጊቴ። 43 ሃይሳ ዎዝናን ዎሲቴ፤ ካይሶይ ቃማፌ አፋንሳ ሳቴ ቦላ ያናኮኔ ኤሪዛኮ ኢዛ ሚሽ ካይሶይ ኤኮንታ ማላ ኬሳ አዋይ ቤጊዲ ናጋና። 44 አሳ ናይካ ኢንቴ ቆፖንታ ሳቴ ቦላ ያና፤ ኢንቴካ ሄሳሶ ጊጌቲዳይታ ጊዲቴ።

45 “ዎዴራ ሶ አሳ ቁማ ሚዛና ማላ ጎዳይ ባ ኬሳ አሳ ቦላ ሹሚዳ አማኔቲዛ ጨንጫ አሳንቻይ አኔ?

46 ኬሳ አዋይ ሲሚዲ ዩዛ ዎዴ ኢዛስ ኢሚዳ ሃዳራ አላ ፖሊሼ ቤቲዳ አሳንቻይ አንጄቲዳይሳ።

47 ታ ኢንቴስ ቱሙ ጋይስ፤ ጎዳይ ኢዛ ባ ሃሪዳ ኡባ ቦላ ሹሚስ። 48 ጊዶ አቲን ሄ አሳንቻይ ኢታ ጊዲዲ ‘ታ ጎዳይ ጋምዲዲ ያና’ ጊ ቆፒዲ። 49 ዴንዲ ሃንኮ አሳንቻታ ዋዳ አይኪኮ ማሶቲዛይታራ ሚኮኔ ኡዩኮ፣ 50 ኢዚ ቆፖንታ ጋላሳኒኔ ሳቴን ኢዛ ጎዳይ ዩዲ፣ 51 ኢዛ ቃንጻሲ ካግና፤ ኢዛ ኤፃ ቆዴፔ ቆዋን ሃኒዛይታራ አሳና። ሄንካ ዩሆይኔ አቻ ጋርጨቺ ሃናና።

25

ታሙ ጌላዎታ ሌሚሶ

1 “ሄ ዎዴ ሳሎ ካዎቴሲ ሚሺራ ሞካናስ ያምፔ አይኪዲ ኬዚዳ ታሙ ጌላዎታ ሚሳታወስ።

\* 2 ሄ ታማታፔ ኢቻሹ ጌላዎቲ ኤያታ፣ ሃንኮ ኢቻሻቲ ቃሴ ጨንጫታ። 3 ኤያቲ ኩራዜ ያምፔ አይኪዳ ሺን ወሪካ ጉጃና ሃራ ናጌ ሳምባ አይኪቤቴና። 4 ጨንጫቲ ጊዲኮ ባ ኩራዜዛራ ወሪኮ ጉጃና ሳምባ ሃራ ገርሙሴን አይኪዳ። 5 ማቺዮ ኤካና ሚሺራይ ዮንታ ጋምዲን ዲስኮይ ዴዪን አሳይ ወሪካ ዲስኪዴስ።

6 “ሌላ ጊዶስ ጊዲሺን ‘ሚሺራዜ ዩስ! ኬዚዲ ሞኪ ኤኪቴ!’ ጊዛ ያይሳ ቃላይ ሲዩቲዴስ። 7 ሄሳ ዎዴ ጌላዎቲ ወሪካ ዴንዲዲ ባ ያምፔ ያምፔ አይሴሶኔ ጊጌቲስ አይኪዳ። 8 ኤያቲ ጨንጫታ ‘ኑ ያምፔይ ቶግና ጊዛ ጊሽ ኢንቴ ሳምባፔ ኑስ ኢሚቴ’ ጊዳ።

9 “ጨንጫ ጌላዎቲ ኢስታስ ዛሪዲ ‘ኑስ ዲዛ ሳምባይ ኑሳራኔ ኢንቴሳራ ጊዶንታ ጊሽ ቢዲ ሳምባ ባይዚዛይታፔ ኢንቴስ ሻሚቴ’ ጊዳ። 10 ኢስቲ ሳምባ ሻማና ቢ ኪቺን ሚሺራዜ ጋኪ ዎዲዴስ። ካሴ ጊጌቲ ኡቲዳ ጌላዎቲ ቡላቻሶ ኢዛራ ጌሊዳ፤ ካሪይካ ጎርዴቲዴስ።

11 “ጉሶ ጋምዲሼ ሃንኮ ጌላዎቲ ዩዲ ‘ጎዶ! ጎዶ! ካሬ ኑስ ዶያ!’ ጊዳ። 12 ኢዚካ ዛሪዲ ‘ታ ኢንቴስ ቱሙ ጋይስ፤ ታ ኢንቴና ኤሪኪ!’ ጊዴስ። 13 ሄሳ ጊሽ ያና ጋላሳ ዎይኮ ሳቴዛ ኢንቴ ኤሮንታ ጊሽ ጊጌቲዲ ናጊቴ።

ሄሹ አሳንቻታ ሌሚሶ

(ሉቃ 19:11-27)

14 “ዎሳ ካዎቴሲ ባሲ ዲዛዚ ወርሲ ባ አሽካራታስ ሃዳራ ኢሚዲ ሃራ ዴሬ ባና ዴንዲዳ ኢሲ አስ ሚሳቴስ። \* 15 አሽካራታስ ኢሳስ ኢሳስ ኢስታ ዎልቃ ማላ ጊጊሲዲ ኢሳስ ኢቻሹ ሺ ቢራ፣ ኢሳስ ናምዑ ሺ ቢራ፣ ሃንኮይሳስ ቃሴ ኢሲ ሺ ቢራ ኢሚዲ ቢዴስ። 16 ኢቻሹ ሺ ቢራ ኤኪዳ አይዚ ሄራካ ሚሻን ዛልዔ አይኪዲ ሃራ ኢቻሹ ሺ ቢራ ዎዲሲዴስ። 17 ቃሴካ ናምዑ ሺ ቢራ ኤኪዳይሲ ሃራ ናምዑ ሺ ቢራ ዎዲሲዴስ። 18 ኢሲ ሺ ቢራ ኤኪዳይሲ ባ ጎዳ ቢራ ቢታን ሞጊዲ ቆቲዴስ።

19 “አሽካራታ ጎዳይ ባ ቢዳሶን ዳሮ ዎዴ ጋምዲ ሲሚዲ ሚሻ ኢስታራ ሳላዔቲዴስ። 20 ኢቻሹ ሺ ቢራ ኤኪዳ አሽካራይ ሃራ ኢቻሹ ሺ ቢራ ዎዲሲዳይሳ ኤኪ ዩዲ ‘ጎዶ! ኔ ታስ ኢቻሹ ሺ ቢራ ኢማዳሳ ሺን ሄኮ ሃይሳ ታ ሃራ ኢቻሹ ሺ ቢራ ዎዲሳዲስ’ ጊዴስ። 21 ኢዛ ጎዳይካ ‘ሎዎ አሳዳሳ፤ ኔኖ ሎዎ አማኔቲዳ አሽካራዞ! ኔ ጉሳ ሚሻን አማኔቲዳ አስ ጊዲዳ ጊሽ ታ ኔና ዳሮ ሚሻ ቦላ ሹማና፤ ጌዴ ኔ ጎዳ ኡፋይሳሶ ጌላ’ ጊዴስ።

22 “ሄሳሶካ ናምዑ ሺ ቢራ ኤኪዳይሲ ጎዳዛኮ ሸቂዲ ‘ጎዶ! ኔ ታስ ናምዑ ሺ ቢራ ኢማዳሳ ሺን ሄኮ ሃራ ናምዑ ሺ ቢራ ዎዲሳዲስ’ ጊዴስ። 23 ጎዳዚካ ‘ሎዔሳዳሳ፤ ሃይሶ ሎዎኔ ታስ አማኔቲዳ አሽካራዞ! ኔኔ ጉሳን አማኔቲዳዴ ጊዲዳ ጊሽ ታ ኔና ዳሮ ሚሻ ቦላ ሹማይስ፤ ጌዴ ኔ ጎዳ ኡፋይሳሶ ጌላ’ ጊዴስ።

24 “ኢሲ ሺ ቢራ ኤኪዳ አሽካራይ ሸቂዲ ‘ጎዶ! ኔኔ ዜሮንታሶፔ ማዚዛዴኔ ሳሎንታሶፔ ሺሺዛ ሜንጻ ኢታ አስ ጊዲዳይሳ ታ ኤራይስ። 25 ሄሳ ጊሽ ታ ባባዳ ቢታ ቦካዳ ኔ ቢራ ቦኪዳ አሳን ሞጋዳ ቆታዲስ፤ ኔ ሚሽ ሄሳ ቤያ!’ ጊዴስ።

26 “ኢዛ ጎዳይ ዛሪዲ ‘ሃይሶ ኢታ አዛላ አሽካራዞ! ታኒ ዜሮንታሶፔ ማዚዛዴ ሳሎንታሶፔ ሺሺዛዴ ጊዲዳይሳ ኔ ኤራይ?’ 27 ሂስቲን ታ ሲማ ዩዛ ዎዴ ታ ሚሻ ዩሎራ ታ ኤካና ማላ ቲርፒሲ ዛልዔዛ አሳስ ኔ ኢማናስ ቤሴሴሺን’ ጊዴስ።

\* 24:37 ሜዴ 6:5-8 \* 24:39 ሜዴ 7:6-24 \* 25:1 ሉቃ 12:35 \* 25:14 ሉቃ 19:11-27



28 “አኔ ሃሩ ኢዛፔ ሺ ቢራ ኤኪዲ ታሙ ሺ ቢራይ ዲዛዴስ ኢሚቴ። 29 ዲዛዴስ ጉጂታናኔ ዳሪ ዳሪ ባና፤ ባይንዳዴፌ ሄ ዲዛ ጉሳያካ ኢዛፔ ኤኪታይቻና። \* 30 ሃይሳ ጎዓይ ባይንዳ አሸካራ ጌዴ ዩኪዛሶኔ አቼይ ጋርጩቴዛሶ ሄን ካሬን ዲዛ ዱማን ኬሲ ዩጊቴ’ ጊዴስ። \*

**ወርሴሳ ፐርዳ**

31 “አሳ ናይ ባ ኪታንቻታ ኡባራ ቦንቾን ዩዛ ዎዴ ባ ቦንቾ አልጋ ቦላ ኡታና። \* 32 ዴሬይ ወሪ ኢዛ ሲንሲ ሺቃና፤ ኢዚካ ሜሄ ሄሚዛዴይ ዴይሺ ዶርሳፌ ቆሪ ሻኪዛ ማላ አሳ ኢሳ ኢሳፌ ቆሪ ሻካና። 33 ዶርሳታ ኢዛስ ኡሻቻ ባጋራ፤ ዴይሻታ ሃዲርሳ ባጋራ ኤሳና። 34 ሄ ዎዴ ካዎይ ኡሻቻ ባጋራ ዲዛይታ ‘ኢንቴኖ! ታ አዎይ ኢንቴና አንጂዳይቲ ሃ ዩቴ! አላሜይ ሜዴቶሳፔ ኢንቴስ ጊጌቲዳ ካዎቴሳ ሳቲቴ! ጋና። 35 ጋሶይካ ታኒ ጋሬን ታና ሚዚዴታ፤ ታ ሳሜቲን ታና ኡሺዴታ፤ ታ ኢማሳ ጊዳዳ ዩን ታና ሞኪ ኤኪዴታ። 36 ታ ካሎቲን ታና ማይዚዴታ፤ ታ ሳኬቲን ታና ሃርጊሲዴታ፤ ታ ቃሼቲን ታና አይቼዴታ’ ጋና።

37 “ዲሎቲካ ዛሪዲ ‘ጎዶ! ኔ ጋሬን ኑ ኔና አይዴ ሚዚዴኒ? ዎይኮ ኔ ሳሞቲን አይዴ ቤዩዲ ኑ ኔና ኡሺዴኒ? 38 ኑ አይዴ ኔና ቤዩዲ ኢማሳቴስ ሞኪዴኒ? ዎይኮ አይዴ ኔ ካሎቲን ቤዩዲ ኔና ማይዚዴኒ? 39 ሄሳሳካ ኔ ሳኬቲን ዎይኮ ቃሼቲን አይዴ ቤዩዲ ኔና አይቼዴኒ?’ ጋና። 40 ካዎይካ ዛሪዲ ‘ታ ኢንቴስ ቱሙ ጋይስ፤ ሃይታ ላፋ ጊዳዳ ታ ኢሻታፔ ኢሳዴስ አሲዳይሲ ኢንቴ ታስ አሲዳ ማላ’ ጋና።

41 “ቃሪካ ሃዲርሳ ባጋራ ዲዛይታስ፤ ‘ኢንቴኖ ቃንጌቲዳይቶ! ታፔ ሻኬቲዲ ዳቡሎሳሲ ኢዛ ኪታንቻታስ ጊጌቲዳ ሜርና ታማን ቢቴ ጋና። 42 ጋሶይካ ታ ጋሬን ታና ሚዚዴታ፤ ታ ሳሞቲን ታና ኡሺዴታ፤ 43 ታና ኢማሳቴስ ሞኪዴታ፤ ታ ካሎቲን ታና ማይዚዴታ፤ ታ ሳኬቲን ታና ቃሼቲን ታና አይቼዴታ’ ጋና።

44 “ኢስቲካ ዛሪዲ ‘ጎዶ፤ ኔ ጋሬን ዎይኮ ኔ ሳሞቲን ዎይኮ ኔ ኢማስ ጊዴን ዎይኮ ኔ ካሎቲን ኔ ሳኬቲን ዎይኮ ኔ ቃሼቲን ኑ ኔና ቤዩዲ አይዴ ኔስ ጋኪቤኮኒ?’ ጋና።

45 “ሄ ዎዴ ኢዚካ ኢስታስ ዛሪዲ ‘ታ ኢንቴስ ቱሙ ጋይስ፤ ሃንታ ላፋ ታ ኢሻታፔ ኢሳዴስ ኢንቴ አሶንታ አጊዳይሲ ታስ ኢንቴ አሶንታ አጊዳ ማላ’ ጋና። 46 ሄይቲ ጌዴ ሜርና ፐርዳን ባና፤ ዲሎቲ ጊዴኮ ሜርና ዴዎኮ ባና” ጊዴስ። \*

26

**አይሁዳቲ ዩሱሳ ዎዳናስ ማቄቲዳ**

(ማር 14:1-2፤ ሉቃ 22:1-2፤ ዮሃ 11:45-53)

1-2 ዩሱሲ ሄሳ ሃሳዩ ወርሴዳፔ ጉዩ ባና ካሊዛይታስ “ናምዑ ጋላሳፌ ጉዩ ፓዚጋ ጊዴዳይሳ ኤሬቲ? አሳ ናይ ካቄታናስ አዲ ኢሜታና” ጊዴስ። \*

3-4 ሄሳፌ ጉዩ ቁሴታ ሃላቃቲኔ ዴሬ ጩማቲ ቃዶፋ ጌቴቲዛ ቁሴታ ሃላቃ ጊቤን ሺቂዲ ሂላራ ዩሱሳ አይሲዲ ዎዳናስ ማቄቲዳ። 5 ጊዶ አቲን “አሳ ጊዶን አሺ ዴንዶንታ ማላ ባዓሌ ጋላስ ጊዶፖ” ጊዴ ቃቸዳ።

**ዩሱሳ ሺቶ ቲዩዳ ማጫሳዮ**

(ማር 14:3-9፤ ዮሃ 12:1-8)

6 ዩሱሲ ቢታኒያን ኢንቼራቻ ሃርጌራ ዲዛ ሲሞና ጌቴቲዛዴ ሶን ዲሺን፤ 7 ኢሲ ማጫሲ ዲዛራ ዋጋይ ኬሂ አልዎ ጊዴዳ አልባስዲሮሴ ጌቴቲዛ ሺቶ ቢልቃፄ ኩሜስ አይካዳ ዩሱሳኮ ሺቃዳ ኢዚ ማዳን ኡቲዲሺን ኢዛ ሁዔ ቦላ ሺቶዛ ጉሳዱስ። \*\* 8 ኢዛ ካሊዛይቲ “ሄሳ ቤዩዲ ሃይሲ አዛስ ሜላ ሞሬቲዜ? 9 ሺቶዚ ዳር ዋጋስ ባይዜቲዲ ሚሻይ ማንቆታስ ኢሜቲዛኮቻ?” ጊዳ።

10 ዩሱሲ ሄሳ ኤሪዲ “ሃኖ ማጫሳዮ አዛስ ዎይሴቲ? ኢዛ ታስ ሎዎ አሳዱስ። 11 ማንቆቲ ኡባ ዎዴ ኢንቴናራ ዴቴስ፤ ታ ጊዴኮ ኡባ ዎዴ ኢንቴናራ ዲኬ ጊዴስ። \* 12 ኢዛ ሺቶዛ ታ ቦላ ጉሲዳይሲ ታና ሞንስ ጊጊሳናሳ። 13 ታ ኢንቴስ ቱሙ ጋይስ፤ ሃይሲ ሚሺራቾ ቃላይ ሳባኬቲዛ አላሜ ዩሺን አዋንካ ኢዛ አሲዳይሲ ኢዛ ቆሬሲዛዝ ጊዴዲ ሃሳዩታና” ጊዴስ።

**ዩሁዳይ ዩሱሳ አሲ ኢማናስ ጊጌቲዴስ**

(ማር 14:10-11፤ ሉቃ 22:3-6)

14 ሄሳፌ ጉዩ ታማኔ ናምዓታፔ ኢሶይ አስቆርንቶ ዩሁዳ ጌቴቲዛይሲ ቁሴታ ሃላቃታኮ ቢዲ፤ 15 “ታ ኢንቴስ ኢዛ አሳ ኢሚኮ ኢንቴ ታስ አይ ኢማኔ?” ጊዴስ። ኢስቲካ ኢዛስ ሄቹ ታሙ ቢራ ኢዛ ኩሺን ታዩቢ ኢሚዳ። \* 16 ሄ ጋላሳፌ ሲሚዲ ዩሁዳይ ዩሱሳ ኢስታስ አሲ ኢማናስ ኢንጂ ዎዴ ናጊሼ ጋምዲዴስ።

**ጎዳ ካዎ**

(ማር 14:12-21፤ ሉቃ 22:7-13፤ ዮሃ 13:21-30)

\* 25:29 ማቶ 13:12፤ ማር 4:25፤ ሉቃ 8:18 \* 25:30 ማቶ 8:12፤ 22:13፤ ሉቃ 13:28 \* 25:31 ማቶ 16:27፤ ማቶ 19:28 \* 25:46 ዳኔ 12:2 \* 26:1-2 ኬሳ 12:1-27 \* 26:7 አልባስዲሮሴ ቦንቾ ሚሽ ኢዛፔ አሴቲዛ ቦላ አልዎ ሹቻ። \* 26:7 ሉቃ 7:37-38 \* 26:11 ዛሬ 15:11 \* 26:15 ዛካ 11:12

17 ኡኬሳ ባዓሌ ጌቴቴዛ ባዓሌ ጋሳስ ኢዛ ካሊዛይቲ ዩሱሳኮ ሺቂዲ “ኔ ፓዚጋ ማናሶ አዋን ጊጊሳና ማላ ኮያይ?” ጊዳ።

18 ኢዚካ ኢስታስ ዛሪዲ ጌዴ ካታማ ቢዲ ኤቤሎ ጌቴቴዛ አስ “አስታማሬይ ‘ታ ዎዴይ ማቴዳ ጊሽ ታና ካሊዛይታራ ፓዚጋ ታ ኔ ኪሳን ቦንቻና ጊዴስ ጊዲ ዮቴቴ” ጊዴስ። 19 ኢዛ ካሊዛይቲካ ዩሱሲ ኢስታ አዛዚዳ ማላ ፓዚጋ ካዎ ጊጊሲዳ።

20 ጋዴይ ኦማርሲሺን ዩሱሲ ታማኔ ናምዓታራ ማዳን ኡቴዴስ። 21 ኢስቲ ሙሳን ዲሺን ኢዚ ኢስታስ “ታ ቱሙ ጋይስ፤ ኢንቴፊ ኢሶይ አሲ ኢማና” ጊዴስ።

22 ኢስቲካ ኬሂ ሙዞቲዲ ታራን ታራን “ጎዶ ታኔሻ?” ጊዳ። 23 ኢዚካ ዛሪዲ “ታና አሲ ኢማናዴይ ኬሬን ታናራ ኩሼ ዩዲዛዴ። \* 24 ኢዛ ጊሽ ካሴ ዓፌቲዳይሳ ማላ አሳ ናይ ባና፤ ጊዶ አቲን አሳ ና አሲ ኢሚዛዴስ አዩ-አና! ሄሳዴይ ዩሌቶንታ አቲዳኮ ኢዛስ ሎዎኮሺን” ጊዴስ። 25 ኢዛ አሲ ኢማና ዩሁዳይ “አስታማሬ! ታኔሻ?” ጊዴስ። ኢዚካ “ኤ፣ ኔ ጊዳ ማላ” ጊዴስ።

26 ኢስቲ ሙሳን ዲሺን ዩሱሲ ሚዛ ቁማፕ ኤኪዲ አንጂዴስ። ሜንሲዲኔ ባና ካሊዛይታስ ኢሚዲ “ሄዩቴ ሚቴ፤ ሃይሲ ታ አሾኮ” ጊዴስ። 27 ቃሴካ ኡሻ ዴንሲዲ ጋላቲዲኔ ባና ካሊዛይታስ ኢሚዲ “ወሪካ ሃይሳፊ ኡዩቴ፤ 28 ዳሮ አሳ ናጋራፔ ማራና ጉኪዛ ታ ኦራሳ ጫቆ ሱሳይ ሃይሳ። \* 29 ታ ኢንቴስ ጊዛይ ታ አዋ ካዎቴሳን ታ ኢንቴናራ ኦራሳ ዎይኔን ኡሻዛ ኡያና ጋካናስ ሃይሳፊ ሲንሳን ሃይሳ ዎይኔ ኡሻ ኢንቴናራ ኡዩኬ” ጊዴስ።

30 ማዛሙራ ዩዲዳፕ ጉዩ ፑዴ ዳብራዛይቲ ጌቴቴዛ ዙማ ቦላ ኬዚዳ።

**ጳፅሮሲ ኢዛ ካዳናይሳ ዩሱሲ ካሴቴዲ ዮቴዴስ**  
(ማር 14:27-31፤ ሉቃ 22:31-34፤ ዮሃ 13:36-38)

31 ዩሱሲ ኢስታስ “ኢንቴ ወሪ ሃቺ ኦማርሲ ታናን ዳጴቲዲ ታና ዩጊ ባና፤ ‘ሄሚዛይሳ ታ ሾጫና፤ ሜሄቲኔ ላሌታና’ ጌቴቴዲ ካሴ ዓፌቲዴስ። \* 32 ጊዶ አቲን ታኔ ዴንዲዳፕ ጉዩ ኢንቴፊ ሲንሳታዳ ጌዴ ጋሊላ ባና” ጊዴስ። \*

33 ጳፅሮሲ ዛሪዲ “ሃንኮይቲ ወሪ ኔ ጊዶን ዳጴቲኮካ ታኔ ሙሌካ ዳጴቲኬ!” ጊዴስ። 34 ዩሱሲካ ኢዛስ ዛሪዲ “ቱሙ ጋይስ፤ ሃቺ ቃማ ኩቶይ ዋሶንታ ካሴታዳ ሄቸቶ ኔ ታና ካዳና” ጊዴስ።

35 ጳፅሮሲ ቃሴ “ኔናራ ታ ሃይቃና ኮሺኮካ ሙሌካ ታ ኔና ካዲኬ!” ጊዴስ። ዩሱሳ ካሊዛ ሃንኮይቲካ ኩሜስ ኢዛይሳሳካ ጊዳ።

**ጌቴሴማኔን ዩሱሳ ዎሳ**

(ማር 14:32-42፤ ሉቃ 22:39-46)

36 ሄሳፊ ጉዩ ዩሱሲ ባና ካሊዛይታራ ጌዴ ጌቴሴማኔ ጌቴቴዛሶ ቢዴስ። ኢስታካ “ሄ ባዳ ታ ዎሲሺን ኢንቴ ሃይሳን ኡቴሺቴ” ጊዴስ። 37 ጳፅሮሳራ ዛቢዶሳ ናይታ ናምዓታ ባናራ ኤኪ ቢዲ ሙዞቴሳኔ ዳሮ ቆፎ አይኪዴስ። 38 ሄሳፊካ “ታ ሼምፖያ ሃይቃና ጋካናስ ዳሮ ሙዞታዱስ፤ ታናራ ሚኒዲ ሃኒን ታኪቴ” ጊዴስ።

39 ኢስታፊ ጉስ ጌዴ ሃኪ ቢ ጉፓንዲ “ታ አዋወ! ኔስ ዳንዳዩቲኮ ሃይሲ ሜቶይ ታፕ አጶ፤ ጊዶ አቲን ታኔ ኮይዳ ማላ ጊዶንታ ኔኒ ኮይዳ ማላ ሃና” ጊ ዎሲዴስ። 40 ሄሳፊ ሲሚዲ ባና ካሊዛይታኮ ዩዲ ኢስቲ ዲስኪሺን ዴሚዴስ። ጳፅሮሳካ “ሃይቶ አሳቶ! ኢንቴ ታናራ ኢሲ ሳቴኮኔ ሚናናስ ዎኒዴ? 41 ፓጮን ኢንቴ ጌሎንታ ማላ ሚኒዲ ዎሲቴ፤ አያናይ ጊጌቲዴስ ሺን አሾይ ጊዲኮ ዳቡራንቻ” ጊዴስ።

42 ቃሴካ ናምዓንሶ ቢዲ “ታ አዋወ! ሃይሳ ኡያናሲ ታስ አቶንታ ሚሽ ጊዲኮ ኔ ሼኔይ ፖሌቶ” ጊዲ ዎሲዴስ። 43 ቃሴካ ኢዚ ዩሺን ኢስታ አይፊን ዲስኮይ ዴዲዳ ጊሽ ኢቺዳይታ ቤዩዴስ።

44 ኢስታ አጊዲ ቃሴካ ቢዲ ሄቫንሶ ካሴ ዎሲዳ ቃላ ዛሪ ዎሲዴስ።

45 ሄሳፊ ባና ካሊዛይታኮ ሲሚዲ “ሃዲካ ሼምፕዲ ዲስኪዴቲ? ሄኮ ሃዲ ሳቴይ ማቴዴስ፤ አሳ ናይ ናጋራንቻታ ኩሼን አዲ ኢሜታና። 46 ዴንዲቴ አኔ ቦስ! ታና አሲ ኢሚዛዴይ ዩሳ ቦላ ዴስ” ጊዴስ።

**ዩሱሲ አይኪቴዴስ**

(ማር 14:43-50፤ ሉቃ 22:47-53፤ ዮሃ 18:3-12)

47 ኢዚ ሃሳዩሺን ታማኔ ናምዓታፕ ኢሶይ ዩሁዳይ ዩዴስ። ቁሴታ ሃላቃቲኔ ዴሬ ጨማቲ ዩዲዳ ዳሮ አሳይ ቶራኔ ዱርቃ አይኪዲ ዩሁዳራ ኢሲፊ ዴስ። 48 ዩሁዳይካ “ታ ዩሪዛዴይ ኢዛ ጊዲዳ ጊሽ አይኪቴ” ጊዲ ካሴ ዮቴ ዎሲዴስ።

49 ሲቲ ጊ ዩሱሳኮ ቢዲ “አስታማሬ! ሳሮ” ጊሼ ዩሱሳ ዩሪዴስ። 50 ዩሱሲካ “ታ ላጌ! ኔ ዩዳ ቆፋ ፖላ” ጊዴስ። ሄራካ አሳይ ሺቁቲዲ ዩሱሳ አይኪዲ ቃቺዴስ። 51 ዩሱሳራ ዲዛይታፕ ኢሶይ ጊሳ ማሻ ሾዲዲ ቁሴታ ሃላቃዛ አሽካራ ሃይስ ቃንጊዴስ።

52 ዩሱሲካ “አኔ ኔ ማሻ ኮሆን ዛራ ጌልሳ፤ ማሻ ሾዲዛይቲ ማሻን ዳያና። 53 ኮሺኮ ታኔ ታ አዋ አይቺዛኮ ዳሮ ሺዩን ቆዴቲዛ አሊዛ ኪታንቻ ታስ ዩሶንታ አጋና ሚሳቲኬ? 54 ሄሳሶ አሲኮ ቃሴ ጌሻ ማዓታን ሃናና ጌቴቴዳይሲ ዋኒ ፖሌታኔ?” ጊዴስ።

55 ሄ ዎዴ ዩሱሲ አሳ “ፓንጋ አይኪዛ አሳሶ ማሻኔ ዱርቃ ኤኪዲ ታና አይካና ዩዴቲ? ዎንቲን ዎንቲን ዎሳ ኬሳን ኡታዳ ታ ታማርሲሺን ካሴ አይኪኬታ ሺን። \* 56 ጊዶ አቲን ሃይሲ ወሪካ

\* 26:23 ማዛ 41:9 \* 26:28 ኬሳ 24:8፤ ኤር 31:31-34 \* 26:31 ዛዛ 13:7 \* 26:32 ማቶ 28:16 \* 26:55 ሉቃ 19:47፤ 21:37

ሃኒዳይሲ ካሴ ናቤቲ ጌሻ ማፃፋታን የቲዳይሲ ፖሌታናሳ” ጊደስ። ሄ ዎዴ ዩሱሳ ካሊዛይቲ ኢዛ ዩጊዲ ዳዩዳ።

**ዩሱሲ ፐርዳ ዱላታ ሲንሳ አዲደስ**  
(ግር 14: 53-65፤ ሉቃ 22: 54-55፤ 63-71፤ ዮሃ 18: 13-14፤ 19-24)

57 ሄ ዎዴ ዩሱሳ አይኪዲ አሳቲ ሙሴ ዎጋ አስታማሬቲኔ ዴሬ ጨማቲ ኢሲፌ ሺቂዳሶን ቁሴታ ሃላቃ ቃያፋኮ ኤፊዳ። 58 ጊዶ አቲን ጳፅሮሲ ቁሴታ ሃላቃ ጊቤ ጋካናስ ሃሆራ ዩሱሳ ካሊደስ። ጊቤ ጊዶ ጊሊዲ ሃኒዛይሳ ዉርሴስ ቤያናስ፤ ጊቤ ናጊዛይታራ ኡቲደስ።

59 ሄ ዎዴ ቁሴታ ሃላቃቲኔ አይሁዳታ ዱላታይ ኩሜስ ዩሱሳ ዎዲሳናስ ዎርዶ ማርካ ኮዩደስ። 60-61 ዎርዶ ማርካቲ ዳሮቲ ሺቂኮካ ቤሲዛ ማርካቲስ ዴሚቤቴና፤ ጊዶ አቲን ጉዩፔ ናምዑ አስ ዳይቲ ሺቂዲ “ሃይሲ አደዚ ‘ታ ዶሳ ኬላ ላላዳ ሄዥ ጋላሳራ ዛራዳ ኬፃና ዳንዳይሶስ ጊደስ” ጊዲ ማርካቲዳ። \*

62 ሄሳ ሲዩዳ ቁሴታ ሃላቃይ ኡቴላፌ ዴንዲ ኤቂዲ “ሃይቲ አሳቲ ኔ ቦላ ማርካቲዛይሳስ አይኮካ ዛሪኪ?” ጊደስ። 63 ዩሱሲካ ሙዑ ጊደስ። ቁሴታ ሃላቃይ “ታ ኔና ዴዎ ዶሳ ሱንሳን አይቻይስ! ኔኔ ኪርስቶሳ፤ ዶሳ ና ጊዲኮ ታስ ዮታ!” ጊደስ።

64 ዩሱሲካ “ኔ ጎይሳካ ማላ፤ ጊዶ አቲን ኢንቴስ ኡባስ ታ የቲዛይ ሲንሳፌ አሳ ናይ ዎልቃማዛ ኡሻቻን ኡቲዲ ሳሎ ሻራራ ዩዛ ዎዴ ኢንቴ ቤያና” ጊደስ። \*

65 ሄ ዎዴ ቁሴታ ሃላቃይ ባ ማይዎ ዳኪዲ “ዶሳ ቦላ ጫሻ ቃላ ሃሳዩደስ፤ ኑስ ሃይሳፌ አዲዛ ሃራ አዛ ማርካ ኮሺዚ! ዶሳ ቦላ ጫሻ ቃላ ኢዚ ሃሳዩሺን ኢንቴ ኢንቴ ሃይሳራ ሲዩደታ። 66 ኢንቴስ አይ ሚሳቲዜ?” ጊደስ። ኢስቲካ ዛሪዲ ኢዛስ “ሃይቆይ ቤሴስ” ጊዳ።

67 ሄ ዎዴ ዩሱሳ አይፌሶን ጨቲሼ ኢጨዳ፤ ባጋይቲ ባቂሼ፤ 68 “ኪርስቶሳ! ኔ ኔና ናቤ ጋላሺን ኔና ባቂዳይ አናኮኔ አኔ ኑስ ዮታ” ጊዳ።

**ጳፅሮሲ ዩሱሳ ካዲደስ**  
(ግር 14: 66-72፤ ሉቃ 22: 56-62፤ ዮሃ 18: 15-18፤ 25-27)

69 ሄሳፌ ጉዩ ጳፅሮሲ ቁሴታ ሃላቃ ጊቤን ኡቲ ዲሺን ኢሲ ኬላ ጊዶን አሲዛ ማጫስ ዲዛራ ኢዛኮ ሺቃዳ “ኔኒካ ጋሊላ ዩሱሳራ ዲዛዴ!” ጋዱስ።

70 ኢዚ ቃሴ “ኔ አይ ጊዛኮኔ ታ ኤሪኬ!” ጊዲ ኡባ አሳ ሲንሳን ካዲደስ። 71 ጊቤዛፔ ኬዚዛ ፔንጌ ኢዚ ቢሺን ኢሲ ሃራ አሳንቻዎ ኢዛ ዩላዳ ሄን ጋዳን ዲዛይታስ “ሃይሲ አደዚ ናዚሬቴ ዩሱሳራ ዲዛዴኮ!” ጋዱስ።

72 ኢዚካ “ታ ኢዛ ኤሪኬ!” ጊዲ ናምዳንሶ ካዲደስ። 73 ጉሳ ጋምዲሺን ሄን ኤቂዳ አሳቲ ሺቂዲ ጳፅሮሳ “ኔ ሃሳይይ ኔ ሃይታራ ዲዛይሳ ቆንጨሴስ፤ ቱማፔ ኔ ኢስታ ባጋ አሳ” ጊዳ። 74 ኢዚካ ጫቂሼኔ አማቲሼ ሄሳ አደዛ “ታ ኤሪኬ!” ጊደስ። ሄራካ ኩቶይ ዋሲደስ።

75 ሄሳ ዎዴ ዩሱሲ ካሴ ጳፅሮሳስ “ኩቶይ ዋሳናስ ኔ ታና ሄዥቶ ካዳና” ጊዲ የቲዳ ቃላይ ቆፊቲን፤ ጳፅሮሲ ካሪ ኬዚዲ ጫሞ ዩሆ ዩኪደስ።

**የሁዳይ ካቂቲ ሃይቂደስ**  
(ግር 15: 1፤ ሉቃ 23: 1-2፤ ዮሃ 18: 28-32)

1 ማላዶ ዎንታራ ቁሴታ ሃላቃቲኔ ዴሬ ጨማቲ ዉሪካ ዩሱሳ ዎዳና አጌ ዙሬቲዳ። 2 ዩሱሳ ቃቺ ኤፊዲ ጋገቴ ጲላዎሳስ አሲ ኢሚዳ።

3-4 ኢዛ አሲ ኢሚዳ የሁዳይካ ዩሱሳ ቦላ ፐርዴቲዳይሳ ቤዩዲ “አሳ ኢሞንታ አጋርኪና” ጊዲ ባ ኤኪዳ ሄዥ ታሙ ቢራ ቁሴታ ሃላቃታሲኔ ዴሬ ጨማታስ ዛሪ ኢሚዲ “ዲሎ አስ አሳ ኢሚዳ ጊሽ ታ ሞራዲስ” ጊደስ። ኢስቲካ “ሂስቲን ኑስ አይ ሜቶ! ኔ ኤራ ኤካ!” ጊዳ። 5 ሄሳ ጊሽ የሁዳይ ቢራ ኤፊዲ ዶሳ ኬላ ጊዶን ዩጊዲ ኬዚ ቢዲ ጨሌቲ ሃይቂደስ።

6 ቁሴታ ሃላቃቲ ቢራ ዴንሲዲ “ሱሳ ዋጋ ጊዲዳ ጊሽ ዶሳ ኬላ ሚሻን ጉጃናስ ቤሴና” ጊዳ። 7 ባ ጊዶን ዙሬቲዲ ኢማስ ጊዲዳ አሳታስ ዱፎ ጊዳና ማላ ኢሲ ኡርቃ ሚሽ ሜዲዛ ሂላዛ ጋዴ ሻሚዳ። 8 ሄሳ ጊሽ ሄ ጋዴይ ሃቺ ጋካናስ ሱሳ ጋዴ ጌቲቲስ።

9-10 ኢዛስ ዋጋ ጊዳና ማላ “ኢስራዔሌ ናይቲ ሄሪጊዳ ሄዥ ታሙ ቢራ ቆዲ ኤኪዳ። ዶሲ ታና አዛዚዳ ማላ ኡርቃ ሜዲዛ ሂላዛ ጋዴስ ኢሚዳ” ጌቲቲዲ ናቤ ኤርማሳ ዱናን የቲቲዳይሲ ፖሌቲደስ።

**ዩሱሲ ጲላዎሳ ሲንሳን**  
(ግር 15: 2-5፤ ሉቃ 23: 3-5፤ ዮሃ 18: 33-38)

11 ሄ ዎዴ ዩሱሲ ዴሬ ሃሪዛይሳ ሲንሳ ሺቂደስ። ዴሬ ሃሪዛይሲካ “ኔኔ አይሁዳ ካዎ?” ጊዲ አይቺደስ። ዩሱሲካ “ኔ ጊዳ ማላ ጊዶ” ጊደስ። 12 ቁሴታ ሃላቃቲኔ ዴሬ ጨማቲ ኢዛ ሞቲሺን ዩሱሲ ኢስታስ አይኔ ዛሪቤና። 13 ሄ ዎዴ ጲላዎሲ ዩሱሳ “አፕን ዮዎን ኔና ሞቲዛኮኔ ሲዩኪ?” ጊደስ። 14 ዴሬ ሃሪዛይሲ ኬሂ ማላሌታና ጋካናስ ዩሱሲ ኢሲ ቃላካ ዛሪቤና።

15 ዴሬ ሃሪዛይሳስ ባዓሌ ጋላስ ዴሬይ ቃሾ አሳፔ “ኤቤሎይ ኑስ ቢርሼቶ!” ጊ አይቺኮ ኢሳዴ ቢርሺዛ ዎጋይ ደስ። 16 ሄ ዎዴ ጌኔ አሶን ኤሬቲዳ ባርባኔ ጌቲቲዛ ኢሲ ቃሾ አሲ ደስ። 17 ዴሬይ

\* 26:60-61 ዮሃ 2:19 \* 26:64 ዳኔ 7:13



ሸቂቅ ማላ ጳጳሳዊ “ባርባኔቴ ኪርስቶስ ጌቴቲዛ ዩሱሳፕ ታ ኢንቴስ ኦና ቢርሻና ማላ ኮፎቲ?” ጊደስ።<sup>18</sup> ጳጳሳዊ ኢስቲ ሮ ቃናቴስ አሲ ኢሚዳይሳ ኤሪሼ አይቺደስ።

<sup>19</sup> ኢዚ ፐርዳ አልጋ ቦላ ኡቲ ዲሺን ኢዛ ማቼያ “ኢዛ ጌዶን ሃቺ ታኒ አጉሞራ ዳሮ ሜቶታዲስ፤ ሄሳ ጊሎ አደዛ ቦላ ኔ አይኮካ አሶንታ ማላ” ጊዛ ኪታ ጳጳሳዊ ዩዳዳስ።

<sup>20</sup> ጊዶ አቲን ቁሴታ ሃላቃቲኔ ጨማቲ ኢስታስ ባርባኔይ ቢርሼታና ማላኔ ቃሴ ዩሱሳ ዎዳና ማላ ዎሳናስ ደሬዛ ቃላይ ጋጋና ማላ አሲዳ።<sup>21</sup> ደሬ ሃሪዛይሲ “ናምግታፕ ኦና ቢርሻና ማላ ኮፎቲ?” ጊ አይቺን፤ ኢስቲ “ባርባኔ ቢርሻ!” ጊዳ።

<sup>22</sup> ጳጳሳዊካ “ሂስቲኮ ኪርስቶስ ጌቴቲዛ ዩሱሳ ዎስቶ?” ጊደስ። ወሪካ “ካቁቶ!” ጊዳ።

<sup>23</sup> ጳጳሳዊካ አይሲ? “አይ ኢታ አሲደ?” ጊዲ ኢስታ አይቺደስ። ኢስቲካ ቃሴ ኬሂ ዋሲዲ “ካቁቶ!” ጊዳ።<sup>24</sup> ጳጳሳዊ ሃኒዛይሲ ወሪካ አሳይ ባ ጊዶን ቡልግኬቴላፊ አቲን ሃራ አይ ጎሪይ ባይንዳይሳ ዩሺ ያሊዲ “ሃይሳ አደዛ ሱሳ ጎሜፕ ታ ጌሻ፤ ሃይሳፊ ጉዩ ኢንቴ ሼኔ” ጊዲ ሃሊ ኤሂሲዲ ደሬዛ ሲንሳን ባ ኩሼ ሜጨቲደስ። \*

<sup>25</sup> ደሬይ ወሪ “ኢዛ ሱሊ ኑ ቦላኔ ኑ ናይታ ቦላ ጋኮ” ጊዲ ዛሪደስ።<sup>26</sup> ሄ ዎደ ባርባኔ ኢስታስ ቢርሼዲ ዩሱሳ ጋራፊሲዳፕ ጉዩ ካቃና ማላ አሲ ኢሚደስ።

**ዎታዳራቲ ዩሱሳ ቦላ ቂሊጨዳ**  
(ማር 15:16-21፤ ዮሃ 19:2-3)

<sup>27</sup> ሄሳፊ ዎታዳራቲ ዩሱሳ ጌደ ደሬ ሃሪዛይሳ ጊቤ ኤኪ ቢዲ ወሪ ሸቂቅ ዩሱሳ ጊዶ አሲዳ።

<sup>28</sup> ኢዛ ማይያ ቃሪዲ ሃራ ዞዎ ማይያ ማይዚዳ።<sup>29</sup> አጉንሳ አክሊሌ ዓዲ ጊጊሲዳ፤ ኢዛ ሁጌ ቦላ ዎሲዳ፤ ሾምቦቆ ጉፊ ኡሻቻ ኩሼን አይሲዲኔ ኢዛ ሲንሳን ጉልባቲዲ “አይሁዳ ካዎ! ኢንቴስ ቶ!” ጊዲ ኢዛ ቂዲዳ።<sup>30</sup> ኢዛ ቦላ ጨቲዳ፤ ሾምቦቆ ጉፊዛ ኢዛ ኩሼፕ ኤኪዲ ዩሱሳ ሁጌን ዛሪ ዛሪዲ ሾጨዳ።<sup>31</sup> ኢዛ ቦላ ቂዲ ካዲዳይሳፊ ጉዩ ቃሴካ ዞዎ ማይያ ቃሪ ኤኪዲኔ ካሴ ኢዛ ማይያ ዛሪ ማይዚዲ ካቃናሶ ኤኪ ቢዳ።

**ዩሱሳ ካቁቴስ**

<sup>32</sup> ኢስቲ ኤኪ ቢሺን ቃሬና ጌቴቲዛሶፕ ዩዳ ሲሞና ጌቴቲዛይሳ ደሚዲ ማስቃሌዛ ኢዛ ዎልቃራ ቶሲዳ።<sup>33-34</sup> ቢርሼቻይ “ሁጌ ጉጌ” ጌቴቲዛ ጎልጎታ ጋኪሺን ጨዩራ ዋላኬቲዳ ዎይኔ ጫጄ “ኡያ”

ጊዲ ኢሚዳ፤ ጊዶ አቲን ኢዚ ጋንጊ ኤኪዲ ኡያና ኮይቤና። \*<sup>35</sup> ኢዛ ካቁዳፕ ጉዩን ኢዛ ማይያ ቦላ ሳማ ዩጊዲ ጊሼቲዳ።<sup>36</sup> ሄን ኡቲዲ ኢዛ ናጊዳ።<sup>37</sup> “ሃይሲ አይሁዳ ካዎ ዩሱሳ” ጊዛ ሞቶ ቃላ ኢዛ ሁጌፕ ቦላራ ዎሲዳ።<sup>38</sup> ናምቡ ዎምባደታፕ ኢሶይ ዩሱሳፕ ኡሻቻ ባጋራ፤ ኢሶይ ሃዲርሳ ባጋራ ኢዛራ ኢሲፊ ካቁቴዳ።

<sup>39-40</sup> አጌራ አዲ ቢዛ አሳይ ጫዩሼኔ ሁጌ ቃሲሼ \* “ዎሳ ኬሳ ላላዳ ሄቸ ጋላሳን ሃራ ኬፃና ጊዛይሶ! አኔ ኔና አሻ፤ ኔ ዎሳ ና ጊዲኮ አኔ ማስቃሌ ቦላፊ ዎዳ” ጊዳ። \*

<sup>41</sup> ቁሴታ ሃላቃቲ ደሬ ጨማታራ ጊዲዲ ኢዛ ቦላ ቂዲሼ፤<sup>42</sup> “ሃራ አሳ አሺደስ ሺን ባና አሻናስ ዳንዳይቤና፤ ኢዚ ኢስራጌሌ ካዎ ጊዲኮ አኔ ሃዲ ማስቃሌ ቦላፊ ዎዳ፤ ኑካ ኢዛ አማናና።<sup>43</sup> ዎሳን አማኔቲደስ፤ ባና ዎሳ ና ጊዳ ማላ ዎሲ ኢዛ ዶሲዛ ጊዲኮ አኔ ሃዲ ኢዛ አሾ” ጊዳ። \*<sup>44</sup> ኢዛራ ኢሲፊ ካቁቴዳ ፓንጋቲካ ሄሳሶ ጫሻ ቃላ ኢዛ ቦላ ቆቆፊዳ።

**ዩሱሳ ሃይቆ**

(ማር 15:33-41፤ ሉቃ 23:44-49፤ ዮሃ 19:28-30)

<sup>45</sup> ጋላሳፊ ኡሱፑን ሳቴፕ ቢዲ ኡዱፉን ሳቴ ጋካናስ ኩሜሳ ቢታይ ዲሚደስ።<sup>46</sup> ኡዱፉን ሳቴ ጊዲሺን ዩሱሲ ቃላ ዶቁ ሂስቲዲ “ኤሎሄ! ኤሎሄ! ላማ ሳባቂታን” ጊዲ ዋሲደስ። ሄሳ ጉሳስ ቢርሼሳይ “ታ ዎሶ! ታ ዎሶ! ታና አይሲ አጋዲ?” ጉሳ። \*

<sup>47</sup> ሄን ጋዳን ኤቂዳ አሳታፕ ኢሲ ኢሲ አሳቲ ኢዛ ዋሶዛ ሲይዲ “ኤሳሳ ያይጌስኮ!” ጊዳ።<sup>48</sup> ኢስታፊ ኢሳደይ ዎዲ ቢዲ ዛንቫ ሚሳቲዛ ሴፊኔጌ ጌቴቲዛ ሚሽ ኤኪዲ ጫሊዳ ዎይኔ ጫጄን ዩጊ ጫጲሲዲኔ ሾምቦቆ ጌቴቲዛ ሚሳ ሄራን ቃዲዲ ኡያና ማላ ዩሱሳ ዱናኮ ሺሺደስ። \*<sup>49</sup> ሃንኮ አሳይ ቃሴ “አጋጊቱ አኔ፤ ኤላሲ ዩዲ ኢዛ አሺን ቤያና” ጊዳ።<sup>50</sup> ዩሱሲ ቃሴካ ዶቃ ቃላን ዋሲዲ ሽምፖ ኬዚደስ።

<sup>51</sup> ሄ ዎደ ዎሳ ኬሳ ማጋላሻይ ቦላ ሁጌራ ዱጌ ሲሚ ዳኬቲዲ ናምቡ ኬዚደስ፤ ቢታይ ቃዲደስ፤ ዛላቲ ዛዲዳ። \*<sup>52</sup> ዱፎቲ ዶዩቲዳ፤ ካሴ ሃይቂዳ ዎሳ አሳፕ ዳሮ ባጋይ ደንዲደስ።<sup>53</sup> ዱፎፕ ኬዚዲ ዩሱሳ ደንሳፊ ጉዩ ጌደ ጌሻ ካታማ ጌሊዲ ዳሮታ አይፊን ቤቲዳ።<sup>54</sup> ማቶ ሃላቃይኔ ኢዛራ ኢሲፊ ዩሱሳ ናጊዛይቲ ቢታ ቃሳኔ ሃኒዳይሳ ወርሲ ቤዩዲ ዳሮ ባቢዳ። ቃሴ “ሃይሲ ተማፕ ዎሳ ናኮ!” ጊዳ።<sup>55</sup> ጋሊላፕ ዩዲ ዩሱሳ ኮሺዛን አሲ ማዳናስ ካሊዛ ዳሮ ማጫሳቲ ሃኒዳይሳ ወርሲካ ሃሆራ ያሊሼ ሄን ደቴስ።<sup>56</sup> ኢስታ ጊዶን ማግዳሌፕ ዩዳ ማራሚራ፤ ያቆቤኔ ዮሴፊ አዮ ማራሚራ፤ ቃሴካ ዛቢዶሳ ናይታ አዩዩራ ኢሲፊ ደቴስ።

**ዩሱሲ ሞጌቲደስ**

(ማር 15:42-47፤ ሉቃ 23:50-56፤ ዮሃ 19:38-42)

<sup>57</sup> ጋደይ አማርሲሺን ዮሴፊ ጌቴቲዛ ኢሲ ዱሬ አደ ዳይሲ አርማቲያሳ ጌቴቲዛሶፕ ዩደስ። ኢዚካ ባ ባጋራ ዩሱሳ ካሊዛደ።<sup>58</sup> ኢዚ ጳጳሳዊ ሲንሳሊ ሸቂቅ ዩሱሳ አሃ ኢዛስ ኢማና ማላ ዎሲን

\* 27:24 ዛሬ 21:6-9 \* 27:33-34 ማዛ 69:21 \* 27:39-40 ማዛ 22:7፤ 109:25 \* 27:39-40 ማቶ 26:61፤ ዮሃ 2:19 \* 27:43 ማዛ 22:8 \* 27:46 ማዛ 22:1 \* 27:48 ማዛ 69:21 \* 27:51 ኬሳ 26:31-33



ጲላሎሲካ ኢዛስ ኢማና ማላ አዛዚደስ።<sup>59</sup> የሴሬይ አሃ ኤኪዲ ጌሺዛ ሞጎ አፋላን ማደደስ።<sup>60</sup> ሹቸ ምጪዲ ባሲ ጊጊሲዳ ዱፎን ኤሬ ምሲዲ ጊታ ሹቸ ጌንዴርሲዲ ዱፎዛ ጎርዲደስ።<sup>61</sup> ሄሳ ምዴ ማግዳሌ ማራሚራኔ ሃራ ማራሚራ ዱፎዛ ጊናን ኡቲዳ።

<sup>62</sup> ሳምባታስ ጊጊቲዛ ምንቴሳ ጋላስ ቄሴታ ሃላቃቲኔ ፋርሳዌቲ ጲላሎሲ ሲንሰ ሸቂዲ።<sup>63</sup> “ጎዶ! ሄ ምርዶይ ካሴ ፓፃ ዲሼ ‘ሄዥ ጋላሳሬ ጉዬ ታ ዴንዳና’ ጊዳ ቃላይ ኑ ምዝናን ቱርቹ ጊደስ። \* <sup>64</sup> ሄሳ ጊሽ ኢዛ ካሊዛይቲ ኢዛ አሃ ካይሶቲ ኤኪዲ ዴሬስ ‘ኢዚ ሃይቆፕ ዴንዲደስ’ ጊዲ ምሬሶንታ ማላ ሄዥንሶ ጋላስ ጋካናስ ዱፎይ ናጌታና ማላ አዛዛ፤ አካይ ጊኮ ካሴይሳሬ ጉዬ ባላይ አዴስ ጊዳና” ጊዳ።<sup>65</sup> ጲላሎሲ “ኢንቴስ ናጊዛይቲ ዴቴስ፤ ቢዲኔ ኢንቴስ ኤሬቲዳ ማላ ናጊሲቴ” ጊደስ።<sup>66</sup> ኢስቲካ ቢዲ ዱፎዛ ዱና ማታሜን ጎርዲዲ ናጋና ዛቤ ኤሲዳ።

28

ዮሱሲ ሃይቆፕ ዴንዲደስ

(ማር 16:1-8፤ ሉቃ 24:1-12፤ ዮሃ 20:1-10)

<sup>1</sup> ሳምባታይ አዲዳፕ ጉዬ ሳሚንታፕ ኮይሮ ጋላስ ቡሮ ሳሎይ ዞዲሺን ማግዳሌ ማራማኔ ሃራ ማራማ ዱፎዛ ቤያና ቢዳ። \* <sup>2</sup> ቆፖንታ ዲሺን ጊታ ቢታ ቃሲ ሃኒደስ፤ ጎዳ ኪታንቻይካ ሳሎፕ ምዲ ዱፋኮ ቢዲ ሹቻ ጌንዴርሲዲ ኢዛ ቦላ ኡቲደስ።<sup>3</sup> ኪታንቻስ ሜዳይ ምልቃንሳ ፖፖ ማላ፤ ማይፖይካ ሻቻ ማላ ቦላ።<sup>4</sup> ዱፎ ናጊዛይቲ ኪታንቻዛስ ባቢዲ ኮኮሪዲኔ ሃይቆስ ሚሳቲዳ።

<sup>5-6</sup> ኪታናቻይ ማጫሳታ “ባቦፍቴ፤ ኢንቴ ካቂቲዳ ዮሱሳ ኮዬዛይሳ ታ ኤራይስ፤ ኢዚ ሃዲ ሃን ባዋ፤ ኢዚ ካሴ ዮቲዳ ማላ ሃይቆፕ ዴንዲደስ፤ ሃ ዩዲ ኢዚ ኢቺዳሶ ቤይቴ።<sup>7</sup> ሃዲካ ኤሌሊ ቢዲ ኢዛ ካሊዛይታስ ‘ሃይቆፕ ዴንዲደስ። ኢንቴሬ ካሴቲዲ ጋሊላ ቤስ፤ ኢንቴ ኢዛ ሄን ዴማና’ ጊዲ ዮቲቴ። ሂፃ ታ ኢንቴስ ዮታዲስ” ጊደስ።<sup>8</sup> ማጫሳቲካ ባቦኒኔ ኡፋይሳን ኩሚዲ ኢዛ ካሊዛይታስ ዮታናስ ኤሌሊዲ ምሳን ዱፎይ ዲዛሶ ዩጊ አጊዲ ቢዳ።

<sup>9</sup> ሄራካ ዮሱሲ ኢስታ ዴሚዲ “ሃይቆ ሳሮ” ጊደስ። ኢስቲካ ዮሱሳኮ ሸቂዲኔ ኢዛ ቶሆ አይኪዲ ኢዛስ ጎይኒዳ።<sup>10</sup> ዮሱሲ ኢስታ “ባቦፍቴ! ቢዲኔ ኢስቲ ጋሊላ ባና ማላ ታ ኢሻታስ ዮቲቴ። ኢስቲ ታና ሄን ቤያና” ጊደስ።

ናጊዛይታ ማርካቴስ

<sup>11</sup> ማጫሳቲ ቡሮ አጌ ቦላ ዲሺን ናጊዛይታፕ ጉሳ ባጋቲ ካታማ ቢዲ ሃኒዳይሳ ዉርሲ ቄሴታ ሃላቃታስ ዮቲዳ።<sup>12-13</sup> ቄሴታ ሃላቃቲካ ዴሬ ጪማታራ ሸቂቲዲ ዞራቲዳ፤ ምታዳራታስ ጊዲዛ ሚሽ ኢሚዲ “ኑኒ ዲሲኪዳሺን ኢዛ ካሊዛይቲ ቃማራ ዩዲ ካይሶቲ ኤሬዳ’ ጊቴ ጊዳ።<sup>14</sup> ሃይሲ ምሬይ ዴሬ ሃሪዛይሳ ማታን ሲዮቲኮካ ኑኒ ኢዛስ ሎዴሲ ዮታና፤ አይኮ ኢታይካ ኢንቴ ቦላ ጋኮንታ ማላ ኑ አሳና” ጊዳ።<sup>15</sup> ምታዳራቲካ ሚሻ ኤኪዲ ኢስቲ ጊዳ ማላ አሲዳ፤ ሃይሲ ዮፖዚ ሃቺ ጋካናስ አይሁዳታ አቻን ዳሮሶን ዮቲቴሼ ዴስ።

ዮሱሲ ባና ካሊዛይታ አይሬን ቤቲደስ

(ማር 16:14-18፤ ሉቃ 24:36-49፤ ዮሃ 20:19-23፤ ሃዋ 1:6-8)

<sup>16</sup> ሄሳሬካ ዮሱሳ ካሊዛ ታማኔ ኢሲኔቲ ዮሱሲ ኢስታ ቤሲዳ ጋሊላን ዲዛ ዙማ ቦላ ኬዚዳ።<sup>17</sup> ዮሱሳ ቤዩዳ ማላ ኢዛስ ጎይኒዳ፤ ኢስታ ጋራሳሬ ጉዲዛ ባጋቲ ሲዲዳ።

<sup>18-20</sup> ዮሱሲካ ባና ካሊዛይታኮ ሸቂዲ “ሳሎኒኔ ሳፃን ጎዳቴሲ ታስ ኢሜቲደስ። ሄሳ ጊሽ ቢዲ ዴሬ ኡባ አዋ፤ ናዛኔ ጊሎ አያና ሱንሳን ማቂሼ፤ ታና ካሊዛይታ አሲቴ፤ ታ ኢንቴና አዛዚዳይሳ ዉርሲ ናጋና ማላ ታማርሲቴ። ታካ አላሜ ዉርሴስ ጋካናስ ታ ኢንቴናራ ዳይስ” ጊደስ። \*

\* 27:63 ማቶ 16:21፤ 17:23፤ 20:19፤ ማር 8:31፤ 9:31፤ 10:33-34፤ ሉቃ 9:22፤ 18:31-33 \* 28:1 ሳምባታ ሃይሳ ቦላ ሳምባታይ ቄራ ጋላሳ። \* 28:18-20 ሃዋ 1:8

### ማርቆስ ፩ ዓ.አ. ኑ ጎዳ ዮሱስ ኪርስቶስ ሚሺራቾ ቃላ ጊዶ ቆፋ

ማርቆስ ሚሺራቾ ቃላይ “ሃይሲ ያሳ ና ዮሱስ ኪርስቶስ ሚሺራቾ ቃላስ ኮይሮ” ጉሳን ደሜስ። ሃይሳ ሃ ሚሺራቾ ቃላዛ ጊዶን ዮሱሲ አሳንቻኔ ኢዚ ጎዳቴሳራ ዲዛዴ ጊድ ሺቂዴስ። ጎዳቴሳይካ ኢዛ ቲሚርቴን፣ ዳይዳንሳታ ቦላ ዲዛ ዎልቃኒኔ ኢዚ አሳ ናጋራ አቶ ጊዳይሳን ኤሬቴዴስ። ዮሱሲ “አሳ ናጋራ አይሌቴሳፊ ኬሲ ኤካናስ ታ ሼምፖ አሳ ጊሽ አሳ ኢማናስ ዬዳ አሳ ናይ ታና” ጊዲ ባርካ ዮቴዴስ።

ማርቆስ ዮሱሳ ታሪኬ ሺሺዳይ ቆንጮኒኔ ዎልቃይ ኩሚዳ ኦጌራ ጊዲሺን ኢዚ ቲሺ ሂስቲ ዪሊዳይ ዮሱሳ ቃላኔ ኢዛ ቲሚርቴዛ ጊዶንታ ኢዚ አሲዳ ጊታ ማላታ አሶታ። ኢዚ ማግቂዛ ዮሃንሳ ጊሽ፣ ዮሱሳ ዪንቃቴ ጊሺኔ ኢዚ ኤኪዳ ሜቶዛ ጊሽ ቃንሳራ ዮቴዳፕ ጉዬን ዮሱሲ ታማርሲዳ ቲሚርቴዛ ጊሺኔ ኢዚ ሃርጋንቻታ ፓሲዳይሳ ቢርሽ ዮቴስ። ዮሱሳ ካሊዛይቲ ጉዬፕ ዮሱሳ ሎዔሲ ኤሪ ኤሪ ቢዳ ማላ ዮሱሳራ ኤቁቲዛይቲ ቃሴ ዮሱሳ ካሴፕ አሲ ኢዪ ኢዪ ቢዳ። ማፃፋስ ዉርሴሳ ሼምፖቲ ዮሱሲ ቢታ ቦላ ዴዲዳ ዉርሴሳ ላይሳን ዉርሴሳ ሳሚንታን ፖሌቲዳ አሶታ፤ ሃራፕካ ኢዛ ካቁቴሳ ጊሺኔ ኢዛ ዴንሳ ጊሽ ዮቴቴስ።

ማርቆስ ሚሺራቾ ቃላስ ዉርሴሳን ዲዛ ናምዑ ኪፊሌቲ ኢሲ ኢሲ ማፃፋታን ፃላላ ዴቴስ።

- ሃ ማፃፋይ አይኪዳ ኩሜሳ ቆፋ
- ሚሺራቾ ቃላስ ኮይሮ ደሜስ 1:1-13
- ዮሱሲ ባ አሶ ኮይሮ ጋሊላን ደሜዴስ 1:14-9:50
- ዮሩሳላሜን ዮሱሳ አሶ 10:1-52
- ዮሩሳላሜኒኔ ሄ ሄራን ዉርሴሳ ሳሚንታን ዮሱሳ ጋኪዳ ሜቶ 11:1-15:47
- ሃይቆፕ ጎዳ ዴንሳ 16:1-8
- ሃይቆፕ ዴንዲዳ ጎዳ ቆንጮሲኔ ፕዴ ሳሎ ቡስ 16:9-20

#### ግግቂዛ ዮሃንሳ ማርካቴስ (ማቶ 3:1-12፤ ሉቃ 3:1-18፤ ዮሃ 1:19-28)

1 ያሳ ና ዮሱስ ኪርስቶስ ኮይሮ ሚሺራቾይ ሃይሳ፤ \* 2 ናቤ ኢሳያሳ ባጋራ “ሄኮ ኔስ አጌ ሎዔሳናዴ ታ ኪታናዴ

ኔፕ ሲንሳራ ዮዳና። \*

3 ‘ጎዳስ አጌ ጊጊሲቴ፤ ኢዚ ባና አጌ ሱሪሲዲ አሲቴ’ ጊሼ ባዞ ቢታን ዋሲዛ ጊሪስ”

ጌቴቲ ፃፊቴዴስ። \*

4 ሄሳሶካ ግግቂዛ ዮሃንሲ አሳ ግግቂሺኔ “ኢንቴ ናጋራፕ ሲሚዲ ግግቂቴ፣ ያሲ ኢንቴ ናጋራ አቶ ጋና” ጊ አዎጂሽ ባዞራ ኬዚ ዎዲዴስ። 5 ዮሁዳ ዴሬይ ኩሜስ ዮሩሳላሜ አሳይ ዉሪ ዮሃንሳኮ ቢ ቢዲ ባ ናጋራ ናጋራ ፓዪ ፓዪ ዮርዳኖሴ ሻፋን ዮሃንሳ ኩሼን ግግቂቴዴስ። 6 ሄ ዎዴ ዮሃንሲ ማይዲዛይ ጋሜላ ኢሲኬፕ አሴቲዳ ማይያ፤ ቃሴ ባ ዪሳን † ዳፎ ጊዴስ። ኢዚ ሚዛ ቁማይ ቦሌኔ ዴጌራ ኤሳ። \* 7 ኢዚ “ታኒ ሆካዳ ኢዛ ጫማ ቃሾ ቢርሻናስ ቤሶንታዴይ፣ ታፕ አዲዛዴይ ታፕ ጉዬራ ያና። 8 ታኒ ኢንቴና ሃሳን ግግቃይስ ኢዚ ጊዲኮ ኢንቴና ዪሎ አያናን ግግቃና” ጊዲ ሳባኪዴስ።

#### ዮሱሳ ግግቂቴሲኔ ፓጩቴስ

9 ሄ ዎዴ ዮሱሲ ጋሊላ ጊዶን ዲዛ ናዚሬቴ ጌቴቲዛ ካታማይፕ ዮርዳኖሴ ሻፋ ዮዲ ዮሃንሳ ኩሼን ግግቂቴዴስ። 10 ዮሱሲ ግግቂቴዲ ሃሳፊ ኬዚዳ ማላ ሳሎይ ዶዬቴን ዪሎ አያናይ ኢዛ ቦላ ሃራጵ ካፎ ሚሳቲዲ ዎዲሺን ቤዬዴስ። 11 ቃሴካ “ታ ዶሲዛ ናይ ኔና፣ ኔናን ታ ኡፋዬታይስ” ጊዛ ቃላ ጊሪሲ ፕዴ ሳሎፕ ሴቴቲዴስ። \*

12 ሄራካ ዪሎ አያናይ ኢዛ ዱጌ ባዞ ካሌሲ ኤፊዴስ። 13 ሄን ባዞንካ አይዱ ታሙ ጋላስ ጋካናስ ፃላዔራ ፓጩቴሼ ጋምዲዴስ። ደፃታራ ኢሲፊ ዴዲዴስ። ኪታንቻቲካ ኢዛ ማዲዳ።

#### ዮሱሲ ዋሌ አይኪዳ አይዱ አሳታ ባና ካላና ማላ ዪይጊዴስ

14-15 ዮሃንሲ ቃሾ ኬስ ጌሊዳይሳፊ ጉዬ ዮሱሲ ያሳ ሚሺራቾ ቃላ ሳባኪሽ ጌዴ ጋሊላ ቢዲ “ዎዴይ ጋኪዴስ፤ ያሳ ካዎቴሲ ማቲዴስ፤ ናጋራፕ ሲሚቴ፣ ሚሺራቾ ቃላን አማንቴ” ጊዲ ሳባኪዴስ።

\* 1:1 ኢሲ ኢሲ ጊሻ ማፃፋታን ያሳ ና ጊዛ ቃላዚ ፃፊቴቤና። \* 1:2 ሚላ 3:1 \* 1:3 ኢሳ 40:3 † 1:6 ዪሳ ጉሲ ኢሲ ኢሲ ጋም አሳታ ቃላራ ዳባ ጌቴቴስ። \* 1:6 2ካዎ 1:8 \* 1:11 ሜዴ 22:2፤ ማዛ 2:7፤ ኢሳ 42:1፤ ማቶ 3:17፤ 12:18፤ ማር 9:7፤ ሉቃ 3:22

16 ዮሴፊ ጋሊላ አባ አቻራ አዲን ሲሞናይኔ ኢዛ ኢሻ ኢንዲራሲ ሞሌ አይኪዛይታ ጊዲዳ ጊሽ ኢስቲ ሞሌ አይኪዛ ጊቱ አባን ዮጊሺን ቤዩዴስ። 17 ዮሴፊ ኢስታ “ሃ ዩቴ! ታና ካሊቴ፤ ኢንቴ ሞሌ አይኪ ሺሸዛ ማላ ታ ኢንቴና አስ አይኪዛይታ አሳና” ጊዴስ። 18 ኢስቲ ሄራካ ሞሌ ጊቱዛ ዩጊ አጊዲ ዮሴፊ ካሊዳ።

19 ጉስ ጌዴ ሲንሴ አዲዲ ዛቢዶሳ ና ያቆቤይኔ ኢዛ ኢሻ ዮሃንሲ ዎንሎን ኡቲዲ ሞሌ ጊቱ ጊሊሺን ቤዩዲኔ ሄራካ ኢስታ ዩይጊዴስ። 20 ኢስቲካ ባ አዎ ዛቢዶሳስ ቃግሬቲዲ አሲዛ አሳታራ ኢሲፌ ዎንሎዛ ጊዶን አጊዲ ዮሴፊ ካሊ ቢዳ።

**ቱና አያናይ ኢዛ ቦላ ዲዛዴ ዮሴፊ ፓሲዴስ**

21 ሄቴዛ ቁፊርናሆሜ ቢዳ። ሄራካ ዮሴፊ አይሁዳታ ሳምባታ ጋላስ አይሁዳታ ዎሳ ኬሴ ጌሊዲ ታማርሶ አይኪዴስ። † 22 ዓፌታ ማላ ጊዶንታ ጎዳቴሳራ ዲዛ አሳ ማላ ኢዚ ታማርሲን አሳይ ዉሪ ኢዛ ቲማርቱዛን ማላሌቲዴስ።

23 ሄ ዎዴ አይሁዳታ ዎሳ ኬሳን ዲዛ ቱና አያናይ ኢዛ ቦላ ዲዛ ኢሲ አዴይ 24 “ናዚሬቱ ዮሴፊ ኔ ኑፔ አዚ ኮያይ? ኑና ዳይሳና ያዲ? ኔ አናኮኔ ታ ኔና ኤራይስ፤ ኔኔ ያሳ ጊሻዛ” ጊዲ ዋሲዴስ።

25 ዮሴፊሲካ ቱና አያናዛ “ጮው ጋዳ ኢዛፔ ኬዛ!” ጊዲ ሃንቁዴስ።

26 ቱና አያናይ አዴዛ ጌንዴርሲዲ ኢዚ ቃኬቲሺን ኢዛፔ ዋሲሼ ኬዚዴስ። 27 ዴሬይ ዉሪ “አሶ ሃይሲ አዛ ፓላ? ሃይሲ ጎዳቴሳራ ዲዛ አራሳ ቲማርቱ፤ ቱና አያናታካ አዛዜስ፤ ኢስቲካ ኢዛስ አዛዜቴቲስ” ጊ ማላሌቲሼ አሳይ ባ ጊዶን ኢሶይ ኢሳ አይሼኝ አይኪዴስ።

28 ሄራካ ኢዛ አሶ ዎሬይ ኩሜስ ጋሊላ ዩሾን ዲዛ ዴሬ ኡባን ሲዮቲዴስ።

**ዮሴፊ ዳር ሃርጋንቻታ ፓሲዴስ**

29 አይሁዳታ ዎሳ ኬሳፌ ኬዚዳ ማላ ያቆቤራኔ ዮሃንሳራ ኢሲፌ ጌዴ ሲሞናይኔ ኢንዲራሳሶ ጌሊዳ። 30 ሄ ጌሊዳ ማላ ሲሞና ቦሎቴያ ሚሻ ሃርጌ ሳኬታዳ ኢቺዳይሳ ኢዛስ ዮቲዳ። 31 ሄሳ ጊሽ ዮሴፊ ኢዚኮ ሺቁዲ ኢዚ ኩሼ አይኪዲ ዴንሲዴስ። ሚሻይ አጊን ኢዛ ዴንዳዳ ኢስታ ሞካዶስ።

32 አዎ አርሼይ ዉሊዳፔ ጉዩ ጋዴይ ዳሚሺን አሳይ ሃርጋንቻታኔ ዳይዳንሲ አይኪዳ አሳ ዉርሲ ዮሴፊኮ ኤኪ ዩዴስ። 33 ሄ ካታማዩን ዲዛ አሳይ ዉሪ ኬሳ ካሬን ሺቁዴስ። 34 ኢዚካ ዱማ ዱማ ሃርጌን ሳኬቲዳይታ ዳርታ ፓሲዴስ። ዳር ዳይዳንሳታካ ኬሲዴስ። ጊዶ አቲን ዳይዳንሳቲ ዮሴፊ አናኮኔ ኤሪዛ ጊሽ ዳይዳንሳቲ ሃሳያና ማላ ዮሴፊ ኮይቤና።

**ዮሴፊ ጋሊላን ሚሺራኝ ቃላ ታማርሲዴስ**

35 ባዞይ ዞዎንታ ማላዶ ዎንታራ ዮሴፊ ዴንዲዲ ኢሲ አሲ ባይንዳሶ ቢዲ ሄን ዎሳ አይኪዴስ። 36 ሲሞንኔ ኢዛራ ዲዛይቲ ዮሴፊ ኮያና ኬዚ ቢዳ። 37 ኢስቲ ኢዛ ዴሚዲ አሲ ዉሪ ኔና ኮሻን ዴስ ጊዳ።

38 ዮሴፊካ “ታ ዩዳይ ታማርሳናስ ጊዲዳ ጊሽ አኔ ሚሺራኝ ቃላ ዮታናስ ማታን ዲዛ ጉታታ ቦስ” ጊዴስ።

39 ሄሳ ጊሽ አይሁዳታ ዎሳ ኬሳን ጌሊ ጌሊ ሳባኪሼኔ ዳይዳንሲ ኬሲሼ ጋሊላ ኩሜሳን ዩዩዴስ።

**ዮሴፊ ኢንቺራቻ ሃርጊዛዴ ፓሲዴስ**

40 ኢሲ ኢንቺራቻ ሃርጊዛዴይ ዮሴፊኮ ሺቁዲኔ ኢዛ ሲንሳን ጉልባቲዲ “ኔ ሼኔ ጊዲኮ ኔ ታና ፓላና ዳንዳያሳ” ጊ ዎሲዴስ። §

41 ዮሴፊካ አዴዛስ ሚሼቲዲ ባ ኩሼ ዩዲ ኢዛ ቦቺዲኔ “ታ ኔ ፓፃና ማላ ኮያይስ፤ ፓፃ!” ጊዴስ።

42 ሄራካ አዴዛ ኢንቺራቻ ሃርጌይ አጊን፣ አዴዚ ፓፂዴስ። 43-44 ዮሴፊካ አዴዛስ “አናስካ ሃይሳ ኔ ሃሳዮንታ ማላ ናጌታ፤ ጊዶ አቲን ባዳ ቁሴስ ኔና ቤሳ። ዴሬዛስ ማርካ ጊዳና ማላ ኔ ፓፂዳይሳስ ሙሴይ አዛዚዳ ያርሾዛ ሺሻ” ጊዲ ኬሂ ሚንሳ ዮቲዴስ።

45 ጊዶ አቲን አዴዚ ኬዚ ቢዲ ባ ቢዳ ኡባሶን ዎሬ ዳርሲ ዳርጫዴስ። ሄሳ ጌዶን ዮሴፊ አይ ካታማንካ ቆንጩራ ጌላናስ ዳንዳይቤና። ሄሳፌ ዴንዲዳይሳን ካታማፔ ካሬራ አሲ ባይንዳሶን ዱስ አይኪዴስ። አሳይ ጊዲኮ ዱማ ዱማሶፔካ ኢዛኮ ዩዩዴስ።

2

**ዮሴፊ ቶሆ ሲላ አዴዛ ፓሲዴስ**

(ማቶ 9:1-8፤ ሉቃ 5:17-26)

1 ጉሳ ጋላሳፌ ጉዩ “ዮሴፊ ቁፊርናሆሜ ሲሚዲ ሶን ዴስ” ጊዛ ዎሬ አሳይ ሲዩዴስ። 2 ሄሳ ጊሽ ኬሳራ ካሬራ ኡቲዛሶይ ዳያና ጋካናስ ዳር ዴሬይ ሺቁዴስ። ኢዚካ ያሳ ቃላ አሳስ ሳባኪዴስ።

3 አይዱ አስ ዳይቲ ኢሲ ቶሆይ ሲሊዳ አስ ቶኪዲ ኢዛኮ ኤሂዳ። 4 አሳ ዳርቴሳፌ ዴንዲዳይሳን ዮሴፊ ዲዛሶ ጋላናስ ዳንዳይንታ ጊሽ ዮሴፊ ዲዛ ጊናራ ካራ ቃሪዲ ሃርጋንቻዛ ኢዚ ኢቺዳ ሃላራ ዮሴፊ ሲንሳ ዱን ዎሲዳ። \* 5 ዮሴፊ አሳታ አማኖ ቤዩዲ ቶሆይ ሲሊዳ አዴዛ “ታ ናዙ! ኔ ናጋራይ አቶ ጌቲቲዴስ” ጊዴስ።

6-7 ሄን ጋዳን ኡቲዳ ኢሲ ኢሲ ሙሴ ዎጋ ዓፌቲ ባ ዎዝናራ ሃይሲ አዴዚ ዎስቲ ሃይሳሶ ጊዜ? “ዳሳ ቦላ ጫሻ ቃላ ሃሳዮስ። ኢሲ ያሳፌ አቲን ናጋራ ማራና ዳንዳይዛይ አኔ?” ጊዲ ቆፒዳ።

† 1:21 አይሁዳታ ዎሳ ኬሴ ጊዛይሳ አማራሶ ቃላን “ሚኩራቤ” ጌቲቲ። § 1:40 ንቺራቻ ጊሻ ማፃፋይ ቆንጫሲዛ ማላ አሳቴሳ ቦላ ቦላራ ጋልባን ኬዚዛ ዱማ ዱማ ሃርጌታ ኡባ ቤሴስ። \* 2:4 ሃላራ ጊዛይሳ ኢሲ ኢሲ ባጋ ጋሞሶ ቃላራ ዛጸራ ጌቲ።

8 ዩሱሲ ሄራካ ኢስቲ ባ ዎዝናን ቆፒዳይሳ ባ አያናን ኮሪዲ “ኢንቴ ዎስቲ ሃይሳሶ ቆፕቴ? 9 ቶሆይ ሲሊዳ አዴዛ፤ ‘ኔ ናጋራይ አቶ ጌቴቲደስ’ ጉሳፌኔ ‘ዴንዳዳ ኔ ሃላ ቶካዳ ባ ጉሳፌ አዎይሲ ማቴዜ?’ 10 ጊዶ አቲን አሳ ናስ ቢታ ባላን ናጋራ ማራና ጎዳቴሲ ዲዛይሳ ኢንቴ ኮራና ማላ” ጊዲ ቶሆ ሲላ አዴዛ፤ 11 “ዴንዳዳ ኔ ቶኬታ ዩዳ ሃላ ቶካዳ ኔሶ ባ” ጊዴስ።  
 12 ኢዚካ ዴንዲዲ አሳይ ወሪ ቤዩሺን ሃላ ቶኪዲ ቢዴስ። ሄን ጋዳን ዲዛ አሳይ ወሪ ሃኖዛን ማላሌቲዲ “ካሴ ሃይሳ ማላይ ሃኒን ቤይቦኮ” ጊዲ ያሴ ጋላቲዴስ።

**ዩሱሲ ሌዌ ዲይጊዴስ**  
 (ማቶ 9:9-13፤ ሉቃ 5:27-32)

13 ቃሴካ ዩሱሲ ጋሊላ አባ ላንቄ ቢዴስ። ዳሮ ዴሬይ ኢዛኮ ዩን ኢዚካ ዩዳ አሳ ታማርሲዴስ።  
 14 ኢዚ አጌራ አዲ ቢሺን ኢልፊዮሳ ና ሌዌይ ቃራግ ሺሺዛሶን ኡቴዳይሳ ቤዩዲ “ሃያ ታና ካላ” ጊዴስ። ኢዚካ ዴንዲዲ ዩሱሳ ካሊዴስ።  
 15 ሄሳፌ ጉዩ ሌዌ ሶን ካሳ ማዳን ኡቲ ዲሺን ቃራግ ሺሺዛ ዳሮ አሳቲኔ ናጋራንቻቲ ኢዛራ ካሊ ዩዳ ጊሽ ኢስቲ ዩሱሳራኔ ኢዛ ካሊዛይታራ ኢሲፌ ማዳን ኡቲዳ። 16 ፋርሳዌታ ባጋፌ ጊዲዳ ሙሴ ዎጋ ታማርሲዛይቲ ዩሱሲ ናጋራንቻታራኔ ቃራግ ሺሺዛይታራ ሚሺን ቤዩዲ ኢዛ ካሊዛይታ “ቃራግ ቃንግሲዛይታራኔ ናጋራንቻታራ አዛስ ሚዜ?” ጊዲ አይቺዳ።  
 17 ዩሱሲካ ኢስቲ ጊዛይሳ ሲይዲ “አኪሜይ ሃርጋንቻታስ ኮሺስ አቲን ሃርጋንታይታስ ጊዴና። ታካ ናጋራንቻታ ዌይጋናስ ያዲስ አቲን ጊሎታ ዌይጋናስ ያቤኬ” ጊዴስ።

**የማ ጊሽ ሺቂዳ አይሾ**  
 (ማቶ 9:14-17፤ ሉቃ 5:33-39)

18 ዮሃንሳ ካሊዛይቲኔ ፋርሳዌቲ የማ የሜቴስ። ኢሲ ኢሲ አሳቲ ዩሱሳኮ ዩዲ “ዮሃንሳ ካሊዛይቲኔ ፋርሳዌታ ካሊዛይቲ የሜቴስ ሺን ኔና ካሊዛይቲ አዛስ የሜቴኔ?” ጊ አይቺዳ።  
 19 ዩሱሲካ ኢስታስ “ሚሺራይ ኢስታራ ዲሺን ሚሺራ ላጌቲ የሚ ኮሪዞ? ሚሺራይ ኢስታራ ዲሺን የሚ ኮራቴና። 20 ሚሺራይ ኢስታራ ኤኬታና ዎዴይ ያና። ሄ ዎዴ ኢስቲ የማና።  
 21 “ጋልዓ ማይዎ ባላ አራሳ ዎሶ ዎሲ ሲኪዛይዴ አኒካ ዴና፤ ሄሳሶ አሲኮ አራሳዚ ጋልዓ ዳኪ ዳኪ ዩጌስ፤ ዳኬሳይካ ካሴፕ ጌዴ አዲ ኢቲስ። 22 ሄሳሶካ አራሳ ዎይኔ ጫጄ ጋልዓ ሉካሞን ዎሲዛይዴ ዴና። ዎሲዛ ጊዲኮ ዎይኔ ጫጄዚ ጋልዓ ሉካሞዛ ዳሴስ፤ ዎይኔ ጫጄዚኔ ሉካሞዚ ናምዓይ ሞሬቴቴስ። ሄሳ ጊሽ አራሳ ዎይኔ ጫጄይ ዳናስ ቤሲዛይ አራሳ ሉካሞና” ጊዴስ።

**ሳምባታ ጊሽ ሺቂዳ አይሾ**  
 (ማቶ 12:1-8፤ ሉቃ 6:1-5)

23 ዩሱሲ አይሁዳታ ሳምባታ ጋላስ ጊስቲ ቲያ ጊዶራ አዲሺን ኢዛ ካሊዛይቲ ኢዛራ ኢሲፌ ቢሺ ቲያ ጸፅ አይኪዳ። \* 24 ፋርሳዌቲ “ኔና ካሊዛይቲ ሳምባታ ጋላስ ዲጌቲዳ ሚሽ አዛስ አሳዞ?” ጊዲ ዩሱሳ አይቺዳ።  
 25 ኢዚካ ኢስታስ “ዳዉቴይ ጋሬዲ ሚዛ ሚሽ ኮይዳ ዎዴ ኢዛራ ኢሲፌ ዲዛይታራ ኢዚ አሲዳይሳ ናቤቢቤኬቲ? \* 26 አቢያታራይ ቄሴታ ሃላቃቴሳን ዲሺን ኢዚ ያሳ ኬሴ ጌሊዲ ቄሴቲ ሃላላ ማናስ ቤሲዛ ዱማ ካሳ ባሲ ሚዲኔ ባናራ ዲዛይታስ ኢሚዴስ” ጊዴስ። \*  
 27 ቃሴካ ዩሱሲ ኢስታስ “ሳምባታይ አሳስ ሜዴቲዴስ አቲን አሲ ሳምባታስ ሜዴቲቤና። 28 ሄሳ ጊሽ ታ አሳ ናይ ሳምባታ ጎዳ” ጊዴስ።

3

**ዩሱሲ ኩሼይ ሲሊዳ አዴዛ ፓሲዴስ**  
 (ማቶ 12:9-14፤ ሉቃ 6:6-11)

1 ሃራ ጋላስ ዩሱሲ አይሁዳ ዎሳ ኬሴ ጌሊዴስ። ሄንካ ኩሼይ ሲሊዳዴይ ዴስ። 2 ዩሱሳ ሞታናስ ጋሶ ኮዩዛ አሳቲ ኢዚ አይሁዳታ ሳምባታ ጋላስ ፓላናኮኔ ጊዲ ፓሲሺን ቤያና ኮይዳ።  
 3 ኢዚካ ኩሼይ ሲሊዳ አዴዛ “ሄን ሺቂ ኡቴዳ አሳ ሲንላን ዴንዳ ኤቃ” ጊዴስ። 4 ሄሳፌ ጉዩ ዩሱሲ አሳ “ሳምባታ ጋላስ ቤሲዛይ ሎዎ አሶዩ? ኢታ አሶ? አሳ ሽምፖ አሾዩ? ዎይኮ ሽምፖ ዎዶ?” ጊዲ አይቺዴስ። ኢስቲካ ሞዑ ጊዳ።  
 5 ኢስታ ዎዝና ሹቻቴሳን ሚሺቲዲ ኢዛ ጊዶሲዲ ዩዩ አዲ ኤቂዳ አሳ ሃንቆራ ዌሊዲ አዴዛ “ኔ ኩሼዛ ፒዲሳ!” ጊዴስ። አዴዚካ ባ ኩሼ ፒዲሲን ኩሼዚ ሙሌራ ፓሲዴስ። 6 ፋርሳዌቲ ኬዚ ቢዲ ኢዛ ዎስቲ ዳይሳናኮኔ ሄርዶሳ ባጋ ጊዲዳ አሳታራ ዞሬቲዳ።

**አባ ላንቄን ዳሮ አሳይ ዩሱሳኮ ሺቂዴስ**

7 ዩሱሲ ባና ካሊዛይታራ አባኮ ቢዴስ። ጋሊላፔኔ ዩሁዳፔ ዩዳ ዳሮ ዴሬይ ኢዛ ካሊዴስ። 8 ኢዚ አሲዛይሳ ሲይዲ አሳይ ዩሁዳፔ፣ ዩሩሳላሜፔ፣ ኤዶሜፔ፣ ዮርዳኖሴ ፒንላን ዲዛ ዴሬታፔ ቃሴ ሂርሴፔኔ ሲዶና ሄራፔ ኢዛኮ ዩዴስ። 9 አሳይ ዳሪዳ ጊሽ ኢዛ ኡንዴሶንታ ማላ ጉሳ ዎጎሎ ኢስቲ ጊጊሳና ማላ ባና ካሊዛይታ አዛዚዴስ። 10 ኢዚ ዳሮ ሃርጋንቻታ ፓሲዳ ጊሽ ሳኮይ ዎይሲዛይቲ ወሪ ኢዛ ባ ኩሼራ ቦቻናስ ዳፌቲዳ። \* 11 ቱና አያናቲካ ዩሱሳ ቤዩዳ ማላ ኢዛ ሲንላን ኩንዲዲ “ኔኔ ያሳ ና” ጊዲ ዋሲዳ።

\* 2:23 ዛሬ 23:25 \* 2:25 1ሳሜ 21:1-6 \* 2:26 ሌዌ 24:9 \* 3:10 ማር 4:1፤ ሉቃ 5:1-3



12 ጊዶ አቲን ኢዚ ኦናኮኔ ቱና አያናቲ ቆንጫሶንታ ማላ ኬሂፔ ሃንቂዴስ።

ዮሱሲ ባና ካሊዛ ታማኔ ናምዓታ ዶሪዴስ  
(ማቶ 10:1-4፤ ሉቃ 6:12-16)

13 ዮሱሲ ፑዴ ዙማ ቦላ ኬዚዲ ባ ኮዩዛይታ ባኮ ያና ማላ ዪይጊዴስ፤ ኢስቲካ ኢዛኮ ዩዳ።  
14 ኢዛራ ኢሲፌ ጊዳና ማላኔ ሳባካናስ ዮዳና ማላ ታማኔ ናምዓታ “ሃዋሬታ” ጊ ሱንሲዴስ። 15 አሳፔ ዳይዳንጎታ ኬሳና ማላ ኢስታስ ጎዳቴሲ ኢሚዴስ።

16 ኢዚ ሱንሲዳ ታማኔ ናምዓታ ሱንሲ ሃይሳፌ ካሊዛይሳ፤ ጳፅሮሳ ጌቴቲዳ ሲሞና፤ 17 ቢዶሪኔጌሴ ዎይኮ ዳዳ ናይታ ጌቴቲዳ ዛቢዶሳ ናይታ ያቆቤኔ ዮሃንሳ፤ 18 ኢንዲራሳ፤ ፒሊጶሳ፤ ባርቴሌሞሳ፤ ማቶሳ፤ ቶማሳ፤ ኢልፊዮሳ ና ያቆቤ፤ ታዶሳ፤ ባ ባጋስ ሚሼቲዛ ሲሞና፤ \* 19 ዮሱሳ አሲ ኢሚዳ አስቆሮንቶ ዩሁዳ።

ዮሱሳኔ ቢዔሊዜቡላ  
(ማቶ 12:22-32፤ ሉቃ 11:14-23፤ 12:10)

20 ሄሳፌ ጉዩ ዮሱሲ ኢሲ ሶ ጌሊዴስ። ኢዚኔ ኢዛ ካሊዛይቲ ካስ ማና ዎዴይ ኢስታስ ጳያና ጋካናስ ዴሬይ ቃሴካ ዳሪ ሸቂዴስ። 21 ኢዛ ሃኖታ ሲዩዳ ኢዛ ዳቦቲ “ጎዮንታ አጌና” ጊዲ ባናራ ኤኪ ባናስ ኢዚ ዲዛሶ ጋኪዳ።

22 ዮሩሳላሚፔ ዩዳ ሃፌቲካ “ቢዔሊዜቡላ ጌቴቲዛ ዳይዳንጎታ ሃላቃይ ኢዛ ቦላ ዴስ። ኢዚ ዳይዳንጎታ ኬሲዛይ ዳይዳንጎታ ሃላቃ ዎልቃንኮ!” ጊዳ።

23 ኢዚካ ኢስታ ዪይጊዲ ሌሚሶራ “ግላዔይ አሳፔ ግላዔ ዎስቲ ኬሳኔ? 24 ባ ጊዶን ሻኮይ ዲዛ ካዎቴሲ ሚናናስ ዳንዳዩና። 25 ኢሲ ኬሳ አሲካ ባ ጊዶን ሻኬቲኮ ኤቃናስ ዳንዳዩና። 26 ሄሳሶካ ግላዔይ ባ ጋራሳን ኢሶይ ኢሳራ ሻኬቲኮኔ ኢዪቲኮ ሚኒ ኤቃናስ ዳንዳዩና። ሄሲካ ኢዛስ ወርሴስ ጊዳና።

27 “ሄሳ ጊዶን ኢሳዴይ ኮይሮቲዲ ዎልቃማ አስ ቃቾንታ ዲሼ ዎልቃማኮ ጌላናሲኔ ኢዛ ሚሼ ቦንቃናስ ዳንዳዩና፤ ኢዛ አቆ ቦንቃናስ ዳንዳዩቲዛይ ዎልቃማ ቃቾኮ ግላላ።

28 “ታ ኢንቴስ ቱሙ ጋይስ፤ አሳ ናይታስ ናጋራይኔ ጫሺ ወሪ ማሬታና። 29 ጊዶ አቲን ዪሎ አያና ቦላ ጫሻ ቃላ ሃሳዩዛ አሳ ኡባስ ሜርናስ ናጋራ አጮ ጊዳና አቲን ማሬቴና” ጊዴስ። \* 30 ሄሳ ኢዚ ጊዳይ ኢስቲ ኢዛ “ኔ ቦላ ቱና አያናይ ዴስ” ጊዳ ጊሻሳ።

ዮሱሳ አዩዮኔ ኢዛ ኢሻታ  
(ማቶ 12:46-50፤ ሉቃ 8:19-21)

31 ሄሳፌ ጉዩ ኢዛ አዩዮኔ ኢዛ ኢሻቲ ካሬ ዩ ኤቂዲኔ አሴ ኢዛኮ ኪቲ ዪይጊሲዳ። 32 ኢዛ ዩዩ አዲ ኡቲዳ ዳሮ አሳይ “ሄኮ ኔ አዩዮኔ ኔ ኢሻቲ ካሬን ኤቂዲ ኔና ኮዩቴስ” ጊዳ።

33 ኢዚካ ዛሪዲ “ታ አያ ኦኔ? ታ ኢሻቲ ኦናንቴ?” ጊዴስ። 34 ኢዛ ዩዩ ኡቲዳ አሳኮ ዪሊዲ “ታ አዩዮኔ ታ ኢሻቲ ሃይታንታኮ! 35 ያሳ ሼኔ ኦሲዛይ ወሪ ኢዚ ታ ኢሻ፤ ታ ሚቾኔ ታ አዮ” ጊዴስ።

4

ዜሬስ ዜሪዛዴ ሌሚሶ  
(ማቶ 13:1-9፤ ሉቃ 8:4-8)

1 ቃሴ ዮሱሲ ሃራ ዎዴ አባ አቻን ታማርሶ አይኪዴስ። ኢዛኮ ኬሂ ዳሮ ዴሬይ ሸቂዳ ጊሽ አባ ጊዶን ዲዛ ዎንሎ ዲዛሪን ጌሊዲ ኡቲዴስ፤ አሳይካ ወሪ አባ አቻን ሸቂዴስ። \* 2 ኢዚካ ዳሮ ዮዶታ ሌሚሶ ሂዘጊ ታማርሲዴስ። 3 “ሲዩቴ! ኢሳዴይ ዜሬስ ዜሪናስ ኬዚዴስ። 4 ኢዚ ዜሪሸን ኢሲ ኢሲ ዜሬሲ አጌ ቦላ ዎዲዴስ። አጌ ቦላ ዎዲዳ ዜሬሳ ካፎቲ ማዪ ሚዳ። 5 ባጋይ ሚላ ቢታን ዎዲዴስ። ሄ ቢታይ ሚላ ጊዲዳ ጊሽ ሄራካ ጫሪዴስ። 6 ጊዶ አቲን አዋ አርሼይ ኬዚዳ ማላ ሹሊዲ ሃጳ ዮዶንታ ጊሽ ሚሊዴስ። 7 ቃሴ ኢሲ ዜሬሲ አጉንጎ ጊዶን ዎዲዴስ፤ አጉንጎይካ ዲጫዲ ጩሊዳ ጊሽ አይፊሴና። 8 ሃራ ዜሬሲ ቃሴ ሎዎ አርዴ ቢታ ቦላ ዎዲዳ ጊሽ ጫሪዲ ዲጫዴስ፤ አይፊካ አይፊዴስ፤ ኢሶይ ሄዙ ታሙ፤ ኢሶይ ቃሴ ኡሱፑን ታሙ፤ ኢሶይ ቃሴ ዪቱ አይፊዴስ።”

9 ዮሱሲ ቃሴካ “ሲዩዛ ሃይሲ ዲዛዴይ ሲዮ!” ጊዴስ።

ዮሱሲ ሌሚሶራ ዮቲዛ ጋሶ  
(ማቶ 13:10-17፤ ሉቃ 8:9-10)

10 ዮሱሲ ባርካ ዲሸን ታማኔ ናምዓቲኔ ካሴ ኢዛራ ዲዛ አሳይ ኢዚ ዮቲዳ ሌሚሶዛ ጊሽ ኢዛ ዛሪ አይቺዳ። 11 ኢዚካ ኢስታስ “ኢንቴስ ያሳ ካዎቴሳ ፀራ ኤሮይ ጌሊዴስ ሸን ካሬን ዲዛይታስ ጊዲኮ ዮዶይ ወሪ ሌሚሶራ ዮቴቴስ። 12 ሄሲካ ካሴ “ኢስቲ ቤዩዲ ቤዩዳይሳ አኬኮንታ ማላኔ ሲሞንታ ማላ፤ ቃሴካ ኢስታ ናጋራይ ማሬቶንታ ማላኮ” ጊዴስ።

13 ቃሴካ ዮሱሲ “ሃይሲ ሌሚሶይ ኢንቴስ ጌሊቤኔ? ሂስቲን ሃራ ሌሚሶ ኢንቴ ዎስቲ ኤራኔ? 14 ዜሪዛዴይ ቃላ ዜሬስ። 15 ኢሲ ኢሲ አሳቲ አጌ ቦላ ዎዲዳ ዜሬሳ ሚሳቴቴስ፤ ኢስቲ ቃላ ሲዩዛ ዎዴ ግላዔይ ዩዲ ሄራካ ኢስቲ ሲዩዳ ቃላ ኢስታ ዎዘናፔ ኤኪቾስ። 16 ሄሳሶካ ሃራቲ ሚላ ቢታ ቦላ ዎዲዳ ዜሬሳ ሚሳቴቴስ። ኢስቲ ቃላ ሲዩዲ ኡፋይሳን ኤኬቴስ። 17 ጊዶ አቲን ኢስቲ ሃጳ ዮዶንታ

\* 3:18 ባ ባጋስ ሚሼቲዛ፤ ሲሞና ሃይሲ ሃ ሱንጎይ ጉጄቲዳይ ኢሲ ኢሲ አሳቲ ኢዚ ባ ሃይማኖቱዛስ ሚሼቲዛ ጊሻሳ ጌቴስ። ሃራይቲ ቃሴ ኢዚ ኢሲ አሳ አይሌቴሳፌ ዎዚዛ ኢሲ ዲርጂቲ ጊዶን ዲዛ ጊሻሳ ጌቴስ። \* 3:29 ሉቃ 12:10 \* 4:1 ሉቃ 5:1-3

ጊሽ ጉሳ ዎዴ ጋምሲሺን ቃላ ጊደን ሜቶይ ዎይኮ ጎዴታይ አሳታ ቦላ ዩዛ ዎዴ ሄራካ ዲጲቴቴስ።  
 18 ሃራቲ ቃሴ አጉንሳ ጊደን ዎዲዳ ዜሬሳ ሚሳቴቴስ፤ ኢስቲ ቃላ ሲሲ ሲዮቴስ። 19 ጊደ አቲን ሃ ቢታ ሜቶይ፣ ሚሻ ሲቆይኔ ሃራ አዎይ ኢስቲ ሲዩዳ ቃላ ጩሊዲ አይፌ አይፎንታ ማላ ዲጊስ።  
 20 ሃንኮይቲ ሎዎ ቢታን ዜሬቲዳ ዜሬሳ ሚሳቴቴስ፤ ሄይቲካ ቃላ ሲይዲ ኤኪዛዴኔ ሄሹ ታሙ አይፌ፣ ኡሱፑን ታሙ አይፌኔ ዪቱ አይፌ አይፊዛይታ” ጊደስ።

**ጊማን ዲዛ ዎምፕ**  
 (ሉቃ 8:16-18)

21 ቃሴካ ዮሱሲ “ዎምፕ አይሊዲ ጊማሶን ዎይኮ አርሳ ጊደን ዎሲ ኤሬቲ? ፖዓና ማላ ቆንጩሶን ዎሴታ ጊደኔ? \* 22 ሄሳ ጊሽ ቆቴቲዲ ቆንጩ ኬዞንታይ፣ ፖዎን ኬዞንታ ጊማን አታናይ ባዋ። \*  
 23 ሄሳ ጊሽ ሲዩዛ ሃይሲ ዲዛዴይ ሲዮ!” ጊደስ።  
 24 ጉጂዲካ “ኢንቱ ሲዩዛይሳ ዎዝናን ዎሲቴ፤ ኢንቱ ማኪዛ ሚሻራ ኢንቱስ ማኪታና፤ ሄሳፊካ ዳሮይ ጉጂታና። \* 25 ዲዛዴስ ጉጂታና ሺን ባይንዳዴፌ ኢዛስ ዲዛራካ ኤኬቴቻና” ጊደስ። \*

**ዲጩዛ ዜሬሳ ሴሚሶ**

26 ቃሴካ ዮሱሲ “ዎሳ ካዎቴሲ ዜሬስ ዜሪዛ ኢሲ አስ ሚሳታዉስ። 27 ዜሪዳዴይ አማርስ ዲሲኪስ። ዎንቲሺን ዴንዴስ፤ ጊደ አቲን ኢዚ ኤርንታ ዲሺን ዜሬቲዳ ካሳይ ሞኪዲ ዲጩስ። 28 ጋዴያካ ኮይሮ ጫሬቻ፣ ካሌሳዳ ፑጂ፣ ቅሴካ ፑጂዛ ቦላ ሎዎ አይፌ ኢማዉስ። 29 ካሳይ ካጊዳፕ ጉዮ ቦኔይ ጋኪን ኬላ አዋይ ሄራካ ማፃ አይኪስ” ጊደስ።

**ሳናሬጩ ጌቲቲዛ ሚሳ አይፌ ሴሚሶ**

30 ዮሱሲ “ዎሳ ካዎቴሲ ኑ አዛራ ጊኒሳኔ? አዛራ ሴሚሳኔ? 31 ቢታ ቦላ ኡባፌ ሳፋ ጊዲዳ ሳናሬጩ አይፌ ሚሳታዉስ። 32 ዜሬታዳ ዲጩዳፕ ጉዮ ቃስ አታኪልቲታ ኡባፌ አዲዛ ጊሽ ካፎቲ ዩዲ ሄ አታኪልቲታ ሃጋታ ኩዋ ጊደን ሽምፕቴስ” ጊደስ።

33 ዮሱሲካ አሳይ ኤካናስ ዳንዳዩዛይሳ ኬና ሃይታ ሚሳቲዛ ሃራ ዳሮ ሴሚሶራ ኢስታስ ዮቲዴስ።  
 34 አይ ሚሽ ጊዲኮካ አሳስ ሴሚሶይ ባይንዳ ዮቲ ኤሬና። ኢዚኔ ኢዛ ካሊዛይቲ ሃላ ዲዛ ዎዴ ጊዲኮ ዉርሲ ቢርሽ ዮቲስ።

35 ሄ ጋላስ ጋዴይ ቃሚሺን ባና ካሊዛይታ “አኔ ጊዴ ሄ ፒንሳ ፒኖስ” ጊደስ። 36 ኢስቲ አሳ ሄን አጋጊዲ ኢዚ ኡቲ ዲዛ ዎንሎዛራ ዮሱሳ ኤኪ ቢዳ። ሃራ ዎንሎቲካ ኢስታራ ኢሲፌ ዴቴስ።  
 37 ሄ ዎዴ ዎልቃማ ዳምባላይ አባ ቦላ ዴንዲዲ ዎንሎዛ ሃላ ኩማና ጋካናስ ዳምባላይ ሾጩቹዴስ።  
 38 ጊደ አቲን ዮሱሲ ቦርኮሳ ቦርኮቲዲ ዎንሎዛስ ጉዮ ባጋን ኢቺዴስ። ኢስቲካ ኢዛ ዴንሲዲ “አስታማሬ! ኑኒ ዳዩሺን ኔና ሜቴኔ?” ጊዳ።

39 ኢዚካ ዴንዲዲ ጫርኮዛ “ጮው ጋ!” አባካ “ዎፑ ጋ!” ጊደስ፤ ጫርኮይካ ጮው ጊደስ፤ ሙሌካ ጮው ጊደስ። 40 ባና ካሊዛይታካ “ሃይሳሶ አዛስ ባቢዴቲ? ሃይሳ ጋካናስ ኢንቱስ አማኖይ ባዋ?” ጊደስ።

41 ኢስቲካ ኬሂ ባቢዲ ባ ጊደን ኢሶይ ኢሳራ “ጫርኮይኔ አባይ ኢዛስ አዛዜቲዛይ ሃይሲ አኔ?” ጌቲቲዳ።

5

**ዮሱሲ ኢሲ ቱና አያናይ ኢዛ ቦላ ዲዛዴ ፓሲዴስ**  
 (ማቶ 8:28-34፤ ሉቃ 8:26-39)

1 አባ ፒኒዲ ጊዴ ጌርጌሴኖኔ ጌቲቲዛሶ ቢዳ። 2 ዮሱሲ ዎንሎጮፕ ዎዲዳ ማላ ቱና አያናይ ኢዛ ቦላ ዲዛዴይ ዱፎፕ ኬዚዲ ዮሱሳራ ጋጋና ኢዛኮ ዩዴስ። 3 ሃይሲ አዴዚ ዱፎሶን ዲዛዴኔ ሃራይ አቶሺን አኒካ ኢዛ ሳንሳላታንካ ቃቻናስ ዳንዳይቤና። 4 ዳሮ ዎዴ ቶሆ ቢራታራኔ ሳንሳላታራ ቃሼቴስ። ጊደ አቲን ኩሼ ሳንሳላታ ዱሴሲ ዮጌስ፤ ቶሆ ቢራታካ ሜንሴሬሲ ዮጌስ፤ አኒካ ኢዛ አይኪዲ ቱቃናስ ዳንዳይቤና። 5 ጋላሲኔ ቃማ ዱፎታ ጊደኒኔ ዙማታ ቦላ ዩዩ ዩዩ ዋሲሼ ባ ቦላ ሹቻራ ቃንዬሬሲዲ ማዱንሴስ።

6 ኢዚካ ዮሱሳ ሃሆን ቤዩዳ ማላ ዎሳን ኢዛኮ ዩዲ ኢዛ ሲንሳን ጉልባቲዲ ጎይኒዴስ። 7 ኬሂ ዋሲዲ “ሃይሶ ዎጋ ዎሳ ና ዮሱሳ፣ ኔስ ታናራ ኢዚ ዲዜ? ዎሳ ሱንሳን ታ ኔና ዎሳይስ ታና ዋይሶፓ” ጊደስ። 8 ኢዚ ሄሳ ጊዳይ ዮሱሲ ካሴ “ኔኒ ቱና አያናይ ሃይሳፌ ኬዛ” ጊዳ ጊሻሳ።

9 ሄሳፌ ቃሴ ዮሱሲ ኢዛ “ኔ ሱንሲ አኔ?” ጊዲ አይቺዴስ። ኢዚካ “ኑኒ ዳሮታ ጊዲዳ ጊሽ ታ ሱንሲ ሌጎኔ ጌቲቴስ” ጊደስ። \*

10 ሄ ዴሬፕ ኬሲ ዮዶንታ ማላ ዮሱሳ ኬሂ ዎሲዴስ።  
 11 ሄን ማታን ዙማ ቦላ ዳሮ ጉዱንሲ ሄሜቴስ። 12 ቱና አያናቲ “ኑ ጉዱንሳታን ጌላና ማላ ኑስ ኤሮ ጋርኪ?” ጊዲ ዮሱሳ ዎሲዳ። 13 ኢዚካ ኢስታስ “ኤሮ” ጊደስ። ቱና አያናቲካ አዴዛፕ ኬዚዲ ጉዱንሳታን ጌሊዳ። ናምው ሺ ጊዲዳ ጉዱንሳይ ዉሪ አፎዛራ ዱጌላ ጌንዴሬቲ ዎዲዲ አባን ሚቲቲዳ።

14 ጉዱንሳ ሄሚዛይቲ ባቃቲዲ ሃኒዳይሳ ካታማኒኔ ዴሬ ጊደን ዮቲዳ። ዴሬይካ ሃኒዳይሳ ቤያናስ ባ ዲዛሶፕ ዲዛሶፕ ኬዚዴስ። 15 ዮሱሳኮ ዩዲ ዳሮ ዳይዳንሲ ኢዛ ቦላ ዲዛ አዴዛ ዎዝናይ ኢዛስ

\* 4:21 ማቶ 5:15፤ ሉቃ 11:33 \* 4:22 ማቶ 10:26፤ ሉቃ 12:2 \* 4:24 ማቶ 7:2፤ ሉቃ 6:38 \* 4:25 ማቶ 13:12፤ 25:29፤ ሉቃ 19:26 \* 5:9 ሌጎኔ ጉሲ ዳሮ ዎታዳራታ ቡቴ [ጩሬራ] ጉሳ።

ሲሚን ማይዎ ማይዲዲኔ ዎጋራ ኡቲዳይሳ ዩዳ አሳይ ቤዩዲ ባቢዴስ። 16 ሃይሳ ቤዩዳ አሳይ ዳይዳንሲ ኢዛ ቦላ ዲዛ አዴዛ ጊሺኔ ጉዳንጎቲ ሃኖይሳ ዴሬዛስ ዮቲዳ።

17 ሄሳፌ ጉዩ ሄ ዴሬ አሳይ ዩሱሲ ኢስታ ዴሬ ዩዲዲ ባና ማላ ዎሲዴስ።  
18 ዩሱሲ ዎንሎን ጌሊሺን ዳይዳንጎቲ ኢዛ፤ ከዚዳ አዴዛ ዩሱሳራ ዳናስ ዎሲዴስ።  
19 ዩሱሲ ቃሴ ኢዛ አይቼዳይሳ አካይ ጊዲኔ “ኔኔ ጌዴ ኔ ሶ ባ፣ ጎዳይ ኔስ አይ ማላ ጊታ ሚሽ አሲዳኮኔ ኢዛ ኔስ አሲዳ ማርቱላ ኔ ሶ አሳስ ዮታ” ጊዴስ።  
20 አዴዛካ ባሶ ቢዲ ዩሱሲ ኢዛስ አሲዳ ጊታ ሚሽ ወርሲ ታሙ ካታማ ጌቱቲዛ ዴሬን ዮቲን ሲዩዳይ ወሪካ ማላሌቲዴስ።

21 ቃሴካ ዩሱሲ ዎንሎን ጌሊዲ ጌዴ ፒንስ ፒንዲ አባ አቻን ዲሺን ዳር አሳይ ኢዛ አቺ ሸቂዲኔ ኢዛ ጊዴሲዴስ። 22 አይሁዳታ ዎሳ ኬላ ሃላቃታ፤ ኢሶይ ኢዳራሮሳ ጌቱቲዛይሲ ኢዛ ዲዛሶ ቢዲ ዩሱሳ ዴሚዳ ማላ ኢዛ ቶሆ ቦላ ኩንዲዲ 23 “ታስ ጉላ ና ዲዛራ ሃይቃና ጋወስ። ኢዛ ሃይቆንታ ፓዓ ዳና ማላ ኔ ሃ ያዳ ኔ ኩሼ ኢዛ ቦላ ዎሳርኪ?” ጊዲ ኬሂ ዎሲዴስ።

24 ዩሱሲካ ኢዛራ ኢሲፌ ቢዴስ። ዳር አሳይ ኢዛ ኡንዴሳና ጋካናስ ካሊዴስ።  
25 ታማኔ ናምዑ ላይስ ኩሜስ ሱላ ኢዛ ቦላፌ ጉኪዛ ማሜስ ዲዛራ ሄን አሳራ ዳወስ።  
26 ኢዛ ባሲ ዲዛ ሚሽ ወርሳ አንጋና ጋካናስ አኪሜ፤ አኪሜ ላሞን ዳር ዳቡራዱስ። ጊዶ አቲን ሳኮይ ኢዛስ ጌዴ ዳሪዴስ አቲን አይኮካ ሎዲቤና። 27 ኢዛ ዩሱሳ ጊሽ ሲዩዳ ማላ አሳ ጊዶራ ዩሱሳ ጉዩራ ካላዳ ኢዛ ማይዎ ቦቻዱስ። 28 ጋሶይካ “ታ አይ ሃናዳካ ኢዛ ማይዎ ኩሼራ ቦቻ ቦቻዳካ ታ ፓዓና” ጋዳ ቆፒዳ ጊሻሳ።

29 ጉኪዛ ሱላይ ሄራካ ኤቂ አጊዴስ፤ ኢዛካ ፓዲዳይሳ ባ አሳቱላን ኤራዱስ። 30 ባ፤ ዎልቃይ ከዚዳይሳ ዩሱሲ ኤሪዲ ጌዴ አሳኮ ሲሚዲ “ታ ማይዎ አኔ ቦቻዳይ?” ጊዴስ።

31 ኢዛ ካሊዛይቲ ቃሴ “ሃይሲ ዴሬይ ኡንዴቲዲ ሱጌቲሺን ቤያሼ ዋናዳ ‘ታና ቦቻዳይ አኔ?’ ጋይ” ጊዳ።

32 ዩሱሲ ሄሳ አሲዳይ አናኮኔ ቤያናስ ዩሺ ያሊዴስ። 33 ማሜሳያካ ባስ አዚ ዋንዳኮኔ ኤራዳ ባባሽኔ ኮኮራሽ ያዳ ዩሱሳ ሲንሳን ጉፋናዳ ሃንዳ ቱማ ወርሳ ኢዛስ ዮታዱስ። 34 ኢዛካ “ታ ናዩ! ኔ አማኖይ ኔና አሺዴስ። ሳርን ባ! ኔ ዋዩ፤ ፓዓ!” ጊዴስ።

35 ዩሱሲ ቡሮ ሃሳያን ዲሺን አይሁዳታ ዎሳ ኬላ ሃላቃ ኢዳራሮሳ ሶ፤ ዩዲ ኢዳራሮሳስ “ኔ ናያ ሃይቃዱስ፣ ጎዳ ሚላ አዛስ ዳቡሪሳይ?” ጊዳ።

36 ጊዶ አቲን ዩሱሲ ኢስታ ሃሳያ ሌፒ ሂስቲዲ አይሁዳታ ዎሳ ኬላ ሃላቃ “ኔ አማኖ ዓላ አማና አቲን ባቦፋ!” ጊዴስ። 37 ጴጅሮሳ ያቆቤራኔ ያቆቤ ኢሻ ዮሃንሳ፤ አቲን ሃራይ አኒካ ኢዛ ካላና ማላ ኮይቤና። 38 ጌዴ አይሁዳታ ዎሳ ኬላ ሃላቃ ሶ ጋኪዳ ማላ አሳይ ዋሲሼ ጫሞ ዩሆ ዩኪዛይሳ ቤዩዴስ። 39 ሶ ጌሊዲ “ሃይሲ ወሪ አዛ ዋሶኔ አዛ ዩሆ? ናያ ጴስካዱስ አቲን ሃይቃቤይኩ” ጊዴስ።

40 ቃሴ አሳይ ወሪ ኢዛ ቦላ ሚጨዴስ፤ አሳ ወርሲካ ኬላፌ ኬሲዲ ናይ አዋኔ ናይ አዩዮ ቃሴካ ኢዛራ ኢሲፌ ዩዳይታ ኢዛ ካሊዛይታ ዓላ ካሌሲዲ ናያ ዲዛ ሶ ጌሊዴስ። 41 ናይ ኩሼካ አይኪዲ “ዓቢታ ኩም!” ጊዴስ። “ዓቢታ ኩም” ጉሳስ ቢርሼሲ “ሃኔ ናዩ፣ ዴንዳ” ጉሳ።

42 ናያካ ሄራካ ዴንዳ ኤቃዱስ፤ ሄኔ ሃኔ ሃሙታዱስ። ኢዛስካ ላይሳይ ታማኔ ናምዑ ላይሳ፤ አሳይካ ሄ ሃኖዛን ዳር ማላሌቲዴስ። 43 ዩሱሲ ሃይሳ አኒካ ኤሮንታ ማላ ኬሂ ሚንሲ ዮቲዴስ፤ “ናይስ ማና ቁማ ኢሚቱ” ጊዴስ።

6

ናዚሬቱ አሳይ ዩሱሳ ኤኪቤቱና (ማቶ 13:53-58፤ ሉቃ 4:16-30)

1 ሄሳፌ ጉዩ ዩሱሲ ሄ፤ ዴንዲዲ ጌዴ ባ ዴሬ ቢዴስ። ኢዛ ካሊዛይቲካ ኢዛራ ቢዳ። 2 አይሁዳታ ሳምባታይ ጋኪን አይሁዳታ ዎሳ ኬላ ጌሊዲ ታማርሲሺን ሲዩዳ አሳይ “ሃይሲ አዴዛ ሃይሳ ወርሲ አዋ፤ ኤኪዴ? ሃይሲ ኢዛስ ኢሜቲዳ ኤራቱሳይ አዜ? ቃሴ ሃይቲ ኢዛ አሲዛ ማላታቲ ዋን ኢዛ ኩሼን ሃንዞ?” ጊሼ ማላሌቲዳ። 3 “ሃይሲ አናዲዛ ጊዴኔ? ማራሚ ና ያቆቤንታ ዮሳንታ፣ ዩሁዳንታኔ ሲሞናንታ ኢሻ ጊዴኔ? ኢዛ ሚቼቲ ኑናራ ሃን ኑ ማታን ዲዛይታ ዴቱኔ?” ጊዲ ሄሳፌ ዴንዲዳይሳኒ ኢዛን ኡፋዩቲቤቱና።

4 ዩሱሲካ ኢስታስ “ናቤይ ቦንቼቶንታይ ባ ዴሬን ባ ዳቦታ ጊዶኔኔ ባሶ አሳ አቻን ዓላ” ጊዴስ። \*

5 ሄን ጉላ ሃርጋንቻታ ቦላ ኩሼ ዎሲ ፓሶሪ፤ አቲን ሃራ አይኮ ማላታካ አሳናስ ዳንዳይቤና። 6 ኢስታስ አማኖይ ባይንዳይሳ ቤዩዲ ማላሌቲዴስ። ሄሳፌካ ዩሱሲ ጉታን ጉታን ዩዩ ዩዩ ታማርሲዴስ።

ባና ካሊዛ ታማኔ ናምዳታ ዩሱሲ ኪቲዴስ (ማቶ 10:5-15፤ ሉቃ 9:1-6)

7 ታማኔ ናምዳታ ባኮ ያይጊዲ ናምዑ ናምዑ ሂስቲ ኪቲሼ ቱና አያናታ ቦላ ኢስታስ ጎዳቱሲ ኢሚዴስ። 8 ኢዛ “አጌስ ጊዲዛ ጉፌ አቲን አጌ ሺንቁ ዎይኮ ኮርጆ ዎይኮ ሚሼ አይኮፍቱ።” \*  
9 ጫማ አሲቱ ጊዶ አቲን ላማና ማይዎ አይኮፍቱ። 10 ኢሲ ኬላ ኢንቱ ጌሊኮ ሄ ካታማ፤ ኢንቱ

\* 6:4 ዮሃ 4:44 \* 6:8 ሉቃ 10:4-11



ከዛና ጋካናስ ሄ ከላን ዲቴ። 11 አዋንካ አኒካ ኢንቴና ሞኪ ኤኮንታ ኢቂኮ ሄፕ ከዚህ ሄ ዴሬታ ቦላ ማርካ ጊዳና ማላ ኢንቴ ቶሆ ቦላ ዲዛ ጉዳላ ቆቆፍቴ” ጊዲ አዛዚዴስ። \*

12 ኢስቲካ ሄፕ ከዚዲ ዴሬይ ማርቴላን ጌላና ማላ ሳባኪዳ። 13 ዳሮ ዳይዳንሳታ ከሲዳ፤ ዳሮ ሃርጋንቻታ ዛይቴ ቴዩ ቴዩዲ ፓሲዳ። \*

**ግማቂዛ የሃኒሳ ሃይቆ**  
(ማቶ 14:1-12፤ ሉቃ 9:7-9)

14 ዩሱፊ ሱንሲ ካሴፕ ኤሬቲ ኤሬቲ ቢሺን ካዎ ሄርዶሲ ሄሳ ሲዩዴስ። ኢሲ ኢሲ አሳቲ “ሃይሳ ማላ ማላታታ አሲዛ ግማቂዛ የሃኒሳ ሃይቆፕ ዴንዲኒኮ” ጊዳ።

15 ባጋይቲ “ኤላሳ” ጌቲስ፤ ባጋ አሳይ ቃሴ “ካሴ ናቤታፕ ኢሳ ሚሳቴስ” ጌቲስ።

16 ሄርዶሲ የዎዛ ሲይዲ “ታ ኢዛ ቆዴ ቃንጊሲዳ የሃኒሳ ሃይቆፕ ፓቂ ዴንዲዴስ” ጊዴስ።

17 ሄርዶሲ ባ ኢሻ ፕሊጶሳ ማቾ ሄርዲያዶ ኤኪዳ ጌዶን አይኬቲዲ ቃሼታና ማላ አዛዚዲ የሃኒሳ ቃሾ ከሴ ጌልሲዴስ። 18 የሃኒሳ ሄርዶሳ “ኔ ኢሻ ማቾ ኔ ኤኮንታ ማላ ዎጋይ ኔና ዲጌስ” ጊዳ ጊሽ ቃቻዴስ። \*

19 ሄርዲያዳ ሄሳ ጊሽ ሆሎታዳ ኢዛ ዎዲሳናስ ኮያዱስ ሺን ዳንዳያቤኩ። 20 ጋሶይካ የሃኒሳ ጊሎኔ ጌሻ አስ ጊዲዳይሳ ሄርዶሲ ኤሪዛ ጊሽ የሃኒሳስ ባቤሲኔ ኢዛ ናጌስ። የሃኒሳ የቲዛይሳ ሄርዶሲ ሲይዲ ሄርጊዛ ጊዲኮካ ኢዚ የቲዛይሳ ዎዝናፕ ሲዩስ።

21 ሄርዶሳ ዩሎታ ጋላስ ቦንቻናስ ዶቃ ሹሜታስ፤ አሳ ዎታዳራታ አዛዚዛ ዋናታሲኔ ጋሊላ ቢታን ከሄ ኤሬቲዛ ጊታ አሳታስ ጊቢራ ከሲዴስ፤ ሄሲካ ሄርዲያዲስ ጊጋ ጋላስ ጊዲዴስ። 22 ሄርዲያዲ ማጫ ናያ ጌላዳ አሳ ሲንላን ዩስ ዩጊን ሄርዶሳኔ ኢዚ ያይጊዳ አሳ ኢዚ ዩሳይ ኡፋይሲዴስ።

23 ካዎይካ ናዮ “ኔ ኮዩዛ ሚሽ ወርሳ ታና አይቻ ታ ኔስ ኢማና” ጊዴስ። 23 ቃሴካ ታ ካዎቴላ ባጋ ጊዲዳኮካ ኔ አይቻኮ ወርሳ ታ ኔስ ኢማና ጊዲ ኢዚስ ጫቂዴስ።

24 ናያካ ኤሌላ ከዛዳ ባ አዩዮ “ካዎ አይ አይቻ?” ጋዱስ። አዩያካ “ግማቂዛ የሃኒሳ ሁጫ ቃንገዳ ኢማ ጋ” ጋዱስ።

25 ናያካ ኤሌላ ከዛዳ ካዎዛኮ ጌላዳ “ግማቂዛ የሃኒሳ ሁጫ ከሬን ዎሳዳ ኔ ታስ ኢማና ማላ ኮያይስ” ጋ አይቻዱስ።

26 ካዎይ ሄ የዎዛን ዳሮ ሞዴቲዴስ፤ ጊዶ አቲን ያይጌቲዳ ኢማሳ ጊሺኔ ጫቂዳ ቃላ ጊሽ ኢዚስ አካይ ጋናስ ኮይቤና። 27 ሄሳ ጊሽ ዎታዳራታፕ ኢሳ ኤሶን ኪቲዲ የሃኒሳ ቆዴ ቃንጊዲ ኢዛ ሁጫ ኤኪ ያና ማላ አዛዚዴስ፤ ኢዚካ ቢዲ ቃሾ ከላ ጊዶን የሃኒሳ ቆዴ ቃንጊዴስ። 28 ሁጫ ከሬራ ኤሂዲ ናይስ ኢሚዴስ፤ ናያካ ባ አዩይሲ ኢማዱስ። 29 የሃኒሳ ካሊዛይቲካ ሄሳ ሲዩዳ ማላ ዩዲ የሃኒሳ አሃ ኤኪ ኤሬዲ ሞጊዳ።

**ዩሱሲ ኢቻሾ ሺ ዴሬ ሚዚዴስ**  
(ማቶ 14:13-21፤ ሉቃ 9:10-17፤ ዮሃ 6:1-14)

30 ሄሳሬ ጉዩ ሃዋሬቲ ሲሚዲ ዩሱሳ አቻን ዩዩ አዲ ባ አሲዳይሳኔ ባ ታማርሲዳይሳ ወርሲ ኢዛስ የቲዳ። 31 ዳሮ አሳይ ዩሼኔ ቢሼ ጊዛ ጊሽ ቁማ ሚዛ ዎዴይካ ቤቲቤና፤ “አኔ ኢንቴ ገላ ታናራ አሲ ባይንዳሶ ቢዲ አኔ ጉስ ሼምፕ ኤኪቴ” ጊዴስ። 32 ሄሳ ጊሽ ኢስቲ ባርካ ዎንሎን ጌሊዲ ኢሲ አሲ ባይንዳሶ ቢዳ።

33 ኢስቲ ቢሺን ዳሮቲ ቤዩዲ ቶሆራ ዎላን ኢስታሬ ሲንሴ አዲዳ። 34 ዩሱሲ ዎንሎዛፕ ዎዲዛ ዎዴ ዳሮ ዴሬይ ሸቂ ኡቲዳይሳ ቤዩዴስ። ሄሚዛዴይ ባይንዳ ሜሄ ማላ ጊዲዳ ጊሽ አሳስ ቃዴቲዴስ። ዳሮ የዎዛ ታማርሶ አይኪዴስ። \*

35 ሄ ዎዴ ጋዴይ ቃሚ ቃሚ ቢዛ ጊሽ ኢዛ ካሊዛይቲ ኢዛኮ ሸቂዲ “ሃይሲ ኑ ዲዛሶይ ባዙ፥ ጋዴይካ ቃሚዴስ። 36 ሃይሳ ሄራን አሲ ዲዛሶ ቢዲ አሳይ ባስ ሚዛ ካስ ሻሚ ማና ማላ አሳ ዩዳ” ጊዳ።

37 ኢዚ ኢስታስ ዛሪዲ “አሳስ ሚዛ ሚሽ ኢንቴ ኢሚቴ” ጊዴስ። ኢስቲካ ማላሌቲዲ “ኑኔ ቢዲ ናምዑ ዪቱ ዲናሬራ ካስ ሻሚዲ ሃይሳ አሳስ ኢሚዛኮ ጊዳንዶ?” ጊዳ። †

38 ኢዚካ ኢስታስ “ኢንቴስ አይ ላጌ ኡኬሲ ዲዛኮኔ አኔ ቢዲ ያሊቴ” ጊን ኢስቲ ቢ ያሊዲ “ኢቻሾ ኡኬሲኔ ናምዑ ሞሌይ ዴስ” ጊዳ።

39 ሄሳሬ ካሊዲ አሳ ጨሊላ ማታ ቦላ አይዳን አይዳን ኡቲሳና ማላ አዛዚዴስ። 40 አሳይካ ዪቱ ዪቲኔ ኢቻሾ ታሙ ኢቻሾ ታሙ ጊዲዲ አይዳን ኡቲዴስ። 41 ኢዚካ ኢቻሾ ኡኬሳኔ ናምዑ ሞሌታ ባ ኩሼን አይኪዲ ፕዴ ሳሎ ያሊዲ አንጂዲኔ ኡኬሳ ሜንሲ ሜንሲ አሳስ ጊሻና ማላ ባና ካሊዛይታስ ኢሚዴስ፤ ናምዑ ሞሌታካ ኡባ አሳስ ሻኬሬሲዴስ። 42 አሳይ ወራካ ሚዲ ካሊዴስ።

43 ዩሱሳ ካሊዛይቲ አሳይ ካሊ ሚን አቲዳይሳ ታማኔ ናምዑ ፕላ ኩሜስ ሺሺዳ። 44 ካስ ሚዳ አሳፕ አቲማሳይ ገላ ኢቻሾ ሺ።

**ዩሱሲ አባ ቦላራ ሃሙቲዴስ**  
(ማቶ 14:22-33፤ ዮሃ 6:15-21)

\* 6:11 ጊዲዜ አራሳ ጫቆ ማገፋዩኔ 1947 ማርቴላ ሳይሳን ገሬቲዳ አማራሶ ጊሻ ማገፋይ ሃይሳሬ ካሊዲ ዲዛ ቆፋ ጉጂቴስ፤ “ኢንቴስ ተማ ጋይስ፤ ሄ ካታማይፕ ሶዶሜሲኔ ጋሞራስ ፕርዳ ጋላስ ሎዳና” ሃይሳ ሃ ቆፋይ ጊሪኬ ቃላን ቢርሼቲዳ ማገፋታን ዴና።

\* 6:11 ሃዎ 13:51 \* 6:13 ያቆ 5:14 \* 6:18 ሉቃ 3:19-20 \* 6:34 ታይ 27:17፤ 1ካዎ 22:17፤ 2ታር 18:16፤ ሂዚ 34:5፤ ማቶ 9:36 † 6:37 ሄ ዎዴ 200 ዲናሬ ዴማናስ ኢሲ አሲ 200 ጋላስ አሳናስ ኮሼስ።



45 ሄራካ ኢዚ አሳ ሞይዜሼ ኢዛ ካሊዛይቲ ሲንሳቲዲ ጌዴ ፒንህ ቤቴሳይዳ ጌቴቲዝሶ ፒናና ማላ ኣዘዘዴስ። 46 ሄፔካ ኢስታ ኣጋጊዲ ዎሳናስ ፑዴ ዙማ ቦላ ኬዚዴስ።

47 ጋዴይ ቃሚን ዎንሎይ አባ ጊዶን ዲሺን ኢዚ ባርካ ቢታ ቦላ ዴስ። 48 አባ ቦላ ጫርኮይ ኬሂ ሜቲዳ ጊሽ ኢዛ ካሊዛይቲ አባ ሺሪ ሺሪ ዎንሎ ላጊዛ ሚሻራ ባዲቲሺን ዮሱሲ ቤዴዴስ። ዎንታ ቦላ ኢስታኮ ዮዴስ፤ ዮዲኔ ኢስታ አቻራ አዲ ባናሶ ሃኒዴስ። 49 ጊዶ አቲን አዲ ባና ሃኒሺን ኢዛ ቤዴዳ ማላ ሞይቲሌ ቤዴዳ ሚሳቲን ወሪካ ዋሲዳ። 50 ወሪካ ኢዛ ቤዴዲ ዳጋሚዳ፤ ኢዚካ ሄራካ ኢስታ ዮቺዲኔ “አይኮይ ባ፤ ታናኮ ዳጋሞፍቲ!” ጊዴስ። 51 ኢዚካ ዎንሎን ኢስታኮ ጌሊን ጫርኮይ ጮ። ጊዴስ፤ ኢስቲካ ዳሮ ማላሌቲዳ። 52 ካሴ ኢዚ ኡኬላን አሲዳ ማላታ ቢርሼህ ኢስቲ ኤሮንታ ጊሽ ኢስታ ዎዝናይ ዶጪዴስ።

53 አባ ፒኒዲ ጌንሴሬዲ ጌቴቲዛሶ ጋኪዳ፤ ዎንላፕ ዎዲዲ ዎንሎዛ ሄን ቃቺዲ አጊ ቢዳ። 54 ኢስቲ ዎንሎፕ ዎዲዳ ማላ አሳይ ዮሱሳ ኤሪዴስ። 55 ወሪካ ባ ዲዛሶ ዲዛሶ ዎዲሬቲዲ ሃርጋንቻታ ሃላን ቶኪ ቶኪ ኤኪዲ ዮሱሲ ዲዛሶ ኤሂዳ። 56 ኢዚ ጋኪዳ ጉታን ዎይኮ ካታማ ጊዶን ዎይኮ ዴሬ ጊዶን ጊዲን ሃርጋንቻቲ ኢዚ አዲሺን ኢዛ ዎሲዲኔ ኢዛ ማይዎ ቦቺዲ ፓፃና ማላ ሺሺ ሺሺ ዱቡሻይ ዲዛሶን ዎሲዳ። ኢዚ አዲ ቢሺን ኢዛ ማይዎ ቦቺዳይቲ ወሪ ፓዲዳ።

7

ካሴ አይሁዳ አዋታ ዎጋ

(ማቶ 15:1-9)

1 ሄሳፌ ጉዮ ፋርሳዌቲኔ ዮሩሳላሜፕ ዩዳ ኢሲ ኢሲ ዓፌቲ ዮሱሳ ላንቁን ዩዩ አዲዳ። 2 ዮሱሳ ካሊዛይታፕ ባጋይቲ ሜጩቶንታ ቂታ ኩሼራ ካሕ ሚሺን ቤዴዳ።

3 ፋርሳዌቲኔ ካሴ ጪማ አይሁዳ አሳቲ ካሴ ዴሬ ዎጋ ናጋናስ ኩሼ ሎዴሲ ሜጩቶንታ ካሕ ሚ ኤሬቴና። 4 ጊያ ቢ ሲሚኮካ ቦላ ሜጩቲ ጌዮንታ ዲሼ ካሕ ሚ ኤሬቴና። ሄሳሶካ ዋንጫካ፣ አቶካ፣ ኬሬካ፣ ኢቺዛ ሂሴካ ሜቻ ማላታ ሃራ ዎጋታካ ናጌቴስ።

5 ፋርሳዌቲኔ ዓፌቲ ዮሱሳ “ኔና ካሊዛይቲ ካሴ አዋታ ዎጋ ማላ ዱስ አጊዲ አዛስ ኩሼ ሜጩቶንታ ካሕ ሚዞ?” ጊዲ አይቺዳ።

6 ኢዚካ ኢስታስ “ኢሳያሲ ቆዴፕ ቆሞን ሃኒዛ ኢንቴ ጊሽ

‘ሃይሲ ዴሬይ ባ ሜቴርሻን ዓላላ ታና ቦንቼስ፤

ዎዝናይ ጊዲኮ ታፕ ሃኪዴስ።

7 ታስ ሚላ ሃዳ ጎይኔቴስ፤

ኢስታ ቲሚርቴይካ አሲ ዎሲዳ ዎጋ ዓላ’

ጊዲ ዮቲዳይስ ቱማ” ጊዴስ።

8 ያሳ ዎጋ አጊዲ አሲ ዎሲዳ ዎጋ ናጌቴስ። 9 ቃሴካ “ኢንቴ ዎጋስ ጊዲ ያሳ ዎጋ ኢንቴ አጋጊዛ ጪንጫቴላ አጊይ ኢንቴስ ዴስ። 10 አይስ ጊኮ ሙሴይ ‘ኔ አዮኔ ኔ አዋ ቦንቻ፤ ባ አዮኔ ባ አዋ ጫዩዛይይ ሙሌካ ሃይቆ’ ጊዴስ። \*

11 ጊዶ አቲን ኢንቴ ቃሴ ‘ኢሲ አሲ ባ አዋ ዎይኮ ባ አዮ ኢንቴ ታፕ ዴማናስ ኮሺዛ ማዶ ታ ያሳስ ኢማዲስ’ ጊኮ፤ 12 ኢንቴ ቃሴ ሃይሳዴይ ባ አዋስካ ባ አዮይሲ ሃራ አይኮካ አሳና ማላ ኮዩኬታ። 13 ሄሳ ጊሽ ኢንቴ ዎጋ ናጋና ጊዲ ያሳ ቃላ ላሜታ። ሄይታንታ ሚሳቲዛ ዳሮታ አሴታ።” ጊዴስ።

14 ቃሴካ ዮሱሲ አሳ ባኮ ያይጊዲ “ወሪካ ታ ጊዛ ሲዩቴኔ ዎዝናን ዎሲቴ። 15 ካሬፕ ኡሎ ጊዶ ጌሊዲ አስ ቱኒሲዛ ኢሲ ሚሺካ ዴና። ሃራፔካ አሴ ቱኒሲዛይ ኬላ አዋፕ ጌዴ ካሬ ኬዚዛ ሚሻ።

16 ሲዩዛ ሃይሲ ዲዛይ ሲዮ!” ጊዴስ። \*

17 ኢዚ አሳ ካሬን አጊዲ ኬሴ ጌሊን ኢዛ ካሊዛይቲ ኢዚ ዮቲዳ ሌሚሶዛ ቢርሼህ ዮሱሳ አይቺዳ።

18 ኢዚካ ኢስታ “ኢንቴስካ ዮዶይ ጌሴኔ? ካሬፕ ጌሊዲ አሴ ቱኒሲዛ ሚሺ ኢዚካ ዴና። 19 ካሬፕ ጌሊዛይ ጌዴ ዎዝናን ጊዶንታ፤ ዱጌ ቃንሳ ጊዶ ጌሴስ ቃሴ ሄፔ ኢዛዴ አሳቴሳፌ ጌዴ ካሬ ኬዜስ።”

ዮሱሲ ሄሳ ጊዳይ አሲ ሚዛ ካሲ ወሪካ ጊሽ ጊዲዳይሳ ቆንጪሳናሳ።

20 ካሌሲዲካ “አሳፕ ኬዚዛዚ አሴ ቱኒሴስ። 21 አሳ ዎዝና ጊዶሬ ኬዚዛይ ኢታ ቆፋታ፣ ላይማ አዋኔ ካይሶቴስ፣ አሴ ዎዶ፣ ላይማቴስ፣ 22 ዩቁቴስ፣ ኢታቴስ፣ ባሌሶ፣ ላይማ ካስ፣ ቃናቴቴስ፣ አሳ ሱንህ ሞሮ፣ አቶሬቴሲኔ አዛላ። 23 ሃይቲ ኢታ ሃኖቲ ወሪ አሳፕ ኬዜቴሲኔ አሴ ቱኒሴቴስ” ጊዴስ።

ኢሲ ማጫሳይ አማኖ

(ማቶ 15:21-28)

24 ዮሱሲ ሄፔ ኬዚዲ ዓሮሴ ጌቴቲዛ ዴሬ ቢዴስ። ሄን ኢሳዴ ኬሴ ጌሊዲ ኢዚ ሄን ዲዛይሳ አሲ ኤሮንታ ማላ ኮዩዴስ። ጊዶ አቲን ኢዚ ሄን ኢዛ ዱሳይ ቆቴታናስ ዳንዳዮቲቤና።

25 ሄራካ ኢሲ ቱና አያናይ አይኪዳ ጉላ ና ዲዛሪ አያ ዮሱሲ ሄን ዲዛይሳ ሲያዳ ኢዛኮ ያዳ ኢዛ ቶሆ ቦላ ኩንዳዱስ። 26 ማጫሳይ አይሁዳ ጊዶንታ ጊሪኬ ቃላ ሃሳዩዛ ማጫሳሺን ኢዛ ዮሌቴዳሶይ ሲሮሬንቁ ጌቴቴስ። ኢዛካ ዮሱሲ ናይፔ ቱና አያና ኬሳና ማላ ዎሳዱስ። 27 ዮሱሲ ዛሪዲ ኢዚስ “ናይታ ቁማ ኤኪ ካናስ ዮጋናስ ቤሶንታ ጊሽ ኮይሮ ናይቲ ሚ ካሌቶ” ጊዴስ።

28 ኢዛካ ዛራዳ “ኤ ጎዶ! ካናቲካ ማዳ ማታን ዴዲዲ ናይታ ኩሼፕ ጋዴን ዎዲዳይሳ ሜቴሲኮ” ጋዱስ።

\* 7:10 ኬሳ 20:12፤ 21:17፤ ዛሬ 5:16፤ ሌዌ 20:9 \* 7:16 ኢሲ ኢሲ ጌሻ ማፃፋቲ ፓይዶ 16 ቦላ ዲዛ ቆፋ ጉጂቴስ።

29 ኢዚካ “ሂስቲኮ ኔኒ ሄሳ ጊዳ ጊሽ ባ! ዳይዳንሳይ ኔ ናይፔ ኬዚደስ” ጊደስ። 30 ኢዛ ሲማዳ ሶ ቢሺን ናያ ዳይዳንሳይ ዩዲን ፓፃዳ ሂፃን ኢቺዳር ዴማዱስ።

**ዮሱሴ ኢሲ ዱና ዱዴኔ ሃይሳ ቱሌ አስ ፓሲደስ**

31 ሄሳፌ ዮሱሴ ሂሮሴ ቢታፌ ዴንዲዲ ሲዶና ጊዛሶራ አዲ ታሙ ካታማ ጊዛሶራ ካንሲዲ ጌዴ ጋሊላ አባኮ ጋኪደስ። 32 አሳይ ኢሲ ሃይሳ ቱሌኔ አይፌ ቆቄ አሲ ኢዛኮ ሄ ኤኪ ዩዲ ዮሱሴ ኢዛ ቦላ ባ ኩሼ ዎሳና ማላ ዎሲዳ።

33 ዮሱሴካ ኢዛ አሳፔ ሻኪ ኤኪ ቢዲ ባ ኩሼ ቢራዴታ አዴዛ ሃይሳን ጌላሲደስ፤ ቃሴካ ጩኾ ጩቲዲ አዴዛ ኢንፃርሳ ቦቺደስ። 34 ፑዴ ሳሎ ዩሊዲኔ ቶኪ ሼምፒዲ “ኤፊታ” ጊደስ። ሄሲካ “ፖጌታ” ጉሳ። 35 ሄራካ አዴዛ ሃይሳቲ ፖጌቲዳ፤ ኢንፃርሳይካ ቢርሼቲን ጌሺ ሃሳዩደስ።

36 ዮሱሴ ሃይሳ ቤዩዳይቲ አናስካ ዮቶንታ ማላ አዛዚደስ፤ ጊዶ አቲን አሳይ ኢዚ አዛዚዛዳይሳፌ ቦላራ ኬሂ ጉጂዲ ዮቲዳ። 37 ዴሬዚካ ዎጋፔ አሲ ማላሌቲዲ “ኢዚ አሲዳይሲ ዉሪ ሎዎ፤ ቱሌቲ ሲያና ማላ፤ ዱና ዱዴቲ ሃሳያና ማላ አሲደስ” ጊዳ።

**8**

**ዮሱሴ አይዱ ሺ አስ ሚዚደስ**

(ማቶ 15:32-39)

1 ሄ ዎዴ ቃሴ ዳሮ አሲ ሺቂደስ። ሺቂዳ አሳስ ሚዛ ካሲ ባይንዳ ጊሽ ዮሱሴ ባና ካሊዛይታ ዩይጊዲ። 2 “ሃይቲ አሳቲ ታናራ ሄኹ ጋላስ ጋካናስ ጋምዲዳ ጊሺኔ ቃሴካ ኢስታስ ሚዛ ካሲ ባይንዳ ጊሽ ታና ሚቼቲስ። 3 ኢስታፌ ኢሲ ኢሲ አሳቲ ሃሆፔ ዩዳ ጊሽ ሃይሳ ጋፋራ ታ ኢስታ ሶ ዩዲኮ ዳቡሪዲ አጌ ቦላ ኩንዳና” ጊደስ።

4 ኢዛ ካሊዛይቲካ ዛሪዲ “ሃይሳ ባዞን ሃይሳ ማላ ዴሬ ሚዛና ቁማ አዋፔ ዴማኔ?” ጊዳ።

5 ኢዚካ ኢስታ “ኢንቴኮን አፑን ኡኬሳ ዲዜ?” ጊ አይቺደስ። ኢስቲካ “ላፑን ኡኬሳ ዴስ” ጊዳ።

6 ኢዚካ አሳይ ጋዴን ኡታና ማላ አዛዚደስ፤ ላፑን ኡኬሳ ባ ኩሼን አይኪ ጋላቲዲኔ ሜንሲዲ አሳስ ጊሼቻና ማላ ባና ካሊዛይታስ ኢሚን ኢስቲካ ዴሬዛስ ጊሺዳ። 7 ቃሴካ ሄን ዲዛ ቁሪ ጉሳ ሞሌታ ጊሽ ዎሳ ጋላቲዲ ጉሳ ሞሌታ አሳስ ጊሼቻና ማላ ባና ካሊዛይታ አዛዚደስ። 8 ዴሬይካ ሚዲ ካሊደስ። ሄሳፌካ ኢዛ ካሊዛይቲ ማዳፌ ፓላሂዳ ካስ ላፑን ፒሳ ኩሜስ ዴንሲዳ። 9-10 ሄሳ ሚዳ አሳይ አይዱ ሺ ጊዳና። ሄ አሳ ሞይዚዲ ባና ካሊዛይታራ ዎንሎን ጌሊዲ ጌዴ ዳልማኮታ ጌቲቲዛሶ ቢደስ።

11 ፋርሳዌቲ ዩዲ ዮሱሳራ ፓላሜቴስ አይኪዳ። ኢዛ ፓሜናስ ኮዩዲ ባና ሳሎፔ ማላታ ቤሳና ማላ አይቺዳ። \* 12 ኢዚካ ቶኪ ሼምፒዲ “ሃይሲ ዩሌታዚ አዛስ ማላታ ኮዩዜ? ታ ኢንቴስ ቱማ ጋይስ፤ ሃይሳ ዩሌታስ ኢሲ ማላታይካ ኢሜቴና” ጊደስ። \* 13 ኢስታ ሄን አጊዲኔ ዎንሎን ጌሊዲ ሄ ፒንስ ፒኒደስ።

**ፋርሳዌታ ኢርሾኔ ሄርዶሳ ኢርሾ**

(ማቶ 16:5-12)

14 ኢዛ ካሊዛይቲ ካስ አይኮንታ ባሌቲዳ ጊሽ ኢሲ ኡኬሳ አቲን ዎንሎ ጊዶን ሃራ አይ ካሲካ ዴና። 15 ዮሱሴ ኢስታ “ፋርሳዌታ ኢርሾፌኔ ሄርዶሳ ኢርሾፌ ናጌቲቱ” ጊዲ አዛዚደስ። \*

16 ኢስቲ ቃሴ ባ ጊዶን ኢሶይ ኢሳራ “ኢዚ ኑና ሃይሳ ጊዛይ ኑስ ካስ ባይንዳ ጊሻሳ” ጊ ዮቲቲዳ።

17 ቃሴ ዮሱሴ ኢስታ ቆፋ ኤሪዲ “ኑስ ካሲ ባይንዳ ጊሽ ጋሳ ጊዲ ኢንቴ ጊዶን አዛስ ሃሳዩቲቲ? ሃዲካ ዩሺ ቆፕኬቲ? ዎዝናንካ ዎሴኬቲ? ዎይኮ ኢንቴ ዎዝናይ ሹቻቲዴ? 18 ኢንቴስ አይፌይ ዴስ ሺን ዩሌኬቲ? ሃይሲ ዴስ ሺን ሲዩኬቲ? አኬኬኬቲ? \* 19 ኢቻሹ ኡኬሳ ኢቻሹ ሺ አሳስ ታ ሜንሳ ኢሚን አፑን ፒሳ ኩሜሳ ካስ ዴንሲደቲ?” ጊደስ።

ኢስቲካ ዛሪዲ “ታማኔ ናምዑ” ጊዳ። 20 ኢዚካ “ላፑን ኡኬሳ አይዱ ሺ አሳስ ታ ሜንሳ ኢሚን አፑን ፒሳ ኩሜሳ ካስ ዴንሲደቲ?” ጊ አይቺን ኢስቲካ “ላፑን” ጊዳ።

21 ኢዚካ ኢስታ “ሂስቲን ሃዲ ጋካናስ ዩሺ ቆፕሪኬታካ!” ጊደስ።

**ዮሱሴ ቤቲሳይዳን ኢሲ ቆቄ አሲ ፓሲደስ**

22 ሄሳፌ ጌዴ ቤቲሳይዳ ጌቲቲዛሶ ቢዳ። ጉሳ አሳቲካ ኢሲ አይፌ ቆቄ አሲ ዮሱሳኮ ኤሂዲ ዮሱሴ ኢዛ ቦቻና ማላ ዎሲዳ። 23 ኢዚካ ሄ ቆቄዛ ኩሼ አይኪ ጎቺዲ አሲ ዲዛሶፔ ጌዴ ካሬ ኬሲ አዴዛ አይፌን ጩቲዲኔ ባ ኩሼ ኢዛ ቦላ ዎሲዲ “ሃዲ ኔስ አዚ ቤቲዜ?” ጊ አይቺደስ።

24 ኢዚካ ዶቁ ጊ ዩሊዲ “አሳይ ሚስ ሚሳቲዲ ቃኔቲሼ ቤቲስ” ጊደስ።

25 ቃሴካ ዮሱሴ ባ ኩሼታ ኢዛ አይፌታ ቦላ ዎሲደስ፤ ሄራካ ኢዛ አይፌቲ ዩሊዳ፤ ፖዎይካ ኢዛስ ሲሚን ዉርሲካ ጌሺ ዩሊደስ። 26 ቃሴ “ሃ ጉታታ ጊዶ ጌሎፓኔ አናስካ ዮቶፓ” ጊዲ ኢዛ ጌዴ ኢዛሶ ዩዲደስ። \*

\* 8:11 ማቶ 12:38፤ ሉቃ 11:16 \* 8:12 ማቶ 12:39፤ ሉቃ 11:29 \* 8:15 ሉቃ 12:1 \* 8:18 ኤር 5:21፤ ሂዚ 12:2፤ ግር 4:12 \* 8:26 ጊዲዜ ጫቆ አራሳ ማፃፋዚ 1947 ግርቱሳ ሳይሳን ፃፊቲዳ አማራሶ ጌሻ ማፃፋዚኔ ኢሲ ኢሲ ቤኔ ጊሪኬ ቃላን ፃፊቲዳ ጌሻ ማፃፋቲ ሃይሳፌ ካሊዛ ቆፋይ ጉጂቲደስ። ሂስቲኮ ሃይሳ አናስካ ዮቶፓ።

**ዮሴፊ ያሳፎ ኪቴቲዳዴ ጊዲዳይሳ ጳፅሮሲ ግርካቲዴስ**

(ግቶ 16:13-20፤ ሉቃ 9:18-21)

27 ዮሴፊ ባና ካሊዛይታራ ቁሳሪያ ፒሊጲሲዮሴ ጌቲቲዛ ዴሬ አቻን ዲዛ ጉታታ ቢዴስ፤ ኢስቲ አጌ ቦላ ዲሺን ባና ካሊዛይታ “ታና አሳይ አና ጊዜ?” ጊዲ አይቺዴስ።

28 ኢስቲካ ዛሪዲ ኔና “ግግቂዛ ዮሃንሳ ጊዛይቲካ ዴቴስ፤ ባጋቲ ቃሴ ኤላሳ ጌቲስ፤ ሃራቲ ቃስ ናቤታፎ አሳዴ ጌቲስ” ጊዲ ዮቲዳ። \*

29 ካሌሲዲካ ኢንቴቸ ታና አና ጌቲ? ጊዲ አይቺዴስ። ጳፅሮሲ “ኔኔ ኪርስቶሳ” ጊዴስ።

30 ዮሴፊካ ባ ጊሽ አናስካ ኢስቲ ዮቶንታ ማላ ሚንሲ ዮቲዴስ።

**ዮሴፊ ባ ሃይቃናይሳ ካሴቲዲ ዮቲዴስ**

(ግቶ 16:21-28፤ ሉቃ 9:22-27)

31 ሄሳፌ ዮሴፊ ባና ካሊዛይታ፤ “አሳ ናይ ዳሮ ዋዩ ቢያናይሳኔ ዴሬ ጨማታን፤ ቁሴታ ሃላቃኔኔ ገፌታን ካዴታናይሳ አሳ ኩሼን ሃይቃናይሳ፤ ሃይቆፎ ሄዳንሶ ጋላስ ዴንዳናስ ቤሴስ” ጊዲ ታማርሶ አይኪዴስ። 32 ኢዚካ ሄሳ ኢስታስ ቆንጨሲ ዮቲዴስ፤ ጳፅሮሲካ ኢዛ ዱማ ሻኪ ኤሬዲ “ሄሳሶ ጎፓ!” ጊዲ ሃንቂዴስ።

33 ዮሴፊ ቃሴ ባና ካሊዛይታ ዩሺ ዌሊሼ ጳፅሮሳ “ሃይሶ ገላዔ ኔ ታፎ ጌዴ ጉዩ ባ! ኔኔ አሳዛፎ አቲን ያሳዝ ቆፓካ!” ጊዲ ሃንቂዴስ።

34 ሄሳፌ ጉዩ አሳ ባና ካሊዛይታራ ኢሲፌ ባኮ ዌይጊዲ “ታና ካላናስ ዶሲዛዴይ ዲኮ ባና ካይ፤ ባ ማስቃሴ ቶኪዲ ታና ካሎ። \* 35 ባ ሼምፖ አሻና ዶሲዛዴይ ዳይሳና ሺን ታ ጊሺኔ ታ ሚሺራቾ ቃላ ጊሽ ባ ሼምፖ ዳይሲዛዴይ ወሪካ አሻና። \* 36 አሲ አላሜ ኩሜስ ሃሪኮኔ ባ ሼምፖፌ ዳይሲኮ ኢዛ አይ ጎዳኔ? 37 ዎይኮ አሲ ባ ሼምፖ ጊሽ ላሜ ኤካናይ አዚ ዲዜ?

38 “ሃይሳ ላይማኔ ናጋራንቻ ዩሴታ ጊዶን ዲሼ ታናኔኔ ታ ቃላን ዩላቲዛ አሲ ወሪ ታ አሳ ናይ ታ አዋ ቦንቾራኔ ጌሻ ኪታንቻታራ ዩዛ ዎዴ ኢዛን ዩላታና” ጊዴስ።

**9**

1 ካሌሲዲካ ዮሴፊ “ታ ኢንቴስ ቱማ ጋይስ፤ ሃይሳን ኤቂዳ አሳፎ ያሳ ካዎቴሲ ዎልቃራ ዩሺን ቢያና ጋካናስ ሃይቆንታ ጋምዓና ኢሲ ኢሲ አሳቲ ዴቴስ” ጊዴስ።

**ዮሴፊ ሜዳይ ላሜቲዴስ**

2 ኡሱፑን ጋላሳፌ ጉዩ ዮሴፊ ጳፅሮሳ ያቆቤኔ ዮሃንሳ ባናራ ካሌሲ ኤኪዲ ኢሲ ጊታ ዙማ ቦላ ኬዚዴስ። ኢስቲ ባርካ ዲሺን ኢስታ ሲንሳን ኢዛ ሜዳይ ላሜቲ ዎዲዴስ። \* 3 ኢዚ ማይዲዳ ማይዶይ ቢታ ቦላ አኒካ ማይዶ ሜጨዲ ሄሳ ማላ ቦላናስ ዳንዳዮንታ ቦስ ቦቲዴስ። 4 ሄ ዎዴ ኤላሲኔ ሙሴይ ዮሴፊራ ሃሳዩቲሼ ኢስታስ ቤቲዳ።

5 ጳፅሮሲ ዮሴፊ “አስታማሬ! ኮኒ ሃን ሃይሳን ዲዛኮ ኑስ ሎዎ፤ ኔስ ኢሲ ዳሴ፤ ሙሴስ ኢሲ ዳሴ፤ ቃሴ ኤላሳስ ኢሲ ዳሴ፤ ሄዙ ዳሴታ ኑ አሲኮቺ?” ጊዴስ። 6 ዳሮ ባቢዳ ጊሽ ጳፅሮሲ ባ ጊዛይሳ ኤሬዲ ጊቤና።

7 ሄራካ ሻራይ ኢስታ ካሚን ሻራ ጊዶራ “ሃይሲ ታ ዶሲዛ ታ ናዛኮ! ኢዚ ጊዛ ሲዩቴ” ጊዛ ቃላ ጊሪሲ ዩዴስ። \*

8 ሄራካ ኢስቲ ዩሺ ዌሊን ዮሴፊፎ አቲን አኒካ ሃራ አስ ኢስታራ ዴና።

9 ኢስቲ ዙማ ቦላፌ ዱጌ ዎዲሺን አሳ ናይ ሃይቆፎ ዴንዳና ጋካናስ ሃይሳ ኢስቲ ቤዩዳይሳ አናስካ ዮቶንታ ማላ አዛዚዴስ። 10 ኢስቲካ ባስ ዮቲዳ ቃላ ባ ዎዝናን አይኪዳ ሺን “ሃይቆፎ ዴንዶ ጉሲ አይ ጉሳኮኔ” ጊዲ ባ ጊዶን ሃሳዩቲዳ

11 ቃሴ ኢስቲ ሙሴ ዎጋ ታማርሲዛይቲ “ካሴቲዲ ኤላሲ ያና ኮሼስ አዛስ ጊዞ?” ጊዲ ኢዛ አይቺዳ። \*

12 ዮሴፊ ኢስታስ “ቱሙካ ኤላሲ ካሴቲ ዩዲ ወርሲካ ጊጊሳና። ሂስቲንካ አሳ ናይ ዳሮ ዋዩ ኤካናሲኔ ካዴታናስ ቤሴስ ጌቲቲ ገፌቲዳይሲ ኢንቴስ አይ ሚሳቲዜ? 13 ጊዶ አቲን ታ ኢንቴስ ጊዛይ ኤላሲ ጊዲኮ ዩዴስ ሺን አሳይካ ኢዛ ጊሽ ገፌቲዳ ማላ ባና ኮሼዳ ማላ ኢዛ ቦላ አሲዴስ” ጊዴስ።

**ዮሴፊ ኢታ አያናይ አይኪዳ ኢሲ ና ፓሲዴስ**

(ግቶ 17:14-20፤ ሉቃ 9:37-43)

14 ዱጌ ጊዶን አቲዳ ዮሴፊ ካሊዛይታኮ ኢስቲ ሲሚ ዩሺን ዳሮ አሳይ ኢስታ ጊዶሲን ሙሴ ዎጋ ታማርሲዛይቲ ኢስታራ ፓላሜቲዛይሳ ቤዩዳ። 15 ዴሬይ ኢዛ ዴሚዳ ማላ ማላሌቲዲ ሳርካናስ ኢዛኮ ዎዲዴስ።

16 ኢዚካ ኢስታ “ኢንቴ ኢስታራ አዛ ጊሽ ፓላሜቲቲ?” ጊዲ አይቺዴስ።

17 አሳ ጊዶፌ ኢሳዴይ “አስታማሬ! ቱና አያናይ ኢዛን ጌሊን ዱና ዱዲዳ ታ ና ዳይሳ ታ ኔኮ ኤካ ያዲስ። 18 አያናዚ ዴንዲዛ ዎዴ ቦላፌ ዩጌስ፤ ዱናራ ጎፖንቶ ኬሲ ኬሲ ዩጌስ፤ አቻካ ጋርጩስ፤ አሳቴሳካ ዞዲሴስ። ቱና አያና ኬሴቶ ጋዳ ኔና ካሊዛይታ ታ አይቺን ኢስቲካ ዳንዳዩቤቴና” ጊዴስ።

\* 8:28 ግር 6:14-15፤ ሉቃ 9:7-8 \* 8:34 ግቶ 10:38፤ ሉቃ 14:27 \* 8:35 ግቶ 10:39፤ ሉቃ 17:33፤ ዮሃ 12:25 \* 9:2 2ጴፅ 1:17-18 \* 9:7 ግቶ 3:17፤ ግር 1:11፤ ሉቃ 3:22 \* 9:11 ሚላ 4:5፤ ግቶ 11:14

19 ዮሴፊክ ኢስታስ ዛሬዲ “ኢንቴኖ አማናንታ ዮሌታቶ፣ አይዴ ጋካናስ ታ ኢንቴናራ ዳኔ? ቃሴ አይዴ ጋካናስ ታ ኢንቴና ዳንዳያኔ? እኔ ናዛ ሃ ኤሂቴ” ጊዴስ። 20 አሳይካ ናዛ ኢዛኮ ኤሂዴስ፣ ቱና አያናይ ዮሴፊ ቤዬዳ ማላ ናዛ ሄራካ ጋዴን ጌንዴርሲዲ ኮኮርሲዲኔ ዱናራ ጎፖንቶ ጮፑ ሂስቲዴስ።

21 ዮሴፊ ናዛ አዋ “ሃይሲ ሃርጌይ ኢዛ አዬዴሳፕ አይኪዴ?” ጊዴስ። ናዛ አዋይካ “ናቴሳፌ ዶሚዲ” ጊዴስ። 22 “ኢዛ ዎዳናስ ኮይዲ ዳሮ ዎዴ ታማንካ ሃሳንካ ዮጌስ። ኔስ ዳንዳዮቲኮ ኑስ ሚሼታኔ ኑና ማዳ” ጊዴስ።

23 ዮሴፊ ቃሴ “ኔስ ዳንዳዮቲኮ ጋይ? አማኒዛዴስ ወሪካ ዳንዳዮቲኮ” ጊዴስ።

24 ናዛ አዋይ ሄራካ “ታ አማናይስ ሺን ታ አማኖይ ሳፋ፣ ታና ማዳሪኪ?” ጊዲ ዋሲዴስ።

25 አሳይ ዎጫሚሼ ቡሬቲ ኤኪዲ ኢዛኮ ዩዛይሳ ዮሴፊ ቤዬዲ “ሃይሶ ቱሌኔ ዱዴ አያናዎ! ሃይሳ ናዛፕ ኬዛ፣ ኔ ቃሴ ሲማዳ ጌሎንታ ማላ ታ ኔና አዛዛይስ” ጊዲ ቱና አያና ሴሪዴስ።

26 ቱና አያናዚካ ኬሂ ዋሲዴስ፤ ናዚካ ኬሂ ቃኬቲዳፕ ጉዬ ናዛፕ ኬዚዴስ። ዳሮቲ ሃይቂዴስ ጋና ጋካናስ ናዚ አሃ ሚሳቲዴስ። 27 ጊዶ አቲን ዮሴፊ ናዛ ኩሼ አይኪ ዴንፊዴስ። ናዚካ ዴንዲ ኤቂዴስ።

28 ዮሴፊ ሶ ጌሊዳፕ ጉዬ ኢዛ ካሊዛይቲ “ኑ ኢዛፕ ቱና አያና ኬሳናስ አዛስ ዳንዳዮቤይኮኒ?” ጊዲ ኢዛ አይቺዳ።

29 ኢዚካ ኢስታስ “ሃይሳ ማላይ ኬዛና ዳንዳዩዛይ ዎሳኔኔ ዎማን ዓላ” ጊዴስ።

**ዮሴፊ ባ ሃይቆ ጊሺኔ ባ ዴንዶ ጊሽ ቃሴካ ዮቲዴስ**  
(ማቶ 17: 22-23፤ ሉቃ 9: 43-45)

30 ሄፕ ዴንዲ ጋሊላ ባጋራ አዲ ቤዳ። ዮሴፊ ባ ዲዛሶ አኒካ ኤራና ማላ ኮይቤና። 31 ጋሶይካ ዮሴፊ ባና ካሊዛይታስ “አሳ ናይ አሳ ኩሼን አዲ ኢሜታና ኢስቲካ ኢዛ ዎዳና፣ ሄቫንሶ ጋላሳፌ ጉዬ ኢዚ ዴንዳና” ጊዲ ኢስታ ታማርሲዛ ጊሻሳ። 32 ጊዶ አቲን ኢዚ ጊዛይሲ ኢስታስ ጌሊቤና፤ ኢዛ አይቻናስካ ባቢዳ።

**ኡባፌ አዲዛይ አኔ?**  
(ማቶ 18: 1-5፤ ሉቃ 9: 46-48)

33 ሄሳፌ ጉዬ ቂፊርናሆሜ ቤዳ። ኢዚ ኬሴ ጌሊዲ “ኢንቴ ዩሼ አጌ ቦላ አዛ ጊሽ ፓላሜቲዴቲ?” ጊ አይቺዴስ።

34 ኢስቲ ቃስ አጌ ቦላ “ኑ ጊዶን ኑፕ ኡባፌ አዲዛይ አኔ?” ጊዲ ፓላሜቲዳ ጊሽ ወሪካ ጮዑ ጊዳ። \*

35 ኢዚ ኡቲዳፕ ጉዬ ታማኔ ናምዓታ ዩይጊዲ “ኮይሮ ጊዳና ኮይዛዴይ ኡባፌ ወርሴሲኔ ኡባታስ አሽካራ ጊዶ” ጊዴስ። \*

36 ቂ ጉሳ ና ኤሂዲ ኢስታ ጊዶን ኤሲዴስ። ኢዲሚዲኔ 37 “ሃይታ ጉሳ ናይታፕ ኢሳዴ ታ ሱንሳን ሞኪ ኤኪዛዴይ ታናካ ሞኪ ኤኬስ። ታና ሞኪ ኤኪዛዴይ ወሪ ታና ዓላላ ጊዶንታ ታና ኪቲዳይሳካ ሞኪ ኤኬስ” ጊዴስ። \*

**ኑና ኢዎንታይ ወሪ ኑ ባጋ**  
(ሉቃ 9: 49-50)

38 ዮሃንሲካ “አስታማሬ! ኢሳዴይ ኔ ሱንሳን ዳይዳንሲ ኬሲሺን ኑ ቤይዶስ። ኢዚ ኑና ካሎንታ ጊሽ ኬሶንታ ማላ ዲጊዶስ” ጊዴስ።

39 ዮሴፊ ቃሴ “ዲጎፍቲ፤ አኒካ ታ ሱንሳን ማላታ አሲዲ ኤሶቲዲ ታ ቦላ ኢታ ሃሳያናስ ዳንዳዮና። 40 ኑናራ ኤቁቶንታይ ወሪ ኑናራ ዴስ። \* 41 ታ ኢንቴስ ቱሙ ጋይስ፤ ኢንቴ ቲዮቲዳ ኪርስቶሳስ ጊዲዳ ጊሽ ታ ሱንሳን ኢሲ ዋንጫ ሃስ ኢንቴና ኡሺዳዴይ ወሪ ባ አሶይስ ዋጋ ዳዮና። \*

**አሳስ ዱጴ ጊዳናፕ ናጌቴስ**  
(ማቶ 18: 6-9፤ ሉቃ 17: 1-2)

42 “ሃይታ ታና አማኒዛ ሃ ጉሳታፕ ኢሳዴስ ዱጴ ጊዲዛይ ወሪ ዴዎ ዎፃ ሹቺ ኢዛ ቆዴን ቃሼቲን ዱጌ አባ ጊዶ አሌቲዳኮ ኢዛስ ሎዎ ጊዳና። 43 ሄሳ ጊሽ ኔ ኩሼይ ኔና ባሌሲኮ ኔፕ ቃንፃ ዮጋ፤ ናምዑ ኩሼራ ዳዳ ጌዴ ጋናሜ ታማን ኔ ባናይሳፌ ኩሼ ዱፃ ጊዳዳ ጌዴ ዴዎን ጌሎይ ኔስ ሎዎ ጊዳና። \* 44 ጋናሜን ጉፁኔይ ሃይቁና፣ ታማይኔ ቶዔና። \* 45 ኔና ኔ ቶሆይ ባሌሲኮ ኔፕ ቃንፃ ዲጋ፤ ናምዑ ቶሆራ ዳዳ ጌዴ ጋናሜ ታማን ዮጌታናፕ ኔ ዎቤ ጊዳዳ ጌዴ ዴዎሶ ጌሎይ ኔስ ሎዎ። 46 ጋናሜን ጉፁኔይ ሃይቁና፣ ታማይኔ ቶዔና። † 47 ኔና ኔ አይፌይ ባሌሲኮ ዎጫ ኬሳዳ ኔፕ ዲጋ፤ ናምዑ አይፌራ ዳዳ ጌዴ ጋናሜን ዮጌታናፕ ኢሲ አይፌራ ዶሳ ካዎቴስ ጌሎይ ኔስ ሎዎ። \* 48 ጋናሜን ጉፁኔይ ሃይቁና ታማይኔ ቶዔና። \*

\* 9:34 ሉቃ 22: 24 \* 9:35 ማቶ 20: 26-27፤ 23: 11፤ ግር 10: 43-44፤ ሉቃ 22: 26 \* 9:37 ማቶ 10: 40፤ ሉቃ 10: 16፤ ዮሃ 13: 20 \* 9:40 ማቶ 12: 30፤ ሉቃ 11: 23 \* 9:41 ማቶ 10: 42 \* 9:43 ማቶ 5: 30 \* 9:44 ኢሲ ኢሲ ጊሻ ማፍቴ ፓይዶ 44 ቦላ ዲዛ ቆፋ ጉጂቴስ፤ ቆፋዚካ ፓይዶ 48 ቦላ ዲዛይሳ ሚሳቴስ። † 9:46 ኢሲ ኢሲ ጊሻ ማፍቴ ፓይዶ 46 ቦላ ዲዛ ቆፋ ጉጂቴስ፤ ቆፋይካ ፓይዶ 48 ቦላ ዲዛይሳ ሚሳቴስ። \* 9:47 ማቶ 5: 29 \* 9:48 ኢሳ 66: 24



49 “ቡሮ አሲ ወራ ታማን ፓጩታና።  
 50 “ማህንደሮ ሎቦ፤ ጊዶ አቲን ማህንደሮ ባ ማህንደሮታ ዩዲኮ ኢንቴ ዎስቲ ኢዛ ማልቦ ኤራኔ? ኢንቴ አሳቴላን ማህንደሮ ዴቦ። ኢንቴ ኢንቴ ጊዶን ዶሴቲቴ” ጊዶስ። \*

10

**ማሾ አንጂ ዩዳናስ ቤሴና**  
 (ማቶ 19:1-12፤ ሉቃ 16:18)

1 ዩሱሲ ሄፔ ዴንዲዲ ጌዴ ዩሁዳ ጌቴቲዛ ዴሬኔ ዮርዳኖሴ ሻፋፔ ፒንሳን ዲዛ ዴሬ ቤዴስ። ዴሬይካ ቃሴ ኢዛ ዩዩ አዲን ኢዚ ካሴ ባ አሲዛ ማላ አሳ ታማርሲዴስ።  
 2 ኢሲ ኢሲ ፋርሳዌቲ ኢዛኮ ዩዲ “አሲ ባ ማሾ አንጂ ዩዳናስ ቤሴና?” ጊዲ ኢዛ ፓጩ አይሾ አይቼዳ።  
 3 ኢዚካ ኢስታስ “ሙሴይ ኢንቴና አይ ጊ አዛዚዴ?” ጊዲ ዛሪ አይቼዴስ።  
 4 ኢስቲካ ኢዛስ “ሙሴይ ታ ኢዞ አንጃ ዩዳናስ ጊዛ ዋራቃታ ዓሬ ኢሚዲ አንጆ ጊዴስ” ጊዳ። \*  
 5 ዩሱሲካ ዛሪዲ ኢስታ “ሙሴይ ሃይሳ ማላ ዎጋ ዓሬዳይሲ ኢንቴ ዎዝናይ ሚኒዳ ጊሻሳ። 6 ጊዶ አቲን ኮይሮ ያሲ ሜዲሼ ማጫኔ አዴ አሲ ሜዲዴስ። \* 7 ሄሳ ጊሽ አሲ ባ አዋኔ ባ አዮ አጊዲ ባ ማቺራ ዋዌቴስ። 8 ናምዓይ ኢሲ አሾ ጊዴቴስ፤ ሄሳ ጊሽ ኢስቲ ናምዓይ ኢሲኖፔ አቲን ናምዑ ዴቴና። 9 ሄሳ ጊሽ ያሲ ጋሲ ዋዌዳይታ አሲ ሻኮፎ።” ጊዴስ።  
 10 ቃሴካ ኢስቲ ሶ ጌሊን ኢዛ ካሊዛይቲ ሄ ዮዎዛ ጊሽ ዛሪ ኢዛ አይቼዳ። 11 ኢዚ ኢስታስ “አኒካ ባ ማሾ አንጂ ዩዲዲ ሃራ ማጫስ ኤኪኮ ሄ ማጫሳይ ቦላ ላይማ አሴስ። 12 ማጫሳይካ ባ አዚና አጋዳ ሃራ አዴ ጌሊኮ ኢዛካ ላይማታወስ” ጊዴስ። \*

**ዩሱሲ ጉሳ ናይታ አንጂዴስ**  
 (ማቶ 19:13-15፤ ሉቃ 18:15-17)

13 ዩሱሲ ባ ኩሼ ዎሳና ማላ አሳይ ናይታ ኢዛኮ ኤሂዴስ። ኢዛ ካሊዛይቲ ቃሴ ኤሂዳ አሳ ቦላ ሃንቁቲዳ። 14 ዩሱሲ ሄሳ ቤዩ ሃንቁቲዲ “ናይቲ ታኮ ዩቶ፤ ዲጎፍቴ፤ ያሳ ካዎቴሲ ሃይታንታ ማላሳ። 15 ታ ኢንቴስ ቱሙ ጋይስ፤ ያሳ ካዎቴስ ሃይሳ ጉሳ ናይታ ማላ ኤኮንታዴይ ኢዚን ሙሴካ ጌሴና” ጊዴስ። \* 16 ናይታ ኢዲሚዲ ኢስታ ቦላ ባ ኩሼ ዎሲዲ አንጂዴስ።

**ኢሲ ዱሬ አዴ**  
 (ማቶ 19:16-30፤ ሉቃ 18:18-30)

17 ሄፔ ቡሮ አጌ ኬዚሺን ኢሳዴይ ዎዲሼ ኢዛኮ ጋኪዲኔ ኢዛ ሲንሳን ጉልባቲዲ “ኪያ አስታማሬንቶ! ታኒ ሜርና ዴቦ ዴማና ማላ አይ አሳና ታስ ቤሴና?” ጊ አይቼዴስ።  
 18 ዩሱሲካ “አዛስ ታና ኪያ ጋይ? ኢሲ ያሳሬ አቲን ኪያይ ባ” ጊዴስ። 19 “ኔኒ አዛዞታ ኤራይ? ‘ዎዶፓ፤ ላይማቶፓ፤ ካይሶቶፓ፤ ዎርዶ ማርካቶፋ፤ አስ ባሌሶፋ፤ ኔ አዋኔ ኔ አዮ ቦንቻ’ ጊዛይታ” ጊዴስ። \*  
 20 አዴዚካ ዛሪዲ “አስታማሬ! ታ ሃይታ ወርሳ ናቴሳሬ አይካዳ ናጋዲስ” ጊዴስ።  
 21 ዩሱሲ ኢዛ ዩሊዲኔ ዶሲዲ “ሂስቲኮ ሃዲ ኔስ ኢሲ ሚሺ ፓጩስ። ባዳኔ ኔስ ዲዛ ወርሳ ባይዛ። ሚሻ ማንቆታስ ኢማ፤ ኔኒ ሳሎን ሸቂዳ ሚሽ ዴማንዳሳ፤ ሂስታዳኔ ሃይ ታና ካላ” ጊዴስ።  
 22 አዴዚካ ሄሳ ሲዴዲ ዳሮ ዩሎቲዴስ። ኢዛስ ዳሮ ሃርይ ዲዛ ጊሽ ሙዞቲሼ ቤዴስ።  
 23 ዩሱሲ ዩሺ አሲ ዩሊዲ ባና ካሊዛይታ “ዱሬታስ ያሳ ካዎቴስ ጌሎይ አይ ማላ ዴቦ!” ጊዴስ።  
 24 ኢዛ ካሊዛይቲካ ኢዛ ሃሳዶን ማላሌቲዳ። ዩሱሲ ቃሴ ዛሪዲ “ናይቶ! ያሳ ካዎቴስ ጌሎይ አይ ማላ ዴቦ ሚሼ! 25 ዱሬይ ያሳ ካዎቴስ ጌላናይሳሬ ጋሜላይ ናርፔ ሉኮራ አዳናይሲ ካወያና!” ጊዴስ።  
 26 ኢዛ ካሊዛይቲካ ዳርሲ ማላሌቲዲ ባ ጊዶን ኢሳይ ኢሳ “ሂስቲን አኒ አታና ዳንዳይዬ?” ጊዳ።  
 27 ዩሱሲ ኢስታ ዩሊዲኔ “ሃይሲ አሳስ ዳንዳይቴና፤ ያሳ ማታን ጊዲኮ ሄሳ ማላ ጊዴና። ያሳስ ወራካ ዳንዳይቴስ” ጊዴስ።  
 28 ጴጥሮሲ ቃሴ “ሄኮ፤ ኑኒ ወርሲካ አጊዲ ኔና ካሊዶስ” ጊዴስ።  
 29 ዩሱሲካ ዛሪዲ “ታ ኢንቴስ ቱሙ ጋይስ፤ ታ ጊሺኔ ሚሺራቾ ቃላ ጊሽ ጊዲ ባ ኬሴ፤ ዎይኮ ባ ኢሻታ፤ ዎይኮ ባ ሚቼታ፤ ዎይኮ ባ አዮ፤ ዎይኮ ባ አዋ፤ ባ ናይታ፤ ዎይኮ ባ ጋዴ አጊዳ አስ ወራ፤ 30 ሃይሳ ሃ ዎዴዛን ሃዲ ጎዴቴሳራ ኬሳታ፤ ኢሻታ፤ ሚቼታ፤ አዮታ፤ ናይታኔ ጋዴካ ዩቲ ኩሼ አሲ ኤኮንታይኔ ቡሮ ያና አላሜዛንካ ሜርና ዴቦ ላቶንታዴይ ዴና። 31 ጊዶ አቲን ሲንሳቲዳ ዳሮቲ ጉዩታና፤ ጉዩቲዳይቲ ሲንሳታና” ጊዴስ። \*

**ዩሱሲ ባ ሃይቂ ዴንዳናይሳ ሄሻንሶ ዮቲዴስ**

32 ኢስቲ ዩሩሳላሜ ኤፊዛ አጌ ቦላ ዲሺን ዩሱሲ ኢስታሬ ሲንሴ ሲንሴ ቤስ። ኢዛ ካሊዛይቲ ኢዛ ቡሳን ማላሌቲዳ። ሃንኮ ኢዛ ጌዶን ዲዛ አሳይ ቃስ ኢዛስ ባቢዴስ። ቃሴካ ታማኔ ናምዓታ ዴሬዛፔ ዱማ ሻኪዲ ባ ቦላ አዚ ጋካናኮኔ ኢስታስ ሂዝጊ ዮቲዴስ። 33 “ኑኒ ዩሩሳላሜ ኬዛና፤ አሳ ናይ ቁሴታ ሃላቃታሲኔ ሙሴ ዎጋ ታማርሲዛይታስ አዲ ኢሜታና፤ ኢስቲካ ኢዛ ቦላ ሃይቆ ፒርዳ

\* 9:50 ማቶ 5:13፤ ሉቃ 14:34-35 \* 10:4 ዛሬ 24:1-4፤ ማቶ 5:31 \* 10:6 ሜዴ 1:27፤ 5:2 \* 10:12 ማቶ 5:32፤ 1ቆሮ 7:10-11 \* 10:15 ማቶ 18:3 \* 10:19 ኬሳ 20:12-16፤ ዛሬ 5:16-20 \* 10:31 ማቶ 20:16

ፒርዳናኔ ዴሬ አሳስ አላ ኢማና። <sup>34</sup> ኢዛ ቦላ ቂዲ ካዓና፤ ኢዛ ቦላ ጩታና፤ ኢዛካ ጋራፋናኔ ዎዳና ሺን ኢዚ ሄዡ ጋላሳሬ ጉዩን ሃይቆፕ ዴንዳና።”

**ያቆቤይኔ ዮሃንሲ ዎሲዳ ዎሳ**  
(ግቶ 20: 20-28)

<sup>35</sup> ቃሴ ዛቢዳሳ ናይቲ ያቆቤይኔ ዮሃንሲ ኢዛኮ ሺቂዲ “አስታማሬ! ኑኒ ኔና ዎሲዳይሳ ኔ ኑስ ወርሳ አሳና ማላ ኑ ኮዮስ” ጊዳ።

<sup>36</sup> ኢዚካ ኢስታስ “ታ ኢንቴስ አይ አሳና ማላ ኮዮቲ?” ጊዳ። <sup>37</sup> ኢስቲካ “ኔኒ ኔ ካዎቴሳ ቦንቾ ዎዴ ኑፕ ኢሳዴይ ኔ ኡሻቻን ኢሳዴይ ኔ ሃዲርሳን ኡታና ማላ ኑስ ኤሮ ጋርኪ?” ጊዳ።

<sup>38</sup> ዮሱሲካ “ኢንቴ አይቸዛይሳ ኤሬኬታ። ታኒ ኡያና ኡሻ ኡያናሲኔ ታኒ ማጭቲዛ ሂንቃታ ማጭታናስ ዳንዳያንዴቲ?” ጊዳ። \* <sup>39</sup> ኢስቲካ ዛሬዲ “ኤ፥ ዳንዳዮስ” ጊዳ። ዮሱሲካ “ታ ኡዩዛ ኡሻ ኢንቴ ኡያናኔ ታ ማጭቲዛ ሂንቃታ ኢንቴ ማጭታና። <sup>40</sup> ጊዶ አቲን ታ ኡሻቻራ ዎይኮ ታ ሃዲሪሳራ ኡቴሲ ዎሲ ኢስታስ ጊጊሲዳይታስ አቲን ታ ኢማና ሚሽ ጊዴና” ጊዳ።

<sup>41</sup> ታማቲ ሄሳ ሲይዲ ያቆቤይኔ ዮሃንሳ ቦላ ሃንቁቲዳ። <sup>42</sup> ዮሱሲካ ኢሲ ቦላ ሺሺዲ “ዴሬ ሃላቃ ጌቴቲዛይቲ ዴሬ ሃሪዛይሳ ማላ ኢስታ ሹሜቲ ኢስታ ቦላ ባ ጎዳቴሳ ቤሲዛይሳ ኢንቴ ኤሬታ።

<sup>43</sup> ጊዶ አቲን ኢንቴ ጊዶን ጊታ ጊዳና ኮዩዛ ኡባይ አሽካራ ጊዶ። \* <sup>44</sup> ሲንፅ አዳና ኮዩዛይ ወርካ ኡባስ አይሌ ጊዶ። <sup>45</sup> አሳ ናይ ጊዲኮ አሳስ አሳናሲኔ ባ ሹምፖ ዳሮታ ጊሽ አላ ኢማናስ ዩዴስ አቲን አሴ አሲሳናስ ዩቤና።” ጊዳ።

**ዮሱሲ ቆቁ ባርዲሞሳ አይሬ ፓሲዴስ**  
(ግቶ 20: 29-34፤ ሉቃ 18: 35-43)

<sup>46</sup> ሄፕ ጌዴ ያርኮ ቢዳ። ዮሱሲኔ ኢዛ ካሊዛይቲ ሃራ ዳሮ አሳታራ ኢያርኮሬ ኬዚሺን ሂሞሳ ና ባርዲሞሳ ጌቴቲዛ አይሬ ቆቁይ ኦጌ ቦላ ኡቲዲ ዎሲ። <sup>47</sup> ኢዚካ ዩዛይ ናዚሬቴ ዮሱሳ ጊዲዳይሳ ሲይዲ “ዳዉቴ ና ዮሱሳ ታና ማራ” ጊዲ ኬሂ ዋሲዴስ።

<sup>48</sup> ዳሮቲ ኢዚ ጮፀ ጋና ማላ ሃንቁዳ፤ ጊዶ አቲን ኢዚ “ዳዉቴዎ! ታና ማራ” ጊዲ ኬሂ ዋሲዴስ።

<sup>49</sup> ዮሱሲካ ኡቂዲ “ኢዛ ሃ ያይጊቴ” ጊዳ። ኢስቲካ ቆቁዛ “አይኮይ ባ ዴንዳ ኔና ያይጌስ” ጊዳ። <sup>50</sup> ኢዚካ ባ ማይዎ ቃሪ ዩጊዲ ፑሱኩ ጊ ዴንዲ ኤቂዲ ዮሱሳኮ ዩዴስ።

<sup>51</sup> ዮሱሲካ “ታ ኔስ አይ አሳና ማላ ኮያይ?” ጊዳ። ቆቁዚካ “አስታማሬንቶ! ታ ያላናዉ ኮያይስ” ጊዳ።

<sup>52</sup> ዮሱሲካ ዛሬዲ “ባ ኔና ኔ አማኖይ ፓሲዴስ” ጊዳ። ሄራካ ኢዛ አይሬይ ያሊዴስ። ኢዚካ ዮሱሳ ካሊ ቢዴስ።

11

**ዮሱሲ ጊታ ቦንቾራ ዩሩሳላሜ ጌሊዴስ**  
(ግቶ 21: 1-11፤ ሉቃ 19: 28-40፤ ዮሃ 12: 12-19)

<sup>1</sup> ኢስቲ ጌዴ ዩሩሳላሜን ዳብራዛይቲ ጌቴቲዛ ዙማ አቻን ዲዛ ቤቴፋጌኔ ቢታኒያ ጌቴቲዛሶ ማቲዳ ዎዴ ዮሱሲ ባና ካሊዛይታፕ ናምዓታ ሂዝጊ ኪቲዴስ። <sup>2</sup> “ጌዴ ኢንቴ ሲንሳን ዲዛ ጉታዮ ቤቴ። ኢንቴ ሄ ጌሊዳ ማላ ሄን አሲ ቶጊ ኤሮንታ ቃሾን ዲዛ ሃሬ ጉቴ ኢንቴ ዴማና፤ ቢርሺዲ ኢዛ ሃ ኤኪ ዩቴ። <sup>3</sup> አኒካ ኢንቴና ‘ሃይሳ አይስ አሴቲ?’ ጊኮ ጎዳስ ኮሺስ ጊዲ ዮቴቴ፤ ኢዚካ ኢንቴስ ኤሶን ዛሬ ዩዳና” ጊዳ።

<sup>4</sup> ኢስቲካ ቢዲ ኢሲ ኬሳ ካሬን ኦጌ ቦላ ቃሹቲ ዲዛ ሃሬ ጉቴ ዴሚዲ ቢርሺዳ። <sup>5</sup> ሄን ኤቂዳ ኢሲ ኢሲ አሳቲ “ሃሬ ጉቴዛ አዛስ ቢርሹቲ?” ጊ አይቹዳ።

<sup>6</sup> ዮሱሳ ካሊዛይቲ ዮሱሲ ኢስታስ ጊዳ ማላ አሳታስ ዮቴን ኤሮ ኤኪ ቤቴ ጊዳ። <sup>7</sup> ጉቴዛካ ዮሱሳኮ ኤሂዲ ባ ማይዎ ኢዛ ዘኮ ቦላ ዩጊን ዮሱሲ ኢዛ ቶጊዴስ። <sup>8</sup> ዳሮ አሳይ ባ ማይዎ ኬሲ ኬሲ ኦጌ ቦላ ሚጨዴስ። ባጋ አሳይ ጨሊሳ ሚሳ ሃይስ ቃንዲ ቃንዲዲ ኦጌ ቦላ ላሊዴስ። <sup>9</sup> ዮሱሳፕ ሲንሳራኔ ጉዩራ ዲዛ አሳይ ቃላ ዶቁ ሂስቲዲ “ሆሳና፤

ጎዳ ሱንሳን ዩዛዴይ አንጄቲዳዴ።

<sup>10</sup> ሃና ዩዛራ ኑ አዋ

ዳዉቴ ካዎቴሳያ አንጄቲዳሮ፤

ሆሳና!

ቦላ ሳሎን ዎሲ ቦንቾቶ”

ጊሹ ዋሲዴስ።

<sup>11</sup> ዮሱሲ ዩሩሳላሜ ጋኪዲ ሄሳሬካ ዎሳ ኬሴ ጌሊዴስ። ሄ ሄራን ዲዛይሳ ወርሲ ያሊዲ ጋዴይ ቃሚዳ ጊሽ ታማኔ ናምዓታራ ጌዴ ቢታኒያ ኬዚዴስ።

**ዮሱሲ ቃንጊዳ ባላሴ ሚሳዮ**  
(ግቶ 21: 18-19)

<sup>12</sup> ዎንቴሳ ጋላስ ኢስቲ ቢታኒያፕ ኬዚ ቢሺን ዮሱሲ ጋሬዴስ። <sup>13</sup> ኢዚ ኢሲ ሃይሳ ጨሊሊዳ ባላሴ ጌቴቲዛ ሚሳ ሃሆን ቤዩዲ አይሬይ ዳናኮኔ ጊዲ ኢዚኮ ዩዴስ። ጊዶ አቲን ባላሴ ሚሳ

\* 10:38 ሉቃ 12: 50 \* 10:43 ሉቃ 22: 25-26

አይፎንታ ዎዴ ጊዲዳ ጊሽ ሃይሳፌ አቲን ኢሲ አይፌካ ኢዚፔ ዴሚቤና። 14 ሄሳ ጊሽ ሚሳዮ “ሃኒፌ ጉዮ ማርናስ እኒካ ኔፔ አይፌ ሞፖ!” ጊዴስ። ኢዛ ካለዛይቲካ ኢዚ ጊዛይሳ ሲዩዳ።

15 ጊዴ ዮሩሳላሜ ቢዳ፤ ሄፔካ ጊዴ ያሳ ኬሴ ጊሊዲ ሄን ባይዚዛይታኔ ሻሚዛይታ ኬሲ ጎዶ አይኪዴስ። ሚሽ ላሚዛይታ ሃራጵዛኔ ሃራጵ ባይዚዛይታ አይዴ ጉፋንሲ ጉፋንሲ ዮጊዴስ። 16 እኒካ አይ ሚሽ ቶኪዲ ያሳ ኬሴ ጊቤ ጊዶራ አዶንታ ማላ ዲጊዴስ። 17 ኢስታካ ታማርሲሼ “ታ ኬሲ ዴሬ ኡባስ ያሳ ኬሴ ጊዳና ጌቲቲ ሃፌቲቤኔ? ጊዶ አቲን ኢንቲ ቃሴ ካይሶታ ጎንጎሎ ኬሲዴታ” ጊዴስ። \*

18 ቄሴታ ሃላቃቲኔ ሙሴ ዎጋ ታማርሲዛይቲ ሄሳ ሲዩዲ ኢዛ ዎስቲ ዳይሳናኮኔ አጌ ኮሽ አይኪዳ። ጊዶ አቲን ዴሬይካ ኢዛ ቲሚርቲዛን ማለሌቲዳ ጊሽ ኢዛስ ባቢዳ።

19 ኢስቲካ ጋዴይ ቃሚን ካታማይፔ ኬዚ ቢዳ።

20 ዎንቴላ ጋላስ ማላዶ ኢስቲ አጌራ አዲ ቢሽን ባላሴ ሚሳያ ሃጵፔ ሜሊዳሮ ቤዩዳ። 21 ዮፆዚ ኢዛ ዎዝናን አኬኬቲን ጳፅሮሲ ዮሱሳ “አስታማሬ! ሄኮ፣ ሃና ኔ ቃንጊዳ ባላሴያ ሜላዱስ” ጊዴስ።

22 ኢዚካ ዛሪዲ “ያሳ አማንቴ። 23 ታ ኢንቴስ ቱሙ ጋይስ፤ ‘እኒካ ሃይሳ ዙማዛ ኔ ዶቃሌታዳ ጊዴ አባን ጌላ’ ጊዛኮኔ ሄሳካ ዎዝናን ሲዶንታ አማኒዳኮ ኢዛይስ ሃናና። \* 24 ሄሳ ጊሽ ኢንቲ ዎሳን አይቺዳዝ ወርሲ ኤኪዳ ማላ አማኒኮ ኢንቴስ ሃናና። 25 ሄሳሶካ ኢንቲ ዎሳስ ኤቂዛ ዎዴ ኢንቲ ሳሎ አዋይ ኢንቲ ናጋራ አቶ ጋና ማላ ኢንቲካ ኢንቴና ቆሂዳይታ ናጋራ ወርሲ አቶ ጊቲ። 26 ኢንቲ አቶ ጎንታ ኢዲኮ ኢንቲ ሳሎ አዋይካ ኢንቲ ናጋራ አቶ ጊና።” ጊዴስ። \*\*

27 ቃሴካ ዮሩሳላሜ ዩዳ። ዮሱሲ ያሳ ኬሴ ካሬ ጊዶን ጊዴኔ ሃኔ ዩዮቲሺን ቄሴታ ሃላቃቲ፣ ሙሴ ዎጋ ታማርሲዛይቲኔ ዴሬ ጨማቲ ኢዛኮ ሸቂዲ፣ 28 “ሃይሳ ኔ አሲዛይ አይ ጎዳቴሳራ? ሃይታ ኔ አሳና ማላ ሃይሳ ማላ ጎዳቴስ ኔስ አኒ ኢሚዴ?” ጊዳ።

29 ዮሱሲካ ኢስታስ ዛሪዲ “አኔ ታካ ኢንቴና ኢሲ አይሾ አይቻይስ ኢንቴካ ታስ ዛሪኮ ታካ ሃ ዮፆታ አይ ጎዳቴሳራ አሲዛኮኔ ኢንቴስ ዮታና። 30 ዮሃኒሳ ሂንቃቴይ ያሳፌዮ? አሳፔ? አኔ ታስ ዛሪቲ” ጊዴስ።

31 ኢስቲካ ባ ጊዶን ኢሶይ ኢሳራ “ኑ ሳሎፔ ጊኮ ኢዚ ኑና ‘ሂስቲን አዛስ ኢዛ አማኒቤይኬቲ?’ ጋና፤ 32 ‘ኑ አሳፔ’ ጊኮ” ዮሃኒሲ ቱሙ ናቤ ጊዲዳይሳ ዴሬይ ወሪ አማኒዛ ጊሽ ሄሳሶ ጋና ባቢዳ።

33 ሄሳ ጊሽ “ኑ ኤሮኮ” ጊዲ ዮሱሳስ ዛሪዳ። ዮሱሲካ “ሂስቲኮ ታ ሃይታ አዛ ጎዳቴሳራ አሲዛኮኔ ታካ ኢንቴስ ዮቲኬ” ጊዴስ።

12

**ዎይኔ ሚሲ ቶኪዛ ጎሻ አሳታ ሌሚሶ**  
(ማቶ 21:33-46፤ ሉቃ 20:9-19)

1 ቃሴ ኢስታስ ሌሚሶራ ዮቲሼ “ኢሳዴይ ባ ዎይኔ ሚሳ ቶኪዴስ። ኬላ ዩሺ አሲ ኬሊዴስ፤ ዎይኔ ሚሳ አይፌ ጉምዓና አላ ቦኪዴስ። ናጌ ኬሴካ ኬዲዴስ። ሄሳፌ ጎሻንቻታስ ኪራ ኢሚዲ ሃራ ዴሬ ቢዴስ። 2 ሚሳይ አይፊዛ ዎዴ ዎይኔ ሚሳ አይፌ ኤካዳ ያ ጊዲ አሽካራታፔ ኢሳዴ ጎሻንቻታኮ ዮዲዴስ። 3 ጎሻንቻቲ አሽካራዛ አይኪ ሾጨዲ ሙ ሚላ ኩሼ ዮዲዳ። 4 ናምዓንሶካ ሃራ አሽካራ ዮዲዴስ። ጎሻንቻቲ ሃዲካ አሽካራ አይኪዲ ኢዛስ ሁዔታራ ቆዲዲኔ ካወሺዲ ዛሪ ዮዲዳ። 5 ሃዲካ ዛሪዲ ሃራ አሽካራ ዮዲዴስ። ሄ ዮዶይሳካ ዎዲዳ፤ ሃራ ዳሮታ ጊዶፌ ኢሲ ኢሲ አሳታ ቆዲዳ፤ ባጋይታ ዎዲዳ።

6 “ሃዲካ ኪቶንታ አቲዛ ሃራይ ዴስ፤ ኢዚካ አዋይ ዶሲዛ ኢዛ ናዛ። ‘ታ ናዛ ኢስቲ ቦሳና’ ጊ ቆፒዲ ወርሴሳን ባ ናዛ ዮዲዴስ። 7 ጎሻንቻቲ ቃስ ባ ጊዶን ‘ሃይሲ ዋና ኢዛ ላታና ናዛ፤ ሃ ዩቲ ኑ ኢዛ ዎዲኮ ቢታይ ኑስ ጊዳና’ ጊዳ። 8 ሄሳ ጊሽ ሄን አይኪ ዎዲዲ ዎይኔ ሚሳያ ዲዛሶፔ ሃራሶ ኬሲ ዮጊዳ።

9 “ሂስቲን ዎይኔ ሚሳ ጎዳይ ኢንቴስ አይ አሳና ሚሳቲዜ? ኢዚ ያና፤ ጎሻንቻታካ ዎዳና፤ ዎይኔ ሚሳ ሃራታስ ኢማና። 10-11 ጊሻ ማፃፋን

ሹቻ ኬሴ ኬዲዛይቲ ሃኔና ጊዲ ዎራ ዮጊዳ ሹቻይ ኬሳ ማዛኔስ ቦላ ሁዔ ጊዲዴስ፤ ሄሳካ ጎዳይ አሲዴስ።

ሂሲካ ኑ አይፌስ ማላሊሲዛዝ ጌቲቲዲ ሃፌቲዳይሳ ናቤቢቤኬቲ?” ጊዴስ። \*\*

12 ኢዚ ኢስታስ ሌሚሶዛ ዮቲዳይ ኢስታ ጊሽ ጊዲዳይሳ አይሁዳ ሃላቃቲ ኤሪዳ ጊሽ ኢዛ አይካናስ ኮይዳ። ጊዶ አቲን አሳስ ባቢዳ ጊሽ አጊ ቢዳ።

**ጊራ ጊሽ ሸቂዳ አይሾ**  
(ማቶ 22:15-22፤ ሉቃ 20:20-26)

13 ዮሱሳ ዮፆን ቃፃና ማላ ፋርሳዌታፔኔ ሄርዶሳ ባጋታፔ ጉሳ አሳታ ዶሪዲ ኢዛኮ ዮዲዳ። 14 ኢስቲካ ኢዛኮ ዩዲ “አስታማሬ! ኔኒ ሞሮይ ባይንዳ አስ ጊዲዳይሳ ኑ ኤሮስ፤ ኔ አናስካ ባባዳ ዎርዶ ማዳካ፤ ያሳ አጌ ሃላላ ቱሙ ታማርሳሳ። አሮሜ ካዎ ቄሳሬስ ጊራ ቃንፃናስ ቤሲዜዮ? ቤሴኔ? ኑ ቃንፃናዮ? ቃንፃፊና?”

\* 11:17 ኢሳ 56:7፤ ኤር 7:11 \* 11:23 ማቶ 17:20፤ 1ቆሮ 13:2 \* 11:26 ኢሲ ኢሲ ጊሻ ማፃፋቲ ፓዶዶ 26 ቦላ ዲዛ ቆፋ ጉጂቲስ። \* 11:26 ማቶ 6:14-15 \* 12:10-11 ማዲዜኔ ሹቻይ፣ ቱሲ ኬሴ ናጊዛይሳ ማላ ሹቻ ኬሴ ኩንዶንታ ማላ ናጊዛይሳ። \* 12:10-11 ማዛ 118:22-23

15 ዮሱሲ ኢስታ አይሾይ ቆዴፍ ቆሞ ጊዲዳይሳ ካሪዲ “አዛስ ታና ቃፃና ኮዮቲ? አኔ ኢሲ ዲናሬ ሃሚቱ ታ ቤያይስ” ጊዴስ።

16 ኢስቲካ ሚሻ ኤሂን “ሃይሲ ኢዛ ቦላ ዲዛ ሚሲሌዚ እና ሚሲሌ? ኢዛ ቦላ ፃሬቲዳይሲ እና ጊዜ?” ጊዴስ። ኢስቲካ “ቁሳሬይሳኩ” ጊዳ። 17 ዮሱሲካ “ቁሳሬይሳ ቁሳሬስ፣ ያሳይሳ ያሳስ ኢሚቱ” ጊዴስ። ኢስቲካ ኢዛ ዛርን ማላሌቲዳ።

**ሃይቆፍ ዴንሳ ጊሽ ሺቂዳ አይሾ**  
(ማቶ 22:23-33፤ ሉቃ 20:27-40)

18 ሄሳፌ ጉዩ ሃይቂዳይታስ ሃይቆፍ ዴንሲ ባዋ ጊዛ ሳዱቃዌቲ ኢዛኮ ዩዲ ኢዛ ሂዝጊ አይቺዳ።

\* 19 “አስታማሬ! ኢሲ አሲ ማቾ ኤኪዲ ና ዩሎንታ ሃይቂኮ ሃይቂዳይሳ ኢሻይ ኢዛ ማቼዮ ኤኪዲ ኢዛስ ላታ ና ዩላና ማላ ካሴ ሙሴይ ኑስ ፃሬዴስ። \* 20 ጊዶ አቲን ላፑን ኢሻንቲ ዴቴስ፤ ኢስታሬ ባይራይ ማቾ ኤኪዲ ና ዩሎንታ ሃይቂዴስ። 21 ካሎዚ ሄ ማጫሳዮ ኤኪዲ ሃዲካ ና ዩሎንታ ሃይቂዴስ፤ ሄዳንሳይካ ዩሎንታ ሃይቂዴስ። 22 ላፑናቲካ ሄ ማጫሳዮ ኤኪዲ ላታ ዩሊቤቴና ወርሴሳን ማጫሳዮካ ሃይቃዱስ። 23 ሂስቲን ላፑናቲካ ኢዛ ኤኪዳሺን ሃይቆፍ ዴንዶይ ዲዛ ጊዲኮ ሃ ማጫሳዮ ኢስታሬ እና ማቾ ጊዳኔ?” ጊዳ።

24 ዮሱሲካ ኢስታስ “ኢንቴ ባሌቲዛይ ጊሻ ማፃታኔ ያሳ ዎልቃ ኤርንታ ጊሻሳ። 25 ሃይቂዳይቲ ዴንዲዛ ዎዴ ሳሎ ኪታንቻታ ማላ ጊዳና አቲን ኤኪቴቴናኔ ጊሌቴቴና። 26 ሃይቂዳይታ ዴንሳ ጊሻስ ጊዲኮ ሙሴ ማፃፃን ሄሲካ ቁሪ ዎራ ጊዶን ኤዪዛ ታማ ጊዶሬ ያሲ ‘ታኒ አብራሃሜ ያሳ፤ ዩሳቃ ያሳ፤ ያቆቤ ያሳ፤ ጊዛይሳ ናባቢቤኬቲ?’ \* 27 ያሲ ፓፃታ ያሳ አቲን ሃይቂሳታ ያሲ ጊዴና። ሄሳ ጊሽ ኢንቴ ዳር ባሌቲዴታ” ጊዴስ።

28 ኢስቲ ፓላማን ዲሺን ፃሬታፍ ኢሳዴይ ኢስታ ፓላማ ሲይዲኔ ዮሱሲ አይሼቲዳይሳስ ሎዔስ ዛሪዳይሳ አኬኪዲ “ኤር! አዛዞታፍ ኡባሬ አዲዛይ አዎይሴ?” ጊዲ አይቺዴስ።

29 ዮሱሲ ኢዛስ ሂዝጊዴስ “ኡባሬ አዲዛይ ሃይሳ ‘ኢስራዔሌ ሲያ! ጎዳ ያሲ ኢሲ ጎዳ፣ 30 ኔካ ጎዳ ኔ ያሳ ኔ ኩሜሳ ዎዝናፍ፣ ኔ ኩሜሳ ሽምፖሬ፣ ኔ ኩሜሳ ቆፋፍ፣ ኔ ኩሜሳ ዎልቃሬ ዶሳ፣’ 31 ናምፃንሳይካ ‘ኔ ላጌ ኔ ሁዔ ማላ ዶሳ’ ሃ ናምፃታፍ አዲዛ አዛዞይ ባዎ።” \* 32 ፃሬዚካ “አስታማሬ፣ ሎዎ ጋዳሳ፣ ‘ያሲ ኢሲኖ ጊዲዳይሳኔ ኢዛፍ ሃራይ ባይንዳይሳ’ ኔ ዮቲዳይሲ ሊኬ። \* 33 ኢዛ ኔ ኩሜሳ ዎዝናፍ ኔ ኩሜሳ ቆፋፍ ኔ ኩሜሳ ዎልቃሬ ዶሳይ ቃሴካ ኔ ላጌ ኔ ሁዔ ማላ ዶሳይ ፀጌቲዛ ያርሾሬኔ ሃራ ያርሾ ኡባሬ አዴስ” ጊዴስ። \* 34 ዮሱሲካ አዴዚ ዩሺ ቆፐዲ ዛሪዳይሳ ቤዩዲ “ኔኒ ያሳ ካዎቴሳሬ ሃሆን ዳካ” ጊዴስ። ሄሳሬ ጉዩ ኢዛ አይቻናስ ፃሊዳዴይ ቤቲቤና። \*

35 ዮሱሲ ያሳ ኬሴ ጋሳን ታማርሲሺ “ሙሴ ዎጋ ታማርሲዛይቲ አዛስ ‘ኪርስቶሳ ዳወቴ ና’ ጊዞ? 36 ዳወቴይ ፃሎ አያናን ሃሳዩሼ ‘ጎዳይ ታ ጎዳ ኔ ሞርኬታ ታ ኔ ቶሆ ጋርስ አሳና ጋካናስ ታ ኡሻቻን ኡታ ጊዴስ’ ጊስ። \* 37 ሂስቲን ዳወቴይ ባ ዱናራ ኢዛ ‘ጎዳ’ ጊኮ ዋኒዲ ሲሚ ኢዛስ ና ጊዳኔ?” ጊዴስ። ዳር ዴሬይካ ኢዚ ጊዛይሳ ኡፋይሳራ ሲዩዴስ።

38 ኢዚ ታማርሲሺ “ሙሴ ዎጋ ታማርሲዛይታፍ ናጌቲቴ፣ ጋዴራ ጎሼቲዛ አዱሳ ማይዎ ማይዲዲ ዩሽ ዩያና ዶሴቴስ፤ አዎንካ አዲ አዲ አሲ ኢስታስ ቦንቾ ሳርታ ኢማና ማላ ኮዩቴስ። 39 አይሁዳታ ዎሳ ኬሳን ዶቃሶ፣ ጊቢራሶካ ቦንቾሶ ኮዩቴስ። 40 ኢስቲ አዚናይ ባይንዳ ማጫሳ ኬሳ ካሎቴስ፤ ቃሴካ ባና ቤሳናስ አዱሳ ዎሳ ዎሴቴስ። ሃይታንቲ ኢታ ፐርዳ ፐርዴታና” ጊዴስ።

**አምዔይ ሙፁዋታ**  
(ሉቃ 21:1-4)

41 ዮሱሲካ አሳይ ሙፁዋታ ዩጊዛሶን ኡቲዲ ዳር አሳቲ ኢሚዛይሳ ያሳ ኬሳ ሚሻ ሺሺዛ ሳዪኔን ዩጊዛይሳ ፃሊዴስ። ዳር ዱሬቲ ዳር ሚሽ ዩጊዳ። 42 ኢሲ አዚናይ ባይንዳ አምዔ ዲዛራ ኢሲ ሲኪናሬ ዳርንታ ፃርቂማላ ቢራታፍ አሴቲዳ ናምዑ ሚሽ ዩጋዱስ። 43 ዮሱሲ ባና ካሊዛይታ ፃይጊዲ “ታ ኢንቴስ ቴሙ ጋይስ፤ ሳዪኔዛን ዩጊዳ ኡባሬ ሃና ማንቆ አምዔያ አዴስ ዩጋዱስ። 44 ሃይቲ ወሪ ባስ ዲዛ ቲርፓ ሚሻሬ ዩጊዳሺን ሃና ቃሴ ባ ማንቆቴሳሬ ባስ ዲዛይሳ ሲንሳሬ ኢዞ ኮሺዛይሳራ ወርሳ ኢማዱስ” ጊዴስ።

**ያሳ ኬሴ ላሌታናይሳ ዮሱሲ ካሴቲዲ ዮቲዴስ**  
(ማቶ 24:1-2፤ ሉቃ 21:5-6)

1 ኢዚ ያሳ ኬሳሬ ኬዚሺን ኢዛ ካሊዛይታፍ ኢሶይ “አስታማሬ! ሃይሲ ኬሳይኔ ኬሳይ ኬዪቲዳ ሹቻይ አይ ማላ ሎዒዛኮኔ ሃይሳ ቤያይ?” ጊዴስ። 2 ዮሱሲካ ዛሪዲ “ሃይታ ጊታ ኬሳታ ፃላይ? ሹቻቲ ኢሶይ ኢሳ ቦላ ዲዛ ማላ ዴቴና፤ ወሪካ ላሌታና” ጊዴስ።

**ዎዴ ወርሴሳ ማላታታ**  
(ማቶ 24:3-14፤ ሉቃ 21:7-19)

\* 12:18 ሃዎ 23:8 \* 12:19 ዛሬ 25:5 \* 12:26 ኬሳ 3:6 \* 12:31 ሌዌ 19:18 \* 12:32 ዛሬ 4:35 \* 12:33 ሆሴ 6:6 \* 12:34 ሉቃ 10:25-28 \* 12:36 ማዛ 110:1



3 ዮሱሲ ያሳ ኬሳ ጊናራ ዳብራዛይቲ ዙማ ቦላ ኡቲዲሺን ጴጥሮሲ፣ ያቆቢ፣ ዮሃንሲኔ ኢንዲራሲ ሃላ ኢዛኮ ሸቂዲ፣ 4 “ሃይሲ አይዴ ሃናናኮኔ ኑስ ዮታ። ሃይሲ ወርሴሳን ፖሌታናስ ማላታይ አዜ?” ጊ አይቺዳ።

5 ዮሱሲካ ኢስታስ “አኒካ ኢንቴና ባሌሶንታ ማላ ናጌቲቲ። 6 ቡሮ ዳሮቲ ‘ታ ኪርስቶሳ’ ጊሼ ታ ሱንሳን ያና፤ ዳሮታካ ባሌሳና። 7 ኢንቴ አላኔ አላ ዎሬ ሲዬዛ ዎዴ ዳጋሞፍቲ። ሄሲ ሃናናይሲ አቲና። ወርሴሲ ጊዲኮ ቡሮና። 8 ዴሬይ ዴሬ ቦላ ካዎይ ካዎ ቦላ ዴንዳና፣ ዳሮሶን ቢታ ቃሊኔ ኮሻይ ሃናና፤ ሄይቲ ወሪ ሚፃስ ሌሶ ማላ።

9 “ኢንቴ ኢንቴስ ናጌቲቲ። ቡሮ ኢንቴና ዴሬ ዱላታን አሲ ኢማና። ኢስቲ ኢንቴና አይሁዳታ ዎሳ ኬሳን ጋራፋና። ኢንቴ ታ ማርካታ ጊዳና ማላ ታ ጊሽ ዴሬ ዳናታ ሲንሳኒኔ ካዎታ ሲንሳን ኤቃና። 10 ኮይሮቲዲ ሚሺራቾ ቃላይ ዴሬ ኡባስ ሳባኬታና ቤሴስ። 11 ኢንቴ አይኬቲዲ ፐርዳስ ሸቂዛ ዎዴ ሂና ሄ ሳቴዩን ኢንቴስ ኢሜቲዛሮ ሃሳዩቲ አቲን ቢዲ ኑ አይ ጊኖ? ጊዲ ካሴቲ ሂርጎፍቲ። ሃሳያናይ ሂሎ አያናፕ አቲን ኢንቴና ጊዴኬታ። \*

12 “ኢሻይ ኢሻ፣ አዋይ ባ ና ሃይቆስ አሲ ኢማና፤ ናይቲ ባና ዩሊዳይታ ቦላ ማካላናኔ ዎዳና። 13 ታ ጌዶን ኢንቴ አሳ ኡባን ኢጼቲዳይታ ጊዳና። ወርሴስ ጋካናስ ሚኒ ኤቂዳዴይ ጊዲኮ አታና። \*

**ዮሩሳሌም ቦላ ጋካና ጊታ ሜቶ**  
(ማቶ 24:15-21፤ ሉቃ 21:20-24)

14 “ኢንቴ ሃራሲዛ ቱናቴሲ ኢዛስ ቤሶንታሶን ኤቂዳሼ ቤይኮ ናባቢዛዴይ ዎዝናን ዎሶ፤ ዩሁዳን ዲዛይቲ ፑዴ ዙማ ቦላ ባቃቴቶ። \* 15 ኬሳ ካሬን ዲዛዴይ ሶ ጌሎፖ፤ ባ ሚሽ ኬሳና ጊዲ ኬሴ ጌሎፖ። 16 ጎሻሶን ዲዛዴይ ባ ማይዎ ኤካናስ ጉዩ ሲሞሮ። \* 17 ሄ ጋላሳታን ሻራ ማጫሳታሲኔ ና ዳንሲዛይታስ አዩ-አና! 18 ሄሲካ ባልጎን ጊዶንታ ማላ ዎሴ ዎሲቲ። 19 ኮይሮ ዎሲ ሜዴቴሳ ወርሲ ሜዶሶፕ ሃዲ ጋካናስ ዎይኮ ሃይሳፌ ጉዩ ኢዛ ሚሳቲዛይ ባይንዳ ጊታ ሜቶይ ሃናና። \* 20 ጎዳይ ሄ ጋላሳታ ቃንሶንታኮ አኒካ አቲና ሺን ባሲ ዶሬቲዳይታ ጊሽ ሄ ጋላሳታ ቃንሲዴስ።

21 “ሄ ዎዴ አኒካ ሄኮ ኪርስቶሲ ሃይሳን ዴስ፤ ጊኮ ዎይኮ ሄኮ ሄን ዴስ ጊኮ አማናፕቲ። 22 ዎርዶ ኪርስቶሳቲኔ ዎርዶ ናቤቲ ቡሮ ዴንዲዲ ማላታታኔ ካሴ ሃኒ ኤሮንታ ፓላ ሚሽ አሳና። ኢስታስ ዳንዳዩቲኮ ሃራይ አቶ ሺን ዶሬቲዳይታካ ባሌሳና። 23 ሄሳ ጊሽ ናጌቲቲ፤ ሄ ዎዴይ ጋኮንታ ዲሺን ሃራ ሃይሳ ወርሳ ታ ኢንቴስ ዮታዲስ።

**ኪርስቶሳ ናምዳንሶ ዩስ**  
(ማቶ 24:29-31፤ ሉቃ 21:25-28)

24 “ሄ ዎዴ ሄ ሜቶዛፕ ካሊዲ አዋ አርሼይ ዱማና፤ አጊናይካ ፖዑሱኩ። 25 ዎሊንቴቲ ሳሎፕ ቆቆፌታና፣ ሳሎን ዲዛ ዎልቃማቲ ቃፃና። \* 26 ሄ ዎዴ አሳ ናይ ጊታ ዎልቃራኔ ቦንቾራ ሳሎ ሻራራ ዩሺን አሳይ ኢዛ ቤያና። \* 27 ኢዚካ ኪታንቻታ ዩዲዲ አይዱ ባጋፌ ቢታ ጋፕፕ ጋፃ ጋካናስ ዲዛ ባስ ዶሬቲዳይታ ሺሻና።

**ባላሴ ሚሳይ ሌሚሶ**  
(ማቶ 24:32-35፤ ሉቃ 21:29-33)

28 “ሌሚሶዛ ባላሴ ሚሳፌ ታማራቲ። ኡንቁሎይ ጨሊሊዛ ዎዴ ሃይሲ ኬሲሺን ቦኔይ ማቲዳይሳ ኢንቴ ኤሬታ። \* 29 ሄሳሶካ ሃይቲ ታ ጊዳይቲ ፖሌቲሺን ኢንቴ ቤይኮ ዎዴይ ማቲ ዩዲ ፔንጌ ጋኪዳይሳ ኤሬቲ። 30 ታ ኢንቴስ ቱሙ ጋይስ፤ ሃ ዮቶቲ ፖሌታና ጋካናስ ሃይሲ ሃ ዩሌታይ አዴና። 31 ሳሎይኔ ሳዓይ አዳና ሺን ታ ቃላይ ጊዲኮ አዴና።

**ጎዳይ ያና ጋላሳዮኔ ሳቴዮ አኒካ ኤሬና**  
(ማቶ 24:36-44)

32 “ቃሴ ሄ ጋላሳይ ጊሽ ዎይኮ ሄ ሳቴይ ጊሽ ታ አዋፕ አቲን ሳሎ ኪታንቻታ ጊዲንካ ናዛ ጊዲንካ አኒካ ኤሬና። 33 ሄሳ ጊሽ ዎዴይ አይዴኮኔ ኢንቴ ኤሮንታ ጊሽ ናጌቲቲ፣ ሚኒቲኔ ዎሲቲ። 34 ሄሲካ ባ ኬሴ አሽካራታስ አጊዲ አሽካራታ ኢሳ ኢሳ አሶ አይሲዲ ፔንጌ ናጊዛይሲ ቤጊዲ ናጋና ማላ አዛዚዲ ቢዳ አሳ ሚሳቴስ። \*

35 “ሂስቲኮ ኬሳ አዋይ አይዴ ያናኮኔ ዎይኮ ቃማ ሌላ ጊዶስ ያናኮኔ ዎይኮ ኮይሮ ኩቶይ ባቂሺን ያናኮኔ ዎይኮ ዎንታ ቦላ ባዞይ ዞዲሺን ያናኮ ኢንቴ ኤሮንታ ጊሽ ቤጊዲ ናጊቲ። 36 ኢንቴ ቆፖንታ ዲሺን ኢዚ ዩዲ ኢንቴ ዲስኪዲሺን ኢንቴና ዴሞሮ።

37 “ታ ኢንቴስ ዮቲዛይሳ አሳ ኡባስ ዮታይስ፤ ሚኒዲ ናጊቲ! ጋይስ” ጊዴስ።

\* 13:11 ማቶ 10:17-20 \* 13:13 ማቶ 10:22 \* 13:14 ዳኔ 9:27፤ 11:31፤ 12:11 \* 13:16 ሉቃ 17:31 \* 13:19 ዳኔ 12:1፤ አጁ 7:14 \* 13:25 ኢሳ 34:4፤ አጁ 6:13፤ ኢዩ 2:10 \* 13:26 ዳኔ 7:13፤ አጁ 1:7 \* 13:28 ሃይሲ ሃ ቆፋይ ቤሲዛይሲ ኢስታ ዴሬን ዲዛ ሚሳቲ አጠዛይኔ ሃይሳቲ ጨሊሊዛይ ቦኔ ጊዲዳይሳ ቤሳና። \* 13:34 ሉቃ 12:36-38

14

አሳይ ዮሱሳ ዎዳናስ ማቄቲዴስ

(ማቶ 26:1-5፤ ሉቃ 22:1-2፤ ዮሃ 11:45-53)

1 ፓዚጋኔ ኡኬላ ሙሳ ባዓሌ ጋላሳይ ቦንቼታናስ ናምዑ ጋላሲ አቲሺን ቄሴታ ሃላቃቲኔ ሙሴ ዎጋ ታማርሲዛይቲ ዮሱሳ ባሌሲ አይኪዲ ዎዳና ኦጌ ኮይዳ። \* 2 ጊዶ አቲን “አሳይ ሜቶ ሜዶንታ ማላ ባዓሌ ጋላሳታን ጊዶ።” ጊዳ።

3 ኢዚ ቢታኒያ ጌቲቲዛ ሶን ኢሲ ኢንቺራቻ ሃርጋንቻ ጊዲዳ ሲሞና ሶን ቁማ ቦላ ዲሺን ዋጋይ ዳር አልዎ ጊዲዳ ናርዶሴ ጌቲቲዛ ሺቶይ ኩሚ ኡቲዳ አልባስባርሴ ቢልቃዔ አይኪዳ ኢሲ ማጫሳያ ቢልቃዔ ሜንሳዳ ሺቶዛ ዮሱሳ ሁዔ ቦላ ጉሳዳስ። \*

4 ሄን ጋዳን ዲዛ አሳታፕ ኢሲ ኢሲ አሳቲ “ሃይሲ ሺቶዚ አዛስ ዎጋይ ባይንዳ ጉኪዜ?” ጊዲ ባ ጊዶን ሃንቄቲዳ። 5 “ሺቶዚ ባይዞ ባይዚዳኮ ሄቸ ዔቱ ዲናሬፕ ቦላራ ባይዜቲዲ ማንቆታስ ኢሜቲኔሺን” ጊዲ ማጫሳያ ካዲዳ። \*

6 ጊዶ አቲን ዮሱሲ ኢስታስ “አጊቱ! ሃና ማጫሳዮ አዛስ ዋይሴቲ? ኢዛ ታስ ሎዎ ሚሽ አሳዳስ።

7 ማንቆቲ አይ ዎዴካ ኢንቴናራ ዴቴስ። ኢንቴ ኮይዳ ዎዴ አይዴካ ኢስታ ማዳናስ ዳንዳዬታ ሺን ታ ጊዲኮ ኡባ ዎዴ ኢንቴናራ ዲኬ። \* 8 ሃና ባ አሳናስ ዳንዳዩዛሪ ኬና አሳዳስ። ታስ ሞንስ ጊዳና ማላ ታ አሾ ካሴታ ቲያዳስ። 9 ታ ኢንቴስ ቱሙ ጋይስ፤ ሃይሲ ሚሺራቾ ቃላይ አላሜ ኩሜሳን ሳባኬቲዛሶን አዋንካ ኢዛ አሲዳይሲ ኢዞ ሃሳዲሲዛዝ ጊዲዲ ሃሳዬታና” ጊዴስ።

ዮሱዳይ ዮሱሳ አሲ ኢማናስ ጊጊዴስ

(ማቶ 26:14-16፤ ሉቃ 22:3-6)

10 ሄሳፌ ጉዬ ታማኔ ናምዳታፕ ኢሶይ አስቆሮንቶ ዮሱዳይ ዮሱሳ አሲ ኢማናስ ቄሴታ ሃላቃታኮ ቢዴስ። 11 ኢስቲካ ሄሳ ሲይዲ ኡፋዬቲዳ፤ ኢዛስ ሚሼ ኢማናስ ኢዛራ ጊጊዳ። ሄሳ ጊሽ ዮሱሳ አሲ ኢማናስ ኢንጄ ዎዴ ናጊሼ ጋምዲዴስ።

12 ፓዚጋ ዶርሲ ሹኬቲዛ ኡኬላ ሙሳ ቦንቼዛ ኮይሮ ጋላስ ዮሱሳ ካሊዛይቲ ዮሱሳኮ ሺቄዲ “ፓዚጋ ካዎ ማናሶ አዋን ጊጊሳና ማላ ኮይዳ?” ጊ አይቺዳ።

13 ኢዚካ ባና ካሊዛይታፕ ናምዳታ “ጌዴ ካታማ ቢቴ፤ ኢንቴ ቢሺን ሃሴ አቶራ ቶኪዳ ኢሳዴይ ኢንቴናራ ጋጋና። 14 ኢዚ ቢዲ ጌሊዛሶ ጋካናስ ኢዛ ካሊቴ። ኬሳዴዛስ ‘አስታማሬይ ኔና ታና ካሊዛይታራ ፓዚጋ ካዎ ማናስ ታስ ጊዲዛ ኢማላ ሽምፖሶይ አዋይሴ? ጊዴስ’ ጊቴ። 15 ኢዚካ ቦላ ፖቄ ቦላ ዲዛ ጊጊ ኡቲዳ አሆ ሶ ኢንቴና ቤሳና፤ ሄን ኢዛን ጊጊሲቴ” ጊ ኪቲዴስ።

16 ኢዛ ካሊዛይቲካ ኬዚዲ ጌዴ ካታማ ቢዳ። ወሪካ ዮሱሲ ጊዳ ማላ ሃኒ ቤቲዴስ፤ ፓዚጋካ ሄን ጊጊሲዳ።

17 ጋዴይ ቃሚሺን ዮሱሲ ባና ካሊዛ ታማኔ ናምዳታራ ጋኪዴስ። 18 ኢስቲ ማዳን ዲሺን “ታ ኢንቴስ ቱሙ ጋይስ፤ ኢንቴ ጊዶፌ ኢሶይ ኢዚካ ታናራ ኢሲፌ ሚዛይሲ ታና አሲ ኢማና” ጊዴስ። \*

19 ኢስቲካ ሙዞቲዲ “ታኔሻ? ታኔሻ?” ጊዲ ኢሶይ ኢሶይ ዮሱሳ አይቺዳ።

20 ኢዚካ ኢስታስ “ታማኔ ናምዳታፕ ኢሶይ ታናራ ባ ኩሼ ኬሬን ዮዲዛዴ። 21 ካሴ ዓፌቲዳ ማላ አሳ ናይ ኢዛ ጊሽ ሃይቃና ሺን አሳ ና አሲ ኢሚዛዴስ አዬ-አና! ሄሳዴይ ካሴ ዮሌቶንታ አጊዳኮ ኢዛስ ሎዎኮሺን!” ጊዴስ።

ጎዳ ካዎ ኤኮ ዎጋ

(ማቶ 26:26-30፤ ሉቃ 22:14-23፤ 1ቆሮ 11:23-25)

22 ኢስቲ ሚሺን ኡኬላ ኤኪ አንጂዲኔ ሜንሲዲ ባና ካሊዛይታስ “ሃይሳ ታ አሾ ሄይቴ” ጊ ኢሚዴስ።

23 ኡሻካ ዴንሲ ጋላቲዲ ኢስታስ ኢሚን ኢስቲ ወሪካ ኡዬዳ። 24 ቃሴ ዮሱሲ “ሃይሲ ዳሮታ ጊሽ ጉካና ታ አራሳ ጫቆ ሱሳ። \* 25 ታ ኢንቴስ ቱሙ ጋይስ፤ አራሳ ዎይኔፕ ጊጊዳ ኡሻ ዶሳ ካዎቴሳን ታ ኡያና ዎዴ ጋካናስ ናምዳንሶ ሃይሳ ኡዬኬ” ጊዴስ።

26 ሄሳፌ ጉዬ ማዛሙሬ ኢሲፌ ዮዲዲ ፑዴ ዳብራዛይቴ ዙማ ቦላ ኬዚዳ።

27 ዮሱሲ “ታ ሄሚዛይሳ ሾጫና ሄ ዎዴ ኢዛ ዶርሳቲ ላሌታና” ጌቲቲ ዓፌቲዳይሳ ማላ ኢንቴ ወሪካ ታናን ዱዲታና። \* 28 ታ ዴንዲዳይሳፌ ጉዬ ጊዲኮ ታ ኢንቴፌ ካሴታዳ ጋሊላ ባና” ጊዴስ። \*

29 ጴፅሮሲካ “አሳይ ወሪ ዱዲቲኮካ ታኒ ዱዲቲኬ!” ጊዴስ።

30 ዮሱሲካ “ታ ኔስ ቱሙ ጋይስ፤ ሃቺ ቃማ ኩቶይ ናምዑቶ ዋሳና ጋካናስ ኔኒ ታና ሄቸቶ ካዳና” ጊዴስ።

31 ጴፅሮሲ ቃስ “ታ ኔናራ ሃይቂዛኮካ ሙሌካ ኔና ካዲኬ” ጊዲ ኬሂ ሚንሲ ዮቲዴስ። ሃንኮይቲካ ወሪ ኢዛይሳሶ ጊዳ።

ዮሱሲ ጌቲሴማኔን ዎሲዴስ

(ማቶ 26:36-46፤ ሉቃ 22:39-46)

\* 14:1 ኬሳ 12:1-27 \* 14:3 ሉቃ 7:37-38 \* 14:5 300 ዲናሬይ ጉሲ ቤኒ ዎዴ አሳስ ላይሳ ዳሞዛ። \* 14:7 ዛሬ 15:11 \* 14:18 ማዛ 41:9 \* 14:24 ኬሳ 24:8፤ ኤር 31:31-34 \* 14:27 ዛካ 13:7 \* 14:28 ማቶ 28:16

32 ሄሳፌ ጉዩ ጌቴሴማኔ ጌቴቴዛሶ ቢዳ ዩሱሲካ ባና ካሊዛይታ “ታኒ ዎሲሺን ኢንቴ ሃይሳን ጋምሲሺቴ” ጊደስ። 33 ጴጥሮሳ፣ ያቆቤኔ ዮሃንሳ ባናራ ኤኪ ቢደስ። ኬሂ ቆፕደሴኔ ሜቶቴደስ።

34 ቃሴካ ኢስታስ “ታ ሽምፖ ያሮ ሜቶታዱስ ኢንቴ ሃን ዲሺቴ። ዲስኮንታ ናጊቴ” ጊደስ።

35 ኢስታ አቻፌ ጉሳ ጊደ ፖቂዲ ቢታ ቦላ ጉፋኒዲ ሃንኮ ሄ ሳቴያ ኢዛፕ አዳና ማላ ዎሲደስ።

36 “ታ አዋወ! ኔስ ወሪ ዳንዳዩቴስ፤ ሃይሳ ዋዩ ፀዓ ታፕ ሃሳ። ጊዲኮካ ኔ ሽኔፕ አቴን ታ ሽኔይ ሃናፖ” ጊደስ።

37 ኢዚ ሄፕ ሲሚ ዩሺን ኢዛ ካሊዛይቲ ዲሲኪዳይታ ቤዩደስ። ጴጥሮሳካ “ሲዋና ዲስካዲ? ሃራይ አቶ ሺን ኢሲ ሳቴካ ሚናዳ ናንይ ኔና ያኒይ? 38 ኢንቴ ፓጩን ጌሎንታ ማላ ቤጊዲ ዎሲቴኔ ሚኒቴ። አያናይ ጊጌቴ ኡቴደስ ሺን አሾይ ጊዲኮ ዳቡራንቻ” ጊደስ።

39 ቃሴካ ቢዲ ኮይርደሳሶ ዎሲደስ። 40 ኢዚ ናምዓንሶ ሲሚ ዩሺን ኢስታ አይፌን ዲስኮይ ደዒን ዲስኪዳይታ ደሚደስ ሺን ኢስቲ ኢዛስ አይ ዛራናኮኔ ኤሪቤቴና።

41 ሄዳንሶ ዩዲ “ሃሲካ ኢንቴ ኢቺዲ ሽምፕቴ? ሃሲ ጊዳና፣ ሳቴያካ ጋካዱስ፤ ሄኮ አሳ ናይ ናጋራንቻታ ኩሺን አዲ ኢሜታና። 42 አኔ ኤቂቴ ቦስ፤ ታና አሲ ኢማናደይ ዩደስ” ጊደስ።

**ዩሱሲ አይኬቴደሴኔ አዲ ኢሜቴደስ**

(ማቶ 26:47-56፤ ሉቃ 22:47-53፤ ዮሃ 18:3-12)

43 ዩሱሲ ቡሮ ሃሳያን ዲሺን ታማኔ ናምዓታፕ ኢሶይ ዩሁዳይ ዩደስ። ኢዛራ ኢሲፌ ቄሴ ሃላቃታፕቴ ሙሴ ዎጋ ታማርሲዛይታፕ ኪቴቴዳ ያሮ አሳይ ጊላ ማሻኔ ዱርቃ አይኪዲ ዩደስ።

44 ኢዛ አሲ ኢማና ዩሁዳይ ኢስታስ “አሳ ጊደፌ ታ ዩሪዛደይ ኢዛ ጊዲዳ ጊሻስ አይኪዲ ሎዔሲ ናጊ ኤፊቴ” ጊዲ ካሴቴ ማላታ ኢሚ ዎሲደስ።

45 ጋኪዳ ማላ ዩሁዳይ ዩሱሳኮ ሸቂዲ “አስታማሬ!” ጊዲ ዩሪደስ። 46 አሳቴካ ዩሱሳ አይኪዳ።

47 ኢዛ አቻን ኤቂዳ ኢሶይ ማሻ ኮሆፕ ሾዲ ቄሴታ ሃላቃ አሽካራ ሃይሳ ቃንዲደስ። 48 ዩሱሲካ ኢስታስ “ፓንጋ ማላ ታና አይካና ማሻኔ ዱርቃ አይኪዲ ዩቴ? 49 ዎንቴን ዎንቴን ያሳ ኬሳን ታማርሳሼ ታ ኢንቴናራ ዲሺን አይኪቤኬታ ሺን ካሴ ዓፌቴዳይሲ ፖሌታና ማላ ሃይሲ ሃኒደስ” ጊደስ። \*

50 ሄሳ ዎደ ኢዛ ካሊዛይቲ ወሪ ኢዛ ዩጊ አጊ ቢዳ። 51 ባ ካሎቴስ ቀሪ ናፃላን ካሚዳ ኢሲ ናይ ዩሱሳ ካሊሺን አሳይ ኢዛ አይኪን። 52 ናዚ ናፃላ ዩጊዲ ካሎ ኪቺደስ።

**ዩሱሳ ፐርዳ ዱላታኮ ሸሺዳ**

(ማቶ 26:57-68፤ ሉቃ 22:54-55፤ 63-71፤ ዮሃ 18:13-14፤ 19-24)

53 ዩሱሳካ ጊደ ቄሴታ ሃላቃኮ ኤፊዳ። ቄሴታ ሃላቃቴ፣ ደሬ ጨማቴኔ ሙሴ ዎጋ ታማርሲዛይቲ ሄን ኢሲፌ ወሪ ሸቂዳ። 54 ጴጥሮሲካ ዩሱሳ ሃሆራ ካሊሺ ቄሴታ ሃላቃ ጊቤ ጋካናስ ቢደስ። ኢዚ ሄን ኡቴዲ ሃራ አሳታራ ታማ ሆሲሺን፤ 55 ቄሴታ ሃላቃቴኔ ደሬ ጨማቴ ወሪ ዩሱሳ ዎዳናስ ማርካታና አስ ኮይዳ ሺን ደማናስ ዳንዳዩቤቴና። 56 ዳሮቴ ኢዛ ቦላ ዎርዶራ ማርካቴኮካ ማርካታ ቃላይ አይኬቴቤና።

57 ኢሲ ኢሲ ማርካቴ ደንዲዲ ዎርዶራ፤ 58 “ሃይሲ አደዚ ‘ታ አሳ ኩሺን ኬዔቴዳ ያሳ ኬላ ላላዳ አሳ ኩሺይ ቦቾንታዝ ሃራ ያሳ ኬላ ሄዥ ጋላሳራ ታ ኬፃና’ ጊሺን ኑ ሲዩደስ” ጊ ማርካቴዳ።

\* 59 ጊዶ አቴን ኢስታ ማርካቴሲ ኢሲ ቦላ ዎዲቤና።

60 ቄሴታ ሃላቃይካ ኢስታ ሲንሳን ኤቂዲ “ሃይቴ ኔ ቦላ ማርካቴዛይሲ አዜ? ኔ አዛስ ዱና ዛሪኪ?” ጊዲ ዩሱሳ አይቺደስ።

61 ጊዶ አቴን ዩሱሲ ኢስታስ አይኮካ ዛርንታ ጮሁ ጊደስ። ቄሴታ ሃላቃይ ቃሴካ “አንጄቴዳ ያሳ ናይ ኪርስቶሲ ኔኔ?” ጊ አይቺደስ።

62 ዩሱሲካ ዛሪዲ “ኤ፤ ታናኮ! አሳ ናይ ዎልቃማ ያሳ ኡሻቻን ኡቴሺኔኔ ሳሎ ሻራራ ዩሺን ኢንቴ ኢዛ ቤያና” ጊደስ። \*

63 ቄሴታ ሃላቃይ ባ ማይዎ ዳኪዲ “ኑስ ሃራ አዛ ማርካ ኮሺዜ? 64 ኢዚ ጫሻ ቃላ ያሳ ቦላ ሃሳይሺን ኢንቴ ሲዩደስ፤ ሃሲቸ ኢንቴስ አይ ሚሳቴዜ?” ጊደስ። ኢስቲካ “ኢዛስ ሃይቆይ ቤሴስ” ጊዲ ወሪካ ኢሲ ቃላን ፐርዲዳ። \*

65 ሄሳ ዎደ ኢሲ ኢሲ አሳቴ ኢዛ ቦላ ጩቸ ጩቴዳ፤ ኢዛ አይፌ ጎዚ አይኪዲ ኢጨሼ “አኔ ቴንቤቴ ዮታ” ጊዳ። ባጋይቴ ቃሴ ሻጋላን ባቂሼ ኤፊዳ።

**ጴጥሮሲ ዩሱሳ ካዲደስ**

(ማቶ 26:69-75፤ ሉቃ 22:56-62፤ ዮሃ 18:15-18፤ 25-27)

66 ጴጥሮሲ ዱጌ ባጋራ ሄን ጊቤ ጊዶን ዲሺን ቄሴታ ሃላቃ ጋራደታፕ ኢሲኒያ ያዱስ። 67 ጴጥሮሲ ታማ ሆሲሺን ቴሺ ሂስታ ያላዳ “ኔኔ ናዚሬቴ ዩሱሳራ ዳሳ ጊዲኪ?” ጋዱስ።

68 ኢዚ ቃስ “ኔ ጊዛይሳዴ ታ ኤሪኬ፤ ኔ ጊዝይሲ ታስ ጌሌና” ጊዲ ካዲደስ። ሄሳፌ ጌዴ ፔንጌ ፖቂ ኤቂ ዲሺን ሄራካ ኩቶይ ዋሲደስ።

69 ሄ ጋራደያ ኢዛ ቤዩዳ ማላ ሄን ኤቂዳ አሳታስ “ሃይሲ አደዚ ኢዛራ ዲዛ አሳታፕ ኢሳደኮ!” ጋዳ ቃሴካ ሃሳያዱስ። 70 ኢዚ ቃሴካ ካዲደስ። ጉሳ ዎደ ጋምሲሺን ሄን ኤቂዳ አሳቴ ጴጥሮሳ “ኔኔ ጋሊላ አሳ፣ ሄሳ ጊሻ ቴማፕ ኔ ኢስታፌ ኢሳዴ” ጊዳ።

71 ጊዶ አቴን ኢዚ ቃስ “ኢንቴ ጊዛዴ ታ ኤሪኬ!” ጊሼ ጫቆኔ ባና ቃንጌስ አይኪደስ።

\* 14:49 ሉቃ 19:47፤ 21:37 \* 14:58 ዮሃ 2:19 \* 14:62 ዳኔ 7:13 \* 14:64 ሉቁ 24:16

72 ሄራካ ኩቶይ ናምዓንሶ ዋሲደስ። ጳጳሮሲካ “ኩቶይ ናምዓ ዋሳናስ ኔ ታና ሄቫ ካዳና” ጊዳ ዩሱሳ ቃላይ ኢዛስ ቆሬቲን ሂቂሚዲ ዩኪደስ።

15

ዩሱሳ ጲላሶሳኮ ኤፊዳ

(ግቶ 27:1-2፣ 11-14፤ ሉቃ 23:1-5፤ ዮሃ 18:28-38)

1 ግላዶ ዎንታራ ቁሴታ ሃላቃቲ፣ ደሬ ጨማቲኔ ሙሴ ዎጋ ታማርሲዛይቲ ኩሜሳ ሻንጎ አላፊታራ ኢሲፌ ዞሬቲዲ ዩሱሳ ቃቺ ኤኪ ኤፊዲ ጲላሶሳኮ አሲ ኢሚዳ።

2 ጲላሶሳካ ዩሱሳ “ኔ አይሁዳታ ካዎ?” ጊ አይቺደስ። ዩሱሳካ “ኤ፣ ኔ ጊዳ ማላ” ጊዲ ኢዛስ ዛሪደስ።

3 ቁሴታ ሃላቃቲካ ዳሮ ዮሶ ኢዛ ቦላ ሸሸ ሞቲዳ። 4 ጲላሶሳ ቃስ “ኔ አዛስ አይሻ ዛሪኪ? ሄኮ ኔና ዳሮ ዮሶን ሞቲቲስ” ጊዲ ቃሴካ አይቺደስ።

5 ጊዶ አቲን ዩሱሳ ሃዲካ ኢዛስ አይኮካ ዛሮ ኢሞንታ ጊሽ ጲላሶሳካ ማላቤቲደስ።

6 ፓዚጋ ባዓሌ ጋላስ ጲላሶሳ ደሬይ ቢርሻና ማላ አይቺዳደ ቢርሻ ዩዲዛ ዎጋይ ካሴ ደስ።

7 ኢታ አሶን ደሬ ቦላ ደንዲዲ ሸምፖ ዎዲዳ አሳታራ ኢሲፌ ቃሸቲዳ ባርባኔ ጌቲቲዛ ኢሳደይ ደስ። 8 ደሬይካ ዩዲ ካሴ ሎሴ ጊዲዳይሳ ኢዚ አሳና ማላ ጲላሶሳ ዎሲደስ።

9 ጲላሶሳካ ኢስታስ “ታ ኢንቲስ አይሁዳ ካዎ ቢርሻና ማላ ኮቶቲ?” ጊ አይቺደስ። 10 ጲላሶሳ ሄሳሶ አይቺዳይ ካሴ ቁሴታ ሃላቃቲ ዩሱሳ ቃናቲን አሲ ኢሚዳይሳ ኤሪዛ ጊሻሳ።

11 ቁሴታ ሃላቃቲ ቃስ “ኢዛ ኤፃ ባርባኔይ ቢርሻቶ!” ጊ አይቻና ማላ ደሬዛ ደንፊሲዳ። 12 ጲላሶሳ “ሂስቲኮ ኢንቲ አይሁዳ ካዎ ጊዛ አደዛ ዎስታና ማላ ኮቶቲ” ጊደስ።

13 ኢስቲ ቃሴካ “ካቃ! ካቃ!” ጊ ዋሲዳ።

14 ጲላሶሳካ “አይ ኢታ አሲደ?” ጊ ኢስታ አይቺደስ። ኢስቲ ቃስ “ካቃ! ካቃ!” ጊዲ ካሴፕ አሲ ዋሲዳ።

15 ጲላሶሳካ ደሬዛ ኡፋይሳና ጊዲ ባርባኔ ኢስታስ ቢርሻደስ። ዩሱሳ ጋራሬዲ ካቃናስ አሲ ኢሚደስ።

ዎታዳራቲ ዩሱሳ ቦላ ቂሊጨዳ

(ግቶ 27:27-30፤ ዮሃ 19:2-3)

16 ዎታዳራቲ ዩሱሳ ደሬ ሃሪዛይሳ ጊቤ ኤኪ ቢዲ አቲዳ ዎታዳራታ ወርሲ ሸሸዳ። 17 ዩሱሳ ዞሶ ማይሶ ማይዚዳ፤ አጉንሳ አክሊሌ ፃዲ ኢዛ ሁዔን ዎሲዳ። 18 ሄሳሬካ “አይሁዳ ካዎ ሳርይ ኔስ ጊዶ!” ጊሽ ኢዛ ሳርሲዳ። 19 ኢዛ ሁዔ ጉፊራ ሾጨዳ፤ ኢዛ ቦላካ ጩቲዳ ጉልባቲዲ ኢዛስ ጎይኒዳ። 20 ኢዛ ቦላ ቂዲ ካዲዳፕ ጉቶ ካሴ ማይዚዳ ዞሶ ማይሶዛ ቃሪ ኤኪዲ ካሴ ኢዛ ማይሶዛ ዛሪ ማይዚዲ ካቃናስ ኤኪ ቢዳ።

ዩሱሳ ካቂቲስ

(ግቶ 27:31-44፤ ሉቃ 23:27-43፤ ዮሃ 19:17-27)

21 አላኪሳንድሮሳኔ ሩፎሳ አዋ ሲሞና ጌቲቲዛ ኢሲ ቃሬና ደሬ አሲ ደሬፕ ካታማ ዩዛይሳ ዩሱሳ ማስቃሌ ዎልቃራ አይኪ ቶሲዳ። \* 22 ሄሳሬ ጉቶ ዩሱሳ ጎልጎታ ጌቲቲዛሶ ኤፊዳ፤ ኢዛስ ቢርሻሳይ “አሳ ሁዔ ጉጌ” ጉሳ። 23 ካርቤ ጌቲቲዛ ጫሞራ ዋላኪቲዳ ዎይኔ ጫጄ ኡያና ማላ ኢዛስ ኢሚን ኢዚ ኤኮንታ ኢዲደስ። 24 ሄሳሬ ጉቶ ኢዛ ካቂዳ፣ ኢዛ ማይሶ ኢሳዴ ኢሳዴ አዋይሲ ጋካናኮኔ ጊዲ ሳማ ዩጊዲ ጊሽቲዳ።

25 ኢስቲ ኢዛ ካቂሽን ዎንታሬ ሄቸ ሳቲ ጊዲደስ። 26 ኢስቲ ማስቃሌ ቦላ ፃሬ ሸሸዳ ሞቶ ቃላይ “አይሁዳ ካዎ” ጊዛ ቃላ። 27 ኢዛራ ኢሲፌ ናምዑ ፓንጋታ ኢሳ ኢዛፕ ኡሻቻራ ኢሳ ሃዲርሳራ ካቂዳ። 28 ሄሳንካ ካሴ ማፃፋይ “ኢታታራ ኢሲፌ ታይቤቲደስ” ጊዳ ቲንቤቲ ቃላይ ፖሌቲደስ። \*\*

29 አጌራ አዲ ቢዛይቲካ ባ ሁዔ ቃሲሽ “አይ! አይ! ዎሳ ኪሳ ላላዳ ሄቸ ጋላንን ኪፃናይ ኔኔ?” ጊዲ ኢታ ጫሽ ጫዩሽ፤ \* 30 “አኔ ሃዲ ማስቃሌ ቦላሬ ዎዳዳ ኔና አሻ” ጊዳ።

31 ሄሳሶካ ቁሴታ ሃላቃቲኔ ሙሴ ዎጋ ታማርሲዛይቲ ባ ጊዶን ኢሶይ ኢሳስ “ሃራታ አሽደስ ሸን ባና አሻና ዳንዳይቤና” ጊዲ ኢዛ ቂዲዳ። 32 “ኑ ኢዛ ቤዩዲ አማናና ማላ አኔ ሃይሲ ኪርስቶሲ ኢስራዔሌታ ካዎይ ሃዲ ማስቃሌፕ ዎዶ” ጊዳ። ኢዛራ ካቂቲዳይቲካ ኢዛ ቦላ ጫሽ ኮሪዳ።

ዩሱሳ ሃይቆ

(ግቶ 27:45-56፤ ሉቃ 23:44-49፤ ዮሃ 19:28-30)

33 ኡሱፑን ሳቲፕ አይኪዲ ኡዱፉን ሳቲ ጋካናስ ቢታይ ወሪ ዳሚደስ። 34 ኡዱፉን ሳቲ ቦላ ዩሱሳ “ኤሎሄ! ኤሎሄ! ሳማ ሳባቂታኔ” ጊዲ ቃላ ዶቁ ሂስቲዲ ዋሲደስ። ሄሳስ ቢርሻሳይ “ታ ዎሶ! ታ ዎሶ! ኔ ታና አዛስ አጋዲ?” ጉሳ። \*

35 ሄን ጋዳን ኤቂዳ አሳፕ ኢሲ ኢሲ አሳቲ ሄሳ ሲይዲ “ኤሳሳ ዪይጌስኮ” ጊዳ። 36 ሄሳሬ ኢሲ አሲ ኤሌሊ ቢዲ ጫሊዳ ዎይኔ ጫጄ ኢስፖንጄ ማላ ሚሻን ጌልሳ ኬሲዲ ሚሳ ዪራን አይሲዲ

\* 15:21 አሮ 16:13 \* 15:28 ኢሲ ኢሲ ገሻ ማፃፋቲ ፓይዶ 28 ቦላ ዲዛ ቆፋ ጉጄቲስ፤ ቃላይካ ሉቃሳን 22:37 ቦላ ዲዛይሳ ሚሳቲስ። \* 15:28 ኢሳ 53:12 \* 15:29 ማዛ 22:7፤ 109:25፤ ግር 14:58፤ ዮሃ 2:19 \* 15:34 ማዛ 22:1



ኡያና ማላ ዮሱሳስ ሺሺደስ። ሄሳፌ ቃሴ “አኔ አጋጊቱ፤ ኤላሲ ዩዲ ኢዛ ካቆፕ ዎሲሺን ኑ ቤያና” ጊደስ። †

<sup>37</sup> ሄሳፌ ዮሱሲ ቃላ ጶቁ ሂስቲ ዋሲዲ ሽምፖ ኬዚደስ።

<sup>38</sup> ያሳ ኬሴ ማጋላሻይ ሁዔራ ዱጌ ናምዑ ኬዚ ዳኬቲደስ። \* <sup>39</sup> ዮሱሳ ጊናራ ኤቂዳ ኢሲ ማቶ ሃላቃይ ዮሱሲ ሄሳሶ ጊታ ቃላራ ዋሲዲ ሽምፖ ኬዚሺን ቤዩዲ “ሃይሳደይ ቱሙ ያሳ ናኮሺን” ጊደስ። <sup>40</sup> ሄሳ ዎዴ ማጫሳቲ ሃኒዛይሳ ሃሆን ዲዲ ያሊዳ። ኢስታ ጊዶፌ ማግዳሌፕ ዩዳ ማራማኔ ካሎቲዛ ያቆቤኔ ዮሳ አዮ ማራማራ ቃሴካ ሳሎማራ ኢሲፌ ደቱስ። <sup>41</sup> ሄይቲ ማጫሳቲ ጋሊሳን ዮሱሳ ካሊሼኔ ኢዛስ አሊሼ ጋምዲዳይታ። ኢስታራካ ኢሲፌ ሃራ ዳሮ ማጫሳቲ ዮሱሳላሜ ቤዳ። \*

<sup>42</sup> ጋዴይ ቃሚ ቃሚ ቢሺን ሳምባታስ ጊጌቲዛ ጋላሲ ጋኪደስ። <sup>43</sup> ዴሬ ጨማታ ጊዶን ቦንቼቲዳ ኢሲ አርማቲያሳ ዴሬ አስ ዮሴፌ ጌቱቲዛይሲ ያሳ ካዎቱስ ናጊሼ ዲዛደይ ባቦንታ ጲላዎሳኮ ቤዲ ዮሱሳ አሃ ምሲደስ። <sup>44</sup> ጲላዎሳካ ኢዚ ሂኒ ዎዴ ኤሌራ ሃይቂዳይሳ ሲይዲ ማላሌቲደስ። ማቶ ሃላቃ ያይጊስዲ “ኢዚ ሃይቂ ጋምዲደ?” ጊዲ አይቼደስ። <sup>45</sup> ኢዚ ሃይቂዳይሳ ማቶ ሃላቃይ ጊሺ ኤራዳፕ ጉዩ ዮሱሳ አሃ ዮሴፌስ ኢሚደስ። <sup>46</sup> ዮሴፌስ ሞን ማይዎ ሻሚዲ አሃ ማስቃሌፕ ዎሲዲ ሞን ማይዎን ሃዲ ሹቻፌ ዎጩቲዳ ዱፎን ሞጊደስ። ዱፋ ዱና ሹቻራ ጎርዲደስ። <sup>47</sup> ማግዳሌፕ ዩዳ ማራማራኔ ዮሴፌ አዮ ማራማራ ዮሱሳ አሃ አዋን ሞጊዳኮኔ ቤዩዳ።

16

**ዮሱሲ ሃይቆፕ ዴንዲደስ**

(ማቶ 28:1-8፤ ሉቃ 24:1-12፤ ዮሃ 20:1-10)

<sup>1</sup> ሳምባታይ አዲዳፕ ጉዩ ማግዳሌ ማራማ፣ ያቆቤ አዮ ማራማራኔ ሳሎማራ ኢሲፌ ቤዲ ዮሱሳ አሃ ቲያናስ ሺቶ ሻሚዳ። <sup>2</sup> ሳሚንታፌ ኮይሮ ጋላስ ማላዶ ዎንታራ ቡሮ አዋ አርሼይ ኬዚዳ ማላ ዮሱሳ ዱፎኮ ቡሮ ቢሺን። <sup>3</sup> “ዱፎዛ ዱናፕ ሹቻ ኑስ አኔ ጌንዴርሳኔ?” ጊዲ ባ ጊዶን ሃሳዮቲዳ።

<sup>4</sup> ኢስቲ ጶቁ ጊ ያሊሺን ዳሮ ጊታ ሹቻይ ዱፎዛ ዱናፕ ጌንዴሪዳይሳ ቤዩዳ። <sup>5</sup> ጌዴ ዱፎዛ ጊዶ ጊሊዳ ማላ ኢሲ ቦሳ ማይዎ ማይዲዳ ፓንሲ ኡሻቻ ባጋራ ኡቲዳይሳ ቤዩዲ ዳጋሚዳ።

<sup>6</sup> ኢዚ ቃስ ኢስታስ “ዳጋሞፍቱ! ኢንቱ ካቆቲዳ ናዚሬቱ ዮሱሳ ኮዮታ፤ ኢዚ ዴንዲደስ ሃን ዴና፣ ኢስቲ ኢዛ ዎሲዳሶ ሃይሳ ቤይቱ። <sup>7</sup> ጊዶ አቲን ኢንቱ ቤዲ ኢዛ ካሊዛይታሲኔ ጲፀሮሳስ ካሴ ኢንቱስ ዮቲዳ ማላ ኢንቱፌ ካሴቲዲ ኢዚ ጋሊላ ባና። ኢንቱ ኢዛ ሄን ዴማና ጊዲ ኢስታስ ዮቲቱ” ጊደስ። \*

<sup>8</sup> ማጫሳቲካ ማላሌቲሼኔ ኮኮርሼ ዱፋፕ ኬዚ ባቃቲዳ። ባቢዳ ጊሽ አናስካ አይኮካ ቃቲቤቴና። \*

<sup>9</sup> ሳሚንታፌ ኮይሮ ጋላስ ዎጋ ዎንታ ማላዶራ ኢዚ ሃይቆፕ ዴንዲዳፕ ጉዩ ዮሱሲ ኢዚፕ ላፑን ዳይዳንሴ ኬሲዳ ማግዳሌ ማራማሲ ኮይሮ ቤቲደስ። † <sup>10</sup> ኢዛካ ባዳ ካሴ ኢዛራ ዲዛይቲ ካዮቲሼኔ ዩኪሼ ዲሺን ዴማዳ ዮታዱስ። <sup>11</sup> ኢስቲ ዮሱሲ ፓግ ዲዛይሳኔ ኢዛ ታ ዮሱሳ ቤያዲስ ጊዳይሳ ሲይዲ አማንቤቴና።

**ዮሱሲ ባና ካሊዛ ናምዳታስ ቤቲደስ**

(ሉቃ 24:13-35)

<sup>12</sup> ሄሳፌ ጉዩ ኢዛ ካሊዛይታፕ ናምዳቲ ጌዴ ዴሬ ጋርስ ቢሺን ዮሱሲ ኢስታስ ሃራ አስ ሚሳቲ ቤቲደስ። <sup>13</sup> ኢስቲካ ሲሚዲ ሄሳ ኢዛ ካሊዛይታፕ አቲዳይታስ ዮቲዳ። ጊዶ አቲን ኢዛ ካሊዛይቲ ሲይዲ አማንቤቴና።

**ዮሱሲ ባና ካሊዛ ታማኔ ኢሲኔታስ ቤቲደስ**

(ማቶ 28:16-20፤ ሉቃ 24:36-49፤ ዮሃ 20:19-23፤ ሃዋ 1:6-8)

<sup>14</sup> ሄሳፌ ጉዩ ታማኔ ኢሲኔቲ ማዳ ቦላ ዲሺን ዮሱሲ ኢስታስ ቆንጨደስ። ኢዚ ሃይቆፕ ዴንዲን ኢዛ ቤዩዳ አሳቲ ኢስታስ ዮቲን ሲይዲ አማኖንታ አጊዳ ጊሽ ኢስታስ አማኖይ ባይንዳይሳኔ ኢስታ ዎዝና ሙሜቱሳ ጊሽ ኢስታ ቦሪደስ። <sup>15</sup> ኢስታሲካ “አላሜ ኡባሶ ቤቱ፣ ሚሺራቾ ቃላ ሜዴቴሳ ኡባስ ሳባኪቱ። \* <sup>16</sup> አማንዳይኔ ሃማቆቲዳይ አታና። አማኖንታይ ጊዲኮ ፒርዴታና። <sup>17</sup> ታና አማንዳይታ ሃይቲ ማላታቲ ካላና። ኢስቲ ታ ሱንሳን ዳይዳንሳታ ኬሳና፣ አራሳ ቃላንካ ሃሳያና። <sup>18</sup> ኢስቲ ሾሻታ ባ ኩሼራ አይካና፤ ዎዲዛ ማርዜ ኡዩኮካ ኢስታ ቆሄና። ባ ኩሼ ሃርጋንቻታ ቦላ ዎሲ ዎሲኮ ሃርጋንቻቲ ፓግና” ጊደስ።

**ዮሱሲ ፑዴ ሳሎ ቢደስ**

(ሉቃ 24:50-53፤ ሃዋ 1:9-11)

† 15:36 ጫሊዳ ዎይኔ ጫሺ ካቆቲዳ አሲ ባ ዋዩ ባላና ማላ ኡሼቱስ። \* 15:38 ኬሳ 26:31-33 \* 15:41 ሉቃ 8:2-3 \* 16:7 ማቶ 26:32፤ ግር 14:28 \* 16:8 ኢሲ ኢሲ ቤኒ ጊሻ ማግፋታን ፓይዶ አስፑናፕ ጉዩ ዲዛ ቆፋይ ሃይሳፌ ካሊዲ ሃፌቲደስ። ማጫሳቲ ጲፀሮሳኮኔ ባ ሳጌታኮ ቤዲ ኪታንቻዚ ኢስታስ ዮቲዳይሳ ኡባ ኢስታስ ዮቲዳ። ሄሳፌ ጉዩ ዮሱሲ አሸዛ ላሚቶንታ ጊሻ ሚሺራቾ ቃላ አዋ አርሼይ ሞኪዳፕ ወሊዳሶ ጋካናስ ባና ካሊዛ ታማራታ ባጋራ ኪቲደስ። † 16:9 ኢሲ ኢሲ ቢርሼሳታኔ ኢሲ ኢሲ ሃራይታፕ ዱቆቲዳ ጊሻ ማግፋታን ፓይዶ 9-20 ጋካናስ ዲዛ ቆፋይ ሃፌቲቤና። \* 16:15 ሃዋ 1:8

19 ጎዳ ዩሱሲ ሄሳ የቲዳፔ ጉዩ ፑዴ ሳሎ ደንዲ ቢዲ ያሳ ኡሻቻን ኡቲዴስ። 20 ኢዛ ካሊዛይቲ ሄሳፌ ኬዚዲ ኡባሶን አዲ አዲ ሳባኪዳ። ጎዳይካ ኢስታራ አሲዴስ። ኢስታ ቲሚርቴዛ ኤኪዲ አሊዛይታስ ባ የቲዳ ቃላካ ማላታ አሊ አሊ ሚንሲዴስ።

### ሉቃስ 9፡፮ ዓፊዳ ኑ ጎዳ ዮሱስ ኪርስቶስ ሚሺራቾ ቃላ ጊዶ ቆፋ

ሉቃስ ሚሺራቾ ቃላይ ዮሱስ ዳሮ ዎዴፕ ካሴ ያናይሳኮ ጌቲቲ ናቤታን ኢስራዔል አሳስ ዮቲቲ ኡቲን ኢስራዔል አሳይ ናጊ ኡቲዳ ኪርስቶስ “አስ ወርሲ አሺዛይ” ጊዳይሳ ቆንጨናሳ። ሉቃስ ዮሱስ “ማንቆታስ ሚሺራቾ ቃላ ሳባካናስ” ባ አዋፕ ኪቲቲዳይ ጊዳይሳይ ሚሺራቾ ቃላዚካ አሳስ ዲዛ ዱማ ዱማ ሜቶስ አጌ ቤሲዛይሳ ዮቲስ። ሉቃስ ሚሺራቾ ቃላዚ ጊዶን ሃራፕካ ዮሱስ ሂዶታ ጊሽ ዮቲዛ ኮይሮ ሽምፖቲኔ ወርሴሳ ሽምፖታን ሎዔስ ዮቲዳይ ሂዶታ ጊሻሳ። ዮሱስ ፑዴ ሳሎ ቢዳፕ ጉዬ አማኖይ ዋኒ ናምዓንሶ ዲጨዳኮኔ ሃዋሬታ ማፃፋን ሃይሳ ፃፊዳይ ሄ ማፃፋዛን ዮቲዴስ።

ኪታንቻቲ ዮጊዳ ዮሳ ጊሽ ዮሱስ ዮሌቲን ሜሄ ሄሚዛይቲ ኢዛ ቤዩዳይሳ፣ ዮሱስ ቡሮ ጉሳን ዲሺን ያሳ ኬሴ ቢዳይሳ አሳስ ሚሻ ጊዳይ ሄ ሳማሪያ አዴዛ አሶን ዳዩዲ ቤቲዲ ናዛ ታሪኬይ ሄይቲ ወርካ ሉቃስ ሚሺራቾ ማፃፋን ፃላላ ቤቲቲስ። ኢዛ ሚሺራቾ ቃላዛን ጋፃፕ ጋፃ ጋካናስ አዴፊ ዮቲዳይ ዎሳ ጊሽ፣ ጊሎ አያና ጊሽ፣ ማጫሳታስ ዮሱስ አሶ ጊዶን ኢስታስ ኢሜቲዳ ጊሻኔ ያሲ ናጋራ አቶ ጊዳይሳ ዮቲስ ጉስ።

- ሃ ማፃፋይ አይኪዳ ኩሜሳ ቆፋ
- ጌሎሶ 1:1-4
- ፃማቂዛ ዮሃንሳ ዮሌቲሴኔ ዮሱስ ዮሌቲሴ 1:5-2:52
- ፃማቂዛ ዮሃንሳ አሶ 3:1-20
- ዮሱስ ፃማቂቲሴኔ ፓጩቲሴ 3:21-4:13
- ዮሱስ ባ አሶ ኮይሮ ጋሊላን ዶሚዴስ 4:14-9:50
- ጋሊላፕ ዮሩሳላሜ ቡስ 9:51-19:27
- ዮሩሳላሜኔ ሄ ሄራን ወርሴሳ ሳሚንታን ዮሱስ ጋኪዳ ሜቶ 19:28-23:56
- ጎዳ ዴንዶ ቆንጨሴኔ ፑዴ ሳሎ ቡስ 24:1-53

1 ቦንቾ ቶፊሎሳ ኑ አቻን ሃንዳ ዮታ ጊሽ ዳሮ አሳቲ ባሲ ሃንዳ ማላ ፃፊዳ። 2 ሄ ታሪኬዚካ ኮይሮፕ ዴንሲዲ ባ አይፊራ ቤዩዳ ማርካቲኔ ያሳ ቃላ ዮቲዳይቲ ኑስ አሲዳይሳ። 3 ታካ ታ ባጋራ ፃጳፕ ዴንሳዳ ኬሃ ናጊታዳኔ ፓጫ ፃላዳ ታሪኬዛ ወርሳ ሲንሴ ፃፊታናስ ቤሲዛይሳ ሲንሳሳዳ ካሊዲ ፃፊታናስ ቤሲዛይሳ ካሌሳዳ ናጊታዳ ኔስ ፃፋና ማላ ታስ ሎዎ ጊዲ ቤቲዴስ። 4 ሃይሳ ወርሲሳ ታ አሲዳይ ኔ ታማሪዳይሲ ቱማ ጊዳይሳ ኔና ኤሮ ጉሳሳ።

**ፃማቂዛ ዮሃንሳ ዮሌታናይሳ ኪታንቻ ጋብሬሌይ ካሴቲዲ ዮቲዴስ**

5-6 ሄርዶሲ ዮሁዳ ቢታን ካዎቲዳ ዎዴ አቢያ ጌቲቲዛ ቁሴታ ሃላቃ ባጋፊ ቁሴቲሳ አሶ ታራይ ኢዛ ጋኪዳ ዛካራሳ ጌቲቲዛ ኢሲ ቁሴይ ዴስ። ኢዛ ማቼያካ ኤሊሳቤዎ ጌቲታወስ፣ ኢዛካ አሮኔ ባጋ አሳ። ናምዓቲካ ጎዳ አዛዞኔ ኢዛ ዎጋ ዎሶይ ባይንዳ ናጊዲ ዲዛይታኔ ያሳ ሲንሳን ጊሎ አሳ። \*

7 ጊዶ አቲን ኤሊሳቤፃ ና ዮሎንታ ማካራ ጊዳይ ጊሽ ኢስታስ ናይ ባዋ፤ ናምዓቲካ ዎዴይ ሱጌቲዳ አሳ።

8 ዛካራሲ ያሳ ሲንሳን ቁሴቲሳ አሶ ታራይ ኢዛ ጋኪን ኢዚ አሲሺን 9 ቁሴታስ ዲዛ ዎጋ ማላ ያሳ ኬሳን ጌሊዲ ኤፃኔ ጨዋሳና ማላ ኤፃይ ኢዛ ጋኪዴስ። 10 ኤፃይ ጨዋቲሺን አሳይ ወርካ ካሬን ዲዲ ዎሴስ።

11 ጎዳ ኪታንቻይ ኤፃይ ጨዋቲዛ ሶፕ ኡሻቻ ባጋራ ኤቂዲ ዛካራሳስ ቤቲዴስ። 12 ዛካራሲካ ኢዛ ቤዩዲ ኬሂ ዳጋሚዲ ባቢዴስ። 13 ኪታንቻይ ዛካራሳስ “ባቦፋ! ኔ ዎሳይ ሴቲቲዴስ፣ ኔ ማቼያ ኤሊሳቤፃ ኔስ አቱማ ና ዮላና ኢዛ ሱንሳካ ኔ ዮሃንሳ ጋዳ ሱንሳና። 14 ኢዛ ዮሌታን ኔኔ ዳሮ ኡፋዮታና፤ ዳሮ አሳይካ ኡፋዮታና። 15 ጎዳ ሲንሳን ኢዚ ጊታ ጊዳና። ዎይኔፕ አሴቲዳ ጫጄ ጊዲንካ ሃራ ማሶሲዛ ኡሻ ጊዲንካ ኢዚ ኡዮና፤ ኢዚ ቡሮ ባ አዮይ ቃንሳን ዲሽ ጊሎ አያናን ኩማና። \* 16 ኢስራዔል አሳፕ ዳሮታ ኢስታ ያሳኮ ዛራና። 17 አዋታ ዎዝና ኢስታ ናይታኮ፣ አዛዜቶንታይቲካ ጌዴ ጊሎታ ጨንጫቲሳኮ ዛራና ማላኔ ጎዳስ ቤሲዛ ዴሬ ጊጊሳና ማላ ኤላሳ አያናኔ ኢዛ ዎልቃን ጎዳፕ ሲንሳራ ኢዚ ባና” ጊዴስ። \*

18 ዛካራሲ ኪታንቻስ፣ “ታኔ ጨማ፤ ታ ማቼያካ ጨማዱስ፤ ታኔ ሃይሳ አዛን ኤራኔ?” ጊዲ አይቼዴስ።

19 ኪታንቻይካ ዛራዲ “ታኔ ያሳ ሲንሳን ኤቂዛ ጋብሬሌ። ታኒካ ሃ ሚሺራቾዛ ኔስ ጋሳናስ ኪቲታዳ ያዲስ። \* 20 ሄኮ ኔኔ ባ ዎዴን ፖሌታና ታ ቃላ አማኖንታ ኢዲዳ ጊሽ ኔ ዱናይ ዱዳና፣ ኔኒካ ሃሳያና ዳንዳያካ” ጊዴስ።

21 ሄ ዎዴ ዴሬይ ዛካራሲ “ያሳ ኬሳፊ ኬዞንታ አዛስ ጋምዲዳኮ” ጊዲ ሞዴቲሽ ናጊዴስ። 22 ኢዚ ያሳ ኬሳፊ ኬዚዲ አሳ ሃሳዩሳናስ ዳንዳይቤና። ማላቲ ማላቲ ቤሶፕ አቲን ሃሳያናስ ዳንዳዮንታ አጊን አሳይ ኢዚ ያሳ ኬሳን ያሳፊ አራሳ ሚሽ ቤዩዳይሳ ኤሪዴስ።

\* 1:5-6 1ታር 24:10 \* 1:15 ታይ 6:3 \* 1:17 ሚል 4:5-6 \* 1:19 ዳኔ 8:16፤ 9:21

23 ዛግራሲካ ባ አሶ ታራይ ፖሌቲዳፕ ጉዩን ባሶ ሲሚደስ። 24 ሄሳፌ ካሊን ኢዛ ማቼያ ኤሊሳቤፃ ና ቃንሳታዱስ። ኢቻቫንዶ አጊናይ ጋካናስ አሲ ባና ቤዮንታ ማላ ቆቲታዱስ። 25 ኢዛካ ጎዳይ ባ ማሮታን ታ ሌቆቲዳይሳ አሳ ጊዶፌ ዲጋናስ ሃ ዎዴዛን ሃይሳ ታስ አሲደስ ጋዱስ።

**ዮሱሲ ዩሌታናይሳ ጋብሬሌይ ካሌቲዲ ዮቲደስ**

26 ኤልሳቤፃ ቃንሳታዱ አሱቸንሳ አጊናን፣ ያሲ ባ ኪታንቻ ጋብሬሌ፣ ጋሊላ ቢታን ዲዛ፣ ናዜሬቲ ጊዛ ካታማ ዩዲደስ። 27 ኢዜካ ካዎ ዳዉቲ ዜሬሳ ጊዲዳ ዮሴፌ ጌቲቲዛ አሳስ ጊጋ ኡቲዳ ማራዎ ጌቲቲዛ ጊላዎይኮ ኪቲቲደስ። \* 28 ዩዲኔ ኢዛ ዲዛሶ ጌሊዲ “ሃኔ ያሲ ኔና አንጂዳሬ ሳሮ ያሲ ጎዳይ ኔናራ ደስ ኔንካ አንጂቲዳሮ” ጊደስ።

29 ማራማ ኪታንቻ ሃሳያን ኬሃ ዳጋማዳ፣ “ሃይሲ አይ ጊዛ ሳሮታ?” ጋዳ ዮዎዛ ኬሃ ቆፓዱስ። 30 ኪታንቻይካ ማራዎ “ያሲ ኔናን ኡፋዮቲዛ ጊሽ ባቦፋ! 31 ኔኔ ቃንሳታና፤ አቲማ ናካ ዩላና፣ ሱንሳካ ዮሱሳ ጋዳ ሱንሳና፤ \* 32 ኢዜካ ጊታ ጊዳና፤ አባፌ ቦላ ያሳ ና ጌቲታና፣ ጎዳ ያሲ ኢዛ አዎ ዳዉቲ ካዎቲሳ ኢዛስ ኢማና። 33 ኢዜ ኢስራዬሌ ናይታ ቦላን ሜርናስ ካዎታና፤ ኢዛ ካዎቲሳሲካ ዉርሴሲ ደና” ጊደስ።

34 ማራማካ ኪታንቻስ “ታኒ አዴ ጌላቤኬ፣ ሺን ሃይሲ ዋኒ ሃናኔ?” ጋዳ አይቻዱስ።

35 ኪታንቻይካ ማራሚሲ “ዒሎ አያናይ ኔ ቦላ ዎዳና ዉርሶፌ ቦላ ያሳ ዎልቃይ ኔ ቦላ ኩዋሳና፤ ሄሳ ጊሽ ዩሌታና ናዜ ጊሻ ያሳ ና ጌቲታና። 36 አሲ ዩሉኩ ኢዛ ማካራ ጊዲ ሃሳዩዛ ኔ ዳቦያ ኤሊሳቤፃ ጨማቲሳን አቲማ ና ቃንሳታዱ ዩላናስ አሱቸንዶ አጊና አይካዱስ። 37 ያሳሲ ሃኖንታ ሚሺ ባዎ” \*

38 ማራማካ ዛራዳ “ሄኮ ታኒ ያሳ አይሌ ዲኪና፤ ኔ ጊዳ ማላ ታስ ሃኖ” ጊን ኪታንቻይ ኢዜፕ ቫካቲዲ ቢደስ። ማራማ ኤሊሳቤፃ ቤያና ባዱስ።

39 ማራማካ ሄ ዎዴ ማታራ ኤሶታ ዴንዳዳ ፑዴ ጌዜ ዴሬን ዲዛ ኢሲ ዩሁዳ ካታማ ባዱስ።

40 ዛግራሳ ኬሴ ጊላዳ ኤሊሳቤፃ ሳሮታዱስ። 41 ኤሊሳቤፃ ማራሚ ሳሮሳ ሲዩዳ ማላ ቃንሳን ዲዛ ናዜ ኢዜ ቃንሳን ጉፒደስ፣ ኤሊሳቤፃንካ ዒሎ አያናይ ኩሚደስ። 42 ኢዛካ ባ ቃላ ዶቁ አሳዳ “ማጫሳ አባፌ ኔ አንጂቲዳሮ፤ ኔ ቃንሳን ዲዛ ናዜካ አንጂቲዳይሳ። 43 ታ ጎዳ አያ ታኮ ያዳ ታና አይቻናስ ታኒ አኔ? 44 ኔ ሳሮካ ቃላ ታ ሲዩዳ ማላ ታ ኡሎ ጊዶን ዲዛ ናይ ኡፋይሳ ጉፒደስ። 45 ፖሌታና ጊዲ ጎዳይ ኢዜስ ዮቲዳይሳ አማኒዳራ ኢዛ አንጂቲዳሮ” ጋዱስ

**ማራሚ ጋላታ ዎሳ**

46-49 ማራማካ

“ኢዜ ባ አይሌ ካዉቫቲሳ ሄሊዳ ጊሽ

ታ ሺምፒያ ጎዳ ዶቁ አሳዳ ቦንቻዉስ። \*

ታ አያናይካ ታና አሺዛ ታ ያሳን ኡፋዮታዉስ።

ዎልቃማ ጎዳይ ታስ ጊታ ሚሹ አሲዳ ጊሽ

ሃቺፌ ሲንሳን አሲ ዉሪ ታና አንጂቲዳሮ ጋና።

ኢዛ ሱንሳይካ ጊሻ። \*

50 ኢዛ ማሮይ ኢዛስ ባቢዛይታስ

ና ና ጋካናስ ዳና።

51 ባ ዎልቃን ዳሮ ሚኖ አሶ አሲደስ፤

ባ ዎዝና ቆፋን አቶራቲዛይታ ላሊደስ።

52 ካዎታ ካዎቲሳፌ ዎሲደስ፣

አሽኬታ ቃሴ ዶቁ ዶቁ ሂስቲደስ። \*

53 ጋፊዳይታ ሎዎ ሚሻን ካልሲደስ፤

ዱሬታ ጊዲኮ ሜላ ኩሹ ዩዲደስ።

54-55 ካሴ ኑ አዎታስ አብራሃሜሲኔ ኢዛ

ቆዎታስ ጊዳ ቃላ ናጋናስ

ባ ማራቲሳ ዩሺ ቆፒዲ

ባ አይሌ ኢስራዬሌ ማዲደስ” ጋዱስ። \*

56 ማራማካ ኤሊሳቤፃ አቻን ሄዡ አጊና ሲሬ ጋምዳዳ ባሶ ሲማዱስ።

**ፃማቂዛ ዮሃንሲ ዩሌቲደስ**

57 ኤሊሳቤፃስ ዩሎ ጋላሳይ ጋኪን አቲማ ና ዩላዱስ። 58 ኢዜ ጉታቲኔ ዳቦቲካ ጎዳይ ኢዜስ ጊታ ማራቲሳ አሲዳይሳ ሲይዲ ኢዜራ ኢሲፌ ኡፋዮቲዳ።

59 ዩሌቲዳ አስቸንሳ ጋላስ ቃፃራስ ዩዳ። ኢዛ አዎ ሱንሳን ዛግራሳ ጊዲ ሱንሳና ኮይዳ። \* 60 ጊዶ አቲን አያ “ሃኔና፣ ኢዛ ሱንሳ ዮሃንሳ ጌቲቶ” ጋዱስ።

61 ኢስቲካ ኢዜስ “ኔ ዳቦታፕ ዮሃንሳ ጌቲቲዲ ሄይጌቲዳ አሲ አኒካ ባዎ” ጊዳ። 62 አዎይ ዛግራሲ “ናዛ አና ጊዲ ሱንሳና ኮይዳኮኔ” ማላታን አይቺዳ።

63 ዛግራሲካ ፃፊዛ ሚሹ ኢዛስ ኢማና ማላ አይቺ ኤዚዲ ሱንሳይ “ዮሃንሳ” ጊዲ ፃፊን አሳይ ዉሪካ ማላሌቲደስ። 64 ሄራካ ዛግራሳ ዱናይ ፖጌቲዲ ኢንፃርሲ ቢርሹቲን ያሳ ጋላታ አይኪደስ።

\* 1:27 ማቶ 1:18 \* 1:31 ማቶ 1:21 \* 1:37 ሜዴ 18:14 \* 1:46-49 1ሳሜ 2:1-10 \* 1:46-49 1ሳሜ 1:11 \* 1:52 ኢዮ 5:11፤ 12:19 \* 1:54-55 ሜዴ 17:7 \* 1:59 ሌዌ 12:3



65 ኢዛ ጉታቲ ወሪ ዳሮ ባቢዳ። ሃይሲ ወሪካ ጵቃ ጊዜ ቢታን ዩሁዳ ዴሬን፤ ኡባሶን ሃሳዩቲዴስ።  
66 ሃይሳካ ሲዩዳ ኣሲ ወሪካ “ሃ ጉሳ ናይ ኣይ ሃናኔሻ?” ጊዲ ሃናዛ ወርሲካ ባ ምዝናን ኣይኪዴስ። ጎዳ ኩሼይ ቱማፕ ኢዛራ ኢሲፌ ዴስ።

**ዛካራሲ ቲንቢቱ ዮቲዴስ**

67 ናዛ አዋይ፤ ዛካራሲ ጊሎ አያናን ኩሚዲ ቲንቢቱ ሃሳዩሼ

68 “ዩዲ ባ አሳ አሺዳ ጊሽ ኢስራዔል ያሲ ጋላቱቶ።

69-70 ቤኒ ምዴ ባ ጊሻ ናቤታ ዱናን ሃሳዩቲዳይሳ ማላ

ባ አይሌ ዳወቱ ኬሳን አሺዛ ምልቃ ኑስ ዴንሲዴስ።

71 ኢዚ ኑና ኑ ሞርኬታፕ፤ ኑና ኢዲዛይታ ኩሼፕ አሼስ።

72 ሃይሳ ኢዚ አሲዳይ ኑ አዋታስ ባ ማሬቱሳ ቤሳናሳ፤ ባ ጊሻ ጫቆዛ ዩሺ ቆፓናሳ።

73-75 ካሴ ኑ አዋ አብራሃሜስ ጫቂዳይሳ ቆፓና ማላኔ ኑ ሞርኬታ ኩሼፕ ኢዚ ኑና ኬሲን ኑኒ ኢዛስ ባቦይ ባይንዳ አሳናሲኔ ኑ ዲዛ ምዴ ኡባን ባ ሲንሳን ኑና ጊሻቱሳኔ ጊሎቱሳን ኤሳናሳ።

76 ጎዳ አጌ ጊጊሳናስ ኔ ኢዛፕ ሲንሳራ ቢዛ ጊሽ ታ ናዞ ኔኒ ምጋ ያሳ

ናቤ ጌቱታና። \*

77 አሳይ ባ ናጋራፕ ማሬቲዳ ጊሽ ዴሬስ አቶቱሳ ኤራቱስ ኔ ኢማና ማላ

78 ኑ ያሳ ሎዎ ማሬቱሳፌ ዴንዲዳይሳን ሳሎፕ ኑስ አዋይ ኬዚዴስ።

79 ሄሲካ ዱማን ዲዛይታሲኔ ሃይቆ ኩዋ ጊዶን

ዲዛይታሲካ ፖሲሳና ማላኔ ኑ ቶሆታካ ሳሮቱሳ አጌ ካሌሳናሳ” ጊዴስ።

80 ጉሳ ናዚካ ዲጪዴስ፤ አያናኒካ ሚኒዴስ። ኢስራዔል አሳስ ቆንጩን ቤታና ጋካናስ ባዞ ቢታን ዴዲዴስ።

2

**ዮሱሲ ዮሌቲዴስ**

(ማቶ 1:18-25)

1 ሄ ምዴ ቢታ ቦላን ዲዛ ኣሲ ወሪካ ታዩቤቲዲ ፃፌታና ማላ አሮሜ ካዎ አወጊስዮሳፕ አዋጃይ ኬዚዴስ። 2 ሄሲካ ቁሬኔዎሳ ጌቱቲዛይሲ ሶሪያ ጌቱቲዛ ዴሬ ሃሪዛ ምዴ ሃኒዳ ኮይሮ ዴሬ ታይቦ።

3 ሄሳ ጊሽ አሲ ወሪ ፃፌታናስ ባ ዴሬ ዴሬ ቢዴስ።

4 ዮሴፌይካ አሾ ዳቦቱሳን ዳወቱ ባጋፌ ጊዲዳ ጊሽ ጋሊላ አወራጃ ጊዶን ዲዛ ናዚሬቱ ካታማፕ ዮሁዳ አወራጃ ቤቴሌሜ ጌቱቲዛ ዳወቱ ካታማፕ ዩዴስ። 5 ኢዚ ፃፌታና ቢሺን ኢዛስ ጊጌታ ዳሼ ዮላና ማቲዳ ማራሚራ ቢዴስ። 6 ኢስቲካ ሄን ዲሺን ኢዚስ ዮሎ ምዴይ ጋኪዴስ። 7 ኢዛካ ኮይሮ አቱማ ና ዮሌዳይሳፌ ጉዩ ኢማሲ አቂዛ ኬሳን አቂዛሶይ ባይንዳ ጊሽ ናዛ ጫርቃራ ፃፃዳ ሚዛ ሲንሳን ኢሺሳዱስ።

**ሚሄ ሄሚዛይታኔ ኪታንቻታ**

8 ቤታሌሜ አቻን ዶርሳ ሄሚዛ አሳቲ ዶርሳ ናጊሼ ቃማራ ካሬን አቂዛይቲ ዴቴስ። 9 ጎዳ ኪታንቻይካ ኢስታኮ ዩዴስ፤ ጎዳ ቦንቾ ፖዎይካ ኢስታ ላንቄን ዩዩ አሳናስ ፖሲዴስ። ኢስቲካ ኬሂ ዳጋሚዳ ጊሽ፤ 10 ኪታንቻይ ኢስታ “ባቦፍቱ! ታኒ አሳ ኡባስ ጊዲዛ ጊታ ኡፋይሳ ሚሺራቾ ኤካ ያዲስ። 11 ሃቾ ካዎ ዳወቱ ካታማ ቤታሌሜን ሽምፖ ዳሌይ ዮሌቲዴስ። ኢዚካ ጎዳ ኪርስቶሳ ጌቱቲስ። 12 ጫርቃራ ፃፃቲ ኢቻዳ ጋጪኖ ና ዴማንዴታ ሄሲካ ኢንቴስ ማላታ ጊዶ” ጊዴስ።

13 ኢዛራካ ሃራ ዳሮ ሳሎ ኪታንቻቲ ቤቲዳ። ያሳ ጋላቲሼ፤

14 “ቦላ ሳሎን ያሳስ ቦንቾይ ጊዶ ሳሮቱሲካ ቢታ ቦላን ኢዚ ዶሲዛ አሳ ኡባስ ጊዶ” ጊዳ።

15 ኪታንቻቲ ኢስታፌ ሻኬቲዲ ሳሎ ሲሚን ዶርሴ ሄሚዛይቲ ባ ጊዶን ኢሶይ ኢሳ “አኔ ሃ ዩቲ ጎዳይ ኑስ ቆንጪሲዳይሳኔ ሃኒዳይሳ ቤቴሌሜ ካታማ ቢዲ ቤዮስ” ጊዳ።

16 ኢስቲካ ኡሌሲ ቢዲ ማራሚራ፤ ዮሴፌራኔ ሚዛ ሲንሳን ኢቻዳ ናዛ ዴሚዳ። 17 ቤይዳይሳፌ ጉዩን ጎዳ ኪታንቻይ ናዛ ጊሽ ኢስታስ ዮቲዳይሳ ወርሲ ዛሪ ዮቲዳ። 18 ሄሚዛይቲ ዮቲዳይሳ ሲዩዳ አሳይ ወሪ ኬሂ ማላቲዴስ። 19 ጊዶ አቲን ማራማ ዮዞዛ ወርሳ ባ ምዝናን ምሳ ዴንሳ ቆፓሼ ጋምዳዱስ። 20 ሄሚዛይቲካ ሃንዳይስ ወሪካ ኪታንቻይ ኢስታስ ዮቲዳ ማላ ጊዲዲ ቤቲዳ ጊሽ ሲይዳይሳሲኔ ቤዩዳይሳስ ኡባስ ያሳ ጋላቲሼኔ ቦንቻሼ ሲሚዳ።

\* 1:76 ሚላ 3:1

**ጋጨኖ ና ዮሱሳ ያሳ ኬሴ ኤፊዳ**

21 ናዚ ዮሴቲን አስገብቶ ጋላሳን ቃግሬቲዛ ወይም ጋኪን አዩያ ኢዛ ቃንሳታናፔ ካሴ ኪታንቻይ ጊዳ ማላ ዮሱሳ ጌቴቲዲ ሱሚዴስ። \*

22-23 ሙሴ ዎጋ ማላ ኢስቲ ጌዩዛ ወይም ወሪን ዮሴፌይኔ ማራማ ጉሳ ና ዮሱሳ ጎዳ ያሳ ሲንሴ ሺሻናስ ኤኪዲ ዮሩሳላሜ ኬዚዳ። ሄሲካ ጎዳ ዎጋን ኮይሮ ዮሴቲዛ አቱማ ናይ ወሪ ጎዳስ ዱማ ጊዳና ጌቴቲዲ ሃፌቲዳይሳ ፖላናሲኔ \* 24 ቃሴካ ጎዳ ዎጋን ናምዑ ሃራጴ ካፎታኔ ዎይኮ ናምዑ ሃራጴ ካፎ ጨዮታ ጌቴቲዳይሳ ማላ ያርሾ ሺሻናሳ። \*

25 ሄ ዎዴ ዮሩሳላሜ ካታማን ሂሎኔ ያሳ ባቢዛ ኢሲ ሲሞና ጌቴቲዛ አሲ ዴስ፤ ኢዚካ ኢስራዌሌ ናይታ አቶቴሳ ናጊዛ አሳኔ ሂሎ አያናይ ኢዛ ቦላ ሺምፒዳ አሳ። 26 ቃሴካ ኪርስቶሳ ቢዮንታ ዲሼ ሃይቆንታ ማላ ሂሎ አያናይ ኢዛስ ቆንጨዴስ። 27 ኢዚካ ሄ ዎዴ ሂሎ አያናይ ካሌሲን ያሳ ኬሴ ላሻ ጋስ ጌሊዴስ። ናዛ አዩዩራኔ አዋራ ሙሴ ዎጋን ቤሲዛይሳ ፖላናስ ጉሳ ና ዮሱሳ ኤኪዲ ጌሊዳ ዎዴ፤ 28 ሲሞኒ ናዛ ኤኪ ኢዲሚዲ ያሳ ጋላቲሼ፤

29-31 “ጎዳ! ኔ ጫቂዳ ቃላ ማላ ሃዲ ታኒ ኔ አይሌይ ኔ አሺዛይሳ ታ አይፌራ ቤዩዳ ጊሽ ሂዓ ታና ሳሮን ኤካ፤ አሳ ኡባ ሲንሳን ኔ ጊጊሲዳ አቶቴሳ ሃዲ ታኒ ታ አይፌራ ቤያዲስ።

32 ሃይሲካ ኡባ ዴሬስ ጌሜቲዳይሳ ቆንጨሲዛ ፖዎ፤ ኔ ዴሬ ኢስራዌሌሲካ ቦንቾ” ጊዴስ።

33 ኢዛ አዋይኔ አያ ኢዛ ጊሽ ሃሳዩቲዳ ዮዎዛን ማላሌቲዳ። 34 ሲሞኒካ ኢስታ አንጂዴስ፤ ማራሞካ “ዳሮ አሳ ዎዝና ቆፋይ ቆንጨና ማላ ሃይሲ ኢስራዌሌን ዲዛ ዳሮታስ ዳዮሲኔ አቶቴሳሳ፤ ኢዛ ኢዲዛይታስ ቃሴ ማላታ ጊዳና ማላ ዶሬቲዴስ። 35 ቃሴካ ዳሮታ ዎዝና ቆፋይ ቆንጨና ማላ ናዛ ሚሻይ ቃራ ማሻ ማላ ኔ ዎዝና ጳልቃና” ጊዴስ።

36 ቃሴካ አሴሬ ባጋፌ ፋኑዌሌ ና ሃና ጌቴቲዛ ጨሚዳ ናቤይ ዳወስ፤ ኢዛካ ባ ኮይሮ አዚናራ ላፕን ላይስ ኩሚስ ዴዓዱስ። 37 ላይሳይ ኢዚስ አሱፕን ታማኔ አይዱ ላይስ ጊዳና ጋካናስ ቃማኔ ጋላስ ያማሼኔ ያሳሼ ያሳ ኬሳፌ ሻኪቶንታ አምዔቴሳን ጋምዓዱስ። 38 ሄ ዎዴካ ሺቃዳ ያሳ ሲታዱስ። ዮሩሳላሜ ዎይቴስ ናጊሼ ዲዛይታስ ኡባስ ጉሳ ናዛ ጊሽ ዮታዱስ።

**ናዚሬቴ ሲሚዳ**

39 ዮሴፌራኔ ማራሚራ ጎዳ ዎጋን አዛዜቲዳይሳ ፖሊዲ ጋሊላ አወራጃን ዲዛ ባሶ ናዚሬቴ ካታማ ሲሚዳ። \* 40 ጉሳ ናዚካ ዲጨዲ ሚኒ ሚኒ ቤዴስ፤ አዶ ኤራቴሳን ኩሚዴስ፤ ያሳ አዶ ኪዮቴሳይካ ኢዛ ቦላ ዴስ።

41 ኢዛ አዋይኔ አያ ላይሳን ላይሳን ፓዚጋ ቦንቻናስ ዮሩሳላሜ ቤቴስ። \* 42 ናዛስ ላይሳይ ታማኔ ናምዑ ላይስ ኩሚዳ ዎዴ ካሴ ሎሴ ጊዲዳይሳ ማላ ፓዚጋ ቦንቻና ኬዚዳ። 43 ፓዚጋ ባዓሌዛ ቦንቻዲ ባሶ ሲሚሼን ዮሱሲ ዮሩሳላሜን አቲዴስ። ዮሊዳይቲካ ኢዚ አቲዳይሳ ኤሪቤይቴና። 44 ባናራ ኢሲፌ ቢዛ አጌ አሳራ ዴስ ጊሼ ኢሲ ጋላሳ አጌ ቢዳ። ጊዶ አቲን ኢዚ ኢስታራ ባይንዳይሳ ኤሪዲ ባ ዳቦታ አቻኒኔ ላጌታ አቻን ዲዛኮኔ ጊዲ ኮይዳ።

45 ኮዩ ኮይዲ ቤቶንታ ኢዲን ዮሩሳላሜ ሲሚዳ።

46 ሄዙ ጋላሳፌ ጉዩ ያሳ ኬሳን ታማርሲዛይታ ጊዶን ኡቲዲ ሲዩሼ፤ አሳታ አይቺሼኔ ኢስታ አይሻ ዛሪሼ ያሳ ኬሳን ዲሺን ዴሚዳ። 47 ሲዩዳይቲ ወሪ ዮሱሳ አኬካኒኔ ኢዛ ዛሮዛን ዳሮ ማላሌቲዳ።

48 ዮሴፌይኔ ማራማ ኢዛ ቤዩዳ ዎዴ ማላሌቲዳ። ማራማካ “ታ ናዛ አይስ ሃይሳ ማላ አሳዲ? ኔ አዋይኔ ታኒኔ ኔና ኮዩሼ ኬሂ ሜቶቴቲዶስ” ጋዱስ።

49 ኢዚካ ዛሪዲ “ታና አይስ ኮዩዴቲ? ታኒ ታ አዋ ኬሳን ዳናስ ቤሲዛይሳ ኤሪቤኬቲ ጊዴስ።”

50 ጊዶ አቲን ኢስታስ ኢዚ ዮቲዳይሲ ጌሊቤና።

51 ሄፔ ሲሚን ኢስታራ ኢሲፌ ናዚሬቴ ዎዲዲ ኢስታስ አዛዜቲሼ ዴዲዴስ። ኢዛ አያ ማራማካ ሄ ሃኒዳ ሚሻ ወርሳ ባ ዎዝናን ናጋሼ ጋምዓዱስ። 52 ዮሱሲ አዶ ኤራቴሳን፤ ጌሳኒኔ ሳባን ያሳ ሲንሳኒኔ አሳ ሲንሳን ዲጨዴስ። \*

3

**ፃማቂዛ ዮሃንሳ ቲሚርቲ**

(ማቶ 3:1-12፤ ማር 1:1-8፤ ዮሃ 1:19-28)

1 ሂሲራዶሴ ጌቴቲዛይስ ቁሳሬይ ካዎቲዳ ታማኔ ኢቻሻንሳ ላይሳን ጳንዖሳ ጲላዖሳ ጊዛይሲ ዮሁዳ ቢታ ሃሪዛ ዎዴ፤ ሄርዶሲ ጋሊላ ቢታ ሃሪዛ ዎዴ፤ ኢዛ ኢሻይ ፒሊጰሲ፤ ኢፀራያላኔ ሂራኮንዶሴ ቢታ ሃሪዛ ዎዴ፤ ሊሳኖሲካ አብሎኔ ቢታ ሃሪዛ ዎዴ፤

2 ሃናይኔ ቃያፋይ ቁሴታ ሃላቃ ጊዲዳ ዎዴ ያሳ ቃላይ ባዞ ቢታን ዲዛ ዛካራሳ ና ዮሃንሳኮ ዩዴስ።

3 ዮሃንሲ ዮርዳኖሴ ሻፋ አቻን ዲዛ ዴሬታ “ኢንቴ ናጋራ አቶ ጋናስ ናጋራፔ ሲሚዲ ፃማቂቲቴ” ጊዲ ዮቲዴስ 4 ሄሲካ ቃሴ ናቤ ኢሳዮሲ

“ባዞን ሂዝጊዲ ዋሲዛ አሳ ኮሺንቺ ‘ጎዳስ አጌ ጊጊሲቴ ባሲዲካ ሎዔሲቴ።

\* 2:21 ሉዌ 12:3፤ ሉቃ 1:31 \* 2:22-23 ኬሳ 13:2፤12 \* 2:24 ሉዌ 12:6-8 \* 2:39 ማቶ 2:23 \* 2:41 ኬሳ 12:1-27፤ ዛሬ 16:1-8 \* 2:52 1ሳሜ 2:26፤ ሉም 3:4

5 ሾባ ቢታይ ወሪ ኩማና፤  
 ዙማቲኔ ዙምቡላቲ ወሪ ዚቂ ታና፤  
 ጌላ አጌይ ሲቲ ታና፤  
 ሞሬቲዳ አጌይ ሎቦ ጊዳና።  
 6 አሳ ዜሬሰ ኡባ አሺዛ ያሳ ዎልቃ ቤያና’  
 ጊዲ ባዞን ዋሲዛ አሳ ቃላ ጊሪስ”  
 ጊዲ ባ ማፃፋን ፃፊዳ ማላ።  
 7 ዮሃንሲካ ኢዛ ኩሼን ፃማቂታና ዩዛ አሳስ “ኢንቴኖ ሃ ሾሻ ናይቶ! ያና ዲዛ ያሳ ሃንቆፌ ሃካና ማላ አኒ ኢንቴና ዞሪዴ?” \* 8 ኢንቴ ናጋራ አሶፔ ሲሚዳይሳ ኤሪሲዛ አሶ አሲቱ “ኑ አዋይ አብራሃሜይ ኑስ ዴስ” ጉስ አጊቱ ጊዴስ። ‘ያሲ ባስ ጊኮ ሃ ሹቻታፔ አብራሃሜስ ና አሲ ዴንሳናስ ዳንዳሲዛይሳ ኤሪቱ’ \* 9 ካልታይ ሚሳ ቃንፃናስ ሚሳ ፃጸን ዴስ። ሎቦ አይፌ አይፎንታ ኢታ ሚሲ ወሪ ቃንፃቲዲ ታማን ዩጊታና” ጊዴስ። \*  
 10 አሳይካ “ሂስቲን አይ አሶኒ?” ጊዲ አይቺዴስ።  
 11 ዮሃንሲካ አሳስ “ናምቡ ማይያይ ዲዛይ ኢሲ ማይያይ ባይንዳ አሳስ ኢሞ፤ ቃሴካ ቁማይ ዲዛይካ ባይንዳይስ ሻኪዲ ኢሞ” ጊዴስ።  
 12 ቃራፃ ሺሺዛይቲካ ፃማቂታናስ ዩዲ “አስታማሬ! ኑ አይ አሲኖ?” ጊዳ። \*  
 13 ኢዚካ “ኢንቴ አዛዜቲዳይሳፌ ቦላራ ቃራፃ ሺሾፕቲ” ጊዴስ።  
 14 ዎታዳራቲካ “ኑኒ ቃሴ አይ አሲኖ?” ጊዲ አይቺዳ። ኢዚካ “አና ሚሼካ ጊዲን ዎልቃን ኤኮፍቲ፤ ቃሴካ አናኔ ዎርዶን ሞቶፕቲ፤ ኢንቴ ዳሞዛይ ኢንቴስ ጊዳና” ጊዴስ።  
 15 አሳይ ዮሃንሳ ቤዩዲ “ሃይሲ ኪርስቶሴ?” ጊዲ ባ ዎዘናን ሲዲዴስ። 16 ዮሃንሲካ ኡባስ “ታኒ ኢንቴና ሃሳን ፃማቂታይስ፤ ጊዶ አቲን ታ ኢዛ ጫማ ቢርሻናስ ቤሶንታ ታፔ አዲዛይይ ያና። ኢዚ ኢንቴና ጊሎ አያናኒኔ ታማን ፃማቂና። 17 ባሌዛን ዲዛ ካሳ ጋፊዛፔ ጊሻስ ካሳ ሱራጊዛ ፕሳይ ኢዛ ኩሼን ዴስ። ባሌዛ ኩሜሳ ጊሻና፤ ጊስቴዛ ቃሴ ዲዲን ቆላና፤ ጋፊዛካ ቶቦንታ ታማን ፀጋና” ጊዴስ።  
 18 ዮሃንሲ አሳ ሃራ ዱማ ዱማ ዞሬ ቃላራ ሚኒሴሲ ዞሪሼ ሚሺራቾ ቃላ ዮቲዴስ። 19 ጊዶ አቲን ጋሊላ ቢታ ሃሪዛ ሄርዶሲ ባ ኢሻ ማቾ ሄርዲያይ ኤኪዳ ጊሺኔ ሃራ ዳሮ ኢታ አሲዳ ጊሽ ዮሃንሲ ኢዛ ሃንቂዳ ጊሽ። 20 ካሴ ሞሮ ቦላ ሃራ ጉጂዲ ሄርዶሲ ዮሃንሳ ቃሾ ኬሳን ዩጊዴስ።

**ዮሱሲ ፃማቂቲዴስ**  
 (ማቶ 3:13-17፤ ማር 1:9-11)

21 አሳይ ፃማቂቲዳፔ ጉዩ ዮሱሲካ ፃማቂቲዴስ፤ ኢዚ ዎሲሺን ሳሎይ ዶዩቲዴስ። 22 ጊሎ አያናይካ ሃራጴ ሚሳቲዲ ኢዛ ቦላ ዎዲዴስ። “ሳሎፔ ታ ዶሲዛ ናይ ኔና፤ ኔናን ታኒ ኡፋዩታይስ” ጊዛ ቃላይ ዩዴስ። \*

**ዮሱሳ ዜሬሳ ዛርኬ**  
 (ማቶ 1:1-17)

23 ዮሱሲ ያሳ አሶ አይኪሺን ላይሳይ ኢዛስ ሄዡ ታሙ ላይሳ ማላ ጊዳና። አሳይካ ኢዚ ዮሴፌ ና፤ ኤሌ ና፤ 24 ማቲ ና፤ ሴዌ ና፤ ሚልካ ና፤ ዩሁዳ ና፤ ዮሴፌ ና፤ 25 ማቶቲዮ ና፤ አሞፂ ና፤ ናሆሜ ና፤ ኢሲሊሜ ና፤ ናጌ ና፤ 26 ማቲ ና፤ ማቶቲዮ ና፤ ሴሜዩ ና፤ ዮሴፌ ና፤ ዩሁዳ ና፤ 27 ዮናኔ ና፤ ሬሴ ና፤ ዜፍባቤሌ ና፤ ሴላቲያሌ ና፤ ኔሬ ና፤ 28 ሚልካ ና፤ ሃዴ ና፤ ዮሳ ና፤ ቆሳሜ ና፤ ኤሊሞዳሜ ና፤ ኤራ ና፤ 29 ኢያሶ ና፤ ኤሊዓዛሬ ና፤ ዮራሜ ና፤ ማቲ ና፤ ኤሌ ና፤ 30 ሲሞና ና፤ ዩሁዳ ና፤ ዮሴፌ ና፤ ዮና ና፤ ኤሊያቂሜ ና፤ 31 ሜሊያ ና፤ ማይናኔ ና፤ ማፃቲ ና፤ ናታኔ ና፤ ዳወቱ ና፤ 32 ኢሴዩ ና፤ ኢዮቤሌ ና፤ ቦዛዜ ና፤ ሶሎሞኔ ና፤ ናሶኔ ና፤ 33 አምናዳቤ ና፤ አራሜ ና፤ አሮኔ ና፤ ኤስሮሜ ና፤ ፋሬሴ ና፤ ዩሁዳ ና፤ 34 ያቆቤ ና፤ ዩሳቃ ና፤ አብራሃሜ ና፤ ታራ ና፤ ናኮሬ ና፤ 35 ሴሮሄ ና፤ ራጉዌ ና፤ ፋሌቁ ና፤ አቤሬ ና፤ ሳላ ና፤ 36 ቃዩኔሜ ና፤ አርፋኪሲዴ ና፤ ሴሜ ና፤ ኖሄ ና፤ ላሜሄ ና፤ 37 ማቶሳላ ና፤ ሄኖኬ ና፤ ያሬዴ ና፤ ማላሊዴሌ ና፤ ቃዩናሜ ና፤ 38 ሄኖሴ ና ሴቲ ና አዳሜ ና፤ ያሳ ና፤ ሚሳቲዴስ።

**ዮሱሲ ፓጩቲዴስ**  
 (ማቶ 4:1-11፤ ማር 1:12-13)

1 ዮሱሲ ጊሎ አያናን ኩሚዲ ዮርዳኖሴ ሻፋፔ ሲሚዳ ማላ ጊሎ አያናይ ኢዛ ካሌሲዲ ባዞ ቢታ ኤፊዴስ። 2 ሄንካ ፃላዔን አይዱ ታሙ ጋላስ ፓጩቲዴስ። ሄ ፓጩቲዛ ጋላሳታን አይኮካ ሞንታ ጊሽ ወርሴሳን ጋፊዴስ።  
 3 ፃላዔይካ ዮሱሳ “ኔ ያሳ ና ጊዲኮ አኔ ሃይሳ ሹቻ ካስ ጊዳና ማላ አዛዛ” ጊዴስ።  
 4 ዮሱሲካ ዛሪዲ “አሲ ካሳን ፃላ ዴና ጌቲቲዲ ፃፊቲዴስ” ጊዲ ፃላዔስ ዛሪዴስ። \*

\* 3:7 ማቶ 12:34፤ 23:33 \* 3:8 ዮሃ 8:33 \* 3:9 ማቶ 7:19 \* 3:12 ሉቃ 7:29 \* 3:22 ሜዴ 22:2፤ ማዛ 2:7፤ ኢሳ 42:1፤ ማቶ 3:17፤ ማር 1:11፤ ሉቃ 9:35 \* 4:4 ዛሬ 8:3

5 ሄሳፌ ካሊዲ ዓላዲዬ ዩሱፊ ኢሲ ደቃ ዙማ ቦላ ኬሲዲ ሳሎ ጉፋንሶን ዲዛ ካዎቴሳ ቂጲዳ አይፌይ ዓላናስ ቤሲዲኔ፤ 6 “ሃይሲ ኔ ቤዩዛ ቢታ ካዎታ ጎዳቴሳይኔ ቦንቾይ ወሪካ ታስ ኢሜቲደስ፤ ታካ ታ ዶሲዛደስ ኢማናስ ዳንዳዩዛ ጊሽ ኔስካ ኢማና።

7 “ሄሳ ጊሽ ኔኔ ኩንዳዳ ታስ ጎይኒኮ ሃይሲ ወሪካ ኔስ ጊዳና” ጊደስ።

8 ዩሱሲካ ዛሪዲ “ኔ ጎዳ ያሳስ ኩንዳዳ ኢዛስ ዓላ ጎይና ጌቴቲዲ ዓፌቲደስ” ጊደስ። \*

9-11 ሄሳፌካ ዩሱፊ ዩሩሳላሜን ያሳ ኬሳ ዪራ ኬሲ ኤሲዲ ያሳ ማፃፋን “ኔና ናጋና ማላ ያሲ ኔ ጊሽ ባ ኪታንቻ አዛዛና፤ ‘ኔ ቶሆይ ሹቻን ዱጴቶንታ ማላ ኪታንቻቲ ባ ኩሼራ ኔና ደቁ ሂስቲ አይካና’ ጌቴቲዲ ዓፌቲዳ ጊሽ አኔ ኔ ያሳ ና ጊዲኮ ሃይሳፌ ዱጌ ኩንዳ” ጊደስ። \*

12 ዩሱሲካ “ኔ ጎዳ ያሳ ፓጮፋ” ጌቴቲደስ ጊዲ ዛሪደስ። \*

13 ዓላዲይካ ባ ፓጮናይሳ ወርሲዳፔ ጉዩን ሃራ ባስ ኢንጄ ዎደይ ቤታናሽ ዩሱሳፔ ሻኬቲደስ።

**ዩሱሲ ጋሊላን ታማርሶ አይኪደስ**  
(ማቶ 4:12-17፤ ማር 1:14-15)

14 ዩሱሲካ ዒሎ አያና ዎልቃን ጋሊላ ሲሚደስ። ኢዛ ጎባቴሳይ ጋሊላ አቻን ዲዛ ደሬታን ሲዩቲደስ። 15 ኢዚካ አይሁዳታ ዎሳ ኬሳን ታማርሲሽን ኢዛ ቲሚርቲይ ሎዲን አሳይ ወሪካ ኢዛ ጋላቲደስ።

**ናዚሬቲን ዩሱፊ ኢዲዳ**  
(ማቶ 13:53-58፤ ማር 6:1-6)

16 ሄፔ ባ ዩሎቲዳ ካታማ ናዚሬቲ ዩዲ ካሴ ሳምባታ ጋላስ አይሁዳ ዎሳ ኬሴ ጌሊዛ ማላ ጌሊዲ ያሳ ማፃፋ ናባባናስ ደንዲ ኤቂደስ። 17 ናቤ ኢሳያሳ ማፃፋይ ኢዛስ ኢሜቲን ማፃፋ ዶዩዳ ማላ።

18-19 “ጎዳ አያናይ ታ ቦላ ደስ፤ ማንቆታስ ሚሽራቾ ቃላ ዮታና ማላ ታና ቲዩደስ፤

ቃሽቲዳይታስ ቢርሽቴሉ፤

ቆቁቲ ዒላና ኦጌ ታ አዎጃና ማላ፤

ሜቶቲዳይታ አሻና ማላ፤

ዶሴቲዳ ጎዳ ላይሳ አዎጃ ታ ዮታና ማላ ታና ኪቲደስ”

ጊዛ ሶ ደሚ ናባቢዲኔ።

20 ማፃፋካ ጎርዲዲ አይሁዳ ዎሳ ኬሴ ናጊዛይሳስ ዛሪ ኢሚዲ ኡቲደስ። አይሁዳታ ዎሳ ኬሳን ዲዛይቲ ወሪካ ኢዛ ቲሽ አሲ ዪሊዳ። 21 ኢዚካ ኢስታስ “ሃይሲ ኢንቴ ኢንቴ ሃይሳራ ሲዩዳ ማፃፋ ቃላይ ሃቺ ፖሎቲደስ” ጊደስ።

22 አሳይ ወሪካ ኢዛ ጊሽ ሎዎ ዓላላ ሃሳዩቲስ። ቃሴካ ኢዛ ዱናፔ ኬዚዛ ሎዎ ቃላፔ ደንዲዳይሳን ማላሌቲዲ “ሃይሲ ዮሴፌ ና ጊደኔ?” ጊዳ።

23 ኢዚካ “ዳሌ ጎዶ ኔርካ ኔና ፓላ። ቂሬርናሆሜን ኔኔ አሲሽን ኑ ሲዩዳይሳ ሃይሳን ኔ ካታማንካ አሳ ጊዛ ለሚሶ ኢንቴ ታ ቦላ ማላታናይሳስ ሲደይ ባዎ” ጊዲ ኢስታስ ዮቲደስ። 24 ቃሴካ “ታ ኢንቴስ ቱማ ጋይስ ናቤይ ባ ዩሎቲዳ ደሬን ቦንቾቲ ኤሬና። \*

25-26 “ጊዶ አቲን ታ ኢንቴስ ቱማ ጋይስ ሄሹ ላይሲኔ ባጋ ጋካናስ ሳሎይ ጎርደቲን ዎልቃማ ኮሻይ ቢታ ቦላ ሃኒዳ ኤላሳ ዎደይ ሄ ላይሳታን አዚናይ ባይንዳ ዳር ማጫሳቲ ኢስራዬ ቢታን ደቴስ ሽን ኤላሳይ ኢስታፌ ኢሲኔይኮካ ኪቴቲቤና። ጊዶ አቲን ሲዶና ጌቴቲዛ ቢታን ሴራጲታ ጌቴቲዛ ካታማን ዲዛ ኢሲ አዚናይ ባይንዳ ማጫሲይኮ ኪቴቲደስ። \* 27 ናቤ ኤሊሳዬ ዎደይ ኢስራዬ ደሬን ዳር ኢንቺራቻ ሃርጊዛይቲ ደቴስ ሽን ሶሪያ ቢታ አሳ ጊዲዳ ኒዲማኔፔ አቲን ሄ ዳርታፔ አኒካ ኢንቺራቻ ሃርጊፌ ፓዒቤና” ጊደስ። \*

28 አይሁዳታ ዎሳ ኬሳን ዲዛይቲ ወሪካ ሄሳ ሲደዲ ዳር ሃንቁቲዳ። 29 ባ ኡቲዳሶፔ ደንዲ ኤቂዲ ዩሱፊ ካታማፔ ካሪ ኬሲዲ ዱጌ ዛሪ ዩዳናስ ኢስታ ካታማያ አሴቲዳ ዙማ ቦላ አፎቲዳሶን አሴቲዳሶ ኤኪ ኤፊዳ። 30 ጊዶ አቲን ኢዚ ኢስታ ጊዶራ ሻኪ ዩጊዲ አዲ ቢደስ።

**ዩሱሲ ቱና አያና ኬሲደስ \***

31 ሄፔካ ጋሊላ አወራጃን ዲዛ ቂሬርናሆሜ ጌቴቲዛ ካታማ ዎዲደስ። ሄንካ ሳምባታ ጋላስ ዳር አሳ ታማርሶ አይኪደስ። 32 ኢዚ ጎዳቴሳራ ሃሳዩዛ ጊሽ ኢዛ ቲሚርቲዛን ማላሌቲዳ። \*

33 አይሁዳታ ዎሳ ኬሳን ቱና አያናይ አይኪዳ አደይ ደስ። ኢዚካ ባ ቃላ ደቁ ሂስቲዲ 34 “ናዚሬቲ ዩሱፊ ሃዲ ታ ዋኖ? ኔናራ ታና አዚ ጋሊደ? ኔ ዩዳይ ኑና ዳይሳናሴ? ኔ አናኮኔ ታ ኤራይስ ኔ ያሳ ዒሎ ጊዲኪ?” ጊዲ ዋሲደስ።

35 ዩሱሲካ ቱና አያናዛ ሃ አደዛፔ “ጮው ጋዳ ኬዛ” ጊዲ ሴሪደስ። ቱና አያናይካ ዳር አሳ ሲንሳን አደዛ ቦላፌ ዩጊዲ ኢሲ ቆሆካ ጋሶንታ ዩዲዲ ኬዚደስ።

36 አሳይ ወሪካ ማላሌቲዳ ባ ጊዶን ኢሶራ ኢሳራ “አሶ ሃይሲ አይ ጊዛ ቲሚርቲ? ጎዳቴሳራኔ ዎልቃራ ኢታ አያናን አዛዜስ፤ ኢስቲካ ኬዜቴስ” ጊዲ ሃሳዩቲደስ። 37 ዩሱፊ ጎባቴሳይካ ኡባስ ጋኪደስ።

\* 4:8 ዛሬ 6:13 \* 4:9-11 ማዛ 91:11-12 \* 4:12 ዛሬ 6:16 \* 4:24 ዮሃ 4:44 \* 4:25-26 1ካዎ 17:1፤8-16  
\* 4:27 2ካዎ 5:1-14 \* 4:30 ማር 1:21-28 \* 4:32 ማቶ 7:28-29



**ዮሴፊ ዳር ሃርጋንቻታ ፓሊደስ**  
(ማቶ 8:14-17፤ ማር 1:29-34)

<sup>38</sup> ሄሳፌ ጉዩ ዮሴፊ አይሁዳ ምሳ ከላፌ ከዚያ ሲሞና ከሴ ጌሊደስ። ሲሞና በሎቴያ ምልቃማ ሚሾ ሃርጊይ አይኪን ሳኪታዳ ዲሺን ዮሴፊ አዞ ፓሳርኪ” ጊዲ ምሲዳ። <sup>39</sup> ዮሴፊካ ኢዚኮ ሸቂዲ ሚሾ ሃርጊዛ ሴሪደስ። ሚሻ ሃርጊይካ ዮዲን ሄራካ ዴንዳ ኡቃዳ ኢማላታ ሞካዱ።

<sup>40</sup> አዋ አርሼይ ዉላና ጊሺን ዱማ ዱማ ሃርጊይ አይኪዳ አሳ ዉርሲ ኢዛኮ ኤኪ ዩዳ። ኢዚካ ሃርጊዛ አሳታ ኡባ ቦላ ባ ኩሼ ምሲዲ ፓሊደስ። <sup>41</sup> ቱና አያናንቲ ቃሴካ ዮሴፊ “ኔኔ ያሳ ና” ጊሼኔ ሞሲሼ ዳር አሳታፕ ከዚዳ፤ ጊዶ አቲን ኢዚ ኢስታ ሴሪደስ፤ ቱና አያናንቲ ኢዚ ኪርስቶሳ ጊዲዳይሳ ኤሪዛ ጊሽ ኢስቲ ኢሲኖካ ሃሳያና ማላ ኮይቤና።

**ዮሴፊ ቃሴካ ጋሊላን ታማርሲደስ**

<sup>42</sup> ጋዴይ ምንቲሺን ዮሴፊ ኢሲ አሲ ባይንዳሶ ቢደስ። ዳር አሳይካ ኢዛ ኮይሼ ኢዚ ዲዛ ሶ ጋኪደስ። ኢዚ ኢስታፌ ሻካቲዲ ቦንታ ማላ ዲጋናስ ኮይዳ። <sup>43</sup> ጊዶ አቲን ኢስታስ “ጌዴ ሃራ ካታማ ባዳ ያሳ ካዎቴላ ሚሺራቾ ቃላ ዮታናስ ታስ ቤሴስ፤ ታኔ ኪቴቲዳ ጊታ ቆፋይ ሄሳኮ” ጊደስ።

<sup>44</sup> ኢዚካ ዮሁዳን አይሁዳ ምሳ ከላን ቃላ ጉጂ ዮቲደስ።

5

**ዮሴፊ ኮይር ሃሞሬታ ዔይጊደስ**  
(ማቶ 4:18-22፤ ማር 1:16-20)

<sup>1</sup> ዮሴፊ ጌንሴሬዔ አባ ላንቁን ኤቂዲ ያሳ ቃላ ታማርሲሺን ሲዩዛ አሳይ ኢዛ ኡንዔሲደስ።

<sup>2</sup> ሄ ምዴ ናምዑ ምንሎቲ አባ አቻን ዲሺን ዮሴፊ ቤዩደስ። ሞሌ አይኪዛይቲ ምንሎታፕ ምዲዲ ሞሌ ጊቴታ ሜጩቴስ። <sup>3</sup> ዮሴፊ ምንሎታፕ ሲሞና ምንሎን ጌሊዲ ቢታፌ ጌዴ አባ ጊዶ ሺሻና ማላ አይቺዲኔ ምንሎ ጊዶን ኡቲዲ አሳ ታማርሲደስ።

<sup>4</sup> ታማርሲ ዉርሲዳፕ ጉዩ ሲሞና “አባይ ጩማቲዛሶ ሸቃ ሞሌ አይካናስ ኢንቴ ጊቴዛ አባ ጊዶ ዩጊቴ” ጊደስ።

<sup>5</sup> ሲሞናይ ዮሴፊስ ዛሪዲ “ጎዶ! ቃማ ኩሜስ ዳቡሪ አቂዲ ኢሲኖካ አይኪቦኮ፤ ጊዶ አቲን ኔ ቃላን ጊቴዛ ዩጋና” ጊደስ። \*

<sup>6</sup> ዩጊዳ ምዴ ዳር ሞሌ አይኪዳ። ጊቴይካ ዳኬቲደስ። \* <sup>7</sup> ሃራ ምንሎን ዲዛይቲ ዩዲ ኢስታ ማዳና ማላ ኩሼራ ዉቲ ዔይጊዳ። ኢስቲካ ዩዲ ናምዑ ምንሎታ ሞሌ ኩንሲዳ። ምንሎቲካ ዱጌ ሚቴቴስ አይኪዳ።

<sup>8</sup> ሲሞና ጌቴቲዛ ጴጥሮሲ ሄሳ ቤዩዲ ዮሴፊ ቶሞ ቦላ ኩንዲዲ “ጎዶ! ታ ናጋራንቻ ጊዲዳ ጊሽ ታ አቻፌ ኪቻ” ጊደስ። <sup>9</sup> ኢዚ ሄሳ ጊዳይ ኢዚኔ ኢዛራ ዲዛይቲ አይኪዳ ዳር ሞሌዛን ማላሌቲዳ ጊሻሳ። <sup>10</sup> ቃሴካ ሲሞና ላጌቲ ዛቢዶሳ ናይቲ ያቆቤይኔ ዮሃንሲካ ዉሪ ማላሌቲዳ። ዮሴፊካ ሲሞና “ባቦፋ! ሃይሳፌ ጉዩ ኔ አስ አይኪዛዴ ጊዳና” ጊደስ።

<sup>11</sup> ኢስቲካ ምንሎታ ቢታኮ ሺሺዲ ዉርሲካ ዩጊ አጊዲ ዮሴፊ ካሊዳ።

**ዮሴፊ ኢንቺራቻ አይኬቲዳ አዴዛ ፓሊደስ**

<sup>12</sup> ዮሴፊ ካታማታፕ ኢሲኔዩን ዲሺን ኢንቺራቻ ሃርጊይ ቦላ ዉርሲ አይኪዳ ኢሲ አሲ ሄ ካታማን ደስ። ሄ አዴዚካ ዮሴፊ ቤዩዲ ኢዛ ሲንላን ኩንዲዲ “ጎዶ! ኔ ኮይኮ ታና ፓላና ዳንዳያሳ” ጊዲ ምሲደስ።

<sup>13</sup> ዮሴፊ ባ ኩሼ ዩዲ ቦቺዲ “ታ ዶሳዲስ፥ ፓዓ” ጊደስ። ኢንቺራንቻይ ሄራካ ዳዩደስ።

<sup>14</sup> ዮሴፊ ኢዛስ “ሃይሳ አናስካ ዮቶፓ፤ ጊዶ አቲን ባዳ ኔና ቁሴ ሃላቃስ ቤሳ፤ ኢስታስ ማርካ ጊዳና ማላ ኔ ጌዩዳይሳስ ሙሴይ አዛዚዳ ያርሾዛ ሺሻ” ጊዲ አዛዚደስ። \*

<sup>15</sup> ጊዶ አቲን ኢዛ ጊሽ አሳይ ሃሳዩዛ ምሬይ ካሴፕ አኪ አኪ ቢደስ። ኬሂ ዳር አሳይ ኢዛ ሃሳያ ሲያናሲኔ ባና ሳኪዛ ሃርጌፌ ፓዓናስ ኢዛኮ ሸቂደስ። <sup>16</sup> ዮሴፊ ዳር ምዴ አሲ ባይንዳሶ ቢዲ ምሲደስ።

**ዮሴፊ ሲላ አዴዛ ፓሊደስ**  
(ማቶ 9:1-8፤ ማር 2:1-12)

<sup>17</sup> ዮሴፊ ታማርሲሺን አሳይ ጋሊላፕኔ ዮሁዳፕ ቃሴካ ዮሩሳላሜፕ ዩዳ ፋርሳዌቲኔ ምጋ ታማርሲዛይቲ ሄን ኡቲዳ። ኢዚ ፓላና ማላ ጎዳ ምልቃይ ኢዛራ ደስ። <sup>18</sup> ሄ ምዴ አሳይ ኢሲ ኩሜሳ ቦላይ ሲሊዲ ቃምንታ ሃርጋንቻ ሃላራ ቶኪ ኤኪ ዩዲ ከሴ ጌልሲዲ ዮሴፊ ሲንላን ምላናስ ፓጩዳ። <sup>19</sup> አሳ ዳርቴሳፌ ዴንዲዳይሳኒ ከሴ ጌልሳናስ ያኔቲዳ ጊሽ ፕዴ ከሳ ካራ ቦላ ከዚዲኔ ካራ ቃሪዲ ሃርጋንቻ ሃላራ ቶኪ ኤሂዲ አሳ ጊዶራ ዮሴፊ ሲንላን ምሲዳ። <sup>20</sup> ዮሴፊ ኢስታ አማኖ ቤዩዲ “ሃይሶ ኔኔ ኔ ናጋራፕ ማራታዳሳ” ጊደስ።

<sup>21</sup> ሙሴ ምጋ ዓፈዛይቲኔ ፋርሳዌቲ “ሃይሲ ያሳ ቦላ ዓላቴላን ሃይሳሶ ሃሳዩዛይ ኢዚ እኔ? ኢሲ ያሳፌ አቲን ናጋራ ማራናስ እኔ ዳንዳዩዜ?” ጊዲ ቆፒዳ።

<sup>22</sup> ዮሴፊ ኢስታ ቆፋ ኤሪዳ ጊሽ “ኢንቴ ኢንቴ ምንኖን አይስ ሄሳሶ ቆፕቲ? <sup>23</sup> ኔኔ ናጋራፕ ማራታዳሳ ጉሳፌኔ ‘ዴንዳዳ ባ’ ጉሳፌ አዎይሲ ካወሼ? <sup>24</sup> ጊዶ አቲን ታ ሃይሳ ጊዳይ አሳ ናስ ቢታ

\* 5:5 ዮሃ 21:3 \* 5:6 ዮሃ 21:6 \* 5:14 ሉዌ 14:1-32

ቦላ አሳ ናጋራፔ ማራናስ ጎዳቴሲ ዲዛይሳ ኢንቴ ኤራና ማላ” ጊደስ። ቃሴካ ሄ ሲላ አደዛ “ኔና ጋይስ! ዴንዳ ኤቃ! ኔ ሃላ ቶካዳ ባ!” ጊደስ።

25 ኢዚ ሄራካ ኢስታ ሲንሳን ዴንዳ ኤቁደስ። ካሴ ባ ኢቺዳ ሃላ ቶኪዲ ያሳ ጋላቴሼ ባሶ ቢደስ።  
26 ሄ ዎዴ አሲ ወሪ ማላሌቴደስ። ያሳ ጋላቴሼ “ሃቶ ማላሊሲዛዝ ቤይዶስ” ጊዲ ዳሮ ባቢዳ።

**ዮሱሲ ማቶሳ ጌቴቴዛ ሌዌ ያይጊደስ**

(ማቶ 9:9-13፤ ማር 2:13-17)

27 ሄሳፌ ጉዬ ዮሱሲ ሄፔ ኬዚ ቢደስ። ሌዌ ጊዛ ኢሲ ቃራፃ ቃንጊሲዛይሲ ቃራፃ ቃንጊዛሶን ኡቴዳይሳ ቤዩዲ “ታና ካላ” ጊደስ። 28 ኢዚካ ወርሲ አጊዲ ኢዛ ካሊደስ።

29 ሌዌይካ ዮሱሳሲ ባ ኬሳን ጊታ ዲጊሳ ዲጊሲደስ። ቃራፃ ቃንጊሲዛ ዳሮ አሳቴኔ ሃራ አሳቴካ ኢስታራ ኢሲፌ ማዳን ኡቴዳ። 30 ፋርሳዌቴኔ ኢስታ ፃፌቴ “ቃራፃ ቃንጊሲዛይታራኔ ናጋራንቻታራ ኢሲፌ አዛስ ሜቴ?” ጊዲ ዮሱሳ ካሊዛይታ ቦላ ዙዙሜቴዳ። \*

31 ዮሱሳካ ኢስታስ “ሃርጋንቻታስ አቴን ፓፃ አሳስ አኪሜ ኮሼና። 32 ታካ ናጋራንቻታ ማሮቴሳኮ ዛራናስ ያዲስ አቴን ጊሎታ ያይጋናስ ያቤኬ” ጊደስ።

**ዎማ ጊሽ አይፔቴዳ አይሾ**

(ማቶ 9:14-17፤ ማር 2:18-22)

33 ኢስቲካ ዛሪዲ “ዮሃንሳ ካሊዛይቲ ዳሮ ዎዴ ዎሜቴሲኔ ዎሴቴስ። ፋርሳዌታ ካሊዛይቲካ ኢዛሳ አሴቴስ። ኔና ካሊዛይቲ ጊዲኮ ኡባ ዎዴ ሜቴሲኔ ኡዮቴስ” ጊዳ።

34 ዮሱሳካ ኢስታስ ዛሪዲ “ሚሺራይ ኢሲፌ ዲሺን ዲጊሳስ ያይጌቴዳይታ ዎሚሳናስ ቤሲዜ?  
35 ጊዶ አቴን ሚሺራይ ኢስታፌ ሻኬታና ዎዴይ ያና ኢስቲ ሄ ዎዴ ዎማና” ጊደስ።

36 ኢስታስ “አራሳ ማይዎፔ ቃንጊ ኤኪዲ ጋልዓ ማይዎ ቦላ ዎሲ ሲኪዛይይ ዴና፤ ዎሲ ሲኪኮ አራሳዚ ጋልዓራ ጋንጎታ ጊሽ ጋልዓዛ ዳካና። 37 ዎይኔፔ አሴቴዳ አራሳ ጫጄ ጋልዓ ሉካሞን ኩንሲዲ ዎሲዛ አሲ አኒካ ባዋ፤ ዎሲዛ ጊዲኮ ዎይኔፔ አሴቴዳ አራሳ ጫጄ ጋልዓዛ ዳካና። ዎይኔ ጫጄዚካ ቢታን ጉካና፤ ጋልዓ ሉካሞይ ሲንሳፌ ጎዎንታዝ ጊዳና። 38 ሄሳ ጊሽ አራሳ ዎይኔ ጫጄ አራሳ አጎሮን ጉጄታናስ ቤሴስ። 39 ሂስቲኮ ጫላ ዎይኔ ጫጄ ኡዩዳፔ ጉዬ ጫሎንታዚ ኡያና ኮዩዛይ አኒኔ ዴና ጋሶይካ ጫላይ ሎዎ ጊዛ ጊሻሳ” ጊደስ።

6

**ሳምባታ ጊሽ አይፔቴዳ አይሾ**

(ማቶ 12:1-8፤ ማር 2:23-28)

1 ኢሲ ሳምባታ ጋላስ ዮሱሲ ካሳ ጊዶራ አዲ ቢሺን ኢዛ ካሊዛይቲ ቴያ ፀጲ ኤኪዲ ባ ኩሼን ሺጊቺ ሚሺን። \* 2 ፋርሳዌታፔ ኢሲ ኢሲ አሳቴ “ሳምባታ ጋላስ አሳናስ ቤሶንታይሳ አይሲ አሴቴ?” ጊዳ።

3 ዮሱሳካ ኢስታስ “ዳዉቴይ ኢዛራ ዲዛ አሳቴ ጋፊዳ ዎዴ ኢዚ አሲዳይሳ ናባቢቤኬቴ? \* 4 ኢዚ ያሳ ኬሴ ጌሊዲ ቁሴቴ ፃላ ማና ማላ አዛዜቴዳ ዱማ ኡኬሳ ባሲ ሚዲ ባናራ ዲዛይታስ ኢሚደስ” ጊዲ ዛሪደስ። \*

5 ቃሴካ ዮሱሲ “አሳ ናይ ሳምባታ ጎዳ” ጊዲ ኢስታስ ዮቴደስ።

**ዮሱሲ ኩሼይ ሲሊዳ አደዛ ፓሲደስ**

(ማቶ 12:9-14፤ ማር 3:1-6)

6 ዮሱሳካ ሃራ ሳምባታ ጋላስ አይሁዳ ዎሳ ኬሴ ጌሊዲ ታማርሲሺን ኡሻቻ ኩሼይ ሲሊዳ ኢሲ አሲ ሄን ደስ። 7 ሙሴ ዎጋ ታማርሲዛይቴኔ ፋርሳዌቲ ዮሱሳ ሞታናስ ጋሶ ኮይዲ አኔ ኢዚ ሳምባታ ጋላሳን አደዛ ፓሲኮ ቤያና ጊዲ ናጊሼ ጋምዲዳ። 8 ዮሱሳካ ኢስታ ዎዝና ቆፋ ኤሪዲ ኩሼይ ሲሊዳ አደዛ ኡባ ሲንሳን “ዴንዳ ኤቃ” ጊደስ። አደዚካ ዴንዳ ኤቁደስ።

9 ዮሱሳካ ኢስታ “ታ ኢንቴና ኢሲ ሚሽ አኔ አይቻይስ፤ ሳምባታ ጋላስ አሳናስ ቤሲዛይ ሎዎ አሶዩ? ኢታ አሶ? ሽምፖ አሾ ዎይኮ ዳይሶ?” ጊዲ አይፔደስ።

10 ቃሴካ ዮሱሲ ባ ዩሾን ዲዛ ወርሲ ዩሺ ያሊዳፔ ጉዬን አደዛ “ኔ ኩሼ ፒዲሳ” ጊደስ። አደዚካ ዮሱሲ ጊዳ ማላ አሲደስ። ኢዛ ኩሼይካ ፓዲደስ።

11 ጊዶ አቴን አሳቴ ሃንቁቴዳ፤ ዮሱሳ ቦላ አይ አሳናስ ኮሺዛኮኔ ባ ጊዶን ዞሬቴዳ።

**ዮሱሲ ታማኔ ናምዑ ሃዋሬታ ዶሪደስ**

(ማቶ 10:1-4፤ ማር 3:13-19)

12 ሄ ጋላሳታፔ ኢሲ ጋላስ ዮሱሲ ዎሳናስ ዙማ ቦላ ኬዚዲ ቃማ ኩሜስ ያሳ ዎሲሼ አቁደስ።  
13 ጋዴይ ዎንቴሺን ባና ካሊዛይታ ያይጊዲ ኢስታፌ ታማኔ ናምዓታ ዶሪደስ። ኢስታካ “ሃዋሬታ” ጊዲ ሱንሲደስ።

14 ኢስቲካ ጴፀሮሳ ጊዲ ሱንሲዳ ሲሞናኔ ኢዛ ኢሻ ኢንዲራሳ፣ ያቆቤ፣ ዮሃንሳ፣ ፒሊጶሳ፣ ባርቴሌሞሳ፣ 15 ማቶሳ፣ ቶማሳ፣ ኢልፊዮሳ ና ያቆቤ፣ ባ ባጋስ ሚሼቴዛ ሲሞና፣ 16 ያቆቤ ና ዮሁዳኔ ዮሱሳ አሲ ኢሚዳ አስቆሮንቶ ዮሁዳ።

\* 5:30 ሉቃ 15:1-2 \* 6:1 ዛሬ 23:25 \* 6:3 1ሳሜ 21:1-6 \* 6:4 ሌዌ 24:9

**ዮሴፊ ዳር አሳ ታማርሲዴሲኔ ፓሲዴስ**  
(ማቶ 4:23-25)

17 ዮሴፊካ ኢስታራ ኢሲፌ ዙማ ቦላፌ ዱጌ ዎዲዲ ዴንባሶን ኤቂዴስ። ኢዛ ካሊዛይታፔ ዳር አሳይ ሄን ዴስ።<sup>18</sup> ዮሁዳፔኔ ዮሩሳላሜፔ። ቃሴካ ሂሮሴፔኔ ሲዶና አባ አቻፌ ዩዳ ኬሂ ዳር አሳይካ ሄን ዴስ።<sup>18</sup> ኢስቲካ ዩዳይ ዮሴፊ ጊዛይሳ ሲያናሲኔ ሃርጌፌ ፓፃናሳ። ቱና አያናይካ ዋይሲዛይቲ ወሪ ፓፃዳ።<sup>19</sup> ዎልቃይካ ኢዛፔ ኬዚዲ ዳርታ ፓሲዛ ጊሽ አሳይ ወሪ ኢዛ ቦቻናስ ዩዴስ።

**አንጆኔ ዋዬ ጋሶታ**  
(ማቶ 5:1-12)

20 ዮሴፊካ ባና ካሊዛይታስ “ዖሳ ካዎቴሳይ ኢንቴስ ጊዲዳ ጊሽ ኢንቴኖ ማንቆቶ! ኢንቴ አንጆቲዳይታ፤

21 ኢንቴ ጉዩፔ ካላና ጊሽ ሃዲ ጋፊዛይቶ!  
ኢንቴ አንጆቲዳይታ፤ ኢንቴ ጉዩፔ ሚጫና ጊሽ

ኢንቴኖ ሃዲ ዩኪዛይቶ!  
ኢንቴ አንጆቲዳይታ፤

22 አሳይ ታ ጊሽ ኢንቴና ኢዲሺን ባ ጊዶፌ ሻኪሺን። ቦርሺኒኔ ኢንቴና ኢታ ሱንሳራ ዔይጊሺን ኢንቴ አንጆቲዳይታ፤ \*

23 “ኢንቴስ ሳሎን ጊታ ዎይቶይ ዲዛ ጊሽ ሄ ዎዴ ኡፋይሳን ጉፒቴ፤ አይስ ጊኮ ኢስታ አዋቲ ናቤታ ቦላ ሄሳሶ አሲዳ። \*

24 ጊዶ አቲን ኢንቴኖ ዱሬቶ ኢንቴ ሃዲ ኡፋይቲዳ ጊሽ ኢንቴና አዩ-አና!

25 ኢንቴኖ ሃዲ ካሊዳይቶ ኢንቴና አዩ አና!  
ኢንቴ ጉዩፔ ጋፋና፤ ኢንቴኖ ሃዲ ሚጨዛይቶ!

ኢንቴስ አዩ አና! ኢንቴ ጉዩፔ ሚሼታናኔ ዩካና።

26 “አሲ ወሪ ኢንቴ ጊሽ ሎዎ ሃሳዩዛ ዎዴ ኢንቴንስ አዩ-አና! አይስ ጊኮ ኢስታ አዋቲ ዎርዶ ናቤታስ ሄሳ ማላ አሲዳ።

**ሞርኬ ሲቆ ጊሽ**  
(ማቶ 5:38-48፤ 7:12)

27 “ጊዶ አቲን ታ ዮቲዛይሳ ሲዩዛይቶ ታኒ ኢንቴስ ዮቲዛይ ኢንቴ ሞርኬታ ሲቂቴ፤ ኢንቴና ኢዲዛይታስ ሎዎ አሲቴ፤<sup>28</sup> ኢንቴና ቃንጊዛይታ አንጆቴ፤ ኢንቴና ቆሂዛይታስ ዎሲቴ፤<sup>29</sup> ኢሲ ሻጋላን ባቂኮ። ናምዓንሶ ሻጋላ ጉጃ ቤሳ፤ አኒኔ ኔ ቦላራ ማይዲዳይሳ ቃሪ ኤኪኮ ጋላራ ማይዲዳይሳካ ዲጎፋ። \*

30 “ኔና ዎሲዛ ኡባስ ኢማ፤ ኔ ሚሻ ኤኪዳ አሲ ዛሪ ኢማና ማላ አይቾፋ።

31 “አሲ ኢንቴስ አሳና ማላ ኢንቴ ኮዩዛይሳሶ ኢንቴካ ሃራ አሳስ አሲቴ። \*

32 “ናጋራንቻቲካ ባና ሲቂዛይታ ሲቂዛ ጊሽ ኢንቴ ኢንቴና ሲቂዛይታ ፃላ ሲቂኮ ኢንቴስ አይ ዱማ አንጆይ ዲዜ? <sup>33</sup> ኢንቴ ኢንቴስ ሎዎ አሲዛይታስ ፃላላ ሎዎ አሲኮ ኢንቴስ አይ ዱማ አንጆይ ዲዜ? አይሲ ጊኮ ናጋራንቻቲካ ሄሳሶ አሲዛ። <sup>34</sup> ታልዔ ኤኪዲ ዛራና ዳንዳዩቴስ ጊዛይታስ ፃላ ኢንቴ ታልዒኮ ኢንቴ ሃራ አይ ዱማ አንጆ ዴማኔ? አይሲ ጊኮ ናጋራንቻቲካ ኢስቲ ታልዒዳይሳ ሲሬ ዛሪዲ ኤካናስ ናጋራንቻታስ ታልዔቴስ። <sup>35</sup> ጊዶ አቲን ዎሲ ባና ጋላቶንታይታሲኔ ኢታታስ ኪያ ጊዲዳ ማላ ኢንቴ ሞርኬታ ሲቂቴ፤ ሎዎ አሲቴ፤ ጉዩፔ ዛሪዲ ኤካናስ ቆፖንታ ዲሼ ታልዔ ኢሚቴ፤ ሄሳንካ ኢንቴስ ኩሼ ዛርይ ጊታ ጊዳና፤ ቃሴካ ኢንቴ ዎጋ ዎሳ ና ጊዳና። <sup>36</sup> ኢንቴ አዋይ ኪያ ጊዲዳ ማላ ኢንቴካ ኪያታ ጊዲቴ።

**ሃራ አሳ ፒርዳናስ ቤሴና**  
(ማቶ 7:1-5)

37 “ኢንቴ ሃራታ ቦላ ፒርዶፍቴ ኢንቴ ቦላካ ፒርዴቴና፤ ኢንቴ ቦላ ፒርዳይ ዳርንታ ማላ ሃራታ ቦላ ፒርዳ ዳርሶፍቴ፤ አሳስ አቶ ጊቴ ኢንቴስካ አቶ ጊቴታና። <sup>38</sup> ኢሚቴ! ኢንቴስካ ኢሜታና፤ ኢንቴስ ኢንቴ ማኪዳ ሚሻን ሲሚዲ ማኪታና፤ ሃራፔካ ናቂ ባቂቲዲ ዩጌቲ ኩሚዲ ዎራ ጉካናሼ ሎዎ ማኪዛ ሚሻን ማኪቲዲ ኢንቴስ ኢሜታና” ጊዴስ።

39 ቃሴካ ዮሴፊ ኢስታስ ሌሚሶን “ቆቆይ ቆቆ ካሌሳናስ ዳንዳዩዜ? ካሌሲኮካ ናምዓቲ ኢሶይ ኢሳራ አይኬቲዲ አሳን ጌሌቴኔ? \* <sup>40</sup> ታማሬይ ባና ታማርሲዛዴፌ አዴና። ጊዶ አቲን ሎዔሲ ታማሪዳ አሲ ወሪ ባ አስታማሬ ማላ ጊዴስ። \*

41 “ኔ አይፌ ጊዶን ዲዛ ቱሳ ዔሎንታ ዳሼ ኔ ኢሻ አይፌ ጊዶን ዲዛ ቡራ አይስ ዔላይ? <sup>42</sup> ኔ አይፌን ዲዛ ቱሳ ቤዮንታ ኔ ኢሻ ‘ታኒ ኔ አይፌን ዲዛ ቡራ አኔ ኬሳይስ ጋናስ ዎስታ ዳንዳዩይ?’ ኔኖ ቆዴፔ ቆዴን ሃንዛይሶ ኮይርታዳ ኔ አይፌን ዲዛ ቱሳ ኬሳ፤ ሄሳፌ ጉዩ ኔ ኢሻ አይፌን ዲዛ ቡራ ኬሳናስ ሎዔሳ ዔላንዳሳ።

\* 6:22 1ኳፀ 4:14 \* 6:23 2ታር 36:16፤ ሃዎ 7:52 \* 6:29 ሻጋላን ጊዛይሳ ኢሲ ኢሲ ባጋ ጋዎሶ ቃላን ቂንፃሌ ጌቴቴስ።  
\* 6:31 ማቶ 7:12 \* 6:39 ማቶ 15:14 \* 6:40 ማቶ 10:24-25፤ ዮሃ 13:16፤ 15:20

**ሚሊ ባ አይፌን ኤሬቴስ**

(ማቶ 7:17-20፤ 12:34-35)

43 “ሎፖ ሚሊ ኢታ አይፌ አይፌና፤ ቃሴካ ኢታ ሚሊ ሎፖ አይፌ አይፌና። 44 ሚሊ ወሪካ ባ አይፌን አይፌን ኤሬቴስ፤ አጉንሳፌ ባላሴ ጌቴቴዛ ሚላ አይፌ ማጌቴና፤ ላዴፔ ዎይኔ አይፌይ ቃንጌቴና። \* 45 ሎፖ አሲ ባ ዎዝና ኩሚዳ ሎፖ ሚሽ ኬሴስ፤ ኢታ አሲካ ባ ዎዝና ኩሚዳ ኢታ ሚሻፌ ኢታ ኬሴስ፤ አሲ ወሪካ ባ ዎዝና ኩሚ ፓላሂዳይሳ ባ ዱናን ሃሳዮስ። \*

**ናምዑ ቆሞ ኬሴ ኬዲዛ አሳታ**

(ማቶ 7:24-27)

46 “ታኒ ጊዛይሳ አሴኬታ ሺን አይስ ታና ‘ጎዶ! ጎዶ!’ ጌቲ? 47-48 ታኮ ዩዲኔ ታ ቃላ ሲይዲ ፖሊዛይ ወሪ አና ሚሳቴዛኮኔ ታ ኢንቴና ቤሳና፤ ኬሴ ኬዳናስ ዚቂ አሲ ቦኪዲ ሹቻ ቦላን ባ ኬሳ ኬዲዳ አሳ ሚሳቴስ። ሃሮ ሃሲ ዩዲ ሄ ኬሳ ሱጊዴስ፤ ጊዶ አቲን ሚኒ ኬዲቴዳ ጊሽ ቃሳናስ ዳንዳይቤና። 49 ጊዶ አቲን ታ ቃላ ሲይዲ ፖሎንታ አሲ ባ ኬሴ ሎዴሲ ባሶንታኔ ጊዶን ሹቻ ዩንታ ኬዲዳ አሳ ሚሳቴስ፤ ሃሮይካ ኬሳ ሱጊን ኬሳይ ሄራካ ኩንዲዲ ኢታ ላሌስ ላሌቴዴስ” ጊ ዮቴዴስ።

7

**ዮሱሲ ማቶ ሃላቃዛ አሽካራ ፓሲዴስ**

(ማቶ 8:13፤ ዮሃ 4:3)

1 ዮሱሲ ሄሳ ወርሲካ ዴሬ ሲንሳን ዮቴ ወርሲዳይሳፌ ጉዩ ቂሬርናሆሜ ጊዛሶ ቢ ጊሊዴስ። 2 ሄን ቂፍርናሆሜን ማቶ ሃላቃይ ዴስ፤ ሄ አዴዛስ ኢዚ ሲቂዛ አሽካራይ ሃርጊዲ ሃይቆስ ሼምፖ ቦላ ዴስ። 3 ኢዚካ ዮሱሳ ጊሽ ሲይዲ “ባ አሽካራ ፓሳና ማላ ዮሱሳ ዎሴርኮቴ!” ጊዲ ኢሲ ኢሲ አይሁዳ ባጋ አሳታፔ ጪማታ ዮሱሳኮ ዮዲዴስ። 4 ኪቴቴዲ ቢዳ አሳቴ ዮሱሳኮ ዩዲ “ሃይሳ አዴዛ ጊሽ ኔ አሽካራዛ ፓሳና ቤሴስ። 5 አይስ ጊኮ ሃይሲ አዴዚ ኑ አሳ ዳሮ ዶሴስ፤ ኑስካ አይሁዳ ዎሳ ኬሴ ኬዲሲዳይ ኢዛ” ጊዲ ሚንሲ ዎሲዴስ።

6 ዮሱሲካ ኢስታራ ቤዴስ። ዮሱሲ አዴዛ ኬሳኮ ማቴዛ ዎዴ አዴዚ ባ ላጌታ ዮሱሳኮ ዮዲዲ “ጎዶ! ኔ ታ ኬሴ ጊላናስ ቤሴና፤ ታካ ኔና ታ ኬሴ ጊልላናስ ቤሲዛ አሲ ጊዶንታ ጊሽ ሃ ያሼ ዳቡሮፓ። 7 ታኒ ኔ ሲንሳን ቤታናስ ቤሶንታ አሳ ጊዲዳ ጊሽ ኔኮ ባቤይኬ፤ ሄሳ ጊሽ ኔኒ ሄን ዳዳ ቃላ ሃላ ጊኮ ታ አሽካራይ ፓዳና። 8 ታስካ ታና አዛዚዛ አሲ ታፔ ቦላራ ዴስ። ታፔ ጋርሳራ ታኒ አዛዚዛ ዎታዳራቴ ዴቴስ። ኢሳ ‘ሃይ!’ ጊኮ ዮስ፤ ኢሳ ‘ሄ ባ!’ ጊኮ ቤስ፤ አሽካራይካ ‘ሄሳ አሳ!’ ጊኮ አዛዜቴዳይሳ አሴስ” ጊዴስ።

9 ዮሱሲካ አዴዚ ጊዳይሳ ሲይዲ አዴዛ ሃኖቴሳን ማላሌቴዴስ። ጉዩ ሲሚዲ ባና ካሊዛ ዴራስ “ታ ኢንቴስ ጊዛይ ሃይሳ ማላ ጊታ አማኖ ሃራይ አቶ ሺን ኢስራዴሌ ናይታ ጊዶንካ ዴማቤኬ” ጊዴስ።

10 ዮሱሳኮ ኪቴቴዳ አሳቴ ጉዩ ኪቴዳ ሃላቃሶ ሲሚዳ ዎዴ አሽካራያ ፓዲዳይሳ ቤዩዳ

**ዮሱሲ ኢሲ አምዴይ ና ሃይቆፔ ዴንሲዴስ**

11 ሄሳፌ ጉዩን ዮሱሲ ጋምፖንታ ዲሼ ናይኔ ጌቴቴዛ ካታማ ባና ካሊዛይታራኔ ዳሮ ዴሬራ ኢሲፌ ቢዴስ። 12 ኢዚ ቢዲ ካታማ ጊሊዛ ሚፃ ጋኪሺን ሄ ካታማይፔ ዳሮ አሳይ አሃ ቶኪ ኤኪዲ ኬዚ ዎዲዴስ። ሃይቂዳይስ ባ አዩይስ ኢዚ ሜዲ ኢሲና። አዩይስካ አዚናይ ባዋ፤ ካታማፔ ዳሮ አሳይ ኢዚራ ኢሲፌ ዴስ። 13 ጎዳይካ ኢዞ ቤዩዳ ዎዴ ኢዚስ ሚቴቴዲ “አይኮይ ባዋ፤ ዩኮፋ!” ጊዴስ።

14 ሺቂዲኔ አሃ ቶኪዳ ሃላ ቦቺን አሃ ቶኪዳይቴ ሲቴ ጊ ኤቂዳ። ዮሱሲካ “ሃይሶ ናዞ ኔና ጋይስ ዴንዳ!” ጊዴስ። 15 ሃይቂዳ ናዚካ ሱሪ ኡቴዲ ሃሳያ አይኪዴስ። ዮሱሲካ ናዛ አዩይስ ኤፊ ኢሚዴስ።

16 አሳይ ወሪካ ኬሂ ባቢዲ ዎሳ ጋላቴሼ “ጊታ ናቤይ ኑ ጊዶፌ ዴንዲዴስ፤ ዎሲካ ሃይሳ ዴሬዛ ዩዲ ቤይዴስ” ጊዴስ። 17 ሃይሲ ዮሱሳ ጊሽ ሃሳዮቴዛ ሎፖ ሃሳያይ ኩሜሳ ዩሁዳኒኔ ዩሁዳ ዩሾን ዲዛ ዴሬታን ኬዚዴስ።

**ፃማቂዛ ዮሃንሳፔ ዮሱሳኮ ኪቴቴዳ አሳታ**

(ማቶ 11:19)

18 ፃማቂዛ ዮሃንሳ ካሊዛይቴካ ሃይሳ ወርሲ ዮሃንሳስ ዮቴዳ። ዮሃንሲካ ኢስታ ጊዶፌ ናምዳታ ዪይጊዲ። 19 “ኢዚ ያና ጌቴቴዲ ሃሳዮቴዛይስ ኔኔዩ? ሃራ አስ ናጊኖ? ጊ አይቺቴ” ጊዲ ጎዳኮ ዮዲዴስ።

20 ቢዳ አሳቴ ዮሱሳኮ ጋኪዲ “ፃማቂዛ ዮሃንሲ ‘ኢዚ ያና ጌቴቴዲ ሃሳዮቴዛይሲ ኔኔዩ? ሃራ አስ ናጊኖ?’ ጊዲ ኔኮ ኑና ዮዲዴስ” ጊዳ።

21 ሄ ዎዴ ዮሱሲ ዳሮ አሳ ዋዩፔ፤ ሃርጊሬኔ ቱና አያናታፔ ፓሲዴስ። ዳሮ ቆቂታ አይፌይካ ዪሌስ። 22 ዮሃንሲ ኪቴን ኢዛኮ ዩዳይታ “ቢዲ ኢንቴ ኢንቴ አይፌራ ቤዩዳይሳኔ ሲዩዳይሳ ዮሃንሳስ ዮቴቴ። አይፌ ቆቂቴ ዪሌቴስ፤ ቶሆ ዎቤቴ ሱሬ ሃሙቴቴስ፤ ኢንቺራቻ ሃርጊዛይቴ ፓዲዳ፤ ቱሌቴ ሲዩዳ፤ ሃይቂዳይቴ ሃይቆፔ ዴንዲዳ፤ ማንቆታስ ሚሺራቾ ቃላይ ዮቴቴስ። \* 23 ታናን ዲጴቶንታ አሲ ወሪካ አንጄቴዳይሳ” ጊዴስ።

\* 6:44 ማቶ 12:33 \* 6:45 ማቶ 12:34 \* 7:22 ኢሳ 35:5-6፤ ኢሳ 61:1



24 የሃረሲ ኪቲዳ አሳቲ ዮሱሳ አቻ። ቢዳይሳ። ጉዩ ዮሱሲ ዳሮ አሳስ የሃረሳ ጊሽ “ኢንቴ አይ ቢያናስ ባዞ ኬዚዴቲ? ጫርኮይ ሄኔ ሃኔ ቃሴሲዛ ሾምቦ ቢያናሴ? 25 አይ ቢያናስ ኬዚዴቲ? ሎዲዛ ማይዎ ማይዲዳ አስ ቢያና ኬዚዴቲ? ሎዎ ማይዎ ማይዲዳ ዋሪፅ ጊዛይቲ ኢሻሎ ዱሳ ዲዛይቲ ካዎ ኬሳን ዴቲስ። 26 ሂስቲኮ አይ ቢያናስ ኬዚዴቲ? ናቤ ቢያናሴ? ኤ ታ ኢንቴስ ቱማ ጋይስ፤ ኢንቴ ኬዚዳይ ናቤ፤ አዲዛይ ቢያናሳ። 27 ያሳ ቃላን ‘ኔ ባና ኦኔ ኔስ ባሲ ሎዲሳና ኪቲቲዳ አስ ታ ኔ፤ ሲንሳራ ዮዳና’ ጌቲቲዳ ኢዛ ጊሽ ግፊቲዳይስ ኢዛኮ። \*

28 “ታኒ ኢንቴስ ጊዛይ ማጫሳ፤ ዮሱሳ አሳ ጊዶን የሃረሳ፤ አዲዛይ አኒካ ዴና፤ ያሳ ካዎቲሳን ጊዲኮ አሳ ኡባ። ጉሳ ጌቲቲዳ አሲ የሃረሳ፤ አዳና” ጊ ዮቲዴስ።

29 ቃራግ ቃንጊሲዛይቲካ አቶንታ ሃይሳ ዮሱሳ ቃላ ሲዩዳይቲ ወሪካ የሃረሳ ኩሼን ግማቁቲዳ ያሳስ ቤሲዛ ቦንቾ ኢሚዳ። \* 30 ፋርሳዌቲኔ ሙሴ ዎጋ ኤራንቻቲ የሃረሳ ኩሼን ግማቁቶንታ ጊሽ ያሲ ኢስታስ ዋና ቆፋ አሲዳ ሺሺዳይሳ ሂራይሲዳ።

31 ቃሴካ ዮሱሲ ዛሪዳ “ሂስቲኮ ሃዲ ዮሴታ አዛን ሌሚሶ? ኢስቲ አይ ሚሳቲዞ? 32 ጊያን ኡቲዳ ባ ጊዶን ኢሶይ ኢሳራ ያይጌቲዳ ‘ኢንቴስ ኦኒ ዲስ ዲዲዶስ ሺን ዱሪቤኬታ፤ ዚላሲስ ዚላሲዶስ ሺን ዮኪቤኬታ፤ ጊዛ ናይታ ሚሳቲቲስ’ ጊዴስ። 33 አይስ ጊኮ ግማቁዛ የሃረሲ ካስ ሞንታኔ ዎይኔ፤ አሴቲዳ ጫጄ ኡቶንታ ዩን ‘ዳይዳንሲ ኢዛ ቦላ ዴስ’ ጊዴታ። 34 አሳ ናይ ቃሴ ሚሼኔ ኡዩሼ ዩን ‘ጋንጃማኔ ኡሻንቻ፤ ቃራግ ሺሺዛይታራኔ ናጋራንቻታራ ላጌቲስ’ ጊዴታ። 35 ሄሳ ጊሽ ኤራቲሳ ቱማቲሳይ ኢዚ ናይታ ኡባታ አቻን አማኔቲዴስ” ጊዴስ።

**ኢሲ ማጫሳዎ ዮሱሳ ቶሆ ሺቶ ቲያዱስ**

36 ሄሳ። ጉዩ ፋርሳዌታ፤ ኢሲ አሲ ዮሱሳ ቁማ ማናስ ባ ኬሴ ያይጊን ዮሱሲ ያይጊዳ ፋርሳዌ ኬሳ ቢዲ ኡቲዴስ። 37 ሄ ካታማን ዲዛ ኢሲ ናጋራንቻ ማጫስ ዲዛራ ዮሱሲ ፋርሳዌ ኬሳን ቁማ ማዳ ቦላን ዲዛይሳ ሲያዳ ኢሲ አልባስደርሴ ቢልቃዌ ሺቶ ኤካ ያዱስ። 38 ያዳኔ ዮሱሳ፤ ጉዩራ ኢዛ ቶሆ አቻን ኡቃዳ ዮካሼኔ ባ አፉንሳን ኢዛ ቶሆ ጫጲሳዳ ባ ሁዔ ቢናናራ ቁጫሼኔ ዮራሼ ሺቶ ቲያዱስ። 39 ዮሱሳ ቁማስ ያይሲዳ ፋርሳዌይካ ሄሳ ቤዩዲ “ሃይሲ አይዚ ናቤ ጊዲዳኮ ሃና ኢዛ ቦቺዳ ማጫሳዎ ኢዛ ኦናኮኔ አይ አሲዛ አሳኮኔ ኤራናኮ ሺን፤ ኢዛ ናጋራንቻኮ ሺን” ጊዲ ባ ዎዝናን ቆፒዴስ።

40 ዮሱሲ “ሲሞና! ኔስ ታ ዮታናዚ ዴስ” ጊዴስ። ሲሞናይካ “አስታማሬ! ኤሮ ዮታ” ጊዴስ።

41 ዮሱሲ ዛሪዳ “ኢሲ ሚሼ ታልዔ ኢሚዛዴ። ታልዔ ኤኪዳ ናምዑ አሳቲ ዴቲስ፤ ኢስታፊ ኢሳ ቦላ ኢቻሹ ያት ዲናሬይ ዴስ፤ ናምዳንሶዛ ቦላ ኢቻሹ ታሙ ዲናሬይ ዴስ። \* 42 ኢስታስ ቃንጊዛ ሚሹ ዳይን ታልዔ ኢሚዳይሲ ናምዳታ አጮዛ ወርሲካ ማሪዴስ። ሂስቲኮ ሃ ናምዳታ፤ ሃ ታልዔ ኢሚዳይሳ ዳርሲ ዶሳናይ አዋይሴ?” ጊዴስ።

43 ሲሞናይካ ዛሪዳ “ዳሮ አጮይ ማሬቲዳይሳ ጋዳ ቆፓይስ” ጊዴስ። ዮሱሲካ “ቱሙ ፒርዳዳሳ” ጊዴስ።

44 ሄ ማጫሳይኮ ዩዩዲ ሲሞና “ሃኖ ማጫሳዎ ያላይ? ታ ኔ ኬሴ ጊሊን ኔ ታ ቶሆስ ሃሴ ሺሻቤካ፤ ኢዛ ጊዲኮ ታ ቶሆ ባ አፉንሳን ጫጲሳዳ ባ ሁዔ ቢናናራ ቁጫዱስ። 45 ኔኒ ኡባካ ታና ዮራቤካ፤ ኢዛ ግዲኮ ታ ጌሎሶ፤ አይካዳ ታ ቶሆ ዮሮ አጋቤኩ። 46 ኔ ታ ሁዔ ዛይቲ ቲያቤካ ሺን ኢዛ ጊዲኮ ታ ቶሆ ሺቶ ቲያዱስ።

47 “ሄሳ ጊሽ ታ ኔና ጊዛይ ኢዛ ታና ኬሃ ዶሲዳ ጊሽ ኢዛ ባ ዳሮ ናጋራ፤ ማሬታዱስ፤ ጉሳራ ማሬቲዛ አሳ ሲቆይካ ጉሳ” ጊዴስ።

48 ዮሱሲ ማጫሳዎ “ኔ ናጋራ፤ ማሬታዳሳ” ጊዴስ።

49 ኢዛራ ኢሲ። ማዳን ኡቲዳ ኢማሳቲካ “ሃይሲ ናጋራ ማሪዛይ ኢዚ ኦኔ?” ጊዲ ባ ዎዝናራ ቆፒዳ። 50 ዮሱሲካ ማጫሳዎ “ኔና ኔ አማኖይ አሺዴስ፤ ሳሮን ባ!” ጊዴስ።

**8**

**ዮሱሳ ካሊዳይታኔ ኢዛስ አሲዳ ማጫሳታ**

1 ሄሳ። ጉዩ ዮሱሲ ያሳ ካዎቲሳ ሚሹራቾ ሳባኪሼ ዱማ ዱማ ካታማታ ጊዶራኔ ጉታታ ጊዶራ አዲዴስ። አዲዳ ቢዛ ዎዴ ኢዛ ካሊዛ ታማኔ ናምዳቲ ኢዛራ ዴቲስ። 2 ቃሴካ ቱና አያና፤ ኢታ ሃርጌ። ፓዲዳ ኢሲ ኢሲ ማጫሳቲ ኢዛራ ዴቲስ። ኢስቲካ ላፑን ቱና አያናይ ኢዚ፤ ኬዚዳ ማግዳሴ ጌቲቲዛ ዴሬ፤ ዩዳ ማራሞ። 3 ካዎ ሄርዶሳሶን አሲዛ ኩዛ ማቾ የሃኖ ቃሴካ ሶሲናኔ ሃራ ዳሮ ማጫሳቲ ዴቲስ። ኢስቲካ ባስ ዲዛ ሚሻራ ዮሱሳስ አሲዳይታ።

**ካስ ዜሪዛዴ ሌሚሶ**

(ማቶ 13:1-9፤ ማር 4:1-9)

4 ዳሮ ዴሬይ ኢሲ። ሺቁዳ ዲሺን ቃሴካ አሳይ ዱማ ዱማ ካታማ፤ ኢዛኮ ዎዲዛ ዎዴ ዮሱሲ ሌሚሶራ ታማርሲሼ።

5 “ኢሲ ጎሻንቻይ ዜሬሲ ዜራናስ ኬዚዴስ፤ ኢዚ ዜሪሺን ባጋይ ኦጌን ዎዲዳ አሳ ቶሆን ዮዴቲዴስ፤ ሳሎ ካፎቲካ ዩዲ ማዲ ሚዳ፤ 6 ኢሲ ዜሪሳይ ሹቻ ጋዴን ዎዲዳ ሄራካ ጫሪዴስ፤ ጋዴዚካ ሚላ ጋዴ ጊዲዳ ጊሽ ኤሴ ማሊቺዴስ። 7 ቃሴካ ሃራ ዜሬሲ አጉንሳ ጊዶን ዎዲዴስ፤

\* 7:27 ሚላ 3:1 \* 7:29 ማቶ 21:32፤ ሉቃ 3:12 \* 7:41 ዲናሬይ ሄ ዎዴ ኢሲ አሳንቻስ ኢሲ ጋላሳ ዳሞዛ።

አጉንፋይካ ኢዛራ ኢሲፌ ዲጩዲ ጫሬቻይካ ዲጮንታ ማላ ጩሊደስ።<sup>8</sup> ቃሴካ ሃራ ዜሬሳይ ሎዎ አራዳ ጋዴን ዎዲደስ፤ ጫሪዳ ዎዴካ ያቱ ኩሼ አይፊደስ” ጊደስ።

**ዮሱሴ ሌሚሶን ሃሳዬዳ ጋሶ**  
(ማቶ 13:10-17፤ ማር 4:10-12)

ዮሱሴ ሃሳዎ ወርሲዲ ቃላ ዶቁ ሂስቲዲ “ሲዬዛ ሃይሲ ዲዛ አሲ ሲዮ!” ጊደስ።  
<sup>9</sup> ዮሱሳ ካሊዛይቲ “ዜሬሳ ሌሚሶዛስ ቢርሼሳ ኢማ” ጊዲ አይቺን፤<sup>10</sup> ኢዚካ ኢስታስ “ዎሳ ካዎቴሳ ፀራ ኤርይ ኢንቴስ ኢሜቲደስ፤ ሃራታስ ጊዲኮ ሌሚሶራ ዮታይስ ቃሴካ ሃራቲ ቤዬዲ ዎዝናን ዎሶንታ ማላኔ ሲይዲ ዩሺ ቆፖንታ ማላ ሃኒደስ።

**ዮሱሴ ዜሬሳ ሌሚሶ ቢርሼደስ**  
(ማቶ 13:18-23፤ ማር 4:13-20)

<sup>11</sup> “ዜሬሳ ሌሚሶይካ ሃይሳ፤ ዜሬሳ ጌቴቲዳይሲ ዎሳ ቃላ።<sup>12</sup> አጌ ላንቁን ዎዲዳይሲ ቃላ ሲዬዛይታ፤ ጊዶ አቲን ኢስቲ አማኒዲ አቶንታ ማላ ዓላዔይ ዩዲ ቃላ ኢስታ ዎዝናፕ ኤኪቺዛይታ።  
<sup>13</sup> ሹቻ ቦላ ዎዲዳይቲካ ቃላ ሲይዲ ኡፋይሳራ ኤኪዛይታ፤ ኢስቲካ ሃዲስ አማኔቴስ አቲን ሜቶይ ኢስታ ቦላ ጋኪዛ ዎዴ ዓጵ ዮዶንታ ጊሽ ኤሌራ አማኖ ካዲዛይታ።<sup>14</sup> አጉንፋ ጊዶን ዎዲዳይቲ ቃላ ሲዬዛይታ፤ ሄይቲካ ሃይሳ ሃ አላሜ ቆፋኒኔ አቆታን፤ ሃይሳ ቢታ ቦላ ዱሳ ሎዔቴሳን ጩሌቲዲ ሎዔሲ አይፌ ኢሜቴና።<sup>15</sup> አራዳ ቢታን ዎዲዳይሲ ቃላ ሱሬኒኔ ሎዎ ዎዝናን ሲይዲ ናጊዛይታኔ ዳንዳያን ሚኒዲ አይፌ አይፊደይታ።

**ቆንጩን ኡቲዳ ዎምፕ**  
(ማር 4:21-25)

<sup>16</sup> “ፖዎ ፖዒሲዲ ባላ ጊዶን ዎይኮ አርሳ ጊዶን ዎሲዛ አሲ ባዎ፤ ጊዶ አቲን ኬሴ ጌሊዛ አሳስ ፖዓና ማላ ቆንጩሶን ዎሴቴስ። \*<sup>17</sup> ቆቴቲዲ ቆንጩ ኬዎንታይ፤ ፖዎን ኬዚዲ ኤሬቶንታ ጌማን አታና ሚሺ ደና። \*  
<sup>18</sup> “ሄሳ ጊሽ ኢንቴ ሲዬዛይሳ ናጌቲ ሲዬቴ፤ ዲዛ አሳስ ጉጂታና ባይንዳደስ አባፌ ኢዛስ ዲዛ ሚሳቲዛራካ ኤኬታይቻና” ጊ ዛሪደስ። \*

**ዮሱሳኔ ኢዛ ኢሻታ**  
(ማቶ 12:46-50፤ ማር 3:31-35)

<sup>19</sup> ሄሳፌ ጉዬ ዮሱሳ አያኔ ኢዛ ኢሻቲ ዮሱሳኮ ዩዳ። ጊዶ አቲን አሳ ዳርቴሳፌ ዴንዲዳይሳን ኢዛኮ ሺቃናስ ዳንዳይቤቴና።<sup>20</sup> ሄ ዎዴ አሳይ ዮሱሳስ “ኔ አዬያኔ ኔ ኢሻቲ ኔና ቤያናስ ኮይዲ ካሬን ኤቂዳ” ጊዲ ዮቲዳ።  
<sup>21</sup> ዮሱሳካ ዛሪዲ “ታ አያኔ ታ ኢሻቲ ዎሳ ቃላ ሲይዲ ናጊዛይታ” ጊደስ።

**ዮሱሴ አባ ዳምባላዛ ሴሪደስ**  
(ማቶ 8:23-27፤ ማር 4:35-41)

<sup>22</sup> ኢሲ ጋላስ ዮሱሴ ባና ካሊዛይታራ ዎጎሎ ጊዶ ጌሊዲ “አባፌ ሄ ፒንሳ ፒኖስ” ጊደስ።  
<sup>23</sup> ኢስቲካ ፒኒሺን አባ ቦላ ዳምባላይ ዴንዲዲ ዎይሲዛ ዎዴ ዮሱሴ ዲስኪደስ። ሃሳይካ ዎጎሎዛ ጊዶ ጌሊን አሳይ ዳር ሜቶቴቲደስ።<sup>24</sup> ዮሱሳ ካሊዛይቲ ኢዛኮ ሺቂዲ “ጎዶ! ጎዶ! ኑ ወራና ሃኖስ” ጊዲ ዮሱሳ ዲስኮፌ ዴንሲዳ።  
ኢዚካ ቤጊዲ ጫርኮዛኔ አባ ዳምባላ ሴሪን ጫርኮይኔ አባ ዳምባላይ ጮፀ ጊደስ።<sup>25</sup> ኢዚካ ባና ካሊዛይታ “ኢንቴ አማኖይ አዎ ቢደ?” ጊደስ። ኢስቲካ ባ ጊዶን ባቢሼኔ ማላሌቲሼ “ጫርኮኔ ሃሴ አዛዚዛይ፤ ኢስቲካ ኢዛስ አዛዜቲዛይ ኢዚ አኔ?” ጊዳ።

**ዮሱሴ ዳይዳንፋቲ አይኪዳ አዴዛ ፓሲደስ**  
(ማቶ 8:28-34፤ ማር 5:1-20)

<sup>26</sup> ኢዛፕ ጉዬ ጋሊላፕ ሄ ፒንፋን ዲዛ ጌርጌሴኖኔ ጌቴቲዛ ዴሬ ዎጎሎራ ፒኒዳ።<sup>27</sup> ዮሱሴ ዎጎሎዛፕ ጋዴን ዎዲዳ ዎዴ ዳይዳንሲ ኢዛ ቦላ ዲዛ ኢሳዴይ ካታማፕ ኬዚዲ ኢዛ ዴሚደስ። ሄ አዴዚ ዳር ዎዴ ማይዎ ወይዎንታ ካሎ ዲዛዴኔ ኬሳን አቆንታ ዱፎ ባስ አቆሶ አሲዳ አሳ።  
<sup>28</sup> ዮሱሳ ቤዬዳ ዎዴ ዋሲሼ ዮሱሳ ሲንፋን ኩንዲደስ፤ ቃላ ዶቁ ሂስቲዲ “ቦንቾ ዎሳ ና ዮሱሳ! ታሲኔ ኔስ አይ ጋይቶቴሲ ዲዜ? ኔ ታና ዎይሶንታ ማላ ታ ኔና ዎሳይስ” ጊደስ።<sup>29</sup> ቱና አያናይ ሄሳ ጋናስ ዳንዳይዳይ አዴዛፕ ኬዛና ማላ ዮሱሴ አዛዚዳ ጊሻሳ። ቱና አያናይካ ዎዴን ዎዴን ዴንዲዛ ጊሽ አዴዚ ሳንሳላታኒኔ ቢራታን ቶሆ ቃቺ ናጊንካ ቃሼቲዳ ሳንሳላታ ዱሴሬሲዲ ኢዛ ቦላ ዲዛ ዳይዳንፋይ ኢዛ ዱጌ ባዞ ዛሪ ኤፌስ።  
<sup>30</sup> ዮሱሴ “ኔ ሱንሲ አኔ?” ጊዲ አይቺደስ፤ ኢዚካ ዳር ዳይዳንፋቲ ኢዛን ጌሊዲ ዲዛ ጊሽ ታ ሱንሲ “ሌጎኔ” ጊደስ።<sup>31</sup> ዳይዳንፋቲካ ባና ወርሴሲ ባይንዳ ጩማ አላን ዮጎንታ ማላ ሚንሲዲ ዎሲዳ።  
<sup>32</sup> ሄንካ ዙማ ቦላ ዳር ጉዱንሲ ሄሜቴስ፤ ዳይዳንፋቲ “ጉዱንሳ ወዴዛን ጌሊቴ” ጊዲ አዛዛና ማላ ዎሲን ዮሱሴ “ኤር ጌሊቴ!” ጊደስ።<sup>33</sup> ዳይዳንፋቲ አዴዛፕ ኬዚዲ ጉዱንፋታን ጌሊዳ። ጉዱንፋቲ አፎዛ ዱጉንፋራ ቢቻርሼ ቢዲ አባን ጌሊዲ አባን ሚቴቲዳ።

\* 8:16 ማቶ 5:15፤ ሉቃስ 11:33 \* 8:17 ማቶ 10:26፤ ሉቃስ 12:2 \* 8:18 ማቶ 25:29፤ ሉቃስ 19:26

34 ሄሚዛይቲ ሃኒዳይሳ ቤዩዳ ዎዴ ቤሮቲ ቢዲ ካታማ አሳሲኔ ዴሬ አሳስ ዮቲዳ። 35 ሃንዳይሳ ቤያና ጊዲ አሳይ ባ ዲዛሶፕ ዮሱሳኮ ዩዴስ። ዳይዳንሳይ ኢዛፕ ኬዚዳ አዴዚካ ዎዝናይ ካሃይ ሲሚን አፋላ ማዲዲ ዮሱሳ ቶሆ ጊዶን ኡቲዳይሳ ቤዩዲ ባቢዳ። 36 ዳይዳንሳን አይኬቲዳ አዴዚ ፓሂሺን ቤዩዳይቲ ኢዚ ዋኒ ፓሂዳኮኔ ዴሬዛስ ዮቲዳ። 37 ጌርጌሴኖኔ ማታን ዲዛ አሳይ ኬሂ ባቢዳ ጊሽ ዮሱሳ “ሃይሳፌ ኪቻ!” ጊዲ ዎሲዳ፤ ኢዚካ ዎንሎዛን ጌሊዲ ሲሚ ቢዴስ።

38 ዳይዳንሳይ ኢዛፕ ኬዚዳ አዴዚ ዮሱሳራ ኢሲፌ ዳና ማላ ዎሲዴስ። 39 ጊዶ አቲን ዮሱሲ ኢዛ “ኔሶ ሲማዳ ዎሲ ኔስ አሲዳ ጊታ ሚሽ ዮታ” ጊዲ ሞይዚዴስ። አዴዚካ ዮሱሲ ኢዛስ አሲዳ ጊታ ሚሽ ባ ካታማን ዲዛ አሳስ ኡባስ ቆንጮን ዮቲሼ ቢዴስ።

**ያዲሮሳ ናኔ ዮሱሳ ማይዎ ቦቺዳ ማጫሳዮ**  
(ማቶ 9:18-26፤ ማር 5:21-43)

40 አሳይ ወሪ ዮሱሳ ዩሳ ናጊሼ ጋምዲዳ ጊሽ ኢዚ ሲሚሺን ኡፋይሳን ሞኪ ኤኪዳ። 41 ሄ ዎዴ ኢያዲሮሳ ጌቲቲዛ አይሁዳ ዎሳ ኬሴ ሃላቃይ ዩዲ ዮሱሳ ቶሆ ቦላ ኩንዲዲ ባሶ ባና ማላ ዎሲዴስ። 42 ኢዚ ሄሳሶ አይቺዳይ ኢዛስ ታማኔ ናምዑ ላይስ ኩሚዳ ኢሲ ማጫ ናይ ሳኬታዳ ሽምፖ ቦላ ዲዛ ጊሻሳ።

ኢዚ ሄ ቡሳን ዲሺን ዴሬይ ዳሪዲ ባ ጊዶን ሱጌቲዲ ኢዛ ኬሂ ኡንዲሲዴስ። 43 ታማኔ ናምዑ ላይስ ሱሳ ኢዚፕ ጉኪሺን ዲዛ ኢሲ ማጫሳዮ ባስ ዲዛ ሚሻ ወርሳ ዳሴ ኤሪዛ አሳታስ ኢማ ወርሲን ኢዞ ፓሳናስ ዳንዳዩዳ አሲ ኢሳዴይካ ባዎ። 44 ኢዛካ ጉዩራ ሺቃዳ ዮሱሳ አፋላ ማጫራታ ቦቻዱስ፤ ኢዚፕ ጉኪዛ ሱሳይ ሄራካ ኤቂ አጊዴስ

45 ዮሱሲካ “ታና ቦቺዳይ ኦኔ?” ጊዴስ። ወርካ ኦኔ ቦቺቤኮ ጊ ካዲዳ ዎዴ ጴጦሮሲ ዛሪዲ “ጎዶ! አሲ ወሪ ዩዩ አዲዲ ኔና ሱጌሬሲዲ ኡንዲሴስ” ጊዴስ።

46 ጊዶ አቲን ዮሱሲ “አሲ ታና ቦቺዴስ፤ ዎልቃይ ታፕ ኬዚዳይሳ ታ ኤራይስ” ጊዴስ።

47 ማጫሳዮ ኤሬቶንታ ቆቴታዳ ባናስ ዳንዳዩንታይሳ ኤራዳ ኮኮራሼ ያዳ ዮሱሳ ሲንሳን ኩንዳዱስ። ኢዛካ ዮሱሳ ዋና ቦቺዳኮኔ ቃሴካ ኤሌራ ዋና ፓሂዳኮ ኡባ አሳ ሲንሳን ዮታዱስ። 48 ኢዚካ “ታ ናዩ! ኔ አማኖይ ኔና ፓሲዴስ፤ ሳሮን ባ!” ጊዴስ።

49 ዮሱሲ ቡሮ ማጫሳይስ ሃሳዮ ቦላ ዲሺን አይሁዳ ዎሳ ኬሴ ሃላቃ ኢያዲሮሳ ኬሳፌ ኢሲ አሲ ኢያዲሮሳስ “ኔ ናዮ ሃይቃዱስ፤ ሄሳ ጊሽ ሃይሳፌ ጉዩ አስታማሬዛ ሜላ ዳቡርሶፋ!” ጊዴስ።

50 ዮሱሲ ሄሳ ሲይዲ ኢያዲሮሳ “አይኮይ ባ፤ ባቦፋ! አማና አቲን ኔ ናዮ ፓዓና” ጊዴስ።

51 ዮሱሲ ኢያዲሮሳ ኬሴ ጌሊዛ ዎዴ ጴጦሮሳ፤ ዮሃኒሳኔ ያቆቤ ቃሴካ ናይ አዎፕኔ አዩዩፕ አቲን ሃራይ አኒካ ኢዛራ ጌላና ማላ ኮይቤና። 52 ሄ ዎዴ አሳይ ወሪ ናይስ “ወ ወይ!” ጊ ዋሲ ዩኪሺን ዮሱሲ “ዮኮፍቲ ኢዛ ኢቻዱስ አቲን ሃይቃቤኮ” ጊዴስ።

53 አሳይካ ናዮ ሃይቂዳይሳ ኤሪዛ ጊሽ ዮሱሳ ቦላ ሚጫዴስ። 54 ጊዶ አቲን ኢዚ ናይ ኩሼ አይኪዲ “ታ ናዩ! ዴንዳ!” ጊዴስ። 55 ናይስ ሽምፖይካ ሲሚዴስ። ሄራካ ዴንዳ ኤቃዱስ፤ ዮሱሲካ ኢዚስ ሚዛ ሚሽ ኢማና ማላ አዛዚዴስ። 56 ናዮ ዩሊዳይቲካ ማላሌቲዳ። ጊዶ አቲን ኢዚ ሃኒዳይሳ አናስካ ዮቶንታ ማላ አዛዚዴስ።

9

**ዮሱሲ ሃዋሬታ ሚሺራቾ ቃላ ዮታና ማላ ኪቲዴስ**  
(ማቶ 10:5-15፤ ማር 6:7-13)

1 ዮሱሲካ ታማኔ ናምዑ ሃዋሬታ ኢሲፌ ዔይጊዲ ዳይዳንሳታ ኬሳና ማላኔ ሃርጌፌ ፓሳና ማላ ኢስታስ ዎልቃኔ ጎዳቴስ ኢሚዴስ። 2 ቃሴካ ዎሳ ካዎቴሳ ዮታናሲኔ ሃርጊዛይታ ፓሳናስ ኢስታ ኪቲዴስ። 3 ኢስታስ “አጌ ቢሼ ጉፌ ዎይኮ፣ ቃራቂቴ ዎይኮ፣ ቁማ ዎይኮ፣ ሚሼ ዎይኮ ናምዑ ማይዎ አይኪ ባናስ ኮሼና። \* 4 ኢንቴካ ሄ ካታማይፕ ኬዛና ጋካናስ ኮይሮ ጌሊዳ እና ኬሳንካ ጊዲን ሄን ጋምዲቴ። 5 ካታማ አሳይ ኢንቴና ሞኪ ኤኮንታ ኢዲኮ ሄ ካታማይፕ ኬዚዲ ኢንቴና ሞኮንታይታስ ማርካ ጊዳና ማላ ኢንቴ ቶሆን ዲዛ ጉዱላ ፒቲዲ ኬዚቴ” ጊዴስ።

6 ኢስቲካ ጎዳይ ጊዳ ማላ ኬዚዲ ሚሺራቾ ቃላ ዮቲሼኔ ሃርጋንቻታ ፓሊሼ ጉታን ጉታን ዩዩዳ።

**ሄርዶሲ ዮሱሳ ዎሬ ሲይዴስ**  
(ማቶ 14:1-12፤ ማር 6:14-29)

7-8 ሄ ዎዴ ኢሲ ኢሲ አሳቲ “ዮሃኒሲ ሃይቆፕ ዴንዲዴስ” ባጋይቲ “ኤላሲ ኬዚዲ ቤቲዴስ።” ቃሴ ባጋይቲ “ቤኒ ናቤታፕ ኢሶይ ሃይቆፕ ዴንዲዴስ” ጊዲ ሃሳዩቲዛ ጊሽ ዮሁዳ ቢታ ሃሪዛ ሄርዶሲ ሄሳ ሲይዲ ሃኒዛ ሚሻን ባ ዎዝናን ሜቶቴቲዴስ። 9 ሄርዶሲካ “ታኒ ኢዛ ቆዴ ቃንጊዳ ማጭዛ ዮሃኒሲ ሃይቂዴስ። ሂስቲን ኢዛ ጊሽ ሃይሳ ማላ ሃሳዩቲሺን ታ ሲዩዛይስ ኢዚ ኦኔ?” ጊዲ ኢዛ ባ አይፌራ ቤያና ኮይዴስ።

**ዮሱሲ ኢቻሹ ሺ አሳ ሚዚዴስ**  
(ማቶ 14:13-21፤ ማር 6:30-44፤ ዮሃ 6:1-14)

10 ሃዋሬቲካ ሲሚዲ ኢስቲ አሲዳይሳ ወርሲ ዮሱሳስ ዮቲዳ። ኢዚካ ኢስታ ሃላ ባናራ ኤኪዲ ቤቴሳይዳ ጌቲቲዛ ፖቂሳን ዲዛ ካታማ ቢዴስ። 11 ጊዶ አቲን ዳሮ አሳይ ሄሳ ኤራዲ ኢስታ ካሊዴስ። ኢዚካ ኢስታ ሞኪ ኤኪዲ ዎሳ ካዎቴሳ ጊሽ ዮቲዴስ። ቃሴካ ሃርጌፌ ፓሳናስ ቤሲዛይታ ፓሊዴስ።

\* 9:3 ሉቃ 10:4-11

12 ጋዴይ ሌምዲሺን ታማኔ ናምዑ ሃዋሬቲ ኢዛኮ ሺቂዲ “ኑኒ ዲዛይ ባዞ ቢታን ጊዲዳ ጊሽ አሳይ ቢዲ ባስ አቃናሶኔ ሚዛ ሚሽ ኮያና ማላ አሳ ሞይዛ” ጊዳ።

13 ጊዶ አቲን ኢዚ ኢስታስ ዛሪዲ “ኢንቴ ኢስታስ ሚዛዝ ኢሚቴ” ጊዴስ። ኢስቲካ “ኑስ ኢቻሹ ኡኩሳፊኔ ናምዑ ሞሌፔ ሃራይ ባ። ሃ አሳስ ጊዲዛ ካስ ኮሺኮ ሻማናስ ቤሴስ” ጊዳ። 14 ዩሱሲካ ባና ካሊዛይታ “አሳ ኢቻሹ ታሙ፣ ኢቻሹ ታሙ ሂስቲ ሻኪ ሻኪ ኡቲሲቴ” ጊዴስ። ሄንካ ኢቻሹ ሺ ጊዲዛ አቱማሳይ ዴስ። 15 ዩሱሳ ካሊዛይቲካ ዩሱሲ አዛዚዳ ማላ አሳ ወርሲ ኡቲሲዳ። 16 ዩሱሲካ ኢቻሹ ኡኩሳኔ ናምዑ ሞሌታ አይኪዲ ፑዴ ሳሎ ያሊዲ ያሳ ጋላቲዴስ። ኢዚካ ኡኩሳ ሜንሲዲ አሳ ጋላና ማላ ባና ካሊዛይታስ ኢሚዴስ። 17 አሳይ ወሪካ ሚዲ ካሊዴስ። ዩሱሳ ካሊዛይቲካ አሳፔ አቲዳ ታማኔ ናምዑ ሌማቴ ኩሚስ ማዳፌ ዴንሲዳ።

**ጴጥሮሳ አማኖኔ ኢዛ ማርካቴስ**  
(ማቶ 16:13-19፤ ማር 8:27-29)

18 ኢሲ ጋላስ ዩሱሲ ባርካ ዎሲሺን ኢዛ ካሊዛይቲ ኢዛኮ ዩዳ። ኢዚካ ኢስታ “አሳይ ታና አና ጊዜ?” ጊዲ አይቺዴስ።

19 ኢስቲካ ኢዛስ “ኢሲ ኢሲ አሳይ ማዋቂዛ ዮሃንሳ፤ ባጋይቲ ኤላሳ፤ ሃራቲ ቃሴ ቤኒ ናቤታፔ ኢሶይ ሃይቆፔ ዴንዲዴስ ጊቴስ” ጊዳ።

20 ኢዚካ ኢስታ “ኢንቴቸ ታና አና ጌቲ?” ጊዲ አይቺዴስ። ጴጥሮሲካ “ኔኒ ያሳፌ ኪቴቲዳ ኪርስቶሳ” ጊዲ ዛሪዴስ። \*

**ዩሱሳ ካሎይ ቃንዲሲዛ ዋጋ**  
(ማቶ 10:38-39፤ 16:24-28፤ ማር 8:34-38፤ ሉቃ 14:25-27)

21 ዩሱሲካ ኢስታ “ሃይሳ አናስካ ዮቶፔቴ” ጊዲ ሚንሲ ዮቲዲ 22 ቃሴካ “አሳ ናይ ዳሮ ዋዩ ኤካናስ ቤሴስ፤ ዴፌ ጨማታን፣ ቁሴ ሃላቃታኒኔ ሙሴ ዎጋ ሃፊዛይታን ኢዴታናኔ ኢስታ ኩሺን ሃይቃናሲኔ ሄዳንሶ ጋላሳን ሃይቆፔ ዴንዳና” ጊዴስ።

23-24 ቃሴካ ኡባስ “ባ ሺምፖ አሻና ጊዛ አሲ ወሪ ዳይሳና ሺን ባ ሺምፖ ታ ጊሽ ጊዲ ዳይሲዛ አሲ አሻና። ሄሳ ጊሽ ታና ካላና ኮዩዛ አሲ ዲኮ ባና ካዶ፤ ኡባ ጋላስ ባ ማስቃሴ ቶኪዲ ታና ካሎ። \* 25 አሲ አላሜ ጎዓ ሙሌ ዴሚዲ ባ ሺምፖ ዳይሲኮ አዛ ጎዓይ ዲዜ? 26 አኒካ ታናኒኔ ታ ቃላን ዩላቲኮ አሳ ናይ ባ ቦንቾራ፣ አዋ ቦንቾራኔ ጌሻ ኪታንቻታ ቦንቾራ ዩዛ ዎዴ ታኒ ኢዛን ዩላታና። 27 ታ ኢንቴስ ቴሙ ጋይስ፤ ሃይሳን ኤቂዳ አሳፔ ሃይቃናፔ ሲንሳን ያሳ ካዎቴስ ቤያና ኢሲ ኢሲ አሳቲ ዴቴስ” ጊዴስ።

**ዩሱሳ ሜዶይ ላሜቲዴስ**  
(ማቶ 17:1-8፤ ማር 9:2-8)

28 ዩሱሲ ሄሳ ጊዳ አሱፑን ጋላሳ ማላፔ ጉዩ ዎሳናስ ዙማ ቦላ ኪዚዴስ። ቢሽ ባናራ ጴጥሮሳ፣ ዮሃንሳኔ ያቆቤ ኤኪ ቢዴስ። 29 ኢዚ ዎሲሺን ኢዛ አይፌሶይ ላሜቲዴስ። ኢዛ ሜዳይካ ዎልቃንሳ ማላ ያሊቂዲ ቦቲዴስ። 30 ናምዑ አሳቲ ሙሴይኔ ኤላሲ ኢዛራ ሃሳዩቲዳ 31 ኢስቲካ ቦንቾራ ቆንጨዲ ዩሩሳላሜን ፖሌታና ዲዛ ዩሱሳ ሃይቆ ጊሽ ሃሳዔቲዳ። 32 ጴጥሮሳኔ ኢዛራ ዲዛይታ ዴዎ ዲስኮይ አይኪዴስ። ኢስቲካ ዲስኮፌ ቤጊዲ ዩሱሳ ቦንቾኔ ናምዑ አሲ ኢዛራ ኤቂዳይታ ቤዩዳ። 33 ሄ ናምዑ አሳቲ ዩሱሳፔ ሻኪቲ ቢሺን ጴጥሮሲ ዩሱሳ “ጎዶ! ኢሲ ዳሴ ኔስ፣ ኢሲ ዳሴ ሙሴስ፣ ኢሲ ዳሴ ኤላሳስ አሲዲ ሃን ዲዛኮ ኑስ ሎዎኮ! ሺን” ጊዴስ። ጊዶ አቲን ጴጥሮሲ ባ ጊዛይሳ ኤሮንታ ጊዴስ።

34 ኢዚ ሄሳ ሃሳዩሺን ሻራይ ዩዲ ኢስታ ጌንሲዴስ። ሻራ ጊዶ ጌሊዲ ባቢዳ። 35 ሻራ ጊዶፊካ “ታኒ ዶሪዳ ታ ናይ ሃይሳ፤ ኢዛ ሲዩቴ” ጊዛ ቃላይ ሴቴቲዴስ። \*

36 ቃላይ ሴቴቲዳ ዎዴ ዩሱሲ ሃላ ቤቲዴስ። ዩሱሳ ካሊዛይቲካ ሃንዳ ሚሻ ወርሲ ባ ዎዝናን አይኪዳ አቲን አናስካ ዮቲቤቴና።

**ዩሱሲ ኢታ አያናይ አይኪዳ ናዛ ፓሲዴስ**  
(ማቶ 17:14-18፤ ማር 9:14-27)

37 ዎንቴሳ ጋላስ ኢስቲ ዙማ ቦላፌ ዎዲን ዳሮ አሳይ ዩዲ ዩሱሳራ ጋጊዴስ። 38 ሄ ዎዴ አሳ ጊዶፌ ኢሳዴይ ቃላ ዶቁ ሂስቲዲ “ታማሪሲዛይስ! ታስ ኢሲ ናይ ሃላ ዲዛ ጊሽ ኢዛ ኔ ያላና ማላ ታ ኔና ዎሳይስ። 39 ኢዛ ኢታ አያናይ አይኪሺን ሃሳዓይ ባይንዳ ዋሴስ፤ ቃኪቲሹ ዱናራ ጎፖንቶ ኪሴስ፤ ቆሆ ጋሲዳፔ ጉዩ ዳሮ ዋይሲዲ አጌስ። 40 ኔና ካሊዛይቲ ናዛፔ ኪሳና ማላ ኢስታ ታ ዎሳይስ፤ ጊዶ አቲን ኪሳና ዳንዳዩቤቴና” ጊዴስ።

41 ዩሱሲካ ኢስታስ ዛሪዲ “አማኖንታ ሃ ዎዴ ዎቤ አሳቶ! ታኒ ኢንቴናራ አይዴ ጋካናስ ዳኔ? ኢንቴናካ አይዴ ጋካናስ ዳንዳዳ? ናዛ አኔ ሃ ኤሃ!” ጊዴስ።

42 ናዚ ዩሺን ኢታ አያናይ ኢዛ ቦላፌ ዩጊን ቃኪቲዴስ። ዩሱሲካ ኢታ አያናዛ ሴሪዲ ናዛ ፓሲዲ ናዛ አዋስ ኢሚዴስ። 43 አሳይካ ወሪ ያሳ ጊታቴሳን ማላሌቲዴስ።

**ዩሱሲ ባ ሃይቆ ጊሽ ናምዓንሶ ዮቲዴስ**  
(ማቶ 17:22-23፤ ማር 9:30-32)

\* 9:20 ዮሃ 6:68-69 \* 9:23-24 ማቶ 10:38-39፤ ሉቃ 14:27፤ 17:33፤ ዮሃ 12:25 \* 9:35 ኢሳ 42:1፤ ማቶ 3:17፤ 12:18፤ ማር 1:11፤ ሉቃ 3:22



ኢዚ አሲዳይሳን አሳይ ወሪ ማላሌቲሽን ዩሱሲ ባና ካሊዛይታ 44 “አሳ ናይ አሳ ኩሼን አዲዲ ኢሜታና፤ ኢንቴካ ሃ ዮዖዛ ባሎፕቴ” ጊደስ።

45 ጊደ አቲን ኢዚ ጊዛይሲ ኢስታስ ጌሊቤና። አይስ ጊኮ ኢስቲ አኬኮንታ ማላ ዮዖዚ ኢስታፊ ጊሜቲደስ፤ ዛሪዲካ አይቾንታ ማላ ባቢዳ።

ኡባፌ አዲዛይ አኔ?  
(ማቶ 18:1-5፤ ማር 9:33-37)

46 ኢዛ ካሊዛይቲ “አኒ አናፕ አዲዜ?” ጊዲ ባ ጊደን ፓላሜቲዳ። \* 47 ዩሱሲካ ኢስታ ምዘና ቆፋ ኤሪዲ ጉላ ና ኤኪ ዩዲ ባ ማታን ኤሲዲ 48 “ሃ ጉላ ና ታ ሱንሳን ኤኪዛይይ አኒካ ዲኮ ታና ኤኬስ፤ ታና ኤኪዛይይካ ታና ኪቲዳይሳ ኤኬስ። ኢንቴ ኡባፌ ጉላ አሲ ኢዚ ኡባፌ አዲስ” ጊደስ። \*

ኢንቴ ጊዛይሳ ኢደንታይ ኢንቴ ባጋ  
(ማር 9:38-40)

49 ዮሃንሲካ “ጎዶ! ኢሲ አሲ ኔ ሱንሳን ዳይዳንስ ኬሲሽን ቤይዶስ። ጊደ አቲን ኢዚ ኑናራ ካሎንታ ጊሽ ዲጋናስ ኮይዶስ” ጊደስ።

50 ዩሱሲካ “ኢንቴና ኢደንታ አሲ ወሪ ኢንቴ ባጋ ጊዲዳ ጊሽ ዲጎፍቴ” ጊደስ።

ሳማሪያ አሳይ ዩሱሳ ሞካናስ ኮይቤቴና

51 ዩሱሲ ሳሎ ቢዛ ምደይ ማቲዳ ጊሽ ዩሩሳላሜ ባናስ ዴንዲደስ። 52 ኢዚካ ሲንሳሲዲ አሴ ኪቲደስ። ኢስቲካ ኮሺዛ ሚሽ ጊጊሳናፕ ካሴቲዲ ሳማሪያ ቢታን ዲዛ ኢሲ ጉታ ቢዳ። 53 ጊደ አቲን ዴሬይ ኢዚ ዩሩሳላሜ ቢዛይሳ ኤሪዳ ጊሽ ሞኪ ኤኪቤቴና። 54 ኢዛ ካሊዛይታፕ ያቆቤይኔ ዮሃንሲ ሃኒዛይሳ ቤዩዲ “ጎዶ! ኤላሲ አሳይሳሳ ‘ታማይ ሳሎፕ ምዲዲ ኢስታ ዲፕ ሂስቶ!’ ጊዲ አዛዛና ማላ ኮይይ?” ጊዳ። \*\*

55 ጊደ አቲን ዩሱሲ ኢስታኮ ዩዩዲ “ኢንቴስ አይ ማላ አያናይ ዲዛኮኔ ኤሬኬቲ? አሳ ናይ ዩዳይ አሳ ሽምፖ አሻናስ አቲን ዳይሳናስ ጊደና” ጊዲ ኢስታ ሴሪደስ። 56 ኢስቲ ወሪካ ሃራ ጉታ ቢዳ።

ዩሱሳ ካሊዛይታ ጋኪዛ ፓጩ  
(ማቶ 8:19-22)

57 ኢስቲካ ቢርሺን ኢሲ አሲ ኢስታኮ ሸቂዲ “ታኒ ኔኒ ቢዛ ኡባሶ ኔና ታ ካላና” ጊደስ።

58 ዩሱሲ “ሞርኬናታስ አቂዛ አሳይ፣ ካፎታስ ቃሴ አቂዛ ካፎ ኬሲ ዴስ፤ ጊደ አቲን አሳ ናስ ባ ሁዔ አይሲዛሶይካ ባዋ” ጊደስ።

59 ዩሱሲካ ሂንኮይሳ “ታና ካላ” ጊደስ። ሄ አዴዚካ “ጎዶ! ታ ካሴታ ባዳ ታ አዋ ሞጎ?” ጊደስ።

60 ዩሱሲካ “አጋጋ፣ ሃይቂዳይቲ ሃይቂዳይታ ሞጌቶ። ኔኒ ጊዲኮ ባዳ ያሳ ካዎቴሳ አሳስ ዮታ” ጊደስ።

61 ቃሴካ ሃራ አሲ “ጎዶ! ታ ኔና ካላና ሸን ኮይሮ ሶ ባዳ ታ ኬላ አሳ ሳሮ ጋዳ ዮዎ?” ጊደስ። \*

62 ጊደ አቲን ዩሱሲ “ቦራ ካሶ አይኪዲ ጎዩሼ ጉዮ ዛሪ ያሊዛይይ አኒካ ያሳ ካዎቴሳስ ቤሴና” ጊደስ።

10

ሚሺራቾ ቃላ ታማርሳና ማላ ዩሱሲ ባና ካሊዛ ላፑን ታማኔ ናምዓታ ኪቲደስ

1 ሄሳፌ ጉዩ ጎዳይ ሃራ ላፑን ታማኔ ናምዑ አስ ዶሪዲ ሱንሳደስ። ኢስታካ ናምዑ ናምዑ ሂስቲዲ ኢዚ ባና ሶሆታኔ ካታማታ ወርሲካ ኢስቲ ካሴቲዲ ባና ማላ ኪቲደስ። \* 2 “ማፃ ጋኪዳ ካሳይ ዳሮ፤ ካሳ ማፂ ሸሸዛይቲ ጉላታ ሄሳ ጊሽ ካሳ ጎዳይ ካሳ ማፂዲ ሸሸዛይታ ካሳይ ዲዛሶ ዩዳና ማላ ምሲቱ። \* 3 ሄሳ ጊሽ ቤቴ ዶርሳቲ ካና ሱይቴ ጊደራ ቢዛ ማላ ታ ኢንቴና ዩዳይስ። \*

\* 4 ኮሮጆ ምይኮ ቃራዒቴ ምይኮ ጫማ ኤኮፍቴ፤ አጌ ቦላ አናካ ሳሮ ጎፕቴ። \*

5 “ኢንቴ አና ኬሲካ ጌሊዛ ጊዲኮ ኮይሮቲዲ ‘ኬላ አሶ ሳሮ!’ ጊቱ። 6 ሄ ኬላን ሳሮ ዶሲዛ አሲ ዲኮ ኢንቴ ሳሮታይ ሄ ኬላን ሽምፓና፤ ሳሮ ዶሲዛ አሲ ዶንታ አጊኮ ኢንቴ ሳሮታይ ኢንቴስ ሲማና። 7 ኢንቴስ ማና ሸሸዳ ካሳ ወርሲ ሚሸኔ ኡዩሼ ሄ ኢንቴ ጌሊዳ ኬላን ኡቲቱ፤ አሳዛይስ ባ ምልቃ ሞጋ ኤካናስ ኢዛስ ቤሴስ። ሃ ኬላፌ ሄ ኬላ ዩዮፕቴ። \*

8 “ኢንቴ አይ ካታማካ ጋኪዛ ምደ አሳይ ኢንቴና ሞኪ ኤኪኮ ኢስቲ ኢንቴስ አሲዳ ቂማ ሚቱ። 9 ሄ ካታማን ዲዛ ሃርጋንቻታ ፓሲዲ ያሳ ካዎቴሲ ኢንቴኮ ማቲደስ ጊዲ ዮቲቴ። 10 ጊደ አቲን ኢንቴ ቢዲ ኢሲ ካታማ ጌሊሺን ሄ ካታማ አሳይ ኢንቴና ሞኪ ኤኮንታ ኢዲኮ ሄ ካታማ አሳይ ሸቂዛ ዱቡሻ ኬዚዲ፤ 11 ‘ኑ ቶሆ ቦላ ዲዛ ኢንቴ ካታማ ጉዳላ ኢንቴስ ማርካ ጊዳና ማላ ኑ ቶሆ ቦላፌ ፕቶስ ሺን ያሳ ካዎቴሳይ ኢንቴኮ ማቲዳይሳ ኤሪቴ’ ጊቱ። 12 ታ ኢንቴስ ዮታይስ ፕርዳ ጋላስ ሄ ካታማ ፕርዳፌ ሶዶሜ ካታማ ፕርዳይ ካወሼ ጊዳና። \*

\* 9:46 ሉቃ 22:24 \* 9:48 ማቶ 10:40፤ ሉቃ 10:16፤ ዮሃ 13:20 \* 9:54 ኢሲ ኢሲ ጊሻ ማፃፋቲ “ኤሊያሲ አሳይሳ ማላ” ጊዛ ቃላ ጉጂቱስ። \* 9:54 2ካም 1:9-16 \* 9:61 1ካም 19:20 \* 10:1 ላፑን ታማኔ ናምዓታ ኢሲ ኢሲ ጊሻ ማፃፋታ ቢርሸላስ “ላፑን ታማ” ያ ጌቲስ። \* 10:2 ማቶ 9:37-38 \* 10:3 ማቶ 10:16 \* 10:4 ማቶ 10:7-14፤ ማር 6:8-11፤ ሉቃ 9:3-5 \* 10:7 1ቆሮ 9:14፤ 1ኃም 5:18 \* 10:12 ሚዴ 19:24-28፤ ማቶ 10:15፤ 11:24

**አማኖንታ ኢጲዳ ጊሽ ዋላሴቲዳ ካታማታ**  
(ማቶ 11:20-24)

13 “ኩራዚኔ ኔና አዩ-አና! ቤቴሳይዳ ኔና አዩ አና! ኢንቴናን አሴቲዳ ማላታቲ ሂሮሴኔኔ ሲዶናን አሴቲዳክ ኢስቲካ ማይዎ ማይዲዲኔ ቢዲንስ ጎርፔቲዲ ሄ ዎዴ ቤኒ ማሬታናሺን። \* 14 ጊዶ አቲን ፐርዳ ዎዴ ኢንቴፌ ሂሮሴሲኔ ሲዶናስ ካዉያና። 15 ሃኔ ቂፊርናሆሜ ፑዴ ሳሎ ጶቁ ጶቁ ጋዲ? ኔኔ ዱጌ ሲዶሌ ዎዳና። \*

16 “ኢንቴ ጊዛይሳ ሲዩዛ አሲ ታና ሲዩስ፤ ኢንቴና ኤኮንታ አሲ ታናካ ኤኬና፤ ታና ኤኮንታይካ ታና ኪቲዳይሳ ኤኬና” ጊዴስ። \*

**ዩሱሲ ኪቲዳ ላፑን ታማኔ ናምዓቲ ቢዳሶፔ ሲሚዳ**

17 ላፑን ታማኔ ናምዓቲካ ኡፋዮቲሼ ሲሚዳ “ጎዶ! ሃራይ አቶ ሺን ዳይዳንጎቲካ ኔ ሱንጎን ኑስ ሃራቲዳ” ጊዲ ዮቲዳ።

18 ኢዚካ ኢስታስ “ግላዔይ ዎልቃንጎ ማላ ሳሎፔ ኩንዲሺን ታ ቤያዲስ።  
19 “ሂስቲኮ ሾሻኔ ማሲማሶ ኢንቴ ዮዳና ማላ ሞርኬ ዎልቃ ኡባ ቦላ ኢንቴስ ጎዳቴሰ ኢማዲስ፤ ኢንቴና ቆሂዛ ኢሲ ሚሺካ ዴና። \* 20 ኢንቴ ሱንጎይ ሳሎን ግፊቲዳ ጊሽ ኡፋዮቲቴ አቲን ቴና አያናቲ ኢንቴስ ሃራቲዳ ጊሽ ኡፋዮቶፍቴ” ጊዴስ።

**ዩሱሲ ባ ኡፋይሳ ቆንጨሲዴስ**  
(ማቶ 11:25-27፤ 13:16-17)

21 ሄ ዎዴ ዩሱሲ ሂሎ አያናን ኡፋዮቲዲ “ሳሎሲኔ ሳዓስ ጎዳ ጊዲዳ አቦ ሃይሳ ዉርሳካ አጶ ኤራንቻታፔኔ ኤራንቻታፔ ቆታዳ ቁሪ ጉሳ ናይታስ ኔ ቆንጨሲዳ ጊሽ ታኒ ኔና ጋላታይስ፤ ኤ፥ ታ አዋዉ! ሃይሲ ኔ ሎዎ ሽኔይ ሃኒዴስ።

22 “ዉሪ ታ አዋ ማታፔ ታስ ኢሜቲዴስ፤ ቃሴካ ኢዛ ናይ አናኮኔ አዋፔ አቲን ኤሪዛይ ባዎ። አዋይ አናኮኔ ናዛፔ አቲን ዎይኮ ናዚ ኢዛስ ቆንጨሲናስ ዶሲዳዴፔ አቲን ኤሪዛይይ ባዎ” ጊዴስ። \*

23 ባና ካሊዛይታኮ ሲሚዲ ኢስታስ ዱማ “ኢንቴ ቤዩዛይሳ ቤዩዛ አይፊቲ አንጄቲዳይታ። 24 ታ ኢንቴስ ቱማ ጋይስ ዳሮ ናቤቲኔ ካዎቲ ኢንቴ ሃዲ ቤዩዛይሳ ቤያናስ ኮይዲ ቤይቤቴና፤ ኢንቴ ሃዲ ሲዩዛይሳካ ሲያናስ ኮይዲ ሲይቤቴና” ጊዴስ።

**አሳስ ቃዴቲዛ ሳማሪያ አዴዛ**

25 ኢሲ ጋላስ ሙሴ ዎጋ ታማርሲዛ ኢሲ አሲ ዩሱሳ ፓጫናስ ኮይዲ “ታማሪሲዛይሶ ታኒ ሜርና ዴዎ ላታናስ አይ አሉ?” ጊዲ አይቺዴስ። \*

26 ዩሱሲካ ዛሪዲ “ዎጋ ማግፋን አይ ጌቲቲ ግፊቲዴ? ኢዛፔ ኔስ ጌሊዳይ አዜ?” ጊዲ አይቺዴስ።

27 አዴዚ ዛሪዲ “ኔ ጎዳ ዎሳ ኔ ኩሜሳ ዎዝናፔ፥ ኔ ኩሜሳ ሽምፖፊ፥ ኔ ኩሜሳ ዎልቃፊ፥ ኔ ኩሜሳ ቆፋፔ ሲቃ፤ ኔ ላጌካ ኔ ሁዔ ማላ ሲቃ ጌስ” ጊዲ ዛሪዴስ። \*

28 ዩሱሲካ “ሎዎ ዛራዳሳ፥ ኔኒካ ሄሳሉ አሲኮ ሜርና ዴዎ ዴማና” ጊዴስ። \*

29 አዴዚ ባና ሂሊሳናስ ኮይዲ “ሂስቲን ታ ላጌይ አኔ?” ጊዲ ዩሱሳ አይቺዴስ

30 ዩሱሲካ ዛሪዲ “ኢሲ አዴዚ ዩፋሳላሜፔ ኢያርኮ ዎዲሺን ፓንጋቲ ዴሚዲ ኢዛ ማይዎ ቃሪ ኤኪዳ፤ ኬሂ ቆዔሬሲዲ ሃይቆፔኔ ፓግፔ ጊዶን ዩጊ አጊዲ ቢዳ። 31 ኢሲ ቁሴይ ሄ አጌራ ባሲ ዱጌ ዎዲሼ አሙንሶንታ ሄ ቆዔቲዳ አዴዛ ዴሚዲ ፖቁሳራ ዩጊ አዲዴስ። 32 ቃሴካ ኢሲ ሌዌ ባጋ አሳፔ ኢሲ አዴዚ ሄ አጌራ አዲሼ ቆዔቲዳ አዴዛ ቤዩዲ ሃዲካ ፖቁዲ አዲዴስ። 33 ኢሲ ሳማሪያ ቢታ አሲ ሄ አጌራ አዲ ቢሼ ቆዔቲዳ አዴዛ ቦላ ጋኪ ዎዲዴስ፤ አዴዛ ቤዩዲኔ ኬሂ ሚሼቲዴስ። 34 አዴዛኮ ሸቂዲኔ ማዱንጎ ዳላና ማላ ዎጋራ ሚሳ ዛይቴኔ ዎይኔ ጫጄ ማዱንጎ ቦላ ጉሲዲ ቃቺዴስ፤ አዴዛ ባ ሃራ ቶጊሲዲ ኢማሲ ሽምፐዛሶ ኤፊዲ ሎዔሲ ያሊዴስ። 35 ዎንቴሳ ጋላስ ኢማሲ ሽምፐዛ ኬሳ ጎዳስ ናምዑ ዲናራ ኢሚዲኔ ኔና ሃራ ሚሻ ኬሲሲኮ ታ ሲማሼ ኔስ ኢማና፤ ኔፔ ኬሳዳ ሎዔሳ ናጋ” ጊዴስ።

36 “ሂስቲኮ ሃ ሄሹ አሳታፔ ፓንጋታን ቆዔቲዲ ሃይቆፔኔ ፓግፔ ጊዶን ዩጌቲዳዴስ ኬሂ ማታ ላጌይ ኔስ አዋይሳ ሚሳቲዜ?” ጊዴስ።

37 ሙሴ ዎጋ ታማርሲዛይሲካ “ሄሲ ኔ ሚቼቲዳይሳኔ ማዲዳይሳ!” ጊዴስ። ዩሱሲካ ኢዛስ “ኔካ ባዳ ኢዛይሳሉ አላ” ጊዴስ።

**ዩሱሲ ማርታኔ ማራሚ ሶ ቢዴስ**

38 ዩሱሲኔ ኢዛ ካሊዛይቲ አጌ ቢሺን ዩሱሲ ኢሲ ጉታ ጌሊዴስ፤ ማርታ ጌቲቲዛ ኢሲ ማጫሲያ ባሶን ዩሱሳ ሞካ ኤካዱስ። 39 ኢዚስ ማራሞ ጌቲቲዛ ኢሲ ሚቼያ ዳዉስ። ማራማካ ኢዛፔ ቃላ ሲያሼ ጎዳ ቶሆ ጋርሳን ኡታዱስ። \* 40 ጊዶ አቲን ማርታይ አሶ ዳርፔ ዴንዲዳይሳን ዳቡራዳ ዩሱሳኮ ሸቃዳ “ጎዶ! ታ ሚቼያ አሶ ዉርሳ ታ ቦላ አጋዳ ኡቲሺን ኔኔ ጮዑ ጋይ? ኢዛ ታና ማዳና ማላ ኢዚስ ዮታ አቲን” ጋዱስ።

\* 10:13 ኢሳ 23:1-18፤ ሂዚ 26:1-28:26፤ ኢዩ 3:4-8፤ አዎ 1:9-10፤ ዛካ 9:2-4 \* 10:15 ኢሳ 14:13-15 \* 10:16 ማቶ 10:40፤ ማር 9:37፤ ሉቃ 9:48፤ ዮሃ 13:20 \* 10:19 ማዛ 91:13 \* 10:22 ዮሃ 3:35፤ 10:15 \* 10:25 ማቶ 22:35-40፤ ማር 12:28-34 \* 10:27 ዛሬ 6:5፤ ሌዌ 19:18 \* 10:28 ሌዌ 18:5 \* 10:39 ዮሃ 11:1

41 ጊዶ አቲን ኅዳይ “ሃኔ ማርታኔ! ኔኒ ዳሮ ሚሻ ጊሽ ቆፋ ዳራሳ፤ ዲርባታሳ፤ ቱጋታሳ።  
42 ኮሺዛይ ጊዲኮ ኢሲ ሚሽ ሃላ፤ ማራማካ ሎዖ ኤፃ ዶራዱስ፤ ሄሲካ ኢዚፕ ኤኬቴና።”

11

**ዮሱሲ ዎሳ ጊሽ ታማርሲዴስ**

(ማቶ 6:9-13፤ 7:7-11)

1 ኢሲ ጋላስ ዮሱሲ ኢሲሶን ዎሲዴስ፤ ኢዚ ዎሳ ወርሲሺን ኢዛ ካሊዛይታፕ ኢሶይ “ኅዳ!  
ፃማቂዛ ዮሃኒሲ ባና ካሊዛይታ ዎሳ ታማርሲዳይሳሉ ኔካ ኑና ዎሳ ታማርሳ!” ጊዴስ።

2 ኢዚካ ኢስታስ “ዎሲሺ  
‘ኑ አዋወ! ኔ ሱንሲ አንጄቶ፤  
ኔ ካዎቴሲ ሃዮ፤

3 ሃቺስ ጊዲዛ ቁማ ኑስ ኢማ፤

4 ኑና ቆሃዳይታ ኑ ማሪዛ ማላ ኑና ማራ፤  
ፓጩንካ ኑና ጌልሶፋ’ ጊ ዎሲቴ” ጊዴስ።

5-6 ቃሴካ “ኢንቴፌ ኢሳዴስ ላጌይ ዲኮ ሌላ ጊዶስ ሄ ላጌዛሶ ቢዲ ‘ታስ ኢሲ ኢማሲ ኦጌፕ ዪን  
ሚዛና ካስ ባይንዳ ጊሽ ሄሹ ሶሎይ ዲኮ ታስ ታልዓሪኪ?’ 7 ላጌዚካ ዛሪዲ ‘ታና ዋይሶፓ፤ ካሬይካ  
ኅርዴቲዴስ፤ ታኒካ ናይታራ ኢቻዲስ። ሃዲ ዴንዳዳ ኢማናስ ዳንዳይኬ’ ጋንዴ? 8 ታካ ኢንቴስ  
ዮታይስ ላጌቴሳ ጊሽ ዴንዲዲ ኢሞንታ ኣጊኮካ ኢዚ ኦይቾን ሳሌሲዳ ጊሽ ዴንዲዲ ኮዩዛይሳ  
ወርሲ ኢሚዴስ።

9 “ሄሳ ጊሽ ታኒ ኢንቴስ ጊዛይ፤ ዎሲቴ ኢንቴስ ኢሜታና፤ ኮዩቴ ኢንቴ ዴሜና፤ ካሬ ቆጊቴ  
ኢንቴስ ዶዩታና። 10 ኣይስ ጊኮ ዎሲዛይ ወራ ኤካና፤ ኮዩዛይካ ዴሜና ካሬ ቆጊዴስካ ዶዩታና።

11 “ኢንቴፌ አዋ ጊዲ ኡቲዲ ኢዚ ዮሲዳ ናይ ሞሌ ኦይቺኮ ሾሽ ኢሚዛይ ዳንዴ? 12 ዎይኮ  
ጳጳሌ ኦይቺኮ ማሲማሶ ኢሚዛይ ዳንዴ? 13 ኢንቴ ኢታታ ጊዲሺ ኢንቴ ናይታስ ሎዖ ኢሞታ  
ኢሞ ኤሪኮ፤ ሳሎን ዲዛ ኢንቴ አዋይ ባና ዎሲዛይታስ ጊሎ ኣዳናን ዎስቲ ዳርሲ ኢሜኔ?” ጊዴስ።

**ዮሱሳኔ ቢዔሊዜቡላ**

(ማቶ 12:22-30፤ ማር 3:20-27)

14 ኢሲ ጋላስ ዮሱሲ ሃሳይሶንታ ዱዴ ዳይዳንስ ኬሲዴስ። ዳይዳንሳዚካ ኬዚዳፕ ጉዬ ዱና ዱዴ  
ኣዴዚ ሃሳይዴስ፤ ቤዩዳ አሳቲካ ዳርሲ ማላሌቲዳ። 15 ጊዶ አቲን ኢሲ ኢሲ አሳቲ “ቢዔሊዜቡላ  
ጌቴቲዛ ዳይዳንሳታ ሃላቃን ዳይዳንሳታ ኬሴስ” ጊዳ። \*

16 ኢሲ ኢሲ አሳይ ኢዛ ፓጩናስ “ሳሎፕ ማላታ ቤሳ” ጊዲ ኦይቺዳ። \* 17 ጊዶ አቲን ዮሱሲ  
ኢስታ ቆፋ ኤሪዲ “ባ ጊዶን ሻኬቲዛ ካዎቴሲ ወራ ዳዖና፤ ባ ጊዶን ሲጋይ ባይንዳ ኬሲካ ኩንዳና።

18 ኢንቴ ታና ‘ቢዔሊዜቡላን ዳይዳንሳታ ኬሴስ’ ጊዲ ሃሳይታ ሺን ሃላዔይካ ባ ጊዶን ኢሶይ ኢሳፌ  
ሻኬቲኮ ኢዛ ካዎቴሲ ዋኒ ሚናኔ? 19 ሂስቲኮ ታኒ ዳይዳንሳታ ቢዔሊዜቡላ ኬሲኮ ኢንቴ ናይቲ ኦናን  
ኬሳንዴቶ? ሄሳ ጊሽ ኢንቴ ናይቲ ኢንቴ ቦላ ፐርዲዛይታ ጊዳና። 20 ጊዶ አቲን ታኒ ዳይዳንሳታ  
ኬሲዛይ ዎሳ ዎልቃን ጋኪዴስ፤ ዎሳ ካዎቴሳይ ኢንቴኮ ማቲዳሮ ኤሪቴ።

21 “ሚኖ አሲ ሎዔሲ ጊዳቲዲ ባ ኬሴ ናጊኮ ኬሳን ዲዛ ሚሺ ሎዎን ናጌቴስ። 22 ጊዶ አቲን  
ኢዛፕ ሃራ ሚኖ አሲ ዩዲ ዶኒኮ ኢዚ ኣማኔቲዳ ኦላ ሚሻታ ዎሲ ኤኪዲ ኢዛስ ዲዛ ሃርዛካ ወርሲ  
ሃራስ ጊሻና።

23 “ታናራ ጊዶንታይ ታናራ ኤቂቴስ፤ ታናራካ ሺሾንታዴይ ላሌስ። \*

**ኢታ አዳናይ አጊ ቢዳሶ ሲሚ ዩስ**

(ማቶ 12:43-45)

24 “ቴና አዳናይ አሳፕ ኬዚዳ ዎዴ ሽምፖሶ ኮዩሺ ሃሲ ባይንዳ ሚላ ሶን ዋዩቴስ፤ ሽምፖሶይ  
ዳይኮ ‘ታኒ ካሴ ኬዚዳሶ ጉዬ ሲማና’ ጌስ። 25 ኢዛፕ ሲሚዲ ዩሺን ካሴ ኢዚ አጊ ቢዳ ኬሳይ  
ፐቴቲዲኔ ጊጊ ኡቲዳይሳ ዴሜስ። 26 ሄሳፌ ሲሚ ቢዲ ባፕ ኢቲዛ ሃራ ላፑን ዳይዳንሳታ ባናራ  
ኤኪዲ ዮስ፤ ኢስቲካ ጌሊዲ ሄን ዳና፤ ሄሳዴስካ ኮይሮይሳፌ ጉዬይሲ ኬሂ ኢታ ጊዳና” ጊዳ።

**ቱሙ አንጆ**

27 ዮሱሲ ሄሳ ሃሳይዛ ዎዴ አሳ ጊዶፌ ኢሲ ማጫስ ዲዛራ ባ ቃላ ዶቁ አሳዳ “ኔና ቶኪዳ ቃንሲኔ  
ኔ ዳሚዳ ዳንሳቲ አንጄቲዳይታ” ጋዱስ።

28 ጊዶ አቲን ኢዚ “አንጄቲዳይቲ ዎሳ ቃላ ሲይዲ ኣዛዜቲዛይታ” ጊዴስ።

**ዮናሲ ማላታ ጊዴስ**

(ማቶ 12:38-42፤ ማር 8:12)

29 ዳሮ ዴሬይ ዮሱሳኮ ሺቂዳ ዎዴ ዮሱሲ “ሃይሲ ዮሌታይ ኢታ ዮሌታ፤ ጊታ ማላታ ቤያናስ  
ኮዩስ። ጊዶ አቲን ዮናሳ ማላታፕ ሃራ ዱማ ማላታይ ኢሜቴና። 30 ጋሶይካ ዮናሲ ናናዌ አሳስ  
ማላታ ጊዲዳ ማላ አሳ ናይ ታኒ ሃ ዮሌታስ ማላታ ጊዳና። \* 31 ዱጌሃ ዴሬ ማጫ ካዎያ ሶሎሞኔ  
ኤራቴስ ቤያናስ ቢታ ጋዓፕ ዴንዳዳ ዩዳ ጊሽ ፐርዳ ዎዴ ኢዛ ሃ ዮሌታራ ዴንዳዳ ፐርዳና፤ ሄኮ

\* 11:15 ማቶ 9:34፤ 10:25 \* 11:16 ማቶ 12:38፤ 16:1፤ ማር 8:11 \* 11:23 ማር 9:40 \* 11:30 ዮሃ 3:4





**ዱሬ አደዛ ኤያቴስ**

13 ዳሮ አሳ ጊደሬ ኢሳዴይ “አስታማሬ! ታ ኢሻይ ኑ አዋ ላታ ሚሻሬ ታና ጋኪዛይሳ ታስ ኢማና ማላ ኢዛስ ዮታ” ጊደስ።

14 ዮሱሲካ “ሃይሶ! ታና ኢንቴ ቦላ ፐርዲዛ ዳና አሲዳይ አኔ?” ጊደስ። 15 ቃሴካ ኢስታስ “አሳስ ዳሮ ሚሽ ዲኮካ ሽምፖይ ሄ ዱሬቴላን ዶንታ ጊሽ ናጌቴቴ፤ ዩቴቴላሬ ኢንቴና ኬሂ ናጌቴ” ጊደስ።

16 ዛሬሲዲካ ኢስታስ “ሎዲሲ ካስ ኢሚዛ ጋዴ ጎዳ ጊዲዳ ኢሲ ዱሬ አሲ ደስ። 17 ሄ አደዛካ ባ ምዝናን ‘ታ ካሳ ሺሻዳ ዎሲዛሶይ ባይንዳ ጊሽ አይ አሶ?’ ጊዲ ቆፐደስ።

18 “አደዛካ ‘ታስ ዲዛ ጎታራታ ላላዳ ሃራ አኪዛዝ ኬፃና፤ ሂስታዳ ታስ ዲዛዝ ወርሳ ኢዛን ሺሻና። 19 ታ ሽምፖዮካ ታ ሽምፖዮ! ዳሮ ዎዴስ ጊዲዛ ካስ ሺሻዳ ጊሽ ሽምፓ ኡታዳ ማ፤ ኡዮ፤ ኡፋዮታ’ ጋና ጊደስ።

20 “ጊዶ አቲን ‘ዎሲ ሃይሶ ኤያዞ! ኔ ሽምፖዮ ሃቺ አማርስ ኔቴ ኤካና ኮዮቴስ፤ ሄሳ ጊሽ ኔ ኔስ ሺሻዳይስ አናስ ጊዳኔ?’ ጊደስ።

21 “ሄሳ ጊሽ ያሳ አቻን ዱሬ ጊዶንታ ባስ ሚሽ ሺሻዛ አሳ ወርሴሲካ ሄሳ ማላ” ጊ ሌሚሶን ዮቴደስ።

**ያሳን አማኔቴስ**

(ማቶ 6:25-34)

22 ሄሳሬ ጉዮ ዮሱሲ ባና ካሊዛይታስ “ኢንቴስ ታ ዮታይስ ኢንቴ ዱሳስ ‘አይ ማናኮኔ ዎይኮ ኢንቴ ቦላስ አይ ማይዳናኮኔ’ ጊዲ ጩጮፐቴ። 23 አይስ ጊኮ ሽምፖይ ካሳሬ አሳቴሲ ቃሴ ማይዮፐ አደስ። 24 ቁሮታ ያሊቴ ዜሬቴና፤ ማፄቴና፤ ካስ ሺሻዛ ጎታራይ ኢስታስ ባዋ ሺን ያሲ ኢስታ ሚዜስ። ሂስቴኮ ኢንቴ ኢስታሬ ኬሂ አደሴቴ? 25 ጊዶ አቲን ኢንቴሬ ዳርሲ ቆፐዲ ባ ላይሳ ቦላ ኢሲ ጋላስ ጉጃና ዳንዳዩዛይ አኔ? \* 26 ሂስቴኮ ጉላ ሚሽ አሶይ ኢንቴስ ዳንዳዮቶንታሽ አይስ ሃራ ሚሻስ ኬሂ ቆፐቴ?

27 “ጩሻቴ ዋኒዲ ዲጩዛኮኔ አኔ ያሊቴ፤ ዋዮቴና፤ ሱጭቴና፤ ጊዶ አቲን ታ ኢንቴስ ዮታይስ፤ ሶሎሞኔይካ ጊታ አሳ ሺን ኢስታሬ ኢሲኔይሶ ማይዲቤና። \* 28 ሂስቴኮ ያሲ ሃቺ ቤቴዲ ዎንቶ ታማን ዎዳና ማታ ሃይሳሶ ማይዚዛ ጊዲኮ ኢንቴኖ አማኖይ ፓጩዳይቶ! ኢንቴና ዎስቴ አሲ ማዩዜኔ?

29 “ሄሳ ጊሽ ‘አይ ሚኖ? አይ ማይዲኖ?’ ጊዲ ኢንቴ ዎዝናይ ዳርሲ ቆፐሬ። 30 ቢታ ቦላን ዲዛ አሲ ወሪ ሃይሳ ኮዮስ፤ ጊዶ አቲን ሃይሲ ወሪ ኢንቴስ ኮሺዛይሳ ኢንቴ ሳሎ አዋይ ኤሬስ።

31 ኡባሬካ ኮይሮሲዲ ያሳ ካዎቴስ ኮዮቴ፤ ሃይሲ ወሪ ኢንቴስ ጉጂቴ ኢሜታና።

**ሳዳ ቦላ ሚሽ ሺሻናስ ቤሴና**

(ማቶ 6:19-21)

32 “ኢንቴኖ ጉላ ወዴ ሜሄ ማላ ጊዲዳይቶ! ካዎቴስ ኢንቴስ ኢማናስ ኢንቴ አዋስ ሎዎ ቆፋ ጊዲዳ ጊሽ ባቦፍቴ። 33 ኢንቴስ ዲዛይሳ ባይዚዲ ማንቆታስ ኢሚቴ፤ ካይሶይ ኤኮንታሶን፤ ቢላይ ሞንታሶን፤ ጩሞንታ ኮሮጅን ወሮንታ ሚሽ ሳሎን ሺሻቴ። 34 ኢንቴ ዎዝናይ ኢንቴ ሚሽ ዲዛሶን ዳና” ጊደስ።

**አሳንቻታ ሚኖቴስ**

35 “ቃንሳን ጊዲዲ ጊጌቴቴ፤ ኢንቴ ፖይይካ ፖዮ፤ \* 36 ኢስታ ጎዳይ ቡላቻ ዲጊሳፔ ሲሚዲ ያናሽ ናጌቴዛይታኔ ኢዚ ዩዲ ፔንጌ ቆፂሺን ኤሌ ዶያናስ ጊጊ ኡቴዳ አሳታ ሚሳቴቴ። \* 37 ኢስታ ጎዳይ ዩዛ ዎዴ ዲስኮንታ ናጊዲ ኡቴዳ አሽካራቴ ኢስቴ አንጄቴዳይታ፤ ታ ኢንቴስ ቱሙ ጋይስ፤ ኢስታ ጎዳይ ባስ ቃንሳን ጊዲ ኤቁዲ ኢስታ ማዳን ኡቴሲዲ ሙዛና። 38 አማርስ ዎይኮ ሌላ ጊዶሳን ዩዲ ኢስቴ ዲስኮንታ ዲሺን ዴሚኮ ሄ አሽካራቴ አንጄቴዳይታ። 39 ካይሶይ አይ ዎዴ ያናኮን ኤሪዛ ጊዲዳኮ ኬላ ጎዳይ ካይሶይ ቦኪሺን ጮው ጊዲ ቤሶንታይሳ ኤሪቴ። \* 40 አሳ ናይ ኢንቴ ቆፖንታ ዎዴን ያናይሳ ኤሪዲ ኢንቴካ ጊጌቴዲ ናጊቴ” ጊደስ።

**ኢታ አሳንቻታኔ ሎዎ አሳንቻታ ሌሚሶ**

(ማቶ 24:45-51)

41 ጴጦሮሲካ “ጎዶ! ሃይሳ ሌሚሶ ኔ ዮቴዛይ ኑስ ፃላዮ? ኡባ አሳሳራ?” ጊደስ።  
42 ጎዳይካ “ሂስቴኮ ባሶ አሳስ ኮሺዛ ዎዴን ቁማ ኢማና ማላ ኬላዴይ ኬላ አሳ ቦላ ዎሲዛ አማኔቴዳ ዎዝናማ አሲ አኔ? 43 ጎዳይ ሲሚሺን ሄሳሶ አሲሽ ቤቴዛይይ ኢዚ አንጄቴዳይ። 44 ታ ኢንቴስ ቱሙ ጋይስ፤ ባስ ዲዛ ሚሽ ኡባ ቦላ ሄሳዴ ጎዳሳና። 45 ጊዶ አቲን ‘ኢዛዴይ ታ ጎዳይ ኤሌ ዮና ጋምዳና’ ጊዲ ቆፐዲ አዴ አሽካራታኔ ማጫ አሽካራታ ቡኪኮ፤ ቃሴካ ኮይዳ ማላ ሚዲኔ ኡዩዲ ማሶቴኮ፤ 46 ሄሳዴ ጎዳይ ኢዚ ቆፖንታ ጋላሳን ያና ጊዲ ኤዙጎንታ ሳቴን ያና። ዩዲካ ኢዛ ቃንጌሬሲ ዩጊዲ ኢዛ ኤፃ አማኖንታይታራ ኢሲሬ አሳና።

\* 12:25 ባ ላይሳ ቦላ ኢሲ ጋላስ ጉጃና ጊዛይሳ ኢሲ ኢሲ ጊሻ ማጫታ ቢርሼላን ባሲ ዲዛ አዱሳቴላ ቦላ ኢሲ ዋዳ ፑዴ ጉጃናስ ዳንዳዩዛይ አኔ? ጊዛዚ ደስ። \* 12:27 1ካዎ 10:4-7፤ 2ታር 9:3-6 \* 12:35 ማቶ 25:1-13 \* 12:36 ማር 13:34-36 \* 12:39 ማቶ 24:43-44

47 “ባ ጎዳ ቆፋ ኤሪዲ ጊጌቶንታይኔ ጎዳ ሽኔ አሶንታ አሽካራይ ኢታ ሾች ሾጩታና። 48 ጊዶ አቲን ኤሮንታ ዲሼ ሾቻስ ቤሲዛ ሞሮ አሲዳ አሽካራይ ጉሳራ ሾጩታና። ዳሮ ኢሜቲዳ አሳ ኡባፌ ዳሮይ ኮዩቴስ፤ ዳሮ ሃዳራ ኤኪዳዴፌ ዳሮይ ኮዩቴስ።

**ወርሲ አጊዲ ዩሱሳ ካሎ**  
(ማቶ 10: 34-36)

49 “ታኒ ዩዳይ ቢታ ቦላን ታማ ኤሳናሳ። ሄ ታማይ ሃዲ ኤጊ ኬዚዳኮ ታና ዳሮ ኡፋይሳና።  
50 ጊዶ አቲን ታኒ ሃማቄታና ጊንቃታይ ዴስ፤ ሄ ጊንቃታይ ፖሌታናሼ ታኒ ኬሃ ሜቶቲታይስ።  
\* 51 ኢንቴስ ታኒ ቢታ ቦላ ሳሮ ኤሃና ዩዳ ሚሳቲዜ? ጊዴና፤ ታ ኢንቴስ ዮታይስ ታኒ ዩዳይ ኢሳ ኢሳፌ ሻካናሳ። 52 ሃይሳፌ ሲንሳን ኢሲ ኬሳን ባ ጊዶን ሻኬቲዳ ኢቻሹ አሳቲ ዳና። ናምዓቲ ሄቫታ ቦላ ሄቫቲ ናምዓታ ቦላ ዴንዲዲ ባ ጊዶን ሻኬታና። 53 አዋይ ባ አቱማ ና ቦላ፣ አቱማ ናይካ ባ አዋ ቦላ፣ አያ ባ ማጫ ናይ ቦላ ማጫ ናያካ ባ አዩይ ቦላ፣ ቦሎታ ባ ና ማች ቦላ፣ ና ማቻካ ባ ቦሎቲ ቦላ ዴንዲዲ ባ ጊዶን ሻኬታና” ጊዴስ። \*

**ዎዴዛ ሃኖታ ኤሮ**  
(ማቶ 16: 2-3)

54 ቃሴካ ዴሬዛስ “ኢንቴ አዋ አርሼይ ሞኪዛ ባጋራ ሻራይ ኬዚሺን ቤዩዲ ‘ኤሌራካ ኢራይ ያና’ ጌስ ጊታ፤ ኢንቴ ጊዳ ማላካ ሃኔስ። 55 ዱጊሃ ባጋራ ፑዴሃ ጫርኪሺን ጋላሳይ ሆፖ ጊዳና ጊታ፤ ኢንቴ ጊዳ ማላካ ሃኔስ። 56 ኢንቴኖ! ሎፖ ሚሳቲዛ ኢታቶ፤ ሳሎይሳኔ ሳዓ ሜዳ ቤዩዲ ሃናናይሳ ኤራታ ሺን ሂስቲን ሃ ዎዴዛ ኤሮይ ኢንቴና ሞኒ ያኒዜ?” ጊዴስ።  
57 “ሂስቲኮ ኢንቴ አይስ ቱማ ፐርዴኬቲ?”

**ሞርኬራ ሲጌቴስ**  
(ማቶ 5: 25-26)

58 “ኔ ሞርኬራ ዳና ሲንሳን ኤቃና ቢሺን ቡሮ አጌ ቦላን ዳሼ ኢዛራ ጊጋና አጌ ኮያ፤ ኔ ሂስቶንታ አጊኮ ኢዚ ኔና ጎቺዲ ዳና ሲንስ ኤፋና፤ ዳናይካ ኔና አሲዲ ሃላቃስ ኢማና፤ ሃላቃይካ ኔና ዎይኔን ዩጋና። 59 ታ ኔስ ዮታይስ፤ ዳናይ ፐርዲዳ ወርሴሳ ሳንቲሜዮ ቃንፃ ወርሳና ጋካናስ ሄፔ ኬዛካ።”

13

**ናጋራፔ ሲሞንታይ ወሪ ዳያና**

1 ሄ ዎዴ ኢሲ ኢሲ አሳቲ ዩሱሳኮ ዩዲ “ጲላሶሲ ኢስታ ሱሴ ኢስታ ያርሾራ ጋሴ ዋላኪዳ ጋሊላ አሳታ” ጊሽ ዩሱሳስ ዮቲዳ። 2 ኢዚካ ዛሪዲ “ሂስቲን ሄሳ ማላ ሜቶይ ኢስታ ቦላ ጋኪዳ አሳቲ ሃንኮ ዋይይ ጋኮንታ አቲዳ ጋሊላ አሳ ኡባፌ አዲዳ ናጋራንቻ ጊዲዳ ጊሽ ጊዲ ቆፔቲ? 3 ጊዴና! ታ ኢንቴስ ዮታይስ ኢንቴ ማሬቶንታ ኢዲኮ ኢንቴ ወሪካ ሄ አሳታ ማላ ዳያና። 4 ዎይኮ ሳልሆሜን ጊምቤይ ኢስታ ቦላ ኩንዲን ሃይቂዳ ታማኔ አሱፑን አሳቲ ዩሱሳሜን ዲዛ አሳ ኡባፌ ናጋራንቻ ጊዲዳ ጊሽ ጊዲ ቆፔቲ? 5 ጊዴና! ታ ኢንቴስ ዮታይስ ኢንቴ ማሬቶንታ ኢዲኮ ኢንቴ ወሪካ ሄ አሳታ ማላ ዳያና” ጊዴስ።

**አይፎንታ ባላሴ ሚሳይ ሌሚሶ**

6 ቃሴካ ኢስታስ “ኢሲ አሲ ዎይኔ ቶኪዛሶን ቶኬቲዳ ኢሲ ባላሴ ጊዛ ሚሴ ዳወስ፤ ሄ ባላሴ ሚሳይኮ አይፌ ኮያና ዩዲ ኢሲ አይፌካ ዴሚቤና። 7 ዎይኔ አታኪልቴ አሲዛይሳስ ‘ሄኮ ታኒ አይፌ ዴማና ጋዳ ሃቺራ ሄቭ ላይስ ሃ ባላሴይኮ ሲሜሬታ ያዳ ኢሲ አይፌካ ዴማቤኬ፤ ሄሳ ጊሽ ኢዞ ቃንፃ ዲጋ፤ አዛስ ጮ ቢታ ፀንፃዜ?’ ጊዲ ሌሚሶ ዮቲዴስ። 8 ኢዚካ ዛሪዲ ‘ጎዶ! ታኒ ኢዚ ፃጶን አሻ ዩጋዳ አሴሳ ዌላና ማላ ሃላይሳስ አጋጋርኪ?’ 9 ዩዛ ላይሳስ ኢዛ አይፌኮ ሎፖ፤ አይፎንታ ኢዲኮ ቃንፃንዳሳ” ጊዴስ።

**ዩሱሲ ኢሲ ቁና ማጫሲዮ ሳምባታ ጋላስ ፓሲዴስ**

10 ዩሱሲ ሳምባታ ጋላስ ኢሲ አይሁዳ ዎሳ ኬሳን ታማርሲሺን፤ 11 ታማኔ አሱፑን ላይስ ኩሜስ ኢታ አያናይ አይኪዲ አሳቴስ ፓጫሲዳ ኢሲ ማጫሳያ ሄን ዳወስ፤ ኢዛካ ዞኮይ ቁኒዳ ጊሽ ሙሌካ ዶቁ ጋናስ ዳንዳቡኩ። 12 ዩሱሲ ኢዞ ቤዩዳፔ ጉዩ ዌይጊዲ “ሃኔ ማጫሳዩ! ኔኒ ኔና ሳኪዛ ሃርጌዛፔ ፓፃዳሳኮ” ጊዴስ። 13 ዩሱሲ ባ ኩሼ ኢዚ ቦላ ዎሲን ኢዛ ሄራካ ሲቲ ጋዳ ኤቃዱስ፤ ያሳካ ጋላታዱስ።

14 አይሁዳታ ዎሳ ኬሳ ሃላቃዚካ ሳምባታ ጋላስ ፓሲዳይሳስ ዩሱሳ ቦላ ሃንቁቲዲ ኢዛኮ ዩዛ ዴሬዛ “አሶስ ቤሲዛ ኡሱፑን ጋላሳቲ ዲዛ ጊሽ ሄ አሶ ጋላሳታን ዩዲ ፓዲቴ አቲን ሳምባታ ጋላስ ዮፐቴ” ጊዴስ። \*

15 ጎዳይካ ዛሪዲ “ኢንቴኖ ቆዴፔ ቆሞን ሃሳዩዛይቶ! ኢንቴ ጊዶፌ ኢሳዴይ ባ ቦራ ዎይኮ ባ ሃራ ሳምባታ ጋላስ ባሶን ቃሼቲዳሶፔ ቢርሺዲ ሃሴ ኡሻናስ ኤፌ ኤፌኔ? 16 ሂስቲን ሃና ማጫሳያ አብራሃሜ ና ጊዳዳ ታማኔ አሱፑን ላይስ ኩሜስ ሃላዴይ ቃቺን ዲዛሶፔ ሳምባታ ጋላስ ቢርሺታናስ ኢዚስ ቤሴኔ?” ጊዴስ። 17 ዩሱሲ ሂዝጊ አይቺዳ ዎዴ ኢዛራ ኤቁቲዛይቲ ወሪካ ዩላቲዳ፤ ጊዶ አቲን ዴሬይ ወሪካ ኢዚ አይቺዳ ማላሲሲዛ አይሻን ኡፋዩቲዴስ።

\* 12:50 ማር 10: 38 \* 12:53 ሚክ 7: 6 \* 13:14 ኬሳ 20: 9-10፤ ዛሬ 5: 13-14

**ሳናፊጮቹ ጌቱቲዛ ሚሳይ ዜሬሳ ሌሚሶ**  
(ማቶ 13:31-33፤ ማር 4:30-32)

18 ቃሴካ ዩሱሲ ዛሬዲ “ዖሳ ካዎቱሲ አይ ሚሳቲዜ? ኢዞ አዛራ ሌሚሶ? 19 ኢሲ አሲ ሳናፊጮቹ ጌቱቲዛ ሚሳ አይፌ ባ ጋዴን ቶኪን ሞካ ዲጫዳ ጊታ ጊዲን ካፎቲ ኢዚ ሃጋ ጊዶን ዱሳሶ ጊጊሳና ጋካናስ ዲጫዳ ሳናፊጮቹ ሚሳ ሚሳታዉስ” ጊዴስ። \*

**ኢርሾ ሌሚሶ**  
(ማቶ 13:33)

20 ቃሴካ “ዖሳ ካዎቱሲ አዛራ ሌሚሶ? 21 ኢሲ ማጫሲ ሙኑቃ ጫሊሳናስ ዳሮ ዲሌራ ዋላኪዳ ጉሳ ኢርሾ ሚሳታዉስ” ጊዴስ።

**ፁንሳ ፔንጌ**  
(ማቶ 7:13-14፤ 21-23)

22 ሄሳፌ ጉዩ ዩሱሲ ዩሩሳላሜ ቢሼ ካንሲ ቢዛ ካታማኒኔ ጉታታን አሳ ታማርሲሼ አዲሺን።  
23-24 ኢሳዴይ ኢዛኮ ሸቂዲ “ጎዶ! ፐርዳፌ ጉሳ አሳቲ ዓላ አታኔ?” ጊዲ አይቺዴስ። ኢዚካ ዛሬዲ “ፁንሳ ፔንጌይራ ጌላናስ ባዪቲቲ፤ ዳሮቲ ጌላናስ ኮዩቲስ ሺን ኢስታስ ሃኔና። 25 ኬሳ ጎዳይ ዴንዲዲ ባ ካሬ ጎርዲ ጊዲን ኢንቲ ካሬን ኮቂዲ ‘ጎዶ! ካሬ ዶያርኪ!’ ጊዲ ፔንጌ ቆፃና ሺን ኢዚ ዛሬዲ ‘ኢንቲ አናኮኔ አዋፔ ዩዳኮኔ ታ ኢንቲና ኤሪኬ’ ጋና ጊዴስ።

26 “ኢንቲኒካ ኢዛስ ዛሬዲ ‘ኑኒ ኔናራ ኢሲፌ ሚዶሲኔ ኢሲፌ ኡዩዶስ፤ ኑ ዱቡሻን ኑና ኔ ታማርሳዳሳ’ ጋና።

27 “ኢዚካ ዛሬዲ ‘ኢንቲና ኢንቲ አናኮኔ ኢንቲ አዋፔ ዩዳኮ ና ታ ኢንቲና ኤሪኬ፤ ኢንቲ ማካላቲ ዉሪካ ታፔ ሃኪቲ’ ጋና ጊዴስ። \*

28 “ኢንቲ አብራሃሜ፣ ዩሳቃ፣ ያቆቤኔ ናቤታ ኡባታ ዖሳ ካዎቱሳን ቤዩዛ ዎዴ ኢንቲ ካሬን ዩጌቲ አቲኮ ሄ ዎዴ ኢንቲስ ዩሆኔ አቻ ጋርጮቻ ጊዳና። \* 29 አሳይ አዋ አርሼይ ሞኪዛ ባጋፌኔ ዉሊዛ ባጋፌ ፑዴሃፔኔ ዱጌሃፔ ዩዲ ዖሳ ካዎቱሳ ማዳን ኡታና። 30 ሄኮ ጉዩን ዲዛይታፔ ባጋይቲ ሲንሴ አዳና ሲንሳን ዲዛይታፔ ባጋቲ ጉዩ አዳናይቲ ዴቴስ” ጊዴስ። \*

**ዩሱሲ ዩሩሳላሜ ዋላሲዴስ**

31 ሄ ዎዴ ፋርሳዌታፔ ኢሲ ኢሲ አሲ ዩዲ “ሄርዶሲ ኔና ዎዳናስ ኮዩዛ ጊሽ ሃይሳፌ ዴንዳ ኪቻ” ጊዳ።

32 ዩሱሲ ኢስታስ “ታኒ ቡሮ ‘ሃቺኔ ዎንቶ ዳይዳንሳታ አሳፔ ኬሳና፤ ሃርጊዛይታካ ፓሳና፤ ሄቫንሶ ጋላስ ታ ቆፋሶ ታ ጋሳና’ ጊዴስ ጊዲ ሄ ዎርካናስ ዮቲቲ። 33 ጊዶ አቲን ናቤይ ዩሩሳላሜፔ ካሬን ሃይቃናስ ቤሶንታ ጊሽ ሃቺኔ ዎንቶ ዎንቶፔይንካ ታ ሲንሴ ቡስ ጉጃና።

34 “ሃኔ ዩሩሳላሜ ናቤታ ዎዲዛሬ ኔኮ ኪቲቲዳይታ ሹቻራ ጫዲዛሬ! ኩቶይ ባ ጨዩታ ባ ቁፌ ጋርስ ሺሺዛ ማላ ኔ ናይታ ሺሻናስ አፑን ዎዴ ኮያዲናሺን ኔ ጊዲኮ አካይ ጋዳሳ። 35 ሄኮ ኢንቲ ኬሳይ ካይዚዴስ፤ ታ ኢንቲስ ዮታይስ። ‘ጎዳ ሱንሳን ዩዛዴይ አንጄቲዴስ’ ኢንቲ ጋና ዎዴይ ጋካናሺ ናምፃንሶ ታና ቤዩኬታ” ጊዴስ። \*

14

**ቃሴካ ዩሱሲ ኢሲ ሃርጋንቻ ሳምባታ ጋላስ ፓሲዴስ**

1 ኢሲ ጋላስ ዩሱሲ ቁማ ማናስ ፋርሳዌታ ሃላቃታፔ ኢሳ ሶ ጌሊዳ ዎዴ አሳይ ዉሪ ዩሱሳ አይ አሳናኮኔ ጊዲ አይፌ ኢዛ ቦላ ቶኪ ያሊዴስ። 2 ሄንካ አሳቲሳይ ኢዛስ ፑሪን ዋዩቲዛ ኢሲ አሲ ኢዛ ሲንሳን ዴስ። 3 ዩሱሲካ ሙሴ ዎጋ ኤሪዛይታኔ ፋርሳዌታ “ሳኬቲዛይ ሳምባታ ጋላስ ፓሳናስ ኮሺዜዩ? ኮሺኔ?” ጊዲ አይቺዴስ።

4 ኢስቲካ ሮፀ- ጊዳ፤ ኢዚካ አዴዛ ቦቺዲ ፓሲ ዩዲዴስ። 5 ቃሴካ “ኢንቲፌ ኢሲ አሳስ ሳምባታ ጋላስ ናይ ዎይኮ ቦራይ ኩንዲዲ አላን ጌሊኮ ኤሶን ሄራካ ኬሶንታዴይ አኔ?” ጊዴስ። \*

6 ኢስቲካ አይሻስ አይኮ ዛሮካ ዴማናስ ዳንዳዩቤቴና

**ባና ዚቂ ሂስቲሲኔ ኢማሳ ሞኮ**

7 ያይጌቲዳ አሳቲ ኡታናስ ቦንቾ ሶ ኮዩሺን ዩሱሲ ቤዩዲ ሌሚሶራ ኢስታስ። 8 “ኢሲ አሲ ኔና ሳርጌስ ያይሲኮ ቦንቾሶን ኡቶፋ፤ ኔፔ ቦላራ ቦንቼቲዛዴይ ያይሴቲኮ፤ 9 ኢንቲና ናምፃታካ ያይጊዳዴይ ዩዲ ‘ኔ ኡቲዳሶዛ ሃይሳዴስ ዩዳ’ ጋና፤ ኔኒካ ዩላታሺ ዚቃሶ ባንዳሳ። 10 ጊዶ አቲን ኔ ያይሴቲዳ ዎዴ ዚቃሶ ያላዳ ኡታ፤ ኔና ያይጊዳዴይ ዩዲ ‘ታ ላጌዞ! ሃያ ዲቃሶን ኡታ’ ጋንዴስ፤ ኔኒካ ሄ ዎዴ ኔናራ ማዳን ኡቲዳ አሳ ኡባ ሲንሳን ቦንቼታና። 11 አይስ ጊኮ ባና ዲቁ ሂስቲዛዴይ ዉሪ ዚቂ ጋና፤ ባና ዚቂ ሂስቲዛዴይ ዉሪ ዲቁ ጋና” ጊዴስ። \*

12 ዩሱሲካ ያይጊዳዴይ “ቁማ ዎይኮ ካዎ ሚዛናስ ያይሲኮ ኔይሳሶ ኔና ያይሲዲ ሚዞንታ ማላ ኔ ላጌታ ዎይኮ ኔ ኢሻታ፣ ኔ ዳቦታ ዎይኮ ዱሬታ ዎይኮ ዱሬ ጉታታ ያይሳፓ። 13 ጊዶ አቲን

\* 13:19 ሃጋ ጊዛይሳ ኢሲ ኢሲ ጋዎ ዴሬ አሳቲ ሃንጌ ጌቲስ። \* 13:27 ማዛ 6:8 \* 13:28 ማቶ 22:13፤ 25:30  
\* 13:30 ማቶ 19:30፤ 20:16፤ ማር 10:31 \* 13:35 ማዛ 118:26 \* 14:5 ማቶ 12:11 \* 14:11 ማቶ 23:12፤  
ሉቃ 18:14

አሳ ያይሳዳ ሚዛና ኮይኮ ማንቆታ፥ ኩሼይ፥ ቶሆይ ባይንዳ ዎቤታኔ ቆቁታ ያይሳ፤ ነኒ አንጄታና።  
14 ያይሴቲዳይቲ ኩሼ ዛራናስ ዳንዳዮንታ ጊሽ ያሎታ ዴንሳ ዎዴ ነስ ኩሼይ ዛሬታና” ጊዴስ።

**ዎጋ ዲጊሴ ሌሚሶ**  
(ማቶ 22:1-10)

15 ማዳን ዩሱሳራ ኢሲፌ ኡቲዳይታፕ ኢሶይ ሃይሳ ሲይዲ “ዎሳ ካዎቴላን ሺቂዲ ማዳፌ ሚዛ አሲ አንጄቲዳዴ” ጊዴስ።

16 ዩሱሲካ “ኢሲ አሲ ዎልቃማ ዲጊሴ ገገሲዲ ዳሮ አስ ያይጊዴስ።

17 “ዲጊሴ ማና ዎዴይካ ጋኪን ያይጌቲዳ ኢማሳታ፥ ‘ወሪካ ገገዳ ጊሽ ሃ ዩቲ!’ ጊዲ ያይጋና ማላ ባ አሽካራ ዩዲዴስ። 18 ጊዶ አቲን ወሪካ ባሲ ሃራ ጋሶ ሺሺዲ ኢሶይ ‘ሃዲ ጋዴ ሻማዲስ፤ ታ ባዳ ቤያናስ ቤሴስ፤ ሃቺስ ታና ላንጮፋ’ ጊዴስ።

19 “ሃንኮይሲካ ‘ታኒ ኢቻሹ ዋዓ ቦራ ሻማዲስ። ኢስታ ፓጫ ያላና ጊሽ ሃቺ ታና ላንጮፋ’ ጊዴስ።

20 “ቃሴ ሃራ ኢሳዴይካ ‘ታኒ ቡሮ ሚሺራቴላን ዳይስ፤ ባናስ ዳንዳይኪ’ ጊዴስ።

21 “አሳንቻይካ ኪቴቲዳሶፕ ሲሚዲ ሄቫቲ ጊዳይሳ ባ ጎዳስ ዮቲዴስ። ሄ ዎዴካ ዲጊሳ ገገሲዳይሲ ሃንቁቲዲ አሳንቻ ‘ኤሌላ አይዱ አጌ ኪዳዳ ማንቆታ፥ ኩሼይኔ ቶሆይ ባይንዳ ዎቤታ ቆማገታኔ አይፌይ ባይንዳ ቆቁታ ሃ ጌልሳ’ ጊዴስ።

22 “አሳንቻይካ ዛሬዲ ‘ታ ጎዶ! ኔ ታና አዛዚዳይሳ ወርሳ ፖላዲስ፤ ሃዲካ ሃራ ኡቴሳሶይ ዴስ’ ጊዴስ።

23 “ጎዳዚካ አሳንቻዛ ‘ጊዴ አይዱ አጌ ኪዳዳ ታ ኪሴ ኩማና ማላ ፑዴኔ ዱጌ አዲዛይታ ዎልቃራ ሃ ጌልሳ። 24 ታኒ ቱማ ጋይስ፤ ዲጊሳ ማና ያይሴቲዳይታፕ ኢሳዴይካ ዱናን ጌልሴና” ጊዴስ።

**ዩሱሳ ካሎይ ባና ያርሾ ኮዩስ**  
(ማቶ 10:37-38)

25 ዳሮ ዴሬይ ኢዛራ ኢሲፌ ቢዛይሳ ዩሱሲ ቤዩዲኔ ጉዩ ሲሚ 26 “ታኮ ዩዛይ ወሪ ባ አዋ፥ ባ ማቾኔ ናይታ፥ ባ ኢሻታኔ ሚቼታ፥ ባ ሸምፖ ጊዲን ኢዎንታ አገኮ ታና ካሊዛዴ ጊዳናስ ዳንዳዩና። \* 27 ባ ማስቃሌ ቶኪዲ ታና ካሎንታይ ታና ካሊዛዴ ጊዳናስ ዳንዳዩና። \*

28 “ኢንቴፌ ኢሲ አሲ ኪሴ ኪዳናስ ኮይኮ ፖላናስ ዳንዳዩናኮኔ ዳንዳዩንታኮ ኮይሮቲዲ ባስ ዲዛ ቢራ ቆፖንታይ አኔ? 29 ኪሳ ኪዳና ዶሚዲ ወርሳናስ ሃኖንታ ኢዲኮ ቤዩዳ አሲ ወሪ ኢዛ ቦላ ሚጫና። 30 ኢስቲካ ‘ሃይሲ አዴዚ ኪሴ ኪዎ አይኪዴስ ሺን ፖሊቤና’ ጊ ሚጫና።

31 “ዎይኮ ኢሲ ካዎይ ሃራ ካዎራ አሳስ ገጌቲዲ ናምዑ ታሙ ሺ አሲ ኤኪ ዩዛ ካዎ ዛራናስ ታሙ ሺ አላ አሳራ ዛራናኮኔ ኡቲዲ ቆፖንታይ አኔ? 32 አላ ዛራናስ ዳንዳዩቶንታ ሚሳቲዲ ቤቲኮ ቡሮ ሃሆን ዲሺን ማቃይናናስ ጋና ዩዴስ። 33 ሄሳሶካ ኢንቴፌ አናካ ጊዲን ባስ ዲዛይሳ አጎንታይ ታና ካሊዛዴ ጊዳናስ ዳንዳዩና።

**ማልዎንታ ማዲኔ ሌሚሶ**  
(ማቶ 5:13፤ ማር 9:50)

34 “ማዲኔይ ሎሾሺን ባ ማዲኔቴላ ማልዎ ዩዲኮ ዛሬዲ ዋኒ ማልዳና ዳንዳዩኪ? 35 ጋዴን ዩጊን አራዲሶንታ ጊሽ ጮ ካሬ ዎራ ዩጌቴስ፤ ሲዩዛ ሃይሲ ዲዛ አሲ ሲዮ!” ጊዴስ።

**ዳዩዲ ቤቲዳ ዶርሳ ሌሚሶ**  
(ማቶ 18:12-14)

1 ኢሲ ጋላስ ቃራግ ሺሺዛይቲኔ ናጋራንቻቲ ወሪ ዩሱሳፕ ሲያናስ ኢዛ አቺ ሺቂዳ። 2 ፋርሳዌቲኔ ያፌቲ “ሃይሲ አዴዚ ናጋራንቻታ ኢዳና፤ ኢስታራካ ሜስ” ጊዲ ባ ጊዶን ዙዙሜቲዳ።

3 ዩሱሲካ ኢስታስ ሌሚሶ ሂዘጊ ዮቲዴስ፤

4 “ኢንቴ ጊዶፌ ኢሳዴስ ያቲ ዶርሲ ዲኮ ሄ ያቲ ዶርሳታፕ ኢሲና ዳይኮ አቲዳ ኡዱፋን ታማኔ ኡዱፋናታ ዴንባን ዩጊዲ ዳዩዳይሳ ዴማና ጋካናስ ኮያና ቦንታይ አኔ? 5 ዴሚዲ ኡፋይሳራ ሃሺን ቶኪ ኤኪዲ፥ 6 ባሶ ሲሜስ፥ ባ ሳጌታኔ ጉታ አሳታ ኢሲ ቦላ ያይጊዲ ‘ዳዩዳ ታ ዶርሳዮ ዴማዲስ፤ ታናራ ኢሲፌ ኡፋይቲቴ’ ጋና። 7 ታ ኢንቴስ ዮታይስ ‘ሄሳሶካ ማሮቴስ ኮሾንታ ኡዱፋን ታማኔ ኡዱፋን ያሎታፕ ማሬቴላን ጌሊዛ ኢሲ ናጋራንቻን ሳሎን ኡፋይስ ጊዳና።’

**ዳዩዲ ቤቲዳ ቦላ ሺሊንጌ ሌሚሶ**

8 “ዎይኮ ኢሲ ታሙ ቢራ ሳንቲሜይ ዲዛ ማጫሳያ ሄ ታማፌ ኢሲኔያ ዳይኮ ዎምፕ አይሳዳ ዴማና ጋካናስ ኪሳ ጋርስ ፒታዳ ሎዴሳ ኮዮንታ ማጫስ አኔ? 9 ኢዛካ ዴሚዳ ዎዴ ባ ሳጌታኔ ባ ጉታታ ኢሲፌ ያይጋዳ ‘ታፕ ዳይዳ ቢራ ሳንቲሜይ ዴሚዳ ጊሽ ታናራ ኢሲፌ ኡፋይቲቴ’ ጋንዱስ።

10 ታ ኢንቴስ ዮታይስ ‘ሄሳሶካ ማሮታን ጌሊዛ ኢሲ ናጋራንቻ አሳን ዎሳ ኪታንቻታ አቻን ኡፋይስ ጊዳና።’

**ዳዩዲ ቤቲዳ ናዛ ሌሚሶ**

\* 14:26 ማቶ 10:37 \* 14:27 ማቶ 10:38፤ 16:24፤ ማር 8:34፤ ሉቃ 9:23



11 “ኢሲዴስ ናምዑ ናይቲ ዴቲስ። 12 ኢስታፊካ ካሎ ናዚ ባ አዋ ‘አባ! ኔስ ዲዛ ሚሻፊ ታ ጊሻ ታስ ኢማ’ ጊዴስ። አዋይካ ባስ ዲዛ ሚሻ ባ ናይታስ ጊሻዴስ።

13 “ዳሮ ዎዴ ጋምዎንታ ዲሼ ካሎ ናዚ ባ ሚሻ ወርሲ ሺሺ ኤኪዲ ሃሆ ቢታ ቢዴስ። ሄንካ ባስ ዲዛ ሚሻ ጎዳይ ባይንዳ ጮ ሜላ ዳይሲዴስ። 14 ኢዚካ ባስ ዲዛይሳ ወርሲ ዳይሲዳፕ ጉዩን ሄ ቢታን ኢታ ኮሻይ ዴንዲን ዳሮ ዋዩቲዴስ። 15 ሄሳ ጊሻ ሄ ዴሬን ዲዛ አሳፕ ኢሳዴኮ ሺቂዴስ። ኢዛዴይካ ባ ጉዳንህ ሄማና ማላ ጉዳንሳ ሄሚዛሶ ዩዲዴስ። 16 ናዚካ ጉዳንሳቲ ሚዛ ሃርቆዛፕ ማናስ አዎቲዴስ ሺን ሄሳካ ኢሚዛዴይ ቤቲቤና።

17 “ጊዶ አቲን ኢዛ ዎዝናይ ሲሚዳ ዎዴ ‘ታ አዋ አሽካራታ አፕናታፕ ካሲ ቲርፒዜ ሺን ታኒ ሃይሳን ጋፋን ሃይቃና ማታዲና? 18 ዴንዳዳ ታ አዋ ሶ ባዳ፣ አባ! ሳሎን ዎሳ፣ ሳዓን ታ ኔና ቆሃዲስ።’ 19 ሃይሳፊ ጉዩ ‘ታኒ ኔ ና ጌቱታዳ ዔይጌታናስ ታስ ቤሴና፤ ኔ አሽካራታፕ ኢሳ ማላ ታና ቆዳ’ ጊዴስ። 20 ሄሳ ጊሻ ዴንዲዲ ባ አዋኮ ቢዴስ። ጊዶ አቲን ቡሮ ኢዚ ሃሆራ ዩሺን አዋይ ቤዩዲ ሚሹቲዲ ኢዛኮ ዎዲ ቢዲ ኢዲሚ አይኪዲ ዩሪዴስ።

21 “ናዚካ ‘አባ! ሳሎን ዎሳ፣ ሳዓን ታ ኔና ቆሃዲስ፤ ሃይሳፊ ጉዩ ታ ኔ ና ጌቱታዳ ዔይጌታናስ ታስ ቤሴና’ ጊዴስ።

22 “ጊዶ አቲን አዋይ አሽካራታስ ‘ኤሶቲዲ ኡባፊ ዶሬቲዳ ማይዎ ኤሂዲ ማይዜቲ፤ ኢዛ ቢራዴን ሚግዳ፣ ኢዛ ቶዎንካ ጫማ አሲቲ። 23 ዎዶ ሚርጎ ቦራ ኤሂዲ ሹኪቲ፤ ሚዲ ኡፋዩቶስ። 24 ሃይሲ ታ ናዚ ሃይቂዴስ ሺን ፓዲዴስ፤ ዳዩዴስ ሺን ቤቲዴስ’ ጊዴስ፤ ሄሳፊ ጉዩን ኡፋዩቲስ አይኪዳ።

25 “ሄሲ ሃኒዛ ዎዴ ባይራ ናዚ ጎሻሶን ዴስ፤ ሄፕካ ሲሚዲ ሶ ማቲዳ ዎዴ ዲሳ ዱሪስ ሲዩዴስ።

26 ኢዚካ አሽካራታፕ ኢሳ ዔይጊዲ ‘ሄሲ አዜ?’ ጊ አይቺዴስ። 27 አሽካራዚካ ‘ኔ ኢሻይ ዩዴስ፤ ኢዚ ሳርኒኔ ሎዎን ሲሚዳ ጊሻ ኔ አዋይ ዎዶ ሚርጎ ቦራ ሹኪዴስ’ ጊዴስ።

28 “ባይራ ኢሻዚካ ሃንቁቲዲ ሶ ጌላናስካ ኮይቤና። አዋይካ ካሬ ኬዚዲ ኢዚ ሶ ጌላና ማላ ዎሲዴስ። 29 ጊዶ አቲን ኢዚካ ዛሪዲ አዋስ ‘ሄኮ ታኒ ሃይሳ ጋካናስ ኔስ አይሌ ማላ አሳዲስ፤ ኔ አዛዞፕ ኢሲዋካ ፓጨሳቤኬ፤ ጊዶ አቲን ታኒ ታ ላጌታራ ኡፋዩታና ማላ ኔ ታስ ኢሲ ዴይሻ ላቃካ ኢማቤካ። 30 ጊዶ አቲን ሃይሲ ኔ ናዚ ኔስ ዲዛይሳ ወርሲ ላይማቲዛይታራ ወርሲዲ ዩሺን ዎዶ ሚርጎ ቦራ ኢዛስ ሹካዳሳ’ ጊዴስ።

31 “አዋይካ ‘ታ ናዞ ኔ ኡባ ዎዴ ታናራ ዳሳ፤ ታስ ጊዲዳይ ወርካ ኔሳ። 32 ሃይሲ ኔ ኢሻይ ሃይቂዴስ ሺን ፓዲዴስ፤ ዳዩዴስ ሺን ቤቲዴስ፤ ሄሳ ጊሻ ኑኒ ኡፋዩታናስ ቤሴስ” ጊዴስ።

16

ጨንጫ ሄንሳንቻ ሌሚሶ

1 ዩሱሲ ባና ካሊዛይታስ “ኢሲ ዱሬ አዴ ዳይሳስ ኢዛ ኬሳ አይሲዛ ኢሲ አሲ ዴስ፤ ኢዚ ሄ ዱሬ አዴዛ ሚሻ አጌይ ባይንዳ ላሊዛይሳ ዎሬይ ሃ ዱሬ አዴዛ ሃይሳን ዎዲዴስ። 2 ዱሬ አዴዚ ሄ አዴዛ ዔይጊዲ ሃይሶ ሃይሶ ሲይዛይሲ ሄሲ አዜ? ሃይሳፊ ደማዳ ኔ ታ ኬሳስ አይሲዛዴ ጊዳናስ ዳንዳዮንታ ጊሻ ኔ አላፊቲሳ ጊዶን ዲዛ ሚሻ አይኪዳ ማዝጋባ ታስ ዛራ’ ጊዴስ።

3 “ኬሳ አይሲዛ አዴዚ ባ ዎዝናራ ‘ታ ጎዳይ ታና ታ አላፊቲሳፊ ጎዳና ጌስ፤ ጎዶ ማናስ ታስ ዎልቃይ ባዋ፤ ዎሳናስ ዩላታይስ፤ ሄሳ ጊዲዳ ጊሻ አይ አሶ?’ ጊዲ። 4 ታኒ አላፊቲሳፊ ኬዚኮ አሳይ ታና ዋኪ ኤካና ማላ አሳና አጌ ታ ኤራይስ።

5 “ሄሳ ጊሻ ኢዛ ጎዳ አጮይ ኢስታ ቦላ ዲዛ አሳታ ኢሳ ኢሳ ዔይጊዴስ። ኮይሮ ዩዳይሳ ‘ኔ ቦላ ጎዳ አጮይ አፕኔ?’ ጊዴስ።

6 “‘ኢሲ ዔቱ ገሮ ኩሜሳ ዛይቲይ ታ ቦላ ዴስ’ ጊዴስ። አላፊዚ ዛሪዲ ካሴ ኔ ፋራሚዳ ዋራቃታ ሄዩ ኤካ ኡታዳ ኤሌ ኢቻሹ ታሙ ገሮ ጋዳ ገፋ ጊዴስ።

7 “ካሊዲ ሃንኮይሳ ‘ኔቸ ኔ ቦላ አፕን ዲዜ?’ ጊዴስ። ‘ዔቱ አጎሮ ጊስቲይ ዴስ’ ጊዴስ። አላፊዚ ዛሪዲ ‘ካሴ ኔ ቸላጎሽ ፋራሚዳ ዋራቃታ ሄይ አሶፕን ታሙ አጎሮ ጋዳ ገፋ’ ጊዴስ።

8 “ጎዳዚካ ትጨቺዛ አላፊዚ አሳዳ ጨንጫቲሳ ጊሻ ኢዛ ናሺዴስ። ሃ አላሜ ናይቲ ባና ሚሳቲዛይታራ ዲዛ ጋጎቲሳን ፖዎ ናይታፕ አዲዳ ጨንጫታ።

ሚሹ ቤሲዛሶን ፔይሾ ኮሺስ

9 “ሄሳ ጊሻ ታኒ ኢንቲና ጊዛይ ሃ ቢታ ሚሻይ ወርሳ ዎዴ ሜርና ኬሳን ኢንቲ ኤኬታና ማላ ሃዲ ኢንቲስ ዲዛ ሚሻራ ኢንቲስ ላጌ ሜዲቲ ጋይስ። 10 ጉሳ ሚሻን አማኔቲዛዴይ ዳሮ ሚሻንካ አማኔቲና። 11 ሂስቲኮ ኢንቲ ሃ ቢታ ሚሻን አማኔቲንታ ኢዲኮ ቲማ ሚሻ ሃዳራ አይኪቲ ጊዲ አኒ ኢንቲስ ኢማኔ? 12 አሳ ሚሻን ኢንቲ አማኔቲንታ ኢዲኮ ኢንቲስ ቡዞ ጊዳና ሚሻ አኒ ኢማኔ?

13 “ናምዑ ጎዳስ ኢሲቶ ኢሲ ቦላ አዛዜታና ዳንዳዩዛዴይ አኒካ ዴና፤ ዎይኮ ኢሳ ዶሲዲ ኢሳ ኢዔስ ዎይኮ ኢሳኮ ሺቂዲ ሃንኮይሳ ሌቆስ። ዎሳሲኔ ሚሻስ ኢሲፊ ጋሲ ሃሬታናስ ዳንዳዩኬታ” ጊዴስ። \*

14 ሚሻ ዳርሲ ሲቂዛ ፋርሳዌቲ ሄሳ ወርሲ ሲይዲ ዩሱሳ ቂዲዳ። 15 ዩሱሲካ ኢስታስ “ኢንቲ ኢንቲና አሳ አቻን ዒሊሴታ፤ ጊዶ አቲን ዎሲ ኢንቲ ዎዝና ኤሬስ። አሳ አቻን ቦንቲቲዳዴይ ዎሳ ሲንሳን ቲና” ጊዲ ኢስታስ ዮቲዴስ።

ሙሴ ዎጋኔ ኤኮ ጌሎ ጊሻ  
(ማቶ 5:31-32፤ 11:12-13፤ ማር 10:11-12)

\* 16:13 ማቶ 6:24

16 “ሙሴ ዎጋይኔ ናቤቲ ዮሃንሲ ያና ጋካናስ ዮቲሼ ጋምዲዳ። ሄሳ ካሊዲ ቃሴ ያሳ ካዎቴሳ ሚሺራቾ ቃላይ ሳባኪቲዴስ። አሲ ወሪካ ሄ ጌላናስ ዋዴቲስ። \* 17 ጊዶ አቲን ሙሴ ዎጋፔ ኢሲ ቄሪና ኩንዳ አታናይሳፊ ሳሎይኔ ሳዓይ አዳናይሲ ካወሻ ጊዳና። \*

18 “ባ ማቾ አንጂ ዮዲዲ ሃራ ማቾ ኤኪዛ አሲ ወሪካ ላይማቴስ፤ ባ አዚናፔ አንጄታ ቢዳሮ ኤኪዳይሲካ ላይማቴስ። \*

**ዱሬ አዴዛኔ ማንቆ አላዛሬ**

19 “ቃሴካ ዮሱሲ ኢስታስ ‘ሎዎ ማይዎ ማይዲዲ ጋላስ ጋላስ ሎዎ ዱሳ ኡፋይሳን ዲዛ ኢሲ ዱሬ አሲ ዴስ’ ጊዴስ። 20 ሄ አዴዛ ፔንጌን ኩሜሳ ቦላይ ማዱንስ 9ላ ጊዲዳ ኢሲ አላዛሬ ጌቲቲዛ ማንቆ አዴ ዲዛይሲ ኢቺዲ ዴስ። 21 ኢዚካ ሄ ዱሬ አዴዛ ኬሳን አሳይ ካስ ሚሺን ማዳፊ ጋዴን ዎዲዛ ሱፓ ማሂ ማናስ አሞቴስ። ካናቲካ ኢዛ ማዱንሳ ላጩቴስ።

22 “ሃ ማንቆ አዴዚ ሃይቂን ሳሎ ኪታንቻቲ አብራሃሜ ኪዎ ኤኪ ቢዳ፤ ቃሴ ዱሬ አዴዚካ ሃይቂዲ ሞጌቲዴስ። 23 ኢዚ ሲዎሌን ዋዮቲሼ ዶቁ ጊዲ ሃሆን አብራሃሜ ያሊዴስ፤ አላዛሬካ ባ ኪዎን አይኪ ዲሺን ቤይዴስ።

24 “ዱሬ አዴዚ ‘አዎ አብራሃሜ! ሃይሳን ዋዮቲዛ ታስ ሚቻታርኪ! ጊ አላዛሬይ ባ ቢራዴ ያራ ኢርፃ ሃሳን ቦቺዲ ታ ኢንፃርስ ኢርፃሳና ማላ ሃ ዮዳርኪ!’ ጊዲ ዋሲዴስ።

25 “ጊዶ አቲን አብራሃሜይ ‘ታ ናዞ ኔኒ ቢታ ቦላ ዳሼ ሎዎ ዱስ ዴዲዳይሳ ማላ አላዛሬይ ካሴ ዋዮ ቤዩዳይሳ ኔ ቆፓ፤ ጊዶ አቲን ሃዲ ኢዚ ኡፋይቲሺን ኔኒ ዋዮታሳ’ ጊዴስ። 26 ሄሲ ወሪ ሃኒሺን ሃን ዲዛ አሲ ሃፔ ሄ ኢንቲኮ አዶንታ ማላ ቃሴካ ኢንቲኮን ዲዛይ ሃ ኑኮ አዳና ኮዩዛይይ ሃ አዶንታ ማላ ኢንቲሲኔ ኑስ ጊዶን ጊታ አፎይ ጊጌቲዴስ ጊዴስ።

27-28 “ዱሬ አዴዚ ቃሴ ‘አቦ! ሄሲ ሄሳ ጊዲኮ ኔኒ አላዛሬ ዱጌ ታ አዋሶ ዮዳና ማላ ታ ኔና ዎሳይስ፤ ታስ ኢቻሹ ኢሻቲ ዴቲስ፤ ሃይቲ ሃይሳ ሃ ዋዮሶ ዮንታ ማላ ቢዲ ኢስታስ ሎዴሲ ዮታና ማላ አላዛሬ ዮዳርኪ?’ ጊዴስ።

29 “አብራሃሜይ ኢዛስ ዛሪዲ ‘ሙሴይኔ ናቤቲ ሄን ኢስታ አቻን ዲዛ ጊሽ ኢስታፊ ሲዮቶ’ ጊዴስ።

30 “ኢዚካ ዛሪዲ ‘አዎ አብራሃሜ ሄሳ ማላ ጊዴና፤ ሃይቂዳ አሳፔ ኢሲዴይ ሃይቆፔ ዴንዲ ቢኮ ኢስቲ ያሳ ማሮቲሳን ጌላና’ ጊዴስ።

31 “አብራሃሜይካ ዛሪዲ ‘ሙሴይኔ ናቤቲ ጊዛይሳ ሲዮንታ ኢዲኮ ሃይቂዳ አሳፔ ኢሳዴይ ዴንዲዳኮካ ኢስቲ አማኔቲና’ ጊዴስ።

**አሳስ ዱጲ ጊዳናፔ ናጌቲስ**

(ማቶ 18:6-7፣21-22፤ ማር 9:42)

1 ዮሱሲ ባና ካሊዛይታ “አሳ ዱጲዲ ናጋራን ዮጊዛ ሚሺ ዮንታ አጌና፤ ጊዶ አቲን ያና ዱጲዛስ ጋሶ ጊዲዛዴስ አዩ-አና! 2 ሄ አዴዚ ሃ ጉሳታፔ ኢሳስ ዱጲ ጊዳናፔ ዎፃ ሹቺ ኢዛ ቆዴን ቃሼቲን አባ ጊዶ ኢዚ ዮጌቲዛኮ ኢዛስ ሎዎ ጊዳና። 3 ሄሳ ጊሽ ኢንቲ ሁዴስ ናጌቲቲ። ‘ኔ ኢሻይ ኔና ቆሂኮ ሃንቂታ፤ ኢዚ ባ ሞሮ ኤሪዲ ሲሚኮ ማራ።’ \* 4 ኢሲ ጋላሳን ላፔንቶ ዛሪ ዛሪ ቆሂዲ ላፔን ቶካ ዛሪ ዛሪ ‘ማራ ጊኮ ማራ’ ጊዴስ።

5 ሃዋራቲካ “ጎዶ! ኑስ አማኖ ጉጃ” ጊዳ።

6 ጎዳይካ “ጋሼ አይፌ ላጌ አማኖይ ኢንቲስ ዲኮ ሃይሳ ‘ኤሳ ዶቃሌታ ባዳ አባን ጌላ ቶኬታ’ ኢንቲ ጊኮ ኢዚ ኢንቲስ አዛዜታና” ጊዴስ።

7-8 ቃሴካ ዮሱሲ “ኢንቲ ጊዶፊ ኢሲ አሳስ ጎሻንቻይ ዎይኮ ዶርሳ ሄሚዛ አሽካራይ ዲኮ ኢዚ ጎሻሶፔ ሲሚሺን ‘ታስ ማና ካዎ ጊጊሳ፤ ታ ማዳ ኡያና ጋካናስ ጊዲታዳ ታስ አሳ፤ ሄሳፊ ጉዮ ባጋን ማንዳሳኔ ኡያንዳሳ’ ጊስ አቲን ሃዲ ቁማ ማና ሃ አዳ ጊዜ? 9 ሂስቲኮ ሄ አሽካራ ጎዳይ ኢዚ ኢዛ አዛዞ ፖሊዳ ጊሽ ኢዛ ጋላቲ ኤሪዜ? 10 ሄሳ ጊሽ ኢንቲካ ኢንቲ አዛዜቲዳይሳ ወርሲ ፖሊዳ ዎዴ ‘ኑኒ ጎዳይ ባይንዳ አሳንቻታ ኑስ አሳናስ ቤሲዛይሳ ፖሊ አሲዶስ’ ጊቲ” ጊዴስ።

**ዮሱሲ ታሙ አሳታ ኢንቺራንቻሃርጌፊ ፓሲዴስ**

11 ሄሳፊ ጉዮ ዮሱሲ ዮሩሳላሜ ቢሼ ሳማሪያራኔ ጋሊላ አቻራ አዲዴስ። 12 ኢሲ ጉታ ጌሊዳ ዎዴ ኢንቺራቻ ሃርጊዛ ታሙ አሳቲ ኢዛ ዴሚዳ። ኢስቲካ ሃሆን ኤቂዲ፤ 13 ባ ቃላ ዶቁ ሂስቲዲ “ዮሱሳ! ጎዶ! ኑስ ሚሼታርኪ!” ጊዳ።

14 ኢዚካ ኢስታ ቤዩዲ “ቢቲ! ኢንቲና ቁሴታስ ቤሲቲ” ጊዴስ። ኢስቲካ ቡሮ ቢሼ አጌ ቦላ ፓሂዳ። \* 15 ኢስታፊ ኢሶይ ባ ፓሂዳይሳ ቤዩዲ ባ ቃላ ዶቁ ሂስቲዲ ያሳ ቦንቺሼ ሲሚዴስ።

16 ኢዛይይካ ዮሱሳ ቶሆ ቦላ ኩንዲዲ ጋላቲዴስ፤ ኢዚካ ሳማሪያ ቢታ አሳ።

17 ዮሱሲካ አዴዛ “ፓሂዳይቲ ታም አስ ዴቴኔ? ሂስቲን ኡዱፋናቲ አዎ ቢዶ? 18 ሃይሳ ዱማ ዴሬ አዴዛፔ አቲን ያሳ ጋላቲዛይ ባዎ ጉሴ?” ጊዲ አይቺዴስ። 19 አዴዛካ ዛሪዲ “ዴንዳዳ ባ! ኔና ኔ አማኖይ ፓሲዴስ” ጊዴስ።

\* 16:16 ማቶ 11:12-13 \* 16:17 ማቶ 5:18 \* 16:18 ማቶ 5:32፤ 1ቆሮ 7:10-11 \* 17:3 ማቶ 18:15 \* 17:14 ለዌ 14:1-32

**የሳ ካዎቴሳ ዩሳ ጊሽ**

(ማቶ 24: 23-28፤ 37-41)

20 “የሳ ካዎቴሳ አይደሉ ያኔ?” ጊዲ ፋርሳዊቲ ዩሱሳ አይቺዳ ዎዴ ዩሱሳ “የሳ ካዎቴሳ ቤተዛ ማላታታን ዩኩ። 21 አሳይ የሳ ካዎቴሳ ሃን ዳዉስ ዎይኮ ሄን ዳዉስ ጋናስ ዳንዳዩቴና፤ የሳ ካዎቴሳ ኢንቴ ጊዶን ዳዉስ” ጊዲ ዛሪዴስ።

22 ባና ካሊዛይታስካ “አሳ ና ጋላሳታፔ ኢሲ ጋላሳዮ ቤያናስ ኢንቴ አዎታና ዎዴይ ያና፤ ጊዶ አቲን ኢንቴ ቤዩኬታ። 23 አሳይ ኢንቴስ ‘ሃን ዳዉስ’ ዎይኮ ‘ሄን ዳዉስ’ ጋና ሺን ኢንቴ ኢስታ ካሊዲ ቦፔቴ። 24 ጋሶይካ ዎልቃንሳ ዎልቃሚዲ ሃ ጋፃፔ ሄ ጋፃ ጋካናስ ፖዲሲዛ ማላ አሳ ናይ ዩዛ ጋላስ ኢዛ ማላ ሃናና። 25 ጊዶ አቲን ሃይሲ ወሪ ሃናናፔ ኮይሮ አሳ ናይ ዳሮ ሜቶ ኤካናሲኔ ሃይሳ ሃ ዩሉቴላን ካዴታናስ ቤሴስ።

26 “ኖሄ ዎዴ ሃንዳይሳ ማላ አሳ ና ዎዴንካ ሄሳላ ሃናና። \* 27 ኖሄይ ማርካቤን ጌላና ጋላስ ጋካናስ አሳይ ሚሺኒኔ ኡዩሺን፤ ኤኪሺኒኔ ጌሊሺን ዳይሲዛ ሃላ ዩዲ ወርሲካ ዳይሲዴስ። \*

28 “ሎዴ ዎዴካ ኢዛ ማላ ሃንዴስ፤ አሳይ ሜሲኔ ኡዩሰ፤ ባዩዜሲኔ ሻሜስ፤ ቶኪዛዝ ቶኪስ፤ ኬሲካ ኬዬቴስ። 29 ጊዶ አቲን ሎዴሶ ሶዶሜፔ ኬዜዳ ጋላስ ሹቺኔ ሚሳ ቆሮንታ ዲኔ ታማይ ሳሎፔ ቡኪዲ ወርሲ ዳይሲዴስ።

30 “አሳ ናይ ቆንጨዛ ጋላስ ሄሳላ ሃናና። 31 ሄ ዎዴ ባ ኬሳ ቦላ ዲዛዴይ አኒካ ኬሳ ጊዶን ዲዛ ሚሽ ኤካና ጊዲ ዱጌ ዎዶፎ፤ ሄሳላካ ጎሻ ሶን ዲዛ አሲ ጉዩ ሶ ሲዎፎ። \* 32 ሎዴ ማቾ ቆፔቴ።

\* 33 ባ ዴዎ ጋምዲሳና ኮዩዛይ ወሪ ዳይሳና፤ ባ ሺምፖ አሲ ኢሚዛዴይ ጋምዲሳና። \* 34 ታ ኢንቴስ ጊዛይ ሄ ዎዴ አማርስ ናምዑ አሲ ኢሲ ሂፃን ኢቻና፤ ኢሶኔያ ኤኬታና፤ ኢሶይ አታና።

35 ናምዑ ማጫሳቲ ኢሲፌ ጋጨሺን ኢሲኔያ ኤኬታና፤ ሃንኮራ አታና። 36 ናምዑ አሲ ኢሲፌ ጎሻሶን ዳና፤ ኢሶይ ኤኬታና፤ ኢሶይ አታና። \*

37 “ኢስቲካ ዛሪዲ ‘ጎዶ! ኢስቲ አዎ ኤኬታኔ?’ ጊዳ። ኢዚካ አሃይ ዲዛሶን አንኮቲ ሺቃና” ጊዴስ።

**አምዴዮኔ ማካላ ዳና**

1 ባና ካሊዛይቲ አዛሎንታ ኡባ ዎዴ ዎሳናስ ቤሲዛይሳ ኤሪሳናስ ዩሱሳ ሃ ሎሚሶዛ ኢስታስ ዮቲዴስ። 2 “ኢሲ ካታማን የሳስ ያዮንታ አሲኔ ቦንቾንታ ኢሲ ዳናይ ዴስ። 3 ሄ ካታማንካ ኢሲ አምዴ ማጫሲ ዳዉስ። ኢዛካ “ታ ባልጋራራ ታስ ሞቶይ ዲዛ ጊሽ ፐርዳርኪ?” ጋሼ ኢዛኮ ሲሜሬታዳስ።

4 ዳናዚካ ዳሮ ዎዴ ጋካናስ ኢዚስ ፐርዲቤና፤ ጊዶ አቲን ጉዩፔ ባ ዎዝናን “የሳስ ያዮንታ አሲካ ቦንቾንታ አጊኮ። 5 ሃና አምዴ ማጫሳያ ታና ዋይሲዛ ጊሽ ታ ኢዚስ ፐርዳና” ሄሳ ሂስቶንታ አጊኮ ኡባ ዎዴ ሲሜሬታዳ ኢዛ ታና ዳቡርሳና” ጊዴስ።

6 ጎዳይካ “ማካላንቻ ዳናይ ጊዳይሳ ሲዩቴ፤ 7 ያሲ ቃማ፤ ጋላሲኔ አማርስ ኢዛኮ ዋሲዛ ዶሬቲዳይታስ ፐርዴኔዩ? ታና አይ ሜቲዴ! ጊዲ ባ ማዶ ጋምዲሳንዴ? 8 ታ ኢንቴስ ጋይስ፤ ኢስታስ ኤሌ ፐርዳና፤ ጊዶ አቲን አሳ ናይ ዩዛ ዎዴ ቢታ ቦላ አማኖ ዴማንዴሻ?” ጊዴስ።

**አቶራንቻ ፋርሳዊኔ አሽኬ ቃራፃ ሺሺዛዴ ሎሚሶ**

9 ባና ሂሎ አሳ ማላ ቆዲዲ ጨቁቲዛይታሲኔ ሃራታ ሎቆ አይፌን ዩሊዛይታስ ሎሚሶራ። 10 “ናምዑ አሳቲ ዎሳናስ የሳ ኬሴ ቢዳ፤ ኢሶይ ፋርሳዊ፤ ሂንኮይሲ ቃራፃ ሺሺዛዴ። 11 ፋርሳዊዚካ ኤቁዲ ባ ጊሽ ‘ዎሶ! ታኒ ሃራ አሳ ማላ ቦንቁዛዴ፤ ማካሊዛዴ፤ ሳይማቲዛዴ ሃራፔካ ሃይሳ ቃራፃ ሺሺዛዴ ማላ ጊዶንታ አጊዳ ጊሽ ታ ኔና ጋላታይስ። 12 ሳሚንታን ናምዳ ያማይስ፤ ታስ ዲዛ ታማፌ ኢሳ ኢማይስ’ ጊዲ ዎሲዴስ።

13 “ጊዶ አቲን ቃራፃ ሺሺዛዴዚ ሃሆን ኤቁዲ ፑዴ ሳሎ ዶቁ ጊዲ ዩላናስ ኮይቤና፤ ጊዶ አቲን ባ ቲራ ኢጨሽ ‘ዎሶ! ታና ናጋራንቻዛ ማራርኪ!’ ጊዴስ።

14 “ታ ኢንቴስ ዮታይስ፤ የሳ ሲንሳን ፋርሳዊዚ ሂሎቴሳ ዴሚቤና ሺን ሃይሲ ቃራፃዛይሲ ዩሊዲ ባሶ ሲሚዴስ። ባና ዶቁሲዛይ ወሪ ዚቁ ጋና፤ ባና ዚቁሲዛይ ጊዲኮ ዶቁ ጋና” ጊዴስ። \*

15 ዩሱሳ ሲሸሬሳና ማላ አሳይ ጉሳ ናይታ ኢዛኮ ኤሂዴስ። ኢዛ ካሊዛይቲካ ሄሳ ቤዩዲ ሃንቁቲዳ። 16 ጊዶ አቲን ዩሱሳ ጉሳ ናይታ ባኮ ዩይጊዲ “ጉሳ ናይቲ ታኮ ያናይሳ ዲጎፍቴ፤ የሳ ካዎቴሳ ሃይታንታ ማላታሳ። 17 ታ ኢንቴስ ቱሙ ጋይስ፤ የሳ ካዎቴሳ ጉሳ ና ማላ ኤኮንታይ ወሪ ኢዚን ጌሌና” ጊዴስ።

**ሃ ቢታ ሃሮኔ ሳሎ ካዎቴሳ**

(ማቶ 19: 16-30፤ ማር 10: 17-31)

18 አይሁዳታ ሃላቃታፔ ኢሶይ “ኪያ አስታማሬ! ሜርና ዴዎ ላታናስ ታ አይ አሶ?” ጊዲ አይቺዴስ።

19 ዩሱሳ “አዛስ ታና ኪያ ጋይ? ኢሲ ያሳፌ አቲን ሃራ ኪያይ ዴና። 20 ‘ሳይማቶፓ፤ ዎዶፓ፤ ካይሶቶፓ፤ ዎርዶ ማርካቶፋ፤ ኔ አዎ ቦንቻ’ ጊዛ አዛዛዛታ ኔ ኤራሳ” ጊ ዛሪዴስ። \*

\* 17:26 ሜዴ 6:5-8 \* 17:27 ሜዴ 7:6-24 \* 17:31 ማቶ 24:17-18፤ ማር 13:15-16 \* 17:32 ሜዴ 19:26 \* 17:33 ማቶ 10:39፤ 16:25፤ ማር 8:35፤ ሉቃ 9:24፤ ዮሃ 12:25 \* 17:36 ኢሲ ኢሲ 2ሻ ማፃፋታን ፓይዶ 36 ቦላ ዲዛ ቆፋ ጉጂቴስ፤ ቆፋዚካ ማቶ 24:40 ዲዛይሳ ሚሳቴስ። \* 18:14 ማቶ 23:12፤ ሉቃ 14:11 \* 18:20 ኬሳ 20:12-16፤ ዛሬ 5:16-20



21 አደዘካ “ሃይታ ጊዲኮ ጉላ ናቴቴሳፌ ዶማዳ ናጋዲስ” ጊደስ።  
 22 ዮሱሲካ ሄሳ ሲይዲ “ሂስቲኮ ኔስ ኢሲ ሚሺ ፓጩስ፤ ኔስ ዲዛዚ ወርሳ ባዩዛዳ ማንቆታስ ኢማ፤ ሳሎ ማዘጋባን ደማንዳሳ፤ ኢዛፔ ጉዩ ያዳ ታና ካላ” ጊደስ። 23 ጊዶ አቲን አደዘ ሄሳ ሲዩዳ ዎዴ ዳሮ ሃርይ ኢዛስ ዲዛ ጊሽ ኬሂ ሚሹቲደስ።  
 24 ዮሱሲካ አደዛ ያሊዲ “ዳሮ ሚሺ ዲዛ አሳቲ ያሳ ካዎቴሲ ጌላናይሲ አይ ማላ ሜቶ! 25 ዱሬይ ያሳ ካዎቴሳ ጌላናይሳፌ ጋሜላይ ናርፔ ሉኮራ አዳናይሲ ማታና” ጊደስ።  
 26 ሄሳ ሲዩዳ አሳይ “ሂስቲን ኦኒ አታና ዳንዳዩዜ?” ጊደስ።  
 27 ዮሱሲካ አሳ አቻን ዳንዳዩቶንታይ ያሳ አቻን ዳንዳዩቱስ ጊደስ።  
 28 ጴጥሮሲካ “ሄኮ ኑኒ ኑስ ዲዛዘ ኡባ አጊዲ ኔና ካሊዶስ” ጊደስ።  
 29 ዮሱሲካ ኢስታስ “ታ ኢንቴስ ቱሙ ጋይስ፤ ያሳ ካዎቴሳ ጊሽ ጊዲ ባ ኬሴ፥ ባ ማቾ፥ ባ ኢሻንታ ዎይኮ ባና ዮሊዳይታ ዎይኮ ባ ናይታ አጊዳይይ፥ 30 ሃላ ዎዴ ዳሮ ዳኮ ኩሼ ኤኮንታይይ ዩዛ ዎዴ ቃሴ ሜርና ደዎ ኤኮንታይ አኒካ ዴና” ጊደስ።

**ዮሱሲ ባ ሃይቆ ጊሺኔ ዴንላ ጊሽ ሄሻንላ ዮቲደስ**

(ማቶ 20:17-19፤ ማር 10:32-34)

31 ዮሱሲካ ባና ካሊዛ ታማኔ ናምዓታ ዱማ ኤፊዲ “ሃላ ኑኒ ዮሩሳላሜ ኬዛና ኅስ፤ ናቤቲ አሳ ና ጊሽ ዓፊዳይሲ ወሪ ፖሌታና። 32 ዴሬ አሳስ አሲ ኢማና፤ ኢስቲካ ኢዛ ቂዲ ካዳናኔ ዎይሳና፤ ኢዛ ቦላ ጩታና። 33 ጋራፋና፤ ሄሳፌካ ዛሪዲ ዎዳና፤ ኢዚካ ሄሻንላ ጋላስ ሃይቆፔ ዴንዳና” ጊደስ።  
 34 ኢዛ ካሊዛይቲ ጊዲኮ ሄሳ ኡባፌ ኢሲኖካ ኤርቤይቴና። ኢዛ ጊዛይሲካ ኢስታስ ጌሊቤና። ኢዚ አዛ ጊሽ ሃሳዩዳኮኔ ኤርቤይቴና።  
 35 ዮሱሲ ኢያርኮ ጌቲቲዛሶ ማቲዳ ዎዴ ኢሲ ቆቆ አደይ አጌ ዱናን ኡቲዲ ዎሴስ። 36 ሄ ቆቆ አደዘካ ዳሮ አሳይ አጌራ አዲዛይሳ ሲይዲ “ሄሲ አዜ?” ጊ አይቺደስ። 37 ኢስቲካ ኢዛስ “ናዘሬቴ ዮሱሲ ሃይሳራ አዴስ” ጊዲ ዮቲዳ።  
 38 ኢዚካ “ዳወቴ ና ዮሱሳ ታስ ቃዴታ” ጊ ዋሲደስ።  
 39 ዮሱሳፔ ሲንሴቲ ቢዛይቲ “ጮቡ ጋ!” ጊዲ ሃንቆቲዳ። ጊዶ አቲን ኢዚ “ዳወቴ ናወ! ታስ ቃዴታ” ጊዲ ዳርሲ ዋሲደስ። 40 ዮሱሲካ ኤቂዲ አደዛ ኢዛኮ ኤሃና ማላ አዛዚደስ፤ ኢዚካ ኢዛኮ ሺቂዳ ዎዴ 41 “ታ ኔስ አይ አሳና ማላ ኮያይ?” ጊዲ አይቺደስ። ቆቆዚካ “ኅዶ ያላናስ ኮያይስ” ጊደስ።  
 42 ዮሱሲካ “ኔና ኔ አማኖይ ፓሲደስ ያላ” ጊደስ። 43 አደዘ ሄራካ ያሊደስ፤ ያሳካ ቦንቺሼ ዮሱሳ ካሊደስ። ሄሳ ቤዩዳ ዴሬይ ወሪ ያሳ ጋላቲደስ።

**ዮሱሳኔ ዜኪዮሳ**

1 ዮሱሲ ኢያርኮ ጌቲቲዛሶራ አዲ ቢሺን፥ 2 ዜኪዮሳ ጌቲቲዛ ኢሲ አሲ ሄን ዮሱሲ ቢዛ አጌ ቦላ ደስ። ኢዚካ ዴሬ ቃራፃ ቃንዲሲዛይታስ ሃላቃኔ ኬሂ ዱሬ አሳ። 3 ኢዚ ዮሱሳ ጌቲቲዛይሲ አዎይሳኮኔ ቤያናስ ኮዩሺን ቃንላ አሳ ጊዲዳ ጊሺኔ ዳሮ ዴሬይ ዮሱሳ ካሊዛ ጊሽ ዮሱሳ ቤያናስ ዳንዳይቤና። 4 ዮሱሲ ሄ አጌራ አዲሺን ሲንሴ አዲዲ አጌ ቦላ ዲዛ ኢሲ ኤሳ ሚሳ ቦላ ኬዚደስ። \*  
 5 ዮሱሲ ኤሳ ጋርስ ጋኪዲ ዶቆ ሂስቲ ያሊዲ “ዜኪዮሳ! ሃቾ ታ ኔ ኬሳን ፔፃናስ ቤሴስ። ኤሌላ ዎዳ” ጊደስ።  
 6 ኢዚካ ኤሌ ዎዳዲ ኡፋይሳን ሞኪ ኤኪደስ። 7 ሄ ዎዴ ሄን ኢዛራ ዲዛ አሳይ ሄሳ ቤዩዲ “ናጋራንቻ አሳ ኬሳን ኢማቶ ማና ጌስ” ጊዲ ወሪካ ባ ጊዶን ዙዙሜቲዳ።  
 8 ጊዶ አቲን ዜኪዮሲ ኤቂዲ “ኅዶ! ታኒ ታስ ዲዛ ሚሹ ኡባፌ ባጋ ሻካዳ ማንቆታስ ኢማና፤ ታኒ አናፔካ ዎርዶራ ቦንቃ ኤኪዳዚ ዲኮ አይዱ ኩሼ ጉጃዳ ኢዛደስ ኢማና” ጊደስ።  
 9 ዮሱሲካ “ሃ አደዘ አብራሃሜ ና ጊዲዳ ጊሽ ሃቾ ሃ ኬሳስ ፓፃቴሲ ዩደስ” ጊደስ።  
 10 ሃይሳስ ጋሶይካ አሳ ናይ ሃ ዩዳይ ዳዩዳይሳ ኮያናሲኔ አሻናሳ። \* 11 አሳይ ሃይሳ ሲዩሺን ሌሚሶራ ሃሳያ አይኪደስ፤ ጋሶይካ ኢዚ ዮሩሳላሜ ጋካናስ ማቲዳ ጊሺኔ አሳታስ ያሳ ካዎቴሳ ቆንጫና ሃኒዛ ሚሳቲዳ ጊሻሳ። \* 12 ሄሳ ጊሽ “ኢሲ ካዎ ናይ ባ ካዎቴሳ ሹሜቴሳ ኤኪ ያናስ ሃሆ ቢታ ቢደስ። 13 ባ አሽካራታ ጊዶፌ ታማታ ያይጊዲ ታሙ ሚናኔ ኢስታስ ኢሚዲ ‘ታ ሲማዳ ያና ጋካናስ ሃይሳ ሚሻን ዛልዲቴ’ ጊደስ። †  
 14 “ሄ ዴሬ አሳቲ ቃሴ ኢዛ ኢዲዳ ጊሽ ‘ሃይሲ አደዘ ኑ ቦላ ካዎታና ማላ ኮዮኮ’ ጊዲ አስ ኢዛ ጌዶራ ኪታ አሲ ዩዲዳ።  
 15 “ጊዶ አቲን ሃ ካዎ ናዚ ካዎ ጊዲዲ ጉዩ ባ ዴሬ ሲሚደስ። ካሴ ቢሹ ታሙ ሚናኔ ኢሚዳ ታሙ አሽካራቲ ኢዚ ኢሚዳ ቢራን ዛልዲዲ አይ ኬና ቲርፊሲዳኮኔ ኤራናስ ኢስታ ያይጊደስ።  
 16 “ኢስታፌ ኮይሮይ ሺቂዲ ‘ኅዶ! ኔ ታስ ኢሚዳ ታሙ ሚናኔይ ሃራ ታሙ ዮሊደስ’ ጊደስ።  
 17 “ኅዳዚካ ኢዛ ‘ኔ አማኔቲዳ አሽካራ፤ ሎዎ አሳዳሳ። ኔ ጉላ ሚሻን አማኔቲዳ ጊሽ ታሙ ካታማታ ኔ ሃራና ማላ ኔስ ኢማዲስ’ ጊደስ።

\* 19:4 ኢሲ ኢሲ ባጋ ጋሞሶ ቃላን ኤሳ ሚስ ጊዛይሳ ቦባ ጌቱስ። \* 19:10 ማቶ 18:11 \* 19:11 ማቶ 25:14-30  
 † 19:13 ሚናኔ ሚናኔይ ሚሻቲ አይ ላጌ ዴዲዛኮ ኤራናስ ማዲዛ ሚሻ፤ ቃሴካ ሚሽ ጊዲዲ ዛልዲሲካ ማደስ። ኢሲ ሚናኔይ ሄ ዎዴ ኢሳደስ ሄሹ ጋላሳስ አሶ ዳሞዛ ሊኬ ጊዳና።



18 “ናምዓንገሊካ ኢዛቡ ሸቂዲ ‘ጎዶ! ኔ ታስ ኢሚዳ ሚናኔፕ ሃራ ኢቻሹ ሚናኔይ ዎዲዴስ’ ጊዴስ።

19 “ኢዛ ጎዳዚ ኢዛስ ዛሪዲ ‘ኔኒ አይሳና ማላ ታሙ ካታማቲ ኔስ ኢሜቲዳ’ ጊዴስ።  
20-21 “ቃሴካ ሃንኮ አሳንቻይ ሸቂዲ ‘ጎዶ! ኔኒ ዎሶንታሶፕ ኤኪዛዴ፤ ዜሮንታሶፕ ማሊዛዴኔ ሜንጌ ኢታ አስ ጊዲዳ ጊሽ ታ ኔስ ባባዳ ጩርቃን ገገ ዎሲዳ ኔ ሚናኔዮ ሄይ ኤካ’ ጊዴስ።

22-23 “ኢዛ ጎዳዚ ዛሪዲ ኢዛስ ‘ሃይሶ ኢታ አሳንቻዞ! ታ ኔ ቃላን ኔና ዛራ ፒርዳይስ። ታኒ ዎሶንታሶፕ ኤኪዛዴኔ ዜሮንታሶፕ ማሊዛ ሜንጌ ኢታ አስ ጊዲዳይሳ ኤራሳሺን ታኒ ታ ሚሻ ዮሎራ ኤካና ማላ ሄ ሚሻን አሳና አሳታስ አዛስ ኢማቤኪ?’ ጊዴስ።

24 ኢዛ “ጎዳዚካ ሄን ኤቂዳ አሳታ ‘ኢዛ ኩሼፕ ሚናኔዛ ኤኪዲኔ ታሙ ሚናኔይ ዲዛይሳስ ኢሚቴ’ ጊዴስ።

25 “ኢስቲካ ዛሪዲ ‘ጎዶ! ኢዛስ ታሙ ሚናኔይ ዴሲኮ’ ጊዳ።  
26-27 “ኢዚካ ዛሪዲ ‘ዲዛዴስ ኡባስ ሃራይ ጉጂታና፤ ባይንዳይስ ካሴ ዲዛይሲ ኢዛፕ ኤኬቲቻና።

\* ጊዶ አቲን ታኒ ኢስታ ቦላ ካዎቶንታ ማላ ኮይዳይታ ሃይታ ታ ሞርኬታ ታኮ ሃ ኤሂዲ ታ ሲንሳን ሹኪቴ” ጊዴስ።

28 ሄሳ ሃሳዬ ሲሚዲ ዮሱሲ ዮሩሳላሜ ኬዛናስ ኢስታፌ ሲንሳቲ ቢዴስ። 29-31 ዳብራዛይቴ ጌቲቲዛ ዙማ ቦላ ዲዛ ቤቴፋጊኔ ቢታኒያ ጌቲቲዛ ካታማታኮ ማቲዳ ዎዴ ባና ካሊዛይታፕ ናምዓታ “ኔኒ ኢንቴ ሲንሳን ዲዛ ቁሪ ካታማቶ ቤቴ፤ ቢዲ ካታማቶ ኢንቴ ጌሊሺን አኒካ ቶጊ ኤሮንታ ኢሲ ቃሼቲ ዲዛ ሃራ ጉቴ ኢንቴ ዴሜና፤ ኢዛ ቢርሺዲ ሃ ታስ ኤኪ ዮቴ፤ ኢንቴና አኒካ ‘አዛስ ቢርሹቴ?’ ጊዲ አይቻኮ ‘ጎዳስ ኮሼስ ጊቴ” ጊ ኪቲዴስ።

32 ኪቴቲዳይቲካ ቢዲ ኢዚ ኢስታስ ዮቲዳ ማላ ሃራ ጉቴዛ ዴሚዳ። 33 ኢስቲ ጉቴዛ ቢርሺን ጉቴዛ ጎዳቲ ቢዮዲ “አዛስ ቢርሹቴ?” ጊዲ አይቻዳ።

34 ኢስቲካ “ጎዳስ ኮሼስ” ጊዳ። 35 ሃራ ጉቴዛ ዮሱሳኮ ኤሂዲ ባ ማይዎ ወርሲ ጉቴዛ ቦላ ዮጊዲ ዮሱሳ ሃራ ጉቴዛ ቶጊሲዳ። 36 አሳይ ወሪካ ባ አፋላ ዮሱሲ ቢዛ አጌ ቦላ ሚጫዴስ።

37-38 ዳብራዛይቴ ዙማ ቦላራ ዱጌ ዎሲዛ አጌዛኮ ማቲዳ ዎዴ ቆዳይ ባይንዳ ዴሬይ ባ ቤዮዳ ማላታ ጊሽ ወሪካ ኡፋይሳራ ባ ቃላ ጅቁ ሂስቲዲ “ጎዳ ሱንሳን ዮዛ ካዎይ አንጄቲዳይሳ፤ ሳርይ ሳሎን ቦንቻይ ሳሎፕ ቦላ ሳሎን ጊዶ” ጊዴስ። \*

39 ዴሬታፕ ኢሲ ኢሲ ፋርሳዌቲ ዮሱሳ “አስታማሬ! ሃ ኔና ካሊዛ አሳይ ጊዛይሳ ጎንታ ማላ ሃንቃ” ጊዴስ።

40 ኢዚካ ኢስታስ ዛሪዲ “ሃይቲ ሮሙ ጊዳኮኔ ሹቻቲካ ዋሳና” ጊዴስ።  
41-43 ዮሱሲ ዮሩሳላሜ ማቲሼ ካታማቶ ቤዮዲ ኢዚስ ዮኪዴስ። “ኔስ ሳሮ ጊዲዛዝ ሃቺ ኔ ኤሪዳኮ አዜ ዲዛይ? ሃሲ ኔ አይፌፕ ቆቴቲዳ ጊሽ ኔ ሞርኬቲ ሄራ ሃራ ኔና ጊዶሲዲ ኡንዔሳና ዎዴይ ያና። 44 ኔና ኔ ጊቤ ጊዶን ኔናራ ዲዛ ኔ ናይታ ወርሲ ቢታ ኬሳና። ሹቻካ ሹቻ ቦላፌ ላሎንታ አጌቲና። ሄሲ ወሪካ ያሲ ኔና ኮዩሺን ኔኒ ኤሮንታ አጊዳ ጊሻሳ” ጊዴስ።

45 ሄሳሬ ካሊዲ ዮሱሲ ያሳ ኬሴ ጊሊዲ ያሳ ኬሳ ጊዶን ዛልዲዛይታ ኬሲዴስ። 46 ቃሴካ “ታ ኬሳይ ዎሳ ኬሳ ጊዳና ጌቲቲዲ ገሬቲዴስ፤ ኢንቴን ጊዲኮ ፓንጋይ ዲዛ ጎንጎሎ ሂስቲዴታ” ጊዴስ። \*

47 ዎንቲን ዎንቲን ያሳ ኬሳን ኢዚ ታማርሲሺን ገሬቲኔ ዴሬ ሃላቃቲ ኢዛ ዎዳናስ ኮይዳ። \*

48 ጊዶ አቲን ዴሬይ ወሪካ ኢዛራ አይኬቲዲ ኢዚ ታማርሲዛይሳ ካሊዛ ጊሽ አሳናዚ ኢስታስ ኪርቂ ጊዴስ።

20

ዮሱሳ ዎልቃ ፓጫና ሸቂዳ አይሻ (ማቶ 21:23-27፤ ማር 11:27-33)

1 ኢሲ ጋሳስ ዮሱሲ አሳ ያሳ ኬሳን ታማርሲሺኔ ሚሺራቾ ቃላ ሳባኪሺን ቁሴ ሃላቃቲ ገሬቲኔ ዴሬ ጫማቲ ሸቂቲዲ ኢዛኮ ዮዳ። 2 “ሃይሳ ኔ አሲዛይ አና ሼኔኔ? ኔስ ሼኔ ኢሚዳይ አኔ?” ጊዲ ኢዛ አይቻዳ።

3 ኢዚካ ኢስታስ “ታካ ኢንቴና ኢሲ አይሾ አይቻይስ፤ አኔ ታስ ዛሪቴ። 4 ዮሃኒሳ ሂንቃታይ ሳሎፕዮ? አሳፕ?” ጊዴስ።

5 ኢስቲካ ባ ጊዶን ኢሳይ ኢሳራ “ኑ ዮሃኒሳ ሂንቃታይ ሳሎፕ” ጊኮ ኢዚ ኑና ‘ሂስቲን አዛስ አማኒቤኬቲ?’ ጋና። 6 ‘አሳፕ’ ጊኮ አሳይ ወሪ ዮሃኒሲ ናቤ ጊዲዳይሳ አማኒዛ ጊሽ ኑና ሹቻራ ጫዳና” ጊ ዞራቲዳ።

7 ሄሳ ጊሽ “ኢዚ አዋፕኮኔ ኑ ኤሮኮ” ጊዲ ዛሪዳ።  
8 ዮሱሲካ ሂስቲኮ “ታካ አዛ ዎልቃን አሲዛኮኔ ኢንቴስ ዮቲኬ” ጊዴስ።

ዎዩኔ አታክሊቴ ጎሻንቻታ ሌሚሶ (ማቶ 21:33-46፤ ማር 12:1-12)

9 ቃሴካ ዮሱሲ አሳስ ሌሚሶራ “ኢሳዴይ ዎይኔ ሚስ ቶኪዴስ፤ ጋዴ ጎዩዛይታስ ኪራ ኢሚዲኔ ሃራ ዴሬ ቢዲ ሄን ጋምዲዴስ። \* 10 ካዲዛ ቦኔ ዎዴ ካሳሬ ኤኪ ያና ማላ ባ አሽካራታፕ ኢሳዴ

\* 19:26-27 ማቶ 13:12፤ ማር 4:25፤ ሉቃ 8:18 \* 19:37-38 ማዛ 118:26 \* 19:46 ኢሳ 56:7፤ ኤር 7:11 \* 19:47 ሉቃ 21:37 \* 20:9 ኢሳ 5:1

ጋዴዛ ጎደዳ አሳታኮ ዩዲን ጋዳ ጎዩዛይቲ ኪታ ቢዳይሳ ቆዳዲ ሜላ ኩሼ ዩዲዳ።<sup>11</sup> ካሌሲዲካ ሃራ አሸካራ ዩዲን ጎሻንቻቲ ሃዲካ አይኪ ቆዳዲኔ ካወሸዲ ሜላ ዩዲዳ።<sup>12</sup> ሃዲካ ካሌሲዲ ሄሻንሶ አሸካራ ዩዲን ጎሻንቻቲ ኢዛካ ቆዳራሲ ማዱንሲዲ ጌዴ ካሪ ኬሲ ዩጊዳ።

<sup>13</sup> “ዎይኔ ሚሳ ጎዳይ ‘ሃዲ አይ አሶ? ኦኔ ኤሪዛይ ታ ኬሃ ሲቂዛ ታ ናዛ ዩዲዳኮ ኢዛ ቦንቻንዴቶሻ?’ ጊዴስ።

<sup>14</sup> “ጊዶ አቲን ቢታ ጎዩዛይቲ ናዛ ቤዩዳ ማላ ባ ጊዶን ‘ሃይሲ ኢዛ ላታና ናዛ ጊዴኔ? ሃ ዩቴ ኢዛ ዎዲዲ ቢታ ላቶስ’ ጊዲ ዞራቲዳ።<sup>15</sup> ዎይኔ ሚሳ ቶኪዳሶፕ ጌዴ ካሪ ኬሲዲ ናዛ ዎዲዳ። ሂስቲኮ ሃዲ ዎይኔ ሚሳ ጎዳይ ሃ አሳታ ዎስታኔ? <sup>16</sup> ዩዲኔ ሄ ጎሻንቻታ ዳይሳና፤ ዎይኔ ሚሳ ቶኪዳሶዛ ሃራታስ ኢማና” ጊዴስ። ዴራይካ ሄሳ ኢዚ ጊዳይሳ ሲይዲ “ሃይሳ ማላይ ሃና።” ጊዴስ።

<sup>17</sup> ዩሱሲካ “ኢስታኮ ያሊዲ ‘ሂስቲን ሹቻን ኬሴ ኬዲዛ አሳቲ ሌቂ አጊዳ ሹቻይ ኬሳስ ዋና ሁዔ ጊዳና” ጌቲቲዲ ገፊቲዳ ሌሚሶዛስ ቢርሼሳይ አይ? ጊዴስ። \* <sup>18</sup> ሃ ሹቻ ቦላ ኩንዲዳይ ወሪ ሹቻን ቆዳታና፤ ሹቻይካ ኢዛ ቦላ ዎዲዳዴይ ወሪካ ሊቃና” ጊዴስ።

**ጊራ ቃንዎ ጊሻስ ሸቂዳ አይሻ**

<sup>19</sup> ገፊቲኔ ቁሴታ ሃላቃቲ ሄሲ ሌሚሶዚ ኢስታ ቦላ ሃሳዩቲዳይሳ ኤሪዲ ሄራካ ኢዛ አይካናስ ኮይዳ ሺን ዴራዛስ ባቢዳ።<sup>20</sup> ዩሱሳ ዎልቃራ ሃሪዛይታስ አሲ ኢማናስ ኢዛ ዱናፕ ኬዚዛ ባላ ቃላ ዴሚዲ አይካናስ ካሊ ካሊ ናጊዳኔ ያሎ አሳ ሚሳቲዲ ኢዛ ካሊ ኢዛ ዱናፕ ዮዎ ናጊዛ አሳታ ኢዛኮ ዩዲዳ።<sup>21</sup> ኢዛ ዱናፕ ዮዎ ኮይዛ አሳቲ ዩሱሳ “ኢስታማራ! ኔኔ ቱማ ሃሳዩዛይሳኔ ቱማ ታማርሲዛይሳ ቃሴካ ያሳ አጌ ኔ ቱሙ ታማርሲዛይሳኔ አናካ ሻካ ማዶንታይሳ ኑ ኤርስ።<sup>22</sup> ጊዶ አቲን ቁሳሬስ ጊራ ጊራናስ ቤሲዬ? ቤሴኔ?” ጊዲ አይቺዳ።

<sup>23</sup> ኢዚካ ኢስታስ ዲዛ ጌኔ ቆፋ ኤሪዲ፤ <sup>24</sup> “አኔ ኢሲ ዲናሬ ታና ቤሲቴ፤ ሃይሲ ኢዛ ቦላ ዲዛ ሜዳዚኔ ገፊቶይሲ አናይሴ?” ጊዴስ። ኢስቲካ “ቁሳሬይሳ” ጊዳ።

<sup>25</sup> ኢዚካ ዛሪዲ ኢስታስ “ቁሳሬይሳ ቁሳሬስ፤ ያሳይሳ ያሳስ ኢሚቴ” ጊዴስ።

<sup>26</sup> ሄሳ ጊሽ ኢዚ ሃሳዩዳ ቃላፕ ኤኪዲ አሳ ሲንሳን ኢዛ ቃዓናስ ዳንዳይቤቴና፤ ኢዚ ኢሚዳ ቃላን ማላሌቲዲ ሮዎ ጊዳ።

**ሃይቂዳይታ ዴንሳ ጊሽ**

(ማቶ 22: 23-33፤ ማር 12: 18-27)

<sup>27</sup> ሃይቂዳይታ ዴንሳ ባዋ ጊዛ ሳዱቃዌታፕ ኢሲ ኢሲ አሳቲ ዩሱሳኮ ዩዲ አይሾ ሸሸዳ።

\* <sup>28</sup> “ጎዶ! ‘ኢሳዴይ ማሻ ኤኪዲ ና ዩሎንታ ሃይቂኮ ሄ ሃይቂዳይሳ ማሻዮ ኢዛ ኢሻይ ኤኪዲ ባ ኢሻ ላታና ና ኢዛስ ዩሎ’ ጊዲ ሙሴይ ኑስ ገፊዴስ። \* <sup>29</sup> ሂስቲን ላፑን ኢሻቲ ዴቴስ ሸን ኢስታሬ ባይራይ ማሻዲ ና ዩሎንታ ሃይቂዴስ።<sup>30</sup> ኢዛ ካሎዚካ ኢዛሶ ሃይቂዴስ፤ <sup>31</sup> ሄሻንሶዚካ ኢዛ ኤኪዴስ፤ ላፑናቲ ወሪካ ሄ ማጫሳዮ ኤኪዲ ወሪካ ና ዩሎንታ ሃይቂዳ።<sup>32</sup> ወርሴሳን ማጫሳዮ ሃይቃዱስ።<sup>33</sup> ላፑናቲካ ሃ ማጫሳዮ ኤኪዳ ሸን ሃ ማጫሳዮ ወርሴሳን ሃይቂዳይቲ ዴንዲዛ ዎዴ ኢዛ አዋይሳ ማሻ ጊዳኔ?”

<sup>34</sup> ዩሱሲ ኢስታስ “ሃ ዴራ ናይቲ ጌሌቴሲኔ ኤኪቴስ።<sup>35</sup> ቡሮ ያና አላሜን ሃይቂዳይታ ዴንሳ ዴማናስ ቤሲዛይቲ ጊዲኮ ጌሌቴናኔ ኤኪቴና።<sup>36</sup> ኢስቲ ኪታንቻታ ማላ ጊዳና ጊሽ ሄሳሬ ጉዩ ሃይቂቴናኔ ሃይቆፕ ዴንሳ ናይታ ጊዲዳ ጊሽ ኢስቲ ያሳ ናይታ።<sup>37</sup> ሙሴይ ቁሪ ዎራ ጊሽ ገፊቲዳ ታሪኬዛን ጎዳ ‘አብራሃሜ ያሳ፤ ዩሳቃ ያሳ ያቆቤ ያሳ’ ጉሳን ሃይቂዳይቲ ዴንዳይሳ ቤሴስ። \*

<sup>38</sup> ወሪካ ኢዛስ ዴዎይ ዲዛ ጊሽ ኢዚ ፓግታ ያሳሬ አቲን ሃይቂሳታ ያሴ ጊዴና” ጊዴስ።

<sup>39</sup> ኢሲ ኢሲ ገፊቲ “ኢስታማራ! ሎዎ ጋዳሳ” ጊዳ።<sup>40</sup> ሄሳሬ ጉዩ አይ አሲካ ኢዛ አይቻናስ ገሊቤና።

**ያሳይ ቲዩዳይሳ ጊሽ ሸቂዳ አይሻ**

(ማቶ 22: 41-46፤ ማር 12: 35-37)

<sup>41</sup> ሄሳሬ ጉዩ ዩሱሲ “አሳይ ማሲሄ ዋኒዲ ኢዚ ዳወቴ ና ጊዜ? <sup>42-43</sup> ጋሶይካ ዳወቴይ ባ ገፊዳ ማዛሙራ ማግፋታን ‘ታ ኔ ዋርኬታ ኔ ቶሆ ጋርስ አሳና ጋካናስ ጎዳይ ታ ጎዳ ኔ ታ ኡሻቻን ኡታ’ ዋኒዲ ጊዴ?” \* <sup>44</sup> ሂስቲኮ ዳወቴይ ኢዛ ‘ጎዳ’ ጊ ያይጊሼ ዋኒ ኢዛስ ና ጊዳኔ?” ጊዴስ።

<sup>45</sup> ዴራይ ወሪ ሲዩሺን ባና ካሊዛይታስ <sup>46</sup> “ጎሼቲዛ አዱሳ ቃምሴ ማይዲዲ ዩሼ ዶሲዛይታፕኔ ጊያይ ዲዛሶን ሳርኬቴስ ኮይዛይታፕኔ አይሁዳ ያሳ ኬሳን ዶቃ አይዴኔ ዲጊሳሶን ቦንቻሶ ኮይዛይታፕ ገፊታፕ ናጌቲቴ።<sup>47</sup> ሃይታንቲ አምዔታ ኬሳ ካሎሲዛይታ። አሲ ኢስታ ቤያና ማላ ያሳ አዱሴቴስ፤ ሄይታንታ ኢታ ፒርዳይ ናጌስ” ጊዴስ።

**አምዔይ ኢሞታ**

(ማር 12: 41-44)

<sup>1</sup> ዩሱሲ ዶቂ ጊ ያሊሺን ዱራ አሳቲ ያሳ ኬሴን ሙፁዋታ ኢዛን ሸሸዛይሳ ጊዶን ሙፁዋታ ዩጊሺን ቤይዴስ።<sup>2</sup> ቃሴካ ኢሲ አምዎ ዲዛራ ናምዑ ሲኪና ጊዲዛ ናምዑ ገርቂማላ ሄ ሙፁዋታ ኢዛን ሸሸዛይሳን ዩጊሺን ያሊዲ፤ <sup>3</sup> “ታ ኢንቴስ ቱሙ ጋይስ፤ ሃና አምዔይ ኡባ አሳፕ ቦላራ

\* 20:17 ማዛ 118:22 \* 20:27 ሃዋ 23:8 \* 20:28 ዛሬ 25:5 \* 20:37 ኬሳ 3:6 \* 20:42-43 ማዛ 110:1

አዲስ አገልግሎት ጊዜ።<sup>4</sup> ሃይቲ አሳቲ ኢሚዳይ ባስ ዲዛ ቲርፓፌ ጊዲሺን ኢዛ ጊዲኮ ባስ ባይንዳ ዎልቃፌ ባስ ዲዛርኔ ባ ዱሳስ ኮሺዛር ወርሳ ዮጋዱስ” ጊደስ።

**ዳሳ ኬሲ ላሌታናይሳ ዮሱስ ካሴቲዲ ዮቲደስ**

(ማቶ 24:1-2፤ ማር 13:1-2)

<sup>5-6</sup> ኢዛ ካሊዛይታፔ ኢሲ ኢሲ አሳቲ ዳሳ ኬሳይ ሎዎ ሹቻኒኔ አሳይ ኢሚዳ ኢሞታን አይ ማላ ሎዲ ኬዲቲዳኮ ጊዲ ባ ጊዶን ሃሳዮቲሺን ዮሱሲ ሲይዲ “ሃይሲ ኢንቴ ቤዩዛይሲ ወሪ ላሌቶንታ ሹቹ ሹቻ ቦላ ኬሌቲዳ ማላ አቶንታ ዎዴይ ያና” ጊደስ።

<sup>7</sup> ኢስቲካ ኢዛ “አስታማሬ! ሃይሲ ወሪ አይዴ ሃናኔ? ቃሴ ሃይሲ ሃናናይሳስ ማላታይ አይ?” ጊዲ አይቹዳ።

<sup>8</sup> ኢዚካ ኢስታስ “ኢንቴ ባሌቶንታ ማላ ናጌቲቱ፤ ዳርቲ ባና ‘ታ ኪርስቶሳኮ! ዎዴይካ ማቲደስ’ ጊሼ ታ ሱንሳራ ያና ሺን ኢንቴ ኢስታ ካሎፍቴ።<sup>9</sup> አሳ ጊሺኔ ዴሬ ማካላቴሳ ጊሽ ሲዩዛ ዎዴ ዳጋሞፍቴ። ሄሲ ወሪ ካሴቲዲ ሃናናስ ቤሴስ፤ ወርሴሲ ጋኪደስ፤ ጊዶ አቲን ሄራካ ሃናና” ጊደስ።

<sup>10</sup> ቃሴ “ዴሬይ ዴሬ ባ፥ ካዎይ ካዎ ቦላ ዴንዳና።<sup>11</sup> ቢታይ ዎልቃማ ቃስ ቃፃና፤ ኮሻይኔ ቦሻይ ዱማ ዱማሶን ሃናና፤ ዳር ባቢሲዛዚኔ ሳሎፔ ጊታ ማላታይ ቤታና።

<sup>12</sup> “ሄሲ ወሪ ሃናናፔ ካሴቲዲ አሳይ ኢንቴና አይካናኔ ጎዳና፤ አይሁዳ ዎሳ ኬሲኔ ቃሻ ኬሴ ጌልሳና፤ ካዎታ ሲንሳኔ ዳናታ ሲንሳ ሺሻና። ሄሲ ወሪ ታ ሱንሳ ጊሽ ኢንቴ ቦላ ጋካና።<sup>13</sup> ሄሲ ወሪካ ማርካታናስ ሎዎ ቃዳ ጊዳና።<sup>14</sup> ሄሳ ጊሽ ኑና አይቹዛይታስ ኑ አይ ዛሪና? ጊዲ ካሴቲዲ ሂርጎንታ ማላ ሃይሳ ዎዘናን ዎሲቴ። \*<sup>15</sup> ኢንቴ ሞርኬታፔ አኒካ ኢንቴናራ ኤቁታናሲኔ ባሌሳናስ ዳንዳዮንታ ቃላኔ ጨንጫቴስ ታ ኢንቴስ ኢማና።<sup>16</sup> ኢንቴና ዮሊዳይቲኔ ኢንቴ ኢሻቲ፥ ኢንቴ ዳቦቲኔ ኢንቴ ላጌቲ ወሪ ኢንቴና አሲ ኢማና፤ ኢንቴፌ ባጋታ ዎዳና።<sup>17</sup> ታ ሱንሳ ጊሽ ኡባ አሳ አቻን ኢንቴ ኢዴታና።<sup>18</sup> ጊዶ አቲን ኢንቴ ሁዔ ቢናናታፔ ኢሲናካ ዳዩኩ።<sup>19</sup> ኢንቴ ሚኒ ኤቁኮ ኢንቴ ሺምፖ ኢንቴ አሻና።

**ዮሱሲ ዮሩሳላሜ ዳዮ ጊሻስ ካሴቲዲ ዮቲደስ**

(ማቶ 24:15-21፤ ማር 13:14-19)

<sup>20</sup> “አሳ አሳይ ዮሩሳላሜ ጊደሲሺን ቤይኮ ኢዚስ ዳዩዛ ዎዴይ ማቲዳይሳ ኤሪቴ።<sup>21</sup> ሄ ዎዴ ዮሁዳን ዲዛይቲ ፑዴ ዙማ ቦላ ጋንጌቶ፤ ካታማን ዲዛይቲካ ካታማፔ ኬዚቴ፤ ዴሬ ጊዶን ዲዛይቲካ ሄ ካታማዮ ጌሎፔቶ።<sup>22</sup> ዓፌቲዳይስ ወሪ ፖሌታናስ ሃና ሃሎ ኬሲዛ ዎዴ። \*<sup>23</sup> ቢታ ቦላ ጊታ ሜቶይ ሃናና፤ ሃይሳ ዴሬዛ ቦላ ሃንቆይ ያና፤ ሄሳ ጊሽ ሄ ዎዴ ቃንሳራ ዲዛ ማጫሳታሲኔ ዳንሳዚ አዮታስ አዮ አና!<sup>24</sup> ባጋ አሳይ ማሻን ሃይቃና፤ ባ ዴሬፔ ሃራ ዴሬ ዲዔታና፤ ዮሩሳላሜይካ ዶሴ ኤሮንታ ዴሬታ ዎዴይ ፖሌታና ጋካናስ፥ ዶሴ ኤሮንታ አሳታን ዮዴቲዳር ጊዳና።

**አሳ ና ናምዓንሶ ዩሳ ጊሽ**

(ማቶ 24:29-31፤ ማር 13:24-27)

<sup>25</sup> “አዎ አርሼ ቦላ፥ አጊና ቦላኔ ያሊንቴ ቦላ ማላታይ ቤታና፤ አባሬኔ አባ ዳምባላ ጊሪሳፌ ዴንዲዳይሳን ቢታ ቦላ ዲዛ ዴሬይ ሂርጋናኔ ሜቶቲታና። \*<sup>26</sup> ሳሎ ዎልቃማቲ ቃዲዛ ጊሽ አሳይ ቢታ ቦላ አይ ሃናኔሻ ጉሳኒኔ ናጎን ዓላ ዳቡራና።<sup>27</sup> ሄ ዎዴ አሳ ናይ ዎልቃራ፥ ጊታ ቦንቾራኔ ሻራራ ዩሺን ቤያና። \*<sup>28</sup> ኢንቴካ ሃይቲ ሃ ታ ጊዳይቲ ፖሌቴስ አይኪሺን ኢንቴስ አቴሳ ዎዴይ ማቲዳ ጊሽ ሲቲ ጊ ኤቁቴ፤ ኢንቴ አይፌ ፑዴ ዶቁ ሂስቲቴ” ጊደስ።

**ጎዳ ዩሳ ማላቲዛ ባላሴ ሚሳይ ሎሚሶ**

<sup>29-30</sup> ካሌሲዲ “ባላሴ ሚሳኔ ሃራ ሚሳታ ወርሲ ያሊቴ፤ ሄ ሚሳቲ ሃይሴ ኬሲሺን ኢንቴ ቤዩዛ ዎዴ ቦኔይ ማቲዳይሳ ኢንቴ ኤሬታ።<sup>31</sup> ሄሳሶካ ሃይታንቲ ጌቴቲዳይቲ ፖሌቲሺን ኢንቴ ቤዩዛ ዎዴ ዳሳ ካዎቴሲ ኢንቴኮ ማቲዳይሳ ኤሪቴ።

<sup>32</sup> “ታ ኢንቴስ ቱሙ ጋይስ፤ ሃይሲ ወሪ ፖሌታና ጋካናስ ሃ ዮሌታይ አዴና።<sup>33</sup> ሳሎይኔ ሳዓይ አዳና ሺን ታ ቃላይ አዴና።

<sup>34</sup> “ሂስቲኮ ዎጋይ ባይንዳ ዱሳን፥ ዳር ኡሻኒኔ ዱሳስ ሂርጋን ኢንቴ ዎዘናይ ዳቡሮፖ፤ ሄሳ አሶንታ ኢዲኮ ሄ ጋላሳይ ኢንቴ ቆፖንታ ናርፃ ማላ ኢንቴ ቦላ ጋኮንታ ማላ ናጌቲቱ።<sup>35</sup> ሃይሲ ቢታ ቦላን ዲዛ አሳ ኡባ ቦላ ጋካና።<sup>36</sup> ሄሳ ጊሽ ቡሮ ያናይሳፌ ኢንቴ ኬሲ ኤካና ማላኔ አሳ ና ሲንሳን ኤቃናስ ዳንዳያና ማላ ኡባ ጋላስ ሚኒዲ ዎሲቴ” ጊደስ።

<sup>37</sup> ዮሱሲ ጋላስ ጋላስ ዳሳ ኬሳን ታማርሲ ታማርሲዲ አማርስ አማርስ ዳብራዛይቲ ጌቴቲዛ ዙማ ቦላ ኬዚ ኬዚ አቁስ። \*<sup>38</sup> አሳይ ወሪካ ኢዛፔ ሲያናስ ማላዶ ዎንታራ ዮሱሳኮ ዳሳ ኬሴ ዮስ።

**ዮሱሳ ቦላ ማቁቲዳ ማቆ**

(ማቶ 26:1-5፤ 14:16፤ ማር 14:1-2፤ ዮሃ 11:45-53)

<sup>1</sup> ሄ ዎዴ ፓዚጋ ጌቴቲዛ ኡኬሳራ ቦንቹቲዛ ባዓሌይ ማቲ ኡቲደስ። \*<sup>2</sup> ቁሴታ ሃላቃቲኔ ዓፌቲ ሃንኮ ዴሬ አሳስ ባቢዛ ጊሽ ዮሱሳ ዳይሳና አጌ ኮይዳ።

\* 21:14 ሉቃ 12:11-12 \* 21:22 ሆሴ 9:7 \* 21:25 ኢሳ 13:10፤ ሂዚ 32:7፤ ኢዩ 2:31፤ አጁ 6:12-13 \* 21:27 ዳኔ 7:13፤ አጁ 1:7 \* 21:37 ሉቃ 19:47 \* 22:1 ኬሳ 12:1-27

**የሁዳይ ዮሱሳ አሲ ኢማና ዞሬቲደስ**  
(ማቶ 26:14-16፤ ማር 14:10-11)

3 የሁዳይ ካሊዛ ታማኔ ናምዓታፔ አስቆጥቶ ደሬ አሳ የሁዳይ ጌቱቲዛይሳን ገላጫይ ጌሊደስ።  
4 የሁዳይካ ቁሴታ ሃላቃታኮኔ ያሳ ኬሳ አላፌታኮ ቢዲ ኢስታስ ዮሱሳ ያስታገ አሲ ኢማናኮኔ ኢስታራ ሃሳዮቲደስ። 5 ኢስቲካ ሄሳን ኡፋዮቲዲ ሚሼ ኢማናስ ኢዛራ ጊጊዳ። 6-7 የሁዳይካ ኢስታ ቆፋ ደሲደስ፤ ዮሱሳ ኢስታስ አሲ ቤዮንታ አሲ ኢማናስ ኢንጄ ዎዴ ናጊሺን ፓዚጋ ዶርሳ ሹኪዲ ኡኬሳራ ቦንቺዛ ባዓሌ ጋላስ ጋኪደስ።

**ዮሱሳ ባና ካሊዛይታራ ፓዚጋ ካዎ ሚደስ**  
(ማቶ 26:17-25፤ ማር 14:12-21፤ ዮሃ 13:21-30)

8 ዮሱሳካ ባና ካሊዛይታ “ፓዚጋ ካዎ ማናስ ቢዲ ኑስ ጊጊሲቴ” ጊዲ ጴጅሮሳኔ ዮሃኒሳ ኪቲደስ።  
9 ኢስቲካ “ኑ አዎን ጊጊሳና ማላ ኮያይ?” ጊዳ።  
10 ኢዚካ ዛሪዲ “ኢንቴ ጌዴ ዮሩሳላሜ ካታማ ጌሊሺን ሃሳ አቶ ቶኪዳ አሲ ኢንቴና ደሜና፤ ኢንቴካ ኢዚ ቢዲ ጌሊዛ ኬሴ ጋካናስ ኢዛ ካሊቴ። 11 ኬሳደሳሰ ‘አስታማሬይ ታና ካሊዛይታራ ፓዚጋ ካዎ ማናስ ኢማሳ ኬሴ አዎን ዲዜ?’ ጌስ ጊቴ። 12 ኢዚካ ኢማሳስ ጊጊቲዳ አሆሶ ኢንቴና ቤሳና፤ ኢዚ ቤሲዛ ሶን ጊጊሲቴ” ጊደስ። 13 ኢስቲካ ቢዲ ዮሱሳ ጊዳ ማላ ኬሳ ደሚዲ ፓዚጋ ሄን ጊጊሲዳ።

**ጎዳ ካዎ ኤኮ ዎጋ**  
(ማቶ 26:26-30፤ ማር 14:22-26፤ 1ቆሮ 11:23-25)

14-15 ዎዴይ ጋኪዳ ማላ ዮሱሳ ሃዋሬታራ ቁማ ማዳን ኡቲዲ “ታ ዋዬ ቤያናፔ ካሴታዳ ሃይሳ ፓዚጋ ኢንቴናራ ኢሲፌ ማናስ ኬሂ አዎታዲስ። 16 ታ ኢንቴስ ቱሙ ጋይስ፤ ያሳ ካዎቴሳን ሃይሳ ቢርሼሴ ፖሌታና ጋካናስ ሃይሳ ፓዚጋ ናምዓንሶ ታ ኢንቴናራ ሚኪ” ጊደስ።  
17 ዎይኔፔ አሴቲዳ ኡሻ ፀዓራ ኤኪዲኔ ያሳ ጋላቲ ሲሚዲ “ሄይቴ፤ ወሪካ ኢዛፔ ኡይቴ” ጊዲ ኢስታስ ኢሚደስ። 18 “ታ ኢንቴስ ቱሙ ጋይስ፤ ሃይሳፌ ጉዬ ያሳ ካዎቴሴ ያና ጋካናስ ናምዓንሶ ሃ ዎይኔ ኡሻፌ ኡዩኪ” ጊደስ።  
19 ኡኬሳ ኤኪዲ ያሳ ጋላቲደስ። ኢዛፔ ኢስታስ ሜንሴ ኢሚዲ “ሃይሲ ኢንቴ ጊሽ ኢሜታና ታ አሾ ሌሚሶ ጊዲዛ ጊሽ ሃይሳ ኡባ ዎዴ ታና ቆፓናስ አሲቴ” ጊደስ። 20 ኢዛሳካ ካዎፔ ጉዬ ኡሻ ፀዓ ደንሳዲ “ሃይሲ ኡሻይ ኢንቴ ጊሽ ታ ሱሳን ሃናና አራስ ጫቆ ዎጋ። \*  
21 “ጊዶ አቲን ታና አሲ ኢማናዴ ኩሼይ ታ ኩሼራ ኢሲፌ ማዳን ደስ። \* 22 አሳ ናይ ካሴቲዲ ኢዛ ጊሽ ሃናናይሲ ወሪ ኡቲዳ ማላ ኢዚ ባና፤ ጊዶ አቲን ኢዛ አሲ ኢሚዛደስ አዩ-አና” ጊደስ።  
23 ኢስቲካ ሄሳ አሳናይ ለኔ? ጊዲ ባ ጊዶን ኢሶይ ኢሳ አይሼሬሴዳ።  
24 ቃሴካ “አኒ ለናፔ አዲዛኮኔ” ጊዲ ባ ጊዶን ኢሶይ ኢሳራ ፓላሜቲዳ። \* 25 ዮሱሳካ ኢስታ “ደሬ ሃሪዛ ካዎቲ ባ ደሬ አሳ ዎልቃራ ሃሬቱሲኔ ኢስቲካ ሎዎ ካዎታ ጌቱቲዲ ሄይጌቱቴስ። \*  
26 “ኢንቴ ጊዲኮ ሄሳሶ ሃኖፔቴ፤ ኢንቴፌ ጊታ ጊዲዳይይ ዎይኮ ታ አፔካ አዳይስ ጊዛ አሲ ኡባፌ ቆሪ ና ማላ ጊዶ፤ ሃሪዛደይ ሃሬቲዛደይ ማላ ጊዶ። \* 27 ቁማ ኤቂዲ ሚዚዳዴፌኔ ኡቲዲ ሚዛደፌ አኒ አዲዜ? ኡቲዲ ሚዛደይ ጊደኔ? ታኒ ቃሴ ኢንቴ ጊዶን አሽካራ ማላ ዳይስ። \*  
28 “ኢንቴን ጊዲኮ ታፔ ሻኬቶንታ ታ ዋዩሺን ታ ማታን ኤቂዳይታ። 29 ታ አዋይ ታና ካዎሲዳይሳ ማላ ታኒካ ታ ካዎቴሳን ኢንቴና ካዎሳና። 30 ሄሲካ ታ ካዎቴሳን ታ ማዳፌ ኢንቴ ማና ማላኔ ኡያና ማላ። ቃሴካ ታ ካዎቴሳ አልጋን ኡቲዲ ታማኔ ናምዑ ኢሲራዔሌ ናይታ ቦላ ፒርዳናሳ” ጊደስ። \*

**ጴጅሮሳ ኢዛ ካዳናይሳ ዮሱሳ ካሴቲዲ ዮቲደስ**  
(ማቶ 26:31-35፤ ማር 14:27-31፤ ዮሃ 13:36-38)

31 ቃሴካ ዮሱሳ ሲሞና ሄይጊዲ “ሲሞና! ገላጫይ ኢንቴና ጊስቴ ማላ ሱራጋናስ ዎሲደስ። 32 ጊዶ አቲን ታኒ ኔፔ አማናይ ጳዮንታ ማላ ኔ ጊሽ ያሳ ዎሳዲስ፤ ኔካ ሲሚዳ ዎዴ ኔ ኢሻታ ሚንሴሳ” ጊደስ።  
33 ሲሞናካ ዛሪዲ “ጎዶ! ታ ኔናራ ቃሼታናሲኔ ሃይቃናስ ጊጋ ኡታዲስ” ጊደስ።  
34 ዮሱሳካ ዛሪዲ “ጴጅሮሳ ሃኾ ኩቶይ ኢሲቶ ዋሳናስ ‘ታ ኢዛ ኤሪኬ’ ጋዳ ሄሹቶ ኔ ታና ካዳና” ጊደስ።  
35 ቃሴካ ዮሱሳ ኢስታ “ታ ኢንቴና ካሴ ጫማይ፣ ኮሮጆይኔ ቃራቂቴ ባይንዳ ኪቲዳ ዎዴ ኢንቴስ አዚ ፓጪደስ?” ጊዲ አይቺደስ። ኢስቲካ “አይኮይካ ፓጪቤና” ጊዳ። \*  
36 ኢዚካ ዛሪዲ “ሃዲ ጊዲኮ ኮሮጆካ ቃራቂቴይካ ዲዛደይ አይኮ፤ ጊሳ ማሻይ ባይንዳደይ ባ ማይዎ ባይዚዲ ሻዎ። 37 ታ ኢንቴስ ቱማ ጋይስ ‘ማካላታራ ኢዚ ኢሲፌ ታይቤቲደስ’ ጌቱቲ ካሴ ገፌቲዳ ቃላይ ታ ቦላ ፖሌታና ቤሴስ፤ ታ ጊሽ ገፌቲዳይሳስ ፖሎይ ቱማፔ ጋኪደስ” ጊደስ። \*  
38 ኢዛ ካሊዛይቲ ቃሴ “ጎዶ! ሄኮ ናምዑ ጊሳ ማሻቲ ሃይሳን ደቴስ” ጊዳ። ኢዚካ ኢዛ ጊሽ “ሃይሲ ጊዳና” ጊደስ።

\* 22:20 ኤር 31:31-34 \* 22:21 ማዛ 41:9 \* 22:24 ማቶ 18:1፤ ማር 9:34፤ ሉቃ 9:46 \* 22:25 ማቶ 20:25-27፤ ማር 10:42-44 \* 22:26 ማቶ 23:11፤ ማር 9:35 \* 22:27 ዮሃ 13:12-15 \* 22:30 ማቶ 19:28 \* 22:35 ማቶ 10:9-10፤ ማር 6:8-9፤ ሉቃ 9:3፤ 10:4 \* 22:37 ኢሳ 53:12



39 ካሴ ኢዛስ ሎሴ ጊዲዳ ማላ ጉዳ ዳብራዛይቲ ጌቴቲዛ ዙማ ቦላ ኬዚ ቢደስ። ኢዛ ካሊዛይቲካ ኢዛ ካሊ ቢዳ። 40 ሄ ጋኪዳ ማላ “ኢንቴ ፓጩን ጌሎንታ ማላ ዎሲቴ” ጊደስ። 41 ዩሱሲ ባና ካሊዛይታፍ አሲ ሹቸ አሊዲ ጋላናሶ ማላ ሃኪ ቢዲ ጉልባቲ ዎሲደስ። 42 “ታ አዋዉ! ኔ ሼኔ ጊዲኮ ሃኖ ሜቶቶ ታፍ ዲጋ፤ ጊዶ አቲን ኔ ሼኔይ ሃኖፍ አቲን ታ ሼኔይ ሃኖፖ” ጊዲ ዎሲደስ። 43 ሳሎፍ ኪታንቻይ ቆንጫዲ ዩሱሳ ሚንጮሲደስ። 44 ኢዚካ ኬሂ ፀጌቲዲ ዎሲሺን ኢዛ አሳቴሳፊ ጫዋይ ሱሳ ማላ ጉኪደስ።

45 ዎሳፍ ደንዲዲ ባና ካሊዛይታኮ ቢደስ። ኢስቲካ ኢዛስ ሚሼቲዲ ቆፒሺን ዲስኮይ ኤፊዳሽ ዩሱሲ ኢስታኮ ዩዲ። 46 “አይስ ዲሲኬቲ? ኢንቴ ፓጩን ጌሎንታ ማላ ሃዲ ደንዲዲ ዎሲቴ” ጊደስ።

**ዩሱሲ አዲ ኢሜቲደሲኔ አይኬቲደስ**  
(ማቶ 26:47-56፤ ማር 14:43-50፤ ዮሃ 18:3-11)

47 ኢዚ ቡር ሃሳያን ዲሺን ዩሱሳ ካሊዛይታፍ ኢሶይ ዩሁዳ ጌቴቲዛይሲ ባናራ ዳር አሳ ካሌሲ ኤኪ ዩዲ ዩሱሳ ዩራናስ ኢዛኮ ሸቂደስ። 48 ጊዶ አቲን ዩሱሲ ኢዛ “ዩሁዳ! ታና አሳ ና ዩሮን አሳ ኢማይ?” ጊደስ።

49 ዩሱሳ ዩዩ አዲ ዲዛ አሳይ ሃኖዛ ሎዲሲ ያሊዲ “ጎዶ! ሃይታንታ ማሻራ ቡሲኖ?” ጊዳ።

50 ኢስታፊ ኢሶይ ቁሴታ አላፊ አሸካራ ኡሻቻ ሃይሴ ማሻራ ቃንጊደስ።

51 ዩሱሲ ኢስታ “ኢንቴ ሃዲ ታስ አጊቴ!” ጊዲ አሸካራ ሃይሳ ቦቺዲ ፓሊደስ።

52 ቃሴካ ኢዛ አይካና ዩዳ ቁሴታ ሃላቃታ ያሳ ኬሳ አላፊታኔ ጩማታ “ፓንጋ አይኪዛ አሳ ማላ ጊሳ ማሻኔ ዱርቃ ኤኪዲ ዩደቲ? 53 ጋላስ ጋላስ ታ ኢንቴናራ ያሳ ኬሳን ዲሺን ታ ቦላ ኩሼ ዎሲቤኬታ፤ ሃይሲ ዱማይ ካዎቲዳ ኢንቴ ዎደ” ጊደስ።

54 ሄሳፊ ጉዩ ዩሱሳ አይኪ ኤኪዲ ቁሴታ ሃላቃሶ ጌሊዳ፤ ጳፅሮሲካ ዩሱሳ ሃሆራ ካሊደስ።

55 አሳይ ቁሴታ ሃላቃ ጋላን ታማ ኤሲዲ ሆዲሼ ኢሲ ቦላ ኡቲዳሽ ጳፅሮሲካ ኢስታራ ኢሲፊ ኡቲደስ። 56 ኢሲ ጋራደያ ጳፅሮሲ ታማ ሆዲዛይታራ ኡቲዳይሳ ቤያዳኔ ቲሺ አሳ ያላዳ “ሃይሲ አደዚካ ዩሱሳራ ደስ!” ጋዱስ።

57 ጳፅሮሲካ “ሃኔ ማጫሳዩ! ታ ኢዛ ኤሪኬ” ጊዲ ካዲደስ።

58 ጉስ ጋምዲሺን ሃራ ኢሳደይ ኢዛ ቤዩዲ “ኔካ ኢዛራ ዲዛይታፍ አሳ ጊዲኪ?” ጊደስ። ጳፅሮሲካ “ሃይሶ ታኔ ኢስታራ ዲኬ!” ጊደስ።

59 ኢሲ ሳቴ ማላ ጋምዲሺን ሃራ አሲ ቃሴካ “ጋሊላ አስ ጊዲዛ ጊሽ ሲደይ ባይንዳ ሃይሲ ኢዛራ ደስ” ጊደስ።

60 ጳፅሮሲካ ቃሴ “ሃይሶ ኔ ጊዛዴ ታ ኤሪኬ!” ጊደስ። ሂኖ ጊ ኬሶንታ ዲሺን ኩቶይ ዋሲደስ።

61 ጎዳይካ ጳፅሮሳኮ ዩሼ ያሊን ጳፅሮሲ “ሃቸ ኩቶይ ዋሳናስ ኔ ታና ሄዙቶ ካዳና” ጊዲ ጎዳይ ካሴ ዮቶ ቃሳይ ኢዛ ዎዝናን ካርፕ ጊደስ። 62 ጳፅሮሲካ ካራ ኬዚዲ ሂቂሚዲ ዩኪደስ።

63 ዩሱሳ ቃቺዲ ናጊዛ አሳቲካ ኢዛ ቦላ ቂዲ ቂዲ ካዲሼ ሾጩሬሲዳ። 64 ኢዛ አይፊ ጎዚዲ “ኔ ናቤ ጊዲኮ ኔና ሾጩዳይ አናኮኔ አኔ ኤራ!” ጊዲ አይቺዳ። 65 ሃራ ዳር ጫሻ ቃላራ ካዉሺዳ።

**ዩሱሳ አይሁዳታ ፒርዳ ዱላታ ሲንህ ኤፊዳ**  
(ማቶ 26:59-66፤ ማር 14:55-64፤ ዮሃ 18:19-24)

66 ጋደይ ዎንቲን ደሬ ጩማቲ፤ ቁሴታ ሃላቃቲኔ ሙሴ ዎጋ ታማርሲዛይቲ ዱላታ ሸቂዲ ዩሱሳ ዱላታኮ ሸሺዳ። 67 ኢስቲካ ዩሱሳ “ኔ ኪርስቶሴ? አኔ ኑስ ዮታ” ጊዳ። ዩሱሲካ “ታ ኢንቴስ ዮቲዳኮካ ታና አማኔኬታ። 68 ታ ኢንቴና አይቺዳኮ ታስ ዛሬኬታ። 69 ጊዶ አቲን ሃዲፍ ዶሚዲ አሳ ናይ ዎልቃማ ያሳ ኡሻቻን ኡታና” ጊደስ።

70 ሄ ዎደ ዉሪካ “ሂስቲን ኔ ያሳ ና?” ጊዲ አይቺዳ። ኢዚካ “ታ ያሳ ና ጊዲዳይሳ ኢንቴካ ጌታ” ጊደስ። \*

71 ኢስቲካ “ሄኮ ኢዚ ባ ዱናራ ማርካቲሺን ኑ ሃይሳራ ሲይዶስ፤ ሃይሳፊ ሃራ ማርካ አዛስ ኮሺኬ?” ጊዳ።

**ዩሱሲ ጳላዎሳ ሲንህ ሸቂደስ**  
(ማቶ 27:1-2፤ 11-14፤ ማር 15:1-5፤ ዮሃ 18:28-38)

1 ሄን ሸቂዳ አሳይ ዉሪ ደንዲዲ ዩሱሳ ጳላዎሳኮ ኤኪ ቢደስ። 2 “አይስ ኑ አሳይ ቁሳሬስ ጊራ ጊሮንታ ማላ ባሌሲሼኔ ባና ‘ታኔ ኪርስቶሴ ካዎ’ ጊዲ ባሌሲሺን ሃይሳ አደዛ ደሚዶስ” ጊዲ ሞቲዳ።

3 ጳላዎሲካ ዩሱሳ “ኔኔ አይሁዳታ ካዎ?” ጊዲ አይቺደስ። ዩሱሲካ ዛሪዲ “ኔ ጊዳ ማላ” ጊደስ።

4 ጳላዎሲካ ቁሴታ ሃላቃታሲኔ ሸቂዳ አሳስ “ሃይሳ አደዛ ቦላ ኢዛ ሞቲሲዛ ኢታ ዮዎ ደማቤኬ” ጊደስ።

5 ኢስቲ ዛሪዲ “ሃይሲ አደዚ ጋሊላፍ ሃይሳ ጋካናስ ኩሜሳ ዩሁዳ ዋዩሶ ቦላ ደስ” ጊዲ ሚንሲ ዮቲዳ።

**ዩሱሲ ሄርዶሳ ሲንህ ሸቂደስ**

\* 22:70 ያሳ ና? ጊዛ አይቺደ ኢሲ ኢሲ ባጋ ጋሞሶ ቃላን ያሳ ናይ? ጌቴቴስ።

6 ጳጳሳዊ አሳይ ጊዛይሳ ሲይዱ “ዮሱስ ጋሊላ አሳኮኔ ጊዳ ሎዔሲ ኤራናስ” አይቺደስ። 7 ዮሱስ ሄርዶስ ካዎቴሳ ጊደን ዲዛይሳ ሻኪ ኤራዲ ሄ ዎዴ ሄርዶሲ ዮሩሳላሜን ዲዛ ጊሽ ኢዛኮ ዮሱሳ ዮዲደስ።

8 ሄርዶሲካ ካሴ ዮሱሳ ቤያናስ ዳሮ ኮዩሼ ዲዛ ጊሽ ዮሱሳ ቤዬዲ ኬሂ ኡፋይደስ። ኢዛ ጊሽ ካሴ ሲይዱ ኢዚ አሲሺን ቤያናስ ኮይዲ ኡፋይቲደስ። 9 ዳሮ አይሻታካ ኢዛ አይሼሬቺደስ ሺን ዮሱሲ ኢዛ አይሻ ዛሪቤና። 10 ቁሴ ሃላቃቲኔ ገፌቲ ሄን ኢዛ ማታን ኤቂዲ ኬሂ ዎርዶ ሞቶ ሞቲዳ። 11 ሄርዶሲካ ባ ዎታዳራታራ ኢሲፌ ኢዛ ካዲዳ፤ ካዎ ማይዎ ማይዚዲ ጌዴ ጳጳሳዊ ዛሪ ዮዲደስ። 12 ሄርዶሲኔ ጳጳሳዊ ካሴ ባ ጊደን ኢሶይ ኢሳራ አሻ ሺን ሄ ጋላስ ጊጊዳ።

**ዮሱሳ ቦላ ሃይቆ ፐርዳይ ፐርደቲደስ**  
(ማቶ 27:15-26፤ ማር 15:6-15፤ ዮሃ 18:39-19:16)

13 ጳጳሳዊ ቁሴታ ሃላቃታራ፣ ደሬ ዳናታራኔ ደሬ አሳ ሺሺዲ፣ 14 “ሃይሲ አደዚ አሳይ ወራ ማካላና ማላ ደንፅፅስ ጊዳ ኢንቴ ታኮ ኤሂን ታ ቆርን ኢዛ አይሲዛ ኢሲ ኢታ ሚሺካ ደማቤኬ። 15 ቃሴካ ሄርዶሲ ኢሲ ኢታ ሚሺካ ኢዛ ቦላ ደምንታ አጊዳ ጊሽ ሃ ኑኮ ዛሪ ዮዲደስ። ሃዲ ኢንቴ ቤዩዛ ማላ ኢዛ ሃይቆስ ጋሲዛ ኢሲ ኢታ ሚሺካ አሲቤና። 16 ሄሳ ጊሽ ቃዓዳ ታ ኢዛ ዮዳና” ጊደስ። 17 ኢዚ ሄሳ ጊዳይ ኢስታ ባዓሌ ጋላስ ቃሼቲዳ አሳፕ ኢሳዴ ቢርሺዛ ዎጋይ ዲዛ ጊሻሳ። \*

18 ደሬይ ወራካ ኢሲ ቦላ “ባርባኔ ቢርሻዳ ሃይሳ አደዛ ዲጋ!” ጊዳ ዋሲደስ። 19 ባርባኔይ ካታማ ጊደን አሳ ማካላ ዮዎን ደንፅፅዲ አስ ዎዲ ቃሼቲዳ አሳ።

20 ጳጳሳዊ ዮሱሳ ቢርሻናስ ኮይዳ ጊሽ ቃሴካ ዛሪዲ አይቺደስ። 21 አሳይ ዛሪዲ ኢዛ “ካቃ! ካቃ!” ጊዳ ዋሲደስ።

22 ጳጳሳዊ ሄዘንፅካ “አዛስ ካቆ? ሃይሲ አደዚ አይ ኢታ አሲደ? ታኔ ኢዛ ሃይቆስ ጋሲዛ ኢታ አሶ ኢዛ ቦላ ቤያቤኬ፤ ሄሳ ጊሽ ቃዓዳ ታ ኢዛ ቢርሻ ዮዳና” ጊደስ።

23 አሳይካ ቃላ ዶቁ ሂስቲዲ ዮሱሲ ካቂታና ማላ ጳጳሳዊ ኬሂ ዎሲሼ ዋሲዳ። 24 ሄሳ ጊሽ ጳጳሳዊ ኢስታ አይሾይ ፖሌታና ማላ አዛዚደስ። 25 አሳ ማካሊሲዲ ሽምፖ ዎዲዳ ጊሽ ቃሼቲዳይሳ ቢርሻና ማላ ኢስቲ ዎሲዳይ ቢርሺዲ ቃሴካ ዮሱሳ ኢስቲ ዶሲዳ ማላ አሴቶ ጊዳ ደሬስ አሲ ኢሚደስ።

**ዮሱሳ ካቂቲስ**  
(ማቶ 27:31-44፤ ማር 15:21-32፤ ዮሃ 19:17-27)

26 ኢስቲካ ዮሱሳ አይኪዲ ኤኪ ቢሺን ቃሪና ጌቲቲዛ ካታማፕ ኢሲ ሲሞና ጌቲቲዛ አደይ ሃሆፕ ዩዛይሳ ደሚዳ ዮሱሲ ካቂታና ማስቃሌ ኮጫ ኢዚ ቶኪዛ ዮሱሳ ካላና ማላ ዎልቃሲዳ።

27 ዳሮ ደሬይ ባ ቲራ ኢጪ ኢጪ ዮኪዛ ማጫሳቲ፣ 28 ዮሱሳፕ ጉዮራ ኢዛ ካሊዳ። ዮሱሲ ኢስታኮ ሲሚ ያሊዲ “ኢንቴ ዮሩሳላሜ ማጫሳይ ኢንቴሲኔ ኢንቴ ናይታስ ዮኪቴ አቲን ታስ ዩኮፍቴ። 29 ‘ሲንሳፌ ኢንቴ ሄኮ ማካራ ጊዳዳ ማጫሳቲ፣ ዮሎንታ ኡሎቲኔ ናይ ዳምንታ ዳንሳቲ አንጄቲዳይታ!’ ጋና ዎደይ ሲንሳራ ዮስ። 30 ሄ ዎዴ አሳይ ‘ዙማቶ! ኑ ቦላ ዎዲቴ፤ ቁሪ ዙማቲካ ኑና ቆቲቴ!’ ጋና። \* 31 ሂስቲን ቃዩ ሚሳ ቦላ ሃይሳሳ አሲዳይቲ ሚላ ሚሳ ቦላ ዎስታኔሻ?” ጊደስ።

32 ኢዛራ ኢሲፌ ሃይቃና ማላ ሃራ ናምዑ ኢታ አሲዳ አሳታ ኢዛራ ኤፊዳ። 33 ቃራኒዮ ጌቲቲዛሶ ጋሲዲ ካቂዳ። ኢታ አሲዳይታፕ ኢሳ ኡሻቻ ባጋራ ኢሳ ሃዲርሳ ባጋራ ካቂዳ። 34 ዮሱሲካ “ታ አዋወ! ሃይቲ ባ አሲዳይሳ ኤሪዲ አሶንታ ጊሽ ኢስታስ አቶ ጋ!” ጊደስ። ኢስቲካ ኢዛ ማይዎዛ ሳማ ዮጊዲ ባ ጊደን ጊሼቲ ኤኪዳ። \* 35 ሄሲ ሃንሺን አሳይ ወራ ኤቂ ያሊደስ፤ ዳናቲካ “ኢዚ ሃራ አሳ አሺደስ ሺን ያሳፌ ዶሬቲዳ ኪርስቶሲ ኢዛ ጊዲኮ አኔ ሃዲ ባና አሻ” ጊዳ ቂዲዳ። \*

36 ዎታዳራቲካ ሸቂዲ ዎይኔፕ አጌቲዳ ጫላ ኡሻ ኡሺዲ ኢዛ ቂዲዳ። \* 37 “ኔኔ አይሁዳ ካዎ ጊዲኪ? አኔ ሃዲ ኔና አሻ” ጊዳ።

38 ኢዛ ሁዔፕ ቦላ ባጋራ ማስቃሌ ኮጫ ቦላ “ሃይሲ አይሁዳ ካዎ” ጊዛ ቃላ ገፌ ቃዲዳ።

**ዮሱሲ ናምዑ ፓንጋታራ ካቂቲደስ**  
(ማቶ 27:38-44፤ ማር 15:27-32)

39 ኢታ አሲዲ ካቂቲዳ አሳታፕ ኢሶይ ጫሻ ቃላ ዮሱሳ ቦላ ቆቆፊደስ። “ኔ ኪርስቶሳ ጊዲኪ? አኔ ኔናካ ኑናካ አሻ” ጊደስ።

40 ኢታ አሲዳይታፕ ኢሶይ “ኔኔ ኔስ ቤሲዛ ፐርዳ ኤካሼ ያሳስ ባቢኪ? 41 ኑኔ ኑ አሲዳ ኢታ አሶስ ቤሲዛይሳ ኤኮስ፤ ሃይሲ አደዚ ጊዲኮ ኢሲ ኢታካ አሲቤና” ጊደስ።

42 ዮሱሳ “ኔኔ ኔ ካዎቴሳራ ዩዛ ዎዴ ታና ቆፓ!” ጊደስ።

43 ዮሱሲካ ዛሪዲ “ታ ኔስ ቱሙ ጋይስ፤ ሃች ኔ ታናራ ጋናቴን ዳና” ጊደስ።

**ዮሱሲ ሃይቂደስ**  
(ማቶ 27:45-56፤ ማር 15:33-41፤ ዮሃ 19:28-30)

44 ሄሳ ዎዴ ጋደይ ሴታ ጋላስ ሺን ቢዲ ኡዱፋን ሳቲ ጋካናስ ኩሜሳ ቢታ ቦላ ዲማይ ዲሚደስ። 45 አዎ አርሼ ፖዎይ ዲጌቲደስ። ያሳ ኬሳ ማጋላሻይካ ዳኬቲዲ ናምዑ ኬዚደስ። \* 46 ዮሱሲካ ኬሂ ዋሲዲ “ታ አዋወ! ታኔ ታ ሽምፖ ኔ ኩሼን ኢማይስ” ጊዳ ማላ ሽምፖ ኬዚደስ። \*

\* 23:17 ኢሲ ኢሲ ጊሻ ማፍፋቲ ፓይዶ 17 ቦላ ዲዛ ቆፋ ጉጅቴስ፤ ቆፋዚካ ማርቆሳን ሽምፖ 15:6 ዲዛይሳ ሚሳቲስ። \* 23:30 ሆሴ 10:8፤ አጁ 6:16 \* 23:34 ማዛ 22:18 \* 23:35 ማዛ 22:7 \* 23:36 ማዛ 69:21 \* 23:45 ኬሳ 26:31-33 \* 23:46 ማዛ 31:5

47 ማቶ ሃላቃይ ሄሳ ቤዩዲ “ሃይሲ አደዚ ቱማፔ ዓሎ አሳኮሺን” ጊዲ ያሳ ጋላቲደስ።  
 48 ሄሳ ቤያናስ ሄን ሺቂዲ ደሬይ ወሪ ሄ ሃኒዳይሳ ቤዩዲ ቲራ ኢጪ ኢጪዲ ሲሚደስ። 49 ጊዶ አቲን ዩሱሳ ካሴ ሎዔሲ ኤሪዛይቲ ወሪ ቃሴካ ጋሊላፔራ ኢዛ ካሊዛ ማጫሳቲ ሄሳ ያሊሺ ሃኪ ኤቂዳ። \*

**ዩሱሳ ሞጌቲሳ**

(ማቶ 27:57-61፤ ማር 15:42-47፤ ዮሃ 19:38-42)

50 አይሁዳታ ዱላታ አሳፔ ኢሶይ ኢዚካ ዮሴፌ ጌቲቲዛይሲ ኢሲ ዳሮ ኪያኔ ዓሎ አሳ። 51 ኢዚካ ካሴ አሳይ ዩሱሳ ቦላ ዱላቲሺን ሄ ዱላታን ደና፤ ኢዚካ ኢሲ አርማቲያሳ ጌቲቲዛ አይሁዳታ ካታማ አሳ ሺን ያሳ ካዎቴሲ ያናይሳ ናጊሺ ጋምዲደስ። 52 ኢዚካ ጲላዎሳኮ ቢዲ ዩሱሳ አሃ ባስ ኢማና ማላ ጲላዎሳ ዎሲደስ። 53 ጲላዎሲ ኢዛስ ኤሮ ጊን ዮሴፌይ አሃ ማስቃሌ ኮጫፔ ዎሲዳ ማላ ሃዲዲ ሹቻፌ ዎጩቲዳ ካሴ ሃራ አሲ ሞጌቶንታ ዱፎን ኤፊዲ ዎሲደስ።

54 ሄ ጋላሳይ አሳይ ሳምባታስ ጊጌቲዛ ጋላስ ጊዲዳ ጊሽ ሳምባታይ ጌላና ሃኔስ።

55 ጋሊላፔ ደንዲዲ ዩሱሳራ ዩዳ ማጫሳቲካ ዮሴፌ ካሊ ቢዲ ዱፎዛ ቤዩዳ። ዩሱሳ አሃ ዎስት ዎሲዳኮኔ ቤዩዳ። 56 ሄፔ ሲሚዲ ሺቶኔ ቲዩዛ ሚሽ ጊጊሲዳ። ዎጋይ ጊዛ ማላ ሳምባታ ጋላስ ሺምፒዳ። \*

24

**ዩሱሲ ሃይቆፔ ደንዲደስ**

(ማቶ 28:1-10፤ ማር 16:1-8፤ ዮሃ 20:1-10)

1 ዎጋ ዎንታ ማላዶራ ማጫሳቲ ባ ጊጊሲዳ ሺቶዛ ኤኪዲ ዩሱሳ ዎሲዳ ዱፎዛኮ ቢዳ። 2 ሹቻይካ ዱፎዛ ዱናፔ ጊንደሪዲ ዲዛይሳ ቤዩዳ። 3 ጊዶ አቲን ጊዶ ጊሊዲ ዩሱሳ አሃ ደምንታ አጊዳ ጊሽ። 4 ኢስታስ ሃንዛዚ ዳዩን ኢስቲ ቶሉ ጊዳሺ ቆፖንታ ዎሊቄቲዛ ማይዎ ማይዲዳ ናምዑ አሳቲ ኢስታ አቻን ኤቂዳ። 5 ማጫሳቲካ ኬሂ ባቢዲ ዱጌ ቢታ ያሊሺን “ሄ አሳቲ ፓዲዲ ደንዲዳይሳ ሃይቆሳታ ጊዶን አይስ ኮቶቲ? 6 ኢዚ ደንዲደስ! ሃን ባዎ። ቃሴካ ኢዚ ጋሊላን ዲሺ ኢንቴስ ካሴ አይ ጊዳኮኔ አኔ ቆፒቴ። 7 አሳ ናይ ናጋራንቻታ ኩሺን አዲ ኢሜታናሲኔ ካቂታናስ። ሃይቆፔካ ሄዳንሳ ጋላስ ደንዳናስ ቤሴስ” ጊዲ ዮቲ ዎሲደስ። \*

8 ማጫሳቲካ ሄ ዎዴ ካሴ ኢዚ ጊዳ ቃላ ሃሳዩዳ። 9 ማጫሳቲ ዱፎሶፔ ሲሚዲ ሄሳ ወርሲ ዩሱሳ ካሊዛ ታማኔ ኢሲኔታሲኔ ሃራታስ ዮቲዳ። 10 ሄሳካ ሃዎሬታስ ዮቲዳይ ማግዳሌ ጊዛሶፔ ዩዳ ማራሞኔ ዮሃኖ ጌቲቲዛሪራ ያቆቤ ማራሞኔ ኢስታራ ኢሲፌ ዲዛ ሃራ ማጫሳታ። 11 ጊዶ አቲን ኢስታስ ማጫሳቲ ዮቲዳይሲ አጉሞ ሚሳቲን አማኒቤቴና። 12 ጊዶ አቲን ጴፀሮሲ ዎሳን ዩሱሳ ዱፎኮ ጋኪዲኔ ሆኪዲ ዱፎ ጊዶ ያሊሺን ኢዛ አሃ ሃዲዳ ማይዎይ ሃላ ዲዛይሳ ቤዩዲ ኬሂ ማላሌቲሽ ባሶ ሲሚደስ።

**ዩሱሲ ባና ካሊዛ ናምዳታስ ቆንጨደስ**

(ማር 16:12-13)

13 ሄ ጋላስ ኢዛ ካሊዛይታፔ ናምዳቲ ዩሩሳላሜፔ ታማኔ ኢሲ ኪሎሜቲሬ ሃኪዛ ኤማሆሴ ጌቲቲዛ ካታማ ቤቴስ። 14 ቢሺ ኢስቲ ሄ ዎዴ ሃኒዳ ዩሱሳ ሃይቆ ጊሽ ባ ጊዶን ሃሳዩቴቴስ። 15 ኢስቲ ሃሳዩቲሺን ዩሱሲ ኢስታኮ ሺቂዲ ኢስታራ ኢሲፌ ቢሺን። 16 ኢስቲ ኢዛ ኤሮንታ ማላ ኢስታ አይፌይ አይኬቲደስ።

17 ዩሱሲ ኢስታ “ሃይሲ አጌ ሃሙቲሽ ኢንቴ ኢንቴ ጊዶን ሃሳዩቲዛይሲ አዜ?” ጊደስ። ኢስቲካ ዳጋማራ ሞዴቲሽ ሲቲ ጊ ኤቃጊዳ። 18 ኢስታ ጊዶፌ ኢሶይ ቃሊዮጳ ጌቲቲዛይሲ ዛሪዲ “ሃ ማታ ጋላሳታን ዩሩሳላሜን ሃኒዳይሳ ኤሮንታ ኢማሳ አሲ ኔና ሃላ?” ጊደስ።

19 ኢዚካ ኢስታስ ዛሪዲ “አዚ ሃኒደ?” ጊን ኢስቲ ቃሴ ዛሪዲ ‘ዎሳ ሲንሳኒኔ ኡባ አሳ ሲንሳን አሶኒኔ ቃላን ሚኖ ናቤ ጊዲዳ ናዘሬቴ ዩሱሳ ጊሽ ጊዳ። 20 ኢዛካ ቁሴታ ሃላቃቲኔ ዳናቲ ሃይቆ ፒርዳስ አሲ ኢሚዳኔ ካቂዳ። 21 ኦኒ ጊዲኮ “ኢስራዔሌ ዎዝናይ ኢዛ ጊዲ ኡፋዩቲደሲሺን ሃራፔካ ሄሲ ሃኒን ቃሴ ሃቸ ሄዳንሳ ጋላሳ። 22 ቃሴ ኦ ጊዶፌ ኢሲ ኢሲ ማጫሳቲ ኦና ኬሂ ማላሊሲዳ፤ ኢስቲካ ማላዶ ዎንታራ ጌዴ ኢዛ ዱፎኮ ቢዲ። 23 ኢዛ አሃይ ቤቶንታ ኢዲን ዩዲ ኢዚ ፓፃ ዲዛይሳ ኢስታስ ዮቲን ኪታንቻታ ቤዩዳይሳ ኦስ ዮቲዳ። 24 ኦፔካ ኢሲ ኢሲ አሲ ኢዛ ዱፎኮ ቢዲ ማጫሳቲ ጊዳ ማላ ቤዩዳ አቲን ዩሱሳ ደሚቤቴና” ጊዳ።

25 ኢዚካ ኢስታስ “ኢንቴ ዎዝናን ዎሳንታይቶ! ኢንቴ ዎዝናይ ካሴ ናቤቲ ዮቲዳይሳ አማናፔ ታኪዳይቶ! 26 ዎሳፌ ኪቴቲዳይሲ ሃ ሜቶዛ ኤካናሲኔ ጌዴ ባ ቦንቾሶ ጌላናስ ቤሴኔ?” ጊደስ።

27 ሙሴፔኔ ናቤታፔ ደሚዲ ጊሻ ማፃፋታን ኢዛ ጊሽ ሃፌቲዳይሳ ኢስታስ ሎዔሳ ዮቲደስ።

28 ኢስቲ ባ ቢዛሶ ማቲዳ ዎዴ ዩሱሲ አዲ ቢዛ ሚሳቲደስ። 29 ኢስቲካ ቃሴ “ጋዴይ ቃሚዛ ጊሽ ኦናራ አቃ” ጊዲ ኢዛ ኬሂ ዎሲን ኢስታራ አቃናስ ጊሊደስ። 30 ኢስታራ ኢሲፌ ማዳን ኡቲዲ ኡኬሳ ባ ኩሺን አይኪዲ ኢስታስ ሜንሳ ሜንሳ ኢሚደስ። 31 ሄሳ ዎዴ ኢስታ አይፌይ ደዩቲን ኢዛ ጊዲዳይሳ ኤሪዳ፤ ኢዚካ ኢስታ አይፌፔ ጊሚደስ። 32 ኢስቲካ “ኦ ዩሺ አጌ ቦላ ዲሺን ኦና ሃሳዩሲዲ ጊሻ ማፃፋታካ ቆንጨሲዲ ኦስ ጌላናሽ ዮቲን ኦ ዎዝናይ ታማ ማላ ፀጌቲቤኔ?” ጊዲ ኢሶይ ኢሳራ ሃሳዩቲዳ

\* 23:49 ሉቃ 8:2-3 \* 23:56 ኬሳ 20:10፤ ዛሬ 5:4 \* 24:7 ማቶ 16:21፤ 17:22-23፤ 20:18-19፤ ማር 8:31፤ 9:31፤ 10:33-34፤ ሉቃ 9:22፤ 18:31-33

<sup>33</sup> ሄራካ ደንዲዲ ዩሩሳላሜ ሲሚ ቢዳ። ታማኔ ኢሲኔቲኔ ኢስታራ ኢሲፌ ዲዛይቲካ ኢሲ ቦላ ሺቂ ዲዛይታ ደሚዳ። <sup>34</sup> ኢስቲካ ባ ጊዶን ኢሶይ ኢሳስ “ጎዳይ ቱሙ ደንዲዲስ! ሲሞናስካ ቤቲዴስ” ጊዳ።

<sup>35</sup> ኢዛ ካሊዛይታፕ ናምዓቲ ኦጌ ቦላ ሃኒዳይሳኔ ዩሱሲ ኡኬሳ ሜንሲ ሜንሲ ኢሚዳ ዎዴ ኢስቲ ዎስት ኤሪዳኮ ኢስታስ ዮቲዳ።

**ዩሱሲ ባና ካሊዛይታስ ቆንጨዴስ**

(ማቶ 28:16-20፤ ማር 16:14-18፤ ዮሃ 20:19-23፤ ሃዎ 1:6-8)

<sup>36</sup> ሄሳ ጊሽ ኢስቲ ባ ጊዶን ሃሳዩቲሺን ዩሱሲ ኢስታ ጊዶን ኤቂዲ “ሳሮይ ኢንቴስ ጊዶ!” ጊዴስ።

<sup>37</sup> ጊዶ አቲን ኢስቲ ሞይቲሌ ቤዱዳ ሚሳቲን ኬሂ ዳጋሚዳ። <sup>38</sup> ኢዚካ ኢስታስ “አዛስ ዳሮ ቆፕቲ? አዛስ ኢንቴ ዎዝናራ ሲዴቲ? <sup>39</sup> ታ ኩሼታኔ ታ ቶሆታ ሃ ዪሊቴ ታናኮ፤ ቃሴካ ታና አይኪ ቤዩቴ፤ ታና ኢንቴ ቤዩዛይሳ ማላ ሞይቲሌስ አሾይኔ ሜቄሲ ዴና” ጊዴስ።

<sup>40</sup> ሄሳ ጊ ሲሚዲ ባ ቶሆታኔ ባ ኩሼታ ኢስታ ቤሲዴስ። <sup>41</sup> ኢስቲካ ኡፋይሳ ዳሮፕኔ ማላሌቴሳፌ ደንዲዳይሳን ቡሮ አማኖንታ ዲሺን ዩሱሲ ‘ሄሳን አይኮ ሚዛዚ ዲዜ?’ ጊዲ ኢስታ አይቺዴስ።

<sup>42</sup> ኢስቲካ ሞሌ ዪፃ ኢሲ ባርስ ኢዛስ ኢሚዳ። <sup>43</sup> ኢዚካ ኤኪዲ ኢስታ ሲንሳን ሚዴስ።

<sup>44</sup> ኢዚካ “ኢንቴናራ ታ ዲዛ ዎዴ ‘ሙሴ ዎጋን ናቤታኔኔ ማዛሙሬ ማፃፋታን ታ ጊሽ ፃፌቲዳይሲ ወሪካ ፖሌታናስ ቤሴስ’ ጋዳ ታ ኢንቴስ ዮቲዳ ታ ቃላይ ሃይሳኮ” ጊዴስ።

<sup>45</sup> ሄ ዎዴ ጌሻ ማፃፋታ ኢስቲ ኤራና ማላ ዎዝና ኢስታስ ዶዩዴስ። <sup>46</sup> ኢስታስካ “ኪርስቶሲ ሞዬ ቤያና፤ ሄዳንሶ ጋላስ ሃይቆፕ ደንዳና ጌቴቲዲ ፃፌቲዴስ። <sup>47</sup> ዩሩሳላሜፕ ዶሚዲ ኡባ ዴሬስ ናጋራፕ ሲሞይኔ ማሮቴሲ ኢዛ ሱንሳን ዮቲታና። <sup>48</sup> ኢንቴካ ሃይሳስ ማርካታ። <sup>49</sup> ታካ ታ አዋይ ኢሚዳ ኡፋይሳ ኢንቴስ ዩዳና፤ ኢንቴ ቃሴ ዎልቃ ቦላፌ ማይዓና ጋካናስ ዩሩሳላሜ ካታማን ታኪቴ” ጊዴስ። \*

**ዩሱሲ ፑዴ ሳሎ ቢዴስ**

(ማር 16:19-20፤ ሃዎ 1:9-11)

<sup>50</sup> ሄሳፌ ጉዩ ኢስታ ኤኪዲ ቢታኒያ ጌቴቲዛሶ ኬዚዴስ። ባ ኩሼታካ ዴንሲዲ ኢስታ አንጂዴስ።

\* <sup>51</sup> ኢስታ አንጂሼ ኢስታፌ ሻካቲዲ ፑዴ ሳሎ ቢዴስ። <sup>52</sup> ኢስቲካ ኢዛስ ሆኪ ጎይኒዳ፤ ኬሂ ኡፋይቲሼ ዩሩሳላሜ ሲሚዳ። <sup>53</sup> ኡባ ዎዴ ያሳ ኬሳን ያሳ ጋላቲሼ ጋምዲዳ።

\* 24:49 ሃዎ 1:4 \* 24:50 ሃዎ 1:9-11



### ዮሐንስ ፩ ዓመት ኑ ጎዳ ዮሱስ ከርስቶስ ሚሺራቾ ቃላ ጊዶ ቆፋ

ዮሐንስ ሚሺራቾ ቃላይ ዮሱስ አሾ ማይዲዲ አሳ ጊዶን ቤተዳ ዴዎ ያሳ ቃላ ጊዲዳይሳ ቆንጨሴስ። ሄሲካ አዋይ ጎዳ ያሳ ጊዲዳ ማላ፣ ዮሱሲካ ጎዳ ያሳ ጊዲዳይሳ ቤሴስ። ዮሃ 1:1፤ 8:58፤ 12:41፤ 20:28። ማፃፋዚ ሎዔሴ ቆንጨሴዛ ማላ ሃይሲ ሚሺራቾ ቃላይ ፩ፌቲዳይ ናባቢዛይቲ ዮሱሲ አስ አሽዛዴ ጊዲዲ ያና ጌቲቲዳ ያሳ ና ጊዲዳይሳ አማናና ማላኔ አሳይ ኢዛ አማኒዲ ሜርና ዴዎይ ኢዛን ዲዛይሳ ኤራና ማላሳ። (20:31)

ሚሺራቾ ቃላዛስ ኮይሮ ከፍሌይ ሜርናስ ዲዛ ያሳ ቃላይኔ ዮሱሲ ኢሲኖ ጊዲዳይሳ ኮይሮ ሺሺዳፕ ጉዬ ዮሱሲ አስ አሽዛዴ ጊዲዲ ያና ጌቲቲዳ ያሳ ናይ ኢዛ ጊዲዳይሳ ቤሲዛ ዱማ ዱማ ማላታታካ ሺሺስ። ሄሳፌ ቃሴ ሄ ማላታታፕ አይ አይፌይ ቤቲዳኮኔ ቆንጨሴዛ ታሪኬቲ ካሌቲስ። ሃይሲ ሃ ከፊሌዚ ኢሲ ኢሲ አሳቲ ዮሱሳን አማኒዲ ኢዛ ካሊዛይታ ጊዲዳይሳኔ ሃራ አሳቲ ቃሴ ኢዛራ ዋኒ ኤቁቲዳኮኔ ኢዛን ኑ አማኖኮ ጊዛይሳ ዮቲቲስ። (13:17) ጋካናስ ዮሱሲ አይኬቲዳ አማርስ ባና ካሊዛይታራ ኢዛስ አይ ማላ ሚኖ ኢሲፌቴሴ ዲዛኮ ኢዛስ ካቁቲሳ ዎዴይ ማቲሺን ኢዚ ባና ካሊዛይታስ ጊጊሲዛ ቃላኔ ሚንሴሴዛ ቃላ ኢዚ ኢስታ ሲሲዳይሳ ቆንጨሴቲስ። ሃንኮ አቲዳ ወርሴሳ ሺዎፖቲ ቃስ ዮሱሲ አይኬቲዳይሳ፣ ፐርዳስ ሺቁዳይሳ፣ ኢዛ ካቁቲሳ ጊሺኔ ሃይቆፕ ዴንሳ ጊሽ ሄሳሳካ ኢዛ ዴንሳፌ ጉዬ ባና ካሊዛይታስ ኢዚ ባና ቆንጨሴዳይሳ ዮቲስ።

ዮሐንስ ዮሱስ ከርስቶስ ባጋራ ቤቲዛ ሜርና ዴዎ ሎዔሴ ቤሲዛይ፣ ያሳ ከያቲሴ ሃዲፕ ዶሚዲ ዮሱሳ፣ አጌ፣ ቲማኔ ዴዎ ሂስቲ አማኖን ኤኪዛይታሳ፣ ዮሐንስ ሚሺራቾ ቃላ ሃራታፕ ዱማሲዛይ አያና ቲማቲሳ ኤሪሳናስ ኬሂ ኤራቲዳ አሲ ሃቾ ሃቾ ጎዔቲዛ ሚሻታ ሄይቲካ ሃሳ፣ ቁማ፣ ፖዎ፣ ሄሚዛዴ፣ ዶርሳታ፣ ዎይኔ ሚሴኔ ዎይኔ ሚሳ አይፌ ሚሳቲዛይታ ሌሚሶን ዮቲዛይሳ።

- ሃ ማፃፋይ አይኪዳ ኩሜሳ ቆፋ
- ጌሎሶ 1:1-18
- ፃማቂዛ ዮሐንሳኔ ዮሱሳ ካሊዳ ኮይሮ ታማሬታ 1:1-19-51
- ዮሱሲ ያሳ አሶ ዶሚዴስ 2:1-12:50
- ዮሱሳላሜኒኔ ሄ ሄራን ዮሱሳስ ወርሴሳ አሶ ጋላሳታ 13:1-19:42
- ሃይቆፕ ጎዳ ዴንሳኔ ኢዛ ቆንጨሴ 20:1-31
- ኩሻ ቆፋ 21:1-25

1 ቃላይ ካሴ ኮይሮ ዴስ። ቃላይካ ያሳ አቻን ዴስ። ሄ ቃላይካ ያሳ። 2 ኢዚ ኮይሮ ያሳ አቻን ዴስ። 3 ሜዴቴሴ ወሪ ኢዛን ሜዴቲዴስ። ሜዴቲዳዛን ኢዚ ባይንዳ ሜዴቲዳይ ኢሲናካ ዱኩ። 4 ዴዎይ ኢዛን ዳወስ። ሃና ዴዎ ዳሳስ ፖዎ። 5 ፖዎይ ዱማን ፖዲሴስ። ዱማይ ፖዎ ሙሌካ ያኔና።

6 ያሳፌ ከቲቲዳ ዮሐንሳ ጌቲቲዛ ኢሳዴይ ዴስ። \* 7 ኢዛ ማርካቲሳን አሲ ወሪ አማናና ማላ ፖዎስ ማርካ ጊዲ ዩዴስ። 8 ኢዚ ፖዎ ጊሽ ማርካታና ዩዴስ አቲን ኢዚ ባ ሁዔስ ፖዎ ጊዴና። 9 አሳ ኡባስ ፖዎ ኢሚዛ ቱሙ ፖዎይ ሃይሳ ሃ አላሜዛን ዮሱሳን ዴስ።

10 ቃላይካ ካሴ አላሜን ዴስ። አላሜይካ ሜዴቲዳይ ኢዛና። ጊዶ አቲን አላሜይ ኢዛ ኤሪቤና። 11 ኢዚ ባ ባጋታኮ ዩን ኢዛ ባጋቲ ኢዛ ኤኪቤቲና። 12 ጊዶ አቲን ኢዛ ኤኪዳይቲ ኢዛ ሱንሳን አማኒዳይቲ ኢስቲ ያሳ ናይታ ጊዳና ማላ ማታ ኢስታስ ኢሚዴስ። 13 ኢስቲካ ያሳ ናይታ ጊዲዳይ ያሳፌ ዮሌቲዳ ጊሽ አቲን አሳ ዜራሳፌ ሄሲካ አሳ ዎጋን ዎይኮ አሾ ሺኔን ጊዴና።

14 ቃላይካ አስ ጊዲዴስ። ያሳ ከያቲሳኔ ቲማን ኩሚዲ ኑናን አቂዴስ፤ ኢሲ ናስ አዋ ማታን ዲዛ ቦንቾ ሚሳቲዛ ኢዛ ቦንቾ ኑ ቤይዶስ።

15 ዮሐንሲካ “ታፕ ጉዬራ ዩዛይሲ ታፕ አዴስ። ጋሶይካ ኢዚ ታፕ ካሴካ ዴስ ጋዳ ታ ኢንቲስ ዮቲዳይሲ ሄኮ ሃይሲ ኢዛኮ!” ጊ ማርካቲዴስ።

16 ኢዛ ኩሜሳ ከያቲሳን ኑ ወሪ ከያቲሳ ባላ ከያቲሳ ኤኪዴስ። 17 ዎጋይ ሙሴ ባጋራ ኢሜቲዴስ፤ ከያቲሳኔ ቲማይ ጊዲኮ ዮሱስ ከርስቶስ ባጋራ ኑስ ዩዴስ። 18 ያሴ ቤዩዳይ አኒካ ባዋ። ጊዶ አቲን ያሳ አዋ ማታን ዲዛ ያሳ ና ኢሶይ ፃላላ ኢዛ ቆንጨሴዴስ።

#### ፃማቂዛ ዮሐንሳ ማርካቲሳ (ማቶ 3:1-12፤ ማር 1:1-8፤ ሉቃ 3:15-17)

- 19 አይሁዳታ ዳናቲ ዮሱሳላሜፕ ቁሴታኔ ሌዌ ናይታ ዮሐንሳኮ ከቲዲ “ኔ አኔ?” ጊዲ አይቺሺን።
- 20 ዮሐንሳ “ታኒ ከርስቶስ ጊዲኬ” ጊዲ ጊሽ ማርካቲዴስ አቲን ማርካታናስ ኢጊቤና።
- 21 ኢስቲካ “ሂስቲን ኔ አኔ? ኔ ኤላሳ?” ጊዲ አይቺዳ። ኢዚካ “ጊዲኬ” ጊዲ ኢስታስ ዛሪዴስ። ኢስቲካ “ኢዚ ያና ጌቲቲዳ ናቤይ ኔኔ?” ጊዳ። ኢዚካ “አካይ ታና ጊዲኬ” ጊዴስ። \*
- 22 ኢስቲ ቃስ “ሂስቲን ኔ አኔ? ኑና ከቲዳ አሳስ ኑ ዮታና ማላ ኔ ኔና አና ጋይ?” ጊዳ። 23 ኢዚካ “ናቤ ኢሳያሲ ዮቲዳ ማላ ታኒ ‘ያሳ አጌ ሱሪሲቲ’ ጊሺ ባዞ ቢታን ዋሲዛዴ ቃላ ጊሪሳ” ጊዴስ \*

\* 1:6 ማቶ 3:1፤ ማር 1:4፤ ሉቃ 3:1-2 \* 1:21 ሚል 4:5፤ ዛሬ 18:15-18 \* 1:23 ኢሳ 40:3

24 ፋርሳዊታ፤ ኪቴቲዳ ኢሲ ኢሲ አሳቲ 25 ሄሳ ጊሽ “ኔ ሦሲ ኪቴዳዬ ዎይኮ ቡሮ ያና ጌቴቲዳ ናቤይ ኔና ጊዶንታ ጊዲኮ ሂስቲን አዛስ ኑና ማቃይ?” ጊዲ ኢዛ አይቺዳ።

26 የሃኒሳካ ኢስታስ “ታ ሃሳን ማቃይስ፤ ጊዶ አቲን ኢንቴ ኤሮንታዬዬ ኢንቴ ጊዶን ኤቂዶስ።

27 ታ፤ ጉዩራ ያናይሲ ኢዛ። ታ ኢዛ ጫማ ቃሾ ቢርሻናስ ቤሲዛዬ ጊዲኬ” ጊዶስ።

28 ሃይሲ ወሪ ሃኒዳይ የሃኒሲ ማቀዛ የርዳናሴ ሻፋ፤ ሄ ፒንሳን ዲዛ ቢታኒያ ጌቴቲዛ ካታማና።

**ዎሳ ዶርስ**

29 ዎንቴሳ ጋላስ የሃኒሲ ዩሱሲ ባኮ ዩሺን ቤዩዲ “ዴሬ ናጋራ ቢታሬ ዲጋና ዎሳ ዶርስ ሄኮ ሃይሲቸ! 30 ታ፤ ጉዩራ ያናይሲ ኢዛ ታ፤ ካሴካ ዲዛ ጊሽ ታ፤ አዴስ’ ጋዳ ታ ኢንቴስ የቲዛይ ሃይሲቸ! 31 ታካ ታ ባጋራ ኢዛ ኤራቤኬ ሺን ጊዲኮካ ኢዛ ኢስራዔል ዴሬስ ቆንጫና ማላ ታ ሃሳን ማቃይኛ ያዲስ” ጊዶስ።

32 ካሌሲዲካ የሃኒሲ ሂዘጊ ማርካቲዶስ “ዲሎ አያናይ ሃራጴ ካፎ ሚሳትዲ ሳሎ፤ ዎዲሺኒኔ ኢዛ ባላ ኡቲሺን ቤያዲስ። 33 ታ ታ ባጋራ ኢዛ ኤራቤኬ ሺን ታ ሃሳን ማቃይና ማላ ታና ኪቴዳዬዬ ‘ዲሎ አያናይ ኢዛ ባላ ዎዲ ሺምፒሺን ኔ ቤያናይዬ ዲሎ አያናን ሜጫናይ ኢዛ’ ጊዲ ታስ የቲዶስ።

34 ታካ ሄሳ ቤያዲስ። ሄሳ ጊሽ ኢዛ ዎሳ ና ጊዲዳይሳ ታ ማርካታይስ” ጊዶስ።

**ኮይሮ ዩሱሳ ካሊዳይታ**

35 ዎንቴሳ ጋላስ የሃኒሲ ባና ካሊዛ ናምዓታራ ሄን ኤቂዶስ። 36 ዩሱሲ ኢዛ አቻራ አዲሺን የሃኒሲ ቤዩዲ “ዎሳ ዶርስ ሄኮ ሃይሲቸ!” ጊዶስ።

37 የሃኒሳ ካሊዛ ናምዓቲ ሄሳ ሲይዲ ዩሱሳ ካሊዳ። 38 ኢስቲ ኢዛ ካሊሺን ዩሱሲ ጉዩ ዩይ ዪሊዲ “አይ ኮፍቲ?” ጊዶስ። ኢስቲካ “አስታማሬ! ኔ ዱሳሶይ አዋ?” ጊዳ።

39 ኢዘካ ኢስታ “ሃ ዩዲ ቤይቴ” ጊዶስ። ሄሳ ጊሽ ቢዲ ኢዛ አዋን ዲዛኮ ቤዩዳኔ ሄ ጋላስ ኢዛራ ኢሲሬ ፔዲዳ። ዎዴይካ ጌዴ ታሙ ሳቴሶ ቤዶስ።

40 የሃኒሲ የቲዳ ቃላ ሲይዲ ዩሱሳ ካሊዳ ናምዓታ፤ ኢሶይ ሲሞና ጴጥሮሳ ኢሻ ኢንዲራሳ።

41 ኢንዲራሲ ኮይሮ ባ ኢሻ ሲሞናኮ ቤዲኔ “ዎሲ ኪቴዳ ኪርስቶሳ ኑ ዴሚዶስ!” ጊዶስ። 42 ሄሳሬ ጉዩ ኢንዲራሲ ሲሞና ዩሱሳኮ ኤኪ ዩዴስ።

ዩሱሲካ ኢዛ ቲሺ ሂስቲ ዪሊዲ “ሃይሶ! ኔ ዮና ና ሲሞና፤ ሃይሳሬ ጉዩ ኔ ኬፋ ጌቴታና።” ኬፋ ጉሲ ጴጥሮሳ ጉሳ ዎይኮ ዛላ ሹቸ ጉሳ።

**ዩሱሲ ፒሊጶሳኔ ናቲናዔሌ ዪይጊዶስ**

43 ዎንቴሳ ጋላስ ዩሱሲ ጋሊላ ባናስ ኮይዶስ። ፒሊጶሳካ ዴሚዲ “ታና ካላ” ጊዶስ። 44 ፒሊጶሲካ ኢንዲራሳ ማላኔ ጴጥሮሳ ማላ ቤቴሳይዳ ካታማ አሳ። 45 ፒሊጶሲ ናቲናዔሌ ዴሚዲ “ሙሴይ ዎጋ ማግፋን ቃሴ ናቤቲካ ቡሮ፤ ሃናናይሳ የቲዛ ባ ማግፋታን ኢዛ ጊሽ ግሬዳ አዴዛ ኑ ዴሚዶስ። ኢዘካ የሴሬ ና ናዘሬቴ ዩሱሳኮ!” ጊዶስ።

46 ናቲናዔሌይ ቃስ “ናዘሬቴ፤ ሎዎ ሚሺ ቤቲ ኤሪዜ?” ጊ አይቺን ፒሊጶሲ ኢዛ “ሃ ያዳ ቤያ” ጊዶስ። 47 ናቲናዔሌይ ዩሱሳ ቤያና ዩሺን ዩሱሲ ቤዩዲ ኢዛ “ሄኮ! ጌኔይ ባይንዳ ቱሙ ኢስራዔል አሳ!” ጊዲ ኢዛ ጊሽ የቲዶስ።

48 ናቲናዔሌይካ ዛሪዲ “ታና ዎስታ ኤራዲ?” ጊ አይቺን ዩሱሲካ “ፒሊጶሲ ኔና ዪይጋና፤ ካሴ ባላሴ ሚሳ ጋርሳን ኔ ዲሺን ታ ኔና ቤያዲስ” ጊ ዛሪዶስ። 49 ናቲናዔሌይ “አስታማሬ! ኔ ዎሳ ና፤ ኔ ኢስራዔል ካዎ” ጊዶስ።

50 ዩሱሲካ ኢዛስ “ኔ አማኒዳይ፤ ታ ኔና ‘ባላሴ ሚሳ ጋርሳን ቤያዲስ’ ጊዳ ጊሽ? ኔ ቡሮ ሄሳሬ አዲዛ ዳሮ ሚሽ ቤያና። 51 ጉጂዲካ ታ ኢንቴስ ቱሙ ጋይስ፤ ቡሮ ሳሎይ ዶዩቲን ዎሳ ኪታንቻቲ አሳ ና ባላ ዎዲሺኒኔ ኬዘሺን ኢንቴ ቤያና” ጊዶስ። \*

**2**

**ዩሱሲ ሃሴ ዎይኔ ኡሽ ኬሲዶስ**

1 ሄዳንሶ ጋላስ ጋሊላ ጊዶን ዲዛ ቃና ጌቴቲዛ ካታማን ሳርጌይ ዴስ። ዩሱሳ አዩያካ ሄን ዳወስ።

2 ዩሱሲኔ ኢዛ ካሊዛይቲካ ሳርጌዛሶ ዪይጌቲዳ። 3 ሳርጌዛሶን ዎይኔ፤ አጌቲዳ ኡሻይ ወሪን ዩሱሳ አያ ዩሱሳ “ዎይኔ ኡሻይ ወርዶስ” ጋዱስ። 4 ዩሱሲካ ኢዛ “አዩ! ታስ ኔናራ አዘ ዲዜ? ታ ዎዴይ ጋኪቤና” ጊዶስ።

5 ሄ ዎዴ ዩሱሳ አዩያ ማራማ ሄን ጋዴዛን ዲዛ አሳንቻታ “ኢዘ ኢንቴና ጊዛይሳ አሲቴ” ጋዱስ።

6 አይሁዳታስ ጌሾ ዎጋይ ዲዛ ጊሽ ኡሱፑን ሹቻሬ ሜዴቲዳ ባላቲ ሄን ጋዳን ዴቴስ። ኢስቲካ ኢሶይ ኢሶይ ናምዑ አቶ ዎይኮ ሄዩ አቶ ሃሴ አይኬቴስ። 7 ዩሱሲ አሳንቻታ “ባላታ ሃሴ ኩንሲቴ” ጊን ኢስቲካ ባላታ ዱና ጋካናስ ሲልቲ ሂስቲ ኩንሲዳ። 8 ሄሳሬ ቃሴካ አሳንቻታ “አኔ ሃዲ ዱቂዲ ሳርጌዛ አላሬዛስ ኢዛ፤ ኢሚቴ” ጊዶስ። ኢስቲካ ዱቂ ዱቂ ኢሚዳ። 9 አላሬዛካ ዎይኔ ኡሻን ላሜቲዳ ሃሳ ጋንዪ ዪሊዲ ኢዛ አዋ፤ ዩዳኮኔ ኤሪቤና። ሃሳ ዱቂዳይቲ ጊዲኮ ኤሬቴስ። ሄሳ ጊሽ ሳርጌዛ አላሬይ ሚሺራዛ ዪይጊዲ። 10 “አሲ ወሪ ሳርጌሶን ኮይሮ ሎዎ ኡሺ ሺሺስ፤ አሳይ ማጥቲዳ፤ ጉዩ ኢታ ኤሄስ፤ ጊዶ አቲን ኔ ጊዲኮ ሎዎ ኡሺ ሃኖ ጋካናስ ዎሳጋዳሳ” ጊዶስ።

11 ዩሱሲ ሄሳ ማላሊሲዛ ማላታ ኡባሬ ኮይሮ ጋሊላ ጌቴቲዛ ዴሬን ቃና ካታማን አሲዶስ። ባ ቦንቾካ ሄሳ ማላን ቆንጫሲዶስ። ኢዛ ካሊዛይቲካ ኢዛን አማኒዳ። 12 ሄሳሬ ጉዩ ዩሱሲ ባ አዩይራ ባ ኢሻታራኔ ባና ካሊዛይታራ ዱጌ ቂፊርናሆሜ ዎዲዲ ሄን ጉላ ዎዴ ታኪዳ። \*

\* 1:51 ሜዴ 28:12 \* 2:12 ማቶ 4:13

**ዮሱሲ ያሳ ኬሳን ዛልሚዛይታ ጎዲዴስ**  
(ማቶ 21:12-13፤ ማር 11:15-17፤ ሉቃ 19:45-46)

13 አይሁዳታ ፓዚጋ ባዓሌይ ማቲዳ ጊሽ ዮሱሲ ያሩሳላሚ ቢዴስ። \* 14 ያሳ ኬሳ ጊቤ ጊዶን ቦራታ፣ ዶርሳታኔ ሃራጴታ ባይዚዛይታ ቃሴካ ሚሼ ላሚዛይቲ ሚሼ ላሚሺን ዴሚዴስ። 15 ሄሳ ቤዪዲ ዎዶሮ ፀርቃፊፔ ዶቂ ኤኪዲ አሳኔ ቦራታካ ያሳ ኬሳ ጊቤፊ ኬሲዴስ፤ ሚሽ ላሚዛይታ ሚሻካ ዳርጨዲ ኢስታ ሃራጴዛታካ ሺሪ ሺሪ ዮጊዴስ።

16 ሃራጴ ባይዚዛ አሳካ “ሃይሳ ዉርሲ ጊዴ ዲጊቲ፤ ታ አዎ ኬሳ ዛልዔ ኬሴ ሂስቶፍቴ” ጊዴስ።

17 ሄ ዎዴ ኢዛ ካሊዛይቲ “ኔ ኬሳ ሚሻይ ታና ታማ ማላ ፀጊስ” ጊቲቲ ሃፌቲዳ ቃላ ሃሳዪዳ። \*

18 ሄሳፊ ጉዬ አይሁዳ አሳ ሃላቃቲ ዮሱሳ “ኔ ሃይሳ ዉርሳ አሳናስ ሽኔይ ደስ ዲዛይሳ ቆንጨሳናስ ኔ ኑና አይ ማላሊሲዛ ማላታ ቤሳኔ?” ጊ አይቺዳ።

19 ዮሱሲካ ኢስታስ “አኔ ሃይሳ ያሳ ኬሳ ላሊቲ፤ ታ ኢዛ ሄሹ ጋላሳራ ዛራ ኬዓና” ጊ ዛሪዴስ። \*

20 ኢስቲካ ኢዛ “ሃይሳ ያሳ ኬሳ ኬዓናስ ካሴ አይዱ ታማኔ ኡሱፑን ላይሳ ኤኪዴስ፤ ሂስቲን ኔኔ ሄሹ ጋላሳራ ኬዓ ኩንሳኔ?” ጊ አይቺዳ።

21 ጊዶ አቲን ዮሱሲ “ያሳ ኬሳ” ጊዳይ ባ አሳቴሳ ጊሻሳ። 22 ሄሳ ጊሽ ዮሱሲ ሃይቂ ዴንዲን ኢዛ ካሊዛይቲ ሄ ዮዎዛ ዮሺ ቆፒዲ ኤሪዳኔ ሃይሳ ካሴ ማግፋን ሃፌቲዳይሳኔ ዮሱሲ ኢስታስ ካሴቲ ዮቲዳ ቃላ አማኒዳ።

23 ፓዚጋ ባዓሌ ጋላስ ዮሱሲ ዮሩሳላሚን ዲሼ አሲዳ ማላታታ ቤዪዲ ዳሮ አሳይ ኢዛ አማኒዴስ።

24 ቃሴ ዮሱሲ አሳ ዉርሲ ኤሪዛ ጊሽ አናካ አማኒቤና። 25 ኢዚ አሳ ዎዝናን ዲዛ ዉርሲ ኤሪዛ ጊሽ አኒካ ኢዛስ አሳ ጊሽ ዮታናስ ኮሺቤና።

3

**ዮሱሳኔ ኒቆዲሞሳ**

1 ፋርሳዌታ ባጋ አስ ጊዲዳ አይሁዳታ ሃላቃታፔ ኢሲ ኒቆዲሞሳ ጊቲቲዛ አሲ ዴስ። 2 ኢዚ ቃማራ ዮሱሳኮ ቤዲ “አስታማሬ! ያሲ ኢዛራ ዲዛዴ ጊዲኮሬ አቲን ሃይታ ኔ አሲዛ ማላሊሲዛ ማላታታ አሳናስ ዳንዳዪዴይ ዴና። ሄሳ ጊሽ ኔ ያሳ አቻፊ ዬዳ አስታማሬ ጊዲዳይሳ ኑ ኤሮስ” ጊዴስ።

3 ዮሱሲካ ኢዛስ ዛሪዲ “ታ ኔስ ቱሙ ጋይስ፤ አሲ ናምዓንሉ ዮሌቶንታ አጊኮ ያሳ ካዎቴስ ቤያናስ ዳንዳዪና” ጊዴስ። 4 ኒቆዲሞሲካ ዛሪዲ “ሂስቲን አሲ ጨሚዳፔ ጉዬ ዋኒዲ ናምዓንሉ ዮሌታና ዳንዳዪና? ቃሴካ ጊዴ ባ አዪ ኡሎን ሲሚ ጊሊዲ ዮሌታኔ?” ጊዲ አይቺዴስ።

5 ዮሱሲካ ኢዛስ “ታ ኔስ ቱሙ ጋይስ፤ አሲ ሃሳፊኔ ሂሎ አያናፔ ዮሌቶንታ ዲሼ ያሳ ካዎቴስ ጊላናስ ዳንዳዪና። 6 አሳፔ ዮሌቲዳይ አሳ፤ አያናፔ ዮሌቲዳይ አያና። 7 ሄሳ ጊሽ ‘ኢንቲ ናምዓንሉ ዮሌታናስ ኮሺስ’ ታ ኔና ጊዳ ጊሽ ማላሌቶፋ። 8 ጫርኮይ ባ ኮይዳ ባጋ ጫርኮስ። ኔ ጫርኮስ ጊሪስ ሲያሳ አቲን ኢዚ አዎፔ ዩዛኮኔ አዎ ቢዛኮ ኤራካ። አያናፔ ዮሌቲዳይካ ሄሳ ማላ” ጊዴስ።

9 ኒቆዲሞሲ “ሃይሲ ዋኒ ሃናና ዳንዳዲዬ?” ጊዲ አይቺዴስ። 10 ዮሱሲካ ኢዛስ “ኢስራዔሌ አስታማሬ ጊዳ ኡታዳ ሄሳ ኔ ኤሪኪ? 11 ታ ኔስ ቱሙ ጋይስ፤ ኑኒ ኑ ኤርዛይሳ ዮቶስ። ኑ ቤዪዳይሳ ማርካቶስ ጊዶ አቲን ኢንቲ ኑ ማርካቲስ ኤኬኪታ። 12 ታ ኢንቲስ ሃይሳ ሃ ቢታ ዮዎ ዮቲን አማናንታ ኢዲኮ ሳሎ ሚሽ ዮቲኮ ዎስቲ ኢንቲ አማናኔ? 13 ሳሎፔ ዱጌ ዎዲዳ አሳ ናፔ አቲን ፑዴ ሳሎ ኬዚዳይ ሃራይ አኒካ ዴና። \*

14 “ባዞ ቢታን ሙሴይ ሾሽ ጵቂ ሂስቲ ካቂዳይሳሉ ሄሳሉካ አሳ ናይ ጵቃሶን ካቂታናስ ቤሴስ። \* 15 ሄሲካ ኢዛን አማኒዛዴይ ዉሪካ ሜርና ዴዎ ዴማናሳ። 16 ያሳ ና አማኒዛይ ዉሪ ሜርና ዴዎ ዴማናፔ አቲን ዳዮንታ ማላ ያሲ ሃይሳ አላሚዛ ዳሮ ሲቂዳ ጊሽ ባ ሜዒ ኢሲ ናዛ ኢሚዴስ። 17 ያሲ ባ ናዛ ሃ ዱጌ አላሚ ኪቲዳይ አላሚ አሳይ ኢዛን አማኒዲ አታና ማላሳ አቲን ኢዚ አላሚ አሳ ቦላ ፐርዳናስ ጊዴና።

18 “ኢዛ አማኒዛዴ ቦላ ፐርዴቴና። ኢዛ አማናንታዴይ ጊዲኮ ያሳ ና ኢሲኔዛን አማናንታ ጊሽ ካሴካ ፐርዴቴ ኡቲዴስ። 19 ፐርዳይካ ሃይሳ ማላ፣ ፖዎይ ሃ አላሚ ዮዴስ ሺን አሳስ አሶይ ኢታ ጊዲዳ ጊሽ አሳይ ፖዎይ ዳሮ ዳማ ዶሲዴስ። 20 ኢታ አሲዛዴይ ዉሪካ ፖዎ ዶሴና። ኢዚ አሲዛ ኢታ አሶይ ቆንጨ ኬዞንታ ማላ ኢዚ ባ ሁዔስ ፖዎይ ዲዛሶ ኬዜና። 21 ቱሙ አሲዛዴይ ጊዲኮ ፖዎይ ዲዛሶ ዮስ። ኢዚ ፖዎይ ዲዛሶ ዩዛ ጋሶይ ያሳ አዛዞ ማላ ኢዚ አሲዳ አሶይ ቆንጨና ማላሳ” ጊዴስ።

**ዮሱሳኔ ሃማቂዛ ዮሃኒሳ**

22 ሄሳፊ ካሊዲ ዮሱሲ ባና ካሊዛይታራ ዮሁዳ ዴሬ ቢዴስ፤ ሄንካ አሳ ሃማቂሼ ኢስታራ ጉሳ ዎዴ ጋምዲዴስ። 23 ሄ ዎዴ ሳሊሜ አቻን ሄናኔ ጊቲቲዛሶን ዳሮ ሃሲ ዲዛ ጊሽ ዮሃኒሲ አሳ ሃማቂሺን አሲካ ኢዛኮ ቤዲ ሃማቂቲዴስ። 24 ሄሳ ዎዴ ዮሃኒሲ ቡሮ ቃሾ ኬሴ ጊሊቤና። \*

25 ሄ ዎዴ ዮሃኒሳ ካሊዛይታ ጊዶኒኔ ኢሲ ኢሲ አይሁዳ አሳታ ጊዶን አይሁዳታ ጊሾ ዎጋ ጊሽ ጊታ ፓላማይ ዴንዲዴስ። 26 ዮሃኒሳ ካሊዛይቲ ኢዛኮ ሺቂዲ “አስታማሬ! ኔናራ ዮርዳናሴ ሻፋ

\* 2:13 ኬሳ 12:1-27 \* 2:17 ማዛ 69:9 \* 2:19 ማቶ 26:61፤ 27:40፤ ማር 14:58፤ 15:29 \* 3:13 ሳሎፔ ዱጌ ዎዲዴስ አሳ ናፔ አቲን ፑዴ ሳሎ ኬዚዳይ ሃራይ አኒካ ዴና ኢሲ ኢሲ ጊሻ ማግፋቲ ሳሎን ዲዛ አሳናፔ አቲን ጊቲስ። \* 3:14 ታይ 21:9 \* 3:24 ማቶ 14:3፤ ማር 6:17፤ ሉቃ 3:19-20



ፒንሳን ኢሲፌ ዲሺን ኔ ኢዛ ጊሽ ማርካቶ አደዘ ሄኮ ማቆስ፤ አሲካ ኢዛኮ ቤስ” ጊዳ። 27 ጥሃኒሲካ ኢስታስ “አናስካ ያሳፌ ኢሜቶንታ ዲሺን አይኮይካ ዳና ዳንዳዮና።

28 “ታኒ ኢዛፍ ሲንሳታ ኪቴታዲስ አቲን ያና ጊዳ ኪርስቶሲ ታና ግዲኬ’ ጋዳ ታ ኢንቴስ ጥቶይሳስ ኢንቴ ኢንቴ ሁዔራ ታ ማርካታ። \* 29 ሳርጌ ዎዴ ኤካና ሚሺራይ ዲዛዴይ ኢዚካ ሚሺራ። ሚሺራ ላጌይ ጊዲኮ ሚሺራዛ አቻን ኤቁዲ ሚሺራዚ ጊዛዝ ሲዮስ። ሚሺራዛ ዓላ ሲይዲ ኡፋዮቴስ። ሄሳ ጊሽ ታ ኡፋይሲ ሃዒ ፖሎቲዲስ። 30 ኢዚ ጶቁ ጶቁ ጋና ማላ ታካ ዘቁ ዘቁ ጋና ኮሺስ።

31 “ፑዴፕ ዩዛዴይ ኡባፌ ቦላ። ጋርሳ ቢታፌ ዩዳዴይ ኢዚ ቢታፌኔ ቢታዚ ዮቴስ። ሳሎፕ ዩዛዴይ ኢዚ ኡባፌ ቦላ። 32 ኢዚ ባ ቤዩዳዚኔ ባ ሲዩዳዝ ማርካቴስ። ጊዶ አቲን ኢዛ ማርካቴስ ኤኪዛዴይ ዴና። 33 ኢዛ ማርካቴስ ኤኪዛዴይ ጊዲኮ ያሳ ቱማንቻ ጊዲዳይሳ ቆንጨሴስ። 34 ያሲ ኪቴዳዴይ ያሳ ቃላ ዮቴስ። ያሲካ ኢዛዴስ ባ አያና ማኪ ኢሜና።

35 “አዋይ ባ ና ዶሴስ። ሃኒዛ ዮፖ ዉርሲ ኢዛ ኩሺን አሲ ኢሜስ። \* 36 ናዛን አማኒዛዴስ ሜርና ዴዎይ ዴስ። ናዛን አማኖንታይ ጊዲኮ ያሳ ሃንቆይ ኢዛ ቦላ ዳና አቲን ዴዎ ዴሜና” ጊዴስ።

4

1 ሄ ዎዴ ዮሱሲ ጥሃኒሳፕ ቦላራ ዳሮ አሳ ባና ካሊዛዴይ አሲዛይሳኔ ማቆዛይሳ ፋርሳዌቲ ሲዩዳ። 2 ጊዶ አቲን ማቆዛይቲ ኢዛ ካሊዛይታፕ አቲን ኢዚ ማቆዛይና። 3 ኢዛ ጊሽ ሃሳዮቲዛይሳ ፋርሳዌቲ ሲዩዳ ዮሱሲ ኤሪዲ ዮሁዳ ዴሬ አጊዲ ጋሊላ ዴሬ ሲሚ ቢዴስ። 4 ኢዚ ሄ ቢሺን ሳማሪያራ አዲ ባናይሲ ኢዛስ አቶንታዝ ጊዲዴስ።

5 ሄሳ ጊሽ ሲካሮ ጌቴቲዛሶ ሳማሪያ ካታማ ቢዴስ። ሲካራ ያቆቤይ ባ ና ዮሴፌስ ኢሚዳ ቢታ አቻን ዳዉስ። \* 6 ሄንካ ያቆቤ ሃሳ አላይ ዴስ። ዮሱሲ አጌ ሃሙቲ ዳቡሪዳ ጊሽ ሄ አላይ አቻን ኡቴዴስ። ዎዴይካ ጋላሳፌ ኡሱፑን ሳቴ ማላ።

7 ሄሳ ዎዴ ኢሲ ሳማሪያ ዴሬ ማጫስ ዲዛራ ሃሴ ዱቃናስ ሄ ሃሳ አላኮ ያዱስ። ዮሱሲካ ኢዞ “ታና ሃሴ ኡሻ” ጊዴስ። \* 8 ሄሲ ሃኒሺን ዮሱሳ ካሊዛይቲ ቁማ ሻማና ካታማ ቢዳ። 9 ሂና ሳማሪያ ማጫሳያ ዮሱሳ “ኔ አይሁዳ አስ ጊዳ ኡታዳ ዋናዳ ታና ሳማሪያ ማጫስ ‘ሃሴ ኡሻ’ ጋ አይቻይ?” ጋዱስ። ኢዛ ሄሳ ጊዳይ አይሁዳ አሳሲኔ ሳማሪያ አሳስ ጋንቴሲ ዶንታ ጊሻሳ። \*

10 ዮሱሲካ ኢዚስ “ዮሳ ኢሞታይኔ ኔና ‘ታና ሃሴ ኡሻ’ ጊዛዴይ ኢዚ አናኮኔ ኔ ኤሪዛኮ ኔ ኢዛ ዎሳናስ ቤሴስ። ኢዚካ ኔስ ዴዎ ሃሴ ኢማናኮሺን” ጊዴስ። 11 ኢዛካ ኢዛስ “ጎዶ! ኔስ ሃሴ ዱቁዛ ሚሺ ዴና፤ ሃሳ አላይካ ዳሮ ጨማ፤ ሂስቲን ኔ ዴዎ ሃሴ አዋፕ ዴማኔ? 12 ኔ ሃይሳ ሃሳ አላዛ ኑስ ኢሚዳ ኑ አዋ ያቆቤፕ አዳይ? ኢዚኔ ኢዛ ናይቲ ኢዛ ሜሄቲካ ሃይሳ ሃ አላፌ ሃሴ ኡዩዳ” ጋዱስ።

13 ዮሱሲ ኢዚስ “ሃይሳ ሃ ሃላፌ ኡዩዛይ ዉሪ ናምግንሶ ሳሞቲዲ ዛሪ ሃራ ኡያናሺን። 14 ታ ኢሚዛ ሃሴ ኡዩዛዴይ ጊዲኮ ሜርናስ ሙሌካ ሳሞቴና። ጋሶይካ ታ ኢሚዛ ሃሴ ኡዩዛዴስ ሜርና ዴዎስ ፑልቲዛ ፑልቶ ሃሴ ጊዳና” ጊዴስ።

15 ማጫሳያካ “ጎዶ! ሃይሳፌ ጉዮ ታና ሃሴ ሳሞንታ ማላኔ ቃሴካ ታ ሃሴ ዱቃና ሃ ዮንታ ማላ ሄሳ ኔ ጊዛ ሃሳ ማላ ሃሴ ታስ ኢማርኪ?” ጋዱስ። 16 ዮሱሲካ ኢዞ “ባዳኔ ኔ አዚና ዪይጋ ኤካዳ ያ” ጊዴስ። 17 ማጫሳያካ ዛራዳ “ታስ አዚናይ ዴና” ጋዱስ። ኢዚ ሂዝጊን ዮሱሲ “ኔ ታስ አዚናይ ዴና ጉሳይ ቱሙኮ። 18 ጋሶይካ ካሴ ኔስ ኢቻሾ አዚናቲ ዴቴስ። ቃሴ ሃዒ ኔናራ ዲዛይሲ ኔ አዚና ጊዴና። ሄሳ ጊሽ ኔ ቱሙ ጋዳሳ” ጊዴስ።

19 ማጫሳያ ኢዛስ “ጎዶ! ኔኒ ናቤ ጊዲዳይሳ ታ ሃዒ ኤራዲስ። 20 ካሴ ኑ አዋቲ ሃይሳ ዙማ ቦላ ጎይኒዳ። ኢንቴ ቃሴ ‘አሳይ ጎይናናስ ቤሲዛሶይ ዮሩሳላሜንኮ!’ ጌታ” ጋዱስ።

21 ዮሱሲካ ኢዚስ “ሃኔ ማጫሳዮ፣ ያሳ አዋስ ሃይሳ ዙማ ቦላ ዎይኮ ዮሩሳላሜን ኢንቴ ጎይናንታ ዎዴይ ያናይሳ አማና፤ 22 ኢንቴ ኢንቴ ኤርንታ ያሳስ ጎይኔታ። ኑ ጊዲኮ አሳስ አቶቴሲ አይሁዳፕ ጊዲዳ ጊሽ ኑኒ ኑ ኤሪዛ ያሳስ ጎይናስ። 23 ጊዶ አቲን ቱሙ ጎይኒዛይቲ ያሳ አዋስ አያናኒኔ ቱማን ጎይኒዛ ዎዴይ ቡሮ ያና። ሃራይ አቶሺን ሃዒካ ዩዴስ። ያሳ አዋይካ ኮዩዛይ ሄሳ ማላ ጎይኒዛይታ።

24 ያሲ ባ ሁዔስ አያና፤ ኢዛ ጎይኒዛይቲ አይናኒኔ ቱማን ጎይናናስ ቤሴስ” ጊዴስ። 25 ማጫሳያካ “ኪርስቶሲ ያናይሳ ታ ኤራይስ፤ ኢዚ ዩዲ ሃኒዛዝ ዉርሲ ኑስ ዮታና” ጋዱስ።

26 ዮሱሲካ ኢዚስ “ሃዒ ኔናራ ሃሳዩዛይ ታ ኢዛ” ጊዴስ። 27 ሄሲ ሃኒሺን ኢዛ ካሊዛይቲ ባ ቢዳሶፕ ሲሚዳ። ዮሱሲ ማጫሳራ ሃሳዩዛይሳ ማላሌቲዳ። ጊዶ አቲን “ሃኔ አይ ኮያይ? ዎይኮ ሃኒራ አዛስ ሃሳያይ?” ጊዲ አኒካ አይቺቤና። 28 ሄሳፌ ጉዮ ማጫሳያ አቶዛ ሄን አጋጋዳ ጌዴ ካታማ ባዳ አሳስ፤ 29 “ታ አሲዳዝ ዉርሲ ታስ ዮቴዳዴ ሃ ዩዲ ቤይቴ። አኔ ኤሪዛይ ያሲ ቲዩዳ ኪርስቶሲ ኢዛኮኔ!” ጋዱስ።

30 አስካ ካታማፕ ኪዚዲ ዮሱሳኮ ቢዴስ። 31 ሄ ዎዴ ዮሱሳ ካሊዛይቲ ዮሱሳ “አስታማሬ! ቁማ ማ” ጊዲ ዎሲዳ። 32 ኢዚ ቃስ “ኢንቴ ኤርንታይ ታ ሚዛ ቁማይ ታስ ዴስ” ጊዴስ።

33 ሄሳ ጊሽ ኢዛ ካሊዛይቲ “አይኮ ሚዛ ካስ አሲ ኢዛስ ኤሂዴሻ?” ጊዲ ባ ጊዶን ሃሳዮቲዳ 34 ዮሱሲካ ኢስታስ ዛሪዲ “ታ ቁማይ ታና ኪቲዳ ታ አዋ ሼኔ ሶሶኔ ኢዛ አሶ ፖሎ። 35 ኢንቴ ቃስ ‘ካሳ ማግይ ጋካናስ ቡሮ አይዱ አጊናይ አቲዴስ’ ጌታ ጊዴኬቲ? ቃስ ታ ጊዲኮ ኢንቴና ‘ጶቁ ጊዲ ካሳይ ማግ ጋኪዳይሳ ዪሊቴ’ ጋይስ። 36 ማግዛዴይ ባ ዳዋዛ ኤካና። ሜርናስ ጊዲዛ አይፌ ሺሻና። ሄሳ ጊሽ ዜሪዛዴይኔ ማግዛዴይ ኢሲፌ ኡፌዮታና። 37 ሄሳ ጊሽ ኢሳዴይ ዜራና፤ ሃራ አሲ ማግና

\* 3:28 ጥሃ 1:20 \* 3:35 ማቶ 11:27፤ ሉቃ 10:22 \* 4:5 ሜዴ 33:19፤ ኢያ 24:32 \* 4:7 ቲካናስ ጊዛ ቃላ ኢሲ ኢሲ ጋሞ አሳቲ ዱቃናስ ጌቴስ። \* 4:9 ሂዚ 4:1-5፤ ኢያ 4:1-2



ጌቱቲዛ ለሚሰይ ቱማ። 38 ታ ኢንቴና ኢንቴ ዳቡርንታይሳ ማፃና ማላ ዩዳዲስ። ሃራቲ አሶን ዳቡሪዳ። ጊዶ አቲን ኢንቴ ኢስታ ዳቡርሳን ጎጫቲዶታ” ጊዶስ።

39 ማጫሳያ “ታ አሲዳዚ ወርሲ ታስ ኢዚ ዮቲዶስ” ጋዳ አሳስ ማርካቲዳ ማላ ካታማፕ ዳሮ ሳማሪያ አሳይ ኢዛን አማኒዶስ። 40 ሄሳ ጊሽ ሳማሪያ አሳይ ዮሱሳኮ ዩዳኔ ኢዚ ኢስታኮን ጋምዓና ማላ ዎሲዳ። ኢዚካ ናምዑ ጋላስ ሄን ጋምዒዶስ። 41 ኢዛ ቃላ ሲይዲ ዳሮ አሳይ ኢዛ አማኒዶስ። 42 ማጫሳዮካ “ሃሲ ኑ ኢዛ አማኒዳይ ኔ ዮቲዳ ቃላ ጊሽ ፃላ ጊዶንታ ኑካ ኑ ባጋራ ኢዛፕ ሲዩዳ ጊሽኔ ቱማፕ ኢዚ ደሬ አሽዛዴ ጊዲዳይሳ ኤሪዳ ጊሻሳ” ጊዳ።

**ዮሱሲ ሹሜዛ ናዛ ፓሲዶስ**

43 ዮሱሲ ሳማሪያን ናምዑ ጋላስ ጋምዒዳፕ ጉዩ ጋሊላ ቢዶስ። 44 ኢዚ ባ ባጋራ “ናቤይ ባ ደሬን ቦንፔቴና” ጊ ዮቲዶስ። \* 45 ጊዶ አቲን ኢዚ ጋሊላ ቢን ጋሊላ አሳይ ኢዛ ሎዴሲ ሞኪ ኤኪዶስ። ጋሶይካ ፓዚጋ ባዓሌ ቦንቻና ዩሩሳላሜ ቢዳሶን ሄን ዲሺን ኢዚ አሲዳይሳ ወርሲ ቤዩዳ ጊሻሳ። \*

46 ሄሳፊ ጉዩ ዮሱሲ ሃሴ ዎይኔ ጫጄ አሲዳ ጋሊላ ደሬ ጊዶን ዲዛ ቃና ጌቱቲዛ ካታማ ናምዓንሶ ቢዶስ። ሄ ዎዴ ቂሬርናሆሜን ኢዛስ ናይ ሳኬቲዳ ኢሲ ካዎ ሹሜይ ደስ። \* 47 ኢዚካ ዮሱሲ ዩሁዳ ደሬፕ ጊዶ ጋሊላ ዩዳይሳ ሲይዲ ዮሱሳኮ ቢዶስ። ዮሱሲ ዱጌ ቂሬርናሆሜ ዎዳና ማላኔ ዳሮ ሳኬቲዳ ሃይቃና ጊዛ ናዛ ፓሳና ማላ ዮሱሳኮ ዎሲዶስ። 48 ዮሱሲካ ኢዛስ “ኢንቴ ጊታ ማላታታኔ ማላሊሲዛዛ ቤዮንታ አይኮካ አማኔኬታ” ጊዶስ።

49 ሹሜዚካ ዛሪዲ “ጎዶ፣ ታ ናዚ ሃይቆንታ ኤሌላ ዎዳርኪ!” ጊዶስ። 50 ዮሱሲካ ኢዛ “ኔኒ ኔሶ ባ! ናዚ ፓዲዶስ” ጊዶስ። አዴዚካ ዮሱሲ ኢዛስ ዮቲዳ ቃላ አማኒዲ ሶ ሲሚ ቢዶስ። 51 ኢዚ ሶ ቢሺን ኢዛ አሽካራቲ ኢዛራ አጌን ጋጊዲ “ኔ ናዚ ፓዲዶስ” ጊዲ ኢዛስ ዮቲዳ።

52 ሹሜዚካ ናዚ አይ ሳቲን ፓዲዳኮኔ ኢስታ ዛሪ አይቺዶስ። ኢስቲካ ኢዛስ “ቃማ ጋላሳፊ ላፕን ሳቲን ኢዛ ሚቺዳይሲ አጊዶስ” ጊዳ። † 53 ናዛ አዋይካ ዮሱሲ “ኔ ናዚ ፓዲዶስ” ጊዳይ ሄ ኢስቲ ኢዛስ ዮቲዳ ዎዴ ጊዲዳይሳ ኤሪዶስ። ሄሳ ጊሽ ሄ ጋላሳፊ አይኪዲ ኢዚኔ ኢዛ ሶ አሳይ ወራ ዮሱሳ አማኒዳ።

54 ሃይሲ ማላታይ ዮሱሲ ዩሁዳፕ ጋሊላ ዩዲ አሲዳ ናምዓንሶ ማላታ።

5

**ዮሱሲ ኢሲ ቶሆይ ሲሊዳዴ ፓሲዶስ**

1 ሄሳፊ ካሊዲ አይሁዳታ ባዓሌይ ዲዛ ጊሽ ዮሱሲ ዩሩሳላሜ ቢዶስ። 2 ዩሩሳላሜን ዶርሲ ጌሊዛ ፕንጌ አቻን ኢብራዌታ ቃላራ “ቤቴሳይዳ” ጌቱቲዛ ኢሲ ፑልቶሬ ሺቂዲ ኤሊዳ ሃሲ ደስ። ኢዛፕ ቦላራ ካማይ ዲዛ ኢቻሹ አጌቲ ዴቲስ። \* 3 ዳሮ ሃርጋንቻቲ፣ አይፌ ቆቁቲ፣ ቶሆ ዎቤቲኔ ቶሆ ሲላቲ አጌ ቦላ ኢቺዲ ሃሳይ ቃዲታና ጋካናስ ናጌቲስ። 4 ኢሲ ኢሲ ዎዴ ጎዳ ኪታንቻይ ሃሳን ዎዲዲ ሃሳ ቃሴስ። ሃሳ ቃሳፊ ካሊዲ ኮይርቲዲ ሃሳን ጌሊዛ ሃርጋንቻይ ባና ሳኪዛ አይ ሃርጌሬካ ፓዲስ። † 5 ሄን ጋዳን ሄሹ ታማኔ አሱፕን ላይሶ ኩሚሶ ሳኬቲዳ ኢሳዴይ ደስ። 6 ዮሱሲ አዴዛ ሄን ኢቺዳይሳ ቤዩዲኔ ኢዚ ዳሮ ላይሶ ሳኬቲዳይሳ ኤሪዲ “ኔ ፓዳና ኮያይ?” ጊዶስ።

7 ሃርጋንቻዚካ ዛሪዲ “ጎዶ! ሃሳይ ቃዲቲዛ ዎዴ ታና ሃሳን ጌልሲዛ አሲ ዴና፤ ታ ቡሮ ባና ጊሺን ሃራይ ታፕ ካሴቲ ሃሳን ጌሌስ” ጊዶስ 8 ዮሱሲካ ኢዛ “ዴንዳ! ኔ ኢቺዳ አልጋ ቶካዳ ባ!” ጊዶስ።

9 አዴዚካ ሄራካ ፓዲዶስ። ባ አልጋ ቶኪ ኤኪዲ ቢዶስ። ሄሲ ሃኒዳይ አይሁዳታ ሳምባታ ጋላሳ። 10 ሄሳ ጊሽ አይሁዳታ ሃላቃቲ ፓዲዳ አዴዛ “ሃሹ ሳምባታራ ኔ አልጋ ቶካና ማላ ሙሴ ዎጋይ አዛዘና” ጊዳ። \* 11 ኢዚካ ኢስታስ “ኔ ኢቺዳ አልጋ ቶካዳ ባ’ ጊ ዮቲዶስ” ጊዶስ። 12 ኢስቲካ “ኔና አልጋ ቶካዳ ባ ጊዳይ አኔ?” ጊ አይቺዳ። 13 ዴሬይ ዳሪዳ ጊሺኔ ዮሱሲ ሄፕ ሃኪ ቢዳ ጊሽ ኢዛ አኒ ፓሲዳኮኔ አዴዚ ኤሪቤና።

14 ሄሳፊ ጉዩ ዮሱሲ አዴዛ ያሳ ኬሳን ዴሚዲ “ሄኮ ሃሲ ኔ ፓዳዳሳ፤ ካሴይሳፊ አዲዛ ኢታ ሚሺ ኔ ቦላ ጋኮንታ ማላ ናምዓንሶ ናጋራ አሶፋ” ጊዶስ

15 አዴዚካ ቢዲኔ ኢዛ ፓሲዳይ ዮሱሳኮ ጊዲዳይሳ አይሁዳታ ሃላቃታስ ዮቲዶስ። 16 አዴዛ ሳምባታ ጋላስ ፓሲዳ ጊሽ አይሁዳታ ዳናቲ ዮሱሳኮ አይካና ዩዴሲዳ። 17 ዮሱሲካ ኢስታስ “ታ አዋይ ኡባ ዎዴ አሴስ፣ ታካ አሳና” ጊዶስ። 18 ሄሳ ጋሶን አይሁዳታ ዳናቲ ዮሱሳኮ ዎዳና ማላ ካሴፕ አሲ ዴንፎሲዳ። ቃሴ ኢዚ ሳምባታ ሞሪዳ ጊሽ ፃላ ጊዶንታ “ዮሲ ታ አዋ” ጊዳ ጊሺኔ ባና ያሳራ ጊኒሲዳ ጊሻሳ።

**ዮሳ ና ጎዳቴሰ**

19 ዮሱሲ ኢስታስ “ታ ኢንቴስ ቱሙ ጋይስ፤ አዋይ አሲሺን ቤዩዳይሳ አሶፕ አቲን ናዚ ባ ሺኔን አይኔ አሴና። አዋይ አሲዳይሳ ኢዛ ናይ ሄሳሳካ አሴስ። 20 ጋሶይካ አዋይ ናዛ ዶሴስ። ባ አሲዳይሳካ ወርሲ ኢዛ ቤሴስ፤ ኢንቴ ማላሌታና ማላ ሃይሳፊካ አዲዛ አሶ ቡሮ ቤሳና። 21 አዋይ ሃይቂዳይታ ዴንሲዳይሳሶኔ ዴዎ ኢሚዳይሳካ ናዚካ ሄሳሳ ባ ኮዩዳይስ ዴዎ ኢማና። 22 አዋይ አና

\* 4:44 ማቶ 13:57፤ ማር 6:4፤ ሉቃ 4:24 \* 4:45 ዮሃ 2:23 \* 4:46 ዮሃ 2:1-11 † 4:52 ቃማ ጊዛ ቃላ ኢሲ ኢሲ ባጋ ጋሞ ቃላን ዚኔ ጌቲስ። \* 5:2 ቤቴሳይዳ ኢሲ ኢሲ ጊሻ ማፃፋቲ “ቤቴዛታ” ጊሺን ሃራይቲ ቃሴካ “ቤቴሳይዳ” ጌቲስ። ቢሪሽላይካ “ማሮቴሳ ኬላ” ጉሳ። † 5:4 ኢሲ ኢሲ ጊሻ ማፃፋቲ ፓይዶ ሄሻስ ወርሴሳ ቦላፕ ቢዲ አይዱ ወርሴሳ ጋካናዉ ዲዛ ቆፋ ጉጂቴና። \* 5:10 ናሂ 13:19፤ ኤር 17:21

በላካ ፐርደና። ጊዶ አቲን ፐርዳ ማታ ወርሲ ባ ናዛስ ኢሚደስ። 23 ኢዚ ሄሳሶ አሲዳይ አሳይ ወሪ አዋ ቦንቻና ማላኔ ቃሴካ ናዛካ ቦንቻና ማላሳ። ናዛ ቦንቻንታይ ናዛ ኪቲዳ አዋካ ቦንቻና።

24 “ታ ኢንቴስ ቱማ ጋይስ፣ ታ ቃላ ሲዩዛደሲኔ ታና ኪቲዳዴን አማንዛዴስ ሜርና ዴዶይ ዴስ። ኢዛዴይ ሃይቆፕ ጊዴ ዴዶን ፕኒደስ አቲን ኢዛ ቦላ ፐርደና። 25 ታ ኢንቴስ ቱማ ጋይስ፣ ካሴ ሃይቆዳ አሳቲ ዶሳ ና ቃላ ሲዩዛ ዎዴይ ያና፤ ሄ ዎዴያካ ሃና፤ ሲዩዛይቲ ወሪ ዴዶን ዴአና። 26 ጋሶይካ አዋይ ባ ባጋራ ዴዶይ ዲዛ ማላ ናዚካ ባ ባጋራ ዴዶይ ዳና ማላ አሲደስ። 27 ኢዚ አሳ ና ጊዴዳ ጊሽ ፐርዳና ማላ ጎዳቴስ ኢዛስ ኢሚደስ። 28 ሃይሳን አይኮካ ማላሌቶፍቴ። ጋሶይካ ቡሮ ካሴ ሃይቆዳ ዱፎን ዲዛይቲ ወሪ ኢዛ ቃላ ጊሪስ ሲዩዛ ዎዴይ ያና። 29 ሎዎ አሲዳይቲ ሃይቆፕ ዴንዲዲ ፓዓና። ጊዶ አቲን ኢታ አሲዳይቲ ሃይቆፕ ዴንዲዲ ፐርደታና። \*

**ዩሱሳስ ማርካቲዳ አሳታ**

30 “ታ ታ ሼኔን አይኮካ አሳናስ ዳንዳይኬ፤ ጊዶ አቲን ታ አዋፕ ታ ሲዩዳ ማላ ፐርዳይስ። ታና ኪቲዳይሳ ሼኔ አሳይስ አቲን ታ ሼኔን ታ አሳንታ ጊሽ ታ ፐርዳን ባላይ ባዋ። 31 ታኒ ታ ጊሽ ታርካ ማርካቲኮ ታ ማርካይ ቱሙ ጊዴና። 32 ጊዶ አቲን ታ ጊሽ ማርካቲዛዴይ ሃራይ ዴስ። ኢዚካ ታ ጊሽ ማርካቲዛዴ ማርካቲላይ ቱሙ ጊዲዳይሳ ታ ኤራይስ። 33 ኢንቴ የሃኒሳኮ አሴ ኪቲዴታ ሺን ኢዚካ ቱሙ ማርካቲዴስ። \* 34 ታ ሃይሳ ጊዛይ ኢንቴ አታና ማላ አቲን ታስ ሃራ ማርካቲሳ ኮሺዳ ጊሽ ጊዴና። 35 የሃኒሲ ኤዲዲ ፖሊሲዛ ፖዎ ማላ። ኢንቴካ ጉሳ ዎዴ ኢዛ ፖዎን ኡፋዮታና ኮዩዴታ። 36 ታስ ጊዲኮ የሃኒሳ ማርካቲላዴ አዲዛ ማርካይ ዴስ። ታ ማርካይካ ታ አዋይ ታስ ኢሚዳ አሶ። ሄሲካ ታ አሲዛ አሶይ ታ አዋይ ታና ኪቲዳይሳ ታስ ማርካቲስ። 37 ታና ኪቲዳ ታ አዋይካ ባ ሁዔራ ታስ ማርካቲዴስ። ኢንቴ ጊዲኮ ኢዛ ቃላ ጊሪስ ሙሌካ ሲይቤይኬታ። ኢዛስ ሜዳካ ሙሌራ ቤይቤኬታ። \* 38 ኢዚ ኪቲዳዴን ኢንቴ አማኖንታ ጊሽ ኢዛ ቃላይ ኢንቴ አቻን ዴና። 39 ኢንቴስ ጊሻ ማፋታፕ ሜርና ዴዶ ዴማናስ ሚሳቲን ማፋታ ፒሊጌታ፤ ማፋቲካ ታ ጊሽ ማርካቲሳ። 40 ጊዶ አቲን ኢንቴ ዴዶ ዴማናስ ታኮ ሃ ያና ኮዩኬታ።

41 “ታ አሳፕ ቦንቻ ኮዩኬ። 42 ታ ኢንቴና ኤራይስ፤ ዶሳ ሲቆይ ኢንቴናን ባይንዳይሳካ ኤራይስ። 43 ታኒ ታ አዋ ሱንሳን ያዲስ ሺን ኢንቴ ታና ሞኪ ኤኪቤኬታ። ሃራ አሲ ቃሴ ባ ሱንሳን ዩኮ ኢንቴ ኢዛ ሞኪ ኤኬታ። 44 ኢንቴ ኢንቴ ጊዶን ኢሶይ ኢሳፌ ቦንቻ ኮዩዛይቶ! ኢሲ ዶሳፌ ቤቲዛ ቦንቻ ኮዩንታይቶ ኢንቴ ዋኒዲ ታና አማናና ዳንዳይቲ? 45 ታ አዋ ሲንሳን ኢንቴና ሞታናይ ኢንቴስ ታና ሚሳቶ። ኢንቴና ሞታናይ ኢንቴ ኢዛ ሂዶታ አሲዛ ሙሴ፤ 46 ሙሴይ ታ ጊሽ ሃሬዳይሳ አማንዳኮ ኢንቴ ታና አማናና። 47 ኢዚ ሃሬዳይሳ ኢንቴ አማኖንታ አጊኮ ቃሴ ታ ቃላ ኢንቴ ዋኒ አማናኔ?” ጊዴስ።

6

**ዩሱሲ ኢቻሹ ሺ አሳ ሚዚደስ**

(ማቶ 14:13-21፤ ማር 6:30-44፤ ሉቃ 9:10-17)

1 ሄሳፌ ጉዩ ዩሱሲ ዪቢራዶሴ ጌቲዛሶ ጋሲላ አባፌ ሄ ፒንሳ ፕኒደስ። 2 ዩሱሲ ሃርጋንቻታ ፓሲዳ ማላታ ቤዩዳ ጊሽ ዳሮ አሳይ ኢዛ ካሊዴስ። 3 ዩሱሲ ባና ካሊዛይታራ ፕዴ ዙማ ቦላ ኬዚ ኡቲደስ። 4 ሄ ዎዴ አይሁዳታ ፓዚጋ ባግሌይ ማቲ ኡቲደስ። 5 ሄ ዎዴ ዳሮ ዴሬይ ኢዛኮ ዩዛይሳ ዩሱሲ ዶቁ ጊ ዪሊዲ ፒሊጳሳ “ሃይሳ ዴራስ ጊዳና ቁማ አዋፕ ሻማና ዳንዳይቲ?” ጊዴስ። 6 ዩሱሲ ፒሊጳሳ ሄሳሶ አይቻዳይ ኢዛ ፓጫናስ ጊዲፕ አቲን ኢዚ ባ አሳናይሳ ኤራስ።

7 ፒሊጳሳካ ኢዛስ “ኢሲ ኢሳዴስ ኢሲ ባርስ ጊዲዛ ካሳ ሻሚዛኮካ ናምዑ ዩቱ ዲናሬን ሻሚዳ ካሲካ ሃይሳስ ጊዴና” ጊዴስ። 8 ዩሱሳ ካሊዛይታፕ ኢሶይ ሲሞና ጴፎሮሳ ኢሻ ኢንዲራሲ። 9 “ኢቻሹ ባንጋ ኡኬሲኔ ናምዑ ሞሌ አይኪዳ ኢሲ ናይ ሃይሳን ዴስ። ጊዶ አቲን ሃና ሃይሳ ሃ ዴሬዛስ አይ ጊዳኔ?” ጊዴስ።

10 ዩሱሲካ ዛሪዲ “አሳ ኡባ ኡቲሲቱ” ጊዴስ። ሄን ጋዳን ዳሮ ማታይ ዲዛ ጊሽ አሳይ ኡቲደስ። አሳ ቆዳይካ ኢቻሹ ሺ ጊዲዛዛ። 11 ሄሳፌ ጉዩ ዩሱሲ ኡኬሳ ኤኪዲ ጋላታ ዎሳ ዎሲዲ ኡቲዳ አሳስ ጊሽዴስ። ሞሌዛካ ሄሳሳካ ጊሹቻዴስ። አሳይ ወሪካ ባስ ጊዲዛዝ ዴሚዴስ። 12 አሳይ ወሪካ ካሊ ሚን ዩሱሲ ባና ካሊዛይታ “ማዳን አቲዳ ካሳ ኢሲኖካ አሾንታ ሺሺቱ” ጊዴስ። 13 ኢስቲካ አሳይ ሚሺን ኢቻሹ ኡኬሳፌ አቲዳ ታማኔ ናምዑ ሌማቴ ኩሜሳ ሺሺዳ።

14 አሳቲካ ዩሱሲ አሲዳ ማላታ ቤዩዲ “ሃይሳዴይ ቱማፕ ሃ አላሜ ያና ናቤዛኮ!” ጊዴስ። 15 አሳይ ቃሴ ዎልቃራ ዩሱሳ ካዎሳና ቆፐዳይሳ ኤራዲ ዩሱሲ ቃሴካ ኢስታፌ ሃኪ ቢዲ ዙማ ቦላ ኬዚዴስ።

**ዩሱሲ አባ ቦላራ ሃሙቲዴስ**

(ማቶ 14:22-27፤ ማር 6:45-52)

16 ጋዴይ ቃሚሺን ዩሱሳ ካሊዛይቲ ዱጌ አባኮ ዎዲዳ። 17 ዎንሎን ጌሊዲ ቂሬርናሆሜ ባና ኬዚዳ። ኢስቲ ኬዚሺን ጋዴይ ዲሚዴስ። ዩሱሲ ሄሳ ጋካናሲካ ኢስታኮ ዩቤና። 18 ዎልቃማ ጫርኮይ ጫርኪዛ ጊሽ አባይ ኬሂ ቃዲዴስ። 19 ኢዛ ካሊዛይቲ ባጋ ሳቱ ኦጌ ማላ ዎንሎዛ ሳጊዳፕ ጉዩ ዩሱሲ አባ ቦላራ ቶሆራ ሃሙቲ ዎንሎዛኮ ማቲሺን ዴሚዲ ባቢዳ። 20 ኢዚካ ኢስታስ “ታናኮ! ባቦፍቲ!” ጊዴስ። 21 ኢስቲካ ኢዛ ኡፋይሳራ ጌዴ ዎንሎዛ ጊዶ ኤካና ኮይዳ። ሄራካ ዎንሎዚካ ኢስቲ ባናሶ ጋኪዴስ።

\* 5:29 ዳኔ 12:2 \* 5:33 የሃ 1:19-27፤ 3:27-30 \* 5:37 ማቶ 3:17፤ ማር 1:11፤ ሉቃ 3:22

**ዮሴፊ አሳስ ደቦ ቁማ**

22 አባሬ ሄ ፒንሳን አቲዳ አሳይ ዎንቴሳ ጋላስ አባ ቦላ ኢሲ ዎንሎይ ሃላ ዲዛር ቤዩዴስ። ዮሴፊ ካሊዛይቲ ካሴ ባርካ ቢዳይሳኔ ዮሴፊ ኢስታራ ዎንሎን ጌሎንታይሳ ኤሪዳ። 23 ጊዶ አቲን ሃንኮ ዎንሎቲ ሂቢራዶሴፕ ዴንዲዲ ዮሴፊ ጋላታ ዎሳ ዎሲን አሳይ ካሳ ሚዳሶ ዩዳ። 24 አሳቲካ ዮሴፊ ዎይኮ ኢዛ ካሊዛይቲ ሄን ባይንዳይሳ ቤዩዲ ሄ ዎንሎታን ጌሊዲ ዮሴፊ ኮሽ ቁሬርናሆሜ ቢዴስ።

25 አባሬ ሄ ፒንሳን ኢዛ ዴሚዲ “አስታማሬ! ኔ አይዴ ሃይሳ ያዲ?” ጊዳ። 26 ዮሴፊካ ኢስታስ “ታ ኢንቴስ ቱማ ጋይስ ኢንቴ ታና ኮዩዛይ ካስ ሚ ካሊዳ ጊሽ አቲን ማላታ ቤዩዳ ጊሽ ጊዴና። 27 ጳያና ካሳስ አሳፍቴ። ጊዶ አቲን ሄሳሬ አሲዲ ያሳ አዋይ አማንሲዛ ማታሜ ኢዛ ቦላ ሾጪዳ ጊሽ አሳ ናይ ኢንቴስ ኢሚዛ ሜርና ዴዎስ ጊዲዛ ካሳስ አሲቴ” ጊዴስ። 28 ኢስቲካ ኢዛ “ሂስቲን ያሳ አሶ አሳናስ ኑ አይ አሲኖ?” ጊዳ። 29 ዮሴፊካ “ያሳ አሶይ ያሲ ኪቲዳ ኢዛ ናዛን አማኖ” ጊዲ ኢስታስ ዛሪዴስ።

30 ኢስቲካ ኢዛስ “ኑ ቤዩዲ ኔና አማናና ማላ ኔ ኑና አይ ማላታ ቤሳኔ? ቃሴካ አይ አሳኔ? 31 ‘ኢስቲ ማና ማላ ኢስታስ ቁማ ሳሎፕ ኢሚዴስ’ ጌቴቲ ሃፌቲዳ ማላ ካሴ ኑ አዋቲ ባዞ ቢታን ማና ጌቴቲካ ካስ ሚዳ” ጊዳ። \* 32 ዮሴፊ ኢስታስ “ታ ኢንቴስ ቱሙ ጋይስ፤ ሳሎፕ ዎዲዳ ቁማ ኢንቴስ ኢሚዳይ ሙሴ ጊዴና። ቱሙ ቁማ ሳሎፕ ኢንቴስ ኢሚዛይ ታ አዋ። 33 ጋሶይካ ያሳ ቁማይ ሳሎፕ ዎዲዲ አላሜስ ዴዎ ኢሚዛይሳ” ጊዴስ። 34 ሄሳ ጊሽ አሳይ “ጎዶ ሄሳ ማላ ቁማ ኑስ ኡባ ዎዴ ኢማርኪ!” ጊዴስ።

35 ዮሴፊካ ኢስታስ “ዴዎ ቁማይ ታና፤ ታኮ ዩዛ አሲ ሙሴካ ጋፌቴና፤ ታና አማንዛዴይ አይዴካ ሳሜቴና። 36 ካሴ ታ ኢንቴስ ጊዳ ማላ ኢንቴ ታና ቤይዴታ ሺን አማንቤይኬታ። 37 ታ አዋይ ታስ ኢሚዛይ ወሪካ ታኮ ያና። ታኮ ዩዛዴ ታ ጌዴ ካሪ ጎዲኬ። 38 ጋሶይካ ታ ሳሎፕ ዎዲዳይ ታና ኪቲዳይሳ ሺኔ አሳናስ አቲን ታ ሺኔ አሳናስ ጊዴና። 39 ታና ኪቲዳይሳ ሺኔይ ታስ ኢሚዳይታፕ ኢሳይካ ጳይሶንታ ወርሴሳ ጋላስ ታ ዴንሳና። 40 ኤ ታ ሺኔይ ናዛ ቤዩዲ ኢዛ አማንዛዴይ ወሪ ሜርና ዴዎ ዴማናሳ። ታኒካ ወርሴሳ ጋላስ ኢዛ ሃይቆፕ ዴንሳና” ጊዴስ። 41 ሄሳ ጊሽ ዮሴፊ “ሳሎፕ ዎዲዳ ቁማይ ታና” ጊዳ ጊሽ አይሁዳቲ ኢዛ ቦላ ዙዙሜቲዳ። 42 “ሃይሲ ዮሴፊ ና ዮሴፊ ጊዴኔ? ኢዛ አዋይ ኢዛ አዮ ኑ ኤርኮኒ? ሂስቲን ሃኒ ኢዚ ‘ሳሎፕ ዎዲዳስ’ ዋኒ ጊዬ?” ጊዳ።

43 ዮሴፊካ ኢስታስ “ኢንቴ ኢንቴ ጊዶን ዙዙሜታ። 44 ታና ኪቲዳ ታ አዋይ ሄይጊዳዴሬ አቲን ታኮ ያና ዳንዳዩዛዴይ አኒካ ዴና። ባርካ ታኮ ያና ዳንዳዩዛይ አኒካ ዴና። ታኮ ዩዛዴካ ወርሴሳ ጋላስ ታ ኢዛ ሃይቆፕ ዴንሳና። 45 ናቤታ ማፃፋታን አሳይ ወሪ ያሳሬ ታማሪዳዴ ጊዳና ጌቴቲ ሃፌቲዴስ። ሄሳ ጊሽ አዋፕ ሲይዲ ታማሪዳ አሲ ወሪ ታኮ ያና። \* 46 ሄሳ ጉሲ አዋ ቤዩዳ አሲ ዴስ ጉሲ ጊዴና። አዋ ቤዩዳይ ያሳ አቻሬ ዩዳይሳ ሃላ። 47 ታ ኢንቴስ ቱማ ጋይስ፤ ታናን አማንዳ አሳስ ሜርና ዴዎይ ዴስ። 48 ታኒ ዴዎ ቁማ። 49 ካሴ ኢንቴ አዋቲ ባዞ ቢታን ማና ሚዳ። ጊዶ አቲን ወሪካ ሃይቁዳ። 50 ሳሎፕ ዎዲዳ ቁማይ ሃይሳ። ሃይሳ ሚዛዴይ ሙሴካ ሃይቁና። 51 ሳሎፕ ዎዲዳ ዴዎ ቁማይ ታና። ሃይሳ ሃ ቁማፕ ሚዛዴይ ወሪካ ሜርናስ ዳና። አላሜስ ዴዎ ጊዳና ማላ ታ ኢሚዛ ቁማይ ታ አሾዛ” ጊዴስ።

52 ሄሳ ዎዴ አይሁዳቲ “ሃይሲ አዴዚ ኑ ኢዛ አሾ ማና ማላ ዎስቲ ኢማኔ?” ጊዲ ባ ጊዶን ፓላሜቲዳ። 53 ሄሳ ጊሽ ዮሴፊ ኢስታ “ታ ኢንቴስ ቱሙ ጋይስ፤ አሳ ና አሾ ኢንቴ ሞንታ አጊኮ። ኢዛ ሱሲካ ኡዮንታ አጊኮ ኢንቴስ ዴዎይ ዴና። 54 ታ አሾ ሚዛዴስ፤ ታ ሱሲ ኡዩዛዴስ ኡባስ ሜርና ዴዎይ ዴስ። ታካ ኢዛዴ ወርሴሳ ጋላስ ሃይቆፕ ዴንሳና። 55 ጋሶይካ ታ አሾይ ቱሙ ቁማ። ታ ሱሳይካ ቱሙ ኡሻ። 56 ታ አሾ ሚዛይኔ ታ ሱሲ ኡዩዛይ ወሪ ታናን ዳና። ታካ ኢዛዴን ዳና። 57 ዴዎ አዋይ ታና ኪቲዳ ማላኔ ታካ ኢዛን ዴዎን ዲዛ ማላ ሄሳሶካ ታ አሾ ሚዛዴይ ወሪ ታናን ዴዎን ዳና። 58 ሄሳ ጊሽ ሳሎፕ ዎዲዳ ቁማይ ሃይሳ። ኢዚካ ካሴ ኢንቴ አዋቲ ሚዳይሳ ማላ ጊዴና። ጋሶይካ ሄ ቁማ ሚዳይቲ ሃይቁዳ። ሃ ቁማ ሚዛይቲ ጊዲኮ ሜርናስ ዳና” ጊዴስ። 59 ዮሴፊ ሃይሳ ቁሬርናሆሜን አይሁዳታ ዎሳ ኬሳን ታማርሲዛ ዎዴ ዮቲዴስ።

**ሜርና ዴዎ ቃላ**

60 ኢዛ ካሊዛይታፕ ዳሪዛይቲ ሄሳ ሲይዲ “ሃይሲ ዮዎዚ ዴዎ፤ ሃይሳ አኒ ኤካና ዳንዳዩዛ?” ጊዳ። 61 ዮሴፊካ ኢዛ ካሊዛይቲ ሄሳ ዮዎዛ ጊሽ ዙዙሜቲዳይሳ ባ ዎዝናን ኤሪዲ “ሃይሲ ኢንቴና ዴዲዬ? 62 አሳ ናይ ኪርስቶስ ባ ዲዛሶ ሲሚ ኬዚሺን ቤይኮ ኢንቴ አይ ጋኔ? 63 አሳስ ዴዎ ኢሚዛይ ያሳ አያናኮ! አሳ ዎልቃይ ቃሴ አይኔ ጎዴና፤ ታ ኢንቴስ ዮቲዳ ቃላይ ዴዎ ኢሚዛ አያና። 64 ጊዶ አቲን ኢንቴ ጊዶን ኢሲ ኢሲ አማኖንታ አሳቲ ዴቴስ” ጊዴስ። ዮሴፊ ኢስታስ ሄሳ ጊዳይ ኮይርፕ ዶሚዲ ኢስታ ጊዶን አማኖንታይቲ አናንታኮኔ ቃሴ ኢዛ አሲ ኢማናዴይካ አናኮኔ ኤሪዛ ጊሻሳ። 65 ካሌሲዲካ ዮሴፊ “አዋ ሺኔይ ባይንዳ ታኮ ሃ ያና ዳንዳዩዛዴይ ዴና ጋዳ ታ ኢንቴስ ዮቲዳይ ሄሳሳ” ጊዴስ።

66 ሄሳሬ ዴንዲዳይሳን ኢዛ ካሊዛይታፕ ዳርቲ ጉዩ ሲሚዳ። ሄ ጋላሳሬ ዶሚዲ ዮሴፊ ካሎ አጊዳ። 67 ሄሳ ጊሽ ዮሴፊ ባና ካሊዛ ታማኔ ናምዓታ “ኢንቴካ ባና ኮዩቲ?” ጊዴስ። 68 ሄሳ ዎዴ ሲሞና ጌቴቲዛ ጴጥሮስ “ጎዶ ኔስ ሜርና ዴዎይ ቃላይ ዲሺን ኑ አናኮ ባኔ? 69 ኔ ጊሻ ያሳ ና ጊዲዳይሳ ኤሪዲ ኑኒ አማንዶስ” ጊዴስ። 70 ዮሴፊካ ኢስታ “ታ ኢንቴና ታማኔ ናምዓታ ዶሪቤኪና? ሂስቲን ኢንቴሬ ኢሶይ ሃላዔ” ጊዴስ። 71 ኢዚ ሄሳ ጊዳይ ሲሞና ና አስቆርንቶ ዮሁዳ ጊሻሳ። አይሲ ጊኮ ዮሁዳይ ታማኔ ናምዓታፕ ኢሳ ጊዲዳኮካ ዮሴፊ አሲ ኢማናይ ኢዛ ጊዲዳ ጊሻሳ።

\* 6:31 ኬሳ 16:4፥15፤ ማዛ 78:24 \* 6:45 ኢሳ 54:13



7

**ዮሱሲ ዳሴ ባዓሌስ ዮሩሳሌም ቢዴስ**

1 ሄሳፌ ጉዬ ዮሱሲ ጋሊላ ጊዶን ዮሁዳውያን ገብሮቹ። ጋሶይካ አይሁዳቲ ኢዛ ወዳና ኮዩዛ ገሻሳ። 2 ሄ ወዴ አይሁዳታ ዳሴ ባዓሌይ ማቲ ኡቲዴስ። 3 ሄሳ ገሽ ዮሱሳ ኢሻቲ ኢዛኮ ሸቂዲ “ኔና ካሊዛይቲ ኔ ኦሲዛ ኦሶዛ ቢያና ማላ ኔ ሃይሳፌ ዴንዳዳ ዮሁዳ ዴሬ ባ፤ 4 ጋሶይካ ቆንጮን ኤሬታና ኮዩዛዴይ ባ ኦሶ ጌማን ኦሴና። ኔካ ሃይታንታ ዉርሳ ኦሳሽ ኔና ኦሳሜን ቆንጮሳና ኮሽስ” ጊዳ። 5 ኢስቲ ሄሳ ጊዳ ጋሶይ ኢዛ ኢሻታካ ጊዲን ኢዛን ኦማናንታይታ ጊዲዳ ገሻሳ።

6 ዮሱሲካ ኢስታስ “ታ ወዴይ ቡሮ ጋኪቤና፤ ኢንቲ ወዴይ ጊዲኮ ኡባ ወዴ ኢንቲስ ጊጋኮ። 7 ዴሬይ ኢንቲና ኢዳና ዳንዳዮና። ታና ጊዲኮ ኢዳስ፤ ጋሶይካ ታ ኦሳሜ ኦሶይ ኢታ ጊዲዳይሳ ኢዛስ ማርካቲዛ ገሻሳ። 8 ሃሲ ኢንቲ ጌዴ ባዓሌዛሶ ቢቲ። ታስ ወዴይ ጋኮንታ ገሽ ሃይሳ ሃ ባዓሌዛሶ ታ ቢኬ” ጊዴስ። 9 ሄሳ ጊዲ ዮሱሲ ጋሊላን ኦቲዴስ።

**ዮሱሲ ዳሴ ባዓሌሶን ቤቲዴስ**

10 ጊዶ ኦቲን ኢዛ ኢሻቲ ባዓሌዛሶ ቢዳፕ ጉዬ ዮሱሲ ቆንጮራ ጊዶንታ ቆታራ ባዓሌዛሶ ቢዴስ። 11 አይሁዳቲ “ኢዚ ኦዋን ዲዜ?” ገሽ ባዓሌዛሶን ኮይዳ። 12 ዴሬይካ ኢዛ ገሽ ጊዶራ ሳሱኪ ሃሳዮቲዴስ። ኢሲ ኢሲ ኦሳቲ “ኢዚ ሎዎ ኦሳ” ገሽን ባጋይ ቃሴ “ሎዎ ጊዴና። ኢዚ ዴሬ ባሌሴስ” ጊዳ። 13 ጊዶ ኦቲን አይሁዳታ ዳናታስ ባቢዛ ገሽ ኦኒካ ኢዛ ገሽ ቆንጮን ሃሳይቤና።

14 ባዓሌዚ ዉራና ባጋ ጋኪሽን ዮሱሲ ዶሳ ኬሴ ቢዲ ታማርሶ ኦይኪዴስ። 15 አይሁዳቲ “ሃይሲ አዴዚ ታማርንታ ዲሽ ሃይሳ ዉርሲ ዎስቲ ኤሪዴ?” ጊዲ ማላሌቲዳ።

16 ሄሳ ገሽ ዮሱሲ “ታ ታማርሲዛ ቲማርቲይ ታና ኪቲዳ ታ ኦዋፕ ታስ ኢሜቲዴስ ኦቲን ታፕ ጊዴና። 17 ታና ኪቲዳይሳ ሽኔ ኦሳና ኮዩዛዴይ ዲኮ ሃይሲ ሃ ቲማርቲይ ዶሳፌ ቤቲዳይሳ ወይኮ ታ ታፕ ሃሳይዳይሳ ጊዲኮካ ኤራና። 18 ባፕ ሃሳዩዛዴይ ባ ቦንቾ ኮዩስ። ኪቲዳዴ ቦንቾ ኮዩዛዴይ ጊዲኮ ኢዚ ቱማንቻ። ዎርዶይ ኢዛ ቦላ ዴና። 19 ሙሴይ ኢንቲስ ዎጋ ኢሚዴስ ጊዴኔ? ጊዲኮካ ኢንቲ ጊዶን ዎጋ ናጊ ፖሊዳዴይ ኦኒካ ዴና። ኢንቲ ኦዛስ ታና ወዳና ኮዩቲ?” ጊዴስ።

20 ዴሬይካ ኢዛ “ኔ ቦላ ዳይዳንሲ ዴስ! ኔና ወዳና ኮዩዛይ ኦኒ?” ጊዴስ። \*

21 ዮሱሲካ ኢስታስ “ታ ኢሲ ኦሶ ኦሳዲስ፤ ኢንቲ ዉሪካ ሃና ሃ ኦሶይን ማላሌቲታ። 22 ሙሴይ ኢንቲስ ቃግራ ዎጋ ኢሚዴስ፤ ሄ ዎጋይካ ኢሜቲዳይ ካሴ ኦዋታፕ ቤቲዴስ ኦቲን ሙሴፕ ጊዴና። ሂስቲን ሄኮ ኢንቲካ ሳምባታ ጋላሲካ ኦስ ቃግራታ። \* 23 ሂስቲኮ ሙሴ ዎጋይ ሻሬቶንታ ማላ ኦሲ ሳምባታ ጋላስ ቃግራቲዛዝ ጊዲኮ ሂስቲን ታ ሳምባታ ጋላስ ኦሳስ ኩሜሳ ኦሳቲስ ፓሲን ኦዛስ ታ ቦላ ሃንቁቲቲ? \* 24 ሱሬ ፒርዳ ፒርዲቲ ኦቲን ኦሳ ኦይፌሶ ሄሊዲ ማዶ ፒርዳ ፒርዶፍቲ” ጊ ዛሪዴስ።

**ኪርስቶሳ ገሽ ዴንዳዳ ፓላማ**

25 ዮሩሳሌም ኦሳፕ ኢሲ ኢሲ ኦሳቲ “ኢስቲ ወዳና ኮዩዛ አዴዚ ሃይሳ ጊዴኔ? 26 ሄኮ ኢዚ ቆንጮን ሃሳይሱ ሸን ኢስቲ ኢዛ ኦይኮካ ጊቤቲና። ሃይስ ዶሲ ኪቲዳዴ ጊዲዳይሳ ዳናቲ ቱሙ ኤሪዛሻ? 27 ሂስቲን ሃይሲ አዴዚ ኦዋ ኦሳኮኔ ኦ ኤሮስ። ዶሲ ኪቲዳዴይ ዩሸን ቃሴ ኢዚ ኦዋፕኮኔ ኤሪዛዴይ ኦኒካ ዴና” ጊዳ። 28 ሄሳ ገሽ ዮሱሲ ዶሳ ኬሳን ታማርሲሽ ባ ቃላ ጶቁ ሂስቲዲ “ኢንቲ ታና ቱሙ ኤሬታ። ታ ኦዋፕ ዩዳኮኔ ኢንቲ ኤሬታ። ቃሴ ታኒ ታ ሽኔን ያቤኬ። ታና ኪቲዳይሲ ኢዚ ቱማንቻ። ጊዶ ኦቲን ኢንቲ ቃሴ ኢዛ ኤሬኬታ። 29 ታ ጊዲኮ ኢዛ ኦቻፌ ዩዳ ገሽኔ ኢዚ ታና ኪቲዳ ገሽ ታ ኢዛ ኤሬይስ” ጊዴስ። 30 ሄሳ ወዴ ኢዛ ኦይካናስ ኮይዳ፤ ጊዶ ኦቲን ቡሮ ወዴይ ጋኪቤና ገሽ ኦኒካ ኦይኪቤና። 31 ጊዲኮካ ዴሬዛፕ ዳሮይ ኢዛን ኦማኒዴስ። ኦሳይ “ዶሲ ኪቲዳዴይ ዩዛ ወዴ ሃይሲ አዴዚ ኦሶ ማላታፕ ቦላራ ሃራ ኦሳኔ?” ጊዴስ።

**ዮሱሳ ኦይካና ዎታዳራቲ ኪቲቲዳ**

32 ኦሳይ ዮሱሳ ገሽ ጋርሳራ ሳሱኬቲ ሃሳዮቲሽን ፋርሳዌቲ ሲዩዳ። ሄሳ ገሽ ቄሴታ ሃላቃቲኔ ፋርሳዌቲ ዮሱሳ ኦይካናስ ዶሳ ኬሳ ፕንጌ ናጊዛይታ ዩዲዳ። 33 ሄ ወዴ ዮሱሲ “ታ ኢንቲናራ ጉሳ ወዴ ዳሻና፤ ሄሳፌ ጉዬ ታና ኪቲዳይሳኮ ታ ሲማ ባና። 34 ኢንቲ ታና ኮያና ሸን ዴሜኬታ። ኢንቲ ታ ዲዛሶ ያናስ ዳንዳዮኬታ” ጊዴስ።

35 ሄሳ ገሽ አይሁዳታ ዳናቲ ባ ጊዶን ኢሶይ ኢሳራ “ሃይሲ አዴዚ ኦ ዴምንታ ማላ ኦዋ ባኔሻ? ኦኔ ኤሪዛይ ጊሪኬታ ጊዶ ላሌቲ ዲዛ አይሁዳታኮ ቢዲ ጊሪኬታ ታማርሳኔሻ? 36 ኢዚ ‘ኢንቲ ታና ኮያና ሸን ዴሜኬታ፤ ታ ዲዛሶ ኢንቲ ያናስ ዳንዳዮኬታ’ ገሽን ሄሲ ኦይ ጉሴ?” ጊዳ።

**ዴዎ ሃሴ**

37 ጊታ ባዓሌዛ ዉርሴሳ ጋላስ ዮሱሲ ዴንዲ ኤቂዲኔ ባ ቃላ ጶቁ ሂስቲዲ “ሃሴ ሳሜቲዳዴይ ዲኮ ሃ ታኮ ዩዲ ኡዮ። \* 38 ገሻ ማግፋይ ጊዳ ማላ ታና ኦማኒዛዴሬ ዴዎ ሃሳ ፑልቶይ ፑልታና” ጊዴስ። \* 39 ኢዚ ሄሳ ጊዳይ ኢዛን ኦማኒዛይቲ ቡሮፕ ኤካና ሂሎ ኦያና ገሻሳ። ጋሶይካ ዮሱሲ ቦንቼቲዛ ወዴይ ቡሮ ጋኮንታ ገሽ ሂሎ ኦያናይ ኢሜቲቤና።

**ዴሬዛ ጊዶን ሻኬቲሲ ሜዴቲዴስ**

\* 7:20 ዳይዳንሲ ጉሲ ሃሳና ኦሳንቻታ ጉሳ። \* 7:22 ሌዌ 12:3፤ ሜዴ 17:10 \* 7:23 ዮሃ 5:9 \* 7:37 ሌዌ 23:36 \* 7:38 ሂዚ 47:1፤ ዛካ 14:8



40 ሄሳ ጊሽ ደሬዛፍ ኢሲ ኢሲ አሳቲ ሄ ቃላ ሲይዲ “ያና ጊዛ ናቤይ ቱማፍ ሃይሳ” ጊዳ። 41 ሃራቲ “ሃይስ ያሲ ኪቲዳዴ” ጊዳ። ባጋይቲ ቃሴ “ያሲ ኪቲዳዴይ ጋሊላፍ ዋኒ ያኔ? 42 ያሲ ኪቲዳዴይ ዳዉቱ ዜሬሳፌ ዮሌታናይሳኔ ዳዉቱ ካታማ ቤቱሌማፍ ያናይሲ ካሴ ጊሻ ማፃፋን ፃፌቲቤኔ?” ጊዳ። \* 43 ሄሳ ጊሽ ኢዛ ጋሶን ደሬይ ባ ጊዶን ሻኬቲ ዎዲዴስ። 44 ኢስታፌ ኢሲ ኢሲ አሳቲ ኢዛ አይካና ኮይዳ። ጊዶ አቲን አኒካ ኢዛ አይኪቤና።

**አይሁዳታ ዳናቲ አማኒቤቴና**

45 ሄሳፌ ጉዬ ያሳ ኬሴ ናጊዛይቲ ቁሴታ ሃላቃታኮኔ ፋርሳዌታኮ ሲሚዲ ቢዳ። ኢስቲካ “አዛስ ኢዛ ኤኮንታ ዩዴቲ?” ጊዳ። 46 ዎታዳራቲካ ዛሪዲ “ሃ አዴዚ ሃሳዩዛይሳ ማላ አይ አሲካ ሃሳዩ ኤሬና” ጊዳ።

47 ፋርሳዌቲ ኢስታ “ኢንቴካ ባሌቲዴቲ? 48 ዳናታፍ ዎይኮ ፋርሳዌታፍ ኢዛ አማኒዳይቲ ዲዞሻ? 49 ሃይሲ ሙሴ ዎጋ ኤርንታ ደሬይ ቱማፍ ቃንጌቲዳይሳ” ጊዳ።

50 ሃይሳፌ ካሴ ዮሱሳኮ ቢዳ ፋርሳዌታፍ ኢሳ ጊዲዳ ኒቆዲሞሲ ኢስታስ \* 51 “ኑ ዎጋን ኢሲ ሞቲቲዛዴይ ባ ሞቶስ ዛሮ ኢሚን ሲዮንታኔ ኢዚ አይ አሲዳኮኔ ኤሬቶንታ ዲሺን ፐርዳይ ፐርዴቲ ኤሪዜ?” ጊዴስ።

52 ኢስቲካ “ኔካ ጋሊላ አሴ? ጋሊላፍ ናቤይ ዴንዶንታይሳ ፐልጋዳ ጋካ ኤራ” ጊዳ። 53 ሄሳፌ ጉዬ ኢሶይ ኢሶይ ባሶ ቢዴስ። †

**8**

**ላይማን አይኬቲዳ ማጫሳዮ**

1 ሄሳፌ ጉዬ ዮሱሲ ዳብራዛይቱ ቢዴስ። 2 ዎንቴሳ ጋላስ ማላዶ ዎንታራ ያሳ ኬሴ ሲሚ ዩዴስ። ዴሬይካ ዉሪ ኢዛኮ ዩን ኢዚ ኡቲዲ ኢስታ ታማርሶ አይኪዴስ። 3 ሙሴ ዎጋ ታማርሲዛይቲኔ ፋርሳዌቲ ኢሲ ላይማታሼ አይኬቲዳ ማጫስ ዲዛሮ ኤኪ ዩዲ ዴሬ ሲንሳን ኤሲዳ። 4 ዮሱሳካ “አስታማሬ! ሄኮ ሃና ማጫሳዮ ላይማታሼ አይኬታዱስ። 5 ሃኒ ማላ ማጫሲ ሹቻን ጫዴታ ሃይቃና ማላ ሙሴይ ኑ ዎጋን ኑና አዛዚዴስ፤ ኔኒች ሃኒ ጊሽ አይ ጋይ?” ጊዳ። \* 6 ኢስቲ ኢዛ ሄሳ ጊዳይ ኢዛ ባላ ሞቶስ ጊዲዛ ጋሶ ዴማናሲኔ ኢዛ ፓጫና ኮይዳ ጊሻሳ። ጊዶ አቲን ዮሱሲ ሆክዲ ቢታ ቦሳ ባ ቢራዴራ ፃፎ አይኪዴስ።

7 ኢስቲ ኢዛ ዛሪ ዛሪ አይቺን ዶቁ ጊዲ “ኢንቴ ጊዶፌ ናጋራይ ባይንዳ አሲ ኮይሮ ሹቺ ኢዚ ቦላ አሎ” ጊዴስ። 8 ሄሳፌ ቃሴካ ሆኪዲ ቢታ ቦላ ፃፊዴስ። 9-10 ኢስቲካ ሄሳ ሲይዲ ጫማታፍ አይኪዲ ዉሪካ ኢሶይ ኢሶይ ቢዴስ። ሄሳ ጊሽ ዮሱሲ ሄን ኤቂዳ ማጫሳይራ ፃላ አቲዴስ። “ሞቲዛይቲ አዋን ዲዞ? ኔ ቦላ ፐርዲዳይ አኒካ ዴኔ?” ጊዴስ።

11 ኢዛካ “ጎዶ አኒካ ባዎ” ጋዱስ። ዮሱሲካ “ታካ ኔ ቦላ ፐርዲኬ፤ ባ! ናምዓንሶ ናጋራ አሶፋ” ጊዴስ። \*

**ዮሱሲ አላሜስ ፖዎ**

12 ቃሴ ዮሱሲ “ታኒ አላሜስ ፖዎ። ታና ካሊዛይይ ዉሪ ዴዎ ፖዎ ዴማና። ዱማን ሲሜሬቴና” ጊዲ ኢስታስ ዮቲዴስ። \* 13 ፋርሳዌቲ “ኔኒ ኔ ጊሽ ማርካታሳ፤ ኔ ማርካይ ቱሙ ጊዴና” ጊዳ። \*

14 ዮሱሲካ ኢስታስ “ታኒ ታ ጊሽ አይ ማርካቲኮካ ታ አዋፍ ዩዳኮኔ ቃሴ ታ አዋ ባናኮኔ ታ ኤሪዛ ጊሽ ታ ማርካቴስ ቱማ። ኢንቴ ጊዲኮ ታ አዋፍ ዩዳኮኔ ቃሴ አዋ ባናኮኔ ኤሬኬታ። 15 ኢንቴ አሻ ቆፋ ማላ ፐርዴታ። ታ ጊዲኮ አና ቦሳካ ፐርዲኬ። 16 ታ ፐርዲኮካ ታ ፐርዳይ ቱሙ ፐርዳ። ጋሶይካ ታ ታርካ ፐርዲኬ፤ ታና ኪቲዳ ታ አዋይካ ታናራ ዴስ። 17 ናምዑ አሳታ ማርካይ ቱሙ ጊዲዳይሲ ኢንቴ ዎጋን ፃፌቲዴስ። 18 ሄሳ ጊሽ ታኒ ታ ጊሽ ማርካታይስ፤ ታና ኪቲዳ ታ አዋይካ ታስ ማርካቴስ” ጊ ዛሪዴስ። 19 ኢስቲካ “ኔ አዋይ አዋን ዲዜ?” ጊዲ ኢዛ አይቺዳ። ዮሱሲካ ኢስታስ “ታና ጊዲን ታ አዋካ ጊዲን ኢንቴ ኤሬኬታ፤ ኢንቴ ታና ኤሪዛኮ ታ አዋካ ኤራናኮሺን” ጊዲ ኢስታስ ዛሪዴስ።

20 ዮሱሲ ሄሳ ኢስታስ ዮቲዳይ ያሳ ኬሳ ጊቤን ሚሼ ዎሲዛ ሳፂኔ አቻን ታማርሲሼ ዮቲዴስ ሺን ኢዛስ አይኬቲዛ ዎዴይ ጋኮንታ ጊሽ አኒካ ኢዛ አይኪቤና። 21 ዮሱሲ ቃሴካ “ታ ባና ሺን ኢንቴ ታና ኮያናኔ ኢንቴ ኢንቴ ናጋራራ ሃይቃና አቲን ታ ቢዛሶ ባና ዳንዳዩኬታ” ጊዴስ።

22 አይሁዳቲካ ባ ጊዶን ኢሶይ ኢሳራ ኢዚ “ታ ቢዛሶ ኢንቴ ባና ዳንዳዩኬታ ጊዛይ ባርካ ባና ዎዳናሴሻ?” ጌቲቲዳ።

23 ኢዚ ቃሴ ኢስታ “ኢንቴ ጋርሳ አሳ፤ ታኒ ቦላ አሳ፤ ኢንቴ ሃይሳ አላሜ አሳ፤ ታኒ ሃ አላሜፍ ጊዲኬ። 24 ኢንቴ ታ አናኮኔ ኤሬዲ አማኖንታ አጊኮ ኢንቴ ኢንቴ ናጋራራ ሃይቃና ጊሽ ታ ኢንቴ ኢንቴ ናጋራራ ሃይቃና ጊዳይ ሄሳ ጊሻሳ” ጊዴስ።

\* 7:42 2ሳሚ 7:12፤ ሚክ 5:2 \* 7:50 የሃ 3:1-2 † 7:53 ሄሳፌ ጉዬ ኢሶይ ኢሶይ ባሶ ቢዴስ ጊዛ ቃላይ ኢሲ ኢሲ ጊሻ ማፃፋታን ፃፌቲቤና። \* 8:5 ሌዌ 20:10፤ ዛሬ 22:22-24 \* 8:11 ዳሮ ማፃፋቲኔ ካሴ ቤኒ ዎዴ ጊሻ ማፃፋታ ቢርሼሳቲ ሼምፖ 7:53። ሼምፖ 8:11 ጋካናዉ ዲዛ ቆፋቲ ጉጄቲቤቴና። ኢሶቲ ኢሶቲ የሃረግ ሚሼራቾ ማፃፋን ሼምፖ 21:34፤ ጉዬራ ጌሊሴቲስ። ሃራቲ ቃሴ ሉቃሳ ሚሼራቾ ሼምፖ 21:38፤ ጉዬራ ጌሊሴቲስ። ኢሲ ኢሲ ጊሻ ማፃፋቲ ቃሴካ የሃረግ 7:36፤ ጉዬራ ጌሊሴቲስ። \* 8:12 ማቶ 5:14፤ የሃ 9:5 \* 8:13 የሃ 5:31

25 ኢስቲካ ኢዛ “ኔ ኦኔ?” ጊዳ። ዮሱሲካ ኢስታስ “ሃሂ ጋካናስ ታ ኢንቴስ ኢዛ ጊሽ ጥቲዛዴይ ታና። 26 ታ ኢንቴ ቦላ ሃሳያናይሲኔ ፐርዳዛ ዮዶይ ዳሮይ ዴስ። ጊዶ ኦቲን ታና ኪቲዳዴይ አማኔቲዳዴይ፤ ታካ ኢዛፔ ሲዩዳይሳ ሃ አላማዛስ ጥታይስ” ጊዴስ።

27 ኢዚ ኢስታስ አዋ ጊሽ ጥቲዛይሳ አኬኪቤቴና። 28 ሄሳ ጊሽ ዮሱሲ “ኢንቴ አሳ ና ዶቁ ሂስቲዲ ካቂዳ ዎዴ ታኒ ኢዛ ጊዳዴይ ታና ጊዲዳይሳ ኢንቴ ኤራና። አዋይ ታና ታማርሲዳይሳ ጥታይስ አቲን ታኒ ታ ሼኔ ማላ አይኮካ አሶንታይሳ ኢንቴ አኬካና። 29 ታና ኪቲዳይሲ ኢዚ ታናራ ዴስ። አይ ዎዴካ ታ ኡፋይሲዛዝ አሲዛ ጊሽ ኢዚ ታና ሃላላ ዩጊ አጊቤና” ጊዴስ። 30 ኢዚ ሄሳ ጥቲዳ ማላ ዳሮ አሳይ ኢዛን አማኒዴስ።

**ፖዎ ናይታ**

31 ዮሱሲ ባና አማኒዳ አይሁዳታ “ኢንቴ ቱሙ ታ ቃላን ዲኮ ኢንቴ ቱማፔ ታና ካሊዛይታ ጊዳና። 32 ቱማይ አዛኮኔ ኢንቴ ኤራናኔ ቱማይካ ኢንቴና ዎዛና” ጊዴስ።

33 ኢስቲካ ኢዛስ ዛሪዲ “ኑኒ አብራሃሜ ናይታኮ! ኑ አናስካ አይሌቲ ኤሮኮ። ሂስቲን ኔ ኑና ዋናዳ ኢንቴ ዎይታና ጋይ?” ጊዳ። \*

34 ዮሱሲካ ኢስታስ “ታ ኢንቴስ ቱሙ ጋይስ፤ ናጋራ አሲዛዴይ ዉሪ ናጋራስ አይሌ፤ 35 አይ ዎዴካ አይሌይ ሶን ሉጊ ዴዴና። ዮሎይ ጊዲኮ አይዴካ ሶን ዴስ። 36 ሂስቲኮ ናዚ ኢንቴና ዎይኮ ኢንቴ ዎይቲዳይታ ጊዳና። 37 ኢንቴ አብራሃሜ ናይታ ጊዲዳይሳ ታ ኤራይስ። ጊዶ ኦቲን ታ ቃላ ኢንቴ ኤሮ ጊ ኤኮንታ ጊሽ ታና ዎዳናስ ኮዮታ። 38 ታኒ ታ አዋ አቻን ቤዩዳይሳ ኢንቴስ ጥታይስ። ኢንቴ ቃሴ ኢንቴ አዋፔ ሲዩዳይሳ አሴታ” ጊዴስ።

39 ኢስቲካ ኢዛስ “ኑ አዋይ አብራሃሜ” ጊዲ ዛሪ ጥቲን፤ ዮሱሲ ኢስታስ “ኢንቴ አብራሃሜ ና ጊዲዳይኮ አብራሃሜሶ አሳና። 40 ኢንቴ ጊዲኮ ታ ያሳፌ ሲዩዳ ቱማ ኢንቴስ ጥቲን ታና ዎዳናስ ጊዲ ዴንዲዴይታ። ጊዶ ኦቲን አብራሃሜይ ሄሳሶ አሲቤና። 41 ኢንቴ ኢንቴ አዋሶ አሴታ” ጊዴስ። ኢስቲካ ዛሪዲ “ኑ ላይማን ዮሌቲዳ ና ጊዶኮ። ኑ አዋይ ኢሲ ያሳ ሃላላ” ጊዲ ኢዛስ ዛሪዳ።

**ዓላዔ ናይታ**

42 ዮሱሲ ኢስታስ “ኢንቴ አዋይ ያሳ ጊዲዳይኮ ታካ ያሳፌ ኬዛ ዩዳ ጊሽ ኢንቴ ታና ዶሳናኮሺን፤ ታና ኢዚ ኪቲዴስ አቲን ታ ታርካ ታ ሼኔን ያቤኬ። 43 ታ ጥቲዛይሳ አይስ ዩሺ ቆፔኬቲ? ጋሶይካ ኢንቴ ታ ቃላ ሲያና ኮዮንታ ጊሻሳ። 44 ኢንቴ ኢንቴ አዋ ዓላዔ ናይታ፤ ኢንቴ አዋ አዋ ፖላና ኮዮታ፤ ኢዚ ካሴካ ሽዎፖ ዎዲዳዴይ። ኢዛ አቻን ቱማይ ዶንታ ጊሽ ኢዚ ቱማን ኤቂቤና። ኢዚ ባ ሁዲስ ዎርዳንቻኔ ዎርዶ አዋ ጊዲዳ ጊሽ ኢዚ ዎርዶ ሃሳያ ባፔ ሜዲ ኤኪዲ ሃሳዮስ። 45 ታ ቃሴ ቱሙ ሃሳዩዛ ጊሽ ኢንቴ ታና አማኔኬታ። 46 ኢንቴ ጊዶፌ ታና ኔ ሃኖ ናጋራ አሳዳሳ ጊዲ ማርካሪ ላሳናስ ዋታና ዳንዳዩዛዴይ ዲዜ? ታ ቱሙ ሃሳዩዛዴይ ጊዲኮ ሂስቲን አዛስ ታና አማኔኬቲ? 47 ያሳፌ ጊዲዳ አሲ ያሲ ጊዛ ሲዮስ። ኢንቴ ጊዲኮ ያሳፌ ጊዶንታ ጊሽ ያሳ ቃላ ሲዮኬታ” ጊዴስ።

**ዮሱሲ ባ ጊሽ ሃሳዩዴስ**

48 አይሁዳቲካ ዛሪዲ “ኑ ኔና ኔ ‘ሳማሪያ አሳ፤ ኔ ቦላ ዳይዳንሲ ዴስ’ ጊዳይስ ቱሙ ዴኔ?” ጊዳ።

49 ዮሱሲ ኢስታስ “ታኒ ታ አዋ ቦንቻይስ አቲን ዳይዳንሲ ታ ቦላ ባዋ። ኢንቴ ጊዲኮ ታና ካዉሼታ። 50 ታኒ ታስ ቦንቻ ኮይኬ። ታ ቦንቻታና ማላ ኮዩዛዴይ ቃሴ ዴስ። ኢዚካ ፐርዳ ፐርዳናዴይ። 51 ታ ኢንቴስ ቱሙ ጋይስ፤ አኒካ ታ ቃላ ናጊኮ ሃይቆ ሙሌካ ሃይቆና” ጊ ዛሪዴስ።

52 አይሁዳቲ ኢዛ “ኔ ቦላ ዳይዳንሲ ዲዛይሳ ሃሂ ኑኒ ኤራይስ። አብራሃሜይ ሃይቂዴስ፤ ናቤቲካ ኢዛሶ ሃይቂዳ። ኔ ቃሴ ‘አኒካ ሙሌ ሃይቆ ቤዮና’ ጋ ጥታሳ። 53 ኔ ኑ አዋ አብራሃሜፔ አዳይ? ኢዚ ሃይቂዴስ፤ ናቤቲካ ሃይቂዳ ሂስቲን ኔ ኔና አና ጋና ኮዶዲ?” ጊዳ። 54 ዮሱሲካ ኢስታስ “ታ ታርካ ታና ቦንቻኮ ታ ቦንቻይ ሃዳ። ታና ቦንቻዛዴይ ጊዲኮ ኢንቴ ‘ኢዚ ኑ ያሳ’ ጊዛይ ታ አዋ። 55 ኢንቴ ኢዛ ኤሮንታ አጊኮካ ታ ቃሴ ኤራይስ። ታ ኢዛ ኤራይስ ጊኮ፤ ታካ ኢንቴ ማላ ዎርዳንቻ ጊዳይስ። ታ ቃሴ ኢዛ ኤራይስ፤ ኢዛ ቃላካ ናጋይስ። 56 ኢንቴ አዋ አብራሃሜይ ታ ጋላስ ቤያናስ አዋቲዲ ቤዴዴስኔ ኡፋዮቲዴስ” ጊዴስ።

57 አይሁዳቲ ቃሴ “ኔስ ቡሮ ኢቻሹ ታሙ ላይስ ኩዋንታ ኔኒ አብራሃሜ ቤያዲ?” ጊዳ።

58 ዮሱሲካ “ታ ኢንቴስ ቱሙ ጋይስ፤ አብራሃሜይ ዮሌታናፔ ካሴካ ታኒ ዳይስ” ጊዴስ።

59 አይሁዳቲ ሄራካ ኢዛ ጫዳናስ ዉሪ ሹቸ ዴንሳዳ። ጊዶ ኦቲን ዮሱሲ ኢስታ ማታፔ ቆቱቲዲ ያሳ ኬሳፌ ኬዚ ቢዴስ።

**ዮሱሲ ቆቁ ጊዲ ዮሌቲዳይሳ አይፌ ፓሲዴስ**

1 ዮሱሲ አጌራ አዲ ቢሼ ባ አዮይ ኡሎፔ ዮሌቶሳፌ አይፌ ቆቂዳዴይ ቤዩዴስ። 2 ኢዛ ካሊዛይቲ ኢዛ “አስታማሬ! ሃይሲ አዴዚ ቆቁ ጊዲ ዮሌታና ማላ ናጋራ አሲዳይ ኦኔ? ኢዛ ዮሊዳይቲ አሲዶዮ? ኢዚ አሲዴ?” ጊዲ ዮሱሳ አይቺዳ። 3 ዮሱሲካ ኢስታስ “ኢዛ ጊዲንካ ኢዛ ዮሊዳይቲካ ናጋራ አሲቤቴና። ኢዚ ሄሳሶ ሃኒዳይ ያሳ አሶይ ኢዛ ቦላ ቆንጫናሳ። 4 ጋላሳራ ታና ኪቲዳዴይ አሶ አሳናስ ታስ ቤሴስ። ቡሮ አኒካ አሳናስ ዳንዳዮንታ ቃማይ ያና። 5 ሃ ቢታ ቦላ ዲዛ ዎዴ ሃ ቢታስ ፖዶይ ታና” ጊዴስ። \*

6 ሄሳ ጊ ሲሚዲ ቢታ ቦላ ጩቸ ጩቲዲ ባ ጩቻን ኡርቃ ሹጊሲዲ አዴዛ አይፌዛ ሄ ኡርቃ ቲዩዲ፤ 7 “ባዳ ሴሊሆሜን አሳይ ሃማቂቲዛሶን ሜጩታ” ጊዴስ። ሴሊሆሜ ጉሲ ኪቱቲዳይሳ ጉሳ።

\* 8:33 ማቶ 3:9፤ ሉቃ 3:8 \* 9:5 ማቶ 5:14፤ ጥሃ 8:12

አደዘካ ቢዲ ሜጠፍቲዲኔ ያሊሽ ሲሚ ዩደስ።<sup>8</sup> ኢዛ ዶሳቲኔ ካሴ ኢዚ ሄን ዎሲሺን ቤዩዳ አሳይ “ሃይሳደይ ካሴ ኡቲዲ ዎሲዛ አደዛ ዴኔ?” ጊዳ።

<sup>9</sup> ኢስታፊ ኢሲ ኢሲ አሳቲ “ኤ ኢዛዎ” ጊዳ። ባጋይቲ “ኢዛ ዴና” ጊዳ። ኢዚ ቃሴ “ታ ኢዛዎ” ጊዴስ።<sup>10</sup> ኢስቲካ “ሂስቲን ኔ አይፊዴ ዋኒ ያሊዴ?” ጊዲ አይቺዳ።<sup>11</sup> ኢዚካ ዛሪዲ “ዩሱሳ ጌቲዛ አሲ ቢታ ቦላ ኡርቃ ሙኑቂዲ ታ አይፊዴ ዛ ኡርቃ ቲዩዲኔ ታና ‘ባዳ ሴሊሆሚን ሜጠፍታ’ ጊዩቲን ታ ባዳ ሜጠፍታዳ ያላናስ ዳንዳዳዲስ” ጊዴስ።<sup>12</sup> ኢስቲካ “ሂስቲን ሄሳደይ ሃሲ አዋን ዲዜ?” ጊዳ። ኢዚካ “ታ ኤሪኬ” ጊዴስ።

**ፋርሳዌቲ አደዘ ዋኒ ፓዒዳኮኔ ቆሮ አይኪዳ**

<sup>13</sup> ኢስቲካ ሄ ካሴ አይፊዴ ቆቁ አደዛ ፋርሳዌታኮ ኤፊዳ።<sup>14</sup> ዩሱሲ ኡርቃ ሙኑቂዲ አደዛ አይፊዴ ፓሲዳ ጋላሳይ አይሁዳታ ሳምባታ ጋላሳ።<sup>15</sup> ሄሳ ጊሽ ፋርሳዌቲ አደዛ ኢዚ ዎስቲ ያሊዳኮኔ ኢዛ አይቺዳ። አደዘካ ዛሪዲ “ኢዚ ታ አይፊዴን ኡርቃ ቲዩዴስ፤ ታካ ሜጠፍታዲስ፤ ሄኮ ሃሲ ያላዲስ” ጊዴስ።<sup>16</sup> ፋርሳዌታፕ ኢሲ ኢሲ አሳቲ “ሃይሲ አደዘ ሳምባታ ቦንቾንታዴ ጊዲዳ ጊሽ ኢዚ ያሳፊ ጊዴና” ጊዳ። ባጋይ ቃሴ “ናጋራንቻይ ሃይሳ ማላ ማላታ ዋኒ አሳና ዳንዳይዜ? ጊዳ። ሄሳ ጊሽ ኢስታ ጊዶን ፓላማይ ሜዴቲዴስ።<sup>17</sup> ሂስቲን ካሴ አይፊዴ ቆቁ አደዛዎ ሲሚዲ “ሃ ኔ አይፊዴ ፓሲዳ አደዛ ጊሽ ኔ አይ ጋይ? ጊዳ። አደዘ ዛሪዲ “ኢዚ ናቤኮ!” ጊዴስ።<sup>18</sup> አይሁዳቲ አደዛ ዩሊዳ አይዩራኔ አዋራ ያይጊሲ ኤሂሳና ጋካናስ አደዘ ካሴ ቆቁ ጊዲዳይሳ አማኒቤቲና።

<sup>19</sup> ኢስቲካ ዩሊዳይታ “ኢንቲ ኑስ ቆቁ ናይ ዩሌቲዴስ” ጊዛ ናዚ ሃይሴ? ሂስቲን ሃሲ ዋኒዲ ያላና ዳንዳይዴ?” ጊዳ።<sup>20</sup> ዩሊዳይቲካ ሂዘጊ ዛሪዳ “ኢዚ ኑ ና ጊዲዳይሳኔ ቆቁ ጊዲዲ ዩሌቲዳይሳ ኤሮስ።<sup>21</sup> ሃሲ ቃሴ ኢዚ ዋኒ ያላና ዳንዳይዳኮኔ ኢዛ አይፊዴ ኦኒ ፓጊዳኮኔ ኑ ኤሮኮ። ኢዚ ባና ዳንዳይዳይ ጊዲዳ ጊሽ ኢዚ ባ ጊሽ ዮታናስ ዳንዳይዩስ፤ ኢዛ አይቺቲ” ጊዳ።<sup>22</sup> ኢዛ ዩሊዳይቲ ሄሳሳ ጊዳይ አኒካ ዩሱሳ ኢዚ ኪርስቶሳ ጊዲ ማርካቲዳይ ወሪ አይሁዳታ ዎሳ ኬሳፊ ጎዴታና ማላ አይሁዳቲ ካሴ ሴራ አሊዳ ጊሽ አይሁዳታስ ባቢዲ ጊዳ።<sup>23</sup> ሄሳ ጊሽ “ኢዛ ዩሊዳይቲ ኢዚ ባና ዳንዳይዳይ ጊዲዳ ጊሽ ኢዛ አይቺቲ” ጊዳ።

<sup>24</sup> ካሴ ቆቁ አደዛ ቃሴካ ያይጊዲ “ሃይሶ ኔ ቲማዮ ዮታዳ ያሳ ቦንቻ። ሃይሲ አደዘ ናጋራንቻ ጊዲዳይሳ ኑ ኤሮስ” ጊዳ።<sup>25</sup> ኢዚካ “ኢዚ ናጋራንቻ ጊዲን ታ ኤሪኬ። ጊዶ አቲን ታ ካሴ ቆቁ ጊዲዳይቲ ቃሴ ሃሲ ታ ያሊዛሮ ሃኖ ያላ ኤራይስ” ጊዴስ።<sup>26</sup> ኢስቲ ቃሴ ኢዛ “ኢዚ ኔስ አይ አሊዴ? ኔ አይፊዴ ዎስቲ ፓጊዴ?” ጊዲ አይቺዳ<sup>27</sup> ኢዚካ “ታ ኢንቲስ ካሴ ዮቲን ዎዝናን ዎሊ ሲይቤኬታ ሺን ሃሲ ቃሴ አዛስ ዛራሲ ሲያና ኮዩቲ? ኢንቲካ ኢዛ ካሊዛይታ ጊዳና ኮዩቲ?” ጊዴስ።<sup>28</sup> ሄሳፊ ጉዩ ኢዛ “ኑ ሙሴ ካሊዛዴንታ፤ ኔ ኢዛ ካሊዛዴ ጊዳ።<sup>29</sup> ካሴ ያሲ ሙሴራ ሃሳዩቲዳይሳ ኑ ኤሮስ። ሃይሲ አደዘ አዋፕ ዩዳኮኔ ኑ ኤሮኮ” ጊዳ።<sup>30</sup> አደዘካ ኢስታስ “ኢዚ አዋፕቲኔ ኢንቲ ኤሮንታይስ ማላሊሴስ። ጊዶ አቲን ታ አይፊዴ ያሊሲዳይዴ ኢዛ።<sup>31</sup> ያሲ ባስ ያዩዛዴሲኔ ኢዛ ሽኔ አሊዛዴስ አቲን ናጋራንቻ አስ ሲዮንታይሳ ኑ ኤሮስ።<sup>32</sup> አይፊዴ ቆቁዲ ዩሌቲዳይ አይፊዴ ያሊዴስ ጊዛይሳ አላሜይ ሜዴቶሳፕ አኒካ ሲዩ ኤሬና።<sup>33</sup> ሃይሳዴይ ያሳፊ ጊዶንታኮ ሃይሳ አሳናስ ዳንዳይዩና” ጊ ዛሪዴስ።<sup>34</sup> ኢስቲካ ኢዛ “ኔኒ ኔስ ሙሌ አሳቴሳይ ናጋራን ሙኑቂቲን ዩሌቲዳይሲ ኑና ታማርሳና ዋና ያላዲ?” ጊዲ ኢዛ ጎዲዳ።

**አያና ዮይይ ዲሚዳዴ**

<sup>35</sup> አደዛ ጎዲዳይሳ ዩሱሲ ሲይዴስ። ኢዛ ዴሚዲኔ “ኔ አሳ ናን አማናይ?” ጊዴስ።<sup>36</sup> አደዘካ “ጎዶ! ታ ኢዛን አማናና ማላ ኢዚ አኔ?” ጊዲ አይቺዴስ።<sup>37</sup> ዩሱሲካ “ኔ ኢዛ ቤዩዳሳ፤ ሃሲ ኔናራ ሃሳዩዛይ ኢዛዎ!” ጊዴስ።<sup>38</sup> አደዘካ “ጎዶ! ኢዛ አማናዲስ” ጊዲ ኢዛስ ሆኪ ጎደኒዴስ።<sup>39</sup> ዩሱሲካ “ቆቁቲ ያላና ማላኔ ያሊዛይቲ ቆቃና ማላ ፐርዳናስ ታ ሃይሳ ሃ አላሜ ያዲስ” ጊዴስ።<sup>40</sup> ኢዛራ ዲዛ ፋርሳዌታፕ ኢሲ ኢሲ አሳቲ ሄሳ ሲይዲ “ሄሲ አይ ጉሴ? ሂስቲን ኑካ ቆቁ?” ጊዳ።<sup>41</sup> ዩሱሲካ ኢስታ “ኢንቲ ቆቁታ ጊዲዳኮ ኢንቲስ ናጋራ ጊዴና ሺን ኢንቲ ሃሲ ኑ ያሎስ” ጊዛ ጊሽ ኢንቲ ናጋራንቻ ጊዲዳ ማላ ዳና” ጊዴስ።

**ሎዎ ሄንሳንቻ**

<sup>1</sup> ዩሱሲ፡ “ታ ኢንቲስ ቱሙ ጋይስ፤ ዶርሳታ ዩሬ ፕንጌራፕ አቲን ሃራ ባጋራ ጉፐ ጌሊዛይ ካይሶኔ ቦንቁዛዴ።<sup>2</sup> ፕንጌራ ጌሊዛዴይ ኢዚ ዶርሳታ ሄሚዛዴ።<sup>3</sup> ፕንጌ ናጊዛዴይ ኢዛስ ፕንጌዛ ዶዩስ። ዶርሳቲካ ኢዛ ቃላ ሲዩቲስ። ባ ዶርሳታ ሱንሳራ ሱንሳራ ያይጊ ኬሴስ።<sup>4</sup> ባይታ ወርሲ ኬሲዳፕ ጉዩ ኢስታ ሲንሳ አዲዲ ካሌሴስ። ዶርሳቲካ ኢዛ ቃላ ኤሪዛ ጊሽ ኢዛ ካሌቲስ።<sup>5</sup> ኢማሳ አሳ ቃላ ኤሮንታ ጊሽ ኢዛፕ ባቃቲቲስ አቲን ሙሌካ ኢዛ ካሌቲና።<sup>6</sup> ዩሱሲ ሄሳ ሌሚሶዛ ኢስታስ ዮቲዴስ ሺን ኢስቲ ቃሴ ኢዚ ኢስታስ ዮቲዳይሳ አይኮካ ኤሪቤቲና።<sup>7</sup> ሄሳ ጊሽ ዩሱሲ ቃሴካ ኢስታስ “ታ ኢንቲስ ቱሙ ጋይስ፤ ዶርሳታ ፕንጌይ ታና።<sup>8</sup> ታፕ ካሴ ዩዳይቲ ወሪ ካይሶኔ ቦንቁዛይታ። ዶርሳቲ ጊዲኮ ኢስቲ ጊዛ ሲይቤቲና<sup>9</sup> ፕንጌይ ታና። ታ ባጋራ ጌሊዛዴይ ወሪ አታና፤ ጌላናኔ ኬዛና፤ ሄሜቲዛሶካ ዴማና።<sup>10</sup> ካይሶይ ካይሶታና፤ ዎዳናሲኔ ዳይሳናስ ያላ ዩስ። ታ ጊዲኮ ኢንቲስ ዶዎይ ዳና ማላኔ ኢንቲስ ኬሂ ዳራና ማላ ያዲስ።

<sup>11</sup> “ታ ሎዎ ሄሚዳይ፤ ሎዎ ሄሚዳይ ባ ሽምፖ ባ ዶርሳታ ጊሽ አሊ ኢሜስ።<sup>12</sup> ሚሽራ ቃግሬቲዲ ሄሚዳይ ጊዲኮ ዶርሳቲ ኢዛስ ጊዶንታ ጊሽ ካና ሱይቲይ ዩዛ ዎዴ ዶርሳታ ዩጊዲ



ባስ ባቃቴስ። ካና ሱይቴይካ ዶርሳታ ዳሬ ዳሬ ሜሲኔ ላሌስ። \* 13 ባቃቴዛዴይ ሚሻን ቃፃሬቴዳዴ ጊዲዳ ጊሺኔ ዶርሳታስ ሚሼቶንታ ጊሻሳ።

14 “ሎዎ ሄንሳንቻይ ታና። ታኒ ታ ዶርሳታ ኤራይስ፤ ኢስቲካ ታና ኤሬቴስ። 15 ሄሲካ አዋይ ታና ኤሪዛይሳ ማላ ታኒ ታ ሼምፖ ዶርሳታ ጊሽ አሳ ኢማና። \* 16 ሃይሳ ሃ ዶርሳ ዩሬን ጌሎንታይቲ ታስ ሃራ ዶርሳቲ ዴቴስ፤ ታ ኢስታካ ሃ ኤሃናስ ታስ ቤሴስ። ኢስቲካ ታ ቃላ ሲያናኔ ኢሲ ሜሄ ጊዳና። ሄሚዛይሲካ ኢሳዴ ጊዳና። 17 ታ ዛራዳ ዴንሳናስ ታ ሼምፖ ታ አሳ ኢሚዛ ጊሽ ታ አዋይ ታና ዶሴስ። 18 ታኒ ታ ሼምፖ ታ ዶሳራ አሳ ኢማዲስ አቲን አኒካ ታፔ ዎሲ ኤኪና፤ ታ አሳ ኢማናስ ጊዲን ዎይኮ ዛራ ዴንሳናስ ጊዲን ሼኔይ ታሳ፤ ሄሳ ሄ አዛዛዛ ታኒ ታ አዋፔ ኤካዲስ” ጊዴስ።

19 ሄሳ ሄ ቃላፔ ዴንዲዳይሳን አይሁዳታ ጊዶን ቃሴካ ሻኬቴሲ ሜዴቴዴስ። 20 ዳሮ አሳይ “ኢዛ ቦላ ዳይዳንሲ ዲዛ ጊሺኔ ንሽ ጊዲዳ ጊሽ ኢንቴ ኢዚ ጊዛይሳ አይስ ሲዮቴ? ጊዳ።

21 ባጋይቲ ቃሴ “ዳይዳንሲ ዲዛዴይ ሃይሳ ማላ ዴና። ዳይዳንሲ ቆቂዳ አይሬ ፓሲ ኤሪዜ?” ጊዳ።

**አይሁዳቲ አማናንታ ኢጊዳ**

22 ዩሩሳሌምን ዎሳ ኬላ አራሶ ባዓሌ ቦንሾ ዎዴይ ጋኪዴስ፤ ሄ ዎዴይካ ባልን። 23 ዩሱሲ ዎሳ ኬላ ጊቤ ጊዶን ሶሎሞን ሲሜሬቴሳሶራ አዲሺን። 24 አይሁዳቲ ኢዛ ጊዶ አሲዲ “ኔ አይዴ ጋካናስ ኑ ዎዛና ሂርጋን ጋምዲሳኔ? ኔ ዎሲ ኪቲዳዴ ጊዲኮ ኑስ ቆንጫሳ ዮታ” ጊዳ።

25 ዩሱሲካ ኢስታስ “ታ ኢንቴስ ዮታዲስኮ ሺን ኢንቴ ቃሴ አማኒቤይኬታ። ታ አዋ ሱንሳን ታ አሲዛ ማላታቲ ታ ጊሽ ዮቴቴስ። 26 ኢንቴ ቃሴ ታ ዶርሳታ ጊዶንታ ጊሽ ታና አማኔኬታ። 27 ታ ዶርሳቲ ታ ቃላ ሲዮቴስ። ታካ ኢስታ ኤራይስ፤ ኢስቲካ ታና ካሌቴስ። 28 ታ ኢስታስ ሜርና ዴዎ ኢማና፤ ሙሌካ ኢስታ ዳዮቴና፤ ኢስታ ታ ኩሼፔ ዎሲ ኤካናስ ዳንዳያናዴይ አኒካ ዴና። 29 ታስ ኢስታ ኢሚዳ ታ አዋይ ኡባሬ አዴስ። ታ አዋ ኩሼፔ ኢስታ አኒካ ቦንቃናስ ዳንዳዮና። 30 ታኒኔ ታ አዋይ ኑ ኢሲኖ” ጊዴስ።

31 አይሁዳቲ ኢዛ ጫዳናስ ቃሴካ ሹቾ ዴንሲዳ። 32 ዩሱሲካ “አዋፔ ጊዲዳ ዳሮ ጊታ ማላታታ ታ ኢንቴና ቤሳዲስ። ሂስቲን ሃ ታ ቤሲዳይታፔ አዋሪ ጊሽ ታና ሹቻራ ጫዴቴ?” ጊዴስ።

33 አይሁዳቲካ “ኑ ኔና ሹቻራ ጫዲዛይ ኔ ሙ አስ ጊዳ ኡታዳ ኔና ኔርካ ዎሴ ኬሳዳ ጫሻ ቃላ ኔ ሃሳዬዳ ጊሻሳሬ አቲን ኔ ሎዎ አሲዳይሳ ጊሽ ዴና” ጊዲ ኢዛስ ዛሪዳ። 34 ዩሱሲካ ኢስታስ “ኢንቴ ዎጋ ጊዶን ‘ታ ኢንቴና ዎሳታ ጋዲስ’ ጌቴቲ ዓሬቴቤኔ? \* 35 ዎሳ ቃላይ ኢስታስ ዩዳ አሳታ ‘ዎሴ ጊኮኔ ማፃፃይ ሻሬታናስ ዳንዳዮንታ ጊዲኮ’ 36 ሂስቲን ‘ታ ዎሳ ኖ’ ጊዳ ጊሽ አዋይ ባ ሻኪ ዱማሲዳይሳኔ ሃ ዱጌ አላሜ ኪቲዳይሳ ኢንቴ ‘ኔ ጫያዳሳ’ ጊዲ ታና ዎርዶራ አዛስ ሞቴቲ? 37 ታ አዋይ አሲዛይሳ ታ አሶንታ አጊኮ ታናን አማናፔቴ። 38 ታ ኢዛሶ አሲዛ ጊዲኮ ኢንቴ ታና አማናንታ አጊኮካ ታ አዋይ ታናን ዲዛይሳ ታካ ኢዛን ዲዛይሳ ኢንቴ ኤራና ማላኔ ዩሺ ቆፓና ማላ ኢዚ አሲዳ ማላታን አማኒቴ” ጊዴስ።

39 ቃሴካ ኢስቲ ኢዛ አይካናስ ኮይዳ ሺን ኢዚ ኢስታ ኩሼፔ ኪሲ ኤኪ ቤዴስ። 40 ሄሳሬ ጉዩ ዩሱሲ። የሃኒሲ ካሴ ሃማቂዛሶ ጌዴ ዮርዳኖሴፔ ሄ ፒንስ ሲሚዲ ሄን ጋምዲዴስ። \* 41 ዳሮ አሳይ ኢዛኮ ዩዴስ፤ ኢስቲ ቃሴ “የሃኒሲ ኢሲ ማላታካ አሲቤና፤ ጊዶ አቲን ሃይሳ አዴዛ ጊሽ ኢዚ ዮቴዳይሲ ዉሪካ ቱሙኮ” ጊዳ። 42 ሄንካ ዳሮ አሳይ ዩሱሳን አማኒዴስ።

11

**አላዛሬ ሃይቆ**

1 ቢታኒያ ጌቴቲዛሶን ማራማኔ ማርታይ ዲዛ ጉታን አላዛሬ ጌቴቲዛዴይ ሳኬቴዴስ። 2 ኢዚ ኢሻ አላዛሬይ ሳኬቴዳ ማራማ ካሴ ዩሱሳ ቶሆ ቦላ ሺቶ ጉሳዳ ዩሱሳ ቶሆ ባ ሁዔ ቢናናን ቁጫዳሮኮ።

3 ሚቼቲካ “ንዶ! ኔ ዶሲዛይሲ ሳኬቴዴስ” ጊዲ አስ ዩሱሳኮ ኪቲዳ። 4 ዩሱሲ ሄሳ ሲይዲ “ሃ ሳኮይ ዎሳ ናይ ኢዛን ቦንቆታና ማላኔ ዎሲ ቦንቆታናሳሬ አቲን ኢዛ ሃይቆስ ጋሲዛዛ ዴና” ጊዴስ። 5 ዩሱሲ ማርታ ኢዚ ሚቼዮ ማራማኔ አላዛሬ ሲቆስ። 6 ጊዶ አቲን አላዛሬይ ሳኬቴዳይሳ ሲዩ ዎሲዲ ሄን ባ ዲዛሶን ናምዑ ጋላስ ጋምዲዴስ። 7 ሄሳሬ ጉዩ ባና ካሊዛይታ “አኔ ዩሁዳ ቢታ ሲሚ ቦስ” ጊዴስ። 8 ኢስቲካ “አስታማሬ! ጉሳ ዎዴፔ ካሴ አሳይ ኔና ሹቻራ ጫዳና ኮዩቴስኮሺን፤ ኔ ቃሴ ሃዒ ሄ ሲማ ባኔ?” ጊዳ።

9 ዩሱሲ ኢስታስ “ኢሲ ጋላሳን ታማኔ ናምዑ ሳቴይ ዴስ ዴኔ? ጋላሳራ ሃሙቲዛ አሲ ሃ አላሜዛ ፖዎን ሲሜሬቴዛ ጊሽ ዱጌቴና። 10 ዱጌቴዛዴይ ጊዲኮ ኢዚ ቃማራ ሃሙቲዛዴ። ጋሶይካ ፖዎይ ባይንዳ ጊሻሳ” ጊዴስ። 11 ሄሳ ኢስታስ ዮቴዳፔ ጉዩ “ኑ ላጌ አላዛሬይ ዲስኪዴስ፤ ታካ ኢዛ ዲስኮሬ ዴንሳና ባይስ” ጊዴስ። 12 ኢዛ ካሊዛይቲ ኢዛ “ንዶ! ኢዚ ዲስኪዳ ጊዲኮ ዴንዳና” ጊዳ። 13 ዩሱሲ ኢስታስ ሄሳ ዮቴዳይ አላዛሬ ሃይቆ ጊሻሳ ሺን ኢዛ ካሊዛይታስ ቃሴ ዲስኮ ጊሽ ዮቴዳ ሚሳቴዴስ። 14 ሄሳ ጊሽ ቆንጫራ ኢስታስ “አላዛሬይ ሃይቆዴስ። 15 ኢንቴ አማናና ማላ ታ ሄን ዴንታ አጊዳይሲ ኢንቴ ጊሽ ታና ኡፋይሴስ፤ ሃዒ ጊዲኮ አኔ ጌዴ ኢዛኮ ቦስ” ጊዴስ።

16 ቃሴ ዲዲሞሳ ጌቴቲዛ ቶማሲ ሃንኮ ዩሱሳ ካሊዛይታ “አኔ ኑካ ቢዲ ኢዛራ ኢሲሬ ሃይቆስ” ጊዴስ። \*

\* 10:12 ካና ሱይቴ ጉሲ ኢሲ ኢሲ ጋሞሶ ቃላራ ሱዱሜ ጌቴቴስ። \* 10:15 ማቶ 11:27 \* 10:34 ማዛ 82:6 \* 10:40 የሃ 1:28 \* 11:16 ዲዲሞሳ ጉሲ ሜንቴ ጉሳ።



**ዮሱሴ አላዛሬ ሚቼታ ሚንጮሲደስ**

17 ዮሱሴ ቢ ጋኪሺን አላዛሬይ ሃይቂ ሞጌቲን አይዱ ጋላስ ጊዲደስ። 18 ቢታኒያይ ዩሩሳላሜፕ ባጋ ሳቲ ኦጌ ሃኪስ። 19 ኢስታ ኢሻይ ሃይቂዳ ጊሽ ማራሞኔ ማርታ ሚንጮሳናስ ዳሮ አይሁዳ አሳይ ኢስታኮ ሺቂደስ።

20 ዮሱሳ ዩሳ ማርታይ ሲያዳ ኢዛ ሞካ ኤካና ባዱስ፤ ማራማ ጊዲኮ ሶን ኡታዱስ። 21 ማርታይ ዮሱሳ “ጎዶ! ኔ ሃን ዲዛኮ ታ ኢሻይ ሃይቂናኮሺን። 22 ሃሂካ ጊዲኮ ኔ ዎሲዳ ዉርሲ ሶሲ ኔስ ኢማናይሳ ታ ኤራይስ” ጋዱስ።

23 ዮሱሴካ ኢዚስ “ኔ ኢሻይ ደንዳና” ጊደስ። 24 ማርታይ ቃሴ “ዉርሴሳን ደንጎ ዎዴ ኢዚ ደንዳናይሳ ታካ ኤራይስ” ጋዱስ። 25 ዮሱሴካ ኢዚስ “ደንዶይኔ ደይይ ታና፤ ታና አማኒዛዴይ ሃይቂኮካ ፓፃ ዳና። 26 ታናን ዲዛዴይኔ ታና አማኒዛዴይ ሙሌካ ሃይቂና፤ ሄሳ ኔ አማናይ?” ጊደስ።

27 ኢዛካ ዛራዳ “ኤ ጎዶ! ኔኒ ዱጌ ሃ አላሜዛ ኪቲቲዳ ያሳ ና ጊዲዳይሳ ታ አማናይስ” ጋዱስ።

28 ሄሳ ጋዳኔ ሲማዳ ባ ሚቼዮ ማራሞ ዱማ ዌይጋ ኬሳዳ “አስታማሬይ ኔና ኮዬስ” ጋዱስ። 29 ማራማካ ሄሳ ሲዬዳ ማላ ኤሌላ ደንዳዳ ኢዛኮ ባዱስ። 30 ሄሳ ጋካናስ ዮሱሴ ማርታራ ጋጊዳሶን ደስ አቲን ጌዴ ጉታ ጊዶ ጌልቤና 31 ማራሞ ሚንጮሲሽ ኢዚራ ሶን ዲዛ አይሁዳቲካ ማራማ ፑሱኩ ጋ ደንዳ ኤቃዳ ኬዚዳይሳ ቤዬዲ ኢዛ አላዛሬ ዱፎ አቻን ዩካና ቢዛ ሚሳቲን ኢዞ ካሊዳ።

32 ማራማ ዮሱሴ ዲዛሶ ጋካ ኢዛ ደሚዳ ማላ ኢዛ ቶሆ ቦላ ጉፋናዳ “ጎዶ! ኔ ሃን ዲዛኮ ታ ኢሻይ ሃይቂናኮሺን” ጋዱስ።

33 ኢዛኔ ኢዞ ካሊ ዩዳ አይሁዳቲ ዩኪዛይሳ ዮሱሴ ቤዬዲ ዳሮ ሚሽቲዲ 34 “ኢዛ አዎን ሞጊዴቲ?” ጊዲ አይቼደስ፤ ኢስቲካ “ጎዶ! ሃ ያዳ ቤያ” ጊዳ። 35 ዮሱሴካ አፋንጊደስ። 36 አይሁዳቲካ “ኢዚ ኢዛ አይ ማላ ሲቂዛኮ ቤይቲ” ጊዳ። 37 ኢስታ ጊዶሬ ኢሲ ኢሲ አሳቲ “ሃይሲ ቆቂ አዴዛ አይሬ ፖግዳይሲ ሃይሳዴይ ሃይቆንታ ማላ አሳናስ ዳንዳዩኔ?” ጊዳ።

**ዮሱሴ አላዛሬ ሃይቆፕ ደንጎዳደስ**

38 ዮሱሴ ኢዛ ዎዝናይ ሚሽቲን ጌዴ ዱፎኮ ቢደስ፤ ዱፎዚካ ሹቻራ ጎርዴቲዳ ጎንጎሎ። 39 ኢዚካ ኢስታ “ሹቻ ደንጎዳቲ!” ጊደስ። ሃይቂዳይሳ ሚቼያ ማርታይ “ጎዶ! ኢዚ ሃይቂን ሃቼ አይዱ ጋላስ ጊዲዳ ጊሽ ጊንቃናኮ!” ጋዱስ። 40 ዮሱሴካ “ኔ አማኒዛ ጊዲኮ ያሳ ቦንቾ ቤያንዳሳ ጋዳ ኔስ ታ ዮታቤይኪና?” ጊደስ። 41 ሄሳ ጊሽ ሹቻ ደንጎዳዳ፤ ዮሱሴካ ፑዴ ሳሎ ዌሊዲ “ታ አዎዉ! ኔ ታ ጊዛዝ ሲዬዳ ጊሽ ታ ኔና ጋላታይስ። 42 ኔ ኡባ ጋላስ ታ ጊዛዝ ሲዬዳይሳ ታ ኤራይስ፤ ጊዶ አቲን ታ ሄሳ ጊዳይ ሃይሳን ኤቂዳ አሳቲ ኔ ታና ኪቲዳይሳ አማናና ማላሳ። 43 ዮሱሴ ሄሳ ጊዳፕ ካሌሲዲ ቃላ ጵቂ ሂስቲዲ “አላዛሬ! ሃ ኬዛ!” ጊዲ ዌይጊደስ። 44 ሃይቂዳ አላዛሬይካ ኩሜሳ አሳቲሳይ ሞጎ ማይዎን ፃዲቲዳ ማላ ዱፎፕ ኬዚደስ። ዮሱሴካ “ቢርሺ ዮዲቲ ቦ!” ጊደስ።

**አሳይ ዮሱሳ ዎዳናስ ጌማን ዞሬቲደስ**

(ማቶ 26:1-5፤ ማር 14:1-2፤ ሉቃ 22:1-2)

45 ሄሳ ጊሽ ማራሞ ሚንጮሳና ዩዳ አይሁዳታፕ ዳሮ አሳይ ዮሱሴ አሲዳይሳ ቤዬዲ ኢዛን አማኒደስ። 46 ኢስታሬ ባጋቲ ቢዲ ዮሱሴ አሲዳይሳ ፋርሳዌታስ ዮቲዳ። 47 ሄሳ ቄሴታ ሃላቃቲኔ ፋርሳዌቲ አይሁዳታ ዱላታ ሺቃና ማላ ዌይጊዲ “ሃ አዴዚ ዳሮ ዱማ ዱማ ማላታታ አሲዳዴ ጊዲዳ ጊሽ ኦ አይ አሲኮ ሎዎ? 48 ኦ ጮቡ ጊኮ አሲ ዉሪ ኢዛን አማናና ኦሮሜ አሲካ ዩዲ ሃይሳ ኦ ቢታኔ ኦ አሳ ኦፕ ኤካና” ጊዳ።

49 ኢስታ ጊዶሬ ኢሳዴይ ሄ ሳይስ ቄሴታስ ዋና ሃላቃ ቃያፋይ “ኢንቲ አይኮካ ኤሬኬታ።

50 ደሬይ ዉሪ ዳያናፕ ደሬ ጊሽ ኢሲ አሲ ሃይቂኮ ሎዎ ጊዳናይሳ ጊሽ ዩሺ ቆፕኬቲ?” ጊደስ።

51 ኢዚ ሄሳ ባፕ ጊዶንታ ሄ ሳይስ ኢዚ ቄሴታስ ሃላቃ ጊዲዳ ጊሽ ዮሱሴ አይሁዳ ደሬ ጊሽ ሲንጎሬ ሃይቃናይሳ ዮቲደስ። 52 ኢዚ ሃይቃናይ ሄ ደሬ አሳስ ፃላላ ጊዶንታ ካሴ ላሌቲዳ ያሳ ናይታካ ኢሲ ቦላ ሺሻናሳ።

53 ሄ ጋላሳሬ ሃ ሲሚን ኢዛ ዎዳናስ ማቂቲዳ። 54 ሄሳ ጊሽ ዮሱሴ ሄ ጋላሳሬ ሃ ሲሚን አይሁዳታ ጊዶን ቆንጮራ ሲሜሬቲቤና። ጊዶ አቲን ዱጌ ባዞ ቢታ ማታን ዲዛ ኤሬሬሜ ጌቲቲዛ ካታማይ ዲዛሶ ቢዲ ባና ካሊዛይታራ ሄን ታኪደስ።

55 አይሁዳቲ ፓዚጋ ባዓሌይ ማቲዳ ማላ ባዓሌይ ጋካናፕ ካሴ ጌሾ ዎጋ አሳናስ ዳሮ አሳይ ዱማ ዱማ ደሬፕ ዩሩሳላሜ ዩደስ። 56 አሳይ ዮሱሳ ኮዩሼ ያሳ ኬሳን ኤቂዲ ባ ጊዶን ኢሶይ ኢሳራ “ኢንቲስ አይ ሚሳቲዬ? ባዓሌዛስ ዩኔሻ?” ጊደስ። 57 ቄሴታ ሃላቃቲኔ ፋርሳዌቲ ቃሴ ዮሱሳ አይካናስ ኢዚ አዎን ዲዛኮኔ ኤሪዛዴይ ኢስታስ ማላታና ማላ ካሴ አዛዚ ዎሲዳ።

**ዮሱሳ ሺቶ ቲዩዳ ማጫሳዮ**

(ማቶ 26:6-13፤ ማር 14:3-9)

1 ፓዚጋ ባዓሌስ ቡሮ ኡሱፑን ጋላሲ አቲሺን ዮሱሴ ሃይቆፕ ደንጎዳዳ አላዛሬይ ዲዛሶ ቢታኒያ ቢደስ። 2 ሄን ዮሱሳስ ካዎ ካሲዲ ማርታይ ኢዛ ካዎ ሚዚሺን ኢዛራ ኢሲሬ ማዳን ኡቲዳይታፕ ኢሶይ አላዛሬ። 3 ማራማ ዳሮ አልዎ ዋጋራ ሻሜቲዳ ባጋ ሊቶሮ ጊዲዛ ጌሻ ናርዶሴ ሺቶ ኤካ ያዳ ዮሱሳ ቶሆ ቦላ ጉሳዳ ቶሆዛ ባ ሁዔ ቢናናራ ቁጫዱስ። ኬሳካ ሺቶ ሳዎይ ኩሚደስ። \* 4 ዮሱሳ ካሊዛይታፕ ኢሶይ ዮሱሳ አሲ ኢማና አስቆሮንቶ ዩሁዳይ። 5 “ሃይሲ ሺቶዚ ሄሹ ዌቲ ዲናሬስ ባይዜቲዲ ሚሻይ አዛስ ማንቆታስ ኢሜቲቤኔ?” ጊደስ። 6 ኢዚ ሄሳ ጊዳይ ሚሻ ሺሺዛ ካራጊቲ

\* 12:3 ሉቃ 7:37-38

አይከዛደይ ኢዛ ጊዲዳ ጊሽ ሸቂዛ ሚሻፌ ባስ ሸሸዲ ጎዔተዛዴ ጊዲዳ ጊሻሳ አቲን ማንቆታስ ሚሸቲዲ ጊዴና።

7 ዮሱሲ ቃሴ “ሃይሲ ሸቶዚ ታስ ሞጎ ጋላሳስ ቆፌቲዳዝ ጊዲዳ ጊሽ ሄ ዎዴ ጋካናስ ኢዛ ባ አቻን ናጉ፣ ቦቾፍቱ። 8 ማንቆቲ አይ ዎዴካ ኢንቴናራ ዴቴስ። ጊዶ አቲን ኢንቴ ታና ኡባ ዎዴ ዴሜኬታ” ጊዴስ። \*

9 ሄ ዎዴ ዳሮ አይሁዳ አሳቲ ዮሱሲ ሄን ዲዛይሳ ኤሪዲ ኢዛኮ ዩዳ፤ ዩዳይቲካ ዮሱሳ ሃላላ ኮሽ ጊዶንታ ዮሱሲ ሃይቆፔ ዴንሲዳ አላዛሬካ ቤያናሳ። 10 ሄሳ ጊሽ ቁሴታ ሃላቃቲ ዮሱሳራ አላዛሬካ ጋሲ ዎዳናስ ባ ጊዶን ዞሬቲዳ። 11 ሄሲካ አላዛሬ ጌዶን ዳሮ አይሁዳ አሳይ ዮሱሳኮ ቢ ቢዲ ኢዛ አማኒዛ ጊሻሳ።

**ዮሱሲ ቦንቾን ዮሩሳላሜ ጌሊዴስ**

(ማቶ 21:1-11፤ ማር 11:1-11፤ ሉቃ 19:28-40)

12 ዎንቴሳ ጋላስ ባዓሌዛ ቦንቻና ዩዳ ዴሬይ ዮሱሲ ዮሩሳላሜ ዩዳይሳ ሲይዴስ። 13 ዛምባ ሃይስ ኤኪዲ ዮሱሳ ሞካና ኬዚዴስ፤ ዴሬይ ቃላ ጶቁ ሂስቲዲ “ሆሳና! ጎዳ ሱንሳን ዩዛ ኢስራዔል ካዎይ አንጄቲዳይሳ!” ጊዴስ። \*

14-15 ቤኒ “ሃኔ! ሂዮኔ ናዩ፣ ባቦፋ!

ሄኮ ኔ ካዎይ ሃሬ ጉቴ ቶጊዲ ዮስ”

ጌቴቲ ሃሬቲዳ ማላ ዮሱሲ ሃሬ ጉቴ ዴሚዲ ቶጊዴስ። \*

16 ኢዛ ካሊዛይቲ ሄሳ ዉርሲ ኮይሮ ዎዝናን ዎሲቤቴና። ኢዛ ጊሽ ሃሬቲዳይሳኔ ኢዛስ አሴቲዳ ሃኖካ ዉርሲ ዮሱሲ ሃይቆፔ ዴንዲዳፍ ጉዩ ኤሪዳ።

17 አላዛሬ ዱፎፔ ሄይጊዲ ሃይቆፔ ዴንሲዳ ዎዴ ኢዛራ ኢሲፌ ዲዛ አሳይ ኢዛ ዴንሳ ጊሽ ማርካቲዳ። 18 ዳሮ አሲካ ኢዚ ሄሳ ማላ ጊታ ማላታ ኦሲዳይሳ ሲይዲ ኢዛ ሞካና ኬዚዴስ። 19 ሄሳ ጊሽ ፋርሳዌቲ ባ ጊዶን ኢሶይ ኢሳ “ሂስቲን ኦኔ አይ አሳና ዳንዳይዞኒ? ቤይቴ! ኩሜሳ ዴሬይ አቶንታ ኢዛ ካሴስ” ጊዳ።

**ዮሱሲ ባ ሃይቃናይሳ ካሴቲ ዮቲዴስ**

20 ጎይናናስ ባዓሌዛስ ሸቂዳ አሳ ጊዶን ጊሪኬ ዴሬ አሳቲካ ዴቴስ። 21 ኢስቲካ ጋሊላ ጊዶን ዲዛ ቤቴሳይዳ ጌቴቲዛ ዴሬ አስ ፒሊጶሳ ጌቴቲዛዴኮ ቢዲ “ጎዶ! ኦ ዮሱሳ ቤያና ኮዮስ” ጊዳ።

22 ፒሊጶሲካ ኢንዲራሳስ ዮቲዴስ። ኢንዲራሲኔ ፒሊጶሲ ቢዲ ዮሱሳስ ዮቲዳ። 23 ዮሱሲካ ኢስታስ “ሄኮ አሳ ናይ ቦንጅቲዛ ሳቴይ ጋኪዴስ። 24 ታ ኢንቴስ ቱሙ ጋይስ፤ ጊስቴ አይፌይ ቢታን ዎዳዳ ሃይቆንታ ሙዑ ጋ ኡቲኮ ባርካ አታዉስ። ኢዛ ሃይቂዛ ጊዲኮ ሃራ ዳሮ አይፋዉስ። 25 ባ ሸምፖ ዶሲዛዴይ ዳይሴስ። ሃይሳ ቢታ ቦላ ባ ሸምፖ ኢዲዛዴይ ጊዲኮ ሜርና ዴዎ ዴሜስ። 26 ታስ አሳና ኮዩዛዴይ ታና ካሎ፤ ታስ ኦሲዛዴይ ታ ዲዛሶን ዳና፤ ታስ ኦሲዛዴይ ታ አዋይ ኢዛ ቦንቻና” ጊዴስ።

**ዮሱሲ ኢዛ ቡሮፔ ጋካና ሜቶ ጊሸኔ ሃይቆ ጊሽ ዮቲዴስ**

27 ቃሴካ ዮሱሲ “ሄኮ ታ ሸምፖፖ ሜቶታዱስ ‘ታ አዋዉ! ሃ ሳቴይፔ ታና አሻ ጎሻ?’ ታ ሂዝጎንታ ማላ ታ ዩዳይ ሃኖ ሃ ሜቶ ሳቴይሳ።

28 “ታ አዋዉ! ኔ ኔ ሱንሳ ቦንቻ” ጊዴስ። ሄሳፌ ካሊዲ “ታኒ ታ ሱንሳ ቦንቻዲስ፤ ቃሴካ ጉጃ ቦንቻና” ጊዛ ቃላይ ሳሎፔ ዩዴስ።

29 ሄን ጋዳን ኤቂዳ አሳይ ሄሳ ሲይዲ “ዳዳይ ዳዳቴስ” ጊዳ። ባጋይቲ ቃሴ “ኪታንቻኮ ሃሳዩዛይ” ጊዳ።

30 ዮሱሲ “ሃይሲ ጊሪሳይ ዩዳይ ኢንቴ ጊሻሳ አቲን ታ ጊሽ ጊዴና። 31 ሃይሲ አላሜይ ፐርዴታና ዎዴይ ሃይሳ፤ ሃይሳ ዴሬዛ ሃሪዛ ሃላዔይ ሃዲ ጌዴ ካሬ ዩጌታና። 32 ታኒ ጶቁ ጋዳ ካቂቲዛ ዎዴ አሳ ዉርሳ ታኮ ዛራና” ጊዴስ። 33 ዮሱሲ ሄሳ ዮቲዳይ ኢዚ አይ ማላ ሃይቆ ሃይቃናኮ ኤሪሳናሳ።

34 አሳይ ቃሴ “ኦ ዎጋን ሃሬቲዳይ ‘ዎሲ ኪቲዳዴይ ሜርናስ ዳና’ ጌስ፤ ሂስቲን ኔ ቃሴ ዋናዳ ‘አሳ ናይ ጶቁ ጊ ካቂታና ቤሴስ’ ጋይ? ኔ ጊዛ አሳ ናይ አዋይሴ?” ጊዲ አይቺዳ። \*

35 ዮሱሲ ኢስታስ “ሃዲ ጉሳ ዎዴስ ኢንቴናራ ፖዎይ ዴስ፤ ጋዴይ ጳሞንታ ፖዎራ ሃሙቲቴ፤ ቃማራ ሃሙቲዛዴይ ኢዚ አዋ ቢዛኮኔ ኤሬና። 36 ኢንቴ ፖዎ ናይታ ጊዳና ማላ ፖዎይ ዲሺን ፖዎን አማኒቱ” ጊዴስ። ዮሱሲ ሄሳ ጊዳፔ ጉዩ ቢዲ ኢስታ አይፌፔ ጌሚዴስ።

**አይሁዳቲ አማኒቤቴና**

37 ዮሱሲ ኢስታስ ሄሳ ማላ ማላታ ኢስታ ሲንሳን ኦሲንካ አይሁዳቲ ኢዛን አማኒቤቴና። 38 ሄሲ ሃኒዳይ ናቤ ኢሳያሲ

“ጎዶ! ኦ ማርካቴሳ አማኒዳይ አኔ?

ዎሳ ቃላይ አናስ ቆንጨዴ?” ጊዳ ማላ። \*

39 ሄሳ ጊሽ አማናናስ ዳንዳይቤቴና፤

ጋሶይካ ናቤ ኢሳያሲ ካሴ፤

40 “ኢስቲ ባ አይፌን ቤዩዲ፤

ባ ዎዝናን ዩሺ ቆፐዲ፤

\* 12:8 ዛሬ 15:11 \* 12:13 ማዛ 118:25-26 \* 12:14-15 ዛካ 9:9 \* 12:34 ማዛ 110:4፤ ኢሳ 9:7፤ ሂዚ 37:25፤ ዳኔ 7:14 \* 12:38 ኢሳ 53:1

ሲሞን ማላኔ ኢዚ ኢስታ ፓሶንታ ማላ  
ጾሲ ኢስታ አይፌ ቆቂሲደስ፤  
ኢስታ ዎዝናካ ሙሚሲደስ”

ጊ 9ፌዳ ጊሻሳ። \*

41 ኢሳያሲ ሄሳ ጊዳይ ጾሲ ኪቲዳይ ዐንቾ ቤዱዳ ጊሻሳ፤ ሄሳ ጊሽ ዮሱሲ ዮቲደስ።  
42 ጊዲኮካ አይሁዳታ ሃላቃታ፤ ዳሮ አሳይ ዮሱሳ አማኒደስ። ጊዶ አቲን ኢስታ አይሁዳታ ዎሳ ኬሳፌ ጎዶንታ ማላ ፋርሳዌታስ ባቢዲ ባ አማኖ ቆንጮን ማርካቲቤቴና። 43 ኢስቲ ሄሳሶ ሃኒዳይ ኢስታስ ያሳፌ ኢሜቲዛ ዐንቾፌ አሲዲ አሳፕ ኢሜቲዛ ዐንቾ ዶሲዳ ጊሻሳ።  
44 ዮሱሲ ባ ቃላ ጶቁ ሂስቲዲ “ታና አማኒዳይ ታናን ሃላላ ጊዶንታ ታና ኪቲዳይሳንካ አማኒስ።  
45 ታና ቤዱዳይ ታና ኪቲዳይሳካ ቤያና። 46 ታና አማኒዳይ ወሪ ጳማን ዶንታ ማላ ታ ፖፖ ጊዳዳ ሃይሳ ሃ አላሜዛ ያዲስ። 47 ታ ቃላ ሲይዲ አሶንታዲ ባላ ፐርዳናይ ታና ጊዲኬ። ጋሶይካ ታ ዩዳይ አላሜ አሻናስ አቲን አላሜ ባላ ፐርዳናስ ጊደና። 48 ታና ኮፑንታዲ ታ ቃላ ኤኮንታዲ ባላ ፐርዳናደይ ደስ፤ ታ ኢዛስ ዮቲዳ ቃላይ ወርሴሳ ጋላስ ኢዛ ባላ ፐርዳና። 49 ጋሶይካ ታኒ ጮ ታ ሽኔን ዮታቤይኬ፤ ታ ጊዳይሳኔ ታ ዮቲዳ አዛዞ ታስ ኢሚዳይ ታና ኪቲዳ ታ አዋ 50 ኢዛ አዛዞይ ሜርና ደዎ ጊዲዳይሳ ታ ኤራይስ፤ ሄሳ ጊሽ ታ ዮቲዳይ ወሪ አዋይ ታስ ዮቲዳይሳ” ጊደስ።

13

ዮሱሲ ባና ካሊዛይታ ቶሆ ሜጫደስ

1 ሄ ዎደይካ አይሁዳታ ፓዚጋ ባዓሌፕ ካሴ ዮሱሲ ሃይሳ አላሜዛ ዮዲዲ አዋኮ ባና ሳቴይ ጋኪዳይሳ ኤሪደስ፤ ሃይሳ አላሜዛን ዲዛ ባ ባጋታ ወርሲ ሲቂደስ። ወርሴሲ ጋካናሲካ ዶሲደስ።  
2 ዮሱሲኔ ኢዛ ካሊዛይቲ ኢሲፌ ካዎ ሚሺን ሲሞና ናይ አስቆሮንቶ ዮሁዳይ ዮሱሳ አሲ ኢማና ማላ ሃላዔይ ኢዛ ዎዝናን ኢታ ቆፋ ጌልሲደስ። 3 ዮሱሲ አዋይ ኢዛስ ጎዳቴስ ወርሲ ኢሚዳይሳኔ ኢዚ ያሳ አቻፌ ኬዚዲ ዩዳይሳ። ቃሴ ሲሚዲ ያሳኮ ባናይሳ ኤራስ። 4 ሄሳ ጊሽ ማዳ ባላፌ ደንዲዲኔ ማይዎ ቃሪ ዎሲዲ ፖፃ ኤኪዲ ዌሳን ጊዲደስ። \* 5 ቶሆ ሜጫዛ ጎንጌን ሃሴ ጉጂዲ ባና ካሊዛይታ ቶሆ ሜቼ አይኪደስ፤ ባ ጊዲዳ ፖፃንካ ሜጫዳ ቶሆዛ ቁጫደስ።  
6 ዮሱሲ ሲሞና ጌቲቲዛ ጳፅሮሳኮ ሸቂን ሲሞና ጌቲቲዛ ጳፅሮሲ ኢዛ “ጎዶ! ኔ ታ ቶሆ ሜጫኔ?” ጊደስ። 7 ዮሱሲካ “ታኒ አሲዛይሳ ኔ ሃኒ ኤራካ ጉዮፕ ቃሴ ኔ ኤራንዳሳ” ጊደስ።  
8 ጳፅሮሲካ “ኔ ታ ቶሆ ሙሌካ ሜጫካ” ጊደስ። ዮሱሲ ቃሴ “ታ ኔ ቶሆ ሜጮንታ አጊኮ ኔሲኔ ታስ ኢሲፌቴሲ ደና” ጊደስ። 9 ሲሞና ጌቲቲዛ ጳፅሮሲካ ዛሪዲ “ጎዶ ሄሳ ጊዲኮ ታስ ቶሆ ሃላላ ጊዶንታ ኩሽራ ሁዔራ ወርሳ ሜጫ” ጊደስ። 10 ዮሱሲ ቃሴ “ባ አሳቴሲ ሜጫቲዳደስ ኩሜሳ ባላይ ጌሽ ጊዲዳ ጊሽ ኢዛስ ቶሆ ሜቻፌ አቲን ሃራ ኮሺና። ኢንቴ ጌሻ ሺን ኡባታ ደኬታ” ጊደስ።  
11 ዮሱሲ “ኢንቴ ኡባቲካ ጌሽ ደኬታ” ጊዳይ ኢዛ አሲ ኢማናደይ አናኮኔ ኤሪዛ ጊሻሳ።  
12 ኢስታ ቶሆ ሜጫዳፕ ጉዮ ባ ማይዎ ኤኪ ማይዲዲ ካሴ ባ ኡቲዳሶን ሲሚ ኡቲደስ። ቃሴ ኢስታስ “ታ ኢንቴስ አይ አሲዳኮኔ ዎዝናን ዎሲደቲ?” \* 13 ኢንቴ ታና አስታማሬኔ ጎዳ ጌታ፤ ታ ቃስ አስታማሬኔ ጎዳ ጊዲዳ ጊሽ ኢንቴ ጉሳይ ቱሙኮ። 14 ሂስቲኮ ታ ኢንቴስ ጎዳኔ አስታማሬ ጊዳሺ ኢንቴ ቶሆ ሜጫዛ ጊዲኮ ኢንቴካ ኢንቴ ጊዶን ኢሶይ ኢሳ ቶሆ ሜጫና ቤሴስ። 15 ታ ኢንቴስ አሲዳይሳ ማላ ኢንቴካ አሳና ማላ ታ ኢንቴስ ሌሚሶ ቤሳዲስ። 16 ታ ኢንቴስ ቱሙ ጋይስ፤ አሽካራይ ጎዳፕ አደና፤ ኪቲቲዳይ ኪቲዳይፌ አደና። \* 17 ኢንቴ ሃይሳ ኤሪዲ አሶን ፕይሺኮ ኢንቴ አንጂቲዳይታ።  
18 “ታ ሃይሳ ጊዛይ ኢንቴ ኡባታ ጊሽ ደና። ታኒ ታ ዶሪዳይታ ወርሳ ኤራይስ፤ ጊዶ አቲን ‘ታ ካስ ሚዳደይ ታ ሞርኬ ጊዲዲ ታ ባላ ደንዲደስ’ ጊዛ ማፃፋ ቃላይ ፖሌታናስ ኮሺስ። \* 19 ታ ሃይሳ ሃኒራ ኢንቴስ ዮቲዳይ ኢዚ ፖሌቲዛ ዎደ ታ አናኮኔ ኢንቴ አማናና ማላ። 20 ታ ኢንቴስ ቱሙ ጋይስ፤ ታ ኪቲዳይ ኤኪዳይይ ታና ኤኪስ፤ ታና ኤኪዳይይ ታና ኪቲዳይ ኤኪስ” ጊደስ። \*

ዮሱሲ ባና አሲ ኢማናደይ አናኮኔ ካሴቲ ዮቲደስ  
(ማቶ 26: 20-25፤ ማር 14: 17-21፤ ሉቃ 22: 21-23)

21 ዮሱሲ ሄሳ ጊ ሲሚዲ ኬሂ ቆፋን ጌሊዲኔ “ታ ኢንቴስ ቱሙ ጋይስ፤ ኢንቴ ጊዶፌ ኢሳደይ ታና አሲ ኢማና” ጊዲ ቆንጮን ዮቲደስ።  
22 ኢዛ ካሊዛይቲ ሄሳ ኢዚ አና ጊሽ ጊዳኮኔ ኤሮንታ ጊሽ ባ ጊዶን ኢሶይ ኢሳራ ዌሌቲዳ።  
23 ኢዛ ካሊዛይታ ጊዶፌ ዮሱሲ ሲቂዛ ኢሶይ ዮሱሳ አቻን ኡቲደስ። 24 ሲሞና ጌቲቲዛ ጳፅሮሲ ጥሃኒሳ ሶምዲ ቤሲዲ “ኢዚ አና ጊሽ ጊዛኮኔ አኔ ኢዛ አይቻ” ጊደስ።  
25 ሄሳ ጊሽ ኢዚ ባ ቆዴ ጌዴ ዮሱሳ ሃይሳኮ ሸሸዲ “ጎዶ! ኢዚ አኔ?” ጊዲ አይቼደስ።  
26 ዮሱሲካ ዛሪዲ “ኢዳይይ ታ ሃኒ ቡደና ዎዌን ዲምዳዳ ባርሲዳይ” ጊደስ። ሄሳ ጊ ሲሚዲ ቡደና ዎዌን ዲምዲ ኤኪዲ አስቆሮንቶፌ ዩዳ ሲሞና ና ዮሁዳ ባርሲደስ። 27 ዮሁዳይ ኢዛ ባዲዳ ማላ ሄራካ ሃላዔይ ኢዛን ጌሊደስ። ዮሱሲካ ዮሁዳ “ኔ አሳናስ ቆፐዳይሳ ኤሌላ አሳ” ጊደስ። 28 ዮሱሲ ሄሳ አዛስ ጊዳኮኔ ማዳን ኡቲዳ አሳፕ ዮዶይ ጌሊዳይይ አኒካ ደና። 29 ዮሁዳይ ሚሽ አይኪዳይ ጊዲዳ

\* 12:40 ኢሳ 6:10 \* 13:4 ዌሳ ጊዛ ቃላይ ኢሲ ኢሲ ጋሞ አሳታ ቃላን ዳባ ጌቲቴስ። \* 13:12 ሉቃ 22:27 \* 13:16 ማቶ 10:24፤ ሉቃ 6:40፤ ጥሃ 15:20 \* 13:18 ማዛ 41:9 \* 13:20 ማቶ 10:40፤ ማር 9:37፤ ሉቃ 9:48፤ 10:16



ጊሽ ዮሱሳ ካለዛይታ፤ ባጋቲ ዮሱሳ ዮሁዳ “ባዓሌዛስ ኮሺዛይሳ ሻማ ዎይኮ ማንቆታስ ሙፁዋታ ኢማ” ጊዳ ሚሳቲዴስ።

<sup>30</sup> ዮሁዳይካ ቡዴና ባዲዳ ማላ ሄራካ ኬዚዲ ቢዴስ። ኢዚ ቢሺን ጋዴይ ቃማኮ።

**አራሳ አዛዞ**

<sup>31</sup> ዮሁዳይ ኬዚ ቢዳ፤ ጉዩ ዮሱሳ “አሳ ናይ ሃዲ ቦንቼቲዴስ፤ ኢዛ ጋሶን ያሲካ ቦንቼቲዴስ።  
<sup>32</sup> ያሲ ኢዛ ጋሶን ቦንቼቲዛ ጊዲኮ ያሲካ ኢዛ ቦንቻና፤ ሄራካ ጋምዎንታ ቦንቻና። <sup>33</sup> ታ ናይቶ፥ ታ ኢንቴናራ ዳሮ ዎዴ ጋምዲኬ፤ ኢንቴ ታና ኮያና፥ ታ ካሴ አይሁዳታ ሃላቃታስካ ‘ታ ቢዛሶ ኢንቴ ያና ዳንዳዩኬታ’ ጋዳ ዮቲዳ ማላ ሃዲካ ኢንቴስካ ሄሳሶ ዮታይስ። \* <sup>34</sup> ኢንቴ ኢንቴ ጊዶን ኢሶይ ኢሳራ ሲቁታና ማላ ታ ኢንቴስ አራሳ አዛዞ ኢማይስ። ታ ኢንቴና ሲቁዳ ማላ ኢንቴ ኢንቴ ጊዶን ኢሶይ ኢሳራ ሲቁቲቱ። \* <sup>35</sup> ኢንቴ ኢንቴ ጊዶን ሲቁቲኮ ኢንቴ ታና ካለዛይታ ጊዲዳይሳ አሲ ወሪ ኤራና” ጊዴስ።

**ጳፅሮሲ ኢዛ ካዳናይሳ ዮሱሳ ካሴቲዲ ዮቲዴስ**  
(ማቶ 26:31-35፤ ማር 14:27-31፤ ሉቃ 22:31-34)

<sup>36</sup> ሄሳፌ ጉዩ ሲሞና ጌቲቲዛ ጳፅሮሲ ዮሱሳ “ጎዶ! ኔ አዋ ባኔ?” ጊዲ አይቼዴስ። ዮሱሳ ቃሴ “ታ ቢዛሶ ኔ ሃዲ ታና ካላና ዳንዳያካ ሺን ጉዩ፤ ኔ ታና ካላና” ጊዴስ።

<sup>37</sup> ጳፅሮሲ “ጎዶ! ታ ኔና ሃዲ ካላናስ አይስ ዳንዳዩኪና? ሃራይ አቶሺን ታኒ ታ ሽምፖካ ኔ ጊሽ አሳ ኢማና” ጊዴስ።

<sup>38</sup> ዮሱሳ ካላና ሃራይ “ኔኒ ኔ ሽምፖ ታ ጊሽ አሳ ኢማኔ? ታ ኔስ ቱሙ ጋይስ፤ ሃቾ ኩቶይ ዋሳና፤ ካሴታዳ ኔ ታና ሄሹቶ ካዳና” ጊዴስ።

**ዮሱሳ አዋኮ ጋሲዛ አገ**

<sup>1</sup> ካሴሲድካ ዮሱሳ “ኢንቴ ዎዝናይ ሜቶቶፖ፤ ያሴ አማኒቱ፤ ታናካ አማኒቱ። <sup>2</sup> ታ አዋ አቻን ዳሮ ዱሳሶይ ዴስ፤ ሄሳ ጊዶንታኮ ‘ኢንቴስ ዳናሶ ጊጊሳናስ ታ ባና’ ጋናሺን። <sup>3</sup> ባዳ ታ ኢንቴስ ሶ ጊጊሲዳ፤ ጉዩ ኢንቴ ታ ዲዛሶን ዳና ማላ ታ ሲማ ያዳ ኢንቴና ኤካና። <sup>4</sup> ታ ቢዛ አገ ኢንቴ ኤራታ” ጊዴስ።

<sup>5</sup> ቶማሲ “ጎዶ! ኔ አዋ ቢዛኮ ኔ ኤሮኮሺን፥ አገዛ ኔ ዎስቲ ኤራናስ ዳንዳዩዞኒ?” ጊዴስ።

<sup>6</sup> ዮሱሳ ኢዛስ “አገይኔ፥ ቱማይ፥ ዴይዳካ ታና፤ ታ ባጋራ ጊዲኮፌ አቲን አኒካ አዋኮ ባና አሲ ዴና። <sup>7</sup> ኢንቴ ታና ኤራዛኮ ታ አዋካ ኤራናኮሺን፤ ሃዲ ሃይሳፌ ጉዩ ኢንቴ ኢዛ ኤራና፤ ኢዛ ቤዳካ ቤይዴታ” ጊ ዛሪዴስ። <sup>8</sup> ፒሊጶሲ “ጎዶ! ኔ ኑና አዋ ቤሲኮ ኑስ ጊዳና” ጊዴስ።

<sup>9</sup> ዮሱሳ ኢዛስ “ፒሊጶሳ! ሃይሳ ጋካናስ ታ ኢንቴናራ ዴዲንካ ኔ ታና ኤሪኪ? ታና ቤዴዳይዳ አዋካ ቤይዴስ፤ ሂስቲን ኔኒ ዋናዳ ኑና አዋ ቤሳ ጋይ? <sup>10</sup> ታኒ ታ አዋን፥ ታ አዋይካ ታናን ዲዛይሳ አማኒኪ? ታ ኢንቴስ ዮቲዛ ቃላ ዮቲዛይ ታ ሽኔ ማላ ዴና፤ ጊዶ አቲን አሶዛ ወርሲ አሲዛይ ታናን ዲዛ ታ አዋ። <sup>11</sup> ታኒ አዋን ዲዛ ማላ፥ አዋይካ ታናን ዲዛይሳ ኢንቴ አማኒቱ፤ አካይ ጊኮ ታ አሲዛ አሶታ ጊሺካ ታና አማኒቱ። <sup>12</sup> ታ ኢንቴስ ቱሙ ጋይስ፤ ታና አማኒዛይዴ ታ አሲዛ አሶ አሳና፤ ሄሳፌካ አሲ አሳና፤ ጋሶይካ ታኒ አዋኮ ባና። <sup>13</sup> አዋይ ናዛ ጋሶን ቦንቼታና ማላ ኢንቴ ታ ሱንሳን ዎሲዳይሳ ታ ኢንቴስ ወርሳ አሳና። <sup>14</sup> ኢንቴ አይ ሚሺካ ታ ሱንሳን ዎሲዳይሳ ታ ወርሳ አሳና።

**ዮሱሳ ሂሎ አያና ጊሽ ኢሚዳ ሂዶታ**

<sup>15</sup> “ኢንቴ ታና ዶሲዛ ጊዲኮ ታ አዛዞኖ ናጊቲ። <sup>16</sup> ታኒ አዋ ዎሳና፤ ኢዚካ ኢንቴናራ ሜርናስ ዳና ማላ ሃራ ኢንቴና ሚንሴሳናዴ ኢንቴስ ኢማና። <sup>17</sup> ሃይሲ ሚንሴሲዛ አያናይ ዴሬ አሳይ ኢዛ ቤዩ ኤሮንታ ጊሽ አላሜይ ኤካናስ ዳንዳዩንታ ቱሙ አያና፤ ጊዶ አቲን ኢንቴ ኢዛ ኤራታ፤ ጋሶይካ ኢዚ ኢንቴናራ ዲዛ ጊሺኔ ኢዚ ኢንቴ ጋሳን ዲዛ ጊሻሳ።

<sup>18</sup> “አዋይኔ አያ ባይንዳ ናይታ ማላ ታ ኢንቴና 9ላላ አገኪ፤ ታ ሲማዳ ሃ ኢንቴኮ ያና። <sup>19</sup> ጉሳ ዎዴ፤ ጉዩ ዴሬ አሳይ ታና ቤዩና ሺን ኢንቴ ጊዲኮ ቤያንዴታ፤ ታኒ ዴያን ዲዛ ጊሽ ኢንቴካ ዴያን ዳንዴታ። <sup>20</sup> ታኒ ታ አዋን ዲዛ ማላ ኢንቴካ ታናን ዲዛይሳኔ ታካ ኢንቴናን ዲዛይሳ ኢንቴ ሄ ዎዴ ኤራንዴታ።

<sup>21</sup> “ታ አዛዞ ኤኪዲ አሲዛይዴ ታና ዶሴስ፤ ታና ዶሲዛይካ ታ አዋይ ዶሴስ፤ ታካ ኢዛ ዶሳና፤ ታናካ ኢዛዴስ ቆንጨሳና” ጊዴስ።

<sup>22</sup> አስቆሮንቶ ዮሁዳ ጊዶንታ ሃንኮ ዮሁዳይ “ጎዶ! ኔኒ አላሜ አሳስ ጊዶንታ ኑስ ዎስታ ቆንጨሳኔ?” ጊዴስ።

<sup>23</sup> ዮሱሳ ኢዛስ “ታና ሲቁዛይዴ ታ ቃላ ናጋና፤ ታ አዋይካ ኢዛ ዶሳና፤ ኑኒ ኢዛኮ ያና፤ ዩዲካ ኢዛዴራ ኢሲፌ ዳና። <sup>24</sup> ታና ዶሶንታዴይ ታ ቃላ ናጌና፤ ሃይሲ ኢንቴ ሲዩዛ ቃላይ ታና ኪቲዳ ታ አዋ ቃላ፤ አቲን ታ ቃላ ጊዴና።

<sup>25</sup> “ታኒ ሃዲ ኢንቴናራ ዳሼ ሃይሳ ኢንቴስ ዮታዲስ። <sup>26</sup> አዋይ ታ ሱንሳን ዩዳና ሚንሴሲዛ ሂሎ አያናይ ቃስ ሃኒዛ ወርሲ ኢንቴና ታማርሳና፤ ታ ኢንቴስ ዮቶይሳካ ወርሲ ኢንቴ ዎዝናን ዎሳና ማላ ማዳና።

<sup>27</sup> “ታ ኢንቴስ ሳሮቱስ ጊዶ አጋዳ ባይስ፤ ታ ሳሮቱሲካ ታ ኢንቴስ ኢማና፤ ታ ኢንቴስ ኢሚዛ ሳሮቱሲ አላሜይ ኢሚዛ ሳሮቱሳ ማላ ዴና። ኢንቴ ዎዝናይ ሂርጎፎኔ ባሶ።

\* 13:33 ዮሃ 7:34 \* 13:34 ዮሃ 15:12፥17፤ 1ዮሃ 3:23፤ 2ዮሃ 5



28 “‘ታ ባና፤ ባዳካ ኢንቴኮ ሲማ ያና’ ጋዳ ታ ኢንቴስ ካሴ ጥቲዳይሳ ሲደዴታ፤ ኢንቴ ታና ደሲዛኮ ታኒ ታ አዋኮ ቢዛይሲ ኢንቴና ኡፋይሳናኮሺን። ጋሶይካ አዋይ ታፕ አዴስ። 29 ሃይሲ ሃኒዛ ዎዴ ኢንቴ አማናና ማላ ሃይሳ ኢንቴስ ካሴታ ጥታዲስ። 30 ሃይሳ አላሜዛ ሃሪዛ ሃላዔይ ዩዛ ዎዴይ ጋኪዳ ጊሽ ሃዒ ታ ኢንቴናራ ዳሮ ሃሳይኪ፤ ኢዚ ታ ቦላ አይኮካ አሳናስ ኢዛስ ዎልቃይ ዴና። 31 ጊዶ አቲን ታኒ አዋ ደሲዛይሳ አላሜይ ኤራና ማላ አዋይ ታና አዛዚዳይሳ ታ ዉርሳ ፖላና። አኔ ሃይሳፊ ዐስ፤ ዴንዲቴ” ጊዴስ።

15

**ዮሱሲ ቱሙ ዎይኔ ሚሳስ አኖ**

1 ቃሴካ ዮሱሲ “ቱሙ ዎይኔ ሚሳ አኖይ ታና፤ አታኪልቴዛ አሳንቻይ ታ አዋ። 2 ታ ቦላ ዲሽ አይፊ ኢዋንታ ሃጋ ዉርሲ ታ አዋይ ቃንጊ ዲጋና፤ አይፊዛ ሃጋ ጉጂ አይፋና ማላ ቂርጊ ጊሻና። 3 ታ ኢንቴስ ጥቲዳ ቃላ ጋሶን ኢንቴ ሃዒ ጊሻታ። 4 ታናን ዲቴ፤ ታካ ኢንቴናን ዳና፤ ሃጋይ ዎይኔ አኖ ቦላ ዶንታ አጊኮ ባርካ አይፊ አይፋና ዳንዳጥንታይሳ ማላ ኢንቴካ ታናን ዶንታ አጊኮ አይፊ አይፋናስ ዳንዳጥኬታ።

5 “ታኒ ዎይኔ ሚሳስ አኖ፤ ኢንቴ ቃስ ሃጋታ፤ ዳሮ አይፊ አይፊዛይይ ታናን ዲዛዴኔ ታካ ኢዛን ዲዛዴ፤ ጋሶይካ ታ ባይንዳ ኢንቴ አይኮካ አሳናስ ዳንዳጥኬታ። 6 ታናን ባይንዳዴይ ቃንጊቴዲ ዎራ ዩጌቲዳ ሃጋ ማላ ካሬ ዩጌቲዲ ሄን ሜላና፤ ሄይታ ማላ ሃጋቲ ኢሲ ቦላ ሺቂዲ ታማን ዩጌታናኔ ኤዓና። 7 ኢንቴ ታናን ዲኮ ታ ቃላይካ ኢንቴናን ዲኮ ኢንቴ ኮዩዳይሳ አይቺኮ ዴማና። 8 ዳሮ አይፊ ኢንቴ አይፊሺን ታ አዋይ ቦንቼቴስ፤ ኢንቴ ታና ካሊዛይታ ጊዲዳይሲ ሄሳን ኤሬታና።

9 “አዋይ ታና ደሲዳይሳላ ታካ ኢንቴና ዶሳዲስ፤ ሄሳ ጊሽ ኢንቴ ታ ሲቆን ዲቴ። 10 ታኒ ታ አዋ አዛዞ ፖላዳ ኢዛ ሲቆን ዲዳ ማላ ኢንቴካ ታ አዛዞ ፖሊኮ ታ ሲቆን ዳና። 11 ሃይሳ ታ ኢንቴስ ጥቲዛይ ታ ኡፋይሲ ኢንቴናን ጊዳና ማላኔ ኢንቴ ኡፋይሲካ ኩሜስ ጊዳናሳ። 12 ታ ኢንቴስ ኢሚዛ አዛዞይ ታ ኢንቴና ሲቂዳ ማላ ኢንቴካ ኢንቴ ጊዶን ኢሶይ ኢሳራ ሲቂታናሳ። \* 13 አሲ ባ ላጌስ ባ ሽዎፖ አሲ ኢዋፕ አዲዛ ሲቆይ ዴና። 14 ታ ኢንቴና አዛዚዛይሳ ኡባ ኢንቴ ፖሊኮ ኢንቴ ታ ላጌታ። 15 አሽካራይ ጎዳይ አሲዛይሳ ኤሮንታ ጊሽ ሃይሳፊ ጉዩ ታ ኢንቴና አሽካራታ ጊኬ። ጊዶ አቲን ታኒ ታ አዋፕ ሲዩዳይሳ ዉርሳ ኢንቴስ ቆንጨሲዳ ጊሽ ታ ኢንቴና ታ ላጌታ ጋዲስ። 16 ታ ኢንቴና ዶራዲስ አቲን ኢንቴ ታና ዶሪቤኬታ፤ ኢንቴ ቢዲ ዳሮ አይፊ አይፋና ማላ ኢንቴ አይፊይ ኤቂ ዳና ማላ ታ ኢንቴና ዎሳዲስ፤ ሄሳ ጊሽ ኢንቴ ታ ሱንላን ዎሲዳይሳ ዉርሲ አዋይ ኢንቴስ ኢማና። 17 ሄሳ ጊሽ ኢንቴ ኢንቴ ጊዶን ኢሶይ ኢሳራ ሲቂታና ማላ ታ ኢንቴና አዛዛይስ።

**ዮሱሲ ባና ካሊዛይታ አላሜይ ኢገናይሳ ጥቲዴስ**

18 “ካሌሲዲካ ዮሱሲ ኢንቴና አላሜይ ኢጊኮ ኢንቴፊ ካሴ ታና ኢጊዳይሳ ኤሪቴ። 19 ኢንቴ አማናንታ አላሜ አሳ ጊዲኮ አላሜ አሳይ ባ ባጋ ጊዲዳይ ዶሴስ። ጊዶ አቲን ኢንቴ አላሜ ባጋ ጊዶንታ ጊሽ ታ ኢንቴና አላሜፕ ሻካዳ ዶሪዳ ጊሽ ዴሬይ ኢንቴና ኢዴስ። 20 ‘አሽካራይ ጎዳፕ አዴና’ ጋዳ ታ ካሴ ኢንቴስ ጥቲዳይሳ ዩሺ ቆፒቴ፤ ኢስቲ ታና ጎዲዛይቲ ኢንቴናካ ጎዳና፤ ኢስቲ ታ ቃላ ናጊዛኮ ኢንቴ ቃላ ናጋና። 21 ኢስቲ ታና ኪቲዳይ ኤሮንታ ጊሽ ታ ጋሶን ኢንቴ ቦላ ሄሳ ዉርሲ አሳና። 22 ታ ያዳ ኢስታስ ጥቲንታኮ ኢስታስ ናጋራ ጊዴና። ሃዒ ቃስ ኢስታ ናጋራስ ሃኖ ጊዛ ጋሶይ ባዋ። 23 ታና ኢጊዛይይ ታ አዋካ ኢዴስ። 24 ሃራ አሲ አሶንታ አሶ ታ ኢስታ ጊዶን አሶንታኮ ኢስታስ ናጋራ ጊዴናሺን፤ ሃዒ ኢስቲ ሄሳ ዉርሲ ቤዩዳፕ ጉዩ ታናካ ታ አዋካ ኢጊዳ። 25 ሄሲካ ሃኒዳይ ካሴ ‘ታና ጋሶይ ባይንዳ ዲሺን ኢጊዳ’ ጌቴቲዲ ኢስታ ዎጋን ገፊቲዳ ቃላይ ፖሌታናሳ።

26 “ጊዶ አቲን አዋፕ ኪዚዲ ያናይስ ታካ ታ አዋ አቻፊ ኢንቴስ ዩዳናይስ ቱማ አያናይ ሚንጌሲዛይስ ዩዲ ኢዚ ታ ጊሽ ማርካታና። 27 ኢንቴ ኮይሮፕካ ታናራ ዲዛ ጊሽ ታስ ኢንቴካ ማርካታንዴታ” ጊዴስ።

16

1 ቃሴካ ዮሱሲ “ሄኮ ሃይሳ ዉርሳ ታ ኢንቴስ ኢንቴ አማናይ ያርክ ያርኮፎ ጋዳ ጥታዲስ። 2 ኢስቲ ኢንቴና ባ ኪላፊ ጎዳና፤ ሃራይ አቶሺን ኢንቴና ዎዲዛይይ ዉሪ ያሳስ አሲዛይ ሚሳቲዛ ዎዴይ ያና። 3 ኢስቲ ሄሳላ አሲዛይ ታናካ ታ አዋካ ኤሮንታ ጊሻሳ። 4 ታ ሃይሳ ኢንቴስ ሃራ ጥቲዛ ዎዴ ኢንቴ ታ ኢንቴስ ጊዳይሳ ቆፓናሳ” ጊዴስ። ካሌሲዲካ ዮሱሳ “ሃይሳ ዉርሳ ታ ኢንቴስ ጥቲንታ አጊዳይ ታ ኢንቴናራ ኢሲፊ ዲዛ ጊሻሳ።

**ጊሎ አያና አሶ**

5 “ሃዒ ቃሴ ታና ኪቲዳይሳኮ ባና ጋይስ፤ ጊዶ አቲን ኢንቴፊ አኒካ ‘ኔ አዋ ባኔ?’ ጊዲ አይቻናይ ባዋ። 6 ጊዶ አቲን ሃይሳ ዉርሳ ታ ኢንቴስ ጥቲዳ ጊሽ ኢንቴ ዎዝናይ ሙዞቴስ። 7 ታ ቃሴ ኢንቴስ ቱሙ ጋይስ፤ ታ ቡሲ ኢንቴስ ጎዳ ጊዳና፤ ጋሶይካ ታ ቦንታ አጊኮ ሚንጌሲዛ አያናይ ኢንቴኮ ዩና። ታ ቢዳፕ ጉዩ ኢዛ ኢንቴኮ ዩዳና። 8 ኢዚ ዩዲ አሳ ናጋራ ጊሺኔ ጊሎቴላ ጊሽ ቃሴካ ፐርዳ ጊሽ ኤሪሳና። 9 አሳ ናጋራ ጊሽ ኢዚ ኤሪሳናይ አሳይ ታና አማናንታ ጊሻሳ። 10 ጊሎቴላ ጊሽ ኢዚ አሳ ኤሪሳናይ ታኒ ታ አዋኮ ቢዛ ጊሺኔ ቃሴ ናምግንሶ ኢንቴ ታና ቤዮንታ ጊሻሳ። 11 ፐርዳ ጊሽ ኢዚ ኤሪሳናይ ሃይሳ አላሜዛ ሃሪዛይሳ ቦላ ፐርዴቲዳ ጊሻሳ።

\* 15:12 ጥሃ 13:34፤ 15:17፤ 1ጥሃ 3:23፤ 2ጥሃ 5

12 “ታ ኢንቴስ ቡሮ የታና ዳሮ የቦይ ዴስ፤ ጊዶ አቲን ሃሲ ኢንቴና ዴፃና። 13 ቱማ አያናይ ዩዲ ኢንቴና ቱማይ ዲዛሶ ካሌሳና፤ ጋሶይካ ኢዚ ሲዩዳይሳ የታና አቲን ባፔ ጊዶንታ ጊሽ ኢዚ ሲንሳፌ ሃናና የቦታ ኢንቴስ የታና። 14 ታስ ዲዛይሳፌ ኤኪዲ ኢዚ ኢንቴስ የቲዛ ጊሽ ታና ቦንቻና። 15 አዋስ ጊዲዳይ ወራካ ታይሳ፤ ‘ታስ ጊዲዳይሳፌ ኤኪዲ ኢዚ ኢንቴስ የታና’ ታ ጊዳይ ሄሳሳ” ጊዴስ።

**ኢንቴ ሙዞቴስ ኡፋይሳን ላሜታና**

16 ዩሱሲ ጉጂዲ “ጉሳ ዎዴፔ ጉዩ ኢንቴ ታና ቤዩኬታ፤ ቃሴካ ጉሳ ዎዴፔ ጉዩ ኢንቴ ታና ቤያና” ጊዴስ።

17 ኢዛ ካሊዛይታፔ ባጋቲ ባ ጊዶን “ሃይሲ ኑስ ጉሳ ዎዴፔ ጉዩ ኢንቴ ታና ቤዩኬታ፤ ቃሴካ ጉሳ ዎዴፔ ጉዩ ኢንቴ ታና ቤያና፤ ቃሴ ታ አዋኮ ባና፣ ጉሲ አይ ጉሴ?” ጊዳ። 18 “ሂስቲን ሃይሲ ‘ጉሳ ዎዴፔ ጉዩ’ ጊዛይሲ ኢዚ አኬ? ኢዚ የቲዛይሲ ኑስ ኤሬቴና” ጊዲ ባ ጊዶን ዛሪ ዛሪ አይሼቲዳ።

19 ኢስቲ ኢዛ አይቻናይሳ ዩሱሲ ኤሪዲ ኢስታስ ሂዘጊዴስ “ኢንቴ ኢንቴ ጊዶን ኢሶይ ኢሳራ አይሼቲዛይ ታ ኢንቴስ ‘ጉሳ ዎዴፔ ጉዩ ኢንቴ ታና ቤዩኬታ፤ ቃሴካ ጉሳ ዎዴፔ ጉዩ ኢንቴ ታና ቤያና’ ጊዳ ጊሻሴ? 20 ታ ኢንቴስ ቱማ ጋይስ፤ ኢንቴ ዋሳና ኩካናሺን አላሜይ ጊዲኮ ኡፋይታና። ኢንቴ ሙዞቴሺን ኢንቴ ሙዞይ ኡፋይሳን ላሜታና። 21 ማጫሲ ዩሎ ዎዴይ ጋኪሺን ሚፃስ ሂርጋወስ ሺን ና ዩላ ዩጊዳፔ ጉዩ ቢታ ቦላ ናይ ዩሎቲዳ ጊሽ ኡፋይሳፌ ዴንዲዳይሳን ካሴ ባ ዋይዳይሳ ዛራ ቆፑኩ። 22 ሄሳሳ ኢንቴካ ሃሲ ሙዞቴታ፤ ቃሴ ታ ኢንቴና ቤያና ኢንቴ ዎዘናይካ ኡፋይታና፤ ኢንቴ ኡፋይሳ ዛሪ ኤካናዴይ ዴና።

23 “ኢንቴ ሄ ዎዴ ታፔ አይኮካ ዎሴኬታ፤ ታ ኢንቴስ ቱሙ ጋይስ፤ ታ ሱንሳን ታ አዋ ዎሲኮ ኢዚ ኢንቴስ ወርሲካ ኢማና። 24 ሃኖ ጋካናስ ኢንቴ ታ ሱንሳን አይኮካ ዎሲ ኤሬኬታ፤ ዎሲቴ ኢንቴ ኤካና፤ ኢንቴ ኡፋይሳይካ ኩሜስ ጊዳና።

25 “ሃሲ ጋካናስ ታ ኢንቴስ ሌሚሶራ የታዲስ ሺን ሃይሳፌ ጉዩ ታ ሌሚሶራ የቶንታ ዎዴይ ያና። ጊዶ አቲን አዋ ጊሽ ኢንቴስ ወርሳ ቆንጫሳ የታና። 26 ሄ ዎዴ ኢንቴ ታ ሱንሳን ዎሳና፤ ታካ ‘አዋ ኢንቴ ጊሽ ዎሳና’ ጊኬ። 27 ጋሶይካ አዋይ ባ ባጋራ ኢንቴና ዶሲዛ ጊሻሳ። አዋይ ኢንቴና ዶሲዛይ ኢንቴ ታና ዶሲዛ ጊሻሴ፤ ታ ዎሳ አቻፌ ዩዳ ኢንቴ አማኒዳ ጊሻሳ። 28 ታኒ አዋ አቻፌ ኬዛዳ ሃይሳ ሃ አላሜ ያዲሲኒ ቃሴካ ሃ አላሜዛ አጋዳ አዋኮ ታ ሲማ ባና” ጊዴስ

29 ኢዛ ካሊዛይቲ “ሄኮ ኔ ሃሲ ሌሚሶ ጊዶንታ ኑስ ቆንጫራ የታዳሳ። 30 ኔ ወርሳ ኤሪዛ ማላኒ አኒካ ኔና አይቻናስ ኮሾንታይሳ ሃሲ ኑ ኤሪሶስ። ሄሳ ጊሽ ኔ ዎሳ አቻፌ ኬዚዳይሳ ኑ አማናስ” ጊዳ።

31 ዩሱሲ ኢስታስ “ኢንቴ ሃሲ አማኒዴታ፤ 32 ጊዶ አቲን ኢንቴ ኢንቴ ባጋራ ባጋራ ላሌቲዲ ታና ፃላ አጋና ዎዴይ ጋኪዴስ፤ ሄ ሳቴያካ ሃሲ ጋካዱስ። ጊዶ አቲን አዋይ ታናራ ጊዲዳ ጊሽ ታ ታርካ ዲኬ። 33 ታ ሃይሳ ኢንቴስ የቲዛይ ኢንቴ ታናን ዴሲን ኢንቴስ ሳርቴሲ ዳና ማላ ጋዳ የታይስ። ኢንቴ ሃ አላሜን ዲሺን ኢንቴስ ዋዩይ ዴስ፤ ጊዶ አቲን አይኮይ ባ ታ አላሜ ያናዲስ” ጊዴስ።

**ዩሱሳ ዎሳ**

1 ዩሱሲ ሄሳ ጊዳፔ ጉዩ ፑዴ ሳሎ ጶቁ ጊ ያሊዲ “ታ አዋወ! ሄኮ ሃሲ ሳቴይ ጋኪዴስ፤ ኔ ናይ ኔና ቦንቻና ማላ ኔኒ ኔ ናዛ ቦንቻ። 2 ኔ ቦንቻናይካ ኔ ኢዛስ ኢሚዳይታስ ኢዚ ሜርና ዴዎ ኢማና ማላ ኔ ኢዛስ አሳ ኡባ ቦላ ጎዳቴስ ኢሚዳ ጊሻሳ። 3 ሜርና ዴዎይካ ኔ ፃላላ ቱሙ ያሳኒ ኔ ኪቲዳ ዩሱስ ኪርስቶሳ ኤሪ ጉሳ። 4 ኔ ታስ ኢሚዳ አሶ ታኒ ወርሳዳ ሃ ቢታ ቦላ ኔና ቦንቻዲስ። 5 ታ አዋወ! አላሜይ ሜዴታናፔ ካሴ ታስ ኔናራ ዲዛ ቦንቻን ሃሲካ ታና ኔ አቻን ቦንቻርኪ።

6 “ሃይሳ አላሜ አሳፔ ኔ ታስ ዶራዳ ኢሚዳ አሳታስ ኔ አናኮኔ ታ ኢስታስ ኔና ቆንጫሳዲስ፤ ኢስቲ ካሴካ ኔይታ ሺን ኔ ታስ ኢማዳሳ፤ ኢስቲካ ኔ ቃላ ናጊዳ። 7 ኔ ታስ ኢሚዳይሲ ወራካ ኔፔ ጊዲዳይሳ ኢስቲ ሃሲ ኤሪዳ። 8 ኔ ታስ ኢሚዳ ቃላታካ ኢስታስ ኢማዲስ፤ ኢስቲካ ኤኪዳ፤ ታ ኔ አቻፌ ዩዳይሳ ኢስቲ ቱማፔ ኤሪዳ፤ ኔ ታና ኪቲዳይሳካ ኢስቲ አማኒዳ።

9 “ታ ኢስታስ ዎሳይስ፤ ሄይቲ ኔ ታስ ኢሚዳይቲ ኢስቲ ኔይታ ጊዲዳ ጊሽ ታ ኢስታስ ዎሳይስ፤ ጊዶ አቲን ሃንኮ አላሜ አሳስ ዎሲኬ። 10 ታስ ጊዲዳይ ወራካ ኔይሳ፤ ኔይሲ ወራካ ታይሳ፤ ታካ ኢስታን ቦንቻታና። 11 ሃይሳፌ ጉዩ ታኒ ሃይሳ አላሜ ቦላ ዲኬ፤ ኢስቲ ጊዲኮ ሃ አላሜ ቦላ ዴቴስ። ሃሲ ታ ኔኮ ባይስ፤ ጊሻ ታ አዋወ! ሃይታ ኔ ታስ ኢሚዳይታ ኢስቲ ኑ ማላ ባ ጊዶን ኢሲኖ ጊዳና ማላ ኔ ታስ ኢሚዳ ኔ ሱንሳን ኢስታ ናጋ። \* 12 ታ ኢስታራ ኢሲፌ ዳሼ ኔ ታስ ኢሚዳ ኔ ሱንሳን ታ ኢስታ ናጋዲስ፤ ሄሳ ጊሽ ካሴ ፃፌቲዳ ጌኤሻ ማፃፋ ቃላይ ፖሌታና ማላ ኢዚ ካሴካ ዳየስ ዲዛ ናዛፔ አቲን ኢስታፌ አኒካ ዳይቤና። † 13 ታ ቃሴ ሃሲ ኔኮ ባይስ፤ ታ ሃ አላሜ ቦላ ዳሼ ሃይሳ የቲዛይ ታ ኡፋይሲ ኢስታን ፖሌታና ማላ ጋዳ የታይስ። 14 ታኒ ኔ ቃላ ኢስታስ ኢማዲስ፤ ታኒ ሃ አላሜ አስ ጊዶንታይሳ ማላ ኢስቲካ ሃ አላሜ አስ ጊዴቴና። ሄሳ ጊሽ ሃ አላሜ አሳይ ኢስታ ኢዲዴስ። 15 ኔ ኢስታ ኢታፔ ናጋና ማላ ታ ኔና ዎሳይስ አቲን ኔ ኢስታ ሃ አላሜፔ ዴንሳ ኤፋና ማላ ታ ኔና ዎሲኬ። 16 ታኒ አላሜ አስ ጊዶንታይሳ ማላ ኢስቲካ ሃ አላሜ አስ ጊዴቴና። 17 ኔ

\* 17:11 ኔ ታስ ኢሚዳ ሱንሳን ኢስታ ናጋ ኢሲ ኢሲ ጊሻ ማፃፋታ ቢርሼሳይ “ኔ ታስ ኢሚዳ ኡባ ኔ ሱንሳን ናጋ” ጌቴስ።  
† 17:12 ኔ ታስ ኢሚዳ ኔ ሱንሳን ኢስታ ናጋዲስ ኢሲ ኢሲ ጊሻ ማፃፋቲ “ኔ ታስ ኢሚዳ ኡባ ኔ ሱንሳን ታ ኢስታ ናጋዲስ” ጊስ።

ኢስታ ኔ ቱማን ኔስ ሻካ፤ ኔ ቃላይካ ቱሙ ቃላ። 18 ኔ ታና ሃ አላሜ ኪቶይሳሶ ታካ ኢስታ አላሜዛ ቦላ ኪታዲስ። 19 ኢስቲ ቱማፔ ኔስ ዱማ አስ ጊዲዳ ማላ ታኒካ ታና ኢስታ ጊሽ ዱማሳይስ።

20 “ኢስታ ቃላ ማርካቴሳን ታና አማናይታ ጊሻራ ታ ኔና ዎሳይስ አቲን ታ ኔና ኢስታ ጊሽ ሃላላ ዎሲኬ። 21 ታ ዎሲዛይ ኢስቲ ወርካ ኢሲኖ ጊዳና ማላሳ። ታ አዋወ! ቃሴካ ኔ ታናን ዲዛ ማላ ኢስቲካ ኑናን ጊዳና ማላኔ ኔ ታና ኪቲዳይሳ ሃ አላሜይ አማናና ማላ ታ ኔና ዎሳይስ። 22 ኑኒ ኑ ጊዶን ኢሲኖ ጊዲዳ ማላ ኢስቲካ ባ ጊዶን ኢሲኖ ጊዳና ማላ ኔ ታስ ኢሚዳ ቦንቾዛ ታካ ኢስታስ ኢማዲስ። 23 ታ ኔና ዎሲዛይ ታ ኢስታን፤ ኔካ ታናን ጊዲዳ ማላ ኢስቲካ ኩሜስ ኢሲኖ ጊዳና ማላሳ። ቃሴካ ኔኒ ታና ኪቲዳ ማላኔ ታና ኔ ሲቂዳ ማላ ኢስታካ ኔ ሲቂዳይሳ አላሜ አሳይ ኤራናሳ።

24 “ታ አዋወ! ኔ ታና ሃይሲ አላሜይ ሜዴታናፔ ካሴ ዶሲዳ ጊሽ ኔ ታስ ኢሚዳ ታ ቦንቾዛ ኢስቲ ቤያና ማላ ሃይታ ኔ ታስ ኢሚዳይቲካ ታ ዲዛሶን ታናራ ዳና ማላ ዶሳይስ። 25 ጊሎ ጊዲዳ ታ አዋወ! ኔና አላሜይ ኤሪቤና፤ ታ ጊዲኮ ኔና ኤራይስ፤ ሃይቲካ ኔ ታና ኪቲዳይሳ ኤሪዳ። 26 ኔ ታና ሲቂዳ ሲቆይ ኢስታን ጊዳና ማላኔ ታካ ኢስታን ጊዳና ማላ ኢስቲካ ኔና ኤራና ማላ አሳይስ። ቃሴካ ኢስቲ ኤራና ማላ አሳና” ጊዴስ።

18

**ዮሱሲ ባ ሞርኬታ ኩሼን አዲ ኢሜቲዲ አይኬቲዴስ**  
(ማቶ 26:47-56፤ ማር 14:43-50፤ ሉቃ 22:47-53)

1 ሄሳ ወርሲ ዮቲዳፔ ጉዬ ዮሱሲ ባና ካሊዛይታራ ቁዲሮኔ ጌቲቲዛ ሾባ ፒኒዲ አታኪልቴ ጊዶ ጌሊዴስ። \* 2 ዮሱሲኔ ኢዛ ካሊዛይቲ ካሴካ ሄ ጋዴዬን ዳሮ ዎዴ ኢሲፌ ሺቂዛ ጊሽ ዮሱሳ አሲ ኢሚዳ ዮሁዳይ ሄ ጋዴዮ ካሴካ ኤራስ። 3 ሄሳ ጊሽ ዮሁዳይ ዎታዳራታ፣ ቁሴታ ሃላቃታኔ ፋርሳዊታፔ ኪቲቲ ዬዳ አሽካራታ ወርሲ ካሌሲ ኤኪዲ ሄ ኢስቲ ሺቂዛሶ ዬዴስ። ኢዛራ ዬዳ አሳይ ፓኖሴ፣ ዎምፔ፣ ማሻኔ ቶራ አይኪዲ ዬዴስ። 4 ዮሱሲ ባ ቦላ ጋካናይሳ ወርሲ ኤራዲ ዬዳ አሳኮ ቢዲ “አና ኮዮቲ?” ጊዴስ።

5 ኢስቲ ቃሴ “ናዚሬቴ ዮሱሳ ኮዮስ” ጊዳ። ኢዚካ ኢስታስ “ታኒ ኢዛ” ጊዴስ። ኢስታስ አሲ ኢሚዳ ዮሁዳይ ኢስታራ ኢሲፌ ኤቂዴስ። 6 ዮሱሲ “ታ ኢዛ” ጊዳ ማላ አሳቲ ጉዬ ጋንዲጋሪዲ ቢታ ቦላ ኩንዲዳ። 7 ዮሱሲ ሃዲካ “አና ኮዮቲ?” ጊዲ አይቺን ኢስቲ ዛሪዲ “ናዚሬቴ ዮሱሳ ኮዮስ” ጊዳ። 8 ኢዚካ ዛሪዲ “ታኒ ኢዛኮ! ሂስቲን ኢንቴ ኮዩዛይ ታና ጊዲኮ ሃይቲ ቤቶ ቦቾፍቴ” ጊዴስ። 9 ሄሲ ሃኒዳይ “ታ አዋወ! ኔ ታስ ኢሚዳይታፔ ኢሳይካ ታ ዳይሳቤይኬ” ጊዳ ቃላይ ፖሌታና ማላሳ።

10 ሲሞና ጌቲቲዛ ጳፅሮሲ ጊሳ ማሻ አይኪዳ ጊሽ ማሻ ኮሆፔ ሾዲዲ ኢሲ ቁሴታ ሃላቃ አሽካራ ዲዛይሳ ሃይሴ ማሻራ ቃንጊ ዮጊዴስ። ሄ አሽካራዛ ሱንሲ “ማልኮሳ” ጌቲቲስ። † 11 ዮሱሲ ቃሴ ጳፅሮሳ “ኔ ማሻ ጊዴ ኮሆን ዛራ ጌልሳ። አዋይ ታስ ኢሚዳ ዋዬ ኡሻ ታ ኡዮንታ አጋና ሚሳቲኬ?” ጊዴስ። \*

**ዮሱሲ ቁሴታ ሃላቃ ሃና ሲንስ ሺቂዴስ**

12 ሄሳፌ ጉዬ ዎታዳራቲ፣ ኢስታ አዛዚዛይሲኔ አይሁዳታ አሽካራቲ ዮሱሳ አይኪዲ ቃቺዳ። 13 ኮይሮ ሄ ላይሳን ቁሴታስ ሃላቃ ቃያፋ ቦሎ ሃናኮ ኤፊዳ። 14 ቃያፋይ “ዴሬ ጊሽ ኢሳይይ ሃይቂኮ ሎዎ” ጊዲ አይሁዳታ ዳናታ ካሴ ዞሪዳዴ። \*

**ጳፅሮሲ ዮሱሳ ካዲዴስ**

(ማቶ 26:69-70፤ ማር 14:66-68፤ ሉቃ 22:55-57)

15 ሲሞና ጌቲቲዛ ጳፅሮሲኔ ዮሱሳ ካሊዛይታፔ ኢሳይይ ዮሱሳ ካሊዳ። ሄሳይይ ቁሴታ ሃላቃ አቻን ኬሂ ኤራቲዳዴ። ሄሳ ጊሽ ዮሱሳራ ኢሲፌ ቁሴታ ሃላቃዛ ጊቤ ጌሊዴስ። 16 ጳፅሮሲ ጊዲኮ ፔንጌሬ ካራ ባጋራ ኤቂዴስ። ቁሴታ ሃላቃ አቻን ኬሂ ኤራቲዲ ዮሱሳ ካሊዛይሲ ዬዲኔ ፔንጌን ዲዛ ጋራዴያ ጳፅሮሳ ጊቤ ጊዶ ጌልሳና ማላ ዮቲዲ ጳፅሮሳ ኤኪ ጌሊዴስ። 17 ፔንጌ ናጊዛ ጋራዴያ ጳፅሮሳ “ኔካ ሄሳ አይዛ ካሊዛ አሳታፔ ኢሳ ዲኪ?” ጋዲስ። ኢዚ ቃሴ “ታኒ ኢዛ ካሊዛዴ ጊዲኬ” ጊዴስ።

18 ዎዴይ ሜጊዛ ዎዴ ጊዲዳ ጊሽ አሳንቻቲኔ አሽካራቲ ታማ ኤሲዲ ኤቆን ሆዔቴስ። ጳፅሮሲካ ኢስታራ ኤቂዲ ሆዔስ።

**ቁሴታ ሃላቃፔ ዮሱሳስ ሺቂዳ አይሾ**

(ማቶ 26:59-66፤ ማር 14:55-64፤ ሉቃ 22:66-71)

19 ሄ ዎዴ ቁሴታ ሃላቃይ ዮሱሳ ኢዛ ካሊዛይታ ጊሺኔ ኢዚ ታማርሲዳ ቲሚርቴ ጊሽ አይቺዴስ። 20 ዮሱሲካ ኢዛስ “ታ አሳ ኡባስ ቆንጩን ዮታዲስ፤ አይሁዳቲ ሺቂዛ ኢስታ ዎሳ ኬሳን ጊዲንካ ዎሳ ኬሳን ታማርሳዲስ፤ ታ ቆታን ሃሳዬዛዚ አይኮይካ ዴና። 21 ሂስቲን ኔ ታና አይቺዛይ አዜ? ታ ዮቲሺን ሲዬዳይታ አይቻ፤ ታ ዮቲዳይሳ ኢስቲ ኤራቴስ” ጊዴስ።

22 ዮሱሲ ሄሳ ጊዳ ማላ ሄን ኤቂዳ አሽካራታፔ ኢሳይ “ቁሴታ ሃላቃስ ሃይሳሶ ዎስታ ዛራይ” ጊሽ ዮሱሳ ሻጋላን ባቃ ሻዬዴስ።

\* 18:1 ሾባ ጊዛይሳ ዙሌ ጌቲስ። † 18:10 ኮሆፔ ጊዛይሳ ኢሲ ኢሲ ጋዎ አሳይ ሾሆፔ ጌስ። \* 18:11 ማቶ 26:39፤ ማር 14:36፤ ሉቃ 22:42 \* 18:14 ዮሃ 11:49-50



23 ዩሱፊክ ዛሬዲ “ታ ኢታ ሃሳዩዳ ጊዲኮ አኔ ታ ጎይሳ ኔ ማርካታ፤ ታ ዮቲዳይ ሊኬ ጊዲኮ ታና አዛሰ ባቃይ?” ጊዴስ። 24 ሄሳፌ ጉዩ ሃናይ ዩሱሳ ቃቺዳ ማላ ቄሴታ ሃላቃ ቃያፋኮ ዩዲዴስ።

**ጴጥሮሲ ዩሱሳ ዛሬዲ ካዲዴስ**  
(ማቶ 26:71-75፤ ማር 14:69-72፤ ሉቃ 22:58-62)

25 ሄ ዎዴ ሲሞና ጌቱቲዛ ጴጥሮሲ ኤቂዲ ታማ ሆዲሺን ሃንኮ አሳይ ኢዛ ሃይሶ! ኔ ዩሱሳ ካሊዛይታፎ ኢሳ ዲኪ?” ጊዳ። ኢዚካ ዛሬዲ “ታ ኢዛ ካሊዛዴ ዲኬ” ጊዲ ካዲዴስ።

26 ካሴ ጴጥሮሲ ኢዛ ሃይስ ቃንጊዳይሳ ዳቦይ ቄሴታ ሃላቃ አሽካራታፎ ኢሶይ “ዎና ታ ኔና አታኪልቴሶን ኢስታራ ዲሺን ቤያቤኪና?” ጊዴስ።

27 ጴጥሮሲ ቃሴካ ካዲዴስ፤ ሄራካ ኩቶይ ዋሲዴስ።

**ዩሱሲ ጲላሶሳ ሲንስ ሺቂዴስ**  
(ማቶ 27:1-2፤ 11-14፤ ማር 15:1-5፤ ሉቃ 23:1-5)

28 ሄሳፌ ጉዩ ዩሱሳ ቃያፋ ኬሳፌ ዴሬ አይሲዛ ካዎዛ ጊቤ ማላዶ ዎንታራ ኤኪ ቢዳ። አይሁዳ አሳሰ ፓዚጋ ባዓሌ ዶርሳ አሾ ሚዛ ዎዴ ጊዲዳ ጊሽ ባና ቱኒሶንታ ማላ ጊዲ ማላዶራ ዴሬ አይሲዛይሳ ጊቤ ጊዶ ጊሊቤቴና። † 29 ሄሳ ጊሽ ጲላሶሲ ጌዴ ኢስታኮ ኬዚዲ “ሃይሳ አዴዛ ኢንቴ አዛሰ ሞቱቲ?” ጊዲ አይቺዴስ።

30 ኢስቲ ቃሴ “ሃይሲ አዴዚ ኢታ አሶንታዴ ጊዲዳኮ ኑ ኢዛ ኔስ አሲ ኢሞኮሺን” ጊዳ

31 ጲላሶሲካ “ኢንቴ ኢዛ ኤኪ ቢዲ ኢንቴ ዎጋ ማላ ፐርዲቴ” ጊዴስ። አይሁዳታ አይሲዛይቲ ቃሴ ዛሬዲ “ኑ አሲ ዎዳና ማላ ኑስ ፐቃዴይ ኢሜቲቤና” ጊዴስ።

32 ሄሲካ ሃኒዳይ ዩሱሲ ካሴ ኢስታስ ኢዚ ዋኒ ሃይቃናኮኔ ዮቲዳ ቃላይ ፖሌታና ጊሻሳ። \*

33 ጲላሶሲ ቃሴካ ጉዩ ጊቤ ጊዶ ጊሊዲ ዩሱሳ ያይጊሲዲ “ኔ አይሁዳታ ካዎ?” ጊዲ አይቺዴስ።

34 ዩሱሲካ ዛሬዲ “ኔ ሄሳ ጊዛይ ኔፎይ? ዎይኮ ሃራ አሳቲ ታ ጊሽ ኔስ ዮቲዶ?” ጊዴስ። 35 ጲላሶሲካ “ታ አይሁዳ አሴ? ኔና ታስ አሲ ኢሚዳይቲ ኔ ባጋታኔ ቄሴታ ሃላቃታኮ፤ ኔ አይ አሳዲ?” ጊዴስ።

36 ዩሱሲካ “ታ ካዎቴሲ ሃይሳ ሃ አላሜ ቦላ ጊዴና። ታ ካዎቴሲ ሃይሳ ሃ አላሜ ቦላ ጊዲዳኮ አይሁዳታ ዳናታ ኩሺን ታ ኩንዶንታ ማላ ታ አሽካራቲ ታ ጊሽ አሌታናኮሺን ታ ካዎቴሲ ጊዲኮ ሃ አላሜ ቦላ ጊዴና” ጊዴስ። 37 ጲላሶሲካ “ሂስቲን ኔ ካዎ?” ጊዴስ፤ ዩሱሲ ቃሴ “ታኒ ኔ ጊዳይሳ ማላ ኤ ካዎ፤ ታ ዩሌቲዳይኔ ሃ ቢታ ዩዳይ ቱማ ጊሽ ማርካታናሳ። ቱማፎ ጊዲዳይ ዉሪ ታ ቃላ ሲዩስ” ጊዴስ።

38 ጲላሶሲካ “ቱማይ አዜ?” ጊዴስ። ሄሳፌ ጉዩ ጲላሶሲ ናምዓንሶ አይሁዳታኮ ኬዚዲ “ታ ኢዛ ቦላ አይኮ ባላ ቤያቤኬ። 39 ጊዶ አቲን ካሴካ ታ ኢንቴስ ፓዚጋ ባዓሌ ጋሳስ ኢሲ ቃሾ አሲ ቢርሺዛ ማላ ሃይሳ አይሁዳታ ካዎ ኢንቴስ ቢርሻና ማላ ኮዩቲ?” ጊዴስ።

40 ኢስቲ ጊዲኮ “ኑስ ባርባኔ ቢርሻ አቲን ሃይሳ ዴና!” ጊዲ ዋሲዳ። ባርባኔይ ባ ሁዔስ ፓንጋ።

**ዎታዳራቲ ዩሱሳ ቦላ ቂዲ ካዲዳ**  
(ማቶ 27:27-32፤ ማር 15:15-21)

1 ሄሳፌ ጉዩ ጲላሶሲ ዩሱሳ ኤፊዲ ጋራፊሲዴስ። 2 ዎታዳራቲካ አጉንሳ ዛዉዴ ዓፂዲ ዩሱሳ ሁዔን ዎሲዳ፤ ዘዎ ካባካ ማይዚዳ። 3 ኢዛኮ ሺቂ ሺቂዲ “አይሁዳ ካዎ ሳሮ! ሳሮ!” ጊ ጊዲ ኢዛ ሻጋላን ባቂዳ።

4 ጲላሶሲ ቃሴካ ካሬ ኬሲዲ “ሄኮ ታ ኢዛ ቦላ አይኮ ሞሮካ ዴምንታይሳ ኢንቴ ኤራና ማላ ታ ኢዛ ኢንቴስ ሃ ካሬ ኬሳና” ጊዴስ። 5 ሄሳ ጊሽ ዩሱሲ አጉንሳ ዛዉዴ ሁዔን ዎሲ ኤኪዲኔ ዘዎ ካባ ማይዲዲ ካሬ ኬዚዴስ። ጲላሶሲካ ኢስታስ “ሄኮ አዴዚ ሃይሲኾ!” ጊዴስ።

6 ቄሴታ ሃላቃቲኔ ኢስታ አሽካራቲ ዩሱሳ ቤዩዲ “ኔ ኢዛ ካቃ! ካቃ!” ጊሽ ዋሲዳ።

ጲላሶሲ ቃሴ “ታ ታ ባጋራ ኢዛ ቦላ ኢሲ ሞሮካ ዴማቤኬ፤ ኮይኮ ኢንቴ ኤፊዲ ካቂቴ” ጊዴስ።

7 አይሁዳ አሳቲ ቃሴ “ኑስ ዎጋይ ዴስ፤ ሃይሲ አዴዚ ባና ዶሳ ና ጊዛ ጊሽ ኑ ዎጋ ማላ ኢዛስ ሃይቆይ ቤሴስ” ጊዳ። 8 ጲላሶሲ ሄሳ ኢስቲ ጊዛይሳ ሲይዲ ዳሮ ባቢዴስ። 9 ጌዴ ጊቤ ጊሊዲ ዩሱሳ “ኔ አዎፎ ያዲ?” ጊዲ አይቺዴስ። ዩሱሲ ቃሴ ኢዛስ አይ ዛሮካ ኢሚቤና።

10 ሄሳ ጊሽ ጲላሶሲ “ኔ ታስ ዮቲኪ? ታ ኔና ካቃናስ ዎይኮ ቢርሻ ዩዳናስ ጎዳቴሲ ታስ ዲዛይሳ ኤሪኪ?” ጊዴስ።

11 ዩሱሲካ ኢዛስ ዛሬዲ “ሼኔይ ኔስ ዶሳፌ ኢሜቶንታኮ ኔስ ታ ቦላ አይ ጎዳቴሲካ ዴናሺን፤ ጊዶ አቲን ታና ኔስ አሲ ኢሚዳይ ቦላ ጊታ ናጋራይ ዴስ” ጊዴስ።

**ዩሱሳ ቦላ ሃይቆ ፐርዳይ ፐርዴቲዴስ**  
(ማቶ 27:15-31፤ ማር 15:6-20፤ ሉቃ 23:13-25)

12 ጲላሶሲ ሄሳ ዩሱሳ ሃሳያ ሲዩዳፎ ጉዩ ኢዛ ቢርሺ ዩዳና ኮዩዴስ ሺን አይሁዳታስ ባቢዳ ጊሽ ኢስቲ “ኔ ሃይሳ አዴዛ ቢርሺኮ አሮሜ ካዎ ቄሳሬ ባጋ ጊዳካ፤ ጋሶይካ ባና ባርካ ካዎሲዛዴይ ዉሪ ቄሳሬስ ሞርኬ” ጊሽ ዉሪካ ዋሲዳ።

13 ጲላሶሲ ሄሳ ሲዩዳ ማላ ዩሱሳ ጌዴ ካሬ ኬሲዲ “ሎቻ ሹኾ” ጌቱቲዛ ሶን ፐርዳ ዎምቦራን ኡቲዴስ። ሄ ፐርዳሶይ አይሁዳታ ቃላራ “ጋባታ” ጌቱቲስ። 14 ሄ ዎዴ ጋዴይ አሲ ፓዚጋ ባዓሌስ

† 18:28 ፓዚጋ ጊዛይሲ ዶሳ ኪታንቻይ ኢስራዔል አሳታ ዎዶንታ አሺን ጊብዔ አሳ ኪታንቻይ ዎዲዳ ጋሶን ኢስራዔል አሳይ ዶሳ ቦንኾ ጊሽ ቦንቺዛ ባዓሌ። \* 18:32 ዮሃ 3:14፤ 12:32



ጊጌቲዛ ጋላሳ። ዎዴይካ ጋላሳፌ ኡሱፑን ሳቴ ማላ ጊዲዴስ። ሄ ዎዴ ጲላዎሲ አይሁዳታ “ሄኮ ኢንቴ ካዎይ ሃይሲቸ!” ጊዴስ።

15 ጊዴ ኡቲን ኢስቲ ቃስ “ጌዴ ዲጋ! ጌዴ ዲጋ! ካቃ!” ጊሼ ዋሲዳ። ጲላዎሲካ “ታ ኢንቴ ካዎ ካቆ?” ጊዴስ። ቁሴታ ሃላቃቲ ዛሪዲ “ኑስ ቁሳሬፕ ሃራ ካዎይ ዴና” ጊዳ።

16 ሄሳፌ ሲሚዲ ጲላዎሲ ዩሱሳ ካቃና ማላ ኢስታስ አሲ ኢሚዴስ። ኢስቲካ ዩሱሳ አይኪ ኤኪ ኤፊዳ።

**ዩሱሲ ካቁቲዴስ**

17 ሄሳፌ ጉዩ ዩሱሲ ባ ካቁታና ማስቃሌዛ ቶኪዲ “አሳ ሁዔ ጉጌ” ጌቲቲዛሶ ኬዚዴስ። ሄሶይ አይሁዳታ ቃላራ “ጎልጎታ” ጌቲቲስ። 18 ኢዛ ሄን ካቁዳ። ዩሱሳ ጊዴ ጌልሲዲ ሃራ ናምዑ አሳታ ኢዛሶ ሃዲሪሳራኔ ኡሻቻራ ካቁዳ።

19 ጲላዎሲ “ናዚሬቴ ዩሱሲ አይሁዳታ ካዎ” ጊዛ ቃላ ሃፊዲ ኢዛ ማስቃሌ ቦላ ኢዛስ ሁዔሶራ ቃጲዴስ። 20 ዩሱሲ ካቁቲዳሶይ ካታማስ ማታ ጊዲዳ ጊሽ ዳሮ አይሁዳ አሳይ ጲላዎሲ ሃፊዳይሳ ናቤቢዴስ። ሃፊቲዳይሲካ አይሁዳታ ቃላራ፣ ላቲኔ ጌቲቲዛ ቃላራኔ ጊሪኬ ቃላራ። 21 አይሁዳታ ቁሴታ ሃላቃቲ ጲላዎሳ “ኔ ኢዛ አይሁዳታ ካዎ” ጋዳ ሃፎፓ። ጊዴ ኡቲን “ሃይሲ አዴዚ ባና ታ አይሁዳታ ካዎ ጊዴስ’ ጋዳ ሃፋ” ጊዳ።

22 ጲላዎሲ ቃስ “ታ ሃፊዳይሳ ሃፋዲስ” ጊዴስ። 23 ዎታዳራቲ ዩሱሳ ካቁዳፕ ጉዩ ኢዛ ማይዎዛ ኤኪዲ ዎታዳራታ ኢሳ ኢሳ ጋካና ማላ አይዱ ኬሲ ሻኬሬሲዳ። ጋርሳራ ማይዲዛ ማይዎዛካ ሄሳሶ ሻኬሬሲዳ። ጊዴ ኡቲን ጊዴራ ማይዲዛ ማይዎዚ ሲኬቶንታ ፑዴፕ ዱጌ ጋካናስ ሮዎ ዩዳ ዴስ።

24 ሄሳ ጊሽ ዎታዳራቲ ባ ጊዴን “ጊሻን አና ጋካናኮኔ ኤራና ማላ ኢዛ ቦላ ሳማ ዩጋና ኡቲን ዳኮኮ” ጊዳ። ሄሲካ ሃኒዳይ ካሴ

“ታ ማይዎ ኢስቲ ጊሼቲ ኤኪዳ።

ታ ቦላራ ማይዲዛ ማይዎዛ ቦላ ሳማ ዩጊዳ”

ጌቲቲዳ ጊሻ ማፃፋ ቃላይ ፖሌታና ማላሳ። ዎታዳራቲካ ሄሳ አሲዳ።

25 ዩሱሳ ማስቃሌ አቻን ኢዛ አይዳኔ አይዩ ሚቼያ ቃሊዮጳ ማቻ ማራማኔ ሜግ ዳሌ ጌቲቲዛሶፕ ዩዳ ማራማ ሄን ኤቁዳ። 26 ዩሱሲ ባ አይዮኔ ኢዚ ሲቁዛ ኢዛ ካሊዛይሲ ባ አቻን ኤቁዳይታ ቤዩዲ፣ ባ አይዮ “አይ! ኔ ናዛ ሄሳ ቤያ” ጊዴስ።

27 ሄሳፌ ካሌሲዲ ባና ካሊዛይሳ “ኔ አዮ ሂኖ ቤያ” ጊዴስ። ሂኖ ሄ ሳቴይፕ ሲሚን ሄ ኢዛ ካሊዛይሲ አይዮ ባሶ ኤፊዴስ።

**ዩሱሲ ሃይቁዴስ**

(ማቶ 27:45-56፤ ማር 15:33-41፤ ሉቃ 23:44-49)

28 ሄሳፌ ጉዩ ዩሱሲ ሃዲ ዉሪካ ፖሌቲዳይሳ ኤሪዲ ጊሻ ማፃፋን ሃፊቲዳይሲ ፖሌታና ማላ “ታና ሳሜስ” ጊዴስ። \*

29 ሄን ጋዳን ጫላ ጳንቁዳ ኡሺ ኩሚ ኡቲዳ ኢሲ ሃሮ ማላይ ዴስ። ሄሳ ጊሽ ሄን ጋዳን ዲዛይቲ ሄ ጫላ ኡሻ ዛንቫ ሚሳቲዛ ሳፍናጌ ጌቲቲዛይሳራ ሂሶጴ ጌቲቲዛ ሚሳ ዪራን ቃጲዲ ኢዛ ዱናኮ ሺሺዳ። 30 ዩሱሲ ሄ ጫላ ኡሻ ፁንፃ ዪሊዲ “ፖሌቲዴስ!” ጊዴስ። ባ ሁዔ ዱጌ ዚቁሲዲ ሽምፖ ኬዚዴስ።

31 ሄሳፌ ጉዩ አይሁዳታ ዳናቲ ካቁቲዳ አሳታ ሜቁስ ዎዲራፕ ሜንሲዲ ኢስቲ ኢዛ ማስቃሌ ቦላፌ ዎሳና ማላ ጲላዎሳ ዎሲዳ። ኢስቲ ሄሳ አሲዳይ አይሁዳቲ ሳምባታስ ጊጌቲዛ ጋላስ ጊዲዳ ጊሺኔ ሄ ሳምባታይካ ዳሮ ጊታ ባዓሌ ጊዲዳ ጊሽ ሳምባታ ጋላስ አሃይ ማስቃሌ ቦላ ጋምዎንታ ማላ ኮይዳ ጊሻሳ። 32 ሄሳ ጊሽ ዎታዳራቲ ቤዲ ዩሱሳራ ካቁቲዳ አሳታ ሜቁስ ዎዲራፕ ዎዲራፕ ሜንሲዳ። 33 ኢስቲ ዩሱሳኮ ቤን ኢዚ ካሴቲዲኔ ሃይቁዳይሳ ቤዩዲ ኢዛ ዎዲራ ሜቁስ ሜንሲቤቴና።

34 ጊዴ ኡቲን ዎታዳራታ ጊዴፌ ኢሳዴይ ቶራራ ኢዛ ሚሌን ጫዲን ሄራካ ሱሲኔ ሃሲ ጉኪዴስ።

35 ሄሳ ቤዩዳዴይ ኢንቴ ኢዛን አማናና ማላ ማርካቲዴስ። ኢዛ ማርካይካ ቱማ። ኢዚ ዮቲዛይካ ቱሙ ጊዲዳይሳ ኢዚ ኤፊስ። 36 ሄሲካ ሃኒዳይ “ኢዛ ሜቁሳፌ ኢሲናካ ሜቁኩ” ጌቲቲዳ ጊሻ ማፃፋ ቃላይ ፖሌታናሳ። \* 37 ቃሴካ ጊሻ ማፃፋን ሃራሶን “ኢስቲ ባ ጫዲዳይ ቤያና” ጌስ።

**ዩሱሲ ዋጌቲዴስ**

(ማቶ 27:57-61፤ ማር 15:42-47፤ ሉቃ 23:50-56)

38 አይሁዳታ ዳናታ ባቢዲ ቆታን ዩሱሳ ካሊዛ አርማቲያሳ ጌቲቲዛሶፕ ዩዳ ዮሴፌይ ዩሱሳ አሃ ኤካናስ ጲላዎሳ ዎሲን ጲላዎሲካ ኢዛስ ኤሮ ጊዴስ። ሄሳ ጊሽ ዮሴፌይ ቤዲ ዩሱሳ አሃ ኤኪዴስ።

39 ካሴ ዩሱሳኮ ቃማራ ዩዳ ኒቆዲሞሲካ ባጋ ኪሎ ጊዲዛ ካርቤኔ ጎዳሬ ኡሳራ ዋላኪቲዳ ሺቶ ኤኪ ዩዴስ። 40 ሄ ናምዑ አሳቲ ዩሱሳ አሃ ኤኪዲ አይሁዳቲ አሃ ሃፂዛ ማላ ሺቶ ፑኪዲ ሌዔ ማይዎራ ሃፂዳ። 41 ዩሱሲ ካቁቲዳሶን ኢሲ አታኪልቴሶይ ዴስ። ሄ አታኪልቴዛሶን አኒካ ዋጌቶንታ አራሳ ዱፎይ ዴስ። 42 አይሁዳታ ሳምባታስ ጊጌቲዛ ጋላስ ጊዲዳ ጊሺኔ ዱፎይካ ማታን ዲዛ ጊሽ ዩሱሳ አሃ ሄን ሞጊዳ።

**ዩሱሲ ሃይቆፕ ዴንዲዴስ**

(ማቶ 28:1-10፤ ማር 16:1-8፤ ሉቃ 24:1-12)

\* 19:28 ማዛ 69:21፤ 22:15 \* 19:36 ኬሳ 12:46፤ ታይ 9:12፤ ማዛ 34:20

1 ዎጋ ጋላስ ዎጋ ዎጋ ማላዶ ቡሮ ባዞይ ዞሲሺን ማግዳሌ ማራማ ዮሱሳ ዱፎኮ ባዱስ። ኢዛ ሄ ጋኪሺን ካሴ ዮሱሳ ዱፎ ኢዛራ ጎርዲዳ ሹቻይ ዱፎዛ ዱናፔ ዴንዲዲ ጌንዴሪዳይሳ ቤያዱስ። 2 ሄሳ ጊሽ ኢዛ ዮሱሳ ካሊዛይታፔ ሲሞና ጌቴቲዛ ጳጳሮሳኮ ዮሱሳ ዶሲዛ ሃንኮ ኢዛ ካሊዛይሳኮ ዎፃ ባዳ “ጎዳ ዱፎፔ ኪሲ ኤኪዲ አዋን ዎሲዳኮኔ ኑ ኤሮኮ” ጋዱስ።

3 ሄራካ ጳጳሮሲኔ ዮሱሳ ካሊዛ ሂንኮ ኢሶይ ኬዚዲ ጌዴ ዱፎይ ዲዛሶ ቢዳ። 4 ናምዓይካ ኢሲፌ ዎዲዳ። ጊዶ አቲን ዮሱሳ ካሊዛ ሂንኮይሲ ጳጳሮሳፔ ፒላቲ ዎዲዲ ካሴቲ ዱፎይ ዲዛሶ ጋኪዴስ። 5 ዱፎዛ ሆኪ ያሊዲ አሃይ ኢዛን ፃዬቲዳ ማይዎይ ፃላ ዲዛይሳ ቤዬዴስ፤ ጊዶ አቲን ጌዴ ዱፎዛ ጊዶ ጌሊቤና። 6 ሲሞና ጌቴቲዛ ጳጳሮሲካ ኢዛ ካሊ ጋኪዲ ዱፎዛ ጊዶ ጌሊዴስ፤ አሃይ ኢዛን ፃዬቲዳ ጫርቃይ ሄን ዲዛይሳ ቤዬዴስ። 7 ዮሱሳ ሁዔይ ያዬቲዳ ጫርቃይ ሃንኮ ፃላ ጫርቃታራ ጊዶንታ ዱማ ሃራሶን ፃዬቲ ዲዛይሳ ቤዬዴስ። 8 ኮይሮቲ ጋኪዳ ዮሱሳ ካሊዛይሲካ ዱፎዛ ጊዶ ጌሊ ቤዬዲ አማኒዴስ። 9 ጋሶይካ “ኢዚ ሃይቆፔ ዴንዳና ቤሴስ” ጊዛ ማፃፋ ቃላ ኢስቲ ቡሮ ሃሳዬቤቴና። 10 ሄሳፌ ጉዬ ናምዓቲካ ሲሚዲ ባሶ ባሶ ቢዳ።

**ማግዳሌ ማራማ ዮሱሳ ቤያዱስ**  
(ማር 16: 9-11)

11 ማግዳሌ ማራማ ዮካሼ ዮሱሳ ዱፎፔ ካራራ ኤቃዳ ሆካ ዱፎዛ ጊዶ ያላዱስ። 12 ዮሱሳ አሃይ ዲዛሶን ቦላ ማይዎ ማይዲዳ ናምዑ ኪታንቻታፔ ኢሶይ ሁዔሶን ኢሶይ ቶሆሶን ኡቲዳይታ ቤያዱስ። 13 ኢስቲካ ማራሞ “ሃኔ ማጫሳዬ! አዛስ ዮካይ?” ጊዳ። ኢዛካ “ኢስቲ ታ ጎዳ ኤፌዲ አዋን ዎሲዳኮኔ ታ ኤሪኬ” ጋዱስ።

14 ኢዛ ሂኖ ጋዳ ጉዬ ዮዬሺን ዮሱሳ ኤቁዳይሳ ዴማዱስ ሺን ኢዚ ዮሱሳ ጊዲዳይሳ ኤራቤይኮ። 15 ዮሱሳ ኢዛ “ሃኔ ማጫሳዬ! አዛስ ዮካይ? ቃሴ አና ኮያይ?” ጊዴስ፤ ኢዚካ ኢዚስ አታኪልቴ ናጊዛዴ ሚሳቲን “ጎዶ! ኔ ኤኪዳ ጊዲኮ ኔ ዎሲዳሶ ታስ ዮታርኪ፤ ታ ኢዛ ታስ ኤካና” ጋዱስ። 16 ዮሱሳ ኢዛ “ማራሜ!” ጊዴስ፤ ኢዛካ ጌዴ ኢዛኮ ሲማዳ አይሁዳታ ቃላራ “ሬቡኔ!” ጋዱስ፤ ሄሳ ቢርሼሲ “አስታማሬ!” ጉሳ።

17 ዮሱሳ ቃስ “ታ ቡሮ ፑዴ ታ አዋኮ ኬዛቤኬ፤ ታና ቦቾፋ፤ ጊዶ አቲን ኔ ሃዲ ታ ኢሻታኮ ባዳ ‘ታኒ ታ አዋኮኔ ኢንቴ አዋኮ፤ ታ ያሳኮኔ ኢንቴ ያሳኮ ኬዛና ጊዴስ’ ጋዳ ኢስታስ ዮታ” ጊዴስ። 18 ሄሳ ጊሽ ማግዳሌ ማራማ ዮሱሳ ካሊዛይታኮ ባዳ ኢዛ ዮሱሳ ቤዬዳይሳኔ ኢዚ ኢዚስ ዮቲዳይሳ ኢስታስ ዮታዱስ።

**ዮሱሳ ባና ካሊዛይታስ ቤቲዴስ**  
(ማቶ 28: 16-20፤ ማር 16: 14-18፤ ሉቃ 24: 36-49)

19 ሄ ጋላስ ዎጋ አማርስ ዮሱሳ ካሊዛይቲ አይሁዳታ ዳናታስ ባቢዲ ካራ ባ ቦላ ጎርዲዲ ኬላ ጊዶን ሸቆን ዲሺን ካራይ ዶዬቶንታ ዮሱሳ ኢዛ ካሊዛይቲ ሸቁ ዲዛ ኬላ ጌሊዴስ፤ ኢስታ ጊዶን ኤቁዲ “ሳሮይ ኢንቴስ ጊዶ!” ጊዴስ። 20 ሄሳ ጊ ሲሚዲ ባ ኩሼታኔ ባ ሚሌ ኢስታ ቤሲዴስ፤ ኢዛ ካሊዛይቲካ ጎዳ ቤዬዲ ኬሂ ኡፋዮቲዳ።

21 ሄሳፌ ጉዬ ቃሴካ ዮሱሳ ኢስታ “ኢንቴስ ሳሮይ ጊዶ! ታ አዋይ ታና ኪቲዳ ማላ ታካ ኢንቴና ኪታይስ” ጊዴስ። 22 ሄሳ ጊ ሲሚዲ ኢስታ ቦላ ኡፋ ጊዲ “ኢንቴ ያሎ አያና ኤኪቴ።” 23 ኢንቴ አሳ ናጋራ አቶ ጊኮ ኢስታስ አቶ ጌቴታና፤ ኢንቴ አሳ ናጋራ አቶ ጎንታ ኢዲኮ ቃስ ኢንቴስ አቶ ጌቴታና” ጊዴስ። \*

**ዮሱሳኔ ቶማሳ**

24 ዮሱሳ ባና ካሊዛይታኮ ዬዳ ዎዴ ታማኔ ናምዓታፔ ኢሶይ ዲዲሞሳ ጌቴቲዛ ቶማሲ ኢስታራ ዴና። 25 ሄሳ ጊሽ ሃንኮ ዮሱሳ ካሊዛይቲ ቶማሳ “ኑ ጎዳ ቤይዶስ” ጊዳ። ቶማሲ ቃስ “ሚሲማራን ጫዴቲዳ ኢዛ ኩሼታ ታኒ ታ አይፈራ ቤዮንታ ዳሼ፤ ቃሴካ ታ ቢራዴ ሚሲማራይ ጌሊዳሶን ጌልላ ያሎንታ ዳሼኔ ታ ኩሼ ኢዛ ሚሌ ማዱንላን ጌልላ ያሎንታ ዳሼ አማኒኬ” ጊዴስ።

26 ሄሳፌ ካሊን ሐሱፑን ጋላሳፌ ጉዬ ኢዛ ካሊዛይቲ ቃሴካ ኬላ ጊዶን ዲሺን፤ ቶማስካ ኢስታራ ኢሲፌ ዲሺን፤ ካራይካ ጎርዳን ዲሺን ዮሱሳ ዬዲ ኢስታ ጊዶን ኤቁዲ “ሳሮይ ኢንቴስ ጊዶ!” ጊዴስ። 27 ሄሳፌ ጉዬ ቶማሳ “ኔ ቢራዴ ሃ ኤሃዳ ታ ኩሼታ ቤያ። ኔ ኩሼ ሃ ኤሃዳ ታ ሚሌን ጌልላ አማና አቲን አማኖንታዴ ጊዶፓ” ጊዴስ።

28 ቶማሲ “ታ ጎዶ! ታ ያሶ!” ጊዴስ። 29 ዮሱሳካ ቶማሳ “ኔኒ ታና ቤዬዳ ጊሽ አማናዳሳ፤ ታና ቤዮንታ አማኒዛይቲ ጊዲኮ ኢስቲ አንጄቲዳይታ” ጊዴስ።

30 ሃይሳ ማፃፋን ፃፌቶንታ ዳሮ ማላታታ ባና ካሊዛይታ ሲንላን ዮሱሳ አሲዴስ። 31 ጊዶ አቲን ዮሱሳ ኢዚ ማሲሄ፤ ያሳ ና ጊዲዳይሳ ኢንቴ ኤራና ማላኔ ኢንቴ ኢዛ ሱንላን አማኒዲ ዴዎ ዴማና ማላ ሃይሲ ፃፌቲዴስ።

**ዮሱሳ ባና ካሊዛይታፔ ላፑናታስ ቤቲዴስ**

1 ሄሳፌ ጉዬ ዮሱሳ ያቢራዶሴ አባ አቻን ባና ካሊዛይታስ ቃሴካ ቤቲዴስ። 2 ሲሞና ጌቴቲዛ ጳጳሮሲ፤ ዲዲሞሳ ጌቴቲዛ ቶማሲ፤ ጋሊላ ቃና አስ ጊዲዳ ናቲናዔሌይ፤ ዛቢዶሳ ናይቲካ ዮሱሳ ካሊዛይታፔ ሃራ ናምዓቲካ ወሪ ኢሲፌ ዲሺን 3 ሲሞና ጌቴቲዛ ጳጳሮሲ ኢስታስ “ታ ሞሌ አይካና

\* 20:23 ማቶ 16: 19፤ 18: 18

ባይስ” ጊዴስ፤ ኢስቲካ ኢዛስ “ኑካ ኔናራ ባና” ጊዳ። ኢዛራ ኬዚ ቢዲ ዎጎሎን ጌሊዳ ሺን ሄ ጋላስ አማርስ ኢሲ ሞሌካ አይኪቤቴና። \*

4 ጋዴይ ዎንቲሺን ዮሱሲ አባ አቻን ኤቂዴስ፤ ኢዛ ካሊዛይቲ ቃስ ኢዚ ዮሱሳ ጊዲዳይሳ ኤሪቤቴና። 5 ዮሱሲ ኢስታ “ናይቶ ሞሌይ ዲዜ?” ጊዴስ፤ ኢስቲካ “አይኮይካ ባዎ” ጊዳ።

6 ኢዚካ “ጊቴዛ ዎጎሎዛፍ ኡሻቻ ባጋራ አባን ዮጊቴ፤ ኢንቴ ዴማና” ጊዳ ጊሽ ጊቴዛ አባ ጊዶ ዮጊዳኔ ዳሮ ሞሌይ አይኬቲዳ ጊሽ ጊቴዛ ሞሌዛራ ጎቻና ዳንዳይቤቴና። \*

7 ሄሳ ዎዴ ዮሱሳ ካሊዛይታፍ ኢዚ ሲቂዛ ኢሶይ ጳፅሮሳስ “ሄሲ ጎዳኮ!” ጊዴስ። ሲሞና ጌቴቲዛ ጳፅሮሲ “ሄሲ ጎዳኮ!” ጊዛ ቃላ ሲዱዳ ማላ ካሴ አሶ ዲጎፎ ጊዲ ማይዎ ቃሪ ዎሲዲ ካሎ ዲዛ ጊሽ ሄራካ ማይዎ ኤኪ ማይዲዲ አባ ጊዶ ጉፐ ጌሊዴስ። 8 ዮሱሳ ካሊዛ ሃንኮይቲ ቃስ ቢታፌ ዔቲ ሜትሬ ማላ ሃኪ ዲዛ ጊሽ ሞሌይ ኩሚ ዲዛ ጊቴዛ ጎቺ ኤኪዲ ዎጎሎራ ጋኪዳ። 9 ኢስቲ ዎጎሎዛፍ ዎዲሺን ሞሌይ ኢዛ ቦላ ዲዛ ቦንቆ ታማኔ ኡኬሲ ቤዱዳ።

10 ዮሱሲ ኢስታ “ሃዲ ኢንቴ አይኪዳ ሞሌዛፍ አኔ ሃ ኤኪ ዩቴ” ጊዴስ።

11 ሄሳ ጊሽ ሲሞና ጌቴቲዛ ጳፅሮሲ ዎጎሎዛ ጊዶ ጌሊዲ ዔታኔ ኢቻሹ ታማኔ ሄሹ ዎጋ ጊታ ሞሌቲ ኩሚዳ ጊቴዛ አባፌ ጌዴ ጋዴ ቦላ ጎቺዴስ። ሄሳ ማላ ዳሮ ሞሌራ ዲንካ ጊቴዚ ዳኬቲቤና።

12 ሄሳፌ ጉዩ ዮሱሲ ኢስታ “ሃ ዩዲ ሚቴ” ጊዴስ። ኢዚ ጎዳ ዮሱሳ ጊዲዳይሳ ወሪ ኤሪዳ ጊሽ ኢዛ ካሊዛይታፍ ኢሳዴይካ “ኔ አኔ?” ጊ አይቻናስ ሃሊዳዴይ ባዎ። 13 ዮሱሲ ዩዲ ኡኬሳኔ ሞሌዛ ኤኪዲ ኢስታስ ኢሚዴስ።

14 ዮሱሲ ሃይቆፍ ዴንዲን ኢዛ ካሊዛይቲ ኢዛ ቤዩሺን ሃይሲ ሄሻንሶ።

**ዮሱሲ ጳፅሮሳ አይቺዳ አይሾ**

15 ኢስቲ ሚ ጊጊሺን ዮሱሲ ሲሞና ጳፅሮሳ “ዮና ና ሲሞና! ሃይታንታፌ ኔ ታና አሳ ታና ዶሳይ?” ጊዴስ። ኢዚካ “ኤ ታ ጎዶ! ታ ኔና ዶሲዛይሳ ኔካ ኤራሳ” ጊዴስ። 16 ዮሱሲ ኢዛ “ታ ዳሚዛይታ ሄማ” ጊዴስ፤ ናምዓንሶካ “ዮና ና ሲሞና! ኔ ታና ዶሳይ?” ጊዴስ፤ ኢዚካ ዛሪዲ “ኤ ጎዶ! ታ ኔና ዶሲዛይሳ ኔካ ኤራሳ” ጊዴስ፤ ዮሱሲ ቃሴካ “ላቃታ ናጋ” ጊዴስ።

17 ሄሻንሶ “ዮና ና ሲሞና! ኔ ታና ዶሳይ?” ጊዴስ። ኢዚ ሄሻንሶ “ኔ ታና ዶሳይ?” ጊዳ ጊሽ ጳፅሮሲ ሚቼቲዲኔ “ጎዶ! ኔ ወርሳ ኤራሳ ታ ኔና ዶሲዛይሳካ ኔ ኤራሳ” ጊዴስ፤ ዮሱሲካ ቃሴካ “ታ ዶርሳታ ሄማ። 18 ታ ኔስ ቱሙ ጋይስ፤ ኔ ናቴሳን ዳሼ ኔ ጊሴ ኔርካ ጊዳዳ ኔ ኮዩዳሶ ባሳሺን፤ ኔ ጨሚዛ ዎዴ ጊዲኮ ኔኔ ኔ ኩሼታ ፐዲሲን ሃራ አሲ ኔና ጊዲሳናኔ ኔ ዶሶንታሶ ኔና ኤፋና” ጊዴስ።

19 ዮሱሲ ኢዛ ሄሳሶ ጊዳይ ጳፅሮሲ አይ ማላ ሃይቆን ሶሴ ቦንቻናኮኔ ኢዛስ ኤሪሳናሳ፤ ሄሳፌ ጉዩ ጳፅሮሳ “ኔ ታና ካላ” ጊዴስ።

20 ጳፅሮሲ ዩሺ ዔሊዲ ዮሱሲ ዶሲዛይሲ ኢዛ ካሊሺን ቤዩዴስ፤ ሄሳዴይ ካሴ ኢስቲ ካዎ ሚሺን ዮሱሳ ሃይሳኮ ሸቂዲ “ጎዶ! ኔና አሲ ኢማናዴይ ኢዚ አኔ?” ጊ አይቺዴስ። 21 ጳፅሮሲ ኢዛ ቤዩዲ “ጎዶ! ሃይሳዴይ ዋናንዴ?” ጊዲ ዮሱሳ አይቺዴስ።

22 ዮሱሲካ ኢዛስ “ታ ሃ ሲማ ያና ጋካናወ ታ ኢዛ ፓዓ ዎሲኮ ኔና አዚ ጋሲዴ? ኔ ታና ካላ” ጊዴስ።

23 ሄሳ ጋሶን ኢሻታ ጊዶን “ኢዚ ሃይቆ ሃይቆና” ጊዛ ዎሬይ ላሌቲዴስ። ጊዶ አቲን ዮሱሲ “ታ ያና ጋካናስ ፓዓ ዳና ማላ ታ ኮይኮ ኔና አዜ ጋሲዳይ?” ጊዴስ አቲን “ሃይቃካ” ጊቤና። 24 ሄ ዮዎታ ጊሽ ማርካቲዳይኔ ሃፌዳይ ሃ ዮሱሳ ካሊዛይሳ፤ ኢዛ ማርካቲሲካ ቱሙ ጊዲዳይሳ ኑኔ ኤሮስ።

25 ዮሱሲ አሲዳ ሃራ ዳሮቲ ዴቴስ። ታስ ሚሳቲዛ ማላ ኢዚ አሲዳ ሚሻታ ወርሲ ኢሲ ቦላ ሃፌዛኮ ሃፌቲዛ ማግፋታ ሃይሲ አላሜይ ቶካና ዳንዳዩና።

\* 21:3 ሉቃ 5:5 \* 21:6 ሉቃ 5:6

### ሃዋርያት አሶ ጊዶ ቆፋ

ሃዋርያት አሶ ማግኛዬ ሉቃስ ሚሺራች ቃላጅ ካሊዛይሳ። ሃ ማግኛዛስ አይፌ ቆፋይ ኮይሮ ዩሱፋ ካሊዛይቲ ዊሎ አያናይ ካሌሴን ኢዛ ጊሽ ዮቲዛ ሚሺራች ቃላ “ዩሱፋላሜን፣ ዩሱዳ ዴሬ ኡባን፣ ሳማሪያኒኔ ቢታ ጋፃ ጋካናስ” 1:8 ሚሺራች ቃላ ኢስቲ ዎስቲ ዉርሲ ጋሲዳኮኔ ሄሳ ዮታናሳ። ማግኛዬ አማኖይ አይሁዳታ ጋርሳን ዶሚዲ ኩሜሳ አላሜ አሳይ አማናና ጋካናስ ኢዚ ዋኒ ዋኒ አኪ አኪ ቢዳኮኔ ዮቲዛይሳ። ሃይሳ ማግኛ ገፊዳይሲ አማኒዛይቲ አሮሜ ካዎራ ኤቁታናስ ጋርሳራ ዮዎ ቃቺዛይታ ጊዶንታይሳኔ አማኒዛይታ አማኖይ ሃንኮ አይሁዳታ አማኖ ፖሎኮ ጋሲዛዝ ጊዲዳይሳ ኤሪሳናስ ዳሮ ባዌቲዴስ።

ሃዋርያት አሶ ማግኛይ ዩሱፋ ጊሽ ሚሺራች ቃላይ ጋኪዛሶይ ዎዴን ዎዴን አኪ አኪ ቢዛይሳኔ ዎሳ ኬሴይ ሚኒ ገፊዳይሳ ቤሲዛ ሄዥ ጊታ ኪፊሌታን ሻኬታናስ ዳንዳዩስ።

1. አማኒዛይታ አማኖይ ዩሱሲ ዴንዲዲ ፑዴ ሳሎ ቢዳፕ ጉዩ ዩሱፋላሜን ዶሚዴስ።
2. ኢስራዌሌ ዴሬ ኩሜስ ጋኪዴስ።
3. አሮሜ ጉጂ ኤኪዲ ሜዲቴራኔ አባ ዩሾን ዲዛ ዴራ ጋካናስ አይኮይሳ ዮቲስ።

ሃዋርያት አሶ ማግኛን ኬሂ ቆንጫ ቤቲዛይ ዊሎ አያና አሶ ጊዲሺን ጴንግቆስቲ ባፃሌ ጋላስ ዩሱፋላሜን አማኒዛ አሳ ባላ ዎልቃራ ዎዶይሳ፣ ሄሳሶካ ሄ ማግኛዛን ዮቲቲዳ ዮታን ኡባን ቆንጫዳ ማላ ዊሎ አያናይ ዎሳ ኬሳኔ ዎሳ ኬሳ ካሌሴዛይታ ካሌሴዳይሳኔ ሚንሴሴዳይሳ ጉጂስ። ቢኒ ዎዴ ዮቲቲዛ አማኖ ቃላይ ዱማ ዱማ አጌራ ሳባኬቲዴስ። ሃዋርያት አሶ ማግኛን ፖሎቲዳ አሶቲካ ኪታዚ አማኒዛይታ ዴዎኔ ኢስታ ኢሲፌቴሳን ዲዛ ዎልቃይ አይ ማላ ሚኖኮኔ ኤሪሴቲስ።

#### ሃ ማግኛይ አይኪዳ ኩሜሳ ቆፋ

- ማርካቴሳስ ጊጌቲስ 1:1-26
- ዩሱፋላሜን ዮቲቲዳ ማርካቴስ 2:1-8:3
- ዩሁዳኒኔ ሳማሪያን ዮቲቲዳ ማርካቴስ 8:4-12:25
- ጳውሎሳ ሃዋርያት አሶ 13:1-28:31
- ሚሺራች ቃላ ዮታናስ ጳውሎሳስ ኮይሮ ቡስ 13:1-14:28
- ዩሱፋላሜ ሺቆ 15:1-35
- ሚሺራች ቃላ ዮታናስ ጳውሎሳስ ናምፃንሶ ቡስ 15:36-18:22
- ሚሺራች ቃላ ዮታናስ ጳውሎሳስ ሄቫንሶ ቡስ 18:23-21:16
- ጳውሎሲ ዩሱፋላሜን፣ ቁሳሬኒኔ አሮሜን ቃሼቲዴስ 21:17-28:31

#### ሃዋርያት አሶ ጌሻ ማግኛ

- 1 ቶሌሎሳ፣ ዩሱሲ አሳናሲኔ ታማርሳናስ አይኪዳይሳ ዉርሳ ታ ኔስ ኮይሮ ማግኛን ገፋዲስ። \*
- 2 ሄሲካ ኢዚ ፑዴ ዴንሳ ጋላስ ጋካናስ ባ ዶሪ ኪቲዳይታስ ዊሎ አያና ባጋራ ኢዚ ኢስታስ ኢሚዳ አዛዞኮ። <sup>3</sup> ኢዚ ዳሮ ዋዩ ቤዩዳፕ ጉዩ ኢስታኮ ሺቁዲ ሃይቆፕ ዴንዳይሳ ኢስታስ ዳሮ ማርካራ ቆንጫሲሼ አይዱ ታሙ ጋላስ ጋካናስ ኢስታስ ጋላስ ጋላስ ቤቲሼ ዎሳ ካዎቲሳ ጊሽ ዮቲዴስ።
- 4 ኢስታራ ኢሲፌ ማዳን ኡቲ ዲሼ ኢስታ “ዩሱፋላሜፕ ኬዞፕቲ፣ ጊዶ አቲን ታ ኢንቲስ ዮቲሺን ኢንቲ ሲዩዳይሳ ታ አዋይ ኢሚዳ ኡፋይሳ ናጊቲ።” <sup>5</sup> ዮሃኒሲ ሃሳን ግማቂዴስ ሺን ኢንቲ ቃስ ጉሳ ዎዴፕ ጉዩ ዊሎ አያናን ግማቂታና” ጊዲ አዛዚዴስ። \*
- 6 ኢስቲካ ኢሲ ባላ ሺቁቲ ዲሼ “ጎዶ! ኔ ኢስራዌሌታ ካዎቲስ ዛራዳ ሃሂ ኤሳኔ?” ጊ አይቺዳ።
- 7 ኢዚካ ኢስታስ “አዋይ ባ ሼኔን ዎሲዳ ዎዴ ኤሮይ ኢንቲስ ኢሜቲቤና።” <sup>8</sup> ጊዶ አቲን ዊሎ አያናይ ኢንቲ ባላ ዎዲዳ ዎዴ ኢንቲ ዎልቃ ኤካና። ዩሱፋላሜንካ፣ ዩሁዳኒካ፣ ሳማሪያንካ ኡባሶን ቢታ ጋፃ ጋካናስ ኢንቲ ታስ ማርካታ ጊዳና” ጊዴስ። \*
- 9 ሄሳ ጊ ዮቲዳፕ ጉዩ ኢስቲ ዊሊሺን ፑዴ ሳሎ ዴንዲዴስ። ሳሎ ሻራይካ ኢስታ አይፌፕ ኢዛ ጌንሲዴስ። \*
- 10 ኢዚ ቢሺን ኢስቲ ኢዛ ቲሺ ሂስቲ ፑዴ ሳሎ ዊሊሺን ባላ ማይዎ ማይሂዳ ናምዑ አሳቲ ቆፖንታ ኢስታ አቻን ኤቁዲ፤ <sup>11</sup> “ኢንቲኖ ጋሊላ አሳቶ! ኢንቲ ፑዴ ሳሎ ዊሊሼ ሃይሳን አዛስ ኤቁዴቲ? ሃይሲ ኢንቲ ማታፕ ፑዴ ሳሎ ዴንዲሺን ኢንቲ ቤዩዛ ዩሱሲ ሳሎ ኬዚሺን ኢንቲ ቤዩዳ ማላ ሄሳሶካ ኢዚ ሃ ሲሚ ያና” ጊዳ።

#### ዩሱዳ ሶሆን ማቲያሲ ዶሬቲዴስ

<sup>12</sup> ሄሳፌ ጉዩ ዳብሪዛይቲ ጌቲቲዛ ዙማ ባላፌ ዎዲዲ ዩሱፋላሜ ሲሚዳ። ሄ ዙማይካ ዩሱፋላሜፕ ኢሲ ኪሎ ሜትሬ ማላ ሃኬስ። <sup>13</sup> ጊዴ ካታማዮ ጊሊዳ ዎዴ ካሴ ባ ዲዛ ኬሳ ፖቁ ባላ ኬዚዳ፤ ሄይቲካ ጴፀሮሳ፣ ዮሃኒሳ፣ ያቆቤ፣ ኢንዲራሳ፣ ፒሊጶሳ፣ ቶማሳ፣ ባርቴሌሞሳ፣ ማቶሳ፣ ኢልፊዮሳ

\* 1:1 ሉቃ 1:1-4 \* 1:4 ሉቃ 24:49 \* 1:5 ማቶ 3:11፤ ማር 1:8፤ ሉቃ 3:16፤ ዮሃ 1:33 \* 1:8 ማቶ 28:19፤ ማር 16:15፤ ሉቃ 24:47-48 \* 1:9 ማር 16:19፤ ሉቃ 24:50-51



ና ያቆቤ፣ ባ ባጋ ማዲዛዴ ጌቴቲዛ ሲሞናኔ ያቆቤ ና ዩሁዳ። \* 14 ሄይቲ ወሪካ ማጫሳታፕ ዩሱሳ አዮ ማራሚራ ሄሳሶካ ኢዛ ኢሻታራ ኢሲ ወዘኖን ኢሲ ቦላ ቃንዎንታ ሚኒ ዎሲዳ።

15 ሄ ጋላሳታን ጳጳሮሲ ዪታኔ ናምዑ ታሙ አማኒዛ አሳ ጊዶን ኤቂዳ። 16 “ታ ኢሻታ! ዩሱሳ አይኪዳ አሳታ ካሌሲ ኤሂዳ። ዩሁዳ ጊሽ ዪሎ አያናይ ካሌቲዳ ዳወቴ ዱናን ሃሳዩዳ ጊሻ ማፃፋ ቃላይ ፖሌታና ኮሼስ። 17 ኢዚካ ኑፕ ኢሳዴ ማላ ታይቤቲዳ ሃይሳ ሃ አሶዛን ጌላናስ ቃዳ ዴሚዴስ” ጊዴስ።

18 ጊዲኮካ ሃይሳዴይ ባ ኢታ አሶን ዴሚዳ ሚሻን ጋዴ ሻሚዴስ፤ ሄንካ ባ ሊጴን ጉፋኒ ኩንዲን ኢዛ አሳቴሳይ ጊዶፊ ጳልቄቲ ዎዲዴስ፤ ኢዛ ማራጫይ ቢታ ቦላ ዛዜቲዴስ። \* 19 ሄሲካ ዩሩሳላሜን ዲዛ አሳስ ኡባስ ሲዩቲዴስ። ቢታይካ ኢስታ ቃላራ “አኬልዳማ” ጌቴቲዴስ፤ ሄሳስ ቢርሼሳይካ ሱሳ ቢታ ጉሳ።

20 ጉጂዲካ ጳጳሮሲ “ማዛሙሬ ማፃፋን ‘ኢዛ ጋዴይ ሚላ አቶ፣ ኢዛን አይ አሲካ ዶፖ፤ ቃሴካ ኢዛ ዳናቴስ ሃራ አሲ ኤኮ’

ጌቴቲ ዓፌቲዴስ። \*

21 “ሄሳ ጊሽ ጎዳ ዩሱሲ ኑናራ ዲዛ ዎዴ ኡባን ኑናራ ኢሲፊ ዲዛይታ ጊዶፊ ኑ ኢሳዴ ዶራናስ ኮሼስ። 22 ሄሲካ ዮሃንሳ ዪንቃቴፕ ሃ ሲሚን ዩሱሲ ኑፕ ሻኬቲ ዴንዲ ባና ጋካናስ ኑናራ ዲዛዴ ጊዳናስ ቤሴስ። ጋሶይካ ሃ አሳታፕ ኢሳዴይ ኑናራ ዩሱሳ ዴንሳስ ማርካ ጊዳና ኮሼስ” ጊዴስ። \*

23 ሄሳ ጊሽ ባርሳሳ ዎይኮ ዮስዎሳ ጌቴቲዛ ዮሴፊኔ ማቲያሳ ናምዓታ ሸሺዲ። 24 “ጎዶ! ኔ አሳ ኡባ ዎዘና ኤራሳ፤ ሃይታ ናምዓታ ጊዶፊ ኔ አና ዶሪዳኮ ኢሳዴ ኑና ቤሳ። 25 ዩሁዳይ ዩጊ ቢዳሶን ሃ አሳ አሳናዴኔ ሃዋራ ጊዳናዴ ኔ ዶራ” ጊ ዎሲዳ። 26 ሄሳፊ ሳማ ዩጊን ሳማይ ማቲያሳስ ኬዚዴስ። ኢዚካ ታማኔ ኢሲ ሃዋራታራ ኢሲፊ ታዩቤቲዴስ።

2

ዪሎ አያናይ አማኒዛ አሳ ቦላ ዎዲዴስ

1 ጴንዓቆስቴ ጌቴቲዛ ባዓሌ ጋላሲ ጋኪዳ ዎዴ አሳይ ወሪካ ኢሲ ሶን ሸቂ ዲሺን፤ 2 ቆፋይ ባይንዳ ዳሮ ሚኖ ጎቴ ጫርኮ ማላ ጊሪሲ ዩዴስ፤ አሳይ ዲዛ ኬሳካ ኩሚዴስ። 3 ታማ ላጮ ኢንፃርሳ ማላይ አሳስ ቤቲዲ ሻኬቲ ሻኬቲ ኢሲ ኢሲ አሳ ቦላ ኡቲዴስ። 4 አማኒዛይቲ ወሪ ዪሎ አያናን ኩሚዲ አያናይ ኢስታስ ሃሳያናስ ኢሚዳይሳ ኬና ሃራ ቃላራ ሃሳያ አይኪዳ።

5 ሄ ዎዴ ሳሎ ጉፋንፊን ዲዛ ዴሬፕ ዩዳ ያሳስ ባቢዛ አይሁዳቲ ዩሩሳላሜን ዴቴስ። 6 ሄ ጊሪሳ ሲይዲ ዴሬይ ሸቂዴስ። ኢሲ ኢሲ አሳይ ባ ቃላራ ሃሳዩዳሳ ሲይዲ ማላቴዳ። 7 ማላቴዳ፤ 8 ማላቴዳ፤ 9 ማላቴዳ፤ 10 ማላቴዳ፤ 11 ማላቴዳ፤ 12 ማላቴዳ፤ 13 ማላቴዳ፤ 14 ማላቴዳ፤ 15 ማላቴዳ፤ 16 ማላቴዳ፤ 17 ማላቴዳ፤ 18 ማላቴዳ፤ 19 ማላቴዳ፤ 20 ማላቴዳ፤ 21 ማላቴዳ፤ 22 ማላቴዳ፤ 23 ማላቴዳ፤ 24 ማላቴዳ፤ 25 ማላቴዳ፤ 26 ማላቴዳ፤ 27 ማላቴዳ፤ 28 ማላቴዳ፤ 29 ማላቴዳ፤ 30 ማላቴዳ፤ 31 ማላቴዳ፤ 32 ማላቴዳ፤ 33 ማላቴዳ፤ 34 ማላቴዳ፤ 35 ማላቴዳ፤ 36 ማላቴዳ፤ 37 ማላቴዳ፤ 38 ማላቴዳ፤ 39 ማላቴዳ፤ 40 ማላቴዳ፤ 41 ማላቴዳ፤ 42 ማላቴዳ፤ 43 ማላቴዳ፤ 44 ማላቴዳ፤ 45 ማላቴዳ፤ 46 ማላቴዳ፤ 47 ማላቴዳ፤ 48 ማላቴዳ፤ 49 ማላቴዳ፤ 50 ማላቴዳ፤ 51 ማላቴዳ፤ 52 ማላቴዳ፤ 53 ማላቴዳ፤ 54 ማላቴዳ፤ 55 ማላቴዳ፤ 56 ማላቴዳ፤ 57 ማላቴዳ፤ 58 ማላቴዳ፤ 59 ማላቴዳ፤ 60 ማላቴዳ፤ 61 ማላቴዳ፤ 62 ማላቴዳ፤ 63 ማላቴዳ፤ 64 ማላቴዳ፤ 65 ማላቴዳ፤ 66 ማላቴዳ፤ 67 ማላቴዳ፤ 68 ማላቴዳ፤ 69 ማላቴዳ፤ 70 ማላቴዳ፤ 71 ማላቴዳ፤ 72 ማላቴዳ፤ 73 ማላቴዳ፤ 74 ማላቴዳ፤ 75 ማላቴዳ፤ 76 ማላቴዳ፤ 77 ማላቴዳ፤ 78 ማላቴዳ፤ 79 ማላቴዳ፤ 80 ማላቴዳ፤ 81 ማላቴዳ፤ 82 ማላቴዳ፤ 83 ማላቴዳ፤ 84 ማላቴዳ፤ 85 ማላቴዳ፤ 86 ማላቴዳ፤ 87 ማላቴዳ፤ 88 ማላቴዳ፤ 89 ማላቴዳ፤ 90 ማላቴዳ፤ 91 ማላቴዳ፤ 92 ማላቴዳ፤ 93 ማላቴዳ፤ 94 ማላቴዳ፤ 95 ማላቴዳ፤ 96 ማላቴዳ፤ 97 ማላቴዳ፤ 98 ማላቴዳ፤ 99 ማላቴዳ፤ 100 ማላቴዳ።

12 ወሪካ ኬሂ ማላቴዳ፤ 13 ጋናዚ ዳዩን ባ ጊዶን “ሃይሲ አዜሻ?” ጌቴቲዳ። 13 ባጋ አሳይ “ሃይቲ ዳሮ ዎይኔ ጫጂ ኡዩዳ” ጊዲ ኢስታ ቂዲዳ።

14 ሄ ዎዴ ጳጳሮሲ ታማኔ ኢሲኔታራ ኤቂዳኔ ባ ቃላ ዶቂ ሂስቲዲ ዴራስ ሂዘጊዴስ “ኢንቴኖ ዩሁዳ አሳታ! ዩሩሳላሜን ዲዛይታ! ኢንቴ ወሪካ ሃይሳ ኢሲ ሚሽ ኤራቴኔ ታ ጊዛይሳ ሲዩቴ። 15 ሃጊ ጋዴይ ዎንቲን ቡሮ ሄሹ ሳቴ ጊዲዳ ጊሽ ኢንቴ ቆፒዛ ማላ ሃይቲ አሳቲ ማሶቲቤቴና። 16 ጊዶ አቲን ሃይሲ ካሴ ናቤ አዩዔሌን ሂዘጊ ዮቴቲዳ ቃላይ ፖሌታናሳ።

17 ‘ዎሲ ወርሴሳ ጋላስ

ታ አያና አሻ ማይዲዳ ኡባ ቦላ ታ ጉሳና፤ ኢንቴ ማጫ ናይቲኔ ኢንቴ አቲማ ናይቲ ቲንቢቴ ሃሳያና፤ ዩላጋ ናይቲ አጁታ ቤያና፤

ጨማቲ አጉሞ አጉሜታና። \*

18 ሄ ዎዴ ታ ማጫ አሽካራታ ቦላኔ ታ አቲማ አሽካራታ ቦላ ታ አያናፕ ታ ጉሳና። ኢስቲካ ቲንቢቴ ሃሳያና።

19 ቦላ ሳሎን ማላሊሲዛ ሃኖታ ታ ቤሳና፤ ጋርሳ ሳዓን ማላታታ ታ ቤሳና፤ ሱሲ፤ ታማይኔ ቴላላይ ሃናና።

20 ጊታኔ ቦንቾ ጊዲዳ ጎዳ ጋላሲ ያናፕ ካሴቲዲ አዎ አርሼይ ዱማና፤ አጊናይካ ሱስ ሚሳታና።

21 ጎዳ ሱንስ ዪይጊዛይ ወሪ አታና’ ጊዴስ።

\* 1:13 ማቶ 10:2-4፤ ማር 3:16-19፤ ሉቃ 6:14-16 \* 1:18 ማቶ 27:3-8 \* 1:20 ማዛ 69:25፤ 109:8 \* 1:22 ማቶ 3:16፤ ማር 1:9፤ 16:19፤ ሉቃ 3:21፤ 24:51 \* 2:17 ኢዩ 2:28-32

22 “ኢስራዌል ናይቶ! ሃይሳ ቃላ ሲደግ፤ ኢንቴ ኢንቴ ባጋራ ኮሪዛይሳ ማላ ኢንቴ ጊዶን ማላታኔ አሲ ሲደ ኤሮንታ ሚሻታ ኢዛ ኩሼን አሲዲ ያሲ ናዚሬቴ ዮሱሳስ ማርካቲዴስ። 23 ያሲ ካሴ ባ ቃቺዳይሳ ኢዛስ ቤኒ ኤራቴላ ማላ ሃይሳዴ ኢንቴ ኩሼን አሲ ኢሚዴስ። ኢንቴካ ኢታ አሳታ ኩሼን ካቁቲ ሃይቃና ማላ አሲዴታ። \* 24 ጊዶ አቲን ያሲ ኢዛ ቦላፌ ሃይቆ ዎልቃ ዲጊዲ ሃይቆፕ ዴንሲዴስ። ሃይቆይካ ኢዛ አይኪ አሻናስ ዳንዳይቤና። \* 25 ዳውቴይካ ኢዛ ጊሽ ‘ታኒ ጎዳ ኡባ ዎዴ ታ ሲንሳን ቤያይስ፤

ኢዚ ታ ኡሻቻን ዴስ፤ ሙሌካ ሂርጊኬ።

26 ሄሳ ጊሽ ታ ዎዝናይ ኡፋዮቴስ፤

ታ ዳናይካ ጋላቴስ፤

ታ አሾይ ኡፋይሳን ዳና።

27 ኔ ታ ሼምፖዮ ዳፎን አጋካ፤

ኔ ና ጌሻዛ ዎቃና ማላ አጋጋካ።

28 ኔ ዴዎ አጊ ታ ኤራና ማላ አሳዳሳ።

ኔ ታናራ ዲዛ ጊሽ ታ ኡፋይሳይ ኩሜላ’

29 “ታ ኢሻቶ! ቤኒ አዎታፕ ዳውቴይ ሃይቂ ሞጌቲዳይሳኔ ኢዛ ዳፎይ ሃቾ ጋካናስ ኑ አቻን ዲዛይሳ ባቦንታ ታ ኢንቴስ ዮታና ዳንዳይሳይስ። 30 ኢዚ ናቤ ጊዲዳ ጊሽ ያሲ ኢዛ ዜሬሳፌ ኢሳዴ ኢዛ ካዎቴላ አልጋ ቦላ ዎሳናይሳ ካሴ ጫቆ ቃላን ዮቲዳይሳ ኤሪዴስ። \* 31 ሄሳ ካሴቲዲ ኤሪዳ ጊሼኔ ኢዛ አሾይ ዎቂ ዳፎን አቶንታ ዶሬቲዳ ኪርስቶሳ ዴንሳ ጊሽ ሃሳዬዴስ። 32 ሄ ዮሱሳ ያሲ ሃይቆፕ ዴንሲዴስ። ኑካ ወሪ ሃይሳስ ማርካታ። 33 ሄሳ ጊሽ ኢዚ ያሳ ኡሻቻን ዶቂ ዶቂ ጊዳፕ ጉዮ ሂሎ አያና ኡፋይሳ ባ አዎፕ ኤኪዲ ሃሂ ኢንቴ ቤዩዛይሳኔ ሲዩዛይሳ ዱጊ ጉሲዴስ። 34-35 ዳውቴይ ፕዴ ሳሎ ኬዚቤና፤ ኢዚ ባ ዳናን

‘ጎዳይ ታ ጎዳስ “ታ ኔ ሞርኬታ

ኔ ቶሆ ጋርሳን ዮዲሳና ጋካናስ

ታ ኡሻቻን ኡታ” ጊዴስ።’ \*

36 “ሄሳ ጊሽ ያሲ ኢንቴ ካቂዳ ዮሱሳ ጎዳኔ ኪርስቶሳ ሂስቲዳይሳ ኢስራዌል አሳይ ወሪ ሎዌላ ኤሮ” ጊዴስ።

37 ዴሬይ ሄሳ ሲዩዳ ማላ ዎዝናይ ቦሼቲዴስ። ጴጦርሳኔ ሃንኮ ዮሱሲ ኪቲዳይታ “ኑ ኢሻቶ! ሂስቲን ኑ አይ አሲኖ?” ጊዳ።

38 ጴጦርሲካ “ማሮቴላን ጌሊቴ፤ ኢንቴ ናጋራይ ማሬታና ማላ ኢንቴፌ ኢሲ ኢሲ አሲ ዮሱስ ኪርስቶሳ ሱንሳን ማግቆቴቴ፤ ኢዚ ኢሚዛ ሂሎ አያና ኢንቴ ኤካና። 39 ኡፋይሳ ቃላይ ኢንቴሲኔ ኢንቴ ናይታሳ፤ ቃሴካ ጎዳ ያሲ ባኮ ዪይጊዛ ሃሆን ዲዛይታሳራ ኡባላ” ጊዴስ።

40 ሃራ ዳሮ ቃላራ ኢስታስ ማርካቲሼ “ሃይሳ ጌላ ዮሌቴላፌ ኢንቴና አሺቴ” ጊዲ ኢስታ ቆፊሲዴስ። 41 ሄ ጋላስ ቃላ ኤኪዳይቲኔ ማግቆቴዳይቲ ሄቶ ሺ ማላ አሳይ ካሴይታ ቦላ ጉጂቲዴስ።

42 ኢስቲካ ሃዋሬታ ቲሚርቴን፣ ኢሲፌ ቁማ ሙሳኒኔ ዎሳን ሚኒዳ።

43 ሃዋሬታ ኩሼን ዳሮ ማላታቲ አሴቲዳ ጊሽ አሲ ኡባይ ኢስታስ ባቤዴስ። 44 አማኒዳይቲ ወሪካ ኢሲፌ ዴዲዳ፤ ባስ ዲዛዚካ ኡባ ኢሲ ቦላ ጎዴቲዳ። \* 45 ባስ ዲዛ ሚሼኔ ሜሄ ባይዚ ባይዚ ባ ጊዶን ኮሺዳ ማላ ጊሼቺዳ። 46 ጋላስ ጋላስ ያሳ ኬላን ኢሲፌ ሺቁቴስ። ባ ኬላንካ ቁማ ኢሲፌ ኡፋይሳኒኔ ሱሬ ዎዝናራ ሜቴስ። 47 ኢስቲ ያሳ ጋላቲሼ ዴሬ ሲንሳን ቦንፔቲዳ። ጎዳይካ ኢስታ ቦላ ጋላስ ጋላስ አራሳ አማኒዳይታ ጉጂዴስ።

3

**ጴጦርሲ ኢሲ ቶሆይ ሲሊዳዴ ፓሲዴስ**

1 ኢሲ ዎዴ ጋላሳፌ ኡዱፋን ሳቴ ቦላ ጴጦርሲኔ ዮሃኒሲ ዎሳ ሳቴን ያሳ ኬሴ ባና ኬዚዳ። 2 ኢሲ ዮሌቶሳፕ ዶሚዲ ቶሆይ ሲሊዳዴ ያሳ ኬሴ ጌሊዛ አሳፕ ሚሼ ዎሳና ማላ አሳይ ጋላስ ጋላስ ቶኪ ኤሬዲ ዎሊን ኢሲ “ሎዎ” ጌቴቲዛ ያሳ ኬሳ ፕንጊን ዎሲዛዴይ ዴስ።

3 ኢዚካ ጴጦርሲኔ ዮሃኒሲ ያሳ ኬሴ ጌሊሺን ቤዩዳ ኢስታፌ ሚሼ ዎሲዴስ። 4 ጴጦርሲኔ ዮሃኒሲ ኢዛ ቲሺ ሂስቲ ዪሊዳ። ጴጦርሲካ ኢዛ “አኔ ሃ ኑና ዪላ” ጊዴስ። 5 አዴዚካ ኢስታፌ አይኮ ዴማና ጊዲ ኢስታ ቲሺ ሂስቲ ዪሊዴስ። 6 ጊዶ አቲን ጴጦርሲ ኢዛስ ዛሪዲ “ታስ ቤራይኔ ዎርቃይ ዴና፤ ጊዲኮካ ታስ ዲዛዝ ታ ኔስ ኢማይስ፤ ናዚሬቴ ዮሱስ ኪርስቶሳ ሱንሳን ዴንዳዳ ኔ ቶሆራ ሃሙታ” ጊዴስ። 7 ኢዛስ ኡሻቻ ኩሼ አይኪዲ ዴንሲዴስ። ሄራካ አዴዛ ቶሆይኔ ቶሆ ቂርጴይ ሚኒዴስ። 8 ጉፒ ዴንዲ ኤቂዲ ሃሙሳ አይኪዴስ። ያኔ ሃኔ ሃሙቴሼኔ ጉፒሼ ያሳካ ጋላቲሼ ኢስታራ ኢሲፌ ያሳ ኬላ ጊቤ ጌሊዴስ። 9 ኢዚ ያሳ ጋላቲሼ ያኔ ሃኔ ሲሜሬቲሼን አሳይ ቤዩዴስ። 10 ሃይሳዴይ ሃኒፌ ካሴ “ሎዎ” ጌቴቲዛ ያሳ ኬሳ ፕንጊን ኡቲዲ ሚሼ ዎሲዛይ ኢዛ ጊዲዳይሳ ኤሪዴስ። ኢዛ ቦላ ሃኒዳይሳፌ ዴንዲዳይሳን አሳይ ኬሂ ማላሌቲዴስ።

**ጴጦርሳ ሃሳያ**

11 ሃ ፓዲዳ ዎሳንቻይ ጴጦርሳኮኔ ዮሃኒሳኮ ሺጵ ጊዲ ኢስታራ አይኪቲ ዲሺን ዴሬይ ወሪ ማላሌቲዲ ኢስታኮ “ሶሎሞኔ ሲሜሬቴላሶ” ጌቴቲዛሶ ዎሳን ዩዴስ። 12 ጴጦርሲ ሄ አሳ ቤዩዲ

\* 2:23 ማቶ 27:35፤ ማር 15:24፤ ሉቃ 23:33፤ ዮሃ 19:18 \* 2:24 ማቶ 28:5-6፤ ማር 16:6፤ ሉቃ 24:5 \* 2:30 ማዛ 132:11፤ 2ሳሜ 7:12-13 \* 2:34-35 ማዛ 110:1 \* 2:44 ሃዋ 4:32-35

“ኢንቴኖ ኢስራዔል ደሬቶ! ሃይሳን አዛስ ማለቴ? ቃሴካ ሃይሳ አደዛ ኑኒ ኑ ዎልቃን ዎይኮ ኑኒ ኑ ሂሎቴሳን ፓሲዲ ሃሙቲሲዳ ማላ ቆዲዲ ኑና አዛስ ቲሺ ሂስቲ ሄሎቴ? <sup>13</sup> ኑ አዋንታ አብራሃሜንታ፥ ዩሳቃንታ፥ ያቆቤንታ ያሲ ባ ናዛ ዩሱሳ ቦንቺደስ። ኢንቴ ቃስ ኢዛ ሃይቆስ አሲ ኢሚደታ፤ ጳላዮሲ ኢዚ ቢርሻና ኮይንካ ኢንቴ ‘ኮዮኮ’ ጊደታ። \* <sup>14</sup> ጌሻኔ ሂሎዛ ኢንቴ ካዲዲ ሽምፖ ዎዲዛይሲ ቢርሼታና ማላ ዎሲደታ። \* <sup>15</sup> ደዎ ኢሚዛደ ኢንቴ ዎዲደታ፤ ጊዶ አቲን ያሲ ኢዛ ሃይቆፕ ደንሲደስ፤ ሄሳስ ኑኒ ማርካ። <sup>16</sup> ሃይሲ ኢንቴ ቤዩዛይሲኔ ኢንቴ ኤሪዛይሲ ሚኒ ኤቂዳይ ዩሱሳ ሱንሳን አማኒዳ ጊሻሳ። ኢንቴ ወሪካ ቤዩዛ ማላ ኢዚ ኩሜሳ ፓፃ ደሚዳይ ዩሱሳ ሱንሳኒኔ ኢዛ ሱንሳን ቤቲዛ አማኖና።

<sup>17</sup> “ሃዲካ ታ ኢሻቶ! ኢንቴ ሄሳ አሲዳይ ኢንቴ ሃላቃታ ማላ ኤርንታ ጊዲዳይሳ ታ ኤራይስ። <sup>18</sup> ጊዲኮካ ኪርስቶሲ ዋዩ ኤካናይሳ ያሲ ካሴ ናቤታ ዱናን ሃሳዩዳይሳ ፖሊደስ። <sup>19</sup> ሄሳ ጊሽ ኢንቴ ናጋራይ ቁጩቲ ዳያና ማላ ማርቴሳን ጌሊቴ። ኢንቴ ቢዛ አጌፕ ሲሚቴ፤ ጎዳ ማታፕ ኢንቴ አራፃና ዎደይ ኢንቴስ ያና። <sup>20</sup> ቃሴካ ያሲ ካሴ ኢንቴስ ዶሪ ዎሲዳ ዩሱስ ኪርስቶሳ ኢዚ ኢንቴስ ዩዳና። <sup>21</sup> ያሲ ካሴ ጊሻ ናቤታ ዱናን ሃሳዩዳይሳ ማላ ሃኒዛይሳ ወርሲ አራፂሳና ዎደይ ጋካናስ ኢዚ ሳሎን ጋምሳናስ ኮሼስ። <sup>22</sup> ሙሴይካ ‘ኢንቴ ጎዳ ያሳይ ኢንቴ ጊዶሬ ታ ማላ ናቤ ኢንቴስ ደንሳና። ኢዚ ኢንቴስ ዮቲዛይሳ ሲዩቴ። \* <sup>23</sup> ሄ ናቤዛ ሲዮንታ ኢዲዳ ሽምፖይ ወሪ ደሬ ጊዶሬ ሻኬቲ ዳዮ’ <sup>24</sup> “ቱማፕ ሳሜላፕ ሃ ሲሚን ደንዲዳ ናቤቲ ወሪ ሃይታ ዎደታ ጊሽ ሃሳዩዳ። <sup>25</sup> ኢንቴካ ናቤታ ናይታ። ቃሴካ ያሲ አብራሃሜስ ‘ኔ ዜራሳን ቢታ አሲ ወሪ አንጄታና’ ጊዲ ኢዚ ጫቂዳ ጫቆዛ ኢንቴ ላታና። \* <sup>26</sup> ያሲ ናዛ ደንሲዳ ዎደ ኢንቴና ኢሳ ኢሳ ኢንቴ ኢታቴሳሬ ዛሪዲ አንጃና ማላ ካሴቲዲ ኢንቴኮ ኪቲደስ” ጊደስ።

4

ጳፅሮሲኔ ዮሃንሲ አይሁዳ ዱላታሶ ሺቂዳ

<sup>1</sup> ጳፅሮሲኔ ዮሃንሲ አሳስ ሃሳያን ዲሺን ቁሴታ ሃላቃቲኔ ያሳ ኬሳ ናጊዛይታ ሃላቃይ ቃሴካ ሳዱቃዌቲ አኬኮንታ ኢስታኮ ዩዳ። \* <sup>2</sup> ዩዲኔ ሃዋራቲ አሳ ታማርሲዛይሳሲኔ ዩሱሳ ባጋራ ቤቲዳ ሃይቂዳይታ ደንሳ ጊሽ ሳባኪዛይሳስ ኬሂ ሃንቁቲዳ። <sup>3</sup> ጳፅሮሳኔ ዮሃንሳ ጋደይ ቃሚሺን አይኪዲ ዎንታና ጋካናስ ቃሾ ኬሳን አይሲዳ። <sup>4</sup> ጊዶ አቲን ቃላ ሲዩዳ አሳፕ ዳሪዛ ባጋይ አማኒደስ። አማኒዛ አቱማ አሳታ ቆዳይ ጌዴ ኢቻሹ ሺ ጋካናስ ዶቁ ጊደስ።

<sup>5</sup> ዎንቴሳ ጋላስ ኢስታ ሃላቃቲኔ ጨማቲ ቃሴካ ሙሴ ዎጋ ታማርሲዛይቲ ዩሩሳላሜን ሺቂዳ። <sup>6</sup> ኢስታ ቁሴታ ሃላቃ ሃናይኔ ቃያፋይ፥ ዮሃንሲ፥ ኢስኪንዲሮሲኔ ቁሴታ ሃላቃሶ አሳይ ወሪ ሄ ጋዳን ቤቲዳ። <sup>7</sup> ኢስቲካ ጳፅሮሳኔ ዮሃንሳ ባ ጊዶን አሲ ኤሲዲ “ሃይሳ ኢንቴ አሲዛይ አዛ ዎልቃኔ? ዎይኮ እና ሱንሳኔ?” ጊዲ አይቺዳ።

<sup>8</sup> ሄ ዎደ ጳፅሮሲ ሂሎ አያናን ኩሚዲ “ኢንቴኖ ደሬ ሃላቃቶ! ደሬ ጨማቶ! <sup>9</sup> ኢንቴ ሃሻ ሃ ቶሆ ሲላ አደዛስ አሴቲዳ ሎዎ አሶይ ዋኒ ኢዚ ፓዲዳኮ ኢንቴ ኑና አይቺዛ ጊዲኮ። <sup>10</sup> ኢንቴ ካቂን ያሲ ሃይቆፕ ደንሲዳ ናዚሬቴ ዩሱስ ኪርስቶሳ ሱንሳን ኢዚ ፓዲዳይሳኔ ኢንቴ ሲንሳን ኢዚ ኤቂዳይሳ ኢንቴካ ኢስራዔል ደሬ አሳይ ወሪ ሃይሳ ኤራቴ። <sup>11</sup> ኢዚካ ኢንቴ ኬሳ ሂላቲ ሌቂ አጊዳ ሹቻይ ጊንቤ ኬሳስ ጉላ ቦላ ቦላራ ዎሲዛ ሹቻ ጊዲደስ። †\* <sup>12</sup> አቶቴሲ ሃራ አናንካ ባ፤ ሳሎፕ ጋርሳ ባጋራ ኑ አሳ ናይቲ አታና ማላ ኑስ ኢሜቲዳይ ሃይሳሬ ሃራ ሱንሳ ደና” ጊደስ።

<sup>13</sup> አይሁዳታ ዱላታ አሳይካ ጳፅሮሲኔ ዮሃንሲ ሄሳሶ ፃሊ ሃሳዩዳይሳ ቤዩዲ ኢስቲ ታማርንታ አስ ጊዲዳይሳ ኤሪዲ ማለቴዳኔ ኢስቲ ካሴ ዩሱሳራ ዲዛይታ ጊዲዳይሳ አኬኪዳ። <sup>14</sup> ሄ ፓዲዳ አደዚ ኢስታራ ኤቂዲሺን ቤዩዳ ጊሽ ኢስታስ ሃራ አሳናስ ጋሶይ ዳዩደስ። <sup>15</sup> ሄሳ ጊሽ ኢስታ ዱላታፕ ኬሳና ማላ አዛዚዳ። ሄሳሬ ቃሴካ ሺቂቲዲ ባ ጊዶን ዞሬቲዳ። <sup>16</sup> ባ ጊዶን “ሃይታ አሳታ ዎስቲኖ? ዩሩሳላሜን ዲዛ አሳይ ወሪ ኢስታ ኩሼን ሃኒዳ ጊታ ማላታ ኤሪደስ። ሄሳ ጊሽ ኑ ሃ ዮዎዛ አሳ ባሌሳናስ ዳንዳዮኮ። <sup>17</sup> ጊዶ አቲን ሃይሲ ዮዎዚ ደሬ ጊዶን ኬሂ አኮንታ ማላኔ ሃይቲ አሳቲ ናምሳን ሃይሳ ሃ ሱንሳን ሃራ አናስካ ዮቶንታ ማላ ኢስታስ ሎዔሲ ዮታና” ጊዳ።

<sup>18</sup> ኢስታ ያይጊዲኔ ሙሌካ ዩሱሳ ሱንሳን ሃሳዮንታ ማላኔ ታማርንታ ማላ አዛዚዳ። <sup>19</sup> ጳፅሮሲኔ ዮሃንሲ ቃሴ ዛሪዲ “ኑኒ ያሳሬ ቦላራ ኢንቴስ አዛዜታናስ ቤሲዛኮኔ አኔ ኢንቴ ያሳ ሲንሳን ፒርዲቴ። <sup>20</sup> ኑኒ ኑ ቤዩዳይሳኔ ኑ ሲዩዳይሳ ሃሳያናፕ ጉዩ ጎኮ” ጊዳ።

<sup>21</sup> ቃሴካ ኢስታ ቦላ ማንዲዲ ዩዲዳ። ጋሶይካ ሃንኮ ደሬይ ወሪ ሃኒዳ ዮዎዛ ጋሶን ወሪካ ያሴ ጋላቲዛ ጊሽ ኢስታ ቃፃያናስ ዳንዳይቤቴና። <sup>22</sup> ሄ ጊታ ማላታን ፓዲዳ አደዛስ ላይሲ አይዱ ታማሬ ቦላ።

<sup>23</sup> ጳፅሮሲኔ ዮሃንሲ ቃሾፕ ቢርሼቲዲ ጌዴ ባ አሳታኮ ሲሚዲ ቁሴታ ሃላቃቲኔ ደሬ ጨማቲ ኢስታ ጊዳይሳ ወርሲካ ዮቲዳ። <sup>24</sup> ኢስቲካ ሄሳ ሲዩዳ ማላ ባ ቃላ ዶቁ ሂስቲዲ ኢሲሬ ያሳኮ “ዎጋ ጎዳወ! ኔኒ ሳሎኔ ሳዳ፥ አባኔ አባ ጊዶን ዲዛይታ ወርሳ ሜዳዳሳ። \* <sup>25</sup> ኔ አሽካራ ኑስ አዋ ዳወቴ ዱናራ ሂሎ አያናን ‘ደሬ አሳይ አዛስ ሃንቁቲ ደንዲደዎ? ደሬይ አዛስ ሜላ ማቁቲዜ?’

\* 3:13 ኬሳ 3:15 \* 3:14 ማቶ 27:15-23፤ ማር 15:6-14፤ ሉቃ 23:13-23፤ ዮሃ 19:12-15 \* 3:22 ዛሬ 18:15፤ 18 \* 3:25 ሜዴ 22:18 \* 4:1 ቁሴታ ኢሲ ኢሲ ጊሻ ማፃፍቲ ቁሴታ ሃላቃ ጌቲስ። † 4:11 ጉላ ጊዛይሳ ኢሲ ኢሲ ባጋ ጋዎ አሳይ ማጋላ ዎይኮ ሹቻ ሹቻ ጌስ። \* 4:11 ማዛ 118:22 \* 4:24 ኬሳ 20:11፤ ናሂ 9:6፤ ማዛ 146:6



26 ቢታ ካዎቲ ኢሲፌ ጋጊዲ  
 ቢታ ሃሪዛይቲ ኢሲ ቦላ ሺቄቲዲ  
 ጎዳ ቦላን ኔ ዶሬቲ ቲዩቲዳይሳ ቦላ ዱላቲዳ’  
 ጊዲ ዋሲዳ።

27 “ቱማፕ ሄርዶሲኔ ጳንዖሳ ጲላዖሲ ኢስራዔላታራኔ ሃራ ዴሬ አሳራ ሃኖ ካታማይን ኔ ዶራ ቲዩዳ ጊሻ ናዛ ዩሱሳ ቦላ ዮዖ ቃቻናስ ሺቄቲዳ። \* 28 ሃይሳንካ ኔ ዎልቃኒኔ ኔ ሽኔን ካሴ ኔ ቆፒዳይሳ ኢስቲ ፖሊዳ። 29 ጎዶ! ሃዲካ ኢስታ ማንዴዛ ኔ ቤያ፤ ኑኒ ኔ አይሌቲ ኔ ቃላ ባቦንታ ኩሜላ ሃላቴላራ ዮታና ማላ ዳንዳዩሳ። 30 ፓላናስ ኔ ኩሹ ሚጫ። ኔ ና ጌሻዛ ሱንሳን ጊታ ማላታ አሳ” ጊዳ።

31 ኢስቲ ዎሲዳፕ ጉዩ ኢስቲ ዲዛሶይ ቃዲዴስ። ወሪካ ሂሎ አያናን ኩሚዲ ዖሳ ቃላ ሃላቴላን ዮቲዳ።

**አማኒዛይታ ኢሲፌቴላ ዱስ**

32 አማኒዛይቲ ወሪካ ኢሲ ዎዝናኒኔ ኢሲ ቆፋን ጋጊ ዴቴስ። ኢስታስ ዲዛይ ወሪ ኢሲ ቦላ ዴስ አቲን ባስ ዲዛዝ “ሃይሲ ታስ ቡዞ ሚሻ” ጊዛዴይ ዴና። \* 33 ሃዋራቲካ ጎዳ ዩሱሳ ዴንሳ ጊታ ዎልቃን ማርካቴስ አይኪዳ። ኡባ ቦላ ጊታ ዖሳ ኪያቴላ ዴስ። 34 ኢስታ ጊዶን ሜቶታንቻይ ኢሳዴይካ ባዋ። ጋሶይካ ጋዴ ጊዲን ኬሴ ጊዲን ባስ ዲዛ ወርሲ ባይዚ ባይዚ ሺሺዳ ሚሽ 35 ሃዋራታ ኩሹን ዎሲዲ ኢሲ ኢሳዴስ ኢዛስ ኮሺዛ ማላ ጊሹቴስ።

36 ቆጲሮሴ ጌቲዛሶን ዲዛ ዮሴፌ ጌቲዛዴይ ኢሲ ሌዌ ባጋ አሲ ዴስ። ኢዚካ ሃዋራታን “ባርናባሳ” ጌቲቲ ሱሚዴስ። ሄሳስ ቢርሼላይ “ሚንሴሶ ና” ጉሳ። 37 ኢዚካ ባ ጋዴ ባይዚዳ ሚሻ ኤሂዲ ሃዋራታ ኩሹን ዎሲዴስ።

5

**ሃናኒያኔ ሳጲራ**

1 ኢሲ ሃናኒያ ጌቲዛ አሲ ሳጲራ ጌቲዛ ባ ማቼይራ ባ ጋዴ ባይዚዴስ። 2 ማቼያ ሳጲራይ ሎዔላ ኤሪሺን ጋዴዛ ባይዚዳ ሚሻፌ ባጋ ሻኪ አሺዲ ባጋ ኤሂዲ ሃዋራታ ኩሹን ኢሚዴስ። 3-4 ቃሴ ጳፅሮሲ “ሃይሶ ሃናኒያ! ኔኒ ሂሎ አያና ቦላ ዎርዶታናሲኔ ጋዴ ሚሻፌ አሻና ማላ ሃላዔይ አይስ ኔ ዎዝናን ጌሊዴ? ባይዛናፕ ካሴ ጋዴዚ ኔይሳ ጊዴኔ? ኔ ባይዚዳፕ ጉዩ ቃሴ ሚሻይ ኔ ኩሹን ዴኔ? ሂስቲን ኔ ሃይሳ ማላ ዎስታ ኔ ዎዝናን ቆፓዲ? ኔ ዖሳ ቦላ ዎርዶታዳሳ አቲን አሳ ቦላ ጊዴና” ጊዴስ።

5 ሄሳ ሲዩዳ ማላ ሃናኒያይ ኩንዲ ሃይቂዴስ። ሄሳ ሲዩዳ አሳይ ወሪ ዳሮ ባቢዴስ።

6 አቱማሳይ ዴንዲዲ አሃ ሃዲዲኔ ሄራካ ኤፊዲ ሞጊዴስ።

7 ሄሹ ሳቴፕ ጉዩ ማቼያ ኢዚ ዋኒዳኮኔ ኤሮንታ ዳሼ ያዱስ። 8 ጳፅሮሲካ “አኔ ታስ ዮታ፤ ኢንቴ ጋዴዛ ባይዚዳ ዋጋይ ሃኖ ሃላ?” ጊዴስ። ኢዛካ “ኤ ሃኖ ሃ ዋጋይን ባይዚዶስ” ጋዱስ።

9 ጳፅሮሲካ “ኢንቴ ዮሳ አያና ፓጫናስ አይሲ ኢሲ ዱና ጊዲዴቲ? ሄኮ ኔ አዚና ሞጊዳ አሳቲ ሞጊ ሲሚዲ ካሬን ፔንጌ ቦላ ዴቴስ። ኢስቲ ኔናካ ኬሲ ኤኪ ኤፋና” ጊዴስ። 10 ኢዛ ሲዩዳ ማላ ሄራካ ኢዛ ቶዎ ቦላ ኩንዳዳ ሃይቃዱስ። አቱማሳይካ ሶ ጊሊዳ ማላ ሃይቂዳሮ ቤዩዲ ኬሲ ኤፊዲ ኢዚ አዚና አቻን ሞጊዳ። 11 ኩሜላ ዎሳ ኬላ አሳይኔ ሄሳ ሲዩዳ አሳይ ወሪ ዳሮ ባቢዴስ።

**ሃዋራታ ኩሹን ዳሮ አሲ ፓዲዴስ**

12 ሃዋራቲካ ዴሬ ጊዶን ዳሮ ማላታኔ ማላሊሲዛ ሚሽ አሲዳ። አማኒዛይቲ ወሪ “ሶሎሞኔ ሲሜራቴላሶ” ጌቲዛ ፔንጌን ሺቄቴስ። 13 ኢስታስ ባቢዳ ጊሽ አኒካ ኢስታራ ዋላኬታናስ ኮዩቤና። ጊዶ አቲን ዴሬ ኢስታ ኬሂ ቦንቼስ። 14 ዳሮ ማጫሳቲኔ አይቲ ዎዴፕ ጎዳን አማኒ አማኒ ኢስታ ቦላ ጉጄቲዳ። 15 ሄሳ ጋሶን ጳፅሮሲ አዲሺን ሃራይ አቲን ኢዛ ኤሹይ ሃርጋንቻታፕ ባጋ ሃርጋንቻታ ቦላ ዎዳና ማላ ሃርጊዛይቲ ኢቺዛ አልጋ ቦላኔ ሃላ ቦላ ካሬን ኢሺሴቴስ። 16 ዩሩሳላሚ ዩሾን ዲዛ ካታማታፕ ሃርጊዛይታኔ ቱና አያናይ ዋይሲዛይታ ኤሂን ወሪ ፓዲዳ።

**ሃዋራታ ቦላ ጋኪዳ ጎዴቴላኔ ዋዩ**

17 ሄሳ ዎዴ ቁሴታ ሃላቃይኔ ኢዛራ ዲዛ ሳዱቃዌታ ባጋቲ ወሪካ ቃናቴ ቃናቲዛይታ ሃላ ጊዲዳ። 18 ሃዋራታ አይኪዲ ቃሾ ኬሴ ጌልሲዳ። 19 ጊዶ አቲን ጎዳ ኪታንቻይ ቃማራ ቃሾ ኬላ ካሬ ዶዩዲ ኢስታ ኬሲዲ። 20 “ቢዲ ዮሳ ኬላ ጊቤ ጊዶን ኤቂዲ ሃይሳ ዴዎ ቃላ ኡባ ዴሬስ ዮቲቴ” ጊዴስ።

21 ጋዴይ ዎንቲዳ ማላ ኢስታስ ዮቲዳይሳ ዮሳ ኬላ ጊቤ ጌሊዲ ዴሬዛ ታማርሶ አይኪዳ፤ ቁሴታ ሃላቃይኔ ኢዛራ ዲዛይቲ ዩዲ አይሁዳታ ዱላታኔ ኢስራዔሌ ዴሬ ጨማታ ኩሜላ ኢሲ ቦላ ሺሺዳ። ሃዋራታ ቃሾ ኬላፌ ኤኪ ያና ማላ አስ ዩዲዳ። 22 ኪቴቲ ቢዳ አሳቲ ቢዲ ኢስታ ቃሾ ኬላን ዴሚቤቴና፤ ሲሚዲኔ 23 “ቃሾ ኬላይ ሎዔላ ቁልፌቲ ዴስ፤ ናጊዛይቲካ ፔንጌ ቦላ ኤቂ ዲሺን ቤዩዶስ፤ ጊዶ አቲን ኑ ዶይ ጌሊሺን ቃስ ኬላን አኒካ ባ” ጊዳ። 24 ዮሳ ኬላ ናጊዛይታ ሃላቃይኔ ቁሴታ ሃላቃቲካ ሄሳ ሲዩዳ ማላ ሃኖዛን ዳሮ ማላሌቲዳኔ ኢስታስ ሃኖይ ወሪ ቲኪ ጊዴስ። 25 ሄራካ ኢሲ አሲ ዩዲ “ሄኮ ኢንቴ ቃሾ ኬሴ ጌልሲዳ አሳቲ ዮሳ ኬላ ጊቤ ጊዶን ኤቂዲ ዴሬ ታማርሶን ዴቴስ” ጊዴስ። 26 ዮሳ ኬሴ ናጊዛይታ ሃላቃይ ባ አሳንቻታራ ቢዲ ኢስታ አይኪ ኤኪ ዩዴስ። አይኪ ኤሂዳይቲ አሳይ ባና ሹቻራ ጫንታ ማላ ባቢዲ ዎልቃሶንታ ሎዳራ ኤሂዳ።

\* 4:27 ሉቃ 23:1፣7-11፤ ማቶ 27:1-2፤ ማር 15:1፤ ዮሃ 18:28-29 \* 4:32 ሃዋ 2:44-45



27-28 ሃዋራታ ኤሂዲ አይሁዳ ዱላታ ሲንሳን ኤሲዳ። ቁሴታ ሃላቃይካ ኢስታ “ሃይሳ ሃ ሱንሳን ኢንቴ ታማርሶንታ ማላ ኢንቴስ ሎዔሲ ዮቲዶስኮሺን ኢንቴ ኢንቴ ቲማርቴዛ ዩሩሳላሜ ኡባን ኩንሴታ። ቃሴ ኑናካ ሃ አይዛ ሱሳስ አይሹቲዛይታ ሂስታናስ ጊዒ ዴንዲዴታ” ጊዴስ። \*

29 ጳጳሮሲኔ ሃንኮ ሃዋራቲካ ዛሪዲ “ኑኒ አሳፔ አሲዲ ዶሳስ አዛዜታናስ ቤሴስ።  
30 “ኢንቴ ኢዛ ሚላ ቦላ ካቂ ዎዲዳ ዩሱሳ ኑ አዋንታ ዶሳይ ኢዛ ሃይቆፔ ዴንሲዴስ። 31 ኢዚካ ኢስራዔል ናይታስ ናጋራፔ ሲሚዲ ማሬታና ማላ ዶሲ ኢዛ ኡባፌ ቦላኔ አሺዛዴ ሂስቲዲ ባ ኡሻቻን ጵቁ ጵቁ ሂስቲዴስ። 32 ኑኒካ ሃይሳስ ማርካታ። ቃሴካ ዶሲ ባስ አዛዜቲዛ አናስካ ኢሚዳ ሂሎ አያናይካ ማርካ” ጊዳ።

33 አሳቲ ሄሳ ሲይዲ ኢታ ሃንቆ ሃንቁቲዳ። ዎዳናካ ኮይዳ። 34 ጊዶ አቲን ዴሬ አቻን ኬሂ ቦንቼቲዳ ኢሲ ዎጋ አስታማሬ፣ ኢዚካ ጋማልያሌ ጌቲቲዛ ፋርሳዌታ ባጋይ ዴሬ ጨማታ ጊዶን ዴንዲ ኤቂዲ ሃዋራቲ ጉሳ ዎዴ ካራን ጋምዓና ማላ አዛዜዴስ። 35 ዴሬ ጨማታስ ሂዝጊዴስ “ኢስራዔል አሳቶ! ኢንቴ ሃይታ አሳታ ቦላ አሳናይሳ ዳሮ አኬካራ አሳናስ ቤሴስ። 36 ሃይሳፌ ካሴ ኢሲ ቴዎዳሳ ጌቲቲዛዴይ ባና ጊታ አስ ሂስቲ ቆዲ ዴንዲን አይዱ ዌቲ ዴሬይ ኢዛ ካሊዴስ። ጊዶ አቲን ኢዚ አሳ ኩሺን ሃይቂዴስ። ኢዛ ካሊዛይቲካ ሮላሌቲን ኢዛ ሃናይ ሮላ ማላ አቲዴስ። 37 ኢዛፔ ጉዩካ ዴሬይ ታይቤቲዛ ዎዴ ጋሊላ ዩሁዳይ ዴንዲዲ ዳሮ ዴሬ ባናራ ካሌሲዴስ። ባና ካሊዛይቲካ ዴሚዴስ ሺን ኢዚካ ዳዩዴስ። ኢዛ ካሊዛይቲካ ወሪ ዳዩዳ።

38 “ሄሳ ጊሽ ታ ሃዒ ኢንቴና ጊዛይ ሃይታ አሳታ አጊቱ፣ ቦሻፍቱ፣ ኢስታ ቆፋይ ዎይኮ ኢስታ አሶይ አሳፔ ጊዲኮ ዳያና። 39 ዶሳፌ ጊዲኮ ቃስ ኢንቴ ኢስታ ቴቃናስ ዳንዳዩኬታ። አኔ ኤሪዛይ ኢንቴ ዶሳራ አዩቲሽ ቤታናኮኔ” ጊዴስ።

40 ኢስቲካ ኢዛ ዞሬዛ ኤኪዲ ሃዋራታ ዌይጊዲ ጋራፊሲዳ። ናምዓንሶ ዩሱሳ ሱንሳን ሃሳዮንታ ማላ አዛዜዲ ዩዲዳ። 41 ሃዋራቲካ ኢዛ ሱንሳ ጊሽ ካወያናስ ቤሲዛ ጊሽ ዳሮ ኡፋዩቲሽ ዴሬ ጨማታ አቻፌ ኬዚ ቤዳ። 42 ጋላስ ጋላስ ዶሳ ኬሳኒኔ ኢሳ ኢሳ ኬሳን ዩሱሲ ኢዚ ዶሲ ዶሪዳዴ ጊዲዳይሳ ታማርሶሬኔ ሳባኮፔ ሙሌካ ጉዩ ጊቤቲና።

6

**ሳፑን ዳቆኔታ ዶራቴስ**

1 አማኒዛይታ ቆዳይ ዳሪ ዳሪ ቢዛ ዎዴ ጊሪኬ ቤታፌ ዩዳ አይሁዳ አሳቲ ዩሁዳን ዲዛ አይሁዳ አሳ ጉዩራ ዚጊራቲዳ። ጋሶይካ ኡባ ዎዴ ሚዛ ካስ ጊሺሽ አምዔታ ወዴቶንታ አጊዳ ጊሻሳ። 2 ሄሳ ጊሽ ኑ ታማኔ ናምዑ ሃዋራቲ አማኒዛ ሃራታ ኢሲ ቦላ ሺሺዲ “ኑኒ ካሳ ጊሾን ጌሊዲ ዶሳ ቃላ ታማርሶ አጋናስ ቤሴና። 3 ሄሳ ጊሽ ኑ ኢሻቶ! ኢንቴ ጊዶሬ ኤራንቻታ፣ ሂሎ አያናን ኩሚዳይታኔ ሎዎ ማርካቴስ ዲዛ ሳፑን አሳታ ዶራቴ፤ ሃይሳ አሳፌቴስ ኑ ኢስታስ ኢማና። 4 ኑኒ ጊዲኮ ዎሳኒኔ ቃላ ዮቶን ሚናና” ጊዳ።

5 ኢስቲ ጊዳ ዮዶይ ሲዩዳይታ ኡፋይሲዴስ፤ አማኖኒኔ ሂሎ አያናን ኩሚዳይቲ ኢስቲፋኖሴ፣ ፒሊጳሳ፣ ጳርስቆሮሳ፣ ኒቃሮና፣ ሂሞና፣ ጳርሜናኔ ዩሁዳቴሳን ጌሊዳ አንዎኪያ ዴሬ አስ ኒቆሎሳ ዶሪዳ። 6 ሄይታ ኤሂዲ ሃዋራታ ሲንሳ ሺሺዳ። ኢስቲካ ባ ኩሺ ኢስታ ቦላ ዎሲዲ ኢስታስ ዎሲዳ።

7 ዶሳ ቃላይ አኪ አኪ ቤዴስ። አማኒዛይታ ቆዳይ ዩሩሳላሜን ዳሪ ዳሪ ቤዴስ። ቁሴታፔ ዳሮቲ አማኒዳ።

**ኢስቲፋኖሴ አይኪቴስ**

8 ሄ ዎዴ ኢስቲፋኖሴ ዶሳ ኢሞቴሳኒኔ ዎልቃን ኩሚዲ ዴሬዛ ጊዶን ጊታ ማላሊሲዛ ማላታታ አሲዴስ። 9 ዎዜቲ ኬዚዳ ጌቲቲ ዌይጌቲዛሶፔ አይሁዳታ ዎሳ ኬሳፌ ዩዳ አስ ጊዲዳ ቃሬናፔኔ ኢስኪንዲሪያፔ፤ ቃሴካ ኪልቂያፔኔ ኢሲያ አወራጃታፔ ዩዳ አሳቲካ ወሪ ኢስቲፋኖሴራ ማርሹቲዳ። 10 ጊዶ አቲን ኤራቴሳን ኢዚ ሃሳዩዛ ሃሳያኔ ኢዛን ዲዛ አያና ኤቂታናስ ዳንዳዩቤቴና። 11 ሄሳ ጊሽ “ኢስቲፋኖሴ ሙሴኔ ዶሴ ጫዩሺን ኑ ሲዩዶስ” ጊዛ አሳታ ጉዩራ ጊጊሲዳ።

12 ሄ ዎዴ ዴሬ ዴሬ ጨማታኔ ዎጋ ታማርሲዛይታ ዴንሴሲዲኔ ኢስቲፋኖሴ አይሲዲ ዴሬ ዱላታኮ ሺሺዳ። 13 ኢዛ ቦላ “ሃይሲ አዴዚ ሃይሳ ዶሳ ኬሳ ቦላኔ ዎጋ ቦላ ጫሻ ቃላ ሃሳያ ሙሌካ አጊቤና። 14 ጋሶይካ ሃይሲ አዴዚ ‘ናዚሬቴ ዩሱሲ ሃይሳ ዶሳ ኬሳ ዳይሳና’ ጊሺኒኔ ‘ኑ ሙሴፔ ኤኪዳ ዎጋ ላማና’ ጊ ሃሳዩሺን ኑ ሲዩዶስ” ጊ ዎርዶራ ማርካቲዛ አሳታ ሺሺዲ ማርካሲዳ።

15 ዱላታ ኡቲዳ አሳይ ወሪ ኢስቲፋኖሴ ቲሺ ሂስቲ ዌሊሺን ኢዛ አይፌሶይ ኢስታስ ኪታንቻ አይፌሶ ሚሳቲ ቤቲዴስ።

7

1 ቁሴታ ሃላቃይ ኢስቲፋኖሴ “ሃይሲ ኔ ቦላ ሺቂዳ ዮዶዜ ቱሜ?” ጊ አይቺዴስ።  
2 ኢስቲፋኖሴካ ሂዝጊዴስ “ታ ኢሻቶ! ታ አዋቶ! ታ ጊዛይሳ ሲዩቴ! ኑ አዋ አብራሃሜይ ካራኔ ጌቲቲዛሶ ያናፔ ካሴ ቡሮ ሜሶፖቶሚያን ዲሺን ቦንቾ ጎዳይ ኢዛስ ቆንጨዲ፣ 3 ‘ኔ ዴሬፔኔ ኔ ዳቦፌ ሻኬታዳ ታ ኔና ቤሲዛሶ ባ’ ጊዴስ። 4 ኢዚካ ካልዳዌታ ቤታፌ ኬዚዲ ካራኔ ጌቲቲዛ ቤታን ኡቲዴስ። ኢዛ አዋይ ሃይቂዳፔ ጉዩ ኢንቴ ሃዒ ዲዛሶ ሃ ዴሬ ኢዛ ኤሂዴስ። \* 5 ሃራይ አቶሺን ኢሲ ቶሆይ ኤቂዛ ጋዴይ ኢዛስ ሃይሳፌ ኢሜቲቤና። ጊዶ አቲን ሄ ዎዴ ኢዛስ ኢሲ ናይካ ባይንዳ ዲሺን ኢዚኔ ኢዛፔ ጉዩን ኢዛ ዜሬሲ ቤታዮ ላታና ማላ ዶሲ ኢዛስ ጫቂዴስ። \* 6 ቃሴካ ዶሲ

\* 5:27-28 ማቶ 27:25 \* 7:4 ሜዴ 11:31፤ 12:4 \* 7:5 ሜዴ 12:7፤ 13:15፤ 15:18፤ 17:8

ኢዛስ ሂዝጊ ዮቲደስ 'ኔ ዜሬሲ አላጋ ቢታን ቤቱ አስ ጊዳና። አይዱ ያቱ ላይሰ አይሌቴሳ ቃምባራ ጊደን ዋዩታና። \* 7 ጊደ አቲን ኢስታ አይሌ ማላ ሃሪዛ ደሬ ታ ቃፃያና። ሄሳፌ ጉዩ ኢስቲ ሄ ቢታፌ ከዚዲ ሃኖ ሃ ሶይን ታስ ጎይናና' ጊደስ። \* 8 ሄሳፌ ጉዩ ቃፃራ ምጋ ጫቆ ኢዛስ ኢሚደስ። አብራሃሜይካ ዩሳቃ ዩሊዲ ኢዛ አስፑንሳ ጋላስ ቃፃሪደስ። ዩሳቃይካ ያቆቤ ዩሊደስ። ያቆቤይካ ታማኔ ናምዑ ቆሞታ ዩሊደስ። \*

9 ሄ ቆሞታ አዋቲ ዮሴፌ ቦላ ቃናቲዲ ኢዛ አይሌቴሳስ ዱጌ ጊብዜ ባይዚዳ። ጊደ አቲን ያሲ ኢዛራ ደስ፤ \* 10 ሜቶ ኡባፌ ኢዛ አሺደስ። ጊብዜ ካዎ ፓሮኔ ሲንሳን ቦንቾ ኢሚደስ። ፓሮኔይ ኢዛ ጊብዜ ቢታኒኔ ባ ኬሳ አሳ ኡባ ቦላ አላፌቴሳን ሹሚደስ። \*

11 "ሄ ምዴ ካናኒኒኔ ጊብዜን ዳሮ ሜቶ ኤሂዳ ጊታ ኮሻይ ደንዲደስ። ኑ አዋታስካ ሚዛ ካሲ ዳዩደስ። \* 12 ያቆቤይ ጊብዜ ደሬን ካሲ ዲዛይሳ ሲይዲ ኑ አዋታ ኮይሮ ጊብዜ ዩዲደስ። \* 13 ኢስቲ ናምዳንሶ ቢዛ ምዴ ዮሴፌይ ኢዚ አናኮኔ ባና ባ ኢሻታስ ቆንጨሲደስ። ፓሮኔይካ ዮሴፌ ኢሻታ ኤሪደስ። \* 14 ሄሳፌ ጉዩ ዮሴፌይ ኪቲዲ ባ አዋ ያቆቤኔ ላፑን ታማኔ ኢቻሹ ጊዲዛ ባ ዳቦታ ኩሜስ ኤሂሲደስ። \* 15 ያቆቤይ ዱጌ ጊብዜ ምዲደስ። ኢዚካ ኑ አዋቲካ ወሪ ሄን ሃይቂዳ። \*

16 ኢስታ አሃይካ ሴኬሜ ጌቲዛሶ ኤፊን አብራሃሜይ ኤሞሬ ናይታፕ ባ ሚሻን ሻሚዳ ዱፎን ሞጌቲደስ። \*

17 "ያሲ አብራሃሜስ ጫቂዳ ቃላይ ፖሌቲዛ ምዴይ ማቲሺን ጊብዜን ዲዛ ኑ አሳ ቆዳይ ዳሪ ዳሪ ቢደስ። \* 18 ሄሳፌ ጉዩ ጊብዜ ቢታን ዮሴፌ ኤሮንታ ሃራ ካዎይ ካዎቲደስ። \* 19 ኢዚካ ኑ አሳ ባ ጌኔ አሶን ሜቶሲደስ። ቡሮ ዩሌቲዳ ጉሳ ናይቲ ሃይቃና ማላኔ ዩሊዳ ናይታ ካሬ ኬሲ ምራ ዩጋና ማላ ምልቃሲደስ። \* 20 ሄ ምዴ ሙሴይ ዩሌቲደስ። ኢዚካ ያሳ አቻን ዶሴቲዳ ማላ ሎፖ ና ጊዲደስ። ባ አዋ ኬሳን ሄቸ አጊና አልዲሶን ዲጨደስ። \* 21 ኢዚ ጌዴ ምራ ዩጌቲዳ ምዴ ካዎ ፓሮኔ ማጫ ናያ ደማዳ ባስ ኤካዱስ። ባ ና ማላ አሳዳ ዲቻዱስ። \* 22 ሙሴይካ ጊብዜታ አዶ ኤራቴሳ ወርሲ ታማሪደስ። ዮፖን ኤራ፤ አሶንካ ሚኖ ጊዲደስ።

23 "ሙሴ ላይሲ አይዱ ታሙ ጊዲዳ ምዴ ሙሴይ ባ ኢሻታ ኢስራዌል ናይታ ቤያናስ ባ ምዝናን ቆፕደስ። \* 24 ኢዚካ ኢሲ ጊብዜ አሲ ሙሴ ባጋ አሳፕ ኢሳዴ ቦላ ቆሆ ጋሲሺን ቤዩዲ ባ ባጋ አደዛ ማዲደስ፤ ሄ ጊብዜ አደዛ ምዲዲ ሄ ቆሄቲዳይሳ ሃሎ ኬሲደስ። \* 25 ሙሴስ ያሲ ኢዛ ኩሺን ኢስታ ምዛናይሳ ኢዛ አሳይ አኬኪዛ ሚሳቲደስ። ጊደ አቲን ኢስቲ ሄሳ ዩሺ ቆፕሮቴና። \* 26 ምንቴሳ ጋላስ ቃሴካ ኢስራዌል ናይታፕ ናምዳቲ ባ ጊደን አዩቲሺን ጋኪዲ አዩቲዛይታ ጊጊሳናስ ኮይዲ 'ሃይቶ! አሳቶ ኢንቴ ኢንቴ ጊደን ኢሻንታኮ፤ ኢንቴ ዋኒዲ ኢሶይ ኢሳ ቆሄቲ?' ጊደስ።

27-28 "ባ ላጊዛ ቦላ ቆሆ ጋሲዳይሲ ሙሴ ሱጊ ዩጊዲ 'ኔና ኑ ቦላ ኑና ሃሪዛዴኔ ኑ ቦላ ፐርዲዛዴ አሲ ሹሚዳይ አኔ? ምይኮ ቃማ ጊብዜ አደዛ ምዲዳሳሶ ታናካ ምዳና ኮያይ?' ጊደስ። \* 29 ሙሴይ ሄሳ ሲዩዳ ማላ ሚዲያሜ ቢታ ቤቲዲ ሄን ቤቱ አስ ጊዲ ደዲደስ፤ ያንካ ናምዑ አቱማ ና ዩሊደስ። \*

30 "ሄሳፌ አይዱ ታሙ ላይሳፌ ጉዩ ሲና ዙማ አቻን ዲዛ ባዞ ቢታን ቁሪ ምራ ጊደን ኤዲዛ ታማ ላሮን ኪታንቻይ ኢዛስ ቤቲደስ። \* 31-32 ሙሴይካ ኢዛ ቤዩዳ ማላ ማላሌቲደስ። አዛኮኔ ሻኪ ኤራናስ ኢዚ ሄን ኢዛኮ ሺቂሺን ጎዳ ቃላይ 'ታኒ ኔ አዋንታ ያሳ አብራሃሜ፣ ዩሳቃኔ ያቆቤ ያሳ' ጊሺን ሲይደስ። ሙሴይካ ዳሮ ዳጋሚደስ፤ ያላናስካ ሃሊቤና።

33-34 "ጎዳይካ ኢዛስ 'ሃይሲ ኔ ኤቂዳሶይ ጌሻሶ ጊዲዳ ጊሽ ኔ ቶሆፕ ጫማ ሾዳ። ጊብዜን ዲዛ ታ ደሬታ ዋዩ ታ ቱማፕ ቤያዲስ፤ ኢስቲ ሞሲዛ ዋዩ ሞሲዛ ታ ሲያዳ ኢስታ አሻናስ ምዳዲስ። ኔ ሃዲካ ሃያ፤ ታ ኔና ዱጌ ጊብዜ ዛራዳ ኪታና' ጊደስ።

35 "ሂስቲን ሄይቲ 'ኑ ቦላ ኔና ሃሪዛዴኔ ፐርዲዛዴ ሂስቲ አኒ ሹሚዴ?' ጊዲ አሳይ ካሴ ካዲዳ ሙሴ ያሲ ቁሪ ምራ ጊደን ኢዛስ ቤቲዳ ኪታንቻ ባጋራ ኢስታ ሃሪዛዴኔ አሺዛዴ ሂስቲዲ ኢስታኮ ዛሪ ዩዲደስ። \* 36 ኢዚካ ኢስታ ካሌሲዲ ጊብዜፕ ኬሲደስ። ጊብዜን፣ ዞፖ አባኒኔ ባዞ ቢታን አይዱ ታሙ ላይሲ ዳሮ ማላሊሲዛ ሚሻታኔ ጊታ ማላታታ ኢስታስ አሲደስ። \* 37 "ኢስራዌል ናይታስ 'ታ ማላ ናቤ ያሲ ኢንቴ ጊደፌ ደንሳና' ጊዳይሲ ሃይሳ ሙሴኮ! \* 38 ኢዚካ ሲና ዙማ ቦላ ሃሳዩዳ ኪታንቻራኔ ባዞ ቢታን ኑ አዋታራ ደሬ ዱላታ ጊደን ደስ። ደፖ ቃላካ ሃ ኑስ አላናስ ኤኪደስ። \*

39 "ኑ አዋቲ ጊዲኮ ኢዛራ ኤቂቲዳ አቲን ኢዛስ አዛዜታናስ ኮዮንታ ጊሽ ባ ምዝናራ ጉዩ ጊብዜ ሲሚዳ። \* 40 አሮኔስካ 'ኑ ሲንሳራ ቢዛ ኤቃ ኑስ ጊጊሳ! ኑና ጊብዜፕ ካሌሲ ኬሲዳ ሙሴይ ዋኒዳኮ ኑ ኤሮኮ' ጊዳ። \* 41 ሄ ምዴ ማራ ሚሲሌ ሜዲዲ ኤቃስ ያርሾ ሺሺዳ። ባርካ ሜዲዳ ባ ኩሺ አሶን ኡፋዩቲዲ ጉፐዳ። \*

42 "ጊደ አቲን ያሲ ኢስታስ ዞኮ ዛሪደስ። ኢስቲ ሳሎ ያሊንቴታስ ጎይናና ማላ አሲ ኢሚደስ። ሄሲካ ናቤታ ማፃፋን

\* 7:6 ሜዴ 15:13-14 \* 7:7 ኬሳ 3:12 \* 7:8 ሜዴ 17:10-14፤ 21:2-4፤ 25:26፤ 29:31-35:18 \* 7:9 ሜዴ 37:11፤ 37:28፤ 39:2፤21 \* 7:10 ሜዴ 41:39-41 \* 7:11 ሜዴ 42:1-2 \* 7:13 ሜዴ 45:1፤ 45:16 \* 7:14 ሜዴ 45:9-10፤17-18፤ 46:27 \* 7:15 ሜዴ 46:1-7፤ 49:33 \* 7:16 ሜዴ 23:3-16፤ 33:19፤ 50:7-13፤ ኢያ 24:32 \* 7:19 ኬሳ 1:10-11፤ 1:22 \* 7:20 ኬሳ 2:2 \* 7:21 ኬሳ 2:3-10 \* 7:23 ኬሳ 2:11-15 \* 7:29 ኬሳ 18:3-4 \* 7:36 ኬሳ 7:3፤ 14:21፤ ታይ 14:33 \* 7:37 ዛሬ 18:15፤18 \* 7:38 ኬሳ 19:1-20:17፤ ዛሬ 5:1-33 \* 7:40 ኬሳ 32:1 \* 7:41 ኬሳ 32:2-6

‘ኢንቴኖ ኢስራዌል ናይቶ!

ኢንቴ ባዞ ቢታን ኦይዱ ታሙ ላይስ ዲዛ ዎዴ ኢንቴፌ ያርሾኔ ሙፁዋታ ታስ ሸሸ ኤሬቲ?

43 ሃራፔካ ኢንቴ ጎይናናሶ አሲዳ ኤቃ ሞሎኬ ዱንካናኔ

ኢንቴ ኤቃ ራፋኔ ያሊንቴ ሚሲሌዛ ዶቁ ዶቁ ሂስቲ አይኪዴታ።

ሄሳ ጊሽ ታ ኢንቴና ኢንቴ ዲዛሶፔ ዴንላዳ ባቢሎኔራ አላ ዮዳና’

ጌቴቲዲ ገፌቲዴስ።

44 “ዮሲ ሙሴ ቤሲዳ ሌሚሶዛ ማላኔ አዛዚዳይሳ ማላ አሴቲዳ ዮሲ አሳራ ጋጊዛ ዱንካኔያ ኑ አዋታራ ባዞ ቢታን ዴዓዱስ። \* 45 ኑ አዋቲ ዱንካኔዮ ኤኪዳይሳፌ ጉዬ ዮሲ ኢያሶ ካሌሲን ካሴ ኢስታ ጎዲዳ ዴሬታ ላቲዳ ዎዴ ዱንካኔዮ ኤኪ ጌሊዳ። ዳዉቴ ዎዴ ጋካናስ ዱንካኔያ ሄ ቢታን ዴዓዱስ። \* 46 ዳዉቴይካ ያሳ ሲንላን ቦንቾ ዴሚዲ ያቆቤ ጎዳስ አቆሶ ጊጊላናስ ዎሲዴስ። \* 47 ጊዶ አቲን ሶሎሞኔይ ኢዛስ አቆሶ ኬጊዴስ።

48-50 “ጊዶ አቲን ዎጋ ጎዳይ አሳ ኩሼይ ኬጊዳ ኬላን ዴና። ሄሲካ ናቤይ

ካሴ ጊሻ ማግፋን ገፌቲዳ ማላ

‘ሳሎይ ታ ኡቲዛ አልጋ፤

ቢታይካ ታ ቶሆን ዮዲዛሶ፤

ሂስቲን ኢንቴ ታስ አይ ማላ ኬሴ ኬይቲ?

ዎይኮ ታ ሼምፓናሶይ አዋይሴ? \*

ሃይሳ ዉርሲ ታ ኩሼይ አሲቤኔ?’

ጌስ ጎዳይ ያሳይ።”

51 “ኢንቴኖ ዎዝና ሙሜቶ! ሃይሳ ቱሌቶ! ኢንቴካ ኢንቴ አዋታ ማላ ኡባ ዎዴ ጊሎ አያናራ ኤቁቲታ። \* 52 ናቤታፔ ኢንቴ አዋቲ ጎዶንታ ናቤይ አኔ? ጊሎዛ ዮሃኒሳ ካሴቲ ዮቲዳ ናቤታካ ዎዲዳ፤ ኢንቴካ ሃዲ ኢዛ አሲ ኢሚዴታኔ ዎዲዴታ። 53 ኪታንቻ ባጋራ ኢንቴስ ኢሜቲዳ ዎጋ ኤኪዴታ አቲን ናጊቤኬታ” ጊዴስ።

**ኢስቲፋኖሲ ሹቻን ጫዴቲ ሃይቂዴስ**

54 ዱላታን ዲዛ አሳይ ሄሳ ሲዬዳ ማላ ዳሮ ሃንቁቲዲ፣ ኢዛ ቦላ ባ አቺ ጋርጨዴስ። 55-56 ጊዲንካ ኢስቲፋኖሲ ጊሎ አያናን ኩሚዲኔ ፑዴ ሳሎ ቲሺ ሂስቲ ያሊሺን ያሳ ቦንቾን ዮሱሲ ያሳ ኡሻቻን ኤቁዳይሳ ቤያይስ” ጊዴስ።

57 ሄሳ ዎዴ አሳይ ቃላ ዶቁ ሂስቲ ዋሲሼ ባ ሃይሴ ቱጪ አይኪዲ ኢዛኮ ኢሲፌ ዎጊዴስ።

58 ኢስቲፋኖሴ አይኪዲ ካታማፔ ጌዴ ካሬ አሊዳ። ሹቻን ጫቾ አይኪዳ። ሄሲ ዉሪ ሃኒሺን ማርካቲካ ባ ማይዎ ሳዉሴ ጌቴቲዛ ፓንላ አቻን ዎሲዳ። 59 ኢስቲ ሹቻራ ኢዛ ጫዲሺን ኢስቲፋኖሲ “ታ ጎዳ ዮሱሳ ታ ሼምፓኖ ኔኮ ኤካ” ጊዲ ዎሲዴስ። 60 ቃሴካ ጉልባቲዲ ዶቃ ቃላን “ጎዶ! ሃይታንታ ናጋራ ቆዶፓ” ጊዲ ዋሲዴስ። ሄሳ ጊዳፔ ጉዬ ሃይቂዴስ።

**8**

1 ሳዉሴይካ ኢስቲፋኖሴ ሃይቆን ኢስታራ ቆፋን ጋጊዴስ። ሄ ዎዴ ዮሩሳላሜን ዲዛ አማኒዛይታ ቦላ ጊታ ጎዴቴሲ ዴንዲዴስ። ሃዋራቲ አታፌ አማኒዛይቲ ዉሪ ዮሁዳ አዉራጃኒኔ ሳማሪያ አዉራጃን ኡባን ላሌቲዳ። 2 አያና አሶን ሚኒ ኤቁዳ አሳቲ ኢስቲፋኖሴ ሞጊዲ፣ ኢዛስ ዳሮ ዮኪዳ። 3 ሳዉሴይ ቃሴ ዎሳ ኬላ ዳይሳናስ ጊጊ ዴንዲዴስ። አማኒዛ አሳ ኢሳ ኢሳ ኬሴ ጌሊዲ ማጫታኔ አዴታ ጎቺ ጎቺ ኬሲዲ ቃሾ ኬላን ጌልሲዴስ። \*

**ፒሊጶሲ ሳማሪያ ዴሬን ሚሸራቾ ቃላ ማርካቲዴስ**

4 ላሌቲዳይቲ ዉሪ ባ ቢዳሶን ቢዳሶን ያሳ ቃላ ዮቲዳ። 5 ፒሊጶሲካ ሳማሪያ ጌቴቲዛ ካታማ ዎዲዲ አሳስ ኪርስቶሳ ሳባኪዴስ። 6 ዳሮ ዴሬይ ፒሊጶሲ አሲዛ ማላታ ቤዬዲ ኢዚ ዮቲዛ ቃላ ዎዝናፔ ሎዌሲ ሲይዴስ። 7 ቱና አያናቲካ ዳሮ አሳፔ ዋሲ ዋሲ ኬዚዳ። ዳሮ ቶሆ ሲላቲኔ ዎቤቲካ ፓጊዳ።

8 ሄሳ ጊሽ ሄ ካታማ አሳይ ዳሮ ኡፋዮቲዴስ።

9 ጊዶ አቲን ሄሳፌ ካሴ ሄ ካታማዬን ማሮ ማሮቲዲ ሳማሪያ አሳ ዳሮ ማላሊሲዛዝ አሲዛ ኢሲ ሲሞና ጌቴቲዛ ማሮይ ዴስ። ኢዚካ ባና ጊታ አሳ ማላ ቆዲዛዴ። 10 አሳይ ዉሪ ጉሳታፔ ጊታታ ጋካናስ ዉሪካ “ሃይሲ አዴዚ ጊታ ዎልቃማ ጌቴቲዛ ያሳ ዎልቃ” ጊሼ ኢዚ ጊዛይሳ ዉርሲ ዎዝናፔ ሲዮስ። 11 ዳሮ ዎዴ ባ ማሮቲላ አሶን አሳ ማላሊሲዳ ጊሽ አሳይ ኢዛ ዎዝናፔ ካሊሼ ጋምዲዴስ።

12 ጊዶ አቲን ፒሊጶሲ ያሳ ካዎቴላ ጊሺኔ ዮሱስ ኪርስቶሳ ጊሽ ሳባኪዳይሳ ሲይዲ አማኒዳ ማጫሳይኔ አቱማሳይ ግማቁቲዴስ። 13 ሲሞኒካ አማኒዲ ግማቁቲዴስ። ፒሊጶሳካ ካሊ ቢዲ ሃኒዛ ጊታ ማላታ ቤዬዲ ማላሌቲዴስ።

14 ዮሩሳላሜን ዲዛ ሃዋራቲ ሳማሪያ አሳይ ያሳ ቃላ ኤኪዲ አማኒዳይሳ ሲይዲ ጶፅሮሳኔ ዮሃኒሳ ኢስታኮ ኪቲዳ። 15 ኢስቲካ ሳማሪያ ጋኪዲ አማኒዳ አሳይ ጊሎ አያና ኤካና ማላ አሳስ ዎሲዳ።

16 ጋሶይካ ሄ ዎዴ ኢስቲ ሮሞ ዮሱሳ ሱንላን ግማቁቲዳ አቲን ቡሮ ጊሎ አያናይ ኢስታፌ ኢሳዴ ቦላካ ዎዲቤና። 17 ሄሳ ጊሽ ጶፅሮሲኔ ዮሃኒሲ ባ ኩሼ አሳ ቦላ ዎሲን አሳይ ጊሎ አያና ኤኪዴስ።

\* 7:44 ኬላ 25:9-40 \* 7:45 ኢያ 3:14-17 \* 7:46 2ሳሜ 7:1-16፤ 1ታር 17:1-14 \* 7:48-50 ኢሳ 66:1-2 \* 7:51 ኢሳ 63:10 \* 8:3 ሃዋ 22:4-5፤ 26:9-11



18 ሲሞኒካ ሃዋራቲ ኩሼ ዎሲ ዎሲን ዓሎ አያናይ ኢሜቲዛይሳ ቤዩዲ ጳጳሮሳሲኔ ዮሃንሳስ ሚሼ ኤኪ ዩዲ፣ 19 “ታ ኢዛ ቦላ ታ ኩሼ ዎሲዛይይ ወሪ ዓሎ አያና ኤካና ማላ ሃይሳ ማላ ጎዳቴስ ታስካ ኢሚቱ” ጊን፣

20 ጳጳሮሲ ኢዛስ ዛሪዲ “ዎሳ ኢሞታ ኔ ሚሻን ሻማና ቆፒዳ ጊሽ ነኔ ኔ ሚሻራ ኢሲፌ ዳያ።

21 ኔ ዎዝናይ ዎሳ ሲንሳን ሱሬ ጊዶንታ ጊሽ ነስ ሃይሳ ሃ አሶዛን ጊሻይ ዎይኮ ቃዳይ ዴና። 22 ሃይሳ ኔ ኢታቴሳ ጊሽ ሃዲ ኤሌ ማሮቴሳን ጌላ፤ ኔ ዎዝና ቆፋ ነስ አቶ ጋናኮኔ ነስ ጎዳ ዎሳ። 23 ጋሶይካ ነኔ ኢታቴሳን ኩሚዳይሲኔ ማካላን ቃሼታ ኡቲዳይሲ ታስ ቤቴስ” ጊዴስ።

24 ሲሞኒካ ዛሪዲ “ኢንቴ ጊዳ ዮዎታፔ አይኮይካ ታ ቦላ ጋኮንታ ማላ ታስ ጎዳ ዎሲቱ” ጊዴስ።

25 ጳጳሮሲኔ ዮሃንሲ ጎዳ ቃላ ማርካቲዳይሳፌሬ ቆንጨሲ ዮቲዳይሳፌ ጉዬ ዳሮ ሳማሪያ ጉታታን ሚሼራቾ ቃላ ሳባኪሼ ዩሩሳላሜ ሲሚዳ።

**ቶጲያ ካዎ ሚሻ ቦላ ሹሜቲዳ ጉንዱላዛ ፒሊጶሲ ማጣቂዴስ**

26 ጎዳ ኪታንቻይ ፒሊጶሳ “ዴንዳ! ዩሩሳላሜፔ ዱጌ ባጋራ ጌዴ ጋዛ ኤፊዛ ባዞ አጋራ ባ” ጊዴስ።

27 ኢዚካ ዴንዲ ቢዴስ። ሂንዴኮ ጌቴቲዛ ቶጲያፔ ጊዲዳ ካዎያ ባ ኬሳኒኔ ባ ካዎቴሳን ዲዛ ኡባ ሚሻ ቦላ አላፌቴሳን ዎሲዳ ኢሲ ቶጲያ ጉንዱላ አሲ ኢዛራ ጋጊዴስ። ሄ አዴዚ ዎሳስ ጎይናና ዩሩሳላሜ ቢዴስ። 28 ኢዚ ሄፔ ሲሚሼ ፓራ-ጋሬን ኡቲዲ ናቤ ኢሳያሳ ማፃፋ ናባቤስ። 29 አያናይ ፒሊጶሳ “ባ! ጌዴ ፓራ-ጋሬዛኮ ሺቃ” ጊዴስ።

30 ፒሊጶሲካ ኤሶቲዲ ፓራ-ጋሬዛኮ ቢዲ አዴዚ ናቤ ኢሳያሳ ማፃፋ ናባቤሺን ሲይዲ “ሄሲ ኔ ናባቤዛይሲ ነስ ጌሊዜ?” ጊዴስ።

31 ጉንዱላ አዴዚካ “ታና ኤሪሲዛ አሲ ባይንዳ ታ ዎስታ ኤሮ?” ጊዴስ። ኢዚካ ጌዴ ኢዛ ጋሬዛን ጌልዲ ኢዛ አቻን ኡታና ማላ ዎሲዴስ። 32 ኢዚ ናባቤዛ ማፃፋይ

“ኢዚ ዶርሳ ማላ ሹኬታና ላጌቲዴስ፤

ዶርሳ ላቃይ ኢሲኬ ቃንዲዛይሳ ሲንሳን ጮዑ ጊዛ ማላ

ሄሳሶካ ኢዚ ባ ዱና ፖጊቤና።

33 ባና ካወሸዲ ፒርዳይ ባይንዳዴ ጊዲዴስ።

ኢዛ ሽምፖይ ቢታ ቦላፌ ዲጌቲዴስ።

ኢዛ ዩሌቴሳ ጊሽ ሃሳያና ዳንዳዩዛይ ኦኔ?” ጌስ።

34 ጉንዱላ አዴዚካ ዛሪዲ ፒሊጶሳ “ናቤዚ ሃይሳ አና ጊሽ ጊዜ? ባ ጊሽ ጊዜ? ዎይኮ ሃራ አሳ ጊሽ ጊዜ? ሃያና፣ ታስ ዮታርኪ!” ጊዴስ። 35 ፒሊጶሲካ ባ ዱና ዶይዲ ሄ ማፃፋፔ ዶሚዲ ዩሱሳ ሚሼራቾ ቃላ ጊሽ ማርካቲዴስ።

36 ኢስቲ ኢሲፌ ቢሼ ሃሲ ዲዛሶ ጋኪዳ። አዴዚካ “ሄኮ ሃሲ ሃይሳን ዴስ፤ ሂስቲን ታ ማጣቂቶንታ ማላ ዲጊዛይ አዜ?” ጊዴስ።

37 ፒሊጶሲካ “ኔ ኩሜሳ ዎዝናፔ አማኒኮ ማጣቂታና ዳንዳያሳ” ጊዴስ። አዴዚካ “ዩሱስ ኪርስቶሲ ዎሳ ና ጊዲዳይሳ አማናይስ” ጊዴስ። \*

38 አዴዚ ፓራ ጋሬዚ ኤቃና ማላ አዛዚን ናምዓይ ኢሲፌ ሃሳን ዎዲን ፒሊጶሲ አዴዛ ማጣቂዴስ።

39 ኢስቲ ሃሳፌ ኬዚሺን ዎሳ አያናይ ፒሊጶሳ ዴንፋ ኤፊዴስ። አዴዚ ሄሳፌ ጉዬ ኢዛ ቤይቤና። ጊዶ አቲን ኡፋይሳን ባ ኦጌ ቢዴስ። 40 ሄሳፌ ጉዬ ፒሊጶሲ አዛዎን ጌቴቲዛሶን ቤቲዴስ። ቂሳሪያ ጌቴቲዛሶ ጋካናስ ኢዚ ቢዛ ኦጌ ቦላ ካታማን ኡባን ሚሼራቾ ቃላ ሳባኪዴስ።

9

**ሳዉሌይ አማኒዴስ**

(ሃዋ 22:6-16፤ 26:12-18)

1 ሳዉሌይ ጎዳ አማኒዛ አሳ ዎዳናስ ጩቁቲሼ ቁሴታ ሃላቃኮ ቢዴስ። 2 ጎዳ ኦጌ ካሊዛይታ ማጫሳታኔ አዴታ ዴሚ ቃቺዲ ዩሩሳላሜ ኤኪ ያናስ ዳማስቆ ጌቴቲዛሶን ዲዛ አይሁዳታ ዎሳ ኬሳስ ባብዳቤ ፃፋና ማላ ቁሴታ ሃላቃ ዎሲዴስ።

3 ዳማስቆ ጋካና ማቲሺን ቆፖንታ ሳሎፔ ፖዎይ ኢዛ ዩሾን ፖልዑ ጊዴስ። 4 ኢዚካ ሄራካ ቢታ ቦላ ኩንዲዲ ሳሎፔ “ሳዉሌ፣ ሳዉሌ፣ ታና አዛስ ጎዳይ?” ጊዛ ቃላ ሲይዴስ።

5 ሳዉሌይካ “ጎዶ! ኔ ኦኔ?” ጊዴስ። ኢዚካ ኢዛስ “ታኔ ኔ ጎዴሲዛ ዩሱሳኮ!” \*† 6 ኔ ሃዲ ዴንዳዳ ጌዴ ካታማ ጌላ፤ ኔ አሳናስ ቤሲዛዝ ነስ ታ ዮታና” ጊዴስ።

7 ሳዉሌራ ኢሲፌ ቢዛ አሳቲ ቃላ ጊሪስ ሲሳፌ አቲን አናካ ቤዮንታ ጊሽ ባ ዱና አይኪ ኤቂዳ።

8 ሳዉሌይ ባ ኩንዲዳሶፔ ዴንዲዲ አይፌ ዶዩ ዓሊዛ ዎዴ አይኮካ ዴማናስ ዳንዳይቤና። ሄሳ ጊሽ ኢዛራ ዲዛ አሳቲ ኢዛ ኩሼ አይኪዲ ካሌሲ ኤኪዲ ዳማስቆ ኤፊዳ። 9 ሄዙ ጋላስ ጋካናስ ቆቂዲኔ ካስ ሃሌ ቤይቤና።

10 ዳማስቆን ኢሲ ሃናኒያ ጌቴቲዛ አማኒዛዴይ ዴስ። ኢዛስ ጎዳይ አጁታን “ሃናኒያ” ጊዲ ዔይጊዴስ፤ ኢዚካ “ዩ ጎዶ!” ጊዴስ።

\* 8:37 ኢሲ ኢሲ ጌሻ ማፃፋቲ ፓይዶ 37 ቦላ ዲዛ ቆፋ ጉጂቴስ፤ ኢሲ ኢሶቲ ቃሴካ ቆፋ አይኪቤቴና። \* 9:5 ኢሲ ኢሲ ጌሻ ማፃፋታ ቢርሼላይ “ታራ ማሻ ቦላ ኔ ኤቁኮ ቆሄታና” ጊሺን ሃራይቲ ቃስ “ጫዲዛ ቢራታራ ኔ ኤቁቲኮ ነስ ሃ ዳራና” ጌቴስ። † 9:5 ሳዉሊ ኮኮርዲኔ ያሻቴሳን ማላሌቲዲ “ጎዶ! ታ ነስ አይ አሳና ማላ ዶሳይ?” ጊዴስ ጊዛ ቆፋ ጉጂቴስ። ሃይሳካ ሽምፖ 22:10 ኔ 26:14 ቦላ ሃፌቲ ቤቴስ።



11 ጎዳይካ ኢዛ “ዴንዳ! ሱሬ ጌቴቴዛ ኦጌይራ ዩሁዳ ጌቴቴዛሶ ባ። ሄን ሳዉሌ ጌቴቴዛ ኢሲ ግርሴሴ አሲ ዎሲሼ ዴስ፤ ኔ ኢዛ ኮያ ዴማ። 12 ጋሶይካ ሃናኒያ ጌቴቴዛይሲ ሳዉሌይ ዲዛሶ ዩዲ ኢዚ ዓላና ማላ ኢዛ ቦላ ባ ኩሼ ዎሲሼን ኦጃታን ቤዩዴስ።”

13 ሃናኒያይካ ዛሪዲ “ጎዶ! ሃይሳይይ ዩሩሳላሜን ዲዛ ጌሻታ ቦላ አይ ማላ ኢታ ሜቶ ጋሲዳኮኔ ታ ዳሮ አሳፕ ሲያዲስ። 14 ኢዚ ሃ ዩዳይ ኔ ሱንሳ ዓይጊዛይታ ዉርሲ ቃቻናስ ቁሴታ ሃላቃታፕ ጎዳቴሰ ኤኪዲኮ” ጊዴስ።

15 ጎዳይካ ኢዛስ “ኔ ባ! ሃይሲ አዴዚ አይዛቤታ ሲንሳኒኔ ካዎታ ሲንሳን ሄሳሶካ ኢስራዔሌ ዴሬ ሲንሳን ታ ሱንሳ ቶካና ማላ ኢዚ ታስ ዶሬቴዳይሳ። 16 ኢዚ ታ ሱንሳ ጊሽ አይ ማላ ዋዩ ቤያናኮ ታ ኢዛ ቤሳና” ጊዴስ።

17 ሃናኒያይ ቤዲ ኢዛስ ዮቴቴዳሶ ጊሊዴስ። ሳዉሌ ቦላ ባ ኩሼ ዎሲዲ “ታ ኢሻ ሳዉሌ ኔ ሃ ዩሼን ኔስ ኦጌ ቦላ ቆንጨዳ ጎዳ ዩሱሲ ኔ አይሬይ ዓላና ማላኔ ኔኒ ዒሎ አያናን ኩማና ማላ ታና ኔኮ ኪቴዴስ” ጊዴስ። 18 ሄራካ ሳዉሌ አይሬፕ ፖቆ ማላይ ፖቁቴ ዎዲን ኢዚ ዓላና ዳንዳዩዴሲኔ ዴንዲዲ ማግቁቴዴስ። 19 ካሲካ ሚዲ ሚኒዴስ። ኡንዴና ዎዴ አማኒዛይታራ ዳማስቆን ጋምዲዴስ።

**ሳዉሌይ ዳማስቆኒኔ ዩሩሳላሜን ታማርሲዴስ**

20 ሄራካ ዩሱሲ ዎሳ ና ጊዲዳይሳ አይሁዳታ ዎሳ ኬሳታን ታማርሶ አይኪዴስ።

21 ሲዩዳ አሳይ ዉሪ “ሃይሲ ዩሩሳላሜን ሃ ሱንሳ ዓይጊዛይታ ዳዩሲዛ አይዛ ጊዴኔ? ቃሴ ኢዚ ሃ ዩዳይ ሄ አሳታ ቃቺ ኤኪ ቁሴታ ሃላቃታኮ ኤፋናስ ዴኔ?” ጊሼ ማላሌቴዳ።

22 ሳዉሌይ ካሴፕ ሚኒ ሚኒ ቤዴስ። ዳማስቆን ዲዛ አይሁዳታስ ዩሱሲ ኢዚ ዎሲ ኪቴዳዴ ጊዲዳይሳ አማንሲሼ አሳ ዱና አይሲዴስ።

23 ዳሮ ጋላሳታፕ ጉዩ አይሁዳቴ ሳዉሌ ዎዳናስ ዱላቴዳ። \* 24 ኢዚካ ኢስታ ቆፋ ኤሪዴስ። ኢስቴካ ኢዛ ዎዳናስ ካታማ ጌልሲዛ ኦጌን ጋላሲኔ ቃማ ናጊዳ። 25 አማኒዛይቲ ጊዲኮ ኢዛ ጊዶስ ካታማ ዩሾን ዲዛ ማስኮቴዛራ ኬሼን ዱጌ ዎሲዳ።

26 ሳዉሌይ ዩሩሳላሜ ዩዲ አማኒዛይታራ ዋላኬታና ኮዩን ኢዚ ቱሙ አማኒዛዴ ጊዲዳይሳ ኢስቴ አማኔቶንታ ጊሽ ኢዛስ ባቢዳ። 27 ጊዶ አቴን ባርናባሲ ኢዛ ሃዋራታኮ ኤሬን ሳዉሌይ ኢዚ ዳማስቆ ኦጌ ቦላ ጎዳ ዎስቴ ቤዩዳኮ። ጎዳይካ ኢዛስ አይ ዮቴዳኮኔ ቃሴካ ዳማስቆን ዲሼ ኢዚ አይ ማላ ሃላቴሳራ ዩሱሳ ሱንሳን ሳባኪዳኮ ኢስታስ ዮቴዴስ።

28 ሄሳ ጊሽ ሳዉሌይ ኢስታራ ዲዴስ። ዩሩሳላሜን ዩዩ ዩዩ አስ ባቦንታ ጎዳ ሱንሳን ታማርሲዴስ። 29 ጊሪኬ ዴሬፕ ዩዳ አይሁዳታራ ሃሳይሼ ፓላሜቴዴስ፤ ጊዶ አቴን አሳይካ ኢዛ ዎዳናስ ኮዩዴስ።

30 አማኒዛይቲ ሄሳ ኤሪዲ ዱጌ ቂሳሪያ ጌቴቴዛሶ ዎሲዲ ግርሴሴ ዩዲዳ።

31 ሄሳ ዎዴ ዩሁዳኒኔ ጋሊላን። ሳማሪያንካ ዲዛ አማኒዛይቲ ሳሮን ዲዲ ካሴፕ ሚኒዳ። ቃሴካ ዎሳ ያሻቴሳን ሲሜሬቴሼ ጊሎ አያናን ሚኔቴዳኔ ካሴፕ ቆዳን ዳሪ ዳሪ ቤዳ።

**ኤኒያኔ ዶርቃ**

32 ጴጅሮሲ ዴሬፕ ዴሬን ዩዩሼ ሊዳ ካታማን ዲዛ አማኒዛይታ ቤያናስ ዱጌ ዎዲዴስ። 33 ሄን ኤኒያ ጌቴቴዛይሳ አሱፕን ሳይስ ሂፃን ቃሼቴ ኡቴዳ ኢሲ ጉንዳ አስ ዴሚዴስ። 34 ጴጅሮሲካ “ሃይሶ ኤኒያ! ዩሱስ ኪርስቶሲ ኔና ፓላና፤ ዴንዳ ኔ ሂፃ ዴንሳ!” ጊዴስ። ኤኒያይ ሄራካ ፑሱኩ ጊ ዴንዲዴስ። 35 ሊዳኒኔ ሳሮናን ዲዛ አሳይ ዉሪ ኢዛ ቤዩዲ ጎዳን አማኒዴስ።

36 ኢዮጴ ጌቴቴዛሶን ፃቢታ ጌቴቴዛ ኢሲ አማኒዛራ ዳዉስ። ኢዚ ሱንሳ ቢርሼሲ ጊሪኬ ቃላራ “ዶርቃ” ጌቴቴስ። ኢዛ ኡባ ዎዴ ሎዎ አሶ ሚና አሳሼኔ ማንቆታ ማዳሼ ዳዉስ። † 37 ሄ ዎዴ ኢዛ ሃርጋዳ ሃይቂን አሳይ አሃ ሜጪ ፑዴ ፖቁን ኪሲ ዎሲዴስ። 38 ሊዳይ ኢዮጴስ ማታ ጊዲዳ ጊሽ አማኒዛይቲ ጴጅሮሲ ሊዳን ዲዛይሳ ሲይዲ ናምዑ አሳታ ኪቴዲ “ኤሌ ሃ ያርኪ!” ጊ ዎሲዳ።

39 ጴጅሮሲካ ዴንዲዲ ኪቴቴዳ አሳታራ ጋኪዳ ዎዴ ኢዛ ፑዴ ሄ ፖቁ ቦላ ኬሲዳ። አምጫቴካ ዉሪ ኢዛ ዩዩ አዲ ኤቂዲ ዶርቃይ ፓፃ ዳሼ ኢስታራ አሲዳ ቃሚሴታኔ ማይዎታ ቤሲሼ ዩኪዳ።

40 ጴጅሮሲካ አሳ ዉርሲ ኪፍሌዛፕ ኬሲዲ ጉልባቴ ዎሲዴስ። አሃኮ ሲሚዲ “ሃኔ ፃቢታ ዴንዳ!” ጊዴስ። ኢዛካ ባ አይሬ ዶያዳ ዓላዱስ። ጴጅሮሳካ ቤያዳ ዴንዳ ኡታዱስ። 41 ኢዚካ ኢዚ ኩሼ አይኪ ዴንሲዴስ። አማኒዛይታኔ አምጫታ ዓይጊዲ ኢዞ ኢስታስ ፓሲዲ ኢሚዴስ። 42 ሄ ሃኖይ ኩሜሳ ኢዮጴን ኤሬቴዴሲኔ ዳሮ አሳይካ ጎዳ አማኒዴስ። 43 ጴጅሮሲካ ኢሲ ሲሞና ጌቴቴዛ ጋልባ ቃጪዛይራ ኢዮጴን ዳሮ ዎዴ ዴዲዴስ።

**ቆርኖሎሲ ጴጅሮሳ ዓይጊሲዴስ**

1 ቂሳሪያ ጌቴቴዛ ዴሬን “ፃላኔ ዎታዳራታ” ኢሲ ቡቴ ጊዶን ማቶ ሃላቃ ጊዲዳ ኢሲ ቆርኖሎሳ ጌቴቴዛይሲ ዴስ። 2 ኢዚካ ባ ኬሳ አሳ ኩሜሳራ አያና ሃኖን ሚኖኔ ዎሲ ባቢዛዴ፤ ማንቆታስካ ዳሮ ሙጮዎታ ኢሚዛዴኔ ዳሮ ዎዴ ዎሴ ዎሲዛ አሳ። 3 ኢሲ ጋላስ ጋላሳሬ ኡዱፉን ሳቴ ቦላ ዎሳ ኪታንቻይ ኢዛስ ኦጃታን ቤቴዲ ኢዛኮ ዩዲ “ቆርኖሎሳ” ጊ ዓይጊሼን ቆንጨፍን ቤዩዴስ።

4 ቆርኖሎሲካ ዳጋማራ ቴሺ ሂስቴ ዓሊሼ “ጎዶ ሃይሲ አዜ?” ጊዴስ። ኪታንቻይካ ዛሪዲ “ኔ ዎሳይኔ ኔ ሙጮዎታይ ቆሬታናስ ፑዴ ዎሳ ሲንሰ ጋኪዴስ። 5 ኔ ሃዲ አስ ኢዮጴ ዩዳዳ ጴጅሮሳ ጌቴቴዛ ሲሞና ዓይጊሳ። 6 ኢዚካ አሳ ማታን ዲዛ ጋልባ ቃጪዛ ሲሞና ሶን ኢማላቴሰ ዴስ” ጊዴስ።

\* 9:23 2ቆሮ 11:32-33 † 9:36 ዶርቃ ሄሳ ጉሲ ጊሪኬ ቃላራ “ጌኔሳ ጉሳ”

7 ቆርኖሎሳ ሃሳይሲዳ ኪታንቻይ ኢዛፔ ቫኬቲዲ ቢዳፔ ጉዬ ባ አሽካራታፔ ናምዓታ ቃሴ አያና ዮሶስ ሚኖኔ ኢዛስ ዳሮ አማኔቲዛ ዎታዳራታፔ ኢሳ ዪይጊሲዲ፥ 8 ኢዚ ቤዩዳይሳ ዉርሲ ኢስታስ ዮቲዲ ኢዮጴ ኪቲዴስ።

**ጴጥሮሲ ቤዩዳ አጃታ**

9 ኪቲቲዳ አሳቲ ዎንቴሳ ጋላስ ጌዴ ካታማይኮ ማቲሺን ጴጥሮሲ ኡሱፑን ሳቴ ቦላ ዎሳና ፑዴ ፖቄ ቦላ ኪዚዴስ። 10-11 ሄሳ ዎዴ ኢዚ ጋፊዳ ጊሽ ቁማይ ቡሮ ካዪሺን ዲስኮ ማላ ሊጲጲ ሂስቲን አጃታራ ሳሎይ ዶዩቲን ኢሲ ጊታ ሃይቲዳ ማይዎ ማላይ አይዱ ባጋራ አይኬቲዲ ዱጌ ቢታን ዎዲሺን ቤዩዴስ። 12 ሄ ማይዎዛ ቦላ አይዱ ቶሆይ ዲዛ ዱማ ዱማ ዶዳቲ ቢታራ ጎሼቲዛ ሜዴቴሳቲኔ ሳሎ ቦላ ፐራዲዛ ካፎቲ ዴቴስ። 13 ሄሳ ዎዴ “ጴጥሮሳ ዴንዳ ሃይታ ሹካዳ ማ” ጊዛ ቃላይ ኢዛስ ሲዮቲዴስ።

14 ጴጥሮሲ ቃሴ “ጎይ ሃይሲ ሃኔና! ጌሽ ጊዶንታይሳ ዎይኮ ቱና ሚሻ ታ ሙሌራካ ማ ኤሪኬ” ጊዴስ።

15 ሄ ካሴ ቃላይ ቃሴካ ናምዓንሶ ኢዛኮ ዩዲ “ዮሲ ጊሺዳይሳ ኔ ቱና ማላ ቆዶፓ” ጊዴስ። 16 ሄሲካ ሄሹቶ ሸሬቲ ሸሬቲ ኢዛኮ ዩዳፔ ጉዬ ማይዎ ሚሳቲዛይሲ ሄራካ ፑዴ ሳሎ ቢዴስ።

17 ጴጥሮሲካ ባ ቤዩዳ አጃታዛ ቢርሸሳ ኤራናስ ዳሮ ሜቶቲዲ ኪሂ ቆፎ ቦላ ዲሺን ቆርኖሎሲ ኪቲዳ አሳቲ ሲሞና ኬሴ ኮዩሼ ዴሚዲ ፔንጌን ኤቂዳ። 18 ቃላ ዶቄ ሂስቲዲ “ጴጥሮሳ ጌቲቲዛ ሲሞኒ ዲዛሶይ ሃይሳን አዋኔ?” ጊ አይቺዳ።

19-20 ጴጥሮሲ ባ ቤዩዳይሳ ኪሂ ቆፐሺን ዊሎ አያናይ ኢዛ “ሄኮ ሄሹ አሳቲ ኔና ኮዩቴስ። ዴንዳ! ዱጌ ዎዳዳ ኢስታ ዩዲዳይ ታና ጊዲዳ ጊሽ ሲዴይ ባይንዳ ኢስታራ ባ” ጊዴስ።

21 ጴጥሮሲካ ዱጌ ዎዲዲ “ሄኮ ኢንቴ ኮዩዛይይ ታናኮ! ኢንቴ ዩዳይ አዛሴ?” ጊዴስ። 22 ኢስቲካ ኢዛስ “ኑኒ ማቶ ሃላቃ ቆርኖሎሳ ማታፔ ዩዶስ። ኢዚካ ዮሳስ ባቢዛ ዊሎ አሳኔ አይሁዳ አሳ ኡባ ማታን ዳሮ ቦንቸቲዳ አሳ። ኔካ ኢዛ ኬሴ ባና ማላኔ ኔ ጊዛይሳ ኢዚ ሲያና ማላ ጌሻ ኪታንቻይ ኢዛስ ዮቲዴስ” ጊዳ።

23 ጴጥሮሲካ አሳታ ባ ዲዛሶን ሞኪ ኤኪዲ አይሲዴስ።

**ጴጥሮሲ ቆርኖሎሳ ኪሳን**

ጴጥሮሲካ ዎንቴሳ ጋላስ ዴንዲዲ ኢስታራ ቢዴስ። ኢዮጴፌ ዩዳ ኢሲ ኢሲ አማኒዛ አሳቲ ኢዛራ ኢሲፌ ቢዳ። 24 ቆርኖሎሲካ ባ ዳቦታኔ ማታ ላጌታ ባ ሶን ሸሺዲ ናን ቦላ ዲሺን ኢዚ ናምዓንሶ ጋላስ ቂሳሪዎ ጋኪዴስ። 25 ጴጥሮሲካ ጌዴ ቆርኖሎሳ ኬሴ ጌሊን ቆርኖሎሲ ኢዛ ሞኪ ኤኪዲ ኢዛ ቶሆ ቦላ ሆኪ ጎይኒዴስ። 26 ጊዶ አቲን ጴጥሮሲ “ታካ ኔ ማላ አሳኮ! ዴንዳ” ጊዲ ዴንሳዴስ።

27 ጴጥሮሲካ ኢዛ ሃሳይሲሼ ኢዛራ ሶ ጌሊሺን ዳሮ ዴሬይ ሸቂ ኡቲዳይሳ ቤዩዴስ። 28 ኢዚካ ኢስታስ “አይሁዳ አሲ ሃራ ዴሬ አሳራ ጋንንታ ማላ ዎይኮ ሃራ ዴሬ አስ ጊዲዳይታ ማታ ሸቆንታ ማላ ኑ ዎጋይ ዲጊዛይሳ ኢንቴ ኤሬታ። ጊዶ አቲን ታ አናካ ቱና ዎይኮ ኢዚ ጌሽ ዴና ጎንታ ማላ ዮሲ ታስ ቆንጫሲዴስ። 29 ሄሳ ጊሽ ታ ዪይጌቲዳ ዎዴ ሄኮ ሲዶንታ ያዲስ። ሂስቲን ኢንቴ ታና አዛስ ዪይጊዳኮኔ ኤራና ኮያይስ” ጊዴስ።

30 ቆርኖሎሲካ “አይዱ ጋላሳፌ ካሴ ሊኬ ሃኒ ዎዴ ጋላሳፌ ኡዱፉን ሳቴን ታኒ ታ ሶን ዎሲሺን ቆፖንታ ቦላ ማይዎ ማይዲዳ አሲ ዩዲ ታ ሲንሳን ኤቂዲ 31 ታና ‘ቆርኖሎሳ! ኔ ዎሳይ ሲዮቲዴስ፤ ኔ ማንቆታስ ኢማዛ ሙፁዎታይ ዮሳ ሲንሳ ጋኪዴስ። 32 ሄሳ ጊሽ ኢዮጴ ካታማ አስ ኪታዳ ጴጥሮሳ ጌቲቲዛ ሲሞና ኤሂሳ። ኢዚ አባ አቻን ጋልባ ቃጫዛ ሲሞና ኬሳን ኢማሳቴስ ዴስ” ጊዴስ። 33 ታካ ሄራካ ኔኮ አስ ኪታዲስ። ኔ ዩሳይካ ሎዮ። ሂስቲኮ ጎዳይ ኔና አዛዚዳይሳ ኔ ኑስ ዮቲኮ ዮሲ ዮቲዳይሳ ኔፔ ሲያናስ ኑ ዉሪካ ሃይሳን ዮሳ ሲንሳን ዶስ” ጊዴስ።

34 ጴጥሮሲካ “ዮሲ አናካ ሻኪ ማዶንታይሳ ታ ቱማፔ ኤራዲስ። \* 35 ጊዶ አቲን ዮሳስ ባቢዛይታኔ ዊሎ አሲዛይታ ዉርሲ አና ባጋፌ ጊዲንካ ኢዚ ኤኬስ። 36 ዮሲ ኡባስ ጎዳ ጊዲዳ ዩሱስ ኪርስቶሳ ባጋራ ኢስራዬሌ አሳስ ኪቲዳ ሳሮቴሳ ሚሸራቾ ኪታይ ሃይሳ። 37 ዮሃኒሲ ዪንቃታ ጊሽ ሳባኪዳፔ ጉዬን ጋሊላፔ ዶሚዲ ኩሜሳ ዩሁዳን ሃኒዳይሳ ኢንቴ ኤሬታ። 38 ዮሲ ናዚሬቴ ዩሱሳ ዊሎ አያናኒኔ ዎልቃን ቲዩዴስ። ኢዚካ ዮሲ ኢዛራ ዲዛ ጊሽ ባ ጋኪዳሶን ኡባን ሎዎ አሲሼ ሃላዔ ጎዳቴሳ ጊዶን ዲዛይታ ዉርሲ ፓሲዴስ።

39 “ኢዚ አይሁዳታ ዴሬኒኔ ዩሩሳላሜ ካታማን አሲዳይሳ ኡባስ ኑ ማርካ። ቃሴካ አሳይ ኢዛ ሚሳ ቦላ ካቂ ዎዲዴስ። 40 ጊዶ አቲን ዮሲ ኢዛ ሄሻንሶ ጋላስ ሄይቆፔ ዴንሳዴስ ኢሲ ኢዛ ቤያና ማላ አሲዴስ። 41 ኢዚ ቆንጫዳይ አሳ ኡባስ ጊዶንታ ሃይቆፔ ዴንዲን ኢዛራ ሚዳይታሲኔ ኢዛራ ኡዩዳይታስ ዮሲ ኮይሮ ዶሪዳ ኑስ ኢዛ ማርካታሳ። 42 ኢዚ ኑ ዴሬዛስ ሳባካና ማላኔ ሃይቂዳይታ ቦላኔ ፓፃ ዲዛይታ ቦላ ፐርዳናስ ዮሲ ሹሚዳይ ኢዛ ጊዲዳይሳ ኑ ማርካታና ማላ ኑና አዛዚዴስ። 43 ኢዛ አማኒዳይዴ ዉሪ ኢዛ ሱንሳን ናጋራ ማሬቲዲ ጌያናይሳ ናቤቲ ኢዛስ ማርካቴስ” ጊ ዮቶ ዶሚዴስ።

44 ጴጥሮሲ ሄሳ ሃሳይሺን ቃላ ሲዩዛይታ ኡባ ቦላ ዊሎ አያናይ ዎዲዴስ። 45 ቃፃሬቲዳይታ ባጋፌ ጴጥሮሳራ ዩዳ አማኒዛይቲ ዊሎ አያና ኢሞቴሲ አይዛቤታ ቦላ ዎዲሺን ቤዩዲ ማላሌቲዳ። 46 ሄሲካ ኢስቲ ዱማ ቃላን ሃሳይሺኒኔ ዮሳ ጋላቲሺን ሲዩዳ ጊሻሳ። ሄ ዎዴ ጴጥሮሲ።

\* 10:34 ዛሬ 10:17

47 “ሃይቲ አሳቲ ኑ ማላ ሂሎ አያና ኤኪዳ ጊሽ ኢስቲ ሃሳን ማግቀቻንታ ማላ ኢስታ ዲጋናይ ኦኔ?” ጊዴስ። 48 ሄሳ ጊሽ ዩሱስ ኪርስቶስ ሱንሳን ማግቀቻና ማላ አዛዚዴስ። ሄሳፌ ጉዩ ጳጳርሲ ጉሳ ዎዴ ኢስታራ ዳና ማላ ዎሲዳ።

11

ጳጳርሲ አይዛቤታ ኬሴ አይሲ ጌሊዳኮኔ ዋላሲዳ

1 ሃዋራቲኔ ዩሁዳን ዲዛ አማኒዛይቲ አይዛቤቲ ዎሳ ቃላ ኤኪዳይሳ ሲዩዳ። 2 ሄሳ ጊሽ ጳጳርሲ ፑዴ ዩሩሳላሜ ኪዚን ቃፃሬቲዳ አይሁዳፕ አማኒዛይቲ ጳጳርሳ። 3 “ኔ ቃፃሬቶንታ አሳታ ኬስ ጌላዳ ኢስታራ ካስ ማዳሳ” ጊዴ ዋላሲዳ።

4 ጳጳርሲ ቃሴ ኢስታስ ጌላና ማላ ማራራ ሂዝጊ ዮቲዴስ። 5 “ታኒ ኢዮጴ ካታማን ዎሲሺን ዲሲኮ ማላ ታና ሊጲጲ ሂስቲዲ አጃታን ጊታ ማይዎ ሚሳቲዛ ሚሺ አይዱ ባጋራ አይኬቲዲ ሳሎፕ ታ ዲዛሶ ዎዲሺን ቤያዲስ። 6 ታ ቲሺ ሂስታ ዌሊሺን አይዱ ቶሆራ ዲዛ ሜሄታ፣ ዎራ ዶዓታ፣ ቢታ ቦላ ጎሼቲዛ ሜዴቴላታኔ ሳሎ ቦላ ፒራዲዛ ካፎታ ቤያዲስ። 7 ሄራካ ታና ‘ጳጳርሳ ዴንዳ! ሃይሳ ሹካዳ ማ ጊዛ ቃላ ሲያዲስ።

8 “ታካ ‘ጎዶ ሄሲ ሃኔና፤ ታኒ ቱና ዎይኮ ጌሽ ጊዶንታይሳ ሙሌካ ታ ዱናኮ ሺሻ ኤሪኬ’ ጋዲስ።

9 “ሄ ካሴ ቃላይ ቃሴካ ‘ዎሲ ጌሺዳይሳ ኔ ቱኒሶፕ’ ጊዴ ሳሎፕ ታስ ዮቲዴስ። 10 ሄሲካ ሄሹቶ ሺሬቲ ሺሬቲ ዮቲቲዳፕ ጉዩ ወሪካ ሲሚዲ ፑዴ ሳሎ ቢዴስ።

11 “ቂሳሪያፕ ታኮ ኪቴቲዳ ሄሹ አሳቲ ሄራካ ሄ ሳቲይን ዩ ጋኪዲ ታ ዲዛ ኬሳ ካሪን ኤቂዳ።

12 ታ አይኔ ሲዶንታ ኢስታራ ባና ማላ ሂሎ አያናይ ታስ ዮቲዴስ። ሄ ኡሱፑን ኢሻቲ ታናራ ኢሲፌ ቢዲ አዴዛ ኬሴ ጌልዶስ። 13 ኢዚካ ዎሳ ኪታንቻይ ኢዛ ኬሳን ኤቂዲ ኢዛስ ቤቲዳይሳኔ ‘ኢዮጴ ጌቴቲዛሶ አስ ዩዳዳ ጳጳርሳ ጌቴቲዛ ሲሞና ዌይጊሳ። 14 ኢዚ ዩዲ ኔናኔ ኔሶ አሳ ወርሲ አሻና ቃላ ዮታና’ ጊዳይሳ ኑስ ዮቲዴስ።

15 “ታካ ባዳ ቡሮ ዮቶ አይኪሺን ኮይሮ ሂሎ አያናይ ካሴ ኑ ቦላ ዎዶይሳሶ ኢስታ ቦላካ ዎዲዴስ።

16 ካሴ ጎዳይ ኑስ ዮቲሼ ‘ዮሃኒሲ ሃሳን ማግቂዴስ ሺን ኢንቴ ሂሎ አያናን ማግቂታና’ ጊዳ ቃላይ ሄራካ ታስ ቆሬቲዴስ። \* 17 ሄሳ ጊሽ ኑኒ ጎዳ ዩሱስ ኪርስቶስ አማኒሺን ኑስ ኢሚዳ ሂሎ አያና ዎሲ ኢስታስ ኢሚኮ ሂስቲን ዎሳራ ኤቂታናስ ታኒ ኦኔ?” ጊዴስ።

18 ኢስቲ ሄሳ ሲዩዳ ዎዴ ኢስታስ ጊዛዚ ዳዩን ሙዑ ጊ ሲሚዲ “ሃይሳ ማላ ጊዲኮ አይዛቤቲካ ሃ አራሳ ዴዎኮ ያና ማላ ዎሲ አሳስ ማሮቴስ ኢሚዴስ ጉሳ” ጊዴ ዎሳ ጋላቲዳ።

አንዎኪያን ዲዛ ዎሳ ኬሳዮ

19 ኢስቲፋናሴ ቦላ ዴንዲዳ ጎዴቴላ ጋሶን ላሌቲዳ አማኒዛ አሳይ ቃላ አይሁዳታስ ሃላላ ዮቲሼ ፒንቄ፣ ቆጲሮሴኔ አንዎኪያ ጌቴቲዛሶ ጋካናስ ካንሲ ቢዳ። \* 20 ቆጲሮሴፕኔ ቃሬናፕ ዩዳ ኢሲ ኢሲ አሳቲ አንዎኪያ ቢዲ ጊሪኬታሲካ ጎዳ ዩሱሳ ሚሺራቾ ቃላ ዮቲዳ። 21 ጎዳ ማዶይካ ኢስታራ ዴስ፤ ቆዳን ኬሂ ዳሮ አሳይ አማኒዲ ጎዳኮ ሲሚዴስ።

22 ሄሳ ዎሬይካ ዩሩሳላሜን ዲዛ ዎሳ ኬሳ አሳ ሃይሳን ዎዲን ዎሳ ኬሳያ ባርናባሳ አንዎኪያ ዩዳዶስ። 23 ኢዚካ ሄ ቢ ጋኪዲ ዎሲ ባ አዶ ኪያቴስ ዴራስ ኢሚዳይሳ ቤዩዲ ኡፋዮቲዴሲኔ አሳይ ወሪካ ኩሜላ ዎዝናፕ ጎዳ አማኖን ሚናና ማላ ዞሪዴስ። 24 ኢዚካ ሂሎ አያናኔ አማኖን ኩሚዳ ሎዎ አሳ። ዳሮ ዴሬይ ጎዳ አማኖን ጉጄቲዴስ።

25 ሄሳፌ ካሊዲ ባርናባሳ ሳዉሌ ኮያና ሃርሴሴ ቢዴስ። 26 ኢዛ ዴሚዲ አንዎኪያ ኤኪ ዩዴስ። ናምዓይካ ሄን ዲዛ ዎሳ ኬሳ አሳራ ጊዲዲ ላይስ ኩሜስ ዳሮ ዴሬ ታማርሲዳ። ሄን አንዎኪያን አማኒዛይቲ ኮይሮ “ኪርሳኔ” ጌቴቲ ዌይጌቲዳ።

27 ሄ ዎዴ ኢሲ ኢሲ ናቤቲ ዩሩሳላሜፕ ዱጌ አንዎኪያ ዎዲዳ። 28 ኢስታ ጊዶሬ ኢሶይ አጋቦሳ ጌቴቲዛይሲ ዴንዲ ኤቂዲ ሂሎ አያናይ ኢዛ ቤሲን አላሜ ኡባን ጊታ ኮሻይ ዴንዳናይሳ ዮቲዴስ። ሄሲካ አሮሜ ካዎ ቃላዎዳሳ ቂሳሬ ጌቴቲዛይሳ ካዎቴላ ዎዴ ፖሌቲዴስ። \* 29 አማኒዛይቲ ወሪ ኢሶይ ኢሶይ ባ ዎልቃ ኬና ሚሼ ኬሴቲዲ ዩሁዳን ዲዛ አማኒዛ ኢሻታ ማዳናስ ቃቺዳ። 30 ማዶ ሚሻ ኬሴቲዲ ባርናባሳኔ ሳዉሌ ኩሼን ጨማታስ ጋላና ማላ ዩዲዳ።

12

አማኒዛይታ ቦላ ጋኪዳ ጊታ ሜቶኔ ጎዴቴላ

1 ሄ ዎዴ ካዎ ሄርዶሲ ኢሲ ኢሲ አማኒዛ አሳ ጎዲ ጎዲ ሜቶሲዴስ። 2 ዮሃኒሳ ኢሻ ያቆቤ ማሻን ዎዲሲዴስ። 3 ኢዚካ ሄሳ አሲዳይ አይሁዳታ ኡፋይሲዳይሳ ቤዩዲ ጳጳርሳካ አይሲዴስ። ሄሲካ ሃኒዳይ አይሁዳታስ ኡኬላ ባዓሌ ጌቴቲዛ ባዓሌ ጋላሳ። 4 ጳጳርሳካ ቃሾ ኬሴ ጌልሲዳፕ ጉዩ አይዱ አይዱ ዎታዳራቲ ታራን ታራን ናጋና ማላ ጊጌቲዳ ዎታዳራታስ ኢሚዴስ። ኢዚ ሄሳሶ አሲዳይ ፓዚጋ ባዓሌይ አዲዳ ማላ ኬሲዲ ዴሬይ ፒርዳና ማላ ሺሻናሳ። \* 5 ሄሳ ጊሽ ጳጳርሳ ቃሾ ኬሴ ጌልሲዲ ናጌቴስ። ጊዶ አቲን ዎሳ ኬሳ አሳይ ኢዛስ ኬሂ ሚኖ ዎሳ ዎሲዴስ።

6 ሄርዶሲ ጳጳርሳ ዴሬዛ ሲንስ ሺሻና ቆፒ ኡቲ ዲሺን ሄ ቃማ ጊዶስ ናምዑ ሳንሳላታን ቃሹቲዲ ናምዑ ዎታዳራታ ጊዶን ኢቺዴስ። ቃሾ ኬሳ ናጊዛይቲ ኬሳ ፔንጌ ቦላ ኤቂ ናጊሺን። 7 ጎዳ ኪታንቻይ ኤዚጎንታ ኢስታስ ቤቲዴስ። ኢስቲ ዲዛ ኪሬሌን ፖዎይ ፖዲዴስ። ኪታንቻዚካ ጳጳርሳ ሚሌ ቦቺ ቤጎሲዲ “ኤሌ ዴንዳ!” ጊዴስ። ሄራካ ሳንሳላታይ ኢዛ ኩሼፕ ጋዴን ዎዲዴስ።

\* 11:16 ሃዋ 1:5 \* 11:19 ሃዋ 8:1-4 \* 11:28 ሃዋ 21:10 \* 12:4 ኬሳ 12:1-27



8 ኪታንቻዚ ኢዛ “ኔ ማይዎ ማይዎ! ጫማካ አሳ!” ጊን ጳጳሮሲካ አዛዘቲዳ ማላ አሲደስ፤ ቃሴካ ኪታንቻይ “ኔ ጋቤ ማይዎዳ ታና ካላ” ጊደስ። 9 ጳጳሮሲካ ቃሾ ኬሳፌ ኢዛ ካሊ ኬዚደስ። ጊዶ አቲን ኢዛስ አጉሞ ቤዩዛ ሚሳቲደስ አቲን ኪታንቻዚ አሲዛይሲ ቱሙ ጊዲዳይሳ ኤሪቤና። 10 ኮይሮ ዛቤታፔኔ ናምዓንሶ ዛቤታፔ አዲዲ ጌዴ ካታማ ኬሲዛ አጌ ቦላ ዲዛ ቢራታ ፔንጋቲ ጋኪዳ። ፔንጌይካ ባርካ ዶዩቲ ዎዲደስ። ኢስቲ ኬዚ ቢዳ። ኢስቲ ቁሪ አጌ ዲዛሮ አዲዳ ማላ ኪታንቻዚ ኢዛፔ ሻኬቲደስ።

11 ጳጳሮሲካ ካሃይ ሲሚሺን “ጎዳይ ባ ኪታንቻ ኪቲዲ ኢዛ ሄርዶሳ ኩሼፔኔ አይሁዳቲ ታ ቦላ ቆፒዳ ኡባፌ ታና ኬሲዳይሳ ታ ሃዲ ቱማፔ ኤራዲስ” ጊደስ።

12 ሄሳ አኬኪ ኤሪዳፔ ጉዩ ዳሮ አሳይ ኢሲ ቦላ ሸቁቲዲ ዎሲዛ ማርቆሳ ጌቲቲዛ ዮሃንሳ አዮ ማራሚሶ ቢደስ። 13 ኢዚ ሄ ቢዲ ካሬ ፔንጌ ቆዪን ኢሲ ሮዶ ጌቲቲዛ ጋራዴያ ካሬ አጌ ቆዪዛኔ ኤራናስ ካሬ ማታ ባዱስ። 14 ቃላይ ጳጳሮሳይሳ ጊዲዳይሳ ኤራዳ ኬሃ ኡፋዩቲዳ ጊሽ ካሬ ዶዮንታ ዎሳን ጉዩ ሲማዳ “ጳጳሮሲ ካሬን ፔንጌ ቦላ ኤቁደስ” ጋዱስ።

15 አሳይካ ኢዞ “ሃኔ ጎዶይ!” ጊዳ። ኢዛ ቃስ ዛራ ዛራ ኢስታስ ዮቲን “ሂስቲኮ ሄሲ ኢዛ ናጊዛ ኪታንቻ ጊዶንታ አጌና” ጊዳ።

16 ጳጳሮሲ ቃስ ፔንጌ ቆስ ጉጂደስ። ኢስቲካ ፔንጋ ዶይዲ ኢዛ ቤዩዳ ማላ ማላሌቲዳ። 17 ኢዚካ ኢስቲ ሮሞ ጋና ማላ ባ ኩሼን ማላቲ ቤሲዲ ጎዳይ ኢዛ ቃሾሶፔ ዎስቲ ኬሲዳኮኔ ሎዴሲ ዮቲደስ። “ሃይሳ ዉርሲ ያቆቤሲኔ ሃንኮ አማኒዛይታስ ዮቲቱ” ጊደስ። ሄሳፌካ ጌዴ ሃራሶ ቢደስ።

18 ዎንቴሳ ጋላስ ዎንታራ ዎታዳራቲ “ጳጳሮሲ ዋኒደ?” ጊሼ ባ ጊዶን ቡልጎኬቲዳ። 19 ሄርዶሲ ጳጳሮሳ አስ ዩዲ ኮይሲዲ ኢዚ ዳዩዳ ጊሽ ናጊዛይታ ሎዴሲ አይቺዳፔ ጉዩ ኢስታ ዎዳና ማላ አዛዘደስ። ሄሳፌ ጉዩ ሄርዶሲ ዮሁዳፔ ዱጌ ቁሳሪያ ዎዲዲ ሄን ኡቲደስ።

**ሄርዶሳ ሃይቆ**

20 ሄርዶሲካ ሂሮሴ አሳራኔ ሲዶና አሳራ አሻ። ሄ ዴሬ አሳይ ካስ ዴሚዛይ ሄርዶሳ ዴሬፔ ጊዲዳ ጊሽ ሄ ዴሬ ካዎ ዪሊዛዴ ቢሳስዎሳፔ ማዶ ቃላ ዴሚዳ ማላ ኢሲ ቦላ ጊዲዲ ሄርዶሳራ ማቃይንሳናስ አይቺዳ።

21 ጊጋና ባሬቲዳ ጋላስ ሄርዶሲ ካዎቴሳ ማይዎ ማይዲዲ ካዎቴሳ አልጋን ኡቲዲ ዴራስ ሃሳዩደስ።

22 ዴሬዚካ “ሃይሲ ዎሳ ቃላፔ አቲን አሳ ቃላ ዴና!” ጊ ዋሲደስ። 23 ሄርዶሲካ ዎሳስ ቦንቾ ኢሞንታ አጊዳ ጊሽ ጎዳ ኪታንቻይ ሄራካ ሄርዶሳ ሾጪ ዩጊን ጉፀኒ ሃይቁደስ።

24 ዎሳ ቃላይ ጊዲኮ ዲጪዲ አኪ አኪ ቢደስ። 25 ባርናባሲኔ ሳዉሌይ ባ ኤኪ ቢዳ ኪታ ፖሊዲ ዩሩሳላሜ ሲሚዲ ማርቆሳ ጌቲቲዛ ዮሃንሳካ ባናራ ኤኪ ሲሚዳ።

**ባርናባሲኔ ሳዉሌይ ኪቲቲዳ**

1 አንዎኪዎን ዲዛ ዎሳ ኬሳን ናቤቲኔ አስታማራቲ ዴቲስ። ሄይቲካ ባርናባሲኔ ኔጌሬ ጌቲቲዛ ሲሞናራ፤ ቃሬና ዴሬ አስ ሉቁዮሳራ፤ ሄርዶሳራ ኢሲፌ ዲጪዳ ሚናሄራኔ ሳዉሌራ ዉሪ ኢሲፌ ዴቲስ። \* 2 ሄይቲ ዉሪ ጎዳስ ጎይኒሼኔ ዎሚሼ ዲሺን ዪሎ አዶናይ “ባርናባሲኔ ሳዉሌ ታ ኢስታ ዪይጊዳ አሶስ ታስ ሻኪ ኬሲቱ” ጊደስ። 3 ኢስቲካ ዎሚ ዎሲዲ ባ ኩሼ ኢስታ ቦላ ዎሲዳፔ ጉዩ ሞይዚዳ።

**ባርናባሲኔ ሳዉሌይ ቆጲሮሴ ጌቲቲዛሶን**

4 ባርናባሲኔ ሳዉሌይ ዪሎ አዶና ኪታን ዱጌ ሴላዉቂያ ዎዲዳ፤ ሄፔካ ማርካቤን ጌሊዲ ቆጲሮሴ ቢዳ። 5 ሳልሜና ጌቲቲዛሶ ጋኪዲ አይሁዳታ ዎሳ ኬሳታን ዎሳ ቃላ ሳባኪዳ፤ ማርቆሳ ጌቲቲዛ ዮሃንሲካ ኢስታራ ቢዲ ኢስታ ማዲደስ።

6 አባ ጊዶን ዲዛ ቢታ ቆጲሮሴ ጌቲቲዛ ዴሬዮ ሃ ጋግፔ ሄ ጋግ ጋካናስ ካንሲ ኬዚዲ ጳፋ ጌቲቲዛሶ ጋኪሺን ኢሲ አይሁዳ አሳ ሺን ማሮኔ ዎርዶ ናቤ ባር-ዮሱሳ ጌቲቲዛ አስ ዴሚዳ። 7 ኢዚካ ኢሲ ሳርጎሳ ጳዉሎሳ ጌቲቲዛ ዎዝናማ ዴሬ አይሲዛይሳራ ኢሲፌ ዴስ። ሃ ዴሬ አይሲዛ አዴዚ ዎሳ ቃላ ሲያና ኮይዲ ባርናባሲኔ ሳዉሌ ዪይጊሲደስ። 8 ማርዚ ኤሊማሲ ባ ሱንሳ ቢርሼሳ ማላ ዴሬ አይሲዛይሲ አማኖንታ ማላ ዱጳናስ ኮይዲ ኢስታራ ኤቁቲደስ። 9 ጳዉሎሳ ጌቲቲዳ ሳዉሌይ ዪሎ አዶናይ ኢዛን ኩሚን ማርካ ቲሺ ሂስቲ ዪሊዲ፤ 10 “ኔና ዪሎቴሳ ኡባስ ሞርኬዞ! ጌኔይኔ ኢታቴሲ ኔናን ኩሚዳይሶ ሃይሶ ዳቡሎሳ ናዉ! ጎዳ ሱሬ አጌ ጌላሴሳፌ ሽምፒኪ? 11 ሄኮ ሃዲ ጎዳ ኩሼይ ኔ ቦላ ዴስ። ኔ ቆቃና፤ ሃኒፌ ጉዩ አዎ አርሼ ፖዎ ኢሲኖካ ቤያካ” ጊደስ።

12 ዴሬ አይሲዛይሲ ሃ ሃኒዳ ዮዎዛ ቤዩዲ ጎዳ ጊሽ ሲዩዳ ቲሚርቲን ማላሌቲዲ አማኒደስ።

**ባርናባሲኔ ሳዉሌይ ጲሲዲያ ጌቲቲዛ ዴሬን**

13 ጳዉሎሲኔ ኢዛራ ዲዛይቲ ጳፋፔ ዴንዲዲ ጲንሬሊያ ጌቲቲዛሶን ዲዛ ጲርጊኔ ጌቲቲዛሶ ማርካቤን ጌሊ ቢዳ፤ ዮሃንሲ ኢስታፌ ሻኬቲዲ ጉዩ ዩሩሳላሜ ሲሚደስ። 14 ኢስቲ ጊዲኮ ጲርጊኔፔ ዴንዲዲ ጲሲዲያ ጊዶን ዲዛ ጌዴ አንዎኪዎ ቢዳ፤ ሳምባታ ጋላስ አይሁዳታ ዎሳ ኬሳ ጌሊ ኡቲዳ። 15 ሙሴ ዎጋ ማፃፋቲኔ ናቤታ ማፃፋቲ ናባቤቲዳፔ ጉዩ አይሁዳታ ዎሳ ኬሳ ሃላቃቲ “ኑ ኢሻቶ! ኢንቴስ ሃይሳ አሳ ዞራና ቃላይ ዲኮ ሃሳይቱ” ጊዲ ኢስታኮ አሴ ዩዲዳ።

\* 13:1 ኔጌሬይ ላቲኔ ቃላ ጊዲሺን ቢርሼሳይ ካሬስ ጉሳ።



16 ጳውሎስካ ዴንዲ ኤቂዲ ባ ኩሼራ ማላቲዲ “ኢንቴኖ ኢስራዔል አሳቶ! ቃሴካ ኢንቴኖ ያሳስ ያዩዛ አይዛቤቶ! ሲዩቴ። 17 ሃ ኢስራዔል ዴሬ ያሳይ ካሴ ኑ አዋታ ዶሪዴስ፤ ኢስቲ ጊብዔ ዴሬን ዲሺን ኢስታ ጶቁ ጶቁ ሂስቲዴስ። ባ ዎልቃማ ቄሴራ ሄፔ ኢስታ ኬሲዴስ። \* 18 አይዱ ታሙ ላይሰ ኩሜሰ ኢስታ ባዞ ቢታን ዳንዳዩዴስ። †\* 19 ካናኔ ቢታን ዲዛይታ ላፑን ካዎታ ዳይሲዲ ኢስታ ቢታ ባ ዴሬታስ ጋዴ ሂስቲ ላቲሲዴስ። \* 20 ሄሲ ወሪ ፖሎቲዳይ አይዱ ዔታኔ ኢቻሹ ታሙ ላይሳታ ጊዶና። ሄሳፌ ጉዩ ናቤ ሳሚላ ዎዴ ጋካናስ ኢስታ ፐርዲዛ ዳናታ ኢሚዴስ። \*

21 “ሄሳፌ ጉዩ ዴሬይ ባ ቦላ ካዎ ካዎሳና ማላ ሳሚላ ዎሲዴስ፤ ያሳይካ ቢኒያሜ ባጋሬ ቂሴ ና ሳዎሌ ኢስታስ ኢሚዴስ። ኢዚካ ኢስታ አይዱ ታሙ ላይሰ ሃሪዴስ። \* 22 ሳዎሌ ሻሪዳፕ ጉዩ ዳወቱ ካዎሲዴስ፤ ኢዛ ጊሽ ‘ታ ዎዝና ማላ ሃንዛይሳኔ ታ ኮዩዳይሳ ወርሲ አሳዛ ኢሴዩ ና ዳወቱ ታ ዴማዲስ’ ጊዲ ዳወቱ ጊሽ ያሲ ማርካቲዴስ። \* 23 ያሲካ ባ ጫቆ ቃላሶ ሃ አዴዛ ዜሬሳፌ አስ አሽዛይሳ ዩሱሳ ኢስራዔልስ ኤሂዴስ። 24 ዩሱሲ ያናፔ ካሴ ዮሃኒሲ ኢስራዔል ዴሬይ ወሪ ማሮቴላን ጊሊዲ ዓማቄታና ማላ ሳባኪዴስ። \* 25 ዮሃኒሲ ባ ኪቴቲዳይሳ ፖሎ ቦላ ዲሺ ‘ታ ኢንቴስ አና ሚሳታዚና? ታ ኪቴቲዳይሳ ጊዲኬ ሃራይ አቶሺን ታ ኢዛስ ቶዎ ጫማ ኪሬ ቢርሻናስ ቤሶንታይሲ ታፔ ጉዩራ ያና’ ጊዴስ። \*

26 “ኢንቴኖ አብራሃሜ ዜሬሳፌ ዩሎቲዳ ኑ ኢሻቶ! ቃሴካ ኢንቴ ጊዶንካ ያሳስ ያዩዛይቲ ወሪ ሃይሲ አቶቴላ ኪታይ ኪቴቲዳይ ኑስ ኡባታሳ! 27 ዩሩሳላሜ አሳቲኔ ኢስታ ሃላቃቲ ዩሱሳ ኤሪቤቴና፤ ጊዶ አቲን ኢስቲ ኢዛ ቦላ ፐርዲዳ፤ ሄሳንካ ሳምባታን ሳምባታን ናባቤቲዛ ካሴ ናቤታ ቃላይ ኢዛ ቦላ ፖሎቲዴስ። 28 ኢዛ ሃይቆስ ጋሲዛ ኢሲ ጋሶካ ኢስቲ ዴሞንታ አጊኮካ ጲላዎሲ ኢዛ ቦላ ሃይቆ ፐርዳ ፐርዳና ማላ ዎሲዳ። \* 29 ኢዛ ጊሽ ዓፌቲዳይሳ ኢስቲ ወርሲ ፖሊዳፕ ጉዩ ኢዛ ካቄቲዳ ሚሳ ቦላፌ ጋዴን ዎሲዲ ዱፎን ሞጊዳ። \* 30 ጊዶ አቲን ያሲ ኢዛ ሃይቆፔ ዴንሲዴስ። 31 ጋሊላፕ ዩሩሳላሜ ጋካናስ ባናራ ዲዛይታስ ዳሮ ዎዴ ቤቲዴስ፤ ሄይቲካ ሃዲ ኢዛ ጊሽ ዴሬታስ ማርካታ። \*

32 “ኑካ ካሴ ያሲ ኑ አዋታስ ጫቂዳ ሚሺራቾ ቃላ ኢንቴስ ሳባኮስ። 33 ዩሱሳ ኪቲዲ ኢስታስ ጫቂዳ ቃላ ኑስ ኢስታ ናይታስ ፖሊዴስ፤ ሄሲካ ማዛሙሬ ማፃፉን ናምፃንሶ ሽምፖን ‘ኔ ታ ናዘ፤ ታ ኔና ሃቾ ዩላዲስ’ ጌቴቲ ዓፌቲዴስ። \* 34 ቃሴካ ኢዚ ዎቆንታይሳኔ ያሲ ኢዛ ሃይቆፔ ዴንሲዳይሳ ሻኪ ኤራና ማላ

‘አንጄቲዳይሳኔ አማኔቲዳ

ዳወቱ አንጄ ታ ኢንቴስ ኢማና’ ጊዴስ። \*

35 ሄሳ ጊሽ ሃራሶንካ

‘ኔ ጊሻይ ሃይቂ ዎቃና ማላ ኔ ኮያካ’ ጊስ። \*

36 “ዳወቱይ ባ ዎዴን ያሳ ሽኔ ማላ አሲዳፕ ጉዩ ሃይቂዴስ፤ ካሴ ባ አዋታራ ሞጌቲን ኢዛ አሾይ ዎቂዴስ። 37 ያሲ ኢዛ ሃይቆፔ ዴንሲዳይሲ ኢዚ ጊዲኮ ዎቂቤና። 38 ሄሳ ጊሽ ታ ኢሻቶ! ናጋራስ ማሮቴላ ቤቲዛይ ዩሱሳ ባጋራ ጊዲዳይሲ ኢንቴስ ሳባኪቲዳይሳ ኤሪቴ። 39 ኢዛ አማኒዛይይ ወሪ ካሴ ሙሶ ዎጋ ባጋራ ዴሞንታ ዒሎቴስ ዴማና። 40-41 ሄሳ ጊሽ ካሴ ናቤቲ ‘ኢንቴኖ ቂዲዛይቶ ዒሊቴ። ማላሎቲቴኔ። ዳዩቴ።

ኢንቴስ አኒካ ዮቲን አማናናስ ኢንቴና ሜቲዛ ሚሽ ታ ኢንቴ ዎዴን አሳና’ ጊዳ ቃላይ ኢንቴ ቦላ ጋኮንታ ማላ ናጌቲቴ” ጊዴስ።

42 ጳውሎሲኔ ባርናባሲ አይሁዳታ ዎሳ ኬሳፌ ኬዚሺን አሳይ ኢስታ ሄሳ ኢስቲ ዮቲዳ ቃላ ካሊዛ ሳምባታ ጋላስ ዛሪ ዮታና ማላ ዎሲዴስ። 43 ሺቆይ ላሎቲዳፕ ጉዩ ዳሮ አይሁዳቲኔ አይሁዳታ አማኖን ጊሊዲ ያሴ ጎይኒዛ አሳቲ ጳውሎሳኔ ባርናባሳ ካሊዳ። ጳውሎሳንቲካ ኢስታ ቆፍሲሼ ኢስቲ ያሳ ኪያቴላን ሚኒ ዳና ማላ ዞሪዳ።

44 ካሊዛ ሳምባታ ጋላስ ካታማ አሳፕ ጉሳቲ ዓላላ አቲን ዳሪዛ ባጋይ ወሪ ጎዳ ቃላ ሲያና ሺቂዴስ።

45 አይሁዳቲካ ዳሮ ዴሬ ቤዩዲ ቃናቴቴላን ኩሚዳ። ጳውሎሳ ሃሳዎ ኤቂቲሼ ኢዛ ጫዩዳ። 46-47 ጳውሎሲኔ ባርናባሲ ባቦንታ ዓላቴላን “ያሳ ቃላይ ኮይሮ ኢንቴስ ዮቴታናስ ቤሴስ። ጊዶ አቲን ኢንቴ ቃላ ሎቂዴታ። ኢንቴስ ሜርና ዴዎይ ቤሶንታይሳ ኢንቴርካ ኢንቴ ቦላ ፐርዲዳ ጊሽ ሃዲ ኑኒ ጌዴ አይዛቤታኮ ባና ኮዮስ። ቃሴካ ጎዳይ ኑና ‘አሳስ አቶቴላ ቃላ ቢታ ጋፃ ጋሳና ማላ ታ ኔና አይዛቤታስ ፖዎ ሂስታ ኪታዲስ’ ጊ አዛዚዴስ” ጊዳ።

48 አይዛቤቲ ሄሳ ሲይዲ ዳሮ ኡፋዩቲዳ። ጎዳ ቃላሲካ ቦንቾ ኢሚዳ። ሜርና ዴዎስ ጊጌቲዳ ዴሬይ ወሪ አማኒዴስ። 49 ጎዳ ቃላይ ሄራን ዲዛ ዴሬ ኡባሶ ጋኪዴስ። 50 አይሁዳቲ ቃስ አያና ሃኖን ካሴፕ ሚኒዛይታኔ ዱሳን ቦንቾቲዳ ማጫሳታ ሄሳሳካ ካታማን ዲዛ ጊታ አሳታ ዴንሴሲዲ ጳውሎሳ ቦላኔ ባርናባሳ ቦላ ጎዴቴላ ዴንሲዲ ባ ዴሬፔ ኬሲ ጎዲዳ። 51 ጳውሎሲኔ ባርናባሲ አሳይ

\* 13:17 ኬሳ 1:7፤ 12:51 † 13:18 ዳንዳዩዴስ ኢሲ ኢሲ ጊሻ ማፃፉቲ ኢስታ ሎዔሲ አይኪዴስ ጌቴስ። \* 13:18 ታይ 14:34፤ ዛሬ 1:31 \* 13:19 ዛሬ 7:1፤ ኢያ 14:1 \* 13:20 ዳኔ 2:16፤ 14፤ 3:20 \* 13:21 14፤ 8:5፤ 10:21 \* 13:22 14፤ 13:14፤ 16:12፤ ማዛ 89:20 \* 13:24 ማር 1:4፤ ሉቃ 3:3 \* 13:25 ዮሃ 1:20፤ ማቶ 3:11፤ ማር 1:7፤ ሉቃ 3:16፤ ዮሃ 1:27 \* 13:28 ማቶ 27:22-23፤ ማር 15:13-14፤ ሉቃ 23:21-23፤ ዮሃ 19:15 \* 13:29 ማቶ 27:57-61፤ ማር 15:42-47፤ ሉቃ 23:50-56፤ ዮሃ 19:38-42 \* 13:31 ሃዋ 1:3 \* 13:33 ማዛ 2:7 \* 13:34 ኢሳ 55:3 \* 13:35 ማዛ 16:10

ኢስታ ኢዲዳይሳ ቤሳናስ ባ ቶሆ ቦላ ዲዛ ጉዳላ ፒቲዲ ኢቆኒዮኔ ጌቴቲዛሶ ቢዳ። \* 52 አማኒዛይቲ ኡፋይሳኒኔ ዊሎ አያናን ኩሚዳ።

14

**ጳውሎስኔ ባርናባሲ ኢቆኒዮኔን**

1 ኢቆኒዮኔን ጳውሎስኔ ባርናባሲ ኢሲፌ አይሁዳታ ዎሳ ኬሴ ጌሊዳ። ሄንካ ኢስቲ አሳ ሎዔስ ታማርሲዳ ጊሽ ጊሪኬ አሳፔኔ አይሁዳ አሳፔ ዳሮይ አማኒዳስ። 2 ሂንኮ አማኖንታ አይሁዳ አሳይ አይዛቤታ ኢስታ ቦላ ዴንፊሲዲ አሳይ አማኒዛይታ ኢፃና ማላ አሰዴስ። 3 ጳውሎስኔ ባርናባሲ ጎዳ ጊሽ ፃላቴላራ አሳስ ዮቲሼ ሄን ዳሮ ዎዴ ጋምዲዳ። ጎዳይካ ኢስቲ ዮቲዛ ኢዛ ቃላ ጊታ ማላታራኔ ዎልቃማ አሶን ቆንጨሲ ማርካቲዴስ። 4 ካታማ አሳይ ባ ጊዶን ናምዑ ኬዚ ሻኬቲዲ ባጋይ አይሁዳታ ባጋ ባጋይ ጳውሎስንታ ባጋ ጊዲዴስ።

5 ሄ ዎዴ አይሁዳቲኔ አይዛቤቲ ባና ካሌሲዛይታራ ኢሲፌ ጊዲዲ ኢስታ ዋይሳናሲኔ ሹቻን ጫዳናስ ኮይዳ። 6 ኢስቲካ ሄሳ ኤሪዳ ማላ ሊስቲራኔ ዴርቤኔ ጌቴቲዛሶ ጌዴ ሊቃዶንያ ካታማታኔ ሄ ሄራን ዲዛ ዴሬ ባቃቲዳ። 7 ሄንካ ሚሺራቾ ቃላ ሳባኮ ዶሚዳ።

**ጳውሎስኔ ባርናባሲ ሊስቲራኔኔ ዴርቤኔን**

8 ሊስቲራን ዮሌቶሳፔ ባ ቶሆራ ሃሙቲ ኤሮንታ ኢሲ ቶሆ ሲላ አዴይ ዴስ። 9-10 ሄሳዴይ ጳውሎስ ሳባኪሺን ኡቲ ሲዮስ፤ ጳውሎስካ ኢዛኮ ቲሺ ሂስቲ ዊሊዲ አዴዛ ፓላና አማኖይ ኢዛ ቦላ ዲዛይሳ ቤዩዲኔ ቃላ ዶቁ ሂስቲዲ “ሲቲ ጋዳ ኔ ቶሆን ኤቃ!” ጊዴስ። አዴዚ ሄራካ ጉፒ ዴንዲዲ ሃሙሳ አይኪዴስ።

11 አሳይ ጳውሎስ አሰዳይሳ ቤዩዲ ሊቃዶንያ ቃላራ “ኤቃ ዎሳቲ አስ ሚሳቲዲ ሃ ኑኮ ዎዲዳ” ጊዲ ዋሲዴስ። 12 ባርናባሳ “ዲያ” ጊዳ ጳውሎስካ ሃሳዩዛ ዋናይ ኢዛ ጊዲዳ ጊሽ “ሄርሜኔ” ጊዳ።

13 ካታማፔ አሲ ባይንዳሶን ዲዛ ዲያ ጌቴቲዛ ኤቃ ኬሳ ቁሴይ ኮርማታኔ ፃዔቲ ጊጊዳ ጨሽ ጌዴ ካታማ ጌሊዛ አጌ ቦላ ኤፊዲ ዴሬዛራ ኢሲፌ ጊዲዲ ጳውሎስኔ ባርናባሳስ ያርሻና ኮዩዴስ።

14 ሃዋራቲ ባርናባሲኔ ጳውሎስ ሄሳ ሲዩዳ ማላ ባ ማይዎ ዳኪዲ ጌዴ ዴሬዛ ጊዶ ዎዲዳ፤ ባ ቃላ ዶቁ ሂስቲዲ ሂዘጊዳ፤ 15 “ሃይቶ አሳቶ! ሃይሳ አዛስ አሴቲ? ኑካ ኢንቴ ማላ አሳኮ! ኢንቴካ ቃሴ ሃይሳ ሚላ ሃዳ ዮሆፔ ሃኪዲ ሳሎኔ ሳዓ። አባካ። አባታ ጊዶን ዲዛይታ ወርሲ ሜዲዳ ዴዎ ዎሳኮ ኢንቴ ሲማና ማላ ኢንቴስ ሚሺራቾ ቃላ ሳባኮስ። \* 16 ኢዚ ካሴ አዲዳ ዮሌቴላይኔ ዴሬይ ወሪካ ባ ኮይዳ ማላ ሃናናስ ዮዲ ቤሲዴስ። 17 ጊዶ አቲን ዎሲ ሳሎፔ ኢራኔ ሄሳሶካ ካሲ ካዳዛ ዎዴታ ኢሚዲ ኢንቴ ዎዘና ካሳኒኔ ኡፋይሳ ኩንሰዴስ፤ ኡፋይሳካ ኢንቴና ካልሲዲ ሎዎ አሶን ባና ማርካይ ባይንዳ አጊቤና” ጊዳ። 18 ሄሳ ወርሲ ሃሳዩዲ አሳይ ኢስታስ ያርሾንታ ማላ ዋይዲ ዲጊዳ።

19 አይሁዳቲ ቃስ አንዎኪያፔኔ ኢቆኒዮኔፔ ዩዳ አሳይ አሳ ዞሪዲ ጳውሎስ ሹቻን ጫዳና ማላ አማንዳዳ። ጳውሎስካ ሹቻን ጫዲዲኔ ሃይቂዴስ ጊ ጎቺዲ ካታማፔ ጌዴ ካሬ ኬሲዳ። 20 ጊዶ አቲን አማኒዛይቲ ኢዛ ዩዩ አዲ ናጊሺን ጳውሎስ ዴንዲዲ ጌዴ ካታማ ጌሊዴስ። ዎንቴላ ጋላስ ባርናባሳራ ኢሲፌ ዴርቤኔ ጌቴቲዛሶ ቢዳ።

**ጳውሎስኔ ባርናባሲ ሶሪያን ዲዛ አንዎኪያ ሲሚዳ**

21 ጳውሎስኔ ባርናባሲ ዳርቤን ሚሺራቾ ቃላ ሳባኪዳ ዳሮ አሳ አማንሲዳፔ ጉዩ ጌዴ ሊስቲራ፥ ኢቆኒዮኔኔ አንዎኪያ ሲሚዳ። 22 አማንዛይታ ዎዘና ሚንፊሲሺ ኢስቲ አማኖን ሚኒ ዳና ማላ ዞሪሼ “ኑ ዎሳ ካዎቴስ ጌላናስ ዳሮ ሜቶ ጊዶራ አዳናስ ኮሺስ” ጊዳ። 23 ሄሳፌ ጉዩ ዱማ ዱማ ዎሳ ኬላታን ጨማታ ዶሪዳፔ ጉዩ ዎማኒኔ ዎሳን አማኒቲዳ ጎዳስ ሃዳራ አሲ ኢሚዳ።

24 ጳሲዲያራ አዲዲ ጳንፊሊያ ሲሚዳ። 25 ጳርጌኔን ቃላ ሳባኪዲ ዱጌ አፃሊያ ጌቴቲዛሶ ዎዲዳ። 26 አፃሊያፔካ ሃሲ ጋካናስ ኢስቲ አሲዳ አሶዛ ሃዳራ ኢስታስ ኢሜቲዳ ካታማ ሶሪያን ዲዛ አንዎኪያ ማርካቤን ጌሊዲ ሲሚዳ።

27 ሄ ጋኪዳ ማላ ዎሳ ኬላ አሳ ወርሲ ሺሺዲ ዎሲ ኢስታራ አሲዳይሳ ቃሴካ አይዛቤታስ አማኖ ፔንጌይ ዋኒ ዶዩቲዳኮኔ ወርሲ ዮቲዳ። 28 ሄን አማኒዛይታራ ዳሮ ዎዴ ጋምዲዳ።

15

**ዮሩሳላሜ ዱላታ**

1 ኢሲ ኢሲ አሳቲ ዩሁዳፔ ዱጌ አንዎኪያ ዎዲዲ “ኢንቴ ሙሴ ዎጋ ማላ ቃፃሬቶንታ አጊኮ አኒካ አታናስ ዳንዳዩኬታ” ጊዲ አማኒዛይታ ታማርሶ ዶሚዳ። \* 2 ሄሲካ ጳውሎስኔ ባርናባሳ ጊታ ፓላማኒኔ አሻ ጊዶ ጌልሲዴስ፤ ሄሳ ጊሽ ጳውሎስኔ ባርናባሲ ሃራ ኢሲ ኢሲ አማኒዛ አሳታራ ዮሩሳላሜ ኬዚዲ ሃ ዮሆዛ ጊሽ ጨማታኔ ሃዋራታ አይቻና ማላ ጌቴቲዴስ።

3 ሄሳ ጊሽ ዎሳ ኬላያ ኢስታ ዮሩሳላሜ ባና ማላ ኪቲን ኢስቲ ፒንቄራኔ ሳማሪያራ አዲ ቢሼ ሄን ዲዛ አሳ አይዛቤቲ አማኖን ሲሚዳይሳ ዮቲዳ፤ ሄ ዎዴ አማኒዛይቲ ሄሳ ሲዴዲ ኬሂ ኡፋዮቲዳ። 4 ኢስቲ ዮሩሳላሜ ጋኪን ዎሳ ኬላ አሳይ ሃዋራቲኔ ጨማቲ ኢስታ ሞኪ ኤኪዳ፤ ኪቲቲ ቢዳይቲካ ዎሲ ኢስታራ ጊዲዲ አሲዳይሳ ወርሲ ኢስታስ ዮቲዳ። 5 ፋርሳዌታ ባጋ አሳታፔ አማኒዳ ኢሲ ኢሲ አሳቲ ዴንዲዲ “አይዛቤቲ ቃፃሬታናሲኔ ሙሴ ዎጋ ናጋና ማላ ኢስታስ ዮታናስ ቤሴስ” ጊዳ።

\* 13:51 ማቶ 10:14፤ ማር 6:11፤ ሉቃ 9:5፤ 10:11 \* 14:15 ኬላ 20:11፤ ማዛ 146:6 \* 15:1 ሌዌ 12:3

6 ሃዋርያቱ ጨማቲ ሄ ዮሐንስ ጊዶ ሎዔል ዓላናስ ሸቂቶ። 7 ዳር ፓላማፔ ጉዩ ጳጳሮሲ ዴንዲ ኤቂዳ። “ታ ኢሻቶ! ጉላ ዎዴፔ ካሴ ያሲ ታና ኢንቴ ጊዶፊ ዶሪዲ አይዛቤቲ ታ ዱናፔ ሚሺራቾ ቃላ ሲይዲ አማናና ማላ አሲዳይሳ ኢንቴ ኤሬታ።” 8 አሳ ዎዝና ኤሪዛ ያሲ ኑስ ኢሚዳይሳ ማላ ኢስታስካ ዒሎ አያና ኢሚዲ ኢስታ ባስ ኤኪዳይሳ ማርካቲዴስ። \* 9 ኢስታ ዎዝናካ አማኖን ጌሺዲ ኑ ጊዶኒኔ ኢስታ ጊዶን አይኮ ሻኮካ አሲቤና። 10 ሄሳ ጊሽ ኑ አዋቲኔ ኑካ ቶካናስ ዳንዳዮንታ ቃምባራ አማኒዛይታ ቶሳናስ ኢንቴ አዛስ ያሴ ፓጩቲ? 11 ኑ አቲዳይ ሲኬ ኢስታሶካ ንዳ ዮሱሳ አዶ ኪያቴሳን ጊዲዳይሳ አማኖስ” ጊዴስ።

12 ሸቂቶ አሳይ ወሪካ ጮው ጊን ባርናባሲኔ ጳውሎሲ ያሲ ኢስታ ባጋራ አይዛቤታ ጊዶን አሲዳ ጊታ ማላታታ ጊሽ ዮቲሺን ማላሌቲዲ ሎዔሲ ሲዩዴስ። 13 ኢስቲ ዮቲ ወርሲሺን ያቆቤይ ዴንዲ ኤቂዳ ሂዝጊዴስ “ታ ኢሻቶ! ታ ጊዛይሳ ሲዩቴ፤ 14 ያሲ አይዛቤታፔ ባስ ጊዳና ዴሬ ካሴቲዲ ኢዚ ዎስቲ ዩይጊ ዎሲዳኮ ሲሞኒ ኑስ ሎዔሲ ዮቲዴስ። 15 ካሴ ናቤታን ሂዝጊ ዓፌቲዳ ቃላይ ሃይሳራ ጋጌስ።

16 ‘ሃይሳፌ ጉዩ ታ ሲማዳ  
 ላሌቲዳ ዳዉቴ ኬሴ ኬፃና፤  
 ላሌቲዳይሳ ዛራ ኤሳና፤ ዛራዳካ ኬፃና።

17 ሄሲካ አቲዳ አሳይ ንዳ ኮያና ማላኔ  
 ታ ሱንሳን ዩይጊቲዳ አይዛቤቲ ታና ኮያና  
 ማላ ጌስ ወርሲ አሲዳ ያሲ፤ 18 ሃይሳ ኮይሮፔካ ኤርሲዳ ያሲ ታና’ ጊዴስ።

19 “ሄሳ ጊሽ ሃ ያሳኮ ሲሚዳ አይዛቤታ ኑ ሜቶቶንታ ማላ ሃይሲ ታ ባጋራ ታስ ቃሾ። 20 ጊዶ አቲን ኤቃስ ያርሼቲዲ ቱኒዳ ካስ ሞፒቴ፤ ላይማፔ ሃኪቴ፤ ባዉቲ ሃይቂዳ ሜሄ አሾ ሞፒቴ፤ ሱስ ኡዮፒቴ ጊዲ ኑ ኢስታስ ፃፋና ቤሴስ። \* 21 ሙሴ ዎጋይ ጊዲኮ ቤኒሶፌ ሳምባታ ሳምባታ ጋላስ አይሁዳታ ዎሳ ኬሳን ናቤቤቲሼኔ ካታማይ ዲዛሶን ሳባኬቲሼ ዴስ” ጊዴስ።

**ሃዋርያታዊ አማኒዛ አይዛቤታስ ዓፌቲዳ ዳብዳቤ**

22 ሄ ዎዴ ሃዋርያቱ ጨማቲ ኩሚሳ ዎሳ ኬሳ አሳራ ጊዲዲ ባ ጊዶፌ ኢሲ ኢሲ አሳታ ዶሪዲ ጳውሎሳራኔ ባርናባሳራ ጋሲ አንዎኪያ ዮዳናስ ቃቺዳ። አማኒዛ አሳ ጊዶፌ ዋናቲዛይታ ባርሳባሳ ጌቲቲዛ ዮሁዳኔ ሲላሴ ዶሪዳ። 23 ኢስታ ኩሼን ኢሚ ዮዲዳ ዳብዳቤዚ “ኢንቴ ኢሻታፔ፣ ሃዋርያታፔ፣ ጨማታፔ፣ አይዛቤታፔ አማኒዳ አንዎኪያኒኔ ሶሪያን፣ ኪልቂያንካ ዲዛ አማኒዛይታስ ኑ ሳርካይ ኢንቴና ጋኮ።

24 “ኢሲ ኢሲ አሳቲ ኑፔ ጊዶንታ ባ ባጋራ ኑ አቻፌ ቢዲ ባ ሃሳያን ኢንቴ ዎዝና ያኔ ሃኔ ቃሲዳይሳኔ ኢንቴና ቡልዓኪዳይሳ ኑ ሲዩዶስ። 25 ሄሳ ጊሽ ጉላ አሳታ ዶሪዲ ዶሴቲዳ ባርናባሳራኔ ጳውሎሳራ ኢንቴኮ ዮዳናስ ኑ ወሪካ ቃላ ጋጊዶስ። 26 ኢስቲ ንዳ ዮሱስ ኪርስቶሳ ጊሽ ባ ሼምፖ አሲ ኢሚዳይታ። 27 ሄሳ ጊሽ ኑ ኢንቴስ ዓፌዳይሳ ኢስቲ ኢንቴስ ባ ዱናራ ሎዔሲ ዮታና ማላ ዮሁዳኔ ሲላሴ ኢንቴኮ ዮዲዶስ። 28 ሃይታ ኢንቴስ ኮሺዛ ዮዎታፔ ሃራ ዴዎ ቶሆ ኑ ኢንቴ ቦላ ዎሶንታ ማላ ኑሲኔ ዒሎ አያናስ ሎዎ ሚሳቲ ቤቲዴስ። 29 ሄሲካ ኢንቴ ኤቃስ ሹኬቲዳ አሾፔ፣ ሱሳፌ፣ ባዉቲ ሃይቂዳ ሜሄ አሾፔኔ ላይማፔ ኢንቴ ሃካና ማላ፤ ኢንቴ ሃይታ ሚሳቲዛይታፔ ሃኪኮ ኢንቴስ ሎዎ፤ ሳርን ዲቴ” ጌስ።

30 ኪቴቲዳ አሳቲ ሞይኬቲዲ ዱጌ አንዎኪያ ዎዲዳ፤ ሄን አማኒዛይታ ወርሲ ሸሺዲ ኤሂዳ ዳብዳቤዛ ኢስታስ ኢሚዳ። 31 ዴሬይካ ናባቢዲ ሚንፊሲዛ ቃላን ኡፋዮቲዴስ። 32 ዮሁዳይኔ ሲላሲ ናቤታ ጊዲዳ ጊሽ ዳር ዞሪዲ አማኒዛይታ ሚንፊሲዳ። 33 ሄን ጉላ ዎዴ ጋምዲዲ አማኒዛ አሳይ ሞይዚን ጉዩ ባና ኪቲዳይታኮ ሲሚዳ። 34 ሲላሲ ቃስ ሄን አታናስ ኮዩዴስ። \* 35 ጳውሎሲኔ ባርናባሲ ሃራ ዳር አሳታራ ጊዲዲ ንዳ ቃላ ታማርሲሼኔ ሳባኪሼ አንዎኪያን ጋምዲዳ።

**ጳውሎሳኔ ባርናባሳ ሻኬቱስ**

36 ጳውሎሲ ጉላ ዎዴ ጋምዲዲ ባርናባሳ “ኑ ካሴ ንዳ ቃላ ዮቲዳ ኡባ ካታማታ ቢዲ አማኒዛይቲ አይ ማላ ዲዛኮኔ አኔ ዩዩ ቤዮስ፣ ዴንዳ” ጊዴስ። 37 ባርናባሲካ ማርቆሳ ጌቲቲዛ ዮሃኒሲ ኢስታራ ባና ማላ ኮዩዴስ። 38 ጳውሎሲ ቃስ ኢዛ ኤኪ ባናስ ኮይቤና፤ ጋሶይካ ካሴ ማርቆሲ ኢስታፌ ሻኬቲዲ ጳንፊሊያ ጊዛሶን ጉዩ አቲዲ ኢስታራ አሶስ ሲንስ ኬዞንታ አጊዳ ጊሻሳ። \* 39 ሂስቲን ዳር ፓላማፔ ኢስታ ጊዶን ሜዴቲዳ ጊሽ ባ ጊዶን ሻኬቲ ዎዲዳ፤ ሄሳ ጊሽ ባርናባሲ ማርቆሳ ኤኪዲ ማርካቤን ጌሊዲ ቆጲሮሴ ቢዴስ። 40 ጳውሎሲ ቃስ ሲላሴ ዶሪዴስ። አማኒዛይቲካ ጳውሎሳ ንዳ አዶ ኪያቴሳስ ሃዳራ ኢሚዳፔ ጉዩ ኢዚ ኢስታፌ ሻኬቲዲ ቢዴስ። 41 አማኒዛይታ ሚንፊሲሼ ሶሪያራኔ ኪልቂያራ አዲ ቢዴስ።

**ዒምቶሲ ጳውሎሳራኔ ሲላሴራ ኢሲፌ ጊዲዴስ**

1 ጳውሎሲ ዴርቤኔ ጌቲቲዛሶኔ ሊስቲራ ጋኪዲ ኢዛ አዋይ ጊሪኬ አስ፣ አዩያ ቃስ አይሁዳ አስ ጊዲዳ ዒምቶሳ ጌቲቲዛ ኢሲ አማኒዛዴ ሄን ዴሚዴስ። 2 ኢዚካ ሊስቲራኒኔ ኢቆኒዮን አማኒዛ አሳ አቻን ሎዎ ማርካቲስ ዲዛዴ። 3 ጳውሎሲካ ዒምቶሳ ባናራ ኤኪ ባናስ ኮዩዴስ። ሄሳ ጊሽ ሄ ሄራን

\* 15:8 ሃዎ 10:44 \* 15:20 ኬሳ 34:15-17፤ ለዎ 18:6-23 \* 15:34 ኢሲ ኢሲ ጊሻ ማፃፋቲ ፓይይ 34 ቦላ ዲዛ ቆፋ ጉጂቴና። \* 15:38 ሃዎ 13:13



አይሁዳታ ጊሽ ጊዲ ዊምቶሳ ቃፃሪዴስ። ጋሶይካ አይሁዳቲ ዊምቶሳ አዋይ ጊሪኬ አስ ጊዲዳይሳ ኤሪዛ ጊሻሳ።

4 ኢስቲ ኢሲ ካታማፕ ሃራ ካታማ አዲ አዲ ቢሼ ሃዋራቲኔ ዮሩሳላሜ ዎሳ ኬሳ ጩማቲ ዮዲዳ ኪታ አሳይ ኤኪዲ ናጋና ማላ አማኒዛ አሳስ ኢሚ ኢሚ አዲዳ። 5 ዎሳ ኬሳ አሳይ አማኖን ሚኒ ሚኒ ቢዴስ፤ ቃሴ አሳይካ ቆዳን ጋላስ ጋላስ ጉጂቲ ጉጂቲ ቢዴስ።

**ጳውሎሲ ማቀድኒያ ጊሽ ቤዱዳ አጁታ**

6 ጳውሎሲኔ ኢዛራ ዲዛ ዛታቲ ቃላ ኢሲያን ሳባኮንታ ማላ ዊሎ አያናይ ዲጊዳ ጊሽ ፐርጊያራኔ ጋላቲያ ዴሬራ አዲ ቢዳ። 7 ኢስቲ ሚሲያ ጌቲቲዛሶ ጋካና ማቲሼ ቢቲኒያ ጌቲቲዛሶ ጌላና ቆፐን ዮሱሳ አያናይ ኢስታ ዲጊዴስ። 8 ሄሳ ጊሽ ሚሲያራ አዲዲ ዊሮዳ ጌቲቲዛሶ ዎዲዳ። 9 ኢሲ ማቀድኒያ አሲ ኤቂዲ ጳውሎሳ ሃ ማቀድኒያ ፐናዳ ኑና ማዳ ጊሺን ጳውሎሲ አማርስ አጁታን ቤዱዴስ። 10 ኢዚካ ሄ አጁታ ቤዱዲ ያሲ ኑ ኢስታስ ሚሺራቾ ቃላ ዮታና ማላ ዊይጊዴስ ጊ ቃቺዲ ኑ ሄራካ ጌዴ ማቀድኒያ ባና ኮዩዶስ።

**ፒሊጳሴን ሊዲያይ ጎዳ አማናዶስ**

11 ማርካቤራ ዊሮዳ ጌቲቲዛሶፕ ዴንዲዲ ሲቲ ጊዲ ሳሞቲራቄ ጌቲቲዛሶ ቢዶስ። ዎንቴሳ ጋላስ ናጵሌ ጊዛሶ ሲንሸ ሃሙሶ ጉጂዶስ። 12 ሄፕካ አሮሜ አሳይ ቶራን ሃሪዳ ዴሬ ጊዲዳ ማቀድኒያ ዴሬ ዋና ካታማ ጊዲዳ ፒሊጳሴን ጌቲቲዛሶ ጌሊዶስ። ሄንካ ኡንዴና ዎዴ ኡቲዶስ።

13 ሳምባታ ጋላስ ዎሳ ዎሲዛሶ ኮዩሼ ካታማ ጌሊዛሶ ፔንጌ ኬዚዲ ዱጌ ሻፋ ዎዶስ፤ ኑ ሄን ኡቲዲ ሸቂ ዲዛ ማጫሳስ ቃላ ዮቲዶስ። 14 ቃላ ሎዔሲ ሲዩዛ ማጫሳታፕ ኢሲ ሊዲያ ጌቲቲዛራ ኢዛካ ያሴ ጎይንዛሮኔ ቲያዊሮኔ ካታማፕ ያዳ ዞዎ ሃራ ማይዎ ዛልዒዛሮ ጳውሎሲ ዮቲዛ ቃላ ኢዛ ዎዘናን ዎሳ ሲያና ማላ ጎዳይ ኢዚ ዎዘና ዶዩዴስ። 15 ኢዛኔ ኢዚሶ አሳይካ ፃማቂቲዳፕ ጉዩ ኢዛ ኢስታ ታ ያሴ አማኒዲ ኢንቴ ቱሙ ኤሪዳ ጊዲኮ ሃ ታሶ ዩዲ ጉሳ ዎዴ ዲሺቴ ጋዳ ኢስታ ሚንሳ ዎሳዶስ።

**ጳውሎሲኔ ሲላሲ ቃሾ ኬሳን**

16 ኢሲ ጋላስ ኑ ዎሳሶ ቢሺን ካዮ ካዮታ ማርትዛ ኢሲ ጋራዴ ና ዲዛራ ኑና ዴማዶስ። ኢዛካ ባ ማርቴሳን ባና አይሲዛይታስ ዳሮ ሚሽ ጌልሳወስ። 17 ሃና ጋራዴ ናያ ጳውሎሳኔ ኑና ካላ ካላ “ሃይቲ አሳቲ ኢንቴስ ኢንቴ አታና ኦጌ ዮቲዛይቲ ዎጋ ያሳ አሳንቻታ” ጋ ጋ ዋሳዶስ። 18 ሄሳካ ዳሮ ጋላስ ሸራ ሸራ ጋዶስ። ጊዶ አቲን ጳውሎሲ ሃ ኢዚ ቃላን ዳሮ ሜቶቲዳ ጊሽ ኢዚኮ ሲሚዲ ኢዚ ዱናራ ሃሳዩዛ ቱና አያናዛ “ኔ ኢዚፕ ኬዛና ማላ ታ ኔና ጎዳ ዮሱስ ኪርስቶሳ ሱንሳን አዛዛይስ” ጊዴስ። ሄ አያናይ ሄራካ ዩጊ ኢዚፕ ኬዚዴስ።

19 ኢዞ አይሲዛ አሳቲ ኢስታስ ሚሼ ዴሚዛ ኦጌዴ ዱዊን ኢስታ ኡፋይሲ ቃንጻቲዳይሲ ኢስታስ ጌሊን ጳውሎሳኔ ሲላሴ አይኪዲ ቢታራ ጎቺዲ ዋናቲ ዲዛሶ ጊያ ጊዶ ኤፊዳ። 20 ዴሬ አይሲዛ ዋናታኮ ሸሸዲ “ሃይቲ አሳቲ ባስ አይሁዳ አስ ጊዲ ኡቲዲ ኑ ካታማ ቡላኬቴስ፤ 21 ቃሴ ኑ አሮሜ አሳቲ ኤካናስ ዎይኮ አሳናስ ኑስ ቢሶንታ ዎጋ ኑ አሳ ጊዶን ላሌቴስ” ጊዳ።

22 ዴሬይካ ኢሲ ቦላ ጊዲዲ ጳውሎሳ ቦላኔ ሲላሴ ቦላ ዴንዲዴስ። ዴራ አይሲዛይቲ ጳውሎሳንታ ማይዎ ቃሪ ኤኪዲ ዱርቃራ ቆፃና ማላ አዛዚዳ። 23 ኢታ ቡካ ቡኪዲ ጌዴ ቃሾ ኬሳን ዩጊዳ። ቃሾ ኬሳ ናጊዛይሲካ ኢስታ ሎዔሲ ናጋና ማላ አዛዚዳ። 24 ኢዚካ ሄሳ ማላ ሚኖ አዛዛ ኤኪዲ ቃሾ ኬሳስ ዋና ጊዶ ኪፊሌ ጌልሲዲ ኢስታ ቶሆ ጊታ ዱሩማራ ሸሸ ቃቺዴስ።

25 ጊዲ ጊዶስ ጊዲሺን ጳውሎሲኔ ሲላሲ ዎሳኒኔ ማዛሙራን ያሳ ጋላቲሺን ቃሾ አሳይ ኢስታ ዮሳኔ ጋላታ ኤዘጊ ሲዩዴስ። 26 ሃሳዳይ ባይንዳ ዲንጋቲ ቃሾ ኬሳ ሃጳፕ ቃላዛ ሚኖ ቢታ ቃሲ ሃኒዴስ፤ ሄራካ ቃሾ ኬሳ ፔንጌቲ ዶዩቲዳ። ቃሾቲዳ ኡባ አሳ ቃሾይ ቢርሼቲዴስ። 27 ቃሾ ኬሳ ናጊዛይሲ ዲስኮሬ ቤጊዲ ቃሾ ኬሳ ፔንጌቲ ዶያ ዲዛይሳ ቤዩዲ ቃሾ አሳይ ወሪ ኬሲ ኤኪዳ ሚሳቲን ባና ዎዳና ማሻ ሾዲዴስ። 28 ጳውሎሲ ቃስ ባ ቃላ ዶቄ ሂስቲዲ “ኑ ወሪ ሃን ዶስ! ኔ ቦላ አይኔ ኢታ አሶፋ” ጊ ዋሲዴስ።

29 ቃሾ ኬሳ ናጊዛይሲ ዎምፕ ዎሲ ኤኪዲ ጌዴ ጊዶ ጉፐ ጌሊዴስ፤ ኮኮርሽ ጳውሎሳ ቶሆ ቦላኔ ሲላሴ ቶሆ ቦላ ኩንዲዴስ። 30 ኢስታ ኤኪ ካሬ ኬዚዲ “ሃ አሳቶ! ታ አታና ማላ አይ አሶ?” ጊዴስ።

31 ኢስቲካ ኢዛስ “ጎዳ ዮሱሳ አማና፤ ኔካ ኔሶ አሳይካ ኢንቴ ወሪ አታና” ጊዳ። 32 ሄሳሬ ጉዩ ኢዛሲኔ ኢዛሶን ዲዛ አሳስ ኡባስ ጎዳ ቃላ ዮቲዳ። 33 ቃሾ ኬሳ ናጊዛይሲ ሄራካ ሄ ጋላስ ቃማራ ኤፊዲ ኢስታ ማዶንሳ ሜጫዴስ። ሄራካ ኢዚኔ ኢዛሶ አሳይ ወሪ ፃማቂቲዳ። 34 ቃሾ ኬሳ ናጊዛይሲካ ኢስታ ባ ኬሴ ኤፊዲ ኢስታስ ካስ አሲዴስ። ባሶ አሳ ኡባራ ያሳ አማኒዳ ጊሽ አዴዚ ዳሮ ኡፋዩዴስ።

35 ጋዴይ ዎንቲሺን ዴሬ አይሲዛይቲ “ሄይታ አሳታ ቢርሻ ዮዳ” ጊዲ ባ ሹሜታ ቃሾ ኬሳ ናጊዛይሳኮ ዮዲዳ። 36 ቃሾ ኬሳ ናጊዛይሲካ ኢስታስ “ዴሬ አይሲዛይቲ ኢንቴ ቢርሼታና ማላ አዛዚዳ፤ ሄሳ ጊሽ ሃዲ ሳሮን ኬዚ ቢቴ” ጊዲ ጳውሎሳስ ዮቲዴስ። 37 ጳውሎሲ ቃስ “ኑ አሮሜ ዮሌቴስ ጊዲሺን ፐርዳይ ባይንዳ ዴሬ ሲንሳን ዱርቃራ ቡኪዲኔ ቃሾ ኬሳን ዩጊዳ። ሂስቲን ሃዲ ቃስ ኑና ቆታራ አሲ ኤሮንታ ኬሳና ኮዩዞ? ሄሲ ሃኔና፤ ኢስቲ ዩዲ ባርካ ቢርሼቶ!” ጊዴስ።

38 ሹሜቲ ሄ ኢዚ ጊዳ ቃላ ዴሬ አይሲዛይታስ ዮቲዳ ኢስቲካ ጳውሎሲኔ ሲላሲ አሮሜ ዮሌታ ጊዲዳይሳ ሲዴዲ ዳጋሚዳ። 39 ዩዲ ኢስታፊ ማሬቴስ አይቺዲ ዎይኔፕ ኬሲዳ። ኢስቲ ሄ ካታማዮ አጊዲ ሃራሶ ባና ማላ ኢስታ ዎሲዳ።

40 ጳውሎሲኔ ሲላሲ ቃሾ ኬሳሬ ኬዚዲ ሊዲያሶ ቢዳ። ሄንካ ዲዛ አማኒዛይቲ ኢስታ ዳሮ ሚንጴሲዲ ሄፕ ኬዚ ቢዳ።



17

**ጳውሎስን ሲላሲ ታሰሎንቄን**

1 ጳውሎስን ሲላሲ አንጋጃላኔ አጳሎኒያ ጌቴቲዛ ደግሞ አዲሷ ታሰሎንቄ ጌቴቲዛ ደግሞ ቢዳ። ሄንክ አይሁዳታ ዎሳ ኬሲ ደስ። 2 ጳውሎስካ ኢዛስ ዶሴ ጊዲዳ ማላ አይሁዳታ ዎሳ ኬሴ ጊሊደስ። ሄዥ ሳሚንታ ኩሜስ ቃላፕ ኤኪ ኤኪ ኢስታራ ሃሳዮቲደስ። 3 ኪርስቶስ ዋዩ ኤካናሲኔ ሃይቂ ዴንዳናስ ቤሲዛይሳ ቆንጫሲ አማንሶን “ሃይሲ ታ ሳባኪዛ ዩሱሲ ኢዚ ኪቴቲ ያና ጌቴቲዳይሳኮ!” ጊደስ። 4 አይሁዳታፕ ኢሲ ኢሲ አሳይ ባ ሲዩዳይሳ አማኒዲ ጳውሎሳራኔ ሲላሲራ ኢሲፌ ጊዲደስ። ቃሴካ ዳሮ ደግሞ ያሴ ባቢዛ ጊሪኬታፕ ዳሮ ኤሬቲዳ ማጫሳቲ ባ ሲዩዳ ቃላን አማኒዲ ኢስታራ ኢሲኖ ጊዲዳ።

5 አይሁዳቲ ቃሴ ኢስታ ቃናቲዲ ጊያን ዲዛ ዎርዶ አሳታ ሺሺዲ ኩሜሳ ደግሞ ኢስታ ቦላ ዴንሴሲዲ ካታማን ሺሮ ሜዲዳ። ጳውሎሳን ሲላሲ ሺሺዲ ደራ ሲንሳን ኤሳናስ ኢሲ ኢያሶኔ ጌቴቲዳይሳኮ ኮያናስ ኤሴሊ ቢዳ። 6 ጊዶ አቲን ኢስታ ኢያሶኔ ኬሳን ዴሞንታ አጊዳ ጊሽ ኢያሶኔኔ ሃራ አማኒዛ አሳታ ካታማ ዳናታ ሲንሳራ ጎቺሼ “ሃይቲ አሳቲ ደግሞ ወርሲ ቡልዳኪ ካዲሼ ጋምዲዲ ቃሴ ሃዲ ሃ ዩዳ። 7 ኢያሶኔይካ ኢስታ ባ ኬሳን ዎሲደስ። ሃይቲ አሳቲ ወራ ‘ዩሱሳ ጌቴቲዛ ሃራ ካዎይ ደስ’ ጊዲ ቁሳራ ዎጋ ኤኬቴና” ጊሼ ዋሲዳ። 8 ደግሞ ሄ ካታማ ዳናቲ ሄሳ ሲይዲ ባ ጊዶን ቡቁቲዳ። 9 ኢያሶኔኔ ሃራታካ ዋሴ ዪይጊሲዲ ዩዲዳ።

**ጳውሎስን ሲላሲ ቤሪያን**

10 አማኒዳይቲ ሄራካ ጳውሎሳን ሲላሲ ቃማራ ቤሪያ ዩዲዳ። ኢስቲካ ሄ ጋኪዳ ማላ አይሁዳታ ዎሳ ኬሴ ጊሊዳ። 11 ቤሪያ አሳይ ታሰሎንቄ አሳፕ አዲሷ አኬካራ ዲዛ አሳ። ጋሶይካ ሃይሲ ዮዎዚ ቱሜሻ? ጊ ጊዲ ጌኤሻ ማፍፋታ ቃላ ዎንቲን ዎንቲን ፒልጊ ዪሊዲ ኡፋይሳን ኤኪደስ። 12 ሄሳ ጊሽ ኢስታፌ ዳሮ አሳይ አማኒደስ። ቃሴካ ኢስታራ ቆዳን ዳሮቲ ቦንቼቲዳ ጊሪኬ ደግሞ ማጫሳቲኔ አዴቲካ አማኒዳ።

13 ታሰሎንቄን ዲዛ አይሁዳ አሳቲ ጳውሎሲ ያሳ ቃላ ቤሪያንካ ሳባኪዳይሳ ኤሪዳ ማላ ደግሞ ዴንሴሳናስ ቃሴካ ጊደ ዲስታኮ ቢዳ። 14 ሄ ዎዴ አማንዳይቲ ጳውሎሳ ኤሴሲዲ ጊደ አባ አቺ ዩዲዳ። ሲላሲን ዪምቶሲ ሄን አቲዳ። 15 ጳውሎሳ ሞዩዚዳ አሳቲ ኢዛ አቲና ጋሲዳ። ቃሴካ ሲላሲን ዪምቶሲ ኢዛኮ ኤሴሊ ጋካና ማላ ጊዛ ኪታ ጳውሎሳፕ ኤኪዲ ሲሚዳ።

**ጳውሎስ አቲናን**

16 ጳውሎስ አቲናን ኢስታ ናጊሺን አቲና ካታማን ኤቃቲ ኩሚዳይሳ ቤዩዲ ዳሮ ሼኔቲደስ። 17 ሄሳ ጊሽ አይሁዳታ ዎሳ ኬሳን አይሁዳታራኔ ያሳስ ያዩዛ ጊሪኬ አሳራ ቃሴካ ጊያይ ዲዛሶን ጋላስ ጋላስ ባናራ ጋጊዛ አሳራ ሃሳዮቲደስ። 18 ኤፊቆሮሴኔ ኢስቶይኮ ጌቴቲዛ ኤራንቻታ ባጋ ጊዲዳይቲ ጳውሎሳኮ ሺቂዲ አዛራ ሃሳዮቲዳ ኢስታፌ ኢሲ ኢሲ አሳቲ “ሃይሲ ሎምዑ ሎምዳይ አይ ጋና ኮዩዜ?” ጊዳ። ባጋቲ ቃሴ ዩሱሳ ጊሺኔ ሃይቆፕ ኢዛ ዴንሳ ሚሺራቾ ኢዚ ሳባኪሺን ሲይዲ “ሄይሲ ሃራ ኦራሳ ኤቃታ ጊሽ ዮቲዛ ሚሳቴስ” ጊዳ።

19 ኢዛ አይኪዲ አሪአስፋጎሴ ጌቴቲዛ ደግሞ ዱላታ ሲንሳ ኤፊዲ “ሃ ኔ ታማርሲዛ ኦራሳ ቲሚርቲይ አዛኮኔ ኑ ኤራና ማላ ኔ ኮያይ?” ጊዳ። 20 ቃሴ ኔ ኑና ኑ ሃይሳን ሲሲዛ ዮዎይ ኑ ኤሮንታ አራስ ጊዲዳ ጊሽ ኢዚ አዛኮኔ ኑ ኤራና ኮዮስ። 21 አቲና አሳይ ኩሜስ ቃሴካ ሃን ዲዛ ሃራ ደግሞ አሳይካ ባስ ዎዴ አሳናስ ኦራሳ ዮዎ ሃሳያኒኔ ሲሳን አቲን ሃራ ሚሻን አሴቴና።

22 ሄሳ ጊሽ ጳውሎስ አሪዮስፋጎሴ ጌቴቲዛ ዱላታን ሺቂዳ ደግሞ ሲንሳን ኤቂዲ “ሃይቶ አቲና አሳቶ! ኢንቲ ቤቶ ሚሽ ወርሲ አማኒዳይታ ጊዲዳይሳ ታ ቤያይስ። 23 ታ ያኔ ሃ ዩዩሺን ኢንቲ ኢስታስ ጎይኒዛ ሚሻታ ታ ዪሊሺን ‘ኤሬቶንታ ያሴ’ ጌቴቲ ያሬቲዳይሳ ኢሲ ያርሾሶ ዴማዲስ፤ ሄሳ ጊሽ ሄሳ ኢንቲ ኤሮንታ ጎይኒዳይሳ ታ ኢንቲና ኤሪሳና። 24 ሃይሳ አላሜዛኔ ኢዛ ጊዶንካ ዲዳይሳ ወርሲ ሜዲዳ ያሲ ኢዚ ሳሎኔ ሳዓ ጎዳ። ሄሳ ጊሽ ኢዚ አሳ ኩሺን ኬቂቲዳ ኬሳን ዴና። 25 ኢዚ አሳ ኡባስ ዴያኔ ሸምፖ፤ ቃሴካ ሃራ ወርሲ ኢሚዳይሳ ጊዲዳ ጊሽ ኢዛስ ፓጫዛዚ ዶንታ ጊሽ ኢዚ አሳ ኩሼፕ ማዶ ኤኬና። 26 አሳ ዜሬስ ወርሲ ኢሳዴፌ ሜዲዲ አሲ ቢታ ቦላ ዳና ማላ አሲደስ፤ አሳይ ዳና ዎዴኔ ወርሴሳ ዳስ ዎሲደስ። 27 ሄሲካ አሲ ያሴ ኮይዲኔ ፒልጊዲ ዴማናኮኔ ጊዲ ዎሲደስ፤ ሄሲ ሄሳ ጊዲኮካ ኢዚ ኑፕ ኢሲ ኢሳዴፌ ሃኪ ዲዛ ጊሽ ጊደና። 28 ኑ ዴዎ ዴሚዳይ፤ ዲዳይኔ ቃቂቲዳይ ኢዛና፤ ኢንቲ ደግሞ ዩስ ኬሲዛ ኢሲ ኢሲ አሳቲ ‘ኑካ ኢዛ ናይታ’ ጊዳ ማላ።

29 “ሂስቲኮ ኑ ያሳ ናይታ ጊዲኮ ያሲ አሳ ኤራቴሳን ሜዲ ኬሲዳ ዎርቃ ዎይኮ ቢራ ዎይኮ ሹቾ ሚሳቴስ ጊዲ ኑ ቆፓናስ ቤሴና። 30 ካሴቲዲ ያሲ ሃይሳ ማላ ሃኖታ አሳይ ኤሮንታ አሲዳይሳ ዳንዳያን አዲደስ፤ ሃዲ ጊዲኮ አሲ ወሪ ባ ዲዛሶን ዲዛሶን ማሮቴሳን ጌላና ማላ አዛዜስ” ጊደስ። 31 ኢዚ ባ ዶሲዳዴ ባጋራ ቢታ ቦላ ዪሎቴሳን ፒርዳና ጋላስ ባሬ ዎሲደስ። ኢዛካ ሃይቆፕ ዴንሴዲ አሳ ኡባስ ሃይሳ ቱማቴሳ ኤሪሲደስ።

32 ኢስቲካ ሃይቂዳይታ ዴንሳ ጊሽ ሲዩዳ ማላ ኢሲ ኢሲ አሳቲ ኢዛ ቂዲዳ፤ ባጋቲ ቃሴ “ሃይሳ ቃሴካ ኔፕ ሃራ ጋላስ ሲያና ኮዮስ” ጊዳ። 33 ሄራካ ጳውሎስ ኢስታ ጊዶፌ ኬዚ ቢደስ። 34 ኢሲ ኢሲ አሳቲ ቃሴ ጳውሎሳ ካሊዳኔ አማኒዳ፤ ሄይታፕካ ዲዮናሲዮሳ ጌቴቲዛ አሪዮስፋጎሴ ዱላታ ኬሳ አባሴ ጊዲዳ ዴማሪሶ ጌቴቲዛ ማጫሳያኔ ሃራቲካ ኢሲፌ ዴቴስ።

18

**ጳውሎስ ቆሮንቶሴን**

1 ሄሳፌ ጉዩ ጳውሎስ አቴናፕ ዴንዲዲ ቆሮንቶሴ ካታማ ቢዴስ። 2 ሄንካ ጳንዶሳን ዩሌቲዳ አቂላ ጌቲቲዛ አይሁዳ አስ ዴሚዴስ፤ ኢዚካ አይሁዳቲ ወሪ ኦሮሜፕ ኬዛና ማላ ቃላዎዶሳ ጌቲቲዛ ኦሮሜ ካዎይ አዛዚዳ ማላ ባ ማቼዮ ጳርሲቂላራ ማታ ዎዴ ኢፃሊያ ዴሬፕ ዩዳይሳ ቤያናስ ጳውሎስ ሄ ኢስታኮ ቢዴስ። 3 ኢዚካ ኢስታሶ ዱንካኔ ሲኪዛዴ ጊዲዳ ጊሽ ኢስታ አቻን ኡቲዲ ዱንካኔ ሲኮን ጌሊዴስ። 4 ሳምባታ ሳምባታ ጋላስ አይሁዳታ ዎሳ ኬላን አይሁዴታራኔ ጊሪኬ አሳታራ ሃሳዩቲሼ ኢስታ አማንሳናስ ባዌቲዴስ።

5 ሲላሲኔ ሂምቶሲ ማቂዶኒያፕ ዱጌ ኢዛኮ ዎዲን ጳውሎስ ሳባኮን ሚኒዲ ዩሱሲ ኢዚ ኪርስቶሳ ጊዲዳይሳ አይሁዳታስ ማርካቲዴስ። 6 ጊዶ አቲን ኢስቲ ኢዛራ ኤቁቲዲ ኢዛ ጫዩዳ ጊሽ ጳውሎስ ባ ማይዎ ቆቆሬዲ “ታ ኢንቴፌ ሂሎ፤ ኢንቴ ፐርዴታናይ ኢንቴ ሞሮን ጊዲዳ ጊሽ ታ ኢንቴ ሱላ ጎሜን አይሼቲኪ፤ ሄሳ ጊሽ ታ ጌዴ አይዛቤታኮ ባይስ” ጊዴስ።

7 ሄፕ ኬዚዲ ቲቶሳ ኢዮስዎሳ ጌቲቲዛ ዎሴ ዎሲዛይሳሶ ቢዴስ፤ ሄ አዴዛ ኬሳይ አይሁዳታ ዎሳ ኬሳ አቻን ዴስ። 8 አይሁዳታ ዎሳ ኬሳ ሃላቃይ ቁሪስጶሲ ባሶ አሳ ኡባራ ጎዳ አማኒዴስ፤ ጳውሎስ ዮቲሺን ሲዩዳ ዳሮ ቆሮንቶሴ ካታማ አሳይ አማኒዲ ማቁቲዴስ።

9 ጎዳይ ቃማን አጁታን ጳውሎሳ “ባቦፋ፤ ዮታ፤ ሮፐ- ጎፓ፤ 10 ታ ኔናራ ዳይስ፤ አኒካ ኔ ቦላ ዴንዲ ኔና ቆሃናስ ዳንዳይና፤ ሃኖ ሃ ካታማይን ታስ ዳሮ አሲ ዴስ” ጊዴስ።

11 ሄሳ ጊሽ ጳውሎስ ዎሳ ቃላ አሳ ታማርሲሼ ኢሲ ላይሴኔ ባጋ ኢስታራ ኡቲዴስ።

12 ጋልዮሳ ጌቲቲዛ ዴሬ አይሲዛይሲ አካያን ዲዛ ዎዴ አይሁዳቲ ኢሲፌ ጊዲዲ ጳውሎሳ ቦላ ዴንዲዳ፤ ፐርዳ ዎምቦራ ሲንሳ ሺሺዲ። 13 “ሃይሲ አዴዚ ዎጋፕ ካሬራ አሳይ ዎሳስ ጎይናና ማላ አሳ ባሌሴስ” ጊዳ።

14 ጳውሎስ ሃሳያና ቡሮ ዱና ዶዩሺን ጋልዮሲ አይሁዳታ “ኢንቴኖ አይሁዳ አሳቶ! ኢንቴ ሺሺዳ ዮዎይ ዴሬ ዴንሴሶ ዎይኮ ዴሬ ጊታ ሜቶን ዩጊዛ ዮዎ ጊዲዳኮ ታ ዎዝናፕ ሲያናሺን። 15 ጊዶ አቲን ኢንቴ ፓላማይ ኢሲ ኢሲ ቃላታ ጊሺኔ ኢሲ ኢሲ ሱንሳታ ጊሽ ቃሴካ ኢንቴ ዎጋ ጊሻስ ጊዲዳ ጊሽ ኢንቴ ሄን ኢንቴ ባጋራ ወርሲቲ፤ ታ ሄሳ ማላ ዮዎ ፐርዳናስ ኮዩኪ” ጊዴስ። 16 ሄሳ ጊሽ ፐርዳ ዎምቦራ ሲንሳፌ ኢስታ ኬሲዴስ። 17 ሄ ዎዴ ወሪካ አይሁዳ ዎሳ ኬሳ ሃላቃ ሶስቲኔሴ ጌቲቲዛይሳ አይኪዲ ፐርዳ ኬሳ ሲንሳን ቡኪዳ፤ ጋልዮሲ ጊዲኮ ሄሳ ወዳንካ ዩጊቤና።

**ጳርሲቂላ አቂላኔ አጲሎሳ**

18 ሄሳፌ ጉዩ ጳውሎስ ቆሮንቶሴ ካታማን ዳሮ ዎዴ ጋምዲዴስ። ሄፕካ አማኒዛ አሳይ ሞይዚን ጳርሲቂላራኔ አቂላራ ኢሲፌ ማርካቤን ጌሊዲ ሶሪያ ጌቲቲዛሶ ቢዴስ፤ አዲና ዲዛይሳ ጋሳናስ ኪንኪራዎሴ ጌቲቲዛሶን ባ ሁዔ ሜዴቲዴስ። \*\* 19 ኤፌሶኔ ጋኪዳ ማላ ጳርሲቂላኔ አቂላ ሄን አጋጊዲ ጳውሎስ አይሁዳታ ዎሳ ኬሴ ጌሊዲ አይሁዳታራ ሃሳዩቲዴስ። 20 ባናራ ጋምጎና ማላ ኢስቲ አይቺን ኢዚ “አካይ” ጊዲ አጊዴስ። 21 ጊዶ አቲን ኢዚ ኢስታፌ ሻኬቲሼ “ዎሳ ሽኔ ጊዲኮ ታ ሲማዳ ያና” ጊዴስ፤ ኤፌሶኔፕ ዴንዲዲ ማርካቤን ጌሊዲ ቢዴስ።

22 ቂሳሪያ ጌቲቲዛሶ ጋኪዳፕ ጉዩ ኬዚዲ አማኒዛይታ ሳሮ ጊዲ ሄፕ አንዎኪያ ዎዲዴስ።

23 አንዎኪያን ጉሳ ዎዴ ታኪዳፕ ጉዩ ሄፕ ዴንዲዲ ጋላቲያ ባጋራኔ ፊርጊያ ጌቲቲዛ ዴሬታራ ዩይ አዲዲ አማንዛይታ ሚንሴሴዴስ።

24 ሄ ዎዴ ኢሲ ኢስኪንዲሪያ ካታማን ዩሌቲዳ አጲሎሳ ጌቲቲዛ ኢሲ አይሁዳ አሲ ኤፌሶኔ ዩዴስ፤ ኢዚካ ታማሪዳዴኔ ጊሻ ማፃፋታ ሎዔሴ ኤሪዛዴ። 25 ኢዚ ጎዳ አጌ ታማሪዳዴኔ ዩሱሳ ጊሽ ባላይ ባይንዳ ሃሳዩዛዴኔ ሂሎ አያናን ፀጌቲሼ ታማርሲዛዴ፤ ጊዶ አቲን ኢዚ ሎዔሴ ኤሪዛይ ዮሃሂሳ ሂንቃቴ ሃላላ። 26 ኢዚካ አይሁዳ ዎሳ ኬላን ባቦንታ ዮቶ አይኪዴስ፤ ጳርሲቂላይኔ አቂላይ ኢዚ ጊዛይሳ ሲይዲኔ ኢዛ ጌዴ ባሶ ኤፌዲ ዎሳ አጌ ኢዛ ካሴፕ ሎዔሴ ኤሪሲዳ።

27 አጲሎስ ጌዴ አካያ ባናስ ኮዩን አማኒዛይቲ ኢዛ ሚንሴሴዳ፤ ሄን ዲዛ አማኒዛ አሳይካ ኢዛ ሞኪ ኤካና ማላ ኢዛስ ዳብዳቤ ሃሬዳ፤ ኢዚ ሄ ጋኪዳ ማላ ኢዛስ ዲዛ ኢሞታፕ ዴንዲዳይሳን አማኒዛይታ ዳሮ ማዲዛዴ ጊዲዴስ። 28 ጊሻ ማፃፋታ ያይሳ ሃይሳራ ጋሲ ማርካሲ ማርካሲ ዩሱሲ ኢዚ ኪርስቶሳ ጊዲዳይሳ አይሁዳታራ ዳሮ ፓላሜቲዲ ዴሬ ሲንሳን ኢስታ ላሳዴስ።

**ጳውሎስ ኤፌሶኔን**

1 አጲሎስ ቆሮንቶሴን ዲዛ ዎዴ ጳውሎስ ፕዴሃ ባጋ ዴሬራ ካንሴዲ ኤፌሶኔ ዩዲ ሄን ዲዛ ኢሲ ኢሲ አማኒዛ አሳታ ዴሚዲ 2 “ኢንቴ አማኒዳ ዎዴ ሂሎ አያና ኤኪዴቲ?” ጊዴስ፤ ኢስቲካ “ኤኪቤይኮ ሃራይ አቶሺን ሂሎ አያናይ ዲዛኮኔ ኑ ሲቤይኮ” ጊዳ።

3 ጳውሎስካ ኢስታ “ሂስቲን ኢንቴ አዛን ማቁቲዴቲ?” ጊዴስ፤ ኢስቲካ ኢዛስ “ዮሃሂሳ ሂንቃታን ማቁቲዴስ” ጊዳ።

4 ጳውሎስካ ኢስታስ “ዮሃሂሳ ሂንቃታይ ጊዲኮ አሳይ ማሮቲሳን ሲሚዳይሳ ቤሲዛ ሂንቃታኮ! ዮሃሂሲ ባ ባጋራ አሳይ ኢዛፕ ጉዩራ ዩዛ ዩሱሳ አማናና ማላ ዮቲዴስ” ጊዴስ። \*

5 ኢስቲካ ሄሳ ሲዩዳፕ ጉዩ ጎዳ ዩሱሳ ሱንሳን ማቁቲዳ። 6 ጳውሎስካ ኢስታ ቦላ ባ ኩሼ ዎሲዳ ማላ ሂሎ አያናይ ኢስታ ቦላ ዎዲን ኢስቲ ዱማ ዴሬታ ቃላራ ሃሳዩዳ፤ ቲንቢቲካ ዮቲዳ።

7 ሄ አሳቲ ወሪካ ታማኔ ናምቡ ጊዲዛይታ።

\* 18:18 አዲና ጊዛይሳ ኢሲ ኢሲ ባጋ ጋሞሶ ቃላን “ታሳላ ዎይኮ ጋላታስ ኢሜቲዛ ኢሞታ” ጌቲስ። \* 18:18 ታይ 6:18  
\* 19:4 ማቶ 3:11፤ ማር 1:4፤7፤8፤ ሉቃ 3:4፤16፤ ዮሃ 1:26-27

8 ጳውሎስ አይሁዳታ ዎሳ ኬሴ ጌሊዲ ዎሳ ካዎቴላ ጊሽ ሃሳዮቲሼኔ ኢስታ አማንሲሼ ሄቩ አጊና ኩሚል አናስካ ባቦንታ አሳስ ቆንጨሲ ዮቲዴስ። 9 ኢሲ ኢሲ አሳይ ፓላማ ዊንጊ ጊዲ አማናናስ ኮይቤና፤ ጎዳ አጌ ቆንጨን ኢዊዳ፤ ሄሳ ጊሽ ጳውሎስ ኢስታ አጊዲ ሃራሶ ቢዴስ፤ አማኒዛይታካ ዱማ ቫኪ ኬሲዲ ዊራኖሴ ቲሚርቱ ኬሳን ጋላስ ጋላስ ኢስታራ ሃሳዮቲዴስ። 10 ሄሳ ማላ አሶን ናምቡ ላይስ ጋምዲ ጊሽ ኢሲያ አውራጃን ዲዛ አይሁዳቲኔ ጊሪኬ አሳይ ወሪ ጎዳ ቃላ ሲያና ዳንዳዩዴስ።

11 ዎሲ ጳውሎሳ ባጋራ ዳሮ ማላሲሲዛ ማላታ አሲዴስ። 12 ማራቤ ዎይኮ ኢዛ አሳቴሰ ቦቺዳ ጫርቃ ኤፊዲ ሃርጋንቻታ ቦቺኮ ሃርጌይ ዩዴስ፤ ቱና አያናቲካ ባ አይኪዳ አሳቴ ኬኬቴስ። 13 ዩዩ ዩዩ አሳቴ ዳይዳንሲ ኬሲዛ ኢሲ ኢሲ አይሁዳ አሳቴ “ጳውሎስ ሳባኪዛ ዩሱሳ ሱንሳን ኢንቴ ኬዛና ማላ አዛዛይስ” ጊዲ ጎዳ ሱንሳ ቱና አያናቲ አይኪዳ አሳታ ቦላ ዌይጋና ፓጨዳ። 14 ኢሲ አይሁዳታጉ ጊዲዳ ቁሴታ ሃላቃ አስቁዌስ አቱማ ና ላፑናቲ ሄሳሳ አሲዳ።

15 ቱና አያናይካ “ታ ዩሱሳካ ኤራይስ፤ ጳውሎሳካ ኤራይስ ሺን ኢንቴ ቃስ አናንቴ?” ጊዴስ።

16 ቃሴካ ቱና አያናይ ኢዛ አይኪዳዴይ ጉፒዲ አሳታ አይኪዴስ፤ ኢስታ ቦላ ዎልቃቲዲ ዳሮ ሚኒን ማዱንዊዲ ኬሳፌ ሜላ ካሎ ባቃቲዳ። 17 ሄሲካ ኤፌሶኔን ዲዛ አይሁዳታ አቻኔኔ ጊሪኬ አሳ ኡባ አቻን ኤሬቲን ወሪካ ባቢዳ፤ ሄሳንካ ጎዳ ዩሱሳ ሱንሲ ቦንቴቲዴስ። 18 አማኒዳ አሳቴ ዳሮይ ሺቁዲ ባ ኢታ አሶ ቆንጨን ፓዊዴስ። 19 ማሮ ማሮቲዛይታጉ ዳሮቲ ባ ማሮቲዛ ማፃፋ ሺሺዲ ዴሬ ሲንሳን ታማን ፀ-ጊዳ፤ ማፃፋ ዋጋይ ሺሺ ቆዳን ኢቻሹ ታሙ ሺ ቢራ ማላ ጊዲዴስ። 20 ሃይሳ ማላን ጎዳ ቃላይ ኬሂ ዲጨሼኔ ዎኒ ዎኒ ቢዴስ።

21 ሃይሲ ወሪ ሃኒዳጉ ጉዩ ጳውሎስ ማቁዶኒያራኔ አካያ ባጋራ አዲዲ ዩሩሳላሜ ባናስ ቆፋ ቃቺዲ “ታ ሄ ጋኪዳጉ ጉዩ ታ አሮሜ ቃሴካ ቢያና ኮሺስ” ጊዴስ። 22 ባና ማዲዛይታጉ ናምፃታ ዊምቶሳኔ ኤሪስዎሳ ጌዴ ማቁዶኒያ ጌቲቲዛሶ ኪቲዲ ባስ ኢሲያ አውራጃን ጉላ ዎዴ ሄን ዴዲዴስ።

**ኤፌሶኔን ዴንዲዳ ሺሮ**

23 ሄ ዎዴ ጎዳ አጌ ጊሽ ዳሮ ሺሮይ ሜዴቲዴስ። 24 ዲሜጊሮሳ ጌቲቲዛ ኢሲ ቢራ ቆዊዛይሲ አርዌሚሴ ጌቲቲዛ ኤቃ ሚሲሴ ቢራጉ ሴሪስ ሜዲ ሜዲ ሂላንቻታስ ዎዴ ሚሼ ዴሚሴስ። 25 ኢዚካ ሄ ሂላንቻታን ሄሳ ማላ አሶን አቁዛይታ ሃራ አሳታ ኢሲ ቦላ ሺሺዲ “አሶ! ሃይሲ አሶዚ ኑስ ሚሽ ኬሲዛይሳ ኢንቴ ኤሬታ፤ 26 ሃይሲ ጳውሎሳ ጌቲቲዛይሲ ኤፌሶኔን ዓላ ጊዶንታ ኩሚሳ ኢሲያ አውራጃን ዲዛ ዳሮ ዴሬዛ አማንሲ አማንሲ ባሌሲዛይሳ ኢንቴ ወሪካ ቤዩዛይሳ ማላኔ ሲዩዛይሳ ማላ ‘አሳ ኩሼን አሴቲዳ ኤቃቲ ሙሌካ ዎሴ ጊዴቴና’ ጊ ዮቲስ። 27 ሃይሳ ኑ አሶዛስ ሎዎ ሱንሳ ሂራይሲዛይሳፌ ቦላራ ኩሚሳ ኢሲያይኔ ኩሚሳ አላሜይ ጎይኒዛ ዎጋ አርዌሚሴ ኤቃ ኬሳይካ ጎዳይ ባይንዳይሳ ጊዳና፤ ቃሴካ ኬሂ ዶቁ ጊዳ ኢዚ ቦንቾይካ ካወያና” ጊዴስ።

28 አሳይ ሄሳ ሲይዲ ኢታ ሃንቆ ሃንቁቲዲ “ኤፌሶኔ አርዌሚሳ ዎጋ ጊታ!” ጊዲ ዋሶ ዶሚዴስ። 29 ሄራካ ኩሚሳ ካታማይ ሺሮቲዴስ፤ ዴሬይካ ወሪ ኢሲ ቦላ ጊዲዲ ማቁዶኒያ አሳ ጊዲዳይታኔ ጳውሎሳራ ኢሲፌ ዩዩዛ ኢዛ ላጌታ ጋዩዮሳኔ አሪስጊሮኮሳ አይኪዲ ዴሬይ ካሴ ካዲዛሶ ዎሳን ጌሊዳ።

30 ጳውሎስካ ካሬ ኬዚዲ አሳ ሲንስ ሺቃና ኮዩን አማኒዛይቲ ዲጊዳ። 31 ሄ አውራጃ ዳናታጉ ኢሲ ኢሲ ጳውሎሳ ላጌቲ ጳውሎስ አሳይ ካሴ ካዲዛሶ ሳሊዲ ጌሎንታ ማላ አስ ኪቲዲ ዎሲዳ።

32 ሺቁዳ አሳይ ኡንዔቲዲ ኢሳዴይ ኢሲ ሚሽ ሃሳዩሺን ሃራይ ቃስ ሃራ ሃሳዩሲኔ አሳይ ወሪ ዋሴቴስ፤ ዳሪዛ ባጋ አሳይ አዛስ ሄን ሺቁዳኮኔ ኤሬና። 33 አይሁዳ አሳይ ኢስኪንዲሮሳ ጌቲቲዛይሳ ዴራ ጊዶፌ ሱጌሬስ ጌዴ ሲንስ ኬሲዳ ዎዴ ኢሲ ኢሲ አሳቲ ባ ጊሽ ኢዚ ሃሳያና ማላ ዋሲዳ፤ ኢዚካ ኢስታ ጊሽ ፓላሜታና ኮይዲ አሳይ ሙቡ ጋና ማላ ማላቲ ቤሲዴስ። 34 ጊዶ አቲን ኢዚ አይሁዳ አስ ጊዲዳይሳ ኤሪዳ ዎዴ ወሪካ ኢሲ ቦላ “ኤፌሶኔ አርዌሚሳ ዎጋ፤ ጊታ!” ጊሼ ናምቡ ሳቲ ማላ አሳይ ዋሲዴስ።

35 ሄ ካታማስ ዋና ዓፌይ አሳ ሙቡ ሂስቲዲ “ኢንቴኖ ኤፌሶኔ አሳቶ! ጊታ አርዌሚሲ ኤቃ ኬሳይኔ ሳሎጉ ዎዲዳ ኢዚ ሚሲሴ ናጊዛይ ኤፌሶኔ ካታማ አሳ ጊዲዳይሳ ኤሮንታይ አኔ? 36 ሄሳ ጊሽ ሃይሲ ሃ ቱማይ ካዴታና ዳንዳዩቶንታይሳ ማላ ኢንቴ ጉሲ ዩሺ ቆፓናሲኔ ሎዱ ጋናስ ቤሲስ። 37 ሃይታ አሳታ ዎሳ ኬሳ ቦንቆንታ ዎይኮ ኑ ዎሴ ጊዲዳይሳ ቦላ ጫሻ ቃላ ዴንሶንታ ዲሺን ኢንቴ አይኪዲ ሃ ጋሳናስ ሙ ኤሂዴታ።

38 “ሄሳ ጊሽ ዲሞጊሮሲኔ ኢዛራ ዲዛ ቢራ ሴሪስ አሲዛ ሂላንቻቲ አና ቦላካ ሞቲዛ ዮዎይ ዲኮ ፒርዳ ኬሳይ ኢስታስ ዶያ ዴስ፤ ዳናቲካ ዴቴስ፤ ኮዩዳዴ ሞታናስ ዳንዳዩስ። 39 ሃይሳፌ ሃራ ጋናስ ኢንቴ ኮይኮ ዎጋይ ዲዛ ሺቆሶን ቤዩቶ። 40 ሄሲ አቲኮ ሃቾ ሃኒዳ ሺሮይ ኑና ሞቲሶንታ ማላ ሂርጊሴስ፤ ሞቶስ ጋሲዛ ጋሶይ ባይንዳ ጊሽ ሃ ሃኒዳ ሺሮዛ ጊሽ ኑ አይሼቲኮ ጋናዚ ኑስ ዴና” ጊዴስ። 41 ኢዚ ሄሳ ጊዳጉ ጉዩ ሺቆይ ላሌቲዴስ።

**ጳውሎስ ማቁዶኒያኔ ጊሪኬ ቢዴስ**

1 አሳይ ሙቡ ጊዳጉ ጉዩ ጳውሎስ አማኒዛይታ ኢሲ ቦላ ዌይጊዲ ኢስታ ሚንሴሲዛ ቃላራ ዞሪዳጉ ጉዩ ኢስታ ሳሮኪዲ ማቁዶኒያ ባና ኬዚዴስ። 2 ኢዚ አዲ ቢዛ ዴሬን ዲዛ አማኒዛ አሳ ሎዔል ዞሪን ሚንሴሲሼ ጊሪኬ ዴሬ ቢዴስ። 3 ጊሪኬን ሄቩ አጊና ታኪዳጉ ጉዩ ማርካቤራ ሶሪያ ጌቲቲዛ ዴሬ ባናስ ቆፒዴስ ሺን አይሁዳ አሳቲ ኢዛ ቦላ ኢታ አሳና ዞሬቲዳይሳ ኤሪዲ ማቁዶኒያ ባጋራ ባና ቆፋ ቃቺዴስ።

4 ቤሪያጉ ጳሪዮሳ ና ሶጳጊሮሳ፣ ታሶሎንቁፌ አሪስጊሮኮሳኔ ሲኮንዶሳ፣ ዴርቤኔጉ ጋዩዮሲኔ ዊምቶሲ ኢሲያጉ ዊራፊሞሲኔ ቲቁቆሲ ጳውሎሳራ ኢሲፌ ቢዳ። 5 ሄይቲ ወሪ ኑጉ ካሴቲዲ



ዊሮዓዳን ኑና ናጊዳ። 6 ኑ ቃስ ኡኬላ ባዓሌፕ ጉዩ ፒሊጲሲዮሴፕ ማርካቤን ኢስቲ ዲዛሶ ዊሮዓዳ ጌቲቲዛሶ ኢቻሻንላ ጋላስ ጋኪዲ ሄን ላፑን ጋላስ ጋምዒዶስ።

**ጳውሎሲ ወርሴላን ዊሮዓዳ ቤዶደስ**

7 ሳሚንታፌ ኮይሮ ዎጋ ጋላስ ኢሲፌ ካል ማናስ ኑ ሺቂ ዲሺን ጳውሎሲ ዎንቶ ባናስ ኮሺዛ ጊሽ ሺቂዳ አሳስ ቃላ ዮቲሺን ኢዚ ዮዎዛ ሌላ ጊዶል ጋካናስ አዱሲዶስ። \* 8 ቦላ ፎቄን ዳሮ ፖዎይ ዲዛሶን ኑ ሺቂዶስ። 9 አወዳኪሴ ጌቲቲዛ ኢሲ ናቴላ ናይ ማስኮቴ ቦላ ኡቲ ዲሺን ጳውሎሲ ዮዎዛ አዱሲዳይሳፌ ዴንዲዳይሳን ኢዛ ዲስኮይ ኤኪ ቢዶስ፤ ዎልቃማ ዲስኮን ይቲቲዲ ቦላ ሄዳንሶ ፎቄፕ ዱጌ ኩንዲን አሳይ ዴንሲዛ ዎዴ ሃይቂዲ ቤቲዶስ። 10 ጊዶ አቲን ጳውሎሲ ዱጌ ዎዲዲ ናዛ ቦላ ሆኪ ኢዲሚዲኔ “ሃይቂቤና ፓፃ ዴስ፤ ዳጋሞፍቲ!” ጊዶስ። 11 ጳውሎሲ ሄሳፌ ፑዴ ፎቄ ኬዚዲ ኡኬላ ማንሲዲ አማኒዛይታራ ሚዶስ፤ ጋዴይ ዎንታና ጋካናስ አሳታራ ሃሳዮቲሺ ጋምዒዲ ቢዶስ። 12 አሳይካ ሃይቆፕ ፓዊዳ ናዛ ጌዴ ኢዛሶ ኤፊዲ ወሪካ ኡፋዮቲዶስ።

**ጳውሎሲ ዊሮዓዳፌ ሚሊዒኔ ጌቲቲዛሶ ቢዶስ**

13 ኑ ጳውሎሳ ማርካቤን ጌልላና ኮይዳ ጊሽ ካሴቲዲ ማርካቤን አሶሳ ጌቲቲዛሶ ቢዶስ፤ ኑ ሄሳ አሲዳይ ጳውሎሲ አሶሳ ጋካናስ ቶሆራ ባና ኮይዳ ጊሻሲኔ ኑ ጌዴ ሲንል ባና ማላ ኢዚ አዛዚዳ ጊሻሳ። 14 ኑ ኢዛራ አሶሳን ጋጊዲ ኢዚ ማርካቤን ጌሊን ኢዛራ ኢሲፌ ሚዒሊኔ ቢዶስ። 15 ዎንቲላ ጋላስ ሄፕ ዴንዲዲ ሲንላራ ዲዛ ኪዎሴ ጌቲቲዛሶ ጋኪዶስ፤ ቃሴ ዎንቲላ ጋላስ ሳሞሴ ጌቲቲዛሶ ፒኒዲ ሄፕ ዎንቲላ ጋላስ ሚሊዒ ጋኪዶስ። 16 ጴንፃቆስቴ ጌቲቲዛ አይሁዳታ ፓዚጋ ባዓሌ ባስ ዳንዳዮቲዳ ማላ ቦንቻና ዮሩሳላሚን ቤታና ኮይዲ ኢዚ ኢሲያን ዎዴይ አዲንታ ዲሺን ኤፌሶኔ አዲ ባናስ ኮይዶስ። ኢሲያን ኢዛስ ዎዴይ አዲንታ ማላ ኤፌሶኔ ዮጊ አዳና ኮይዶስ። ኢዚ ሄሳሶ አሳና ኮይዳይ ጴንፃቆስቴ ባዓሌስ ዮሩሳላሚን ቤታናስ ኮይዳ ጊሻሳ።

**ጳውሎሲ ኤፌሶኔ ዎሳ ኬላ ጨማታራ ወርሴላ ሞይዞ ሳርካ ሳርኬቲዶስ**

17 ጳውሎሲ ሚሊዒፕ ኤፌሶኔ ዎሳ ኬላ ጨማታ አሴ ኪቲዲ ያይጊሲዶስ። 18 ኢስቲካ ዩን ጳውሎሲ ኢስታ “ታ ኢሲያ ጌሊዳ ጋላሳፌ ሃ ሲሚን ኡባ ዎዴ ታ ኢንቴናራ ዋና ዋና ዴዒዳኮኔ ኢንቴ ኤፌታ። 19 አይሁዳቲ ታ ቦላ አሳ ዴንሲዲ ሂሊዳ ጊዶን ዳሮ ሚቶይ ታ ቦላ ጋኪኮካ ታ ኩሜላ አሽኬቴላራኔ አፋንላራ ጎዳስ አሳዲስ። ሮዎ ዴንባንካ ኢንቴ ኢንቴሶን ታ ኢንቴና ታማርሳሽ ጎሊዛይሳ ወርሳ ኢንቴስ ዮታዲስ አቲን ኢንቴና ጎሊዛ ሚሻፌ አይኮካ አሻቤኬ። 20-21 አይሁዳ አሳታ ጊዲንካ ጊሪኬ አሳ ጊዲንካ ማሮቴላን ጌሊዲ ዶሳኮ ሲማና ማላኔ ጎዳ ዮሱሳን አማናና ማላ ሎዒላ ዮታዲስ።

22 “ሃዒካ ታ ሄ ጋኪሺን ታ ቦላ አዚ ጋካናኮኔ ኤሪኪሺን ዒሎ አያናይ ታና አዛዚዳ ማላ ዮሩሳላሚ ባይስ። 23 ሄን ዱማ ዱማ ታና ቃሻይኔ ሜቶይ ናጊዛይሳ ዒሎ አያናይ ታስ ዮቲዶስ። 24 ጊዶ አቲን ጎዳ ዮሱሲ ታስ ኢሚዳ ዎሳ ዎፃ ወርሳና ጋካናሲኔ አሶ ታ ፖላና ጋካናስ ታኒ ታ ሽምፖስ ሚሽቲኬ፤ ታስ ኢሜቲዳ አሶይካ ዶሳ ሚሺራሾ ቃላ ዮቶኮ። \*

25 “ሃዒ ጋካናስ ታ ኢንቴ ጊዶን ሲሜሬታሽ ዶሳ ካዎቴል ሳባካዲስ፤ ሲማ ሃይሳፌ ጉዩ ኢንቴፌ አኒካ ሙሌ ታ አይፌሶ ቤዮንታይሳ ታ ኤራይስ። 26 ሄሳ ጊሽ ኢንቴፌ ኢሳዴይካ ዳይኮ ታ አይሽቶንታይሳ ሃቾ ታ ኢንቴና ኤሪሳይስ። 27 አይሲ ጊኮ ታ ዶሳ ቆፋ ወርሳ ኢንቴስ ዮታዲስ አቲን አይኮካ ታ ዮቶንታ አሽዳይሲ ዴና። 28 ዒሎ አያናይ ኢንቴና ዶሳ ዶርሳታ ሄማናስ ሹሚዶስ፤ ሄሳ ጊሽ ኢንቴ ሁዔሲኔ ዶሳ ዶርሳታስ ናጌቲቲ፤ ጎዳይ ባ ሱላን ዎዚዳ ዎሳ ኬላዮ ናጊቴ። 29 ታ ቢዳፕ ጉዩ ዶሳ ዶርሳታስ ሚቆቶንታ ኢታ አሳቲ ኢንቴ ጋርስ ጌላናይሳ ታ ኤራይስ። 30 ሄሳሳካ ኢሲ ኢሲ አሳቲ ኢንቴ ጊዶፌ ዴንዲዲ ጌላ ዮዎ ኢንቴና ታማርሲዲ አማኒዛ አሳፕ ዳሮታ ጌዴ ባኮ ዛራና። 31 ሄሳ ጊሽ ኢንቴና ኢሳ ኢሳ ሄሹ ላይል ቃማኔ ጋላስ አፋንፃ ዞሪዳይሳ ዩሺ ቆፒቲኔ ናጌቲቲ።

32 “ሃዒካ ኢንቴና ዶሳስ ሚንሲ ኤሳናሲኔ አማኒዛይታ ጊዶን ኢንቴስ ላታሶ ኢማናስ ዳንዳይዛ ኢዛ አዶ ኪዮቴላ ቃላስ ታ ሃዳራ ኢማዲስ። 33 ታ አና ቢራካ ዎርቃ ዎይኮ ማይዎ አሞታቤኬ። 34 ታ ታ ኩሼን አሳ አሳዳ ታስ ማዴታዳ ታናራ ዲዛይታካ ማዲዳይሳ ኢንቴካ ኤፌታ። 35 ‘ሃ ኤኪዛዴፌ ጌዴ ኢሚዛይዴ አንጄቲዳዴ’ ጊዛ ጎዳ ዮሱሳ ቃላ ኑ ዩሺ ቆፒዲ ኑርካ ኑ ኩሼራ ኑ አሲ ዴሚዲ ሃራ ዳቡራንቻታ ጌዴ ማዳናስ ኑስ ቤሲዛይሳ ታ ኢንቴና ዳሮ ዱማ ዱማ አጌራ ቤሳዲስ” ጊዶስ።

36 ሄሳፌ ጉዩ ጳውሎሲ ኡባ አሳራ ጉልባቲዲ ዎሲዶስ። 37 አሳይ ወሪ ዮኪዲ ጳውሎሳ ኢዲሚ አይኪዲ ዮሪዶስ። 38 ሃራፕካ ኢስቲ ዳሮ ሚሽቲዳይ ኢዚ “ሃይሳፌ ጉዩን ኢንቴ ናምዓንሶ ታና ቤዮኬታ” ጊዳ ጊሻሳ፤ ሄፕካ ኢዛ ማርካቤኮ ጋካናስ ሞይዚዳ።

**ጳውሎሲ ዮሩሳላሚ ቢዶስ**

1 ኑ ኢስታፌ ሻኬቲዲኔ ማርካቤን ጌሊዲ ሲቲ ጊዲ ቆሴ ጌቲቲዛ አባ ጊዶን ዲዛ ዴሬ ቢዶስ፤ ዎንቲላ ጋላስ ሃራ ኤርዶሴ ጌቲቲዛ አባ ጊዶን ዲዛ ዴሬ ጋኪዶስ። ሄፕካ ኢሲ ጳራ ጌቲቲዛ ካታማ ቢዶስ። 2 ሄን ጌዴ ፒንቂ ጌቲቲዛሶ ቢዛ ማርካቤ ዲዛሮ ዴሚዲኔ ኢዚን ጌሊዲ ቢዶስ። 3 አባ ጊዶን ዲዛ ቆጲሮሴ ጌቲቲዛ ዴሬፕ ሃዲርሳ ባጋን ዮጊዲ ሶሪዮ ጌቲቲዛ ዴሬ ቢዲ ዊርሴ ጌቲቲዛ አባ

\* 20:7 “ሳሚንታፌ ኮይሮ ጋላሳን” ቄራ አማርስ ዎጋይ ዎንታናወ ጉሳ። \* 20:24 29.ም 4:7



አቻን ዲዛ ዴሬ ቢዶስ፤ ሄሳስ ጋሶይ ማርካቤያ ባ ጫኔቲዳ ጫና ሄን ዎሳናስ ኮሺዛ ጊሻሳ። 4 ሄን አማንዛይታ ኮዬ ዴሚዲ ኢስታራ ላፑን ጋላስ ጋምሲዶስ፤ ኢስቲካ ሂሎ አያና ካሌሶን ጳውሎሳ “ዮሩሳላሜ ቦፓ” ጊዲ ዮቲዳ። 5 ኑ ሄን ጋምሳና ዎዴይ ወሪን ኢስታሬ ሻኬቲዲ ኑ አጌ ቢዶስ። ኢስቲ ወሪ ባ ማቼታራኔ ባ ናይታራ ኢሲሬ ካታማፕ ካሬ ኬዛና ጋካናስ ኑና ሞዬዚዳ፤ አባ አቻን ኑ ወሪ ጉልባቲዲ ዎሲዳፕ ጉዬ ዴንዲዲ ኢሶይ ኢሳራ ሳርኬቲዲ ሻኬቲዶስ። 6 ሄሳሬ ጉዬ ኑ ማርካቤን ጌሊን ኢስቲ ጌዴ ባሶ ሲሚዳ።

7 ኑ ሂሮሴፕ ዴንዲዲ ጌዴ ጲሂላማይሴ ጌቲቲዛሶ ጋኪዶስ። ሄንካ አማኒዛ አሳራ ጋጊዲ ሳርኬቲዲ ሄን ኢስታ አቻን ኢሲ ጋላስ ጋምሲዶስ። 8 ዎንቴሳ ጋላስ ሄፕ ኬዚዲ ቂሳሪያ ጌቲቲዛሶ ቢዶስ፤ ቂሳሪያን ላፑን ዳቆኔታፕ ኢሳ ዎንጌላዌ ጲልጳሳሶ ጌሊዲ ኢዛ አቻን ሼምፒዶስ። \* 9 ኢዛስ ናቤ ጊዲዳ አይዱ ጌሎንታ ጌላዎ ናይቲ ዴቲስ።

10 ዳሮ ጋላስ ኑ ሄን ጋምሲን ኢሲ አጋቦሳ ጌቲቲዛ ናቤይ ዩሁዳ ዴሬፕ ዩዴስ። 11 ሄ ናቤይ ኑኮ ሺቂዲኔ ጳውሎሳ ዳንጮ ኤኪዲ ባ ቶሆኔ ባ ኩሼ ቃቺዲ “ሂሎ አያናይ ሃይሳ ዳንጫ ጎዳ ዮሩሳላሜን ዲዛ አይሁዳ አሳቲ ሃይሳሶ ቃቺዲ አይዛቤታስ አሲ ኢማና ጌስ” ጊዴስ።

12 ሄሳ ሲይዲ ኑካ ኑናራ ዲዛ አሳይካ ጳውሎሲ ዮሩሳላሜ ቦንታ ማላ ዎሲዶስ። 13 ቃስ ጳውሎሲ “ኢንቴ አይሲ ዩኪ ዩኪዲ ታ ዎዝና አዛስ ሜንጴቲ? ታኒ ጎዳ ዮሱሳ ሱንሳ ጊሽ ዮሩሳላሜን ቃሾ ሃላላ ጊዶንታ ሃይቃናስካ ጊጌታዲስ” ጊዴስ።

14 ኢዚ ኑ ዞሬ ኤኮንታ ኢዲን “ሂስቲኮ ጎዳ ሼኔይ ሃኖ” ጊዲ አጋጊዶስ።

15 ኑ ሄን ጉሳ ጋላሳታ ጋምሲዳፕ ጉዬ ኑ ሚሼ ወርሲ ጊጊሲዲ ኤኪ ዮሩሳላሜ ቢዶስ። 16 ቂሳሪያን ዲዛ ኢሲ ኢሲ አማንዛይቲ ኑናራ ኢሲሬ ዩዳ፤ ኢስቲካ ኑኒ ሚናሶኔ ኬሳን ዳና ማላ ኑና ኢዛሶ ካሌሲዳ፤ ሚናሶኔ ካሴቲዲ አማኒዳ ቆጲሮሴ ዴሬ አሳ።

**ጳውሎሲ ዮሩሳላሜን ያቆቤ ቤዩዴስ**

17 ኑ ዮሩሳላሜ ጋኪዳ ማላ አማንዛይቲ ኑና ኡፋይሳን ሞኪ ኤኪዳ። 18 ዎንቴሳ ጋላስ ጳውሎሲ ኑናራ ያቆቤኮ ቢዴስ፤ ሄ ዎዴ ዎሳ ኬሳ ጫማቲ ሄን ዴቲስ። 19 ጳውሎሲ አሳ ወርሲ ሳርሲዳፕ ጉዬ ሲ ኢዛ ባጋራ አይዛቤታ ጊዶን አሲዳይሳ ወርሲ ኢሲኖ አሾንታ ዮቲዴስ።

20 ሄሳ ሲይዲ አሳይ ወሪ ዶሴ ጋላቲዶስ፤ ጳውሎሲካ “ኑ ኢሻዞ ዳሮ ሺያን ቆዴቲዛ አማኒዛይቲ አይሁዳታ ጊዶን ዲዛይሳኔ ወሪካ ሙሴ ዎጋ ዎዝናፕ ናጊዛይታ ጊዲዳይሳ ኔካ ኤራሳ። 21 ኔኒ አይዛቤታ ጊዶን ዲዛ አይሁዳታ ‘ኢንቴ ናይታ ቃፃሮፕ ዎይኮ ዎጋታ አሶፍቴ ጋዳ ኔ ታማርሲዳ አሳይ ሙሴ ዎጋ ሻራና ማላ አሴስ ጊዛ ዎሬ አሳይ ሲይዴስ። 22 ሂስቲን ሃሂ አዜ ሎዶይ? ሃሂ ኔ ዩሳ አሳይ ሲዮንታ አጌና። 23 ሄሳ ጊሽ ኑ ኔና ጊዛይሳ አሳ፤ ኑ አቻን ታሳላ ጋሳና ዩዳ አይዱ አሳቲ ዴቲስ። \* 24 ኔ ኢስታ ኔናራ ኤካዳ ኢስታራ ጊዳዳ ኔና ጊሻ፤ አሳቲ ባ ሁጫ ሜዴታና ማላኔ ዶሳ ኬሳን ኢሜቲዛ ሙፁዎታ ሚሻ ኔ ኢስታስ ቃንፃ፤ ኔ ሄሳሶ አሲኮ ኔ ቦላ ዎሬቲዳይሲ ወሪ ሜላ ጊዲዳይሳኔ ኔካ ሙሴ ዎጋ ፖላ ናጊዛዴ ጊዲዳይሳ አሳይ ወሪ ኤራና። 25 ሂንኮ አይዛቤታፕ አማኒዳይታ ጊሽ ጊዲኮ ‘ኤቃስ ሹኬቲዲ ቱኒዳይሳ ሞፒቴ፣ ሱሲካ ኡዮፒቴ፣ ባወታ ሃይቂዳ ሜሄ አሾ ሞፒቴ፣ ላይማሬ ሃኪቴ’ ጊዲ ጫማቲ ቃቺዳ ቃላ ዳብዳቤ ፃሬዲ ኑ ኢስታስ ዮዲዶስ።” \*

26 ሄሳሬ ጉዬ ጳውሎሲ ሄ አይዱ አሳታ ባናራ ኤኪዲ ዎንቴሳ ጋላስ ኢስታራ ባና ጊሺዴስ፤ ኢስቲ ጌዩዛ ጋላሳቲ አፑን ጋላሲኮኔ ኢሳዴ ኢሳዴ ጊሽ ኢሜቲዛ ሚሽ ኢሚዛ ዎዴይ አይዴኮኔ ኤሪሳናስ ዶሳ ኬሴ ጌሊዴስ።

**ጳውሎሲ ዶሳ ኬሳን ዲሼ አይኬቲዴስ**

27 ላፑን ጋላስ ኩማና ማቲሺን ኢሲያ ዴሬፕ ዩዳ አይሁዳ አሳይ ጳውሎሳ ዶሳ ኬሳን ቤዩዲ ዴራ ኢዛ ቦላ ዴንጴሲዲ ኢዛ አይኪዳ። 28 “ኢስራጫሌ አሳቶ! ኑና ማዲቲ! ኑ አሳኔ ኑ ዎጋ ሃይሳ ኑ ዲዛሶዛ ጫዩሼኔ ዴሬይ ዲዛሶን ኡባን አሳ ታማርሲዳይሲ ሃይሲ ኢዛኮ! ሄሲካ ጊዴና ጊዲ አይዛቤታ ዶሳ ኬሴ ጌልሲዲ ሃይሳ ጊሻ ሶዛ ቱኒሲዴስ” ጊሼ ዋሲዳ። 29 ኢስቲ ሄሳ ጊዳ ጋሶይ ሃይሳሬ ካሴ ኤሬሶኔ ዮሌታ ጊዲዳ ሂሮሬሞሳ ኢዛራ ኢሲሬ ካታማ ጊዶን ቤዩዳ ጊሽ ኢዛ ጳውሎሲ ዶሳ ኬሴ ኤኪ ጌሊዳ ሚሳቲዳ ጊሻሳ። \*

30 ኩሜሳ ካታማይ ባ ጊዶን ሸሮቲዴስ፤ ዴሬይ ወሪ ኢሲሬ ዎዲ ኮይዲ ጳውሎሳ አይኪ ኤኪዲ ዶሳ ኬሳ ጊቤሬ ጎሼቺ ኬሲዴስ፤ ዶሳ ኬሳ ፕንጌቲ ሄራካ ጎርዴቲዳ። 31 አሳይ ጳውሎሳ ዎዳና ኮዩሺን “ዮሩሳላሜ ዲዛ ኩሜሳ ዴሬይ ባ ጊዶን ሸሮቲዴስ” ጊዛ ኪታይ አሮሜ ዎታዳራታ አዛዚዛይሳኮ ጋኪዴስ። 32 ሄሳ ጊሽ ኢዚ ዎታዳራታኔ ማቶ ሃላቃታ ካሌሲዲ ኤሶን ዎዲሼ አሳይ ዲዛሶ ቢዴስ፤ አሳይ አላንቻታ አዛዚዛይሳ ቤዩዲ ጳውሎሳ ቡካ አጊዳ።

33 ማቶ ሃላቃዚ ኢዛኮ ሸቂዲ ጳውሎሳ አይኪዲ ናምዑ ሳንሳላታን ቃሼታና ማላ አዛዚዲ ኢዚ አናኮኔ አይ አሲዳኮኔ ኤራናስ ኢዛ አይቺዴስ። 34 ዴሬይካ ባ ጊዶን ባጋይ ሄሳ፣ ባጋይ ሃይሳ ጊዴስ፤ ማቶ ሃላቃዚ ዴሬዛ ዋሶፕ ዴንዲዳይሳን ቱማይ አዎይሳኮኔ ኤራናስ ዳንዳዮቶንታ ኢዲን ጳውሎሳ ጌዴ ዎታዳራቲ ዲዛሶ ኤፋና ማላ አዛዚዴስ። 35 ጳውሎሲ ፑዴ ዶቃሶ ጋኪሺን ዴሬይ ዳሮ ሃንቆን ኢዛ ቦላ ሜቶ ጋሳናስ ኮይዳ ጊሽ ዎታዳራቲ ኢዛ ሃሼን ቶኪ ኤሬዳ። 36 ዴሬይካ “ኢዚ ሃይቆ! ሃይቆ” ጊ ዋሲሼ ኢዛ ካሊዴስ።

**ጳውሎሲ ባና አሻና ማዲዛ ዮዎ ዮቲዴስ**

37 ዎታዳራቲ ጳውሎሳ ባ ዲዛሶ ጌልሳና ማቲሺን ጳውሎሲ ዎታዳራታ አዛዚዛይሳ “ታ ኔስ ኢሲ ሚሽ ዮታና ማላ ዶሳይ?” ጊዴስ። ማቶ ሃላቃዚካ “ኔ ጊሪኬ ቃላ ኤራይ?” 38 ሂስቲን ሃሂ ማታ ዴሬ

\* 21:8 ሃዋ 6:5፤ 8:5 \* 21:23 ታይ 6:13-21 \* 21:25 ሃዋ 15:29 \* 21:29 ሃዋ 20:4

ጊደን ሜቶ ዴንጴሲዳ ሽምፖ ዎዲዳ አይዱ ሺ አሳ ኤካዳ ባዞ ባቃቲዳ ጊብዔ አደዜ ኔና ዲኪ?” ጊደስ።

<sup>39</sup> ጳውሎስካ “ታኒ ኪልቂያ ጊደን ዳሮ ኤሬቲዳ ዓርሴሴ ካታማን ዩሌቲዳ አይሁዳ አሳ፤ ሃይሳ አሳስ ታና ዮቻርኪ” ጊደስ።

<sup>40</sup> ኢዚ ሃሳያና ማላ ኤሮ ጊን ጳውሎስ ደቃሶን ኤቂዲ አሳይ ጮው ጋና ማላ ባ ኩሼራ ማላቲደስ፤ አሳይ ጮው ጊን ኢስራዴሌታ ቃላራ።

22

<sup>1</sup> “ታ ኢሻቶ! ታ አዋቶ! ታ ቦላ ዎርዶ ዎሲዳይሳስ ታ ኢንቴስ ኢሚዛ ዛሮ ሲዩቲ!” <sup>2</sup> ኢዚ አይሁዳታ ቃላራ ሃሳያሺን ሲይዲ ካሴፔ አሳይ ጮው ጊደስ፤ ጳውሎስካ ሃሳያ ጉጂዲ ሂዝጊደስ።

<sup>3</sup> “ታኒ ኪልቂያ ጊደን ዲዛ ዓርሴሴ ካታማን ዩሌቲዳ አይሁዳ አሳ፤ ታኒ ዲጪዳይ ጊደኮ ሃኒን ዩሩሳላሜና፤ ታ ኑ አዋታ ዎጋ ወርሳ ጋማልያሌፔ ሎዔሳ ታማራዲሴኔ ኢንቴ ሃች አሲዛይሳሶ ያሳስ ሱሬ ዎዝናፔ አሳሽ ዴዓዲስ። \* <sup>4</sup> ሃይሳ ሃ አጌዛ ካሊዛ አሳታ ኡባ ዎዳና ጋካናስ ጎዳሲዛ አሳኮሺን፤ ማጫታኔ አደታ ቃቻ ቃቻ ቃቻ ኬሴ ዩዲዛይሶሺን። <sup>5</sup> ሃይሲ ወሪ ቱሙ ጊዲዳይሳ ቁሴታ ሃላቃቲኔ ዴሬ ጪማቲካ ወሪ ታስ ማርካታና፤ ሃራይ አቶሺን ዳማስቆን ዲዛ አማኒዛ አሳ ቃቻ ዩሩሳላሜ ኤሃዳ ቃዓይሳናስ ዳማስቆን ዲዛይታስ ዓሬቲዳ ዳብዳቤ ቁሴታ ሃላቃታፔኔ ዴሬ ጪማታፔ ኤካዲስ።

ጳውሎስ ኪርስቶሳ ዎስቲ አማኒዳኮ ዮቲደስ

(ሃዋ 9:1-19፤ 26:12-18)

<sup>6</sup> “ታኒ ዳማስቆ ቢሸኒኔ ካታማ ጌላና ማቲሺን ሴታ ጋላስ ታ ቆፖንታ ዲሺን ሳሎፔ ዎልቃማ ፖዶይ ታና ዩይ አዲ ፖዲደስ። <sup>7</sup> ሄ ዎዴ ታኒ ቢታ ቦላ ኩንዳዳ ሳወሌ! ሳወሌ! ኔ ታና አዛስ ጎዳይ? ጊዛ ቃላ ሲያዲስ። <sup>8</sup> ታካ ‘ጎዶ ኔ አኔ?’ ጋዲስ፤ ኢዚካ ‘ታ ኔኒ ጎዲዛ ናዘሬቴ ዩሱሳ’ ጊደስ።

<sup>9</sup> ታናራ ኢሲፌ ዲዛ አሳቲ ፖዶዛ ቤዩዳ አቲን ኢዚ ታናራ ሃሳያሺን ቃላ ሲይቤቴና። <sup>10</sup> ታካ ‘ጎዶ ታ አይ አሶ?’ ጋዲስ። ጎዳይካ ‘ዴንዳዳ ዳማስቆ ባ፥ ኔ አሳናይሳ ኢስቲ ኔስ ሄን ዮታና’ ጊደስ።

<sup>11</sup> ፖዶዛ ያልቁቴሳ ዳሮፔ ዴንዲዳይሳን ታ ያላናስ ዳንዳያቤኬ፤ ታናራ ዲዛ አሳቲ ታ ኩሼ አይኪ ጎቺዲ ታና ዳማስቆ ጋሲዳ።

<sup>12</sup> ሃናኒያ ጌቴቲዛ ኢሳዴይ ሄን ዴስ፤ ሃናኒያይ ዳማስቆን ዲዛ አይሁዳታ አቻን ዳሮ ጋላቴቲዳይሳኔ ዎጋ ቦንቸዛ አሳ። <sup>13</sup> ኢዚ ታ አች ሸቂ ኤቂዲ ‘ታ ኢሻ ሳወሌ ኔ አይፌይ ቃሴካ ያሎ’ ጊደስ፤ ሄራካ ታ አይፌይ ኢዛ ያሊደስ። <sup>14</sup> ኢዚካ ታና ‘ኑ አዋንታ ያሲ ኔ ኢዛ ሸኔ ኤራና ማላ፥ ኢዛ ያሎዛ ኔ ቤያና ማላኔ ኢዚ ጊዛይሳ ኔ ሲያና ማላ ኔና ካሴቲ ዶሪደስ። <sup>15</sup> ኢዚ ሄሳ አሲዳይ ኔ ቤዩዳይሳኔ ሲዩዳይሳ አሳ ኡባ ሲንሳን ኢዛስ ኔ ማርካታናሳ። <sup>16</sup> ሂስቲን ሃዲ አዛስ ጋምዓይ? ዴንዳዳ ኢዛ ሱንስ ያይጋዳ ዓማቂታ፤ ኔ ናጋራፔካ ሜጩታ’ ጊደስ። <sup>17</sup> ሄሳፌ ጉዩ ታ ዩሩሳላሜ ሲማዳ ያሳ ኬሳን ዎሲሺን አጁታይ ታስ ቤቲደስ። <sup>18</sup> ጎዳይካ ታስ ቆንጫዲ ‘ኔ ታ ጊሽ ኢማና ማርካቴስ ኢስቲ ኤኮንታ ጊሽ ኔ ጋምፖንታ ዳሽ ዩሩሳላሜፔ ኤሌላ ኬዛ!’ ጊደስ። <sup>19</sup> ታካ ኢዛስ ‘ጎዶ ታ አይሁዳታ ዎሳ ኬሳቲ ዲዛሶ ባዳ ኔና አማኒዳይታ ኡባ ቃቻዳ ኢስታ ቡኪዳይሳ ባ ባጋራ ኢስቲካ ኤሬቴስ። <sup>20</sup> ኔ ጊሽ ማርካቲዛ ኢስቲፋኖሴ አሳይ ዎዲዛ ዎዴ ታካ ሄ ዎዲዛ አሳታ አቻን ኤቃዳ ኢስቲ ዎዲዛይሳ ታካ ዶሳዲሴኔ ዎዲዛይታ ማይዶካ ናጋዲስ’ ጊደስ። \* <sup>21</sup> ጎዳይካ ‘ሃሆን ዲዛ አይዛቤታኮ ታ ኔና ኪቲዛ ጊሽ ዴንዳዳ ባ!’ ጊደስ።

ጳውሎስ ኦሮሜ ዴሬ አስ ጊዲዳይሳ ቆንጫሲደስ

<sup>22</sup> አሳይ ሂኖ ጋካናስ ጳውሎሳ ሃሳያ ዎዝናፔ ሎዔሲ ሲዩሼ አጊዲ ባ ቃላ ደቂ ሂስቲዲ “ሃይሳ ማላ አሲ ኑ ቢታፌ ጳዮ፤ ሃይሳ ማላ አሲ ኑ ቢታን ሽምፖራ ዳናስ ቤሴና” ጊሽ ዋሲደስ። <sup>23</sup> አሳይ ዋሲሽ ባ ማይዶ ቃሪ ቃሪ ወዲሸኔ ቢታ ፑዴ ሳሎ ዳርጪደስ። <sup>24</sup> ማቶ ሃላቃዚ ሄሳ ቤዩዲ ጳውሎሳ ዎታዳራቲ ዲዛሶ ጌልሳና ማላ አዛዚደስ፤ ዴሬይካ ኢዛ ቦላ አዛስ ሄሳ ማላ ዋሲዘኮ ኤራና ማላ ኢዛ ጋራፌዲ ፓዲሳና ማላ አዛዚደስ። <sup>25</sup> ጊዶ አቲን ዳሮን ዋዲ ቃቺዲ ኢዛ ጋራፋና ጊጌቲሺን ጳውሎስ ባ አቻን ኤቂዳ ኢሲ ማቶ ሃላቃስ “ኦሮሜ አስ ፐርዳይ ባይንዳ ጋራፋናስ ኢንቴስ ፊቃዴይ ዲዜ?” ጊደስ። <sup>26</sup> ማቶ ሃላቃይ ሄሳ ሲዩዳ ማላ ጌዴ ሃላቃታ አዛዚዛይሳኮ ቢዲ “አይ አሳና ጋይ? ሃይሲ አደዜ ኦሮሜ አሳኮ!” ጊደስ። <sup>27</sup> ሄሳ ጊሽ ሃላቃታ አዛዚዛይሲ ጳውሎሳኮ ሸቂዲ “አኔ ታስ ዮታ፥ ኔ ኦሮሜ አሴ?” ጊደስ፤ ኢዚካ “ኤ ታ ኦሮሜ አሳ” ጊደስ። <sup>28</sup> አዛዚዛይሲካ “ታ ኦሮሜ አሳ ጊዳናስ ዳሮ ሚሽ ቃንዓዳ ሻማዲስ” ጊን ጳውሎስ “ታኒ ጊዲኮ ኦሮሜን ዩሌታዲስ” ጊደስ። <sup>29</sup> ሄሳ ጊሽ ኢዛ ማራማራናስ ጊጌቲዳ አሳቲ ሄራካ ኢዛ አቻፌ ሃኪዳ፤ አዛዚዛይሲካ ኢዚ ኦሮሜ አስ ሳንሳላታን ቃቺዳይሳ ዩሽ ቆፐዲ ባቢደስ።

ጳውሎስ አይሁዳታ ዱላታ ሲንስ ሸቂደስ

<sup>30</sup> ዎንቴሳ ጋላስ አዛዚዛይሲ አይሁዳቲ ጳውሎሳ ሞቲዛ አይፌ ዮዶይ አዛኮኔ ኤራናስ ኮዩደስ፤ ቁሴታ ሃላቃቲኔ አይሁዳታ ሻንጎ ዱላታ አሳይ ወሪ ኢሳዴይካ አቶንታ ኩሜስ ሸቃና ማላ አዛዚደስ፤ ጳውሎሳካ ቃሾፔ ቢርሺዲ ሸቂዳ አሳ ሲንስ ሸሺ ኤሲደስ።

23

<sup>1</sup> ጳውሎስ ዱላታ አሳ ቲሺ ሂስቲ ያሊዲ “ታ ኢሻቶ! ሃች ጋካናስ ታ ያሳ ሲንሳን ሎዶ ቆፋራ ዳይሲ” ጊደስ። <sup>2</sup> ቁሴታ ሃላቃ ሃናኒያይ ቃሴ ጳውሎሳ ዱናን ሸጫና ማላ ኢዛ አቻን ኤቂዳይታ

\* 22:3 ሃዋ 5:34-39 \* 22:20 ሃዋ 7:58

አዛዚደስ።<sup>3</sup> ሄራካ ጳውሎስ ሃናኒያ “ሃይሶ አኖራ ተቆይቶ ኪሳዞ! ኔናካ ዖሲ ሾጫና፤ ዎጋራ ፐርዳና ኡታዳ ዎጋይ ባይንዳ ታና ሾጫና ማላ አዛዛይ?” ጊደስ። \*

<sup>4</sup> ሄ ዎዴ ሄን ዲዛ አሳይ ጳውሎስ “ዖሳ ቁሴታ ሃላቃ ጫያይ?” ጊደስ። <sup>5</sup> ጳውሎስካ ኢስታስ “ታ ኢሻቶ! ኢዚ ቁሴታ ሃላቃ ጊዲዳይሳ ታ ኤራቤይኬ። ጋሶይካ ‘ኔ ዴሬ ሃላቃ ቦላ ኢታ ቃላ ጎፓ’ ጊዛይሲ ሃፊቲደስ” ጊደስ። \*

<sup>6</sup> ጳውሎስ ሄን ዲዛ አሳፔ ባጋይ ሳዱቃዌታ፣ ባጋይ ፋርሳዌታ ጊዲዳይሳ ኤራዲኔ “ታ ኢሻቶ! ታ ፋርሳዌታ ዩሌታዲሲኔ፤ ታካ ፋርሳዌታ፤ ሄኮ ሃላ ታ ፐርደታና ሺቁዳይ ሃይቁዳይቲ ዴንዳናይሳ ታ ኡፋይስ አሲዛ ጊሻሳ” ጊዲ ባ ቃላ ጶቁ ሂስቲዲ ዱላታ አሳ ሲንሳን ዮቲደስ። \*

<sup>7</sup> ጳውሎስ ሄሳ ዮቲዳ ማላ ፋርሳዌታ ጊደኒኔ ሳዱቃዌታ ጊደንካ አሺ ዴንዲን ዱላታይ ናምዑ ሻኬቲ ዎዲደስ። <sup>8</sup> ጋሶይካ ሳዱቃዌቲ “ሃይቁዳይታስ ዴንሲ ዴና፤ ኪታንቻይካ ባዋ፤ አያናይካ ዴና ጊዛይታ፤ ፋርሳዌቲ ቃሴ ሄይቲ ወሪካ ዴቱስ” ጊ አማኒዛይታ። \*

<sup>9</sup> ሄሳ ዎዴ ዳሮ ሺሮይ አሳ ጊደን ሃኒደስ፤ ፋርሳዌታ ባጋታ ጊዲዳ አሲ አሲ ሙሴ ዎጋ ታማሪዛይቲ ዴንዲዲ “ኑ ሃይሳ አዴዛ ቦላ አይኮካ ኢታ ሚሽ ዴግቤኮ፤ አያናይ ዎይኮ ኪታንቻይ ኢዛስ ዮቲዳ ጊዳና፤ ኑ አይ ኤሪዞኒ?” ጊዲ ፓላሜቲዳ።

<sup>10</sup> ፓላሜይ ሚኒ ሚኒ ቢዳ ጊሽ አሳይ ጳውሎስ ታርሼራሶንታ ማላ ባቢዲ ሃላቃታ አዛዚዛይሲ “ዱጌ ዎዲዲ ጳውሎስ አሳ ጊደሬ ሃ ኬሲ ኤኪ ዩዲ ጌዴ ዎታዳራቲ ዲዛሶ ኤፊቲ!” ጊዲ ዎታዳራታ ሃላቃታ አዛዚደስ። <sup>11</sup> ዎንቴሳ ጋላስ ሌላ ጊደሰ ጎዳይ ጳውሎስ አቻን ኤቁዲ “አይኮይ ባ ኔ ዩሩሳላሜን ታስ ማርካቲዳይሳሶ አሮሜንካ ኔ ታስ ማርካታናስ ቤሴስ” ጊደስ።

**ጳውሎስ ዎዳናስ አሳይ ማቁቲደስ**

<sup>12</sup> ጋዴይ ዎንቲን አይሁዳ አሳቲ ሺቁቲዲ “ኑ ጳውሎስ ዎዶንታ ዲሼ ካስ ሞኮ፤ ሃሲካ ኡዮኮ” ጊ ጫቁቲዳ። <sup>13</sup> ሄሳ ሄ ማቆዛን ኢሲሬ ጊዲዳ አሳ ቆዳይ አይዱ ታማሬ ቦላራ ደስ። <sup>14</sup> ኢስቲካ ቁሴታ ሃላቃታኮኔ ዴሬ ጨማታኮ ቢዲ ኢስታስ “ኑ ጳውሎስ ዎዶንታ ዲሼ ካስ ሞንታ ማላ ሚንሲ ጫቁዶስ። <sup>15</sup> ሄሳ ጊዲዳ ጊሽ ኢንቴ ዴሬ ጨማታራ ዙሬቲዲ ኢዛ ኬሂ ማራማሪዛ ሚሳቲዲ ኢስቲ ኢንቴስ ጳውሎስ ኤሃና ማላ አዛዚዛይሳ አይቺቲ፤ ኑካ ኢዚ ሃ ሃና ጋካናፔ ካሴቲዲ ኢዛ ዎዳና ጊጌቲዶስ” ጊዳ።

<sup>16</sup> ጊደ አቲን ኢሲ ጳውሎስ ሚቺ ናይ ሄሳ ኢስታ ማቆዛ ሲዩዳ ጊሽ ዎታዳራቲ ዲዛሶ ቢ ጌሲዲ ዮዞዛ ጳውሎስ ዮቲደስ። <sup>17</sup> ጳውሎስካ ማቶ ሃላቃታፔ ኢሳ ባኮ ያይጊዲ “ሃይሲ ናዚ ዎታዳራታ አዛዚዛይሳስ ዮቲዛ ዮዶይ ዲዛ ጊሽ ጌዴ ኢዛኮ ኤፋ” ጊደስ። <sup>18</sup> ማቶ ሃላቃይ ናዛ ዋና አዛዚዛይሳኮ ኤኪ ጌሲዲ “ቃሼቲዳ ጳውሎስ ታና ባኮ ያይጊዲ ሃይሲ ናዚ ኔስ ዮቲዛ ዮዶይ ዲዛ ጊሽ ታ ኢዛ ኔኮ ሺሻና ማላ ታና ዎሲደስ” ጊደስ።

<sup>19</sup> አዛዚዛይሲካ ናዛ ኩሼ አይኪ ኤኪዲ ሃራሶ ፖቁዲ “ኔ ታስ ዮታናይሲ አዜ?” ጊዲ ኢዛ ዱማ አይቺደስ።

<sup>20</sup> ናዚካ “አይሁዳ አሳቲ ጳውሎስ ዮዞዛ ሎዔሲ ማራማሪዛዴ ሚሳቲሲዲ ዎንቶ ኔ ኢዛ ኢስታስ ሺሻና ማላ አይቻናስ ቃቺ ዎሲዳ። <sup>21</sup> ጊደ አቲን ኔ ኢስታስ ኤሮ ጎፓ፤ ጋሶይካ ‘ኑ ኢዛ ዎዶንታ ዲሼ ካስ ሞኮ ሃሲካ ኡዮኮ’ ጊዲ ጫቁቲዳይቲ አይዱ ታማሬ ቦላ ጊዲዛ አሲ ኢዛ ዎዳናስ አጌ ቦላ ዙጌስ፤ ሃላ ኢስቲ ናጊዛይ ኔ ዛሮ ሃላላ” ጊደስ።

<sup>22</sup> አዛዚዛይሲካ “ኔ ሃይሳ ታስ ዮቲዳይሳ ሃራ አናካ ኤሪሶፋ” ጊዲ ናዛ ሞዩዚደስ።

**ጳውሎስ ዴሬ ሃሪዛ ፊልኪሴ ሲንስ ሺቁዶስ**

<sup>23</sup> ሄሳሬ ጉዩ ዎታዳራታ አዛዚዛይሲ ማቶ ሃላቃታፔ ናምዓታ ያይጊዲ “ቃማሬ ሄሹ ሳቲ ጊዲሺን ቁሳሪያ ጌቲቲዛሶ ባና ማላ ናምዑ ያቲ ዎታዳራታ፣ ላፑን ታሙ ቶጋንቻታኔ ናምዑ ያቲ ቶራ አሳ ጊጊሲቲ፤ <sup>24</sup> ጳውሎስካ ፓራ ጊጊሲዲ ዴሬ ሃሪዛ ፊልኪሴኮ ሎዶን ጋካና ማላ አሲቲ” ጊደስ።

<sup>25</sup> ዳብዳቤ ሂዝጊ ሃፊደስ፤ <sup>26</sup> “ዴሬ ሃሪዛ ቦንቾ ፊልኪሴስ፣ ቃላዎዶሳ ሉሲዮሳፔ፤ ሳሮይ ኔስ ጊደ። <sup>27</sup> ሃይሳ አዴዛ አይሁዳ አሳቲ አይኪ ዎዳና ጊሺን ኢዚ አሮሜ አሲ ጊዲዳይሳ ታ ጋካ ኤሪዳ ጊሽ ዎታዳራታራ ጋካዳ አሻዲስ። <sup>28</sup> ኢስቲ ኢዛ አዛስ ሞቲዛኮኔ ታ ኤራና ኮያዳ ዴሬ ዱላታኮ ሺሻዲስ። <sup>29</sup> ኢስቲ ኢዛ ቦላ ሺሺዳ ሞቶይ ባ ዎጋ ጊሽ ጊዲዳይሳ ኤራዲስ፤ ጊደ አቲን ኢዛ ሃይቆስ ዎይኮ ቃሾስ ጋሲዛ ሚሽ ዴና። <sup>30</sup> ሃይሳ አዴዛ ዎዳናስ አሳይ ማቁቲዳይሳ ታ ሲያዳ ሄራካ ሲዩዳ ማላ ኔኮ ዩዳዲስ፤ ሞቲዛይቲካ ሄን ኔ ሲንሳን ባ ሞቶ ሺሻና ማላ ኢስታስ ዮታዲስ” ጊደስ።

<sup>31</sup> ሄሳ ጊሽ ዎታዳራቲ ባ አዛዜቲዳ ማላ ጳውሎስ ቃማራ ኤፊዲ አንቲጳሂሮሴ ጌቲቲዛሶ ጋሲዳ። <sup>32</sup> ዎንቴሳ ጋላስ ቶጋንቻቲ ጳውሎስ ባና ማላ አሲዲ ኢስቲ ቃስ ጉዩ ሶ ሲሚዳ። <sup>33</sup> ቶጋንቻቲ ጌዴ ቁሳሪያ ጋኪዲ ዳብዳቤዛ ዴሬ ሃሪዛይሳስ ኢሚዲ ጳውሎስ ኢዛ ሲንስ ሺሺዳ። <sup>34</sup> ዴሬ ሃሪዛይሲ ዳብዳቤዛ ናባቢዲኔ ጳውሎስ “ኔ አዋ ዴሬፔ ያዲ?” ጊ አይቺደስ። ኢዚ ኪልቁያ ዴሬ አስ ጊዲዳይሳ ኤሪዲ፤ <sup>35</sup> “ኔና ሞቲዛይቲ ዩሺን ታ ኔ ዮዶ ሲያና” ጊደስ፤ ሄርዶሳ ጊቤ ጋላን ኢዚ ናጌታና ማላ አዛዚደስ።

**አይሁዳ አሳይ ጳውሎስ ሞቲደስ**

\* 23:3 ማቶ 23:27-28 \* 23:5 ኬሳ 22:28 \* 23:6 ሃዋ 26:5፤ ፒሊ 3:5 \* 23:8 ማቶ 22:23፤ ማር 12:18፤ ሉቃ 20:27



1 ኢቻሹ ጋላሳፊ ጉዩ ቁሴታ ሃላቃ ሃናኒያይ ኢሲ ኢሲ ጨማታራኔ ዓርፁሎሳ ጌቴቲዛ ሃባቃራ ቁሳሪያ ቢደሰ፤ ኢስቲካ ደሬ አይሲዛ ፊልኪሴኮ ሺቂዲ ጳውሎሳ ሞቲዳ። 2 ጳውሎሲ ያይጌቲ ሺቂን ዓርፁሎሲ ኢዛ ሂዝጊ ሞቲዳስ “ቦንቾ ፊልኪሴ! ኑ ኔ ባጋራ ዳሮ ሳሮቴል ደሚዶስ፤ ኔ ሎዎ አይሶንካ ኑ ደሬስ ሎዔቴሲ ቤቲደስ።

3 “ሄሳ ኔ ሎዎ አሶዛ ኑ አዋን ጊዲን አይደካ ጶቁ ጊዳ ቦንቾራኔ ጋላታራ ኤኮስ። 4 ታ ሃዒ ኔና ጋምዒሶንታኔ ዳቡሪሶንታ ቃንሳራ ኔስ ዮቲዛይሳ ኪያቴሳን ኔ ኑ ጊዛይሳ ሲያና ማላ ዎሶስ።

5 “ሃይሲ አይደካ ኑስ ኢታ ሃርጌ ጊዲደስ፤ አላሜን ዲዛ አይሁዳታ ኡባ ቦላ ሜቶ ሜዴስ። ናዚራዌ ጌቴቲዛ ዎርዶ አሳታ ዋና ካሌሲዛይይ ኢዛኮ። 6 ኢዚ ዎሳ ኬሴ ቱኒሳና ጊሺን ኑ ኢዛ አይኪዶስ። [ኑ ዎጋ ማላ ኑ ኢዛ ቦላ ፐርዳና ቆፐዶስ። 7 ጊዶ አቲን ዎታዳራታ ሃላቃታ አዛዚዛይሲ ሉሲዮሲ ጋኪዲ ኑ ኩሼፕ ኢዛ ዎልቃራ ዎሲ ኤኪደስ። 8 ኢዛ ሞቲዛ አሳይካ ኔኮ ያና ማላ አዛዚደስ።] ሃይሲ ኑ ኢዛ ቦላ ሺሺዳ ሞቶዚ ወሪ ቱሙ ጊዲዳይሳ ኔ ኔ ባጋራ ኢዛ አይቻ ጋካናስ ዳንዳያሳ” ጊደስ።

9 ሂንኮ አይሁዳ አሳቲካ “ኤ ሃይሲ ዮዎዚ ወሪካ ቱሙኮ” ጊዲ አማኔቲዳ።

**ጳውሎሲ ባና አሻና አጌ ሜዲደስ**

10 ደሬ አይሲዛ ፊልኪሴይ ጳውሎሲ ሃሳያና ማላ ባ ኩሼራ ማላቲ ቤሲደስ፤ ጳውሎሲካ “ኔ ዳሮ ዎደሶፕ ሃይሳ ደሬዛ አይሲዛደ ጊዲዳይሳ ታ ኤሪዛ ጊሽ ታ ቦላ ሺቂዳ ሞቶዛስ ታ ኔስ ኡፋይሳ ዛሮ ሺሻይስ። 11 ታ ዎሳስ ጎይናናስ ዩሩሳላሜ ቢን ሃቺ ታማኔ ናምዑ ጋላሳፊ ዳሮንታይሳ ኔ ኔ ባጋራ ኤራናስ ዳንዳያሳ። 12 ዎሳ ኬሳን ጊዲን አይሁዳታ ዎሳ ኬሳን ዎይኮ ካታማ ጊዶን ታ አናራካ ፓላሜቲሺን ዎይኮ ደሬ ጊዶን ሜቶ ሜዲሺን ታና ደሚቤቴና። 13 ሃዒ ታ ቦላ ኢስቲ ሺሺዳ ሞቶዛስ አይ ማርካካ ሺሻናስ ዳንዳዮቴና።

14 “ጊዶ አቲን ታ ኔስ ቆንጨሳና ኮዩዛይ ኢስቲ ዎርዶ ጊዛ ጎዳ አጌራ ኑ አዋንታ ዎሳስ ጎይናይሲ ኔ ሙሴ ዎጋኔ ናቤታ ማፃፋን ጎሬቲዳይሳካ ኡባ አማናይስ። 15 ኢስቲካ ኡፋይስ አሲዛ ማላ ታካ ናጋራንቻቲኔ ጊሎቲ ሃይቆፕ ደንዳይሳ ዎሳን አማኔታይስ። 16 ሄሳ ጊሽ ዎሳ ሲንሳኒኔ አሳ ሲንሳን ሲዴይ ባይንዳ ሃናዮ ታስ ዳና ማላ ኡባ ሜ ሚናይስ።

17 “ታ ዩሩሳላሜ ኬዚን ታስ ዳሮ ላይስ ጊዲዳይ ጉዩ ታ ደሬ አሳስ ማዶ ሚሽኔ ዎሳስ ኢሜቲዛ ሚሽ ኤካ ያዲስ። 18 ታና ኢስቲ ዎሳ ኬሳን ደሚዳይ ታ ሄሳ ጋሲሺና፤ ሄ ዎደ ታ ጌይዛ ዎጋ ፖሊሺን ታናራ ዳሮ አሲ ደና፤ አሸኔ ሺሮይካ ደና። 19 ጊዶ አቲን ኢሲያፕ ዩዳ ኢሲ ኢሲ አይሁዳ አሳቲ ደቴስ፤ ኢስታሲካ ታና ሞቶስ ጋሲዛዚ ዲዛ ጊዲኮ ኔ ሲንሳን ታና ሞቶቶ። 20 ሄሳፊ ጉዩ ታ ዱላታ ሲንሳ ሺቂኮ ታ አሲዳ ቆሆይ ዲኮ ሄ አሳቲ ዮቴቶ። 21 ታና ሃይሳስ ጋሲዳ ጋሶይ ታ ኢስታ ጊዶን ኤቃዳ ሃይቂዳይታስ ደንሳ ደስ ጋ ዮቲዳ ጊሽ ሃቻ ፐርዳስ ኢንቴ ሲንሳ ሺቃዲስ’ ታ ጋዳ ቃላ ጶቁ ሂስታ ዮታዲስ አቲን ሃራ ታ አሲዳ ሚሺ ደና” ጊደስ። \*

22 ፊልኪሴይ ጎዳ አጌ ሎዔሲ ኤሪዛ ጊሽ “ዎታደሬታ ሃላቃታ አዛዚዛይሳ ሉሲዮሲ ዩዛ ዎደ ታ ኢንቴ ዮዎዛ ጊሽ ቃሻ ጊዲዛ ዮዎ ኢማና” ጊዲ ኢስታ ዩዲደስ። 23 ጳውሎሳ ናጊዛ ማቶ ሃላቃይ “ኢዛ ዳሮ ዋይሶንታ ሎዔሳ ናጋ፤ ኢዛ ላጌቲ ኢዛስ ኮሺዛ ሚሺ ኤኪ ዩኮ ዲጎፋ” ጊደስ።

**ጳውሎሲ ፊልኪሴይ ዲሩሲላ ሲንሳ ሺቂደስ**

24 ጉሳ ዎደፕ ካሊዲ ፊልኪሴይ አይሁዳ አስ ጊዲዳ ባ ማቼዮ ዱሪሲላራ ዩደስ፤ ጳውሎሳካ ያይጊዲ ዩሱስ ኪርስቶስን አማኖ ጊሽ ኢዚ ዮቲሺን ሲደደስ። 25 ጳውሎሲ ጊሎቴሳ ጊሽ፤ አሲ ባርካ ባና ሃሮ ጊሺኔ ቡሮፕ ያና ፐርዳ ጊሽ ዮቲን ፊልኪሴይ ባቢዲ “ሃዒ ኔ ባ፤ ሃራ ዎደ ታስ ጊሺን ታ ኔና ያይጋ ኤካና” ጊደስ። 26 ፊልኪሴይ ጳውሎሳፕ ጉቦ ኤካናስ ኡፋይሲ አሲ ናጊዳ ጊሽ ዳሮ ዎደ ጋካናስ ያይጊ ያይጊ ሃሳይሲደስ።

27 ናምዑ ላይሳፊ ጉዩ ጳርቆሶሳ ፊስዎሲ ፊልኪሴ አሳን ሹሜቲደስ፤ ፊልኪሴይ አይሁዳታ ኡፋይሳናስ ኮይዲ ጳውሎሳ ቃሾሶን አጋጊደስ።

**ጳውሎሲ ባ ዮዎዛ አሮሜ ካዎይ ቤያና ማላ አይቺደስ**

1 ፊስዎሲ ባ አይሲዛ ደሬ ቁሳሪያ ጊሊዲ ሄዥ ጋላስ አቁቲዲ ሄፕ ዩሩሳላሜ ቤደስ። 2-3 ሄን ዲዛ ቁሴታ ሃላቃቲኔ ኢሲ ኢሲ አይሁዳታ ጊዶሬ ጊታ ጊታ አሳቲ ጳውሎሳ ቦላ ባ ሞቶ ሺሺዳ፤ “ጳውሎሳ ሃ ዩሩሳላሜ ኤሂዲ ኑስ ሎዎ አሶ አሳርኪ!” ጊዲ ዎሲዳ፤ ኢስቲ ሄሳ ጊዳይ ጳውሎሳ ናጊዲ አጌ ቦላ ዎዳናስ ኮይዳ ጊሻሳ። 4 ጊዶ አቲን ፊስዎሲ “ጳውሎሲ ቁሳሪያን ቃሻ ኬሳን ናጌቴስ፤ ታካ ሃዒ ኤሴ ሲማዳ ሄ ኢዛኮ ባና። 5 ኢንቴ ጊዶሬ ዳናቴሲ ዲዛይቲ ታናራ ቁሳሪያ ቤቶ፤ ጳውሎሲ አሲዳ ቆሆይ ዲዛ ጊዲኮ ሄን ሞቶቶ” ጊደስ።

6 ፊስዎሲ አሱፕን ዎይኮ ታሙ ጋላሳፊ ዳሮንታ ዎደ ኢስታራ ጋምዒዳፕ ጉዩ ቁሳሪያ ቤደስ፤ ሄ ጋኪዳ ማላ ዎንቴሳ ጋላስ ፐርዳ ዎምቦራ ቦላ ኡቲዲ ጳውሎሳ ኢዛኮ ሺሻና ማላ አዛዚደስ።

7 ጳውሎሲ ኢዛ ሲንሳ ሺቂን ዩሩሳላሜፕ ዩዳ አይሁዳቲ ጳውሎሳ ጊዶሲዲ ማርካይ ባይንዳ ዳሮ ደዎ ሞቶ ኢዛ ቦላ ሺሺዳ።

8 ጳውሎሲካ “ታኒ አይሁዳ ዎጋ ቦላ ጊዲን ዎሳ ኬሳ ቦላ ዎይኮ አሮሜ ካዎ ቁሳራ ቦላካ ጋሲዳ ቆሆይ ደና” ጊዲ ኢስታ ሞቶዛ ሻሪዛ ዛሮ ኢስታስ ኢሚደስ።

9 ጊዶ አቲን ፊስዎሲ አይሁዳታ ኡፋይሳናስ ኮይዲ ጳውሎሳ “ኔ ዩሩሳላሜ ባዳ ሃይሳ ዮዎዛ ሄን ታ ሲንሳን ፐርደታና ኮያይ?” ጊደስ። 10 ጳውሎሲ ቃሴ ሂዝጊዲ ኢዛስ ዛሪደስ “ሄኮ ታ ፐርደታናስ

\* 24:21 ሃዋ 23:6



ታስ ቤሲዛ ቁሳሬ ፐርዳ ዎምቦራ ሲንሳን ኤቃዲስ፤ ነካ ሎዔሳ ኤሪዛ ማላ ታ አይሁዳታ ቦላ አሲዳ አይኮ ቆሆይካ ደና። 11 ታ ቆሂዳ ጊዲኮ ዎይኮ ታና ሃይቆስ ጋሲዛ ቆሆ ታ አሲዳ ጊዲኮ ታ ሃይቆፔ አታና ጊኬ፤ ጊዶ አቲን ኢስቲ ሺሺዛ ሞቶይ ሜላ ሃዳ ጊዲኮ አኒካ ታና ኢስታስ አሲ ኢማናስ ዳንዳዮና፤ ታካ ታ ዮዶይ ቁሳሬ ሲንሳ ሺቃና ማላ ‘ዩጊባይኔ’ ጋዲስ።”

12 ሄሳ ዎዴ ፊስዎሲ ባና ዞሪዛይታራ ሃሳዮቲዲ “ኔ ቁሳሬኮ ‘ዩጊባይኔ’ ጊዛ ጊዲኮ ቁሳሬኮ ባንዳሳ” ጊዴስ።

**ጳውሎሲ አጊርጳ ሲንሳኔ ባርኒቄ ሲንሳ ሺቄዴስ**

13 ጉሳ ጋላሳታፔ ጉዬ ካዎ አጊርጳይኔ ባርኒቄይ ፊስዎሳ “ሃሹ ሎዎን ያዳሳ” ጊ ሞካናስ ጌዴ ቁሳሬያ ቤዳ። 14 ኢስቲ ሄን ዳሮ ጋላስ ኡቲዳ ጊሽ ፊስዎሲ ጳውሎሳ ዮዶዛ ካዎ አጊርጳስ ሂዝጊ ዮቲዴስ “ፊልኪሴይ ቃሾ ኬላን ዩጊ አጊዳ ኢሳዴይ ሃን ዴስ። 15 ታ ዩሩሳላሜን ዲዛ ዎዴ ቁሴታ ሃላቃቲኔ አይሁዳታ ጪማቲ ሃ አዴዛ ዮዶ ታኮ ኤሂዲ ታ ኢዛ ቦላ ፐርዳና ማላ አይቺዳ። 16 ታ ቃሴ ‘ሞቴቲዳዴይ ሞቲዛይታ ሲንሳን ኤቁዲ ባና ሞቲዛ ዮዶዛስ ቤሲዛ ዛሮ ኢሞንታ ዲሺን ሞቴቲዳዴ አሲ ኢሞ አሮሜ ካዎቴላስ ዎጋ ጊዴና” ጋዳ ዛራዲስ።

17 “ሄሳ ጊሽ ኢዛ ሞቲዛይቲ ሺቁቲዲ ዩዳ ማላ ሄራካ ዎንቴላ ጋላስ ፐርዳ ዎምቦራን ኡታዳ ጳውሎሳ ታ ሲንሳ ሺሻና ማላ አዛዛዲስ። 18 ኢዛ ሞቲዛይቲ ኢዛ አቻን ኤቁዳ ዎዴ ኢስቲ ኢዛ ቦላ ሺሺዳ ሞቶይ ታ ባጋራ ኢዚ ኢታ አሶንታ አጊና ጋዳ ቆፐርዳ ማላ ጊዲቤና። 19 ጊዶ አቲን ኢስቲ ኢዛራ ሞቴቲዛይ ባ አማኖ ጊሺኔ ጳውሎሲ ኢሲ ሃይቁዳይሳ ‘ፓዳ ዴስ’ ጊዛ ዩሱሳ ጊሽ ጊዲዴስ።

20 ታካ ሄሳ ማላ ዮዶ ቆራ ያላናስ ታና ሜቲዳ ጊሽ ጳውሎሳ ‘ኔ ዩሩሳላሜ ባዳ ሄሳ ዮዶዛ ሄን ፐርዴታና ኮያይ?’ ጋዲስ። 21 ሂዝጊን ኢዚ ቃሴ ዮዶዚ አሮሜ ካዎ ሲንሳን ቤዮታና ማላ ኮይዲ ‘ታ ዮዶይ ቁሳሬ ሲንሳ ሺቃና ማላ አይቻይስ’ ጊዳ ጊሽ ኢዛ ዮዶ ቁሳሬኮ ታ ዩዳና ጋካናስ ኢዚ ቃሾ ኬላን ጋምዳና ማላ አዛዛዲስ” ጊዴስ።

22 አጊርጳይ ፊስዎሳ “ታካ ኢዚ ጊዛ ሲያና ኮያይስ” ጊዴስ። ፊስዎሲካ “ዎንቶ ሲያንዳሳ” ጊዴስ።

23 ሄሳ ጊሽ ዎንቴላ ጋላስ አጊርጳይኔ ባርኒቄይ ካዎቲ ማይዲዛ ማዮ ማይዲዲኔ ዳሮ ቦንቾራ ዎታዳራታ ሃላቃታራኔ ሄ ካታማን ዲዛ ጊታ አሳታን አዦቤቲ ዩዲ ፐርዳ ኬሴ ጊሊዳ። ሄሳፌ ጉዬ ፊስዎሲ ጳውሎሳ ያይጊሲዴስ። 24 ፊስዎሲ ሂዝጊዴስ “ካዎ አጊርጳ፤ ቃስ ኑናራ ዲዛ አሳቶ! አይሁዳ አሳቲ ዉሪ ‘ሃይሲ አዴዚ ሃይሳፌ ጉዬ ፓዳ ዳና ቤሴና’ ጊዲ ዋሲሽ ዩሩሳላሜንካ ሃንካ ኢዛ ቦላ ፐርዴታና ማላ ኢስቲ ታና አይቺዛይ ሃይሳ ኢንቴ ቤዩዛ አዴዛ ጊሻሳ። 25 ታ ታ ባጋራ ኢዛ ሃይቆስ ጋሲዛ ኢሲ ባላካ ኢዛ ቦላ ዴማቤኬ። ኢዚ ‘ታ ዮዶይ አሮሜ ካዎ ሲንሳ ሺቁ ቤዮቶ’ ጊዳ ጊሽ ታ ኢዛ ሄ ዩዳናስ ቃቻዲስ።

26 “ጊዶ አቲን ኢዛ ጊሽ ታኒ ታ ጎዳስ ዓፋና ጊዛ ኤሬቲዳ ዮዶይ ዴና፤ ሄሳ ጊሽ ኢዛ ኢሲ ኢሲ ፓጩ አይሾታ አይቺኮ ታስ ዓፋናይሲ ዳናኮኔ ጋዳ ኢንቴኮ፤ ሃራፔካ ካዎ አጊርጳ ነኮ ሺሻዲስ።

27 ጋሶይካ ቃሾ አሲ ፑዴ ቦላቲዛ ጵቃ ዳናኮ ቢሺን ኢዚ ሞቴቲዛ ዮዶ ቆንጫሶንታ አጎይ አሳ ኤያ ኬሲዛይሲ ታስ ቤቲዴስ” ጊዴስ።

26

**ጳውሎሲ ካዎ አጊርጳ ሲንሳን ዮቲዳ ዮዶ**

1 አጊርጳ ጳውሎሳ “ኔኒ ኔ ጊሽ ሃሳያናስ ዳንዳያሳ” ጊዴስ። ጳውሎሲካ ባ ኩሼ ዴንሴዲ ዛሮ ሂዝጊ ኢሚዴስ። 2 “ካዎ አጊርጳ! ታና አይሁዳቲ ሞቲዛ ዮዶ ኡባስ ሃቸ ታ ኔ ሲንሳን ታና ማዳና ዛሮ ኢሚዛ ጊሽ ታና ዳሮ ኡፋይሴስ። 3 ጋሶይካ ኔ አይሁዳታ ዎጋኔ ኢስታ ፓላማ ኡባ ሎዔሳ ኤራሳ፤ ሄሳ ጊሽ ኔ ታ ጊዛ ኡባ ዳንዳያዳ ሲያና ማላ ታ ኔና ዎሳይስ።

4 “ታኒ ጉሳ ናቴላ ዎዴፔ ዶማዳ ዋና ዴዲዳኮ አይሁዳ አሳቲ ኤሬቲስ። ኮይሮፔ ሃዲ ጋካናስ ታኒ ታ ዴሬ አሳ ጊዶኒኔ ዩሩሳላሜን ታ ዴዲዳ ዱሲ አሳይ ኤሬስ። 5 ቃሴካ ኢስቲ ማርካታና ኮይኮ ኑ አማኖ ጊሽ ታ ኬሃ ሚንሳ ዎጋ ናጊዛ ፋርሳዌ ባጋ ጊዳዳ ጋምዲዳይ ጊዲዳይሳ ኢስቲ ኮይሮፔ ዴንሴዲ ኤሬቲስ። \* 6 ሃዲ ቃሴ ፐርዳስ ታና ሃይሳን ኤሲዳይ ያሲ ካሴ ኑ አዎታስ ኢሚዳ ጫቆ ቃላ ኡፋይሳ ጊሻሳ። 7 ሃ ኡፋይሳኮ ጋካናስ ኑ ዛርኬቲ ታማኔ ናምዓቲ ያሳ ጋላሲኔ ቃማ ጎይኒሽ ናጊዳ። ካዎ ኢንቴስ ሆላ! አይሁዳቲ ታና ሞቲዛይ ሃ ዮዶዛ ጊሻሳ። 8 ያሲ ሃይቁዳይታ ዴንሳናይሲ ዋኒዲ አይሁዳ ጊዲዳ ኢንቴ አቻን አማኒቲቤኔ?

9 “ታካ ታ ባጋራ ናዚሬቲ ዩሱሳ ሱንሳስ ኤቁታናስ ቤሴስ ጋዳ ቆፓዲስ ሺን፤ \* 10 ታኒ ዩሩሳላሜን አሲዳይካ ሄሳኮሺን፤ ቁሴታ ሃላቃታፔ ታ ኤኪዳ ጎዳቴላራ አማኒዛይታፔ ዳሮታ ቃሾ ኬላን ዩጊሳዲስ፤ ኢስታ ዎዲሺን ዎዲዛይታራ ኢሲፌ ዳይስ። 11 ዳሮ ዎዴ አይሁዳታ ዎሳ ኬላቲ ዲዛሶን አዎንካ ኢስቲ ቃዓይታና ማላኔ ባ አማኖ ካዳና ማላ አሳዲስ፤ ኢስታ ቦላ ዳሮ ሃንቁታዳካ ኢስራጌሌፔ ካሬን ዲዛ ሃራ ካታማታካ ባዳ አማኒዛይታ ጎዳዲስ።

**ጳውሎሲ ኪርስቶሳኮ ዋኒ ሲሚዳኮ ዮቲዴስ**

12 “ሃይሳ ሃ ዮዶዛስ ቁሴታ ሃላቃታፔ ኩሜሳ ጎዳቴላኔ አዛዞ ኤካዳ ዳማስቆ ጌቲቲዛሶ ታ ቢሺን፤ 13 ካዎ ኢንቴስ ሆላ! ቡሮ ታ አኒን ዲሺን ጋዴይ ሴታ ጋላስ ጊዲሺን አዎ አርሼ ፖዶፔ አዲዛ ፖዶ ቤያዲስ፤ ሄ ፖዶይ ታናኔ ታናራ ቢዛ አሳታ ዩይ አዲዲ ሳሎፔ ፖዲዴስ። 14 ኑ ዉሪካ ቢታ ቦላ ኩንዲ ዲሺን አይሁዳታ ቃላራ ‘ሳዉሌ! ሳዉሌ! ታና አዛስ ጎዳይ? ኔኒ ቃራ ማሻ ቦላ ኤቁኮ ኔርካ ኔና ቆሃሳ’ ጊዛ ቃላ ሲያዲስ።

\* 26:5 ሃዎ 23:6፤ ፒሊ 3:5 \* 26:9 ሃዎ 8:3፤ 22:4-5

15 “ታካ ‘ጎዶ! ኔ አኔ?’ ጋዲስ፤ ጎዳይካ ‘ታኒ ኔ፣ ጎዲዛ ዩሱሳኮ! 16 ሃዲ ዴንዳዳ ኔ ቶሆን ኤቃ፤ ታ ኔስ ቆንጫዳይ ኔ ታና ሃዲ ቤዩዳይሳኒኔ ሲንሳፌ ታ ኔና ቤሳናይሳን ኔ ታስ ማርካቲዛዴ ጊዳና ማላ ታ ኔና ሹማና ኮያዲስ። 17 ኢስራዔል አሳ ኩሼፔኔ ታ ኔና ኢስታኮ ኪቲዛ አይዛቤታ ኩሼፔካ አሻና። 18 ኔ ኢስታ አይፌ ዶያና ማላኔ ዱማፔ ፖፖን ኪሳና ማላ ቃሴካ ሃላዔስ ሃራቲዛሶፔ ያሳኮ ኔ ዛራና ማላ አሳና፤ ኢስቲካ ታና አማኒዳ ጊሽ ባ ናጋራፔ ማሬታና ቃሴ ዶሬቲዳይታ ጊዶን ኢስቲ ላታ ጋዴ ዴማና’ ጊዴስ።

**ጳውሎሲ ባ አሶ ጊሽ ዮቲዴስ**

19 “ሄሳ ጊሽ ካዎ አጊርጳ! ሳሎፔ ታስ ኢሜቲዳ አጁታስ ታ አዛዜታዲስ። 20 ጊዶ አቲን ታ ካሴታዳ ዳማስቆን ዲዛ አሳ ካሌሳዳ ዩሩሳላሜኒኔ ዩሁዳ ዴሬን ኡባን ዲዛይታ ቃሴካ አይዛቤቲካ ናጋራ አጌፔ ያሳኮ ሲሚዲ ማሬታና ማላ ኤሪሳዲስ፤ ኢስቲ ናጋራፔ ሲሚዳይሳ ቤሲዛዚ አሳና ማላ ታ ኢስታስ ዮታዲስ። \* 21 ሄሳ ጋሶን አይሁዳቲ ታ ያሳ ኪሳን ዲሺን ታና አይኪዲ ዎዳና ኮይዳ። 22 ሃቺ ጋካናስካ ታስ ያሳፌ ማዶይ ፓጫ ኤሬና። ሄሳ ጊሽ ጉሳስካ ጊታስካ ማርካታሼ ሃይሳን ኤቃዲስ። ናቤቲኔ ሙሴይ ካሴቲዲ ሃይሳ ማላይ ሃናና ጊዳይሳ ዮቶፔ አቲን ታ ሃራ አይኮካ ዮታቤይኬ። 23 ኢስቲካ ዮቲዳይሲ ‘ዶሲ ኪቲዳይይ ሜቶ ቤያና፣ ሃይቆፔ ዴንዶን ኮይሮ ጊዲዲ አሲ አታና ፖፖ ኢስራዔል ዴሬሲኔ አይዛቤታስ ቆንጫና’ ጊዛይሳ” ጊዴስ። \*

24 ጳውሎሲ ሄሳ ዮቲሺን ፊስዶሲ “ጳውሎሳ! ሃዲ ኔ ጎዮንታ አጋካ፤ ኔ ዳሮ ታማሪዳይሲ ኔና ጎሽዴስ” ጊ ዋሲዴስ።

25 ጳውሎሲ ጊዲኮ ኢዛስ “ቦንቾ ፊስዶሳ! ታ ኔስ ቱማ ኤራዳ ዮታይስ አቲን ጎያቤይኬ። 26 ታ ኢዛ ሲንሳን ቆንጫራ ዮቲዳ ካዎይ ሃይሳ ዮዶዛ ኤሬስ፤ ሃይሲካ ቆታራ አሴቶንታይሳ ጊዲዳ ጊሽ ካዎይ ኤራናይሳ ታ አማኔታይስ። 27 ካዎ አጊርጳ! ናቤታ አማናሳ ጊዲኪ? ኔ አማኒዳይሳ ታ ኤራይስ” ጊ ዛሪዴስ።

28 አጊርጳይካ ጳውሎሳ “ሄኮ ኔ ታና ሃኖ ጉሳ ዎዴ ጊዶን አማንሳና ኮያሳ” ጊዴስ። 29 ጳውሎሲካ ኢዛስ ዛሪዲ “ጉሳ ዎዴን ጊዲንካ ዎይኮ ዳሮ ዎዴን ኔ ሃላ ጊዶንታ ዲሺን ሃቾ ታ ዮቲዳይሳ ሲዩዳይ ወሪ ሃኖ ታ ቃሼቴሳያ አታ ወሪካ ታ ማላ ጊዳና ማላ ታ ያሳ ዎሳይስ” ጊዴስ።

30 ሄሳፌ ጉዩ ካዎይ፣ ዴሬ አይሲዛይሲ፣ ባርኒቁይኔ ኢስታራ ኡቲዳ አሳይካ ወሪ ዴንዲዴስ። 31 ኢስቲ ሄፔ ኬዚ ቢሼ ባ ጊዶን “ሃይሲ አዴዚ ሃይቆስ ዎይኮ ቃሾስ ጋሲዛ ሚሼ አይኮካ አሲቤና” ጊዳ። 32 አጊርጳይካ ፊስዶሳ “ሃይሲ አዴዚ ዮዶዛ ቁሳሬስ ሺቆ ጎንታኮ አይኮ ዎሶይ ባይንዳ ሚላ ዩዴታናኮ ሺን” ጊዴስ።

**ጳውሎሲ አሮሜ ቢዴስ**

1 ኑኒ ሃላኔ ዴሬ ማርካቤን ባና ማላ ጌቲቲ ቃሼቲዳ ጊሽ ጳውሎሳኔ ሃራ ቃሾ አሳታካ ካዎ አወጊስዶሳ ዎታዳራታፔ ጊዲዳ ዩሊዮሳ ጌቲቲዛ ማቶ ሃላቃስ አሲ ኢሚዳ። 2 ኢሲያ አባ አቻን ዲዛ ዴሬታ ቢዛ ማርካቤን ጌሊዲ ቢዶስ። ታሶሎንቁን ዲዛ ኢሲ ማቂዶኒያ አስ አሪስጊሮኮሳ ጌቲቲዛይሲ ኑናራ ዴስ።

3 ዎንቴሳ ጋላስ ሲዶና ጊዛሶ ጋኪዶስ፤ ዩሊዮሲ ጳውሎሳስ ሎዎ ጊዲዳ ጊሽ ጳውሎሲ ባ ላጌታኮ ቢዲ አሳይ ኢዛስ ኮሺዛ ማዶ አሳና ማላ ፒቃዴ ኢሚዴስ። 4 ሄፔ ዴንዲ ኑ ቢሺን ሲንሳ ባጋራ ጫርኮይ ኑ ቦላ ጫርኪዛ ጊሽ አባ ጊዶን ዲዛ ቆጲሮሴ ዴሬን ጌሜቲዲ ጌዴ ሲንሴ ቢዶስ። 5 ኪልቂያ ጊዛሶኔ ጲንፊሊያ ጌቲቲዛ ዴሬ አቻን ዲዛ አባ ፒኒዲ ሎቂያ ዴሬን ዲዛ ሙራ ጌቲቲዛ ካታማ ጋኪዶስ። 6 ሄን ማቶ ሃላቃይ ኢገሊያ ዴሬ ቢዛ ኢስኪንዲሪያ ዴሬ ማርካቤ ዴሚዲ ኑና ኢዛን ጌልሲዴስ።

7 ዳሮ ጋላስ ሎዶ ጊ ጊ ቢዲ ዳሮ ዋዩቲዲ ቃንዶሴ ጌቲቲዛ ካታማ አቺ ጋኪዶስ፤ ጫርኮይካ ኑ ሲንሳ ቦንታ ማላ ዲጊን ሳልዎና አቻራ አዲዲ ቃርጌሴ ጌቲቲዛ አባ ጊዶን ዲዛ ዴሬን ጌሜቲዲ ቢዶስ። 8 ዳሮ ዋዩቲዲ ላንቁ ላንቁ አይኪ ኑ አዲዳፔ ጉዩ ላሲያ ጌቲቲዛ ካታማ አቻን ዲዛ “ሎዎ” ጌቲቲዛ ማርካቤይ ኤቂዛሶ ጋኪዶስ። \*

9 ኑ ቢዛ አጌ ቦላ ዳሮ ዳቡራን ዎማ ዎዴይ አዲዳ ጊሽ ሃዲ አባ ቦላ ባናስ ዳሮ ሜቶ ጊዲዳ ጊሽ ጳውሎሲ ባናራ ዲዛ አሳይ ናጌታና ማላ ሂዝጊዴስ፤ 10 “አሶ! ሃይሳፌ ኑ ካሊዲ ባና ቡሳይ ዳሮ ሜቶራ ዲዛይሲ ታስ ቤቱስ፤ ማርካቤዛን ዲዛ ጫናዛ ቦላኔ ማርካቤዛ ቦላ ሃላላ ጊዶንታ አሳ ሽምፖ ቦላካ ጊታ ቆሆይ ጋካና።” 11 ማቶ ሃላቃይ ቃስ ጳውሎሳ ዞሬፔ ቦላራ ማርካቤዛ ሳጊዛ ዋናዚኔ ማራካቤዛ ጎዳይ ጊዛይሳ ሲዴይስ። 12 ሄ ማርካቤይ ኤቂዛሶይ ባልጎይ አዳና ጋካናስ ማርካቤስ ሎዎ ሽምፖሶ ጊዶንታ ጊሽ ዳሪዛ ባጋ አሳይ “ሃሙሳ ሲንሳ ጉጃናስ ዳንዳይቲኮ አዋ አርሼይ ወሊዛሶፔ ዱጌሃ ባጋራኔ ፑዴሃ ባጋራ ዲዛ ፊንቁ ጌቲቲዛሶ ቃርጌሴ ማርካቤ ሽምፖሶ ኑ ጋኪዲ ባልጎ ሄን አሶስ” ጊዲ ባ ቆፋ ሺሺዳ።

**አባ ቦላ ዳምባላይ ዴንዲዴስ**

13 ዱጌሃ ባጋራ ጉሳ ጫርኮይ ጫርኪሺን ቤዩዲ ኢስቲ ቆፒዳ ማላ ሃናና ሚሳቲን ባና ኬዚዳ፤ ማርካቤይ ኤቂዛሶፔ ባና ዴንዲዲ ቃርጌሴ አቻራ ላንቁ ላንቁ አይኪዲ አዲ ቢዳ። 14 ጊዶ አቲን ጉሳ ዎዴፔ ጉዩ “አዎ አርሼይ ዋኪዛሶፔ ፑዴሃፔ ዩዛ ጎቲ ጫርኮ” ጌቲቲዛ ኢታ ዎልቃማ ጫርኮይ

\* 26:20 ሃዎ 9:20፣ 28-29 \* 26:23 1ቆሮ 15:20፤ ኢሳ 42:6፤ 49:6 \* 27:8 ላንቁ ጊዛይሲ አባ ጊዶን ዲዛ ቃርጌሴ ጋፃ ጉሳ።

አባ ጊዶን ዲዛ ደጋፊዎች ደንዲዲ አስታኮ አባ ጊዶን ደደዱ።<sup>15</sup> ማርካቤዛ ጫርኮይ ሱጊን ጫርካራ ኤቁታናስ ዳንዳዮንታ ኢዲን ኑ ጮው ጊዲ ጫርኮይ ኤፊዛሶ ቢደስ።<sup>16</sup> ቁዳ ጌቲቲዛ አባ ጊዶንኮ ዲዛ ደጋፊ ዲዛሪን ጌጫቲዲ ኑ ቢሺን ዳሮ ዋዮቲዲ ማርካቤዛ ቁሪ ያንሎዮን አይኪዲ ኤሳናስ ዳንዳዮደስ።<sup>17</sup> ማርካቤዛ ላጊዛይቲ ቁሪ ያንሎዮ ማርካቤዛኮ ንቺ ኬሲዲ ማርካቤዛ ዎዶሮራ ሃዲዳ። ማርካቤዛ ሲርቲሴ ጌቲቲዛ አባ አጩይ ዳሪ ዲዛሶን ኩንዶንታ ማላ ባቢዲ ኢዛ ቦላ ዲዛ ሻራ ዎሲዲ ጫርኮን ላጊቲ ቢዳ።<sup>18</sup> ጎቲ ጫርኮይ ሚኒ ቢዳ ጊሽ ዎንቴላ ጋላስ ማርካቤዛን ጫኔቲዳ ሚሻታ ኢላ ኢላ አባ ጊዶን ዮጌስ አይኪዳ።<sup>19</sup> ሄቫንሶ ጋላስ ማርካቤዛስ ኮሺዛ ሚሻታካ ባ ኩሼራ ኬሲ ኬሲ ዮጊዳ።<sup>20</sup> ዳሮ ዎዶ ዎከናስ አዋ አርሼካ ያሊንቴካ ቤዮንታ አጊዳ ጊሺኔ ጫርኮይካ ካሴፕ ሚኒ ሚኒ ቢዛ ጊሽ ሃይሳፊ ጉዮ ኑ አታና ዳንዳዮኮ ጊዛ ቆፋን ኡፋይስ ቃንዲደስ።

<sup>21</sup> አሳይ ካስ ሞንታ ዳሮ ጋላስ ኡቲደስ። ሄሳ ጊሽ ጳውሎሲ አሳ ጊዶን ኤቁዲ “ሃ አሳቶ! ኢንቴ ታ ጊዛይሳ ሲይዲ ቃርዌሴፕ ደንዶንታኮ ሃ ቆዎይኔ ሃ ዳዮይ ኢንቴ ቦላ ጋኬናኮሺን።<sup>22</sup> ሃዲካ ማርካቤዛ 9ላ ቆሄታና አቲን ኢንቴፊ ኢሳዴ ሽምፖይካ ዳዮና። ሄሳ ጊሽ አይኮይ ባዋ፤ ባቦፍቲ ጋዳ ኢንቴና ዞራይስ።<sup>23</sup> ቃማ አማርስ ታ ኢዛስ ጊዲዳ ታ ጎይኒዛ ያሳይ ኪቲዳ ኪታንቻይ ታ አቻን ኤቁዲ<sup>24</sup> ‘ጳውሎሳ! ባቦፋ! ኔ ቁሳሬ ሲንሳን ኤቃና ቤሴስ፤ ሄኮ ኔናራ ኢሲፊ ቢዛይታ ወርሲ ያሲ ኔ ጊሽ ሃይቆፕ አሻና’ ጊዲ ታስ ዮቲደስ።<sup>25</sup> ሄሳ ጊሽ ኢንቴና ሃ አሳቶ አይኮይ ባዋ፤ ያሲ ታስ ሃይሳ ዮቲዳይሳ ፖላናይሳ ታ አማናይስ።<sup>26</sup> ጊዲኮካ ሃይሲ ጎቲ ጫርኮይ ጌዴ ኢሲ አባ ጊዶን ዲዛ ደጋፊ አቺ ኤፊዲ ኑና ዮጋና” ጊደስ።

<sup>27</sup> ታማኔ አይዳንሶ ቃማ አንዲሪያ አባ ጊዶን ጫርኮይ ኑና ዋይሲሺን ቢሼ ሌላ ጊዶስ ማርካቤዛ ላጊዛይታስ አባፊ ቢታ ቦላ ጋኪዳ ሚሳቲደስ።<sup>†</sup> <sup>28</sup> ሄሳ ጊሽ አባ ጨማቴሲ ኤራናስ አባን ዮጊ ዪሊዛ ዎዶ ኢስቲ ዮጊ ዪሊሺን፤ አባ ጨማቴሲ አይዳ ታሙ ሜትሬ ኬና ጊዲ ቤቲደስ፤ ጋምዲሽ ሃዲካ ዮጊን ሄኸ ታሙ ሜትሬ ኬና ጨማ ጊዲዳይሳ ዴሚዳ።<sup>29</sup> ኑ ዲዛ ማርካቤይ አባ ጋዋን ዲዛ ዛላ ሹቻራ ኢጩቶንታ ማላ ባቢዲ ማርካቤዛፕ ጉዮ ባጋራ ማርካቤይ ቃዎንታ ማላ ናጊዛ ጳሺኬ ዱጌ አባ ጊዶን ዮጊዳ። ሄሳፊ ጉዮ ኢስታስ ቃማይ ዎንታና ማላ ዎሳ አይኪዳ።<sup>30</sup> ማርካቤዛ ላጊዛይቲ ማርካቤዛፕ ኬዚዲ ባቃታና ኮይዳ ጊሽ ማርካቤዛፕ ሲንሳ ባጋራ ማርካቤ ናጊዛ ጳሺኬ ዮጊዛ ሚሳቲዲ ማርካቤዛ ቦላ ዲዛ ቁሪ ያንሎዮ ዱጌ አባ ጊዶን ዮጊዳ።<sup>31</sup> ሄሳ ዎዶ ጳውሎሲ ማቶ ሃላቃኔ ዎታዳራታ “ሃይቲ ማርካቤዛን ዲዛ አሳቲ ማርካቤዛ ቦላ ሽምፖዲ ኡቶንታ አጊኮ ኢንቴካ አታና ዳንዳዮኬታ” ጊደስ።<sup>32</sup> ሄሳ ጊሽ ዎታዳራቲ ያንሎዮ አይኪዳ ዎዶሮዛ ቃንዲ ዮጊን ኢዛ አባ ቦላ ቶኬታና ማላ ዮዲ አጊዳ።

<sup>33</sup> ጋዴይ ዎንታና ጊሺን ወሪካ ካስ ማና ማላ ጳውሎሲ ኢስታ ሂዝጊ ዎሲደስ “ኢንቴ አዚ ሃናኔሻ ጊዲ ሂርጋን ካስ ሞንታ አጊን ሃቺ ታማኔ አይዳንሶ ጋላሳ።<sup>34</sup> ሄሳ ጊሽ ኢንቴ ካስ ማና ማላ ታ ኢንቴና ዎሳይስ። ኢንቴ ሚኮ ሚናና፤ ሙሌካ አይኮ ቆዎይካ ኢንቴ ቦላ ጋኬና” ጊደስ።<sup>35</sup> ኢዚ ሄሳ ጊዳፕ ጉዮ ካስ ኤኪዲ ያሴ ጋላቲዲ አሳ ኡባ ሲንሳን ካሲ ሙስ አይኪደስ።<sup>36</sup> ሄሳ ዎዶ ወሪካ ሚኔቲዲ ካስ ሚዳ።<sup>37</sup> ማርካቤዛ ጊዶን ዲዛ አሳይ ወሪ ናምው ዪታኔ ላፑን ታማኔ ኡሱፑና።<sup>38</sup> ወሪካ ሚ ካሊዳፕ ጉዮ ማርካባን ጫኔቲዳ ጊስቴዛ ዱጌ አባ ጊዶን ዮጊዲ ማርካቤዛ ዴዎ ካወሸዳ።

**ማርካቤዛ ሜቂደስ**

<sup>39</sup> ጋዴይ ዎንቲን ባ ዲዛሶ ኤሪቤቴና። ጊዶ አቲን አጩይ ዲዛሶ አባ ኩርቁንሎ ዴሚዳ። ኢስታስ ዳንዳዮቲዛኮ ማርካቤዛ ሄ ሱጊ ሺሻና ቆፕዳ።<sup>40</sup> ማርካቤዛ አይኪዛ ጳሺኬ ቃንዲዲ አባ ጊዶን ዮጊዳ። ሄ ዎዶ ማርካቤ ላጊዛ ሚሻ አይኪዳ ዎዶሮታ ቢርሺዳ። ሃ ባጋራ ዲዛ ሻራ ጫርኮ ባጋ ዶቁ ሂስቲዲ ኬዛና አባ ጋዋ ቢዳ።<sup>41</sup> ጊዶ አቲን ማርካቤዛ ዳሮ አጩይ ኮሬቲ ኡቲዳይሳራ ኢጩቲዲ ዱጌ ጉፋኒደስ፤ ሲንሳ ቦላ ዱጌ ጉፋኒ ጳሺኬቲዲ ቃዎንታይሳ ጊዲደስ። ቃስ አባ ዳምባላይ ዳሮፕ ዴንዲዳይሳን ጉዮ ባጋራ ሜቁሬቴስ አይኪደስ።

<sup>42</sup> ቃሾ አሳፕ ኢሳደይካ አባን ዎዲዲ ኬሲ ኤኮንታ ማላ ዎታዳራቲ ዎዳና ቆፕዳ።<sup>43</sup> ማቶ ሃላቃይ ቃስ ጳውሎሳ አሻናስ ኮይዳ ጊሽ ኢስታ ቆፋ ኤካና ኮይቤና። ጊዶ አቲን ሃሴ ዎዲ ኤሪዛይቲ ማርካቤዛፕ ዱጌ አባን ጉፕ ጉፕ ዎዲዲ ጌዴ ቢታ ቦላ ኬዛና ማላ አዛዚደስ።

<sup>44</sup> ሃንኮ አቲዳይቲ ሜቂ ዎዲዳ ሳንቃ ቦላ አባ ፒናና ማላ አዛዚደስ፤ ሄሳሶ ሃኒዲ ወሪካ ሳሮን አባ ጊዶፊ ቢታ ቦላ ጋኪዳ።

**ጳውሎሲ ሜላዲያ ቢታን**

<sup>1</sup> ኑ ቢታይ ዲዛሶ ሳሮቴላን ጋኪዳፕ ጉዮ ኑ ጋኪዳ አባ ጊዶን ዲዛ ደጋፊ ሜላዲያ ጌቲቲዛ ደጋፊ ጊዲዳሮ ኤሪደስ።<sup>2</sup> ሄ ደጋፊዮን ዲዛ አሳይ ዳሮ ማላሊሲዛ ኪያቴስ ኑስ አሲደስ። ሄ ዎዶ ኢራይ ቡኪዳ ጊሺኔ ሜጎ ጊዲዳ ጊሽ ታማ ኤሲዲ ኑና ሞኪ ኤኪዳ።<sup>3</sup> ጳውሎሲ አፊራ ጊዛ ሚሲ ሺሺዲ ታማን ጉጂን ታማ ሴላፕ ዴንዲዳይሳን ሾሺ ኬዚዲ ኢዛ ኩሼ ቦላ ሃዲቲደስ።<sup>\*</sup> <sup>4</sup> ማልታ አሳይ ሾሺ ጳውሎሳ ኩሼ ቦላ ሃዲቲዳይሳ ቤዩዲ “ሃይሲ አይኪ ሽምፖ ዎዲዳዴ፤ ጋሶይካ አባ ዳምባላፕካ ኢዚ አቲዲ ዩኮካ ፒርዲዛ ያሳፊ ኬሲ ኤኪዲ ፓዓ ዳና ዳንዳይቤና” ጊዲ ባ ጊዶን ሃሳዮቲዳ<sup>5</sup> ጳውሎሲ ቃስ ሾሻ ዱጌ ታማን ቆቆፍ ዮጊዲ አይኮካ ሃኒቤና።<sup>6</sup> አሳይካ “አይዴፕ አይዴ ኢዛ አሳቴሳይ

† 27:27 አንዲሪያ አባ ሜቁሬቲያ አባፊ ኢሲ ባጋራ ዲዛ አባ። \* 28:3 አፊራ ጊዛ ሚሲ ጊዛይሲ ኢሲ ኢሲ ጋም አሳቲ ቃይዳ፡ ሁንዲ ሚሲስ ጌቲስ።



ኪዳኛ፤ ወይኮ ቆጋጉታ ኩንዲዲ ሃይቃና” ጊዲ ናጊዴስ፤ ጊዶ አቲን ኢስቲ ዳሮ ዎዴ ናጊሺን ኢዛ ቦላ አይኮይኔ ሃኖንታይሳ ቤዱዲ ባ ቆፋ ላሚዲ “ሃይሲ አዴዚ ዎላ!” ጊዴስ።

7 ሄ ኑ ዲዛሶ ማታን አባ ጊዶን ዲዛ ዴሬዮ አይሲዛ ፑፑልዮሳ ጌቲቲዛዴስ ጋዴይ ዴስ፤ ሄ አዴዚ ኑና ሞኪ ኤኪዲ ባሶን ሄኸ ጋላስ ጋካናስ ሎዴሲ ኢማቲዴስ። 8 ሄን ፑፑልዮሳ አዋ ሚሻይኔ ጉሶ ሃርጌይ ሳኪን ኢቸዲ ዴስ፤ ጳውሎሲ ኢዛኮ ጌሊዲ ኢዛስ ዎሲዴሲኔ ኢዛ ቦላ ባ ኩሼ ዎሲዲ ፓሲዴስ። 9 ሄሲ ሄሳሶ ሃኒዳፔ ጉዮ ሄ ዴሬይን ዲዛ ሃራ ሃርጋንቻቲ ዩዲ ፓጊዳ። 10 አሳይካ ኑስ ዳሮ ሚሽ ኤሂዲ ኑና ቦንቸዛይሳ ኑና ቤሲዳ፤ ኑ ማርካቤን ባና ዴንዲን ኑስ ኮሺዛይሳ ማርካቤን ወርሲ ጫኒዳ።

**ጳውሎሲ ሚሊዳኔፕ አሮሜ ቢዴስ**

11 ኑ ሚሊዳኔን ሄኸ አጊና ጋምዲዳፔ ጉዮ ባልጎይ አዳና ጋካናስ አባ ጊዶን ዲዛ ዴሬዮን ጋምዲዲ ኢስኪንዲሪያፕ ዩዛ ማርካቤን ጌሊዲ ባና ዴንዲዶስ፤ ሄ ማርካቤዛ ቦላ ዲዮሲቆሮሳ ጌቲቲዛ ናምዑ ሜንቱ ኤቃታ ሚሲሌይ ዴስ። 12 ጌዴ ሲራኩሴ ጌቲቲዛ ካታማ ጋኪዲ ሄን ሄኸ ጋላስ ጋምዲዶስ። 13 ሄፔ አባ ቦላሪ ቤዲ ሬጊዮሜ ጌቲቲዛ ካታማ ጋኪዶስ፤ ሄን ኢሲ ጋላስ አቂዲ ዱጌ ባጋራ ዩዛ ጫርኮይ ጫርኪዳ ጊሽ ናምዳንሶ ጋላስ ፑቲዮሎሴ ጌቲቲዛሶ ቢዶስ። 14 ሄን አማኒዛይታ ዴሚዲ ኢስታራ ኑ ላፑን ጋላስ ጋካናስ ኡታና ማላ ኑና ዎሲዳ። ሄፔ ቃሴ አሮሜ ቢዶስ። 15 አሮሜን ዲዛ አማኒዛ አሳይ ኑ ጊሽ ሲይዲ አፒዮሴ ጌቲቲዛ ጊያኔ “ሄኸ አቆሶታ” ጌቲቲዛሶ ጋካናስ ኑና ሞካና ዩዳ፤ ጳውሎሳይካ ኢስታ ቤዩዲ ዎሴ ጋላቲዴሲኔ ሚኔቲዴስ።

**ጳውሎሲ አሮሜን**

16 ኑኒ አሮሜ ጌሊዳ ዎዴ ጳውሎሳ ናጋናስ ኢሲ ዎታዳራይ ኢዛስ ኢሜቲን ጳውሎሲ ባርካ ዳና ማላ ኢዛስ ፊቃዴይ ኢሜቲዴስ።

17 ሄኸ ጋላሳፌ ጉዮ ጳውሎሲ አሮሜን ዲዛ አይሁዳታፔ ጊታ አሳታ ባኮ ያይጊሲዴስ፤ ኢስቲካ ኢዛኮ ሸቂን “ታ ኢሻቶ! ታኒ ኢስራዴሌ ዴሬ ቦላኔ ኑ አዋታ ዎጋ ቦላ አሲዳ ኢሲ ቆሆይካ ዴና፤ ጊዶ አቲን ዩሩሳላሚን ታና ቃቸዲ አሮሜ አሳታስ አሲ ኢሚዳ። 18 አሮሜ አሳቲ ታና ቆሪ አይቸዳፔ ጉዮ ታና ሃይቆስ ጋሲዛ ሚሽ ዴምንታ አጊዳ ጊሽ ቢርሺ ዩዳና ኮይዳ። 19 ጊዶ አቲን አይሁዳ አሳይ ታ ቦላ ኢሲ ዎሶይ ባይንዳ ዩዴቶንታ ማላ ኤቁቲን ታ ዮዎይ ቆሳሬ ሲንሕ ሸቂዲ ቤቶ ጋናስ ታስ ጊዴ ጊዲዴስ። ጊዶ አቲን ታኒ ታ ዴሬታ ሞቲዛ ጋሶይ ታስ ዴና። 20 ታ ቃስ ሃዲ ኢንቴና ያይጊሲዳይ ኢንቴና ቤያናሲኔ ሃኖ ኢንቴስ ዮታናሳ። ሃይሳ ሳንሳላታን ታኒ ቃሼቲዳይ ኢስራዴሌ ናይታስ ኢሜቲዳ ኡፋይሳ ጋሶና” ጊዴስ።

21 ኢስቲካ ኢዛስ “ኔ ጊሽ ዮሁዳ ዴሬፔ ሃፌቲዳ ዴቢዳቤይ ኑና ጋኪቤና። ሃ ዩዳ አሳታፔ አኒካ ኔ ጊሽ ኢታ ሃሳዩዳይ ባዎ። 22 ሃይሳ ኔ ካሊዛ አማኖዛ ጊሽ አዋንካ አሳይ ኢታ ሃሳዩዳይ ኑ ኤርስ። ሄሳ ጊሽ ኔ ቆፋይ አዛኮኔ ኑ ሲያና ኮዮስ” ጊ ዛሪዳ።

23 ባሬ ኢዛስ ኢሚዲ ሃራ ጋላስ ኩሼ ኩሚዲ ኢዚ ዲዛ ኬሴ ዩዳ። ኢዚካ ማላዶፔ አማርስ ጋካናስ ዎሳ ካዎቱሳ ጊሽ ማርካቲሳን ባ ቆፋ ኢስታስ ቆንጨሲዴስ። ሙሴ ዎጋፔኔ ናቤታ ማፃፋታፔ ሃቃሲ ሃቃሲ ዩሶሳ ጊሽ ኢስታስ ቆንጨሲ ዮቲዴስ። 24 ኢስታፌ ኢሲ ኢሲ አሳቲ ኢዚ ዮቲዳ ቃላ አማኒዳ፤ ባጋይቲ ቃስ አማኒቤቱና። 25 ኢስቲካ ባ ጊዶን ኢሶይ ኢሳራ ቆፋን ጋንጎታ ሻኬቲዳ፤ ጳውሎሲ ወርሴሳን ዮቲሼ “ጊሎ አያናይ ናቤ ኢሳያሳ ባጋራ ካሴ ኢንቴ አዋታስ ዮቲዳይሲ ቱማኮ!

26 ኢዚ ዮቲዳ ቃላይ፡

‘ሃይሳ ዴራኮ ባዳ ኢንቴ ሲሲ ሲያና ሺን ዩሺ ቆፔኬታ፡

አይፌራ ቤያና ሺን ዎዝናን ዎሴኬታ ጋዳ ዮታ።

27 ጋሶይካ ሄ አሳታ ዎዝናይ ሙሚዴስ፡

ኢስታ ሃይሳይካ ቱሊዴስ፤

ኢስታ አይፌይ ቆቂዴስ።

ሄሳሶ ሃኖንታኮ

ኢስቲ ባ አይፌራ ቤዩዲ

ባ ሃይሳራ ሲይዲ ባ ዎዝናን ዩሺ ቆፒዲ

ታኮ ሃ ሲማናኔ

ታካ ኢስታ ፓሳናሺን” ጊዴስ።

28 “ሂስቲኮ ዎሲ አስ አሸዛ ኪታይ አይዛቤታስካ ኪቲቲዳይሳ ኢንቴ ኤሪቱ፤ ኢስቲካ ኤሮ ጊዲ ኤኬቱስ” ጊዴስ። 29 ጳውሎሲ ሄሳ ዮቲዳፔ ጉዮ አይሁዳ አሳቲ ባ ጊዶን ዳሮ ፓላሜቲሼ ኬዚ ቢዳ።

† 30 ጳውሎሲ ኪራቲዳ ኬሳን ናምዑ ላይሕ ኩሜሕ ዴዲዴስ፤ ባኮ ዩዛ አስ ወርሲ ሞኪ ኤኪዴስ።

31 ዎሳ ካዎቱሕ ሳባኮን ጎዳ ዩሶስ ኪርስቶሳ ጊሽ አኒካ ኢዛ ዲጎንታ ሃላቲሳራ አሳ ታማርሲዴስ።

† 28:29 ኢሲ ኢሲ ጊሻ ማፃፋታን ፓይዶ 29 ቦላ ዲዛ ቆፋይ ጉጀቲቤና።



**ጳውሎስ  
አሮሜ አሳስ  
ፃፊ ኪታ  
ጊዶ ቆፋ**

ሃዋሪ ጳውሎስ ኪታይ አሮሜ አሳስ ፃፊደይ ጳውሎስ አሮሜን ዲዛ ዎሳ ኬሳዮ ጋኪ ቤያናስ ቆፒዳ ጊሽ ኢስቲ ኢዛ ጊጌቲ ናጋና ማላ ኤሪሳናሲኮ። ጳውሎስ ዲዛ ቆፋይ አሮሜን ዲዛ አማኒዛ አሳራ ጉሳ ዎዴ አሲዳፕ ጉዩ ኢስቲ ኢዛ ማዲኮ ኢዚ ጌዴ ኢስፔኔ ቢታ ባናስኮ። ኢዚ ባሲ ጊሊዳ ማላ ኢስታስካ አማኖይ ጊሊን አማኒዛይቲ ባ ዱሳን አማኖ ቤሳና ማላ አማኖ ቲሚርቱ ሃኖ ኢስታስ ወርሲ ቢርሺ ፃፊደይ። ጳውሎስ ኪታይ ኩሜስ ጊዲ ቤቲዳይ ሃይሳ ሃ ኪታዛኒኮ።

ጳውሎስ አሮሜን ዲዛ አማኒዛ አሳስ ባ ሳርካ ዩዲዳፔኔ ኢስታስ ኢዚ ዎሳና ቃላ ጊሊዳፕ ጉዩ ባ ኪታስ ዋና አይፌ ዮዎ (1:17) “ዮሳፌ ቤቲዛ ጊሎቴስ አማኖኔ አማኖስ ጊዲዳ ማላ ሚሺራቾ ቃላን ቆንጨዴስ” ጊዛ ቃላ ጊዲዳይሳ ቤሴስ።

ሄሳፌ ጉዩ ጳውሎስ ሃይሳ ሃ ቆፋዛ ጉጂ አሲ ፃፊስ። አይሁዳታካ ጊዲን ዎይኮ ሃንኮ ዴሬ አሳ ጊዲን አሲ ወርካ ናጋራስ ሃራቲዳ ጊሽ ዎሳራ ኢጊንታናስ ቤሴስ። አሳይ ዎሳራ ኢጊንታናስ ዳንዳዩዛይ ዩሱስ ኪርስቶስን አማኖና። ሄሲ አሳይ ዎሳራ ዶሚዳ አራሳ ኢሲፊቴሳ አይፌይ አራሳ ዴዎ ጊዲዳይሳ ጳውሎስ ሎዴሳ ኤሪሴስ። አማኒዛይደ ዎሳራ ሳርን ዴዴስ፤ ዎሳ አያና ባጋራ ሄሳዴይ ናጋራፔኔ ሃይቆ ዎልቃፌ ዎዜቴስ፤ ሺዎፖ 5-8 ጋካናስ ጳውሎስ ዎሳ ዎጋ ጊሺኔ አማኒዛይታ ዴዎን አሲዛ ዎሳ ጊሎ አያናስ ቆፋይ አዛኮኔ ቆንጨሴስ። ቃሴካ ጉጂዲ ጳውሎስ “አሳ ዜራሳ ጊሽ ዎሳስ ዲዛ ቆፋ ጊዶን አይሁዳይኔ አይዛቤይ ኢሲፌ አይኬታናስ ዳንዳዩዜ?” ጊዛ አይሾስ ዛሮ ኢማናስ ባዜቴስ።

ቃሴካ ጳውሎስ ቆንጨሴዳ ማላ አይሁዳቲ ዩሱሳ አማኖንታ አቲዳይ ዎሳ ቆፋ ማላ። ሄሲካ ሃኒዳይ ዩሱስ ኪርስቶስ ባጋራ ዎሲ ቆንጨሴዳ ኢዛ አቶቴሳ ኪያን ኩሜስ አሳ ዜራሳ ወርካ ጋኪ ኤካና ጋሳናሳ። ጊዶ አቲን አይሁዳ አሳይ ዩሱሳን አማኖና ዎዴይ ያናይሳ ጳውሎስ አማኒስ። ወርሴሳን ጳውሎስ አማኖን ዋኒ ዴያናኮኔ ሃራፔካ አማኒዛይቲ ባ ጋርሳን ባሲ ዲዛ ጋይቶቴሳን ሲቆ አኔ ካላናስ ቤሲዛይሳ ኢስታ ኤሪሴስ። ጉጂዲካ ኢስታስ ዎሳ አሶ ጊሽ አማኒዛይቲ ባ ዴሬ ጊሽ፤ ባ ጋርሳን ኢሶይ ኢሳ ናጋናስ ቤሲዛ አላፊቴሳ ጊሺኔ ቆፋፔ ዴንዲዛ አይሻታ ወርሲ ሁዔን ሁዔን ኤሪሴስ።

- ሃ ማፃፋይ አይኪዳ ኩሜሳ ቆፋ
- ሃ ማፃፋዚ አይኪዳ አይፌ ቆፋታ 1:1-17
- አሳ ናስ አቶቴሳ ኮሺስ 1:18-3:20
- ዎሲ አሳ ና አሺዛ አጌ 3:21-4:25
- ኪርስቶስ ባጋራ ቤቲዛ አራሳ ዴዎ 5:1-8:39
- ኢስራዴሌ አሳይ ዎሳ ቆፋ ጋርሳን 9:1-11:36
- አማኒዛ አሳ ሎዎ አሶ 12:1-15:13
- ወርሴሳ ሳርካ 15:14-16:27

<sup>1</sup> ዩሱስ ኪርስቶስ አይሌኔ ሃዋሪ ጊዳናስ ዔይጌቲዳ ሚሺራቾ ቃላ ዮታናስ ጳውሎሳፔ ኪቴቲዳ ኪታ።

<sup>2</sup> ሄ ሚሺራቾ ቃላ ጊሽ ካሴ ናቤታ ባጋራ ጌሻ ማፃፋታን ኡፋይሲ ኢሜቲዴስ። <sup>3</sup> ሚሺራቾ ቃላይካ ባ ናዛ ጊሽ ኢዚ አሾ ባጋራ ዳዉቴ ዜራሳፌ ጊዲዳይሳ ዮቲዛ ጊሻሳ። <sup>4</sup> ሄሳሶካ ኑ ጎዳ ዩሱስ ኪርስቶስ ባ ጌሻቴሳ አያናን ሃይቆፔ ዴንዲዳይሲ ኢዚ ዎሳ ና ጊዲዳይሲ ጊታ ዎልቃን ቆንጨዴስ። <sup>5</sup> ኪርስቶስ ሱንሳ ጊሽ አማኖንታ ዴሬይ አማኖና ማላኔ አዛዜታና ማላ ኢዛ ባጋራ ኑኒ ሃዋራቴሳስ ጋሲዛ ኪያቴስ ኤኪዶስ። <sup>6</sup> ኢንቴካ ዩሱስ ኪርስቶስይታ ጊዳና ማላ ዔይጌቲዳይታራ ዴታ።

<sup>7</sup> ዎሳን ዶሴቲዳይታኔ ጌሻታ ጊዳናስ ዔይጌቲዳ አሮሜ ቤታን ዲዛ ኢንቴስ ኡባስ ኑ አዋ ዎሳፊኔ ኑ ጎዳ ዩሱስ ኪርስቶሳፔ ኪያቴሳኔ ሳርቴሳ ኢንቴስ ጊዶ።

**ጳውሎስ አሮሜ ቤያና ላሞቲዴስ**

<sup>8</sup> ኢንቴ አማኖይ አላሜ ኩሜሳን ሲዩቲዳ ጊሺኔ ኢንቴ ጊሽ ታ ጎዳ ዎሳ ዩሱስ ኪርስቶስ ባጋራ ጋላታይስ። <sup>9</sup> ታ ኢንቴ ጊሽ ኡባ ዎዴ አይ ማላ ቆፒዛኮኔ ዎሳ ና ሚሺራቾ ሳባኮን ታ ኩሜሳ ዎዘናፔ ኢዛስ አሲዛ ዎሳይ ታስ ማርካ። <sup>10</sup> ታኒ ታ ዎሳን ኡባ ዎዴ ኢንቴና ቆፓይስ። ሃዲ ቃሴ ወርሴሳን ዎሳ ሺኔ ጊዲኮ ታ ኢንቴኮ ባና ማላ ዎሲ ታስ አኔ ዶያና ማላ ዎሳይስ። <sup>11</sup> ኢንቴ ሚናና ማላ ማዲዛ አያና ኢሞቴሳ ታ ኢንቴስ ጊሻናሲኔ ኢንቴና አይፌራ ቤያናስ ላሞታይስ። <sup>12</sup> ሄሲካ ኢንቴኔ ታኒ ኢሶይ ኢሳራ አማኖን ሚኔታናሳ።

<sup>13</sup> ታ ኢሻቶ! ሃራሶን አማኖንታይታ ማታን ታስ ሃኒዳ ማላ ኢንቴ ማታንካ ታስ አሶ አይፌይ ቤታና ማላ ዳሮ ዎዴ ቆፓዲስ ሺን ሃኖ ጋካናስ ታ ዲጌታዳ ዲዛይሳ ኢንቴ ኤራና ማላ ኮያይስ።

\* <sup>14</sup> ታማሪዳይታስ ጊዲን ታማርንታይታስካ፤ ኤራታሲኔ ኤያታስ ኡባስ ታ ቦላ ታማርሳና አሞይ ዴስ። <sup>15</sup> ኢንቴስ አሮሜን ዲዛይታሲካ ታ ሚሺራቾ ቃላ ዮታናስ ታ አሞቲዛይ ሄሳሳ።

\* 1:13 ሃዋ 19:21

16 አማንዛይቲ ወራ አታና ማላ ያሳ ዎልቃ ጊዲዳ ጊሽ ታ ሚሺራቾ ቃላን ዩላቲኬ፤ ሄሲካ ኮይሮ አይሁዳታስ ካሊዲ አይዛቤታሳ። \* 17 “ጊሎይ ያሳ አማኖን ዴስ” ጌቲቲዲ ካሴ ፲፭፡፳፯ ማላ ያሳ ጊሎቴላ ሚሺራቾ ቃላን ቆንጨና፤ ሄ ጊሎቴላ ኮይሮፕ ወርሴስ ጋካናስ አማኖን ሃናና። \*

**አሳ ናይታ ኢታቲስ**

18 ቱማ ባ ኢታቲላኒኔ ማካላን ቱጨ አይኪዛይታ ኢታቲላ ሰላኔ ኢስታ ማካላቲላ ኡባ ሰላ ያሳ ሃንቆይ ሳሎፕ ቆንጨና። 19 ኢስቲ ኤራናስ ቤሲዛዚ ያሲ ወርሲ ኢስታስ ቆንጨሲዳ ጊሽ ኢስቲ ያሴ ኤራናስ ቆንጨና። 20 አላሜይ ሜዴቶሶፕ ሃ ሲሚን አሳ አይፊን ቤቲ ኤሮንታ ያሳ ሃኖቴላ ሄሲካ ኢዛስ ዲዛ ሜርና ዎልቃይኔ ያሳቲላይ ኢዚ ሜዲዳ ሜዴቴላን ቆንጨን ቤቲስ። ሄሳ ጊሽ አሳይ ሺሻና ጋሶይ ዴና። 21 ኢስቲ ያሴ ኤሪኮካ ኢዛ ያሳቲላ ማላ ሰንቺቤቴናኔ ጋላቲቤቴና። ጊዶ አቲን ኢስታ ቆፋይ ሜላ ጎዳይ ባይንዳዚ ጊዲዴሲኔ ዩሺ ቆፖንታ ማላ ኢስታ ዎዝናይ ዱሚዴስ። \* 22 ኢስቲ ባና “ኤራ” ጊዛይታ ጊዲኮካ ኤያታ ጊዲዳ። 23 ሜርና ያሳ ሰንቾ ሃይቂዛ አሳኒኔ ካፎታን፤ ሜሄታኒኔ ቤታ ሰላ ጎሹቲዛ ሜዴቴላታን ሚሳቲሲዲ ላሚዳ። \*

24 ሄሳ ጊሽ ያሲ ኢስታ ባ ጊዶን ኢሶይ ኢሳራ ባርካ ባ አሳቲላን ቱና አሶ አሳና ማላ ጊሻቴላ ባይንዳ ላይማቴላስ አሲ ኢሚዴስ። 25 ኢስቲ ያሳ ቱማቴስ ዎርዶን ላሚዳ፤ ሜዲዳ ያሳ አጊዲ ሜዴቴላስ ጎይኒዳኔ ኢስታስ አሲዳ። ሜዲዳ ያሲ ኢዚ ሜርናስ ጋላቴቲዳይሳ። አሚን።

26 ሄሳ ጊዶን ያሲ ኢስታ ዩላቲካ አሞቴላስ አሲ ኢሚዴስ። ኢስቲ ማሚሳቲ ባናራ ዚንዳናስ ቤሶንታይታራ ዚንዳና ማላ ባና አሲ ኢሚዳ። 27 ሄሳላካ አቱማ አሳይ ባሲ ቤሲዛ ማሚሳታራ ዚንዳናስ ቤሲሺን አይይ አይራ ዚንዳናስ አሞን ፀጌቲዲ ማሚሳታራ ዚንዲዛ ማላ አይይ አይራ ዚንዲዳ ፓላ ሚሺ አሲዳ። ሄይታንቲ ባርካ ባ አሲዳ ኢታ አሶዛስ ቤሲዛ ቂፃቴ ባ ሰላ ኤሂዳ።

28 ቃሴካ ኢስቲ ባ ቆፋራ ያሴ ኤሮይ ኑና ማዴና ጊዳ ጊሽ ኢስቲ አሳናስ ቤሶንታይሳ አሳና ማላ ያሲ ኢስታ ጎዶንታ ቆፋሶ አሲ ኢሚዴስ። 29 ኡባ ባጋራ ማካላኔ ኢታቲስ፤ ዩቄኔ ኢታ አሶን ፲፱፡፳፱ ኩሚዳ፤ ቃናቴላን፤ ሺምፖ ዎዶን፤ አሻን፤ ባሌሶኒኔ ጌኔን ኩሚዳይታ ቃሴካ ዚጊርዛይታ ጊዲዳ።

30 አሳ ሱንስ ሞሪዛይታ፤ ያሳ ኢዲዛይታ፤ አስ ሜይዛይታ፤ ኦቶራንቻታኔ ጨቁቲዛይታ ጊዲዳ፤ ኡባ ዎዴ ኢታ አሳናስ አጌ ኮይዛይታ፤ ባና ዩሊዳይታስ አዛዜቶንታይታ፤ 31 ዩሺ ቆፖንታይታ፤ ጊዳ ቃላ ዛሪ ላሊዛይታ፤ አሳስ ሚሺቶንታይታ፤ ሜንዴ ኢታታ። 32 ሄሳ “አሲዛይቲ ወሪካ ሃይቃናስ ቤሴስ” ጊዛ ያሳ ዎጋ ኢስቲ ኤሪሺ ሄይታንታ ባሲ አሶ ፲፱፡፳፱ ጊዶንታ ሄሳላካ አሲዛይታካ ሚንሴሴቴስ።

2

**ያሳ ፐርዳ**

1 ሄሳ ጊሽ ኔኖ ሃራ ሰላ ፐርዲዛይሶ ኔኒ ታ ሃኒ ጊዶን አሳዲስ ጊዛ ጋሶይ ኔስ ዴና። ኔ ሃራ አሳ ሰላ ፐርዲዛይሳን ኔርካ ኔስ ኩናኔ ኤካሳ። ጋሶይካ ሃራ አሳ ሰላ ኔ ፐርዲዛይሳ ኔካ ዛራዳ ኢዛ አሲዛ ጊሻሳ። \* 2 ሃይታ ማላታ አሲዛ አሳታ ሰላ ያሳ ፐርዳይ ሊኬ ጊዲዳይሳ ኑ ኤሮስ። 3 ሄሳ ጊሽ ኔ አሳ ሰላ ፐርዳሺ ሄ ኔ ፐርዲዛይሳ ዛራ አሲዛዴ ጊዲኮ ኔ ያሳ ፐርዳፌ ኬሳ ኤካ አታና ኔስ ሚሳቲኬ? 4 ዎይኮ ያሳ ኪያቴስ ኔና ማሮቴላኮ ካሌሲዛይሳ ሻካ ኤሮንታ ዳሺ ኢዛ ጊታ ኪያቴላኔ ኢዛ ዳንዳዎ ዱሬቴላ ኔ ሌቃይ?

5 ጊዶ አቲን ኔኒ ኔ ዎዝና ሙሜቴላኒኔ ማሮቴስ ኮኖንታ ኔ ዎዝና ጊዶን ቱማ ያሳ ፐርዳይ ቆንጨዛ ዎዴ ያሳ ሃንቆ ጋላሳስ ኔ ሰላ ዳሮ ሃንቆ ሺሻሳ። 6 ያሲ ኢሳስ ኢሳስ ኢዛ አሶ ማላ ኢማና። \* 7 ሎዎ አሶ አጎንታ አሲዲ ሰንቾ ሳባኔ ሜርና ዴዎ ኮይዛይታስ ሜርና ዴዎ ኢማና። 8 ጊዶ አቲን ባርካ ባና ዶሲዛይታሲኔ ቱማ አጋጊዲ ኢታ ካሊዛይታ ሰላ ፐርዳይኔ ሃንቆይ ጋካና። 9 ኢታ አሲዛ አይ አሳ ሰላ ኮይሮ አይሁዳ አሳ ሰላ ካሊዲ አይዛቤታ ሰላ ዋዩይኔ ሜቶይ ጋካና። 10 ጊዲኮካ ሎዎ አሲዛዴስ አናስካ አይሁዳ አሳስ ጊዲን አይዛቤታስ ሳባይ፤ ሳሮቴላኔ ሰንቾይ ጊዳና። 11 ያሲ አናካ ሻኪ ማዴና። \*

12 ካሴ ዎጋይ ኤቆንታ ዎዴ ናጋራ አሲዳ አሳይ ወሪካ ዎጋይ ባይንዳ ዳያና፤ ዎጋይ ኤቂ ሲሚን ናጋራ አሲዳይቲ ዎጋን አይኬቲዲ ፐርዴታና። 13 አይሲ ጊኮ ያሳ አቻን ጊሎ ጌቲቲዛይቲ ኤቂዳ ዎጋስ አዛዜቲዛይታፕ አቲን ዎጋ ሲሲ ሲዩዛይታ ፲፱ ጊዴቴና። 14 ዎጋይ ባይንዳ አይዛቤቲ ዎጋይ ዮቲዛይሳ ሙሜላ ሃኖቴላፌ ኤሪዲ አሲሺን ኢስታስ ዎጋይ ባይንዳ አጊኮካ ኢስታስ ሜዴቴላ ዎጋይ ዲዛ ጊሽ ኢስቲ ባ አሳናይሳ ኤራቴስ። 15 ኢስታ ዎዝናይ ኢስታስ ማርካቲዛ ጊሺኔ ኢስታ ቆፋይ ኢስታ ሞቲዛ ጊሽ ቃሴካ ኢስታ ማዲዛ ጊሽ ዎጋይ ዮቲዛይ ኢስታ ዎዝናን ፲፱፡፳፱ ጊዲዳይሳ ኤራቴስ። 16 ሄሲካ ታ ሚሺራቾ ቃላን ታማርሲዛ ማላ ያሲ አሳ ዎዝናን ቆቴቲዳይሳ ኪርስቶሳ ባጋራ ፐርዲዛ ጋላሳን ቆንጨሳና።

**አይሁዳታኔ ኢስታ ዎጋ**

17 ኔ ኔና አይሁዳ አስ ጊኮ ዎጋን አማኔታሳኔ ኔስ ያሳራ ዲዛ ኢሲፌቴላን ጨቁታሳ። 18 ዎጋ ካሊዛ ጊሽ ያሳ ሺኔ ኤራዳ ኩሜስ ጊዲዛዝ ሻካ ኤሪዳ ጊዲኮ፤ 19 ኔ ቆቂታ ካሌሲዛዴ፤ ዱማን ዲዛይታስ ፖዎ ጊዲዳይሳ ኔ አማኔቲዳዴ ጊዲኮ 20 ዎጋፕ ኔ ዴሚዳ ኤራቴላኒኔ ቱማቴላን ሃንኮ ኤሮንታይታ ዘሪዛዴ፤ ጉሳ ናይታ ታማርሲዛዴ ጊዲኮ 21 ሂስቲኮ ኔኒ ሃራታ ታማርሶ አጋዳ ኔ ሁዔስ አዛስ ታማርኪ? ኔ ሃራ አሲ ካይሶቶፓ ጋ ሳባካሺ ኔስ ካይሶታይ? 22 ኔ ሃራ አሳይ ላይማቶንታ ማላ

\* 1:16 ማር 8:38 \* 1:17 ኢብ 2:4 \* 1:21 ኤፌ 4:17-18 \* 1:23 ዛሬ 4:16-18 \* 2:1 ማቶ 7:1፤ ሉቃ 6:37 \* 2:6 ማዛ 62:12፤ ሉም 24:12 \* 2:11 ዛሬ 10:17

የታሸ ነስ ላይማታይ? ነስ ኤቃ ኢገሳሽን ያሳ ኬሳ ሚሻ ቦንቃይ? <sup>23</sup> ነስ ዎጋን ጨቁታሳ ሺን ዎጋ ኔ ባጋራ አሶንታ አጋዳ ያሳ ካዉሻይ? <sup>24</sup> ሄሲካ “ኢንቴ ጌዶን ያሳ ሱንሲ አይዛቤታ አቻን ጫዬቱስ” ጌቲቲ ገፊቲዳ ማላ ሃኒዴስ። \*

<sup>25</sup> ኔ ዎጋ ናጋ ፖሊዛዴ ጊዲኮ ቃግራስ ጎዓይ ዴስ። ኔ ዎጋ አሶንታዴ ጊዲኮ ቃሴ ኔ ቃግራይ ጮ ሃዳ። <sup>26</sup> ቃግራቶንታ ዲሼ ዎጋይ ጊዛይሳ ፖሊኮ ቃግራቲዳዴራ ጊና ቆዴቲኔ? <sup>27</sup> ነስ ገፊቲዳ ዎጋይኔ ቃግራይ ነስ ዲኮ ዲዛ ዎጋ ኔ ናጎንታዴ ጊዲኮ ሃንኮ ቃግራቶንታ ዳሼ ዎጋስ አዛዜቲዳይ ኔ ቦላ ፐርዳና።

<sup>28</sup> ኢሳዴይ ጮ ሜላ ሱንሳስ አሳ አይፊን ታ አይሁዳ አስ ጊዳና ጊኮ ኢዚ አይሁዳ አሲ ጊዴና። ቱማፔ ቃግራቲላ ጮ ካሬራ አሾ አይፊን ቤቲዛ ቃግራ ጊዴና። <sup>29</sup> ጊዲኮካ ኢሲ አሲ አይሁዳ አስ ጊዳናስ ዳንዳዩዛይ ኢዛስ ጋሳ ባጋራ አይሁዳ አስ ጊዲሺና። ቃግራይካ ቃግራ ጊዲዛይ ገፊቲዳ ዎጋ ገላላ ጊዶንታ አያናን ዎዝናፔ ጊዲዳ ቃግራ ጊዲኮኮ! ሄሳ ማላ አሲ ጋላታ አሳፔ ጊዶንታ ያሳፊ ዴሜስ። \*

3

<sup>1</sup> ሂስቲኮ አይሁዳ አስ ጊዴሳስ አዛ ጎዓይ ዲዜ? ቃግራይ አይ ጎዲዜ? <sup>2</sup> አዋራካ ጊዲን ጎዓይ ዳሮ። ሃራፔ ኮይሮ ያሳ ቃላይ ሃዳራ አይሁዳታስ ኢሜቲዴስ። <sup>3</sup> ኢስታፊ ኢሲ ኢሳዴስ አማኖይ ባይንዳ አጊኮ ያሳ አማኖቲላ ዲጊዜ? <sup>4</sup> ሙሌካ ዲጊና! አሲ ዉሪካ ዎርዳንቻ ቅ1 “ኔኔ ኔ ቃላፔ ዴንዲዳይሳን ቱማንቻ፤ ቅ2 ፐርዳንካ ያኒዛዴ ጊዳሳ” ሄሳሶ ጌቲቲ ገፊቲዳ ማላ ያሲ ቃሴ ቱማንቻ። \*

<sup>5</sup> ኑ ማካላ አሶይ ያሳ ጊሎቲላ ቆንጩን ቤሲዛይሳ ጊዲኮ ሂስቲን ኑ አይ ጋኔ? ጮ አሳ ዎጋ ማላ ፓላሜታናስ ያሲ ባ ሃንቆ ኑ ቦላ ኤሂዛይሲ ኑስ ቤሲና ጋኔዬ? ሄሳካ ታ ጊዛይ አሳሶ ቆፋና። <sup>6</sup> ቱማፔ ሄሳሶ ሃኔና። ሄሳሶ ሃኒዛ ጊዲኮ ያሲ አላሜ ቦላ ዎስቲ ፐርዳንዴ?

<sup>7</sup> ታ ዎርዶቲላ ያሳ ቱማቲላ ቆንጩሲዛይሳን ኢዛ ቦንቆ ጌዴ ጉጂዛይሳ ጊዲኮ ሂስቲን ሃኒ ጋካናስ ዎስቲ ታ ቦላ ናጋራንቻ ማላ ፐርዴቲዜ? ጊዲ ፓላሜታና አሲ ዳና ዳንዳዩስ። <sup>8</sup> ሄሳ ጉሲ “ሎዶይ ያና ማላ አኔ ኢታ አሶስ” ጌቲስ ጊዲ ኢሲ ኢሲ አሳቲ ኑ ቦላ ዎራሲዛይሳ ማላ። ሃይታ አሳታ ቦላ ጋኪዛ ፐርዳይ ቱሙ ፐርዳ።

አሲ ዉሪ ናጋራንቻ

<sup>9</sup> ሂስቲን ኑ አይ ጊኖ? ኑኒ ኢስታፊ አጂዞኒ? ሙሌካ አዶኮ። አይሁዳታ ጊዲኮካ አይዛቤታ ጊዲኮካ ዉሪካ ናጋራፔ ጋርሳ ባጋራ ዲዛ ጊሽ ታ ዉርሳካ ካሴታዳ ኢስታስ የታዲስ። <sup>10</sup> “ጊሎይ አኒካ ዴና፤ ኢሳዴይካ ዴና። <sup>11</sup> ዩሺ ቆፐዛዴይ ባዋ፤ ያሴ ኮዩዛይ ኢሳዴይካ ባዋ።

<sup>12</sup> ዉሪካ ባሌቲዳኔ

ኢሲ ቦላ ጎዶንታይታ ጊዲዳ።

ሎዶ አሲዛይ አኒካ ባዋ፤

ኢሳዴይካ ዴና።

<sup>13</sup> ኢስታ ዱናይ ዶያ ዲዛ ዱፎ ማላ፤

ኢስታ ዱናይ ኡባ ዎዴ ባሌሶ ሃሳዩስ፤

ኢስታ ሜቴርሻይ ሾሻ ማርዜራ ዴስ። \*

<sup>14</sup> ኢስታ ዱናን ቃንጌሲኔ ጫዋ ሚሽ ኩሚዴስ። \*

<sup>15</sup> ኢስታ ቶሆይ ሱሳ ጉሳናስ ኤሶቲስ።

<sup>16</sup> ኢስታ አጌን ዳዮይኔ ላፋቲላ ዴስ።

<sup>17</sup> ኢስቲ ሳሮቲላ አጌ ኤሬቲና።

<sup>18</sup> ኢስታ አይፊሶን ያሳስ ባቦይ ባዋ” ጌቲቲ ገፊቲዳ ማላ። \*

<sup>19</sup> ሄሳ ጊሽ ዱናይ ዉሪካ ጎርዴታና ማላ ዴሬይ ኩሜሳ ያሳስ ዛሮ ኢማና ማላ ዎጋይ ጊዛይ ዉሪካ ዎጋፔ ጊዶራ ዲዛይታስ ጊዲዳይሳ ኑ ኤሮስ። <sup>20</sup> ሄሳ ጊሽ ዎጋይ ናጋራይ አዛኮኔ ኤሪሴስ አቲን ዎጋ ናጎን አኒካ ኢዛ አቻን ጊሎ ጌቲታናስ ዳንዳዩና።

አማኖን ቤቲዛ ጊሎቲላ

<sup>21</sup> ሃኒ ቃሴ ዎጋ ካሴ ናቤቲ ኢዛስ ማርካቲዳይስ ዎጋፔ ካሬራ ጊዲዳ ያሳ ጊሎቲላ ቆንጩዴስ።

<sup>22</sup> ሄሲ ያሳ ጊሎቲላ ዩሱስ ኪርስቶሳ አማኖን ዱማቲላ ባይንዳ ቤቲዛ ጊሎቲላ። \*

<sup>23</sup> ጋሶይካ አሲ ዉሪካ ናጋራ አሲዴስ። ያሳ ቦንቆይካ አሳ ናስ ፓጩዴስ። <sup>24</sup> አሳይ ዩሱስ ኪርስቶሲ አሳ ና ጊሽ አሲዳ ኪያቲላፊ ዴንዲዳይሳን ጮ ሜላ ጊሊዴስ። <sup>25</sup> ኢዛ ሱሳን ጊዲዳ አማኖን ናጋራፔ ማሬታና ያርሾ ሂስቲዲ ያሲ ዩሱሳ ሺሺዴስ። ኢዚ ሄሳ አሲዳይ ካሴቲዲ ፖሌቲዳ ናጋራ ቃግራቶንታ ዳንዳዩን አጂዳ ባ ጊሎቲላ ቤሳና። <sup>26</sup> ኢዚ ሄሳ ሃ ዎዴዛን አሲዳይ ባ ጊሎቲላ ሄሲካ ባ ባጋራ ጊሎ ጊዲዳ ዩሱስ ኪርስቶሳን አማኒዛዴ ጊሊሲዛይሳ ቤሳና።

<sup>27</sup> ሂስቲን ኑኒ ኢዛን ጨቁቲዛ ሚሺ አዚ ዲዜ? አይኮ ሚሻንካ ጨቁቶኮ። ኑ ጨቁታና ጋሶይ አዜ? ዎጋ ናጊዛ ጊሼ? ጊዴና። አማኖና። <sup>28</sup> አይ አሲካ አማኖን አቲን ዎጋ ናጎን አቶንታይሳ ኑ ጊሺ የቶስ።

\* 2:24 ኢሳ 52:5 \* 2:29 ዛሬ 30:6 \* 3:4 ማዛ 51:4 \* 3:13 ማዛ 5:9፤ 140:3 \* 3:14 ማዛ 10:7 \* 3:18 ማዛ 36:1 \* 3:22 ጋላ 2:16

29 ያህ ደህ-ዳታ ያህ ዓላ? አይዛቤታስካ ያህ ጊደኔ? ኤ አይዛቤታስካ ኢዚ ያላ። 30 ቃግሬቲዳይሳ አማኖን ቃሴ ቃግሬቶንታይሳካ ሄ አማኖንካ ዒሊሲዛይካ ኢዚ ኢሲ ያላ ዓላ። \* 31 ሂስቲን ሄሲ ሄሳ ጊዲኮ አማኖ ጊደን ዎጋ ጎዓይ ባይንዳ ሚሽ አሲኖ? ሙሌካ ሄሳሶ ሃኔና፤ ዎጋ ኑ ሚንሳና አቲን።

4

አብራሃሜይ አማኖን ዒሊደስ

1 ሄሳ ጊሽ ቃሴ ኑ አብራሃሜይ ሃይሳፌ አይ ጎዓ ደሚደ ዊኖ? 2 አብራሃሜይ ባ አሶን ዒሊዳኮ ኢዚ ጩቁታናዚ ኢዛስ ደስኮ ሺን፤ ኢዚ ያላ ሲንሳን ጩቁታናስ ዳንዳዬና። 3 ጊሽ ማግፋይ “አብራሃሜይ ያህ አማኖደ ኢዛ አማኖይ ኢዛስ ዒሎቴሳን ቆዴቲደስ” ጊስ። \*

4 ኢሳደይ አሶ አሲኮ ኢዚ ኤኪዛ ሚሻይ ኢዛስ ጮ ኪያቴስ ኢሜቲዛዝ ጊደንታ ኢዛደስ አሶ ዋጋ ጊደስ። 5 ጊደ አቲን አሶ አሶንታ ናጋራንቻ አሲ ዒሎ ኬሲዛ ያላን አማኒዛደስ ኢዛ አማኖይ ኢዛስ ዒሎቴሳን ታይቤቴስ። 6 ዳዉቴይካ ዒሎቴሲ ኢዛደስ ቆዴቲዛይ ሎዎ አሶን ጊደንታ አሳ ጊሽ።

7 “ኢስታስ ኢስታ ባላ አሶይ አቶ ጌቴቲዳይቲኔ ናጋራፕ ማሬቲዳይቲ አንጄቲዳይታ!

8 ኢዛ ናጋራ ጎዳይ ሙሌካ ቆደንታደይ ኢዚ አንጄቲዳይሳ!” ጊደስ።

9 ሃ አንጄዚ ቃግሬቲዳይታስ ዓላላዬ? ዎይኮ ቃግሬቶንታይታሳራ? “ካሴ ኮይሮ ኑ አዋ አብራሃሜ አማኖይ ኢዛስ ዒሎቴሳን ቆዴቲደስ” ጊደስ።

10 ሂስቲን ዋኒ ኢዛስ ሄሳሶ ቆዴቲደ? ኢዚ ቃግሬቲዳፕ ጉዬ? ዎይኮ ቃግሬታናፕ ካሴ? ኢዛስ ዒሎቴሳን ቆዴቲዳይ ኢዚ ቃግሬታናፕ ሲንሳና። 11 ኢዚ ካሴ ቃግሬታናፕ ካሴ ደሚዳ ዒሎቴሳይ ቃግሬስ ማላታ ጊዳና ማላ ዒሎቴሳስ ማታሜ ኤኪደስ። ሄሳ ጊሽ ቃግሬቶንታ አማኒዛይታስ ዒሎቴስ ቆዴታና ማላ ኡባታስ ኢዚ አዋ። \* 12 ኢዚ ቃግሬቲዳይታስካ አዋ፤ ቃግሬቲዳይታስ ዓላላ ጊደንታ ኑ አዋ አብራሃሜይ ካሴ ቃግሬታናፕ ሲንሴ ኢዛስ ዲዛ አማኖ ጊደ ካሊዛይታስ ኡባሳ።

አማኒዛ አሳስ ኢሜቲዳ ኡፋይስ

13 ኢዚ አሳሜ ላቲዛደ ጊዳና ማላ አብራሃሜይ ኢዛ ዜሬላቲ ኡፋይሳ ቃላ ኤኪዳይ ዎጋ ባጋራ ጊደንታ አማኖን ጊዲዳ ዒሎቴሳና። \* 14 ዎጋ ናጊዛይቲ ላቲዛይታ ጊዲኮ አማኖስ ጎዓይ ደና፤ ሂደታይካ ጮ ሃዳ ጊዳናሺን፤ 15 ዎጋይ ሃንቆ ካሌሴስ። ዎጋይ ባይንዳሶን ዎጋፕ አደስ ደና።

16 ሄሳ ጊሽ ሂደታይ አማኖን ዬደስ። ሄሲካ ኢዛ ሂደታይ ኢዛ ኪያቴሳን ጊዳና ማላ ከራራ አብራሃሜ ዜሬላስ ኡባስ አማኒዛይሳ ጊዳና ማላ ሃኒደስ። ሄሲካ ዎጋን ኢዛይታ ጊዲዳይታስ ዓላላ ጊደንታ አማኖን አብራሃሜ ናይታ ጊዲዳይታስ ኡባታሳ። ኢዚካ ኑስ ኡባስካ አዋ። \* 17 ሄሲካ “ታ ኔና ዳሮ ደሬ አዋ አሳዲስ” ጌቴቲ ዓሬቲዳ ማላ ሃኒደስ። ኢዚካ ሃይቂዳይታስ ደዎ ኢሚዛደን ባይንዳይሳ ቃሴ ዲዛ ማላ አሲዛደን አማኒዳ ያላ ሲንሳን ኢዚ ኑስ አዋ። \*

18 ካሴ ኢዛስ “ኔ ዜሬሲ ሄሳሶ ሃናና” ጌቴቲዳ ማላ አይኮ ሂደታይካ ባይንዳ ዲሺን አብራሃሜይ ያህ ሃናና ጊዳይሳ አማኒዲ ዳሮ ደሬ አዋ ጊዲደስ። \* 19 አብራሃሜስ ዬሌቲን ዪቱ ላይስ ጊዲቺን አብራሃሜይ ባ አሳቴሳይ ሃይቂሳ ማላ ጊዲዳይሳኔ ሳራስ ዬሎ ዎደይ አዲ ቢዳይሳ ኤሪሼካ አማኖን ሌፒቤና። \*

20 ጊደ ጉጂዲ አማኖን ሚኒዲ ያሳስ ቦንቾ ኢሚደስ አቲን ያህ ጊዳ ቃላ ሲዲቤና። 21 ያህ ኢዛስ ኢሚዳ ሂደታይ ፓሌታናይሳ ኩሜላ ዎዝናፕ አማኒደስ። 22 ሄሳ ጊሽ ኢዛስ ዒሎቴሳን ቆዴቲደስ። 23 “ኢዛስ ዒሎቴሳን ቆዴቲደስ” ጊዛ ቃሳይ ዓሬቲዳይ ኢዛስ ዓላላ ጊደና። 24 ጊደ አቲን ያህ ኑ ዒሎቴሳ ኢዛ ባጋራ ታዬቢዛ ኑ ጎዳ ዬሱሳ ሃይቆፕ ደንሴዳይሳን አማኒዛ ኑሳራ። 25 ኢዚ ኑ ናጋራ ጊሽ ሃይቃናስ አዲ ኢሜቲደስ። ኢዚ ኑና ዒሊሳናስ ሃይቆፕ ደንዲደስ። \*

5

ሳሮቴሲኔ ኡፋይስ

1 ሂስቲኮ ኑኒ አማኖን ዒሊዳ ጊሽ ኑ ጎዳ ዬሱስ ኪርስቶሳ ባጋራ ኑስ ያሳራ ሳሮቴስ ደስ። 2 ሃይሳ ሃ አማኖዛን ሚኒ ዲዛ ኪያቴሳን ኑኒ ጊሊዳይ ኢዛ ባጋራ ጊዲዳ ጊሽ ኡፋይሳን ያላ ቦንቾ ጊሼቲ ኤኪዛይታ ጊዲዳ ጊሽ ኑ ኡፋዮስ።

3 ሃይሳን ዓላላ ጊደንታ ኑና ጋኪዛ ዋዬንካ ኡፋዮቶስ። ጋሶይካ ዋዬይ ዳንዳያን ጋሲዛይሳ ኑ ኤሮስ። 4 ዳንዳያይ ፓጩን ሚኖቴስ ኢሜስ፤ ፓጩን ሚኖቴስ ሂደታ ኢሜስ። 5 ሄ ሂደታይ ቃሴ ኑና ዬላቼና። ያህ ኑስ ኢሚዳ ዒሎ አያናን ባ ሲቆ ኑ ዎዝናን ጉሲዳ ጊሽ ሄ ሂደታይ ኑና ዬላን ጋሴና።

6 ኑ ዳቡራንቻታ ጊዲ ዲሺን ያላ ዎደይ ጋኪዳ ማላ ኪርስቶሲ ኑ ናጋራ ጊሽ ሃይቂደስ። 7 ዒሎ አሳ ጊሽ ሃይቃና አሲ ቤታናይሲ ዳሮ ሜቴስ። ሎዎ አሳ ጊሽ ሃይቃናስ ዓላና አሲ አኔ ኤሪዛይ

\* 3:30 ዛሬ 6:4፤ ጋላ 3:20 \* 4:3 ሜዴ 15:6፤ ጋላ 3:6 \* 4:11 ሜዴ 17:10 \* 4:13 ሜዴ 17:4-6፤ 22:17-18፤ ጋላ 3:29 \* 4:16 ጋላ 3:7 \* 4:17 ሜዴ 17:5 \* 4:18 ሜዴ 15:5 \* 4:19 ሜዴ 17:17 \* 4:25 ኢሳ 53:4-5



ቤታና ዳንዳዮስ። 8 ጊደ አቲን ኑ ቡሮ ናጋራንቻ ጊዲ ዲሺን ኪርስቶሲ ኑ ጊሽ ሃይቂዴስ። ሄሲካ ያሲ ኑና ሲቂዛ ባ ሲቆ ሄሳን ቤሴስ።

9 ኑኒ ኢዛ ሱላን ጌዩዳይታ ጊዲኮ ሃራፔካ ኢዛ ባጋራ ያሳ ሃንቆሬ አታና። 10 ኑ ያሳስ ሞርኬታ ጊዲ ዲሺን ኢዛ ናዛ ሃይቆን ኢዛራ ጊጊዳይታ ጊዲኮ ኑ ኢዛራ ጊጊዳፔ ጉዩ ኢዛ ናዛ ዴያ ባጋራ ኑኒ ፓዲዳይሲ ዋኒ ኬሂ ዳሬኔ! 11 ሄሳ ሃላላ ጊዴና፤ ቃሴካ ኑኒ ሃላ ኢዛራ ጊጋ ዴሚዳ ኑ ጎዳ ዩሱስ ኪርስቶሳ ባጋራ ያሳንካ ኡፋይስ አሶስ።

**ሃይቆይ አዳሚ ባጋራ፥ ዴያይ ኪርስቶሳ ባጋራ ዩዴስ**

12 ሄሳ ጊሽ ናጋራይ ኢሳዴ ጋሶን ዱጌ ሃ አላሜዛ ዩዳ ማላ ሃይቆይካ ናጋራ ጋሶን ዩዴስ። ሃይቆይካ ሄሳ ባጋራ አሳ ኡባኮ ዩዴስ። ሄሳስ ጋሶይ አሲ ወራካ ኢዛ ባጋራ ናጋራ አሲዳ ጊሻሳ።

\* 13 ዎጋይ ኢሜታናፔ ካሴ ናጋራይ ቤታ ቦላ ዴስ ሺን ዎጋይ ባይንዳሶን ናጋራይ ናጋራ ጊዴና።

14 ጊደ አቲን አዳሚፔ ሃ ሲሚን ሙሴ ዎዴ ጋካናስ ዲዛ ዎዴን አዳሚ ማላ ዎጋ ሜንሲዲ ናጋራ አሶንታይታ ቦላካ ሃይቆይ ካዎቲዴስ። አዳሚይ ቡሮ ያና ኪርስቶሳስ ሌሚሶ።

15 ጊዲኮካ ኢዛ ኪያቴሳ ኢሞታይ አሳ ቆሆ ማላ ጊዴና። ኢሳዴይ ሞሪዳይሳን ዳሮ አሳይ ሃይቂኮካ ያሳ ኪያቴሳኒኒ ኢሲ አሲ ዩሱስ ኪርስቶሳ ኪያቴሳን ዩዳ ኢሞታይ ዳሮታስ ኬሂ ዳሪ ኢሜቲዴስ።

16-17 ቃሴካ ያሳ ኢሞታይ ኢሳዴ ባጋራ ዩዳ ናጋራፔ ቤቲዳ አይሬ ማላ ጊዴና። ጋሶይካ ኢዛ ፐርዳይ ኢሳዴ ናጋራ ካሲዲ ፐርዳ ኤኪ ዩዴስ። ኢዛ ኢሞታይ ቃሴ ዳሮ ቆሆ ጋሶን ሂሎቴሳ ኤሂዴስ። ሃይቆይ ኢሳዴ ባጋራ ካዎቲዳይሳ ጊዲኮ ዳሮ ቲርፓ ጊዲዳ ያሳ ኪያቴሳኒኒ ሂሎቴሳ ኢሞታ ኤኪዳይቲ ኢሳዴ ባጋራ ሄሲካ ዩሱስ ኪርስቶሳ ባጋራ ያንዲ ዴያን ዳና።

18 ሂስቲኮ ኢሳዴ ቆሆ ጌዶን ፐርዳይ አሳ ኡባ ቦላ ጋኪዳ ማላ ሄሳሳካ ኢሳዴ ሂሎቴሳ አሶን አስ ኡባስ ዴያ ኢሚዛ ሂሎቴሳ ቤቲዴስ። 19 ኢሳዴይ አዛዜቶንታ ኢዲዳ ጊሽ ዳሮ አሳይ ናጋራንቻ ጊዲዳ ማላ ኢሳዴ አዛዜቴሳን ቃሴ ዳሮቲ ሂላና።

20 ዎጋይ ዩን ሞርይ ዳሪዴስ። ጊደ አቲን ናጋራይ ዳሮይሳሬ ቦላራ ያሳ ኪያቴሳ ኬሂ ዳሪዴስ።

21 ሄሲካ ሃኒዳይ ናጋራይ ሃይቆ ቦላ ካዎቲዳይሳ ማላ ዩሱስ ኪርስቶሳ ባጋራ ቃሴ ሜርና ዴያይ ቤታና ማላ ኢዛ ኪያቴሳ ሂሎቴሳን ካዎታናሳ።

6

**ናጋራፔ ሻኬቲዲ ኪርስቶሳን ዱስ**

1 ሂስቲን ኑ አይ ጊኖ? ያሳ ኪያቴሳ ዳራና ማላ ናጋራ ጉጂ አሲኖ? 2 ሙሌካ ጊዴና። ኑኒ ናጋራስ ሃይቂዶስ። ሂስቲን ሃይሳሬ ጉዩ ኑ ዋኒ ናጋራን ዳኔ? 3 ኑኒ ዩሱስ ኪርስቶሳራ ኢሲኖ ጊዳና ማላ ማግቂቲዳይቲ ኢዛ ሃይቆን ኑ ኢሲሬ ጊዳናስ ማግቂቲዳይሳ ሃይሳ ኢንቴ ኤሬኬቲ? 4 ሄሳ ጊሽ ኪርስቶሲ ባ አዎ ቦንቶን ሃይቆፔ ዴንዲዳ ማላ ኑኒካ ሄሳሶ አራሳ ዴያን ዳናስ ሂንቃቴን ሃይቂዲ ኢዛራ ሞጌቲዶስ። \*

5 ኑኒ ሄሳ ማላ ሃይቆን ኢዛራ ኢሲኖ ጊዲኮ ቃሴ ዴንጎንካ ኢዛራ ኢሲኖ ጊዶስ። 6 ሃይሳሬ ጉዩ ኑ ናጋራስ አይሌ ጊዶንታ ማላ ናጋራ አሳቴሳይ ኪቻና ማላ ካሴ ኑ ጩጋ አሳቴሳይ ኢዛራ ኢሲሬ ካቂቲዳይሳ ኑ ኤሮስ። 7 ጋሶይካ ሃይቂዳ አሲ ናጋራፔ ሽምፐዴስ።

8 ኑኒ ኪርስቶሳራ ሃይቂዳይታ ጊዲኮ ኑ ኢዛራ ኢሲሬ ዳናይሳ አማኖስ። 9 ኪርስቶሲ ሃይቆፔ ዴንዲዳ ጊሽ ናምግንሶ ኢዚ ሃይቆንታይሳኒ ኢዛ ቦላ ሃይቆስ ዎልቃይ ባይንዳይሳ ኑ ኤሮስ። 10 ኢዚ ሃይቂዳ ዎዴ ኢሲቶ ወርሲ ናጋራ ጊሽ ሃይቂዴስ። ጊደ አቲን ያሳስ ፓፃ ዱስ ዴስ። 11 ሄሳሳካ ኢንቴ ናጋራስ ሃይቂዲ ያሳስ ዩሱስ ኪርስቶሳ ባጋራ ፓፃ ዲዛይሳ ኤሪቴ።

12 ሄሳ ጊሽ ኢታ አሳና ኮዩዛ ኢታ አሾ ቆፋ ኮይዲ ሃይቂዳ ኢንቴ አሳቴሳ ቦላ ናጋራይ ካዎታና ማላ አሶፍቴ። 13 ኢንቴ አሳቴሳ ኢታ አሶ አሲዛ ሚሽ አሲ ናጋራስ ሃሪሶፍቴ። ሄሳ ማላ አሳናፔ ሃይቆፔ ጌዴ ዴያን ፐኒዳ አሳታ ማላ ኢንቴና ያሳስ ሃሪሲቴ። ኢንቴ አሳቴሳ ሂሎቴሳ ሚሻ ማላ ያሳስ ሃሪሲቴ። 14 ኢንቴ ያሳ ኪያቴሳ ጋርሳን ዴታ አቲን ዎጋ ጋርሳን ዶንታ ጊሽ ኢንቴና ናጋራይ ሃሪና።

**ሂሎቴሳ አሳንቻታ**

15 ሂስቲን አይ አሲኖ? ዎጋ ጋርሳን ጊዶንታ ኑኒ ያሳ ኪያቴሳ ጋርሳን ዲዛ ጊሽ ናጋራ አሲኖ? ሙሌ አሳናስ ቤሴና። 16 ኢንቴ ኢንቴና አይሌ ማላ ሺሺዛ ዎዴ ኢንቴ አዛዜቲዛዴስ አይሌ ጊዲዳይሳ ኤሬታ። ሄሳሳካ ጌዴ ሃይቆኮ ኤሬዛ ናጋራስ ዎይኮ ሂሎቴሳኮ ጋሲዛ አዛዜቴሳስ ኢንቴ አይሌ ጊዲዳይሳ ኤሬኬቲ? 17 ኢንቴ ካሴ ናጋራስ አይሌታ ጊዲኮ ኢንቴስ ኢሜቲዳ ቲሚርቴዛስ ኢንቴ ዎዛናፔ አዛዜቲዳ ጊሽ ያሲ ጋላቴቶ። 18 ኢንቴ ናጋራፔ ዎይቲዲ ሂሎቴሳስ አይሌ ጊዲዴታ።

19 ሃይሳ ታ አሳ ቃላን ኢንቴስ ቆንጩን ዮቲዛይ ኢንቴ ዩሌቴሳን ዳቡራንቻ ጊዲዳ ጊሻሳ። ኢንቴ ካሴ ዎዴ ኢንቴ አሳቴሳ አይሌቴሳሲኒ ካሴፔ አዲ ኢታና ማላ አሲ ኢሜታ ሺን ሃላ ቃሴ ጌዴ ጌሻቴሳኮ ኤሬዛ ሂሎቴሳስ አይሌ ሂስቲ ሃሪስቴ።

20 ኢንቴ ካሴ ናጋራስ አይሌቲዲ ዲዛ ዎዴ ኢንቴ ሂሎቴሳሬ ሜላ አቲዴታ ሺን፤ 21 ሃላ ቃሴ ኢንቴ ዩላቲዛ ሚሻታፔ ሄ ዎዴ አይ ጎዳ ዴሚዴቲ? ሄሳ ሄ ሃኖዛ ጎዳይ ሃይቆ። 22 ሃላ ቃሴ ኢንቴ ናጋራፔ ዎይቲዲ ያሳ አይሌታ ጊዲዴታ። ሄሲካ ኢንቴና ጌዴ ጌሻቴሳኮ ካሌሴስ። ወርሴሳይካ ሜርና ዴያ። 23 ናጋራ ዎጋይ ሃይቆ፤ ጊደ አቲን ያሳ ኢሞታይ ጊዲኮ ጎዳ ዩሱስ ኪርስቶሳ ባጋራ ሜርና ዴያ።

\* 5:12 ሜዴ 3:6 \* 6:4 ቆላ 2:12

7

ኤኮኔ ጌሎ ሌሚሶ

1 ታ ኢሻቶ! ታኒ ዎጋ ኤሪዛ አሳታስ የታይስ። ዎጋይ ሽምግራ ፓፃ ዲዛ አሳ ፃላላ ሃሪዛይሳ ኢንቴ ኤሬኬቲ? 2 ኢሲ ማጫሲ አዚና ጌሊኮ ባ አዚናራ ኢዛ ዎጋን ቃሼቲዛይ አዚናይ ፓፃ ዲዛ ዎዴ ጋካናሳ። አዚናይ ሃይቂኮ ኢዛ ማቾ ጊዲዛ ዎጋፕ አንጄታወስ። 3 ጊዶ አቲን አዚናይ ፓፃ ዲሺን ኢዛ ሃራ አዚና ጌሊኮ ላይማ ጌቲታወስ። አዚናይ ሃይቂኮ ቃሴ ሃራ አሲ ጌሊኮ ካሴ አዚና ዎጋፕ አንጄታዎስ አቲን “ላይማ” ጌቲቲኩ።

4 ሄሳ ጊሽ ታ ኢሻቶ! ኢንቴካ ዩሱስ ኪርስቶሳ አሳቴሳ ባጋራ ዎጋስ ሃይቂዴታ። ኢንቴ ሃይቆፕ ዴንዲዳ ኪርስቶሳ ባጋ ጊዲን ኑኒ ያሳስ አይፌ አይፋናሳ። 5 ናጋራንቻ ሜዴቴሳ ሽኔን ኑ ዲዛ ዎዴ ሃይቆስ ጋሲዛ አይፌ ኑ አይፋና ማላ ዎጋይ ዴንጌሲዳ ናጋራ አሞይ ኑ ቦላ አሲዴስ። 6 ሃራ ጊዲኮ ካሴ ኑና ሞሂ ቃቺዳ ዎጋስ ሃይቂዳ ጊሽ ሄ ዎጋፕ ዎዜቲዶስ። ሄሲካ ካሴ ጩጋ ዎጋን ፃፌቲዳይሳን ጊዶንታ ዲሼ አራሳ አያና አጌን ኑኒ አሳናሳ።

ናጋራራ ባዴቴሳ

7 ሂስቲን ኑ አይ ጊኖ? ባ ሁዔስ ዎጋይ ናጋራ? ሙሌካ ጊዴና። ዎጋ ባጋራ ጊዶንታኮ ናጋራይ አዛኮኔ ኑ ኤሮኮኮ ሺን፤ ዎጋይ “አሞቶፋ!” ጎንታኮ አሞይ አዛኮኔ ቱማፕ ታ ኤሪኬ። \* 8 ናጋራይ ቃሴ ዎጋፕ ኪዚዳ አዛዞይ ቤሲዳ አጌን ጎዔቲዲ ታ ጊዶን ዱማ ዱማ ኢታ አሞ ዴንጌሲዴስ። ዎጋይ ያናፕ ካሴ ናጋራይ ሃይቂዳዛ።

9 ዎጋይ ባይንዳ ካሴ ታኒ ፓፃ ዳይሲሺን ዎጋይ ዩን ቃሴ ናጋራይ ፓፃ ጊዲዴስ። ታ ጊዲኮ ሃይቃዲስ። 10 አስ አሻና ቆፌቲዳ አዛዞይካ ሃይቆ ኤኪ ዩዳይሳ ኤራዲስ። 11 ናጋራይ ዎጋ ባጋራ ቤቲዳ ጋሶን ጎዔቲዲ ታና ባሌሲዴሲኔ አዛዞን ዎዲዴስ። \*

12 ሄሳ ጊሽ ዎጋይ ባ ባጋራ ጌሻ። አዛዞይካ ጌሻ፤ ጊሎኔ ሎዶ። 13 ጊዶ አቲን ሎዶስ ሃኒዳይሲ ታስ ሃይቆስ ጊዲዴ? ሙሌካ ጊዴና። ጊዶ አቲን ናጋራይ ባ ናጋራቴሳን ኤሬታና ማላ ሎዶ ጊዲዳ ሃኖ ባጋራ ታ ቦላ ሃይቆ ኤሂዴስ። ሄሲካ ናጋራይ አዛዞ ባጋራ ካሴፕ አሲ ናጋራ ዳርሲዴስ።

14 ዎጋይ አያና ዮዎ ጊዲዳይሳ ኑ ኤሮስ። ታ ቃሴ ናጋራስ አይሌ ማላ ባይዜቲዳ አሳ። 15 ታኒ ታ አሲዛይሳ ኤሪኬ። ታ አሳና ኮዩዛይሳ አሳ ኤሪኬ ሺን ታ ኢዲዛ ሚሽ አሳይስ። \* 16 ታ አሳና ኮዮንታ ሚሽ አሲዛ ጊዲኮ ዎጋይ ሎዶ ጊዲዳይሳ ታ ማርካታይስ። 17 ሄሳ አሲዛይ ታና ጊዶንታ ታ ጋሳን ዲዛ ናጋራይ አሴስ።

18 ታናን ሄሲካ ናጋራንቻ ጊዲዳ ታ ሜዴቴሳ ጊዶን አይኮ ሎዶ ሚሽ ባይንዳይሳ ታ ኤራይስ። ሎዶ አሳናስ ታስ አሞቴስ ዴስ ሺን ፖላ አሳ ኤሪኬ። 19 ታ አሲዛይ አሳና ጋዳ ኮዩዛ ሎዶ አሶ ጊዴና። ጊዶ አቲን ታ አሳና ኮዮንታ ኢታ አሶ አሳይስ። 20 ታኒ አሳናስ ኮዮንታይሳ አሲዛ ጊዲኮ ሄሳ አሲዛይ ታና ጊዶንታ ታ ጊዶን ዲዛ ናጋራ።

21 ሄሳ ጊሽ ሃይሲ ዎጋይ አሶን ዲዛይሲ ታስ ጌሊዴስ። ሄሲካ ታኒ ሎዶ አሳና ኮዮይሲሺን ኢታ አሳይስ። 22 ታኒ ታ ጋሳራ ያሳ ዎጋን ኡፋዩታይስ። 23 ጊዶ አቲን ታ አሳቴሳ ጊዶን አሲዛ ናጋራ ዎጋይ ታና ቃቺ አይኪዲ ታ ቆፋ ዎጋራ አሌቲዛ ሃራ ዎጋይ ታ አሳቴሳ ጊዶን አሲሺን ቢያይስ። 24 ታ አይ ማላ ሳፋ አሴ! ሃይሳ ሃይቆስ ኢሜቲዳ አሳቴሳፌ ታና አሻናይ አኔ? 25 ኑ ጎዳ ዩሱስ ኪርስቶሳ ባጋራ ጋላታይ ያሳስ ጊዶ።

ሂስቲኮ ታኒ ታ ባጋራ ታ ቆፋን ያሳ ዎጋስ አይሌ ጊዳሼ ታኒ ታ ሜዴቴሳ ዎጋን ናጋራ ዎጋስ አይሌ።

8

ጊሎ አያናን ዱሳ ጊሺኔ አሾን ዱሳ ጊሽ

1 ሄሳ ጊሽ ዩሱስ ኪርስቶሳ አማኒዛይታ ቦላ ፒርዳይ ዴና። 2 ጋሶይካ ዴዎ አያና ዎጋይ ዩሱስ ኪርስቶሳ ባጋራ ናጋራፕ ኢስታ ጊሺዳ ጊሻሳ። 3 ናጋራንቻ አሾፕ ዴንዲዳይሳን ዎጋይ ፖላናስ ዳንዳዮንታይሳ ያሲ ባ ናዛ ናጋራንቻ አሳ ሌሚሶን ናጋራስ ያርሼታና ማላ ዩዲዲ ፖሊዴስ። ሂስቲዲ ናጋራ ኢዛ አሾን ፒርዲዴስ። 4 ሄሲካ ኑኒ አሾን ጊዶንታ አያናን ሲሜሬቲዛ ኑፕ ዎጋይ ኮዩዛ ጊሎቴሳ ፖላናሳ።

5 አሾ ሽኔ ማላ ዳና ኮዩዛ አሳታ ዎዝናይ አሾይ ኮዩዛ ሚሻን ሽምፕስ። አያና ሽኔ ማላ ዲዛይቲ ቃሴ ባ ዎዝና አያናይ ኮዩዛ ሚሻ ቦላ ዎሴቴስ። 6 አሾስ ፃላላ ቆፋይ ሃይቆ ጊዲሺን አያና ዮዶስ ቆፋይ ጊዲኮ ዴዎኔ ሳርቴሳ። 7 ናጋራስ ሃራቲዛ ዎዝናይ ያሳራ አሻ። ጋሶይካ ኢዚ ያሳ ዎጋስ ሃራቴናኔ ሃራታናስ ዳንዳዮና። 8 አሾ ሽኔ ማላ ዲዛ አሳቲካ ያሴ ኡፋይሳስ ዳንዳዮቴና።

9 ኢንቴ ቃሴ ያሳ አያናይ ኢንቴናን ዲዛ ጊዲኮ አሾን ጊዶንታ አያናን ዴታ። ኪርስቶሳ አያናይ ኢዛ ቦላ ባይንዳይሳ ኪርስቶሳስ ጊዴና። 10 ኪርስቶሲ ኢንቴ ጊዶን ዲኮ ቃሴ ኢንቴ አሳቴሳይ ናጋራ ጊዶን ሃይቆስ ጊዲኮካ ኢንቴ አያናይ ቃሴ ጊሎቴሳ ጋሶን ዴዎን ዴስ። 11 ዩሱሳ ሃይቆፕ ዴንጌሲዳ ኢዛ አያናይ ኢንቴ ቦላ ዲዛ ጊዲኮ ኪርስቶሳ ሃይቆፕ ዴንጌሲዳይሲ ኢንቴ ጊዶን ዲዛ ኢዛ አያናይ ሃይቃናስ ዲዛ ኢንቴ አሳቴሳስ ዴዎ ኢማና። \*

12 ሄሳ ጊሽ ታ ኢሻቶ! ሄሲካ ሃናናይ ዶሳን ጊዴና ሺን ኑ አሾ ሽኔ ማላ ዳናስ አሾስ ጊዶኮ። 13 አሾ ሽኔ ማላ ዲዛ ጊዲኮ ኢንቴ ሃይቃና፤ አሾ አሶ ኢታዛ ኢንቴ አያናን ዎዲኮ ኢንቴ ዴዎን ዳና። 14 ያሳ አያናን ካሊዛይቲ ኢስቲ ያሳ ናይታ። 15 ኢንቴ ኤኪዳ አያናይ ዛሪዲ ኢንቴና አይሌቴሳን

\* 7:7 ኬሳ 20:17፤ ዛሬ 5:21 \* 7:11 ሜዴ 3:13 \* 7:15 ጋላ 5:17 \* 8:11 1ቆሮ 3:16

ሃሪዛ አያና ጊደንታ “ኑ አዋው” ጊ ዲጊሲዛ ናቴላ አያና ኤኪደታ። \* 16 ኑኒ ያሳ ናይታ ጊዲዳይሳ፤ ሄ አያናይ ባ ባጋራ ኑ አያናራ ኢሲፌ ኑስ ማርካቴስ። 17 ኑኒ ያሳ ናይታ ጊዲኮ ኢዛ ላቴዛይታ። ኑ ኪርስቶሳ ቦንቾዛ ላቴዛይታ ጊዳና ማላ አዳፌካ ኢዛራ ኢዛ ሜቶዛ ጊሼቴዛይታ ጊዲኮ ኑ ያሴ ላቴዛይታ፤ ኪርስቶሳራካ ኢሲፌ ላቴዛይታ።

**ቡሮ ያና ቦንቾ**

18 ሃሲ ኑ ኤኪዛ ዋዩይ ቡሮ ኑስ ሲንላን ጊጊ ኡቴዳ ቦንቾዛራ ጋሲ ያሊሺን አይኮካ ጊደና ጋይስ። 19 ሜዴቴላይ ወሪካ ያሳ ናይቲ ቆንጫናይሳ ላሞቴላን ናጎን ደስ። 20 ሜዴቴላ ወሪካ ሚላ ሃዳ ጊዳና ማላ ፐርደቲደስ። ሄሲካ ባ ዶሮን ጊደንታ ሲንላፌስ ሃሬታና ማላ ኢዚ ባ ሼኔ ማላ ሃሪሲዳ ጊሻሳ። \* 21 ሄሲካ ሜዴቴላ ወሪካ ዳይሳ አይሌቴላፌ ዎዜቴዲ ያሳ ናይታስ ጊዲዳ ጌዴ ቦንቾቴዳ ሼኔ ማላ ዲዛሶ ጋካናሳ። 22 ሃሲ ጋካናስ ሜዴቴላ ወሪካ ዳሮ ዋዩን ሚፃቴሼ ዲዛይሳ ኑ ኤሮስ። 23 ኢዛ ሃላላ ጊደንታ ኮይሮ ዒሎ አያና ኢሞታ ዴሚዳ ኑኒካ ኑ አሳቴላይ አታና፤ ኑ ኢዛ ና ጊዳናይሳካ ላሞቴሼኔ ዎዝናራ ሚፃቴሼ ዶስ። \* 24 ሃይሳ ሃ ሂዶታን ሃላላ አቴዶስ። ሂዶታይ ቃሴ አይፌን ቤቴዛ ሚሽ ጊዲኮ ቡሮፔ ናጊዛ ሚሽ ጊደና፤ ሃሲ ባ አይፌን ቤዩዛ ሚሹ ቡሮፔስ ናጊዛይ አኔ? 25 ጊዶ አቴን ኑኒ ቡሮ ኑ አይፌን ቤዮንታ ሚሽ ሂዶታን ናጊዛዝ ጊዲኮ ሳሌታይ ባይንዳ ናጎስ።

26 ሄሳሳካ ቃሴ ኑ ዳቡሪሺን አያናይ ኑና ማደስ። ኑኒ ዎሳ ዎስቲ ዎሳናኮኔ ኤሮንታ ጊሽ አያናይ ኑኒ ቃላን ቆንጫሳናስ ዳንዳዩቶንታ ቃላራ ኑስ ዎሴስ። 27 ኑ ዎዝና ፓጫ ኤሪዛ አያናይ ኢዚ አያና ቆፋ ኤራስ። ጋሶይካ አያናይ ያሳ ሼኔ ማላ አማኒዛ አሳስ ኑስ ዎሴስ።

28 ያሲ ባና ዶሲዛይታሲኔ ኢዛ ሼኔ ማላ ያይጌቴዳይታስ ኡባስ አሲዛ ሚሽ ወርሲካ ሎዶስ አሲዛይሳ ኑ ኤሮስ። 29 ያሲ ካሴፔ ባ ኤሪዛይታ ኢስቲ ኢዛ ናዛ ሚሳታና ማላ ካሴካ ዶሪ ዎሲደስ። ሄሲካ ዳሮ ባ ኢሻታ ጊዶፌ ኢዚ ባይራ ጊዳናሳ። 30 ካሴ ኮይሮፔ ባ ዶሪዳይታ ኢስታ ያይጊደስ። ቃሴካ ያይጊዳይታ ያሊሲደስ። ባ ያሊሲዳይታካ ቦንቾደስ።

**ያሳ ሲቆ**

31 ሂስቲን ሄሳ ኑ አይ ጊኖ? ያሲ ኑናራ ጊዲኮ ኑናራ ኤቁታናስ ዳንዳዩዛይ አኔ? 32 ባ ናዛስ ሚሹቶንታ ኑ ጊሽ አሲ ኢሚዳይ ኢዛ። ሂስቲን ኡባ ሚሽ ኑስ ኢዛራ ኪያቴላን ወርሲ አዛስ ኢሜኔ? 33 ያሲ ዶሪዳይታ ሞቴዛይ አኔ? ያሊሲዛይ ያሳ። 34 ሂስቲን ፐርዲዛይ አኔ? ሃይቁዲ ሃይቆፔ ዴንዲዲ ያሳ ኡሻቻን ኡቴዳ ዩሱስ ኪርስቶሲ ኑ ጊሽ ጋናቴስ።

35 ኑና ኪርስቶሳ ሲቆፔ ሻካናይ አኔ? ሜቶዩ? ዋዩ? ዎይኮ ጎዴቴሴ? ዎይኮ ጋፋ? ዎይኮ ካሎቴሴ? ዎይኮ ቆፖንታ ጋኪዛ ሜቶዩ? ማሻ? 36 ሄሲካ ካሴ “ኔ ጊሽ ኑ ሹኪቴዛ ዶርሳ ማላ ቆዴቴዶስ። ጋላስ ኩሚስ ኔ ጊሽ ኑኒ ሃይቆራ ባይታና” ጌቴቲ ያፌቴዳይሳ ማላ። 37 ኑና አዚካ ኢዛፔ ሻኪና። ሃይሳ ኡባን ኑና ሲቁዳይሳን ሃይዛይታፔካ ኑ አዶስ።

38 ሄሳ ጊሽ ሃይቆ ጊዲን፣ ዴዎ ጊዲን፣ ኪታንቻታ ጊዲን፣ ዎይኮ ሃሲ ዲዛ ሚሽ ጊዲን፣ ቡሮ ያና ሚሽ ጊዲን፣ ዎይኮ አይ ዎልቃማ ጊዲን፣ 39 ዶቃ ጊዲን ዎይኮ ዚቃ ጊዲን፣ ዎይኮ አይ ሜዴቴላ ጊዲን ጎዳ ዩሱስ ኪርስቶሳ ባጋራ ኑስ ዲዛ ያሳ ሲቆፔ ኑና ሻካና ዳንዳዩዛ ሚሹ ባይንዳይሳ ታ ሻካ ኤራዲስ።

**ያሳ ዶሮ**

1 ታ ዩሱሳ ሱንላን ቱሙ ጋይስ፤ ዎርዶቲኪ፤ ታ ዎዝናይካ ዒሎ አያና ባጋራ ታስ ማርካቴስ።

2 ታስ ዎዝናፔ ኪቾንታ ጊታ ቆፋይኔ ሚሻይ ደስ። 3 ታ ዳቦታ ጊሽ ታ ቃንጌታዳኔ ኪርስቶሳፔ ሻኪታዳ ዎራ ዎዲዳኮ ዶሳይስ። 4 ኢስቲካ ኢስራዔሌ ናይታ፤ ኢስቲ ያሳ ና ጊዳና ማላ ያሳ ቦንቾይኔ ጫቆ ቃላይ፣ ዎጋይኔ ያሳ ኪላ ዎጋ ሂዶታይ ኢስታስ ኢሜቴደስ። \* 5 ካሴ አዋቴካ ኢስታ ባጋ ኪርስቶሲ ኢስታ ዜሬላ ዛርኪን ቆዴቴስ። ኢዚካ ኡባፌ ቦላ ጊዲዳ ሜርናስ ጋላቴቲዳ ያሳ። አሚን።

6 ጊዶ አቴን ሄሳ ጉሲ ያሳ ቃላይ አቴደስ ጉሲ ጊደና። ኢስራዔሌፔ ዩሌቴዳይ ወሪ ኢስራዔሌ አስ ጊደና። 7 አብራሃሜፔ ዩሌቴዳይቲ ኢዛፔ ዩሌቴዳ ጊሽ ወሪካ ኢዛ ናይታ ጊደቴናሺን “ኔ ዜሬስ ዩሳቃ ባጋራ ያይጊታና” ጌቴቲዳ ማላ ሃኒደስ። \* 8 ሄሳ ጉሲካ ያሳ ና ጌቴቲዳይቲ ኢስቲ አሻን ዩሊዳይታ ጊደቴና፤ ጊዶ አቴን ና ጊዳናይቲ ሂዶታ ቃላን ዩቴቲ ኡቴዳይታ። 9 “ዩዛ ላይስ ሃኒ ዎዴ ታ ሃ ሲማና፤ ሳራይካ ኔስ አቱማ ና ዩላና” ጌቴቲዲ ኢዛስ ሂዶታ ቃላይ ኢሜቴደስ። \*

10 ሄሳ ሃላላካ ጊደና። ኢርቢቃ ናይቲ ኢሳዴ ናኮ! ኢዚካ ኑ አዋ ዩሳቃ። 11 ሜንቴቲ ዩሌቴዲ ቡሮ ኢታ ዎይኮ ሎዎ አሶንታ ዲሺን ያሳ ቆፋይ ሚናና ማላ። 12 አሶን ጊደንታ ያይጊዳይሳፌ ጊዲዳ ጊሽ “ባይራይ ካሎዛስ ሃሬታና” ጌቴቲዲ ኢርቢቃስ ዩቴቲደስ። \* 13 ሄሲካ “ታ ያቆቤ ዶሳዲስ፤ ኤሳቄ ኢፃዲስ” ጌቴቲ ካሴ ያፌቴዳ ማላ ሃኒደስ። \* 14 ሂስቲን ኑ ሃሲ አይ ጊኖ? ያሲ ቤሶንታ አጌራ ማዲ ኤሪዜ? ሙሌካ ማዲ ኤሪና። 15 ያሲ ሙሌስ “ታ ማራና ኮዩዳዴ ማራና፤ ታ ሚሹታና ኮዩዳዴስካ ሚሹታና” ጌስ። \* 16 ሄሳ ጊሽ አሲ ኮይዳ ማላ ጊደንታ ዎይኮ አሳ ዳቡራን ጊደንታ ያሲ ማሪዳ ማላ ሃኒስ።

\* 8:15 ማር 14:36፤ ጋላ 4:6 \* 8:20 ሜዴ 3:17-19 \* 8:23 2ቆሮ 5:2-4 \* 9:4 ኪላ 4:22 \* 9:7 ሜዴ 21:12 \* 9:9 ሜዴ 18:10 \* 9:12 ሜዴ 25:23 \* 9:13 ሚላ 1:2-3 \* 9:15 ኪላ 33:19



17 ጌሻ ማፍፋይ ፋሮኔ “ታ ዎልቃይ ኔ ቦላ ቤታና ማላኔ ታ ሱንሲ ቢታ ኡባ ቦላ የቴታና ማላ ታ ኔና ሃይሳስ ዴንጎላዲስ” ጌስ። \* 18 ሄሳ ጊሽ ያሲ ማራና ኮዬዛዴ ማራስ። ኢዛ ዎዝና ሙሚሳና ኮዬዛዴ ዎዝና ሙሚሴስ። 19 ኢንቴፌ ኢሳዴይ “ሂስቲን ሃኖይ ሄሳ ማላ ጊዲኮ ኑና ሃኖ ጋካናስ አዛስ ዋይሲዜ? ጋሶይክ ኢዛ ሼኔ ዲጋና ዳንዳዩዛይ ኦኔ?” ጋዳ ኔ አይቾንታ አጋካ።

20 ጊዶ አቲን ያሳስ ዛሮ ዛራ ኢሚዛይ ኔ ኦኔ? “ኦሴቲዳ ሚሽ ዛሪዲ ኦሲዳይሳ ኔ ታና አዛስ ሃይሳሳ አሳዲ?” ጊ ኤሪዜ? \* 21 ኡርቃ ሜዲዛዴይ ሄ ኡርቃፌ ባጋ ቦንቾስ ባጋ ቃሴ ሞ ሂራይሶ አሶስ ሚዳናስ ኢዛ ሼኔ ጊዴኔ?

22 ያሲካ ባ ሃንቆ ቤሳናሲኔ ባ ዎልቃ ኤሪሳናስ ኮይዲ ኢዛ ሃንቆ ቆንጨሲዛይታ። ዳያናስ ጊጌቲዳይታ ዳይሶንታ አጋጊኮቺ! 23 ኮይሮ ቦንቾስ ጊጊሲዳ ኢዛ ማሮቴስ ቤሲዛይታስ ኢዛ ቦንቾ ዱሬቴሳይ ኤሬታና ማላ ኢዜ አሳናሳ። 24 ያይጊዳይዴ አይሁዳታ ባጋፌ ዓላላ ጊዶንታ አይዛቤታ ባጋፌ ጊዲዳ ኑናካ አሾንታ ያይጊዴስ።

25 ሆሴዔ ማፍፋን “ታ ዴሬ ጊዶንታይታ ታኒ ‘ታ ዴሬታ’ ጋ ያይጋና፤ ዶሴቶንታይታ

ኢስታ ታ ‘ዶሴቲዳይታ’ ጋዳ ያይጋና። \*

26 ቃሴካ ‘ኢንቴ ታ ዴሬ ዴኬታ’ ጌቴቲ የቴቲዳሶን ሄንካ ‘ኢስቲ ዴዎ ያሳ ናይታ’ ጌቴቲ ያይጊታና።” \*

27 ኢሳያሲካ ኢስራዔል ናይታ ጊሽ “ኢስራዔል ናይታ ቆዳይ አባ አጩ ማላ ዳሪኮካ ጉሳቲ ዓላላ አታና።

28 ጎዳይ ባ ፒርዳ ቤታ ቦላ ኤሌ ፒርዳና” ጊ የቴዴስ። 29 ሄሲካ “ዎጋ ጎዳይ ኑስ ዜሬስ አሾንታኮ ኑካ ሶዶሜ ካታማ ማላኔ

ጋሞራ ካታማ ማላ ዳያናሺን” ጌቴቲዲ ካሴ ኢሳያሳ ዱናን የቴዳይሳ ማላ ሃኒዴስ። \*

ኢስራዔል ናይታኔ ሚሺራቾ ቃላ

30 ሂስቲን ኑ አይ ጊኖ? አማኖን ቤቲዳ ያሎቴስ ዴማናስ አይዛቤይ ዳቡሮንታ ዴሚዴስ። 31 ጊዶ አቲን ያሎቴሳ ዎጋ ካሊዛ ኢስራዔል ናይቲ ዴሚቤቴና። 32 ሄሲ አዛስ ሄሳሳ ሃኒዴ? ኢስቲ አማኖን ጊዶንታ አሶን ዴማና ካሊዳ ጊሻሳ። ኢስቲካ ዱጴ ሹቻን ዱጴቲዳ። 33 ሄሲካ “ሄኮ አሳ ዱጴዛ ሹቾ ኢስታ ኩንዲሲዛ ዛላ ያየኔ ቦላ ታ ዎላና፤

ኢዛን አማኒዛዴይ ዩላቴና”

ጌቴቲዲ ካሴ ጌኤሻ ማፍፋን ዓፌቲዳይሳ ማላ ሃኒዴስ።

10

1 ታ ኢሻቶ! ኢስራዔል ናይታ ጊሽ ታ አሞይኔ ታ ያሴ ዎሲዛይ ኢስቲ ዳዮንታ አታናሳ። 2 ኢስቲ ያሳ የዎስ ሚሼቲዛይታ ጊዲዳይሳ ታ ኢስታ ጊሽ ማርካታና ዳንዳያይስ፤ ኢስታ ሚሼቴሌ ጊዲኮ ኤሬቴሳን ጊዴና። 3 ያሲ አስ ያሊሲዛ አጌ ኤሮንታ አጊዲ ባ ያሎቴሳስ አጌ ካሊዳ አቲን ያሳ ያሎቴሳ አጌ ካሊቤቴና። 4 አማኒዛ አሳ ኡባ ያሊሳናስ ኪርስቶሲ ዎጋ ኡባ ፖሊዴስ።

5 ሙሴይ ዎጋ ባጋራ ቤቲዛ ያሎቴሳ ጊሽ ኤሪሲሼ “ሃይታ ዎጋታ ፖሊ ኦሲዛዴይ ሃ ዎጋታን ዳና” ጊዛይሳ። \* 6 አማኖን ቤቲዛ ያሎቴሌ ቃሴ ሂዝጌስ “ኔ ዎዝናራ ፑዴ ሳሎ አኔ ኪዛናይ? ጎፓ” ሄሳሳ ጉሲ ኪርስቶሳ ሳሎፕ ዱጌ ሃ ዎላና ጉሳ። 7 ዎይኮ “‘ዱጌ ጨማን ኦኔ ዎሳናይ?’ ጎፓ!” ሄሲካ ኪርስቶሳ ሃይቆፕ ቡሮ ዴንጎላና ጉሳ።

8 ጊዶ አቲን ቃላይ አይ ጊዜ? “ቃላይ ኔ አቻን ዴስ።” ኔ ዱናኒኔ ኔ ዎዝናን ዴስ። ኑኒ አማኖ ጊሽ ሳባኪዛ ቃላይ ሃይሳ።

9 ኔኒ ኔ ዱናራ “ዩሱሲ ጎዳ” ጋዳ ማርካቲኮ ያሲ ኢዛ ሃይቆፕ ዴንሲዳይሳ ኔ ዎዝናን ኔ አማኒኮ አታና። 10 ኔኒ ያላናይ ዎዝናን አማኒኮኔ አታናይ ኔ ዱናራ ማርካቲና። 11 ጌሻ ማፍፋይ ጊዛ ማላ “ኢዛን አማኒዛይ ወሪካ ዩላቴና።” \* 12 አይሁዳታ ጊዶኒኔ አይዛቤታ ጊዶን ዱማቴሌ ዴና፤ ኢሲ ጎዳይ ኡባስካ ጎዳ፤ ኢዛ ዎሲዛይታ ጉጂ አንጂስ። 13 “ጎዳ ሱንሳ ያይጊዛይቲ ወሪካ አታና” ጌቴቲ ጌሻ ማፍፋን ዓፌቲዴስ።

14 ሂስቲን ኢዛ አማኖንታይቲ ኢዛ ዎዝጊ ያይጋኔ? ቃሴ ኢዛ ጊሽ ሲዮንታ ዲሼ ዎስቲ አማናኔ? ሳባኪይ ባይንዳ ዲሺን ዎስቲ ሲያኔ? 15 ኪቴቶንታ ዎስቲ ሳባካንዴቶ? ሄሲካ “ሚሺራቾ ቃላ ኤኪ ዩዛይታ ዩሲ አይ ማላ ሎዎ” ጌቴቲ ጌሻ ማፍፋን ዓፌቲዳ ማላ ሃኒዴስ። \* 16 ጊዶ አቲን ሲዩዳይቲ ወሪካ ሚሺራቾ ቃላ ኤኪቤቴና፤ ኢሳያሲ “ጎዶ ኑ የቴዳይሳ አኒ አማኒዴ?” ጊዳ ማላ ሃኒዴስ። \*

17 ሄሳ ጊሽ አማኖይ ቤቲዛይ የቴዛ ቃላ ሲዩላና። የቴቲዛ ቃላይካ ኪርስቶሳ ጊሽ የቴዛ ቃላፕ።

18 ጊዶ አቲን አሳይ ሲይቤኔሻ? ጋዳ ታ አይቻይስ፤ ቴማፕ አሳይ ሲይዴስ፤ ጌሻ ማፍፋን ዓፌቲዳ ማላ

“ኢስታ ቃላይ ቤታ ኡባኒኔ አላሜ ጋፃ ጋካናስ ሲዩቲዴስ።” \*

\* 9:17 ኪሳ 9:16 \* 9:20 ኢሳ 29:16፤ 45:9 \* 9:25 ሆሴ 2:23 \* 9:26 ሆሴ 1:10 \* 9:29 ኢሳ 1:9 \* 10:5 ሌዌ 18:5 \* 10:11 ኢሳ 28:16 \* 10:15 ኢሳ 52:7 \* 10:16 ኢሳ 53:1 \* 10:18 ማዛ 19:4



19 ታ ቃሴካ አይቻይስ፤ ኢስራዔል ናይቲ ቃላ ኤሪቤቴኒሻ? ኮይሮ ሙሴይ ኢስታስ  
“ታ ዴሬ ጊደንታይታን ታ ኢስታ አሞሲሳና፤

ዩሺ ቆጋንታ ዴሬታን ታ ኢስታ ዩሎቻና” ጊዴስ። \*

20 ኢሳያሲካ ገላቴሳን  
“ታና ኮፍንታይታስ ታ ቤታዲስ፤

ታና አይቻንታይታስ ታና ቆንጨሳዲስ” ጊዴስ። \*

21 ኢስራዔል ጊሽ ቃሴ

“ታስ አዛይቶንታ ዴሬገኔ

ታስ ኤኖ ጎንታ ዴሬገኔ ኩሜላ ጋላስ ታ ኩሼ ሚጫዲስ” ጊስ። \*

11

የሲ ኢስራዔል አሳ ሙሴ ዩጊ አጊቤና

1 ሂስቲን የሲ ባ ዴሬታ ዩጊ አጊዴ? ጋዳ ታ አይቻይስ፤ ሙሴካ አጊቤና፤ ታካ ታ ባጋራ ቢኒያሚ ዛሪኬ፥ አብራሃሜ ዜሬስ ጊዲዳ ኢስራዔል አሳ። \* 2 የሲ ኮይሮፕ ባ ኤሪዳ ዴሬዛ ዩጊቤና፥ ኤላሲ ኢስራዔል ናይታ ቦላ ሞቶ ያሳኮ ዎስቲ ሺሺዳኮኔ ጊሻ ማግፋይ ኢዛ ጊሽ አይ ጊዛኮ ኢንቴ ኤሬኬቲ? 3 “ጎዶ! ኢስቲ ኔ ናቤታ ዎዲዳ፥ ኔስ ያርሺዛሶታካ ላሊዳ፥ ቃሴ ታኒ ታርካ አታዲስ፥ ታናካ ዎዲና ጌቴስ” ጊዴስ። \*

4 የሲ ኢዛስ “ባዓሌ ጌቴቲዛ ኤቃስ ጎይኖንታይታ ላፑን ሺ አስ ታኒ ታስ አሻዲስ” ጊ ዛሪዴስ \*

5 ሄሳ ማላካ ሃዲ ሃ ዎዴዛንካ ያሳ ኪያቴላን ኢስራዔል አሳፕ ዶሬቲ አቲዳ ጉላቲ ዴቴስ። 6 ሂስቲን ሄሲ ያሳ ኪያቴላን ጊዲኮ አሳ አሶን ጊዴና፥ አሳ አሶን ጊዲዳኮ ያሳ ኪያቴላ ኪያቴላ ጊዴና።

7 ሂስቲን አይ ጋኔ? ኢስራዔል ናይቲ ሎዔሲ ኮዩዳይሳ ዴሚቤቴና፥ ያሳን ዶሬቲዳይቲ ጊዲኮ ዴሚዳ፥ ሃንኮ አቲዳይታ ዎዝናይ ሙሚዴስ። 8 ካሴ “ኢስታ አይሬይ ዩሎንታ ማላ፥ ኢስታ ሃይሳይካ ሲዮንታ ማላ የሲ ሃኖ ጋካናስ ኢስታስ ዶጨሲዛ አያና ኢሚዴስ” ጌቴቲ ጊሻ ማግፋን ያሬቲዳ ማላ። \* 9 ዳዉቴይካ

“ኢስታ ማዳይ ኢስታ አይኪዛ ናርጎኔ ያርዴ፤

ኢስታስ ዲዲዛዜኔ ቂግቴ ጊዶ።

10 ኢስታ አይሬይ ዩሎ፤ ጎዜቶ፤

ኢስታ ዞኮይ ሜርናስ ኩኖ” ጊዴስ።

አይዛቤቲካ አታና

11 አኔ ቃሴ ታ ዛሪ አይቻይስ፤ ኢስራዔል አሳይ ናምዓንሶ ኩንዴሳሬ ዴንዴኔ? ዴንዳና፥ ሃራፔካ ኢስራዔል ናይታ ቃናቲሳና ጊሽ ኢስታ ሞሮ ጋሶን አቶቴሲ አይዛቤታስ ጋኪዴስ። 12 ጊዶ አቲን ቃሴ ኢስታ ሞሮይ አይዛቤታስ አንጆ ጊዲዴስ። ኢስታ ኩንዴሳካ ቃሴ አይዛቤታስ አንጆ ጊዲኮ ኢስቲ ሲሚ አቲዳኮ አይ ማላ ጊታ አንጆ ጊዳንዴሺን!

13 አይዛቤቶ! ታ ኢንቴስ ዮታይስ፥ ታ አይዛቤታስ ኪቴቲዳዴ ጊዲዳ ጊሽ ታ አሶዛ ሚናዳ ፖላና።

14 ሄሲካ ታ ባጋ አሳቲ አሞዛና ማላ ዴንጅሳዳ ኢስታሬ ጉላ አሳታ አሻናስ ኡፋይሳ አሳይስ። 15 የሲ ኢስታ አጊዳ አይዛቤቲ ያሳራ ጊጊኮ የሲ ኢስራዔል ናይታ ዛሪዲ ኤኪዛ ዎዴ ኢንቴስ አዚ ሃናና ሚሳቲዜ? ሄሳ ጉሲ “ሃይቆፕ ዴንዲዴስ” ጉሳ ማላ።

16 ኮይሮ ቡኬሶይ ሎዎ ጊዲኮ ሃንኮ ኢዛፕ አሴቲዛይስ ዉሪካ ሎዎ ጊዴስ። ሄሳሳካ ኢሲ ሚሳ ያጶይ ሎዎ ጊዲኮ ሃንኮ ኢዛ ቦላ ዲዛ ሃጋቲካ ሎዎ ጊዴቴስ። 17 ኬላ ማታን ዲዛ ዎጋራ ሚሳ ሃጋታ ማላቲ ኢንቴ ሜቂን ሃንኮ ዎራን ዲዛ ዎጋራ ሚሳታ ሚሳቲዛ አይዛቤቲ ኢንቴ ኪቾሳን ጊዲዲ ኢንቴ ሃርኔ ኢንቴ አንጆ ሻኪ ኤኪዛዴንታ ጊዲኮ፤ 18 ሄይታ ሄ ሚቂ ዎዲዳ ሃጋታ ቦላ አቶሬቶፋ። ኢንቴ ኢስታ ቦላ አቶሬቲኮ ቃሴ ሃኖ ዎዝናን ዎሲቴ። ሄ ሚሳ ቶኪዳይ ኔና ጊዳካ። ሚሳይ ኔና ቶኪዴስ አቲን።

19 ሂስቲኮ “ሄ ሃጋቲ ሜቂ ዎዲዳይ ኑኒ ኢስቲ ኪቾሳን ጌላና ማላሳ” ጎንታ አጊኬታ። 20 ቱሙ ጊዴታ ሺን ኢስቲ ሜቂዳይ አማኖ ፓጩፕ ዴንዲዳይሳና፥ ኢንቴ ቃስ አማኖን ኤቂዴታ። ባቢቴ አቲን አቶሬቶፍቴ። 21 የሲ ኮይሮፕ ዲዛ ሃጋታስ ሚሼቶንታዴ ጊዲኮ ኢንቴስካ ሚሼቴና።

22 ሄሳ ጊሽ ያሳ ኪያቴላኔ ኢዛ ሜንዬ ኢታቴላ አኔ ዩላ። ኢዛ ሜንዬ ኢታቴላይ ኩንዲዳይታ ቦላ። ኢዛ ኪያቴላይ ቃሴ ኢንቴ ኢዛ ቃዴቴላ ጋርሳን ዲዛ ዎዴ ጋካናስ ገላላ። ሄሲ ባይንዳ አጊኮ ኢንቴካ ቃንዬታና። 23 ኢስቲ አማኖንታ ሚኒ ኤቂዳሶፕ ሲሚኮ ካሴ ባሶ ሲሚ ጌላና። የሲካ ኢስታ ዛርሲ ጌልሳና ዳንዳይስ። 24 ኢንቴ ባዞ ዎጋራ ሚሳሬ ቃንዬቲዳይቲ ካሴ ኢንቴ ሜዴቴላሬ ጊዶንታ ሎዎ ሚሳን ኢንቴ ጌላና ዳንዳይኮ ኮይሮፕ ባ ሜዴቴላ ሃጋታ ጊዲዳይቲ ሄይቲ ካሴ ኢዛ ቦላ ዲዛ ዎጋራ ሚሳን ሲሚ ጌሎይ ኢስታስ ዋኒ ሃኔኔ?

ኢስራዔል አሳይ ዉሪካ አታና

25 ታ ኢሻቶ! ኢንቴ ጨንጫ አስ ጊዲዳይሳ ኢንቴስ ሚሳቶንታ ማላ ሃይሳ ጊዶ ፀራ ዮዎዛ ኢንቴ ኤሮንታ አታና ማላ ታ ኮዩኬ። ሄሲካ አይዛቤታፕ ዩይጌቲዳይቲ ዉሪ አማናና ጋካናስ ኢስራዔል ናይታ ዎዝናና ሙሚዴስ። 26 ሄሳ ጊሽ ኢስራዔል ናይቲ ዉሪካ አታና። “አሺዛዴይ ዩዮኔፕ ያና፤

\* 10:19 ዛሬ 32:21 \* 10:20 ኢሳ 65:1 \* 10:21 ኢሳ 65:2 \* 11:1 ፒሊ 3:5 \* 11:3 1ካዎ 19:10፥14 \* 11:4 1ካዎ 19:18 \* 11:8 ዛሬ 29:4፤ ኢሳ 29:10

ያቆቤጥካ ኢታቱል ዲጋና። \* 27 ታኒ ኢስታ ናጋራ ወርሳ ዳይሲዳፕ ጉዩ ታ ኢስታራ ጫቆን ጌሊዛ ቃላይ ሄሳ” ጌቱቲዲ ካሴ ጌሻ ማፃፋን ፃፊቲዳ ማላ ሃኒዴስ። \*

28 ኢንቴስ አይዛቤታስ ሚሺራቾ ቃላይ ጋካና ማላ ኢስራዔል ናይቲ ያሳን ኢዔቲዳ አስ ጊዲዳ። ጊዲኮካ ካሴ ዶሮ ማላ ጊዲኮ ባ አዋታ ባጋራ ኢስቲ ዶሴቲዳይታ። 29 ያሲ ዶሪዳፕኔ ባ ኪያቴስ ኢሚዳፕ ጉዩ ባ አሲዳ ሚሻን ሲሚዲ ሞዴቴና። 30 ኢንቴካ ካሴ አዛዜቶንታይታኮ! ኢስቲ አዛዜቶንታ ኢዲን ሃዲ ኢንቴና ማሪዳይሳሶ፤ 31 ያሲ ኢንቴና ማሪዳ ጊዶን ኢስቲካ ማራታና ማላ ሃዲ አዛዜቶንታይታ ጊዲዳ። 32 ያሲ ወርሲካ ማራናስ አሲ ወሪካ አዛዜቶንታ ማላ ጎርዲዴስ።

**ያሳ ሳቦ**

33 ያሳ ዱራቴሳይ፣ አዶ ኤራቴሳይኔ ኢዛ ኤራቴሳይ አይ ማላ ጨማ! ኢዛ ፕርዳይ አይ ማላኮኔ ፓጩቴና። ኢዚ አዲዳ ጌዶይካ ኤራቴና። \* 34 “ጎዳ ዎዝና ኤሪዳይ አኔ? ኢዛስ ዞሬ ኢሚዳይ አኔ? 35 ያሲ ዛሪ ኢማና ማላ ኢዛስ ታልዔ ኢሚዳይ አኔ?” ጌቱቲ ፃፊቲዳ ማላ። \*

36 ወሪካ ኢዛፕ፣ ኢዛን፣ ኢዛሳ፤ ኢዛስ ቦንቾይ ሜርናፕ ሜርናስ ጊዶ! አሚን። \*

12

**ያሳስ ቤሲዛ ዴዎ ያርሾ**

1 ሄሳ ጊሽ ታ ኢሻቶ! ኢንቴ አሳቴሳ ጌሺኔ ያሴ ኡፋይሲዛ ዴዎ ያርሾ አሲዲ ኢንቴ ሺሻና ማላ ታ ኢንቴና ያሳ ቃዴታን ያሳይስ። ሄሲካ ዎዝናማ አሳ ማላ ኢንቴ ያሳስ አሲዛ አሶ። 2 ሎዎ፣ ኡፋይሲዛዚኔ ኩሜስ ጊዲዳ ያሳ ሽኔይ አዛኮኔ ኢንቴ ፓጩ ኤራና ማላ ኢንቴ ቆፋን አራዲዲ ላሜቲቱ አቲን ሃይሳ አላሜ አሳ ሚሳቶፕፕ።

3 ኢንቴስ ያሲ ኢሚዳ አማኖ ማላ ኢንቴርካ ኢንቴና ፓጩ ዓሊቴ አቲን ሃዲ ዲዛይሳፌ ቦላራ ኢንቴና ዶቂሲ ዓሎንታ ማላ ታኒ ታስ ኢሜቲዳ ያሳ ኪያቴሳን ኢንቴና ኢሳ ኢሳ ዞራይስ። 4 ኑፕ ኢሲ ኢሲ አሳስ ኢሲ አሳቴሳ ቦላ ዳሮ ቢሊቴቲ ዲዛ ማላ ሄይቲካ ሄ ቢሊቴቲ ኢሲ ማላ አሶ አሶንታይሳሶ፤ 5 ሄሳሶካ ኑኒ ዳሮታ ጊዲ ኡቲዲ ኪርስቶሳን ኢሲ አሾ፤ ኑኒ ኢሶይ ኢሳስ አሾ። 6 ኑስ ኢሜቲዳ ኢሞታ ማላ ዱማ ዱማ ኢሞቴሲ ዴስ። ኢሳዴስ ቡሮፕ ሃናናዝ ዮቶ ጊዲኮ ኢዛዴስ ኢሜቲዳ አማኖ ማላ ዮቶ። 7 አሲ ማዲዛይይ አሲ ማዶ፤ ታማርሲዛዴይካ ታማርሶ። 8 ዞሪዛዴይ ጊዲኮ ዞር፤ ባይንዳይታስ ኢሚዛዴይ ጉጂ ኢሞ። አይሲዛዴይ ሚኒ አይሶ። ማሪዛዴይካ ኡፋይሳን ማሮ።

**ሲቆ**

9 ኢንቴ ሲቆቴሲ ቆዴፕ ቆሞን ጊዶፓ። ኢታ ጊዲዳይሳ ወርሲካ ኢዲቴ። ሎዎ ጊዲዳይሳራ ኢሲፌ አይኬቲቴ። 10 ኢንቴ ኢንቴ ጋርሳን ኢሶይ ኢሳራ ኢሻታ ማላ ሎዔሲ ሲቆቴቴ። ኢሶይ ኢሳ ባፕ አሲ ቦንቾዛይታ ጊዲቴ። 11 ጎዳስ አሳና አያናን ፀጌቲዛይታ ጊዲቴ አቲን ሄሳ ሄ ሚኖቴሳፌ ጉዩ ጎፕቴ። 12 ሂዶታን ኡፋዮቴዛይታ ጊዲቴ፤ ሚቶ ዳንዳዮቴ፤ ያሳን ሚኒቴ። 13 አማኒሼ ዋዮቴዛይታስ ኢንቴስ ዲዛይሳፌ ሻኪ ኢሚቴ። ኢማስ ሞኪቴ።

14 ኢንቴና ቃንጊዛይታ አንጂቴ አቲን ቃንጎፍቴ። \* 15 ኡፋዮቴዛይታራ ኡፋዮቴቴ፤ ሙዞቲዛይታራ ሙዞቲቴ። 16 ኢንቴ ኢንቴ ጋርሳን ዶሴቴሳን ዲቴ። ማንቆታራ ኢሲፌቴሳን ዳናስ ኮዩቴ አቲን አቶራቶሬቴኔ ጨቁቶፍቴ። \*

17 አናስካ ኢታ ጊሽ ኢታ ዛሮፕቴ። አሳ ኡባ አቻን ሎዎ ሚሽ አሳናስ ሚኒቴ። 18 ኢንቴስ ዳንዳዮቴኮ ኢንቴ ኢንቴ ባጋራ አሳ ኡባራ ሳሮን ዲቴ። 19 ታ ሲቆቶ! ኢንቴ ሃሎ ያሲ ኬሶ አቲን ኢንቴርካ ሃሎ ኬሶፍቴ “ሃሎ ኬሳናይ ታና ጌስ ጎዳይ” ጌቱቲ ጌሻ ማፃፋን ፃፊቲዴስ። \*

20 ሃሎ ኬሳናፕ “ኔኒ ኔ ሞርኬይ ጋሬኮ ሚዛ፤ ኢዚ ሳሞቲኮ ኡሻ፤ ኔ ሄሳሶ አሲኮ ታማ ቦንቆ ኢዛ ቦላ ኮራሳ” ጌቱቲዲ ጌኤሻ ማፃፋን ፃፊቲዴስ። \* 21 ኢታ ሎዎ አሶን ያና አቲን ኢታን ያኔቶፋ።

13

**ዴሬ አይሲዛይታስ አዛዜቴስ**

1 አይ አሲካ ባና አይሲዛ ዳናታስ ሃራታናስ ቤሴስ። ያሳፌ ኢሜቶንታ ዲሺን ዳናቴሲ ዴና። ሃዲ ዲዛ ዳናቲ ያሳፌ ዳናቲዳይታ። 2 ሄሳ ጊሽ ዳና ቦላ ማካሊዳይ ያሳ ዎጋ ቦላ ማካሌስ። ሄ ማካሊዛይቲካ ባ ቦላ ፕርዳ ኤሄቴስ። 3 ዴሬ አይሲዛይቲ ኢታ አሲዛይታ ባቢሴቴስ አቲን ሎዎ አሲዛይታ ባቢሴቴና። ኔ ዴሬ አይሲዛዴስ ባቦንታ አጋና ኮያይ? ሂስቲኮ ሎዎ አሳ፤ ኢዚካ ኔና ጋላታና። 4 ኢዚ ኔስ ሎዎ አሳናስ ያሳ አሳንቻ። ጊዶ አቲን ኔ ኢታ አሲዳ ጊዲኮ ኢዛስ ባባ። ጋሶይካ ኢዚ ማሻ ሮሜ ማላ ጊዲቤና፤ ኢዚ ኢታ አሲዛዴ ቃፃያናስ ያሳ አሳንቻ። 5 ሄሳ ጊሽ ኢዛ ቂፃቴስ ባቦ ፃላላ ጊዶንታ ኔ ቆፋንካ ዳናቲዛዴስ አዛዜታናስ ቤሴስ።

6 ኢንቴ ጊራ ኢሚዛይ ሄሳሳ። አይሲዛይታ ሄሳ ሄ አሶዛ ቦላ ያሲ ኢስታ ዎሲዴስ። 7 ኢስታፌ ኢሳስ ኢሳስ ቤሲዛይሳ ኢሚቴ። ጊራ ኢማና ቤሲዛይታስ ጊራ ኢሚቴ፤ ቃራፃ ቃንፃናስ ቤሲዛይታስ ቃራፃ ቃንፃቴ፤ ባባናስ ቤሲዛይታስ ባቢቴ፤ ቦንቻናስ ቤሲዛይታ ቦንቻቴ።

\* 11:26 ኢሳ 59:20 \* 11:27 ኤር 31:33-34 \* 11:33 ኢሳ 55:8 \* 11:35 ኢዮ 41:11 \* 11:36 1ቆይ 8:6  
\* 12:14 ማቶ 5:44፤ ሉቃ 6:28 \* 12:16 ሉም 3:7 \* 12:19 ዛሬ 32:35 \* 12:20 ሉም 25:21-22

**ዎዴይ ማቲዳ ጊሽ ኢንቴ ጋርሳን ሲቁቲቴ**

<sup>8</sup> ኢንቴ ጋርሳን ኢሶይ ኢሳራ ሲቁቲቴ። አቲን አና ቦላካ አጮይ ዶፖ። አስ ሲቁዛ አሲ ኢዚ ዎጋ ፖሊዴስ። <sup>9</sup> “ላይማቶ፣ ዎዶ፣ አሞቶ።” ጊዛይቲኔ ሃራ አዛዙቲ ዲኮካ “አስ ኡባካ ኔ ማላ ሲቃ” ጊዛ ሃኖ ኢሲ ዎጋን ወሪካ ኩቡቲዴስ። \* <sup>10</sup> ሲቆይ አሳ ቦላ ኢታ አሴና፤ ሄሳ ጊሽ ሲቆይ ዎጋ ኡባስ ኩሻ።

<sup>11</sup> ሃይሳ ዎዴዛ ጫዲ ያሊዲ ሄሳ አሲቴ። ሃሊ ሃና ኢንቴ ዲስኮፌ ዴንዲዛ ዎዴ። ኑ ካሴ አማኖሳፕ ሃ ሲሚን ሃሊ ኑስ አቲዛ ዎዴይ ማቲዴስ። <sup>12</sup> ቃማይ አዲን ዎንታና ጌስ። ሄሳ ጊሽ አኔ ኑ ዱማ አሶ ዎራ ዩጊዲ ፖፖ አላ ሚሺ ማይዎስ። <sup>13</sup> ጋላሳራ ሃሙቲዛ ማላ አኔ ዎጋራ ሃሙቶስ። ማጉልሳኒኔ ማሶን ጊዶ፣ ላይማ አሞኒኔ ላይማን ጊዶ፣ ቃናቴቴሳኒኔ ፓላማን ጊዶ። <sup>14</sup> ሄሳ አጊዲ ዩሱስ ኪርስቶሳ ማይዲቴ። አሾ አሞ ፖላናስ ቆፖፍቴ።

14

**አሳ ቦላ ፐርዶፋ**

<sup>1</sup> ኢንቴ ጋርሳን አማኖን ቡሮ ሚኖንታዴ ሺሺ ኤኪቴ አቲን ኢዛ ቆፋ ቦላ ፐርዶፍቴ። <sup>2</sup> ኢሲ ኢሲ አሲ ቤቲዳይሳ ወርሲ ማናስ አማኖይ ዴስ። ቃሴ አማኖን ሚኖንታዴይ አታኪልቴ ሃላላ ሜስ። <sup>3</sup> ቤቲዳይሳ ወርሲ ሚዛዴይ ወርሲ ሞንታዴ ካዶ፣ ሞንታዴይ ቃሴ ሚዛዴ ቦላ ፐርዶፍ። ያሲ ኡባካ ኤኪዴስ። <sup>4</sup> ሃንኮ አሲዛዴ ቦላ ፐርዲዛዴይ ኔ አኔ? ኢዛዴይ ኩንዲኮ ዎይኮ ኤቂኮካ ጎዳሳ። ጎዳይ ኢዛ ኤሳናስ ዳንዳይዛ ጊሽ ኢዚ ኤቃንዴስ።

<sup>5</sup> ኢሳዴይ “ጋላሳታፕ ኢሲ ጋላስ ሃራ ጋላሳፌ አሲዲ ባሲ ዱማ ጋላስ” ጊ ቆፕስ። ሃራ አሲ ቃሴ “ጋላሳቲ ወሪካ ኢሲ ጊና” ጊ ቆፕስ። ኢሲ ኢሲ አሲ ባ ዎዝናን አማኒዳ ማላ አሶ። <sup>6</sup> ኢሲ ጋላሲ ሃራ ጋላሳፌ ዱማሲ ቆፐዛዴይ ኢዚ ሄሳ አሲዛይ ጎዳ ቦንቾስ ጊዲኮ ሚዛዴይካ ጎዳ ቦንቾስ ጊዲ ሜስ። ሚዲ ያሴ ጋላቴስ። ሞንታዴይካ ጎዳ ቦንቾስ ጊዲ ሙስ አጌሲኔ ያሳስ ጋላታ ኢሜስ። <sup>7</sup> ኑፕ አኒካ ባሲ ዲዛዴይና ባፕ ባሲ ሃይቂዛዴይ ዴና። <sup>8</sup> ኑ ዲኮካ ጎዳስ ዶስ። ሃይቂኮካ ጎዳስ ሃይቆስ። ሄሳ ጊሽ ዲኮካ ዎይኮ ሃይቂኮ ኑ ጎዳሳ።

<sup>9</sup> ሄሳ ጊሽ ሃይቂዳይታሲኔ ፓፃ ዲዛይታስ ጎዳ ጊዳናስ ኪርስቶሲ ሃይቂዲ ሃይቆፕ ፓፂ ዴንዲዴስ። <sup>10</sup> ሂስቲን ኔ አዛስ ኔ ኢሻ ቦላ ፐርዳይ? አዛስ ኔ ኢሻ ሌቃይ? ኑ ወሪካ ያሳ ፐርዳ ዎምቦራ ሲንስ ሺቆስ ዶስ። \*

<sup>11</sup> “ታ ፓፃ ዳይስ። ጉልባቴይ ወሪካ ታስ ጉልባታና። ኢንፃርሲ ወሪ ያሳስ ማርካታና”

ጌቲቲ ካሴ ጌሻ ማፃፋን ፃፌቲዴስ። \* <sup>12</sup> ሄሳ ጊሽ ኑኒ ኢሲ ኢሲ አሲ ያሳ ሲንስ ሺቂዲ ኑ አሶ ጊሽ ኢዛስ ዛሮ ኢማና።

<sup>13</sup> ሄሳ ጊሽ ኑኒ ኑ ጋርሳን ኢሶይ ኢሳ ቦላ ፐርዳናፕ አኔ ናጌቶስ። ሄሳ አጊዲ ኑ ኢሻስ ዱጴ ጊዲዛይሳ ዎይኮ ኢዛ አይኪዛ ናርፃ ዎሶንታ ማላ አኔ ኑ ናጌቶስ። <sup>14</sup> ታኒ ጎዳ ዩሱሳን አማናዳ ሚዛ ካሳን ቱናይ ባይንዳይሳ ኤራዲስ። ጊዶ አቲን ኢሳዴይ ኢሲ ሚሽ ቱና ጊ ቆፐኮ ሄ ሚሻይ ኢዛዴሲ ቱና። <sup>15</sup> ኔኒ ኔ ኢሻ ሚዛ ካሳ ጌዶን ዱጴ ጊዲኮ ሲቆን ሲሜሬታባካ። ኪርስቶሲ ኢዛ ጊሽ ሃይቂዳ ኔ ኢሻ ኔ ሚዛ ካሳ ጋሶን ዎዶ፣ <sup>16</sup> ኢንቴ ሎፖ ጊዲ ቆፐዛ ሚሽ ኢታ ጌቲታና ማላ አሶፍቴ። <sup>17</sup> ያሳ ካዎቴሲ ያሎ አያናን ቤቲዳ ያሎቴስ። ሳሮቴሲኔ ኡፋይሳፌ አቲን ሙሳ ዮፖኔ ኡሻ ዮፖ ጊዴና። <sup>18</sup> ሃይሳሶ ኪርስቶሳስ አሲዛዴይ ያሴ ኡፋይሴሲኔ አሳ አቻንካ ጋላቴቴስ።

<sup>19</sup> ሄሳ ጊሽ ሳሮቴሲ ቤቲዛ አጌኔ ኑኒ ኑ ጋርሳን ሎፖናስ ቤሲዛ አጌ አኔ ኮፖስ። <sup>20</sup> ኑኒ ሚዛ ካሳ ጊሽ ጊዲ ያሳ አሶ አኔ ላሎኮ። ካሲ ወሪካ ጌሻ። ጊዶ አቲን ሃራ አሳስ ዱጴ ጊዲዛ ካሳ ሙሲ ባላ አሶ። <sup>21</sup> ኔ ኢሻስ ዱጴ ጊዲዛዚ ጊዲኮ አሾካ ማናፕኔ ዎይኔ ጫጄ ኡያናፕ ዎይኮ አይ ሚሺካ ኔ አሶንታ አጊኮ ሎፖ።

<sup>22</sup> ሄሳ ጊሽ፣ ሃይታንታ ሚሳቲዛ ሚሻታስ ኔስ ዲዛ አማኖይ ኔ ጊዶኒኔ ያሳ ጊዶን ዴፖ። “ሃይሲ ሊኪኮ” ጊዲ አማኖን ኤኪዳ ሚሻን ባርካ ባ ቦላ ፐርዶንታዴይ ኢዛዴይ አንጄቲዳዴ። <sup>23</sup> ጊዶ አቲን ዎዝናራ ሲዲሺ ሚኮ ኢዚ አማኖን ሞንታ ጊሽ ኢዛ ቦላ ፐርዴቲዴስ። አማኖን አሶንታዚ ወሪካ ናጋራ።

15

<sup>1</sup> ኑኒ አማኖን ሚኒዳይቲ ሃንኮ አማኖን ሚኖታይታ ሜቶ ቶካናስ ቤሴስ አቲን ኑ ሃላ ኡፋይቲዛይታ ጊዳናስ ቤሴና። <sup>2</sup> ኑኒ ወሪካ ሃራ አሲ ባ አማኖን ሚናና ማላ ኢዛ ጎዲዛዚኔ ኡፋይሴሲዛ ሚሽ አኔ አሶስ። <sup>3</sup> ኪርስቶሲ ባና ኡፋይሴሴና፤ ሃራፕካ “አሳይ ኔና ጫዴዳ ጫሻይ ታና ጋኪዴስ” ጌቲቲ ካሴ ጌሻ ማፃፋን ፃፌቲዳይሲ ፖሌቲዴስ። \* <sup>4</sup> ኑኒ ጌሻ ማፃፋታፕ ዴሚዛ ዳንዳይይኔ ሚኖቴሲ ኑስ ዳና ማላ ኮይሮፕ ፃፌቲዳይሲ ወሪካ ኑ ኢዛፕ ኑስ ቲሚርቴ ዴማና ማላ ፃፌቲዴስ።

<sup>5</sup> ሚኖቴሲኔ ዳንዳያ ኢሚዛ ያሲ ኢንቴ ዩሱስ ኪርስቶሳ ካሊሺን ኢንቴስ ኢንቴ ጊዶን አያና ኢሲፌቴስ ኢሞ። <sup>6</sup> ሄሲካ ኢንቴ ኢሲ ዎዝናኒኔ ኢሲ ዱና ጊዲዲ ኑ ጎዳ ዩሱስ ኪርስቶሳ አሞ ያሳ ቦንቻናሳ።

**ሚሺራቾ ቃላይ አማኖንታ ዴሬታስ ሳባኬቲዴስ**

\* 13:9 ኬሳ 20:14-15፣ 20:13፣17፣ ዛሬ 5:17-19፣21፣ ሌዌ 19:18 \* 14:10 2ቆሮ 5:10 \* 14:11 ኢሳ 45:23 \* 15:3 ማዛ 69:9

7 ሄሳ ጊሽ ያሲ ኢንቴና ያሳ ቦንቾን ሞኪ ኤኪዳ ማላ ኢንቴካ ኢሶይ ኢሳ ኡፋይሳን ሞኪ ኤኪቴ።  
8 ካሴ አዋታስ ኢሜቲዳ ሂዶታ ቃላ ፖላናስ ያሳ ቱማቴሲ ኤሬታና ማላ ኪርስቶሲ አይሁዳታስ አሲዛዴ ጊዲዳይሳ ታ ኢንቴስ ዮታይስ። 9 ሄሳሳካ አይዛቤቲ ኢዛ ማሮቴላ ጊሽ ያሴ ጋላታና ማላ፤ ሄሲካ

“ታ ኔና ዴሬ ጊዶን ጋላታና፤  
ኔ ሱንሳስካ ጋላታ ዩስ ዩፃና”  
ጌቴቲ ጌሻ ማፃፋን ፃፌቲዳ ማላ። \*

10 ቃሴካ  
“አይዛቤቶ!  
ኢንቴካ ያሳ ዴሬታራ ኡፋዮቲቴ”

ጌቴቲ ጌሻ ማፃፋን ፃፌቲዴስ። \*  
11 ናምዓንሶካ

“አይዛቤቲ ኢንቴ ወሪካ ጎዳ ጋላቲቴ፤  
ዴሬይ ወሪ ኢዛ ሳቢቴ”  
ጌቴቲ ጌሻ ማፃፋን ፃፌቲዴስ። \*

12 ሄሳሳ ኢሳያሳን  
“ባ ዴሬ አሳ ቦላ ካዎቲዛ ኢሴዩ ናይ ያና።  
አላሜ አሳ አይሲዛዴይ ዴንዳና፤  
ኢስቲካ ኢዛን ኡፋዮታና” ጌስ። \*

13 ኢንቴ ኢዛን አማኒዛ ጊሽ ሂዶታ ያሲ ኢንቴናን ኡፋይሲኔ ሳሮቴስ ኩንሶ። ሄሲካ ሂሎ አያና ዎልቃ ሂዶታ ኢንቴስ ዳራናሳ።

**አይዛቤታስ አሳንቻ ጊዲዳ ጳውሎሳ**

14 ታ ኢሻቶ! ኢንቴ ሎጌቴሳን፤ ኤራቴስ ኡባን ኩሚዳይታኔ ሃራታ ዞራናስ ኤራይ ዲዛይታ ጊዲዳይሳ ታ አዳሬ ሻካ ኤራዲስ። 15 ታ ያሳሬ ኤኪዳ ኢሞቴላ ጊና ቃሴካ ኢንቴና ቆፊሳናስ ኢሲ ኢሲ ዮታ ፃላቴላን ኢንቴስ ፃፋዲስ። 16 ሄሳ ሄ ኪያቴላይ ኢሜቲዳይ ታኒ ያሳ ሚሺራቾ ቃላ ሃንኮ ዴሬታስ ዮታና ማላ፤ ቃሴካ ቄሴ ማላ ጊዲዳ ዩሱስ ኪርስቶሳስ አሳናሳ፤ ሄሳ ጊሽ ሃንኮ ዴሬ አሳይ ሂሎ አያናን ዱማቲዲ ያሴ ኡፋይሲዛ ያርሾ ጊዲዲ ሺቃና ማላ አሳይስ።

17 ሄሳ ታኒ ያሳስ አሲዛ ጊሽ ዩሱስ ኪርስቶሳን ጩቄታይስ። 18 ታ ዮቲዳይሳኒኔ ታ አሲዳይሳን ሃንኮ ዴሬ አሳይ ያሳስ አዛዜታና ማላ ኪርስቶሲ ታናን ጊዲዲ አሲዳዛፕ አቲን ሃራ ሃሳያና ፃሊኪ።

19 ሄሲካ ሃኒዳይ ሂሎ አያና ዎልቃን ማላታታ ባጋራ ሃኒዴስ። ሄሳ ማላንካ ዩሩሳላሜፕ ኢልዋቆሬ ጋካናስ ታ ኪርስቶሳ ሚሺራቾ ቃላ ሳባካዲስ።

20 ሃራ አሲ ካሴ አሲዳሶን ታ ጌሎንታ ማላ ጋዳ ካሴ ኪርስቶሳ ሱንሲ ዪይጌቲ ኤሮንታሶን ሚሺራቾ ቃላ ሳባካናይሲ ታስ አዎ። 21 ሃራፔካ

“ኢዛ ጊሽ ኢስታስ ዮቴቶንታይቲ ኢዛ ቤያና፤  
ሲዩ ኤሮንታይቲ ሃሳናና”

ጌቴቲ ካሴ ጌሻ ማፃፋን ፃፌቲዳ ማላ ሃኒዴስ። \*  
22 ሄሳ ጌዶን ታ ኢንቴኮ ቦንታ ማላ ዳሮ ዎዴ ዲጌታዲስ።

**አሮጌ ቤያናስ ጳውሎሳ ጊጌቴስ**

\* 23 ሃሩ ቃስ ታስ ሃን አሶይ ባይንዳ ጊሽ ዳሮ ላይላታፕ ሃ ሲሚን ኢንቴና ቤያናስ ታ ዳሮ ላሞታዲስ። 24 ሃይሳ ታ ቆፋ ታኒ ኢስቴኔ ቢዛ ዎዴ ፖላናስ ቆፓይስ። ሄራ አዳሼ ኢንቴና ቤያናሲኔ ኢንቴናራ ጉላ ዎዴ ጋምዓዳ ላሞታ አሲዳ ማላ ኢንቴ ታና ማዳና ጋዳ ሂዶታ አሳይስ።

25 ሃሩ ቃስ አማኒዛይታስ ኢሜቲዛ ማዶ ጊሽ ኤካዳ ዩሩሳላሜ ባይስ። 26 ጋሶይካ ማቂዶኒያኒኔ አካያን ዲዛ ማንቆታ ማዳና ዴንዲዴስ። \* 27 ሃይሳ ሃ ማዶዛ ኢስቲ ባ ዶሳን ኢሚዳይ ኢስቲ አሳናስ ቤሲዛ ጊሻሳ፤ አይዛቤቲ አይሁዳታራ ኢሲፌ አያና አንጆ ኤኪዛይታ ጊዲኮ ኢስቲካ ባሲ ዲዛ ቢታ አንጆን አይሁዳታ ማዳናስ ቤሴስ። \* 28 ሄሳ ጊሽ ሃይሳ ሺቂዳ ማዶ ሚሻ ዩሩሳላሜ ኢሚዳፕ ጉዩ ኢንቴ አቻን ታ ኢስቴኔ ባና። 29 ታ ሄ ኢንቴኮ ባሼ ኢንቴስ ኪርስቶሳ አንጆ ኩንሳ ኤካ ባናይሳ ታ ኤራይስ።

30 ታ ኢሻቶ! ታኒ ያሳ ዎሳን ባዴቲዛ ማላ ኢንቴካ ታናራ ባዴታና ማላ ታ ኢንቴና ጎዳ ዩሱስ ኪርስቶሳኒኔ ሂሎ አያና ሲቆን ዎሳይስ። 31 ታኒ ዩሁዳን ዲዛ አማናንታ አሳ ኩሼፔ አታና ማላኔ ዩሩሳላሜን ዲዛ ታ አሶይካ ሄን አማኒዛይታ አቻን ኤኪታና ማላ ታስ ዎሲቴ። 32 ሄሲካ ያሳ ሼኔ ማላ ሄ ኢንቴኮ ታ ኡፋይሳራ ባና ማላኔ ኢንቴናራ ኢሲፌ ሼምፓና ማላ። 33 ሳሮቴላ ጎዳይ ኢንቴናራ ኡባታራ ጊዶ። አሚን።

**ሳሮካ**

\* 15:9 2ሳሜ 22:50፤ ማዛ 18:49 \* 15:10 ዛሬ 32:43 \* 15:11 ማዛ 117:1 \* 15:12 ኢሳ 11:10 \* 15:21 ኢሳ 52:15 \* 15:22 እሮ 1:13 \* 15:26 1ቆሮ 16:1-4 \* 15:27 1ቆሮ 9:11



1 ኪንኪራዎሴ ዎሳ ኬሳን አሲዛ አማኔቲዳ ሚቼዮ ፔቤኖ ኢንቴስ ሃዳራ ጋይስ። 2 አማኒዛ አሳስ ቤሲዛ ሞኮ ኢንቴ ኢዞ ጎዳ ሱንሳን ሞኪ ኤካና ማላኔ ኢዛ ኢንቴፊ ኮዩዛ አይ ሚሻንካ ኢንቴ ኢዞ ማዳና ማላ ታ ኢንቴና ቆፊሳይስ።

3 ካሴ ታናራ ጎዳ ዩሱስ ኪርስቶስ ኢሲፌ አሲዳ ጰርሲቂሳሲኔ አቂላስ ታ ሳሮካ ጋሲቴ። \*

4 ኢስቲ ታ ጊሽ ሃይቃና ጋካናስ ባና አሲ ኢሚዳ፤ ታና ሃላላ ጊዶንታ አይዛቤታ፤ አማኒዳይቲካ ኢስታ ጋላቴቲስ። 5 ኢስታ ኬሳን ዲዛ አማኒዛ አሳካ ሳሮ ጊቴ። ኢሲያፔ ኮይሮ ኪርስቶስን አማኒዳ ታ ሲቆዛ ኤጲኔዎሴ ሳሮ ጊቴ። 6 ኢንቴስ ዳሮ ዳቡሪዳሮ ማራሞ ሳሮ ጊቴ። 7 ታናራ ኢሲፌ ቃቬቲዳ አንዲራቆኔኔ ዩኒያሴ ሳሮ ጊቴ። ሄይታንቲ ሃሞሬታ ጋርሳን ሎዎ ሱንሳራ ዲዛይታኔ ኪርስቶስ ታ፤ ካሴ አማኒዳይታ። \*

8 ታኒ ጎዳ ባጋራ ዳሮ ሲቂዛ ጰልያይ ሳሮ ጊቴ። 9 ኪርስቶስ አሶ ታናራ ኢሲፌ አሲዛ ኢሮባኖኔኔ ታ ሲቂዛ ሴንግኬካ ሳሮ ጊቴ። 10 ኪርስቶስን ኢዛ አማኖይ ፓጩቲዲ ጋላቴቲዳ ኤዳሴኔሴስ ታ ሳሮካ ጋሲቴ። አርሲዳባሎሶ አሳስካ ታ ሳሮካ ጋሲቴ። 11 ታ ዳቦ ሄሮዲያና ሳሮ ጊቴ። ጎዳን ዲዛ ኒሪቃሶሶ አሳ ሳሮ ጊቴ።

12 ጎዳን ጊዲዲ ሚኖቴሳን አሲዛ ማጫሳታ ቲሪፊሞኖኔ ሂሮፊሞኖ ሳሮ ጊቴ። ጎዳስ አሶን ዳሮ ዳቡሪዳሪስ ኪርስቶስን ታኒ ኢዞ ሲቂዛ ሃርሲዲስ ታ ሳሮካ ጋሲቴ። 13 ጎዳን ዶሬቲዳ ሩፎኔስ፣ ታሲኔ ኢዛስ አዮ ጊዲዳሪስ ታ ሳሮካ ዮቲቴ። \* 14 አስቀርኔሲ፣ አፊላሶኔሲ፣ ሄሮሜኔሲ፣ ጳዊርባኔሲ፣ ሄሮማኔሲኔ ኢስታራ ዲዛ ኢሻታ ኡባታስ ታ ሳሮካ ጋሲቴ። 15 ፊሌጎኔስ፣ ዩሊያስ፣ ኔሪያሲኔ ኢዛ ሚቼይስ ሄሳሶካ አልያኔስ፣ ኢስታራ ዲዛ አማኒዛይታስካ ታ ሳሮካ ጋሲቴ።

16 ኢሶይ ኢሳ ዩሪ ዩር ኤኪዲ ሳሮኬቲቴ። ኪርስቶስን አማኒዛ ዎሳ ኬሳ አሳይ ወሪካ ኢንቴና ሳሮ ጊስ።

17 ታ ኢሻቶ! አሳ ጋርሳን ሻኬቴሲ ሜዲዛይታ፤ ኢንቴ ታማሪዳ ቲሚርታ ኤኮንታ ኢዎን ኢንቴስ ዱጴ ጊዲዛ አሳታ፤ ኢንቴ ናጌቲቴ። 18 ሄይታንታ ማላ አሳቲ ዩሱስ ኪርስቶስን አሲዛይታ ጊዶንታ ባ ቃንሳ ካሳ ጊሽ አሲዛይታ። ሹጎ ቃላራ ሃሳያኒኔ ዎዝና ኪያ አሳታ ባሌሴቴስ። 19 ኢንቴ ሚሺራቾ ቃላስ አዛዜቲዛይታ ጊዲዳይሳ አሲ ወሪ ሲይዴስ። ሄሲካ ታና ዳሮ ኡፋይሲዴስ። ጊዲኮካ ኢንቴ ሎዎ ሃኖስ ጨንጫታ ቃሴ ኢታ አሶስ ኤያታ ጊዳና ማላ ታ ኮያይስ። 20 ሳሮቴሳ ጎዳይ ሃላዔ ኤሶን ኢንቴ ቶሆ ጋርስ አሲ ዲንጩሬሳና።

ጎዳ ዩሱስ ኪርስቶስ ኪያቴሲ ኢንቴናራ ጊዶ።

21 ታናራ ኢሲፌ አሲዛ ሂምቶሲ ቃሴካ ታ ዳቦ ሉቂዮሲ፣ ኢያሶኔይኔ ሱሲጴዊሮሲ ኢንቴና ሳሮ ሳሮ ጊቴስ። \*

22 ሃይሳ ኪታ ሃፊዳይ ታኒ ዩሪዊዮሲ ኢንቴና ጎዳ ሱንሳን ሳሮ ጋይስ።

23 ታኒኔ ሃይሳን ዲዛ ኩሜሳ ዎሳ ኬሳ አሳይ ሞኪ ኤኪዛ ጋዩዮሲካ ኢንቴና ሳሮ ጊስ፤ ካታማ ሚሻ አይኪዛ ኤሪስዎሲኔ ኑ ኢሻ ቆዓዊሮሲ ኢንቴና ሳሮ ጊቴስ። \* 24 ጎዳ ዩሱስ ኪርስቶስ ኪያቴሳ ኢንቴናራ ኡባታራ ጊዶ። አሚን።

25 ታኒ ዮቲዛ ሚሺራቾ ቃሳይ ዩሱስ ኪርስቶስ ጊሽ ዮቴቲዛ ኪታይኔ ቤኒ ዎዴፔ ዶሚዲ ቆታን ጋምዲዲ ሃዒ ቃሴ ቆንጫዳ ቱማ ፀራ ባጋራ ኢዚ ኢንቴና አማኖን ኤሳናስ ዳንዳዩስ። 26 ሃዒ ቃሴ ሃይሲ ቱማይ ቆንጫዴስ። ሜርና ዶሳ አዛዞን ወሪካ አማኒዲ አዛዜታና ማላ ናቤታ ማፃፋ ባጋራ ዴሬቲ ወሪካ ኢዛ ኤራና ማላ ሃኒዴስ።

27 ኢዚ ሃላላ ኤራ ጊዲዳ ጎዳስ ዩሱስ ኪርስቶስ ባጋራ ሜርና ቦንቾይ ኢዛስ ጊዶ። አሚን።

\* 16:3 ሃዎ 18:2 \* 16:7 ዩኒያሴ ኢሲ ኢሲ ጊሻ ማፃፋቲ ዮሊያ ጊቴስ። \* 16:13 ማር 15:21 \* 16:21 ሃዎ 16:1 \* 16:23 ሃዎ 19:29፣ 1ቆሮ 1:14፣ 2ዲሞ 4:20

**ጳውሎሲ  
ቆሮንቶሴ አሳስ  
ፃፊዳ ኮይሮ ኪታ  
ጊዶ ቆፋ**

ጳውሎሲ ቆሮንቶሴ አሳስ ፃፊዳ ኮይሮ ኪታይ ፃፊቲዳይ ኢዚ ካሴ ቆሮንቶሴን ኤሲዳ ዎሳ ኬላ ጊዶን ዲዛ አማኖን ዱሳ ጊሺኔ አማኖ ጊሽ ዴንዲዳ ሜቶታ ቢርሻናስ ጊዲኮ። ሄ ዎዴ ቆሮንቶሴ ካታማያ ኩሜላ አላሚን ኤሬቲዳ ጊሪኬ አሳ ካታማ ጊዶይሳፕካ ቦላራ አካያ ጌቲቲዛ አሮሜ ካዎይ ሃሪዛ ዋና ካታማ። ሂና ሄ ካታማያ ኢዚን ዳሮ ጊታ ዛልዔይ ዛልዔቲዛሶ። ሃንኮ ዴሬ ዎጋ ባጋራ ጊዲኮ ዳሮ ዲቻ ቦላ ዳወሲኔ ኢታ ሃኖኒኔ ዱማ ዱማ ሚሼ አማኖን ዳሮ ኤሬቲዳሮ።

ሃዋሬይ ሃራፕካ ሎዔሲ ዪሊዳይ ዎሳ ኬላይ ጊዶን ዲዛ ሻኮቴላ ጊሽ፣ ኢስታ ኢታ አሶ ጊሽ፣ ላይማ ጊሺኔ ኤኮኔ ጌሎ ጊሽ፣ ዎሳ ኬላ ጊሽ፣ ጊሎ አያና ኢሞታታ ጊሺኔ ሃይቆፕ ዴንላ ጊሻሳ። ሄሳሳካ ሃዋሬይ ሚሺራቾ ቃላዛ ሃይታ ሃ አይሻታ ቦላ ኢስታስ ሎዔሲ ሚንሲ ዛሮ ኢሜስ።

“ሲቆይ” ዎሲ ባ አሳስ ኢሚዳ ኢሞታ ኡባሬ አዴስ ጊዲዳይሳ ቆንጨሲዛይ ታማኔ ሄቫንሶ ሽዎፖይ ሃይሳ ሃ ማፃፋ ጊዶን ዳሮ ኤሬቲዳ ኪፍሴ ጊዲ ቆሬቴስ።

- ሃ ማፃፋይ አይኪዳ ኩሜላ ቆፋ
- ጌሎሶ 1:1-9
- አማኒዛይታ ጋርሳን ሜዴቲዳ ሻኮቴላ 1:10-4:21
- ኢታ አሶኔ ሶ አሳ ዱስ 5:1-7:40
- አማኒዛይታኔ አማኖንታ አሳ 8:1-11:1
- አማኒዛይታ ዱሲኔ ዎሴ ጎይኖ ዎጋ 11:2-14:40
- ሃይቆፕ ኪርስቶሳ ዴንሲኔ አማኒዛይታ ዴንሲ 15:1-58
- ዩሁዳን ዋዩ ቦላ ዲዛ አማኒዛይታ ማዳናስ ኬሶ ሚሽ ሺሾ 16:1-4
- ኩሻ ቆፋ 16:5-24

- 1 ዎሳ ሽኔን ዩሱስ ኪርስቶሳስ ኪቴታናስ ዪይጌቲዳ ጳውሎሳፕኔ ኑ ኢሻ ሶስቲኔሴፕ፤
- 2 ቆሮንቶሴን ዲዛ ዎሳ ዎሳ ኬላስ፤ ጎዳ ዩሱስ ኪርስቶሳስ ዱማቲዳይታሲኔ ኢስታሳራ ኑሳራ ጎዳ ጊዲዳ ጎዳ ዩሱስ ኪርስቶሳ ሱንላ አዋን አዋንካ ዪይጊዛ አማኒዛይታራ ጊዳናስ ዪይጌቲዳ አሳ ኡባስ።
- 3 ኑ አዋ ዎሳሬኔ ጎዳ ዩሱስ ኪርስቶሳፕ ኪያቴሲኔ ሳሮይ ኢንቴስ ጊዶ።

**ዎሳስ ጋላታ**

4 ጎዳ ዩሱስ ኪርስቶሳ ባጋራ ኢንቴስ ኢሜቲዳ ዎሳ ኪያቴላ ጊሽ ኡባ ዎዴ ኢንቴ ጊሺካ ታኒ ዎሳ ጋላታይስ። 5 ጋሶይ አይ ዮፖንካ፤ ሄሲካ ሃሳያን ጊዲን ኤሬቴላ ኢንቴ ኡባን ዱሬቲዴታ። 6 ኪርስቶሳ ጊሽ ኑ ኢንቴስ ማርካቲዳይሲ ኢንቴ አቻን ሚኒዴስ። 7 ሄሳ ጊሽ ኢንቴ ዩሱስ ኪርስቶሲ ቆንጫና ጋላስ ናጊሺን አያና ኢሞቴላታፕ አይኮይካ ኢንቴስ ፓጩና። 8 ጎዳ ዩሱስ ኪርስቶሲ ናምፃንሶ ያና ጋላሳን ኢንቴ ኢንቴ ቦላ ቦሮይ ባይንዳ ቤታና ማላ ዉርሴስ ጋካናስ ኢዚ ኢንቴና ሎዔሲ ናጋና። 9 ኢዚ ባ ናዛ ኑ ጎዳ ዩሱስ ኪርስቶሳ ኢሲሬቴላኮ ኢንቴና ዪይጊዳ ዎሲ ኢዚ አማኔቲዳ ዎሳ።

**ቆሮንቶሴ ዎሳ ኬላ ጋርሳን ሜዴቲዳ ሻኮቴላ**

10 ታ ኢሻቶ! ኢንቴ ጋርሳን ሻኮቴሲ ዶንታ ማላ ኢንቴስ ኢሲ ዎዝናይኔ ኢሲ ቆፋይ ዳና ማላ ኢንቴ ኢንቴ ጋርሳን ኢሲኖ ጊዳና ማላ ጎዳ ዩሱስ ኪርስቶሳ ሱንላን ታ ኢንቴና ዎሳይስ። 11 ታ ኢሻቶ! ኢንቴ ጋርሳን ፓላማይ ዲዛይሳ ታ ቃሎዔ ሶ አሳፕ ሲያዲስ። 12 ዮፖኪካ ሃይሳ ማላ፤ ኢንቴ ጋርሳን ኢሲ ኢሲ አሳይ “ታ ጳውሎሳ ባጋ” ጌስ፤ ባጋይ ቃሴ “ታ አጲሎሳ ባጋ” ጌስ፤ ባጋይ ቃሴ “ታ ኬፋ ባጋ” ጊሺን ሃራይ ቃሴ “ታ ኪርስቶሳ ባጋ” ጌስ። \* 13 ሂስቲኮ ኪርስቶሲ ሻኮቴ ዎዲዴ? ኢንቴ ጊሽ ጳውሎሲ ካቂቲዴ? ዎይኮ ጳውሎሳ ሱንላን ፃማቂቲዴቲ? 14 ኢንቴ ጊዶሬ ቁሪስጲሳፕኔ ጋዩዮሳፕ አቲን ሃራ አናካ ታ ፃማቆንታ ጊሽ ዎሳ ጋላታይስ። \* 15 ሄሳ ጊሽ አኒካ “ታ ጳውሎሳ ሱንላን ፃማቂታዲስ” ጋና አሲ ዴና። 16 ቴሙካ ኢስቲፋኖሴ ሶ አሳ ፃማቃዲስ። ሄይታፕ ሃራ ታ ፃማቂዳኮኔ ታ ኤሪዛዴይ ዴና። \* 17 ኪርስቶሲ ታና ኪቲዳይ ሚሺራቾ ቃላ ዮታናስ አቲን ፃማቃናስ ጊዴና። ኪርስቶሳ ማስቃሌይ ሃዳ ጊዶንታ ማላ ታ አሳፕ ጊዲዳ ጨንጫቴላን ሳባኪኬ።

**ዎሳ ዎልቃኔ ኤሬቴላ ጊዲዳ ኪርስቶሳ**

18 ማስቃሌዛ ኪታይ ዳያና ዲዛይታስ ኤያቴላ። ጊዶ አቲን አታና ዲዛ ኑስ ጊዲኮ ዎሳ ዎልቃ። 19 “ጨንጫታ ጨንጫቴሲ ታ ኢስታሬ ዳይሳና፤ ኤሬንቻታ ኤሬቴላ ታ ሃዳ አሳና” ጌቲቲ ጌሻ ማፃፋን ፃፊቲዴስ። \*

20 ጨንጫይ አዋን ዲዜ? ታማሪዳ ኤሬይ አዋን ዲዜ? ሃይሳ ዎዴዛ ፒልጊ ኤሪዛይ አዋን ዲዜ? ዎሲ ሃ አላሜዛ ኤሬቴላ፤ ኤያቴላ አላቤኔ? \* 21 ዎሳ ኤሬቴላሬ ዴንዲዳይሳን አላሜይ ባ ኤሬቴላ ጋሶን ዎሳ ኤሮይ ዶኒን ሳባኮ ኤያቴላን አማኒዛይታ አሻናስ ዎሳ ሽኔ ጊዲዴስ። 22 አይ ዎዴካ አይሁዳቲ

\* 1:12 ኪፋ ጉሲ ጳፀሮሳ ጉስ። \* 1:12 ሃዋ 18:24 \* 1:14 ሃዋ 18:8፤ 19:29፤ አሮ 16:23 \* 1:16 1ቆ 16:15  
\* 1:19 ኢሳ 29:14 \* 1:20 ኢዮ 12:17፤ ኢሳ 19:12፤ 33:18፤ 44:25

ዱማ ማላታ ኮሎቲስ። ጊሪኬ አሳቲ ቃሴ ኤራቴስ ኮሎቲስ፤ 23 ኑኒ ጊዲኮ ካቂቲዳ ኪርስቶሳ ሳባኮስ። ሄሲካ አይሁዳታስ ዱጴ፤ አይዛቤታስ ቃሴ ኤሮቴሳ። 24 ያሲ ያይጊዳይታስ ኢስቲ አይሁዳታ ጊዲን ዎይኮ ጊሪኬ ዴሬ አሳ ጊዲኮካ ኪርስቶሲ ያሳ ዎልቃኔ ያሳ ኤራቴሳ። 25 ጋሶይካ አሳ ኤራቴ ያሳ ኤሮቴሳ አዲዳ ኤራቴሳ፤ አሳ ሚኖቴሳፌ ያሳ ላፋቴሳ አዲስ፤

26 ታ ኢሻቶ! ካሴ ኢንቴ ያይጊቲዛ ዎዴ ኢንቴ አይ ማላ አሳኮኔ አኔ ቆፒቴ። አሳ ቆፋ ማላ ጊዲኮ ኢንቴፌ ዳሪዛይቲ ኤራታ ጊዴኬታ። ኢንቴፌ ዳሪቲ ዎልቃይ ባይንዳይታ፤ ዳሪቲካ ጊታ ኬሳ አሳፕ ዩሌቲቤኬታ። 27 ጊዶ አቲን ያሲ ኤራታ ዩላቻናስ ዴራፔ ኤሮታ ዶሪዴስ፤ ያሲ ሚኖታ ዩላቻናስ አላሜዛፕ ዳቡራንቻታ ዶሪዴስ። 28 ያሲ ሃንኮ አማኖንታ አሳ አቻን ዴቴስ ጌቴቲ ኤራቲዛ ሚሻታ ባይንዳ ሚሻ ማላ አሳና ሃይሳ አላሜዛን ሴቂቲዳይታኔ ካወዱዳይታ ላፋታ ዶሪዴስ። 29 ሄሳካ ኢዚ አሲዳይ አኒካ ኢዛ ሲንሳን ጨቆቶንታ ማላ። 30 ኢንቴና ቃሴ ያሲ ዩሱስ ኪርስቶሳራ ኢሲፌቴሳ ዳና ማላ አሲዴስ። ሄሳ ጊሽ ያሲ ዩሱስ ኪርስቶሳ ኑ ኤራቴስ፣ ኑ ጊሎቴስ፣ ኑ ጊሻቴሳኔ ኑና አሺዛዴ ጊዳና ማላ አሲዴስ። 31 ሄሳ ጊሽ ካሴ “ጨቂዛ አሲ ጎዳን ጨቆ” ጌቴቲ ጊሻ ማፃፋን ፃፌቲዳ ማላ። \*

2

ካቂቲዳ ኪርስቶሳ ጊሽ ታማርሶ

1 ታ ኢሻቶ! ታ ኢንቴኮ ያሳ ፀራ ቆንጨሳና ቢዳይ ታስ ዱና ቃራቴሳ ዎይኮ ኤራ ዳሮይ ዲዛ ጊሽ ጊዴና። 2 ታ ኢንቴ ጊዶን ዲዛ ዎዴ ካቂቲዳ ዩሱስ ኪርስቶሳፕ አቲን ሃራ ኤሮንታ ማላ ታ ባጋራ ሙርታዲስ። 3 ታ ኢንቴኮ ዳሮ ዳቡራን፣ ያሻቴሳኒኔ ዳሮ ኮኮራሼ ባዲስ። 4 ታ ቃላይኔ ሳባኮይካ አያና ዎልቃ ቆንጨሴሳንፕ አቲን ጨዋኒኔ ኤራ ዳሮን ጊዴና። 5 ሄሲካ ኢንቴ አማኖይ ያሳ ዎልቃንፕ አቲን አሳ ጨንጫቴሳ ቦሳ ፃጸንታ ማላ ሃኒዴስ።

ጊሎ አያናፕ ኢሜቲዳ ኤራቴስ

6 ኑ ካሃ ኩንሳዳ አሳታ አቻን ኤራ ሃሳያ ሃሳኮስ፤ ጊዶ አቲን ሃይሳ ሃ አላሜዛ ኤራቴስ ጊዴና፤ ዎይኮ ዳያና ዲዛ ሃ አላሜዛ ሃሪዛይታ ኤራቴስ ጊዴና። 7 ጊዶ አቲን ኑ ሃሳዩዛይ ካሴ ቆቴቲ ዲዛ ያሳ ፀራ ኤራቴሳ፤ ሄ ኤራቴሳይ ያሲ ዳሮ ዎዴፕ ካሴ ኑና ቦንቾስ ካሴቲዲ ወርሲ ዎሲዳይሳ። 8 ሃ አላሜዛ ሃሪዛይታፕ አኒካ ሃ ኤራቴሳ ኤሪቤና፤ ኤሪዳኮ ኢስቲ ቦንቾ ጎዳ ካቂቲና። 9 ጊዶ አቲን ጊሻ ማፃፋን

“አሳ አይፌይ ቤዮንታዝ፣

አሳ ሃይሳ ሲዮንታዝ፣

አሳ ዎዝናይካ ቆፖንታዝ

ያሲ ባ ዶሲዛይታስ ጊጊሲዴስ” ጌስ። \*

10 ያሲ ጊዲኮ ሄሳ ባ አያና ባጋራ ኑስ ቆንጨሲዴስ። አያናይካ ያሳስ ዲዛ ጨማ ዮዮ አሾንታ ወርሲ ፒልጊ ያሴስ። 11 አሳ ጋርሳን ኢዛዴስ ዲዛ አያናፕ አቲን ኢዛዴ ዎዝና ኤሪዛይ አኔ? ሄሳሶካ ያሳ አያናፕ አቲን ያሳ ቆፋ ኤሪዛይ አኒካ ዴና። 12 ያሳፌ ኑስ ኢሜቲዳይሳ ኑኒ ኤራና ማላ ያሳ አያናይ ኑስ ኢሜቲዴስ አቲን ኑኒ ሃይሳ ሃ አላሜዛ አያና ኤኪቤኮ።

13 ኑ ዮቲዛይ ሃይሳ፤ ኑ አሳፕ ታማሪዳ ቃላ ጊዶንታ አያናፕ ታማሪዳ ቃላ ሃሳኮስ። አያና ቱማቴሳካ ኑ ቆንጨሲዛይ አያና ቃላና። 14 ያሳ አያናይ ኢዛን ባይንዳ አሲ ያሳ አያናፕ ጊዲዳዝ ኤካናስ ዳንዳዩና፤ ጋሶይካ ሄሳ ማላ ዮዶይ ኢዛስ ኤሮቴሳ፤ ኢዚ ባሲ አያናን ፓጨቲዛዴ ጊዲዳ ጊሽ ኢዚ ኤራናስ ዳንዳዩና። 15 ያሳ አያናይ ኢዛን ዲዛዴይ ቃስ ወርሲካ ፓጨስ አቲን ባሲ አናንካ ፓጨቴና። 16 ሄሲካ

“ጎዳ ቆፋ ኤራናስ ዳንዳዩዛይ አኔ?

ኢዛ ዞራናስ ዳንዳዩዛይ አኔ?”

ጌቴቲ ካሴ ጊሻ ማፃፋን ፃፌቲዳ ማላ፤ ኑስ ጊዲኮ ኪርስቶሳ ዎዝናይ ዴስ። \*

3

ዎሳ ኬሳ ጊዶን ሚዴቲዳ ሻኬቴስ

1 ታ ኢሻቶ! ታ ኢንቴና ኢንቴ ኪርስቶሳን ቡሮ ጉሳ ናይታ ማላኔ ቡሮ አማኖይ ጌሎንታ አሳ ማላፕ አቲን አያናን ኩሚዳ አሳ ማላ ጋዳ ኢንቴስ ሃሳያናስ ዳንዳያቤኬ። 2 ኢንቴ ቡሮ ሚኖንታ ጊሽ ታ ኢንቴና ማላ ፓሃዲስ አቲን ቡሮ ሚኖ ካስ ሚዛቤኬ፤ ሃሂካ ጊዲኮ ኢንቴ ቡሮኮ! \* 3 ኢንቴ ሃሂካ ቡሮ አማኖን ሚኖንታይታ ጊዲዳ ጊሽ ኢንቴ ጊዶን ቃናቴቴሳኔ ፓላማይ ዴስ፤ ሂስቲን ኢንቴ ቡሮ አማኖን ሚኖንታ አሳ ማላ ጊዴኬቲ? ኢንቴ አሶይ ጮ ሜላ አሲ አሲዛይሳ ማላ ጊዴኔ? 4 ጋሶይካ ኢንቴ ጋርሳፌ ኢሶይ “ታ ጳጴሎሳሳ” ሃንኮይስ ቃስ “ታ አጲሎሳሳ” ጊኮ ኢንቴ ጮ አሾ ቆፋን ፃላላ ዲዛ አሳ ማላ ጊዴኬቲ? \*

5 ኤሮ! ጊዶ አቲን አጲሎሲ አዜ? ጳጴሎሲካ አዜ? ኢስቲ ጎዳይ ኢስታስ ኢሳስ ኢሳስ ኢሚዳ ማላ አሲዛ አሳንቻታ፤ ኢንቴካ ኢስታ ባጋራ አማኒዴታ። 6 ታ ቶካዲስ፤ አጲሎሲ ሃሴ ኡሺዴስ፤ ዲቺዳይ ጊዲኮ ያሳ። \* 7 ሄሳ ጊሽ ዲቺዛይ ያሴ አቲን ቶኪዛዴይካ፣ ሃሴ ኡሺዛዴይካ አይኮካ

\* 1:31 ኤር 9:24 \* 2:9 ኢሳ 64:4 \* 2:16 ኢሳ 40:13 \* 3:2 ኢብ 5:12-13 \* 3:4 1ቆሮ 1:12 \* 3:6 ሃዋ 18:4-11፤ 24-28

ጊዴቴና። 8 ቶኪዛዴ ጊዲን ዎይኮ ኡሺዛዴ ጊዲን ኢስቲ ኢሲኖ፤ ኢስታፌ ኢሳዴይ ኢሳዴይ ባ ኦሶ ማላ ዎይቶ ኤካና። 9 ጋሶይካ ኑ ዎሳራ ኢሲፌ ኦሲዛይታ። ኢንቴካ ዎሳ ጎሻ ጋዴኔ ዎሳ ኬሳታ።

10 ዎሳፌ ታስ ኢሜቲዳ ኢሞቴሳ ጊና ኬሴ ኬዲዛ ሂላ ማላ ኬሳይ ኤቃናስ ሎዔሳ ጊጊሳዲስ፤ ኢዛ ቦላ ሃራ ኦሲ ኬሳ ኬፃና። ጊዶ ኦቲን ኬሳ ኬዲዛዴይ ዎስቲ ኬፃናኮኔ ናጊታናስ ቤሴስ። 11 ጋሶይካ ኬሳይ ኬፃቴስ ኦይኬቲዳፕ ጉዬ ሃራ ዎሲ ቃሴ ኬፃና ዳንዳዩዛዴይ ኦኒካ ባዋ፤ ሄሲካ ኬሳስ ኮይሮይ ዩሱስ ኪርስቶሳ። 12 ኦኒካ ኬሳይ ኮይሮ ኬፃቴዳይሳ ቦላ ዎርቃን ዎይኮ ቢራን ቦንፔቲዳ ሹቻን ዎይኮ ሚሳኒኔ ማታን ዎይኮ ማቃን ኬዲኮ። 13 ኢዛዴ ኦሶይ ኦይ ማላ ፐርዳ ጋላስ ቆንጫና። ጋሶይካ ሄ ጋላሳይ ኢዛ ሃ ፖዎይ ዲዛሶ ኬሳና። ሄ ኦሶይ ታማን ፓጩታና ጊሽ ኢሳዴ ኢሳዴ ኦሶይ ኦይ ማላ ቡሮ ታማን ፓጩታና። 14 ኦኒካ ኬዲዳ ኬሲ ሚኒ ኤቂዛ ጊዲኮ ሄሳዴይ ባ ዎይቶ ኤካና። 15 ኢዛ ኦሶይ ፀጊቲዳዴይ ጊዲኮ ዎይቶይ ኢዛስ ዴና ሺን ኢዛዴይ ባ ሁዔስ ኦታና። ጊዶ ኦቲን ኢዛዴ ኦቲሲ ታማፕ ኦሲ ዋይዲ ኦቲዛ ኦቲሳ ማላ ጊዳና።

16 ኢንቴ ኢንቴ ሁዔስ ዎሳ ኬሴ ጊዲዳይሳኔ ዎሳ ኦያናይ ኢንቴ ጊዶን ዲዛይሳ ኤሬኬቲ? \* 17 ኦኒካ ዎሳ ኬሴ ላሊኮ ዎሲ ኢዛዴ ላላና። ዎሳ ኬሲ ጊሻ። ሄሲካ ኢንቴናኮ!

18 ኦኒካ ባርካ ባና ባሌሶፎ፤ ኢንቴፌ ኦኒካ ሃይሳ ሃ ኦላሜዛን ባና ኤራንቻ ማላ ቆፒኮ ኢዛዴይ ኤራንቻ ጊዳና ማላ ባና ባርካ ኤያ ማላ ቆዶ። 19 ሃይሳ ሃ ዴሬዛ ኤራቴሲ ዎሳ ኦቻን ኤያቴሳ። ካሴ ጊሻ ማፃፉን “ኢዚ ኤራንቻታ ኢስታ ጌኔ ኦሶ ጊዶን ዛሪዲ ኦይካና” ጌቴቲ ዓፌቲዴስ። \* 20 ቃሴካ ሃራሶን

“ኤራንቻታ ቆፋይ ሜላ ሃዳ ጊዲዳይሳ ጎዳይ ኤሬስ”

ጌቴቲ ዓፌቲዴስ። \* 21 ሄሳ ጊሽ ወሪካ ኢንቴስ ጊዲዳ ጊሽ ኦኒካ ኦሳን ጩቁቶፎ። 22 ጳውሎሳ ጊዲን፣ ኦኦሎሳ ጊዲን፣ ዎይኮ ኬፋ ጊዲን፣ ኦላሜ ጊዲን፣ ዴያ ጊዲን፣ ዎይኮ ሃይቆ ጊዲን፣ ሃዲ ዲዛዝ ጊዲን፣ ዎይኮ ቡሮ ያና ሚሽ ጊዲን፣ ወሪካ ኢንቴሳ። 23 ኢንቴካ ኪርስቶሳይታ፤ ኪርስቶሲካ ዎሳይሳ።

4

ኪርስቶሳ ሃዋሬታ

1 ሄሳ ጊዲዳ ጊሽ ኦሲ ወሪካ ኑና ኪርስቶሳ ኦሳንቻታ ማላኔ ዎሳ ፀራ ቆንጩሳናስ ሃዳራ ኤኪዳ ኦሳ ማላ ቆዳናስ ቤሴስ። 2 ሃዳራ ኤኪዳይቲካ ኦሜቲዳይታ ጊዳናስ ቤሴስ። 3 ታ ቦላ ኢንቴ ፐርዲንካ ዎይኮ ዱላታ ኦሳይ ፐርዲንካ ታ ባጋራ ታስ ኦይኮይ ባዋ። ሃራይ ኦቶሺን ታርካ ታ ቦላ ፐርዲኬ። 4 “ታ ኤሪዛ ማላ ታኒ ታ ዎዝናራ ሲዲዛ ሚሺ ባዋ፤ ጊዶ ኦቲን ሄሳ ጉስ ታ ቦላ ሞሮይ ባዋ” ጉስ ጊዴና። ቡሮ ታ ቦላ ፐርዳናይ ጎዳ። 5 ሄሳ ጊሽ ፐርዳና ዎዴይ ጋኮንታ ሃራ ኦይ ዮዎካ ፐርዶፍቴ። ጎዳይ ያና ጋካናስ ናጊቴ፤ ኢዚ ዱማ ጊዶን ቆቴቲዳይሳ ቡሮ ቆንጩ ኬሳና። ኦሳ ዎዝና ጊዶን ዲዛ ቆፋካ ቆንጩ ኬሳና። ሄ ዎዴ ኢሲ ኢሲ ኦሲ ባሲ ቤሲዛ ጋላታ ዎሳ ኦቻፌ ኤካና።

6 ሄሳ ጊሽ ታ ኢሻቶ! ታ ኢንቴና ጎዳና ማላ ሃ ዮዎዛን ታናኔ ኦኦሎሳ ኢንቴስ ሴሚሶ ሺሻዲስ፤ ታ ሃይሳ ኦሲዳይ “ዓፌቲዳይሳፌ ኦኦፋ” ጊዛይሳ ኢንቴ ኑፕ ታማራና ማላ ጋዳ። ሄሳ ጊሽ ኢንቴ ኢሳዴ ሳቢዲ ሃራ ኦስ ካዳናስ ቤሴና። 7 ኔኒ ኦዛን ኦዳይ? ኔኒ ሃራፔ ኤኮንታ ኦቲዳ ሚሺ ኦዜ? ሂስቲን ኔ ወርሳካ ኤኪዳይ ሃራ ኦሳፕ ጊዲኮ፣ ሃራ ኦሳፕ ኤኮንታ ኦሳ ማላ ኦዛስ ጩቁታይ?

8 ሃዲ ጊዲኮ ኢንቴስ ኮሺዛዝ ኢንቴ ወርሲ ዴሚዴታኔ ዱሬቲዴታ፤ ኑፕካ ሻኬቲዲ ካዎቲዴታ። ኢንቴ ቱሙካ ካዎቲዳኮ ኑካ ኢንቴናራ ካዎታናራ ሺን። 9 ጋሶይካ ዎሲ ኑና ሃዋሬታ ኑ ቦላ ሃይቆ ፐርዳይ ፐርዴቲዳ ኦሳታ ማላ ኦሳ ኡባፌ ወርሴሲ ኦሲዳዝ ታስ ሚሳቴስ። ሄሳ ጊሽ ኦላሜስ ኪታንቻታሴ ኦሳ ኡባስ ካሳ ሚሽ ጊዲዶስ። 10 ኑ ኪርስቶሳ ጊሽ ኤያታ ጊዲዶስ። ኢንቴ ቃስ ኪርስቶሳን ኤራንቻታ፤ ኑኒ ዳቡራንቻታ፤ ኢንቴ ጊዲኮ ሚኖታ፤ ኢንቴ ቦንፔቲዳይታ፤ ኑኒ ጊዲኮ ካወሻታ። 11 ሃኖ ጋካናስ ኑ ጋፎስ፤ ሳሜቶስ፤ ካሎቶስ፤ ቡኬቶስ፤ ኦቂዛሶይ ዳዩን ዋዩቶስ። 12 ኑ ኩሺራ ኦሲ ዳቡራ ኦቆስ። ኑና ቃንጊሺን ኑ ቃስ ኦንጆስ፤ ኑና ጎዲሺን ኑ ዳንዳዮስ። \* 13 ኑ ሱንስ ኢስቲ ሞሪሺን ኑ ቃስ ሎዎ ዛሮስ፤ ሃኖ ጋካናስ ኑ ቢታፌ ፐቴቲዳ ቡራ ጊዲዶስ።

14 ታ ሃይሳ ኢንቴስ ዓፊዛይ ኢንቴና ታ ዶሲዛ ታ ናይታ ማላ ዞራናስ ጋዳ ኦቲን ኢንቴና ዩላቻናስ ጊዴና። 15 ኢንቴና ኪርስቶሳን ዲቺዛ ዳሮ ኦሳቲ ዲኮካ ኢንቴስ ዳሮ ኦቆቲ ዴቴና። ታኒ ቃስ ዩሱስ ኪርስቶሳ ሚሺራቾ ቃላን ኢንቴና ዩላዲስ። 16 ሄሳ ጊሽ ኢንቴ ታና ሚሳታና ማላ ታ ኢንቴና ዎሳይስ። 17 ጎዳን ዳሮ ዶሴቲዳይሳኔ ኦሜቲዳ ታ ና ጊምቶሳ ታ ኢንቴኮ ኪቲዳይ ሄሳ ጋሶና። ኢዚካ ዱማ ዱማ ሶን ዲዛ ዎሳ ኬሳ ኦሳ ወርሲ ታ ታማርሲዳ ቲሚርቴዛራ ጋጊዛይሳ ዩሱስ ኪርስቶሳን ዲዛ ዴያ ኦኒ ጊሽ ኢንቴና ኢዚ ቆፊሳና።

18 ኢንቴፌ ኢሲ ኢሲ ኦሳቲ ታ ናምዓንሶ ኢንቴና ቤያናስ ቦንታዝ ኢስታስ ሚሳቲን ኦቶሬቲዳ። 19 ጊዶ ኦቲን ጎዳ ሼኔ ጊዲኮ ማታራ ታ ኢንቴኮ ባና። ሄ ባዳ ሄ ኦቶራንቻቲ ሃሳዩዛዝ ዓላላ ጊዶንታ ኢስታስ ኦዛ ዎልቃይ ዲዛኮኔ ቤያና ኮያይስ። 20 ጋሶይካ ዎሳ ካዎቴሲ ጮ ዱና ዓላላ ጊዶንታ ዱናፕ ቦላራ ዎሳ ዎልቃ። 21 ኤሮ! ኢንቴ ኮዩዛይ ኦዎይሴ? ዱርቃ ኤካ ቦዩ? ዎይኮ ሲቆራኔ ኦሻኬቴሳ ኦያናራ ቦ?

\* 3:16 1ቆር 6:19፤ 2ቆር 6:16 \* 3:19 ኢዮ 5:13 \* 3:20 ማዛ 94:11 \* 4:12 ሃዋ 18:3



5

ዎሳ ኬሳን አሴቲዳ ዮላቺዛ ናጋራ

1 ኢንቴ ጋርሳን ዮላቺዛ ላይማይ ዲዛይሲ ዎራቴስ። ሄሳ ማላ ቱናቴሲ አማኖንታ ዴሬታ አቻንካ ዴና። ባ አዋ ማቾ ኤኪዳ አሲ ኢንቴኮን ዴስ። \* 2 ሂስቲን ሄሳ ማላ ዮላቺዛ ሚሺ ኢንቴ ጊዶን ዲሺን አዛስ አቶሬቴቲ? ሄሳፌ ሄ ዮዎዛን ኢንቴ ሙዞታናስ ኢንቴና ቤሴኔ? ሄሳ ማላ አሲዳዴ ኢንቴ ጋርሳፌ ዲጊቴ።

3 ታ ኢንቴናራ አሾን ኢሲፌ ዶንታ አጊኮካ አያናን ቃስ ኢንቴናራ ዳይስ፤ ታ ሃዲ ኢንቴናራ ዲዛ ማላ ሄሳ አሲዳዴ ቦላ ፐርዳዲስ። 4-5 ኢንቴ ሺቂዛሶን ታ ኢንቴናራ ዲዛ ጊሽ ጎዳ ዮሱሳ ሱንሳኒኔ ኢንቴ ጊዶን ዲዛ ኑ ጎዳ ዮሱሳ ዎልቃን ሄ ሞራንቻዛ አሾይ ዳዩን ኢዛ ሼምፖይ ጎዳ ጋላሳን አታና ማላ ሄሳ ማላ አሲ ዓላጌስ አዲ ኢሜቶ።

6 ኢንቴ ጩቁቲዛይሲ ሎዎስ ጊዴና። ጉሳ ኢርሾይ ዳር ቡኬሶ ዴንፊሲዛ ኤሬኬቲ? \* 7 ኢንቴ ሃዲ ኢርሾይ ባይንዳ አራሳ ቡኬሶ ጊዳና ማላ ካሴ ጫላ ኢርሾዛ ኢንቴ ጊዶፌ ዲጊቴ። ኑ ፓዚጋ ዶርስ ጊዲዳ ኪርስቶሲ ኑስ ያርሼቲዴስ። \*\* 8 ሄሳ ጊሽ አኔ ኑኒ ፓዚጋ ባዓሌዛ ቆሆይኔ ኢታቴሲ ኢዛን ኩሚዳ ካሴ ጫላ ኢርሾ ቦላ ጊዶንታ ኢርሾይ ባይንዳ ኡኬሳን ሱሬቴሳኒኔ ቱማን ቦንቾስ። \*

9 ኢንቴስ ላይማቲዛ አሳታራ ኢሲፌቴሲ ዶንታ ማላ ታ ኢንቴስ ካሴ ዳብዳቤ ዓፋዲስኮሺን። 10-11 ኢንቴ ሜላ አማኖንታ ላይማቲዛ አሳራ ጊዶንታ ዎይኮ ጮ ጋጲጋጲዛይታራ፣ ካይሶቲዛይታራ፣ ኤቃስ ጎይኒዛይታራ ጋጎፍቴ ጉስ ጊዶንታ ዲሺን ሃዲ ታ ዓፊዳይ አማኖስ ጊሼ ላይማቲዛይታራ ዎይኮ ማሶቲዛይታራ፣ ጋጲጋጲዛይታራ፣ ኤቃስ ጎይኒዛይታራ፣ አሳ ሱንሳ ሞሪዛይታራ ዎይኮ ጫይዛይታራ፣ አሳ ሚሽ ቦንቂዛዴንታራ ኢንቴስ ኢሲፌቴሲ ዶፖ። ሄይታንታ ማላራ ሃራይ አቶ ሺን ካሲካ ኢሲፌ ሞፕቴ።

12 ሃንኮ አማኖንታ አሳ ቦላ ፐርዳናስ ታና አዚ ጋሲዜ? ዎሳ ኬሳን ዲዛይታ ቦላ ኢንቴ ፐርዴኬቲ? 13 ዎሳ ኬሳፌ ካሬራ ዲዛይታ ቦላ ጊዲኮ ዶሲ ፐርዳና “ኢንቴ ኢንቴ ጊዶፌ ኢታ አስ ዲጊቴ” ጌቴቲ ጌሻ ማፃፋን ዓፊቴዴስ።

6

አማኒዛይቲ ባ ጋርሳን ሞቱታናስ ቤሴና

1 ኢንቴ ጋርሳፌ ኢሳዴስ ሃራ አማኒዛዴራ ዮዶይ ዲኮ ሄ ዮዎዛ አማኒዛይታ አቾ ሺሻናይሳ ዎስቲ አማኖንታ አሳ ሲንሳን ፐርዴታና ሺሺዜ? 2 አማኒዛ አሳይ አማኖንታ አሳ ቦላ ፐርዳናይሳ ኢንቴ ኤሬኬቲ? ኢንቴ ቡሮ አላሜ ቦላ ፐርዳንዴታ። ጊዲኮካ ሄሳ ጉሳ ዮዶ ቦላ ፐርዳናስ ዳንዳዩኬቲ? 3 ሃይሳ ቢታ ቦላ ዲዛ ፐርዳይ አቶሺን ኢንቴ ቡሮ ኪታንቻታ ቦላ ፐርዳናይሳ ኤሬኬቲ? 4 ኢንቴ ኢንቴ ጋርሳን አቶቲኮ አማኒዛይታ ማባራፕ ካሬን ዲዛይታኒኔ ካዴቲዳ አሳታ ሲንሳን ዎስቲ ኢንቴ ዮዶ ሺሼቲ? 5 ታ ሄሳ ኢንቴስ ጊዛይ ኢንቴና ዮላቻናሳ። ኢንቴ ጋርሳን አማኒዛይታ ጊጊሳናስ ዳንዳዩዛ ሞዝናማ አሲ ዴኔ? 6 ጊዶ አቲን አማኒዛይ ዮራ አማኒዛዴ ሞታናስ አላሜ ፐርዳ ኬሴ ባናስ ቤሲዜ?

7 ኢንቴ ጋርሳን ኢሶይ ኢሳ ሞቶይ ኢንቴ ኩንዴሳስ ማላታ ቤሴስ። ኢንቴ ቆሃናፕ ቆሄቲኮ ሎጌኔ? ቃሴካ ኢንቴ አስ ባሌሳናፕ ኢንቴና አሲ ባሌሲኮ ሎጌኔ? 8 ኢንቴ ሃ ቆሄታናፕ ጌዴ ቆሄታኔ ባሌሴታ። ሄሲካ ኢንቴ ኢሻታ።

9 ማካላንቻቲ ዶሳ ካዎቴስ ጌሎንታይሳ ኤሬኬቲ? ሄሳ ማላ ዮዶን ባሌቶፍቴ። ላይማታና ቃቃቲዛይቲ፣ ኤቃ ኤቂዛይቲኔ አዴይ አዴራ ላይማቲዛይቲ፣ 10 ዎይኮ ካይሶቲ፣ ጋጲጋጲዛይቲ፣ ማሶቲዛይቲ፣ አስ ጫይዛይቲኔ ቦንቂዛይቲ ዶሳ ካዎቴስ ላቴቴና። 11 ኢንቴፌ ኢሲ ኢሲ አሳቲ ሄይታንታ ማላ ሺን ሃዲ ቃስ ጎዳ ዮሱስ ኪርስቶሳ ሱንሳኒኔ ኑ ዶሳ አያናን ሜጩቲዴታ፤ ዱማቲዴታኔ ሂሊዴታ።

ባ አሳቴሳን ዶሳ ቦንቾ

12 ሃራይ ዉሪካ ታስ ኢሜቲዴስ፤ ጊዶ አቲን ዉሪካ ጎዲዛዝ ጊዴና። ዉሪካ ታስ ኢሜቲዴስ ጊዶ አቲን አይ ሚሺካ ታና ሃሬና። \* 13 ቃሴ ካሲ ኡሎሳ፤ ኡሎይካ ካሳሳ፤ ጊዶ አቲን ዶሲ ናምዓካ ዳይሳና፤ አሳቴሲ ጎዳስፌ አቲን ላይማስ ጊዴና። ጎዳይካ አሳቴሳሳ። 14 ዶሲ ጎዳ ሃይቆፕ ዴንሳዳ ማላ ኑናካ ቃሴ ኢዚ ባ ዎልቃን ሃይቆፕ ዴንሳና።

15 ኢንቴ አሳቴሳይ ኪርስቶሳ አሳቴሳ ቢሊቴ ጊዲዳይሳ ኢንቴ ኤሬኬቲ? ሂስቲን ታ ኪርስቶሳ አሳቴሳፌ ኢሳ ላይማን አቂዛ አሳታራ ኢሲኖ ሂስቶ? ሙሴካ ቤሴና። 16 ዎይኮ ላይማቲዛሪራ አቂዛዴይ ኢዚራ ኢሲ አሾ ጊዲዳይሳ ኢንቴ ኤሬኬቲ? “ናምዓይ ኢሲ አሾ ጊዴቴስ” ጌቴቲዴስ።

\* 17 ጊዶ አቲን ጎዳራ ኢሲኖ ጊዲዳይዴ ኢዛራ ኢሲ አያና ጊዴስ።

18 ላይማፕ ሃኪቴ፤ አሲ አሲዛ ሃራ ናጋራይ ዉሪ ኢዛዴ አሾፕ ካሬራ ሃኔስ። ላይማ ላይማቲዛዴይ ጊዲኮ ባርካ ባ አሳቴሳ ቦላ ናጋራ አሴስ። 19 ኢንቴ አሳቴሳይ ኢንቴ ጋሳን ዲዛ ሂሎ አያናስ ዱሳሶ ጊዲዳይሳ ኢንቴ ኤሬኬቲ? ሄ አያናይካ ኢንቴ ዶሳፌ ኤኪዳይሳ። ኢንቴካ ኢንቴስ ጊዴኬታ። \*

20 ኢንቴ ሚሻን ሻሜቲዴታ። ሄሳ ጊሽ ኢንቴ ኢንቴ አሳቴሳን ዶሴ ቦንቻቴ።

\* 5:1 ዛሬ 22:30 \* 5:6 ጋላ 5:9 \* 5:7 ፓዚጋ ቦንቺዛ ዎይ አሳይ ጫላ ኢሪሾ ጊዲዳ ሚሺ ካሳን ዩጊና። \* 5:7 ኬሳ 12:5 \* 5:8 ኬሳ 13:7፤ ዛሬ 16:3 \* 6:12 1ቆሮ 10:23 \* 6:16 ሜዴ 2:24 \* 6:19 1ቆሮ 3:16፤ 2ቆሮ 6:16

**ኤቦ ጊሺኔ ጌሎ ጊሽ ሺቂዳ አይሾኔ ዛሮ**

1-2 ኢንቴ ታስ ገሬዳ ማላ አሲ ማጫሳኮ ጋኮንታ አጊዛኮ ሎዎኮ! ጊዶ አቲን ላይማጥ ናጌታናስ አቱማሳስ ኢሳስ ኢሳስ ማቻ ዱ። ማጫሳስካ ኢሲኔይስ ኢሲኔይስ አዘናይ ዶ። 3 አዘናይ ባ ማቼይስ ኮሺዛዝ ወርሲ አሶ። ማቻካ ባ አዘናስ ኮሺዛዝ ወርሳ አሶ። 4 ማቼ አሳቴሲ ኢዘስ ገላላ ጊዶንታ አዘናሳራ ኮሳ። ሄሳሶካ አዘና አሳቴሲ ኢዛስ ገላላ ጊዶንታ ማቼይሳራ ኮሳ። 5 ናምዓይ ዶሳን ዎሳስ ጊዶ ዞሬን ጊዶ ጊዶ ቃቺዳ ጋላሳታፔ አቲን ሃራ ጋላስ ኢሶይ ኢሳስ አካይ ጎፐቴ። ሄሳ ጋሶን ኢንቴስ ኢንቴና ሃሮይ ዶን ገላዔይ ኢንቴና ፓጮንታ ማላ ናምዓይ ኢሲፌ አቂቴ።

6 ታ ሄሳ ጊዛይ ጮ አዛዞ ማላ ጊዶንታ ዞሬ ዞራይስ። 7 አሲ ወሪ ታ ማላ ማቾ ኤኮንታ ዲዛኮ ታ ዶሳይስ። ጊዶ አቲን ኢሲ ኢሲ አሳስ ዶሳፌ ኢሜቲዳ ዱማ ኢሞታይ ዴስ። ኢሳስ ዱማ ኢሲ ኢሞታይ ዴስ። ሃንኮይሳስ ቃስ ሃራ ኢሞታይ ዴስ።

8 ቡሮ ኤኮንታይታኔ ጌሎንታይታ ጊሽ ቃሴካ አዘናይ ሃይቂዳ ማጫሳታ ጊሽ ታ ጊዛይ ኢስቲ ጌሎንታኔ ኤኮንታ ታ ማላ ዲዛኮ ኢስታስ ሎዎ ጋይስ። 9 ጊዶ አቲን ኢስቲ ባና ናጋናስ ዳንዳዮንታይታ ጊዶኮ ጌሎቶኔ ኤኮፔ፤ ጮ አሞን ፀጌታናፔ ኤኮይኔ ጌሎ ሎዎ።

10 ኤኮይይታሲኔ ጌሎይታስ ታ ኢሚዛ አዛዞይ ሃይሳ። ሄሲካ ጎዳ አዛዞፔ አቲን ታ አዛዞ ጊዶና። አዘና ጌሊዳ ማጫሳዮ ባ አዘናፔ ሻኬቶ። 11 ሻኬቲዛ ጊዶኮ ሃራ አዘና ጌሎንታ ኡቱ። አካይ ጊኮ ባ አዘናራ ጊጉ። አዘናይካ ባ ማቾ አንጂ ዩዶ።

12 ሃንኮ አሳስ ቃስ ታ ሂዝጋይስ። ሄሳ ጊዛይካ ታና አቲን ጎዳ ጊዶና። አማኖንታ ማቻ ዲዛ አማኒዛይይ ማቼዮ ኢዛራ ዳና ዶሲኮ ኢዘ ኢዞ አንጃናስ ቤሴና። 13 አማኖንታ አዘናይ ዲዛ አማኒዛ ማጫሲያ ሄ አማኖንታ አዘናይ ኢዘራ ዳናስ ኮይኮ ኢዛ ኢዛፔ አንጂታ ባናስ ቤሴና።

14 ጋሶይካ አማኖንታ አዘናይ አማኒዛ ባ ማቼዬን አንጂቴስ። አማኖንታ ማጫሳዮካ አማኒዛ ባ አዘናን አንጂታወስ። ሄሳሶ ሃኖንታ አጊኮ ኢንቴ ዩሊዳ ናይቲ ቱናታ ጊዳና ሺን ሃሲ ቃስ አንጂቲዳይታ።

15 ጊዶ አቲን ናምዓፌ ኢሶይ አማኖንታይይ ሻኬታና ኮይኮ ሻኬቶ። አዴ ጊዶን ማጫ ጊዶን አማኒዛይይ ሄሳ ማላ ዎጋን ቃሼቴና። ዶሲ ኑና ሳሮን ዳና ማላ ዩይጊዴስ። 16 ሃኔ ኔኔ ኔ አዘና አሻናኮኔ አይ ኤራይ? ዎይኮ ሃይሶ ኔ ኔ ማቾ አሻናኮኔ አይ ኤራይ?

17 ጮ ኢሲ ኢሲ አሲ ዶሲ ዩይጊዳ ማላኔ ጎዳይ ዎሲዳ ማላ ዴዎ። ዎሳ ኬሳታስ ታ ዎሲዛ ዎጋይ ሄሳ። 18 ኢሳይይ አማናናፔ ካሴ ቃገራቲዳዝ ጊዶኮ ቃገራቶንታ አሳ ማላ ሃኖ። ቃስ ቃገራቶንታ ዲሼ አማኒዳይይካ ቃገራቶ። 19 ቃገራቲን ቃገራቶንታ አጊን ናምዓንካ ጎዳይ ባዎ። ዋና አይፌ ዮዶይ ዶሳ አዛዞ ፖሎ። 20 ኢሲ ኢሲ አሲ ባ ዩይጊቲዳ ዩይጊቲሳን ሚኒ ዴዎ። 21-22 አማኒዛ ዎዴ ኔ አይሌ? ኔ ሄሳስ ዳሮ ሜቶቶፓ፤ ዎዜታና ዳንዳዩኮ ዎዜታ። ጋሶይካ አይሌ ጊዶ ዲሼ ጎዳ አማኒዳይይ ኢዘ ጎዳ ጎቃ። ሄሳሶካ አማኒዛ ዎዴ ጎቃ ጊዶንታይይ ኢዘ ኪርስቶሳስ አይሌ። 23 ኢንቴ ሚሻን ሻሜቲዴታ። ሄሳ ጊሽ አሳ አይሌ ጊዶፐቴ። 24 ታ ኢሻቶ! ኢንቴፌ ኢሲ ኢሲ አሲ ባ ዩይጊቲዳ ማላ ዶሳራ ሚኒ ዴዎ።

**ጌላዎታ፥ ፓንሳታኔ አምዔታ ጊሽ ሺቂዳ አይሾ**

25 ጌላዎታኔ ፓንሳታ ጊሽ ታስ ጎዳፔ ኢሜቲዳ አዛዞይ ዴና። ጊዶ አቲን ጎዳ ማሮቴሳፌ ዴንዲዳይሳን ታ ኢንቴስ አማኔቲዳይ ጊዳዳ ኢንቴና ዞራይስ። 26 ሃይሳ ሃሲ ዎዴ ሜቶ ጋሶን ኢንቴ ሃሲ ዲዛ ማላ ዲዛኮ ታስ ሎዎ ሚሳቴስ። 27 ኔ ማቼዳይ ጊዶኮ አንጃናስ ኮዮፓ። ማቾንታይ ጊዶኮ ማቾ ኤኮናስ ኮዮፓ። 28 ማቾ ኤኮኮካ ናጋራ ጊዴና። ጌላዎካ ጌሊኮ ናጋራ ጊዴና። ጊዶ አቲን ኤኮዛ አሳታኔ ጌሊዛይታ ቦላ ሃይሳ አላሜዛን ኢስታ ዳሮ ሜቶይ ጋካና። ታ ቃስ ሄሲ ኢንቴ ቦላ ጋኮንታ አጋናይሳ ዶሳይስ።

29 ታ ኢሻቶ! ታ ቆፋይ ሃይሳ ማላ፤ ዎዴዚ ቃንስ ጊዶዳ ጊሽ ማቻ ዲዛይይ ማቻ ባይንዳይ ማላ ዴዎ። 30 ዩኪዛይቲ ዩኮንታ አሳ ማላ፤ ኡፋይቲዛይቲ ኡፋይቶንታ አሳ ማላ ጊዴቶ። ሚሼ ሻሚዳይንቲ ሻሜቲዳ ሚሻ ባስ ጊ ቆፓፌቶ። 31 ሃይሳ አላሜዛ ሚሻን ጎዴቲዛይቲ ወርሲ ጎዴቶንታ አሳ ማላ ጊዶ ዴቶ። ጋሶይካ ሃይሳ አላሜዛ ሃኖይ አዳናስ ዴስ።

32 ኢንቴ ሂርጋይ ባይንዳ ዳና ማላ ታ ኮዶይስ። ማቾንታይይ ጎዳ ኡፋይሳናስ ጎዳ ጊሽ ቆፐስ። 33 ማቼዳይ ቃስ ባ ማቼዮ ኡፋይሳናስ ሃይሳ አላሜዛ ሚሽ ቆፐስ። 34 ሃይሳን ኢዛ ቆፋይ ናምዑ ኬዚ ሻኬቴስ። ጌሎንታ ማጫሳዮ ዎይኮ ጌላዎ ጎዳዝ ገላላ ቆፓወስ። ኢዘስ ጊታ ቆፋይካ አሾኒካ፤ አዶናንካ ጎዳስ ዱማቴሳ። ጌሊዳራ ጊዶኮ ባ አዘና ኡፋይሳናስ ሃይሳ አላሜዛ ሃኖ ገላላ ቆፓወስ።

35 ታ ሄሳ ጊዛይ ኢንቴስ ሎዓናዝ ቆፓዳፔ አቲን ኢንቴና ዳሮ ቆፋን ዩጋናስ ጊዴና። ታስ ጊታ ቆፋይ ኢንቴ ዎዝናይ ሻኬቲ ናምዑ ኬዞንታ ኢንቴ ጎዳን ሚኒዲ ዎጋራ ዴፖናሳ።

36 ኢሳይይ ባ አይቺዳ ጌላዎ ዎጋራ አይኮንታ አጊኮ ኢዘ ዎዴይካ ጨሚ ጨሚ ቢኮ ኤካና ኮይኮ ባ ኮይኮ ማላ ኤኮ። ኤኮኮኔ ጌሊኮ ሎዎ። ናጋራ ጊዴና። 37 ጊዶ አቲን ሃይሳ ሃ ዮዶዛን ኢዛ ዎዝናይ ቃዎንታ ማላ ሃሪዲ ጌላዎ ኤኮኬ ጊዶ ሙርቲዳ አሲ ሎዎ አሲዴስ። 38 ሄሳ ጊሽ ጌላዎ ኤኮዳይይ ሎዎ አሲዴስ። ኤኮንታይይካ አዴሳ ሎዎ አሲዴስ።

39 ኢሲ ማጫሲ አዘናይ ፓፃ ዲዛ ዎዴ ኩሜሳን ባ አዘናራ ቃሼታዱስ። አዘናይ ሃይቂኮ ባ ኮይዳ አስ ጌላና ዳንዳዮወስ። ኢዛ ጌላናይይ አማኒዛይ ጊዶ አቲን ጌሎ። 40 ታ ቆፋ ማላ ጊዶኮ ኢዛ ጌሎንታ ዲዛኮ ዳሮ ኡፋይሳን ዴዓንዱስ። ታስካ ታናን ዶሳ አዶናይ ዲዛ ሚሳቴስ።

1 ኤቃስ ሹኬቲዳ አሾ ጊሽ ኢንቴ ታስ ዓፊዳይሳ ማላ ጊዲኮ ቱሙካ ኑ ወራሪካ ኮሪዛ ሚሺ ደስ። ኤሮይ አቶሪሴስ፤ ሲቆይ ቃስ ጎዔስ። 2 ታ ኤራይስ ጊዛ አሲ ኤራናስ ቤሲዛ ማላ ቡሮ ኤሪቤና። 3 ሶሴ ሲቁዛዴይ ጊዲኮ ኢዚ ያሳ አቻን ኤራቲዳዴ። 4 ሄሳ ጊሽ ኤቃስ ያርሼቲዳ አሾ ሙሳ ጊሽ ታ ኢንቴስ ጊዛይ ሃይሳ አላሚዛን ኤቃይ ሃዳ ጊዲዳይሳኔ ኢሲ ያሳፊ አቲን ሃራ ያሲ ባይንዳይሳ ኑ ኤሮስ። 5-6 አይዴካ ጊዲኮ ዳሮ ኤቃቲኔ ዳሮ ጎዳቲ ዴቴስ ሺን ሳሎን ጊዲን ሳዓ ቦላ ያሴ ጌቲቲዛ ዳሮ ኤቃቲ ዲኮካ ኑስ ጊዲኮ ሃኒዳይ ወራሪካ ኢዛን ሃኒዴስ። ኑካ ኢዛስ ጊዲዳ ኢሲ ያሲ አዋይ ዴስ። ቃሴካ ሃኒዳዚ ወራሪካ ኢዛን ሃኒዳይ ኑካ ኢዛን ሃኒዳ ኢሲ ጎዳይ ዩሱስ ኪርስቶሲ ዓላላ ኑስ ዴስ። 7 ጊዶ አቲን ሄሳ አሲ ወራ ኤራና። ኢሲ ኢሲ አሳቲ ሃኖ ጋካናስ ኤቃ ጎይኖ ዶሲዳ ጊሽ ሄሳ ማላ አሾ ሚሼ አዳካ ኤቃስ ሹኬቲዳይሳ ቆፕቴስ። ኢስታስ ቆፋይ ላፋ ጊዲዳ ጊሽ ኢስቲ ቱኔቲስ። 8 ጊዶ አቲን ካሲ ኑና ያሳ አቸ ጋሴና። ኑ ሞንታ አጊኮካ ኑስ ፓጩዛይ ዴና። ኑ ሚኮካ ኑስ ዎዴይ ዴና። 9 ጊዶ አቲን ኢንቴ ሜቶይ ባዋ ጉሳን አሲዛይስ አማኖን ሚኖንታ አሳስ ዱጴ ጊዶንታ ማላ ናጊቲቱ። 10 ኔስ ሄሳ ሚሳቲዛ ኤራቴሳ ዲዛ ጊሽ ሂንኮ አማኖን ሚኖንታዴይ ኤቃ ኬሳን ኔ ሚዛይሳ ቤዩዲ ኤቃስ ሹኬቲዳይሳ ማናስ ዓሴኔ? 11 ሄሳ ጊሽ ኪርስቶሲ ኢዛ ጊሽ ሃይቂዳ ሄ አማኖን ሚኖንታ ኢሻይ ኔ ኤራቴሳ ጋሶን ዳዩስ ጉሳ። 12 ሄሳሳካ ኢንቴ ኢንቴ ኢሻታ ቆሆኒኔ ኢስታ ላፋ ቆፋ ማዶንሶን ኪርስቶሳ ቆሄታ። 13 ሄሳ ጊሽ ታ ሚዛ ሚሺ ታ ኢሻ ዱጴዛዝ ጊዲኮ ታ ኢሻ ታ ዱጴሶንታ ማላ ሙሌካ አሾ ሚኬ።

9

ሃዋሬታስ ዲዛ ማታ

1 ታኒ ጎቃ አስ ጊዲኪና? ታ ሃዋሬ ጊዲኪና? ኑ ጎዳ ዩሱሳ ታኒ ታ አይፌራ ቤያቤኪና? ኢንቴካ ጎዳን ታ አሶን ቤቲዳ አይፌ ጊዴኬቲ? 2 ሃራታስ ታ ሃዋሬ ጊዶንታ አጊኮካ ታ ኢንቴስ ቱማፕ ሃዋሬ። ጋሶይካ ጎዳን ታ ሃዋሬቴሳ ቤሲዛ ማታሚይ ኢንቴና። 3 ታና ፓጩዛይታስ ታ ኢሚዛ ማልጴይ ሄሳ። 4 ኤሮ! ማናሲኔ ኡያናስ ኑስ ቤሴኔ? 5 ሃራ ሃዋሬታ ማላ ጎዳ ኢሻታ ማላኔ ኬፋንታ ማላ ኑካ አማኒዛ ኑ ማቼታ ኤኪ ዩያና ዳንዳዮኮኒ? 6 ዎይኮ ዋይቲ ዳቡራዲ ዳናስ ቤሲዛይ ታናኔ ባርናባሳ ዓላላ? 7 ኤሮ! ባ ሚሻራ ዎታዳራቴሳ አሲዛይ አኔ? ዎይኔ ሚሲ ቶኪዲ። ሄ ቶኪዳ ሚሳ አይፌ ሞንታይ አኔ? ሚሄ ሄሚሽ ባ ሄሚዛ ሚሄዛ ማሳ ኡዮንታይ አኔ? 8 ታ ሃይሳ ጊዛይ ጮ አሳ ቆፋ ማላ ዓላላ? ሙሴ ዎጋ ዎጋ ጋርሳን “ካስ ቡኪዛ ሚሄ ዱና ቃሻፋ” ጌቲቲ ዓፊቲዴስ። ሂስቲን ያሴ ሜቲዳይ ሄ ሚሄዛ ቃንሴ? \* 10 ኢዚ ሄሳ ጊዳይ ቱማፕ ኑ ጊሽ ጊዴኔ? ሄሲ ዓፊቲዳይ አዳፌ ኑ ጊሻሳ። ጎሻንቻይኔ ቃሴካ ቡኪዛይሲ ባ አሶ አይፌፕ ባና ጋኪዛይሳ ኤካናስ ኡፋይስ አሴስ። 11 ኑ ኢንቴ ጊዶን አያና ዜራሲ ዜራዳይቲ አሾስ ጊዲዛዝ ማዒኮ ሄሲ ጊታ ሚሺ? \* 12 ሃራ አሳቲ ኢንቴፌ ሄሳ ማላ ጎዳ ኤካናስ ዳንዳይኮ ኑ ቃስ ሄሳፊ ዳሮ ዴማናስ ቤሴኔ? ጊዶ አቲን ኑኒ ኑስ ቤሲዛ ማላ ጎዴቲቤኮ። ሃራፕካ ኑ ኪርስቶሳ ሚሺራቾ ቃላስ ዱጴ ጊዶንታ ማላ ሃኒዛዝ ወርሲካ ዳንዳዮስ። 13 ያሳ ኬሳን አሲዛይቲ ባ ማናዮሳ ያሳ ኬሳፊ ኤኪዛይሳ ማላ ያርሾሶን አሲዛይቲካ ሄ ባ አሲዛ ያርሼዛይሳፊ ሚዛይሳ ኢንቴ ኤራኬቲ? \* 14 ሄሳሳካ ሚሺራቾ ቃላ ሳባኪዛይቲ ባሲ ኮሺዛይሳ ሚሺራቾ ቃላ አሲዛሶፕ ኤካና ማላ ጎዳይ ዎጋ ዎሲዴስ። \* 15 ታኒ ጊዲኮ ሄሳ ኡባፊካ አይኮካ ጎዴቲቤኬ። ሃሲካ ታ ኢንቴስ ሃይሳ ዓፊዛይ ሄይታንታ ማላ ሚሽ ታስ አሴቶ ጋዳ ጊዴና። አይሲ ጊኮ አኒካ ታኒ ታ ጎዳን ጨቁቲዛሮ ታፕ ዎሲ ኤካናፕ ታስ ሃይቆይ ሎዎ። 16 ሚሺራቾ ቃላ ሳባኪዳይሲ ታና ጨቁሴና። ታ ሳባኪዛይ ዶሳን ጊዲዳ ጊሽ ጊዶንታ ዎልቃራ ታና ጋኪዳ ጊሻሳ። ታ ሚሺራቾ ቃላ ሳባኮንታ አጊኮ ታና አዩ-አና! 17 ሚሺራቾ ቃላ ታ ዶሳን ታ ሳባኪኮ ታስ ዎይቶይ ዴስ። ታኒ ታ ዶሳን ጊዶንታ ዎልቃራ አሲዛይሳ ጊዲኮ ሃዳራ ፖላና ማላ አሶ ዓላላ ጊዳና። 18 ሂስቲን ታስ አዛ ዎይቶይ ዲዜ? ታስ ዎይቶይ ዳናይ ሚሺራቾ ቃላ ሳባካሺ ታስ ቤሲዛይታ ታ ጎዴቶንታ አጊኮኮ። 19 ታ ጎቃፕ አቲን አናስካ አይሌ ጊዲኬ። ጊዶ አቲን ዳሮታ ጎዳኮ ዛራና ጊሽ አሳ ኡባስ አይሌ ማላ ጊዳዲስ። 20 አይሁዳታ አሻናስ አይሁዳታራ ኢስታ ሚሳታዲስ። ታኒ ታ ባጋራ ሙሴ ዎጋፕ ጋራሳራ ጊዶንታ ዳሺ ሙሴ ዎጋፕ ጋርሳራ ዲዛይታ አሻናስ ኢስታ ሚሳታዲስ። 21 ታኒ ታ ባጋራ ያሳ ዎጋይ ዲዛዴኔ ኪርስቶሳ ዎጋስ ሃራቲዛይ ጊዲኮካ ዎጋይ ባይንዳይታ አሻናስ ኢስታ ማላ ዎጋይ ባይንዳይ ጊዳዲስ። 22 ዳቡራንቻታ አሻናስ ጋዳ ታካ ዳቡራንቻታራ ኢስታ ማላ ዳቡራንቻ ጊዳዲስ። ታስ ዳንዳዮቲዳ ማላ ኡባን ኢሲ ኢሲ አሳታ አሻናስ አሳ ኡባራ ኢስቲ ሃኒዛዝ ሃናዲስ። 23 ታ ሃይሳ ወርሳ አሲዛይ ሚሺራቾ ቃላ አንጆ ኢስታራ ጊሼታናስ ሚሺራቾ ቃላ ጊሽ አሳዲስ። 24 ጋዴ ዎሲ ዎዲዛይቲ ዳሮ ሺን ያኒዲ ሺልማቴ ዴሚዛይ ኢሳዴ ዓላላ ጊዲዳይሳ ኢንቴ ኤራኬቲ? ሄሳ ጊሽ ሺልማቴ ኤካናስ ዎዲዛይ ማላ ኢንቴካ ዎዲቱ። 25 ጋዴን ዎዲ አዳናስ ጊጌቲዛዴይ አኒካ ሃኖ ባርካ ባና ናጊስ። ሄይታንቲ አዳናኔ ዳያና አክሊሌ ኤካናስ ዳቡራቴስ ሺን ኑ ቃስ ሚርናስ ዳዮንታ አክሊሌ ዴማናስ ዳቡሮስ። 26 ሄሳ ጊሽ ታ ቃስ ፖሎይ ባይንዳ ጮ ሚላ ዎዲዛይ ማላ ዎዲኬ። ቃሴካ ጫርኮራ ባዴቲዛይ ማላ ጮ ሚላ ጋዴን ባዴቲኬ። 27 ታ ቃስ ሃራታስ ሳባካ ፕዳዳ ታስ ኩንዳ አቶንታ ማላ ታ አሳቴስ ሺሻ አይካዳ ሃራይስ።

\* 9:9 ዛሬ 25:4፤ 1፲፱ 5:18 \* 9:11 አሮ 15:27 \* 9:13 ዛሬ 18:1 \* 9:14 ማቶ 10:10፤ ሉቃ 10:7



10

**ኢስራኤል ናይታ ቦላ ጋኪዳይሲ ጋኮንታ ማላ ናጌቴሰ**

1 ታ ኢሻቶ! ካሴ ኑ አዋቲ ሻራይ ኢስታፊ ቦላራ ጊዲዲ ካሌሲዳይሳ ማላኔ ኢስቲ ወሪካ ዞዎ አባ ፒኒዳይሳ ታ ኢንቴና ቆፒሳናስ ኮያይስ። \* 2 ኢስቲ ሙሴራ ጊዳናስ ጊዲ ሻራኒኔ አባን ማጭቲዳ። 3 ወሪካ ኢሲ አያና ቁማ ሚዳ። \* 4 ወሪካ ኢሲ አያና ኡሺ ኡዩዳ። ኢስቲ ኡዩዳይካ ባና ካሊዛ አያና ዛላፊ ፑልቲዳይሳፊ። ሄ ዛላይካ ኪርስቶሳ። \* 5 ጊዶ አቲን ያሲ ዳርታን ኡፋዩቲቤና። ሄሳ ጊሽ ኢስታ አሃይ ባዞን ኩንዲ አቲዴስ። \*

6 ኢስቲ ኢታ ሚሽ አዋቲዳይሳሶ ኑካ አዋቶንታ ማላ ሄ ኢስታ ሃኖይ ኑ ናጌታና ማላ ኑስ ሌሚሶ ጊዲዴስ። \* 7 “ዴሬይ ማናሲኔ ኡያናስ ኡቲዴስ፤ ዩፃናስካ ዴንዲዴስ” ጌቴቲ ካሴ ጊሻ ማፃፋን ፃፊቲዳ ማላ ኢስታ ጋርሳፊ ኢሲ ኢሲ አሳቲ አሶይሳሶ ኢንቴካ ኤቃ ጎይኒዛያታ ጊዶፒቴ። \* 8 ኢስታ ጋርሳፊ ኢሲ ኢሲ አሳቲ ሳይማቲዲ ኢሲ ጋላስ ናምዑ ታማኔ ሄሹ ሺ አሳይ ዲፒ ጊ ወርይሳሶ ወርንታ ማላ ኑካ አኔ ሳይማቶቶ። \* 9 ኢስታ ጋርሳፊ ኢሲ ኢሲ አሳቲ ጎዳ ፓጩዲ ሾሻን ዱኬቲ ሃይቂ ዳዩዳይሳ ማላ ኑካ አኔ ጎዳ ፓጩኮ። \* 10 ኢስታ ጋርሳፊ ኢሲ ኢሲ አሳቲ ዙዙሜቲዲ ዳይሲዛ ቦሻ ኪታንቻን ዳዩዳይሳሶ ኢንቴካ ዳዮንታ ማላ ዙዙሞፒቴ። \*

11 ሄሲ ወሪ ኑስ ሌሚሶ ጊዳና ማላ ኢስታ ቦላ ጋኪዴስ። ዎዴ ወርሴሳን ዲዛ ኑስ ቲሚርቴ ጊዳና ማላ ኑስ ፃፊቲዴስ። 12 ሄሳ ጊሽ ታ ሚና ኤቃ ዳይስ ጊዛዴይ ዲኮ ኩንዶንታ ማላ ባሲ ናጌቶ። 13 አሳ ቦላ ጋኪዳ ፓጩፕ ሃራ አዲዛ ፓጩይ ኢንቴ ቦላ ጋኪቤና። ያሲ አማኔቲዛ ያሴ ጊዲዳ ጊሽ ኢንቴ ዳንዳዮንታ ኢንቴ ዎልቃፊ ቦላራ ኢንቴ ፓጩቴና ማላ ኢዚ ኢንቴና አጋጌና። ጊዶ አቲን ኢንቴ ፓጩቲዛ ዎዴ ሄ ፓጩዛ ኢንቴ ዳንዳያና ማላ ዎልቃ ኢሚዲ ፓጩፕ ኢንቴ ኬሲ ኤካና አጌ ኢዚ ኢንቴስ ጊጊሳና።

**ኤቃራ ኢሲፊቴሴ ዳናስ ቤሴና**

14 ሄሳ ጊሽ ታ ሲቆቶ! ኤቃስ ጎይኖፒቴ፤ ኢዛፕ ሃኪቴ። 15 ታ ኢንቴስ ሃይሳ ጊዛይ ዎዝናማ ጊዲዳ ጊሻሳ። ሄሳ ጊሽ ታ ዮቲዛይሳ አኔ ኢንቴ ኢንቴርካ ፒርዲቴ። 16 ኑኒ ያሳ ጋላቲዲ ኤኪዛ ኡሻይ ኪርስቶሳ ሱሳራ ጋንቴሴ ዲዛይሳ ጊዴኔ? ሄሳሶካ ኑ ባሲ ባሲ ጊሼቲ ሚዛ ኡኬሳይ ኪርስቶሳ አሾራ ጋንቴሴ ዲዛይሳ ጊዴኔ? \* 17 ኡኬሳይ ኢሲኖ ጊዲዳ ማላ ኑኒካ ዳር ጊዲ ኡቲዲካ ወሪካ ኢሲ አሾ። ኑ ወሪካ ኢሲ ኡኬሳዛ ጊሼቲ ሞስ። 18 አኔ ኢንቴ ኢስራኤል ናይቲ አሲዳይሳ ቆፒቴ። ሺቅዛ ያርሾዛፕ ሚዛይታስ ያርሾይ ሺቅዛሶራ ጋንቴሴ ዴኔ? \* 19 ሂስቲን ኤቃስ ያርሼቲዳ ያርሾ ጊዲን ዎይኮ ኤቃይ ባ ባጋራ ጎዳራ ዴስ ጋዘና? 20 ጊዴና! አማኖንታ አሳይ ሺሺዛ ያርሾይ ያሳስ ጊዶንታ ፃላዔሳ። ኢንቴስ ፃላዔራ ኢሲፊቴሴ ዳና ማላ ታ ኮዩኬ። \* 21 ፃላዔ ኡሺኔ ጎዳ ኡሺ ኢንቴ ኢሲፊ ጋሲ ኡያና ዳንዳዩኬታ። ጎዳ ማዳፊኔ ፃላዔ ማዳፊ ጋሲ ማና ዳንዳዩኬታ። 22 ኑኒ ጎዳ ሃንቁሲኖ? ኑ ኢዛፕ ሚኒዞኒ? \*

**ኡባካ ያሳ ቦንቾስ አሶ**

23 ወሪካ ታስ ኢሜቲዴስ ሺን ወሪካ ታና ጎዲዛዝ ጊዴና። ወሪካ ታሳ ሺን ወሪካ ታና ማዴና። \* 24 አሲ ወሪካ ባ ላጌ ጎዳናዝ ጋሲ ዪሎ አቲን ባና ጎዳናዝ ፃላላ ኮዮፖ። 25 ጊያን ባይዙቲዛ አሾ ወርሲ ሲዴይ ባይንዳ ሚቴ። 26 ቢታይኔ ቢታ ቦላ ዲዛይ ወሪካ ጎዳይሳ። 27 አማኖንታ አሲ ኢንቴና ባሶ ዪይጊዲ ሺሺዳ ካስ ወርሲ አይኮካ ሲዶንታ ሚቴ። 28 ጊዶ አቲን ኢሳዴይ “ሃይሲ ኤቃስ ያርሼቲዳ ካሳ” ጊኮ ሄ ካሳ ሄ አዴዛ ቆፋ ጊሺኔ ኢንቴና ሲዲሲኮ ሞፒቴ። 29 ታ ኢንቴስ ሄሳ ጊዛይ ሄ ዮቲዳዴ ቆፋ ጊሽ ጋዲስ አቲን ኢንቴ ቆፋ ጊሽ ጋቤይኬ። ታ ዪሎ ጊዳ ዲሺን አዛስ ሃራ አሳ ቆፋ ጊዶን ታ ቦላ ፒርዴቲዜ? 30 ታ ያሴ ጋላታዳ ሚዛይ ጊዳ ኡታዳ አዛስ ሃራ አሳን ፒርዴቶ? 31 ሂስቲኮ ኢንቴ አይ ሚኮካ። አይ ኡዩኮካ ዎይኮ አይኮ አሲኮ ወርሲካ ያሳ ቦንቾስ አሲቴ። 32 አይሁዳ አሳስ ጊዲን አይዛቤታስ ጊዲን ዎይኮ ያሳ ዎሳ ኬሳስ አናስካ ዱጴ ጊዶፒቴ። 33 ታ አስ ወርሳካ አይ አጌራካ ኡፋይሳና ኮዩዛ ማላ ኢንቴካ ሄሳሶ አሲቴ። ዳርቲ አታና ማላ ታ ታና ጎዲዛዝ ጊዶንታ ኢስታ ጎዲዛዝ ኮያይስ።

11

1 ታኒ ኪርስቶሳ ሚሳታዳ ኢዛ ካሊዛይሳሶ ኢንቴካ ታና ሚሳቲዲ ካሊቴ። \*

**ያሳ ጎይኖ ዎጋ**

2 ኢንቴ ታስ ወርሲ ቆፒዛ ጊሺኔ ታፕ ኤኪዳ ቲሚርቴዛ ሎዔሴ አይኪዳ ጊሽ ታ ኢንቴና ጋላታይስ። 3 ጊዶ አቲን ታ ኢንቴ ኤራና ማላ ኮዩዛይ አቲማሳስ ኡባስ ሁዔይ ኪርስቶሳ ጊዲዳይሳ ማላ አቲማሳይ ማጫሳስ ኡባስ ሁዔ። ቃሴ ያሲ ኪርስቶሳስ ሁዔ። 4 ባ ሁዔ ጉሉንቲዲ ያሴ ዎሲዛዴይ ዎይኮ ቃላ ዮቲዛዴይ አኒካ ባርካ ባና ካወሺስ።

\* 10:1 ኬሳ 13:21-22፤ 14:22-29 \* 10:3 ኬሳ 16:35 \* 10:4 ኬሳ 17:6 \* 10:5 ታይ 14:29-30 \* 10:6 ታይ 11:4 \* 10:7 ኬሳ 32:6 \* 10:8 ታይ 25:1-18 \* 10:9 ታይ 21:5-6 \* 10:10 ታይ 16:41-49 \* 10:16 ማቶ 26:26-28፤ ማር 14:22-24፤ ሉቃ 22:19-20 \* 10:18 ሉቁ 7:6 \* 10:20 ዛሬ 32:17 \* 10:22 ዛሬ 32:21 \* 10:23 1ቆሮ 6:12 \* 11:1 1ቆሮ 4:16፤ ፕሊ 3:17



5 ባ ሁሉ ጎዞንታ ዎሲዛ ማጫሲያ ዎይኮ ቲንቢቴ ቃላ የቲዛ አይ ማጫስካ ባርካ ባና ካወሻወሰ። ሄሲ ኢዛ ባ ሁሉ ቡሊሲዳዴራ ጊና። 6 ማጫሲ ባ ሁሉ ጎዞንታ አጊኮ ሜዴቱ ዎይኮ ቃንጊሱ። ኢዚስ ባ ሁሉ ሜዴቴሊ ዎይኮ ቃንጊሱሊ ዩላቺዛዝ ጊዲኮ ጎዞ። 7 አዴይ ባ ሁሉ ጉሉንታናስ ቤሴና። አቱማሲ ያሳ ሌሚሶኔ ያሳ ቦንቾ። ማጫሲ ጊዲኮ አዴስ ቦንቾ። \* 8 ጋሶይካ ማጫሲ አዴፌ ሜዴታዱስ አቲን አቱማሲ ማጫሳፔ ሜዴቲቤና። 9 ቃሴካ ማጫሲ አዴስ ሜዴታዱስ አቲን አዴይ ማጫሳስ ሜዴቲቤና። 10 ሄሳ ጊሽ ኪታንቻቲ ቤያናስ ናጊዛ ማጫሳስ ኢሜቲዳ ማታ ቤሲዛ ጎሴ ባ ሁሉን ጎዞ።

11 ጎዳ አቻን ጊዲኮ ማጫሲ አዴይ ባይንዳ፣ አዴይካ ማጫሲ ባይንዳ ዴዩቴና። 12 ማጫሲ አዴፌ ቤቲዳይሳሶ አዴይካ ማጫሳፔ ዩሌቴስ። ጊዶ አቲን ናምዳይካ ያሳፌ ቤቲዳ።

13 ማጫሲ ባ ሁሉ ጎዞንታ ዎሴ ዎሳናስ ቤሲዛኮኔ አኔ ኢንቴ ፐርዲቴ። 14 አቱማሲ ባ ሁሉ አዱሲ ዲቺኮ ቦርሶ ጊዲዳይሳ ኢንቴና ሜዴቴላ ሃኖቴሊ ኤሪሱዌ? 15 ማጫይ ጊዲኮ ባ ሁሉ ቤናና ዲቺኮ ሄሲ ኢዚስ ቦንቾ ጊዴኔ? ኢዚስ አዱሳ ሁሉ ቤናናይ ኢሜቲዳይ ሴሎ ጊዳናሳ። 16 ሄሳ ጊሽ አኒካ ሃይሳ ሃ የዎዛን ፓላሜታና ኮይኮ ኑስ ጊዲንካ ያሳ ዎሳ ኬላታስ ሃይሳፌ ሃራ ዎጋይ ዴና።

**ጎዳ ካዎ ኤኮ ዎጋ**

17 ኢንቴ ኢሲ ሶ ሺቄቲዛ ዎዴ ቆዎስ አቲን ጎዳስ ጊዶንታ ጊሽ ታ ሃይሳ አዛዘዛ ኢንቴስ አሊዛይ ኢንቴና ጋላታሺ ጊዴና። 18 ኢንቴ ዎሳ ኬላን ሺቄዛ ዎዴ ኢንቴ ጋርሳን ሻኮቴሊ ዲዛይሳ ታ ካሴታ ሲያዲስ። ታ ሲዮይሳፌ ባጋይ ቱሙ ጊዳናይሳ ታ አማናይስ። 19 ኢንቴ ጊዶፌ ቱማንቻቲ ሻኬቲ ኤሬታና ማላ ሄሳ ማላ ሻኮይ ኢንቴ ጊዶን ዳናይሲ ዶሳ ጊዴና። 20 ኢንቴ ኢሲፌ ሺቄቲዳ ሚዛይ ጎዳ ካዎ ጊዴና። 21 ኢንቴ ሺቄቲዳ ኢሶይ ኢሳ ናንንታ ዲሺ ካሰ ሜታ። ኢንቴፌ ኢሳዴይ ጋፋን ዲሺን ሃንኮይሲ ቃስ ማሶቴስ። 22 ሂስቲን ኢንቴስ ኡያናሶይኔ ማናሶይ ባዌ? ዎይኮ ያሳ ክሴ ሌቄዲ አይኮይካ ባይንዳይታ ዩላቺቲ? ሂስቲን ታ ኢንቴና አይ ጎ? ሃይሳ ሃ ሃኖዛስ ኢንቴና ጋላቶ? ሙሌካ ጋላቲኪ።

23-24 ታ ጎዳፔ ኤኪዳይሳ ኢንቴስ አሳዲስ። ሄሲካ ጎዳ ዩሱሲ አዲ ኢሜቲዳ አማርስ ኡኬሳ ዴንሳዲኔ ዎሴ ጋላቲ ባሊዲ “ሄዩቴ! ሚቴ! ሃይሲ ኢንቴስ ጊዲዛ ታ አሾ። ታና ቆፓናስ ኢንቴ ሃይሳ አሊቴ” ጊዴስ። 25 ሄሳሶካ ካዎፔ ጉዩ ኡሻ ዴንሳዲ “ሃይሲ ኡሻይ ታ ሱሳን ሃኒዛ አራሳ ጫቆ። ሄሳ ጊሽ ኡሻፌ ኢንቴ ኡዩዛ ዎዴ ሃይሳ ታና ቆፓና ማላ አሊቴ” ጊዴስ። \*

26 ሃይሳ ኡኬሳ ኢንቴ ሚዛ ዎዴኔ ሃይሳ ኡሻካ ኡዩዛ ኡሳ ዎዴ ጎዳይ ያና ጋካናስ ኢንቴ ኢዛ ሃይቆ የታና። 27 ሄሳ ጊሽ አኒካ ቤሶንታ ዲሺን ሃይሳ ኡኬሳ ሚኮ ዎይኮ ጎዳ ኡሻ ኡዩኮ ኢዛዴይ ጎዳ አሾኔ ኢዛ ሱሳ ካወሺዳ ጊሽ ኢዚ አይሺታና። 28 አኒካ ሃይሳ ሃ ኡኬሳ ማናፔኔ ኡሻፌ ኡያናፔ ካሴቲ ባርካ ባና ፓሎ። 29 ጋሶይካ አኒካ ጎዳ አሾ ባሲ ጌሎንታ ዲሺን ሚኮኔ ጎዳ ኡሻ ኡዩኮ ኢዛዴይ ባርካ ባ ቦላ ፐርዳ ኤሄስ። 30 ኢንቴ ጋርሳን ዳሮ አሳይ ዳቡሪዳይኔ ሳኬቲዳይ ቃሴካ ባጋይ ሃይቄዳይ ሄሳ ጋሶና። 31 ኑ ኑርካ ኑና ፓጫዛኮ ኑ ቦላ ፐርዳና። 32 ጊዶ አቲን ጎዳይ ፐርዲዛ ዎዴ ኑ ሃንኮ አማኖንታ አሳራ ፐርዴቶንታ ማላ ኢዚ ኑና ካሴቲ ሙሬስ።

33 ሄሳ ጊሽ ታ ኢሻቶ! ኢንቴ ማና ሺቄዛ ዎዴ ኢሶይ ኢሳራ ናጌቲቴ። 34 ኢንቴ ሺቄዛ ሺቆይ ፐርዳስ ጊዶንታ ማላ ኢንቴፌ አኒካ ጋፊዳይይ ዲኮ ካሴቲዳ ባ ሶን ሞ። ሃንኮ አቲዳይሳ ታኔ ሃራ ዎዴ ሄ ኢንቴኮ ባዳ ዎጋ ዎሳና።

12

**ዲሎ አያና ኢሞታታ**

1 ታ ኢሻቶ! አያናይ ኢሚዛ ኢሞቴላ ጊሽ ኢንቴ ኢሲ ሚሽ ኤራና ማላ ታ ኮያይስ። 2 ኢንቴ አማናናፔ ካሴ ሙ ሜላ ያኔ ሃኔ ጉሳን ኢንቴ ኤሮንታ ካሌሴቲዳ ዱና ዱዴ ጊዲዳ ኤቃታኮ ቤዳይሳ ኢንቴካ ኤሬታ። 3 ሄሳ ጊሽ አኒካ ያሳ አያናን ሃሳዩሺ “ዩሱሲ ቃንጊቲዳዴ” ጌና። ሄሳሶካ ዲሎ አያናን ጊዲዳ አቲን አኒካ “ዩሱሲ ጎዳ” ጋና አሲ ዶንታይሳ ታ ኢንቴስ የታይስ።

4 አሳስ ኢሞቴሊ ዱማ ዱማ ጊዲሺን አያናይ ጊዲኮ ኢሲና። 5 አሶይካ ዱማ ዱማ ጊዲሺን ጎዳይ ጊዲኮ ኢሲና። 6 ዱማ ዱማ አሶ አጌቲ ዲኮካ ወርሲካ አሊዛይ ኢሲ ያሳ።

7 ጊዶ አቲን ዲሎ አያና ቆንጫሶ ኢሞታይ ኢሳዴስ ኢሜቲዛይ ኢሲፌ ጎዴታናሳ። 8 ኢሳዴስ ሂሳን ሃሳያና ኤራቴሊ ኢሜቴስ። ሃራ አሳስ ቃስ ሄ አያናንካ ኤራቴላ ቃሳን ሃሳያና ቃላይ ኢሜቴስ። 9 ኢሳዴስ ሄ አያናን አማናይ ኢሜቴስ። ሃራ አሳስ ቃስ ሄ አያናኒካ ሃርጊዛይታ ፓሊዛ ኢሞታይ ኢሜቴስ። 10 ኢሳዴስ ማላሊሲዛ አሶ አሊዛ ኢሞታይ፤ ቃሴካ ሃራ አሳ ቡሮ ቲንቢቴ ቃላ ሃሳያ ኢሞታይ፤ ሃራ አሳ ቃሴካ አያናታ ሻኪ ኤሮይ፤ ሃራ አሳስ ዱማ ዱማ ቃሳን ሃሳያይ፤ ቃሴካ ሃራ አሳስ ሃራ ዱማ ዱማ ቃሳን ሃሳዩቲዳይሳ ቤርሻና ኢሞታይ ኢሜቴስ። \* 11 ሄይቲ ወርካ ሄ ኢሲ አያናይ ኢሚዛ ኢሞታ ጊዲሺን ኢሲ ኢሲ አሳስ ባ ኮይዳ ማላ ኢሜስ።

**ኢሲ አሳቴሳ ቦላ ዱማ ዱማ ቢሊቴቲ ዴቴስ**

12 ኢሲ አሳቴሳ ቦላ ዳሮ ቢሊቴቲ ዲኮካ አሳቴሳይ ኢሲና። ጊዶ አቲን ቢሊቴቲ ዳሮ ጊዲኮካ አሳቴሳይ ኢሲና ሃላላ። ኪርስቶሲካ ሄሳ ማላ። \* 13 አይሁዳ አሳታ ጊዲንካ ጊሪኬ አሳታ ጊዲንካ፣ አይሴ ጊዲንካ ዎይኮ ጎቃ አሳታ ጊዲንካ ኑ ወርካ ኢሲና ጊዳናስ ኢሲ አያናን ማጭቲዶስ። ኑ ወርካ ሃ ኢሲ አያናፔ ኡዩዶስ።

\* 11:7 ሜዴ 1:26-27 \* 11:25 ኪሳ 24:8፤ ኤር 31:31-34 \* 12:10 ቲንቢቴ ቃላ ያሳ ቃላ ቢርሼስ ዎይኮ ቆንጫስ የቶ። \* 12:12 ኦሮ 12:4-5

14 አሳቴሴ ሜዴቲዳይ ዳሮ ቢሊቴታፕ ኣቲን ኢሲ ቢሊቴፕ 944 ጊዴና። 15 ቶሆይ “ታ ኩሼ ጊዴንታ ጊሽ አሳቴሳ ጊዴን ዲኬ” ጊኮ ኢዚ ሂዘጊዳ ጊሽ ኢዛስ አሳቴሳን ዱሲ አታኔ? 16 ሃይሴ “ታ አይፌ ጊዴንታ ጊሽ አሳቴሳ ጊዴን ዲኬ” ጊኮ ሃሳ ጊሽ አሳቴሳ ጊዴን ዱሲ ኢዛስ አታኔ? 17 አሳቴሴ ወሪካ አይፌ 944 ጊዴንታ አዛን ሲያኔ? አሳቴሴ ወሪካ ሃይሴ 944 ጊዴንታ አዛን ሲንጋኔ? 18 ጊዴ አቲን ያሲ ኢሳ ኢሳ ባ ኮይዳ ማላ አሳቴሳ ጊዴን ዳናስ ቤሲዛሶን ዎሲዴስ። 19 ቢሊቴይ ወሪካ ኢሲኖ ጊዴንታ ኩሜሳ አሳቴሴ አዎፕ ቤታኔ? 20 ሃሳ ጊሽ ቢሊቴቲ ዳሮ ሺን አሳቴሴ ጊዴንታ ኢሲኖ 944።

21 አይፌይ ኩሼ “ኔና ታ ኮይኬ” ጋናስ ዳንዳዮና። ሁዔይ ቶሆ “ኔና ታስ ኮሼና” ጋና ዳንዳዮና።

22 ሃራይ አቶሺን ኡባፌ ላፋ ሚሳቲዛ ቢሊቴቲ ዳሮ ኮሺዛይታ። 23 ኑኒ ላፋ ጊ ሴቂዛ ቢሊቴታ ሃንኮይታፕ አሲ ቦንቶስ። ቃሴካ ኑ ኢስታን ዮላቲዛ ቢሊቴታ ሃራፕ አሲ ናንስ። 24 ኑ ኢስታን ዮላቶንታ ቢሊቴታስ ጊዴን ሃሳ ማላ ቦንቶ ኮሼና። ያሲ ጊዴን አሳቴሳ ቢሊቴታ ኢሲ ቦላ አይፌሲዲ ቦንቶይ ፓጫዛይታስ አይፌሳ ቦንቶ ኢሚዴስ። 25 ኢዚ ሃሳ አሲዳይ አሳቴሳ ቢሊቴታ ጋርሳን ሻኮቴሴ ዶንታ ኢስቲ ባ ጋርሳን ኢሲይ ኢሳ ባናራ ጊና ጊ ቆፓናሳ። 26 ኢሲ ቢሊቴይ ሳኬቲኮ ሃንኮ ቢሊቴቲ ወሪካ ኢዛራ ኢሲፌ ሳኬቴቲ። ኢሲ ቢሊቴይ ቦንቶቲኮ ቢሊቴቲ ወሪካ ኢሲፌ ኡፋዮቴቲ።

27 ሂስቲኮ ኢንቴ ወሪካ ኪርስቶሳ አሳቴሳ፤ ኢንቴ ኢሶይ ኢሶይ ኢዛ አሳቴሳ ቢሊቴታ። 28 ያሲ ዎሳ ኬሳ ጊዴን ኮይሮ ሃዎሬታ፣ ናምዓንሳ ቃሴ ናቤታ፣ ሃዘንሳ አስታማሬታ፣ ካሌሲዲ ማላታ አሲዛይታ፣ ፓሲዛ ኢሞቴሴ ዲዛይታ፣ ሃራታካ አስ ማዲዛ ኢሞታይ ዲዛይታ፣ ዴሬ አይሶ ኤራቴሴ ዲዛይታኔ ዱማ ዱማ ቃላ ሃሳያና ኢሞቴሴ ዲዛ አሳታ ዎሲዴስ። 29 ወሪካ ሃዎሬቲ? ወሪካ ናቤቲ? ወሪካ አስታማሬቲ? ወሪካ ማላሲሲዛ ሚሼ አሲዛ? 30 ኡባስካ ሃርጊዛይታ ፓሲዛ ኢሞታይ ዲዛ? አሲ ወሪካ ዱማ ቃላን ሃሳዬዛ? ዱማ ቃላን ሃሳዮቶይሳ አሲ ወሪ ቢርሺዬ? 31 ጊዴ አቲን ኢንቴ ወሪካ ኡባፌ አዲዛ ኢሞቴሳ ሎዔሴ ኮይቴ።

ቃሴካ ሃራ ኡባፌ አዲዛ ኦጌ ታ ኢንቴና ቤሳና።

13

ቱሙ ሲቆ

1 ታ አሳ ቃላኒኔ ሳሎ ኪታንቻታ ቃላን ሃሳዬኮካ ታስ ሲቆይ ባይንዳ አጊኮ ሙ ሜላ ቢራታ ጊሪሳ ማላ ዎይኮ ዳላ ጊራሳ ማላ። 2 ቲንቢቴ ሃሳዬዛ ኢሞታይ ታስ ዲኮካ፣ ዎይኮ ፁራ ዮፖታኔ ኤራቴሳ ወርሳ ታ ኤሪኮካ፣ ዙማይ ኢዚ ዲዛሶፕ ዶቃዳ ሃራሶ ዲጊዛ አማኖይ ታስ ዲኮካ ሃሳ ወርሳካ ሲቆይ ባይንዳ ታ አሲኮ ሄሲ ሜላ ሃዳ። \* 3 ታስ ዲዛዝ ወርሳ ማንቆታስ ታ ኢሚኮካ፣ ታ አሳቴሳ ታ ታማን ፁጊኮካ፣ ሲቆይ ባይንዳ አጊኮ ታና ሄሲ አይኮካ ማዴና። \*

4 ሲቆይ ዳንዳያ፣ ቃሴካ ኪያ፤ ሲቆይ ሚቃይኒና፣ ጨቁቴና፣ አቶሬቴና፣ 5 ቤሶንታዝ አሴና፣ ባርካ ባ ንዓ 944 ያሌና፣ ቆሆ ቆዳን ዮጌና። 6 ሲቆይ ቱማንፕ አቲን ማካላን ኡፋዮቴና። 7 ሲቆይ ኡባ ዎዴ ዳንዳዮስ። ኡባ ዎዴካ አማኒስ። ኡፋይስ አሴሲኔ ሚኒ ኤቁስ።

8 ሲቆይ ሙሌካ ኩንዴና፣ ቲንቢቴይ ጊዴን አታና። ሃራ ቃላን ሃሳያይካ አታና። ኤራቴሴካ ሻሬታና። 9 ጋሶይካ ኑ ኤሪዛይ ወርሲ ጊዴንታ ሻኪ ኤርስ። ቲንቢቴ ሃሳያ ጊዴንካ ባጋ ሃሳዮስ።

10 ጊዴ አቲን ወርሴሴ ጋኪዛ ዎዴ ኩሜስ ጊዴንታ ኢሞታይ ሄ ዎዴ ሻሬታና። 11 ታ ጉላ ናቴቴሳን ዳሼ ና ማላ ሃሳያይሲኔ ና ማላ ቆፓይስ። ና ማላካ ዩሻ ቆፓይስ። ካሃ ኩንሲዳፕ ጉዮ ካሴ ናቴሳን ሃኒዛይሳ ወርሳካ ዮጋ አጋዲስ። 12 ኑኒ ሃሳ ቤይዛይሲ ሃሳን ያሲዛ ማላ ሙ ቦገር ቦገርስ ሺን ሄ ዎዴ ጊዴን ኑ ኢዛ አይፌሶ ሎዔሴ ቤያና። ታ ሃሳ ኩሜስ ጊዴንታ ባጋ 944 ኤራይስ። ሄ ዎዴ ጊዴን ታኒ ታ ሁዔስ ኤራቴዳሳ ማላ ኤራና።

13 ሃሳ ጊሽ አማኖይ፣ ሂዶታይኔ ሲቆይ ሃይቲ ሄዛቲ ኤቁ ዳና። ሃይታ ኡባፌ አዲዛይ ሲቆ።

14

ኢሞታታን ቤሲዛ ማላ ንዔቴሳ

1 ሲቆ ካሊቴ፤ አያና ኢሞቴሳታ ሃራፕካ ቲንቢቴ ሃሳዬዛ ኢሞታታ ሎዔሴ ኮይቴ። 2 ሃራ ቃላን ሃሳዬዛይ ዎሳስ አቲን አሳስ ሃሳዮና። ፁራ ጊዴዳ ዮፖ አያናን ሃሳዬዛ ጊሽ ኢዚ ጊዛይ አሳስ ጌሌና። 3 ቲንቢቴ ሃሳዬዛይ አሳ ሚንፌሳናስ፣ ዴንፌሳናሲኔ ንዓናስ ሃሳዮስ። 4 ሃራ ቃላን ሃሳዬዛይ ቃስ ባርካ ባና ሚንፌሴስ። ቲንቢቴ ሃሳዬዛይ ጊዴን ዎሳ ኬሳ ንዔስ።

5 ኢንቴ ወሪካ ሃራ ቃላን ሃሳዬዛኮ ታ ዶሳይስ ሺን ሃሳፌካ ቦላራ ኢንቴ ቲንቢቴ ቃላን ሃሳዬዛኮ ታ ዶሳይስ። ዎሳ ኬሳይ ሚናና ማላ ሃራ ቃላራ ሃሳዬዛይ ባ ሃሳዬዛይሳ ቢርሻንታ ኢዚ ሃራ ቃላራ ሃሳዬዛይሳፌ ቲንቢቴ ሃሳዬዛይ አይስ። 6 ሃሳ ጊሽ ታ ኢሻቶ! ታ ኢንቴኮ ቢዛ ዎዴ ታ ኢንቴስ ቆንጨሴሳን ዎይኮ ኤራቴሳን ዎይኮ ቲንቢቴን፣ ዎይኮ ቲሚርቴን ዮቶንታ ሃራ ቃላራ ዮቲኮ ሄሲ ኢንቴና አይ ንዔኔ?

7 ሄሲ ሙ ሱሱልዔ ማላኔ ዲሳ ማላ ሼምፖይ ባይንዳ ኢስታ ጊሪሳስ ዱማቴሴ ሻኬቲ ኤራቶንታ አጊኮ ኢዛ ዎስቲ ኤራኔ? 8 ቃሴካ ፁራምባይ አዛስ ፑኔቲዛኮ ዎይኮ ዛዮይ አዛስ ዛዮቲዛኮኔ ሻኪ ኤራቶንታ ኦጌራ ፑኔቲኮ ኦኒ አሳስ ጊጌታኔ?

9 ኢንቴካ ሃሳ ማላ። ኢንቴ ዱናፕ ኤራቴዛ ቃላይ ኪዞንታ አጊኮ ኢንቴ ጊዛይሳ ኦኒ ኤራኔ? ሙ ሜላ ጫርኮን ዳያና። 10 አላሜ ቦላ ዳሮ ዱማ ዱማ ቃላይ ዴስ ሺን ቢርሼሴ ባይንዳ ቃላይ

\* 13:2 ማቶ 17:20፣ 21:21፣ ማር 11:23 \* 13:3 ታማን ፁጊኮካ ኢሲ ኢሲ ጊሻ ማፍቲ አቶሬቴሳስ ጊዛ።

ባዋ። 11 ሄሳ ጊሽ ኢሳዴይ ሃሳዬዛ ቃላ ቢርሼሊ ታ ኤሮንታ አጊኮ ሃሳዬዛዴስ ታ ኢማሴ ጊዳይስ። ኢዛዴይካ ታስ ኢማሴ ጊዴስ። 12 ኢንቴካ ሄሳ ማላ አያናን ኢሞቴሳታ ዴማናስ ኮዩዛ ጊሽ ዎሳ ኬላ ጎሩዛ ኢሞቴሳ ዴማናስ ሎዔሊ ኮዩቴ።

13 ሄሳ ጊሽ ሃራ ቃላን ሃሳዬዛ አሲ ባ ሃሳዬዳይሳ ቢርሼሊ ኤራና ማላ ባሲ ዎስ። 14 ታኒ ሃራ ቃላራ ዎሲዛ ዎዴ ታ አያናን ዎሳይስ አቲን ታ ኢዛፔ አይኮካ ኤሪኬ። 15 ሂስቲን ታ አይ አሳና ማላ ታስ ቤሲዜ? ታኒ ታ አያናንካ ዎሳና። ዎዝናን ዎሳዳካ ዎሳና። ታ አያናንካ ዩፃና። ዎዝናራካ ዩፃና። 16 ሄሳሶ ጊዴንታ አጊኮ ኔ ዎሴ አያናን ጋላቲዛ ዎዴ ሄሳ ኤሮንታ ኢሲ ኢማሳ አሲ ኔ ጋላታ ዎሳ ዎስቲ “አጫን” ጋናስ ዳንዳዩዜ? 17 ኔ ቤሲዛ ማላ ጋላታናስ ዳንዳያሳ። ሃንኮይሲ ጊዲኮ ኢዛን ጎራቴና።

18 ታኒ ኢንቴፌ ቦላራ ሃራ ቃላን ሃሳዬዛ ጊሽ ዎሴ ጋላታይስ። 19 ጊዶ አቲን ዎሳ ኬላን ኤሬቶንታ ዳሮ ሺ ቃላታ ሃሳያናፔ ሃራ አሳታ ታማርሳናስ አሳይ ኤሪዛ ኢቻሽ ቃላ ሃሳያና ዶሳይስ።

20 ታ ኢሻቶ! ኢንቴ ኢንቴ ቆፋን ጉሳ ናይታ ማላ ጊዶፒቴ። ኢታ አሶስ ጊዲኮ ጉሳ ናይታ ማላ ጊዲቴ። ቆፋን ጊዲኮ ካሃ ኩንሲዳ አሳታ ጊዲቴ። 21 ካሴ ዎጋንካ

“ኢስታ ቃላይ ኢማሴ ጊዲዳ አላጋ አሳታ ቃላራ  
ታ ሃይሳ አሳስ ዮታና።  
ሄሳሶ ዮቲንካ ታ ጊዛዝ ኢስቲ ሲዩቴና’ ኔስ ጎዳይ”

ጌቲቲ ካሴ ጌሻ ማፃፋን ፃፌቲዴስ። \*

22 ሄሳ ጊሽ ሃራ ቃላን ሃሳያይ አማኖንታ አሳስ ማላታ ጊዴስ አቲን አማኒዛይታስ ማላታ ጊዴና። ቲንቢቴይ ጊዲኮ አማኒዛይታስ አቲን አማኖንታይስ ጊዴና።

23 ሂስቲኮ ዎሳ ኬላን አማኒዛ አሳይ ኢሲፌ ሺቂዳሶን ወሪካ ኤሮንታ ሃራ ቃላን ሃሳዬሺን ኢማሳ አሳቲ ዎይኮ አማኖንታ አሳይ ሺቂዳ ሃሳዬዛሶ ጊሊኮ “ሃይቲ ጎዩቴስ” ጌቲኔ? 24 ጊዶ አቲን አሳይ ወሪ ቲንቢቴ ቃላ ሃሳዬቴሺን ኢማሴ ዎይኮ አማኖንታዴይ ጊሊኮ ባ ሲዩዳይሳ ኡባ ኤራናኔ ሄ ቃላን ፒርዴታና። 25 ኢዛዴይ ባ ዎዝናን ቆቲ ዎሲዳዚ ወሪ ቆንጫናኔ ኢዚካ ባ ባጋራ “ቱማፔ ዎሲ ኢንቴናራ ዴስ” ጊዲ ጉፋኒዲ ዎሳስ ጎይናና።

26 ሄሳ ጊሽ ታ ኢሻቶ! ሂስቲን አይ ጊኖ? ኢንቴ ኢሲፌ ሺቂዛ ዎዴ ኢንቴፌ ኢሲ ኢሲ አሳስ ዩሳ ቃሴ ኢሲ ኢሲ አሳስ ቲጫርቴይ ዴስ። ኢሲ ኢሲ አሳስ ቆንጮንታ ፀራ ሚሻታ ቆንጫሲዛ ኢሞታይ ዴስ። ሃራ አሳስ ዳማ ቃላን ሃሳያና ኢሞታይ ዴስ። ሃራስ ቃሴ ሄ ቃላ ቢርሼላ ኢሞታይ ዴስ። ሄሲ ሄ ኢሞታይ ወሪካ አማኒዛይታ ጎፃናስ ቤሴስ። 27 ሃራ ቃላራ ሃሳዬዛይ ዲኮ ናምዑ አስ ዎይኮ ዳሪ ዳሪኮ ሄሹ ጊዲዲ ታራን ታራን ዮቴቶ። ሃራ አሲ ቃሴ ቢርሹ። 28 ቢርሼዛዴይ ባይንዳ አጊኮ ሺቂዳ አሳ ጊዶን ጮራ ጊዲ ባሲ ፃላላኔ ዎሳስ ፃላላ ዮቶ።

29 ቲንቢቴ ሃሳዬ ኢሞታይ ዲዛይቲ ናቤቲ ናምዓቲ ዎይኮ ሄሻቲ ቲንቢቴ ሃሳዬቶ። ሃንኮ አሳይ ዮቴቲዳይሳ ሎዔሊ ፓጮ። 30 ኡቲዳ አሳ ጋርሳፌ ኢሳዴይ ኢሲ ሚሺ ቆንጫኮ ኮይሮ ሃሳዬዛይሲ ጮራ ጎ። 31 ኢንቴ ጋርሳፌ ኢሲ ኢሲ አሲ ታማራና ማላኔ ሚኔታና ማላ ኢንቴ ወሪካ ታራን ታራን ቲንቢቴ ዮታናስ ዳንዳዩታ። 32-33 ናቤታ አያናይ ናቤታስ አዛዜቴስ። ጋሶይካ ዎሲ ሳሮቴሳ ዎሳፌ አቲን ዎጫማ ዎሴ ጊዴና። አማኒዛይታ ዎሳ ኬሴ ኡባሶንካ ሄሳ ማላ። 34 አማኒዛ አሳይ ጎይኖስ ሺቂዛሶን ማጫሳቲ ጮራ ጌቶ። ሙሴ ዎጋይ ካሴ ጊዳ ማላ ኢስቲ አዛዜቴቶ አቲን ሺቆሶን ኢስቲ ሃሳያና ማላ ኢስታስ ኢሜቲቤና። 35 ማጫሳቲ ኤራናስ ኮዩዛ ኢሲ ኢሲ ዮፖቲ ዲኮ ባ ኬላን ባ አዚናታ አይቼቶ። ጋሶይካ ማጫሲ ሺቆሶን ሃሳያይ ዩላቺዛዛ።

36 ዎሳ ቃላይ ኢንቴፌ ኬዚዴ? ዎይኮ ኢንቴኮ ፃላላ ጋኪዴ? 37 አኒካ ባና “ናቤ” ጊኮ ዎይኮ “ታስ ፃሎ አያናፔ ኢሞቴሳ ዴስ” ጊዛዴይ ዲኮ ሃይሲ ታ ኢንቴስ ፃፌዳይሲ ጎዳ አዛዞ ጊዲዳይሳ ኤሮ።

38 ሃይሳ ኤሮንታ አሲ ዲኮ ኢዚ ባ ሁዔስ ኤራቴና።

39 ሄሳ ጊሽ ታ ኢሻቶ! ቡሮ ቲንቢቴ ሃሳያናስ ሎዔሳ ኮዩቴ። ዳማ ዳማ ቃላን ሃሳያካ ዲጎፍቴ። 40 ጊዲኮካ ወሪካ ማራራኔ ዎጋራ ጊዶ።

**ኪርስቶሳ ዴንዶ**

1 ሃሩካ ታ ኢሻቶ! ታ ኢንቴና ሳባኪን ኢንቴ ኤኪዲኔ ኢዛን ሚኒ ኤቂዳ ሚሺራቾ ቃላ ሃሩ ቆፊሳና ኮያይስ። 2 ታ ኢንቴስ ሳባኪዳ ቃላ ኢንቴ ሎዔሊ አይኪኮ ሄ ሚሺራቾ ቃላን ኢንቴ አታና። ሄሳ ማላ ጊዶንታ አጊኮ ኢንቴ አማኖይ ጮ ሜላ ሃዳ።

3 ታኒ ታስ ኤኪዳይሳኔ ኡባፌ አዲዛይሳ ኢንቴስ አሳ ኢማዲስ። ጌሻ ማፃፋቲ ጊዛይሳ ማላ ኪርስቶሲ ኑ ናጋራ ጊሽ ሃይቂዴስ። \* 4 ሞጌቲዴስ፤ ጌሻ ማፃፋታን ፃፌቲዳይሳ ማላ ሄሻንሶ ጋላስ ሃይቆፔ ዴንዲዴስ። \* 5 ሄሳፌ ካሊዲ ጳፅሮሳስ ቤቲዴስ። ቃሴካ ዩሱሳ ካሊዛ ታማኔ ናምዓታስ ቤቲዴስ። \* 6 ሄሳፌ ጉዩ ኢቻሹ ፃቴፔ ቦላራ ዲዛ አማኒዛይታስ ኢሲቶ ቤቲዴስ። ሄ ኢዛ ቤዴዳ አሳፔ ዳሪዛ ባጋይ ፓፃ ዴስ። ባጋይ ቃሴ ሃይቂዴስ። 7 ሄሳፌ ጉዩ ያቆቤስ ቤቲዴስ። ካሊዲካ ኩሜሳ ሃሞሬታስ ቤቲዴስ።

8-9 ታኒ ሃሞሬታ ኡባፌ ላፋኔ \* ካሴ ዎሳ ዎሳ ኬሴ ጎዲዳ ጊሽ ሃሞሬ ጌቲታናስ ታኒ ቤሶንታይኮ ሺን አሳ ወርሶፌ አወጫያ ሚሳቲዛ ታስካ ቤቲዴስ። \* 10 ጊዶ አቲን ዎሳ ኪያቴላን ሃሩ ታ

\* 14:21 ኢሳ 28:11-12 \* 15:3 ኢሳ 53:5-12 \* 15:4 ማዛ 16:8-10፤ ማቶ 12:40፤ ሃዎ 2:24-32 \* 15:5 ሉቃ 24:34፤ 36፤ ማቶ 28:16-17፤ ማር 16:14፤ ዮሃ 20:19 \* 15:8-9 ሃዎ 9:3-6 \* 15:8-9 ሃዎ 8:3



ሃናናይሳ ሃናዲስ። ታስካ ኢሜቲዳ ያሳ ኪያቴሲ ሜላ ሃዳ ጊዲቤና። ታኒ እናፔካ ቦላራ ዳሮ ሚና አሳዲስ። ጊዶ አቲን ሄሳ አሲዳይ ታና ጊዶንታ ያሳ አዶ ኪያቴሲ አሲዳይ። 11 ሄሳ ጊሽ ታና ጊዲን ኢስታካ ጊዲን ኑ ወሪካ ሳባኪዳይ ሄሳ። ኢንቴካ አማኒዳይ ሄሳ።

**ሃይቂዳ አሳ ዴንሳ**

12 ኪርስቶሲ ሃይቆፕ ዴንዲዳይሳ ኑ ታማርሲኮ ሂስቲን ኢንቴ ጋርሳፌ ኢሲ ኢሲ አሳቲ ዋኒዲ ሃይቆፕ ዴንዶይ ባዋ ጊዞ? 13 ሃይቂዳ አሳስ ዴንሳ ዶንታዝ ጊዲኮ ኪርስቶሲካ ዴንዲቤና ጉሳካ? 14 ኪርስቶሲካ ሃይቆፕ ዴንዶንታዝ ጊዲኮ ኑ ሳባኮስ ጎጃይ ባዋ። ኢንቴ አማኖይካ ጮ ሜላ ሃዳ። 15 ሄሳፌካ ቦላራ “ዶሲ ኪርስቶሳ ሃይቆፕ ዴንሳዴስ” ጊዲ ኑ ማርካቲዳ ማርካይካ ኑና ዎርዶ ያሳ ማርካታ ኬሲዴስካ? ሃይቂዳ አሳይ ሃይቆፕ ዴንዶንታዝ ጊዲኮ ዶሲ ኪርስቶሳካ ዴንሳዴስና ጉሳ። 16 ጋሶይካ ሃይቂዳይቲ ዴንዶንታዝ ጊዲኮ ኪርስቶሲካ ሃይቆፕ ዴንዲቤና። 17 ኪርስቶሲ ሃይቆፕ ዴንዶንታዝ ጊዲኮ ኢንቴ አማኖይ ጮ ሜላ። ኢንቴካ ሃኖ ጋካናስ ኢንቴ ናጋራራ ዴታ ጉሳ። 18 ሃኖይ ሄሳ ማላ ጊዲኮ ኪርስቶሳ አማኒዲ ሃይቂዳይቲ ወሪካ ዳዩዳ ጉሳ። 19 ኑኒ ኪርስቶሳን ኡፋይስ አሲዳይ ሃኖ ቢታይ ቦላ ዱሳስ ሃላላ ጊዲኮ ኑ አሳ ኡባፌ ላፋታ።

20 ጊዶ አቲን ኪርስቶሲ ሃይቂዳይታስ ኡባስ ባይራ ጊዲዲ ሃይቆፕ ቴሙ ዴንዲዴስ። 21 ሃይቆይ ኢሲ አሳ አዳሜ ባጋራ ዩዳ ማላ ሃይቂዳይታ ዴንሳ ኪርስቶሳ ባጋራ። 22 አሲ ወሪካ አዳሜ ባጋራ ሃይቂዳ ማላ ሄሳሳካ አሲ ወሪካ ኪርስቶሳ ባጋራ ሃይቆፕ ዴንዳና። 23 ጊዶ አቲን ወሪካ ባ ታራራ ታራራ ዴንዳና። ኮይሮ ባይራ ጊዲዳ ኪርስቶሲ ዴንዲዴስ። ኢዛፔ ካሊዲ ኢዚ ዩዛ ዎዴ ኪርስቶሳስ ጊዲዛይቲ ዴንዳና። 24 ሄሳፌ ጉዩ ሃሬቲዛ ዴሬታ ጎዳቴሲኔ ዎልቃማታ ወርሲ ዳይሲዳፔ ጉዩ ካዎታ ያሳ አዋስ አሲ ኢሚዛ ዎዴ ሄ ዎዴ ወርሴስ ጊዳና።

25 ኢዚ ባ ሞርኬ ወርሲካ ባ ቶሆ ጋርስ አሳና ጋካናስ ኢዚ ካዎታናስ ቤሴስ። \* 26 ቡሮ ወርሴሳን ዶኔቲ ዳያና ሞርኬይ ሃይቆ። 27 “ዶሲ ወርሲካ ኢዛ ጎዳቴሳፌ ጋርሳን ዎሲዴስ” ጊዛዚ ጌሻ ማፃፋን ሃፌቲዴስ። ጊዶ አቲን “ወሪካ ኢዛ ጎዳቴሳ ጋርሳን ጊዲዴስ” ጊሺን ወሪካ ኢዛ ጎዳቴሳ ጋርሳን አሲዳ ያሳ አዋ ጉጂና። \* 28 ወሪካ ኢዛስ ሃሬቲዳይሳፌ ጉዩ ዶሲ ወርሶፌ ቦላ ጊዳና ማላ ያሳ ናይ ቃሴ ኡባ ባሲ ሃሪሲዳይሳስ ያሳ አዋስ ሃሬታና።

29 ሃይቆፕ ዴንሳ ዶንታ አጊኮ ሂስቲን ሃይቂዳ አሳ ጊሽ ጊዲ ሃማቂቲዛ ኡባስ ጎጃይ አዜ? ሃይቂዳይቲ ሙሌካ ዴንዶንታዝ ጊዲኮ ሂስቲን አሳይ ኢስታ ጊሽ አዛስ ሃማቂቲዜ? 30 ኑ ቃስ ኡባ ዎዴ ኢታ ሜቶስ አዲ ኢሜቲዛይ አዛሴ? 31 ታ ኢሻቶ! ሃኛ ሃኛ ሃይቆይ ታናራ ጋይስ። ሄሳካ ኑ ጎዳ ዩሱስ ኪርስቶሳ ጊዶን ኢንቴ ቦላ ዲዛ አማኔቴስ ታ ኢንቴስ ቆንጨሳይስ። 32 ታኒ ኤፌሴን ዶዳ ሚሳቲዛ አሳታራ ባጌቲዳይሲ አሲ ቤያና ማላ ሃላላ ጊዲኮ ታስ ኢዛን አዛ ዎዴይ ዲዜ? ሃይቂዳይታስ ዴንሳ ዶንታ አጊኮ “ኑ ዎንቶ ሃይቃና ጊሽ አኔ ሞስ፣ አኔ ኡዮስ” ጊዛይታ ማላ ኑካ ኢስታ ማላ ጊዶስ። \*

33 ኢንቴ ባሌቶፍቲ! ኢታ ላጌቴሲ ሎዎ አማሌራ ዲዛይታ ሞሬስ። 34 ዎዝናማ ጊዲቲ፤ ናጋራ አሶፍቲ፤ ዶሴ ኤሮንታይታ ኢሲ ኢሲ አሳቲ ኢንቴ ጋርሳን ዲዛ ጊሽ ታ ሄሳ ኢንቴና ዩላቻናስ ጋይስ።

**ሃይቆፕ ዴንዳና አሳቴስ**

35 “ሃይቂዳይቲ ዋኒ ዴንዳኔ? አይ ማላ አሾራ ዴንዳኔ?” ጊዛዴይ ዳና ዳንዳዩስ። 36 ኔኖ ኤዎዞ! ኔ ዜሪዛ ዜሬሳይ ሃይቆንታ ዲሼ ጫሬና። 37 ኔኒ ዜሪዛ ካሳ ሞዴያ ጊስቴ ዎይኮ ሃራ ካሳ አይፌ ጊዲኮካ ጉዩፕ ኔ ኤካናራ ሃዲ ኔ ዜሮሮ ጊዱኩ። 38 ዶሲ ቃሴ ባ ኮይዳ ማላ ሄ ዜሬሳስ ኢዛ ማላ ሜዶ ኢሜስ። ዜሬሳ ቆሞታስ ኢሳስ ኢሳስ ኢዛ ሚሳቲዛ አሳቴስ ኢሜስ።

39 አሾይ ወሪካ ኢሲ ማላ ጊዴና። አሳ አሾይ ኢሳ ጊዲሺን ሜሄ አሾይ ቃሴ ሃራ፤ ካፎ አሾይ ሃራ፤ ሞሌ አሾይካ ሃራ ቆሞ።

40 ሄሳ ማላካ ሳሎን ዲዛይታሲካ ኢስታ ሚሳቲዛ ሜዶይ ዴስ። ቢታ ቦላ ዲዛይታሲካ ኢስታ ሚሳቲዛ ሜዶይ ዴስ። ጊዶ አቲን ሳሎይታ ቦንቾይ ኢሲ ማላ። ቢታ ቦላ ዲዛይታ ሜዶ ቦንቾይካ ዱማ። 41 አዋ አርሼ ቦንቾይ ኢሲኖ። ጊዶ አቲን አጊና ቦንቾይ ቃሴ ዱማ። ያሊንቴታ ቦንቾይካ ሃራ። ኢሲ ያሊንቴ ቦንቾይ ሃራ ያሊንቴ ቦንቾፌ ዱማቴስ።

42 ሃይቂዳ አሳ ዴንሳካ ሄሳ ማላ። ዎቂዛ ሜዶይ ዜሬቲን ዎቆንታ ሜዶይ ዴንዳና። 43 ካወሻቴሳን ዜሬታና ሺን ቦንቾን ዴንዳና። ዳቡርሳን ዜሬታና ሺን ዎልቃማ ጊዲዲ ዴንዳና። 44 ሜዴቴስ ሜዶይ ዜሬታና ሺን አያና ሜዶይ ዴንዳና። ሜዴቴስ ሜዶይ ዲኮ ቃሴካ አያና ሜዶይካ ዴስ።

45 ሄሳ ጊሽ “ኮይሮ አስ አዳሜይ ዴዎይ ዲዛ ሜዴቴስ ጊዲዴስ” ጌቲቲ ጌሻ ማፃፋን ሃፌቲዴስ። ናምዓንሶ አዳሜ ጊዲዳ ኪርስቶሲ ጊዲኮ አሳስ ዴዎ ኢሚዛ አያና። \* 46 ጊዶ አቲን ኮይሮ ዩዳይ አያናይሳ ጊዶንታ ሜዴቴሳይሳ። አያናይሲ ቃስ ጉዩፕ ዩዳይሳ። 47 ኮይሮ ዩዳ አዳሜ ቢታፌ ሜዴቲዳ ጊሽ ኢዚ ቢታፌ። ናምዓንሶ ዩዳይሲ ሳሎፕ። 48 ቢታፌ ጊዲዳይቲ ኢስቲ ቢታፌ ሜዴቴሳይሳ ማላ። ሳሎፕ ጊዲዳይቲ ሳሎፕ ዩዳይሳ ማላ። 49 ኑኒ ቢታ አሳ ሜዳ ማዮዶይሳሳካ ሳሎይሳ ሜዳካ ማይዳና።

50 ታ ኢሻቶ! ታ ሃይሳ ኢንቴስ ዮታይስ አሾይኔ ቡሲ ያሳ ካዎቴስ ላቴቴና። ዳያናይሲ ዳዮንታይሳ ላቴና።

51 አኔ ታ ኢንቴስ ኢሲ ፁራ ዮዎ ዮታይስ። ኑኒ ወሪካ ሃይቆኮ። ጊዶ አቲን ኑ ወሪካ ላሜታና። 52 ሄሲካ ሃናናይ ኑ ቆፖንታ ዲሺን ወርሴሳ ፁራምባይ ፕኔቲዛ ዎዴ ቂጲዳ አይፌይ ዩሊዛ ማላ

\* 15:25 ማዛ 110:1 \* 15:27 ማዛ 8:6 \* 15:32 ኢሳ 22:13 \* 15:45 ሜዴ 2:7



ኢሲቶ ሃናና። ፀሩምባይ ፑኔታና፤ ሃይቂዳ አሳይ ዎቆንታይታ ጊዲዲ ዴንዳና። ኑኒካ ላሜታና።  
53 ዳዩዛይሲ ዳዮንታይሳ ማይዳናስ። ሃይቂዛይ ሃይቆንታይሳ ማይዳናስ ቤሴስ።

54 ዳዩዛይ ዳዮንታዝ። ሃይቂዛይ ሃይቆንታዝ ማይዲዛ ዎዴ “ሃይቆይ ያኔቲ ሚቴቲዴስ” ጌቴቲ ካሴ  
ጊሻ ማፃፋን ፃፌቲዳ ቃላይ ፖሌታና። \* 55 ሄሳሶካ  
“ሃይቆ! ካሴ ኔ ዎኖይ አዋን ዲዜ?”

ሃይቆኮ! ኔ ኢዛራ ጫዲዛ ዩሻይ አዋን ዲዜ?”  
ጌቴቲ ፃፌቲዴስ። \* 56 ሃይቆይ ኢዛራ ዱኪዛ ዎልቃይ ናጋራ፤ ናጋራ ዎልቃይ ዎጋ። 57 ጊዶ አቲን  
ጎዳ ዩሱስ ኪርስቶሳ ባጋራ ኑስ ዎኖ ኢሚዛ ዎሳስ ጋላታይ ጊዶ።

58 ሄሳ ጊሽ ታ ሲቆ ኢሻቶ! ሚኒ ኤቁቴ። አይ ሚሻንካ ያርክ ያርኮፍቴ። ጎዳ አሶስ ኢንቴ ዳቡሪዛ  
ዳቡርሳይ ሃዳ ጊዶንታይሳ ኤራዲ ኡባ ዎዴ ፓጩይ ባይንዳ ጎዳስ አሳናስ ሚኔቲቴ።

16

ዩሩሳላሜን ዋዩቲዛ አማኒዛይታስ ሚሻ ኬሶ

1 ሃሂ ቃሴ አማኒዛይታስ ሚሻ ኬሶ ጊሽ ጋላቲያን ዲዛ ዎሳ ኬሳታስ ታኒ ኢሚዳ አዛዞ ማላ  
ኢንቴካ አሲቴ። \* 2 ሚሻይ ከዛናይ ቡሮ ታ ሄ ቢን ጊዶንታ ማላ ኢንቴፌ ኢሲ ኢሲ አሲ ባሲ  
ዲዛ ማላ ሳሚንታን ሳሚንታን ኢሲ ጋላስ ዎጋ ዎጋ ኬሲ ዎሶ። 3 ታ ሄ ቢዛ ዎዴ ኢንቴ ዶሪዳ  
አሳታስ ታ ዋይዞ ዳብዳቤ ፃፋ ኢማዳ። ኢስቲ ኢንቴ ኢሚዳ ኢዎታ ዩሩሳላሜ ጋሳና ማላ ሃፔ  
ታ ኪታና። 4 ታ ኢስታራ ባናስ ኮሺዛዝ ጊዲኮ ታናራ ባንዴቴስ።

ጳውሎስን አገ ባና ቆፋ

5 ታኒ ባሼ ማቂዶኒያራ አዳ ቡሲ ታስ አቶንታ ጊሽ ታ ማቂዶኒያ ጋካዳ ሄራ ኢንቴኮ ባና። \*  
6 ታ አዋካ ቢሺን ታና አጌይ ዋይሶንታ ማላ ኢንቴ ታና ማዳና ማላ ባሼ ታ ኢንቴ አቻን ጋምዎንታ  
አጊኬ። እኔ ኤሪዛይ ባልጎይ አዳና ጋካናስ ታ ኢንቴ አቻን ባልጎዛ አሶንታ ዋያ አጋና። 7 ታ ኢንቴ  
አቻን ዳሮ ዎዴ ጋምዳናስ ኮዩዛ ጊሽ ኢንቴና ጮ አጌራ አዳ ባሼ ቤያናስ ኮዩኬ። ጎዳ ሼኔ ጊዲኮ  
ኢንቴ አቻን አዳሳ ዎዴ ጋምዳናስ ኮያይስ።

8 ጊዶ አቲን ጳንፃቆስቴ ጌቴቲዛ ባዓሌ ጋላስ ጋካናስ ታ ኤፌሶኔን ጋምዳና። \* 9 ታ ሄን ጋምዳና  
ጋሶይካ ታስ ሄን ጊታ አሶ ፔንጌይ ዶዩቲዴስ ሺን ታናራ ኤቁቲዛይቲ ዳሮቲ ዴቴስ።

10 ጊምቶሲ ኢንቴኮ ቢኮ ኢዜ ታ ማላ ጎዳ አሳንቻ ጊዲዳ ጊሽ ኢዜ ባቦይ ባይንዳ ዳና ማላ  
ኢንቴ ኢዛ ማዲቴ። \* 11 ሄሳ ጊሽ አኒካ ኢዛ ካዶፖ። ኢዜ ታኮ ሳሮን ሲማና ማላ ኢንቴ ማዲቴ።  
ኑካ ሃራ አማኒዛይታራ ኢዛ ዩሳ ናጎን ዶስ።

12 ኑ ኢሻ አጲሎሲ ሃራ አማኒዛይታራ ኢንቴኮ ባና ማላ ኬሃ ዎሳዲስ ሺን ኢዜ ቃስ ሃሂ ኢንቴኮ  
ባናስ ኮይቤና። ጊዶ አቲን ባና አጌይ ጊጊሺን ኢዜ ኢንቴኮ ባና።

ወሪሴሳ ዞሬኔ ሳሮካ

13 ቤጊቴ! አማኖን ሚኒ ኤቁቴ፤ ሚኒቴ፤ ጎብቴ። 14 ኢንቴ አሲዛዝ ወርሲካ ሲቆን አሲቴ።  
15 ታ ኢሻቶ! አካያ ቢታን ኮይሮ አማኒዳይ ኢስቲፋኖሴሶ አሳ ጊዲዳይሳኔ አማኒዛ አሳ ማዳናስ  
ኢስቲ ባና አሲ ኢሚዳይሳ ኢንቴካ ኤሬታ። \* 16 ኢስታ ሚሳቲዛ አሳታሲኔ ኢስታራ ኢሲፌ  
ዳቡሪዛ አሳታስ ኡባስ አዛዜታና ማላ ታ ኢንቴና ዎሳይስ።

17 ኢስቲፋኖሲ፤ ፊርዶናዎሲኔ አካይቆሲ ዩዳ ጊሽ ታ ዳሮ ኡፋዩታይስ። ጋሶይካ ኢንቴ ሃን  
ታናራ ዶንታ ጊሽ ኢስቲ ታስ ፓጩዛዝ ወርሲ ኩንሲዳ። 18 ታ ዎዝናኔ ኢንቴ ዎዝና ወርሲ  
ሼምፒሲዳ። ሄሳ ጊሽ ሄሳንታ ማላ አሳታ ሙሌ ባሎፒቴ።

19 ኢሲያ ቢታን ዲዛ ዎሳ ኬሳቲ ኢንቴና ሳሮ ጌቴስ። አቁላይኔ ጲርሲቁላይካ ኢስታ ሶን ሺቁዛ  
አማኒዛ አሳይ ጎዳ ሱንፃን ቦንቾ ሳሮታ ኢንቴስ ሺሼቴስ። \* 20 ሃን አማኒዛይቲ ወሪካ ኢንቴና ሳሮ  
ጌቴስ። ኢንቴ ኢንቴ ጊዶን ኢሶይ ኢሳራ ሲቆ ዩሬቴስ ዩሬቲቴ።

21 ሃይሳ ሳሮካ ታ ኩሼራ ፃፊዳይ ታና ጳውሎስ።  
22 ጎዳ ዶሶንታዴይ ዲኮ ኢዜ ቃንጌቲዳዴ ጊዶ! ጎዶ ሃያ! 23 ጎዳ ዩሱሳ ኪያቴሲ ኢንቴናራ ጊዶ።  
24 ታ ሲቆይ ጎዳ ዩሱስ ኪርስቶሳ ባጋራ ኢንቴስ ኡባስ ጊዶ። አሚን።

\* 15:54 ኢሳ 25:8 \* 15:55 ሆሴ 13:14 \* 16:1 እሮ 15:25-26 \* 16:5 ሃዋ 19:21 \* 16:8 ሌዌ 23:15-21፤  
ዛሬ 16:9-11 \* 16:10 1ቆሮ 4:17 \* 16:15 1ቆሮ 1:16 \* 16:19 ሃዋ 18:2

**ጳውሎሲ ቆሮንቶሴ አሳስ ፩ ዓፊዳ ናምዓንሶ ኪታ ጊዶ ቆፋ**

ጳውሎሲ ቆሮንቶሴ አሳስ ናምዓንሶ ኪታ ፩ ዓፊዳ ጋሶይ ቆሮንቶሴን ዲዛ ዎሳ ኬሳይራ ኢዛስ ዲዛ ጋይቶቲሳይ ዳሮ ሎዎንታ ዎዴ። ኢሲ ኢሲ አማኒዛ አሳቲ ዴዊዛ ካዴ ቃላታ ኢዛ ቦላ ሺሺኮካ ጳውሎሲ ኢስታራ ጊጋናስ ዳሮ ኮዩዳይሳ ቤሴስ። ኢዚ ኢስታራ ጊጊኮ ኢዛስ ጊታ ኡፋይሲ ሲዩታናይሳ ቆንጨሴስ።

ባ ፩ ዓፊዳ ኮይሮ ኪታ ቦላ ጳውሎሲ ቆሮንቶሴን ዲዛ ዎሳ ኬሳይራ ኢዛስ ዲዛ ጋይቶቲሳ ቆንጨሴሳን ሄ ዎሳ ኬሳይን ዴንዲዳ ቦሮ ዮዎዛሲኔ ኢስታ ኤቁቴሳስ አይስ ኢዚ ሚኖ ዛሮ ኢሚዳኮኔ ኤሪሴስ። ኢዚ ሄሳራ ኢሲ ቦላ ጋሲዲ ሄ ኢዛ ሃንቆዛን አሳይ ማሮቴሳሲኔ ማቃይኖስ ጋሲዳ ጊሽ ሄሲ ኢዛስ ሲዩቲዳ ኡፋይሳ ቆንጨሴስ። ቃሴካ ዩሁዳን ዲዛ አማኒዛ አሳ ማዳናስ ኪያቴሳ ማዶ ኢማና ማላ ኢስታ ቆራሴስ። ወርሴሳ ሽምፖታ ቦላ ጳውሎሲ ባ ሃዋራቴሳ ቦላ ዴንዲዳ ሞቶዛ ጊሽ ቤና ማዲዛ ማካልካያ ዛሮ ኢሜስ። ቆሮንቶሴ ዎሳ ኬሳን ኢሲ ኢሲ አሳቲ ባርካ ባና ቴሙ ሃዋራቲ ኑና ጉሳን ጳውሎሲ ኢዚ ዎርዶ ሃዋራ ጊዲ ሞቴቴስ።

ሃ ማፃፋይ አይኪዳ ኩሜሳ ቆፋ  
ጌሎሶ 1:1-11  
ጳውሎሳኔ ቆሮንቶሴ ዎሳ ኬሳ 1:12-7:16  
ዩሁዳን ዲዛ አማኒዛ አሳ ማዳናስ ሚሼ ኬሶ 8:1-9:15  
ጳውሎሲ ባሲ ሃዋራቴሳ ጊሽ ሺሺዳ ማካልካያ ዛሮ 10:1-13:10  
ኩሻ ቆፋ 13:11-14

1 ዎሳ ሽኔ ማላ ዩሱስ ኪርስቶሳስ ኪቴቲዳ ጳውሎሳፔኔ ኑ ኢሻ ጊምቶሳፔ ቆሮንቶሴን ዲዛ ዎሳ ዎሳ ኬሴይስ ቃሴካ አካያ ቢታን አማኒዛ ኩሜሳ አሳስ። \*  
2 ኑ አዋ ዎሳፌኔ ጎዳ ዩሱስ ኪርስቶሳፔ ኪያቴሳኔ ሳሮይ ኢንቴስ ጊዶ።

**ጳውሎሲ ዎሳስ ሺሺዳ ጋላታ**

3 ማሪዛ አዋሲኔ ወርሲካ ሚንሴሲዛ ኑ ጎዳ ዩሱስ ኪርስቶሳ አዋ ዎሳስ ጋላታይ ጊዶ። 4 ኑካ ኑ ባጋራ ዎሳፌ ዴሚዳ ሚኖቴሳን ሜቶቴዛይታ ሚንሴሳናስ ዳንዳያና ማላ ኑ ሜቶን ኢዚ ኑና ሚንሴሴስ። 5 ኪርስቶሳ ዋዩይ ኑ ቦላ ዳሪዳይሳ ማላ ኑስካ ኪርስቶሳ ባጋራ ሚንሴሶይ ዳሬስ። 6 ኑ ሜቶን ኢንቴ አቶቴሲኔ ሚኖቴስ ዴሜታ። ኑኒ ሜቶቲሺን ቃሴ ኢንቴካ ካሴ ኤኪዳ ሜቶዛ ማላ ጌንጨ ኤኪዲ ሚኔታንዴታ። 7 ኑ ሜቶ ኢንቴ ኑናራ ሻኪ ኤኪዳ ማላ ኑናራካ ኢንቴ ሚኔታናይሳ ኑኒ ኤሪዛ ጊሽ ኑስ ኢንቴ ቦላ ዲዛ ኡፋይሲ ጊታ።

8 ታ ኢሻቶ! ኢሲያ ቢታን ኑ ቦላ ጋኪዳ ሜቶ ጊሽ ኢንቴ ኤራና ማላ ኑ ኮዮስ። ሄ ኑ ቦላ ጋኪዳ ሜቶዚ ኑ ቶካናፔ ዴዎ ጊዲዳ ጊሽ ሃይቆንታ ፓፃ ዳና ጊዲ ቆፒቤኮ። \* 9 አዳሬካ ኑ ቦላ ሃይቆ ፐርዳይ ፐርዴቴዳ ሚሳቲዴስ፤ ሄሲ ወርካ ኑ ቦላ ጋኪዳ ጋሶይ ኑኒ ሃይቆዳይታ ዴንሴዛ ዎሳን አማኔታናሳፌ አቲን ኑ ዎልቃን አማኔቶንታ ማላ ሃኒዴስ። 10 ኢዚ ኑና ሄሳ ማላ ቆፖንታ ሃይቆፔ አሺዴስ። ሃሲካ ዎዴፔካ ኢዚ ኑና አሻናይሳ ኑ አማኔቶስ። 11 ኢንቴካ ኢንቴ ዎሳን ኑና ማዲቴ። ዳሮ አሳ ዎሳን ኑስ ኢሜቲዳ ኢሞታሲኔ ኑ ጊሽ ዳሮቲ ዎሳ ጋላቴቴስ።

**ጳውሎሲ ቤያና ባና ጊዳ ቆፋ ሳሚዴስ**

12 ሂስቲኮ ኑ ጩቁቴሴ ሃይሳ ማላ። ሃ አላሜዛን ሃራፔካ ኢንቴሳራ ኑሳራ ዲዛ ጋይቶቲሳን ዎሳፌ ጊዲዳ ጊሻቴሳኒኔ ሱራቴሳን ኑ ዴዲዳይሳ ኑ ዎዝናይ ኑስ ማርካቴስ። ሄሲካ አሳ ጨንጫቴሳን ጊዶንታ ዎሳ ኪያቴሳና። 13 ኢንቴ ናባቢዲ ኤራናስ ዳንዳዮንታ ሚሽ ኑ ኢንቴስ ፃሮኮ። ኢንቴ ወርሲካ ናባቢዲ ኤራናይሳ ኑ ኤሮስ። 14 ኢንቴ ኑናን ጩቁቴዛይሳ ማላ ኑካ ኢንቴናን ጩቁቴዛይሳ ሃሲ ወርሲ ኤሮንታ አጊኮካ ጎዳ ዩሱሲ ሲሚ ዩዛ ጋላስ ወርሲካ ኤራና።

15 ታኒ ሃይሳ ሻካ ኤሪዛ ጊሽ ናምዑቶ ኢንቴ ጎዴታና ማላ ኮይሮ ኢንቴና ቤያና ቆፓዲስ። 16 ሄሲካ ታ ካሴ ማቂዶኒያ ባሼ ኢንቴና ቤያዳ ማቂዶኒያፔካ ሲማሼ ኢንቴ አቻራ አዳዳ ታ ዩሁዳ ቢሺን ኢንቴ ታና ማዳና ማላ ቆፓዲሲኮሺን። 17 ሃይሲ ታ ቆፋይ ኢንቴስ ታ ሎዴሳ ቆፖንታ ቆፋ ሚሳቲዬ? ዎይኮ አይዛቤታስ ዶሴ ጊዲዳይሳሶ ታካ ኢሲቶ “ኤሮ ኤሮ ቃሴካ አካይ አካይ” ጊዛ ሚሳቲዬ? 18 ዎሲ አማኔቲዳ ዎሴ ጊዲዳ ማላ ኑ ኢንቴስ ዮቲዛ ቃላይካ “ኤ” ጊዲ “አካይ” ጊዛዝ ጊዴና። 19 ጋሶይካ ታና ጊዲን ዎይኮ ሲልዋኖሴኔ ጊምቶሳ ጊዲን ኑ ኢንቴስ ሳባኪዳ ዎሳ ና ዩሱስ ኪርስቶሲ “ኤኔ አካይ” ጊዴና። ጊዶ አቲን ኡባ ዎዴ ኢዛን “ኤ” ፃላላይ ዴስ።

20 ዎሳፌ ኢሜቲዳ ሂዶታቲ ወርካ “ኤ” ጊዲዳይ ኢዛና። ኑካ ኢዛ ባጋራ ዎሳ ቦንቾስ “አሚን” ጊዛይ ሄሳ ጊሻሳ። 21 ሄሳ ጊሽ ኢንቴካ ኑኒካ ኪርስቶሳን ሚኒ ኤቃና ማላኔ ባ አሶስ ዶሪዳይ ዎሳ። 22 ኑ ኢዛይታ ጊዲዳይሳ ኤሪሳናስ ባ ማታሜ ኑ ቦላ ሾጨዳይኔ ኑ ሲንሳፌ ዴማና ሚሻስ አያና ዋሴቴሳ ኑ ዎዝናን ዎሲዳይ ኢዛ።

\* 1:1 ሃዋ 18:1 \* 1:8 1ቆሮ 15:32

23 ታኒ ቆሮንቶሴ ሲማዳ ኢንቴኮ ቦንታ አጊዳይ ኢንቴና ሚሺሲኬ ጋዳኮ፤ ቃሴ ሄሲ ቱሙ ጊዶንታ ዎርዶ ጊዲኮ ያሲ ታ ቦላ ማርካቶ። 24 ኢንቴ አማኖን ኤቂዳ ጊሽ ኢንቴና ኡፋይሳናስ ኑ ኢንቴናራ አሳና አቲን ኢንቴ አማኖ ቦላ ጎዳታናስ ጊዶና።

2

1 ታ ኢንቴና ሚሺሳናስ ኮዮንታ ጊሽ ቃሴካ ኢንቴኮ ቢኬ ጋዳ ቆፋ ቃቻዲስ። 2 ታ ኢንቴና ሚሺሲዳዝ ጊዲኮካ ሚሽቴዳ ኢንቴፌ አዲ ኡፋይሲዳይ ታስ ሃራይ አኒ ዲዜ? 3 ታ ካሴ ኢንቴስ ፃፊዳይ ታ ኢንቴኮ ቢዛ ዎዴ ታና ኡፋይሳናስ ቤሲዛ አሳቲ ታና ሚሺሶፔቶ ጋዳ ፃፋዲስ። ጋሶይካ ታ ኡፋይሳናስ ኢንቴስ ኡባስካ ኡፋይስ ጊዳናይሳ ታ አማናይስ። 4 ታ ኢንቴስ ሄሳሶ ፃፊሽን ታ ዎዝናን ዳሮ ሚሻይኔ ዳሮ ቆፋይ ኩሚ ዲሺን ዳሮ አፋንፃሽ ፃፋዲስ። ሄሳካ ታ አሲዳይ ታ ኢንቴና ዳሮ ሲቂዛይሳ ኢንቴ ኤራና ማላ ጋዳ አቲን ኢንቴና ሚሺሳናስ ጊዶና።

ቆሂዳዴስ አቶ ጉስ

5 አኒካ አሴ ቆሂዳ ጊዲኮ ጉጂቾ ጊዶንታ ማላ ሄ ቆሂዳዴይ ታና ፃላላ ጊዶንታ ጉሳራ ጊዲኮካ ኢንቴናካ ወርሲ ቆሂዴስ። 6 ሄሳ ማላ አሳስ ዳሮ አሳይ ኢዛ ቦላ ዎሲዳ ቂፃቴይ ኢዛዴስ ጊዳና። 7 ሄ አዴይ ኬሂ ሙዞቲዲ ሂዶታ ቃንዎንታ ማላ ኢንቴ ሄሳዴስ አቶ ኢዛ ጊዲ ሚንሴሳናስ ቤሴስ። 8 ሄሳሶካ ኢንቴ ኢዛ ሲቂዛይሳ ዛሬሲዲ ኢዛ ቤሳና ማላ ታ ኢንቴና ዎሳይስ። 9 ታ ሃይሳ ኢንቴስ ፃፊዳይ ኢንቴ ኢንቴና ጋኪዛ ፓጩ ያኒዲ ኡባን ኢንቴ አዛዜቲዛኮኔ ኤራናሳ። 10 ኢንቴ አቶ ጊዛዴስ ታካ አቶ ጋይስ። ቃሴ ታ ቱማፔ አቶ ጋናዚ ዲዛ ጊዲኮ ኪርስቶሳ ሲንሳን ታ አቶ ጊዛይ ኢንቴ ጊሽ ጋዳ። 11 ታ ሄሳሶ አሲዳይ ፃላዬይ ጌሊዛ ያዬ ዴሞንታ ማላ ጋዳኮ! ኑ ኢዛ ጌኔ ቆፋ ባሎኮ።

12 ታኒ ኪርስቶሳ ሚሺራቾ ቃላ ዮታናስ ጊሮፃዳ ቢዳ ዎዴ ጎዳይ ታስ አሶ አጌ ዶዶዴስ። 13 ጊዶ አቲን ታኒ ታ ኢሻ ቲቶሳ ሄን ዴሞንታ አጊዳ ጊሽ ታ ዎዝናይ ሼምፖንታ ኢዲዳ ጊሽ ኢስቲ ታና ሄፔ ዎይዚን ማቂዶኒያ ዴሬ ባዲስ።

14 ጊዶ አቲን ኪርስቶሳ ባጋራ ኡባ ዎዴ ኑና ያኖ አጌን ካሴሲ ዩሺዛኔ ባ ሎዎ ኤራቴሳ ኑ ባጋራ ኡባ ሶን ቆንጨሲዛ ጎዳስ ጋላታይ ጋኮ። 15 ጋሶይካ ኑኒ ዳያናይታሲኔ አታናይታስ ጊዶን ኪርስቶሳ ባጋራ ያሳስ ሸቂዳ ሳዎ ቱኑ ጊዛ ኤፃኔ ማላ። 16 ዳያናይታስ ኑኒ ዎዲዛ ጊንቆ። አታናይታስ ቃሴ ሃይቆፔ ጌዴ ዴዎሶ ኤሬዛ ዴዎ ሳዎ። ሂስቲን ሃይሳስ ቤሲዛዴይ አኔ? 17 ኑኒ ዎዴ ዴማናስ ጊዲ ያሳ ቃላ ሻቃጫ ማላ ዋሳኬሬሲዲ ባይዚዛ ዳሮ አሳታ ማላ ጊዶኮ። ጊዶ አቲን ያሳፊ ኪቴቲዳ ሱሬ አሳ ማላ ጊዲዲ ኪርስቶሳን ያሳ ሲንሳን ሱሬ ዮቶስ።

3

አራሳ ጫቆ አሳንቻታ

1 ኑኒ ሃዲ ኑርካ ኑና ዛሬዲ ጋላቲኖ? ዎይኮ ሃራ አሳታ ማላ ኢንቴስ ጊዲን ዎይኮ ኢንቴፌ ሃ ኑስ ፃፊቲዳ ጋላታ ዳብዳቤ ኮሺዜሻ? 2 ኢንቴ ቃሴ አሲ ወሪ ኤሪዛይኔ ናባቤቲዛ ኑ ዎዝና ጋርሳን ፃፊቲዳ ዳብዳቤታ። 3 ኢንቴ ቃላሚን ፃፊቲዳይታ ጊዶንታ ዴዎ ያሳ አያናን ፃፊቲዳይታ፤ ቃሴካ ሹቻ ቦላ ዎጩቲ ፃፊቲዳይታ ጊዶንታ አሳ ዎዝናን ፃፊቲዳይታኔ ኢንቴ ኑናን ጎዴቲዳ ኪርስቶሳስ ቆንጨ ዳብዳቤታ። \*

4 ኪርስቶሳ ባጋራ ኑስ ያሳ ቦላ ዲዛ አማኖይ ሄሳ ሚሳቴስ። 5 ኑና ሄሳስ ጋሲዳይ ያሳፊ አቲን ኑኒ ኑ ዎልቃን አሲዶስ ጊዛ ሚሺ ኢሲናካ ባዎ። 6 ሄሲካ ፒዳሴን ፃፊቲዳ ዎጋን ጊዶንታ አያናን ፃፊዳ አራሳ ጫቆ ቃላ አሳንቻታ ኑ ጊዳና ማላ አሲዴስ። ጋሶይካ ፒዳሴን ፃፊቲዳ ዎጋይ ዎዴስ፤ አያናይ ጊዲኮ ዴዎ ኢሜስ። \*

7 ሄሳ ጊሽ ኢስራዬሌ ናይቲ ኢዛ አይፌሶን ዲዛ ቦንቾ ጋሶቴሳን ሙሴ አይፌሶ ቲሺ ሂስቲ ሂሎይ ኢስታ ያናና ጋካናስ ሄሲ ጉዬፔ ዳያናይሲኔ ሹቻ ቦላ ፒዳሴን ዎጩቲ ፃፊቲዳ ሃይቆ አሶስ ጊዲዳይሲ ቦንቾን ቆንጨዛይሳ ጊዲኮ፤ \* 8 ሂስቲን አያና አሶስ ዋኒዲ ሄሳፊ አዲዛ ቦንቾይ ዴኔ? 9 አሲ ኢዛን ፒርዴቲዛ አሶይ ሄሳ ማላ ቦንቼቲዛይሳ ጊዲኮ አሲ ኢዛን ጊሊዛ አሶይ ሄሳፊ ኬሂ አዲዛ ቦንቾይ ኢዛስ ዋኒ ዴኔ? 10 ሃይሳፊ ካሴ ቦንቼቲዳይሲ ሃራ ኢዛፔ አዲዛ ቦንቾይ ዲዛይሳራ ጊጊሲሺን ቦንቾይ ባይንዳይሳ ጊዲዴስ። 11 ዳሚ ዳሚ ቢዛይሳስ ሄሳ ማላ ቦንቾይ ዲኮ ሜርናስ ሚኒ ኤቂ ዳናይሳስ ሄሳፊ ኬሂ አዲዛ ቦንቾይ ዋኒ ዴኔ?

12 ሄሳ ጊሽ ሄሳ ማላ ሂዶታይ ኑስ ዲዛ ጊሽ ኑኒ ፃላቴሳን ሃሳዮስ። 13 ኢስራዬሌ ናይቲ ሙሴ አይፌሶይ ያሊቂዛይሳ አጊ አጊ ቢሺን ኢስቲ ወርሴሳ ቤዮንታ ማላ ኢዚ ባ አይፌሶ ጎዚዳ ሙሴ ማላ ጊዶኮ። \* 14 ጊዶ አቲን ካሴ ጋልዳ ጫቆ ቃላይ ናባቤቲሺን ሄ ዎዴ ጎሳዚ ሃቾ ጋካናስ ኪቾንታ ጊሽ ኢስታ ዎዝናይ ዶጪዳ ማላ ዴስ። ሄ ጎሳይ ሃዲካ ኪቼቤና። ኢዚካ ኪቻናይ ኪርስቶሳን ፃላላ።

15 ሃቾ ጋካናሲካ ሙሴ ማፃፋቲ ናባቤቲዛ ዎዴ ሄ ዎዴ ጎሳይ ሃዲካ ኢስታ ዎዝና ጎዚ አይኬስ።

16 ጊዶ አቲን ኢሳዴይ ጎዳኮ ሲሚዛ ዎዴ ጎሳዚ ቃሬቲ ኪቼስ። \* 17 ጎዳይ አያና። ጎዳ አያናይ ዲዛሶን አይሎቴስ ዴና። 18 ኑኒካ ጎዳ ቦንቾ ማስቶቱ ማላ ያልቁቲሼ ኢዛ ሚሳታናስ ሃ ቦንቾፊ ጌዴ ሃራ ቦንቾን ላሜታና። ሄሲካ አያና ጊዲዳ ጎዳፔ።

\* 3:3 ኬላ 24:12፤ ኤር 31:33፤ ሂዚ 11:19፤ 36:26 \* 3:6 ኤር 31:31 \* 3:7 ኬላ 34:29 \* 3:13 ኬላ 34:33 \* 3:16 ኬላ 34:34

4

**ቱሙ ሃዋራቴሳ አሶ**

1 ስላ ማሮቴሳ ዳርፔ ዴንዲዳይሳን ሃይሲ ሃ አሶዚ ኑስ ዲዛ ጊሽ ኑኒ ሂዶታ ቃንዎኮ። 2 ጊዶ አቲን ጌማራ ሃኒዛ ዩላሲዛ ዮዎታ ኑ አጊዶስ። አስ ባሌላኮ፤ ስላ ቃላ ዎርዶራ ዋላኮኮ። ሄሳ ሂስታናፔ ቱሙ ዮዎታ ቆንጩራ ዮቲሼ አሲ ወራካ ኑ ጊዛይሳ ኤካና ማላ ኑናቴሳ ስላ ሲንህ ሺሾስ። 3 ኑ ሚሺራሾ ቃላይ ጎርዴቲኮካ ኢዚ ጎርዴቲዳይ ዳያናይታሳ።

4 ስላ ሌሚሶ ጊዲዳ ኪርስቶሳ ቦንሾ ሚሺራሾ ቃላ ፖዎዛ ሃ አላሜ አሳይ ቤዮንታ ማላ ሃይሳ ሃ አላሜዛ ያሲ አማኖንታ አሳ ዎዝና ሙሚሲዴስ። 5 ኑኒ ዩሱስ ኪርስቶሲ ጎዳ ጊዲዳይሳ ሳባኮስ አቲን ኑና ሳባኮኮ። ኑካ ኑ ባጋራ ዩሱሳ ጊሽ ኢንቴስ አሲዛዴንታ ጊዲዶስ። 6 ኪርስቶሳ ሲንሳን ያሲ ባ ቦንሾ ኤራቴሳ ፖዎ ኑስ ኢማናስ “ፖዎይ ዲማን ፖዎ” ጊዳ ያሲ ባ ፖዎ ኑ ዎዝናን ፖሚሲዴስ። \*

7 ጊዶ አቲን ሃይሲ ጊታ ዎልቃይ ኑስ ስላፌ ኢሜቲዴስ አቲን ኑፔ ጊዶንታይሳ ቤሳና ማላ ሃይሲ ቦንሾ ሚሻይ ኑናን አቶ ሚሳቲዛይታ ጊዶን ዴስ። 8 አዋ ባጋራካ ኑና ሱጊኮካ ኑኒ ቲንህ ጊ ሜቆኮ። ኑስ ዮዎይ ቲፒ ጊኮካ ሂዶታ ቃንዎኮ። 9 ኑ ጎዴቲኮካ ዎራ ዎዲ አቶኮ። ኢስቲ ኑና ሾጪ ጌንዴርሲኮካ ኑ ዳዮኮ። 10 ዩሱሳ ዴዎይ ኑ አሳቴሳን ቆንጩና ማላ ኑኒ ኢዛ ሃይቆ አባ ዎዴ ቶኪ ዩዮስ። 11 ዩሱሳ ዴዎይ ሃይቂዛ ኑ አሳቴሳን ቆንጩና ማላ ፓዓ ዲዛ ኑኒ አባ ዎዴካ ዩሱሳ ጊሻስ ሃይቆስ አዲ ኢሜቶስ 12 ሄሳ ጊሽ ኑ ሃይቆስ አዲ ኢሜቲሺን ኢንቴ ቃስ ዴዎን ጋኪታ።

13 ካሴ ጌሻ ማግፋን ጎፊቲዳ ማላ “ታ አማኒዳ ጊሽ ሃሳያዲስ” ጌቲቲዳይሳ ኑካ ሄሳ ሄ አማኖ አያናን አማኒዛ ጊሽ ሃሳዮስ። \* 14 ጋሶይካ ጎዳ ዩሱስ ኪርስቶሳ ሃይቆፔ ዴንሲዳይሲ ኑናካ ኢዛራ ኢሲፌ ዴንሲዲ ኢንቴናራ ባ ሲንህ ሺሻናይሳ ኑ ኤሮስ። 15 ዳሮ አሳ ጋኪሼ ዲዛ ኪያቴሌ ስላ ቦንሾስ ጋላታ ቦላ ጋላታ ጉጃና ማላ ሃይሲ ወራካ ኢንቴና ጎዳናስ ሃኒዴስ።

16 ሄሳ ጊሽ ኑ ሂዶታ ቃንዎኮ፤ ኑስ ካሬ ባጋ አሳቴሳይ ዳይ ዳይ ቤኮካ ኑስ ጋላ ባጋ አሳቴሳይ ጋላስ ጋላስ አራጂ አራጂ ባሲ። 17 ሄሳስ ሃሚ ጉሳ ዎዴስ ኑና ጋኪዛ ዋዩይ ኢዛራ ጊጋናስ ዳንዳዮንታ ሜርናስ ጊዲዛ ቦንሾን ኑና ጋላና። 18 ሄሳ ጊሽ ኑ ቲሺ ሂስቲ ያሊዛይ ሃሚ አይፌን ቤቲዛ ሚሻ ቦላ ጊዶንታ ሃሚ አይፌን ቤቶንታ ሚሻ ቦላ ዴስ። ሃሚ ቤቲዛይሲ ኢዚ ሃሚስ ገላላ። ሃሚ አይፌን ቤቶንታይስ ጊዲኮ ኢዚ ሜርናሳ።

5

**ሜርናስ ዳናሶ**

1 ኑኒ ኢዛን ቤታ ቦላ ዲዛ ዱንካኔይ ላሌቲኮካ አሳ ኩሼን ጊዶንታ ስላ ኩሼን አሴቲዳ ሜርና ኪሊ ኑስ ሳሎን ዲዛይሳ ኑ ኤሮስ። 2 ሄ ዎዴይ ጋካናስ ኑ ኪሳ ሳሎይሳ ማይዳናስ ኑ ላሞቲ ናጎስ። 3 ቱማፔ ሄሳ ኑ ማይዲዳፔ ጉዬ ካሎቶኮ። 4 ኑኒ ሃይሳ ሃ ዱንካኔዛን ዲዛ ዎዴ አባን ኢዚ ዴጊዛ ጊሽ ዳቡራ ፒዲ ጎስ። ሄሳስ ጋሶይካ ሃይቂዛይሲ ዴዎን ላሜታና ማላ ኑኒ ሳሎን ዳና ሶዛ ማይዳና አቲን ኑፔ ቃሬታና ማላ ኑ ኮዮኮ። 5 ሄሳስ ኑና ጊጊሲዳይ ስላ። ቡሮ ያናይሳስ ዋሴ ጊዳና ማላ ኑስ ባ አያና ኢሚዳይ ኢዛ። 6 ኑኒ አሾን ዲዛ ዎዴ ጎዳፔ ሃኪ ዲዛይሳ ኤሪኮካ ኢዛን አማኔቲዲ ዶስ። 7 ኑኒ ዲዛ ዱሳይ ጎዳን አማኒዲ አቲን አይፌን ቤዎን ጊዴና። 8 ኑኒ አሾፔ ሻኪቲዲ ጎዳራ ዱስ ዶራናይሳ ታ ሲዶንታ ዮታይስ። 9 ሄሳ ጊሽ ኑ አሾን ዲኮ ዎይኮ አሾፔ ሻኪቲኮካ ኑስ ዋና ቆፋይ ጎዳ አፋይሶ። 10 ኑኒ ወራካ ኪርስቶሳ ፒርዳ ዎምቦራ ሲንህ ሺቃናይሲ አቴና፤ ኑፔ ኢሶይ ኢሶይ ቤታ ቦላ ባ አሲዳ ኢታ ጊዲን ዎይኮ ሎዎ ጊዲን ባ አሶ ማላ ቤሲዛ ዋጋ ኤካና።

**አሳ ስላራ ማቃይኒሶ አሶ**

11 ሄሳ ጊሽ ጎዳስ ባቦ ጉሲ አይ ጉሳኮኔ ኑ ኤሪዛ ጊሽ አሳይ ኑ ዮቲዛይሳ ኤሮ ጊ ኤካና ማላ አሳናስ ዳቡሮስ። ኑኒ አናንታኮኔ ስላ አቻን ቆንጩ። ቃሴካ ኢንቴ ዎዝናንካ ቆንጩ ጊዲዳይሳ ታ አማናይስ። 12 ታ ሄሳ ጊዛይ ኑና ኢንቴ ሲንሳን ጋላታናስ ጊዶንታ ዲሺን ኢንቴ ኑናን ጩቁታና ማላ አቲን ዎዝናፔ ጊዶንታ አይፌን ቤቲዛ ሚሻን ጩቁቲዛይታስ ኢንቴ ዛሮ ኢማናስ ዳንዳዮና ማላ ጋዳ ጋይስ።

13 ኑ ጎሽ ጊዲኮ ስላ ጊሽ ጊዲ ጎዩዶስ። ኤራታ ጊዲኮካ ኢንቴስ ጊዲኮ! 14 ኪርስቶሲ አባስ ኢሲቶ ሃይቆይሳኔ ሃራይ ወራካ ኢዛራ ኢሲፌ ሃይቂዳይሳ ኑ ኤሪዳ ጊሽ ኪርስቶሳ ሲቆይ ኑና ዎልቃራ አሲሴስ። 15 ሺምፖራ ፓዓ ዲዛይቲ ወራካ ሄ ሃይቂዳይሳሲኔ ሃይቆፔ ዴንዲዳይሳስ ዳና ማላፔ አቲን ሃይሳፌ ጉዬ ኢስቲ ባሲ ዶንታ ማላ ኪርስቶሲ አባስ ሃይቂዴስ።

16 ሄሳ ጊሽ ሃይሳፌ ጉዬ ኑኒ አና አሲካ አሾ አይፌን ያሎኮ። ኑኒ ሃይሳፌ ካሴ ኪርስቶሳ አሾ አይፌን ያሊዳይ ጮ ሜላ አሳ ማላ ያሎ። ጊዲኮካ ሃይሳፌ ጉዬ ሲንሳስ ጊዲኮ ሄሳሳ ያሎ። 17 ሄሳ ጊሽ አኒካ ኪርስቶሳ ባጋ ጊዲኮ ኢዚ አራሳ ሜዴቴሳ። ካሴ ጩጋ ሜዴቴሳይ አዲዴስ። ሄ ኢዛ ኪሾሳን ሃራ አራሳ ሜዴቴሌ ጌሲዴስ። 18 ሄሲ ወራ ሃኒዳይ ኢዚ ኑና ባናራ ኪርስቶሳ ባጋራ ማቃይንሲዲኔ ማቃይንሶ አሶ ኑስ ኢሚዳ ያሳና። 19 ሄሲካ ያሲ ኪርስቶሳ ባጋራ ሃንኮ አላሜ አሳ ወርሲካ ባናራ ማቃይንሲዴስ ጉሳ። ኢስቲ ቆሆዛካ ቆዲቤና። ኑስካ ኑ አሳ ጎዳራ ማቃይንሳና ቃላ ኢሚዴስ።

\* 4:6 ሜዴ 1:3 \* 4:13 ማዛ 116:10



20 ያህ ደሴ ኑ ባጋራ አስ ዌይጊዛ ጊሽ ኑኒ ቃሴ ኪርስቶሳ አጋሳታ። ሄሳ ጊሽ “ኢንቴ ያሳራ ማቃይኒቴ!” ጊዲ ኑ ኢንቴና ኪርስቶሳ ሱንሳን ዎሶስ። 21 ኑኒ ኪርስቶሳ ባጋራ ያሳ ዊሎቴስ ጊሼቲ ኤኪዛይታ ጊዳና ማላ ያህ ኢዛ ቦላ ናጋራይ ባይንዳ ኪርስቶሲ ኢዚ ኑ ናጋራ ቶካና ማላ አሊዴስ።

6

1 ኑኒ ያሳራ አሊዛይታ ጊዲዳ ማላ ኢንቴ ኤኪዳ ያሳ ኪያቴላ ጮ ሜላ አሾፍቴ ጊሼ ኑ ኢንቴና ዎሶስ። 2 ያህ “ታኒ ታስ ጊጊዳ ጋላስ ኔና ሲያዲስ! አቲዛ ጋላስ ታ ኔና ማዳዲስ!” ጊዛ ጊሽ ሎዎ ዎዴይ ሄኮ ሃዲ! አቴላ ጋላሲካ ሃዲኮ! \*

3 ኑ አሶይ ሌቁቶንታ ማላ አይ ዎዴካ አናስካ ኑኒ ዱዴ ጊዶኮ። 4 ሄሳፌ አሊዲ ዋዩኔ ሜቶ ኡንዎካ ዳንዳያን ያሳስ አሊዛ አሳታ ማላ አይ አገራካ ኑናቴላ አሊ ኢዋስ። 5 ኑኒ ያሳስ አሊዛይታ ጊዲዳይሳ ቤሲዛይ ጋራፌቴላን፣ ቃሼቴላን፣ ሂርጋን፣ ዳቡሪ አሶን፣ ዲሲኮ ዳዮኒኔ ጋፋና። \* 6 ሄሳሶካ ጊሻቴላን፣ ኤራቴላን፣ ዳንዳያን፣ ኪያቴላን፣ ዊሎ አያና ካሎኒኔ ቆዴፔ ቆሞን ጊዶንታ ሲቆን፣ 7 ቱማ ቃላኒኔ ያሳ ዎልቃና። ኑ ኢዛን ጊዴ አሊ ያኒዛ አላ ሚሺኔ ካሜቲ አቲዛ ንንዳሌይ ዊሎቴላ። 8 ቦንቾስ ጊዲን ዎይኮ ካዉሻስ፣ ቆዴታናስ ዎይኮ ጋላታናስ ኑኒ ጊጌቲዳይታ። ኑኒ ቱማንቻታ ሺን አሴ ባሌሊዛይታ ጌቲቲዶስ። 9 ኑኒ ኤራቲዳይታ ሺን ኤራቶንታይታ ጊዲዶስ። ኢስቲ ሃይቂዳይታኮ ጊሺን ኑኒ ፓፃ ዶስ። አሳይ ኑና ቡኪ ቡኪንካ ኑ ሃይቂቤኮ። 10 ሙዛይ ኑና ጋኪኮካ ኡባ ዎዴ ኡፋዬቶስ። ኑ ማንቆኮ ሺን ዳሮ ማንቆታ ዱሬ ኬሶስ። ኑስ አይኮይካ ባይንዳይታ ሺን ዉርካ ኑስ ዴስ።

11 ኢንቴና ቆርንቶሴን ዲዛይቶ! ታ ካሴ ኢንቴስ ቆንጮን ዮታዲስ። ኑኒ ኑ ዎዝና ኢንቴና ዉርሲ ቤሲዶስ። 12 ኢንቴ ቃሴ ኑና ኢንቴ ሲቆ ቤሳናስ ኡዜቲዴታ አቲን ኑ ኢንቴና ኑ ሲቆ ቤሳናስ ኡዜቲቤኮ። 13 አዋይ ባ ናስ ዮቲዛ ማላ ታካ ኢንቴስ አኔ ዮታይስ። ኑኒ ኑ ዎዝና ኬሂ ዶዩዲ ኑ ቆፋ ኢንቴስ ቆንጮሶይሳሶ ኢንቴካ ኑስ ሄሳሶ ቆንጮሲቴ።

አማኖንታይታራ ዙፕቴስ አጎ

14 አማኖንታ አሳራ ጊጋይ ባይንዳ ኢሲፌቴላን አይኬቶፍቴ። ዊሎቴሲኔ ናጋራይ ዋኒ ኢሲፌታናስ ዳንዳይዜ? ፖዎይኔ ዱማይ ኢሲፌ ዋኒ ዳና ዳንዳይዜ? 15 ኪርስቶሲኔ ዳቡሎሲ ዋኒ ጋጋናስ ዳንዳይዜ? አማኒዛይይ አማኖንታዴራ አዛን ላጌታናስ ዳንዳይዜ? \* 16 ያሳ ዎሳ ኬሳስ ኤቃታራ አዛ ጋጎይ ዲዜ? ያህካ

“ታኒ ታ ዱሳሶ ታ ዴሬዛ ጊዶን አሳና፤

ታካ ኢስታራ ዳና፤

ኢስታሲካ ጎዳ ጊዳና።

ኢስቲካ ታ ዴሬታ ጊዳና” ጊዲ ካሴ ዮቲዳ ማላ ኑኒ ኢሶይ ኢሶይ ዴዎ ያሳ ኬላታ። \* 17 ጎዳይ

“ኢንቴ ኢስታ ጊዶፌ ሻኬቲዲ ኬዜቴ!

ቱና ሚሽ ቦቾፍቴ፤

ታካ ኢንቴና ኤካና። \*

18 ታ ኢንቴስ አዋ ጊዳና፤

ኢንቴካ ታስ አቱማ ናይታኔ ማጫ ናይታ ጊዳንዴታ”

ጌስ ዉርሲካ ዳንዳይዛ ጎዳይ። \*

7

1 ሄሳ ጊሽ ታ ሲቆቶ! ሃይሲ ሂዶታይ ኑስ ኢሜቲዳ ጊሽ አሾኔ አያና ቱኒሲዛ አይ ሚሻፌካ አኔ ኑና ጌሾስ። ያሳስ ያሻን ኑ ጌሻቴላ አኔ ኩሜስ ሂስቶስ።

ጳውሎሳ ኡፋይስ

2 ኢንቴ ኑና ኡፋይሳን ሞኪ ኤኪቴ። ኑኒ አናካ ቆሂቤኮ፤ አናካ ናቂቤኮ፤ አና ጎዳካ ኑስ ባሌሲ ኤኪቤኮ። 3 ታኒ ሄሳሶ ጊዛይ ኢንቴ ቦላ ፒርዳናስ ጊዴና። ሃይሳፌ ካሴ ታ ኢንቴስ ዮቲዳ ማላ ኢንቴ ኑ ዎዝናን ዴታ። ሄሳ ጊሽ ሃይቆንካ ጊዲን ፓፃንካ ኡባ ዎዴ ኑ ኢንቴፌ ሻኬቶኮ። 4 ታስ ኢንቴ ቦላ ዲዛ አማኖይኔ ጩቁቴሲ ዳሮ ጊታ። ታ ኢንቴናን ሚኔታይስ። ኑና ጋኪዛ ሜቶ ኡባን ታኒ ኬሃ ኡፋይታይስ።

5 ኑኒ ማቂዶኒያ ጋኪዳ ዎዴካ ዱማ ዱማ ባጋራ ሜቶይ ኑና ጋኪዴስ አቲን ኑኒ አይኮካ ሽምፖ ዴሚቤኮ። ኑስ ሶራ ሂርጋይ፣ ካሬራ ቃስ አሺ ዴስ። \* 6 ጊዶ አቲን ሙዞቲዳይታ ሚንጴሊዛ ጎዳይ ቲቶሳ ዩሳን ኑና ሚንጴሊዴስ። 7 ኑኒ ሚኔቲዳይ ኢዛ ዩሳን ዓላላ ጊዶንታ ዲሺን ኢንቴ ኢዛ ሚንጴሊዳይሳ ኑ ጉጂ ሲዬዳ ጊሻሳ። ኢንቴ ታና ላሞቲዳይሳ ታስ ቃዴቲዳይሳ ቆፒዛይሳካ ኢዚ ኑስ ዮቲን ሲያዳ ታኒ ዳሮ ኡፋይታይስ።

8 ታኒ ሃይሳፌ ካሴ ኢንቴስ ዓፊዳ ኪታይ ኢንቴና ሚሺሲዳ ጊዲኮካ ሄ ኪታ ዓፊዳ ጊሽ ታኒ ሄሳሶ አዛስ ዓፋዲና ጋዳ ሞዴቲኬ። ሞዴቲኮካ ታ ሞዴታናይ ጉሳ ዎዴስ ኢንቴ ታና ሚሺሲዳ ጊሻሳ። 9 ሃዲ ጊዲኮ ታ ኡፋይታይስ። ታኒ ኡፋይቲዳ ጋሶይ ታኒ ኢንቴና ሚቺሲዳ ጊሽ ጊዶንታ

\* 6:2 ኢሳ 49:8 \* 6:5 ሃዋ 16:23 \* 6:15 ዳቡሎሲ ጊሪኬ ቃላራ “ቤልያል” ዎይኮ “ቤልያር” ጌቱቴስ፤ ኢብራዌታ ቃላራ “ቤልያል” ጌቱቴስ። ቢሪሻቻይ ጎዳይ ባንዳይሳ [አይፌይ ባንዳይሳ] ዎይኮ ዎጋይ ባንዳይሳ ጉሳ። \* 6:16 1ቆር 3:16፤ 6:19 \* 6:17 ኢሳ 52:11 \* 6:18 2ሳሜ 7:14፤ 1ታር 17:13፤ ኢሳ 43:6፤ ኤር 31:9 \* 7:5 2ቆር 2:13

ኢንቴ ሄ ሚሻፕ ዴንዲዳይሳን ማጥቴሳን ጌሊዲ ላሜቲዳ ጊሻሳ። ሄሳ ጊሽ ኢንቴ ሚሹቲኮካ ያሳ ሸኔ ማላ ጊዲዳ ጊሽ ኑኒ ኢንቴና አይኮካ ቆሂቤኮ ጉሳ።<sup>10</sup> ያሳ ሸኔ ማላ ጊዲዳ ሚሹቴሲ ጌዴ ማሬቲ አታናሶ ጋሴስ። ሄሳስካ ሞዴቴሲ ዴና፤ ምዘናፕ ጊዶንታ ማሬቴስ ጊዲኮ ሃይቆን ጋሴስ።

<sup>11</sup> ሃይሲ ኢንቴ ሙዞቴሳይ ያሳ ሸኔ ማላ ጊዲዳ ጊሽ ሄሲ አይ ማላ ሚኖቴሳን፣ አይ ማላ አይሻ ዛሮን፣ አይ ማላ ኡሌ ሃንቁቴሳን፣ አይ ማላ ያሻቴሳን፣ አይ ማላ ላሞቴሳን፣ አይ ማላ ሎዖ አሞን፣ አይ ማላ ሙራን ኢንቴና ጋሲዳኮኔ አኔ ኢንቴ ምዘናን ዩሺ ቆፕቴ። ኢንቴ ቃሴ ሃኒዳ ኡባንካ ሄ ሃኖዛፕ ጌሽ ጊዲዳይሳ ማርካሲዴታ።<sup>12</sup> ሄሳ ጊሽ ታ ኢንቴስ ሃሬዳይሲ ኢንቴ ኑስ አይ ማላ አማኔቲዛይታኮኔ ኢንቴ ኢንቴና ያሳ ሲንሳን ቤያና ማላፕ አቲን ቆሂዳይሲ ጊሸኔ ቆሄቲዳይሲ ጊሽ ጋዳ ጊዴና።<sup>13</sup> ኑኒ ሚኔቲዳይሳሬ ቦላራ ቲቶሲ ዴሚዳ ኡፋይሳን ዳሮ ኡፋይቲዶስ። ኑኒ ኡፋይቲዳይካ ኢንቴ ወሪካ ቲቶሳ ሚንሴሲዳ ጊሸኔ ኢዛ ምዘና ሽምፕሲዳ ጊሻሳ።<sup>14</sup> ታኒ ኢንቴናን ጩቁቲዛይሳ ካሴ ቲቶሳስ ዮታ ያሳዲስ። ኢንቴካ ታና ዩላሲቤይኬታ። ኡባ ዎዴ ታ ኢንቴስ ቱማ ሃላላ ዮታሽ ዳይስ። ሄሲካ ኑኒ ኢንቴ ጊሽ ቲቶሳስ ዮቲዳ ዮዶይ ቱሙ ጊዲ አማኔቲዴስ።<sup>15</sup> ኢንቴ ወሪካ አዘዜቲዛይታ ጊዲዳይሳ፣ ያሻቴሳኒኔ ኮኮሪሽ ኢንቴ ኢዛ ሞኪ ኤኪዳይሳ ቲቶሲ ቆፕ ኤኪዲ ኢዚ ኢንቴና ሲቁዛይሳስ ዛዋይ ባዋ።<sup>16</sup> ታካ ኡባ ባጋራ ኢንቴናን አማኔታናስ ዳንዳዩዳ ጊሽ ታ ዳሮ ኡፋይታዲስ።

8

**ማዶ ኢሞ**

<sup>1</sup> ታ ኢሻቶ! ያሲ ማቂዶኒያን ዲዛ አማኒዛ አሳስ ኢሚዳ ኪያቴሳ ኢንቴ ኤራናይሳ ታ ኮያይስ።  
<sup>2</sup> ኢስቲ ዳሮ ሜቶቲ ዲሼ ዳሮ ኡፋይቲዳ። ኬሂ ማንቆታ ጊዲኮካ ዳሮ ኪያቲዳ።<sup>3</sup> ኢስቲ ባሲ ዳንዳዩቲዛይሳ ማላኔ ባሲ ዳንዳዩቲዛይሳሬካ አሲ ኢሚዳይሳ ታ ኢስታ ጊሽ ማርካታይስ።<sup>4</sup> ዩሁዳን ዲዛ አማኒዛይታስ ማዶ ኢማናስ ዲጌቶንታ ማላ ኑና ኬሂ ዎሲዳ።<sup>5</sup> ኢስቲ ኑኒ ቆፕዳይሳሬ ቦላራ አሲ አሲዳ። ኢስቲ ኮይሮ ባና ጎዳስ ኢሚዳ። ዛርዲካ ያሳ ሸኔ ማላ ባናካ ኑስ ኢሚዳ።<sup>6</sup> ሃይሳ አሶዛ ኮይሮ ቲቶሲ ዶሚዳ ጊሽ ሃዲካ ሃይሳ ማዶ ኢሞዛ ኢዚ ፖላና ማላ ኑ ኢዛ ዎሲዶስ።<sup>7</sup> ኢንቴ አማኖን፣ ሃሳያን፣ ኤራቴሳን፣ ሚኖ አሶን፣ ኢንቴ ኑና ሲቁዛ ሲቆን፣ ኡባ ዮዶን አዴታ። ሄሳሳካ ኪያቴሳ አሶንካ አዲዛይታ ጊዲቴ።

<sup>8</sup> ታ ሄሳ ጊዛይ ኢንቴና ጮ ሜላ አዛዛናስ ጊዴና። ጊዶ አቲን ሃንኮ ሃራ አሳይ ሚኒ ኢሚዛይሳ ኢንቴናራ ጋሳ ቤይሺን ኢንቴ ሲቆይ ቱሙ ጊዲዳይሳ ሻካ ኤሬናሳ።<sup>9</sup> ኢንቴ ኑ ጎዳ ዩሱስ ኪርስቶሳ ኪያቴሳ ኤሬታ።

<sup>10</sup> ሃይሳ ሃ ሃኖዛን ታስ ሎዖ ጊዲ ቤቲዳ ዞሬ ታ ኢንቴስ ኢማይስ። ዘላይሲ ኢንቴ ኢሞ ሃላላ ጊዶንታ ዲሺን ኢማናስ ኮይሮፕ ቆፕዳይ ኢንቴና።<sup>11</sup> ሄሳ ጊሽ ኢንቴ ኢማናስ ኮይዳይሲ ፖሌታና ማላ ኢንቴስ ዲዛ ማላ ካሴ ኢንቴ ቆፕዳይሳ ሃዲ አሲቴ።<sup>12</sup> አሲ ኢማናስ ምዘናፕ ኮይኮ ኢዛይይ ኪያቴሳን ኢሚዛይሲ ኤኬቲዛይ አሲ ባሲ ዲዛሪ ማላ ኢሚኮ አቲን ባሲ ባይንዳይሳሬ ኢሚሺን ጊዴና።

<sup>13</sup> ታ ሃይሳሶ ጊዛይ ኢንቴ ወሪካ ጊና ጊዳና ማላ አቲን ኢንቴ ኢሞን ሞቴሺን ሃራቲ ሽምፕና ማላ ጋዳ ጊዴና።<sup>14</sup> ኢንቴ ሞቴሺን ኢስታ ሚሻይ ኢንቴ ሜቶ አሻና ማላ ሃዲ ቃሴ ኢንቴ ሚሻይ ኢስታ ሜቶ አሾ። ሄሳ ማላን ኢንቴ ጊዶን ጊናቴሲ ዳና።<sup>15</sup> ሄሲካ “ዳሮ ሺሺዳይስ ዎዲቤና፤ ጉሳ ሺሺዳይሲካ ፓጩቤና” ጌቲቲ ጌሻ ማፃፋን ሃሬቲዳ ማላ። \*

**ቲቶሳኔ ሃንኮ ኢዛ ላጌታ**

<sup>16</sup> ታኒ ኢንቴስ ቆፕዛይሳ ማላ ቲቶሳይካ ኢንቴስ ምዘናፕ ቆፓና ማላ አሲዳ ጎዳይ ጋላቴቶ።

<sup>17</sup> ቲቶሲ ኢንቴኮ ቢዛይ ባርካ ባ ቆፋን ኡፋይሳንፕ አቲን ኑኒ ኢዛ ዎሲዳ ጊሽ ሃላላ ጊዴና።

<sup>18</sup> ሚሺራቾ ቃላ አሶን ዎሳ ኬሳታን ኡባን ዶሴቲዳ ኢሻዛ ኑ ኢዛራ ጋሲ ዩዶስ።<sup>19</sup> ሃሳሬካ ቦላራ ሃይሲ ኑ ኢሻይ ኑኒ ሃይሳ ሎዖ አሶዛ ጎዳ ቦንቾስ አሲሺኒኔ ኑኒ አሳናስ ኮይዛይሳ ኢዛስ ቆንጨሲሺን ኢዚ ኑናራ ቢዲ አሳናስ ዎሳ ኬሳቲ ዶሪዳይ።

<sup>20</sup> ሃይሳ ኪያቴሳ ኢሜቲዳ ሚሻዛ ኑኒ አይኪሺን ኑ ቦላ አይኮ ቦርይካ ጋኮንታ ማላ ኑኒ ናጌቶስ።

<sup>21</sup> ጋሶይካ ኑስ ዋና ቆፋይ ጎዳ ሲንሳን ሃላላ ጊዶንታ አሳ ሲንሳንካ ሎዖ አሳናሳ። \*

<sup>22</sup> ዳሮ ዎዴ ዳሮ ሚሻን ፓጩቲዲ ሚኖ ጊዲዳ ኑ ኢሻ ቲቶሳራ ኑ ኢዛ ዩዲዳይ ሄሳሳ። ኢዛስ ኢንቴ ቦላ ዲዛ አማኖይ ዳሮ ጊታ ጊዲዳ ጊሽ ኢዚ ሃዲ ኢንቴና ማዳናስ ካሴፕ አሲ ኮይስ።

<sup>23</sup> ኢንቴ ቲቶሳ ጊሽ ኤራናስ ኮይኮ ኢዚ ኢንቴና ማዳናስ ታናራ አሲዳይ። ኢዛራ ኢሲሬ ቢዛ ሃንኮ ኢሻቲ ቃሴ ዎሳ ኬሳቲ ባ ጊሽ ዩዲዳ ኪርስቶሳ ቦንቾስ ኤቁዳይታ።<sup>24</sup> ሄሳ ጊሽ ኢንቴ ኢስታስ ኢንቴ ሲቆ ቤሲቴ። ኢንቴ ሄሳሶ ሂስቲኮ ኢንቴ ሲቆይኔ ኑ ኢንቴናን ጩቁቲዛ ጩቁቴሳይ ጮ ሜላ ጊዶንታይሳ ኢንቴ ዎሳ ኬሳታስ ቤሳንዴታ።

9

**አማኒዛይታስ ሚሽ ኬሶ**

<sup>1</sup> ዩሁዳን ዲዛ አማኒዛይታስ ኬሲዛ ሚሻ ጊሽ ታ ኢንቴስ ሃፋናስ ኮሺና።<sup>2</sup> ኢንቴስ አካያን ዲዛ አሳስ ማዳና ሎዖ ቆፋይ ዲዛይሳ ታ ኤራዳ “አካያ አሳይ ዘላይሳሬ አይኪዲ ማዶስ ጊጌቲዴስ” ጋዳ ማቂዶኒያ አሳስ ዮታዲስ። ሃራፕካ ኢንቴ ማዳናስ ኮይዳ ሱሬ ቆፋይ ዳሮታ ሎዖ አሶስ ዴንጌሲዴስ።

\* 8:15 ኬሳ 16:18 \* 8:21 ሌም 3:4

3 ሃይሳ ሃ ሃኖዛን ኑ ኢንቴናን ጨቁቲዛይሲ ጮ ሚላ ጊደንታ ማላ ሃይታ ኑ ኢሻታ ታ ኪታዲስ። ኢንቴካ ታ ካሴ ኢንቴስ ጊዳ ማላ ናጌቲ ኡቲቴ።

4 ማቂዶኒያ አሳቲ ታናራ ኢንቴኮ ቢሺን ኢንቴ ጊጊቶንታ ዲዛይሳ ቤኮ ኑኒ ኢንቴናን ጨቁቲዛይሳን ዩላታና። ኢንቴ ቃሴ ዳሮ ዩላታና። 5 ሄሳ ጊሽ ኢንቴ ካሴ ኢማና ጊዳይሳ ካሴቲዲ ጊጊሳና ማላ ኢንቴና ቆሬሳናስ ጋዳ ሃይቲ ኢሻቲ ታፕ ካሴቲዲ ኢንቴኮ ጋካና ማላ ኮሺዛይሲ ታስ ቤቲዴስ። ሄሳሶካ ታኒ ቢዛ ዎዴ ኢንቴ ኢማናይሲ ጊጊ ኡቲዳዝ ጊዳና። ኢንቴካ ኢማናይሲ ዎልቃራ ጊደንታ ዶሳን ጊዲዳይሳ ቤሳና።

6 “ጉስ ዜሪዳ አሲ ጉስ ሺሻና፤ ዳሮ ዜሪዳይሳ ቃስ ዳሮ ካስ ሺሻና” ጊዛ ቃላ ዩሺ ቆፒቴ። 7 ዎሲ ዶሲዛይ ባ ዶሳን ኢሚዛይ ጊዲዳ ጊሽ ኢሲ ኢሲ አሲ ኢማናስ ባ ዎዝናን ቆፒዳሮ ኡፋይሳን ኢሞ አቲን ሞዴቲሼ ጮ ዎልቃራ ኢሞሬ። 8 ኡባ ዎዴ ሃኒዛ ኡባን ኢንቴ ኢንቴስ ጊዲ ፓላሂዲ ሃራ ሎዎ አሶስ ጊዳና ማላ ዎሲ ኢንቴስ ባ አንጆ ጉጂ ኢማናስ ዳንዳዩስ። 9 ሄሲካ “ማንቆታስ ኪያቴሳን ኢሚዴስ፤

ኢዛ ሂሎቴሲ ሚርናስ ዴያና”

ጌቴቲ ጊሻ ማፃፋን ፃፌቲዳ ማላ። \*

10 ዜሪዛይስ ዜሪሲ፣ ማናስ ካስ ኢሚዛ ጎዳይ ኢንቴ ዜሪዛ ዜሪሳ ኢዚ ኬሂ ዳርሲ ኢማና። ኢዚ ኢንቴ ኪያቴሳ አሶዛ አይፌ ኢንቴስ ዳርሳና። \* 11 ኢንቴ ኪያቴሳን ኢሞይሲ ኑ ባጋራ ኢስታ ጋኪዛ አሳቲ ዎሴ ጋላታና ማላ ኢንቴ ኡባ ዎዴ ኪያቴሲ ኢማና ማላ ዎሲ ኢንቴና ኡባራ ዱሬሳና።

12 ሃይሲ ኢንቴ ኢሚዛ ኪያቴሳ አሶይ አማኒዛይታ ሜቶ ማዶፕ ቦላራ አሳይ ዎሳ ዳርሲ ጋላታና ማላ አሴስ። 13 ሃይሲ ኢንቴ ኪያቴሳ አሶዚ ኢንቴ ኪርስቶሳ ሚሺራቾ ቃላን አማኒዲ አማኒቲዳይታ ጊዲዳይሳ፣ ኢስታሲኔ ሃራታስካ ኢንቴ ኪያቴሳ ኢሚዳይሳ ኤሪሲዛዝ ጊዲዳ ጊሽ ኢስቲ ዉሪካ ዎሴ ጋላታና። 14 ኢስቲ ቃሴ ዎሲ ኢንቴስ ኢሚዳ ጊታ ኪያቴሳ ጊደን ኢንቴና ሲቂዛ ጊሽ ኢንቴስ ዎሳና። 15 አሳ ቃላን ቆንጨሴሳፌ ቦላ ጊዲዳ ዎሳ ኢሞቴሳ ጊሽ ዎሲ ጋላቴቶ።

10

ጳውሎሲ ባ አሶ ጊሽ ኢሚዳ ቆፋ

1 ታ ጳውሎሲ ኢንቴናራ ዲሺን ኢዚ አሺኪ ጌቴታዲስ ሺን ታ ኢንቴፌ ሃኪሺን ቃስ ኢንቴ ቦላ ፃሊዳይ ጌቴቲዳ ታ ጳውሎሲ ኪርስቶሳ አሽኬቴሳኒኔ ኢዛ ሎዴቴሳን ኢንቴና ዎሳይስ። 2 ታኒ ኢንቴና ዎሲዛይ ታ ኢንቴኮ ሄ ቢዛ ዎዴ ኢንቴ ታና ፃላቴሳን ሃሳይሶንታ አጋና ማላ። ኑኒ አሾ ቆፋን ሲሚራቲዛ ማላ ኑና ፃሊዛ ኢሲ ኢሲ አሳታ ሲንሳን ታኒ ፃላቴሳን ሃሳያናስ ኮያይስ። 3 ኑኒ ዲዛይ ሃይሳ አሳሚዛ ቦላ ጊዲኮካ ኑ አሌቲዛይ ሃ አሳሚዛ አሳ አላ ማላ ጊዴና። 4 ኑ አላ ሚሻይካ አላ ሚፃ ላላናስ ዳንዳይዛ ዎሳ ዎልቃይ ዲዛይሳ አቲን ሃይሳ አሳሚዛ አላ ቶራ ጊዴና። 5 ዎሴ ኤሮንታ ማላ ዱዴ ጊዲ ዴንዲዛ ፓላማኔ አቶሬቴስ ኑ ላሎስ። አሳ ቆፋ ዉርሲ ዲዲ ኤኪዲ ኪርስቶሳስ አዛዜታና ማላ አሶስ። 6 ኢንቴ አዛዜቴሲ ፖሌቲዛ ዎዴ አዛዜቶንታ አይ ሚሼካ ቃፃያናስ ኑኒ ጊጌቲ ኡቲዶስ።

7 ኢንቴ ፃሊዛይ ካሬ ባጋራ ቤቲዛዚ ፃላላ። አኒካ ታኒ ኪርስቶሳስኮ ጊ አማኒቲኮ ዛሬሲ ቆፖ። ኑካ ኢዛ ማላካ ኪርስቶሳይታ ጊዲዳይሳ ኢዛዴይ ዎዝናን ዎሶ። 8 ጎዳይ ኑስ ኢሚዳ ማታ ጊሽ ታኒ ኢዛን ጨቁኮካ ዩላቲኬ። ሄሲ ማታይ ታስ ኢሜቲዳይ ኑኒ ኢንቴና ሚኒሳናስ አቲን ላላናስ ጊዴና። 9 ታኒ ሃ ኪታን ኢንቴና ባቢሶስ አሲዛ ሚሳቶፖ። 10 አኔ ኤሪዛይ ኢሲ ኢሲ አሳቲ “ጳውሎሳ ኪታቲ ዴዎይ ዎልቃማ፤ ጊዶ አቲን ኢዚ ኑ አቻን ዲዛ ዎዴ ኢዚ ላፋ፤ ኢዛ ሃሳያይካ ሌቁቲዳዛኮ!” ጊዛዚ ጊዳና። 11 ሄሳሶ ጊዛ አሳቲ ኑኒ ሃሆን ዲሼ ፃፌ ኪቲዳይሳሲኔ ቃስ ኢንቴናራ ዲሼ ኑ አሊዛይሳ ጊደን አይኮ ዱማቴሲ ባይንዳይሳ ሻኪ ኤሬቶ።

12 ጊዲኮካ ባርካ ባና ናሺዛ ኢሲ ኢሲ አሳታራ ኑና ኑርካ ጋሲ ፃላናስ ዎይኮ ኢስታራ ኑና ጊጊሳናስ ፃሎኮ። ኢስቲ ቃሴ ባርካ ባና ባናራ ጋሲ ፃሊዛ ጊሽ ኢስቲ ዩሺ ቆፒዛይታ ጊዴቴና። 13 ኑ ቃሴ ኢንቴኮ ጋካና ጋካናስ ዎሲ ኑስ ኢሚዳ አሶ ዛሞን ሲሚራቶስ አቲን ዎጋፕ አሲ ጨቁቲዛይታ ጊዶኮ። 14 ኢንቴ ቃሴ ኑ አሲዛሶን ዲዛ ጊሽ ኪርስቶሳ ሚሺራቾ ቃላ ታማርሳናስ ኑ ኢንቴኮ ቢዳ ዎዴ ኑኒ ሄ ኑ ዛሞፕ አዲቤኮ። 15 ሄሳ ጊሽ ዎሲ ኑስ ኢሚዳ ዛሞፕ አዲዲ ሃራ አሳታ አሶን ጌሊዲ ዎጋፕ አዲ ጨቁቶኮ። ሄሳፌ ቦላራ ኢንቴ ኢማናይ ዲጫና ማላኔ ኑ አሶይካ ዎሲ ኑስ ኢሚዳ ዛሞን ኢንቴ ጊደን አካናይሳ ናጎን ዶስ። 16 ሄሳ ጊሽ ኑ ሃራ አሲ አሲዛ ዛሞ አዲዲ ካሴቲዲ አሴቲዳ አሶን ጨቁቶንታ ዲሼ ኢንቴፌ ሄኒን ዲዛ ዴሬታስ ሚሺራቾ ቃላ ዮታናስ ዳንዳዩስ።

17 ጊዶ አቲን ዎሳ ማፃፋይ “ጨቁቲዛ አሲ ጎዳን ጨቁቶ” ጊዴስ። \* 18 አሲ ጋላቴታናስ ዳንዳይዛይ ጎዳይ ጋላቴኮ አቲን ባርካ ባና ጋላቴን ጊዴና።

11

ጳውሎሳኔ ዎርዶ ሃሞሬታ

1 ታ ጉሳ ኤያቴሳ ኢንቴ ዳንዳያና ማላ ታ ሂዶታ አሶይሳ ሃያና ዳንዳይቴ። 2 ኢሲ ጌሎንታ ጊሻ ጌላዎዎ ባ ጌላዎቴሳን ኢሲ አዚናስ ጊጊዛ ማላ ታካ ኢንቴና ኪርስቶሳስ ጊጊሲዳ ጊሽ ታ ኢንቴ ጊሽ ሎዎ ቆፋ ቆፓይስ። 3 ሾሻይ ባ ጌኔራ ሄሞኖ ባሌሲዳይሳሶ አኔ ኤሪዛይ ኢንቴ ቆፋይካ ሞሬቲን ኪርስቶሳስ ዲዛ ሱሬኔ ጊሽ ጊዲዳ አማኒቴሳ ኢንቴና አጋጋንዴቶ ጋዳ ታ ሂርጋይስ። \* 4 ኢሲ

\* 9:9 ማዛ 112:9 \* 9:10 ኢሳ 55:10 \* 10:17 ኤር 9:24 \* 11:3 ሜዴ 3:1-5:13



አሲ ኢንቴኮ ዩዲ ኑ ካሴ ኢንቴስ ሳባኪዳይሳ ጊደንታ ሃራ ዩሱሳ ሳባኪኮ ዎይኮ ካሴ ኤኪዳ አያና ጊደንታ ሃራ አያና ኤኪኮ ዎይኮ ካሴ ኢንቴ ኤኪዳ ሚሺራቾ ቃላ ጊደንታ ሃራ ሚሺራቾ ቃላ ኤኪኮ ሮ ሜላ ኢንቴ ዶኔቲዴታ ጉሳ።

5 ጊዲኮካ ታኒ ሃይታ ጊታ ሃዋሬታፕ አይኮንካ ጉዲዛ ታስ ሚሳቴና። 6 ሃሳያን ጨንጫ ጊደንታ አጊኮካ ታስ ኤራይ ፓጨቤና። ሄሳ ኑኒ ኢንቴስ ዱማ ዱማ አጌራ ቆንጮን ኤርሲዶስ።

7 ታኒ ኢንቴስ ዶሳ ሚሺራቾ ቃላ ዳሞዛይ ባይንዳ ሳባኪዳይኔ ኢንቴና ዶቁ ሂስታናስ ታኒ ታና ካወሺዳይሲ አኔ ኤሪዛይ ታስ ናጋራ ጊዲ ቆዴቲዴሻ? 8 ኢንቴስ አሳናስ ሃንኮ ዎሳ ኬሳታፕ ታኒ ማዶ ኤኪዳይሲ ኢስታፌ ሺሻ ኤካዳኮ። 9 ታኒ ኢንቴናራ ዲሺን ታና ሜቲን ማቀደኒያፕ ዩዳ ኢሻቲ ታስ ኮሺዛዛን ታና ማዲዳ ጊሽ አናስካ ቶሆ ጊዳቤኬ። ሃኖ ጋካናስካ አይ ሚሻንካ ኢንቴስ ቶሆ ጊዳቤኬ። ሲንሳፌካ ታ ኢንቴስ ቶሆ ጊዲኬ። \* 10 ኪርስቶሳ ቱማቴሲ ታናን ዲዛ ጊሽ ታኒ ጨቁቶንታ ማላ ታና ዲጊዛይ አካያ ዴሬን አኒካ ባዎ። 11 ሄሳስ ጋሶይ አዜ? ታኒ ኢንቴና ሲቆንታ ጊሺ? ታ ኢንቴና ሲቁዛይሳ ዶሲ ኤሬስ።

12 ሄይቲ ዎርዶ ሃዋሬቲ “ኑካ ኢስታሶ አሶስ” ጊሺ ኢስቲ ጨቁቲዛይሳ ዲጋናስ ታ ሃራ አሲዛይሳሶ ሲንሳፌካ አሳና። 13 ሄይታንታ ማላ አሳቲ ኪርስቶሳ ሃዋሬታ ሚሳታናስ ባርካ ባና ላሚዛ ዎርዳንቻ ሃዋሬታኔ ባሌሲዛ አሳንቻታ። 14 ሄሲካ ዳር ማላሲሲዛዚ ጊዴና። 9ላዔይካ ባና ፖዎ ኪታንቻ ሚሳቲሲዲ ላሜቴስ። 15 ሄሳ ጊሽ ሄይቲ 9ላዔ አሳንቻቲ ሃንኮ ዲሎ አሳንቻታ ሚሳታናስ ባርካ ባናቴሳ ላሚኮ አይኮካ ማላሲሲና። ወርሴሳን ኢስቲ ባ አሶ ዋጋ ኤካና።

**ጳውሎሲ ሃዋሬቴሳ ጊደን ቤዩዳ ዋዩ**

16 አናስካ ታኒ ኤያ ጊዲዳዚ ሚሳቶፖ ጋዳ ቃሴካ ዮታዲስ። ታ ኢስታስ ኤያ ሚሳቲኮካ ጉሳ ዎዴስ ታ ጨቁታና ማላ ታና ኢንቴ ኤያ ማላ ቆዲቴ። 17 ታኒ ሄሳሶ ዱና ኩንሳ ሃሳዩዛይ ጎዳ ሺኔ ማላ ጊደንታ ኤያ አሳ ማላ ጊዳዳ። 18 ዳርቲ ባ አሾ ቆፋን ጨቁቲዛይሳሶ ታካ ጨቁታና። 19 ኢንቴ ቃስ ዩሺ ቆፕዛይታ ጊዲዳ ማላ ሃንኮ ኤያታ ኡፋይሳናስ ዳንዳዬታ። 20 ሄሳሶካ አኒካ ኢንቴና ባሲ አይሌስኮኔ አኒካ ኢንቴና ቦንቂኮ። አኒካ ኢንቴናን ጎዔቲኮ። አኒካ ኢንቴና ሌቂኮ። አኒካ ኢንቴስ ሻጋላን ባቂኮ ኢንቴ ዳንዳዬታ። 21 ኢዚ ታና ዩላሲዛዚ ጊዲኮካ ሃይታ ሃ ሃኖታ አሳናስ ኑኒ ሚኖ ጊደንታይሳ ታኒ ኢንቴስ ቆንጨሳይስ።

ጊዶ አቲን አኒካ ጨቁታናስ 9ሊኮ ታካ ኢዛሶ 9ላዳ ጨቁታና። ታኒ ሄሳ ጊዛይ ሃሲካ ኤያ ጊዳዳ። 22 ሄይታንቲ ኢስቲ ኢብራዌ አሳቴ? ታካ ኢብራዌ! ኢስቲ ኢስራዔሌ አሳቴ? ታካ ኢስራዔሌ አሳኮ! ኢስቲ ኢብራሃሜ ዜሬሳቴ? ታካ ኢብራሃሜ ዜሬሲኮ! 23 ሄይታንቲ ኪርስቶሳ አሳንቻቴ? ታኒ ቃስ ኢስታፌ ቦላራ ኪርስቶሳስ አሲዛዴ። ታ ሄሳሶ ጊዛይ ጎሻ ማላ ጊዳዳኮ! ታኒ ኢስታፌ ዳር ዎዴ አሶን ዳቡራዲስ፤ ዳር ዎዴ ቃሼታዲስ፤ ዳር ዎዴ ጋራፌታዲስ፤ ዳር ዎዴ ሃይቆስ ጋካዲስ። \*

24 ሄሹ ታማኔ ኡዱፋን ፀርቃፌ ኢቻሹቶ አይሁዳታን ጋራፌታዲስ። \* 25 ሄሹቶ ዱርቃን ቡኬታዲስ፤ ኢሲቶ ሹቻን ጫዴታዲስ፤ ሄሹቶ ማርካቤ ጊደን ታ ቦላ ሜቶይ ጋኪዴስ፤ ኢሲ አማርሲኔ ኢሲ ጋላስ አባ ጊደን ጋምዳዲስ። \* 26 ታ ሃሙሳ ዳር ጋሶን ሃሳ ኪዛይኔ ዲዎይ፣ ፓንጋታ፤ ሜቶይ ታና ጋኪዴስ። ታ ቆሞ አይሁዳ አሳፕኔ አይዘቤታፕ ዋዩይኔ ሜቶይ ታና ጋኪዴስ። ካታማንካ ባዞንካ አባ ቦላንካ ታና ሜቶይ ጋኪዴስ፤ ሄሳሶካ ዎርዶ አማኒዛይታፕ ሜቶይ ታና ጋኪዴስ። \* 27 ዳር አሳ ዳቡራዲስ፤ ዳር ዎዴ ዲስካቤኬ፤ ጋፋኒኔ ሃሳ ሳሞን ዋዩታዲስ፤ ዳር ዎዴ ሚዛ ካሲ ታስ ዳዩዴስ፤ ሜጎይኔ ካሎቴስ ታና ጋኪዴስ። 28 ታኒ ሃራ ሚሺ ቆፖንታ፣ ጋላስ ጋላስ ታና ቆፕሲዛይ ዎሳ ኬሳታ ኡባ ጊሽ ቆፕርዛ ቆፋ። 29 ኢሲ አሲ ዳቡሪሺን ታኒ ኢዛራ ዳቡርንታ አይዴ አጋዲና? ኢሲ አሲ ናጋራን ኩንዲሺን ታ ቃሴ ኢዛ ሃንቁቶንታ አይዴ አዳ ኤራዚና?

30 ጨቁታናስ ኮሺዛዛ ጊዲኮ ታ ጨቁታናይ ታ ዳቡራንቻ ጊዲዳይሳ ታና ቤሲዛ ሚሻን ጨቁታይስ። 31 ሜርናስ ጋላቴቲዳ ጎዳ ዩሱስ ኪርስቶሳ አዋ ዶሲ ታ ዎርዶቶንታይሳ ኤሬስ። 32 ታኒ ዴማስቆ ካታማን ዲሺን ካዎ አርሲዶሲዮሳፕ ጋርሳራ ዴሬ አይሲዛይሲ ታና አይካናስ ኮይዲ ሄ ካታማ ፕንጌታ ዛቤታን ናጊሲዴስ። 33 ጊዲኮካ አሳይ ታና ኬሺን ዩጊዲ ሄ ካታማ ጊንቤ ማስኮቴራ ዱጌ ዎሲ ዩዲን ኬሳ ኤካ አታዲስ።

**ጳውሎሲ ቤዩዳ አጁታ**

1 ጨቁቴሳን አይኔ ጎዳይ ባይንዳ አጊኮካ ጨቁታናስ ኮሺኮ ጎዳይ ታስ ቆንጨሲ ኢሚዳይሳኒኔ ኢዚ ቤሲዳ አጁታን ታ ጨቁታና። 2 ኪርስቶሳስ ጊዲዳ ኢሳዴ ታ ኤራይስ። ሄ አይዘቤ ታማኔ አይዱ ሳይሳፌ ካሴ ሄሻንሶ ሳሎ ኤኬቲ ቤዴስ። (ኢዚ ኤኬቲዳይ ባ አሾራ ጊዲን ዎይኮ አሾራ ጊደንታ አጊን ኤሪኬ ሺን ዶሲ ቃሴ ኤሬስ።)

3 ጊዲኮካ ኢዚ ባ አሾዛራ ቢን ዎይኮ ሜላ ቢን ታ ኤሪኬ። ዶሲ ቃሴ ኤሬስ። 4 ኢዛዴይካ ፑዴ ጋናቴ ኤኬቲዲ አሳ ቃላን ቆንጨሳናሲኔ አሲ ጋናስ ዳንዳዮንታዝ ኢዚ ሲይዴስ። 5 ታኒ ሄሳ ማላ አሳን ጨቁታይስ። ታ ሁዔስ ጊዲኮ ታ ዳቡርሳፌ ሃራ ታ ኢዛን ጨቁታና ሚሺ ታስ ዴና። 6 ሂስቲን ታኒ ቱማ ሃሳዩዛ ጊሽ ጨቁታናስ ኮይኮካ ታ ኤያ ጊዲኬ። ጊዶ አቲን አኒካ ታ ቦላ ባ ቤዩዛዛፕኔ ታፕ ሲዩዛይሳፌ ቦላራ ቆፖንታ ማላ ጋዳ ጨቁታናፕ ናጌታይስ።

\* 11:9 ፒሊ 4:15-18 \* 11:23 ሃዋ 16:23 \* 11:24 ዛሬ 25:3 \* 11:25 ሃዋ 14:19፤ 16:22 \* 11:26 ሃዋ 9:23፤ 14:15



7 ሃይታ ታስ ቆንጫዳ ጊታ ሃኖታ ጋሶን ታኒ ኦቶሬቶንታ ማላ ታ አሳቴስ አጉንሳ ማላ ጫዲዛ ሳኮይ ታስ ኢሜቲዴስ። ሄሲካ ሃላጫፔ ኪቴቲዲ ታና ጫቻን ዋይሲዲ ታ ጩቁቶንታ ማላ ዲጌስ።  
 8 ሃይሲ ታና ዋይሲዲይሲ ታፔ ኪቻና ማላ ታኒ ጎዳ ሄቩቶ ዋሳዲስ። 9 ጊዶ አቲን ጎዳይ ቃሴ “ታ ዎልቃይ ኩሜስ ጊዲ ቆንጫናይ ኔ ዳቡርሳን ጊዲዳ ጊሽ ታ ኪያቴላ ኔስ ጊዳና” ጊዴስ። ሄሳ ጊሽ ኪርስቶሳ ዎልቃይ ታ ቦላ ጊዳና ማላ አይ ዎዴፔካ ቦላራ ታኒ ዳቡርሺን ሄ ዎዴ ኡፋይሳን ጩቁታናስ ደሳይስ። 10 ታኒ ዎልቃ ዴሚዛይ ዳቡሪዛ ዎዴ ጊዲዳ ጊሽ ታ ኪርስቶሳ ጊሽ ዳቡርሺን፣ ጫዶቲሺን፣ ሜቶቲሺን፣ ጎዴቲሺን፣ ሙዞቲሺን ታና ኡፋይሴስ።

**ቆሮንቶሴ አሳ ጊሽ ጳውሎሳ ቆፋ**

11 ታኒ ኤያ አሳ ማላ ሃሳያዲስ! ታኒ ሄሳሶ ሃሳያና ማላ አሲዳይ ኢንቴናኮ! ኢንቴ ታና ጋላታናስ ቤሴሲኮ ሺን ታ አናኮኔ ኤሬቶንታዴ ጊዲኮካ ሃንኮ ጊታ ጌቴቲዳ ሃዋሬታፔ ታኒ አዛንካ ጉቧኬ።  
 12 ታኒ ቱሙ ሃዋሬ ጊዲዳይሳ ኤሪሲዛ ሃኖቲ ታ ኢንቴናራ ዳሼ ዳንዳያን ፖሊዳ አሶታ። ሄይቲካ ማላታታ፣ ጊታ ኦራሳ ሚሼታኔ ማላሊሲዛ አሶታ። 13 ታኒ ኢንቴስ ቶሆ ጊዶንታ አጎሪፔ አቲን ሃንኮ ሃራ ዎሳ ኪሳታፔ ኢንቴና አዛን ፓጫሳዲና? ሄሲካ ዋሮ ጊዲኮ ኢንቴ ታና ማሪቴ።

14 ታኒ ሄ ኢንቴኮ ባናስ ጊጌቲሺን ሃይሲ ሄቫንሶ። ታኒ ኢንቴስ ቶሆ ጊዳናስ ኮዬኬ። ታኒ ኢንቴና ኮያይስ አቲን ኢንቴ ሚሻ ኮዬኬ። አዋቲ ናይታስ ሚሻ ሺሼቴስ አቲን ናይቲ አዋታስ ሚሻ ሺሺ ኤሬቴና። 15 ታኒ ኢንቴ ጊሽ ታናካ ታስ ዲዛዛ ዉርሳ ኢንቴስ አሳ ኢሚዳኮ ታና ዳሮ ኡፋይሴስ። ሂስቲን ታኒ ኢንቴና ሃይሳ ማላ ዳሮ ሲቂሺን ኢንቴ ቃስ ታና ዋኒ ጉሳራ ሲቂቴ?

16 አይ ጊዲኮካ ታ ኢንቴስ ቶሆ ጊዳቤኬ ሺን ኢንቴስ ታ ኢንቴና ሮጌ ጌኔን ባሌሳ አይኪዳዚ ሚሳቴስ። 17 ታ ኢንቴኮ ኪታ ዩዲዳ አሳታፔ ኢሳዴ ባጋሪካ ኢንቴፌ ጎጫታዲና? 18 ቲቶሲ ኢንቴኮ ባና ማላ ታ ኢዛ ዎሳዲስ። ሄሳ ኑ ኢሻዛካ ኢዛራ ጋሳ ዩዳዲስ። ሂስቲን ቲቶሲ ኢንቴፌ አይኮ ጎጫቲዴ? ታኒኔ ኢዚ ኢንቴስ አሲዳይ ኢሲ ዎዝናን ጊዴኔ? ካሴ ኑ ሃኖይ ኢሲ ማላ ጊዴኔ?

19 ኢንቴ ዉሪካ ሃሲ ጋካናስ ቆፒዛይ ኑ ኢንቴ ሲንሳን ኑና አሻናስ ሃኒዛ ሚሻ ማላ ያሌቲ? ኑኒ ኪርስቶሳን ጊዲዲ ኢንቴስ ዮቲዛይሲ ዎሳ ሲንሳና። ታ ሲቆቶ! ኑ ሃይሳ ዉርሲ ዮቲዛይ ኢንቴና ጎጫስ ጊዲኮ! 20 ታኒ ሄ ቢዛ ዎዴ አኔ ኤሪዛይ ኢንቴ ታ ኮይዳ ማላ ሃኖንታ አጊኮ ታካ ኢንቴ ኮዬዛ ማላ ጊዶንታ ዳሼ ጋጌታኔሻ ጋዳ ሂርጋይስ። ሄሳሶካ ኢንቴ ጊዶን አሺ፣ ቃናቴቴላ፣ ሃንቆይ፣ ዙፔቴላ፣ አሳ ሱንሳ ኢሶይ፣ ዚጊርሲ፣ አቶሬቴላኔ ካቺ ዱስ አጌና ጋዳ ሂርጋይስ። 21 ታኒ ቃሴካ ሄ ኢንቴኮ ቢሺን አኔ ኤሪዛይ ታ ጎዳይ ታና ኢንቴ ሲንሳን ካዉሻንዴ ጋዳ ሂርጋይስ። ሃይሳፌ ካሴ ናጋራ አሲዲ ሄ አሲዳ ቴናቴሳን፣ ላይማኒኔ ሮጌ ሜላ ዩዳ ዱሳስ ማሮቴሳን ጌሎንታ አሳታ ጋሶን ታ ሙዞቴሳን ዎዳንዲና ጋዳ ሂርጋይስ።

13

**ዉርሴሳ ዞሬኔ ሳርካ**

1 ሂስቲኮ ታኒ ኢንቴኮ ቢሺን ሃይሲ ታስ ሄቫንሶ። አይዴካ ጊዲን ዮዶይ ሚኒዛይ ናምዑ ማርካን ዎይኮ ሄቩ ማርካና። \* 2 ኢንቴና ቤያናስ ታ ናምግንሶ ቦይሳን ታ ኢንቴናራ ዳሼ ኢንቴ ናጌታና ማላ ታ ኢንቴስ ሚንሳ ዮታዲስኮሺን፤ ሃሲካ ቃሴ ሃሆን ዳዳ ሃይሳፌ ካሴ ናጋራ አሲዳይታሲኔ ሃንኮይታስ ሚንሳ ዮታይስ። ሃሲ ታ ኢንቴኮ ሄ ሲማ ቤኮ ኢስታፌ አናስካ ሚሼቲኬ። 3 ሄሲካ ቃሴ ታናን ጊዲዲ ኢንቴስ ዮቲዛይ ኪርስቶሳ ጊዲዳይሳ ኢንቴ ሻኪ ኤራናስ ኮዬዛይሳ ቤሴስ። ኢንቴ አቻን ዲዛ ኪርስቶሲ ዎልቃማ አቲን ላፋ ጊዴና። 4 ኢዚ ማስቃሌ ቦላ ካቂቲዲ ዳቡራን ሃይቂኮካ ሃሲ ቃስ ዎሳ ዎልቃን ፓዓ ዴስ። ኑካ ኢዛራ ላፋታ ጊዲኮካ ኢንቴ ጊሽ ጊዲ ዎሳ ዎልቃን ሚኒ ዴስ።

5 ኢንቴ አማኖን ሚኒ ዲዛኮኔ ኤራናስ አኔ ኢንቴርካ ኢንቴና ፓጫ ያሊቴ። ዮሱስ ኪርስቶሲ ኢንቴናን ዲዛይሳ ሻኪ ኤሪቤይኬቲ? ሄሳሶ ሃኖንታ አጊኮ ኢንቴ ፓጩን ኩንዲዴታ ጉሳ። 6 ኑኒ ፓጩን ኩንዲዴታይሳ ኢንቴ ሻኪ ኤራና ጋዳ ሂዶታ አሳይስ። 7 ኢንቴ ኢታ ሚሺ አሶንታ ማላ ኑኒ ዎሴ ዎሶስ። ኑኒ ዎሲዛይካ ኑ አይኮካ ዳንዳዩዛይታ ጊዶንታ አጊኮካ ኢንቴ ኡባ ዎዴ ሎዎ አሶ አሳናፔ አቲን ኑ ጎባቴላ ኢንቴና ቤሳናስ ጊዴና። 8 ኑኒ ቴማቴሳስ አሶስ አቲን ቴማፔ ካሬራ አይኮካ አሳና ዳንዳዮኮ። 9 ኑኒ ዳቡራንቻታ ጊዲን ኢንቴ ቃስ ሚኖታ ጊዲሺን ኑና ኡፋይሴስ። ኑ ዎሳይ ኢንቴ ቦላ ዎሶይ ባይንዳይታ ጊዳና ማላሳ። 10 ታኒ ሃይሳ ኢንቴስ ዮዲዛ ኪታዛ ኢንቴፌ ሃካ ዳሼ ዓሬዳይ ሄሳ ጊሻሳ። ሄሳ ማላን ታ ኢንቴኮ ቢዛ ዎዴ ታስ ጎዳይ ኢሚዳ አዋቴሳን ታ ኢንቴና ዋይሲኬ። ጎዳይ ታስ አዋቴሳ ኢሚዳይ ኢንቴና ሚንሳናስ አቲን ላላናስ ጊዴና።

11 አኔ ሃሲ ታ ኢሻቶ! ሳር ዲቴ፤ ኢንቴ ዱሳ ሎዴላቴ፤ ታ ኢንቴና ዞርይሳ ካሊቴ፤ አሳይ ኢሶይ ኢሳራ ሲጌቲቴ። ሳርን ዲቴ፤ ሲቆኔ ሳር ጎዳይ ኢንቴናራ ጊዳና። 12 ሲቆ ዮሬቴስ ዮሬቲዲ ኢሶይ ኢሳራ ሳርኬቲቴ።

13 አማኒዛ አሳይ ዉሪካ ኢንቴና ሳር ጌስ። 14 ጎዳ ዮሱስ ኪርስቶሳ ኪያቴላ፣ ዎሳ ሲቆይኔ ያሎ አያና ኢሲፌቴስ ኢንቴናራ ኡባታራ ጊዶ።

\* 13:1 ዛሬ 17:6፤ 19:15

**ጳውሎስ  
ጋላቲያ አሳስ  
ፃፊዳ ኪታ  
ጊዶ ቆፋ**

ዮሴብ አሺዛዴ ጊዳዳይሳ ዮቲዛ ሚሺራቾ ቃላይ ኡባሶን አይዛቤታስ ሳባኪቲን አሳይ አማኒ አማኒ ዳሪሺን “አማኒዛዴ ጊዳናስ ካሴ ሙሴ ዎጋ ፖሊ ናጋናስ ኮሺዜዬ? ኮሺኔ?” ጊዛ አይሾይ ዴንዲዴስ። ቁሪ ኢሲያ ጌቲዛሶን አሮሜ ካዎይ ሃሪዛሶን ጋላቲያን ዲዛ አማኒዛ አሳ ጋርሳን “አሲ ያሳ አቻን ሂሎ ጊዳናስ ዮሴብን አማኖ ፃላላ ጊዶንታ ሙሴ ባጋራ ኢሜቲዳ ዎጋዛ ፖሎ ኮሺስ” ጊዲ ጳውሎሳራ ኤቁቲዛይቲ ዴቲስ።

ጳውሎስ ቃስ ጋላቲያ ኪታ ፃፊዳይ ሃይሳ ሃ ቲሚርቲዛን ባሌቲዳ አሳቲ ቱማ ቲሚርቲቲኔ ቱማ አማኖኮ ዛራናሳ። ጳውሎስ ዮሴብ ኪርስቶሳ ሃዋሬ ጊዳዳይሳ ቆንጨሴሳን ዶሜስ። ኢዛ ሃዋሬቲስስ ሄይጊዳይ ያሳ አቲን ኢዚ አሳ ሄይሳን ኪቲቶንታይሳኔ ቃስ ኢዚ ኪቲቲዳይ አይሁዳ አሳኮ ጊዶንታ አይዛቤታስ ጊዳዳይሳ ወርሲ ቢርሽ ዮቲስ። ወርሴሳ ሺዎፖታ ጋርሳን አማኖ ዱሲ ዮሴብ አማኖን ቤቲዛ ሲቆፔ ጊዳዳይሳ ሎኔሴ ዮቲስ።

**ሃ ማፃፋይ አይኪዳ ኩሜሳ ቆፋ**

ጌሎሶ 1:1-10

ጳውሎሳስ ኢሜቲዳ ሃዋሬቲስስ ማታ 1:11-2:21

ያሳ ኪያቲሳ ሚሺራቾ ቃላ 3:7-4:31

አማኒዛይታ ጎቃቲሴኔ አማኖ 5:1-6:10

ኩሻ ቆፋ 6:11-18

1 አሲ ኪቲዳዴ ጊዶንታ ዮሴብ ኪርስቶሳ ሃይቆፔ ዴንሴዳ ኢዛ አዋ ያሳፌ ኪቲቲዳ ጳውሎሳፔ።  
2 ታናራ ዲዛ ኢሻታ ኡባፌ ጋላቲያን ዲዛ ዎሳ ኪሳታስ። 3 ኑ አዋ ያሳፌ ጎዳ ዮሴብ ኪርስቶሳፔ ያሳ ኪያቲሴኔ ሳርይ ኢንቲስ ጊዶ። 4 ኑ አዋ ያሳ ሺኔ ጊዲን ኢታ አላሜዛፔ ኑና አሻናስ ባና አሴ ኢሚዳይሳስ። 5 ሜርፔ ሜርና ጋካናስ ኢዛስ ቦንቾይ ጊዶ።

**ሚሺራቾ ቃላይ ሜዒ ኢሲኖ**

6 ኢንቲ ኪርስቶሳ ኪያቲሳን ሄይጊዳይሳ አጋጊዲ ሃራ ዱማ ሻኮ ሚሺራቾ ቃላኮ ሲሚዳይሲ ታና ዳሮ ማላሲሴስ። 7 ታ ሄሳ ጊዳ ጋሶይ ኢንቲና ባሌሳዛይቲኔ ኪርስቶሳ ሚሺራቾ ቃላ ሚርቁዛ ኢሲ ኢሲ አሳቲ ዲዛ ጊሻሳ፤ ቱማ ጊኮ ሚሺራቾ ቃላይ ኢሲኖ ፃላ። 8 ጊዶ አቲን ኑና ጊዲን ዎይኮ ሳሎ ኪታንቻ ጊዲንካ ኑ ኢንቲስ ሳባኪዳ ሚሺራቾ ቃላፔ ሃራ ዱማ ሚሺራቾ ቃላ ሳባኪኮ ሄሳዴይ ሜርናስ ቃንጌቲዳዴ ጊዶ። 9 ታ ካሴ ጊዳ ማላካ ሃሲካ ዛራዳካ ካሴ ኢንቲ ኤኮ ሚሺራቾ ቃላፔ ሃራ ዱማ ሚሺራቾ ቃላ ሳባኪኮ ኢዛዴይ ሜርናስ ቃንጌቲዳዴ ጊዶ ጋይስ።

10 ሃሲ ታ አሲ ታና ኤሮሾ! ሃሹ ጋና ማላ ኮያዚና? ያሲ ሃሹ ጋና ማላ ኮያዚና? ዎይኮ አስ ኡፋይሳና ኮያዚና? ታ አስ ኡፋይሳና ኮያዚኮ ኪርስቶሳ አሳንቻ ጊዲኔ።

**ያሲ ጳውሎሳ ሄይጊዴስ**

11 ታ ኢሻቶ! ታ ኢንቲስ ሳባኪዳ ሚሺራቾ ቃላይ አሳ አሶ ጊዶንታይሳ ኢንቲ ኤራና ማላ ኮያይስ።  
12 ሃይሳ ሃ ሚሺራቾ ቃላዛ ዮሴብ ኪርስቶሲ ታስ ቆንጨሴዴስ አቲን ታ አናፔካ ኤካቤኪ፤ ዎይኮ አኒካ ታና ታማርሲቤና።

13 ታኒ ካሴ አይሁዳታ አማኖን ዋና ዲዛኮኔ ያሳ ዎሳ ኪሴ ታ አይ ማላ ጎዲዳኮኔ ቃሴ ሙሴ ዳይሳናስ ታ አይ ማላ ዳፌቲዳኮኔ ኢንቲ ሲዴዴታ። \* 14 ካሴ ታ ዲዛ ዎዴን ዲዛ ዳሮ አይሁዳ አሳታ ዳሮታፔ አማኖን አዳይስ። ካሴ ኑ አዋታ ዎጋ ናጋናስ ዳሮ ዳፌታይሲሺን። \*

15 ጊዶ አቲን ካሴ ኮይሮ ታኒ ታ አይ ኡሎን ዲሺን ባሲ ዶሪዲ ባ ኪያቲሳን ታና ሄይጊዳ ያሳይ  
16 አይዛቤታ ጊዶን ኢዛ ናዛ ጊሽ ታ ሳባካና ማላ ባ ናዛ ታናን ቆንጨሳናስ ዶሲዳ ጊሽ ታ አና አሳራካ ዞሬታቤኪ። 17 ታፔ ካሴ ሃዋሬ ጊዳዳይታኮ ዮሩሳላሜ ባቤኪ ሺን አማኒዳ ማላ ሄራካ አራቤ ቢታ ባዲስ፤ ሄፔካ ዳማስቆ ሲማዲስ። 18 ሄፔካ ሄሹ ላይሳፌ ጉዬ ጴፅሮሳራ ጋጋናስ ዮሩሳላሜ ባዲስ። ኢዛራ ጋጋዳ ታማኔ ኢቻሹ ጋላስ ጋካናስ ሄን ጋምዳዲስ። \* 19 ጊዶ አቲን ጎዳ ኢሻ ያቆቤፔ አቲን ሃዋሬታፔ አናካ ቤያቤኪ።

20 ሃይሳ ታ ኢንቲስ ፃፊዳይሳን ታ ዎርዶ ሃሳኖንታይሳ ያሳ ሲንሳን ዮታይስ። 21 ሄሳፌ ጉዬ ጌዴ ሶሪያኔ ኪሊቂያ ጌቲቲዛ ዴሬ ባዲስ። 22 ዮሁዳ ዴሬን ዲዛ ኪርስቶሳን አማኒዛ አሳይ ታና ቤይቤና።  
23 ጊዶ አቲን “ቤኒ ኑና አማኖ ጊሽ ጎዲ ዳይሳና ኮያዚ አዴዚ ሃሲ ሄ አማኖ ዛሪ ሳባኪስ” ጊዛ ዎሬ ፃላ ሲዴዳ። 24 ሄ አሳይ ታ ጋሶን ያሴ ጋላቲዴስ።

2

**ጳውሎሳ ሃዋሬቲ ሞኪ ኤኪዳ**

\* 1:13 ሃዋ 8:3፤ 22:4-5፤ 26:9-11 \* 1:14 ሃዋ 22:3 \* 1:18 ሃዋ 9:26-30

1 ታማኔ አይደሉ ላይሳፌ ጉዩ ቃሴካ ዩሩሳላሜ ባደሰ፤ ሄ ዎዴ ባርናባሳራ ዳይስ፤ ቲቶሳካ ታናራ ኤካ ባደሰ። \* 2 ታስ ቆንጩዳ ጊሽ ሄ ባደሰ። አይዛቤታ ጊዶን ታ ሳባኪዛ ሚሺራቾ ቃላካ ኢስታስ ዮታዲስ። ጊዶ አቲን ታ ካሴ ሜላ ዎዲዳኮ ጋዳኔ ቃሴካ ሲንሳፌ ጮ ሜላ ዎዶንታ ማላ ሂርጋዳ ዋናቲዛይታስ ዱማ ኤሪሳዲስ። 3 ሃራይ አቶሺን ታናራ ዲዛ ቲቶሲ ኢዚ ጊሪኬ አስ ሺን ኢዚ ቃግሬታና ማላ ዎልቃሴቤቴና። 4 ሃይሲ ሃ ዮዎዚ ዴንዲዳይ ኢሲ ኢሲ ዎርዶ አማኒዛይቲ ኑኒ ዩሱስ ኪርስቶሳን ዴሚዳ ጊሻቴላ ዩዩ ዩዩ ፓጩ ቤያናሲኔ ኑና አይሌቴላን ዛሪ ጌልሳናስ ሎዳራ ኑኮ ሳሊ ጌሊዳ ጊሻሳ። 5 ሃይታ ሄ አሳታስ ኑኒ ኢሲቶካ ሃራቲቤኮ። ሄሲካ ኢንቴ ሚሺራቾ ቃላ ቱማቴላን ኤቂ ዳና ማላ ጊዲኮ።

6 ዋና ሚሳቲዛ አሳቲ ታስ አይኮካ ሚሳቴቴና፤ ዎሲ አሳ አይፌሶ ቤዩዲ ማዶ አሊ ኤሬና። ሄይቲ ሄ አሳቲ ታ ኪቲዛ ዮዎታስ ታስ አይኮካ ጉጂቤቴና። \* 7 ጊዶ አቲን ጴጅሮሲ ቃግሬቲዳይታስ ሚሺራቾ ቃላ ሳባካናስ ሃዳራ ኤኪዳይሳ ማላ ታካ ቃግሬቶንታይታስ ሚሺራቾ ቃላ ሳባካናስ ሃዳራ ኤኪዳይሳ ኢስቲ ኤሪዳ። 8 ጴጅሮሲ አይሁዳታስ ሃዋሪ ጊዲ አሳና ማላ አሊዳ ዎሳይ ታካ አይዛቤታስ ሃዋሪ ጊዳ አሳና ማላ ታስ አሊዴስ። 9 ዋናቲ ያቆቤይ፤ ጴጅሮሲኔ ዮሃንሲካ ታስ ኢሜቲዳ ዎሳ ኢዋታ አኬኪዲ ታሲኔ ባርናባሳስ ባ ኡሻቻ ኩሼ ኢሚዳ፤ ሄሳፌ ጉዩ ኑኒ አይዛቤታስ ኢስቲ ቃስ አይሁዳታስ ቃላ ዮታናስ ቃላ ኤሮ ጊ ኤኪዳ። 10 ኢስቲ ኑስ ሃዳራ ጊዳይ ማንቆታስ ቆፋ ኑ አጎንታ ማላ። ታ አዋይካ ሄሳ አሳናሳ።

**ጳውሎሲ ጴጅሮሳ ቆጶዴስ**

11 ጴጅሮሲ አንዎኪያ ዩዳ ዎዴ ኤሬቲዳ ባላ አሊዳ ጊሽ ታ ኢዛ ቆንጩን ቆጶዴስ። 12 ኢሲ ኢሲ አሳቲ ያቆቤ አቻፌ ያናፔ ካሴ ጴጅሮሲ አይዛቤታራ ኢሲፌ ካስ ሚዛይሳ አጊዲ አሳቲ ዩዳፔ ጉዩ ቃግሬቲዳ አሳታስ ባቢዲ አይዛቤታፔ ሻኬቲዳ ጉዩ ጉዩ ጉሲ አይኪዴስ። 13 ባርናባሲካ ኢስታሶ ቆጶፔ ቆዋን ሃኖን ኤኬታና ጋካናስ ሃራ አይሁዳ ባጋፌ አማኒዳ አሳይካ ኢዛራ ኢሲፌቴዴስ። 14 ኢስታ አሶይ ሚሺራቾ ቃላ ቱማን ጊዶንታይሳ ታ ኤራዳ ኩሜሳ አሳ አቻን ጴጅሮሳ “ኔ አይሁዳ አስ ሺን አይዛቤታ ዎጋን አቲን አይሁዳታ ዎጋን ዳቤዩካ፤ ሂስቲን አይዛቤቲ አይሁዳታ ዎጋ ካላና ማላ አዛስ ዎልቃሳይ?” ጋዲስ።

15 “ኑኒ ኑ ዩሌቴላን አይሁዳታፔ አቲን አይዛቤታ ማላ ናጋራንቻ ጊዶኮ። 16 አሲ ዩሱስ ኪርስቶሳን አማኖን ሂላና አቲን ዎጋ ናጎን ሂሎንታይሳ ኑ ኤሮስ። ሄሳ ጊሽ ዎጋ ናጎን ጊዶንታ ኪርስቶሳ አማኖን ኑ ሂላና ማላ ኑካ ቃሴ ዩሱስ ኪርስቶሳ አማኒዶስ። ዎጋ ናጎን ኦኒካ ሂሌና። \*

17 ኑ ኪርስቶሳን ሂላና ኮይኮ ኑ ናጋራንቻታ ጊዲዳይሲ ቆንጩ ኤሬቲዴስ። ሂስቲን ኪርስቶሲ ናጋራይ ዳሪ ዳሪ ባና ማላ ኮዩኬ? ኮዩና። 18 ታኒ ላሊዳይሳ ዛራዳ ታርካ ታ ኩሼራ ኬዲኮ ታካ ዎጋ ዋሪዳዴ ጊዲዳይሳ አማኔታይስ። 19 ታኒ ዎሳስ ዳና ማላ ዎጋ ባጋራ ሄ ዎጋስ ሃይቃዲስ። 20 ታኒ ኪርስቶሳራ ካቂታዲስ፤ ሃይሳፌ ጉዩ ታኒ ታስ ዲኬ፤ ጊዶ አቲን ኪርስቶሲ ታ ጊዶን ዴስ። ሃዲካ ታ አሾን ዲዛ ዱሳይ ታና ዶሲዲ ባና ታ ጊሽ አሊ ኢሚዳ ዎሳ ና ቦላ ዲዛ አማኖን ዲዛ ዱሳ። 21 ታኒ ዎሳ ኪያቴስ ካዉሺኬ። ሂሎቴሊ ዎጋ ናጎን ቤቲዛ ሚሽ ጊዲኮ ኪርስቶሲ ሜላ ሃዳ ሃይቂዴስ ጉሳካ!”

**3**

**አማኖን ዱስ ዎይኮ ዎጋ ናጎ**

1 ኢንቴኖ ዩሺ ቆፖንታ ጋላቲያ አሳቶ! ኢንቴስ ባሌቶንታ ማላ ኢዛ ካቂቴላ ታ ኢንቴ ሲንሳን ሚሲሌ ማላ ጊጊሳ ቤሳዲስኮ ሺን ኢንቴና ኦኔ ቤቲዳይ? 2 ኢንቴ ሂሎ አያና ኤኪዳይ ዎጋ ናጎኔዩ? ሳባኬቲዳ ቃላ አማኖኔ? ታ ሃኖ ኢሲኒዮ ኢንቴፌ ኤራና ኮያይስ። 3 ኢንቴ ሄሳ ማላ ቆፒ ኤሮንታ አሴ? ዎሳ አያናን አይኪዳይሳ ዛሪዲ አሾ ሃኖን ፖላናስ ዋዩቴቲ? 4 ቱሙ ኢንቴ ሃኖ ጋካናስ ዳቡሪዳ ዳቡርሳይ ጮ ሜላ? ጮ ሜላ ጊዲኮ ሃዳ ዳቡሪዴታ። 5 ዎሲ ኢንቴስ አያና ኢሚዳይኔ ኢንቴ አቻን ማላታ አሊዳይ ኢንቴ ዎጋ ናጊዳ ጊሹዩ? ዎይኮ ኢንቴ ሲዩዳ ቃላን አማኒዳ ጊሹ?

6 አኔ ኢንቴ አብራሃሜ ጊሽ ቆፒቴ፤ ጊሻ ማፃፋን “ኢዚ ዎሴ አማኒን አማኖይ ኢዛስ ሂሎቴላን ቆዴቲዴስ” ጌቲቲ ሃፌቲዴስ። \* 7 ሄሳ ጊሽ አማኒዛይቲ አብራሃሜ ናይታ ጊዲዳይሳ ዎዝናን ዎሊቴ። \* 8 አይዛቤይ አማኖን አታናይሳ ኤሪዲ ዎሲ ካሴ ጊሻ ማፃፋን “ዴሬይ ዉሪ ኔ ባጋራ አንጄታና” ጊዲ ሚሺራቾ ቃላ አብራሃሜስ ዮቲ ዎሊዴስ። \* 9 ሄሳ ጊሽ አማኒዛይቲ ዉሪ አማኒዛ አብራሃሜራ ኢሲፌ አንጄቲዳይታ።

10 “ዎጋ ናጎን አማኔቲዛይቲ ዉሪካ ቃንጌላ ጋርሳን ዴቴስ። ዎጋ ማፃፋታን ሃፌቲዳይሳ ዉርሲ አሶንታዴይ ኢዚ ቃንጌቲዳዴ” ጌቲቲ ሃፌቲዴስ። 11 “ሂሎ አሲ አማኖን ዴዴስ” ጊዛ ጊሽ ኦኒካ ዎሳ ሲንሳን ዎጋን አቶንታይሲ ጊሻ። \* 12 ዎጋይ አማኖን ሃጲቤና። ጊዶ አቲን “ዎጋታ ዉርሲ ናጊዛዴይ ሄ ኢዚ ናጊዳይሳን ዴዎን ዳና” ጌቲቲዴስ። \*

13 “ሚላ ቦላ ካቂቲዛ አሲ ቃንጌቲዳዴ” ጌቲቲ ሃፌቲዳ ጊሽ ኪርስቶሲ ኑ ጊሽ ቃንጌቲዳዴ ጊዲዲ ኑና ዎጋ ቃንጌሳፌ ዎዚዴስ። \* 14 አብራሃሜስ ኢሜቲዳ አንጄይ ዩሱስ ኪርስቶሳ ባጋራ ዴሬስ ጋካና ማላ ኑና ዎዚዴስ። ሄሲካ ኑኒ አማኖን ሂሎ አያና ኤካና ማላ ሃኒዴስ።

\* 2:1 ሃዋ 11:30፤ 15:2 \* 2:6 ዛሬ 10:17 \* 2:16 ማዛ 143:2፤ አሮ 3:20፤ 22 \* 3:6 ሜዴ 15:6፤ አሮ 4:3 \* 3:7 አሮ 4:16 \* 3:8 ሜዴ 12:3 \* 3:11 ኢብ 2:4 \* 3:12 ሌዌ 18:5 \* 3:13 ዛሬ 21:23



**ዎጋኔ ሂደታ የቲዳ ቃላ**

15 ታ ኢሻቶ! እኔ ታ ኢንቴስ አሲ ባ ዱሳን ሃኒዛ ሚሽ ሌሚሶ ኢማይስ። ሃራይ አቶ ሺን አሲ ኢሲቶ ጫቂዳ ቃላ ኢሲቶ ጫቂዳ፤ ጉዩ አኒካ ሻራናስ ዎይኮ ሃራ ኢዛ ቦላ ጉጃና ዳንዳዮንታይሳ ማላ ሃይሲካ ሄሳ ማላ። 16 ያሲ አብራሃሜስ የቲዳ ቃላይ አብራሃሜሲኔ ኢዛ ዜሬሳሳ። ጌሻ ማፃፋይ ዳሮ አሳስ የቲዛ ማላ “ኢዛ ዜሬሳታስ” ጌና፤ ጊዶ አቲን ኢሲ አሳስ የቲቲዛ ማላ “ኔ ዜሬሳስ” ጌስ። ሄሲካ ኪርስቶሳ።

17 ታ ጊዛይካ ሃይሳ፤ አይዱ ዪታኔ ሄቸ ታሙ ላይሳፌ ጉዩን ኢሜቲዳ ዎጋይ ካሴቲዲ ያሲ ሚንሴዳ ጫቆዛ ላሊዲ ቡሮ ሃናና ሂደታ ቃላ ሻሬና። \* 18 ላታይ ዎጋን ሃኒዛኮ ሂደታ ቃላን ጌላናስ ኮሽና ሺን፤ ያሲ ባ ኪያቴላ ቃላን አብራሃሜስ ኢሚደስ። \* 19 ሂስቲን ዎጋይ አዛስ ኢሜቲዳ? ዎጋይ ኢሜቲዳይ አሳይ ዎጋ ዩዲ አዲዛ ጊሽ ሄ ኡፋይሳይ ቤሲዛ ዜሬሳይ ያና ጋካናሳ፤ ዎጋይ ዩዳይካ ኪታንቻታ ባጋራ ጋና ጊዲዛ ኢሳዴ ባጋራ ዩደስ። 20 ጊዲኮካ ጋናዚ ኢሳ ባጋ ዓላ ዪሊዛዴ ጊዴና። ያሲ ጊዲኮ ኢሳ ዓላ።

21 ሂስቲን ዎጋይ ሲንሳፌ ያሲ ዎሳና ቃላ ዲጊዛዜ? ሙሴካ ዲጊና። ዎጋይ ኢሜቲዳይ አሲ ኢዛን ዴዎ ዴማናስ ጊዲዳኮ ቱሙካ ዪሎቴላ ዎጋ ባጋራ ቤታናኮሺን። 22 ቃሴ ጌሻ ማፃፋይ ሃይሲ አላሜይ ወራካ ናጋራን ቃሼቲዳይሳ አዋጅስ። ሄሲካ አሲ ወራካ ዩሱስ ኪርስቶሳ አማኖን ቤቲዛ ሂደታይ አማኒዛይታስ ኡባስ ኢሜታናሳ።

23 ሃይሲ አማኖይ ያና፤ ካሴ ኑኒ ዎጋን ቃሼቲዲ ጎርዳን ዶስ። 24 ሄሳ ጊሽ ኑ አማኖን ዪላና ማላ ዎጋይ ኑና ኪርስቶሳኮ ጋሳናስ ናጊዛዴ ማላ ጊዲዲ ኑና ናጊዴስ። 25 ሃሲ ቃሴ ሄ አማኖይ ዩዳ ጊሽ ሃይሳፌ ጉዩ ኑኒ ዎጋ ጋርሳን ዶኮ።

**ዶሳ ናይታ**

26 ኢንቴ ወራካ ዩሱስ ኪርስቶሳ አማኖን ዶሳ ናይታ። 27 ኢንቴ ኪርስቶሳራ ኢሲኖ ጊዳናስ ግግቁቲዳይቲ ወራካ ኪርስቶሳ ማይዎ ማላ ማይዲዴታ። 28 ኢንቴ ወራካ ዩሱስ ኪርስቶሳን ኢሲኖ አቲን አይሁዳኔ ጊሪኬ፤ አይሌኔ ጎቃ፤ ማጫኔ አዴ ጊዛ ዱማቴላ ዴና። ኢንቴ ወራካ ዩሱስ ኪርስቶሳን ኢሲኖ። 29 ኢንቴ ኪርስቶሳይታ ጊዲኮ ኢንቴ አብራሃሜ ዜሬሳታ፤ ካሴ ኢሜቲዳ ሂደታ ቃላ ማላ ኢንቴ ላታናይታ። \*

**4**

1 ታ ጊዛይ ዩሎቲዳ ናይ ላታይ ኢዛስ ጊዲኮካ ኢዚ ቢዲ ላታና ጋካናስ አይሌፌ ዱማ ጊዴና። 2 ኢዛ አዋይ ጊዳ ዎዴይ ጋካናስ ኢዚ ባና ዲቸዛይታ፤ ታማርሲዛይታ ኩሼን ጋምዴስ። 3 ኑካ ካሴ አያና የቦስ ጉሳ ና ማላ ዲዛ ዎዴ ሃይሳ ሃ አላሜዛ ዎጋ ጋርሳን ሃራቲ ዴዲዶስ። 4 ጊዶ አቲን ካሴ ባ ቆፒ ዎሲዳ ዎዴይ ጋኪን ዶሳይ ማጫሳ፤ ዩሎቲዲ ዎጋ ናጊዳ ባ ናዛ ኑስ ዩዲዴስ። 5 ሄሲካ ኑኒ ኢዛ ናይታ ጊዳና ማላኔ ዎጋ ጋርሳን ዲዛይታ ዎዛና ማላ ሃኒዴስ። \*

6 ኢንቴ ኢዛ ናይታ ጊዲዳ ጊሽ ዶሳ “አቦ” ጊዲ ዪይጊዛ ባ ናዛ አያና ኑ ዎዝናን ዩዲዴስ። 7 ሄሳ ጊሽ ሃይሳፌ ጉዩ ኔ ና፤ አቲን አይሌ ጊዳካ። ኔኒ ና ጊዲዳ ጊሽ ያሲ ኔና ባይሳ ላቲዛዴ ሂስቲዴስ።

**ጋላቲያ አሳስ ጳውሎሳ ቆፋ**

8 ኢንቴ ያሴ ኤራና፤ ካሴ ያሴ ጊዶንታ ኡቃታስ አይሌታ። 9 ሃሲ ጊዲኮ ያሴ ኤሪዴታ፤ ቃሴካ ያሳን ኤሬቲዴታ። ሂስቲን ቃሴካ ጉዩ ሲሚዲ ጌዴ ጎዳይ ባይንዳ ጮ ዳቡሪሲዛ ቲሚርቲኮ ዋኒዲ ሲሚዴቲ? ሲሚዲ ቃሴካ አይሌቴላ ቃምባራን ዋዪታና ኮዩቲ? 10 ዱማ ጋላሳታ፤ አጊናታ፤ ዎዴታኔ ላይሳታ ኢንቴ ቦንቼታ። 11 ታ ኢንቴናራ ዳቡሪዳይሲ ጮ ሜላ ጊዳንዴ ጋዳ ባባይስ።

12 ታ ኢሻቶ! ታ ኢንቴና ሚሳቲዳ ማላ ኢንቴካ ታና ሚሳታና ማላ ታ ኢንቴና ዎሳይስ። ኢንቴ ታና አይኮካ ቆሂቤይኬታ። 13 ኢንቴ ኤሪዛ ማላ ታ ኢንቴስ ኮይሮ ሚሺራቾ ቃላ ሳባኪዳይ ሳኮ ጋሶና። 14 ታ ሳኮይ ኢንቴስ ሜቶ ጊዲንካ ታና ሳሎቲቤይኬታ ዎይኮ ታና ሃራሴቲቤይኬታ፤ ጊዶ አቲን ኢንቴ ታና ያሳ ኪታንቻ ማላኔ ሄሳፌካ ቦላራ ዩሱስ ኪርስቶሳ ማላ ሞኪ ኡኪዴታ።

15 ሂስቲን ሃሲ ሄ ኢንቴ ኡፋይሳይ አዋ ቢዴ? ኢንቴስ ሃኒዛዝ ጊዲዳኮ ኢንቴ ኢንቴ አይፌ ታስ ኪሲ ኢማናስ ጉዩ ጎንታይሳ ታ ኢንቴስ ማርካታይስ። 16 ታኒ ቱማ ኢንቴስ ኬሳ የቲዳ ጊሽ ኢንቴስ ሞርኬ ጊዳዲናሻ?

17 ሄይቲ አሳቲ ኢንቴና ባኮ ኤካናስ ዳቡራቴስ አቲን ሎዎስ ዳቡራቴና። ኢስቲ ኮይዛይ ኢንቴና ኑ፤ ሻኪዲ ባ አስ ሂስታናሳኮ! 18 ሎዎስ ሚንዳቴላ ሎዎ፤ ሄሲካ ሃናናስ ቤሲዛይ ኡባ ዎዴ ጊዲኮፌ አቲን ታ ኢንቴናራ ዲዛ ዎዴ ዓላ ጊዶ። 19 ታ ናይቶ ኪርስቶሲ ኢንቴ ዎዝናን ዓፌቲን ታ ቤያና ጋካናስ ኢንቴ ጊሽ ታ ሚፃታይስ። 20 ታ ኢንቴ ጊሽ ቆፋን ሜቶታይስ። ታ ዳንዳይዛኮ ሃሲ ኢንቴ ጊዶን ቤታዳ ኢንቴና ሎዴላ ታማርሲዛኮ አይ ማላ ዶሳዚና!

**አጋርኔ ሳራ ሌሚሴቲስ**

21 ኢንቴና! ዎጋ ጋርሳን አቃና ኮይዛይቶ እኔ ታስ የቲቲ፤ ዎጋይ አይ ጊዛኑኔ ሲይቤይኬቲ? 22 አብራሃሜስ ኢሶይ አይሌፌ ኢሶይ ቃስ ጎቃይፌ ዩሎቲዳ ናምዑ ናይቲ ዲዛይሲ ጌሻ ማፃፋን ዓፌቲዴስ። 23 አይሌፌ ዩሎቲዳ ናዚ አሻ ዎጋ ማላ ዩሎቲዴስ። ሃንኮ ጎቃይ፤ ዩሎቲዳይሲ ኡፋይሳ ቃላ ማላ ዩሎቲዴስ።

24 ሃይቲ ናምዑ ማጫሳቲ ናምዑ ጫቆታ ቤሲዛይታ ጊዲዳ ጊሽ ሃይሲ ሌሚሶስ ኢሜቲዴስ። ኮይሮ ጫቆያ ሲና ዙማ ቦላ ጊዳሼ አይሌቴላስ ጊዲዛ ናይታ ዩሊዛሮ፤ ኢዛካ አጋሮ። 25 ሄሳ ጊሽ

\* 3:17 ኪሳ 12:40 \* 3:18 አሮ 4:14 \* 3:29 አሮ 4:13 \* 4:5 አሮ 8:15-17



አጋራ አራቤ ቢታን ዲዛ ሲና ዙማ ጊሽ ጊዳዳ ሃሲ ዲዛ ዩሩሳላሜ ካታማዮ ሚሳታወስ፤ ኢዛ ባ ናይታራ አይሌቴሳን ዳወስ።<sup>26</sup> ፑዴ ቦላ ሳሎን ዲዛ ዩሩሳላሜይ ጊዲኮ ጎቃ ጊዳዳ ዳወስ፤ ኢዛካ ኑ አዮ።<sup>27</sup> “ኔኒ ዩሎንታ ማካራዬ ኡፋዮታ! ሃኔ ሚገታ ኤሮንታሬ! ‘ኢሊሊ’ ጋ ዋሳ፤ አዚናይ ዲዛሪፕ አዚናይ ባይንዳሪ ናይቲ ዳሪዳ” ጌቴቲ ጌሻ ማግፋን ገፊቲዴስ። \*

<sup>28</sup> ሄሳ ጊሽ ታ ኢሻቶ! ኢንቴካ ዩሳቃ ማላ ኡፋይሳ ቃላ ናይታኮ።<sup>29</sup> አሾ ሽኔ ማላ ዩሌቲዳይሲ አያና ዎልቃን ዩሌቲዳይሳ ጎዲዴስ፤ ሃሲካ ጎዴሶን ዴስ። \*<sup>30</sup> ጊዶ አቲን ጌሻ ማግፋይ ቃሴ አይ ጊዜ? “አይሌዮ ኢዚ ናዛራ ዲጋ፤ አይሌ ናይ ጎቃይ ናራ ላቴና” ጌስ። \*<sup>31</sup> ሄሳ ጊሽ ታ ኢሻቶ! ኑኒ ጎቃይ ናይታ አቲን አይሌ ናይታ ጊዶኮ።

5

<sup>1</sup> ኑና ኪርስቶሲ ጌሺዳይ ኑኒ ጌሻቴሳን ዳናሳ። ሄሳ ጊሽ ሚኒ ኤቂቴ፤ ናምዓንሉ አይሌቴሳ ቃምባራን ጌሎፕቴ።<sup>2</sup> ታ ኢንቴስ ጊዛይሳ ዎዝናን ዎሲቴ፤ ኢንቴ ቃግሬታና ኮይኮ ኪርስቶሲ ኢንቴና አይኔ ጎዴና ጋዳ ታ ጳውሎሲ ኢንቴስ ዮታይስ።<sup>3</sup> ቃግሬታና ኮይዛይቲ ወሪ ዎጋ ወርሲ ፖላናይሲ ዶሳ ጊዶንታይሳ ታ ኢንቴስ ኢሳስ ኢሳስ ቆንጮን ዮታይስ።<sup>4</sup> ኢንቴሞ! ዎጋ ናጎን ጊላና ዋይቲዛይቶ፤ ኢንቴ ኪርስቶሳፕ ሻኬቲዴታ፤ ኢዛ ኪያቴሳፊካ ሃኪዴታ።<sup>5</sup> ኑ ቃስ ኡፋይሳ ናጊቲዛ ጊሎቴሳ ዶሳ አያና ባጋራ አማኖን ላሞቴሳን ናጎን ዶስ።<sup>6</sup> አሲ ዩሱስ ኪርስቶሳን ዲኮ ቃግሬቲን ዎይኮ ቃግሬቶንታ አጊን አይኔ ጎዴና፤ ጎዳይ ዲዛይ ሲቆን ቆንጪዛ አማኖን ገላ።

<sup>7</sup> ካሴ ሎዎ ዎሳ ዎዴታ ሺን፤ ሃሲ ኢንቴስ ዱጴ ጊዲዲ ቱማስ ኢንቴ አዛዜቶንታ ማላ ኢንቴና ዲጊዳይ አኔ? <sup>8</sup> ሄሳ ማላ ባሌሶይ ኢንቴና ያይጊዳ ዶሳሬ ጊዴና።<sup>9</sup> “ጉላ ኢርሾይ ሊዬ ወርሲ ዴንሴስ” ጌቴቲዛ ማላ። \*<sup>10</sup> ኢንቴስ ሃራ ቆፋይ ዴና ጋዳ ታኒ ጎዳን አማኔታይስ፤ ኢንቴስ ቲኪ ጊዛዝ አሲዛይ አና ጊዲኮኔ ኢዚ ባ ፐርዳ ኤካና።

<sup>11</sup> ታ ኢሻቶ! ሃኖ ጋካናስ ታ ሳባኪዛይሲ አሲ አታናስ ቃግሬታና ቤሴስ ጊዛዝ ጊዲዳኮ ሂስቲን ሃኖ ጋካናስ አዛስ ታና ጎዲዞ? ሄሳ ማላ ጊዲዳኮ ኪርስቶሳ ማስቃሌይ አሳስ ዱጴ ጊዴናኮሺን።<sup>12</sup> ኢንቴስ ቲኪ ጊዛዝ አሲዛ አሳቲ ጮ ዎጋራ ቃግሬቴስ አጊዲ ሙሌራ ቃንጊ ዩጌቶ።<sup>13</sup> ታ ኢሻቶ! ኢንቴ ጌሻቴሳስ ያይጌቲዴታ፤ ኢንቴ ኢንቴ ጌሻቴሳ ዛሪዲ ኢንቴስ አሾ አሞ ፖላናስ ጎዴቶፍቴ። ሄሳሬ ኢንቴ ኢንቴ ጋርሳን ሲቆን ኢሶይ ኢሳ ማይቴ።<sup>14</sup> ዎጋይ ወሪ ሺቂቲዲ ኢሲ ቃላን ቃሺቴስ፤ ሄሲካ “ኔኒ አሴ ኔ ማላ ዶሳ!” ጊዛይሳ። \*<sup>15</sup> ጊዶ አቲን ኢንቴ ኢሶይ ኢሳራ ሳዬቲዛይታ ጊዲኮ ኢንቴ ኢንቴ ጋርሳን ወሮንታ ማላ ናጊቲቴ።

አያናን ሲሜሬቴስ

<sup>16</sup> ሄሳ ጊሽ ታ ኢንቴና አያናን ሲሜሬቴቴ፤ ቃሴካ አሾ አሞካ ፖሎፕቴ ጋይስ።<sup>17</sup> አሾይ አያናይ ኮዮንታዝ አሞቴስ። አያናይካ አሾይ ኮዮንታዝ አሞቴስ፤ ሃይቲ ኢሶይ ኢሳራ ባ ጋርሳን ኢዲቲዛ ጊሽ ኢንቴ ኢንቴ ኮይዳ ማላ አሴኬታ። \*<sup>18</sup> ኢንቴ አያናን ዲዛይታ ጊዲኮ ዎጋስ ሃራቲዛይታ ጊዴኬታ።

<sup>19</sup> አሾ አሶይ ቆንጮን ኤሬቴስ፤ ሄሲካ ላይማቴስ፤ ቴናቴስ፤ ላይማ ካስ።<sup>20</sup> ኤቃስ ጎይኖ፤ ቢታ፤ ኢዬቴስ፤ አሾ፤ ቃናቴቴስ፤ ሃንቆ፤ ባና ገላ ዶሶ፤ ሻኬቴስ፤ ዙፕቴስ።<sup>21</sup> ቃናቴቴስ፤ ማሶቴስ፤ አላሜ ዩሳ ዩዲኒኔ ሄይታንታ ሚሳቲዛይታ። ታኒ ኢንቴስ ካሴ ዮቲዳ ማላ ሃሲካ ኢንቴ ናጊታና ማላ ቆፊሳይስ። ሄሳ ማላ ዱስ ዲዛይቲ ወሪካ ዶሳ ካዎቴስ ላቴቴና።

<sup>22</sup> አያና አይሬይ ጊዲኮ ሲቆ፤ ኡፋይስ፤ ሳርቴስ፤ ዳንዳያ፤ ኪያቴስ፤ ሎዴቴስ፤ አማኔቴስ፤<sup>23</sup> አሽኬቴስ፤ ባርካ ባና ሃሮ፤ ሃይታንታ ማላ ዲጊዛ ዎጋይ ባዎ።<sup>24</sup> ዩሱስ ኪርስቶሳስ ጊዲዳይቲ አሾ ኢዛ ኢታ ቆፋራኔ ኢዛ ኢታ አሞቴሳራ ኢሲሬ ካቂዳ።<sup>25</sup> ኑ አያናን ዳና ኮይኮ አኔ አያናን ሲሜሬቶስ።<sup>26</sup> ኑኒ ኢሶይ ኢሳ ኢታስ ዴንሴሴሺኔ ቃናቴቴሺ ጮ ሜላ ጩቂቲዛይሳ አኔ አጎስ።

6

አስ ኡባስ ሎዎ አሶ

<sup>1</sup> ታ ኢሻቶ! ኢሲ አሲ ናጋራ አሲ ቤቲኮ ኢንቴ ቃስ አያናን ሎዎ ዲዛይቲ ኢዛ አሺኬቴሳራ ዛራናስ ቤሴስ፤ ጊዶ አቲን ኔካ ኢዛዴ ማላ ፓጩቶንታ ማላ ኔ ሁዴስ ናጊታ።<sup>2</sup> ኢንቴ ኢሶይ ኢሳ ዴዎ ቶዎ ቶኪቴ፤ ሄሳ ማላ አሶን ኪርስቶሳ ዎጋ ፖሌታ።<sup>3</sup> ኢሳዴይ አይኔ ሃኖንታ ዲሺ ባና ጊታሲዛ ሚሳቲኮ ሄሳዴይ ባርካ ባና ባሌሴስ።<sup>4</sup> ኢሲ ኢሲ አሲ ባ አሶ ባርካ ፓጩ ያሎ። ሄሳሬ ጉዩ ሃራ አሳራ ባና ጊናሶንታ ዲሺ ኢዚ ባና ጩቂሲዛዚ ዴማና።<sup>5</sup> ኢሲ ኢሲ አሲ ባርካ ባ ቶዎ ቶካናስ ቤሴስ።

<sup>6</sup> ቃላ ታማሪዛይ አኒካ ባ ታማሪዳ ሎዎ ሚሻ ባ አስታማሪዛራ ጊሺቶ።

<sup>7</sup> ባሌቶፍቴ ዶሲ ቂሊጫ ኤሬና። አሲ ባ ዜሪዳሮ ኢዞ ዛሪ ማግና።<sup>8</sup> ባ አሾ አሞ ኩንሳናስ ዜሪዛዴይ አሾፕ ዳይሲ ማግና። አያና ኡፋይሳናስ ዜሪዳዴይ ጊዲኮ አያናፕ ሜርና ዴዎ ማግና።<sup>9</sup> አኔ ኑ ሎዎ አሶ አሳናስ አዛሎኮ፤ ኑ ኡፋይሲ ቃንጎንታ አጊኮ ዎዴይ ጋኪሺን ጋኪዳ ካስ ኑ ማግና።<sup>10</sup> ሄሳ ጊሽ ኑስ ዳንዳይቲኮ አሳ ኡባስ ሃራፕካ አማኒዛ አሳስ አኔ ሎዎ አሶስ።

ወርሴሳ ዞሬኔ ሳርካ

\* 4:27 ኢሳ 54:1 \* 4:29 ሜዴ 21:9 \* 4:30 ሜዴ 21:10 \* 5:9 1ቆሮ 5:6 \* 5:14 ሎዌ 19:18 \* 5:17 ኦሮ 7:15-23

11 ታኒ ታ ኩሼራ ኢንቴስ አይ ማላ ጊታ ፒዳሌን ገሬዳኮኔ አኔ ዪሊቴ። 12 ጮ ካሬ ባጋራ ቤታና ኮዩዛ አሳቲ ኢንቴ ቃግሬታና ማላ ዎልቃሳና ኮዩቴስ። ኢስቲ ሄሳ አሲዛይ ኪርስቶሳ ማስቃሌ ጊሽ ጊዲ ጎዴቶንታ ማላሳ። 13 ኢስቲ ኢንቴ ቃግሬታና ማላ ኮዩዛይ ኢንቴ አሾን ጩቁታናስ ኮዩዛ ጊሽ አቲን ቃግሬቲዳይቲ ዎጋ ናጊዛይታ ጊዴቴና። 14 ቃሴ አላሜይ ታስ፤ ታካ አላሜስ፤ ካቁቲዳ ጎዳ ዩሱስ ኪርስቶሳ ማስቃሌን፤ አቲን ሃራን ጩቁይ ታ፤ ሃኮ። 15 ቃግሬቲን ዎይኮ ቃግሬቶንታ አጊን ኢዛስ ጎዳይ ባዎ። ጎዳይ አራሳ ሜዴቴስ ጊዴሳ። 16 ሃይሳ ሃ አዛዘዛ ካሊዛ ኡባታሲኔ ዎሳ ዴሬ ጊዲዳ ኢስራዬሌ አሳታስ ሳሮቴሲኔ ማሮቴስ ጊዶ።

17 ታኒ ዩሱሳ ማላታ ታ አሳቴሳን ቶካዲስ፤ ሄሳ ጊሽ ሃዲ ታና አኒካ ዎይሴና።

18 ታ ኢሻቶ! ጎዳ ዩሱስ ኪርስቶሳ አዶ ኪያቴሲ ኢንቴናራ ጊዶ! አሚን።

ጳውሎስ  
ኤፌሶስ አሳስ  
ገጽ ቆፋ

ጳውሎስ ኤፌሶስ አሳስ ገጽ ቆፋ ሃራፕካ ካሴቲዲ ኢዚ ሎዔሲ ዓሊዛይ “የሳ ሼኔይ ፖሌታናይ ሳሎኒኔ ሳግን ዲዛ ሜዴቴላቲ ወሪካ ኢሲፌ ኢሲ ኪርስቶሳ ጎዳቴላ ጋርስ አዲዛ ዎዴይ ጋኪሺና” (1:10) ጊዛ ቆፋ ቦላ። ቃሴካ ጎዳ ዮሱስ ኪርስቶሳ ኢሲፌቴላን አሳ ዜሬሲ ወሪካ ኢሲኖ ጊዳና ማላ ሃይሳ ጊታ ቆፋ አሶን ፔይሻና ማላ ያሳ ዴሬዛ ቆፕሲዛዛ።

ኤፌሶስ ኪታን ኮይሮ ኪፊሌዛ ገጽ ቆፋ ኢሲፌቴላ ጊሽ ዶሚዲ አይፌ ዮዎዛ አሲዲ ያሳ አዎይ ዴሬዛ ዎስቲ ዶሪዳኮ። ባ ናዛ ዮሱስ ኪርስቶሳ ባጋራ ኢስቲ ባ ናጋራፔ ማሮቴሳ ዴሚዲ ዋኒ አቲዳኮኔ ያሳ ጊታ ሂዶታ ቃላይ ዒሎ አያና ባጋራ ዋኒ ቆንጫዳኮ ኤሪሴስ። ናምግንሶ ኪፊሌዛን ቃሴ ገጽ ቆፋ ናባቢዛይቲ ኢሲፌቴላ ዴዎን ኪርስቶሳን ኢስታስ ዲዛ ኢሲፌቴላይ ቱሙ ጊዳና ማላ ኢስቲ ዋኒ ዋኒ ዴግናኮኔ ኢስታ ቆፕሲዛዛ።

አሳይ ኪርስቶሳን ዲዛ ኢሲፌቴላን አይ ማላ ኢሲፌቴላ ኢስታስ ዲዛኮኔ ዱማ ዱማ ሃሳያ ቆዎታን ቆንጫዴስ። ዎሳ ኪሲ ኪርስቶሳ አሳቴሳ ጊዲሺን ኪርስቶሲ ቃስ አሳቴሳስ ሁዔ ማላ። ዎሳ ኪሲያ ጊምቤ ኪሳ ማላ ጊዲሺን ኪርስቶሲ ቃስ ኪሳስ ዴንቆሼን ኡቲዛ ሹቻ ማላ። ዎሳ ኪሲያ ማቺ ማላ ጊዲሺን ኪርስቶሲ ቃስ አዚና ማላ። ገጽ ቆፋ ኪርስቶሳ ባጋራ ቆንጫዳ ያሳ ኪያቴላ ኬሂ ዶቂሲ ዮቲዛ ዎዴ ጫማቴላ ዲዛ ቃላን ዮቴስ። ኡባ ሚሼካ ኢዚ ዓሊዛይ ኪርስቶሳ ሲቆን። ኢዛ ያርሼቴላን። ኢዛ ማሮቴላን። ኢዛ ኪያቴላን። ኢዛ ሳሮቴላ ባጋራኮ!

ሃ ማግፋይ አይኪዳ ኩሜሳ ቆፋ  
ጌሎሶ 1:1-2  
ኪርስቶሳን ዎሳ ኪሴ 1:3-3:21  
ኪርስቶሳን ጊዲዳ አራሳ ዴዎ 4:1-6:20  
ኩሻ ቆፋ 6:1-24

1 ያሳ ሼኔ ማላ ዮሱስ ኪርስቶሳ ሃዎሬ ጊዲዳ ጳውሎሳፔ። ዮሱስ ኪርስቶሳን ዲዛ አማኒቲዛይታስ ኤፌሶስን አማኒዛ አሳስ። \* 2 ኑ አዎ ያሳፊኔ ጎዳ ዮሱስ ኪርስቶሳፔ ኪያቴላኔ ሳሮቴላ ኢንቴስ ጊዶ።

ኪርስቶሳፔ ቤቲዛ አያና አንጆ

3 ኑ ጎዳ ዮሱስ ኪርስቶሳ ባጋራ ሳሎን አያና አንጆ ኡባን ኑና አንጆዳ ጎዳ ዮሱስ ኪርስቶሳ አዎይ ያሲ አንጆቶ። 4 ኑ ኢዛ ሲንሳን ጌሺኔ ዎሶይ ባይንዳይታ ጊዳና ማላ ቡሮ አሳሜይ ሜዴታናፔ ካሴ ባ ሲቆን ኪርስቶሳ ባጋራ ኑና ዶሪዴስ። 5 ዮሱስ ኪርስቶሳ ባጋራ ኑ ኢዛ ና ጊዳና ማላ ባ ሎዎ ቆፋን ኮይሮ ወርሲ ዎሲዴስ። 6 ሄሲካ ባ ዶሲዛይ ባጋራ ሙ ሜላ ኑስ ኢሜቲዳ ቦንቾ ኪያቴላይ ጋላቴታና ማላ።

7 ያሳ አይ ኪያቴላ ዱሬቴላፌ ዴንዶይሳን ዮሱሳ ሱሳን ዎዜቲዲ ናጋራፔ ኑ ማሬቲዶስ። \* 8 ኢዚ ባ ኪያቴላ። ሂላቴላኒኔ ኤራቴሳ ኡባን ኑ ቦላ ኬሂ ዳርሲዴስ። 9 ያሲ ቆፕሪዳ ፀራ ባ ቆፋ ኪርስቶሳ ባጋራ ባ ሎዎ ቆፋ ማላ ኑና ኤሪሲዴስ። 10 ቡሮፔ ዎዴ ወርሴሳን ሃናናስ ዲዛ ኢዛ ቆፋይ ሳሎ ቦላኔ ቢታ ቦላ ዲዛይታስ ኡባስ ሁዔ ጊዲዳ ዮሱስ ኪርስቶሳፔ ወርሲ ጋርስ አሳናሳ። 11 ወርሲካ ባ ሼኔ ማላ አሲዛ ኢዛ ሼኔን ኮይሮካ ኢዚ ቆፕ ዎሲዳይቲ ኑኒ ኢዛን ዶሬቲዶስ። 12 ኑኒ ካሴቲዲ ኪርስቶሳ ባጋራ ኤካና ጊዲ ኡፋይሳን ናጊዛይቲ ያሳ ቦንቾ ጋላታን ቆንጫሳናሳ።

13 ኢንቴካ ቃሴ ቱማ ቃሳ ሄሲካ ኢንቴና አሺዛ ሚሺራቾ ቃላ ሲይዲ ኪርስቶሳን አማኒዴታ። ኢዛ አማኒዲ ካሴ ኢሜታና ጌቴቲዳ ዒሎ አያና ማታሜን አታሜቲዴታ። 14 ሄ አያናዚካ ኢዛ ቦንቾ ጋላታን ቆንጫሳና ማላ ያሲ ኤራይስ ጊዲዳይታ ኡባታ ዎዛና ጋካናስ ኑ ሳታስ አይሶ።

ጋላታኔ ዎሳ

15-16 ሄሳ ጊሽ ኢንቴ ጎዳ ዮሱሳ አማኒዳ ጊሺኔ አማኒዛ አሳ ኢንቴ ሲቁዛይሳ ታ ሲዮሳፔ ሃ ሲሚን ኢንቴና ቆፕ ቆፕ ኤካዳ ታኒ ታ ዎሳን ኢንቴ ጊሽ ያሳስ ጋላታ ሺሾ አጋቤይኪ። 17 ቦንቾ አዎ ጊዲዳ ኑ ጎዳ ዮሱስ ኪርስቶሳ አዎ ያሳ ኢንቴ ሎዔሲ ኤራና ማላ ቆንጫሲዛ አያናይኔ ኤራቴላ አያናይ ኢንቴስ ኢሜታና ማላ ታ ኢንቴስ ፓጩይ ባይንዳ ዎሳይስ። 18 ሄሳሳካ ኢንቴ ኢዛን ዒይጌቲዳ ኡፋይሳይ ሄሲካ አማኒዛይታ አቻን ዲዛ ኢዛ ዱሬቴላይ አዛኮኔ ኢንቴ ኤራና ማላ ኢንቴ ዎዛና አይፌይ ፖሃና ማላ ዎሳይስ።

19-20 ኑስ አማኒዛይታስ ኡባፌ ቦላ ጊዲዳ ኢዛ ዎልቃ ዶቃቴሳ ኢንቴ ኤራና ማላ ታ ዎሳይስ። ሄ ዎልቃይካ ኢዛ ጊታቴላ ሚኖቴላ አሶን ቤሲዳይሲ ሃይቆፔ ኪርስቶሳ ዴንሳዲ ሳሎን ባ ኡሻቻን ኡቲሲዳ ኪርስቶሳ ባጋራ። \* 21 አይሲዛይታፔ። ጎዳቴላፔ። ዎልቃፌ ካዎቴላፌ ቃሴካ ሃዲ ያላ ጊዶንታ ቡሮፔ ያና ዎዴካ ጊዲን ሱንሳ ኡባፌ ኢዚ ቦላ። 22 ያሲ ሃራ ወርሲ ኢዛ ቶዎፔ ጋርሳን

\* 1:1 ሃዎ 18:19-21 \* 1:7 ቆላ 1:14 \* 1:19-20 ማዛ 110:1

ሃሪሲዴስ። ዎሳ ኬሳንካ ኡባ ቦላ ሁጫ አሲዴስ። \* 23 ዎሳ ኬሲያ ኪርስቶሳ አሳቴላ። ሄ ኢዛካ ኡባባን ኡባ ሚሽ ኩንሲዛ ሄ ኢዛ ኩሜላ።

2

**ኪርስቶሲ ፓጊ ዴንዲዴስ**

1 ኢንቴ ኢንቴ ቆሂዳ ቆሆ ጊሺኔ ኢንቴ ናጋራ ጋሶን ሃይቂዴይታ ሸን። 2 ሄሳ ኢንቴ ሃይሳ አላሜዛ ኢታ ኦጌ ካሊዴታ። ቦላ ጫርኮ ቦላ ዲዛ ዎልቃማ ሃሪዛይሳስ ሃሪካ ያሳስ አዛዜቶንታ አሳ ቦላ አሲዛ ኢታ አያናስ ኢንቴ አዛዜቲሼ ጋምዲዴታ። 3 ሃይሳፌ ካሴ ኑኒ ኑ አሾ አሞቴስ ፖሊሼ አሾይ ኮዬዛ ኦጌ ካሊሼ ኢስታራ ዶስ። ኑኒካ ሃንኮ አሳ ማላ ኑ ሜዴቴላፌ ያሳ ሃንቆ ጊዶን ዴዎስ። 4-5 ጊዶ አቲን ያሲ ኬሂ ሲቂዳ ጊሽ ባ ማሮቴላ ዳሮን ኑኒ ኑ ቆሆ ዳሬቴላን ሃይቂዳይታ ጊዲ ዲሺን ኪርስቶሳ ባጋራ ኑና አሺዴስ። ኢንቴ ፓጊዳይ ኢዛ ኪያቴላና። 6 ያሲ ኑና ኪርስቶሳ ጋሲ ዴንሲዴስ። ዩሱስ ኪርስቶሳ ባጋራ ኑና ሳሎን ባናራ ኡቲሲዴስ። 7 ሄሲካ ሃይሳፌ ጉዩ ያና ዎዴዛን ዩሱስ ኪርስቶሲ ኑስ ባ ኪያቴላን ቆንጨሲዳ ዛዋይ ባይንዳ ባ ኪያቴላ ዱሬቴላ ኑና ቤሳና። 8 ኢንቴ ያሳ ኪያቴላን አማኖን አቲዴታ። ሄሲካ ያሲ ኢንቴስ ሜላ ጮ ኢሚዳዛፔ አቲን ኢንቴ አሶፔ ጊዴና። 9 ኦኒካ ጨቆቶንታ ማላ አሶፔ ጊዴና። 10 ሄሲካ ያሲ ካሴ ኮይሮ ጊጊሲ ዎሲዳ ሎዎ አሶ ኑኒ አሳና ማላ ዩሱስ ኪርስቶሳ ባጋራ ኑኒ ናምዓንሶ ሜዴቴዳይታኔ ያሳ ሜዴቴላታ።

**ኪርስቶሳን ቤቲዳ ኢሲፌቴስ**

11 ሄሳ ጊሽ ኢንቴ ካሴ ኢንቴ ዩሌቴላን አይዛቤቲ ኢንቴ አሳቴላ ቦላ አሳ ኩሼ አሶ ጊዶን “ኑኒ ቃግሬቲዶስ” ጊዛ አሳቲ ኢንቴና “ቃግሬቶንታይታ” ጊዛይቶ! ኢንቴ ሄሳ አኔ ዎዝናን ዎሲቴ። 12 ኢንቴ ሄ ዎዴ ኪርስቶሳፔ ሻኬቲዲ፣ ኢስራዴሌ ናይታፔ ሃኪዲ፣ ጫቆ ቃላሲካ አላጋ ጊዲዲ፣ ሃይሳ አላሜዛ ቦላ ሂዶታይኔ ያሲ ባይንዳ ኢንቴ ካሴ ዲዛይሳ ዩሼ ቆፒቴ። 13 ሃሪ ቃሴ ኢንቴ ካሴ ሃሆን ዲዛይቲ ዩሱስ ኪርስቶሳን ጊዲዲ ኢዛ ሱላ ባጋራ ሸቂዴታ። 14 ናምዓታ ኢሲ ቦላ ጋሲዲ ጊዶን ሻኪ አሸዛ ሚሻ ላሲዳ ኑ ሳሮይ ኢዛ። 15 ዎጋ፣ ዎጋ አዛዞራ ጋሲ ኢሲፌ ባ አሾን ሻሪዴስ። ሄሳ ኢዜ አሲዳ ጋሶይ ኢዛስ ዋና ቆፋይ ናምዓታፔ ኢሲ አራሳ አስ ባ ባጋራ ሜዲዲ ሳሮቴስ ኤሃናሳ። 16 ኢዜ ማስቃሴ ቦላ ሃይቂዲ ሞርኬቴስ ዲጊዴስ። ናምዓታካ ኢሲ አሾ ሂስቲዲ ያሳራ ማቃዩንሲዴስ። \* 17 ኢዜ ዩዲ ኢንቴና ሃኪ ዲዛይታሲኔ ማታን ዲዛይታስ ጋሲ ሳሮቴስ ሳባኪዴስ። \* 18 ኑ ወሪካ ኢዛ ባጋራ ኢሲ አያናን አዋ አሾ ሸቃና። 19 ሄሳ ጊሽ ኢንቴ አማኒዛይታራ ኢሲፌ ኢሲ ዴሬ አሳኔ ያሳስ ሶ አሳ አቲን ሃይሳፌ ጉዩ ቤቴታኔ ኢማሳታ ጊዴኬታ። 20 ኢንቴ ሃዋሬታኔ ናቤታ ባሳን ኬዌቲዴታ፤ ኬሳስ ወርሲሳ ኩሻይ ዩሱስ ኪርስቶሳ። 21 ኬሳዚ ወሪካ ኢሲፌ አይኬቲዲ ጎዳስ ዱማ ኬሴ ጊዳናስ ዲጩስ። 22 ኢንቴንካ ያሲ ባ አያናን ዳናስ ኢዛስ ዱሳሶ ጊዳና ማላ ኢሲፌ ኬዌቲሼ ዴታ።

3

**አይዛቤታስ ሃዋሬ ጊዲዳ ጳውሎሳ**

1 ሄሳ ጊዶን ታ ጳውሎሲ ኢንቴስ አማኖንታይታ ጊሽ ዩሱስ ኪርስቶሲ ቃቺዳዴ ጊዳዲስ። 2 ታ ኢንቴና ጎዳና ማላ ያሲ ኪያቴላን ታስ አሶስ ኤዳ ኢሚዳይሳ ኢንቴ ቴማፔ ሲዩዴታ። 3 ሃይሳፌ ካሴ ታ ኢንቴስ ቃንሳራ ገሬዳ ማላ ታስ ቆንጨን ታ ኤራናስ ዳንዳዩዳ ፀራይ ሃይሳ። 4 ሄሳ ጊሽ ኢንቴ ሄሳ ናባቢሼ ኪርስቶሳ ፀራ ታ አይ ማላ ኤራዳኮኔ ኢንቴካ ኤራናስ ዳንዳዩታ። 5 ሄ ፀራይካ ሃሪ አማኒዛ ሃዋሬታሲኔ ናቤታስ ቆንጨዳ ማላ ካሴ ቤኒ አዲዳ ዎዴ ዲዛ አሳታስካ ቆንጨቤና። 6 ሄሲ ሄ ፀራይ አይዛቤቲ ሚሺራቾ ቃላ ባጋራ ኢስራዴሌ ናይታራ ኢሲፌ ላቲዛይታ፤ ኢሲፌ ኢሳዴ አሳቴስ ማላ ጊዲዲ ዩሱስ ኪርስቶሳ ባጋራ ቤቲዳ ሂዶታ ኢሲፌ ጊሼቲ ላቲዛይታ ጊዳናሳ። 7 ታካ ኢዛ ዎልቃ አሶ ማላ ታስ ኢሜቲዳ ያሳ ኪያቴላ ኢሞታ ማላ ሃይሳ ሚሺራቾ ቃላ አሳንቻ ጊዳዲስ። 8 ታ ቃስ ሃንኮ አማኒዛ አሳፔ ላፋ ጊዲኮካ ኦኒካ ዛዋይ ባይንዳ ኪርስቶሳ ዱሬቴስ አይዛቤታስ ሳባካና ማላ ያሳ ኪያቴላን ሃይሲ ታስ ኢሜቲዴስ። 9 ሄሳሳካ ወርሲካ ሜዲዳ ያሳን ቤኒ ዎዴ ቆቴቲ ዲዛ ያላሳስ ፀራ ቆፋይ አዛኮኔ ኡባስ ታ ቆንጨሳና ማላ ታስ ያሳ ኪያቴሲ ኢሜቲዴስ። 10 ኢዛ ቆፋይ ሃሪ ዎዴ ዎሳ ኬሳ ባጋራ ዱማ ዱማ ሜዳይ ዲዛ ያሳ ሂላቴሲ ሳሎን ዲዛ ሃላቃታሲኔ ጎዳታስ ኤሬታና ማላ ሃኒዴስ። 11 ያሲ ኑ ጎዳ ዩሱስ ኪርስቶሳ ባጋራ ሃይሳ ፖሊዳይ ሜርና ባ ቆፋ ማላ። 12 ኑኒ ኢዛይታ ጊዲዳ ጊሺኔ ኢዛን አማኒዳ ጊሽ ጌሻቴላራኔ ሂርጋይ ባይንዳ ኑኒ ያሳኮ ሸቃና ዳንዳዩስ። 13 ሄሳ ጊሽ ኢንቴ ቦንቼታና ማላ ታኒ ኢንቴ ጊሽ ታ ቦላ ጋኪዳ ዋዩዛን ኢንቴ ኡፋይስ ቃንዎንታ ማላ ታ ኢንቴና ሃዳራ ጋይስ።

**ኤፌሶስን አማኒዛ አሳስ ዎሴቲዳ ዎሳ**

14 ሄሳ ጊሽ ታኒ ያሳ ሲጎሳን ጉልባታይስ። 15 ሳሎን ዲዛይኔ ቤታ ቦላ ዲዛ ኢዛሶ አሳይ ወሪካ ኢዜ ሱንሲን ሱሜስ። 16 ኢንቴ ጋርሳ ባጋራ ሚናና ማላ አያና ባጋራ ኢዛ ቦንቾ ዱሬቴላይ ኢንቴስ ኢሜታና ማላ ታ ዎሳይስ። 17 ሄሲካ ኪርስቶሲ ኢንቴ ዎዝናን አማኖን ዳና ማላኔ ቃሴካ ኢንቴ ኢዛን ገጲዲ ሲቆን ሚናና ማላ። 18 ኪርስቶሳ ሲቆስ አሆቴላይ፣ አዱሳቴላይ፣ ጶቃቴላይ፣ ጨማቴላይ አይ ጊናኮ ኢንቴ አማኒዛ አሳ ኡባራ ኢሲፌ ሻኪ ኤራና ማላ። 19 ኢንቴ ያሳ ኩሜሳራ ሻኪ ኤራዲ ኢዛን ኩሜስ ጊዳና ማላ አሳ ኤራፔ ቦላ ጊዲዳ ኪርስቶሳ ሲቆ ኢንቴ ኤራና ማላ ታ ዎሳይስ።

\* 1:22 ማዛ 8:6 \* 2:16 ቆላ 1:20 \* 2:17 ኢሳ 57:19



20 ሄሳ ጊሽ ኑ ጊዶን አሲዛ ባ ዎልቃ ጊና ኑ ዎሲዛይሳፌኔ ዎይኮ ኑ ቆፒዛይሳፌ ኡባፌ ቦላራ ኬሂ ዳርሲ አሳናስ ዳንዳይዛ ያሳስ። 21 ዎሳ ኬሳን ቃሴካ ዩሱስ ኪርስቶሳ ባጋራ ዎዴ ኡባን ሜርናፕ ሜርና ጋካናስ ኢዛስ ቦንቾይ ጊዶ። አሚን።

4

ኪርስቶሳ ባጋራ ቤቲዳ ኢሲፌቴስ

1 ሄሳ ጊሽ ጎዳ ሱንሳን ቃሼቲዳ ታኒ ኢንቴ ዔይጌቲዳ ዔይሳስ ቤሲዛ ዱስ ዳና ማላ ኢንቴና ዎሳይስ። 2 ሙሌካ አሽኬታኔ ሹጎታ ጊዲቴ። ኢሶይ ኢሳራ ሲቆን ዲቴኔ ኢሶይ ኢሳ ዳንዳይቴ። \* 3 ሳርቴስ ኢሚዛ አያና ኢሲፌቴስ ናጋናስ ሚኒቴ። 4 ኢንቴ ዔይጌቲዳ ጋላስ ኢሲ ሂዶታኮ ዔይጌቲዳ ማላ ኢሲ አሳቴሴኔ ኢሲ አያናይ ዴስ። 5 ኢሲ ጎዳይ። ኢሲ አማኖይኔ ኢሲ ዒንቃታይ ዴስ። 6 ኡባፌ ቦላራ ጊዲዳይ። ኡባ ቦላ አሲዛይ። ኡባቦን ዲዛይ። ኡባስ አዋ ጊዲዳ ኢሲ ያሲ ዴስ። 7 ጊዲኮካ ኪርስቶሲ ኢማና ጊ ቃቺዳ ማላ ኑስ ኢሳስ ኢሳስ ዱማ ዱማ ኢሞቴሲ ኢሜቲዴስ። 8 ሄሳ ጊሽ

“ኢዚ ፑዴ ኬዚዳ ዎዴ ዲዎ ዲዒዴስ፤ አሳስ ኪያቴሳ ኢሞታ ኢሚዴስ”

ጌቴቲ ጌሻ ማፃፋን ፃፌቲዴስ። \* 9 ሂስቲን “ኢዚ ፑዴ ኬዚዴስ” ጉሲ ቃሴካ ዱጌ ቤታ ጋርስ ዎዲዴስ ጉስ ጊዶንታ አጊኮ ሄሲ አይ ጉሴ? 10 ኢዚ ዱጌ ጋርሴ ዎዲዳይሲ ኩሜስ አላሜ ሜዴቴስ ኩማና ማላ ሳሎፔካ ቦላ ኬዚዳይ ኢዛ።

11 ኢሲ ኢሲ አሳቲ ሃዋሬታ፤ ባጋቲ ናቤታ፤ ሃራቲ ሚሺራቾ ቃላ ሳባኬ፤ ባጋይቲ ቃሴ ሄሚዳይታኔ ታማርሲዳይታ ጊዳና ማላ ኢዚ ኢሞታ ኢሚዴስ። 12 ሄሲካ ኪርስቶሳ አሳቴስ ጊዲዳ ዎሳ ኬሲያ ኬዔታና ማላ አማኒዛይታ አማኖ አሶስ ጊጊሳናሳ። 13 ሄሲካ ሃናናይ ኑ ወሪካ ያሳ ና አማኖኒኔ ኢዛ ኤሮን ቤቲዛ ኢሲፌቴሳኮ ጋኪዲ ኩሜሳ አስ ጊዳናስ ኪርስቶሳን ኑኒ ኪርስቶሳኮ ኩሜሴኔ ፖሎ ጊዳና ማላ።

14 ሄሳ ጊሽ አባ ቦላ ዴንዲዛ ጎቴ ጫርኮይ ሄኔ ሃ ሾጩቺዛ ማላ ዱማ ዱማ ቲሚርቴ ጫርኮን አሳ ጌኔኒኔ ባሌሶን አኔ ኑኒ ሄኔ ሃ ጳንቄቲሼ ቄሪ ጉሳ ናይታ ማላ ሃኖኮ። 15 ሄሳሶ ሃኖ አጊዲ ቴማ ሲቆን ሃሳዩሼ ሁዔ ጊዲዳይሳኮ ሃኒዛዛን ኡባን አኔ ዲሞስ። ሄ ሁዔዚካ ኪርስቶሳ። 16 ኢዛ ጌዶን አሳቴሲ ወሪ ፃጳን አይኬቲዲ ኢሲ ኢሲ አሳቴሲ ባ አሶ አሲሼ ወሪካ ሲቆን ዲጩሴኔ ባናካ ሚንሴስ። \*

ፖዎ ናይታ ማላ ዱስ

17 አይዛቤታ ማላ ሙ ሜላ ቆፋን ሜላ ሲሜሬታናስ ኢንቴስ ቤሴና ጋዳ ታ ኢንቴና ዞራይስ። 18 ኢስታ ዎዝናይ ሙሚዳ ጊሺኔ ዩሺ ቆፖንታ ጊሽ ኢስታ ዎዝና አይፌይ ቆቂዴስ። ኢስቲ ያሳ ዴዎፔ ሻኬቲዳ። 19 ኢስታ ዎዝናይ ዶጩዳ ጊሽ ካሎይ ባይንዳ ባ ኮይዳ ማላ ባና ካልሶንታ አሞኒኔ ቱናቴሳን ዳናስ ዎጋይ ባይንዳ ኢታ አሶስ ባና አሲ ኢሚዳ።

20 ኢንቴ ቃሴ ኪርስቶሳ ሄሳ ማላን ኤሪቤይኬታ። 21 ኤ ቴሙካ ኢንቴ ኢዛ ጊሽ ሲዩዴታኔ ዩሱሳን ዲዛ ቴማ ኢዛፔ ታማሪዴታ። 22 ኢንቴ ካሴ ዲዛ ዱሳይ ባሌሲዛ አሞን ቂታቲዳ ጊሽ ካሴ ጩጋ አሳቴስ ኢንቴፌ ቃሪ ዩጋና ማላ ታማሪዴታ። \* 23 ቃሴካ ኢንቴ ቆፋይ አያናን አራዎ። 24 ቴሙ ጊሎቴሳኒኔ ጌሻቴሳን ያሴ ሚሳታና ሜዴቲዳ አራሳ አሳቴስ ማይዒቴ። \*

25 ኑ ወሪካ ኢሲ አሾ ጊዲዳ ጊሽ ዎርዶቴስ ዲጊዲ ኑኒ ኑ ጋርሳን ኢሶይ ኢሳራ አኔ ቴማ ሃሳዩስ። \* 26 ሃንቄቲቴ ሺን ናጋራ አሶፍቴ፤ ኢንቴ ሃንቆን ዲሺን አዋ አርሼይ ወሎፎ። \* 27 ፃላዔስ ሶሆ ኢሞፍቴ። 28 ካሴ ካይሶቲዛዴይ ሃይሳፌ ጉዩ ካይሶቶፓ። ጊዶ አቲን ሜቶቴቲዲ ኢዛ ዎሲዛይታስ ኢሚዛ ሚሽ ኢዛ ኩሼን ዳና ማላ ሎዎ ሚሽ ባ ኩሼራ አሲ ዴማናስ ዳቡ።

29 ኮሺዛ ማላ ሃንኮ ሲዩዛይታ ጎዒዛዚኔ ማዲዛ ቃላቴ አቲን ጎዶይ ባይንዳ ቃላይ ኢንቴ ዱናፕ ኬዞፓ። 30 ኢንቴ አታና ጋላሳስ አታሜቲዳ ያሳ ጊሎ አያና ሚሺሶፒቴ። 31 ጫሞ ዮዎ ወርሲ ሃንቆካ፤ ዩሎ፤ አሽ፤ ጫሼ፤ ቃሴካ ሃንኮ ሃራ ኢታቴስ ወርሲ ኢንቴፌ ዲጊቴ። 32 ኢንቴና ያሲ ኪርስቶሳ ባጋራ አቶ ጊዳ ማላ ኢንቴካ ኢንቴ ጋርሳን አቶ አቶ ጌቴቲቴ፤ ኢሶይ ኢሳራ ኪያታኔ ኢሶይ ኢሳስ ቃዴቲዛይታ ጊዲቴ። \*

5

1 ሄሳ ጊሽ ኢንቴ ዶሴቲዛ ናይታ ማላ ያሴ ሚሳቲቴ። 2 ኪርስቶሲ ኑና ሲቂዳ ማላ ቃሴካ ኑ ጊሽ ባና ሳዊዛ ያርሾ አስ ያሳስ ኢሚዳ ማላ ኢንቴካ ሲቆን ሲሜሬቲቴ። \*

3 ሳይማይ ዎይኮ ቴናቴሲ ዎይኮ ኡዜቴሲ ሙሌካ ኢንቴ ጊዶን ቤቶይ አቲን ዘጊርሲካ ሲዩቶፎ። ሄሳ ማላይ ጌሻ ያሳ አሳስ ቤሴና። 4 ኢንቴ ጋላታ ጋላቲዛይታ ጊዲቴ አቲን አሴ ዩላቺዛ ላፋ ሃሳይይ ሙ ኤያቴሳ ዮዶይ ኢንቴስ ቤሶንታ ጊሽ ሄሳ ማላይ ኢንቴ ጋርሳን ዶፖ። 5 ቃሴካ ኢንቴ ሳይማቲዛይታስ ዎይኮ ቴናታስ ዎይኮ ኡዜቴዛይታሲኔ ኤቃስ ጎይኒዛይታስ ኪርስቶሳ ካዎቴሳኒኔ ያሳ ካዎቴሳን ኢስታስ ላታሶይ ባይንዳይሳ ኢንቴ ኤሪቴ።

6 ኢንቴና አኒካ ዎርዶ ሃሳዩን ባሌሶፎ። ጋሶይካ ያሳ ሃንቆይ ኢዛስ አዛዘቶንታ ናይታ ቦላ ያናይ ሃይታንታ ማላና። 7 ሄሳ ጊሽ ሄሳንታ ማላራ ዙፕቶፒቴ። 8 ካሴ ኢንቴ ዱማ ሺን ጎዳን ሃዒ ኢንቴ

\* 4:2 ቆላ 3:12-13 \* 4:8 ማዛ 68:18 \* 4:16 ቆላ 2:19 \* 4:22 ቆላ 3:9 \* 4:24 ቆላ 3:10 \* 4:25 ዛካ 8:16 \* 4:26 ማዛ 4:4 \* 4:32 ቆላ 3:13 \* 5:2 ኬሳ 29:18፤ ማዛ 40:6

ፖፖ። ኢንቴ ፖፖ ናይታ ማላ ዲቴ። 9 ፖፖስ አይፌይ ሎጫቴላን፣ ሂሎቴላን፣ ቱማቴላን ኡባን ዴስ።

10 ሄሳሶካ ጎዳ ኡፋይሲዛ ሚሽ ኮዩቴ። 11 አይፌይ ባይንዳ ዱማ አሶራ ኢንቴስ አይኮ ጋንቴሲ ዶፖ። ሄሳፌ ኢታ አሶ ቆንጩ ኬሲቴ። 12 ዱማን ዲዛ አሳቲ ጊማን አሲዛ ሚሻ ጊሽ ሃሳያይካ ዩላቸስ። 13 ፖፖይ ፖግዳዚ ወሪ ቆንጩን ቤቴስ። 14 ጋሶይካ ወርሲ ቤሲዛይ ፖፖ። ሄሳ ጊሽ “ኔኖ፣ ዲስኪዛይሶ ቤጋ! ሃይቆፕ ዴንዳ፣ ኪርስቶሲ ኔስ ፖግሳና” ጌቴቴዴስ።

15 ሄሳ ጊሽ ኡራቴሲ ባይንዳይታ ማላ ጊዶንታ ኢንቴ ዋኒዲ ኡራታ ማላ ዳናኮኔ ናጌቴቴ። 16 ሃይሲ ዎዴዚ ኢታ ጊዲዳ ጊሽ ሄሳ ሎጫ ኡሪቴ። \* 17 ሄሳ ጊሽ ኡያታ ጊዶፕቴ፣ ጎዳ ሼኔይ ዳዛኮኔ ዩሺ ቆፕቴ።

18 አያናይ ኩሚዳይታ ጊዲቴ አቲን ማሶሲዛ ኡሻን ማሶቶፍቴ። ሄሲ ሜላ ሚሻ ላሌላ። 19 አያና ዩላን ጋላታራ ጋሲ ዩሻሼ ኢንቴ ጊዶን ኢሶይ ኢሳራ ሃሳዩቴቴ። ኢንቴ ሳባኒኔ ዩላን ኩሚሳ ዎዘናፕ ጎዳ ጋላቴቴ። 20 ሄሳን ዶሳ አዋ፣ ጎዳ ዩሱስ ኪርስቶሳ ሱንሳ ኡባ ሚሻስ ኡባ ዎዴ ጋላቴቴ።

**ማቾኔ አዚና**

21 ኢንቴ ኪርስቶሳ ቦንቾስ ጊዲ ያሻራ ኢሶይ ኢሳስ አዛዜቴቴ።

22 ማቾቶ ኢንቴ ጎዳስ ሃራቴዛ ማላ ኢንቴ አዚናታስ ሃራቴቴ። \* 23 ኪርስቶሲ ባ አሾ ጊዲዳ ዎሳ ኬሳይስ ሁጫ ጊዲዳ ማላ አዚናይካ ባ ማቾይሲ ሁጫ። 24 ሄሳ ጊሽ ዎሳ ኬሲያ ኪርስቶሳስ አዛዜቴዛ ማላ ማቾቴካ ባ አዚናታስ አይ ሃኖንካ አዛዜታናስ ቤሴስ።

25 አዚናቶ! ኪርስቶሲ ዎሳ ኬሳዮ ሲቂዳ ማላኔ ባና ኢዚ ጊሽ አሲ ኢሚዳ ማላ ኢንቴካ ኢንቴ ማቾታ ሲቂቴ። \* 26 ባ ቃላ ባጋራ ሃሳን ሜጪ ጊሻዲ ኡራይስ ዱማሲዳ ማላ። 27 ሄሳሶካ ቂታይ ዎይኮ አይፌሶ ሂርጶቴሲ ዎይኮ ኢሲ ኢታይ ኢዚ ቦላ ቤቶንታ ጊሻኔ ባሳይ ኢዚ ቦላ ባይንዳይ ቦንቾ ዎሳ ኬሴ ሂስቴዲ ኡራይስ ሺሻናሳ። 28 አዚናቴካ ሄሳሶ ባ ማቾታ ባ አሾ ማላ ሲቃናስ ቤሴስ። ባ ማቾ ሲቂዛይሶ ባና ሲቂስ። 29 ባርካ ባና ኢዚዛይሶ አኒካ ባዋ። ባ አሾስ ሜሲኔ ባና ናጌስ። ኪርስቶሲካ ዎሳ ኬሳስ ሂኒሶ አሲዴስ። 30 ኑኒ ኪርስቶሳ አሳቴላ። 31 ሄሳ ጊሽ “አሲ አዮኔ አዋ አጊዲ ባ ማቾይራ ኢሲኖ ጊዴስ፤ ናምዳይካ ኢሲ አሾ ጊዴቴስ” ጌቴቴ ጊሻ ማፃፋን ሃፌቴዴስ። \* 32 ሃይሲ ዳሮ ፀራ ዮፖ፣ ታካ ሃይሳ ኪርስቶሳ ጊሻኔ ዎሳ ኬሳ ጊሽ ዮታይስ። 33 ጊዲኮካ ኢንቴፌ ኢሲ ኢሳይሶ ባ ማቾ ባና ሲቂዛ ማላ ሲቆ፤ ማቻካ ባ አዚና ቦንቾ።

6

**ዩሊዳይታኔ ናይታ**

1 ናይቶ! ኢንቴ ኢንቴና ዩሊዳይታስ ጎዳን አዛዜቴቴ። ሄሲ ኢንቴስ ቤሴስ። \* 2 “ኔ አዋኔ ኔ አይዮ ቦንቾ” ጊዛ አዛዞ ጊዶን ዲዛ ሂዶታይ ኮይሮ አዛዞ። 3 ኔ ሄሳሶ አሲኮ ኔስ ሎግናኔ ኔስ ሳይሳይ ቤታ ቦላ አዱቃና። 4 ዩሊዳይቶ! ኢንቴካ ኢንቴ ናይታ ሃንቁሶፍቴ፤ ጊዶ አቲን ኢንቴ ናይታ ጎዳ ዞሬኒኔ ሴራን ዲቺቴ። \*

**አሲሲዛይታኔ አሲዛይታ**

5 አሳንቻቶ ኢንቴ ኪርስቶሳስ አዛዜቴዛ ማላ ቤታ ቦላ ኢንቴና አሲሲዛይታስ ያሻቴላኒኔ ቦንቾን ሱሬ ዎዘናፕ አዛዜቴቴ። 6 ጮ አሳ አይፌን ቤታና ማላኔ አሲሲዛይታፕ ዱና አንጅ ኤካናስ ጊዶንታ ኢንቴ ኪርስቶሳ አይሌታ ማላ ዶሳ ሼኔ ኩሜሳ ዎዘናፕ ፖላና ማላ ዎዘናፕ አዛዜቴቴ። 7 አሳስ አሲዛ ማላ ጊዶንታ ጎዳስ አሲዛ ማላ ኢንቴ ኩሜሳ ዎዘናፕ አሲቴ። 8 ጋሶይካ አይሌ ጊዲን ዎይኮ ጎዳ ጊዲን ባ አሲዛ ሎፖ አሶስ ኡባስ ዎይቶ ኤካናይሳ ኢንቴ ኡሬታ።

9 ኢንቴኖ ጎዳቶ! ኢንቴካ ኢንቴ አሲሲዛይታስ ሄሳሶ አሲቴ። ኢስታሲኔ ኢንቴስ ጎዳ ጊዲዳይ ቦላ ሳሎን ዲዛይሳ፤ ኢዚካ አስ አይፌሶ ዌሊ ማዶንታይሳካ ኢንቴካ ኡሪዛ ጊሽ አሳንቻታ ባቢሶ አጊዲ ሎፖ አሲቴ። \*

**ዶሳፌ ቤቴዛ አላ ሚሽ**

10 ሃራ ባጋራ ሚኖ ጎዳኒኔ ኢዛ ጊታ ዎልቃን ሚኒቴ። 11 ዳቡሎሳ ጌኔ አሶ ኢንቴ ኡቁታናስ ዳንዳያና ማላ ዶሳ አላ ማይቦታ ማይቴ። 12 ጋሶይካ ኑ አሌታናይ አሾራኔ ሱሳራ ጊዶንታ ሃይሳ ዱማ አላሜዛ ሃሪዛ ጎዳታራኔ ዎልቃማታራ ቃሴካ ሳሎ ቦላ ዲዛ ቴና አያና አሳንቻታራ አሌቶስ። 13 ኢታ ጋላሳይ ጋኪሺን ኢንቴ ዋርኪ ዎልቃራ ኡቁታናስ ዳንዳያና ማላ ዶሳ አላ ማይቦታ ኩሜስ ማይጊቴ። ኢንቴ ኡባካ ፖሊዳፕ ጉዩ ሚኒ ኡቃናስ ዳንዳዮታ።

14 ሄሳ ጊሽ ኢንቴ ዌሳን ቱማ ዚናሬ ማላ ዳንጩቴዲ ሂሎቴላ ፀሩሬታ ማላ ቲራን ማይጊዲ፣ \*\* 15 ሳርቴሳ ሚሻራቾ ቃላ ቶሆን ጫማ ማላ አሲዲ ጊጌቲ ኡቁቴ። \* 16 ሃይታንታፌካ ቦላራ ታማ ማላ ፖፖልዑ ጊዛ ኢታ አያና ዎንዳፌታ ኢንቴ ወርሲ ቶይሳና ዳንዳያና ማላ አማኖ ጎንዳሌ ማላ ዴንሲቴ። 17 አቶቴስ ቤራታ ቆቤ ማላ ሁጫን ዎሲቴ። አያና ጊሳ ማሻ አይኪቴ፤ ሄሲካ ዶሳ ቃላ። \*

\* 5:16 ቆላ 4:5 \* 5:22 ቆላ 3:18፤ 1ጴፀ 3:1 \* 5:25 ቆላ 3:19፤ 1ጴፀ 3:7 \* 5:31 ሜዴ 2:24 \* 6:1 ቆላ 3:20 \* 6:4 ቆላ 3:21 \* 6:9 ቆላ 4:1፤ ዛሬ 10:17፤ ቆላ 3:25 \* 6:14 ፀሩሬ ጉሲ ቤኒ ዎዴ አላ አሳቲ ቲራን ማይጊዛ አላ ማይቦ። \* 6:14 ኢሳ 11:5፤ 59:17 \* 6:15 ኢሳ 52:7 \* 6:17 ኢሳ 59:17

18 ዎሳን አይ ሃኖንካ አያናን ዎሲቴ። ሄሳ ቆፒዲ ቤጊቴ፤ አማኒዛይታ ኡባ ጊሽ ቃንዎንታ ዎአሲቴ። 19 ታኒ ሚሺራቾ ቃላ ፀራ አሳስ ቆንጨሳናስ ዱና ዶዩዛ ኡባ ዎዴ ያሺ ባይንዳ ታ ፃላቴሳን ዮታና ቃላይ ታስ ኢሜታና ማላ ታስ ዎሲቴ። 20 ታኒ ሚሺራቾ ቃላ ጊሽ ሳንሳላታን ቃሺታዳ ኪቴቴዳዴ ጊዲዳይ ሄሳሳ። ሄሳ ጊሽ ታ ዮታናስ ቤሲዛይሳ ባቦንታ ዮታና ማላ ታስ ዎሲቴ።

**ዉርሴሳ ሳሮካ**

21 ታ አይ ማላ ዲዛኔ አይ አሲዛኮ ኢንቴ ኤራና ማላ ዶሴቴዳ ታ ኢሻይ ጎዳስ አማኔቴዳ አሳንቻይ ቴቂቆሲ ኢንቴስ ሃኒዳይሳ ዉርሴካ ኢንቴስ ዮታና። \* 22 ኢንቴ ኑ ሃኖቴስ ኤራና ማላኔ ኢንቴ ዎዝና ኢዚ ሚንፊሳና ማላ ታ ኢዛ ኢንቴኮ ዮዳዲስ። \*

23 አዎ ያሳፌ፣ ጎዳ ዮሱስ ኪርስቶሳፕ ሳሮቴሴኔ ሲቆይ አማኖራ ኢንቴስ ታ ኢሻታስ ጊዶ። 24 ጎዳ ዮሱስ ኪርስቶሳ ፓጩይ ባይንዳ ሲቂዛ ኡባስ ሳሮቴሴ ጊዶ። አሚን።

---

\* 6:21 ሃዋ 20:4፤ 2፻፶ 4:12 \* 6:22 ቆላ 4:7-8

**ጳውሎሲ  
ፕሊ.ጲ.ሲ.ዮሴ አሳስ  
ፃፊዳ ኪታ  
ጊዶ ቆፋ**

ጳውሎሲ ሃ ኪታዛ ፃፊዳይ ማቂዶኒያ ጌቴቴዛ አሮሜ ካዎይ ሃሪዛሶን ዲዛ ፕሊ.ጲ.ሲ.ዮሴ ጌቴቴዛ ዴሬን ዲዛ ዎሳ ኬሳይሳ። ሄና ሄ ዎሳ ኬሳይ ጳውሎሲ ኮይሮ አወሮፓን ኤሲዳ ዎሳ ኬሳ። ፕሊ.ጲ.ሲ.ዮሴ ካታማን ዲዛ አሳፕ ዳሪዛ ባጋይ አሮሜ ቢታፌ ዩዳ። ሄሳፌ ዴንዲዳይሳን ዳሮቴ አቶሬቴቴስ። (ሃዎ 16:21) ኢስታፌ ባጋቴ ኪርስቶሳን አማኒዛይታ። ሄሳ ጊሽ ባ አሳታን ኢዌቴዳይታኔ ጎዴቴዛይታ ጊዲዳ። ሄሲካ ኢስቲ ሃ አሳሜ ዱሳን ማንቆ ጊዳና ማላ አሲዴስ። (2ቆሮ 8:2) ጊዲዳኮካ ኢስቲ አማኖን ሚኒ ኤቂዲ ሃንኮ አማኒሼ ዋዩቴዛይታ ማዲዛይታ ጊዲዳ። ሄሳ ጋሶን ጳውሎሲ ኢስታ አዴፌ ሲቄስ።

ሃ ኪታይ ፃፊቴዳይ ጳውሎሲ ቃሾሶን ዲሺን ሃንኮ አማኒዛ አሳንቻታፕ ኤቁቴሲ ኢዛ ጋኪን ፕሊ.ጲ.ሲ.ዮሳን ዲዛ ዎሳ ኬሳይ ጋርሳን ዴንዲዳ ዎርዶ ቴሚርቴ ጋሶን ኢዛ ዎዝናይ ሜቂ ዲሺና። ጊዶ አቲን ሃ ኪታዛን ቆንጫ ቤቴዛይ ኡፋይሲኔ ኩሜሳ አማኔቴስ። ጳውሎሲ ሄሳ ሄ ኪታዛ ፃፊዳ ጋሶይ ኢዚ ሜቶቲ ዲሺን ፕሊ.ጲ.ሲ.ዮሴ አማኒዛ አሳይ ኢዛስ ማዶ ዩዲዳ ጊሽ ኢስታ ጋላታናሲኮ! ኢዛ ቦላ ጊዲን ዎይኮ ኢስታ ቦላ ዱማ ዱማ ሜቶቲ ጋኪኮካ ኢስታስ ዳሮ ፃላቴሳኒኔ ኩሜሳ ሚኖ አማኖይ ኢስታስ ዳና ማላ ኢዚ ኢስታ ሚንሴሴስ። አቶሬቴሴኔ ጩቁቴስ አጊዲ ዩሱስ ኪርስቶሳ አሺኬቴሳን ኩማና ማላ ኢዚ ኢስታ ሚንሴ ቆሬሴስ። ኢስቲ ዩሱስ ኪርስቶሳራ አያናን ኢሲኖ ጊዲዲ ዴሚዳ ዴዎዚ ዎሳ ኪያቴሳፌ ቤቴዳይሳኔ ኢስቲ አማኖን ኤኪዳይሳፌ አቲን ዎጋ ናጎን ቤቴዳይሳ ጊዴና ጊዲ ኢዚ ኢስታ ቆሬሴስ። ዩሱስ ኪርስቶሳራ ኢሲፌቴሳን ዲዛ ኡባታስ ዶሲ ኢስታስ ኢሚዛ ሳሮቴሳ ጊሺኔ ኡፋይሳ ጊሺካ ፃፊዴስ።

ሃይሲ ሃ ኪታዚ ኤሬቴዛይ ኡፋይሴ፣ አማኔቴስ፣ ኢሲፌቴሴኔ አማኖን ዴዎን ሚኒ ኤቃና ማላ ቆንጫሲ ቤሲዛይሳና። ቃሴካ ሃዋሬ ጳውሎሲ ፕሊ.ጲ.ሲ.ዮሴ ዎሳ ኬሳዮ ዳሮ ሲቂዛይሳ ቆንጫሴስ።

- ሃ ማፃፋይ አይኪዳ ኩሜሳ ቆፋ
- ጌሎሶ 1:1-11
- ጳውሎሳ ዱሳ ጊሽ 1:12-26
- አማኖን ዱሳስ ሴሚሶ 1:27-2:18
- ዲምቶሳኔ አፍሮዲዎ ቆፋ 2:19-30
- አማኖ ኢዲዛይታፕ ናጌታና ማላ ዮቶ 3:1-4:9
- ጳውሎሲ ፕሊ.ጲ.ሲ.ዮሳን አማኒዛይታስ ሺሺዳ ጋላታኔ ዞሬ 4:10-20
- ኩሻ ቆፋ 4:21-23

1 ዩሱስ ኪርስቶሳ አሳንቻ ጊዲዳ ጳውሎሳፕኔ ዲምቶሳፕ ዎሳ ኬሳ ጩማታራኔ ዳቆኔታራ ኢሲፌ ፕሊ.ጲ.ሲ.ዮሴ ዴሬን ዲዛ አማኒዛይታስ ዩሱስ ኪርስቶሳስ ዱማቴዳይታስ ኡባስ፤ \* 2 ኑ አዎ ዶሳፌ፣ ጎዳ ዩሱስ ኪርስቶሳፕ ኪያቴሴኔ ሳሮቴሴ ኢንቴስ ጊዶ።

**ጋላታ ዎሳ**

3 ኢንቴና ቆፕዛ ኡባ ጋላስ ታኒ ታ ዶሳ ጋላታይስ። 4 ኡባ ጋላስ ኢንቴ ጊሽ ታ ዎሲዛ ዎዴ ኡፋይሳን ዎሳይስ። 5 ኮይሮ ጋላሳፌ ሃ ሲሚን ሃኖ ጋካናስ ሚሺራቾ ቃላ አሶን ኢንቴ ታናራ ዴታ። 6 ኢንቴናን ሎዎ አሶ ዶሚዳይሲ ኢዚ ዩሱስ ኪርስቶሲ ወርሴሳ ፐርዳስ ያና ጋካናስ ኢንቴና ዳንዳይሳናይሳ ታ አማናይስ።

7 ታ ሃዲ ቃሾ ኬሳን ዲሺኒኔ ታ ቃሾታናፕካ ካሴ ሚሺራቾ ቃላ ቴማ ናጋናሲኔ ሚንሴሳናስ ዶሲ ታስ ባ ኪያቴሳን ኢሚዳ ማዶን ኢንቴ ወሪካ ታናራ ኢሲፌ አሲዳይታ ጊዲዳ ጊሽ ኢንቴ ኡባ ጋላስ ታ ዎዝናፕ ዳይኬታ። ሄሳ ጊሽ ታ ኢንቴ ጊሽ ቆፓናስ ታስ ቤሴስ። 8 ታ ኢንቴና ዩሱስ ኪርስቶሳ ሲቆን ዎስታ ላዎቴዛኮኔ ዶሲ ታስ ማርካ።

9 ኢንቴ ሲቆይ ኤሬቴሳኒኔ አኬካን ኬሂ ዳራና ማላ ታ ዎሳይስ። 10 ሄሲካ ኢንቴ ኡባፌ አዲዛይሳ ሻኪ ኤሬና ማላኔ ዩሱስ ኪርስቶሳ ዩሳ ጋላስ ጋካናስ ኢንቴ ጌሻታኔ ዎሶይ ባይንዳይታ ጊዳና ማላ ኮያይስ። 11 ዶሳ ቦንቺሲዛይሳኔ ጋላቴሲዛይሳ ኢንቴ አሳና ማላ ዩሱስ ኪርስቶሳን ቤቴዛ ጌሻቴሳ አይፌን ኢንቴ ዎዝናይ ኩዋ።

**ጳውሎሳ ቃሾቴሳን ሚሺራቾ ቃላ ዲቾ**

12 ሃዲካ ታ ኢሻቶ! ታ ቦላ ጋኪዳ ሜቶይ ሚሺራቾ ቃላይ ካሴፕ ዳሪ አካናስ ጊዲዳይሳ ኢንቴ ኤሬና ማላ ታ ኮያይስ። 13 ሄሳ ጊሽ ታ ቃሾቴሳይ ኪርስቶሳ ጊሽ ጊዲዳይሲ ካዎ ኬሳ ዛቤታሲኔ ሃራታስካ ኤሬቴዴስ። \* 14 ታ ቃሾቴዳይሳ ጌዶን አማኒዛይቲ ዶሳ ቃላ ባቦንታ ፃላቴሳን አሳስ ማርካታናስ ሚኖቴስ ዴሚዳ።

15 ኢሲ ኢሲ አሳቲ ጮ ኑ ኢዛፕ ዋኒዶን ጌሳኒኔ ሆሎቴሳን ሳባኬቴስ። ባጋይቲ ቃሴ ሎዎ ቆፋራ ኪርስቶሳ ጊሽ ሳባኬቴስ። 16 ባጋይቲ ታ ሚሺራቾ ቃላ ጊሽ ሞቴታና ሃን ዲዛይሳ ኤሬዛ ጊሽ ሲቆን

\* 1:1 ሃዎ 16:12 \* 1:13 ሃዎ 28:30



ሳባኬቱስ። 17 ሃንኮይቲ ቃሴ ሎዎ ቆፋን ጊደንታ ታና ጋኪዳ ቃሾዛ ቦላ ሃራ ዋዬ ጋላናሲኔ ባ ኢታ ቆፋ ፖላናስ ኪርስቶሳ ሳባኬቱስ።

18 ሄሳ ጊዲኮ አይ ሜቶ ዲዛይ! ዋና አይፌ ዮዖይ ሱሬቴላን ጊዲን ዎይኮ ሚሳቲሶን ጊዲንካ አዋራካ ኪርስቶሳ ሳባኪዛ ጊሽ ታ ኡፋዬታይስ። ቃሴካ ታ ኡፋዬታና። 19 ታ ቦላ ጋኪዳ ሜቶፕ ታ አዳናይ ኢንቴ ዎሳኒኔ ዮሱስ ኪርስቶሳ አያና ማዶን ጊዲዳይሳ ታ ኤራይስ። 20 ታ አይ አጌራካ ዮላቶንታ ማላ ሚኖ ኡፋይሲኔ ላዎታይ ታስ ዴስ። ጊዶ አቲን ካሴካ ሃቺካ፤ ታ ሃይቂንካ ፓፃ ዲንካ ኪርስቶሲ ታ አሾን ቦንቼታናይሳ ታ ፃላቴላን ሃሳያይስ። 21 ታስ ዱስ ጉሲ ኪርስቶሳ። ሃይቆይካ ታስ ጎዓ። 22 ጊዶ አቲን ታኒ ሃይሳ አሾ ዱሳን ጉጃ ዲዛኮ አይፌ ኢሚዛ አሶ አሳይስ ጉሳ። ታ አዋይሳ ዶራናኮኒ ታስ ኤራቴና። 23 ሃ ናምዑ ሃኖታን ሜቶቲታይስ። ታ ባዳ ኪርስቶሳራ ዳናስ ላዎታይስ። ሄሲ ሃራ ኡባፌ ኬሂ ሎዎ። 24 ጊዶ አቲን ታስ አሾን ዱሲ ኢንቴስ ኬሂ ኮሼስ።

25 ሄሳ አኪካዳ ኢንቴ አማኖን ዲጫና ማላኒ ኡፋዬታና ማላ ኢንቴ ኡባታ ማታን ጋምዓናይሳኒ ዳናይሳ ታ ኤራይስ። 26 ታ ሄ ባዳ ኢንቴ አቻን ዴዩኮ ታ ጋሶን ኢንቴስ ኪርስቶሳን ዲዛ ጩቁቴሲ ዳራና።

27 ኪርስቶሳ ሚሺራቾ ቃላስ ቤሲዛ ማላ ዲቴ። ሄሳሶ ሃንካ ታ ኢንቴና ሄ ባዳ ቤይዳኮ ዎይኮ ሃሆን ዳዳ ኢንቴ ጊሽ ታ ሲዩዛኮ ኢንቴ ሚሺራቾ ቃላ አማኖስ ኢሲኖ አሌቲሼ ኢሲ አያናን ኢንቴ ሚኒ ኤቅናይሳ ታ ኤራይስ። 28 አይ አጌራካ ኢንቴናራ ኤቁቲዛይታስ ሂርጎፍቴ። ሄሲ ኢስቲ ዳያናይሳሲኔ ኢንቴ አታናይሳስ ያሳፌ ኢሜቲዳ ማላታ። 29 ኢንቴ ኪርስቶሳ አማኒዛይታ ፃላላ ጊደንታ ኢዛ ጊሽ ዋዬ ኤኪዛይታ ጊዳና ማላ ሃይሲ ያሳ ኪያቴሲ ኢንቴስ ኢሜቲዴስ። 30 ኢንቴ ካሴ ቤዩዳ ማላ ሃሂካ ታ ቦላ ዲዛይሳ ኢንቴ ሲዩዛይሳ ማላ ሄሳሶ ኢንቴናካ ዋዩሶን ዴስ። \*

2

**አሽኬቴስ ኪርስቶሳፕ ታማሮ**

1-2 ኢንቴስ ኪርስቶሳ ባጋራ ቤቲዳ ኢሲፌቴላ ጋሶን ኢሶይ ኢሳ ሚንጬሳዛዝ ሲቆ ጊዲንካ ዎይኮ አያና ኢሲፌቴስ ዎይኮ ማሮይኒ አሳስ ሚሼቴስ ኢንቴ ጋርሳን ዲኮ ኢንቴ አስ ሲቆን ኢሲ አያናኒኔ ኢሲ ቆፋን ጊዲዲ ታ ኡፋይስ ፖሊቴ። 3 አስ ኡባ ኢንቴፌ ቦላራ ዪሊቴ አቲን ኢንቴርካ ኢንቴና ዶሶን ዎይኮ ጎዳይ ባይንዳ ጋላታ ኤካናስ ኢሲ ሚሺካ አሶፍቴ። 4 ኢንቴፌ ኢሲ ኢሲ አሲ ሃራ አስ ጎሂዛይሳ ዪሊቴ አቲን ኢንቴ ጎዳ ፃላላ ዪሎፍቴ።

5 ዮሱስ ኪርስቶሳስ ዲዛ አሽኬቴሲ ኢንቴ አቻንካ ዶ። 6 ኢዚ ኤራይስ ያሳኮሺን ባና ያሳራ ጊኒሳናስ ኮይቤና።

7 ጊዶ አቲን አይፌ ሜዳ ኤኪዲ አስ ሚሳቲዲ ባርካ ባና ኤያ አስ ኬሲዴስ። 8 አስ ጊዲ ቆንጨዲካ ባና አሳፕ ዚቃ አሲዴስ። ሃይቃና ጋካናስ ሄሲካ ማስቃሌ ቦላ ካቁቲ ሃይቃና ጋካናስ አዛዜቲዴስ። 9 ሄሳ ጊሽ ያሲ ኢዛ ዳሮ ዶቁ ሂስቲዴስ። ሱንሳ ኡባፌ ዶቁ ጊዳ ሱንሳ ኢዛስ ኢሚዴስ።

10 ሄሲካ ሳሎንካ ቢታ ቦላን ቢታፌ ጋርሳንካ ዲዛ ሜዴቴሲኔ ጉልባቴይ ወሪ ዮሱሳ ሱንሳስ ጉልባታና ማላ። 11 አሳ ኢንፃርሲ ወሪካ ያሳ አዋ ቦንቾስ ዮሱስ ኪርስቶሲ ጎዳ ጊዲዳይሳ ማርካታናሳ።

**ዴሬ ፖዎ**

12 ሄሳ ጊሽ ታ ኢሻቶ! ኢንቴ ካሴ ኡባ ዎዴ አዛዜቲዛይታ ጊዲዳ ማላ ሃሂካ ታ ማታን ዶንታ ኢንቴፌ ሃሆን ዲኮካ ኢንቴ አቴሳይ ኩሜስ ጊዳና ማላ ያሻቴሳኒኔ ቦንቾን ፖሊቴ። 13 ያሲ ኢንቴስ አዛዜቴስ ኢሚሼ ባ ቆፋ ወርሴስ ጋካናስ ኢንቴ ጊዶን አሴስ።

14 አይ ሚሺካ ዙዙንሳኒ ፓላማይ ባይንዳ አሲቴ። 15 ሄሲካ ኢንቴ ኢታኒ ጌላ አሳ ጊዶን ጌሻታኒ ዎሶይ ባይንዳ ያሳ ናይታ ጊዲዲ አላሜ ቦላ አዋ አርሼ ማላ ዴሬ ኡባስ ፖዓናሳ። \* 16 ኢንቴ ኤኪዳ ዴዎ ቃላ ሎዴሲ አይኪኮ ኪርስቶሲ ሃ ሲሚ ዩዛ ዎዴ ታ ሜላ ዳቡሮንታይሳ ጊሽ ታ ጩቁታናዚ ታስ ዴስ።

17 ቃሴካ ኢንቴስ ጎዳን ዲዛ አማኖይ ኢንቴ ያሳስ ሺሻዳ ዱማ ያርሾ ማላ ታ ሼምፖይ ኢንቴ ያርሾራ ኢሲፌ ያርሾ ማላ ጉኪዛኮ ኢንቴናራ ታካ ኡፋዬታና። 18 ሄሳሶካ ኢንቴ ኢንቴስ ኡፋዬቲዲ ታናካ ኡፋይሳናስ ቤሴስ።

**ፂምቶሳ ዎሳኒ አፍሮዲዎ ዎሳ**

19 ጎዳይ ማዲኮ ፂምቶሳ ኢንቴኮ ዮዳዳ ኢንቴ ሎዴቴላ ጊሽ ሎዎ ዎሬ ሲያናስ ኮይይስ። 20 ኢንቴ ሎዴቴላ ጊሽ ቆፕዛ አሲ ሃራ ኢዛ ማላይ አኒካ ባዋ። 21 ሃራይ ወሪካ ዮሱስ ኪርስቶሳይሳ ጊዶንታ ባ ጎዳስ ዎፂዛዴ ፃላላ። 22 ጊዶ አቲን ኢንቴ ኤሪዛይሳ ማላ ፂምቶሲ ኢዚ አይ ማላ አሳኮኒ ባ ጊሽ ማርካሲዴስ። ናይ ባ አዋራ አሲዛ ማላ ታናራ ሚሺራቾ ቃላ ዮቲዴስ። 23 ሄሳ ጊሽ ሃይሳፌ ሲንሳን ታ ዋናናኮኒ ሻካ ኤሪዳፕ ጉዩ ኢዛ ታ ኢንቴኮ ኪታና ቆፓይስ። 24 ታካ ኢንቴኮ ማታ ዎዴ ባናይሳ ጎዳን አማኒታይስ።

25 ሄሳሶካ ኢንቴ ታና ኮሺዛ ሚሻን ኡባን ማዳና ማላኒ ሎዴሲ አይካና ማላ ዮዲዳ አፍሮዲዎ ታ ኢንቴኮ ዛራ ዮዳና ማላ ኮሺዛይሲ ታስ ኤሬቲዴስ። 26 ጋሶይካ ኢዚ ኢንቴና ኩሜሳታ ቤያናስ ላዎቲዳ ጊሺኒ ቃሴካ ኢንቴ ኢዛ ሳኮዛ ሲዩዳይሳስ ቆፕዳ ጊሻሳ። 27 ቴማቴካ ሃርጊዲ ሃይቂሼ አቲዴስ። ጊዶ አቲን ያሲ ኢዛ ማሪዴስ። ታ ካሴ ሙዙቲዛይሳ ቦላ ሃራ ሙዙይ ጉጂቶንታ ማላ ታናካ ማዲዴስ።

\* 1:30 ሃዋ 16:19-40 \* 2:15 ዛሬ 32:5

28 ሄሳ ጊሽ ኢንቴ ኢዛ ቤይዲ ኡፋዮታና ማላኔ ታካ ሂርጋሬ ሽምፓና ማላ አሞታይስ። 29 ኢንቴ ኢዛ ከሂ ኡፋይሳን ሞኪ ኤኪቴ። ኢዛ ማላ አሳታካ ቦንቺቴ። 30 ኢንቴ ታና ማታን ዲዲ አሲ ማዳናስ ዳንዳዮንታ ጊሽ ኢዚ ባ ሽምፓስ ሚሼቶንታ ታና አሲ ማዲዲ ኪርስቶሳ አሶን ሃይቂሼ አቲዴስ።

3

አሾን ጩቁታናስ ቤሴና

1 ታ ኢሻቶ! ሃይሳሬ ሃራ ታ ኢንቴና ጊዛይ ጎዳን ኡፋዮታቴ። ሃዲካ ዛራዳ ኢዞ ታ ኢንቴስ ሃሬኮ ታና ሳሌሴና። ኢንቴናካ ጎዳና።

2 ሄይታ ካና ማላ ሁስካቲዛይታ፤ ኢታ አሲዛይታ፤ አሳስ ሜቁስ ሜንሲዛ አሳታ፤ ናጌቲቴ። 3 ቱሙ ቃፃሬቲዳይቲ፤ ዶሴ ዎሲዛይቲ፤ ዮሱስ ኪርስቶሳን ጩቁዛይቲ፤ አሾን ጩቁቶንታይቲኔ አሾንካ አማኔቶንታይቲ ኑና።

4 ታ ጩቃና ኮይኮ አሾ ባጋራ ጩቃና ሚሺ ታስካ ዴስ። አናስካ አሾን ጩቁዛ ሚሺ ዲዛ ሚሳቲኮ ታ ኢዛ፤ አዳይስ። 5 ታኔ ዮሌቲዳ አስፑንሳ ጋላስ ቃፃሬታዲስ። ታ ኢስራዴሌ ዜሬሲኔ ቢኒያሜ ኮቻሬ ዮሌታዲስ። ኢብራዌታ ጊዶን ታካ አዳ ኢብራዌ። ዎጋ ባጋራ አይቺዛዴይ ዲኮ ታ ካሴ ፋርሳዌ። \* 6 ሙሴ ዎጋስ ዚልዴቲዛይሳ ጊዲኮ ታኔ ካሴ ዎሳ ከሳ ጎዲዛዴ። ዎጋ ናጎን ቤቲዛ ሂሎቴሌ ጊዲኮ ካሴ ታ ቦላ ኢሲ ዎሶይካ ዴና። \*

7 ጊዶ አቲን ታስ ጎዳ ጊዲዳይሳ ኡባ ኪርስቶሳ ጊሽ ጋዳ ጎዳይ ባይንዳ ሚሻ ማላ ቆዳዲስ። 8 ሄሳሬካ ታ ጎዳ ዮሱስ ኪርስቶሳ ኡሮፔ አዲዛይ ሃራይ አይኮይካ ባይንዳይሳ ታ አማኒዛ ጊሽ ኡባካ ሙ ሜላ ጎዳይ ባይንዳ ሚሻ ማላ ቆዳዲስ። ታኔ ኢዛ ጊሽ ጋዳ ኡባካ አጋዲስ። ታ ኪርስቶሳ ዴማና ጋዳ ኡባ ሚሻካ ዎራ ዎዲዳ ኢታ ሚሻ ማላ ቆዳዲስ። 9 ታኔ ሄሳሶ አሲዛ ጋሶይ ካሴ ሙሴ ዎጋን ታስ ዲዛ ሂሎቴሌ አጋዳ አማኖን ቤቲዛ ዎሳ ሂሎቴሌ ኪርስቶሳን አማናዳ ዴማናሲኔ ታ ኢዛራ ኢሲሬ ዴዓናሳ። 10 ኪርስቶሳኔ ኢዚ ሃይቂ ዴንዲዳ ዴንሳ ዎልቃ ታ ኡራና ማላ ኢዛ ዋዩካ ታ ኢዛራ ጊሼታና ማላኔ ሃይቆንካ ታ ኢዛ ሚሳታና ማላ አሞታይስ። 11 ሄሳሶካ ታ ሃይቃ ዴንዲዳ፤ ጉዩ ሜርናስ ዳናስ ኮይይስ

ዉርሴሳ ጋካናስ ዎሴ

12 ታ ሃይሳ ዉርሳ ዴማዲስ ዎይኮ ሃይሳሶ ሃናዲስ ጉስ ጊዴና። ጊዶ አቲን ዮሱስ ኪርስቶሲ ታና ኡራይስ ሂስቲዲ ታስ ጊጊሲዳ ዎይቶ ኤካናስ ሚና ዎላ ቦላ ዳይስ። 13 ታ ኢሻቶ! ታ ሃዲ ታ ኮዩዛይሳካ አይኪዳ ማላ ቆዳኪ። ጊዶ አቲን ታ ኢሲ ሚሺ አሳና። ታፔ ጉዩራ ዲዛይሳ አጋ አጋዳ ታፔ ሲንሳን ዲዛይሳ አይካናስ ዛራዳይስ። 14 ዶሲ ታና ዮሱስ ኪርስቶሳ ባጋራ ፑዴ ሄይጊዳ ጊሽ ዎይቶ ጋካ ኤካናስ ኤሌሳይስ።

15 ሄሳ ጊሽ ኑኒ አማኖን ሚኒዳይቲ ዉርካ ሃኒዛ ዮዎ ዉርሲ ሄሳሶ ሄላናስ ቤሴስ። ኢሲ ኢሲ ዱማ ቆፋይ ኢንቴስ ዲኮ ሄሳካ ዎሲ ኢንቴስ ቆንጫሳና። 16 ጊዲኮካ ኑ ሃዲ ጋኪ ኤሪዳዛን አኔ ሲሜሬቶስ።

17 ታ ኢሻቶ! አኔ ኢንቴ ታ ሃኒዛ ማላ ታና ካሊቴኔ ሃራታራካ ኢሲሬ ዴዒቴ። ኑ ኑና ኢንቴስ ሌሚሶ ሂስቲ ቤሲዳ ማላ ዲዛ አሳታ ዎዝናን ዎሲቴ። \* 18 ጋሶይካ ሃይሳሬ ካሴ ታ ኢንቴስ ዛራ ዛራ ዮቲዳ ማላ ሃዲካ ዛራዳ አፋንሳራ ኢንቴስ ዮታይስ። ዳሮቲ ኪርስቶሳ ማስቃሌስ ሞርኬ ጊዲዲ ሲሜሬቴቴስ። 19 ኢስታ ዉርሴሳ ዳዮ። ኢስታ ኡሎይ ኢስታ ዎሳ። ኢስታስ ካዉሻቴሳይ ኢስታስ ቦንቾ። ኢስታ ዎዝናይ ሽምፐዳይ ሃ ቢታ ዱሳና። 20 ኑ ዴሬይ ጊዲኮ ሳሎና። ሄፔ ቡሮ ያናይሳ ኑና አሺዳ ጎዳ ዮሱስ ኪርስቶሳ ዮሳ ላሞቴሳን ናጎን ዶስ። 21 ኢዚካ ዉርሲ ባፔ ጋርሳን ሃሪሳና ዳንዳይዛ ባ ዎልቃና፤ ዳቡራንቻ ጊዲዳ ኑ አሳቴስ ቦንቾቲዳ ባ አሳቴስ ሚሳቲሲዲ ላማና።

4

ዉርሴሳ ዞሬ

1 ታ ኢንቴና ዶሲዛይቶ! ታ ኢንቴና ላሞቲዛይቶ! ታስ ኡፋይሲኔ አሶ ዛዉዴ ጊዲዳ ታ ኢሻቶ! ጎዳን ሚኒ ኤቂቴ።

2 ኢንቴ ቆፋይ ጎዳን ኢሲኖ ጊዳና ማላ ኤዎዲያኔ ሲንጻኬይ ባ ጋርሳን ሲቂታና ማላ ታ ኢስታ ዎሳይስ። 3 ኤሮ! ኔኖ! ታናራ ኢሲሬ አማኔቲዳ አሳንቻዞ። ሚሺራቾ ቃላ ዮቶስ ታናራኔ ቃላሜንዎሳራ ቃሴካ ኢስታ ሱንሳይ ዴዎ ማፃሬን ሃሬቲዳ ሃንኮ ታናራ አሶ ላጌታራ ኢሲሬ ዋዩዳይታ ሄ ማጫሳታ ኔ ማዳና ማላ ታ ኔና ዎሳይስ።

4 አይ ዎይካ ጎዳን ኡፋዮታቴ። ቃሴካ ታ ኢንቴና ኡፋዮታቴ ታይስ። 5 ኢንቴ ኪያቴሌ አሳ ኡባ አቻን ኤሬቶ። ጎዳይ ያና ማቲዴስ። 6 ሃኒዛ ዮዎን ኡባን ጋላታን፤ ዎሳኒኔ ጋናቴሳን ዎሳ ሲንሲ ሺቂቴ አቲን አይ ሚሻንካ ሂርጎፍቴ።

7 አሳ ቆፋፔ ቦላራ ዲዛ ዎሳ ሳሮቴሌ ኢንቴ ዎዝናኔ ኢንቴ ቆፋ ዉርሲ ዮሱስ ኪርስቶሳን ናጌስ።

8 ዉርሴሳ ቦላ ታ ኢሻቶ! ቱሙ ጊዲዳ ዮዎ ዉርሲ፤ ቦንቾ ጊዲዳ ዮዎ ዉርሲ፤ አዳ ጊዲዳ ዮዎ ዉርሲ፤ ጊሺ ጊዲዳ ዮዎ ዉርሲ፤ ዶሴቲዳ ሚሺ ዉርሲ፤ ሎዎ ጊዲዳ ዮዎ ዉርሲ፤ ሎዴቴሌ ጊዲንካ ጋላታካ ሃይታንታ ሚሳቲዛዝ ዉርሲ ቆፒቴ። 9 ኢንቴ ታፔ ታማሪዳይሳ ዎይኮ ኢንቴ ታፔ ኤኪዳይሳኔ ሲዩዳይሳ ዎይኮ ቤይዳይሳ አይ ጊዲኮካ ዉርሲ አሲቴ። ጎዳይ ኢንቴናራ ጊዳና።

\* 3:5 እሮ 11:1፤ ሃዎ 23:6፤ 26:5 \* 3:6 ሃዎ 8:3፤ 22:4፤ 26:9-11 \* 3:17 1ቆሮ 4:16፤ 11:1

**ጳውሎስ ማዲዳይታስ ሺሺዳ ጋላታ**

<sup>10</sup> ዳሮ ዎዴፕ ጉዬ አራሳ ቆፋራ ኢንቴ ታ ጊሽ ቆፎ አይኪዴታ። ሄሲካ ጎዳ ባጋራ ታና ኬሂ ኡፋይሴስ። ቱመካ ኢንቴ ታስ ቆፎ አጊቤይኬታሺን ኢንቴ ቆፕዳ ማላ አሳናስ ኢንቴስ ሃኖ አጊዴስ። <sup>11</sup> ታኒ ሄሳ ጊዛይ ታና ሜቲዳ ጊሽ ጊዴና። ጋሶይካ ታ አይ ሃኒኮካ “ዲዛይሲ ታስ ጊዳና” ጉስ ታማራዲስ። <sup>12</sup> ፓጩካ ታ ኤራይስ፤ ዴማዳካ ኤራይስ፤ ታ ጋፋዳካ፣ ካላዳካ ኤራይስ፤ ዲንካ ዳዩንካ ኤራይስ፤ አይ ጊዲኮካ ታስ ዲዛይ ታስ ጊዳና ጉሳ ፀራ ታ ሎጌሳ ኤራይስ። <sup>13</sup> ታስ ዎልቃ ኢሚዛ ኪርስቶሳን ታኒ ኡባ ሚሼ አሳናስ ዳንዳያይስ።

<sup>14</sup> ጊዲኮካ ኢንቴ ታና ታ ዋዩን ማዲዳ ጊሽ ሎዎ አሲዴታ። <sup>15</sup> ኢንቴ ፕሊ.ጲ.ሲ.ዮሴ አሳቲ ሄሳፊ ቦላራ ኢንቴ ኤሪዛይ ኮይሮ ሚሺራቾ ቃላ ኢንቴ ኤኪዳ ዎዴ ታኒ ማቂዶኒያፕ ዴንዳሼ ኢንቴፊ አቲን ጌዴ ኢሚዲካ ሃ ኤኪዲካ ማዴቲዲኔ ማዲዲ ጊዛ ዎሳ ኬሲ ታስ ዴና። \* <sup>16</sup> ሃራይ አቶ ሺን ታ ካሴ ታሶሎንቄን ዲዛ ዎዴካ ታኒ ሜቶቲን ኢንቴ ዛሪ ዛሪ ታስ ማዶ ዩዲዴታ። <sup>17</sup> ታ ሄሳ ጊዛይ ኢሚዳ ጊሽ ኢንቴስ አንጆይ ዳራና ማላ ጋዳ አቲን ታ ኢንቴፊ ማዶ ኤካናስ አሞታዳ ጊዴና።

<sup>18</sup> ታስ ኮሺዛይሳኔ ታና ኮሺዛይሳፊካ ቦላራ ኤካዲስ። ኢንቴ ታስ ዩዲዳ ማዶ ሚሻ አፍሮዲዎ ኩሼፕ ኤኪን ታ ፓጩይ ኩሚዴስ። ሃይሲ ዳሮፕ ዎሳ አቻን ኤኬቲዳ ዳሮ ሎዎ ሳዊዛ ያርሾ ማላ። \* <sup>19</sup> ዎሲ ባ ዱሬቴሳ ጊና ኢንቴና ኮሺዛይሳ ጎዳ ዩሱስ ኪርስቶሳ ባጋራ ኢንቴስ ኩንሳና። <sup>20</sup> ኑ አሞሲኔ ኑ ዎሳስ ሜርናፕ ሜርናስ ቦንቾይ ጊዶ። አሚን።

**ዉርሴሳ ሳሮካ**

<sup>21</sup> አማኒዛ አሳ ኡባ ዩሱስ ኪርስቶሳ ሱንሳን ሳሮ ጊቴ። ታናራ ዲዛ ኢሻቲ ዉሪካ ኢንቴና ሳሮ ጌቴስ። <sup>22</sup> አማኒዛይቲ ዉሪ ሃራፕካ ቁሳሬሶ አሳፕ አማኒዛይቲ ዉሪካ ኢንቴና ሳሮ ጌቴስ።

<sup>23</sup> ጎዳ ዩሱስ ኪርስቶሳ አዶ ኪያቴሲ ኢንቴናራ ጊዶ። አሚን።

\* 4:15 2ቆሮ 11:9 \* 4:18 ኬሳ 29:18

### ጳውሎሲ ቆላሲያሴ አሳስ ገሬዳ ኪታ ጊዶ ቆፋ

ሃይሲ ኪታዚ ገሬቲዳይ ቁሪ ኢሲያን ዲዛ ኤፌሶን ካታማፔ አርሼይ ሞኪዛ ባጋራ ዲዛ ቆላሲያሴ ካታማን ዲዛ ዎሳ ኬሳሳ። ሂኖ ሄ ዎሳ ኬሳዮ ኤሲዳይ ጳውሎሳ ጊዶንታ አጊኮካ ኢዛ አሮሜ ካዎቴሳ ጋርሳን ዲዛ ኢሲያን ዋና ካታማ ጊዳዳ ኤፌሶን፤ ሚሺራቾ ቃላ ዮቲዛይታ ሄ ዮዲዳ ጊሽ ቆላሲያሴስካ አላፌቴሳ ዴስ። ቆላሲያሴ ዎሳ ኬሳን “ዎሳ ኤሪናሲኔ ሙሌራ አቶቴሳ ዴማናስ ኢሲ ኢሲ አሲ ሁዔን ሁዔን ዎልቃማ አያናታሲኔ ኅዳታስ ኅይናናስ ኮሼስ” ጊዛ ዎርዶ አስታማሬቲ ዲዛይሳ ጳውሎሲ ሲይዴስ። ሄ አስታማሬቲ ታማርሲዛ ሃራ ዮቲ “አሲ ወሪካ ቃገራ ዎጋስ ሃሬታናስ ቤሴስ፤ ካሳ ሙሳ ዎጋኔ ሃራ ዎጋታካ ናጋናስ ቤሴስ” ጊዳ ታማርሴቴስ።

ጳውሎሲ ሃ ኪታዛ ገሬዳይ ቱሙ ጊዳዳ አማኖ ቲሚርቲ ታማሪዳ ሄ ዎርዶ አስታማሬታ ቲሚርቲዛ ዲጋናሳ። ኢዛ ማልሴታፔ ዋናቲዛይ “ዮሱስ ኪርስቶሲ ኩሜሳ አቶቴሳ ኢሜስ፤ ሃንኮይቲ አማኒዛ አማኖይ ጊዳኮ ዮሱሳፔ ሃሴቴስ” ጊዛይሳ። ዎሲ ሃይሳ አላሜዛ ኪርስቶሳን ሜዲዴስ። ቃሴካ ዎሲ ሃ አላሜዛ ኪርስቶሳ ባጋራ ባኮ ዛሪ ኤሃና። ሃይሲ አላሜዚ አታናይ ኪርስቶሳ ዎዝናፔ አማኖን ሃላላ። ሄሳን ኤቁዲ ጳውሎሲ ሃይሲ ዎልቃማ ቲሚርቲይ አማኒዛይታ ዴዎን ዋኒ ዳናስ ኮሺዛኔ ቤሴስ።

ሃይሳ ሃ ኪታዛ ጳውሎሳፔ ኤኪዲ ቆላሲያሴ አሳስ ጋሳናስ ኪቴቲዳ ቲቂቆሳራ ኢሲፌ ዲዛይ አናስሞሳ ጊዳዳይሳ ኤሮይ ማዲዛዛ። ጳውሎሲ ሄ አናስሞሳ ጌቲቲዛ አይሌዛ ጊሽ ፒልሞናስ ሃራ ኪታ ገሬዴስ። ቆላሲያሴ ኪታ ጊዶን ዲዛ ቆፋይ ኤፌሶን ኪታራ አዳፌ ጋይቴስ። ናምዳይካ ኢሲ ዎዴን ገሬቲዳ። አስታ ጊዶን ዲዛ ጊታ ዱማቴሳ ኤፌሶን ኪታን ጳውሎሲ ኪርስቶሳ ዎሳ ኬሳ ሁዔ አሲዲ ሺሼስ። ቃሴ ቆላሲያሴ ኪታን ኪርስቶሳ ሜዴቴሳ ኡባስ ሁዔ አሲዲ ሺሼስ። ሃይሳ ኢዚ አሲዲአይ ዎሲ ሜዲዳ ኪታንቻታስ ኅይኖይ ኤያቴሳ ጊዳዳይሳ ቤሳናሳ።

- ሃ ማገፋይ አይኪዳ ኩሜሳ ቆፋ
- ጌሎሶ 1:1-8
- ኪርስቶሳ ሃኖኔ ኢዛ አሶ 1:9-2:19
- ኪርስቶሳን ዲዛ አራሳ ዴዎ 2:20-4:6
- ኩሻ ቆፋ 4:7-18

1 ዎሳ ሼኔን ዮሱስ ኪርስቶሳን ኪቴቲዳ ጳውሎሳፔኔ ኑ ኢሻ ጊምቶሳፔ፤ 2 ቆላሲያሴን ዲዛ ኪርስቶሳን ዱማቲዳይታሲኔ አማኔቲዳ ኢሻታስ ኑ አዎ ዎሳፌ ሳርቴሲኔ ኪያቴሳ ኢንቴስ ጊዶ።

#### ጋላታ ዎሳ

3 ኑ ኢንቴ ጊሽ ዎሲዛ ኡባ ጋላስ ኑ ኅዳ ዮሱስ ኪርስቶሳ አዎ ዎሳ ጋላቶስ። 4 ጋሶይካ ኢንቴስ ዮሱስ ኪርስቶሳን ዲዛ አማኖኒኔ አማኒዛ አሳ ኢንቴ ወርሲ ሲቂዛይሳ ኑ ሲዬዳ ጊሻሳ። 5 ሄሲ ወሪካ ሃኒዳይ ሳሎን ኢንቴስ ጊጌቲዳ ሂዶታፔ ዴንዲዳይሳና። ሄሳ ሄ ሂዶታ ጊሽ ሚሺራቾ ቃላ ኢንቴ ካሴቲዲ ሲዬዴታ። 6 ሄሲካ ሄ ኢንቴኮ ጋኪዴስ። ሄሳ ሚሺራቾ ቃላ ኢንቴ ሲዮሳፔኔ ዎሳ ኪያቴሳ ቱማቴሳ ኢንቴ ኤሮ ጋላሳፌ ሃ ሲሚን አላሜ ዩሾን ኢዚ አሲሼ ዲዛይሳ ማላ ኢንቴ አቻን አይፌ አይፌሼኔ ዲጨሼ ዴስ። 7 ሄሳካ ሃዲ ኑ ጊሽ ጊዳዲ ኪርስቶሳስ አማኔቲዳ አሳንቻ ጊዳዳይሲኔ ኑናራ ኢሲፌ አሲዛኔ ሲቂዛ ኤጳፒራይ ኢንቴና ታማርሲዴስ። \*\* 8 ቃሴካ ኢዚ ኢንቴናን ዲዛ አያና ሲቆቴሳ ኑስ ዮቲዴስ።

9 ኑ ቃሴ ሄሳ ሲዮሳፔ ሃ ሲሚን ኢንቴ ዎሳ ሼኔ ኤራቴሳኒኔ አኬካን ኢንቴና ኩንሳና ማላ ኢንቴ ጊሽ ዎሳ ቃንጊቤኮ። 10 ሄሳሶካ ኅዳስ ቤሲዛ ዱስ ዳና ማላ ኢንቴ ኢዛ ፖሊ ኡፋይሳና ማላ ሎዎ አሶ ኡባን አይፌ ኢማና ማላኔ ዎሴ ኤሮን ዲጨ ዲጨ ባና ማላ ኑ ኢንቴስ ዎሶስ። 11 ኅዳይ ባ ጊታ ዎልቃን ባ ሚኖቴሳ ኡባ ኢንቴስ ኢሞ፤ ወርሲካ ኢንቴ ዳንዳያና ማላኔ ኡፋይሳን ጊጌቲዳይታ ጊዳና ማላ ኢንቴና ኢዚ ማዶ። 12 አማኒዛይቲ ሳቲዛሶ ፖዎ ካዎቴሳ ሳቲዛይታ ኑ ጊዳና ማላ ኑና ጋሲዳ ኑ አዎ ኢንቴ ጋላታናሳ። 13 ኢዚ ኑና ዱማን ሃራቴሳፌ አሺዲ ጌዴ ባ ዶሲዛ ናዛ ካዎቴሳን ኑና ፒንሲዴስ። 14 ኑ ኢዛን ዎዜቲዲ ናጋራፔ ማሬቲዶስ። \*

#### ኪርስቶሲ ኡባፌ ቦላ

15 ኪርስቶሲ አይፌን ቤቶንታ ዎሳስ ቱሙ ሌሚሶ፤ ሜዴቴሳ ኡባፌ ጊታኔ ባይራ። 16 ሜዴቴሳ ወሪ ኢዛን ሜዴቴዴስ። ሳሎኒኔ ሳግን ዲዛይቲ፤ አይፌን ቤቲዛይቲኔ ቤቶንታይታ ጊዳንካ፤ ዎልቃማታ ጊዳንካ፤ ሃሪዛይታ ጊዳንካ ዎይኮ ኅዳቴሳ ዲዛይቲ ሃኒዳይ ወሪካ ኢዛን ኢዛስ ሜዴቴዴስ። 17 ኢዚ ኡባፌ ካሴ ዴስ። ወሪካ ኢሲ ቦላ አይኬቲ ሚኒዳይ ኢዛና። 18 ኢዚ ባ አሳቴሳ ጊዳዳ ዎሳ ኬሳይስ ሁዔ። ኡባስ ቦላ ጊዳና ማላ ኢዚ ሃይቂዳ አሳ ኡባፌ ኮይሮ ዴንዲዴስ። \* 19 ሄሲካ ሃኒዳይ ኩሜሳ ዎሳቴሳይ ኢዛ ናዛን ዴዳና ማላ ዎሳ አዎ ሼኔ ጊዳዳ ጊሻሳ። 20 ማስቃሌ

\* 1:7 ኑ ጊሽ ኢሲ ኢሲ ጊሻ ማገፋታን ኢንቴ ጊሽ ጌቲዴስ። \* 1:7 ቆላ 4:12፤ ፒል 23 \* 1:14 ኤፌ 1:7 \* 1:18 ኤፌ 1:22-23



ቦላ ኢዛፔ ጉኪዳ ሱላን ሳሮቴስ ሜዲዲ ቢታ ቦላ ጊዲን ሳሎ ቦላ ዲዛይሳ ወርሲ ኢዛ ባጋራ ባናራ ማቃዩንሲዴስ። \*

21 ኢንቴ ኢታ አማሌ ጋሶን ካሴ ኢንቴ ያሳፌ ሻኬቲዲ ኢንቴ ኢንቴ ቆፋራ ኢዛስ ሞርኬታኮሺን።  
22 ሃዲ ቃሴ ኢንቴ ቦላ ባላይኔ ዎሶይ ባይንዳ ጌሻታ አሲዲ ኢንቴና ባ ሲንስ ሺሻናስ ኪርስቶሳ አሾ ሃይቆ ባጋራ ያሲ ኢንቴና ባናራ ማቃዩንሲዴስ። 23 ሄሲካ ሃናናይ ኢንቴ አማኖን ገጸዲኔ ጊጌቲዲ ኢንቴ ኢንቴ አማኖን ኤኪዳ ሚሺራቾ ቃላፔ ቃዎንታ ሚኒ ኤቁኮና። ኢንቴሲኔ ሳሎ ጉፋንሶን ዲዛ ሜዴቴላስ ሳባኬቲዳ ሚሺራቾ ቃላይ ሄሳ። ታ ጳወሎሲካ ሃይሳ ሃ ሚሺራቾ ቃላስ አሳንቻ ጊዳዲስ።

**ጳወሎሲ ዎሳ ኬሳ ጊሽ ኤኪዳ ዋዩ**

24 ታ ኢንቴ ጊሽ ዋዩ ቤይዳይሲ ሃዲካ ታና ኡፋይሴስ። ኪርስቶሲ ባ አሳቴስ፤ ሄሲካ ዎሳ ኬሳ ጊሽ ኢዚ ኤኪዳ ዋዩዛፔ ኤኪሺን ፓጫዳይ ዲኮ ታኒ ታ አሾን ኩንሳና። † 25 ዎሳ ቃላ ታ ኢንቴስ ፓጫይ ባይንዳ ጋሳና ማላ ታስ ያሳፌ ኢሜቲዳ ሃዳራ ማላ ታ ዎሳ ኬሳ አሳንቻ ጊዳዲስ። 26 ሃ ቃላይ ቤኒ ዎዴፔኔ ካሴ ዩሌቴሳፌ ጌሚዲ ፀራ ጊዲ ጋምዲዴስ። ሃዲ ጊዲኮ አማኒዛይታስ ኡባስ ቆንጫዴስ። 27 ያሲ ባ አሳስ ቆንጫሳናስ ኮይዳ ፀራይ ኢዛ ቦንቾ ዱራቴሳይ አይዛቤ ጊዲዳ ኢንቴ ጊደን አይ ማላ ጊታኮኔ ቤሳናሳ። ኢዚካ ኢዛ ቦንቾ ሂደታ ጊዲዳ ኢንቴ ጊደን ዲዛ ኪርስቶሳ።

28 ኑካ ኢሲ ኢሲ አስ ኪርስቶሳስ ኩሜሳ አስ ሂስቲ ሺሻናስ ዳንዳያና ማላ አስ ወርሲ ሂላራ ዞሪሽኔ ታሞርሲሽ ኪርስቶሳ ጊሽ ሳባኮስ። 29 ታካ ታ ጋርሳን ሚንሳ አሲዛ ኢዛ ዎልቃን ወርሳ ባይታሽ ሄ ቆፋ ፖላናስ ዳፌታይስ።

**2**

1 ኢንቴ ጊሺኔ ሎዶቂያን ዲዛይታኔ ሄሳሳካ ታና ባ አይፌራ ቤዩ ኤሮንታ አሳ ኡባስ ታ አይ ማላ ባይቲኮኔ ኢንቴ ኤራና ማላ ታ ኮይይስ። 2 ቃሴካ ኢስታ ዎዝናይ ሚናና ማላኔ ኢስቲ ሲቆቴሳን ኢሶይ ኢሳራ አይኬታና ማላ ኩሜስ ጊዲዳይሳ ዩሺ ቆፒ ኤሮ ዱራቴስ ዴሚዲ ያሳ ፀራ ጊዲዳ ኪርስቶሳ ኢስቲ ኤራና ማላ ታ ዳፌታይስ። 3 ቆታን ዲዛ ጫንጫቴሲኔ ኤራቴሳ ሃሮይ ወሪካ ቤቲዛይ ኪርስቶሳ አቻና። 4 አኒካ ኢንቴና ዱና ማልዌሶን ባሌሶንታ ማላ ታ ኢንቴስ ዮታይስ። 5 ታ ኢንቴፌ አሾ አይፌን ሃካ ዲኮካ አያናን ኢንቴናራ ኢሲፌ ዳይስ። ኢንቴ ዎጋራ ዲዛይሳኔ ኢንቴ ኪርስቶሳ ሎዌስ አማኒዛይሳ ቤያዳ ታ ዳሮ ኡፋዮታይስ።

**ኪርስቶሳን ቤቲዛ ኩሜሳ ዴዎ**

6 ሄሳ ጊሽ ኢንቴ ጎዳ ዩሱስ ኪርስቶሳ አማኒዳ ማላ ኢዛን ዴዲቴ። 7 ኢንቴ ኢዛን ቶኬቲዲኔ ኬዌቲዲ ኢንቴ ታሞሪዳ ማላ አማኖን ሚኒ ዳሮ ቲርፓ ጋላታ ኢዛስ ሺሺሽ ዲቴ።

8 ኪርስቶሳን ገጸዳዝ ጊደንታ አሳ ዎጋኔ ጎዳይ ባይንዳ ሃ አላሜዛ ላፋ ዎጋን ኤቂዳ አሳ ኤራቴሳኒኔ ሮሜ ሚላ ባሌሶ ሃሳያን ኢንቴና አኒካ ዲያንታ ማላ ናጌቲቴ። 9 ጋሶይካ ኩሜሳ ያሳቴስ ኢዛ አሳቴሳን ዴስ። 10 ኢንቴካ ሃሪዛይታሲኔ ጎዳታ ኡባስ ሁዌ ጊዲዳ ኪርስቶሳን ኩሜስ ጊዲቴ።

11 ኢንቴ ኢዛን ቃግራቲዴታ። ሄሲ ሄ ቃግራዚካ ናጋራ ጊዲዳ አሾ ቆፋ ዲጋናስ ኪርስቶሳን ሃኒዳይሳ አቲን አሳ ኩሺን ሃኒቤና። 12 ዒንቃታን ኢዛራ ኢሲፌ ሞጌቲዴታ። ኢዛ ሃይቆፔ ዴንሲዳ ያሳ ዎልቃን አማኒዲ ቃሴካ ኢዛራ ኢሲፌ ዴንዲዴታ። \* 13 ኢንቴ ካሴ ኢንቴ ሞርኒኔ ኢንቴ አሾ ናጋራ ሃኖቴሳ ኢንቴፌ ዲጎንታ አጊዳ ጊሽ ሃይቂዳይታኮ ሺን ያሲ ኢንቴና ኪርስቶሳ ባጋራ ፓሲዴስ፤ ኢንቴ ናጋራካ ኡባ አቶ ጊዴስ። \* 14 ካሴ ኑና ሞቴሽኔ ኑናራ ኤቁቲሽ ዲዛ ሙሴ ዎጋን አሮ ሞቶስ ገፌቲዳይሳ ቁጫ ዲጊዴስ። ማስቃሌ ቦላ ቶርጊዲ ኑ ቦላፌ ዲጊዴስ። 15 ሃላቃታኔ ጎዳቲዛይታ ጎዳቴስ ኢስታፌ ዎሲ ኤኪዲኔ ማስቃሌ ቦላ ሃይቂዲ ያኒ ዴንዲዲ ዲዌቲዳይታ ቆንጫን ዩሺ ቤሲዴስ።

16 ሄሳ ጊሽ ሙሳን ዎይኮ ኡሻን፣ ኢሲፌ ቦንቾን ዎይኮ አጊና ዌሮኒኔ ሳምባታ ጋላስ ቦንቾ ጊሽ ኢንቴ ቦላ አኒካ ፒርዶፎ። \* 17 ሄይቲ ወሪካ ቡሮ ያና ሃኖታስ ኤሾታ ጊዲሺን ዋና አሳቴሳይ ጊዲኮ ኪርስቶሳ። 18 ቤሶንታ አሽኬቴሲኔ ኪታንቻታስ ጎይኖ ዶሲዛ አሲ አኒካ ኢንቴና ዱጲዲ ሜላ አሾንታ ማላ ናጌቲቴ። ሄሳ ማላ አሲ ባ ቤዩዳ አጉሞስ ዎጋይ ባይንዳ ባና ናሺሽ ሃዳ አሾ ቆፋን ኩሚዲ አቶራቴስ። 19 ሄሳ ማላ አሳስ ሁዌ ጊዲዳ ኪርስቶሳራ አይኮ ጋይቶቴሲካ ዴና። ኩሜሳ አሳቴስ ሻያኒኔ ኮልኼ ጋሲ አይሴሲ ዲቺዛ ሁዌይ ኪርስቶሳ። ያሲ ኪርስቶሳ አሳቴስ ኩሜስ ዲቺዛይ ሄሳ ማላና። \*

**ዎርዶ ቲሚርቴፌ ናጌቲቴ**

20 ሃይሳ ሃ አላሜዛ ዎጋስ ኢንቴ ኪርስቶሳራ ሃይቂዳይታ ጊዲኮ ሂስቲን ሃዲ አዛስ ሄ ዎጋስ ሃራቴቲ? 21 አይኮፋ፣ ላጫ ቤዮፓ፤ ቦቾፋ ጊዛይታ ማላ። 22 ሃይቲ ወሪ አሳ አዛዞኒኔ አሳ ቲሚርቴን ዎዲዳ ዎጋታ ጊዲዳ ጊሽ አሴቲዳፔ ጉዩ ሮ ዳያናስ ዴቴስ። 23 ሃ አዛዞቲ ባርካ ባፔ ሜዲ ኤኪዳ ጎይኖ ቆፋይ ሮ ቤሶንታ አሽኬቴሲኔ ባ አሳቴስ ናቂ አይሳን ኢስታስ ቱሙ አዶ ኤራቴስ ዲዛይታ ሚሳቴቴስ። ጊዶ አቲን አሾ አሞቴስ ሺሺ አይኪዛ ዎልቃይ ኢስታስ ባዋ።

\* 1:20 ኤፌ 2:16 † 1:24 ጳወሎሲ ሃይሳን “ኢዚ ኤኪዳ ዋዩዛፔ ኤኪሺን ፓጫዳይ ዲኮ ታኒ ታ አሾን ኩንሳና” ጉሲ ናጋራ ማራና ዳንዳይካ ኪርስቶሲ አሲዳ አሶፔ አቲዳይሲ ዴስ ጉሲ ጊዴና፤ ሃይሳን ጳወሎሲ ጊዛይሲ ኪርስቶሲ አሳ ናጋራ ጊሽ ማስቃሌ ቦላ ካቂቲዳይሳሳ ዳዩዳ ሃ አላሜይስ ሚሺራቾ ቃላ ዮቲሽ ኢዛ ዋዩዛ ስካኬቲዛይሳ ቤሴስ። \* 2:12 አሮ 6:4 \* 2:13 ኤፌ 2:1-5 \* 2:16 አሮ 14:1-6 \* 2:19 ኤፌ 4:16

3

**ጌሻቴሳ ዱሳስ ማዲዛ ዎጋ**

1 ሂስቲኮ ኢንቴ ኪርስቶሳራ ኢሲፌ ዴንዲዳይታ ጊዲኮ ኪርስቶሲ ያሳ አቻን ኡቲዳሶን ፕዴን ዲዛ ሃኖቴሳ ኮዩቴ። \* 2 ኢንቴ ቆፋይ ፕዴ ሰላን ዲዛ ሚሻ ሰላ ጊዶ አቲን ሃ ቢታ ዮዎ ሰላ ጊዶ። 3 ጋሶይካ ኢንቴ ሃይቂዴታኔ ኢንቴ ዴዎይካ ኪርስቶሳራ ያሳ አቻን ቆቴቲዴስ። 4 ኢንቴስ ዴዎ ጊዲዳ ኪርስቶሲ ቆንጫዛ ጋላስ ኢንቴካ ሄ ዎዴ ኢዛራ ኢሲፌ ሰንቸራ ቆንጫና።

5 ሄሳ ጊሽ ኢንቴስ ቢታ ሰላ ዲዛ አሞቴስ ዲጊቴ። ሄይቲካ ላይማ፣ ቴናቴስ፣ አሾ አሞ፣ ኢታ አሞቴሴኔ ኤቃስ ጎይኖ ማላ ጊዲዳ ጋጲጋጲ። 6 ሄይታንታ ጋሶን ያሳ ሃንቆይ ያሳስ አዛዜቶንታይታ ሰላ ያና። 7 ኢንቴካ ካሴ ዲዛ ዱሳን ሄ ሚሻታ አሲዴታ።

8 ሃሂ ጊዲኮ ሃንቆ፣ ዩሎ፣ ጫሼ፣ ዚጊርሲኔ ዩላሲዛ ሃሳያ ሄይታንታ ሚሳቲዛይታ ዉርሲ ዲጊቴ። 9 ካሴ ጩጋ አሳቴስ ኢዛ አሶራ ጋሲ ኢንቴፌ ቃሪ ዩጊዳ ጊሽ ኢንቴ ኢንቴ ጋርሳን ኢሶይ ኢሳራ ዎርዶ ሃሳኖፕቴ። \* 10 ባና ሜዲዳይሳ ሚሳታና ማላ ኤራን ኦራጊዳ ኦራሳ አሳቴስ ማይዲዴታ።

\* 11 ሄን ጊሪኬ አስ ጊዲን ዎይኮ ዩሁዳ አስ ዎይኮ ቃፃሬቲዳይታ ዎይኮ ቃፃሬቶንታይታ ዎይኮ ታማሪዳይታኔ ታማርንታይታ ዎይኮ ማሬቶንታይታ ዎይኮ አይሴ ዎይኮ ጎቃ ጌቴቲዛ ዱማቴሲ ዴና። ኪርስቶሲ ሄይታንታ ኡባሳ፣ ቃሴ ኡባንካ ዴስ። \* 12 ሄሳ ጊሽ ዱማ ጊዲዲ ዶሴቲዳይቶ፣ ኢንቴ ያሳስ ዶራቲዳይታ ጊዲዳ ማላ ሚሼቴሴኔ ኪያቴስ፣ አሽኬቴስ፣ ሰንቸኔ ዳንዳያ ማይዲቴ።

\* 13 ኢንቴ ኢሶይ ኢሳ ዳንዳይቴ፣ ኢንቴፌ ኢሳይ ዴ ኢሳይ ሰላ ሚሼቲኮ ዮዎይካ ኢዛ ሰላ ዲኮ ኢሶይ ኢሳስ አቶ አቶ ጌቴቲቴ። ጎዳይካ ኢንቴስ አቶ ጊዳ ማላ ኢንቴካ ሃራ አሳስ አቶ ጊቴ። \* 14 ሄሳ ኡባ ሰላ ኡባ ኩሜሳ ኢሲፌቴሳን ሺሺ ቃቺዛ ሲቆ ማይዲቴ። 15 ኢንቴ ዉሪካ ኢሲ አሾ ጊዲዲ ሳርቴሳስ ሄይጌቲዳ ኪርስቶሳ ሳርቴሴ ኢንቴ ዎዝናን ካዎቶ። ኢንቴ ጋላቲዛይታ ጊዲቴ።

16 ኪርስቶሳ ቃላይ ኢንቴናን ኩሜስ ጊዶ። ኢንቴ ኢንቴ ጋርሳን አቶ ኤራቴሳን ታማሪቴኔ ዙሪቴቴ፤ ማዛሙሬኒኔ ሳባን አያና ዩሳን ጋላታራ ጋሲ ኢንቴ ዎዝናራ ያሳስ ዩጊቴ። 17 ኢዛ ባጋራ ያሳ አዎስ ጋላታ ሺሺሼ ቃላን ጊዲን ዎይኮ አሶን ኢንቴ አሲዛይሳ ዉርሲ ጎዳ ዩሱሳ ሱንሳን አሲቴ።

**አማኒዛ አሳይ ባሶ አሳ ካሴሲዛ ዎጋ**

18 ማቼቶ! ጎዳ አቻን ኢንቴስ ቤሲዛ ሚሽ ጊዲዳ ጊሽ ኢንቴ አዚናታስ አዛዜቴ። \* 19 አዚናቶ! ኢንቴ ኢንቴ ማቼታ ሲቂቴኔ ኢስታስ ሜንጌ ኢቶፕቴ። \*

20 ናይቶ! ኢንቴ ጎዳ ኡፋይሳና ማላ ኢንቴ ኢንቴና ዩሊዳይታስ ኡባ ሚሻን አዛዜቴ። \* 21 አዎቶ! ናይቲ ሂዶታ ቃንዎንታ ማላ ኢንቴ ናይታ ሃንቆሶናቴ። \*

22 አይሴቶ! አስ ኡፋይሳሲኔ ጮ አይፌሶን ቤታናስ ጊዶንታ ሱሬ ዎዝናፕ ኢንቴ ጎዳስ ባቢቴ። ሃይሳ ቢታን ሃሪዛ ጎዳታስካ ሃኖ ኡባን አዛዜቴ። \* 23 ኢንቴ አሲዛ ሚሽ ዉርሲ አሳስ ጊዶንታ ጎዳስ አሲዛ ማላ ታይቢዲ ኩሜሳ ዎዝናፕ አሲቴ። 24 ኢንቴ ጎዳ አቻፌ ኢንቴ አሶ ማላ ኤካናስ ሳታይ ዲዛይሳ ኢንቴ ኤሬታ። ኢንቴ አሲዛይ ጎዳ ዩሱስ ኪርስቶሳሳ። 25 ቆሆ አሲዳዴይ ባ አሲዳሪ ኩሼ ኤካና። ኢዛ አቻን ዱማ ማዶይ ዴና። \*

4

1 ጎዳቶ! ኢንቴስ ሳሎን ጎዳይ ዲዛይሳ ኢንቴ ኤሪዛ ጊሽ ኢንቴስ አሲዛይታስ ቴማኒኔ ሱሬቴሳን አሲቴ። \*

**ጉጂ ዙሪ**

2 ቤጊዲ ጋላታራ ጋሲ ፓጩይ ባይንዳ ያሳ ዎሲቴ። 3 ታ ኢዛ ጊሽ ቃሼቲዳ ኪርስቶሳ ፀራ አዎጃናስ ዳንዳያና ማላ ዎሲ ኑስ ቃላ ዮታናስ አጌ ዶያና ማላ ኑ ጊሺካ ዎሲቴ። 4 ቃሴካ ሃሳያናስ ቤሲዛ ቃላ ቆንጩን ታ ሃሳያና ማላ ታስ ዎሲቴ።

5 አማኖንታ አሳታራ ኢንቴስ ዲዛ ሃኖቴሳን አቶ ኤራቴሳን ሲሜሬቴቴ። ኢንቴስ ቤቲዳ ሎዎ ቃዳን ጎዴቴቴ። \* 6 ኢሶስ ኢሳስ ኢንቴ ዛር ዎስቲ ኢማናኮኔ ኢንቴ ኤራና ማላ ኢንቴ ሃሳያይ ማጊኔራ ካጊዳ ካሳ ማላ ማልዎ ጊዶ።

**ዉርሴሳ ሳርካ**

7 ቲቂቆሲ ታ ዱሳ ጊሽ ዉርሲ ኢንቴስ ዮታና። ኢዚ ዳር ዶሴቲዳ ኢሻኔ ጎዳስ ታናራ ኢሲፌ አሲዛ አማኔቲዳ አሳንቻ። \* 8 ኑ ዱሳ ጊሽ ኢንቴ ኤራና ማላኔ ኢንቴ ዎዝና ሚንሳና ማላ ታኒ ኢዛ ኢንቴኮ ኪታዲስ። 9 ኢዚ ኢንቴ ባጋ ጊዲዲ አማኔቲዳዴኔ ዶሴቲዳዴ ጊዲዳ ኑ ኢሻ አናስሞሳራ ኢንቴኮ ኤራይስ። ኢስቲካ ሃን ዲዛ ሃኖዛ ዉርሲ ኢንቴስ ዮታና። \* 10 ባርናባሳ አዎ ሚቼይ ና

\* 3:1 ማዛ 110:1 \* 3:9 ኤፌ 4:22 \* 3:10 ኤፌ 4:24፤ ሜዴ 1:26 \* 3:11 ታማሪዳይታኔ ታማርንታይታ ጊዛይሲ ካሴ ኮይር ጊሪኬ ቃላን ባርባሪያኔ አሲኩቴ ጉሲ ጊዲሺን ኢዚካ ዎራ ጊዶፌ ዩዳ አሳታኔ ጊሪኬ ቃላ ኤርንታይታ ቤሲስ \* 3:12 ኤፌ 4:2 \* 3:13 ኤፌ 4:32 \* 3:18 ኤፌ 5:22፤ 1ጴ፬ 3:1 \* 3:19 ኤፌ 5:25፤ 1ጴ፬ 3:7 \* 3:20 ኤፌ 6:1 \* 3:21 ኤፌ 6:4 \* 3:22 ኤፌ 6:5-8 \* 3:25 ዛሬ 10:17፤ ኤፌ 6:9 \* 4:1 ኤፌ 6:9 \* 4:5 ኤፌ 5:16 \* 4:7 ሃዋ 20:4፤ 2ጊም 4:12 \* 4:9 ፕላ 10-12

ማርቆሲኔ ታናራ ኢሲፌ ቃሼቲዳ አርጊሮኮሲ ኢንቴና ሳሮ ጌቴስ። ማርቆሳ ጊሽ ኢንቴ አይ አሳናኮኔ ካሴ ኢንቴና ታ ቆፊሳ ዎሲዳ ማላ ኢዚ ኢንቴኮ ጋኪሺን ሞኪ ኤኪቴ። \*

<sup>11</sup> ኢዮስዎሳ ጌቴቲዛ ኢያሶይካ ኢንቴና ሳሮ ጌስ። አይሁዳ አሳ ጊዶፌ ዎሳ ካዎቴሳስ ታናራ አሲዛይቲ ሃይታንታ ፃላ። ኢስቲ ታና ሚንፊሲዳ።

<sup>12</sup> ኢንቴ ባጋፌ ጊዲዳ ዮሱስ ኪርስቶሳ እሳንቻ ኤጳፒራይ ኢንቴና ሳሮ ጌስ። ኢዚካ ኢንቴና አያና ዱሳን ሎዔሲ ሚኒዲኔ ሙሌራ ዎፑ ጊዲ ዎሳ ሽኔን ሚኒ ኤቃና ማላ ኡባ ዎዴ ኢንቴ ጊሽ ዎሳን ባዔቴስ። \* <sup>13</sup> ቃሴካ ኢንቴ ጊሽ ሄሳሶካ ሎዶቂያኒኔ ኢያርፖሊሴ ካታማን ዲዛይታስ ኢዚ ፓጩይ ባይንዳ አሲዛይሳ ታ ኢዛስ ማርካታይስ።

<sup>14</sup> ዳሮ ዶሴቲዳ አኪሜ ሉቃሲኔ ዴማሲ ኢንቴና ሳሮ ጌቴስ። \* <sup>15</sup> ሎዶቂያን ዲዛ ኑ ኢሻታስ፣ ኒምፑሲኔ ኢዚ ኬሳን ሺቂዛ አማኒዛ አሳታስ ታ ሳሮካ ዮቲቴ። \* <sup>16</sup> ሃና ታ ኪታያ ኢንቴስ ናባቤቲዳ ማላ ቃሴካ ሎዶቂያን ዲዛ ዎሳ ኬሳይን ናባቤታና ማላ አሲቴ። ኢንቴካ ቃሴ ሎዶቂያፔ ኢንቴስ ኪቴቲዳ ኪታ ናባቤቴ። <sup>17</sup> አኪሪጳስ “ኔኒ ጎዳፔ ኤኪዳ አሶዛ ዉርሴስ ጋሳናስ ሚና” ጊቴ። \*

<sup>18</sup> ሃይሳ ሳሮካ ታኒ ጳዉሎሲ ታ ኩሼራ ፃፋዲስ። ታ ቃሼታ ዲዛይሳ ዶጎፐቴ። ዎሳ ኪያቴሲ ኢንቴናራ ጊዶ።

---

\* 4:10 ሃዋ 12:12፥25፤ 13:13፤ 15:37-39፤ 19:29፤ 27:2፤ ፐል 24 \* 4:12 ቆላ 1:7፤ ፐል 23 \* 4:14 2ዲም 4:10-11፤ ፐል 24 \* 4:15 ኒምፑሲሲኔ ኢዚ ኬሳን ዲዛሪስ። ኢሲ ኢሲ ቢርሼሳ ማፃፋቲ ኒምፑሴሲኔ ኢዛ ኬሳን ሺቂዛ አማኒዛ አሳታ ጌቴስ \* 4:17 ፐል 2

**ጳውሎስ  
ታሶሎንቄ አሳስ  
ፃፊዳ ኮይሮ ኪታ  
ጊዶ ቆፋ**

ታሶሎንቄይ ማቀደኒያ ጌቱቲዛ አሮሜስ ዋና ካታማ። ጳውሎስ ታሶሎንቄ ዎሳ ኬሳዮ ኤሲዳይ ፒሊጲሲዮሴ ዩጊ ቢዳፕ ጉዮና። ሄራካ ኢሲ አጊና ኩሞንታ ዲሺን አይሁዳቲ ኢዚ ፒሊጲሲዮሴ ዩጊ ቢዳይሳ ሲዩዳ። ሄሳ ጊሽ ጳውሎስ ኢስታስ ፃፊዳ ባ ኪታዛን ሚሺራቾ ቃላ ቃንሳራ ቆንጨሲደስ። (1:9-10) ኢስቲካ አይሁዳታ አማኖ ኤካናስ ማቲ ኡቲዳ አይዛቢቲ ጳውሎስ ዮቲዛ አማኖን ዎዝና ቦቼቲዳ። ሄሳ ጊሽ አይሁዳቲ ቃናቴቴሳን ጳውሎሳ ቦላ ፓላማ ዴንሲዳ። ሄሳ ጊሽ ጳውሎስ ታሶሎንቄ ዩጊዲ ጌዴ ቤሪያ ባናይሲ ኢዛስ ማኔ ጊዲዴስ። ጉሲ ጋምሲሼ ቆሮንቶሴ ካታማ ቢ ጋኪዳ ማላ ሂምቶሲ ዎሳ ኬሳይ ሃኒዛይሳ ዉርሲካ ኢዛስ ዮቲዴስ።

ጳውሎስ ኮይሮ ኪታ ታሶሎንቄ አሳስ ፃፊዳይ አማኒዛይታ ዴንሴሳናሲኔ ሚንሴሳናሳ። ኢዚ ኢስታ ሎዎ አማኖ ጊሺኔ ኢስታ ሲቆቴሳ ጊሽ ሎዎ ዎሬ ሲይዲ ዎሴ ጋላቲዴስ። ካሴ ጳውሎስ ኢስታራ ዲዛ ዎዴ ኢዚ ኢስታራ አይ ማላ ዱስ ዴዩዳኮኔ ኢስታ ቆሬሴስ። ሄሳፊካ ኪርስቶሳስ ናምፃንሶ ዩሳ ጊሽ ዴንዲዳ አይሻታስ ዛሮ ኢሜስ።

ሄ አይሻታፕ ባጋቲ “ኪርስቶሲ ሃ ሲሚ ያናፕ ካሴቲዲ ካሴ ሃይቂዳ አማኒዛ አሳይ ኪርስቶሳ ዩሳን ቤቲዛ ሜርና ዴዎ ዴማኔ?” ጊዛይታ። ጳውሎሲካ ሄሳ ጋሶ ሂስቲዲ “ኪርስቶሳስ ናምፃንሶ ዩሳ ቲሚርቴዛ ሂዶታን ናጊሼ ሄ ዎዴ ጋካናስ ጮው ጊዲ ኢንቴ አሶ አሲቴ” ጊዲ ኢስታ ዞሬስ።

- ሃ ማፃፋይ አይኪዳ ኩሜሳ ቆፋ
- ጌሎሶ 1:1
- ጳውሎሳ ኡፋይሲኔ ኢዛ ጋላታ 1:2-3:13
- አማኒዛ አሳይ ካላና ዎጋ 4:1-12
- ኪርስቶሲ ናምፃንሶ ያና ዩሳ ጊሽ ኢሜቲዳ ቲሚርቴ 4:13-5:11
- ዉርሴሳ ዞሬ 5:12-22
- ኩሻ ቆፋ 5:23-28

1 ጳውሎሳፕ፡ ሲልዋኖሴፕኔ ሂምቶሳፕ፤ ዎሳ አዋሲኔ ጎዳ ዩሱስ ኪርስቶሳይታ ጊዲዳ ታሶሎንቄን ዲዛ አማኒዛ አሳስ ኑ አዋ ዎሳሬኔ ጎዳ ዩሱስ ኪርስቶሳ ኪያቴሲኔ ሳሮቴስ ኢንቴስ ጊዶ። \*

ታሶሎንቄን አማኒዛ አሳ አማኖ ጊሽ ሺቂዳ ጋላታ

2 ኑ ኢንቴና ኑ ዎሳን ቆፒሼ ኡባ ዎዴ ዎሳ ኢንቴ ጊሽ ጋላቶስ። 3 አማኖኒኔ ሚኖ ሲቆቴሳን ኢንቴ አሲዳ አሶ ጊሽ ጎዳ ዩሱስ ኪርስቶሳ ቦላ ዲዛ ኢንቴ ሚኖ ኡፋይሳን ቤቲዳ ኢንቴ ሚኖቴሳ ጊሽ ኑ ጎዳ ዎሳ፤ ኑ አዋ ሲንሳን ኡባ ጋላስ ኢንቴ ጊሽ ቆፖስ።

4 ዎሳን ዶሴቲዳ ኑ ኢሻቶ! ኢዚ ኢንቴና ዶሪዳይሳ ኑ ኤሮስ። 5 ጋሶይካ ሚሺራቾ ቃላይ ኢንቴኮ ዩዳይ ዎልቃራ ሂሎ አያናኒኔ ሎኔሲ ሻኪ ኤሪን አቲን ጮ ቃላ ያላን ጊዴና፤ ቃሴካ ኑ ኢንቴ ጊሽ ጊዲ ዋኒ ዴዲዳኮኔ ኢንቴ ኤሬታ። 6 ሃሚ ኢንቴ ኑናኔ ጎዳ ሚሳቲዴታ። ኢንቴ ቦላ አይ ሜቶይ ጋኪዳ ጊዲኮካ ሂሎ አያና ኡፋይሳ ቃላ ኢንቴ ኤኪዴታ። \* 7 ሄሳሬ ዴንዲዳይሳን ኢንቴ ማቀደኒያኒኔ አካያን አማኒዛ አሳ ኡባስ ሎዎ ሌሚሶታ ጊዲዴታ። 8 ጎዳ ቃላይ ኢንቴሬ ኬዚዲ ማቀደኒያኒኔ አካያን ሲዩቴስ ያላ ጊዶንታ ኢንቴስ ዎሳ ቦላ ዲዛ አማኖይ ኡባሶን ኤሬቲዴስ፤ ሄሳ ጊሽ ኑ ኢንቴስ ዮታናስ አይኮካ ኮሼና። 9 ኢንቴ ኑና ዎስቲ ሞኪ ኤኪዳኮኔ ዴዎን ዲዛ ቲሙ ዎሳስ አሳናስ ኢንቴ ኤቃታፕ ዎሳኮ ዋኒ ሲሚዳኮ አሳይ ኢንቴ ጊሽ ሃሳዩስ። 10 ቃሴካ ዎሲ ሃይቆፕ ዴንሲዳይሳ ቡሮ ያና ሃንቆሬ ኑና አሻና ሳሎፕ ያና ዎሳ ና ዩሱሳ ዩሳ ኢንቴ ዎስቲ ናጊዛኮኔ አሳይ ሃሳዩስ።

2

ታሶሎንቄን ጳውሎሳ አሶ

1 ኑ ኢሻቶ! ኑ ኢንቴኮን ጋምሲዳ ጋምዎይ ጮ ሜላ ጊዶንታይሳ ኢንቴካ ኤሬታ። 2 ኢንቴካ ኤሪዛይሳ ማላ ሃይሳሬ ካሴ ፒሊጲሲዮሴን ኑ ዋዩኔ ሜቶ ቤይዶሲኔ ጫዩቲዶስ፤ ጊዶ አቲን አይኔ ሚኖ ዋዩይ ኑና ጋኪኮካ ዎሳ ሚሺራቾ ቃላ ኢንቴስ ዮታናስ ኑ ጎዳፕ ያላቴስ ዴሚዶስ። \* 3 ኑ ኢንቴና ዞሪዳ ዞሬይ ኢታ ቆፋራ ዎይኮ ኢንቴና ባሌሳናስ ኮይዲ ጊዴና። 4 ጊዶ አቲን ኑ ሚሺራቾ ቃላ ሃዳራ ኤካናስ ዳንዳይዛ አሳታ ማላ ዎሲ ኑና ቆዲዳ ጊሽ ኑ ሃሳዩስ፤ ሄሳካ ኑ አሲዛይ ኑ ዎዝና ፓጪ ኤሪዛ ዎሳ ኡፋይሳናስ አቲን አስ ኡፋይሳናስ ጊዲ ጊዴና። 5 ኑ ሙሴካ ባሌሶ ቃላ ዮቲቤኮ ዎይኮ ኑ ኡዜቴስ ካማናስ ጊዲ ባሌሶ ሃኖ ኑ ሃኖታይሳ ኢንቴ ኤሬታ። ሃይሳስካ ኑ ማርካይ ዎሳ። 6 ኢንቴሬ ጊዲን ዎይኮ ሃራታፕ አናፕካ አሳፕ ኢሜቲዛ ቦንቾ ኑ ኮይቤኮ። 7 ኑ ኪርስቶሲ ኪቲዳይታ ጊዲዳ ጊሽ ኢንቴስ ቶሆ ጊዳናስ ዳንዳይሳ፤ ጊዶ አቲን አያ ባ ናይታ ዲቺዛ ማላ ኑካ ኢንቴ ጊዶን አሽኬቴሳን ሲሜሬቲዶስ። 8 ዎሳ ቃላ ያላ ጊዶንታ ዲሺን ኑ ሼምፖካ ኢንቴ ጊሽ

\* 1:1 ሃዋ 17:1 \* 1:6 ሃዋ 1:5-9 \* 2:2 ሃዋ 16:19-24፤ 17:1-9



ኡፋይሳን ኢጣና ጋካናስ ኢንቴና ሲቂዶስ። ጋሶይካ ኑ ኢንቴና ዳሮ ሲቂዳ ጊሻሳ። 9 ኑ ኢሻቶ! ኑ ዳሬቴሳኔ ኑ ዳቡራ ኢንቴ ኤሬታ፤ አናስካ ቶሆ ጊዶንታ ማላ ቃማኔ ጋላስ ኑስ አሲሼ ሚሺራቾ ቃላ ኢንቴስ ፍቲዶስ።

10 ኑ ኢንቴናራ አማኒዛይታራ ዲዛ ዎዴ ዒሎቴሳኒኔ ጊሻቴሳን ቃሴካ ዎሶይ ባይንዳ ኑ ዋኒ ዴዒዳኮኔ ኢንቴካ ያሲካ ኑስ ማርካ። 11 አዋይ ባ ናይታስ ሃኒዛ ማላ ኑካ ኢንቴስ ኢሳስ ኢሳስ አይ ሃኒዳኮኔ ኢንቴ ኤሬታ። 12 ኢንቴ ኢንቴና ባ ካዎቴሳሲኔ ባ ቦንቾስ ዒይጊዳ ያሳስ ቤሲዛ ማላ ኢንቴ ዳና ማላ ኑ ኢንቴና ሚንሲዶስ፤ ሎዔሲ ዞሪዶሲኔ ሃዳራ ጊዶስ።

13 ኢንቴ ኑፔ ሲዱዳ ያሳ ቃላ ኤኪዳ ዎዴ አማኒዛ ኢንቴ አቻን ቱሙ አሲዛ ያሳ ቃላ ማላ ኤኪዴታ አቲን ሮ አሳ ቃላ ማላ ኢንቴ ኤኮንታ አጊዳ ጊሽ ኑ ያሳ ቃንይይ ባይንዳ ጋላቶስ።

14 ኑ ኢሻቶ! ዩሁዳ ቢታን ዩሱስ ኪርስቶሳ አማኒዛ ያሳ ዎሳ ኬሳታ ሚሳቲዴታ፤ ኢስቲ አይሁዳታፔ ሜቶኔ ዋዩ ኤኪዳ ማላ ኢንቴካ ኢንቴ አሳፔ ዋዩ ኤኪዴታ። \* 15 ኢስቲ ጎዳ ዩሱሳኔ ካሴ ናቤታካ ዎዲዳ፤ ኑናካ ጎዲዳ፤ ያሳካ ኡፋይሲቤቴና፤ አሳ ኡባራ ኤቄቲዛይታ ጊዲዳ። \* 16 ሄሲካ አይዛቤቲ ሲይዲ አታና ቃላ ኑ ኢስታስ ፍቶንታ ማላ ዲጋናሳ። ሄሳ ማላ አሶን ባ ናጋራ ኡባ ዎዴ ባ ቦላ ዉርሴስ ጋካናስ ጉጂ ጉጂ ቤቴስ፤ ያሳ ሃንቆይካ ኢስታ ቦላ ዎዲዴስ።

**ጳውሎሲ ታሶሎንቄ አሳ ቤያናስ ላሞቲዴስ**

17 ጊዲኮካ ኑ ኢሻቶ! ኑ ጉሳ ዎዴስ ኢንቴሬ አያናን ጊዶንታ አሾን ሻኬቲኮካ ኢንቴ ላሞታይ ኑና ዎዲዛ ጊሽ ኢንቴ አይሬሶ ቤያናስ ዳሮ ዳሬቴሳን ዶስ። 18 ኑ ኢንቴኮ ባናስ ዳሮ ላሞቲዶስ ሺን ሃራፔካ ታ ጳውሎሲ ዳሮ ዎዴ ዳሬታዲስ ሺን ሃላዔይ ኑና ዲጊዴስ። 19 ጎዳ ዩሱሲ ሃ ዩዛ ዎዴ ኢዛ ሲንሳን ኑ አዋይ ዎይኮ ኑ ኡፋይሲ ዎይኮ ኑ ዛዉዴይ ኑስ ኢንቴሬ ሃራይ ኦኔ? 20 ቱማፔካ ኑ ኡፋይሲኔ ኑ ቦንቾይ ኢንቴና።

**3**

1 ሄሳ ጊሽ ኑስ ዳንዳዩቶንታ ኢዒን ሄ ዎዴ አቴናን ኑርካ ኑ አታናይሲ ኑስ ሎዎ ጊዲ ቤቲዴስ። \* 2 ኢንቴና አማኖን ሚንሳና ማላ ኑናራ አሳስ ኪርስቶሳ ሚሺራቾ ቃላ ፍቲዛ ያሳ አሽካራ ጊዲዳ ዒምቶሳ ኢንቴኮ ዩዲዶስ። 3 ሄሲካ ሃይሳ ፓጩዛን አኒካ አማኖፔ ቃንይንታ ማላ፤ ኑካ ሃይሳስ ዶሬቲዳይሳ ኢንቴካ ኤሬታ። 4 ኑ ቃሴ ኢንቴናራ ዲዛ ዎዴ ዋዩይ ኑ ቦላ ጋካናይሳ ካሴቲዲ ኢንቴስ ፍቲዶስ፤ ኢንቴ ኤሪዛ ማላካ ሃኒዴስ። 5 ሄሳ ጊሽ አይኮካ ታ ጌንጩጩን ታስ ዳንዳዩቶንታ ኢዒዳ ጊሽ ኢንቴ አማኖ ጊሽ ኤራናስ ጋዳ ዒምቶሳ ኪታዲስ። ታ ሄሳ አሲዳይ አኒ ኤሪዜ ፓጩዛዴይ ኢስታ ፓጩን ሃኒ ዎዴ ኑ ዳቡራይ ዉርካ ሜላ ጊዶንታ አጌና ጋዳ ባቢዳ ጊሻሳ።

**ዒምቶሲ ኤኪ ዩዳ ሚንሴሲዛ ቃላ**

6 ሃዒ ቃሴ ዒምቶሲ ኢንቴ አቻሬ ኑኮ ዩዲ ኢንቴ አማኖ ጊሺኔ ኢንቴ ሲቆቴሳ ጊሽ ሎዎ ዎሬ ኑና ሲሲዴስ። ቃሴካ ኢንቴ ኡባ ዎዴ ኑና ሎዔሲ ቆፒዛይሳኔ ኑካ ኢንቴና ቤያናስ ላሞቲዛ ማላ ኢንቴካ ኑና ቤያናስ ላሞቲዛይሳ ኑስ ፍቲዶስ። \* 7 ሄሳ ጊሽ ኑ ኢሻቶ! ኑ ዲዛ ዎዩኔኔ ሜቶ ጋርሳን ጊዲኮካ ኢንቴ አማኖ ጋሶን ኢንቴናን ሃዒ ኑ ሚኔቶስ። 8 ኢንቴ ጎዳን ሚኒ ኤቂዳ ጊሽ ቱማፔ ሃዒ ኑ ፓዓ ዳና። 9 ኢንቴ ጌዶን ኑ ያሳ ሲንሳን ኑ ዴሚዳ ኡፋይሳ ኡባ ጊሽ ያሳ አይ ማላ ጋላታናስ ዳንዳዩዞኒ? 10 ቃሴካ ኑ ኢንቴና ቤያናሲኔ ኢንቴ አማኖፔ ፓጩዳይሳ ኩንሳናስ አማርሲኔ ጋላስ ኬሂ ዎሶስ።

11 ሃዒካ ኑ ኢንቴኮ ባና ማላ ኑ አዋይ ያሲ ጎዳ ዩሱስ ኪርስቶሲ አጌዛ ኢዚ ኑስ ሱሪሶ። 12 ኑ ኢንቴና ሲቂዛ ማላ ኢንቴስ ኢንቴ ጋርሳን ዲዛ ሲቆኔ ኢንቴ ሃራታ ሲቂዛ ሲቆዛ ጎዳይ ዳርሶኔ ኬሂ ጉጆ። 13 ኑ ጎዳ ዩሱስ ኪርስቶሲ ጊሻታ ኡባታራ ዩዛ ዎዴ ኑ አዋ ጎዳ ያሳ ሲንሳን ኢንቴ ዎሶይ ባይንዳይታኔ ጊሻታ ጊዲዲ ቤታና ማላ ኢንቴ ዎዛና ኢዚ ሚኒሶ።

**4**

**ዮሴ ኡፋይሲዛ ዱስ**

1 ሃዒ ዉርሴሳን ታ ኢሻቶ! ኢንቴ ያሳ ኡፋይሳናስ ኢንቴ ዋኒ ዋኒ ዳና ቤሲዛኮኔ ኑ ኢንቴና ታማርሲዶስ። ቱማፔካ ኑ ታማርሲዳ ማላ ዴታ፤ ሄሳ ጊሽ ጎዳ ዩሱስ ኪርስቶሳን ኑ ኢንቴና ዎሲዛይኔ ዞሪዛይ ሃይሳሬካ አዲዛ ሃኖራ ኢንቴ ሲንሴ ጉጃና ማላ። 2 ጎዳ ዩሱስ ኪርስቶሳ ዎልቃን ኑ ኢንቴስ አይ አዛዞ ኢሚዳኮኔ ኢንቴ ኤሬታ።

3 ያሳ ሼኔይ ኢንቴ ሳይማፔ ሃኪዲ ዱማታናሳ። 4 ቃሴ ኢሲ ኢሲ አሳይ ባ ማቾ ጌሻቴሳኒኔ ቦንቾን አይሶ ቤሲዛይሳ ሻኪ ኤሮ። 5 ሄሲካ ዮሴ አማኖንታ አይዛቤታ ማላ ሳይማ ቃቄቴሳን ጊዶፓ። 6 ሄሳ ማላን አኒካ ባሌቲዲ ባ ኢሻ ባሌሶሬ፤ ጋሶይካ ሃይሳሬ ካሴ ኑ ኢንቴስ ፍቲዳ ማላኔ ናጌታናስ አኪኪሲዳ ማላ ጎዳይ ሄይታንታ ማላ ናጋራ አሲዛ ኡባታ ቦላ ባ ሃንቆ ኤሃና። 7 ያሲ ኑና ጌሻቴሳስ ዒይጊዴስ አቲን ቱናቴሳስ ዒይጊቤና። 8 ሄሳ ጊሽ ሃይሳ ሃ ዞሬዛ ካዲዲ ኤኮንታዴይ ዒሎ አያና ኢዛስ ኢሚዳ ያሳ ካዴስ አቲን አስ ካዲዛይ ጊዴና።

9 ኢሻታ ሲቆቴሳ ጊሽ ኢንቴስ አኒካ ዓፋናስ ኮሼና፤ ጋሶይካ ኢንቴ ኢንቴ ጊዶን ሲቆታና ማላ ኢንቴ ኢንቴ ባጋራ ያሳሬ ታማሪዴታ። 10 ኩሜሳ ማቂዶኒያን ዲዛ አማኒዛ አሳ ኢንቴ ዉርሲ ሲቂዛይስ ኤሬቲዳይሳ። ጊዶ አቲን ኑ ኢሻቶ! ሲንሳ ባጋን ኢንቴ ሃይሳሬ አሲ ሲቆታና ማላ ኑ

\* 2:14 ሃዎ 17:5 \* 2:15 ሃዎ 9:23÷29፤ 13:45÷50፤ 14:2÷5÷19፤ 17:5÷13፤ 18:12 \* 3:1 ሃዎ 17:15 \* 3:6 ሃዎ 18:5

ኢንቴና ዞርስ። 11 ኑ ሃይሳፌ ካሴ ኢንቴና አዛዚያ ማላ ኢንቴ ኢንቴ ኩሼራ አሲቴ፤ ዎፑ ጊ ዲቴ፤ ኢንቴስ ጊዲዛይሳ ሎዔሲ ያሊቴ። 12 ሄሲካ ጋላስ ጋላስ ኢንቴ ዱሳይ ሃንኮ አማኖንታ አሳ አቻን ኢንቴና ቦንቺሳና ማላኔ ኢንቴ አይ አሳስካ ቶሆ ጊዶንታ ማላ።

**ጎዳስ ናምዓንሶ ዩስ**

13 ታ ኢሻቶ! ኢንቴ አሾን ሃይቂዳይታ ጊሽ ኤርንታ አታና ማላ ኑ ኮኮኮ። ቃሴካ ሂዶታይ ባይንዳ ሃራ አሳታ ማላ ኢንቴ ካኮታና ማላ ኑ ኮኮኮ። 14 ዩሱሲ ሃይቂዳ ዴንዲዳይሳ ኑ አማኒዛ ጊዲኮ ዩሱሳ አማኒዳይታ ያሲ ዩሱሳራ ሄሳሶካ ዛሪ ሃ ዩዳና።

15 ኑ ጎዳ ቃላን ኢንቴስ ጊዛይ ሃይሳ። ኑኒ ሃይቆንታ ፓዓ ዲዛይቲኔ ጎዳይ ያና ጋካናስ ጋምዓናይቲ ካሴ ሃይቂዳይታፕ ሲንሳቶኮ። 16 ጎዳይ ባ ሁዔራ ጊታ አዛዞን ኪታንቻታ ሃላቃ ጊሪሳራ ያሳ ፁፋምባ ጊሪሳን ሳሎፕ ዎዳና። ካሴ ኪርስቶሳ አማኒዲ ሃይቂዳይቲ ኢስቲ ካሴቲ ዴንዳና። 17 ሄሳፌ ጉዩ ኑ ቃሴ ፓዓ ዲዛይቲ ጎዳ ጫርኮ ቦላ ጋጋናስ ኢስታራ ኢሲፌ ሻራራ ዴንዳና፤ ሄሳሶካ ኑ ሜርናስ ጎዳራ ዳና። 18 ሄሳ ጊሽ ሃይሳ ቃላን ኢሶይ ኢሳራ ሚኔቲቴ።

**5**

1 ታ ኢሻቶ! ሄሲ ሃናና ዎዴዛ ጊሽ ኑ ኢንቴስ ዓፋናስ ኮሼና። 2 ካይሶይ ቃማን ዩዛ ማላ ጎዳ ጋላሲካ ሄሳ ማላ ያናይሳ ኢንቴ ኢንቴ ባጋራ ሎዔሲ ኤሬታ። \* 3 አሳይ “ጋዴይ ሳርኔ ሎዎኮ” ጊሼን ሚዓይ ቃንሳራ ዲዛ ማጫስ አይኪዛ ማላ ሄሳሶካ አስ ዳይሲዛይ ቆፖንታ አሳ ቦላ ጋካና። አኒካ ኬሲ ኤኬና።

4 ኢንቴኖ ኢሻቶ! ሄ ጋላሳይ ካይሶ ማላ ኢንቴና ዳጋንሳናስ ኢንቴ ዱማን ዴኬታ። 5 ኢንቴ ወሪካ ፖፖ ናይታ፤ ኑኒ ዱማ ዎይኮ ቃማ ባጋ ጊዶኮ። 6 ሂስቲኮ አኔ ቤጎስ፤ አኔ ኑርካ ኑና ሃሮስ አቲን ሃንኮ ዲስኪዛ አሳ ማላ ኑካ አኔ ዲስኮኮ። 7 ዲሲኪዛይቲ ቃማራ ዲሲኬቴስ፤ ማሶቲዛይቲካ ቃማራ ማሶቴቴስ። 8 ኑ ቃስ ጋላሳ አሳታ ጊዲዳ ጊሽ አማኖኔ ሲቆ፣ ቲራን ማይዲዛ ፁፋሬ ማይዎ ማላ ማይዲዳ አቶቴሳ ሂዶታ ሁዔን ዎሲዛ ቢራታ ቆቤ ማላ ሁዔን ዎሲዳ አኔ ኑናቴሳ ሃሪዲ ዴዎስ። \* 9 ያሲ ኑ ጎዳ ዩሱስ ኪርስቶሳ ባጋራ አቶቴስ ዴማና ማላ አቲን ኑና ሃንቆስ ያይጊቤና። 10 ኑ ሃይቂኮካ ዎይኮ ፓዓ ዲኮካ ኢዛራ ዳና ማላ ኢዚ ኑ ጊሽ ሃይቂዴስ። 11 ሄሳ ጊሽ ቱማፕ ኢንቴ ሃሲ አሲዛይሳ ማላካ ኢሶይ ኢሳራ ሚኔቲቴኔ ሚንሴሲቴ።

**ወርሴሳ ዞሪኔ ሳርካ**

12 ሂስቲኮ ታ ኢሻቶ! ኢንቴ ጊዶን ሚኒ አሲዛይታ ጎዳን ኢንቴፌ ቦላራ ዲዛ ሃላቃታኔ ኢንቴና ዞሪዛይታ ኢንቴ ቦንቻና ማላ ኑ ኢንቴና ዎሶስ። 13 ኢስታ አሶ ጊሼካ ኢስታ ሲቆራ ሎዔሲ ቦንቺቴ፤ ኢንቴ ኢንቴ ጊዶን ሳርን ዲቴ።

14 ታ ኢሻቶ! ኑ ኢንቴና “አሶ አሶንታ አሳታ ሃንቁቲቴ፤ ባቢዛይታ ሚኒሲቴ፤ ዳቡራንቻታ ማዲቴ፤ አስ ኡባ ዳንዳዩቴ” ጊ ዞርስ። 15 አናስካ ኢታ ጊሽ ኢታ ዛርንታ ማላ ናጌቲቴ፤ ጊዶ አቲን ኢንቴ ኢንቴ ጊዶን ጊዲን ሃራ አሳራ ጊዲን ኡባ ዎዴ ሎዎ ጊዲዛይሳ አሳናስ ባዌቲቴ።

16 ኡባ ዎዴ ኡፋዩቲቴ። 17 ቃንዎንታ ዎሲቴ። 18 አይ ሃኖንካ ጋላቲቴ ያሳ ሼኔይ ኢንቴስ ዩሱስ ኪርስቶሳ ባጋራ ሄሳ።

19 ዲሎ አያና ታማ ቶይሶፍቴ። 20 ቲንቢቴ ቃላ ካዶፒቴ። 21 ወርሲካ ፓጩ ያሊቴ፣ ሎዎ ጊዲዳዝ አይኪቴ። 22 ኢታ ጊዲዳ አይ ሚሻፕካ ሃኪቴ።

23 ሳርቴሳ ጎዳይ ኢዚ ኢንቴናቴሳ ኤራይስ ዱማሶ፤ ኢንቴ አያናይ፣ ኢንቴ ሼምፖይኔ ኢንቴ አሾይ ጎዳ ዩሱስ ኪርስቶሲ ዩዛ ዎዴ ዎሶይ ባይንዳ ናጌቶ። 24 ኢንቴና ያይጊዳይሲ አማኔቲዳዴ ጊዲዳ ጊሽ ኢዚ ሄሳ አሳና።

25 ኑ ኢሻቶ! ኑ ጊሼካ ዎሲቴ። 26 አማኒዛይታ ኡባ ጊሻ ዩሬቴሳን ሳርኪቴ። 27 ሃ ኪታይ አማኒዛይታስ ኡባስ ናባቤታና ማላ ጎዳ ሱንሳን ሃዳራ ጋይስ።

28 ኑ ጎዳ ዩሱስ ኪርስቶሳ አዶ ኪያቴሲ ኢንቴናራ ጊዶ።

\* 5:2 ማቶ 24:43፤ ሉቃ 12:39፤ 2ጴፀ 3:10 \* 5:8 ኢሳ 59:17፤ ኤፌ 6:13-17

**ጳውሎስ  
ታሶሎንቄ አሳስ  
ፃፊዳ ናምዓንሶ ኪታ  
ጊዶ ቆፋ**

ኪርስቶስ ናምዓንሶ ያናይሳ ጊሽ አይሾይኔ አሺ ዴንዲዳ ጊሽ ታሶሎንቄ ዎሳ ኬላ ጋርሳን ሜቶይ ዳሪ ዳሪ ቢዴስ። ጳውሎስ ታሶሎንቄ አሳስ ፃፊዳ ናምዓንሶ ኪታይ “ጎዳ ዩሳ ጋላሲ ማቲዴስ” ጊዛ አማኖ ቃላ ቲሺ ሂስቲ ዮቲዴስ። ጳውሎስ ፃፊሽ ኪርስቶስ ያናፔ ካሴቲዲ “ማካላ አስ” ጌቲቲዛዴይ ኪርስቶሳራ ኤቄቲዛዴይ ባሌሶን ሃይሳ አላሜዛ ቦላ ኢታቴሲኔ ማካላይ ዳሪ ዳሪ ባና ጉሳን ኢስታ አማኖ ጊጊሳናስ ዳፌቲስ።

ናባቢዛይቲ ዋዩይኔ ሜቶይ ኢስታ ቦላ ዳሪኮካ ኢስቲ ባ አማኖን ሚኒ ኤቃና ማላ ጳውሎስኔ ሃራቲ ኢዛራ ኢሲፌ አሲዛይቲ አሲዛ ማላ ኢስቲካ ባ ዱሳስ ኮሺዛይሳ ዴማናስ ሚኒ አሳና ማላኔ ሎዎ አሶ አሳናስ አዛሎንታ ማላ ኢስታ ሎጴሲ ዞሬስ።

**ሃ ማፃፋይ አይኪዳ ኩሜሳ ቆፋ**

ጌሎሶ 1:1-2

ጋላታኔ ሃዳራ ኢዋ 1:3-12

ኪርስቶስ ናምዓንሶ ያናይሳ ጊሽ ኢሜቲዳ ቲሚርቴ 2:1-17

አማኖን ዱሳ ጊሽ ኢሜቲዳ ዞሬ 3:1-15

ኩሻ ቆፋ 3:16-18

1 ጳውሎሳፔ፡ ሲልዋናሴፔኔ ሂምቶሳፔ፤ ኑ አዋ ያሳኒኔ ጎዳ ዩሱስ ኪርስቶሳን ጊዲዳ ታሶሎንቄን አማኒዛ አሳስ። \* 2 ያሳ አዋፔኔ ጎዳ ዩሱስ ኪርስቶሳፔ ኪያቴሲኔ ሳሮቴስ ኢንቴስ ጊዶ።

**ጋላታኔ ዎሳ**

3 ታ ኢሻቶ! ኢንቴ አማኖይ ዎዴፔ ዎዴን ዲጪ ዲጪ ቢዛ ጊሺኔ ኢንቴ ሲቆይካ ካሴፔ ጉጂቲ ጉጂቲ ቢዛ ጊሽ ኑ ኢንቴ ጊሽ ያሳ ሎጴሲ ጋላታናስ ቤሴስ። 4 ሄሳ ጊሽ ኢንቴ ቦላ ጋኪዳ ጎዴቴሳኒኔ ሜቶ ኡባን ኢንቴ ሚኒዳ ጊሽ ኑኒ ኑ ባጋራ ኢንቴ ዳንዳያ ጊሺኔ ኢንቴ አማኖ ጊሽ አማኒዛ አሳ ኡባ አቻን ጩቁቶስ።

5 ሄሲ ወራካ ያሳ ፐርዳይ ሱሬ ጊዲዳይሳ ቤሴስ። ሄሳ ጊዶን ዋዩ ቤዩዛ ኢንቴ ያሳ ካዎቴሳስ ቤሲዛይታ ጊዲ ቤቲዴታ። 6 ያሲ ሂሎ ጊዲዳ ጊሽ ኢንቴና ዋይሲዛይታ ኢዚ ዋይሳና። 7 ዋዩ ኤኪዳ ኢንቴሲኔ ኑስ ሽምፖ ኢማና። ሄሲካ ጎዳ ዩሱስ ኪርስቶስ ዎልቃማ ሳሎ ያሳ ኪታንቻታራ ሳሎ ቦላ ቆንጩዛ ዎዴ ሃናና። 8 ሄ ዎዴ ያሴ ኤሮንታ አሳታኔ ጎዳ ዩሱስ ኪርስቶሳ ሚሺራቾ ቃላስ አዛዜቶንታ አሳታ ቦላ ኢዚ ባ ሃሎ ላጮ ታማን ኬሳና። \* 9 ኢስቲካ ጎዳ ሲንሳፌኔ ኢዛ ቦንቾ ዎልቃ አቻፊ ኪቺዲ ሜርናስ ዳዮን ቃዋታና። \* 10 ኢስቲ ቃዋታናይ ኢዚ ጊሻታ አቻን ቦንቼታናሲኔ አማኒዛይቲ ወራ ኢዛን ማላሌታና ማላ ኢዚ ዩዛ ጋላሳን ሃናና። ኢንቴካ ሄ አማኒዛ አሳራ ዳና፤ ጋሶይካ ኑ ኢንቴስ ማርካቲዳይሳ ኢንቴ አማኒዳ ጊሻሳ።

11 ኑ ሄሳ ቆፐሽ ኑ ያሲ ኢንቴና ባ ዴይሳስ ጊዲዛይታ ሂስቲ ቆዳና ማላ ኢንቴ ሎዎ አሳናስ አዋቲዛ አዋዛኔ አማኖን ኢንቴ አሲዳ አሶዛ ወርሲ ኢዚ ኢንቴስ ባ ዎልቃን ፖላና ማላ ኑ ኢንቴስ ኡባ ዎዴ ዎሶስ። 12 ቃሴካ ኑ ጎዳ ያሳኔ ኑ ጎዳ ዩሱስ ኪርስቶሳ ኪያቴሳ ማላ ዩሱስ ኪርስቶሳ ሱንሳ ኢንቴ አቻን ቦንቼታና ማላኔ ኢንቴካ ኢዛን ቦንቼታና ማላ ኑ ኢንቴስ ዎሶስ።

2

**ማካላ አስ**

1 ታ ኢሻቶ! ጎዳ ዩሱስ ኪርስቶሳ ዩሳ ጊሺኔ ኑ ኢዛኮ ባና ቡሳ ጊሽ ኑ ኢንቴና ቆፊሶስ። \*

2 አያናይ ቆንጩሲዴስ ዎይኮ ቃላይ ጌስ ጊዲ ዎይኮ ኑፔ ኢንቴስ ኪቲቲዳ ኪታ ማላ “ጎዳ ዩሳ ጋላስ ጋኪዴስ” ጊዲ ኢንቴ ቆፋን ያርክ ያርኮፊቴኔ ዳጋዋፍቴ። 3 አኒካ አይ ሃኖንካ ኢንቴና ባሌሶፎ። ዳሮ አሳይ አማኖ ካዳናፔ ሲንፌ ዳያናስ ቤሲዛ ኢሲ ማካላ አሲ ቆንጮንታ ዲሺን ሄ ጋላሳይ ጋኪና። 4 ኢዚካ ያሴ ጌቲቲ ጎይኔቲዛ ኤቃ ያሳታ ኡባፌ ቦላራ ባና ዶቄ ዶቄ ሂስቲዛዴኔ ያሳራ ኤቄቲዛዴ። ኢዚካ ያሳ ኬሳን ኡቲዲ ባና “ታኒ ያሳ” ጊዲ አዋጃ አዋጃሳና። \*

5 ታ ኢንቴናራ ዲዛ ዎዴ ሃይታ ሃ ዮዎታ ኢንቴስ ታ ዮቲዳይሲ ኢንቴስ ቆፌቲዜሻ? 6 ኢዚ ባ ዎዴን ቆንጫና ጋካናስ ሃሲ ኢዚ ቆንጮንታ ማላ አዚ ዲጊዛኮኔ ኢንቴ ኤሬታ።

7 ማካላንቻ ፀራይ ሃራይ አቶሺን ሃሲካ አሶ ቦላ ዴስ። ጊዶ አቲን ሃይሲ ሃናናይ ኢዚ ሃሲ አሶንታ ማላ ኢዛ ዲጊዛዴይ ኢዛ አጌፔ ኪቻና ጋካናስ ያላ። 8 ሄሳፌካ ካሊዲ ጎዳ ዩሱሲ ባ ዱና ፔኖኒኔ ባ ቦንቾ ዩሳን ዳይሳና፤ ማካላንቻይ ቆንጫና። \* 9 ሄ ማካላንቻ ዩሲ ያላጴ ዎልቃን ሄሲካ አስ ባሌሲዛ ማላታታኒኔ ማላሊሲዛ ሚሻታን ሃናና። \* 10 ሄሳሶካ ኤኪዲ አቶንታ ማላ ቲማ ኢዲዲ

\*- 1:1 ሃዋ 17:1 \* 1:8 ላጮ ታማን ጊዛይሲ ኢሲ ኢሲ ቃላ ቢርሽላታን ፃፊቲቤና። \* 1:9 ኢሳ 2:10 \* 2:1 1ታሶ 4:15-17 \* 2:4 ሂዚ 28:2 \* 2:8 ኢሳ 11:4 \* 2:9 ማቶ 24:24

ዳዩዛ አሳታ ባሌላናስ ዱማ ዱማ ኢታ አሰይ ያና። 11 ሄሳ ጌዶን ኢስቲ ዎርዶ ዮዎ አማናና ማላ ያሲ ኢስታ ባላ ባላ አሶ ኪታና። 12 ሄሲ ሃናናይ ቱማ አማናንታ ኢዲዲኔ ዎርዶ ዮዎን ኡፋዬቲዛይቲ ወሪ ፐርዴታናሳ።

**ሚኒ ኤቁቱ**

13 ጎዳን ዶሴቲዳ ታ ኢሻቶ! ኑ ጊዲኮ ኡባ ዎዴ ኢንቴ ጊሽ ያሴ ጋላታናስ ኑስ ቤሴስ። ጋሶይካ ያሲ ኢንቴና ኮይሮፔ አይኪዲ ኢንቴ ዊሎ አያናን ዱማቲዳይታኔ ቱሙ አማኒዲ ኢንቴ አታና ማላ ኢንቴና ዶሪዴስ። 14 ኑ ጎዳ ዮሱስ ኪርስቶሲ ቦንቾ ጊሼቲዛይታ ኢንቴ ጊዳና ማላ ኑ ዮቲዳ ሚሺራቾ ቃላ ባጋራ ኢንቴና ያይጊዴስ። 15 ሄሳ ጊሽ ታ ኢሻቶ! ኢንቴ ሚኒ ኤቁቱ። ኑ ኑ ዱናን ጊዲን ዎይኮ ኪታን ዎይኮ ኑ ኢንቴስ አሲ ዮዲዳ ቲሚርቱዛ ሎዔሲ አይኪቱ።

16 ኢዚ ኑ ጎዳ ዮሱስ ኪርስቶሲ ቃሴ ኑና ሲቁዳይኔ ባ ኪያቱላን ሜርና ሚንሴሶኔ ሎዎ ሂዶታ ኢዚ ኑስ ኢሚዳ ኑ አዋ ያሳይ። 17 ኢዚ ኢንቴ ዎዝና ሎዎ አሶኒኔ ቃላን ሚንሶ።

3

**ዎሳ ጊሽ ሺቁዳ አይሾ**

1 ወርሴላን ታ ኢሻቶ! ቃሴካ ጎዳ ቃላይ ኢንቴ አቻን ሃኖይሳሶካ ኤሌሊ ኡባሶ ጋካና ማላኔ ቦንቼታና ማላ ኑስ ዎሲቱ። 2 ቃሴካ አሲ ወሪ አማኒዛይሳ ጊዶንታ ጊሽ ማካላንቻታፔኔ ኢታ አሳታፔ ኑ አታና ማላ ኑስ ዎሲቱ። 3 ጎዳይ ጊዲኮ አማኔቲዳይሳ። ኢዚካ ኢንቴና ሚንሳና፤ ዓላዔጋካ ኢንቴና ናጋና። 4 ኑ ኢንቴና አዛዚዳይሳ ኢንቴ ሃዲ አሲዴታ ሺን ሲንሳፊካ ኢንቴ አሳናይሳ ኑኒ ጎዳን አማኔቶስ። 5 ጎዳይ ኢንቴ ዎዝና ያሳ ሲቆኮኔ ኪርስቶሳ ዳንዳያኮ ካሌሶ።

**አሶ አሳና ማላ ኢሜቲዳ ዞሬ**

6 ታ ኢሻቶ! አሶ አሶንታ አሳፔኔ ኢንቴ ኑፔ ኤኪዳ ቲሚርቱዛ ማላ ዶንታ አማኒዛይታፔ ኢንቴ ሃካና ማላ ጎዳ ዮሱስ ኪርስቶሳ ሱንሳን ኢንቴና ኑ አዛዘስ። 7 ኢንቴ ኑ ሌሚሶ ዎስቲ ካላናኮኔ ኢንቴ ኢንቴ ባጋራ ኤሬታ። ኑ ኢንቴናራ ዲዛ ዎዴ አሶ አሶንታ ሙ ዴዒቤኮ። 8 ቃሴካ አና ሶፔካ ካሰ ሙ ሜላ ሚቤኮ። ጊዶ አቲን ኢንቴፊ አናሲካ ኑ ቶዎ ጊዶንታ ማላ ቃማኔ ጋላስ ዳቡራን አሲ ሚዶስ። 9 ኑ ሄሳ አሲዳይ ኢንቴ ኑና ካላና ማላ ኢንቴስ ሎዎ ሌሚሶ ጊዳና ጊዲፔ አቲን ኑስ ኮሺዛይሳ ኢንቴፊ ኤካና ኑና ዲጊዛ ዎጋይ ዲን ጊዴና። 10 ኑ ኢንቴናራ ዲዛ ዎዴ “አሶ አሳናስ ዶሶንታ አሲ ካሰ ሞፖ” ጊዛ አዛዘ ኢንቴስ ኢሚዶስ። 11 ኢንቴ ጊዶን ኢሲ ኢሲ አሳቲ አሶ አሶንታይሳ ኑ ሲዩዶስ። ሄይታንቲ አሶ አሶንታ ሚላ አሳ ዮዎን ጊሊዛ አሳታ። 12 ሄይታ ማላ አሳቲ ባ አሶ ሙዑ ጊ አሳና ማላኔ ባ ካሰ ማና ማላ ጎዳ ዮሱስ ኪርስቶሳ ሱንሳን ኑ ኢስታ አዛዘሲኔ ዞርስ። 13 ኢንቴ ጊዲኮ ታ ኢሻቶ! ሎዎ አሶ አሳናፔ ሙሌካ አዛሎፍቱ። 14 ሃይሳ ኑ ኪቲዳ ቃላስ አዛዘቶንታይ አኒካ ዲኮ ሄሳ ሚሳቲዛዴ ሎዔሲ ካሊቱኔ ኢዚ ባ አሶን ዮላታና ማላ ኢዛራ ጋጎፍቱ። 15 ጊዶ አቲን ኢዛ ኢንቴ ኢሻ ማላ ሃንቁቱ አቲን ሞርኬ ማላ ያሎፍቱ።

**ወርሴላ ሳሮካ**

16 ሳሮቱላ ጎዳይ ኢዚ ባ ባጋራ ዮዎ ኡባን ኢንቴስ ሳሮቱስ ኢሞ። ጎዳይ ኢንቴናራ ኡባራ ጊዶ። 17 ሃይሳ ሳሮካ ታ ታ ኩሺራ ኢንቴስ ዓሬዳይ ታና ጳወሎሳ። ታ ኪታስ ዱማ ማላታይ ሃይሳ፤ ኢዚካ ሃይሳ ታኒ ታ ኩሺን ዓፎይሳ። 18 ኑ ጎዳ ዮሱስ ኪርስቶሳ አዶ ኪያቱሲ ኢንቴናራ ኡባራ ጊዶ።



**ጳውሎሲ  
ጊምቶሳስ  
ገፊዳ ኮይሮ ኪታ  
ጊዶ ቆፋ**

ጊምቶሳ ጌቲቲዛ ኢሲ ናቴሳ ናይ ኢዛስካ ዮሴቴሳ ዴሬይ ቁሪ ኢሲያ ጊዲሺን፤ ኢዛ አዮያ አይሁዳ አሴ፣ አዋይ ቃሴ ጊሪኬ አሴ። ኢዚ ሚሺራቾ ቃላ አሶን ጳውሎሳራ ኢሲፌ አሲዛ ማታ ላጌ። (ሃዋ 16:1-3) ጳውሎሲ ጊምቶሳስ ኮይሮ ገፊዳ ኪታዚ ሄዥ አይፌ ዮቦታ አይኪዴስ።

ሄ ኪታዛን አይፌ ቆፋይ ሲንሳቲዲ ዎሳ ኪሳ ጋርሳን ዴንዲዳ ዎርዶ ቲሚርቴፌ አሳይ ናጌታና ማላ። ሃ ዎርዶ ቲሚርቴዚ ባጋይ አይሁዳታፍ ባጋይ ቃስ አይዛቤታ ቆፋ አይኪዳዚ ጊዲሺን “ሃይሲ አይፌን ቤቲዛ አላሜዚ ናጋራን ሞሬቲዳ ጊሽ አሳስ ፓዩቴሲ ቤታናይ ሃራ ዱማ ዱማ ፀራ ኤራቴሳኒኔ ኢሲ ኢሲ ቁማታ ሞንታ አጎኒኔ ኤኮንታኔ ጌሎንታ አጎና” ጊዛ ቆፋ ማላ። ሄሳፌካ ባላራ ኢዛ ኪታዚ ዎሳ ኪሳ አይሶ ጊሺኔ ዶሴ ጎይኖ ጊሽ ታማርሲዛ ዎጋይ ሄሳሶካ ዎሳ ኪሳ ጩማቲኔ ኢስታ ማዲዛይታስ ዴግናስ ቤሲዛይ አዛኮኔ ዮቴስ። ወርሴሳን ጊምቶሲ ዮሱስ ኪርስቶሳስ ሎዎ አሳንቻ ዋጊ ጊዳናስ ቤሲዛኮኔ ኢዛስ ዱማ ዱማ አማኒዛይታ ቦላ ዲዛ አላፌቴሳ ጊሽ ጳውሎሲ ኢዛስ ኢሚዳ ዞሬ ቤዮስ።

ሃ ማግፋይ አይኪዳ ኩሜሳ ቆፋ  
ጌሎሶ 1:1-2  
ዎሳ ኪሳ ጊሺኔ ዎሳ ኪሳ ጋርሳን አሲዛይታ ጊሽ 1:3-3:16  
ጊምቶሳስ ኢዛ አሶ ጊሽ ኢሜቲዳ ቲሚርቴ 4:1-6:21

1 ኑና አሺዳ ዎሳን፣ ኑስ ሂዶታ ጊዲዳ ዮሱስ ኪርስቶሳስ አዛዞን ሃዋሪ ጊዲዳ ጳውሎሳፕ 2 አማኖን ታስ ቱሙ ና ጊዲዳ ጊምቶሳስ ዎሳ ኑ አዋፕ ኑ ጎዳ ዮሱስ ኪርስቶሳፕ ኪያቴስ፣ ማርቴሲኔ ሳሮይ ኔስ ጊዶ። \*

ዎርዶ አስታማራታፍ ናጌታና ማላ ኢሜቲዳ አዛዞ  
3 ታኒ ማቂዶኒያ ባሽ ኔና ሃዳራ ጊዳ ማላ ሃይሳፌ ሲንሳን ኢሲ ኢሲ አሳቲ ዎርዶ ቲሚርቴ ታማርሶንታ ማላ ኔ አዛዛናስ ኤፌሶኒን ዳሻ። 4 ቃሴካ አሳይ ዮቲን ወሮንታ ቤኒ ዎዴ ሃይሲዴን ባ ዎዴ ወርሶንታ ማላ አዛዛ። ሄይታ ማላ ዮቦይ ፓላማ ዴንሴሴስ አቲን አማኖን አሴቲዛ ዎሳ አሶስ አይኮካ ጎዴና። 5 ሃ አዛዛዛስ ዋና አይፌ ዮቦይ ጊዲኮ ጌሻ ዎዘናፕ ሎዎ ቆፋራ ሄሳሶካ ቱሙ አማኖፕ ቤቲዛ ሲቆ። 6 ኢሲ ኢሲ አሳይ ሃይታፕ ፖቂ ኤቂዲ ጎዳይ ባይንዳ ዮቦታኮ ሲሚዴስ። 7 ዎጋ ታማርሲዛይታ ጊዳና ማላ ኮዮቴስ። ጊዲኮካ ኢስቲ ባ ዮቲዛይሳ ዎይኮ ኬሂ ሞቴቲዛ ዮዎዛ ሎዴሲ ኤሬቴና።

8 ጊዶ አቲን አሲ ማራን ጎዴቲዛኮ ዎጋይ ሎዎ ጊዲዳይሳ ኑ ኤሮስ። 9 ቃሴካ ዎጋይ ኢሜቲዳይ ጊሎ አሳስ ጊዶንታ ዎጋ ዮዲ አዲዛይታስ፣ አዛዘቶንታይታስ፣ ዎሳስ ባቦንታይታስ፣ ናጋራንቻታስ፣ ጌሻቴሲ ባይንዳይታስ፣ ዶሴ ሴቂዛይታስ፣ ባ አዮኔ ባ አዋ ዎዲዛይታሲኔ ሽምፖ ዎዲዛይታስ ጊዲዳይሳ ኑ ኤሮስ። 10 ሄሳሶካ ላይማቲዛይታስ፣ አዴራ አቂዛ አዴታስ፣ አስ ባይዚዛይታሲኔ ሻሚዛይታስ፣ ዎርዳንቻታስ፣ አሳስ ዎርዶራ ጫቂዛይታስ፣ ሎዎ ቲሚርቴራ ኤቁቲዛ ኡባታሳ። 11 ሄ ሎዎ ቲሚርቴይ አንጄቲዳ ዶሲ ታስ ሃዳራ ኢሚዳ ቦንቾ ሚሺራቾ ቃላራ ጋጊዛይሳ።

ጳውሎሳስ ኢሜቲዳ ዎሳ ኢሞታ  
12 ታና ባ አሶስ ሹሚዲኔ አማኒቲዛዴ አሲ ኤኪዲኔ ታስ ሚኖቴስ ኢሚዳ ኑ ጎዳ ዮሱስ ኪርስቶሳ ታ ጋላታይስ። 13 ሃይሳፌ ካሴ ታ አይ ማላ አስ ጫዩዛዴኔ ጎዴሲዛዴ፣ ቃሴ ማካላ አስ ጊዲኮካ ሄሳ ታ ኤሮንታኔ አማኖንታ ዳሽ አሲዳ ጊሽ ዶሲ ታና ማሪዴስ። \* 14 ዮሱስ ኪርስቶሳፕ ጊዲዳ አማኖራኔ ሲቆራ ኑ ጎዳ ኪያቴስ ታስ ኬሂ ዳሪዴስ።

15 ዮሱስ ኪርስቶሲ ናጋራንቻታ አሻናስ ዱጌ ሃይሳ ሃ አላሜ ዩዴስ ጊዛ ቃላይ ቱማኔ አሲ ወሪካ ኤካናስ ቤሲዛይሳ። ናጋራንቻታፕካ አዲዛ ናጋራንቻይ ታና። 16 ጊዶ አቲን ታ ማራቲዳይካ ዮሱስ ኪርስቶሲ ዛዋይ ባይንዳ ባ ዳንዳያ፣ ኡባፌ አዲዳ ናጋራንቻ ጊዲዳ ታ ቦላ ቤሲዳይ ኢዛን አማናይታሲኔ ሜርና ዴዎ ዴማናይታስ ሎሚሶ ጊዳና ማላ። 17 ሄሳ ጊሽ ሜርናስ ሃይቂ ኤሮንታ፣ አይፌን ቤቲ ኤሮንታ ባርካ ዓላ ዶሴ ጊዲዳ ካዎስ ሜርናፕ ሜርና ጋካናስ ኢዛስ ቦንቾይኔ ጋላታይ ጊዶ። አሚን።

18 ታ ና ጊምቶሳ ኔ ጊሽ ካሴቲዲ ዮቴቲዳ ማላ ሃይሳ አዛዛ ታ ኔስ ኢማዲስ። ሄሲካ ኔ ሄ ቃላ ካላሽ ሎዎ ባዲ ባዲታናሳ። 19 አማኖይኔ ሎዎ ቆፋይ ኔስ ዴዎ። ኢሲ ኢሲ አሳቲ ባ ሎዎ ቆፋ ዮዲ አዲዲ አባ ቦላ ሜቶይ ኢዛ ቦላ ጋኪን ዋዮቲዛ ማርካቤ ማላ ባ አማኖ ዳይሲዳ። 20 ኢስታ ጊዶን ዎሳ ጫሽ አጊዲ ታማራና ማላ ታኒ ዓላዴስ አሳ ኢሚዳይቲ ሄሜኔዎሲኔ ኢስኪንዲሮሲ ዴቴስ።

ዎሳስ ጎይኖ ጊሽ ኢሜቲዳ ዎጋ  
\* 1:2 ሃዋ 16:1 \* 1:13 ሃዋ 8:3፣ 9:4-5

1 ሄሳ ጊሽ ኡባሬ ኮይሮ ሃራ አሳስ ሸቤሳ ዎሳ፥ ጋናቴሳ ዎሳኔ ጋላታ ዎሳ አሳ ኡባስ ካዎታሲኔ ዴሬ አይሲዛይታስ ኡባስ ዎሳና ማላ ታ ኔና ቆሬሳይስ። 2 ሄሲካ ቱሙ አያና ዱሳኒኔ ጌሻቴስ ኡባን ኑኒ ሳሮቴሳኒኔ ዎጋን ዳና ማላሳ። 3 ሃይሲ ኑና አሺዛ ዎሳ አቻን ሎዎኔ ኡፋይሲዛዛ። 4 ኢዚ አሲ ወሪ አታና ማላኔ ቱማ ኤራና ማላ ኮዬስ። 5 ኢሲ ዎሲ ዓላ ዴስ። ቃሴካ ዎሳሲኔ አሳስ ጊዶን ኢሲ ጊጊሲዛ ጋናይ ዴስ። ኢዚካ አስ ጊዲዳ ዮሱስ ኪርስቶሳ። 6 ኢዚ ባና አሳ ኡባስ አሲ ኢሚዴስ። ሄሲካ ሄራካ ዎዴይ አደንታ ኢዛስ ማርካቲዴስ። 7 ታካ ሃይሳስ ሚሺራቾ ዮታናስ ኪቴቲዳዴ። ቃሴካ ዴሬታስ ቱሙ አማኖ አስታማሬ ጊዳዳ ሹሜታዲስ። ሄሳካ ታ ዎርዶቶንታ ቱሙ ዮታናሳ። \*

8 ሄሳ ጊሽ አቱማ አሳይ ኡባ ሶን ሃንቆይ ባይንዳኔ ፓላማይ ባይንዳ ባ ጌሻ ኩሼታ ፑዴ ዶቁ ሂስቲዲ ዎሳና ማላ ታ ኮዩዬስ። 9 ሄሳሳካ ማጫሳቲ ቦንቾራ ባና ሺሺ ኤኪዲ ቤሲዛ ማይዎ ማይዔቶ፥ አቲን ባ ሁዔ ዳዲ ኤኪዲ ዎይኮ አልዎ ማይዎ፥ ዎርቃኔ ኢንቁ አሲዲ ዋልቅ ዋልቅ ጎፔቶ። \*

10 ጊዶ አቲን ዎሴ ዎሶስ ጊዛ ማጫሳቲ ኢስታስ አሳና ቤሲዛ ሎዎ አሶን ሎዔቶ።

11 ማጫሲ ጮው ጋዳ ኩሜሳራ አዛዜቴስ ታማና። 12 ማጫሲ ጮው ጋናፔ አቲን ኢዛ ታማርሳና ማላ ዎይኮ አዴ ቦላ ጎዳታና ማላ ታ ኮዩኬ። 13 ጋሶይካ ኮይሮ አዳሜይ ሜዴቲዴስ፤ ካላዳ ሄዋና ሜዴታዶስ። \*

14 ቃሴካ ኮይሮ ባሌቲዳይ አዳሜ ጊዴና፥ ባሌታዳ ዎሳ ዎጋፔ አዳዳይ ማጫሳዮ። \*

15 ጊዲኮካ ማጫሲ አማኖኒኔ ሲቆን ጌሻቴሳን ባርካ ባና ሃሮን ሚኒኮ ና ዮሎን አታና።

3

**ዎሳ ኬሳ ካሌሲዛይታ**

1 “አኒካ ዎሳ ኬሳ ጩማ ጊዳና ኮይኮ ሎዎ አሶ አሞቴስ” ጊዛ ቃላይ ቱማ። 2 ሄሳ ጊዲኮ ዎሳ ኬሴ ካሌሲዛዴይ ቦሬይ ባይንዳዴ፤ ኢሲ ማቻ ዲዛ አዴ፤ ጊናራ ዲዛዴ፤ ባና ሃሪዛዴ፤ ዎጋራ አቁዛዴ፤ ኢማስ ሞኪዛዴ፤ ታማርሳናስ ዳንዳዩዛዴ፤ 3 ማሶቶንታዴ፥ አሽ አዮቶንታዴ፥ ቃስ ማራጌ አስ፥ አሳራ ፓላሜቶንታዴ፥ ሚሽ ጎዶንታዴ፥ ጊዳናስ ቤሴስ። 4 ባ ናይታ አዛዜቲዛይታኔ አስ ቦንቹዛይታ ሂስቲ ዲቺዲ ባ ኬሳ አሳ ዎጋራ አይሲዛይ ጊዳናስ ቤሴስ። 5 ኢሳዴይ ባ ኬሳ አሳ ዎጋራ አይሶ ኤሮንታ አጊኮ ዎሳ ዎሳ ኬሴ ዎስቲ ናጋና ዳንዳዩዛዴ? 6 አቶሬቴሳን ፑርዲ ዓላዔይ ኩንዲዳ ፑርዳን ኢዚ ኩንዶንታ ማላ አራስ አማኒዛዴ ጊዶ። 7 ቃሴካ ኢዛ ሱንሳን ቦሬቶንታ ማላኔ ዓላዔ ናርዓን ኢዚ ጌሎንታ ማላ አማኖንታ አሳ አቻን ሎዎ ማርካቴስ ዳናስ ኮሼስ።

8 ዳቆኔቲካ ሄሳሶ ቦንቹቲዳይታኔ ባ ጊዳ ቃላ ላሚ ላሚ ዮጎንታይታ፥ ዳሮ ዎይኔ ኡሻስ አሞቶንታይታ፥ አጊይ ባይንዳ ጎዓ ጎዶንታይታ ጊዳናስ ቤሴስ። 9 አማኖ ፀራ፥ ሎዎ ቆፋራ ናጋናስ ቤሴስ። 10 ሃይታንቲካ ኮይሮቲ ፓጩቴቶ። ኢሲ ኢታይ ኢስታ ቦላ ቤቶንታ አጊኮ ሄሳሬ ጉዬ ዳቆኔቴሳን አሴቶ። 11 ማጫ ዳቆኔቲካ ቦንቹቲዳይታ፥ ዚጊሮንታይታ፥ ቃስ ዎጋራ ዲዛይታ፥ ሃኖ ኡባን አማኔቲዳይታ ጊዳናስ ቤሴስ። 12 ዳቆኔቲ ኢሲ ማቾ አዴ ጊዳናስ ቤሴስ። ቃሴካ ባ ናይታኔ ባ ኬሳ አሳ ዎጋራ አይሲዛይታ ጊዳናስ ቤሴስ። 13 ዎጋራ አሲዳይቲ ኤራይስ ጊታ ቦንቾኔ ዮሱስ ኪርስቶሳን ኢስታስ ዲዛ አማኖን ዳሮ ዓላቴስ ዴማና።

14 ታ ኔኮ ኤሴ ባና ኮይኮካ ሃይታ አዛዞታ ኔስ ዓፋይስ። 15 ታ ሃኖ ኔስ ዓፋዛይ ታ ጋምዒዛ ጊዲኮካ አሳይ ዎሳ ኬሳን ዋኒ ዳናኮኔ ኔ ኤራና ማላ ጋዳኮ! ኬሳይ ዴዎ ዎሳ ዎሳ ኬሳ፤ ሄሲካ ቱሙ ቱሴኔ ዓጵ። 16 ቱሙ አያና ዱሳ ፀራይ ሲዴይ ባይንዳ ጊታ፤ ኢዚካ

“አሴ ጊዲዴስ፤  
 ኢዛ ጊሎቴሲ ጊሎ አያናን ቆንጨዴስ፤  
 ኪታንቻታስ ቤቲዴስ፤  
 ዴሬ ኡባስ ሳባኪቲዴስ፤  
 አላሜን ዲዛይታን አማኔቲዴስ፤  
 ቦንቾራ ፑዴ ዴንዲ ቤዴስ” ጊዛይሳ።

4

**ዎርዶ ታማርሲዛይታ**

1 ዎዴ ወርሲሴሳ ቦላ ኢሲ ኢሲ አሳይ አማኖ አጊዲ ባሌሲዛ አያናታኔ ኢታ አያና ቲሚርቴ ካላናይሳ ጊሎ አያናይ ቆንጨራ ዮቴስ። 2 ሄሳ ማላ ቲሚርቴይ ኢስታ ቆፋይ ቦንቆ ቤራታን ፀጌቲዳ ማላ ጌላቴሳን ዶጪዳ ቆዴፔ ቆሞን ሃኒዛ ዎርዳንቻ አሳታፔ ያና። 3 ሄ አሳቲ አሳይ ኤኮንታ ማላኔ ጌሎንታ ማላ ዲጋና። አማኒዛይቲኔ ቱማ ሻኪ ኤሪዛ አሳይ ዎሲ ሜዲዳ ካስ ጋላታራካ ኤኪዛይቲ ሞንታ ማላ ዲጋናኔ አዛዛና። 4 ዎሲ ሜዲዳይ ወሪካ ሎዎ። አሲ ጋላታራ ኤኪኮ ዎራ ዎዲዛይ ኢሲናካ ባዎ። 5 ወሪካ ዎሳ ቃሳኒኔ ዎሳን ጌያና።

**ኪርስቶሳስ ሎዎ አሲዛ አሳንቻ**

6 ሃይሳ ሃ አዛዛዛ አማኒዛ አሳ ኔ ቆፍሲኮ፥ አማኖ ቃላኒኔ ኔ ኤኪዳ ሎዎ ቲሚርቴዛን ሚናዳ ዮሱስ ኪርስቶሳስ ሎዎ አሳንቻ ጊዳንዳሳ። 7 ዎሴ ቦንቹሶንታ ጎዓይ ባይንዳ ሃይሲዔፔኔ ጩማ ማጫሳታ ሃይሲዔፔ ሃካዳ ቱማ አያና አሶስ ኔ አሳቴስ ጊጊሳ።

8 አሳቴሳ አሾ አጌን ዶሲሶይ ጉሳ ዎዴስ ጎዔስ ሺን ቱሙ አያና ዱሳስ ባና ታማርሶይ ጊዲኮ ሃይሳ ሃ አላሜዛሲኔ ቡሮ ያና ዱሳስ ሂዶታይ ዲዛ ጊሽ ኡባስ ጎዔስ። 9 ሃይሲ ሃ ቃላይ አማኔቲዳይሳኔ ወርሲ

\* 2:7 ጊም 1:11 \* 2:9 1ጴ፩ 3:3 \* 2:13 ሜዴ 2:7፤ 21-22 \* 2:14 ሜዴ 3:1-6

ኤካናስ ቤሲዛ ቃላ። 10 ኑ ሄሳስ ጊዲ ዳፌቶሲኔ ዳቡሮስ። ሄሲካ አሳ ኡባስ ሃራፔካ አማኒዛይታስ አሺዛ ዴዎ ያሳን ኑ ሂዶታ አሲዛ ጊሻሳ። \*

11 ሃይታ ዮዎታ አዛዛኔ ታማርሳ። 12 ኔ ያላጋቴላ አኒካ ሌቆፎ፤ ጊዶ አቲን ኔ ሃሳያን፤ ኔ ዱሳን፤ ሲቆን፤ አማኖኒኔ ገሻቴላን አማኒዛይታስ ሎዎ ሌሚሶ ጊዳ። 13 ታ ሄ ባና ጋካናስ ቃላ ናባባናስ፤ ዞራናሲኔ ታማርሳናስ ሚና። 14 ጨማቲ ኔ ቦላ ባ ኩሼ ዎሲ ዎሲሺን፤ ኔስ ኢሜቲዳ ቲንቢቱ ኢሞቴላ ሌፐ ሂስታ አጎፋ። 15 አሲ ዉሪ ኔ ዲቻ ቤያና ማላ ሃ ዮዎታ ሎዴላ ሚንሳዳ ዳንዳያን ፖላ። 16 ኔ ዱሳ ጊሺኔ ኔ ታማርሲዛ ቲሚርቴዛስ ናጌታ፤ ሃይታን ሚና። ኔ ሄሳ አሲኮ ኔናኔ ኔ ጊዛይሳ ሲዩዛይታ አሻና።

5

አምዔታ፤ ጨማታኔ አይሌታ ጊሽ ኢሜቲዳ ዞሪ

1 ጨማ አሳ ኔ አዎ ማላ ቦንቾራ ዞራ አቲን ዶምዎፋ። ናቴላ አቱማ ናይታ ኔ ኢሻታ ማላ ዪላ። 2 ሄሳሶካ ጨማ ማጫሳታ፤ ኔ አይ ማላ፤ ናቴላ ማጫሳታ ቃሴ ኔ ሚቼታ ማላ ሱሬ ዎዝናፔ ዪላ። 3 አዳፌ ሜቶቴቲዳ አምዔታ ሎዴላ ናጋ። 4 ኢሲ አምዔይስ ናይ ዎይኮ ና ናይ ዲዛ ጊዲኮ፤ ሄ ናይቲ ባሶ አሳታ ማዳናሲኔ ባና ዩሊዳይታስ ካሴ ኢስቲ አሲዳይሳ ኩሼ ዛፎን ሃራፔ ካሴቲዲ ባ አማኖ አሶን ቤሳናሲኔ ታማራናስ ቤሴስ። ሄሲካ ያሳ ኡፋይሲዛይሳ።

5 ቃሴ ቴማፔ ማዶይ ባይንዳ፤ ባርካ ዲዛ አምዔያ ዎሴ ያላ ዪላዉስ። ዎሳሲኔ ያሳፌ ማዶ ዴማናስ ጋላሲኔ ቃማ ሚኔታዉስ። 6 ሃ ቢታ ሎዎ ዱሲ ያላ ኮዩዛ አምዔያ ጊዲኮ ኢዛ ፓፃ ዳሼ ሃይቁዳሮ። 7 አና ቦላካ ዎሶይ ዶንታ ማላ ሃይሳ አዛዘዛ አሳስ አሳ። 8 ኢሲ አሲ ባ ዳቦታ ሃራፔካ ባሶ አሳ ማዶንታይሳ ጊዲኮ ኢዚ አማኖ ካዲዳዴኔ አማኖንታ አሳፔካ አዲ ኢታ አሳ።

9 ኢዚስ ሳይሳይ ኡሱፑን ታሙ ሳይሳፌ ጋርሳን ዲዛ አምዔይ ሱንስ፤ አምዔታ ማዝጋባን ዓፎፓ። ቃሴካ ኢዛ ካሴ ኢሳዴ ያላ ጌልዳሮ ጊዳናስ ቤሴስ። 10 ናይታ ዲቾኒኔ ኢማላ ሞኮን፤ አማኒዛይታ ቶሆ ሜቻን፤ ሜቶቴዳይታ ማዶኒኔ ሎዎ አሶን ኡባን ባና አሳ ኢማላ ሎዎ አሶንካ ኬሃ ኤሬቲዳሮ ጊዳናስ ቤሴስ።

11 ናቴላ አምዔታ ጊዲኮ ሄሳ ማላ ማዝጋባን ዓፎፓ። ጋሶይካ ኢስታስ ዲዛ አዚናራ ዳና አሞይ ኢስቲ ኪርስቶሳስ አሳና ጊ ጊሊዳ ቃላፔ ቦላራ አዲዛ ዎዴ አዴ ጌላና ኮዩቴስ። 12 ኢስቲ ካሴ ጫቂዳ ቃላ ሚዛ ጊሽ ሄ ዮዎዛን ባ ቦላ ፐርዳ ኤሄቴስ። 13 ሄሳፌካ አሶ አሳናፔ ዩዩ ዩዩ አሳ ኬሴ ጌላና ዶሴቴስ። አሶ ኢዎ ያላ ጊዶንታ ሃሳያናስ ቤሶንታይሳ ሃሳዩሼ ዚጊርዛይታኔ ኮሾንታ አሳ ዮዎ ጊዶ ሞ ዎዪ ጊሊዛይታ ጊዴቴስ። 14 ሄሳ ጊሽ አዚናቲ ሃይቁዳ ናቴላ ማጫሳቲ አዴ ጌላና ማላ፤ ናይታ ዩላና ማላኔ ባሶ አስ አይሳና ማላ፤ ሞርኬይካ ኢስታ ቦላ ዎሲዛ ሚሼ ዴሞንታ ማላ ታ ዞራይስ። 15 አዳካ ሃይሳፌ ካሴ ኢሲ ኢሲ አሳቲ ያላዴ ካላና ጉዩ ሼርዲ ጊዳ። 16 አማኒዛ ማጫሲ አኒካ ባሶ አሳ ጊዶን አምዔቲ ዲዛ ጊዲኮ ዎሳ ኬሲ ቴሙ አምዔታ ያላ ማዳና ማላ ኢዛካ ባ ባጋራ ባ አምዔታ ማዶ አቲን ዎሳ ኬሳስ ቶሆ ጊዳና ማላ አጋጉፔ።

17 ዎሳ ኬሳ ሎዴላ አይሲዛይቲ ሃራፔካ ሳባኮኒኔ ታማርሶን ሚኒዛ ጨማቲ ጊዲኮ ዳኮ ማዶ ማዴታናስ ቤሴስ። 18 ማፃፋን “ካስ ቡኪዛ ቦራ ዱና ቃቾፋ” ቃሴካ “አሶ አሲዛዴይ ዳሞዛ ኤካና ቤሴስ” ጌስ። \* 19 ናምቡ ማርካይ ዎይኮ ሄሹ ማርካይ ማርካቶንታ ዲሺን ጨማ ቦላ ሺቂዛ ሞቶ ኤኮፋ። \* 20 ሃራቲ ቤይዲ ናጌታና ማላ ናጋራ አሲዛይታ አሳ ኡባ ሲንሳን ሃንቃ።

21 ያሳኒኔ ዩሱስ ኪርስቶሳን ዶራቲዳ ኪታንቻታ ሲንሳን ሃይታ አዛዘታ አናካ ማዶንታ ኔ ናጋና ማላኔ ኢሲ ሚሺካ ታ ጎሪፔ ዚቂ ቶቆ ሂስቶንታ ማላ ታ ኔና ሃዳራ ጋይስ። 22 ያሳ አሶስ ዶራናስ፤ አና ቦላካ ኔ ኩሼ ዎሳ ዎሳናስ ኤሶቶፓ። ቃሴ ሃራታራ ናጋራ አሳናስ ዙፔቶፓ። ናጋራፔ ኔና ጊሎቴላን ናጋ።

23 ኔና ቃንሳን ሳኪዛይሳሲኔ ዴንሳ ሳኮዛ ጊሽ ዎይኔ ጫጄፌ ጉስ ጉጃዳ ኡያ አቲን ሃይሳፌ ጉዩ ሃሴ ያላ ኡዮፓ።

24 ኢሲ ኢሲ አሳ ናጋራይ ፐርዳይ ያናፔ ካሴቲዲ ቆንጨስ፤ ባጋይታ ናጋራይ ቃስ ፐርዳፌ ጉዩ ቆንጨስ። 25 ሎዎ አሶይካ ሄሳ ማላ ቆንጨ። ቆንጨንታይ ዲኮካ ቆቴቲ አቴና።

6

1 ያሳ ሱንሴኔ ኢዛ ቲሚርቴይ ጫዩቶንታ ማላ አይሌቴላ ቃምባራ ጊዶን ዲዛይቲ ዉሪ ባ ጎዳስ ኩሚሳ ቦንቾይ ቤሲዛይሳ ኤሬቶ። 2 አማኒዛ ጎዳቲ ዲዛ አማኒዛ አሽካራቲ ጎዳቲ ኢስታስ ኢሻታ ጊዲዳ ጊሽ ጎዳታስ ቤሲዛ ቦንቾ ኢሜቶ። ሃራፔካ ኢስታ አሶን ማዴቲዛ አማኒዛ ጎዳቲ ኢስታስ ዶሴቲዳይታ ጊዲዳ ጊሽ ኔካ ሃይታንታ ማላ ዮዎታ ታማርሳናሲኔ ዞራናስ ቤሴስ።

ዎርዶ ቲሚርቴኔ ቴሙ ዱራቴስ

3 አኒካ ዎርዶ ቲሚርቴ ታማርስኮ ጎዳ ዩሱስ ኪርስቶሳ ሎዎ ቃላኔ አያና ቴማቴላ ሚኒሲዛ ቲሚርቴራ ጋንንታይሳ ጊዲኮ። 4 ሄሳዴይ አቶሬቴላን ኩሚዴሲኔ አይኮካ ዩሺ ቆፔና። ኢሲ ኢሲ ቃላታ ጊሽ ፓላሜታናሲኔ አዩታናስ ኢታ አሞይ ኢዛን ዴስ። ሄይቲካ ቃናቴቴስ፤ አሽ፤ ጫሽ፤ ኢታ ሲዴ ካሴቴስ። 5 ቴማይ ኢስታፌ ኤኬቲ ጊዲን ኤራይስ አያና አሶን ዎዴ ዴማና ሚሳቲዛ አሳታኔ ቆፋ ፓጩ አሳታ ጊዶን ጎሼቲዲ ዱዎንታ አሽ ኤሄቴስ።

\* 4:10 ዳፌቶሲኔ ኢሲ ኢሲ ቢርሼታ ማፃፋቲ “ባዲቶስ” ጊሺን ኢሶቲ ኢሶቲ “ጫዩቶስ” ጊዲ ቢርሼዳ። \* 5:18 ዛሬ 25:4፤ ማቶ 10:10፤ ሉቃ 10:7 \* 5:19 ዛሬ 17:5-7፤ 19:15

6 ጊዶ አቲን ቱሙ አያና አስ ጊደስ ኑስ ዲዛይሳን ዎፑ ጊዲ ዱሳራ ጊታ ዎዴ። 7 ጋሶይካ ኑ ሃይሳ ሃ አላሜዛ ዩሼ አይኮካ ኤኪ ዩቤኮ፤ ቢሼካ ቃሴ አይኮካ ኤኪ ቦኮ። 8 ጊዶ አቲን ኑስ ማናይሴኔ ኑ ማይዓናይስ ዲኮ ጊዳና። 9 ዱሬ ጊዳናስ ኮዩዛይቲ ጊዲኮ ጊዴ ፓጩኒኔ ናርዓን ጊሊዲ አይኬቲዛይሳ ማላ ዳሮ ሃዳኒኔ ኢታ አሞን ኡንዔቱቱስ። 10 ጋሶይካ ሚሻ ሲቆይ ኢታቱስ ኡባስ ዓጵ። ኢሲ ኢሲ አሳቲ ዱሬ ጊዳና ጊዲ አሞፕ ዴንዲዳይሳን አማኖ ኦጌፕ ባሌቲዲ ሃራሶ ቢዳኔ ባርካ ባና ዳሮ ሜቶ ጊዶ ጌልሲዳ።

**ጳውሎሲ ዊምቶሳስ ኢሚዳ ሃዳራ ቃላ**

11 ኔኖ ሦሳ አሶ! ኔ ሄሳ ኡባፌ ባቃታ። ዊሎቱስ፥ ቱሙ አያናን ዱስ፥ አማኖ፥ ሲቆ፥ ዳንዳይኔ አሽኪቱስ ካላ። 12 አማኖ ባዔ ሎዔሳ ባዔታ። ዳሮ ማርካታ ሲንሳን ሎዎ አማኔቱሳን ኔ ማርካቲዳይሳኔ ኔ ኢዛስ ዊይጌቲዳ ሜርና ዴዎዛ ሎዔሳ አይካ። 13 ኡባስካ ዴዎ ኢሚዛ ሦሳ አቻን ሄሳሶካ ጳንዎሳ ጲላዎሳ ሲንሳን ቱማ ማርካቲዳ ዩሱስ ኪርስቶሳ ሲንሳን ታ ኔና ሃዳራ ጊዛይ። \* 14 ጎዳ ዩሱስ ኪርስቶሲ ቆንጫና ጋካናስ ኔስ ኢሜቲዳ አሶዛ ዎሶይ ባይንዳ ኔ ፖላና ማላ። 15 ሄ ቆንጩሳይ አንጄቲዳይሲ ባርካ ኡባ ሃሪዛይሴ ካዎታ ካዎይ፥ ጎዳታስ ጎዳይ ኢዚ ባ ዎዴን ቤሳና። 16 ኢዚ ዓላ ሃይቆንታይሳ። አኒካ ሺቃናስ ዳንዳዮንታ ፖዎ ጊዶን ዴስ። ኢዛ ቤዩዳ አሲ አኒካ ባዎ፥ ቤያና ዳንዳዩዛይካ ዴና። ኢዛስ ዎልቃይኔ ቦንቾይ ሜርናፕ ሜርናስ ጊዶ። አሚን።

17 ሃይሳ ሃ አላሜዛን ዱሬቲዳይቲ አቶሬቶንታ ማላ አዛዛ፤ ኑ ኡፋዮታና ማላ ዉርሲካ ዳርሲ ቲርሬሲዲ ኑስ ኢሚዛ ሦሳን አቲን አማንሶንታ ሚሻን አማኔቶንታ ማላ አሳስ ዮታ። 18 ሎዎ አሳና ማላኔ ሎዎ አሶን ዱሬታ ጊዳና ማላ፥ ኪያታኔ ሻኪ ኢማናስ ዶሲዛይታ ጊዳና ማላ አሳ አዛዛ። 19 ሄሳሶካ ቱሙ ጊዲዳ ዴዎ ዴማና ማላ ቡሮፕ ያና ዎዴስ አሳይ ሚኖ ዓጵ ጊዲዛ ሃሮ ኤራይስ ሺሻና።

20 ዊምቶሳ፥ ኔ ሃዳራ ኤኪዳይሳ ዉርሳ ናጋ። ሦሳ ቦንቺሶንታ ሃዳ ዱና ሎምዑ ሎምዓፕኔ ዎርዶ ኤራቱስ ጌቲቲዛ አሲ ባፕ ሜዲ ኬሲዳ ቲሚርቴፌ ሃካ። 21 ኑስ ሄሳ ማላ ኤራቱስ ዴስ ጊዛ፥ ኢሲ ኢሲ አሳቲ ሄሳሶ አሶን አማኖ ኦጌፕ ባሌቲዳ። ሦሳ ኪያቱሲ ኢንቴናራ ጊዶ።

---

\* 6:13 ዮሃ 18:37



**ጳውሎሲ  
ጊምቶሳስ  
ፃፊዳ ናምዓንጎሳ ኪታ  
ጊዶ ቆፋ**

ጳውሎሲ ጊምቶሳስ ፃፊዳ ሃ ናምዓንጎሳ ኪታይ ጳውሎሲ ኤራይስ ዳሮ ማዶ ጊዲ ባና ማዲዛ አሶ ላጌ ጊዲዳ ናቴሳ ና ጊምቶሳስ ዩዲዳ ዞሬ ቃላ አይኪዴስ። ጳውሎሲ ጊምቶሳ ኢዚ ዳሮ ዳንዳዮን ሚናና ማላ ዞሪዴስ። ጊምቶሲ ጳውሎሳፕ ኤኪዳ ሚኖ ዞሬ ቃላይ ኢሲ ዩሱስ ኪርስቶሳ ጊሽ አማኔቲዲ ማርካታና ማላ ሚሺራቾ ቃላኔ ካሴ ጋልዓ ጫቆ ጋርሳን ዲዛ ቲሚርቱዛካ ሚንሲ አይካና ማላኔ ኢዛስ አይኮ ዋዩይ ዳሪኮካ ታማርሶኔኔ ሚሺራቾ ቃላ ሳባኮ አጎንታ ሚናና ማላሳ።

ጊምቶሳስ ኢሜቲዳ ሚኖ ዮዖይ ጮ ሜላ ኤያቴሳን አሳይ ፓላሜቲዛ ዮዖፕ ኢዚ ሃካና ማላሳ። ሄሳ ማላ ዮዖይ ሲዩዛይታ ሞሬስ አቲን ኢዚ ኢሚዛ ሃራ ጎዓይ ዴና።

ሃይሳ ኡባን ጊምቶሲ ዩሺ ቆፓናስ ቤሲዛይ ጳውሎሲ አማኖን ሞኒ ዴዒዳኮኔ፤ ኢዚ አይ ማላ ጌንጨዳኮኔ ኢዛ ሲቆዛ፤ ኢዛ ሚኖቴሳኔ ኢዛ ቦላ ጋኪዳ ዋዩዛ ሴሚሶ ኢዚ ካሳና ማላ። ጳውሎሲ ሃይሳ ሃ ኪታ ፃፊዳይ ባ ሳይሳ ዉርሴሳን ሃይቆ ፕርዳይ ኢዛ ቦላ ፕርዴቲ ኡቲን ኢዚ ሃይቆ ናጊዛ ዎዴ። (2ጊም 4:6-8)

**ሃ ማፃፋይ አይኪዳ ኩሜሳ ቆፋ**

ጌሎሶ 1:1-2

ጊምቶሳስ ኢሜቲዳ ዞሬ 1:3-2:13

አሳይ ካዲዛ ዎዴ ሚኒ ኤቆ 2:14-4:5

ሄ ዎዴ ዲዛ ሃኖታኔ ሄይታ ጊሽ ኢሜቲዳ ዞሬታ 4:6-18

ኩሻ ቆፋ 4:19-22

1 ዩሱስ ኪርስቶሳራ ኢሲፌቴሳን ዲዛ ዴዖ ሂዶታ ቃላ ጊሽ ዮታና ማላ ዶሳ ሸኔን ዩሱስ ኪርስቶሳ ሃሞሬ ጊዲዳ ጳውሎሳፕ፤ 2 ዶሴቲዳ ታ ና ጊምቶሳስ ኪያቴሲ፤ ማርቴሲኔ ሳርቴሲ ዶሳ አሞፕ ጎዳ ዩሱስ ኪርስቶሳፕ ኔስ ጊዶ። \*

**ጊምቶሳስ ኢሜቲዳ ዞሬ**

3 ፓጩይ ባይንዳ ጋላሲኔ ቃማ ኔ ጊሽ ዎሳን ቆሬሳሽ ካሴ አሞቲ አሲዳ ማላ ጊሻ ዎዝናራ ታ ጎይኒዛ ዶሳ ታ ጋላታይስ። 4 ካሴ ኔ አፉንሳ ቆፓ ኤካዳ ታ ኔና ቤያዳ ኡፋዮታና ላሞታይስ። 5 ቆዴፕ ቆሞን ጊዶንታ ኔ አማኖዛ ታ ቆፓይስ። ሄ አማኖይካ ኮይሮ ኔ አዩይ አይን ሎይዲኔኔ ቃሴካ ኔ አዩይን ኤዎንቁን ዴስ። ሃዒ ቃስ ኔ ቦላ ዲዛይሳካ ታ ኤራዲስ። \* 6 ሄሳ ጊሽ ታኒ ታ ኩሽ ኔ ቦላ ዎሲን ኔ ኤኪዳይሳ ኔ ቦላ ዲዛ ዶሳ ኢሞታ ኔ ዴንጴሳና ማላ ታ ኔና ቆሬሳይስ። 7 ዎሲ ኑስ ኑኒ ኑ ሁዔ ሃራናስ ዶሳ ዎልቃ ኤራናሲኔ ሲቁታና አያና ኢሚዴስ አቲን ባቦ አያና ኢሚቤና።

8 ሄሳ ጊሽ ጎዳ ጊሽ ማርካታናስ ዎይኮ ጎዳ ጊሽ ቃሽቲዳ ታናን ዩላቶፓ። ጊዶ አቲን ዶሳ ዎልቃራ ሚሺራቾ ቃላ ጊሽ ታናራ ሜቶ ኤካ። 9 ኑ አይኮካ አሲዳ ጊሽ ጊዶንታ ዲሺን ባ ቆፋ ማላኔ ባ ኪያቴሳ ማላ ኑና አሺዳይኔ ኑና ኤራይስ ዳማሲዲ ኢዚ ዪይጊዴስ። ሄ ኢዛ ኪያቴሳይ ሜርና ዎዴፕ ካሴ ዩሱስ ኪርስቶሳ ባጋራ ኑስ ኢሜቲዴስ። 10 ሃዒ ቃስ ኢዚ ሃይቆ ዉርሲ ዳይሲዲ ሚሺራቾ ቃላ ባጋራ ኑና ፖዎን ኬሲዳ ኑ ዳሴ ዩሱስ ኪርስቶሳ ዩሳን ቆንጨዴስ።

11 ታካ ሃይሳ ሃ ሚሺራቾ ቃላ ዮቲዛዴ፤ ኪቴቲዳዴኔ አስታማሬ ጊዳዳ ሹሜታዲስ። \* 12 ታኒ ሜቶ ቤዩዛይካ ሄሳ ጊሻሳ። ጊዲኮካ ታ አና አማኒዛኮኔ ታኒ ታ አማኒዛዴ ሻካ ኤሪዛ ጊሽ ኢዛን ዩላቲኬ። ታ ኢዛስ ኢሚዳ ሃዳራ ሄ ጋላሲያ ጋካናስ ኢዚ ናጋናስ ዳንዳዩዛይሳ ታ ሻካ ኤራዲስ።

13 ኔ ታፕ ሲዩዳ ቲሚርቱዛ ዩሱስ ኪርስቶሳራ ኢሲፌቴሳን ዲዛ አማኖኔኔ ሲቆን ሎሚሶ ሂስታዳ አይካ። 14 ኔስ ኢሜቲዳ ሎዎ ሃዳራ ኑናን ዲዛ ዪሎ አያናን ናጋ። 15 ኢሲያ አዉራጃ ጊዶን ዲዛይቲ ዉሪካ ታና አጊዳይሳ ኔ ኤራሳ። ፊልጎሲኔ ሄርሞጌኔሲ ታና አጊዳ አሳ ጊዶን ዴቴስ። 16 ሄኔሲፎሬ ሶ አሳ ጎዳይ ማሮ፤ አይሲ ጊኮ ኢዚ ታና ዳሮ ዎዴ ሚንጴሲዴሲኔ፤ ታ ሳንሳላታን ቃሽታ ዲሺን ታና ቤይዲ ዩላቲቤና። 17 ሃራፕካ ኢዚ አሮሜ ዩዳ ዎዴ ታና ኮይ ኮይዲ ዴሚዴስ። 18 ዉርሴሳ ፕርዳ ጋላስ ጎዳይ ኢዛ ፕርዳፌ አሾ። ኢዚ ታና ኤፌሶኔን አይ ማላ ማዲዳኮኔ ኔ ሎዔሳ ኤራሳ።

**2**

1 ሄሳ ጊሽ፤ ታ ናዞ ኔኒ ጎዳ ዩሱስ ኪርስቶሳ ኪያቴሳን ሚና። 2 ዳሮ ማርካታ ሲንሳን ኔ ታፕ ሲዩዳይሳ ሃራታ ታማርሳናስ ዳንዳዩዛይታሲኔ አማኔቲዳ አሳታስ ሃዳራ ኢማ።

3 ዩሱስ ኪርስቶሳስ አማኔቲዳ ሎዎ ዎታዴራ ማላ ታናራ ሜቶ ኤካ። 4 ዎታዳራቴሳን አሲዛዴይ ባ ሃላቃ ኡፋይሳናስ ዳፌቴስ አቲን ሃራ ባና ቃዲሲዛ አሶን ጌሲ ኤሬና። 5 ሄሳሳካ ጋዴ ዎዲዛዴይ ዎሳ ዎጋ ናጎንታ ዎዲኮ ዎኖ አክሊሌ ኤኬና። 6 ጎባ ጎሻንቻይ ባ ጎዩ ኬሲዳ ካሳ ዪራ ሚዛዴ ጊዳናስ ቤሴስ። 7 ታ ኔስ ጊዛይሳ ኔ ዎዝናን ዎሳ ሲዩኮ ጎዳይ ኔስ ዮዖ ኡባን አኬካ ኢማና።

8 ሃይቆፕ ዴንዲዳ ዳዉቴ ዜሬስ ጊዲዳ ዩሱስ ኪርስቶሳ ቆፓ፤ ታ ዮቲዛ ሚሺራቾ ቃላይካ ሄሳ። 9 ሄሳ ጊዶን ኢታ አሲዳ አሳ ማላ ቃሽታና ጋካናስ ዋዩ ቤያይስ። ጊዶ አቲን ዶሳ ቃላይ ቃሽቲና።

\* 1:2 ሃዎ 16:1 \* 1:5 ሃዎ 16:1 \* 1:11 1ጊም 2:7

10 ሄሳ ጊሽ ኪርስቶስ ባጋራ ዲዛ አቶቴሲኔ ሜርና ቦንቾ ዴማና ዶሬቲዳይታ ጊሽ ጋዳ ወርሳካ ዳንዳያዲስ።

11 “ኑ ኢዛራ ኢሲፌ ሃይቂኮ ቃሴ ኑ ኢዛራ ዴዎን ዳና።

12 ዳንዳያን ሚኒኮ ኑ ኢዛራ ካዎታና።

ኑ ኢዛ ካዲኮ ኢዚካ ኑና ካዳና። \*

13 ኑ ኢዛስ አማኔቶንታይታ ጊዲኮ ኢዚ ሜርናስ አማኔቲዳ ማላ ዳና።

ኢዚ ባርካ ባና ካዳና ዳንዳዮና” ጌቴቲዳ ቃላይ አማኔቲዳይሳ።

**ሚኖ አሳንቻ**

14 ሃይታ ሃ ዮዎታ ጊሽ አሳ ቆሬሶ አጎፋ። አሳይ ባ ጊዶን ኢሶይ ኢሳራ ቃላ ጊዶን ፓላሜቶንታ ማላ ዶሳ ሱንሳን ዞራ። ሄሳ ማላ ዮዎይ ሲዩዛይታ ሞሬስ። 15 ቱሙ ዶሳ ቃላ ዮቲዛዴ፣ ዮላቾንታ አሳንቻኔ አሲ ኔ ጊሽ ሎዎ ማርካቲዛዴ ጊዳዳ ኔናቴስ ወርሳ ዶሳ ሲንሳ ሺሻናስ ሚና። 16 ጮ ሚላ ዱና ላላቤቴሳፌ ሃካ። ሄሳ ማላ ዮዎን ዋይቲዳ አሳቲ ዶሳፌ ሃኪ ሃኪ ቤቴስ። 17 ኢስታ ቲሚርቴይ ሳኪዲ ፓዎንታ ጌዴ ጉጂ ጉጂ ዳኬቲ ቢዛ ማዱንሳ ማላ። ሄሜኔዎሲኔ ፊልዶሳ ጌቴቲዛይቲ ሄሳ ማላ ቲሚርቴ ታማሪዛይታ ጊዶን ዴቴስ። 18 ሄይቲ ቱማቴሳፌ ሃኪዲ ጮ ሚላ ዋዩቴስ። ኢስቲካ ሃይቆፕ ዴንሲ ሃይሳፌ ካሴ ሃኒ አዲዴስ ጊዲ ኢሲ ኢሲ አሳ አማኖ ጉዩ ሺሪ ዮጌቴስ።

19 ጊዶ አቲን “ጎዳይ ኤራይስ ጊዲዛይታ ኤሬስ” ቃሴካ “ጎዳ ሱንሳ ዪይጊዛይ ወራ ኢታፕ ሃኮ” ጊዛ ማታሚይ ኢዛ ቦላ ዲዛ ላሜቶንታ ዶሳ ኮይሮ ቆፋይ ላሜቲቤና።

20 ኢሲ ጊታ ኬሳን ዎርቃፌኔ ቢራፕ 9ላ ጊዶንታ ሚሳፌኔ ኡርቃፌ አሴቲዳይቲ ዲዛይሳሶ ሄይታንታፌካ ባጋይቲ ቦንቾ አሶስ፣ ባጋይቲ ቃስ ሂራይሶ አሶስ ኤኬቴቴስ። 21 ሄሳ ጊሽ አኒካ ሃይታ ታ ጊዳ ኢታ ዮዎታፕ ባና ጌሺኮ ሄሳዴይ ቦንቾ አሶስ ጊዲዛዴኔ አንጄቲዳዴ፤ ጎዳ ጎዲዛዴኔ ሎዎ አሶስ ጊጌቲዳዴ ጊዳና።

22 ፓንሳቴሳ ኢታ አሞቴሳፌ ባቃታ። ጌሻ ዎዝናራ ጎዳ ዪይጊዛ አሳታራ ዪሎቴስ፣ አማኖ፣ ሲቆኔ ሳሮቴስ ካላ።

23 ጎዳይኔ ሂዶታይ ባይንዳ ኤያታ ፓላማፕ ሃካ። አይሲ ጊኮ ሄሳንታ ማላይ አሽ ካሴሲዛይሳ ኔ ኤራሳ። 24 ጎዳ አሳንቻይ አሳራ አዩታናስ ቤሴና። ሄሳፌ አሳ ኡባ አቻን ኪያ፣ አስ ታማርሳናስ ዳንዳዩዛዴኔ ሚኖ አስ ጊዳናስ ቤሴስ። 25 ኢዚ ባናራ ኤቁቲዛ አሳታ አሽኬቴሳራ አይኪዛዴ ጊዳናስ ቤሴስ። ኦኔ ኤሪዛይ ኢስቲ ቱማ ኤራና ማላ ዶሲ ኢስታስ ማሬታናስ ዎዴ ኢማና ዳንዳዮስ። 26 ሄሲካ ኢስቲ ዩሺ ቆፕ ሲሚዲ ኢዛ ሽኔ ኩንሳና ማላ ኢስታ ዲዲ ኤፊዳ 9ላዔ ናርፃፌ ኢስቲ ኬሲ ኤካና።

**ወርሴሳ ዎዴን ያና ሜቶታ**

1 ጊዶ አቲን ዎዴ ወርሴሳን አስ ሜቲዛ ዎዴይ ያናይሳ ኔ ኤራ። 2 አሳይ ባና ዶሲዛዴ ጊዳና፣ ሚሼ ሲቁዛይታ፣ ባናን ጩቁቲዛይታ፣ አቶራንቻታ፣ ጫሻንቻታ፣ ባና ዮሊዳይታስ አዛዘቶንታይታ፣ ጋላቶንታይታኔ ጌሻቴሲ ባይንዳይታ፣ 3 ሲቆይ ባይንዳይታ፣ አቶ ጊ ማርንታይታ፣ አሳ ሱንሳ ሞሪዛይታ፣ ባርካ ባና ሃሮንታይታ፣ ሜንፃ ኢታ፣ ሎዎ ሚሽ ዶሶንታይታ፣ 4 ካዲዛይታ፣ ናጌቶንታይታ፣ ጮ ሚላ አቶራቴሳን ኩሚዳይታ፣ ዶሳፌ አሲዲ ሎዎ ዴስ ዶሲዛይታ ጊዳና። 5 አማኒካ አስ ሚሳታና ሺን አማኖስ ዲዛ ዎልቃ ካዳና። ሄይታ ማላታፕ ኔ ሃካ።

6 ሄይታንቲ ኢሲ ኢሲ ኬሴ ካልፂ ጌሊዲ ዳሮ ዴዎ ናጋራኒኔ ዱማ ዱማ ኢታ አሞቴሳ ጋርስ ጌሊዲ ሄኔ ሃ ቃፂዛ አማኖን ላፋ ማጫሳታ ቃፂ አይኬቴስ። 7 ሄይታ ማላ ማጫሳቲ ኡባ ዎዴ ታማሬቴስ ሺን ቱማ ኤሪ ኤሬቴና። 8 ኢያኔሲኔ ኢያንባራሲ ሙሴ ቦላ ዴንዲዳ ማላ ሃይቲካ ኢስታ ቆፋይ ሞሬቲን ኤራይስ አማኖፕ ኩንዲዳ ጊሽ ቱማቴስ ኢዪቴስ። \* 9 ጊዶ አቲን ኢስታ ቆፋይ ኩሜና። ጋሶይካ ኢያኔሳኔ ኢያንባራሳ ኤያቴስ አሳስ ቆንጫዳ ማላካ ሃይታ ሃኖይካ ኡባስ ቆንጫና።

**ጳውሎሲ ሂምቶሳስ ኢሚዳ ሃዳራ**

10 ኔ ጊዲኮ ታ ቲሚርቴዛ፣ ታ ዱሳ፣ ታ ዋና ቆፋ፣ ታ አማኖዛ፣ ታ ዳንዳያ፣ ታ ሲቆዛኔ ታ ሚኖቴሳ ወርሳ ኤራሳ። 11 ታ ጎዴቴሳኔ ታ ዋዩዛ አንዎኪያን፣ ኢቆኒዮኒኔ ሊስቲራንካ ታ ቦላ ጋኪዳይሳ ወርሳ ታ ዳንዳያን ኤኪዳይሳ ኔ ኤራሳ። ጊዲኮካ ጎዳይ ሄሳ ኡባፌ ታና አሺዴስ። \*

12 ቱማፕ ዮሱስ ኪርስቶስ ጌሻ ዎዝናፕ አማኒ ዳና ጊዛይቲ ወሪካ ጎዴቴዛይታ ጊዳና። 13 ኢታ ባሌሲዛ አሳቲ ኤራይስ ባሌቲዲ አሳ ባሌሲሼ ኢታቴሳ ቦላ ኢታቴስ ጉጂ ጉጂ ባና።

14 ኔ ጊዲኮ ካሴ ኔ ታማራዳ ኤሪዳ ኦጌን ሚና። ሄሳ አናፕ ታማሪዳኮኔ ኔ ኤራሳ። 15 ኔ ጉሳ ናቴሳፌ ሃዲ ጋካናስ ዮሱስ ኪርስቶስ አማኖን አቶቴሲ ቤቲዛ ቲሚርቴ ኢሚዛ ጌኤሻ ማፃፋታ ሎዔሳ ኤራዳሳ።

16 ጌሻ ማፃፋቲ ወሪካ ዶሳ አያናይ ካሌሲን ፃፌቲዳይታ፤ ኢስቲካ አስ ታማርሳናስ፣ ሃንቃናስ፣

\* 2:12 ማቶ 10:33፤ ሱቃ 12:9 \* 3:8 ኬሳ 7:11 \* 3:11 ሃዋ 13:14-52፤ 14:1-20

ሱሪሳናስ ቃሴካ ጊሎቴሳ አጌን ካሌሳናስ ጎጫቴስ። 17 ሄሲካ ያሳ አሲ ሎዎ አሶ ኡባስ ቤሲዛዴ ጊዳና ማላሳ።

4

1 ያሳ ሲንሳኒኔ ሄሳሶካ ፓፃ ዲዛይታ ቦላኔ ሃይቂዳይታ ቦላ ፒርዳናስ ዲዛ ዩሱስ ኪርስቶሳ ሲንሳን ኢዛ ቆንጩሳኔ ኢዛ ካዎቴሳ ቆፋራ ሃይሳ ኔስ ሃዳራ ጋይስ። 2 ቃላ ሳባካ፤ ኔስ ጊጊን ምይኮ ጊጎንታ አጊን ኔኒ ኔ ባጋራ ጊጋ ኡታ። ዳሮ ዳንዳያራ ታማርሶን አሳ ሱሪሳ፤ ሃንቃኔ ዘራ። 3 ጋሶይካ አሳይ ወሪ ሱሬ ጊዲዳ ቲሚርቴ ኤኮንታ ኢዳና ምዴይ ያና። ሄሳፌ ቦላራ አሳይ ባ አሞራ ጋጊዛይሳ ኢስታ ሃይሴይ ሲያና ኮዩዛይሳ ፃላ ኢስታስ ዮታና ማላ ባና ታማርሳና ዳሮ አስታማሬታ ባ አቺ ሺሻና። 4 ቱማ ሲያናፔ ባ ሃይስ ሃራሶ ዛሪዲ ሃይሲዔ ባጋ ሲማና። 5 ኔ ጊዲኮ ሃኒዛ ዮዎን ኡባን ሎዱ ጋ፤ ሜቶ ዳንዳያ፤ ሚሺራቾ ቃላ ዮቶ ኔስ አሶ ሂስታ፤ ኔ አሶዛካ ፖላ።

6 ታ ቃስ ያርሼታናስ ማታ ኡታዲስ፤ ሃይሳ ሃ አላሜዛፔ ሻኬታ ቡሳ ምዴይ ታስ ጋኪዴስ። 7 ሎዎ ባዪ ታ ባዪታዲስ፤ ታ ምፃና ምሴ ወርሲሳዲስ። አማኖካ ናጋዲስ። 8 ሲንሳፌ ታስ አክሊሌይ ጊጊ ኡቲዴስ፤ ሄሲካ ጊሎቴሳ። ሄሳካ ቱሙ ፒርዲዛ ጎዳይ ሄ ጋላስ ታስ ኢማና። ሄሲካ ታስ ፃላ ጊዶንታ ኢዛ ዩሳ ላሞቲዛይታስ ኡባስካ ኢማና።

ጳውሎሲ አዛዚዳ ወርሴሳ አዛዘ

9 ታኮ ኤሌላ ያናስ ኔስ ዳንዳዩቲዳ ማላ አሳ። 10 ዴማሲ ሃይሳ አላሜዛ ሲቂዲ ታና ዩጊ አጊዲ ታሶሎንቄ ቢዴስ። ቃርቂሲ ጋላቲያ ቢዴስ። ቲቶሲ ጌዴ ዳልማዲያ ቢዴስ። \* 11 ሎቃሲ ፃላ ታናራ ዴስ። ማርቆሲ ታና አሶን ማዲዛ ጊሽ ኢዛ ኔናራ ኤካ ያ። \* 12 ቲቂቆሳ ኤፌሶኔ ዩዳዲስ። \* 13 ኔ ሃ ያሼ ታ ጊሮዳዳን አኪርጳ አቻን ምሲዳ ታ ማቃኔ ማፃፋታ ሃራፔካ ጋልባን ፃፌቲዳ ማፃፋታ ታስ ኤካ ያ። \*

14 ፃርቂማላ ቆዲዛ ኢስኪንዲሮሲ ታ ቦላ ዳሮ ቆሆ ጋሲዴስ ሺን ጎዳይ ኢዛስ ኢዛ አሶ ማላ ኢማና። \* 15 ኢዚ ኑ ዮቲዛ ቃላ ኬሂ ኢዲዴስ። ኔካ ኢዛፔ ናጌታ።

16 ታና ሞቲዛ ዮዎዛስ ኮይሮ ታና አሻና ማርካ ታ ሺሺን አኒካ ታና ማዳና ዩቤና። ጊዶ አቲን ወሪካ ታና ዩጊዲ ቢዳ። ሄሳካ ኢስታ ቦላ ያሲ ቆሆ አሲ ቆዶ። 17 ጊዶ አቲን ቃላ ኪታይ ታ ባጋራ ኩሜስ ዮቲታና ማላኔ ዴሬ አሳይ ወሪ ሲያና ማላ ጎዳይ ታ አቻን ኤቂዲ ታና ሚኒሲዴስ፤ ጋሞ ዱናፔካ ታና አሺዴስ። 18 ጎዳይ ኢታ ዮዎ ኡባፌ ታና አሻና። ጌዴ ባ ሳሎ ካዎቴሳስ ታና ሳሮራ ጋሳና። ኢዛስ ሜርናፔ ሜርና ጋካናስ ቦንቾይ ጊዶ። አሚን።

ወርሴሳ ሳሮካ

19 ጰርሲቂላስ፣ አቂላስ፣ ሄኔሲፎሬ ሶ አሳስካ ታ ሳሮካ ጋላ። \* 20 ኤሪስዮሲ ቆሮንቶሴን አቲዴስ። ጊሮፎሞሲ ሳኬቲዳ ጊሽ ኢዛ ታ ሚሊዪን አጋዲስ። \* 21 ባልጎይ ጋካናፔ ሲንሴታዳ ታኮ ሃ ጋካናስ ኔስ ዳንዳዩቲዳ ማላ አሳ። ኤወጉሎሲ፣ ጰዴሲ፣ ቃሴካ ሊኖሲ፣ ቂላወዲያይኔ አማኒዛይቲ ወሪካ ኔና ሳሮ ሳሮ ጊዳ። 22 ጎዳይ ኔናራ ጊዶ። ጎዳ ኪያቴሲ ኢንቴናራ ጊዶ።

\* 4:10 ቆላ 4:14፤ ፒል 24፤ 2ቆሮ 8:23፤ ጋላ 2:3፤ ቲቶ 1:4 \* 4:11 ቆላ 4:14፤ ፒል 24፤ ሃዎ 12:12፣25፤ 13:13፤ 15:37-39፤ ቆላ 4:10፤ ፒል 24 \* 4:12 ሃዎ 20:4፤ ኤፌ 6:21-22፤ ቆላ 4:7-8 \* 4:13 ሃዎ 20:6 \* 4:14 1ጊም 1:20፤ ማዛ 62:12፤ አሮ 2:6 \* 4:19 ሃዎ 18:2፤ 2ጊም 1:16-17 \* 4:20 ሃዎ 19:22፤ አሮ 16:23፤ ሃዎ 20:4፤ 21:29

**ጳውሎስ  
ቲቶሳስ  
ፃፊ ዓላማ  
ጊዶ ቆፋ**

ቲቶሱ አይዛቤቴላፍ ሲሚ አማኖን ጌሊ ዓላማ ጳውሎስ፣ ሚሺራቾ ቃላ አሶን ማታን ማዲዛ ኢዛስ አዳ ኤሬቲዳ ላጌ። ጳውሎስ ሃይሳ ሃ ኪታዛ ፃፊ ዓላማ ባፍ ላይሳን ዮጊዛኔ ኢዛራ ማቲዛ ሃይሳ ባፍራ ኢሲፌ አሲዛ ቲቶሳስ ጊዲሺን ቲቶሱ ሄ ዎዴ ዎሳ ኬሳ ያሊሽ ቃርዔሴ ጌቴቲዛሶን ዴስ። ሃ ኪታይ ሎዔሲ ሚንሲዛይ ሄዥ አይፌ ዮዎታ ቦላ።

ኮይሮይ፣ ዎሳ ኬሳ ጨማቲ ሃራፔካ ቃርዔሴ አሳስ ኢታ አሶ ጊሽ ኢስታስ አይ ማላ ሎዎ አሶይ ቤሲዛኮኔ ቲቶሱ ኢስታ ታማርሳና ማላ ቲቶሳ ቆፊሴስ። ናምዓንሶ ቃስ ዎሳ ኬሳ ጊዶን ዲዛ ዱማ ዱማ ቡዱኔን ሄሲካ ጨሚዳ ማጫሳታኔ አቱማ አሳ፣ ሄሳሶካ ናቴሳ ናይታኔ አሳስ አሲ አቁዛይታ ኢዚ ታማርሳና ቤሲዛይሳ ታማርሳና ማላ ቲቶሳ ዞሬስ። ወርሴሳን ቃስ አማኖን ዱሳ ጊሽ ሃራፔካ አሳይ ሳሮኒኔ ሲቆቴሳን ዴዓና ማላ፣ ሄሳሶካ ዎሳ ኬሳ ጊዶፌ ኢሶይ ኢሳ ኢዶኔ አሽ ባ ጋርሳን ቫኬቴሳ አጋና ማላ ቲቶሳስ ዞሬ ኢሚዲ አሳና አጌ ቤሲዴስ።

- ሃ ማፃፋይ አይኪዳ ኩሜሳ ቆፋ
- ጌሎሶ 1:1-4
- ዎሳ ኬሳ ካሌሲዛይታ 1:5-16
- ዎሳ ኬሳን ዲዛ ዱማ ዱማ አሳታስ ኢሜቲዳ አሶ 2:1-15
- ዞሬኔ ናጌታና ማላ ቆፊሶ 3:1-11
- ኩሻ ቆፋ 3:12-15

**ዎሳ ኬሳ ካሌሲዛይታኔ ዎርዶ አስታማሬታ**

1 ዎሳስ ዶሬቲዳይታ አማኖኒኔ ቱሙ አዎናን ካሌሲዛ ቱማ ኤራቴሳን ዲቻና ማላ ዎሳ አይሌኔ ዩሱስ ኪርስቶስ ሃዎሬ ጊዲዳ ጳውሎስ። 2 ኢዛ አማኖይኔ ኤራቴሳይ ካሴፔ አይኪዲ ዎርዶቶንታ ጎዳይ ዳሮ ዎዴፔ ካሴ ባ ኢሚዳ ሜርና ዴዎ ሂዶታ ማላ። 3 ኢዚ ካሴ ጊዳ ዎዴይ ጋኪዳ ማላ ኑና አሺዳ ዎሳ አዛዞን ታስ ሳባካናስ ኢሜቲዳ ሃራ ባጋራ ዎሲ ባ ቃላ ቆንጨሲዴስ።

4 ኑስ ኮሴ ጊዲዳ አማኖ ኢሲፌቴሳን አማኖን ታስ ቱሙ ና ጊዲዳ ቲቶሳስ “ዎሳ አዎፔኔ ኑና አሺዳ ዩሱስ ኪርስቶስፔ ኪያቴሲኔ ሳሮቴሳ ኔስ ጊዶ” ጊዴስ። \*

**ቃርዔሴን ቲቶሳ አሶ**

5 ታ ኔና ቃርዔሴን አጊዳይ ቡሮፔ ጊጋና ቤሲዛ ዳሮ ሚሺ ዲዛይሳ ጊሽ ኔ ጊጊሳናሲኔ ታ ኔና አዛዘዳ ማላ ካታማይ ዲዛሶን ዎሳ ኬሳ ጨማታ ኔ ዶራናሳ። 6 ጨማቴሳን ዶሬታናይቲ ኢስታ ቦላ ቦሮይ ባይንዳይታ፣ ኢሲ ማቺ አዘናታ፣ ናይቲ አማኒዛይታኔ ዋይሶንታይታ ዎይኮ አዛዘቲዛ ናይታ አዎታ ጊዴቶ። 7 ዎሳ ኬሳ ጨማይ ዎሳስ አሳና ሃዳራ ኤኪዳዴ ጊዲዳ ማላ ኢዛ ቦላ ዎሶይ ባይንዳዴ ጊዳናስ ቤሴስ። ሄሲካ ጨቁቲዛዴ፣ ጉሳ ሚሻን ዩሎቲዛዴ፣ ማሶቲዛዴ፣ ኡሻንቻኔ ኢዛስ ቤሶንታ አጌራ ጎዓ ጊዲዳዝ ጎዲ ኤኪ ቢዛዴ ጊዳናስ ቤሴና። 8 ሄሳፌ ቦላራ ኢዚ ኢማሳ ሞኪዛዴ፣ ሎዎ አሶ ዶሲዛዴ፣ ባርካ ባና ሃሪዛዴ፣ ሱሬ አስ፣ ጊሎኔ ኤራይስ ናጌቲዛዴ ጊዳናስ ቤሴስ። 9 ሃራ አሳታ ሎዎ ቲሚርቴን ሚንሴሲዛዴኔ ሄ ሎዎ ቲሚርቴዛ ኢዲዛይታ ሃንቃናስ ባ ታማሪዳ ማላ ቃላን ሚኒዛዴ ጊዳናስ ቤሴስ።

10 ዋይሲዛይቲኔ ዱናን ፃላላ ባሌሲዛይቲ ዳሮቲ ዴቴስ፤ ሃራፔካ ሄይቲ ቃፃሬቲዳ አይሁዳ አሳታፔ አማኒዳ አሳታ ባጋታ። 11 ሄይታንታ ሙሁ ሂስቴሳ ቤሴስ። ጋሶይካ ኢስቲ ቤሶንታ አጌራ ባሲ ጎዓ ዴዎናስ ቤሶንታ ቲሚርቴ ታማርሶን ኬሳ አሳ ወርሲ ሞሮን ዴቴስ። 12 ኢስታ ናቤታፔ ኢሳዴይ ኢስታ ጊሽ ሃሳዩሽ “ቃርዔሴ አሳይ ኡባ ዎዴ ዎርዳንቻታ፣ ኢታ ዶዓታ፣ ጋንጃማታኔ አዛላታ” ጊዴስ። 13 ሄ ማርካቴሳይ ቱማ፤ ሄሳ ጊሽ ኔ ኢስታ ሎዔሳ ሃንቁታ። ጋሶይካ ኢስታስ ቱሙ አማኖይ ዳና ማላኔ፣ 14 አይሁዳታ ሃይሲዔ ዎይኮ ቱሙ ዮዎፔ ሃኪዳ አሳታ አዛዞ ኢስቲ ሲዮንታ ማላሳ። 15 ጊሻታስ ሚሺ ወሪካ ጊሻ ሺን ቱናታሲኔ አዎንታይታስ ጊዲኮ ወሪካ ቱና። ሃራፔካ ኢስታ ቆፋይ ወሪካ ቱኒዴስ። 16 ኢስቲ ባና ኑ ዎሴ ኤሮስ ጌቴስ ሺን ባ ሃኖቴሳን ጊዲኮ ካዴቴስ። ኢስቲ ሹኒዛይታ፣ አዛዘቶንታይታኔ ሎዎ አሶስ ቤሶንታይታ።

**2**

**ቱሙ ቲሚርቴ**

1 ኔ ጊዲኮ አሳ ቱሙ ጊዲዳዝ ታማርሳ። 2 ጨማ አሳይ ዎዘናማ፣ ቦንቼቲዳይታ፣ ባና ባርካ ሃሪዛይታ፤ አማኖኒኔ ሲቆን ዳንዳዎንካ ሎዎ ጊዳና ማላ ኢስታ ዞሬ። 3 ሄሳሶካ ጨማ ማጫሳቲ ባ ዲዛ ዱሳን ቦንቻራ ዲዛይታኔ ሎዎ ሃኖቴሳ አሳ ታማርሲዛይታ ጊዴቶ አቲን አሳ ሱንሳ ኢሲዛይታ ዎይኮ ዎይኔ ጫጄ ኡሻ ሱኪን ዋዔቲዳይታ ጊዶንታ ማላ ኢስታ ታማርሳ። 4 ሄሳሶ አሲኮ ናቴሳ ማጫሳቲ ባ አዘናታኔ ባ ናይታ ዶሳና ማላ ታማርሳናስ ዳንዳዩቴስ። 5 ዎሳ ቃላይ አና አቻንካ ጫዬቶንታ

\* 1:4 2ቆሮ 8:23፤ ጋላ 2:3፤ 2ዲዎ 4:10



ማላ ኢስቲ ባርካ ባና ሃሪዛይታኔ ጌሻታ፥ ኪሳ ጊዶን ኢስታ አሶይ አይኪዳይታኔ አሳስ ኪያታ፥ ባ አዚናታስ አዛዜቲዛይታ ጊዳና ማላ ጨማ ማጫሳቲ ኢስታ ታማርሴቶ።

6 ሄሳሶካ ያላጋ አቱማሳይ ባርካ ባና ሃሪና ማላ ኔ ኢስታ ዞራ። 7 አይ ሃኖንካ ኔ አሳስ ሎዎ ሌሚሶ ጊዳ። ኔ አሳ ታማርሴዛ ቲሚርቱዛ ኔካ ዎዝናፔ ታማርሴዛዴኔ ናጊዛዴ ጊዳ። 8 ኑ ጊሽ ኢታ ሃሳዬዛ አሳይ ሃሳያናስ ኢታ ዴሞንታ አጊዲ ዩላታና ማላ ኔ ሃሳዬዛ ሃሳያ ጊዶን ቦርሶ ዮዎይ ዶፖ። 9 አይሌቲ አዛንካ ባ ጎዳታስ ሃሪታና ማላኔ ኡፋይሳና ማላ፤ ቃሴካ አውቴ ዛሮንታ ማላ ታማርሳ። 10 ሃንዛዛን ኡባን ኑና አሺዳ ያሳ ቲሚርቱይ ዶሴታና ማላ ኢስቲ ሎዎ ማርካቴስ ቤሳና ማላ ባ ጎዳታ ሚሽ ካይሶቶፔቶ።

11 አሳስ ኢዛፔ ማሮይ ቤቲዛ ያሳ ኪያቴሌ አሳ ኡባስ ቆንጨዴስ። 12 ሄ ኪያቴሳይካ ኑኔ ናጋራን ዱሲኔ ሃ አላሜ አሞቴሳ ካዲዲ ሃይሳ ሃ ዎዴዛን ኑርካ ኑና ሃሪዲኔ ሂሎቴሳን ቱሙ አያና ዱስ ዳናይሳ ኑና ታማርሴስ። 13 ሄሲካ ኑስ አንጄቲዳ ሂዶታ ጊዲዳ ዎጋ ያሳኔ ኑና አሺዳ ዩሱስ ኪርስቶሳ ቦንቾይ ቆንጨናይሳ ናጋናሳ። 14 ኢዚካ ኑና ኢታቴሳፌ ዎዛናሲኔ ሎዎ ኦሳናስ ሚኒዛ ባ ዴሬ ኤራይስ ዶራናስ ባና ኑስ አሲ ኢሚዴስ። \*

15 ሄሳ ጊሽ ኔ ታማርሳናይቲ ሄይታንታ። ሄሳካ ኔ ኩሜሳ ጎዳቴሳራ ዞራኔ ሃንቃ፤ ኔና አኒካ ሌቆፎ።

3

**ሎዎ አሶ**

1 አሳይ ዴሬ አይሲዛይታስ ሃሪታና ማላኔ ሎዎ ጊዲዳ ሚሽ ወርሲ አሳናስ ጊጋ ጊዳና ማላ አሳ ቆሬሳ። 2 ቃሴካ አኒካ አሳ ቦላ ኢታ ሃሳዮንታ ማላኔ ሎዎ አሳ ጊዳና ማላ አሳ ኡባስ ኩሜሳ ዎዝናፔ ባ አሽኪቴስ ቤሳና ማላ ኡባ ቆሬሳ። 3 ኑካ ካሴ ቆፋይ ባይንዳይታ፥ አዛዜቶንታይታ፥ ባሌቲዛይታ፥ ዱማ ዱማ አሞኒኔ ሎዎ ዱሳስ አይሌቴሳን ሃሪቲዛይታ። አሳራኔ ኑርካ ኑ ጋርሳንካ አዮቲሼ ኢታቴሳኒኔ ሚቃይኔቴሳን ዶስ። 4-5 ጊዶ አቲን ኑና አሺዳ ያሳ ኪያቴሌኔ ኢዛ ሲቆይ ቆንጨዳ ዎዴ ኑ አሲዳ ሂሎቴሳን ጊዶንታ ዲሺን ኢዛ ማሮቴሳ ዳሮን አቲዶስ፥ ኢዚ ኑና አሺዳይ ናምግንሶ ዩሌቴስ ጊዲዳ ሜቻኒኔ ሂሎ አያናን አራዌቴሳና። 6 ሄሳካ ሂሎ አያናይ ኑ ቦላ ኑ ጎዳ ያሲ ኑና አሺዳ ዩሱስ ኪርስቶሳ ባጋራ ዳርሲ ጉሲዴስ። 7 ሄሲካ ኑ ኢዛ ኪያቴሳን ሂሊዲ ሜርና ዴዎ ሂዶታ አይኪዲ ላቲዛይታ ጊዳናሳ። 8 ሄሲካ አማኔቲዳ ቃላ። ያሳ አማኒዛይቲ ሎዎ አሶስ ባና አሲ ኢማና ማላ ሃይሳ ወርሳ ኔ ሎዴሳ ዮታና ማላ ታ ኮያይስ። ሄሲካ ሎዎኔ አይ አሲካ ኮዩዛዛ። 9 ቃሴካ ሙ ሃዳ ፓላማፔኔ አሳይ ባ ቆሞ ቆዲዛዛፔ፥ ማርሼሬኔ ዎጋ ጊሽ ዴንዲዛ አሻፌ ኔ ሃካ። ሄይታንቲ ጎዎይ ባይንዳዚ ፓሶንታ ዮዎ። 10 አሳ ጊዶን ሻኮቴስ ሜዲዛ አስ ኢሲቶ ናምዑቶ ኔ ዞሪን ኤኮንታ ኢዲኮ ኢዛዴራ ኔስ ኢሲሬቴሌ ዶፖ። 11 ሄሳ ማላ አሲ ባሌቲዳ ናጋራንቻ አሳ፤ ኢዛዴይ ባርካ ባ ቦላ ፐርዲዳይሳ ኔ ኤራ።

**ወርሴሳ ዞራ**

12 አርጊሞኔ ዎይኮ ቲቂቆሳ ታ ኔኮ ኪቲኮ ኔ ታኮ ኒቆጶሊዮኔ ያናስ ኔስ ዳንዳዩቲዛዚ ወርሳ አሳ። ታኒ ሃላይሳ ባልጎ ሄን አሳና ጋዳ ቃቻዲስ። \* 13 ዎጋ ኤሪዛ ዜማሲኔ አጲሎሲ ቢሺን ኢስታስ ኮሺዛዝ ወርሳ ኩንሳ ማዳ። \* 14 ኑ ባጋታስ ሃቺስ ሃቺስ ኢስታ ኮሺዛዝ ኢስቲ ዴማና ማላኔ ኢስታ ዴሳይ ጎዳይ ባይንዳዚ ጊዶንታ ማላ ኢስቲ ሎዎ አሶ አሲ ሚናና ማላ ታማራናስ ኮሺስ።

15 ታናራ ዲዛይቲ ኢንቴና ሳሮ ጌቴስ። አማኖ ጌዶን ኑና ሲቂዛይታ ወርሲ ሳሮ ጊቴ። ያሳ ኪያቴሌ ኢንቴናራ ጊዶ።

\* 2:14 ማዛ 130:8፤ ኪሳ 19:5፤ ዛሬ 4:20፤ 7:6፤ 14:2፤ 1ጴፅ 2:9 \* 3:12 ሃዋ 20:4፤ ኤፌ 6:21-22፤ ቆላ 4:7-8፤ 2ዲሞ 4:12 \* 3:13 ሃዋ 18:24፤ 1ቆሮ 16:12

**ጳውሎስ  
ፕላጥናስ  
ፃፊ ዘኒታ  
ጊዶ ቆፋ**

ፕላጥናይ ዳር ኤሬቲዳ አማኒዳዬ። ኢዚ ቆላሲያሴ ምሳ ኬሳን አማኒዳ አሳ ጋርሳን ዲዛዴ ሚሳቴስ። ፕላጥናስ አናስሞሳ ጌቴቲዛ አይሌ ዴስ። ሄሲ ሄሳዴይ ባ ጎዳ ሶፔ ቤቴ ቢዲ ቃሾ ኬሳን ዲዛ ጳውሎሳራ ጋጊዴስ። ኢዚ ጳውሎሳ ባጋራ አማኒዴስ። ጳውሎስ ፕላጥናስ ፃፊ ዘኒታይ ፕላጥናይ ሲሚዲ ኢዛቡ ቢዛ ሄ አሳንቻዛራ ኢጊንታና ማላ ቆፊሴስ። ቃሴካ አናስሞሲ ሃዲ አማኒዳዴ ጊዲዳ ጊሽ ሃይሳፊ ጉዩ ፕላጥናይ አማኖን ኤራይስ ኢሻ ማላ ኤካናፔ አቲን አይሌሉ ቆዶንታ ማላ ዮቴስ።

ሃ ማፃፋይ አይኪዳ ኩሜሳ ቆፋ  
ጌሎሶ 1-3  
ፕላጥናስ ጳውሎስ ሺሺዳ ቃላታ 4-7  
ጳውሎስ አናስሞሳ ጊሽ ሺሺዳ ሚኖ ምሳ 8-22  
ኩሻ ቆፋ 23-25

1 ዮሱስ ኪርስቶሳ ጊሽ ቃሼቲዳ ታፔ ጳውሎሳቴኔ ኑ ኢሻ ሂምቶሳፔ ኑ ሲቆ ኢሻ ጊዲዲ ኑናራ ኢሲፌ አሲዛ ፕላጥናስ፤ 2 ኔ ኬሳን ሺቂዛ አማኒዳ አሳሲኔ ኑ ሚቼዮ አምፒብያስ ቃሴካ ኑናራ ኢሲፌ ኪርስቶሳ ምታዳራ ጊዲዳ አርኪጳሴስ፤ \*  
3 ኑ አዋ ያሳፌ ኑ ጎዳ ዮሱስ ኪርስቶሳፔ ኪያቴሲኔ ሳሮቴሲ ኢንቴስ ጊዶ።

**ፕላጥና ሲቆኔ አማኖ**

4 ታኒ ታ ምሳን ኔና ቆፓሼ ኡባ ምዴ ያሳ ጋላታይስ። 5 ጋሶይካ ኔ ያሳ አሳ ሲቂዛይሳኔ ጎዳ ዮሱስ ኪርስቶሳን ኔ አማኒዳይሳ ታ ሲያዲስ። 6 ኑኒ ኪርስቶሳስ ጊዲዳይሳኔ ኑስ ዲዛ ሎዎ ዮዎይ ወራ ቆንጩን ኤሬታና ማላ ኔካ ኔ አማኖ ሃራ አሳስ ቤሳና ማላ ታ ኔስ ሚና ምሳይስ። 7 ታ ኢሻዞ! ኔ ሃኖን ያሳ አሳ ምዝናይ አራጊዳ ጊሽ ኔ ሲቆይ ታ ምዝና ኬሂ ሚንሲዴስ።

**አናስሞሲ ፕላጥናኮ ሲማና ማላ ጳውሎስ ምሲዴስ**

8 ሄሳ ጊሽ ኔ አሳናስ ቤሲዛይሳ አሳና ማላ ኔና አዛዛናስ ታስ ኪርስቶሳን ፃላቴሳ ዴስኮሺን። 9 ጊዲኮካ ታ ኔና አዛዛናፔ ሲቆራ ምሳይስ። ጋሶይካ ታኒ ዮሱስ ኪርስቶሳ ጊሽ ቃሼታዳ ቃሾ ኬሳን ዲዛ ጳውሎሳ። 10 ታ ኔና ምሲዛይ ታ ቃሾ ኬሳን ዳሼ ዮሱስ ኪርስቶሳን ዮሊዳ ና አናስሞሳ ጊሻሳ። \*  
11 አናስሞሲ ሃይሳፊ ካሴ ኔና ጎዲቤና ሺን ሃዲ ጊዲኮ ኢዚ ኔናካ ታናካ ጎዲዛዴ። \*  
12 ታ ሃዲ ኢዛ ኔኮ ዛራ ዮዳዲስ። ታ ኔኮ ዮዳዛይ ኢዛ ጊዶንታ ታ ምዝና ኔኮ ዛራ ዮዳዛ ማላ ቆዳይስ። 13 ሚሺራቾ ቃላ ጋሶን ታ ሃን ቃሼታ ዲሺን ኔ ታና አሳ ማዳናይሳ ኢዚ ታናራ ዴዴዳኮ ታና ኡፋይሴስ። 14 ጊዶ አቲን ኔ ሎዎ አሶይ ኔ ዶሳንፔ አቲን ምልቃራ ጊዶንታ ማላ ጋዳ ኔና አይቾንታ አይኮካ አሳና ኮያቤይኬ።  
15 አናስሞሲ ሃኖ ጋካናስ ኔፔ ጉሳ ምዴ ሻኬቲኮካ እኔ ኤሪዛይ ሃይሳፊ ጉዩ ኡባ ምዴ ኔናራ ዳና ዳንዳዮስ። 16 ሃይሳፊ ጉዩ ኢዚ ኔናራ ዳናይ አይሌ ማላ ጊዶንታ አይሌፌ አዲ ኔስ አሾ ኢሻ ማላ ጊዳና። ኢዚ ታስ ዶሴቲዳ ኢሻ። ጊዶ አቲን ኢዚ ኔና አሲ ጎዳና አስ ጊዲዳ ጊሺኔ ኢዚ ኔስ ኪርስቶሳ ባጋራ ኢሻ ጊዲዳ ጊሽ ኔስ ኬሂ ዶሴቲዳዴ ጊዳና።  
17 ኑስ ዲዛ ኢሲፌቴሳ ጋሶን ኔ ታና ኔስ ኢሻ ማላ ቆዲዛ ጊዲኮ ታና ኔ ሞካ ኤኪዛ ማላ ኢዛካ ሞካ ኤካ። 18 ኢዚ ኔ ቦላ ጋሲዳ ቆያይ ዲኮ ምይኮ ኔ አጮይ ኢዛ ቦላ ዲኮ ኢዛ አጮዛ ታ ቦላ ቆዳ። 19 ሄኮ ታ ጳውሎስ “ኢዛ አጮዛ ታ ኔስ ቃንፃና” ጋዳ ታ ኩሼራ ፃፋዲስ። ጊዲኮካ ኔ ኪርስቶሳ አማኒዳይ ታ ባጋራ ጊዲዳ ጊሽ ሃራይ አቶሺን ኔካ ታስ ቃንፃና አጮይ ዲዛዴ ጊዲዳይሳ ታ ኔና ኤሪሳናስ ኮሼና። 20 ሂዳ ታ ኢሻዞ ሄሳ ሎዎ አሶ ኔ ታስ አሳና ማላ ጎዳ ሱንሳን ኪርስቶሳ ጊሽ ጋዳ ኔ ታ ምዝና ሺምፒሳና ማላ ኔና ምሳይስ።  
21 ታ ኔስ ሃይሳ ፃፊዳይ ኔ ታስ አዛዜታናይሳ አማናዳኮ! ታ ኔና አይቼዳይሳፌ ኔ አሳ አሳናይሳ ታ ኤራይስ። 22 ያሲ ኢንቴ ምሳ ሲይዲ ታ ኢንቴኮ ባና ማላ ታስ ሂዶታይ ዲዛ ጊሽ ታ ባዳ ኢንቴኮን ሺምፓናሶ ታስ ሃያና ጊጊሳ።

**ወርሴሳ ሳሮካ**

23 ዮሱስ ኪርስቶሳ ጋሶን ታናራ ቃሼቲዳ ኤጳፒራይ ኔና ሳሮ ጌስ። \* 24 ሄሳሶካ ታናራ አሲዛይቲ ማርቆሲ አርሲዲሮኮሲ፣ ዴማሲኔ ሉቃሲ ኔና ሳሮ ጌቴስ። \* 25 ጎዳ ዮሱስ ኪርስቶሳ ኪያቴሳ ኢንቴናራ ጊዶ።

\* 1:2 ቆላ 4:17 \* 1:10 ቆላ 4:9 \* 1:11 አናስሞሴ ጉሲ ጊሪኬ ቃላን ጎዲዛዴ ጉሳ። \* 1:23 ቆላ 1:7፤ 4:12  
\* 1:24 ሃዎ 12:12፤25፤ 13:13፤ 15:37-39፤ 19:29፤ 27:2፤ ቆላ 4:10፤14፤ 2፻ም 4:10-11

### ኢብራዌታስ ፃፊው ኪታ ጊዶ ቆፋ

ሃይሲ ሃ ኪታዚ ፃፊው ኢስታ ቦላ ጋኪዳ ጊታ ሜቶዛ ጊዶን ባ አማኖ አጋናስ ማቲዳ አማኒዛ አሳ ጊሻሳ። ሃይሳ ፃፊው ኢብራዌ፣ አማኒዳይታስ ዮሱስ ኪርስቶሲ ቱማኔ ወርሴሳን ያሲ አሳ ናስ ቆንጨሲዳይ ያሳ ናይ ኢዛ ጊዳይሳ ቤሳናሳ። ሃ አማኒዳይቲ ባ አማኖን ሚኒ ኤቃና ማላ ኢዚ ኢስታ ሚንሴሴስ። ሄሲካ ቱሙ ጊዳይሳ ሄዥ ቱማ ዮታ ቆንጨሲ ቤሴስ።

1. ባ ኤኪዳ ሜቶዛ ባጋራ ባ አዋስ ቱማ፣ አዛዜቲዳይ ጊዳይ ጊሽ ካሴ ጋልዓ ጫቆ ማፃፋን ዲዛ ናቤታ፣ ሙሴ፣ ኪታንቻታ፣ ኬሂ አደስ።

2. ዮሱሲ ካሴ ጋልዓ ጫቆ ያይ ቁሴታ፣ ኬሂ አደዛ ሜርና ቁሴይ ኢዛ ጊዳይሳ ያሲ ባ ዱናን ዮቲዳስ።

3. አማኒዳይ ናጋራ፣ ባቦ፣ ሃይቆ፣ ዮሱሳ ባጋራ አታና። ዮሱሲ ቁሴታ ሃላቃ ጊዳይ ማላ ኢብራዌታ አማኖ ያጋቲኔ ሜሄታ ያርሾይ ሙ ማላ ኤሾ ማላ ጊዳይ አቶቴሳይ ኢዚ ቱማ ጊዳና ማላ አሲዳስ።

ሃ ማፃፋይ ፃፊው ኢስራኤል ናይታ ታሪኩን ኤፊቲዳ አሳታ አማኖ ለሚሶ ጎዔቲዳ (ገምጋ 11) ናባቢዛ አሳይ አማኖን ሚናና ማላ ቆሬሴስ። ሄሳሳካ (ገምጋ 12) ቦላ ናባቢዛ አሳይ ባ አይፊ ዮሱሳ ቦላ ሎዔሲ ያሲዳ አማኖን ሚናና ማላኔ አይ ሜቶይኔ ዋይይካ ኢስታ ቦላ ጋኪኮካ ዳንዳያና ማላ ዞራስ። ወርሴሳንካ ኢዚ ኢስታስ ዱማ ዱማ ዞራስ ሴራ ቃላ ኢሚዳ ኩዮስ።

- ሃ ማፃፋይ አይኪዳ ኩሜሳ ቆፋ
- ጊሎሶ፣ ያሲ ባና ኪርስቶሳ ባጋራ ቆንጨሲዳስ 1:1-3
- ኪርስቶሲ ኪታንቻታ፣ ቦላ ጊዳስ 1:4-2:18
- ኪርስቶሲ ሙሴ፣ ኢያሱ፣ ቦላ 3:1-4:13
- ኪርስቶሳ ቁሴታ 4:14-7:28
- ኪርስቶሳ ጫቆ ቃላ ቦላቱስ 8:1-9:22
- ኪርስቶሳ ያርሾይ ቦላቱስ 9:23-10:39
- አማኖ ባይራቱስ 11:1-12:29
- ያሳ ኡፋይሶ 13:1-19
- ወርሴሳ ያሳ 13:20-21
- ኩሻ ቆፋ 13:22-25

ያሳይ ባ ናዛ ባጋራ ዮቲዳስ

1 ቤኒ ያይ፣ አይኪዳ ያሲ ዱማ ዱማ አገራ ናቤታ ባጋራ ካሴ ኑ አዋታስ ዳሮ ያይ ዮቲዳስ።

2 ቃሴ ሃይሳ ወርሴሳ ያይ ቦላ ወርሴሳ ላቲሲዳይኔ ሃ አላሜዛ ሜዲዳ ባ ናዛ ባጋራ ኑስ ዮቲዳስ።

3 ኢዚካ ያሳ ቦንቾ ቤሲዳይኔ ያሳ ያሳቴሳስ ሎሶ ለሚሶ ጊዳይ ባ ያልቃማ ቃላን ወርሴሳ ሺሺ አይኪዳስ። ኢዚ አሳ ናጋራ፣ ጊሻይ ጉዮ ሳሎን ቦንቾ ያሳ ኡሻቻን ኡቲዳስ።

ያሳ ናይ ኪታንቻታ፣ አደስ

4 ሄሳ ጊሽ ኢዛስ ኢሜቲዳ ሱንሳይ ኪታንቻታ ሱንሳይ አደዛይሳ ማላ ኢዚካ ኪታንቻታ፣ ኬሂ አደስ። 5 ያሲ ኪታንቻ፣

“ኔኒ ታ ና፤

ታ ኔና ሃቺ ዮላዲስ።

ያይኮ

ታ ኢዛስ አዋ ጊዳና፤

ኢዚካ ታ ና ጊዳና”

አናስ ጊዳ? 6 ቃሴካ ያሲ ባ ባይራ ናዛ ዱጌ ሃ ቢታ ቦላ ዮዲሼ “ያሳ ኪታንቻቲ ወሪካ ኢዛስ ጎይኔቶ” ጊዳስ። \* 7 ኪታንቻታ ጊሽ ሃሳዬሼ ቃሴ “ኪታንቻታ አያናታ፤ ባ አሳንቻታካ ታማ ላሮ ኬሴስ” ጊዳስ። \* 8 ናዛ ጊሽ ቃሴ “ጎዶ! ኔ ዙፋኔይ ሜርና፣ ሜርና ጋካናስ ሚኒ ዳና። ኔኒ ኔ ካዎቴሳ ሊኬ ካሴሳ። 9 ኔኒ ያሎቴስ ዶሳዳሳ፤ ማካላካ ኢዳሳ፤ ሄሳ ጊሽ ያሲ ኔ ጎዳይ ኔና ኔ ላጌታ፣ ቦላ ኬሴዳስ። ኔና ኡፋይሳ ዛይቴ ቲዮዳስ” ጊሽ። 10 ቃሴ “ጎዶ ኔኒ ኮይሮ ቢታ ሜዳዳሳ። ሳሎቲካ ኔ ኩሼን አሴቲዳ። 11 ኢስቲ ዳያና፣ ኔኒ ጊዲኮ ሚና ዳና። ኢስቲ ወሪካ ማይሶ ማላ ጋልዳና። 12 ኔኒ ኢስታ ማይሶ ማላ ቃላምዳና። ኢስቲካ ማይሶ ማላ ላሜታና። ኔ ጊዲኮ አይዳካ ኔኒ ኔና። ኔ ዱሳስ ወርሴሳ ዳና” ጊሽ። 13 ያሲ ኪታንቻታ፣ “ታኒ ኔ ሞርኬታ ኔ ቶሆ ጋርሳን ዮዲሳና ጋካናስ ኔ ታ ኡሻቻን ኡታ” አና ጊዳ? \*

14 ኪታንቻቲ ወሪካ አቶቴሳ ላታና አሳታ አሳናስ ያሳፊ ኪቲቲዛ አሳንቻ አያና ጊዳቴኔ?

\* 1:6 ዛሬ 32:43 \* 1:7 ማዛ 104:4 \* 1:13 ማዛ 110:1

2

**ጊታ ማርቴስ**

1 ሄሳ ጊሽ ኑኒ ሲዱዳ ቃላፕ ባሌቲዲ ኩንዶንታ ማላ ኑ ሲዱዳ ቃላ ሎዔሲ ናጋናስ ቤሴስ።  
2 አዛስ ጊኮ ካሴ ኪታንቻታ ባጋራ ዮቴቲዳ ቃላይ ቱሙ ጊዲዳ ሄ ቃላ ዮዲ አዲዳይ ባስ ቤሲዛ ቂግቱ ኤኬስ።<sup>3</sup> ኑ ቃሴ ሄሳ ማላ ጊታ ማርቴስ ሞ ሌፕ ሂስቲኮ ዋኒ አታኔ? ሃይሲ ማርቴሳይ ኮይሮ ጎዳ ባጋራ ኑስ ዮቴቲዳስ። ኢዛፕ ሲዱዳይቲካ ኑስ ጌሺ ዮቴዳ።<sup>4</sup> ያሲ ቃሴካ ማላታታ፣ ማላሊሲዛ ሚሻታ፣ ዱማ ዱማ ማላታታ አሰኒኔ ባ ሽኔ ማላ ኢሚዳ ዒሎ አያና ኢሞታታ ባጋራ ኢስታ ማርካቴሳ ሚንሲዳስ።

**አሳ ዜሬስ አሺዳይ ዮሱሳ**

5 ያሲ ሃይሳ ኑ ኢዛ ጊሽ ሃሳዬዛ ቡሮ ያና አላሜዛ ኪታንቻስ ሃርሲቤና።<sup>6</sup> ጊዶ አቲን ጌሻ ማግፋይ ሃራሶን

“ኔ ኢዛስ ዩሻ ቆፓናስ አሲ አዜ?  
ኢዛስ ኔ ቆፓናስ አሳናይ ኢዚ አዜ?”

7 ኔ ኢዛ ኪታንቻታፕ ጉሳራ ጉሳዳሳ።  
ቦንቾ ዛወዴኔ ጋላታ ኢዛ ሁዔን ዎሳዳሳ።  
ኔኒ ኢዛ ኔ ኩሼ አሶታ ቦላ ሹማዳስ።

8 ኔ ወርሳካ ኢዛ ቶሆ ጋርሳን ሃሪሳዳሳ፤  
ያሲ ኡባካ ኢዛፕ ጋርሳራ ኢዛስ ሃሪሲሺን አቲዳይ አይ ሚሺካ ዴና።  
ጊዶ አቲን ሃዒ ቃሴ ወሪካ ኢዛስ ሃራቴሺን ኑ ቤይቤኮ”

ጊዶስ።<sup>9</sup> ጊዶ አቲን ያሳ ኪያቴሳን አሳ ኡባ ጊሽ ሃይቃናስ ኪታንቻታፕ ጉሳ ዎዴ ጉዲዳ ዮሱሲ ዋዬ ሃይቆ ሃይቂዲ ሃዒ ቦንቾኔ ጋላታ ዛወዴ ባ ሁዔን ዎሳዳይሳ ኑ ቤዮስ።<sup>10</sup> ሃኒዛይ ወሪካ ኢዛፕ ኢዛስ ሜዴቲዳ ያሲ ዳሮ ናይታ ቦንቾስ ኤፋናስ ኢስታ ማርቴሳስ ሁዔ ጊዲዳ ዮሱሲ ዋዬን ፖላናስ ኮሺዛዝ ጊዲዳስ።

11 አስ ጌሺዛይኔ ኢዛን ጌዬዛ አሳይ ሄይቲ ኢሲ ኬሳ አሳታ። ሄሳ ጊሽ ዮሱሲ ኢስታ “ታ ኢሻቶ” ጊ ዔይጋናስ ዮላቴና።<sup>12</sup> “ታኒ ኔ ሱንሳን ታ ኢሻታስ ዮታና ሺቂዳ ዴሬዛ ሲንሳን ኔና ጋላቲዛ ዮሳ ታ ዮፃና።”<sup>\*</sup> 13 ሄሳሶካ “ታ ኢዛን አማኔታና” ቃሴካ “ታኒኔ ታስ ያሲ ኢሚዳ ናይቲ ኑ ሃን ዶስ” ጌስ ጌሻ ማግፋይ።<sup>\*</sup>

14 ናይታስ አሾይኔ ሱሴ ዲዛ ማላ ኢዚካ ኢስታ ማላ አሳ። ሄሲካ ሃይቆ ቦላ ኢዛስ ዎልቃይ ዲዛ ዳቡሎሳ ኢዚ ባ ሃይቆ ዎልቃን ዛራናሳ።<sup>15</sup> ሄሳሶካ ባ ዲዛ ዎዴ ኡባን ሃይቆስ ባቦን ሃራቴ ቃሹቲዳይታ ሃይቆፕ ዎዛናሳ።<sup>16</sup> ኢዚ ሃ ዮዳይ ኪታንቻታ ማዳናስ ጊዶንታ አብራሃሜ ዜሬሳታ ማዳናስ ዮዴስ።<sup>17</sup> ሄሳ ጊሽ ኡባ ባጋራ ኢዚ ባ ኢሻታ ሚሳታናስ ቤሲዛዴ ጊዲዳስ፤ ኢዚ ሄሳ አሲዳይ ማርዛዴኔ አማኔቲዳ ዋና ቄሴ ሃላቃ ጊዲዲ ያሳስ አሳናሲኔ ዴሬዛ ናጋራፕ ማራናሳ።<sup>18</sup> ኢዚ ባ ሁዔን ፓጩቲዲ ሜቶ ኤኪዳ ጊሽ ፓጩቲዛይታ ማዳናስ ዳንዳዮስ።

3

**ዮሱሲ ሙሴፕ አዴስ**

1 ሄሳ ጊሽ ሳሎፕ ዔይሲ ኢንቴና ጋኪን አማኒዛ ኑ ኢሻቶ! ኑ አማናስ ሃዋሬኔ ቄሴታ ሃላቃ ጊዲዳ ዮሱሳ ቆፕቲ።<sup>2</sup> ሙሴይ ያሳ ኬሳ ኡባ ቦላ አማኔቲዳዴ ጊዲዳ ማላ ዮሱሲካ ባና ሹሚዳዴስ አማኔቲዳዴ።<sup>3</sup> ኬሴ ኬዲዳዴስ ኬሳሬ ቦላራ ቦንቾይ ዲዛ ማላ ዮሱሳሲካ ሙሴፕ አዲዛ ቦንቾይ ቤሲዛዴ ጊዳናስ ቤሴስ።<sup>4</sup> ኬሴ ኡባስካ ኬዲዳዴይ ዴስ፤ ጊዶ አቲን ወርሲካ አሲዳዴይ ያሳ።<sup>5</sup> ሙሴይ ቲንቤቲ ማርካቲሼ ያሳ ኬሳ ኡባ ቦላ ኢሲ አማኔቲዳ አሳንቻ ማላ ጊዲ ዴዒዴስ።<sup>6</sup> ኪርስቶሲ ጊዲኮ ያሳ ኬሳ ቦላ አማኔቲዳ ና ማላ። ኑኒካ ኢዛ ቦላ አማኔቲዛ ኡፋይሳይኔ ጩቂቲዛ ሂዶታ ሎዔሲ አይኪኮ ኑ ኢዛስ ዱሳ ኬሳ።

**ያሳ አሳስ ኢሜቲዳ ቆሬሶ ቃላ**

7 ሄሳ ጊሽ ዒሎ አያናይ ጊዛ ማላ  
“ኢንቴ ሃቾ ኢዛ ቃላ ሲዬኮ”<sup>\*</sup>

8 ባዞ ቤታን ኢንቴ ታና ፓጩዳ ዎዴ ማካሊዳይሳሳ  
ኢንቴ ዎዝና ሙሚሶፕቲ።

9 ኢንቴ አዋቲ ካሴ ሄን ታና ፓጩዳኔ ታናራ ኤቂቲዳ።  
ታ አሲዳይሳ ወርሲ አይዱ ታሙ ላይስ ጋካናስ ቤዬዳ።

10 ሄ ዎዴ ዮሌቴሳታ ቦላ ታ ሃንቂታዳ፤  
ኢስታ ዎዝናይ ኡባ ዎዴ ባሌቴስ፤  
ኢስቲ ታ አጌ ኤሪቤይቴና።<sup>11</sup> ቃሴ

‘ታ ኢስታስ ኢሚዛ ሽምፖሶ ኢስቲ ሙሴካ ጌሌቴና!’ ጋዳ  
ታኒ ታ ሃንቆን ጫቃዲስ” ጌስ።

12 ታ ኢሻቶ! ኢንቴሬ አኒካ ዴዎ ያሳሬ ሃራሶ ኢንቴና ሃሲዛ ኢታኔ አማናንታ ዎዝናይ ዶንታ ማላ ናጌቲቴ።<sup>13</sup> ሃራፕካ ኢንቴ ጋርሳሬ አኒካ ናጋራን ባሌቲዲ ባ ዎዝና ሙሚሶንታ ማላ “ሃቾ”

\* 2:12 ማዛ 22:22 \* 2:13 ኢሳ 8:17-18 \* 3:7 ማዛ 95:7-11



ጌቱቺን ሃች ሃች ኢንቴ ኢንቴ ጋርሳን ሚኔቲቱ። 14 ኑስ ካሴ ኮይሮፍ ዲዛ አማኖ ኑኒ ወርሴስ ጋካናስ ሎዔሲ ሚንሳ አይኪኮ ኑኒ ኪርስቶሳራ ኢሲፌ ላታና።

15 ሄሲካ “ኢንቴ ሃች ኢዛ ቃላ ሲዩኮ ካሴ ማከሊዳይታይሳ ማላ ሃሲካ ኢንቴ ዎዝና ኢንቴ ሚንሶንታ ማላ” ጌቱቲ ገሻ ማፃፋን ፃፌቲዳይሳሶ ሃኒደስ።

16 ሲይዲ ማከልዳይቲ ኢስቲ አናንቴ? ሙሴይ ገብዔፍ ካሴስ ኪሲዳይታ ኡባታ ጊደቱ። 17 ያሲ ኢስታ ቦላ አይዱ ታሙ ላይሳ ሃንቁቲዳይቲ ኢስቲ አናንቴ? ናጋራ አሲን ኢስታ አሃይ ባዞ ቢታን ኩንዲ አቲዳይታ ጊደቱ። 18 ኢዛስ አዛዜቶንታ ኢዲዳይታፍ አቲን ኢዛ ሼምፖሶ ጌሎንታ ማላ ኢዚ ጫቂ ዲጊዳይ ሃራይ አናንቴ? 19 ሄሳ ጊሽ ኢስቲ ጌሎንታ አቲዳይ አማኖይ ባይንዳ ጊሽ ጊዲዳይሳ ኑ ኤሮስ።

4

የሳ ደሬስ ኢሜቲዳ ሳምባታ ሼምፖ

1 ጌዴ ሼምፖሶ ጌላናስ ኢሜቲዳ ሂዶታይ ሃሲካ ናጌቲ ዲዛ ጊሽ ኢንቴ ጊደፌ አኒካ ሄሳስ ቤሶንታዴ ጊዶንታ ማላ አኔ ናጌቶስ። 2 ሄይታንታስ ሳባኬቲዳ ማላ ኑስካ ሚሺራቾ ቃላይ ሳባኬቲዳስ። ጊዲኮካ ሲዩዳ አሳታራ ሲዩዳ ቃላይ ኢስታራ አማኖን ዋላኬቶንታ አጊዳ ጊሽ ኢስታ ማዲቤና። 3 ኑ ቃስ አማኒዳይቲ ሄ ሼምፖሶዛ ጌላና። ያሲ “ሄሳ ጊሽ ታኒ ታ ሃንቆን ‘ኢስቲ ታ ሼምፖሶ ሙሌካ ጌሌቴና’ ጋዳ ታ ጫቃዲስ” ጊደስ። ጊዶ አቲን ሃይሲ አላሜይ ሜዴቶሳፍ ሃ ሲሚን ኢዛ አሶይ ፖሌቲደስ። \* 4 ኢሲ ሶን ላፑንሶ ጋላሳ ጊሽ “ላፑንሶ ጋላሲ ያሲ አሶ ኡባፌ ሼምፕሮስ” ጌቱቲ ገሻ ማፃፋን ፃፌቲደስ። \* 5 ቃሴካ ሄ ሶዛን “ቴማፍ ኢስቲ ታ ሼምፖሶ ሙሌካ ጌሌቴና” ጊስ። \* 6 ኢዛ ሼምፖሶ ቡሮ ጌላና ኢሲ ኢሲ አሳቲ ደሬስ። ካሴ ኢስታስ ሚሺራቾ ቃላይ ሳባኬቲዳይቲ አዛዜቶንታ ኢዲዳ ጊሽ ኢዛ ሼምፖሶ ኢስቲ ጌሊቤቴና። 7 ሄሳ ጊሽ ያሲ “ሃች” ጊዲ ቃሴካ ሃራ ጋላስ ዎሲደስ፤ ሄሲካ ዳሮ ላይሳታፍ ጉዬ ዳዉቴ ባጋራ

“ሃች ኢንቴ ኢዛ ቃላ ሲዩኮ ኢንቴ ዎዝና ሙሚሶፕቴ”

ጌቱቲ ካሴ ዮቴቲዳ ማላ ሃኒደስ። \* 8 ኢያሶይ ኢስታስ ሼምፖ ኢሚዳኮ ያሲ ሃራ ጋላስ ጊዲ ዮቴናኮሺን። \*

9 ሄሳ ጊሽ ሳምባታ ጋላስ ሼምፖይ የሳ ደሬስ ሃሲካ ደስ። 10 ጋሶይካ የሳ ሼምፖሶ ጌሊዛይ ወራ ያሲ አሲ ሼምፕሮዳ ማላ ኢዚካ ባ አሶፍ ሼምፓና። \* 11 ሄሳ ጊሽ አኒካ ሄይታንታ ማላ አዛዜቶንታ ኢዲዳይሳ ሌሚሶ ካሊዲ ኩንዶንታ ማላ ሄ ሼምፖሶዮ ጌላናስ አኔ ሚኖስ።

12 ያሳ ቃላይ ፓፃ ዲዛይሳኔ አሲዛ ቃላ። ናምዑ ባጋ ቃራ ማሻፌካ አዲ ቃራ፤ ሼምፖኔ አያና፣ ሻያኔ ኮልኬካ ሻካና ጋካናስ ጫደስ፤ ዎዚና ቆፋኔ አሞቴላካ ፓጪ ዌሌስ። 13 ያሳ አይፌፍ ጌሜቲዳ ሜዴታይ ሙሌካ ደና። ኑ ኢዛስ ኑ ጊሽ ዛሮ ኢማናስ ቤሲዛ ኢዛ ሲንሳን ሃኖይ ወራካ ካሎ ቆንጩን ቤታና።

ቄሴታ ሃላቃ ዩሱሳ።

14 ሄሳ ጊሽ ፑዴ ሳሎ ቢዳ ቄሴታ ሃላቃ የሳ ና ዩሱሲ ኑስ ዲዛ ጊሽ አኔ ኑኒ ኑ አማኖ ሚንሳ አይኮስ። 15 ኑ ዳቡሪሺን ኑስ ቃዴታና ዳንዳይዛ ቄሴታ ሃላቃይ ኑስ ደስ። ኢዚ ኑ ማላ ኡባ ሚሻን ፓጩቲደስ፤ ጊዲኮካ ኢዚ አይኮ ናጋራካ አሲቤና። 16 ሄሳ ጊሽ ኑኒ ማሮቴስ ኤካናሲኔ ኑና ኮሺዛ ዎዴ ኑና ማዲዛ ኢዛ ኪያቴስ ኑ ደማና ማላ ጌዴ ኢዛ ማሮቴሳ አልጋኮ አኔ አማኖን ሺቆስ።

5

1 ቄሴታ ሃላቃ ጊዲ ሹሜቲዛዴይ ዳሮ አሳ ጊደፌ ዶሬቴሲኔ አሳ ጊሽ ጊዲዲ ኢሞታኔ ናጋራ ጊሽ ያርሾ ሺሻናስ ዶሬቴስ። 2 ኢዚካ ባ ባጋራ ዳቡራንቻ ጊዲዳ ጊሽ ኤሮንታ አሳታሲኔ አኒ ባሊዳይታስ ቃዴታና ዳንዳይስ። 3 ኢዚ ባ ናጋራ ጊሺኔ ሃራ አሳታ ናጋራ ጊሽ ያርሾ ሺሻናስ ኢዛስ ቤሲዛይ ሄሳ ጊሻሳ። \* 4 አሮኔይ ዌይጌቲዳይሳሶ ኢዚ ያሲ ዌይጊዳይ ጊዳናስ ቤሴስ አቲን ሄሳ ሄ ቦንቾዛ ባርካ ባስ ኤኪዛዴይ ደና። \*

5 ሄሳሶካ ኪርስቶሲ ቄሴታ ሃላቃ ጊዳና ቦንቾ ባርካ ባስ ኤኪቤና። ጊዶ አቲን “ኔ ታ ናኮ፤

ታ ኔስ ሃች አዋ ጊዳዲስ”

ጊዳ ያሳፌ ኤኪደስ። \* 6 ሄሳሶካ ሃራሶን “ማልኬዌዴቁ ሹሜታ ማላ

ኔኒ ሜርናስ ቄሴታ ሃላቃ” ጊስ። \*

7 ዩሱሲ ሃይሳ ቢታ ቦላ ዲዛ ዎዴ ኢዛ ሃይቆፍ አሻና ዳንዳይዳይሳኮ አፋንጊሼ ጊታ ቃላራ ዎሳ ዎሲደስ። አዳፌ አሽኬቴሳራ ኢዚ አዛዜቲዳ ጊሽ ኢዛ ዎሳ ያሲ ሲዩደስ። \* 8 ኢዚ ያሳ ና ጊዲኮካ ባ ኤኪዳ ዋዩዛፍ አዛዜቴስ ታማሪደስ። 9 ሄሳ ባጋራ ፓጩይ ባይንዳዴ ጊዲ ቤቲዳይሳፌ ጉዬ ባና

\* 4:3 ማዛ 95:11 \* 4:4 ሜዴ 2:2 \* 4:5 ማዛ 95:11 \* 4:7 ማዛ 95:7-8 \* 4:8 ዛሬ 31:7፤ ኢያ 22:4 \* 4:10 ሜዴ 2:2 \* 5:3 ሌዌ 9:7 \* 5:4 ኬሳ 28:1 \* 5:5 ማዛ 2:7 \* 5:6 ማዛ 110:4 \* 5:7 ማቶ 26:36-46፤ ማር 14:32-42፤ ሉቃ 22:39-46

አዛዜቲዛይታስ ኡባስ ሜርና አቶቴላስ ጋሶ ጊዲዴስ። 10 ማልኬዴቄ ሹሜቴላ ማላ ቄሴታ ሃላቃ ጌቴቲ ያሳን ሹሜቲዴስ።

**አማኖን ሚናና ማላ ኢሜቲዳ ቆናሶ**

11 ሄሳ ጊሽ ኑ ሃሳያና ሚሺ ቡሮ ዳሮይ ዴስ። ጊዶ አቲን ኢንቴ ዶታዓታ ጊዲዳ ጊሽ ኢንቴና ኤሪሶይ ሜቶ። 12 ኢንቴ ሃኒ ዎዴ አስታማሬ ጊዳናስ ቤሲሺን ያሳ ቃላ ቡሮ ኮይሮፕ ዴንሲዲ ኢንቴና ታማርሲዛ አስ ኢንቴስ ኮሼስ። ኢንቴስ ኮሺዛይ ሚኖ ካስ ጊዶንታ ማላ። 13 ማል ፓሄቲዛይ ቂ ጉላ ና ጊዲዛ ጊሽ ሎዎኔ ኢታ ሻኪዛ ቲሚርቴ ሻኪ ኤሬና። 14 ሚኖ ካስ ጊዲኮ ሎዎኔ ኢታ ሻካናስ ባናቴላ ዶሲሲዳ ዎዝና ኩንሲዳ አሳታሳ።

**6**

1 ሄሳ ጊሽ ኮይሮፕ ኪርስቶሳ ጊሽ ኢሜቲዳ ቲሚርቴዛ አጊዲ አኔ ጌዴ ሚኖ ቲሚርቴኮ ቦስ። ሃይቂዳ አሶፕ ማሮቴላን ጌሎ ጊሺኔ ያሳን አማኖ ጊሽ ቡሮ አኔ ኢዛን ዎዲ ማዶኮ። 2 ሄሳሳካ ሂንቃቴ ጊሺኔ ኩሼ አሳ ቦላ ዎሶ ጊሽ ቃሴካ ሃይቂዳያታ ዴንሳ ጊሺኔ ሜርና ፒርዳ ጊሽ ቡሮ ዎሲ ዶሞኮ። 3 ያሳ ሺኔ ጊዲኮ ኑ ሄሳሶ አሳና።

4 ባ አማኖ ካዲዳ አሳታ ኢስታ ማሮቴላን ዎስቲ ዞራኔ? ፖዎይ ኢስታስ ኢሲቶ ፖዲዳይታ ሳሎ ኢሞቴላ ኤኪ ቤዩዳይታ፣ ሂሎ አያና ኤኪ ቤዩዳይታ፣ 5 ሎዎ ያሳ ቃላኔ ቡሮ ያና አሳሜዛ ዎልቃ ኤኪ ቤዩዳይታ፤ 6 ዛሪዲ ካዲዳይታ ኢስታ ናምዓንሶ ዛሪዲ ማሮቴላን ኤኮይ ዳንዳይቴና። ጋሶይ ኢስቲ ባ ሞርስ ያሳ ና ዛሪ ካቄቴሲኔ ካወሼቴስ።

7 ኡባ ዎዴ ባ ቦላ ኢራ ኡዩዛ ቢታይ ቃሴካ ኢዛ ጎይዛዴስ አይፌ ኢሚዛ ቢቲያ ያሳ አቸን አንጄታዱስ። 8 ጊዶ አቲን አጉንሲኔ አዶሮይ ሞኪዛ ቢታያ ጎዳይ ቤዩዳሮ ጊዳና። ሄ ቢታይስ ቃንጌቴላ ማታን ዴስ። ኢዚ ዉርሴላ ታማን ፀጌቴላ ጊዳና። \*

9 ታ ኢሻቶ! ኑኒ ሄሳሶ ሃሳይኮካ ኢንቴስ ኢንቴ አቶቴላራ አይኬቲዳ ሎዎ ሚሽ ዲዛይሳ ኑ ሲዶኮ። 10 ካሴ ጊዲን ዎይኮ ሃዲ ጊዲንካ ኢንቴ አማንዛይታ ማዲዳይሳኔ ኢዛ ሱንሳ ጊሽ ኢንቴ ቤሲዳ ሲቆቴላ ባላናስ ያሲ ማካላንቻ ጊዴና። 11 ኢንቴስ ኢሜቲዳ ሂዶታይ ፖሌታና ጋካናስ ኢንቴፌ ኢሲ ኢሲ አሲ ሄሳ ማላ አሶ ዉርሴላ ጋካናስ ጌንጪዲ አሳና ማላ ኑ አሞቶስ። 12 አማኖኒኔ ዳንዳያን ኢንቴ ኢዛ ሂዶታ ቃላ ላቲዛይታ ሚሳታናፕ አቲን ዶታዓታ ጊዳናይሳ ኑ ኮዮኮ።

**ያሲ ኢሚዳ ሂዶታ ቃላ ቴማቴስ**

13-14 ያሲ አብራሃሜስ ሂዶታ ኢሚዳ ዎዴ ጫቂሽ ሃራ ኢዛፕ አዲዛይይ ባይንዳ ጊሽ ባርካ ባናን፣ “ታ ኔና ቴማፕ አንጃና፤ ታኒ ኔ ዜሬስ ዳርሳና” ጊ ጫቂዴስ። \* 15 አብራሃሜይካ ጌንጪና ጊዳፕ ካሊዲ ኢዛስ ኢሜቲዳ ሂዶታ ዴሚዴስ።

16 አሳይ ጫቆ ጫቂሽ ባፕ ዶቃን ጫቂስ። ጫቆዚካ ጌቴቲዳይሲ ፖሌታና ማላ ሚንሲዛ ጊሽ ጫቂዳይታ ጊዶን ፓላማይ ዴንዲኮ ካሴ ጫቆ ቃላይ ዲጌስ። 17 ያሲ ላሜቶንታ ባ ቆፋ ሂዶታ ቃላ ላታናይታስ ቆንጪሳና ማላ ኮይዳ ጊሽ ጫቆ ቃላን ሚንሲዴስ። 18 ያሲ አይ ዎዴካ ዎርዶታናስ ዳንዳይ፣ ኢዚ ላሜቶንታ ናምዑ ሚሻታን ኑ ሲንሳን ዲዛ ሂዶታ አይካናስ ኢዛኮ ሺቂዳ ኑኒ ጊታ ሚኖቴስ ዴማና ማላ አሲዴስ። 19 ኑካ ሽምፖ ቴቄ ጊዲዳ ሚኖኔ አማንሲዛ ሂዶታ ዴሚዴስ፤ ሄ ሂዶታይካ ማጋላሻዛፕ ጉዩ ባጋራ ዲዛ ጌዴ ያሳ ኬላ ጊዶ ጌሌስ። \*\* 20 ሄ ሶዚካ ኑ ጊሽ ዩሱሲ ካሴቲ ጌሊዳ ሶ፤ ኢዚካ ማልኬዴቄ ሹሜቴላ ማላ ሜርናስ ቄሴታ ሃላቃ ጊዲዴስ።

**7**

**ቄሴታ ሃላቃ ማልኬዴቄ**

1 ሄሲ ማልኬዴቄይ ሳሌሜ ካዎኔ ያሳ ቄሴ፤ ኢዚካ አብራሃሜይ ካዎታ አሊ ያኒዲ ሲሚሺን ዴሚዲ አብራሃሜ አንጃዴስ። 2 አብራሃሜይካ ባስ ዲዛ ኡባፌ ታሙ ኩሼፕ ኢሲ ኩሼ ኢዛስ ኢሚዴስ። ኮይሮ ኢዛ ሱንሳስ ቢርሼላ “ሂሎ ካዎ” ጉሳ። ካሊዲ ቃሴ “ሳሌሜ ካዎ” ጉሲ “ሳሮቴላ ካዎ” ጉሳ። 3 ኢዛስ አያካ፣ አዎይካ ዎይኮ ኢዛ ዩሌቴላስ ዛርኬይካ ባዎ። ኢዚ አይዴ ዩሌቴዲ አይዴ ሃይቂዳኮኔ ኤሬቲቤና፤ ኢዛስ ዶሜሲኔ ዉርሴላ ባዎ፤ ጊዶ አቲን ያሳ ና ማላ ሜርናስ ኢዚ ቄሴ ጊዲዲ ዴስ።

4 አኔ ኢንቴ ኢዚ አይ ማላ ጊታኮኔ ቆፒቴ። ሃራይ አቶሺን አዎታስ ኡባስ ኮይሮይ አብራሃሜይ ባ ዲዲ ኤኪዳይሳ ኡባፌ ታማሬ ኢሳ ኬሲ ኢሚዴስ። 5 ኢስታስ ቄሴቴላ ኢሜቲዳ ሌዌ ናይቲ ኢስታ ኢሻቲ አብራሃሜ ዜሬላታ ጊዲኮካ ዴራፕ ሄሲካ ባ ኢሻታፕ ታማሬ ኢሳ ኤካና ማላ ኢስታስ ዎጋን አዛዜቲዴስ። \* 6 ሃይሳ ሃ አዴዛ ዜሬላ ሌዌ ዜሬላ ጊዴና። ጊዶ አቲን ኢዚ አብራሃሜፕ ታማሬ ኢሳ ኤኪዴስ። ካሴ ኢዛስ ሂዶታ ቃላይ ኢሜቲዳ አብራሜ አንጃዴስ። 7 ባይራይ ካሎ አንጃዳይሲ ዎጋ። 8 ኢሲ ባጋራ ታማሬ ኢሳ ኤኪዛይቲ ሃይቂዳይታ። ሃራ ባጋራ ቃሴ ታማሬ ኢሳ ኤኪዛይይ ሃይቆንታ ፓዓ ዲዛ ማላ ኢዛስ ማርካቲዳይይ ማልኬዴቄ። 9 ሃራይ አቶሺን ሌዌይካ አብራሃሜ ባጋራ ታማሬ ኢሳ ኬሲዴስ ጋናስ ዳንዳይቴስ። 10 ጋሶይካ ማልኬዴቄይ አብራሃሜ ጋጊዛ ዎዴ ሌዌይ ቡሮ ባ አዎ አብራሃሜፕ ዩሌቲቤና።

**ዩሱሲ ማልኬዴቄ ማላ**

\* 6:8 ሜዴ 3:17-18 \* 6:13-14 ሜዴ 22:16-17 \* 6:19 ማጋላሻ ጊዛይሳ ኢሲ ኢሲ ባጋ ጋሞሶን ቃላን ማጋራጃ ጌቴስ።  
\* 6:19 ሌዌ 16:2 \* 7:5 ታይ 18:21

11 ፓጩይ ባይንዳ ፖሎይ ቤተዳይኔ ዎጋይ ደሬዛስ ኢሜቲዳይ ሌዌ ቁሴቱላ ማላ ጊዲዳኮ ኦርኔ ማላ ጊደንታ ማልኬዴዴ ቩሜቱላ ማላይ ሃራ ቁሴይ ያናስ አዛስ ኮሺዴ? 12 ቁሴቱላ ዛርኬይ ላሜቲዛ ዎዴ ዎጋይካ ላሜታናይሲ አቶንታ ሚሻ። 13 ሄሲ ወሪካ ኢዛስ የቱቲዳ ቁሴይ ኢዚ ሃራ ዜሬላ። ኢዛ ዜሬላፌ አኒካ ያርሾሶን አሲ ኤሪዛዴይ ባዎ። 14 ኑ ጎዳይ የሁዳ ባጋፌ ዩዳይሲ ቱማ። ሙሴይ ቁሴታ ጊሽ የቲሼ ሃ ዜሬላ ጊሽ የቲዳይሲ ኢሲ ሚሺካ ባዎ።

15 ማልኬዴዴ ማላይ ሃራ ቁሴይ ዴንዲኮ ኑ ካሴ የቲዳ የቦይ ዳሮ ቆንጩ ጊዴና። 16 ኢዚ ቁሴ ጊዲዳይ ዳዮንታ ዴዎ ዎልቃን አቲን ዜሬላፌ ዩዳ ዎጋፔ ጊዴና። 17 ኢዛስ “ኔ ማልኬዴዴ ቩሜቱላ ማላ ሜርናስ ቁሴ” ጊ ማርካቲዴስ። \* 18 ካሴ አዛዞይ ላፋኔ ጎደንታይሳ ጊዲዳ ጊሽ አቲዴስ። 19 ዎጋይ አናካ ጊሻናስ ዳንዳዮንታ ጊሽ ኑ ያሳ አቺ ሺቃናስ ኢዛፔ አዲዛ ሃራ ሂዶታይ ኑስ ኢሜቲዴስ።

20 ሄሲካ ጫቆይ ባይንዳ ሃንቤና፤ ሃንኮ ቁሴ ጊዲዳይቲ ጫቆይ ባይንዳይታ። 21 ኢዚ ጊዲኮ ቁሴቱላ ጫቆን ኤኪዴስ።

ጋሶይካ ያሲ ኢዛ ጊሽ “ጎዳይ ጫቂዴስ፤

ባ ቆፋ ኢዚ ላሜና፣ ‘ኔ ሜርናስ ቁሴ’” ጊዴስ። \*

22 ሄሳ ማላ ጫቆፔ ዴንዲዳይሳን ዩሱሲ ሄሳፌ አዲዛ ጫቆ ቃላስ ዋሴ ጊዲዴስ።

23 ካሴ ቁሴቲ ባ አሶን ሲንሴ ጉጆንታ ማላ ሃይቆይ ኢስታ ዲጊዳ ጊሽ ቆዳይ ኢስታስ ዳሮ።

24 ዩሱሲ ጊዲኮ ሜርናስ ዲዛዴ ጊዲዳ ጊሽ ኢዛ ቁሴቱላ ሻሬቶንታ ቁሴቱላ። 25 ሄሳ ጊሽ ኢዚ ኢስታ ጊጊሳና ጋናቲሼ ኡባ ዎዴ ሃይቆንታ ፓፃ ኤቂ ዲዛ ጊሽ ኢዛ ባጋራ ያሳኮ ዩዛይታ ወርሲ አሻናስ ዳንዳዮስ። 26 ሄሳ ጊሽ ኑስ ኮሺዛ ቁሴታ ሃላቃይ ሄሳ ማላ ጊሺኔ ዎሶይ ኢዛ ቦላ ባይንዳ ሂሎኔ ናጋራንቻታፔ ሻኬቲዲ ሳሎታፔ ቦላራ ቦንቼቲዳ ቁሴታ ሃላቃ። 27 ኢዚ ሃንኮ ቁሴታ ሃላቃታ ማላ ኮይሮ ባ ናጋራ ጊሽ ቃሴካ ካሌሲዲ ሃንኮ ዴሬዛ ናጋራ ጊሽ ጋላስ ጋላስ ያርሾ ሺሻናስ ኢዛ ኮሺና። ኢዚ ባና አሲ ኢሚዳ ዎዴ አሳ ናጋራ ጊሽ ኢሲቶ ሲንሳ ባጋሳራ ያርሾ ወርሲ ፖሊዴስ። \* 28 ዎጋይ ዳቡራንቻ አሳታ ቁሴታስ ዋና ሃላቃ ሂስቲ ሹሜስ። ዎጋፔ ካሊዲ ዩዳ ጫቆ ቃላይ ጊዲኮ ሜርናስ ኢዛ ቦላ ዎሶይ ባይንዳ ናዛ ሹሚዴስ።

8

ዩሱሲ አራሳ ጫቆ ቁሴታ ሃላቃ

1 ሄሳ ጊሽ ኑ ሃዲ አሳና ዋና የቦይ ሃይሳ። ሃይሳ ማላ ሳሎ ቦላ ያሳ ቦንቾ አልጋ ኡሻቻን ኡቲዳ ቁሴታ ሃላቃይ ኑስ ዴስ። \* 2 ኢዚ አሲ ቶኪዳ ዱንካኔ ጊደን አሲዛዴ ጊደንታ ጎዳ ያሲ ቶኪዳ ቱሙ ዱንካኔን ጊሻሶን አሲዛዴ።

3 ቁሴታ ሃላቃይ ቩሜቲዛይ አሳይ ያሳስ ኢሚዛይሳ ያሳስ ሺሻናሲኔ ያርሾ ያርሻናሳ። ሄሳ ጊሽ ሃይሲ ሃ ቁሴታ ሃላቃይካ ያሳስ ሺሻናስ ኢሲ ሺሺዛ ሚሺ ኢዛስ ኮሺስ። 4 ኢዚ ቤታ ቦላ ዲዛኮ ቁሴ ጊዴና። አዛስ ጊኮ ዎጋይ ጊዛ ማላ ያርሾ ሺሺዛ ሃራ ቁሴቲ ዴቱስ። 5 ኢስቲ ካሴ ሳሎን ዲዛ ያሳ ኬሳይስ ሌሚሶኔ ኤሾ። ሙሴይ ዱንካኔዛ አሳና ጊሺን “ኔስ ዙማ ቦላ ቆንጩዳይሳሶ ወርሳ አሳናስ ናጌታ” ጊዛ አዛዞይ ሄሳ ጊሽ ኢዛስ ኢሜቲዴስ። 6 ጊዶ አቲን ዩሱሲ ጊዶ ጌሊ ጋናቲዛይ ጫቆ ቃላይ ካሴይሳፌ አዲዛይሳ ማላ ኢዚ ኤኪዳ አሶይካ ካሴይታ አሶፔ አዴስ። ሄሲካ ካሴይሳፌ ሎዲዛ ሂዶታ ቃላና።

7 ካሴ ጫቆ ቃላን ፓጩይ ባይንዳኮ ናምዓንሶ ሃራ ጫቃናስ ኮሺና። 8 ጊዶ አቲን ያሲ ዴሬዛ ቦላ ፓጩይ ዲዛይሳ ዴሚዳ ጊሽ “ኢስራዔሌ አሳራኔ የሁዳ አሳራ ታኒ አራሳ ጫቆ ጫቂታና ዎዴይ ያና። \* 9 ሄሲካ ታ ኢስታ ጊብዌፔ ኬሳናስ ኢስታ ኩሼ አይካዳ ካሴ ኢስታ አዋታራ ጫቂቲዳ ቃላ ማላ ጊዴና። ጋሶይካ ኢስቲ ካሴ ታ ጫቆ ቃላን ኤቁቤቱና። ታካ ኢስታ ዩዳ ቤሳዲስ።

10 ሄሳፌ ጉዩ  
ኢስራዔሌ አሳራ ታ ጫቂታና ቃላይ ሃይሳ ማላ ጌስ ጎዳይ።  
ታኒ ታ ዎጋ ኢስታ ዎዝናን ዎሳና።  
ኢስታ ዎዝና ቦላካ ሃፋና።  
ታ ኢስታ ያሴ ጊዳና።  
ኢስቲካ ታ ዴሬ ጊዳና።

11 ሃይሳፌ ጉዩ አሲ ባ ጉታ አሳ ዎይኮ  
ባ ኢሻ ‘ኔ ጎዳ ኤራ’ ጊ ታማርሴና።  
ጋሶይካ አሲ ጉሳፌ ጊታታ ጋካናስ  
ወሪካ ታና ኤራና።

12 ኢስታ ቆሆዛ ታ ማራና።  
ሃይሳፌ ሲንሳን ታ አሳ ናጋራ ናምዓንሶ ዛራ ቆፒኬ” ጌስ።

13 ሃይሳ ሃ ጫቆዛ ኢዚ “አራሳ ጫቆ” ጊዲ ካሴ ጫቆዛ ጋልዓ ኬሲዴስ። ሄሳ ጊሽ ጋልዒዲ ወሪዳይሲ ዳያና ዎዴይ ማቲዴስ።

9

ቤታ ቦላኔ ሳሎን ዲዛ ጎይና ዎጋ

\* 7:17 ማዛ 110:4 \* 7:21 ማዛ 110:4 \* 7:27 ሌዌ 9:7 \* 8:1 ማዛ 110:1 \* 8:8 ኤር 31:31-34

1 ኮይሮ ጫቆ ቃላዛን የሳስ ጎይኒዛ ዎጋይኔ ቢታ ቦላ ዲዛ የሳ ኬሲ ዴስ። 2 ካሴ ናምዑ ኪፊሌራ ዲዛ ዱንካኔይ ጊጌቲ ዴስ። ኮይሮ ኪፊሌዛን የምፔ ዎሊዛሰይኔ ገራጲዛይ ቃሴ ኡኬሲ ዴስ። ሄሳ ሄ ኪፊሌዛ ዱማ ኪፊሌ ጌቴቲስ። \* 3 ናምዓንሶ ኪፊሌዛ ናምዓንሶ ማጋላሻፔ ጉዩ ባጋራ ዲዛ ኪፊሌይ ኡባፌ ዱማ ጌቴቲስ። \* 4 ሄሳ ጊዶን ዎርቃፌ ኦሴቲዳ ኡጎኔ ጩዋሲዛ ቁሪ ሸልዔ ማላይኔ ዎርቃን ሜሼቲዳ ጫቆ ታቦታይ ዴስ። ሄ ታቦታይካ ኢዛ ጊዶን ማናይ ዲዛ ዎርቃ ሌማቴይ፣ ጨሊሊዳ ኦሮኔ ጉፊይኔ ጫቆ ቃላቲ ኢዛ ቦላ ገፊቲዳ ሹቻ ማሴሲ ዴስ። \* 5 ሄ ታቦታዛ ቦላ ዲዛ ናጋራፔ ማሮቴላ ካማዛ ቦላ ባ ቁፊራ ካሚዛ ቦንቾ ኩሩቤቲ ዴቲስ። ሃዒ ቃሴ ኑ ሄይታንታ ኢሳ ኢሳ ጊሽ ሻኪ ሻኪ ሃሳያናስ ዳንዳዮኮ። \*

6 ወሪካ ሄሳሶ ጊጌቲዳፔ ጉዩ ቁሴቲ ባ ኦሶ ፖላናስ ዱንካናስ ኮይሮ ኪፊሌ ጌሌቲስ። \* 7 ጊዲኮካ ኡባፌ ጊዶቲዛ ኪፊሌ ቁሴታ ሃላቃይ ገላላ ጌሌስ። ሄሲካ ላይላን ኢሲቶ ገላላ ጊዲሺን ኢዚ ባ ናጋራ ጊሺኔ ዴሬይ ኡሮንታ ኦሲዳ ናጋራ ጊሽ ሸሸዛ ያርሾ ሱሰ ኦይኮንታ ሙሌካ ጌሌና። \* 8 ኮይሮ ዱንካኔዚ ካሴ ዲዛ ዎዴ ጌዴ ኡባፌ ዱማ ጌቴቲዛሶ ኡፊዛ ኦጌይ ሄ ዎዴ ቆንጩ ጊዶንታይሳ ሂሎ ኦያናይ ቤሴስ። 9 ሄሲካ ሃይሳ ሃ ዎዴዛስ ሌሚሶ ጊዲሺን ካሴ ሸቂዛ ያርሾቲኔ ሮ ኢሜቲዛ ኢዋታቲ ኢሚዛይታ ዎዝና ሸምፒሳናሲኔ ሙሌ ጊሻናስ ዳንዳይቤቴና። 10 ሄይታንቲ ወሪካ ኦራሳ ዎጋይ ያና ጋካናስ ሮ ሜላ ዱና ሃሳያ ማላ። ቃሴካ ኢስቲ ሙሳ ጊሺኔ ኡሻ ጊሽ ቃሴካ ዱማ ዱማ ጊሾ ዎጋታ ገላላ።

**ኪርስቶስ ሱሰ**

11 ጊዲኮካ ኪርስቶሲ ቡሮፔ ያናስ ዲዛ ሎዎ ሚሻታስ ቁሴታ ሃላቃ ጊዲዲ ቆንጩዴስ፤ ኢዚ ኢዛን ጌሊዳ ዱንካኔዚ ጊታኔ ጊሻ። ሄ ዱንካኔዚ ኦሳ ኩሼን ኦሴቶንታይሳኔ ሃይሳ ሃ ሜዴቴላፌ ጊዴና። 12 ኢዚ ሄ ዱንካኔዛን ጌሊሽ ዴይሻታ ሱሰኔ ዎፓኖ ቦራታ ሱሰ ኡኪ ጌሊቤና። ጊዶ ኦቲን ኦስ ኦሻናስ ሜርናስ ባ ሱሰ ኡኪዲ ኡባፌ ዱማ ጌቴቲዛ ኪፊሌ ሃራ ዎዴ ናምዓንሶ ጌሎንታ ማላ ወርሴላ ጌሎ ጌሊዴስ። 13 ኢስታስ ካሬ ባጋ ኦሳቴላይ ቱኒዳ ኦሳታ ቦላ ኦራጨዛ ዴይሻ ሱሰኔ ዎፓኖ ቦራታ ሱሰ ሄሳሶካ ያርሾስ ፀጌቲዳ ኡሳ ቢዲንላ ኢስታ ጌሺዛይሳ ጊዲኮ። \* 14 ሜርና ኦያናን ባና ዎሶይ ባይንዳ ያርሾ ኦሲ የሳስ ሸሸዳ ኪርስቶስ ሱሰ ኦኒ ዴዎ የሳስ ጎይናናስ ሃይቁላ ኦሶፔ ኦና ኦይ ማላ ኦሲ ጊሻንዴ።

15 ሄሳ ጊሽ ጌይጌቲዳይቲ ኢስታስ ኢሚና ጌቴቲዳ ሜርና ላታ ኡካና ማላ ኪርስቶሲ ኦራሳ ጫቆስ ጋናቲዛዴ ጊዲዴስ። ኮይሮ ጫቆዛ ጋርሳን ዲዛ ዎዴ ኢስቲ ኦሲዳ ናጋራፔ ጌያና ማላ ኢስታ ጊሽ ኢዚ ሃይቁዴስ።

16 ባዛይ ባዜቲዛይሳ ጊዲኮ ባዚዳይ ሃይቆ ሻኪ ኡራናስ ቤሴስ። 17 ጋሶይካ ባዛይ ሚኒዛይ ባዚዳይይ ሃይቁና። ባዚዳይይ ፓፃ ዲሺን ባዛይ ኦይኮካ ኦሴና።

18 ሄሳ ጊሽ ኮይሮ ጫቆ ቃላይ ሱሰ ባይንዳ ሚኒቤና። 19 ሙሴይ ባ ኦዛዞ ዎጋ ዴራስ ዮቲ ሲሚዲ ዴይሻታ ሱሰኔ ዎፓኖ ቦራታ ሱሰ ሃላራ ኡኪዲ ዞዎ ዶርሳ ኢሲኬን ኡጩሬ ወርጩ ማላ ሄሶጲ ጌቴቲዛ ሚላራ ኡኪዲ ባ ገፊዳ ዎጋ ማፃፋ ቦላኒኔ ዴሬዛ ቦላ ወዲዴስ። 20 “ኢንቴ ናጋና ማላ ኢንቴና ያሲ ኦዛዚዳ ጫቆ ቃላ ሱሰይ ሃይሳ” ጊዴስ። 21 ሄሳሶካ ዱንካኔዛኔ ኢዛ ጊዶን ዲዛ ኦሶ ሚሻ ቦላ ኡባ ሱሰ ወዲዴስ። \* 22 ኦዳፊካ ጉላ ሚሻቲ ኦቲሺን ሃንኮ ዳሮ ሚሻይ ሱሰን ጌያናስ ቤሲዛይሳ ዎጋይ ኦዛዜስ። ሱሰ ጉኮንታ ዲሺን ማርይ ባዋ። \*

23 ሄሳ ጊሽ ሳሎ ሚሻታስ ሌሚሶ ጊዲዳይቲ ሃይታንታን ጌያናይስ ኦቲና ሺን። ሳሎን ዲዛ ሚሻቲ ጊዲኮ ሃይሳፊካ ኦዲዛ ያርሾን ጌያናስ ቤሴስ። 24 ኪርስቶሲ ቱሙ ዱንካኔይስ ሌሚሶኔ ኦሳ ኩሼን ኦሴቲዳ ያሳ ኬሲ ጌሊቤና፤ ጊዶ ኦቲን ሃዒ ኑ ጊሽ ያሳ ሲንላን ቤታናስ ፑዴ ሳሎ ጌሊዴስ። 25 ቁሴታ ሃላቃይ ባ ሱሰ ጊዶንታ ሱሰ ኡኪዲ ላይላን ላይላን ኡባፌ ዱማ ኪፊሌ ጌሊዛይሳሶ ኪርስቶሲ ባና ያርሻናስ ፑዴ ሳሎ ሸሬቲ ሸሬቲ ጌሊቤና። 26 ሄሳ ማላ ጊዲዛኮ ኪርስቶሲ ኦላሜይ ሜዴቶሳፔ ሃ ሲሚን ዳሮ ዎዴ ሜቶ ኡካናስ ቤሴስ፤ ሃዒ ቃሴ ዎዴ ወርሴላን ባና ያርሺዲ ናጋራ ዲጋናስ ወርሴላስ ኢሲቶ ቆንጩዴስ።

27 ሄሳሶካ ኦሲ ኢሲቶ ሃይቁስ፤ ሄሳፌ ካሊዲ ፒርዳ ሲንላን ኡቃናስ ጊጊ ኡቲዴስ። 28 ኪርስቶሲ ዳሮ ኦሳ ናጋራ ዲጋናስ ኢሲቶ ያርሼቲዴስ። ናምዓንሶካ ኢዚ ቆንጫና፤ ሄሲ ኢዛ ናጊዛይታስ ኦቶቴሲ ኡኪ ያናስ ኦቲን ናምዓንሶ ዛሪ ናጋራ ቶካናስ ጊዴና። \*

10

**ኪርስቶሲ ኢሲቶ ሜርናስ ሸሸዳ ያርሾ**

1 ሙሴ ዎጋይ ቡሮ ሲንላራ ያና ሎዎ ሃኖታስ ኡሾፔ ኦቲን ቱሙ ኦዳ ሜዳይ ኢዛስ ዴና። ሄሳ ጊሽ ላይላን ላይላን ፓጩይ ባይንዳ ሸሪ ሸሪ ሸሸዛ ያርሾይ ያሴ ጎይናናስ ሸቂዛ ኦሳ ጊሻናስ ሙሌካ ዳንዳይቤና። 2 ኦሳ ሙሌራ ጊሻና ዳንዳይዛይሳ ጊዲዳኮ ኢስቲ ያርሾ ያርሻናይሳ ኦጋጌቲኔ? ቃሴካ ያሴ ጎይናና ሸቂዛ ኦሳይ ኢሲቶ ጌዩዛኮ ባ ዎዝናራ ናጋራንቻ ጊዲዳይሳ ሲዳና። 3 ጊዶ ኦቲን ሄይቲ ያርሾቲ ላይላን ላይላን ናጋራ ዛሪ ዛሪ ቆፊሴቲስ። 4 ጋሶይካ ዎፓኖታኔ ዴይሻታ ሱሰ ኦሳፔ ናጋራ ዲጋናስ ዳንዳይና።

\* 9:2 ኪሳ 25:31-40፤ 26:1-30 \* 9:3 ኪሳ 26:31-33 \* 9:4 ኪሳ 16:33፤ 25:10-16፤ 30:1-6፤ ታይ 17:8-10፤ ዛሬ 10:3-5 \* 9:5 ኪሳ 25:18-22 \* 9:6 ታይ 18:2-6 \* 9:7 ሌዌ 16:2-34 \* 9:13 ሌዌ 16:15-16፤ ታይ 19:9፤17-19 \* 9:21 ሌዌ 8:15 \* 9:22 ሌዌ 17:11 \* 9:28 ኢሳ 53:12



5 ሄሳ ጊሽ ኪርስቶስ ሃይሳ ሃ አላሜዛ ዩዲ  
“ኔኒ ኢሞታኔ ያርሾ ኮያቤይካ ሺን

ኔ ታስ አሾ ጊጊሳዳግ። \*

6 ታማን ፀ-ጌቲዛ ያርሾኔ  
ናጋራ ጊሽ ሺቂዛ ያርሾን

ኡፋዩታቤይካ” ጊዴስ።

7 ሄ ዎዴ ታኒ

“ታ ጊሽ ጌሻ ማፃፋን ፃፌቲዳ ማላ

‘ዎሶ ሄኮ ታኒ ኔ ሽኔ አሳናስ ያዲስ’ ጋዲስ”

ጊዴስ። 8 ሙሴ ዎጋይ ሄሲ ሄሳሶ ሃናና ማላ አዛዚኮካ ኢዚ ቃሴ ኮይሮ “ያርሾ፣ ኢሞታ፣ ፀ-ጌቲዛ ያርሾኔ ናጋራ ጊሽ ሺቂዛ ያርሾ ኔ ኮያቤይካኔ ኢዛን ኡፋዩታቤይካ” ጊስ። 9 ካሌሲዲካ “ሄኮ ታ ኔ ሽኔ አሳና ያዲስ” ጊዴስ። ናምዓንጾዛ ኤሳናስ ኮይሮይሳ ዲጊዴስ። 10 ሃይሳ ሃ “ኢዛ ሽኔ” ጊዛ ቃላ ማላ ሃራ ያርሾ ዛሬሲ ሺሻናስ ኮሾንታ ማላ ዩሱስ ኪርስቶሳ ባጋራ ኢሲቶ ሺቂዳ ያርሾን ጌዩዶስ።

11 ቁሴይ ሃቸ ሃቸ ኤቂዲ ባ አሶ ፖሌስ። አስ ናጋራፔ ጌሻናስ ዳንዳዮንታያታ ዎንቲን ዎንቲን ሺሽስ። \*

12 ኪርስቶስ ጊዲኮ ያርሾ ኢሲቶ ሜርናስ ጊዳናይሳ ሺሺዲ አዎ ኡሻቻን ኡቲዴስ። 13 ሄ ጋላሳፌ ሲሚን ኢዛ ሞርኬቲ ኢዛ ቶሆ ጋርሳን ዩዴታና ጋካናስ ናንን ዴስ። 14 ጋሶይካ ኢሲቶ ሺሺዳ ያርሾን ጌያና አሳታ ሜርናስ ጌሺዴስ።

15 ሄሳ ሄ ሃናዛ ጊሽ ሂሎ አያናይካ ኑስ ማርካቴስ። ኮይሮ፣

16 “ሄሳፌ ጉዩ

ታ ኢስታራ ጌላና ጫቆ ቃላይ ሃይሳ።

ታ ዎጋ ታ ኢስታ ዎዝናን ዎሳና።

ኢስታ ዎዝናን ታ ፃፋና”

ጌስ ጎዳይ። \* 17 ቃሴካ “ታ ኢስታ ናጋራኔ ማካላ ናምዓንጾ ቆፒኬ” ጌስ ጎዳይ። \*

18 ሄይታንቲ ወራካ አቶ ጌቴቲዳፔ ጉዩ ናምዓንጾ ናጋራስ ሺቃና ሃራ ያርሾይ ዴና።

**ወርሴሳ ጋካናስ ሚኒ ዳና ማላ ሺቂዳ ዓይስ**

19 ሄሳ ጊሽ ታ ኢሻቶ፤ ኑኒ ዩሱስ ኪርስቶሳ ሱላ ባጋራ ጌዴ ኡባፌ ዱማ ጌሽ ጌቴቲዛሶዮ ጌላናስ ፃላቴስ ዴሚዶስ። 20 ሄሲካ ማጋላሻ ባጋራ፤ ሄሲካ ኢዚ ባ አሾ ባጋራ ኑስ ዶዩዳ ኦራሲኔ ዴዎ ጊዲዳ አጌና። 21 ዎሳ ኪሳ ቦላ ሹሜቲዳ ቁሴታ ሃላቃይ ኑስ ዲዛ ጊሽ። 22 ኑኒ ኑ ኢታ ቆፋፔ ጌያናስ ኑ ዎዝና አራጩቲዲ ኑ አሳቴሳካ ሂሎ ሃሳን ሜጩቲዲ ቱሙ ዎዝናፔኔ ኩሜላ አማኖን ዎሳኮ አኔ ሺቆስ። \* 23 ኑስ ሂዶታ ቃላ ኢሚዳዴይ አማኔቲዛይ ጊዲዳ ጊሽ ኑኒ አማኒዲ ኢዛ ጊሽ ማርካቲዛ ሂዶታፔ ሄ ሃ ጎንታ አኔ ሎዔሲ አይኮስ። 24 ሲቆኒኔ ሎዎ አሶን ኑ ሚኒ ዳና ማላ አኔ ኢሶይ ኢሳ ቆፊሶስ። 25 አኔ ኑ ኡባ ጋላስ ኢሶይ ኢሳራ ጋኪ ጋኪ ኢሶይ ኢሳ ሚንጩሶስ አቲን ኢሲ ኢሲ አሳቲ ሺቆ አጊዳ ማላ አኔ ኑኒ ሺቆዛ አጎኮ፤ ሃራፔካ ጎዳ ዩሱሲ ማታቲዳይሳ ቆፒሼ ካሴፔ ሚኒ ሺቂቱ።

26 ኑኒ ቱማ ሻኪ ኤሪዲ ኤኪዳይሳፌ ጉዩ ኤሪሼ ናጋራ አሲኮ ሃይሳፌ ጉዩ ናጋራስ ሺቃናስ ሃራ ያርሾይ ዴና። 27 ሃራ ቡሮ ሃናናይ ዳሮ ባቢሲዛ ፐርዳይ ዎሳ ሞርኬታ ፀ-ጋና ናጊዛ ሚኖ ታማይ ፃላላ ዴስ። \*

28 ሙሴ ዎጋ ካዲዳ አሲ ናምዑ ዎይኮ ሄሹ ማርካቲ ማርካቲኮ ማርይ ባይንዳ ሃይቆን ቃዳዩቴስ። \*

29 ሂስቲን ዎሳ ና ካዲዳ አሲ ኢዛን ጌዩዳ ጫቆ ሱላ ሂራይሶ ሚሻ ማላ ቆዲዳዴሲኔ ኢዛ ኪያቴላ አያና ኢሴሲዳዴስ አይ ማላ ሄሳፌ አዲዛ ፐርዳይ ኢዛስ ቤሲዛ ኢንቴስ ሚሳቲዜ? \*

30 ታኒ ኢዛስ ሃሎ ኪሳና፤ ኢዛዴ አሶ ማላ ኢዛዴስ ታ ዛራና” ጊዳይሳ ኑ ኤርስ። ቃሴካ “ጎዳይ ባ ዴሬዛ ቦላ ፐርዳና” ጌስ ጎዳይ። \*

31 ዴዎ ዎሳ ኩሼን ኩንዴሲ ዳሮ ባቢሴስ። 32 ኢንቴስ ኢሲቶ ፖዎይ ፖጊዳፔ ጉዩ ሜቶ ዎዴ ዳሮ ባዩን ኢንቴ ካሴ ሚኒ ኤቂዳ ቤኒ ዎዴዛ ዩሺ ቆፒቱ። 33 ኢሲ ኢሲ ዎዴ ኢንቴ ዱላታ ዴሬ ሲንሳን ጫሻሲኔ ጎዴቴሳስ አዲ ኢሜቲዴታ።

34 ኢንቴ ኢንቴስ ሃራፔ አዲዛ ሜርናስ ዳና ሃርይ ዲዛይሳ ኤሪዛ ጊሽ ቃሹቲዳይታስ ሚሹቲዴታኔ ኢንቴ ሃርይ ቦንቁቲሺን ኡፋይሳን ዳንዳይዴታ።

35 ሄሳ ጊሽ ጊታ ዎጋይ ዲዛ ካሴ ኢንቴ አማኔቴላ አጎፍቴ። 36 ኢንቴ ዎሳ ሽኔ ፖሊዲ ኢዚ ኢንቴስ ኢሚዳ ኡፋይሳ ቃላ ኤካናስ ሚኒ ኤቃናስ ኢንቴና ኮሼስ። 37 ጋሶይካ ጉላ ዎዴፔ ካሊዲ “ያናይሲ ኢዚ ያና፤ ጋምዒና” 38 ሂሎ አሲ ጊዲኮ አማኖን ዴዎ ዴማና፤ ጉዩ ኡንዱዲዛይዴ ዲኮ ታ ሺምፖያ ኢዛዴ ቦላ ኡፋዩቴኩ።

39 “ኑኒ ጊዲኮ አማኒዲ አቲዳይታ ባጋ አቲን ጌዴ ጉዩ ኡንዱዲ ዳዩዛይታ ባጋ ጊዶኮ” ጊዴስ።

**አማኖ**

1 አማኖ ጌሲ ኢሲ ሚሼ ሃናና ጊዲ ኑ ሲዶንታ ዲሼ ቤዮንታ ሚሼካ ቤዩዳ ማላ ኤሮ ጊ ኤኮ።  
2 ካሴ አዎቲ ጋላቴቲዳይ ሄሳ ማላ አማኖና።

\* 10:5 ማዛ 40:6-8 \* 10:11 ኪሳ 29:38 \* 10:16 ኤር 31:33 \* 10:17 ኤር 31:34 \* 10:22 ሌዌ 8:30፤ ሂዚ 36:25 \* 10:27 ኢሳ 26:11 \* 10:28 ዛሬ 17:5-7፤ 19:15 \* 10:29 ኪሳ 24:8 \* 10:30 ዛሬ 32:35-36

3 ሃይሲ ሃ አላሜይ ያሳ ቃላን ሜዴቲዳይሳ ኑ አማኖን ኤርስ። ሄሳሶካ አይፌን ቤተዛይሲ ሜዴቲዳይ ቤተዛ ሚሻፌ ጊዶንታይሳ ኑኒ ኤርስ። \*

4 አቤሌይ ያሳስ ቃዮሌ ያርሾፌ አዲዛ ያርሾ አማኖን ሸሸደስ። ያሲ ኢዛ ያርሾዛ ጊሽ ሃሳዩሽ ኢዚ አማኖን ጊሽ ጊዲዳይሳ ማርካቲደስ። ኢዚ ሃይቂንካ ኢዛ አማኖይ ሃጊ ጋካናስ ሃሳዮቱስ። \*

5 ሄኖኪይ ሃይቆ ቤዮንታ ማላ ሃይሳ አላሜዛፕ አማኖን ኤኬቲደስ። ያሲ ኢዛ ኤኪዳ ጊሽ ኢዚ ቤቲቤና፤ ኤኬታናፕ ካሴቲዲ ኢዚ ያሳ ኡፋይሲዳይሲ ዮቱቲዳ ጊሽ ኢዚ ኤኬቲደስ። \* 6 ቃሴካ አማኖይ ባይንዳ ዲሺን ያሳ ኡፋይሳናስ ሙሌካ ዳንዳዮቱና። ጋሶይካ ያሳኮ ሸቂዛደይ ወራካ ያሲ ጊዛይሳኒ ዎዝናፕ ኢዛ ኮዩዛይታስ ኢዚ ዋጋ ኢማናይሳ አማናናስ ቤሴስ።

7 ኖሄስ ያሲ ቡሮ ኖሄይ ባ አይፌን ቤዮንታ ሚሻ ጊሽ ናጊታና ማላ ዮቲን ኖሄይ ያሳ ባቢዲ ባሶ አሳ አሻናስ አማኖን ማርካቤ ኪዲዲ አላሜ አሳ ፐርዲሲደስ፤ አማኖን ቤተዛ ሂሎቱስ ላቲዛደ ጊዲደስ። \*

8 አብራሃሜይ ባስ ላታ ቢታ ኤካናስ ያይጌቲዳ ዎዶ አማኖን አዛዜቲደስ። አዋ ቢዛኮኔ ኤርንታ አጊኮካ ኤር ጊዲ ቢደስ። \* 9 አላጋ ቢታን ቤቱ አሳ ማላ ቡሮ ኔስ ኢሜታና ጌቱቲዳ ቢታን አማኖን ኡቲደስ። ኢዛስ ኢሜቲዳ ሂዶታ ቃላ ኢዛራ ኢሲፌ ላታና ዩሳቃ ማላኔ ያቆቤ ማላ ዱንካኔን ደዲደስ። \* 10 ጋሶይካ ሚና ዲዛሮ ያሲ ኢዛ ቆፐ ሜዲዳ ካታማዮ ኤካና ናጊደስ።

11 አብራሃሜስ ዎዶይ ጌዶ ቢዳዶ ጊዲኮካ ሳራይካ ዮሎንታ ማካራ ጊዲኮካ ሂዶታ ኢስታስ ኢሚዳዶይ አማኔቲዳዶ ሂስቲ ያሊዲ አማኖን ና አዋ ጊዳናስ ጋኪደስ። \* 12 ሄሳ ጊሽ ሃይሳ ሃይቂዳ አሳ ማላ ቆዶቲዳ ኢሲ አብራሃሜፕ ሳሎ ያሊንቱ ማላኔ አባ አጩ ማላ ቆዳይ ባይንዳ ዳሮ ዜሬሳይ ቤቲደስ። \*

13 ሄይቲ ወራካ ኢስታስ ኢሜቲዳ ሂዶታ ቃላ ደሞንታ ባ አማኖን ናጊዳ ማላ ሃይቂዳ። ጊዲኮካ ኢስቲ ሃይሳ ቢታ ቦላ ኢማሴኔ ቤቱ አስ ጊዲዳይሳ ኤሪዳ ጊሽ ሃሆን ዲሽ ቤዩዲ ኩሽን አሲዳ ማላ ኡፋይሳን ኤኪዳ። \* 14 ሄሳ ማላ ጊዛ አሳቲ ኢስታ ደሬይ አዋኮኔ ባ ደሬ ናጊዛይሳ ቆንጩን ቤሴቱስ። 15 ኢስቲ ባ ዩጊ ኪዚዳ ደሬ ዛሪ ቆፐዝኮ ጉዩ ሲሚ ባና ዳንዳዮቱስ። 16 ሃጊ ሄሳፌ አዲዛ ፑዶ ሳሎን ዲዛ ደሬ ላሞቱቱስ። ሄሳ ጊሽ ያሲ ኢስታስ ሳሎን ካታማ ጊጊሲዳ ጊሽ “ኢስታ ሃላ ያሳ” ጌቱቲ ያይጌታናስ ዮላቲቤና።

17 ያሲ አብራሃሜይ ባ ናዛ ዩሳቃ ሹካና ማላ ፓጩን አብራሃሜይ ዩሳቃ ያርሻናስ አማኖን ሸሸደስ። ያሲ ኢዛስ ኢማና ጊዳይሳ ኢዚካ ባ ና ኢሲኔዛ ሹካናስ ጊጌቲደስ። \* 18 ሄሲካ ያሲ ኢዛስ “ኔ ዜሬሲ ዩሳቃ ባጋራ ያይጌታና” ጊዳይሳ ማላ። \*

19 ያሲ ሃይቂዳይ ደንሳናስ ዳንዳዩዛይሳ አብራሃሜይ አማኒዳ ጊሽ ዩሳቃካ ሃይቆፕ ደንዲዳ አሳ ማላ ናምዳንሶ ደሚደስ። 20 ዩሳቃይ ቡሮፕ ሃናናይሳ ቆፐ ኤኪዲ ያቆቤኔ ኤሳዌ አማኖን አንጂደስ።

21 ያቆቤይ ሃይቃና ጊሽ ዮሴፌ ናይታ ኢሳ ኢሳ አማኖን አንጂዳይኔ ባ ጉሬ ቦላ ዳርቲ ኤቂዲ ጎይኒዳይ አማኖና። \*

22 ዮሴፌ ሃይቃና ጊሽ ኢስራዌሌ አሳይ ጊብዌፕ ኪዛናይሳ ኢዚ ዮቲዳይኔ ባ ሜቆሳ ጊሽ ኢስቲ አይ አሳናኮኔ ኢስታ አዛዚዳይ አማኖና። \*

23 ሙሴይ ዮሌቲን ኢዛስ ማላይ ሎዎ ጊዲዳይሳ ቤዩዲ ኢዛ ዮሊዳይቲ ኢዛ ሄሹ አጊና ጋካናስ ካዎዛ አዛዞ ባቦንታ ቆቲዳይ አማኖና። \* 24 ሙሴይ ዲጩ ጋኪዲ “ፓርኔስ ናይ ና” ጌቱታናይሳ አማኖን ኢዲደስ። \* 25 ጉላ ዎዶስ ናጋራን ቤተዛ ኡፋይሳፌ አሲዲ ያሳ አሳራ ሜቶ ቤያናስ ዶሪደስ። 26 ጊብዌ ደሬን ዲዛ ሃሮፕ ቦላራ ኪርስቶሳ ጊሽ ዋዮ ኤኮይ ዳሮ አዲዛ ሃሮ ጊዲዳይሳ ዩሽ ቆፐደስ። ጋሶይካ ኢዚ ሲንሳፌ ኤካናይሳ ቡሮ ሃሆን ቤዩዳ ጊሻሳ።

27 ካዎ ሃንቆስ ባቦንታ አማኖን ጊብዌ ዮጊ ኪዚደስ። ቡሮ ቤቶንታይሳ ቤዩዛ ማላ ቆፐዲ ሄ ቆፋን ሚኒ ኤቂደስ። 28 ባይራታ ወርሲ ዎዲዛይሲ ኢስራዌሌታ ባይራ ናይታ ዎዶንታ ማላ አማኖን ፓዚጋኔ ሱላ ወዳሳ ዎጋ ዎሲደስ። \*

29 ኢስራዌሌ አሳይ ሜላ ቢታ ቦላ ሃሙቲዛ ማላ ዘዎ አባ ጊዶራ አማኖን ፐኒደስ። ጊብዌ አሳይ ቃሴ ኢስታሶ ሃናና ጊሽ አባን ሚቲቲደስ። \*

30 ኢስራዌሌ አሳይ ኢያርኮ ጊምቤዛ ሳፑን ቃማ ዩዩ ዩዩ አዲዳፕ ጉዩ ጊምቤዛ አማኖን ላሊደስ። \* 31 ላይማን አቂዛ ኤራዳባ ደሬ ዎሞሳና ዩዳይታ ሳሮን ሞካ ኤኪዳ ጊሽ ሃንኮ አዛዜቶንታ አሳራ ዳዮንታ አማኖን አታዱስ። \*

32 ሃይሳፌ አደሴ ሃራ አይ ጋኔ? ጌዶኔ ጊሽ፣ ባራቆ ጊሽ፣ ሳምሶኔ ጊሽ፣ ዮሬታሄ ጊሽ፣ ዳወቱ ጊሽ፣ ሳሜላ ጊሽ ቃሴ ናቤታ ጊሽ ታ ዮቶንታ ማላ ታስ ዎዶይ ደና። \* 33 ሄይታንቲ አማኖን ካዎታ ዮኒዳ፤ ሱሬ ፐርዳ ፐርዲዳ፤ ባስ ኢሜቲዳ ሂዶታ ቃላ ኤኪዳ፤ ጋሞታ ዱና ጎርዲዳ፤ \*

\* 11:3 ሜዴ 1:1፤ ማዛ 33:6-9፤ ዮሃ 1:3 \* 11:4 ሜዴ 4:3-10 \* 11:5 ሜዴ 5:21-24 \* 11:7 ሜዴ 6:13-22 \* 11:8 ሜዴ 12:1-5 \* 11:9 ሜዴ 35:27 \* 11:11 ሜዴ 18:11-14፤ 21:2 \* 11:12 ሜዴ 15:5፤ 22:17፤ 32:12 \* 11:13 ሜዴ 23:4፤ 1ታር 29:15፤ ማዛ 39:12 \* 11:17 ሜዴ 22:1-14 \* 11:18 ሜዴ 21:12 \* 11:21 ሜዴ 47:31፤ 48:1-20 \* 11:22 ሜዴ 50:24፤ 25፤ ኪሳ 13:19 \* 11:23 ኪሳ 2:2፤ 1:22 \* 11:24 ኪሳ 2:10-12 \* 11:28 ኪሳ 12:21-30 \* 11:29 ኪሳ 14:21-31 \* 11:30 ኢያ 6:12-21 \* 11:31 ኢያ 2:1-21፤ 6:21-25 \* 11:32 ዳና 6:11-8:32፤ 4:6-5:31፤ 13:2-16:31፤ 11:1-12:7፤ 1ሳሜ 16:1፤ 1ካዎ 2:11 \* 11:33 ዳኔ 6:1-27

34 ታማ ዎልቃ ቶይሲዳ፤ ቃራ ማሻፌ ኬሲ ኤኪ አቲዳ፤ ዳቡራፕ ሚኒዳ፤ አላሶን ጎባታ ጊዲዳ፤ አላጋ አሳ አላ ጎዲዳ፤ \* 35 ማጫሳታስ ሃይቂዳይቲ ፓዲዳ፤ ባጋይቲ ቃሴ ሄሳፌ አዲዛ ሃይቆፕ ዴንሲ ዴማናስ ጊዲ ሃይቆፕ አቴሲ ሌቂዲ ሃይቆስ ባና አሲ ኢሚዳ፤ ዋዬፕ አታናስ ኮይቤቴና። \* 36 ኢሲ ኢሲ አሳቲ አሳን ካዔቲዳ፤ ጋራፌቲዳ፤ ባጋይቲ ቃሴ ቃሾ ኬሲ ጊሊዳ። \* 37 ሹቻን ጫዴቲዳ፤ ማጋዜንካ ናምዑ ኬዚ ጳሊቂቲዳ፤ ማሻን ሹኬቲ ሃይቂዳ፤ ዋዬፕ፤ ጎዴቲሼኔ ዳቡርሼ ዶርሳ ኢቴኔ ዴይሻ ኢቴ ማይዲዲ ዋዬፕዳ። \* 38 ሃ አላሜይ ኢስታስ ቤሶንታይሳ ጊዲዳ ጊሽ ባዞኒኔ ጊዜን ጎንጎሎኒኔ አላ ጊዶን ዋዬፕዳ።  
 39 ሄይታንታ ኡባታ አማኖ ጊሽ ማርካቲኮካ ኢስታፌ አኒካ ኢሜታና ጌቴቲዳ ሂዶታ ቃላ ጋኪዲ ኤኪዳዴይ ዴና። 40 ዶሲ ኑስ ሄሳፌ አዲዛዝ ጊጊሲዳ ጊሽ ኑ ባይንዳ ኢስቲ ሃላላ ኩሚስ ጊዳና ዳንዳይቤቴና።

12

ዶሲ ባ ናይታ ሴሬስ

1 ሄሳ ጊሽ ሻራ ማላ ኑና ዩይ አዲዳ ዳሮ ማርካቲ ኑስ ዲሺን ኑና ዴይዛ ቶሆኔ ቃሴ ኑና ቃቺ አይኪዛ ናጋራ ወርሲ ኑፕ ዎራ ዩጊዲ ኑ ሲንሳን ዲዛ ዎሳ ጌንጫኒኔ ዳንዳዎን አኔ ዎዎስ። 2 ኑ አማኒዛ አማኖዛስ ኮይሮኔ ፖሎ ጊዲዳ ዩሱሳ አኔ ያሎስ። ኢዚ ባ ሲንሳን ዲዛ ኡፋይሳ ጊሽ ማስቃሴ ቦላ ሃይቆ ዳንዳዩዲ ማስቃሴ ቦላ ባና ጋካና ካወሻቴሳ ሌቂዲ ዶሳ አልጋስ ኡሻቻን ኡቲዴስ።  
 3 ሂስቲኮ ኢንቴ ዳቡራዲ ሂዶታ ቃንዎንታ ማላ ሄሳሳካ ናጋራንቻታፕ ካሴ ኢዛ ቦላ ጋኪዳ ሄሳ ማላ ኤቁቴስ ዳንዳዩዳ ዩሱሳ ቆፒቴ። 4 ሱሲ ጉካና ጋካናስ ናጋራ ኢንቴ ቡሮ ኤቁቴቤይኪታ። 5 ኢንቴ ዶሳ ናይታ ጊዲ ኡቲዲ ቃላይ ጊዛይሳ ባሊዴታ። “ታ ናዞ ዶሳ ሴራ ካወሻን ያሎፋ፤ ኔና ኢዚ ሴሪዛ ዎዴ ሂዶታ ቃንዎፋ። 6 ጋሶይካ ጎዳይ ባ ዶሲዛዴ ሃንቁስ፤ ኢዚ ባ ዶሲዛዴ ሴሬስ። ኢዚ ባ ና ማላ ያሊዛዴ ቃዓሎስ” ጊዴስ።  
 7 ዶሲ ኢንቴና ባ ና ማላ ቆዲዛ ጊሽ ሃንቆ ዳንዳዩቴ። አዋይ ሃንቆንታ ናይ አኔ? 8 ናይ ወሪ ሴራን ዲጫዛሳ ኢንቴ ዲጮንታ አጊኮ ኢንቴ ካሬን ዩሌቲዳ ና አቲን ሶ ና ጊዴኬታ። 9 ሄሳ ኡባፌ ቦላራ ሃይሳ ቢታ ቦላ ኑና ሃንቁ ዲቺዳ አሾ አዋቲ ዴቴስ። ኑካ ኢስታ ቦንቾስ። ሂስቲን ዴዎን ዴያናስ ኑስ አያና አዋ ጊዲዳይሳስ አዛስ ሄሳፌ አሲ አዛዜቶኒ? 10 ኑ አዋቲ ኑና ባስ ሎዎ ሚሳቲ ቤቲዳ ማላ ጉሳ ዎዴስ ቃዓሎቴስ። ዶሲ ጊዲኮ ኑኒ ኢዛ ጊሻቴሳ ኢዛፕ ዴማኖ ማላ ኑና ጎዳናስ ቃዓሎስ። 11 ቂዓቴይ ወሪካ ሃዲስ ኡፋይሶንታ ኢታ ሚሳቴስ ሺን ጉዬፕ ቃሴ ዶሲ ኤኪዳ አሳታስ ሳሮቴሲ ኢዛን ኩሚዳ ያሎቴሳ አይፌን ጋሴስ።  
 12 ሄሳ ጊሽ ዳቡራዳ ኢንቴ ቁሴኔ ኢንቴ ጉልባቴ ሚኒሲቴ። \* 13 ዎቤይ ፓዓና ማላ አቲን ካሴፕ አሲ ዎሶንታ ማላ ኢንቴ ቶሆስ ሎዎ አኔ ጊጊሲቴ። \*

ዶሳስ አዛዜቶንታዴስ ኢሜቲዳ አዛዛ

14 አሲ ኡባራ ሳሮ ዳና ማላ ኢንቴስ ዳንዳዩቲዛይሳ ወርሲ አሲቴ። ጌያና ማላ ኮዩቴ። ጊሻቴሲ ባይንዳ ጎዳ ቤያናስ ዳንዳዩቴና። 15 ኢንቴፌ ኢሳዴስካ ዶሳ ኪያቴሲ ፓጮንታ ማላ ቃሴካ ጫዋ አይፌ አይፊዛ ሚሲ ሞኪዲ ሜቶ ሜዶንታ ማላኔ ዳሮታ ሞሮንታ ማላ ናጌቴቴ። \* 16 ኢሲቶ ማና ካሳስ ባ ባይራቴስ ባይዚዳ ኤሳዌ ማላ ኢንቴፌ አኒካ ሳይማቲዛዴ ዎይኮ ዶሴ ቦንቾንታዴ ጊዲ ቤቶንታ ማላ ናጌቴቴ። \* - 17 ኤሳዌይ ጉዬፕ ካሴ ባ አንጀዛ ሳታናስ ዛሪ ኮዩን ኢዛስ ኢሜቶንታ ዲጌቲዳይሳ ኢንቴ ኤሬታ። ኢዚ ባና ጋኪዛ አንጀዛስካ ዳሮ ዩኪሼ ኮዩዲካ ዛሪ ዴማኖስ ዳንዳይቤና። \*\*

18 ኩሼን ቦቺኮ ቦሼቲዛ ታማይ ኢዛ ቦላ ኤይዛ ሲና ዙማኮ ሄ ዱማኮ፣ ሄ ቴላሌዛኮኔ ሄ ጎቴ ጫርኮዛኮ ኢንቴ ጋኪቤይኪታ። 19 ኢንቴ ዛዩ ጊሪሳኮ ዎይኮ ሃይሳን ሲዩቲዛ ቃላ ጊሪሳኮ ጋኪቤይኪታ። ሄሳ ሲዩዳ አሳቲካ ሃራ ቃላ ጉጀንታ ማላ ዎሲዳ። 20 ሄሳስ ጋሶይካ “ሃራይ አቶሺን ሜሄይካ ዙማ ቦቺዛ ጊዲኮ ሹቻን ጫዴቲ ሃይቆ” ጊዛ አዛዛዛ አሳይ ናጋናስ ዳንዳይቤና። \* 21 ሄ ዎዴ ሄን ሃኒዛይሲ ወሪካ ዳሮ ባቢሲዛይሳ ጊዲዳ ጊሽ ሙሴይካ “ታ ባባዳ ኮኮራዲስ” ጊዴስ።

22 ኢንቴ ቃሴ ሃ ያዩኔ ዙማ ቦላ፣ ፑዴ ሳሎ ዩሩሳላሚ፣ ዴዎ ዶሳ ካታማ ኡፋይሳን ሺቂዳ ቆዳይ ባይንዳ ኪታንቻታኮ ዩዴታ። 23 ኢስታ ሱንሲ ሳሎን ሃፌቲዳ ባይራታ ማባራንኮ፤ ኡባስ ዳና ጊዲዳ ዶሳኮ ኢስታ ቦላ ዎሶይ ባይንዳ ያሎ አሳታ ሽምፖይ ዲዛሶ ማቲዴታ። 24 አራሳ ጫቆን ማቃዩንሲዛ ዩሱሳኮ ሄሳሳካ አቤሌይ ሺሺዳ ሱሳፌ አዲዛ ጫቆ ቃላ ዮቲዛ አራጩቲዳ ሱሳኮ ጋኪዴታ። \*

25 ኢንቴስ ዮቲዛይሳ ኢንቴ አካይ ጎንታ ማላ ናጌቴቴ፤ ሄይታንቲ ዶሲ ቢታ ቦላ ዲዛ አሳ ባጋራ ኢስታስ ዮቲዛይሳ ኤኮንታ ኢዲዲ ኢዛፕ አታናስ ዳንዳዩንታ አጊኮ ኑኒ ሳሎፕ ዩዳይሲ ኑስ ዮቲሺን ኑ ኤኮንታ ኢዲኮ ኢዛፕ ዋኒዲ አታኔ? \* 26 ሄ ዎዴ ቃላ ጊሪሳን ቢታ ቃሲዴስ። ሃዲ ቃሴ ቢታ ሃላላ ጊዶንታ ታ ሳሎካ ቃሴካ ዛራዳ ኢሲቶ ቃሳና” ጊዛ ቃላ ዮቲ ዎሲዴስ። \* 27 ሃይሲ “ቃሴካ ታ

\* 11:34 ዳኔ 3:21-30 \* 11:35 1ካዎ 17:17-24፣ 2ካዎ 4:25-37 \* 11:36 1ካዎ 22:26-27፣ 2ታር 18:25-26፣ ኤር 20:2፣ 37:15-16፣ 38:6 \* 11:37 2ታር 24:21 \* 12:12 ኢሳ 3:3 \* 12:13 ሌዎ 4:26 \* 12:15 ዛሬ 29:18 \* 12:16 ሜዴ 25:29-34 \* 12:17 ዴማኖስ ዳንዳይቤና ማራታናስ አይኮ ኢዲሌ [ቃዳ] ዴሚቤና ጉሳ። \* 12:17 ሜዴ 27:30-40 \* 12:20 ኬሳ 19:12-13 \* 12:24 ሜዴ 4:10 \* 12:25 ኬሳ 20:22 \* 12:26 ሃጌ 2:6

ዛሬ ዓለድ ኢሲቶ” ጊዛ ቃላይ ኑና ቤሲዛይ ቃዎንታይቲ ሚኒ ዳና ማላኔ ቃዊዛይቲ ሄይቲካ ሜዴቲዳይቲ ኪቻናይሳ ቤሲስ።

28 ሄሳ ጊሽ ኑኒ ሙሌካ ቃዎንታ ካዎቴስ ላታና ጊሽ አኔ ያሴ ጋላቶስ። ቃሴካ ኢዛ ኡፋይሲዛ አጌራ ቦንቾሲኔ ያሻቴላን አኔ ኢዛስ ጎይኖስ። 29 ኑ ያሳይ ፀ-ጊዛ ታማ ማላ። \*

13

ዉርሴሳ ዞሬ

1 ኢንቴ ኢንቴ ጊዶን ኢሻታ ማላ ዶሴቲቴ። 2 ኢማሳ ሞኮ ባሎፕቴ፤ ኢሲ ኢሲ አሳቲ ሄሳሶ አሲሼ ኤሮንታ ኪታንቻታ ኢማሳቴስ ሞኪ ኤኪዳ። \* 3 ቃሾ ኬሳን ዲዛይታራ ኢንቴካ ቃሼቲዳ ማላ ኢስታስ ቆፕቴ። ሄሳሶካ አሳ ኩሼን ሞይቲዛይታራ ኢንቴካ ሞይቲዛ ማላ ኢስታስ ቆፕቴ።

4 ኤኮይ ጊሎይ ኡባ አሳ አቻን ቦንቻቶ። ኢንቴ ሂሴይ ጊሽ ጊዶ። ጋሶይካ ላይማ አሞይ ዲዛይታራ ላይማቲዛይታ ቦላ ያሲ ፕርዳና።

5 ሚሻ ሲቆፕ ናጌቲቴ። ኢንቴስ ዲዛይሲ ጊዳና፤ ሄሳስ ጋሶይ ያሲ “ታ ኢንቴና ሙሌካ አጊኬኔ ዩጊኬ” ጊዶስ። \* 6 ሄሳ ጊሽ ኩሜሳ ምዝናፕ ኑኒ “ጎዳይ ታስ ማዶ፤ ታ ባቢኬ። ታና አሲ አይ አሳና ዳንዳይዜ?” ጎስ። \*

7 ኢንቴስ ያሳ ቃላ ኮይሮፕ ዮቲ ካሌሲዛይታ ባሎፕቴ። ኢስታ ዱሳን ቤቲዛ ሎዎ አይፌይ ዲዛይሳ ዩሺ ቆፕቴ። ኢንቴካ አማኖን ኢስታ ሚሳቲቴ። 8 ዩሱስ ኪርስቶሲ ሃቺካ ምንቶካ ሜርናስካ ኢዚ ኢዛኮ! 9 ዱማ ዱማ ኢማሳ ቲሚርቴ ኤኮፍቴ፤ ኑ ምዝናይ ሚኒ ኤቂዛይ ያሳ ኪያቴላን አቲን ካሳ ምጋ ናጎን ጊዶና። ሄሳ ሄ ምጋ ናጊዛይቲካ ኢዛን ጎዔቲቤቴና።

10 ኑስ ያርሾሶይ ዴስ። ጊዲኮካ ዱንካኔዛ ጊዶን አሲዛ ቆሴቲ ሄ ያርሾሶዛ ቦላ ዲዛ ካሳፌ ኤኪ ሞንታ ማላ ዲጌቲዳ። 11 ቆሴታ ሃላቃይ ናጋራ ቴቂዛ ሜሄ ሱሳ ኤኪዲ ኡባፌ ዱማ ጌቴቲዛ ኪፊሌ ጌሌስ። ሜሄታ አሾይ ጊዲኮ ካታማፕ ካሬን ፀ-ጌቴስ። \* 12 ሄሳሶካ ዩሱሲ ባ ሱሳ ባጋራ አሳ ጌሻናስ ካታማ ፕንጌፌ ካሬን ሜቶ ቤዩዴስ።

13 ሄሳ ጊሽ ኑካ ኢዚ ቶኪዲ ካዉሻቴላ ቶኪዳ ኑ ዲዛሶፕ ጌዴ ኢዛኮ ካሬ አኔ ኬዞስ። 14 ጋሶይካ ሃይሳን ኤቂ ዳና ካታማይ ኑስ ዴና። ጊዶ አቲን ቡሮ ሲንሳፌ ያና ካታማዮ ናጎስ። 15 ሄሳ ጊሽ ኡባ ምዴ ጋላታ ያርሾ ሄሲካ ኢዛ ሱንሳስ ማርካቲዛ ኑ ዱናፕ ቤቲዛ አይፌ ጊዲዳዝ ዩሱሳ ባጋራ ያሳስ አኔ ሺሾስ። 16 ቃሴካ ሎዎ አሶኔ ኢንቴስ ዲዛይሳፌ ሃራታስ ኢሞ ባሎፕቴ። ያሲ ሄይታንታ ማላ ያርሾን ኡፋይቴስ።

17 ኢንቴና ካሌሲዛይታስ አዛዜቲቴኔ ሃሬቲቴ። ሄሳስ ጋሶይካ ኢንቴ ጊሽ ኢስታ አላፌቴላን ዳሮ አይቺዛ ጉዳይ ዲዛ ጊሽ ኢንቴ ሼምፖ ጊሽ ዳሮ ባዌቴቴስ። ሄሳ ጊሽ ኢስቲ ባ አሲዛ አሶዛ ላንጨቴሼ ጊዶንታ ኡፋይሳን አሳና ማላ ኢንቴ ኢስታስ አዛዜቲቴ። ኢንቴ ሄሳሶ ሂስቶንታ አጊኮ ኢንቴስ ሎዔና። 18 ኑስካ ምሲቴ። ኡባሶራካ ሎዎ ዱስ ዳናስ ላሞቲዛ ሎዎ ቆፋይ ኑስ ዲዛይሳ ኑ ሲጾኮ።

19 ሃራፕካ ታ ኢንቴኮ ኤሌን ሲማ ባና ማላ ታስ ኢንቴ ምሳና ማላ ሃዳራ ጋይስ።

20 ዶርሳታ ሄንሳንቻይ ምጋ ጎዳ ዩሱስ ኪርስቶሳ ባ ሜርና ጫቆ ቃላ ሱሳን ኢዛ ሃይቆፕ ዴንሲዳ ሳሮቴላ ያሲ። 21 ኢንቴ ኢዛ ሼኔ ፖላና ማላ ሎዔቴላን ኢንቴና ጊዲሶ። ያሳ ኡፋይሲዛይሳ ዩሱስ ኪርስቶሳ ባጋራ ኑናን አሶ። ኢዛስ ሜርናፕ ሜርናስ ቦንቾይ ጊዶ። አሚን። 22 ታ ኢሻቶ! ኢንቴስ ፃፊዳ ዞሬ ቃላይ ጉስ ጊዲዳ ጊሽ ኢንቴ ሃንቆቶንታ ማላ ታ ኢንቴና ሃዳራ ጋይስ። 23 ኑ ኢሻ ጊምቶሲ ቢርሼቲዳይሳ ኢንቴ ኤራና ማላ ታ ኮያይስ። ኢዚ ኤሶን ታኮ ዩኮ ታ ኢዛራ ሄ ባዳ ኢንቴና ሄን ቤያና።

24 ኢንቴና ካሌሲዛይታ ኡባታሲኔ አማኒዛ አሳ ኡባስ ታ ሳሮካ ዮቲቴ። ኢፃሊያን ዲዛ አማኒዛ አሳይካ ኢንቴና ሳሮ ጌስ። 25 ያሳ ኪያቴሲ ኢንቴናራ ጊዶ። አሚን።

\* 12:29 ዛሬ 4:24 \* 13:2 ሜዴ 18:1-8፤ 19:1-3 \* 13:5 ዛሬ 31:6፤8፤ ኢያ 1:5 \* 13:6 ማዛ 118:6 \* 13:11 ሌዌ 16:27



# ያቆቤ ገፊዳ ኪታ ጊዶ ቆፋ

ሃይሲ ያቆቤ ኪታዚ አሲ ሃች ሃች ዳና ዱሳ ጊሽ ሮቲዛዝ ጊዲሺን ኢዚ ገፊቲዳይ ዱማ ዱማ ዴሬን ላሌቲ ዲዛ ታማኔ ናምዑ ኢስራዔል ዛርኬታሳ፤ ሄሳ ገፊዳይዬ ኑኒ ኑ ኤራቴስ አሶን ፔይሻና አጌ ጊሽ አማኒዛ አሳ ሞኮ ጊሺኔ አማሌ ሎዔሳና አጌ ቤሲዛ ሮታ ቆንጨሲዛ ሃሳያታ ሌሚሶራ ቤሴስ። ማንቆቴሳ ጊሽ፣ ፓጩ ጊሽ፣ ሎዶ አማሌ ጊሽ፣ ቃንጌቴሳ ጊሽ፣ አማኖ ጊሺኔ ሎዶ አሶ ጊሽ ኢንፃርሳ ኢታቴሳ ጊሺኔ ሎዔቴሳ ጊሽ፣ አዶ ኤራቴሳ ጊሽ ኢሶይ ኢሳራ አሻ ጊሽ፣ አቶሬቴሳ ጊሺኔ አሻኬቴሳ ጊሽ፣ ሃራ አሳ ቦላ ፒርዳ ጊሽ፣ ጩቁቴሳ ጊሽ፣ ዳንዳያ ጊሺኔ ምሳ ጊሽ፣ አማኒዛይቲ አሳናስ ቤሲዛ ሚሻታ ሁዔን ሁዔን ገፊዴስ።

ሃ ኪታዚ አማኖይ አማኖ ዴዓን አሴታና ቤሲዛ አጌታ ሎዔሲ ቆንጨሴስ።

ሃ ማፃፋይ አይኪዳ ኩሜሳ ቆፋ

- ጌሎሶ 1:1
- አማኖኔ አዶ ኤራቴስ 1:2-8
- ማንቆቴሲኔ ዱሬቴስ 1:9-11
- ፓጩ 1:12-18
- ዶሳ ቃላ ሲይዲ አሶን ፔይሻ 1:19-27
- አጌይ ባይንዳ ማዶ ማዶንታ ማላ ኢሜቲዳ ቆፊሶ 2:1-13
- አማኖኔ አሶ 2:14-26
- አማኒዛዴኔ ኢዛ ሃሳያ 3:1-18
- አማኒዛዴኔ ሃይሳ ሃ አላሜዛ 4:1-5:6
- ዱማ ዱማ ሃኖታ ጊሽ ኢሜቲዳ ዞሬ 5:7-20

1 ዶሳ አሳንቻኔ ዩሱስ ኪርስቶሳ አሳንቻ ጊዲዳ ያቆቤፕ ቢታ ቦላ ላሌቲዳ ታማኔ ናምዑ ኮቻታስ ሳርቴሲ ኢንቴስ ጊዶ። \*

### ሜቶኔ ፓጩ

2 ታ ኢሻቶ! ኢንቴ ቦላ ዱማ ዱማ ዋዩይ ጋኪኮ ሄሳ ዉርሲ ኡፋይሳን ቆዲቴ። 3 ጋሶይካ ኢንቴ አማኖ ፓጩቴሲ ኢንቴስ ዳንዳያ ኢሚዛይሳ ኢንቴ ኤሬታ። 4 ኢንቴ ዳንዳያን ሚኒ ኤቃናይሲ ኢንቴስ ኢሲ ሚሺካ ፓጩንታ ኩሜሳ አሲኔ ምሶይ ባይንዳይታ ጊዳና ማላ አሶ። 5 ኢንቴ ጊዶሬ አናስካ ኤራቴሲ ፓጩኮ አናካ ሌቆንታ ባ ኪያቴሳራ ኡባስ ኢሚዛ ዶሳ ምሶ፤ ኢዛዴስካ ኢሜታና። 6 ጊዶ አቲን ሲዴይ ባይንዳ አማኖን ምሶ። ጋሶይካ ሲዲዛዴይ አባ ቃሲዛ ዳምባላ ጫርኮ ማላ። 7 ሄሳዴይ ጎዳፔ አይኮካ ዴማና ጊዲ ቆፖሬ። 8 ሄሳዴይ ናምዑ ቆፋን አይኬቲዲ ባ ቢዛ አጌ ቦላ ያኔ ሃኔ ጊዛ አሳ ማላ።

9 ካሴ ዚቃ ዱሳን ዲዛዴ ዶሲ ዶቁ ሂስታና ጊሽ ኡፋዮቶ። 10 አሳ ዱሬቴስ ማታ ጨሻ ማላ ቆካና ጊሽ ዱሳን ዶቁ ጊዳዴይ ዶሲ ኢዛ ዚቁ ሂስቲኮ ኡፋዮቶ። 11 አዋ አርሼይ ፀጊዲ ማታ ቸሊሴስ፤ ማታ ጨሻይካ ቸሌስ፤ ኢዛ ሎዔቴሲካ ዳዮስ፤ ሄሳሳካ ዱሬይ ሃች ሃች ዳቡርሳን ዲሺን ኢዛ ዱሬቴሲ ዳዮስ።

12 ፓጩን ሚኒ ኤቁዳዴይ ኢዚ አንጄቲዳዴ። ጋሶይካ ኢዚ ፓጩራ ኤቁቲሺን ዶሲ ባና ዶሲዛይታስ ኢሚዳ ሂዶታ ዴዎ አክሊሌ ኢዚ ኤካና። 13 አኒካ ፓጩቲዛ ጊዲኮ ታና ዶሲ ፓጩስ ጎፖ፤ ጋሶይካ ዶሲ አሴ ኢታን ፓጩና፤ ኢዚ አናካ ፓጩ ኤሬና። 14 ጊዶ አቲን ኢሲ ኢሲ አሲ ፓጩቲዛይ ባርካ ባ ኢታ አዋ ካሊሼኔ ባሌቲሼ ፓጩቴስ። 15 አዋይ ቃንሳቲዲ ናጋራ ዩሌስ፤ ናጋራይካ ዲጨዳፔ ጉዩ ሃይቆ ዩሌስ።

16 ታ ሲቆ ኢሻቶ! ኢንቴ ባሌቶፍቴ። 17 ሎዶ ኢዋቴሲኔ ኩሜሳ አንጄይ ዉሪ ቦላ ሳሎ ፖዶታ አዋፕ ዎዴቴስ። ኢዛ አቻን ሄኔ ሃ ዩዩዛ ኤሻይካ ዴና። 18 ኑ ኢዛ ሜዴቴሳስ ኮይሮ ባይራታ ጊዳና ማላ ባ ሼኔኒኔ ባ ቱማ ቃላን ኑና ዩሊዴስ።

### ሲዩዳይሳ አሶ

19 ዶሴቲዳ ታ ኢሻቶ! ሃይሳ ዩሺ ቆፒቴ፤ አሲ ዉሪካ ሲያናስ ኤሶቶ፤ ሃሳያሲኔ ሃንቆስ ኤሶቶ። 20 አሳ ሃንቆይ ዶሳ ዲሎቴስ አሴና። 21 ሄሳ ጊሽ ቱናቴሲኔ ዳልጊዳ ኢታቴስ ኢንቴሬ ኬሲ ዩጊዲ ኢንቴ ሽምፖ አሻናስ ዳንዳይዛ ኢንቴ ጊዶን ቶኬቲዳ ቃላ አሻኬቴሳራ ኤኪቴ።

22 ሃላይ ጊዛይሳ አሲቴ አቲን ሜላ ሲሲ ሃላላ ሲዩዳይንታ ጊዲዲ ኢንቴርካ ኢንቴና ባሌሶፍቴ። 23 ቃላ ሲዩሼ ሲዩዳ ቃላይ ጊዛይሳ አሶንታዴይ ባ አይሬሶ ማስቶቴራ ዲሊዛ አሳ ማላ። 24 ባና ዲሊ ቤዩዲ ቤስ፤ ኢዚ አይ ሚሳቲዛኮኔ ሄራካ ባሌቲቹስ። 25 ጊዶ አቲን ባና ጊሺዛ ሎዶ ምጋ ዲሊ ቤዩዲ ኢዛን ሚኒዛዴይ ባ ሲዩዳይሳ አሲዛዴይና ባሎንታዴይ ኢዚ ባ አሶን አንጄቲዳዴ ጊዳና።

26 ባ ዱና ናንንታ ባርካ ባ ምዝና ባሌሲሼ ታ አማኖይስ ጊዛዴይ ባርካ ባና ባሌሴስ። ኢዛ አማኖይካ ሜላ ሃዳ አማኖ። 27 ዶሳ አዋ ሲንሳን ኢታቴሲ ባይንዳ ሎዶ አማኖይ፤ “አያኔ አዋይ ሃይቁዳ ናይታ፣ ኢስታ አዚናቲ ሃይቁዳ ማጫሳታ ሜቶቴሺን ማዶኔ ሃይሳ አላሜዛ ቱናቴሳሬ ባና ናን።

\* 1:1 ማቶ 13:55፤ ማር 6:3፤ ሃዋ 15:13፤ ጋላ 1:19

2

**አገይ ባይንዳ ማዶ ኮሾና**

1 ታ ኢሻቶ! ኢንቴ ቦንቴቲዳ ጎዳ ዩሱስ ኪርስቶስ አማኒዛይታ ጊዲዳ ማላ አሴ ቤሶንታ አገራ ማዶፍቴ። 2-3 ዎርቃ ዩቶ ቢራዴን አሲዲ ሎዎ ማይዎ ማይዲዳ አሲ ኢንቴ ሺቂዛሶ ዩኮ ሄሳሶካ ቂታ ማይዎ ማይዲዳዴይ ሄ ሺቂዛሶ ዩኮ ቃሴካ ሃራ ቂታ ማይዎ ማይዲዳ ማንቆ አሲ ጌሊኮ ሎዎ ማይዲዳይሳ ዱማ ቦንቾ ቦንቾዲ “ኔስ ቤሲዛ ሎዎ ኡቲዛሶ ሄሳ ቤያ” ጊዲ ሃንኮ ማንቆዛ ቃሴ “ኔ ሄን ሄሳን ኤቃ፤ ዎይኮ ሃ ያ፣ ታ ጋርሳን ወጊን ኡታ” ኢንቴ ጊኮ፣ 4 ኢንቴ ኢንቴ ጊዶን ቤሶንታ ማዶ አሴታ ጊዴኬቲ? ቃሴካ ኢንቴ ኢታ ቆፋን አይኬቲዳ ኢታ ፐርዳ ፐርዲዛይታ ጊዴኬቲ?

5 ታ ሲቆ ኢሻቶ! አኔ ሲዩቴ፤ ኢስቲ አማኖን ዱሬታ ጊዳና ማላ ያሲ ባና ዶሲዛይታስ ሂዶታ ኢስታስ ኢሚዳ ካዎቴላ ኢስቲ ላታና ማላ ሃይላ ሃ አላሜዛን ዲዛ ማንቆታ ዶሪቤኔ? 6 ኢንቴ ቃሴ ማንቆታ ካወሼታ። ኢንቴና ዋይሲዛይ ዱሬታ ጊዴቴኔ? ኢንቴና ፐርዳሶ ጎቺዛይ ኢስታ ጊዴቴኔ? 7 ኢንቴናን ያይጌቲዳ ቦንቾ ያሳ ሱንሳ ዘጊርዛይቲ ኢስታ ጊዴቴኔ?

8 ማፃፋን “ኔ ላጌ ኔ ሁዔ ማላ ሲቃ” ጌቴቲ ዓፌቲዳ ካዎ ዎጋ ኢንቴ ፖሊኮ ሎዎ አሴታ። 9 ኢንቴ ቤሶንታ ማዶ ማዲኮ ናጋራ አሴታ። ዎጋ ሲንሳንካ ኢንቴ ዎጋ ዩዲዳዴ ጊዲ ቆዴታና። 10 ጋሶይካ ዎጋ ወርሲ ፖሊዛዴይ ቃሴካ ዎጋ፤ ኢሲኔዩን ዱጴቲዛ አሲ ወርሲካ ሞሪዳዴ ማላ ቆዴቴስ። 11 “ላይማቶፓ” ጊዳዴይ ኢዚካ ዛሪዲ “ዎዶፓ” ጊዴስ። ኔ ላይማቶንታ አጊኮካ ኔ አሳ ዎዲኮ ዎጋ፤ አዲዳዴ ጊዳሳ። \* 12 ኢንቴ ሃሳዎ ሃሳዩሼ ዎይኮ ኢሲ ሚሽ አሲሼ ኢንቴና ያሊሲዛ አሳ ማላ ጊዲቴ። 13 ጋሶይካ ማሮንታይ ወሪካ ማሮይ ባይንዳ ፐርዴታና። ማሮይ ፐርዳ ያኔስ።

**አማኖኔ አሶ**

14 ታ ኢሻቶ! ኢሲ አሲ ታስ አማኖይ ዴስ ጊኮ ቃሴ አሶን ቤሶንታዴ ጊዲኮ ኢዛ አይ ማዳኔ? ሄሳ ማላ አማኖይ ኢዛ አሻኔ? 15-16 አኔ ቆፐቴ፣ ኢሲ ኢሻይ ዎይኮ ኢሲ ሚቺያ ማይዎይ ዎይኮ ሚዛይሲ ባይንዳ አጊኮ ኢንቴፌ ኢሳዴይ “ኢንቴ ሳሮን ቤቴ! ኢንቴና ሜጎፎ! ካሊቴ!” ጊኮ ኢስታ አሾስ ኮሺዛይሳ ኢዋንታ አጊኮ አይ ማዳኔ? 17 ሄሳሶካ አሶይ ባይንዳ አማኖይካ ባስ ሃይቂዳይሳ።

18 ጊዶ አቲን ኢሳዴይ “ታስ አሶይ ዴስ ኔስ አማኖይ ዴስ። ኔኔ ኔ አማኖ አሶ፤ ሻካዳ ታና ቤሳ፤ ታ ቃሴ ታ አማኖ አሶን ኔና ቤሳና” ጊኮ፣ 19 ኔ “ኢሲ ያሲ ዲዛይሳ አማኖሳ” ሄሲካ ሎዎ፤ ዳይዳንሳቲካ ሄሳ ማላ አማኔቴሲኔ ኬሂ ኮኮሬቴስ። 20 ኔዎ ኤያዎ! አሶይ ባይንዳ አማኖስ ጎዳይ ባይንዳይሳ ኤራናስ ማርካ ኮያይ? 21 ኑ አዋ አብራሃሜይ ባ ና ዩሳቃ ያርሺዛሶዛ ቦላ ሺሺዳ ዎዴ አሶን ያሊቤኔ? \* 22 ሄሳን አማኖዛ አሶራ ጋሲ አሲዛይሳ ኔ ቤያሳ፤ አማኖይካ አሶን ፖሎቴዴስ። 23 “አብራሃሜይ ያሴ አማኒዴስ፤ ሄ አማኖይ ኢዛስ ያሎቴላን ቆዴቲዴስ” ጊዛ ማፃፋ ቃላይ ፖሎቴዴስ፤ ኢዚካ ያሲ ዶሲዳዴ ጌቴቲዴስ። \* 24 ሄሳ ጊሽ አሲ አማኖን ዓላላ ጊዶንታ አሶንካ ያሊዛይሳ ኢንቴ ቤዶታ። \*

25 ሄሳሶካ ላይማን ዲዛ ኤራዓባ ኪቴቲ ቤዳ አሳታ ሞካ ኤካዳ ሃራ አገራ ሞዬዛ ዩዲዳ ጊሽ ባ አሶን ያላቤይኬ? 26 ሽምፖፌ ሻኬቲዳ አሾይ ሃይቁላ ጊዲዳ ማላ አሶ፤ ሻኬቲዳ አማኖይ ሃይቁላ።

3

**ባ ዱና ናጎ**

1 ታ ኢሻቶ! ኢንቴፌ ዳርቲ አስታማሬታ ጊዶፐቶ፤ ጋሶይካ ኑ አስታማሬ ጊዲዳይቲ አዴሳ ፐርዳ ኤካናይሳ ኢንቴ ኤሬታ። 2 ኑ ወሪካ ዳር ሚሻን ዱጴቶስ። ሃሳዎን ዱጴቶንታዴይ ዲኮ ኢዚ ባ አሳቴሳ ሎዴሳ ናጋናስ ዳንዳዩዛ ኩሜሳ አሳ። 3 ኑኔ ፓራታ አዛዛናስ ቢዓላ ባርሲዲ ኑ ኮይዳ ማላ ኢስታ አዛዛስ። 4 ዎይኮ አኔ ማርካቤታ ያሊቴ። ኢስቲ አይ ጊታታኔ ጫርኮን ሱጌቲ ቢዛይታ ጊዲኮካ ማርካቤ ላጊዛዴይ ቁሪ ላፋ ላጊዛ ሚሻራ ባ ኮዩዛሶ ኤፌስ። 5 ሄሳሶካ አሳቴላ ጋርሳን ኢንፃርሲ ጉሳ ጊዳ ኡታዳ ጊታ ዎልቃማ አቶሮ አቶሬታወስ፤ ቁሪ ታማይ ጊታ ዎራ ዎስቲ ፀጊ ዳይሲዛኮኔ አኔ ዩሺ ቆፐቴ። 6 ኢንፃርሲካ ባ ባጋራ ታማ ማላ፤ ኑ አሳቴላ ጊዶን ዲዛ ኢታ አላሜ። አሳቴላ ወርሳ ቲኒሳወሲኔ አሳቴላ ቦላ ታማ ጉጃወስ፤ ባስካ ጋናሜ ታማን ፀጌታና።

7 ሜሄይ፣ ዶዳይ፣ ካፎቲ ሃይሳሶካ ቤታ ቦላ ጎሽቲዛይታኔ አባ ጊዶን ዲዛ ሜዴቴላታ ወርሲ አሲ ሃራና ዳንዳዩስ፤ ኢስቲካ ሃራቲዳ። 8 ጊዶ አቲን ኢንፃርስ ሃራናስ ዳንዳዩዳዴይ አኒካ ዴና። ዎዲዛ ማርኬይ ኢዚን ኩሚዳርኔ ኢዛ ሽምፓ ኤኮንታ ኢታ ሚሻ። 9 ኑኔ ኑ ኢንፃርሳይራ ጎዳኔ አዋ አንጆስ። ኢዚንካ ያሳ ሎሚሶን ሜዴቲዳ አሳ ናይታ ዛሪዲ ቃንጎስ። \* 10 አንጆይኔ ቃንጌሲ ኢሲ ዱናራ ኬዜስ። ታ ኢሻቶ! ሄሲ ሄሳሶ ሃናናስ ቤሴና። 11 ኢሲ ፑልቶ አላፌ ማልዎ ሃላኔ ጫሞ ሃላ ፑልቲ ኤሪዜ? 12 ታ ኢሻቶ! ባላሴ ጌቴቲዛ ሚሲ ዎጋራ አይፌ ዎይኮ ዎይኔ ሚሲ ባላሴ ሚሳ አይፌ አይፋናስ ዳንዳዩዜ? ሄሳሶካ ጫሚዛ ሃላፌ ማልዲዛ ሃላ ቤታና ዳንዳዩና።

**ናምዑ ቆሞ ኤራቴስ**

13 ኢንቴ ጋራሳፌ አኬካራ ዲዛ ኤራ አሲ አኔ? ኤራይ ዲዛ ጊዲኮ አኔ ባ አሶ አሽኬቴላኔ አዶ ኤራቴላራ ባ ሎዎ ዱሳን ቤሶ። 14 ቃሴ ጫሞኔ ቃናቴይ፣ ኢንቴና ዓላላ ዶሲዛ ሃናይ ኢንቴ ዎዝናን ዲዛ ጊዲኮ አቶሬቴሳ ኢንቴስ ሲዩቶፎ። ቴማካ ካዶሬቴ። 15 ሂኒ ማላ ኤራቴላያ ሳሎ፤ ጊዲኩ። ሂና ቃሴ ቤታፌ፣ አሾ፤ ሃላዴ፤ 16 ቃናቴይኔ ባርካ ባና ሲቆይ ዲዛሶን ዋሶይኔ ኢታ አሶይ ወሪ ዴስ።

\* 2:11 ኬላ 20:13-14፤ ዛሬ 5:17-18 \* 2:21 ሜዴ 22:1-14 \* 2:23 ሜዴ 15:6፤ 2ታር 20:7፤ ኢሳ 41:8 \* 2:24 ኢያ 2:1-21 \* 3:9 ሜዴ 1:26

17 ሳሎፔ ጊዲዳ ኤራቴሳያ ጊዲኮ ኮይሮ ጊሻ፣ ጉዩፔካ ሳሮቴስ ዶሲዛር፣ ዳንዳዩዛር፣ ኤሮ ጊዛር፣ ማሮቴሴኔ ሎዎ አይፌይ ኩሚዳር፤ ቃሴ ዎርዶ ማዶንታሮኔ ኡሎን ጌኔይ ባይንዳር። 18 ሳሮቴስ ዶሲዛ አሳቲ ሳሮቴሳን ዜሪዲ ጊሎቴሳ አይፌ ማግቴስ።

4

**ኢንቴናቴሳ ያሳስ ሃሪሲቴ**

1 ኢንቴ ጊዶን ዲዛ አላይኔ አሻይ አዋፔ ዩዴ? ኢንቴ ዎዝናን ዲዛ አዋቴሳፌ ዴንዲዳ አላ ጊዴኔ? 2 ኢንቴ አዋቴታ ሺን ዴማኬታ። ኢንቴ አስ ዎዴታኔ ኬሂ አዋቴታ ሺን ዴማና ዳንዳዩኬታ። ኢንቴ ኢንቴ ጋርሳን አዩቴዛ ጊሻኔ አሌቴዛ ጊሽ ቃሴ ዎሶንታ ጊሽ ኢንቴስ ኢሜቴና። 3 ኢንቴ ኢንቴ አሾ ኡፋይሳናስ ኢታ ቆፋን ዎሲዛ ጊሽ ዎሲዳይሳ ኢንቴ ኤኬኬታ። 4 ኢንቴኖ ላይማቴዛይቶ! አላሜራ ሲቁቴሲ ያሳራ ሞርኬቴስ ጊዲዳይሳ ኤሬኬቴ? ሄሳ ጊሽ ሃይሳ አላሜዛራ ሲቁቴሲ ኮዩዛይ ዉሪካ ያሳስ ሞርኬ። 5 ዎይኮ ጊሻ ማፃፋ ጊዶን “ኑናን ኢዚ አይሲዳ አያናይ ኑ ኢዛይታ ጊዳና ማላ ዳር አዋቴስ” ጊዛይሲ ኢንቴስ ጮ ሜላ ጊዳ ሚሳቲዜ? 6 ጊዶ አቲን ኢዚ ባ ኪያቴስ ኑስ ጉጂ ኢሜስ። ማፃፋይካ “ዎሲ አቶራንቻታራ ኤቁቴስ፣ አሽኬታስ ቃሴ ባ ኪያቴስ ኢሜስ” ጊዳይ ሄሳሳ። \*

7 ሄሳ ጊሽ ኢንቴና ያሳስ ሃሪሲቴ። ዳቡሎሳራ ኤቁቴቴ፣ ኢዚ ኢንቴፌ ባቃታና። 8 ያሳኮ ሺቁቴ፤ ኢዚካ ኢንቴኮ ሺቃና። ኢንቴኖ ናጋሪንቻቶ! ኢንቴ ኢንቴ ኩሼ ጊሺቴ፣ ኢንቴ ናምዑ ቆፋን ቃሊዛይቶ! ኢንቴ ኢንቴ ዎዝና ጊሺቴ። 9 ዳርሲ ቆፐቴ፤ ሙዞቴቴ፤ ዩኪቴ፤ ኢንቴ ሚቻይ ዩሆን፤ ኡፋይሳይ ቃሴ ሙዞቴሳን ሲሞ። 10 ጎዳ ሲንሳን ኢንቴ ኢንቴና ካወሺቴ፤ ቃሴ ኢዚ ኢንቴና ዶቁ ዶቁ ሂስታና።

11 ታ ኢሻቶ! ኢንቴ ኢንቴ ጋርሳን ኢሶይ ኢሳ ሞቶፐቴ፤ ባ ኢሻ ሞቴዛዴይኔ ባ ኢሻ ቦላ ፐርዲዛዴይ ዎጋ ቦላ ኢታ ሃሳዩሲኔ ዎጋ ቦላ ፐርዴስ። ሂስቲኮ ኔ ዎጋ ቦላ ፐርዲዛዴይ አቲን ዎጋ ናጊዛዴ ጊዳካ። 12 ዎጋ ዎሲዳዴይኔ ፐርዲዛዴይ ኢሳዴ ሃላላ። ኢዚካ ዳይሳናሲኔ አሻናስ ዳንዳዩዛዴ። ጊዶ አቲን ኔኒ ኔ ላጌ ቦላ ፐርዲዛዴይ አኔ?

**ጩቁታናስ ቤሴና**

13 “ኢንቴ ሃቺ ዎይኮ ዎንቶ ሃኖ ሃ ካታማዮ ዎይኮ ሂኖ ሄ ካታማዮ ኑ ባና፤ ቢዲ ሄን ኢዚን ኢሲ ላይስ ኡታናኔ ዛልዲ ዎዲሳና” ጊዛይቶ! አኔ ሃ ሲዩቴ። 14 ዎንቶ ሃናናይሳ ኢንቴ ኤሬኬታ። ኢንቴ ሺምፖይ ኢዛ አዜ? ኢንቴ ጉሳ ዎዴ አይፌን ቤቴዲ ዳዩዛ ሃሳ ፔንታ ማላ። 15 ሃይሳ ጋናፔ “ጎዳ ሺኔ ጊዲኮኔ ኑ ጉፃ ዲኮ ሄሳካ ሃይሳካ አሳና” ጋናስ ኢንቴስ ቤሴስ። 16 ሃዲ ጊዲኮ ኢንቴ አቶራቴሳን ጩቁቴታ። ሄሳ ማላ አቶራቴሲ ዉሪካ ኢታ። 17 ሄሳ ጊሽ ሎዎ ጊዲዛይሳ አሳናስ ቤሲዛይሳ ኤሬሼ አሶንታዴስ ናጋራ ጊዳና።

5

**ዱሬታስ ኢሜቴዳ ዞሬ**

1 ሂስቲኮ ኢንቴኖ ዱሬ አሳቶ! አኔ ሲዩቴ። ቡሮ ኢንቴ ቦላ ጋካና ሜቶዛ ጊሽ ዩኪቴ፤ ዉ ዉይ! ጊ ዋሲቴ። 2 ኢንቴ ሃርይ ቡቁዴስ፣ ኢንቴ ማይዎካ ቢላይ ሚዴስ። 3 ኢንቴ ዎርቃይኔ ኢንቴ ቢራይ ሺይዴስ። ሄ ሺይዳይሲካ ኢንቴ ቦላ ማርካቴሲኔ ኢንቴ አሾ ታማ ማላ ፀጌስ። ኢንቴ ዎዴ ዉርሴሳስ ሚሼ ሺሺዴታ። 4 ኢንቴ ኢንቴ ዎዝናን ዎሲቴ፤ ኢንቴ ካስ ማፂሼ ፔይዳይታስ ኢስታ ዎልቃ ዎጋ ኢንቴ ቃንዎንታ አጊዳ ጊሽ ኢንቴ ቦላ ዋሲሼ ኢንቴ አቻን ዴቴስ። ካስ ማፂዛይታ ዋሶይ ኡባ ዳንዳዩዛ ጎዳ ሃይሳን ጋኪዴስ። \* 5 ኢንቴ ቢታ ቦላ ኢሻሎኔ አልዔቴሳን ዴዲዴታ፣ ኢንቴ ዎዝና ሹካስ ዲኪዳ ሜሄ ማላ ሞዲሲዴታ። 6 ኢንቴ ኢንቴናራ ኤቁቶንታ ጊሎ አሳታ ቦላ ዎርዶ ዎሲዲ ዎዲዴታ።

**ሜቶ ዳንዳዮ**

7 ሄሳ ጊሽ ታ ኢሻቶ! ጎዳይ ሃ ያና ጋካናስ ዳንዳዩቴ። ጎሼ ጎዩዛዴይ ቢታይ ሎዎ ካሲ ካፃና ጋካናስ ዋኒ ዳንዳዩዛኮኔ ኮይሮ ኢራኔ ዉርሴሳ ኢራ ኢዚ ዎስቲ ናጊዛኮ አኔ አኬኪቴ። 8 ኢንቴካ ሄሳሶ ዳንዳዩቴ። ኢንቴ ዎዝና ሚንሲቴ። ጋሶይካ ጎዳ ዩሳ ጋላሲ ማቴዴስ።

9 ታ ኢሻቶ! ኢንቴ ኢንቴ ጊዶን ዚግሬቶሬቴ፤ ኢንቴ ዚግሬቴኮ ኢንቴ ቦላ ፐርዴታና። ፐርዳናዴይ ሄኮ ኢንቴ ፔንጌ ቦላ ኤቁዴስ። 10 ታ ኢሻቶ! ጎዳ ሱንሳን ኢንቴስ ዮቴዳ ናቤታ ዋዩቴሴኔ ኢስታ ዳንዳዮ ኢንቴስ ሌሚሶ ሂስቲ ያሊቴ። 11 ዳንዳዮን ጌንጩዳ አሳታ ኑ ኢስታ “ኢስቲ አንጄቴዳይታ” ጊ ቆዲዛይሳ ኢንቴ ኤሬታ። ኢዮቤይ ዋኒ ዳንዳዩዛኮኔ ኢንቴ ኢዛ ጊሽ ሲዩዴታ። ጎዳይ ኢዛ ዉርሴሳን አይ አሲዳኮኔ ኢንቴ ቤይዴታ። ጎዳይ አሳስ ኬሂ ሚሼቴዛዴኔ ማሪዛዴ። \*

12 ሃራፔካ ታ ኢሻቶ! ሳሎን ጊዲን ዎይኮ ሳፃን ጊዲን ዎይኮ አይ ሚሻንካ ጫቆፍቴ፤ “ኤ” ጋናስ ቤሲዛ ሚሽ ጊዲኮ “ኤ” ጊቴ። “አካይ” ጋናስ ጊዲኮ “አካይ” ጊቴ ሄሳፌ ሃራ ጊኮ ኢንቴ ቦላ ፐርዴታና። \*

**አማኖ ዎሳ**

\* 4:6 ሎም 3:34 \* 5:4 ዛሬ 24:14-15 \* 5:11 ኢዮ 1:21-22፤ 2:10፤ ማዛ 103:8 \* 5:12 ማቶ 5:34-37

13 ኢንቴ ጋርሳን ሜቶቲዛ አሲ ዲዜ? ዲዛ ጊዲኮ ኢዚ ዎሶ። ኡፋዬቲዛዴይ ዲዜ? ዲዛ ጊዲኮ ኡፋይሳ ዩስ ዩዎ። 14 ኢንቴ ጊዶን ሳኬቲዛ አሲ ዲዜ? ዲኮ ዎሳ ኬሳ ጪማታ ያይጎ። ኢስቲካ ጎዳ ሱንሳን ዛይቲ ኢዛ ቦላ ቲይዲ ኢዛስ ዎሴቶ። \* 15 አማኖን ዎሲዳ ዎሳይ ሃርጊዳዴ ፓሳና። ጎዳይካ ኢዛ ዴንሳና። ኢዚ ናጋራ አሲዳዴ ጊዲኮካ ዎሲ ኢዛ ማራና። 16 ሄሳ ጊሽ ኢንቴካ ኢንቴ ጋርሳን ኢሶይ ኢሳራ ኢንቴ ናጋራ ፓዌቲቲ፤ ፓዓና ማላ ኢሶይ ኢሳስ ዎሲቲ። ያሎ አሳ ዎሳይ ዎልቃራ ዴስ፤ ዎልቃማ አሶካ አሴስ። 17 ኤላሲ ኑ ማላካ አሳ። ኢዚ ኢራይ ቡኮንታ ማላ ሚንሲ ዎሲን ቢታ ቦላ ሄሹ ላይሲኔ ባጋ ጋካናስ ኢራይ ቡኪቤና። \* 18 ቃሴካ ዛሪ ዎሲን ኢራይ ሳሎፕ ቢታ ቦላ ቡኪዴስ። ቢታይካ ካስ ኢሚዴስ። \*

19-20 ታ ኢሻቶ! ኢንቴፌ ኢሳዴይ ቱማፕ ባሌቲን ሃራ አሲ ኢዛ ዛሪኮ ሄሳ ዎዝናን ዎሲቲ። ናጋራንቻ ኢዚ ባሌቲዳ አገፕ ኢዛ ዛሪዳዴይ ሄሳዴ ሼምፖ ሃይቆፕ አሼሲኔ ኢዛዴ ናጋራ ዳሮዛካ ካሜስ። \*

---

\* 5:14 ማር 6:13      \* 5:17 1ካዎ 17:1፤ 18:1      \* 5:18 1ካዎ 18:42-45      \* 5:19-20 ሌዎ 10:12፤ 1ጴፅ 4:8



### ጴጥሮሲ ገሬዳ ኮይሮ ኪታ ጊዶ ቆፋ

ሃዋራ ጴጥሮሲ ገሬዳ ኮይሮ ኪታዛ ጊዶን “የሳስ ዶሬቲዳ ዴሬ” ጌቴቲ ጌይጌቲዛይታሲኔ ፑዴሃ ባጋራ ቁሪ ኢሲያ ዴሬን ላሌቲ ዲዛ አማኒዛይታሲኔ ሄ ኪታስ ዋና ቆፋይ አማኖ ጌዶን ዳሮ ሜቶይኔ ጎዴቴላ ኢስታ ቦላ ጋኪዳይታ ሚንጮላናሲኔ ዴንጮላናሲኮ። ገሬዴ ሄሳሶ አሲዳይ ዩሱሳ ሃይቆ ጊሽ፣ ሃይቆፕ ዴንሳ ጊሽኔ ኢዚ ናምዓንሶ ሃ ሲሚ ያና ዩሳ ሂዶታ ቆንጨሲዛ ዩሱስ ኪርስቶሳ ሚሺራቾ ቃላ ናባቢዛይታ ቆሬሳናሳ። ዩሱስ ኪርስቶሲ ካሴ ዴዩዳ ዱሳ ሌሚሶ ማላ ጌሊዲ ኢስታካ ሜቶ ጌንጨ አሳናስ ቤሲዛይሳ ቆሬሴስ። ሄይታራ ዉርሲ ጋሲዲ ሜቶይ ኢስታ አማኖ ሚኖቴላ ፓጨዛይሳኔ “ዩሱስ ኪርስቶሲ ቆንጨዛ ጋላስ” ኢስቲ ባስ ቤሲዛ ዋጋ ኤካናይሳ ኢስታ ቆሬሴስ።

ገሬዴ ኢስቲ ሜቶ ዳንዳያና ማላ ኢስታ ሚንጮሶሬካ ቦላራ ሄሳ ናባቢዛይቲ ኪርስቶሳ ካሊዛይቲ ዴዓናስ ቤሲዛ ዱስ ዳና ማላ ቆሬሴስ።

- ሃ ማፃፋይ አይኪዳ ኩሜሳ ቆፋ
- ጌሎሶ 1:1-2
- የሲ አሺዛዴ ጊዲዳይሳ ኤሪሶ 1:3-12
- የሳስ ዱማቲ ዳና ማላ ኢሜቲዳ ዞሬ 1:13-2:10
- ሜቶ ዎዴ አማኒዛይታ አላሬቴስ 2:11-4:19
- አማኒዛይታ አሺኬቴሲኔ ኢስታ አሶ 5:1-11
- ኩሻ ቆፋ 5:12-14

1 ዩሱስ ኪርስቶሳ ሃዋራ ጊዲዳ ጴጥሮሳ፤ አሳ ቢታን ቤቴን ዲዛይታስ ጳንዶሳን፣ ጋላቲያን፣ ቃጳሪቲያን፣ ኢሲያኒኔ ቢቲኒያ ቢታን ላሌቲ ዲዛ ኢንቴስ፣ 2 አዋይ ያሲ ካሴ ኢንቴና ኤሪዳ ማላ ዶሬቲዳይታስ፣ ዩሱስ ኪርስቶሳስ አዛዜታናሲኔ ኢንቴ ኢዛ ሱሳን አራጩቲዲ ጌያና ማላ ጌሎ አያናን ዱማቲዳ ኢንቴስ ኪያቴሲኔ ሳርቴላ ዳሮ።

#### ጊታ ሂዶታ

3 ዩሱስ ኪርስቶሲ ሃይቆፕ ዴንዲዳ ጊሽ ኑስ ዴዎ ጊዲዳ ሂዶታ ኢሚዳይሲ ባ ጊታ ማሮቴሳን ኑና ባስ አራሳ ናይታ ሂስቲዳ ኑ ጎዳ ዩሱስ ኪርስቶሳ አዋይ ያሲ ጋላቴቶ። 4 ኢዚ ዳዮንታ፣ ዋሬቶንታኔ ጨንንታ ላታሶ ኢንቴስ ሳሎን ጊጊሲ ዎሲዴስ። 5 ኢንቴካ ዉርሴሳ ጋላሳን ቡሮ ቆንጫና አቶቴሳስ አማኖ ጊዶን ያሳ ዎልቃን ናጌቲዴታ።

6 ሃሲ ጉሳ ዎዴስ ዱማ ዱማ ፓጨቲ ኢንቴና ዋይሲኮካ ኢንቴ ሄሳን ኡፋዩቲቴ። 7 ሄሲ ሄ ፓጨዚ ኢንቴ ቦላ ጋኪዳይ ኢንቴ አማኖዚ ቱሙ ጊዲዳይሳ ቆንጨሳናሳ፣ ዳያና ዎርቃይካ ታማን ፓጨቴስ። ዎርቃሬ አዲ ቦንቾ ጊዲዳ ኢንቴ አማኖይካ ሄሳሶ ፓጨታናስ ቤሴስ። ሄሲ ሄ ፓጨቲዳ ኢንቴ አማኖይ ዩሱስ ኪርስቶሲ ቆንጨዛ ጋላስ ጋላታስ፣ ቦንቾሲኔ ሳባስ ኢንቴና ጋላና። 8 ኢንቴ ዩሱስ ኪርስቶሳ አይሬራ ቤዮንታ አጊኮካ ኢንቴ ኢዛ ዶሴታ፤ ሃሲካ ኢንቴ ኢዛ ቤዮንታ አጊኮካ ኢዛ አማኒታ፤ ሮ ቃላን ቆንጨሳና ዳንዳያንታ ጊታ ቦንቾ ኡፋይስ ኢንቴ ኡፋዩቴታ። 9 ኢንቴ ናጊዛ ኢንቴ ሼዎፖይስ አቶቴላ ኢንቴ አማኖን ዴሚዴታ።

10 ሄ አቶቴሳዛ ጊሽ ኢንቴስ ኢሜታና ኪያቴሳስ ካሴ ናቤቲ ሎዴሲ ዎዝናፕ ፒልጊ ጌሊዳ። 11 ካሴ ኢስታን ዲዛ ኪርስቶሳ አያናይ ያሳሬ ቴዩቲዳይሳ ቦላ ጋካና ዋዩዛኔ ሄ ዋዩዛፕ ጉዩ ኢዚ ዴማና ቦንቾዛ ጊሽ ካሴ ባስ ዎሲዴስ። ኢስቲ ቃስ ሄሲ ዉሪካ አይዴ ዋኒ ሃናናኮኔ ዩሺ ቆፐርዳ። 12 ሄ ካሴ ናቤቲ ኢንቴስ አሲዳ አቲን ኢስቲ ባስ አሶንታይሲ ኢስታስ ቆንጨን ኤሬቲዴስ። ኢስቲ ኢንቴስ አሲዳይ ቦላ ሳሎፕ ኪቴቲዳ ጌሎ አያና ባጋራ ሃሲ ኢንቴስ ሚሺራቾ ቃላ ዮቲዳ አሳቲ ኢንቴስ ዮቲዳይሳ ቆንጨሳናሳ። ሄሳ ኔ ቃላ ኪታንቻቲካ ቤያናስ አዋቲዳ።

#### የሳስ ዱማቲ ዱስ

13 ሄሳ ጊሽ ኢንቴ ኢንቴ ዎዝና ሱሪሲዲ አሶስ ጊጌቲቴ። ዎጋራ ዴዒቴ። ዩሱስ ኪርስቶሲ ቆንጨዛ ዎዴ ኢንቴ ኢዛ ኪያቴሳ ዴማናስ ኢንቴስ ኩሜሳ ሂዶታይ ዴዎ። 14 ኢንቴ አዛዜቲዛ ናይታ ጊዲዲ ኤሮንታ ዲሼ ኢንቴ ካሴ ኢዛን ዲዛ ኢታ ቆፋ ካሎፍቴ። 15 ኢንቴና ጌይጊዳ ያሳይ ዱማ ጊዲዳ ማላ ኢንቴካ ኢንቴ ዱሳን ኡባን ዱማቲቴ። 16 ጋሶይካ “ታኒ ጌሽ ጊዲዳ ጊሽ ኢንቴካ ጌሽ ጊዲቴ” ጌቴቲ ጌሻ ማፃፋን ካሴ ገሬቲዴስ። \*

17 አናካ ዱማ ሻኪ ማዶንታ ኢሳ ኢሳስ ኢዛዴ አሶ ማላ ፐርዲዛ ያሳ “ኢዚ ኑ አዋ” ጊዲ ኢንቴ ጌይጊኮ ሃይሳ አላሜዞን ኢንቴ ኢማሴኔ ቤቴ አስ ጊዲዲ ዲዛ ዎዴ ኡባን ኢዛስ ባቢቴ። 18 ኢንቴ ካሴ ኢንቴ አዋታፕ ሳቲዳ ሮ ሜላ ሃዳ ዱሳሬ ዎዜቲዳይ ዳዩዛ ቢራን ዎይኮ ዎርቃን ጊዶንታይሳ ኢንቴ ኤሬታ። 19 ጊዶ አቲን ኢንቴ ዎዜቲዳይ ኢታይኔ ዎሶይ ኢዛ ቦላ ባይንዳ ጌሻ ዶርሳ ማላ ጊዲዳ ኪርስቶሳ ቦንቾ ሱሳና። 20 ኢዚ ኤሬቲዳይ ሃይሲ አላሜዚ ሜዴታናፕ ካሴ ጊዲሺን ሃሲ ቃስ ዉርሴሳ ዎዴን ኢንቴስ ቆንጨዴስ። 21 ኢንቴስ አማኖይኔ ኢንቴ ሂዶታይ ያሳን ጊዳና ማላ ዩሱስ ኪርስቶሳ ባጋራ ሄ ኢዛ ሃይቆፕ ዴንዲዲ ኢዛስ ቦንቾ ኢሚዳ ያሳን ኢንቴ አማኒቴታ።

\* 1:16 ሌቄ 11:44-45፤ 19:2

22 ኢንቴ አማካይታ ሱሬ ምዝናፕ ሲቃና ማላ ቱማስ አዛዜቴሳን ኢንቴ ኢንቴ አሳቴስ ጊሺዴታ። ሄሳ ጊሽ ኢንቴ ኢንቴ ጊዶን ኢሶይ ኢሳራ ሎዔሲ ሲቁቲቴ። \* 23 ኢንቴ ናምግንሶ ዩሌቲዳይ ሜርናስ ሚኒ ዲዛ ዳዮንታ ዴያ ሶሳ ቃላን ዳዮንታ ዜሬሳፌ አቲን ዳዩዛ ዜሬሳፌ ጊዴና። 24 ጊሻ ማግፋይ ጊዛ ማላ  
 “አሾ ማይዲዳይ ወሪካ ማታ ማላ፤  
 ኢዛ ቦንቾይካ ወሪካ ምራ ጨሻ ማላ፤  
 ማታይካ ሜሌስ፤ ጨሻይካ ቆኪስ።  
 25 ጎዳ ቃላይ ጊዲኮ ሜርናስ ኤቂ ዴስ።”  
 ኢንቴስ ሳባኬቲዳ ሚሺራቾ ቃላይካ ሄሳ።

2

ዴያ ሹቹኔ ጊሻ ዴሬ

1 ሄሳ ጊሽ ኢታቴስ ወርሲ፣ ባሌሶ ወርሲ፣ ቆዴፕ ቆሞን ሃኖ፣ ቃናቴቴስ አይኮ ቆሞ ዚጊርስ ኢንቴፌ ዲጊቴ። 2 ሃዲ ዩሌቲዳ ጉሳ ናይቲ ማስ አሞቲዛይሳ ማላ ኢንቴካ አታናስ፣ ኢዛን ዲጨ ዲጨ ባናስ ጊሺ ጊዲዳ አያና ቲሚርቴ ላሞቲቴ። 3 ኢንቴ ላሞታናስ ቤሲዛይ ጎዳይ ኪያ ጊዲዳይሳ ሻኪ ኤርኮታ! \*

4 ሄሳ ጊሽ ጊዴ ዴያ ሹቾ ጊዲዳ ዩሱሳኮ ሺቁቲ። ሄ ሹቻይ አሳይ ሌቂ አጊዳይሳ ሺን ሶሳ አቻን ቃስ ዶሬቲዳይሳኔ ቦንቾ ሞጋይ ዲዛይሳ። 5 ኢንቴ ጊዴ ጎዳ ዩሱሳኮ ሺቃናይካ ዴያ ሹቻ ማላ ዲሎ አያና ዱሳሶ ጊዳና ማላ አሴቲታ፤ ሄሳሳካ ኢንቴ ዩሱስ ኪርስቶሳ ባጋራ ኡፋይሲዛ አያና ያርሾ ሶሳስ ሺሻናስ ጊሻ ቁሴታ ጊዳንዴታ። 6 ጊሻ ማግፋን “ሄኮ ዶሬቲዳ ቦንቾ ጊዲዳ ኬሳስ ማዜኔን ኡቲዛ ሹቾ ታኒ ዲዮኔን ምሳና። ኢዛን አማካይዴ ዩላቴና” ጊዛ ቃላይ ጻፌቲ ኡቲዴስ። \* 7 ሄሳ ጊሽ ኢንቴስ አማካይታስ ሄ ሹቻይ ቦንቾ ሹቹኮ ሺን ሂንኮ ኢዛን አማካይታይታስ ቃስ “ሹቻን ኬዲዛ ኬሳ ሂላቲ ሌቂ ምራ ዩጊዳይስ ኢዚ ኬሳ ማዜኔስ ሁዔ ጊዲዴስ” \* 8 ቃሴካ “ሄኮ አሴ ዱጲዛ ሹቻይ ሃይሲቸ! አሳ ዱጲ ኩንዲሲዛ ዛላ ሹቻይ ሃይሳኮ” ጌስ። ኢስቲ ቃላ አማካይታ ኢዲዳ ጊሽ ዱጲቴቴስ። ካሴካ ኢስቲ ሄሳስ ዲዛይታ። \*

9 ኢንቴ ቃስ ዱማፕ ጊዴ ዳሮ ማላሊሲዛ ኢዛ ፖፖኮ ዩይጊዳ ማላሊሲዛ ሶሳ አሶ አሞጃናስ ዶሬቲዳ ዩሌቴስ፣ ካዎ ቁሴታ፣ ሶሲ ኢንቴና ባስ ሂስቲዳ ኢንቴ ዱማ ዴሬታ። \* 10 ኢንቴ ካሴ ሶሳ ዴሬ ጊዴኬታ ሺን ሃዲ ጊዲኮ ኢንቴ ሶሳ ዴሬ። ኢንቴ ካሴ ኢንቴስ ሶሴ ቃዴቶንታ ዴሬኮ ሺን ሃዲ ጊዲኮ ቃዴቲዴስ። \*

ሶሳ አሳንቻታ

11 ታ ሲቆቶ! ኢንቴ ሃይሳ አላሜዛ ቦላ ኢማሴኔ ቤቲ አስ ጊዲዳ ጊሽ ሽምፖራ አሌቲዛ አሾ አሞቴሳታፕ ሃካና ማላ ታ ኢንቴና ሃዳራ ጋይስ። 12 አኔ ኤሪዛይ “ኢንቴና ኢስቲ ኢታ አሴቴስ” ጊዲ አሳይ ዚጊርኮካ ሶሲ ኑና ቤያናስ ዩዛ ጋላስ አይዛቤቲ ኢንቴ አሶይ ሎፖ ጊዲዳይሳ ቤዲዲ ሶሴ ጋላታና ማላ ኢንቴ ኢስታራ ዲዛ ምዴ ኢንቴ አማሌይ ሎፖ ጊዴ።

13 ኢንቴ ጎዳ ዩሱሳ ጊሽ ጊዲ ዴሬ አይሲዛይታስ አዛዜቴ። ካዎይ ቃስ ኡባፌ ቦላራ ዲዛ ጊሽ ካዎሲካ አዛዜቴ። 14 ዴሬ አይሲዛይታስ አዛዜቴ። ኢስቲ ኢታ አሲዛይታ ቃግያናሲኔ ሎፖ አሲዛይታ ጋላታናስ ካዎፕ ኪቴቲዛይታ። 15 ኢንቴ ሎፖ አሶን ሃንኮ ኤራይ ባይንዳ ኤያቴሳን ሃሳዩዛይታ ጮሑ ሂስታና ማላ ሄሲካ ሶሳ ሸኔ። 16 ኢንቴ ሶሳስ አሲዛ አሳታ ማላ ጊዲዲ ሂርጋይ ባይንዳ ዴዲቴ አቲን ኢንቴ ኢንቴ ሸኔ ማላ ዲዛ ዱሳ ኢታቴሳ ካሚዛ ሚሽ ሂስቶፍቴ። 17 አስ ኡባካ ቦንቹቴ። አማካይታ ሲቁቲ። ሶሳስ ባቢቴ። ካዎ ቦንቹቴ።

ኪርስቶሳ ሞቴሳ ሌሚሶ

18 ኢንቴና አሳስ አሲ አቂዛይቶ! ኢንቴና አሲሲዛ ጎዳታስ ቦንቾን አዛዜቴ። ኢንቴ አዛዜታናይ ሎፖታሲኔ አሽኪታስ ግላላ ጊዶንታ ሃንኮ ኢታታሳራኮ! 19 አሲ ጋላቴቲዛይ ጮ ሜላ ቆሄቲሸ፤ ሄሲካ ሶሳ ጊሽ ጊዲ ዳንዳያና። 20 ኢንቴ ኢታ አሲዳ ጊሽ ቃግዬቲሸ ዳንዳይኮ ኢንቴስ አዛ ጋላታይ ዳኔ? ኢንቴ ሎፖ አሲዲ ሞቴ ኤኪሸ ዳንዳይኮ ኢንቴ ሶሳፌ ጋላታ ኤካንዴታ። 21 ኢንቴ ዩይጊቲዳይካ ሄሳሳ። ኢንቴ ኢዛ ሌሚሶ ካላና ማላ ኪርስቶሲ ኢንቴ ጊሽ ሞቴ ኤኪዲ ኢንቴስ ሌሚሶ ጊዲዴስ። 22 ኢዚ አይኮ ናጋራካ አሲቤና። ኢዛ ዱናን ጌኔይ ቤቲቤና። \* 23 አሳይ ኢዛ ጫዩሺን ኢዚ ዛሪ ጫዩቤና። ሞቴሸ ባና ቱሙ ፒርዲዛ ጎዳስ ሃዳራ አሲ ኢሚዴስ አቲን ሃሎ ኬሳና ማንዲቤና። \* 24 ኑኒ ናጋራፕ ሻካቲዲ ዊሎቴሳን ዳና ማላ ኢዚ ባርካ ባ አሾን ኑ ናጋራ ማስቃሌ ቦላ ቶኪዴስ። ኢንቴ ኢዛ ማዱንሳን ፓዲዴታ። \* 25 ኢንቴ ዳዩዳ ዶርሳታ ማላ ጮ ሜላ ቱይሩ ቱይሪዴታ ሺን ሃዲ ቃስ ኢንቴ ሽምፖ ሄሚዛይሳኔ ናጊዛይሳኮ ሲሚዴታ።

3

አዚና ጊሺኔ ማቹ ጊሽ

\* 1:22 ሱሬ ምዝናፕ ኢሲ ኢሲ ጊኢሻ ማግፋቲ ኩሜሳ ምዝናፕ ጌቲስ። \* 2:3 ማዛ 34:8 \* 2:6 ኢሳ 28:16 \* 2:7 ማዛ 118:22 \* 2:8 ኢሳ 8:14-15 \* 2:9 ኬሳ 19:5-6፤ ኢሳ 43:20-21፤ ዛሬ 4:20፤ 7:6፤ 14:2፤ ቲቶ 2:14፤ ኢሳ 9:2 \* 2:10 ሆሴ 2:23 \* 2:22 ኢሳ 53:9 \* 2:23 ኢሳ 53:7 \* 2:24 ኢሳ 53:5

1 ሄሳሶካ ማቼቶ! ኢንቴ ኢንቴ አዘናታስ አዛዘቲቱ። ሄሳሶ ኢሲ ኢሲ አዘናቲ ሦሳ ቃላ አማኖንታይታ ጊዲኮካ ጮ ሜላ ባ ማቼታ ሎዔቴላን ሃላላ ሲሞንታ አጌቴና። \* 2 ኢስቲ ሲማና ዳንዳዩዛይ ኢንቴ ገሻቴላን ኢንቴ አሴ ቦንቸዛ ዱስ ዲዛይሳ ቤዩዲኮ። 3 ኢንቴ ሎዔቴላ ጮ ሜላ ሁዔ ዳላንኔ ዎርቃን ጌይቴላን፣ አልዎ ማዮ ማይዎን፣ ጮ ሜላ አይፌን ቤቲዛ ጌይን ጊዶ። \* 4 ኢንቴ ሎዎይ ሦሳ ሲንላን ዋጋራ ዲዛ ኬሂ ቦንቸቲዳዘኔ ዳዮንታ ጌይን፣ አሽኬቴላን፣ አዳቴላንኔ አያናን ጌይቲዳ ዎዝና ጋርሳን ቆቴቲ ዲዛ ጊዶ ዎዝና ሎዔቴላ ጊዶ። 5 ቤኒ ዎዴ ባ ሂዶታ ሦሳን አሲዳ ገሻ ማጫሳቲ ጌይቲዳይ ሃይሳ ማላና። ኢስቲ ባ አዘናታስ አዛዘቲዳ። 6 ኢስቲ አዛዘቲዳይካ ሳራይ አብራሃሜ “ታ ጎዶ!” ጋዳ አዛዘቲዳይሳ ማላ። ኢንቴካ ሎዎ ሚሽ አሲኮኔ ኢሲ ኢታ ሚሺ ኢንቴና ዳጋንሶንታ አጊኮ ኢንቴ ሳራ ናይታ።

7 አዘናቶ! ኢንቴ ኢንቴ ማቼታራ አኬካን ኢሲፌ ዴዒቴ። ኢስቲ ኢንቴፌ ዳቡራንቻ ሜዴቴላ ጊዲዳ ጊሺኔ ቃሴካ ሦሲ ጮ ሜላ ኪያቴላን ኢሚዛ ዴዎ ኢስቲ ኢንቴናራ ኢሲፌ ላታናይሳ ጊሽ ኢንቴ ኢስታ ቦንቸቴ። ኢንቴ ሄይሳሶ አሲኮ ኢንቴ ዎሳ ዱዲዛ ሚሺ ዴና። \*

**ሎዎ አሲዛ ጊሽ ዋዩ ቤዎ**

8 ሄሳፌ አሳ ባጋራ ቃስ ኢንቴ ኢሶይ አሳራ ሲቆን ዲቴ። ሃራ አሳ ቦላ ጋኪዛ ሜቶ ኢንቴ ሜቶ ማላ ሄሊቴ። ኢንቴ ኢንቴ ጋርሳን ኢሻንታ ማላ ሲቁቴቴ። አሽኬታኔ ኪያታ ጊዲቴ። 9 አንጂቴ አቲን ኢስታስ ኢታ ጫሻስ ጫሽ ዛርፒቴ። ኢንቴ ሄይጌቲዳይ ሄሳሶ አሲዲ አንጆ ላታናሳ። 10 ገሻ ማፃፋይ ጊዛ ማላ “ዴዎን ዳና ኮዩዛይኔ ሎዎ ጋላሳታ ቤያናስ ኮዩዛ አሲ ባ ዱናፕ ኢታ ሃሳዮንታ ማላኔ ባ ሜቴርሻቲካ ጌኔ ሃሳዮንታ ማላ ናጌቶ። 11 ኢታ ዮዎፕ ሃኮ፣ ሎዎ አሶ፣ ሳርቴላ ኮዮኔ ካሎ። 12 ጎዳ አይፌቴ ሂሎታ ባጋ ሄሎቴስ። ኢዛ ሃይፌቴካ ኢስታ ዎሳ ሲያናስ ዶዶ ዴቴስ። ሂንኮ ኢታ አሲዛይታ ቃስ ጎዳይ ባ ሃንቆ አይፌሶ ቤሳና” ጊዴስ።

13 ኢንቴ ሎዎ አሳናስ ሚኔቲኮ ኢንቴ ቦላ ኢታ ሚሽ ጋሳናይ አኔ? 14 ኢንቴ ሎዎ አሲዳ ጊሽ ዋዩ ቤዒኮካ ኢንቴ አንጆ ኤካና። አሳይ ኢንቴ ቦላ ኢታ አሳናስ ማንዴቲዛይሳስ ባቦፊቴኔ ዳር ቆፖፍቴ። \* 15 ጎዳ ኪርስቶሳ ኢንቴ ዎዝናን ቦንቸቴኔ ኢዛ ኢንቴ ዴዎስ ጎዳ ሂስቲቴ። ኢንቴስ ዲዛ ሂዶታ ጊሽ ኢንቴና አይቸዛይታስ ኡባስ ዛር ኢማናስ ኡባ ዎዴ ጊጌቲ ኡቲቴ። 16 ኢንቴ ኢስታስ ኢማና ዛርይ ቃስ አሽኬቴላንኔ ቦንቸን ጊዶ። ኢንቴ ኪርስቶሳይታ ጊዲዳ ጊሽ ኢንቴስ ዲዛ ሎዎ አማሌዛ ጊሽ ኢታ ሃሳዩዛ አሳይ ባ ኢታ ሃሳያን ዩላታና ማላ ኢንቴስ ሎዎ ቆፋይ ዴዎ። 17 ሦሳ ሽኔ ጊዲኮ ኢንቴ ኢታ አሶ አሲዲ ዋዩታናይሳፌ ሎዎ አሶ አሲዲ ዋዩቲኮ ሎዎ። 18 ኪርስቶሲካ ኑና ሦሳኮ ሺሻናስ ኢዚ ባ ሁዔስ ሂሎኮ ሺን ሃንኮ ሂሎ ጊዶንታ ኑ ናጋራ ጊሽ ናምዓንጌቶንታ ማላ ኢሲቶ ዋዩቲዲ ሃይቂዴስ። ኢዚ አሾን ሃይቂዴስ ሺን አያናን ቃስ ፓዒዴስ። 19 ሄሳ ሄ አያናን ቃሾ ኪሳን ዲዛ ሽዎፖታኮ ቢዲ ኢስታስ ሚሺራቾ ቃላ ዮቲዴስ። 20 ሄይቲ ሄን ዎይኔ ኬሳን ዲዛ ሽዎፖታኮ ካሴ ኖሄ ዎዶ ማርካቤዚ አሴቲ ጊጊሺን ኢስቲ ሲማና ማላ ሦሲ ዳንዳያን ናጊሺን ኑኔ ኔስ አዛዘቶኮ ጊዳይታ። ሄ ማርካቤዛን ጌሊን ሃሴፌ አቲዳይታ ቆዳይ አሱፑን ጊዲዳ ጉሳ አሳታ ሃላላ። \* 21 ሄሲ ሄ ሃሳይ ሃዒ ቃስ ኢንቴ ኢዛን አቲዛ ሂንቃቲ ሌሚሶ። ሃይሲ ሂንቃቲይ ቂታ ቦላ ጊያናስ ሜጫቴላ ጊዶንታ ገሻ ቆፋ ኤካናስ ሦሳኮ ሺሺዛ ዎሳ። ኢዚ ኢንቴና አሻናይካ ዩሱስ ኪርስቶሳ ዴንሳ ባጋራ። 22 ኢዚ ፑዴ ሳሎ ቢዲ ሃዒ ሦሳ አቻን ዴስ። ኪታንቻቲኔ ጎዳቴላ ኢስታስ ዲዛይቲ ዎልቃማታካ ኢዛስ ሃሬቲዳ።

4

**ጌሻቴላን ዱስ**

1 ኪርስቶሲ ባ አሾን ዋዩ ኤኪዳ ጊሽ ኢንቴካ አላ አሌቲዛ ሚሼ ጊዲዳ አሳ ማላ ሃይሳ ሃ ቆፋን ሚኒዲ ጊጌቲቴ። ባ አሾን ዋዩ ቤዩዳ አሲ ናጋራ አሶ አጊዴስ። 2 ሄሳፌ ጉዩ ባ ዲዛ ዎዴ ኡባን ኢዚ ዳናይ ኢታ አሾ አሞቴላ አሶን ጊዶንታ ዲሼ ሦሳ ሽኔ ፖሎና። 3 ሂንኮ ዴሬ አሳቲ አሲዛይሳ ማላ ኢንቴ ጮ ሜላ ዩዳ ዱሳን አሾ አሞን፣ ማሶን፣ አጌይ ባይንዳ ካሳን፣ ዎጋፕ አሲ ኡዩዲ ዱሩሳንኔ ሃራሲዛ ኤቃ ጎይኖን ካሴ ኢንቴ አሲዳ ዎዴዚ ኢንቴስ ጊዳና። 4 ሃዒ ቃስ ኢንቴ ሃ ዮዎዛን ኢስታራ ዎጋይ ባይንዳ ቂዒ ቂዎንታ ጊሽ ኢስቲ ማላሌቴላኔ ኢንቴና ጫዩቴስ። 5 ጊዶ አቲን ሃይቂዳይታ ቦላኔ ፓዓ ዲዛይታ ቦላ ፒርዳናስ ጊጊ ኡቲዳይሳስ ኢስቲ ዛር ኢማና። 6 ሃይቂዳይታሳራ ሚሺራቾ ቃላይ ዮቴቲዳይ ሄሳ ጊሻሳ። ሄሳሶካ አይ አሳ ቦላካ ፒርዲዛ ማላ ኢስታ አሾ ቦላ ፒርዳና። ኢስታ ሽዎፖይ ቃስ ሦሲ ዲዛ ማላ ዴዎን ዴያና።

**ሦሳ ኢሞታታ ዎጋራ ጎዔቴላ**

7 ሄሳ ጊሽ ዎዴ ዉርሴላ ማቲዴስ። ኢንቴ ሚኒ ዎሳናስ ዳንዳያና ማላ ዎጋራ ዲቴኔ ዎፑ ጊዳ ቆፋይ ኢንቴስ ዴዎ። 8 ሲቆይ ዳር ናጋራ ካሚዛ ጊሽ ሃራፕ ቦላራ ኢንቴ ኢንቴ ጋርሳን ሎዔላ ሲቁቴቴ። \* 9 ዙዙንላ ባይንዳ ኢሶይ ኢሳ ኢማሳቴላ ሞኪ ኤኪቴ። 10 ዱማ ዱማ ጊዲዳ ሦሳ ኪያቴላ ኢሞታታ አማኔቴላን አይኪዲ ኢንቴፌ ኢሲ ኢሲ አሲ ባስ ኢሜቲዳ ሦሳ ኪያቴላ ኢሞታን ሃራ አስ ማዶ። 11 ታማርሲዛይይ ሦሳ ቃላ ታማርሲዛ ማላ ታማርሶ፣ ሃጋዚዛይይ ሦሲ ኢዛስ ኢሚዛ ዎልቃን ሃጋዘ፣ ሄሳ ማላን ሦሲ ዩሱስ ኪርስቶሳ ባጋራ ሃኒዛ ኡባን ጋላቴታና። ቦንቸይኔ ጎዳቴላ ሜርናፕ ሜርና ጋካናስ ኢዛስ ጊዶ። አሚን!

\* 3:1 ኤፌ 5:22፤ ቆላ 3:18 \* 3:3 1ዒም 2:9 \* 3:7 ኤፌ 5:25፤ ቆላ 3:19 \* 3:14 ማቶ 5:10፤ ኢሳ 8:12-13  
\* 3:20 ሜዴ 6:1-7:24 \* 4:8 ሌም 10:12

**ሜቶ ዳንዳዮ**

12 ታ ሲቆቶ! ኢንቴ ታማ ማላ ፓጩዛ ሜቶ ጊደን ጌሊዛ ዎዴ ሄሳ ማላይ ካሴ ባይንዳ አራሳ ሚሺ ጋኪዳዝ ኢንቴስ ሚሳቲን ማላሌቶፍቴ። 13 ሄሳፌ ቦላራ ኪርስቶሳ ቦንቾይ ቆንጨዛ ዎዴ ኢንቴ ኬሂ ኡፋዮታና ማላ ኢንቴ ኢዛራ ኢዛ ዋዮዛ ኤኪዛይታ ጊዲዳ ማላ ኡፋዮታ። 14 ኢንቴ ኪርስቶሳ ሱንሳ ጊሽ ጫዮቲኮ ቦንቾ አያናይ ሄሲካ ያሳ አያናይ ኢንቴ ቦላ ሽምጥዛ ጊሽ ኡፋዮታ። 15 ኢንቴፌ ኦና ቦላካ ሜቶይ ጋኪኮ ሄሳዴይ ሽምፖ ዎዲዳ አሳ ማላ፣ ካይሶ ማላ፣ ኢታ ኦሲዳ አሳ ማላ፤ አሳ ዮፖ ጊዶ ጮ ዎዲ ጌሊዳዴ ማላ ጊዶ። 16 ኢዚ አማኒዛዴ ጊዲዳ ጊሽ ኢዛ ቦላ ጋኪዛ ሜቶይ ዲኮ ቃስ ኪርስቶሳ ሱንሳን ኢዚ ያሳ ጋላቶ አቲን ዮላቶ።

17 ፐርዳይ ዶሜታናስ ዎዴይ ማቲዴስ። ሄ ፐርዳይ ዶሜታናይ ኮይሮ ያሳ አሳ ቦላኮ! ሂስቲን ፐርዳይ ኑናን ዶሚኮ ያሳ ሚሺራቾ ቃላስ አዛዜቶንታ ኢዲዳ አሳ ወርሴሲ አይ ጊዳይ? 18 ጌሻ ማፃፋይ “ጊሎይካ ዋይዲ አታናዝ ጊዲኮ፣ ሃንኮ ያሳስ ጎይናንታ አሳይኔ ናጋራንቻቲ ፍናንዴቶ?” ጊዛ ማላ። \* 19 ሄሳ ጊሽ ያሳ ሸኔ ማላ ዋዮቲዛ አሳቲ ባናቴላ ወርሲ አማኒቲዳ ባና ሜዲዳይሳስ ሃዳራ ኢሚዲ ሎፖ ኦሶ አሶንታ አጎፊቶ።

5

**ያሳ አሳ አይሳናስ ኢሜቲዳ ዎጋ**

1 ሄሳ ጊሽ ታካ ኢስታራ ኢሲፌ ዎሳ ኬሳስ ጨማኔ ኪርስቶሳ ዋዮዛስ ማርካ ጊዲዳ ታኒ ቃሴካ ቡሮፔ ቆንጫና ቦንቾዛ ጊሽታናስ ዲዛ ታኒ ኢንቴናራ ዲዛ ዎሳ ኬሳ ጨማታ ዞራይስ። 2 ኢንቴስ ሃዳራ ኢሜቲዳ ያሳ ወዴ ናጊቴ። ሄ ኢዛ ወዴዛ ዎልቃራ ጊደንታ ያሲ ኮዩዛ ኦጌራ ዶሳራ ሄሚቴ። ሚሽስ ዩቄቴላን ጊደንታ ሃጋዛናስ ዎዝናፔ ኮሻን ጊዶ። \* 3 ሄሳሶካ ኢንቴ አላፌቴላ ጋርሳን ዲዛይታ ዮዲ ሃሮን ጊደንታ ወዴዛስ ሎፖ ሌሚሶ ቤሶን ጊዶ። 4 ኢንቴ ሄሳሶ ኦሲኮ ሃንኮ ዋና ሄሚዛይሲ ቆንጨዛ ዎዴ ኢንቴ ዋራቶንታ ቦንቾ አክሊሌ ኤካና።

5 ሄሳሶካ ኢንቴኖ ናቴላቶ! ኢንቴ ጨማታስ አዛዜቲ። ኢንቴ ወሪካ አሽኬቴስ አፋላ ማላ ማይዲዲ ኢሶይ ኢሳስ ኦሲቴ። “ያሲ ኦቶሪዛይታ ኢዲስ። አሽኬታስ ቃሴ ባ ኪያቴስ ኢሜስ” ጌቴቲ ካሴ ጌሻ ማፃፋን ፃፌቲዴስ። \* 6 ሄሳ ጊሽ ያሲ ባ ዎዴን ዶቄ ሂስታና ማላ ሚኖ ያሳ ኩሼፔ ጋርሳራ ኢንቴና ዜቂ ሂስቲቴ። \* 7 ኢዚ ኢንቴስ ቆጥዛ ጊሽ ኢንቴና ሜቲዛ ቆፋ ወርሲ ኢዛ ቦላ ዮጊቴ።

8 ዎጋራ ዴዲቴ! ቤጊቴ! ኢንቴ ዋርኬ ዳቡሎሲ ባስ ሚታና ሚሽ ኮዩሼ ፃጊዛ ጋሞ ማላ ኢንቴ ዩሾን ሃርቡቄስ። 9 አላሜ ኩሜሳን ዲዛ ኢንቴ ኢሻቲ ሄሳ ማላ ሜቶ ኤካና ዲዛይሳ ኢንቴ ኤሪዲ አማኖን ሚኒ ኤቂዲ ኢዛራ ኤቄቲቴ። 10 ኢንቴ ጉሳ ዎዴስ ዋዮቲዳይሳፌ ጉዮ ኢንቴና ኪርስቶሳ ባጋራ ጌዴ ሜርና ቦንቾስ ያይጊዳ ኪያቴስ ኡባስ ጎዳይ ኢዚ ባርካ ኢንቴና ጋኪዳ ዋዮዛፔ አሻና፣ ማዳናኔ ሚንሴላና ቃሴካ ዳዝጊሳና። 11 ቦንቾይኔ ዎልቃይ ሜርናፔ ሜርና ጋካናስ ኢዛስ ጊዶ። አሚን።

**ወርሴላ ሳሮካ**

12 ታኒ ኢዛን አማኒቲዳ ኢሻ ጋ ቆጥዛ ሲልዋኖሴ ባጋራ ሃይሳ ኪታዛ ቃንሳራ ኢንቴስ ፃፋዲስ። ታ ሄሳ ፃፊዳይ ኢንቴና ዞራናሲኔ ሃይሲ ቱሙ ያሳ ኪያቴስ ጊዲዳይሳ ኢንቴስ ቆንጨሳናስ ጋዳ። ሄሳ ጊሽ ኢንቴ ሃይሳን ያሳ ኪያቴላን ሚኒ ኤቄቴ። \*

13 ኢንቴ ማላ ዶራቲዳራ ባቢሎኔን ዲዛ ሚቾ ጊዲዳ ዎሳ ኬሳያ ኢንቴስ ሳሮካ ሽሻወስ። ታ ና ማርቆሲካ ኢንቴና ሳሮኪስ። \* 14 አማኖ ሲቆቴላን ኢንቴ ኢሶይ ኢሳ ዮሪ ኤኪዲ ሳሮኪቴቴ። ኢንቴስ ኪርስቶሳይታስ ኡባስ ሳሮይ ጊዶ።

\* 4:18 ሌም 11:31 \* 5:2 ዮሃ 21:15-17 \* 5:5 ሌም 3:34 \* 5:6 ማቶ 23:12፤ ሉቃ 14:11፤ 18:14 \* 5:12 ሃዋ 15:22፤ 40 \* 5:13 ሃዋ 12:12፤ 25፤ 13:13፤ 15:37-39፤ ቆላ 4:10፤ ፒል 24



### ጴጥሮስ ገጠና ማግኘት ኪታ ጊዶ ቆፋ

ሃዋሪ ጴጥሮስ ማግኘት ኪታ ገጠናዬ ደግሞ ደግሞን ዲዛ ቤኒ አማኒዛ አሳሳ። ሄ ኢዛ ኪታስ አይፌ ዮሶይ ዎርዶ አስታማሬታ ኢታ አሶኔ ሄ ኢስታ ቲሚርቴ ጊዶን ዩዳ ባላ ደዎ አሳይ አጋና ማላ። ሄ ዎዴ ሜዴቲዳ ሜቶታ ቢርሻናስ ዳንዳያናይ ዩሱስ ኪርስቶስ ካሴ ባ አይፌራ ቤዩዳይታኔ ኢዚ ታማርሲሺን ባ ሃይሳን ሲዩዳ አሳቲ ኢሚዳ ቲሚርቴ ባጋራ ያሳ ጊሺኔ ጎዳ ዩሱስ ኪርስቶስ ጊሽ ቱማ ኤራቴስ ዴሜቶ። ገጠዚ ሃራፔካ ሎዔሲ ናጌቲዳይ “ኪርስቶሲ ሃ ሲሚ ዩና” ጊዛ ዎርዶ ቲሚርቴ ጊሻሳ። ኢዚ ሄሳ ጊሽ ዮቲሼ “ኪርስቶሲ ኤሌሊ ሲሚ ዮንታ ማላ ኢዛ ዲጊዛይ አሲ ዉሪካ ባ ናጋራፔ ሲሚዲ አታና ማላፔ አቲን አኒካ ዳያና ማላ ኮዮንታ ጊሻሳ” ጌስ።

ሃ ማግኘት አይኪዳ ኩሜሳ ቆፋ  
ጌሎሶ 1:1-2  
አማኒዛይታ ዲይጌቴስ 1:3-21  
ዎርዶ አስታማሬታ 2:1-22  
ኪርስቶስ ማግኘት ዩሳ 3:1-18

1 ዩሱስ ኪርስቶስ አሳንቻኔ ኢዛን ሃዋሪ ሲሞና ጴጥሮስ፤ ኑ ጎዳፔኔ ኑ ዳሌ ዩሱስ ኪርስቶስ፤ ቤቲዳ ጊሎቴሳ ባጋራ ኑ ዴሚዳ አማኖ ማላ ቦንቼቲዳ አማኖ ዴሚዳይቶ! 2 ያሳኔ ኑ ጎዳ ዩሱስ ኤሮን ኪያቴሴኔ ሳሮይ ኢንቴስ ጊዶ።

#### ያሳን ዲይጌቴ ኢዛን ዶሬቴስ

3 ባ ቦንቻኒኔ ባ ኪያቴሳን ኑና ዲይጊዳይሳ ኑኒ ኢዛ ኤሪዳ ጊሽ ኢዛ ያሳቴሳ ዎልቃይ ዴዎሲኔ ያሴ ጎይናና ኑስ ኮሺዛዝ ዉርሲ ኢሚዴስ። 4 ባ ቦንቻኒኔ ባ ኪያቴሳን ቦንቻ ዎጋይ ዲዛይሳኔ ኬሂ ጊታ ጊዲዳ ኢዛ ሂዶታ ኑኒ ዴሚዶስ። ሄይታንታ ባጋራ ኢንቴ ኢታ አዎ ጋሶን ሃይሳ ሃ አላሜዛን ዲዛ ዳዮፔ ኪሲ ኤኪዲ ያሳቴሳ ሃኖዛፔ ኢዛራ ጊሼቲዛይንታ ጊዲዴታ።

5 ሄሳ ጊዶን ሃይሳፌ ካሊዛ ሚሻቲ ኢንቴስ ጉጂታና ማላ አኔ ሚኒቴ። አማኖ ቦላ ኪያቴሳ፤ ኪያቴሳ ቦላ ኤራቴስ፤ 6 ኤራቴሳ ቦላ ባና ሃሮ ባና ሃሮ ቦላ ዳንዳያን ሚኒቴስ፤ ዳንዳያን ሚኒቴሳ ቦላ ያሴ ጎይና፤ 7 ያሴ ጎይና ቦላ ኢሻንታ ዶሴቴሳ፤ ኢሻንታ ዶሴቴሳ ቦላ ሲቆ ጉጂቴ። 8 ሃይቲ ኢንቴስ ዳሪ ዲዛዝ ጊዲኮ ሄይቲ ኢንቴና ኢንቴ ጎዳ ዩሱስ ኪርስቶስ ኤሮን ጎዳይኔ አይፌይ ባይንዳይታ ጊዶንታ ማላ ናጋና። 9 ሃይቲ ሃ ሚሻቲ ባይንዳ አሲ ጊዲኮ ሃሆን ዲዛ ሚሽ ዴሞንታ ቆቄ አሳ ማላ። ሄሳዴይ ካሴ አዲዳ ባ ናጋራፔ ጊዳይሳካ ባሌቲዴስ።

10 ታ ኢሻቶ! ሄሳ ጊሽ ኢንቴ ዲይጌቴዳይሳኔ ዶሬቲዳይሳ ሻኪ ኤራናስ ኬሂ አዎቲዛይታ ጊዲቴ። ኢንቴ ሄሳሶ አሲኮ ሙሌካ ዳጵቴኪታ። 11 ኢንቴ ሄሳሶ ሃኒኮ ሜርናፔ ሜርናስ ዲዛ ኑ ጎዳ ዩሱስ ኪርስቶስ ካዎቴሳን ጌላናስ ኢንቴስ ኩሜሳ ማታይ ኢሜታና።

12 ኢንቴ ሃይታ ሃ ዮዎታ ኤሪዲኔ ሄ ኢንቴ ኤሪዳ ቱማን ሚኒ ዴዲኮካ ሄይታ ታኒ ኢንቴና ቆሬሳናፔ ጉዩ ጊኪ። 13 ታኒ ፓዓ ዲዛ ዎዴ ኡባን ኢንቴና ኡባ ዎዴ ዴንጌሳናይሲ ቤሲዛዝ ሚሳቲዲ ታስ ቤቴስ። 14 ኑ ጎዳ ዩሱስ ኪርስቶሲ ታስ ቆንጨሲዳ ማላ ታኒ ሃይሳ አላሜዛፔ ኤሌላዳ ሃይቃናይሳ ታ ኤራይስ። 15 ታኒ ሃሂ ሚኒቴዛይ ታ ሃይቃዳ ኢንቴፌ ሻኪቴዳፔ ጉዩ ኢንቴ ሃይታ ሃ ዮዎታ ኡባ ዎዴ ቆፓና ማላሳ።

#### ኪርስቶስ ቦንቻ ባ አይፌን ቤዩዳ ማርካታ

16 ጎዳ ዩሱስ ኪርስቶስ ዎልቃፌ ኢዛስ ዩሳ ጊሽ ኑ ኢንቴስ ዮቲዳ ዎዴ ኑኒ ኑ አይፌራ ኢዛ ቦንቻዛ ቤዩዲ ማርካቶስ አቲን አሲ ጮ ሜላ ሜዲ ኤኪዲ ጌኔ ሃሳዩዛ ሃይሲዔ ማላ ጊዴና። 17 “ታኒ ኢዛን ኡፋዮቲዛይይ ታ ዶሲዛ ታ ናዚ ሃይሳ” ጊዛ ቃላ ጊሪሳይ ጊታ ቦንቻራ ኢዛስ ዩዳ ዎዴ ኢዚ ያሳ አዎፔ ቦንቻኔ ጊታቴስ ኤኪዴስ። 18 ኑኒ ኢዛራ አንጄቲዳ ዙማ ቦላ ዲሼ ሃይሳ ሃ ሳሎፔ ዩዳ ጊሪሳ ኑኒ ኑ ሃይሳን ሲዩዶስ። \*

19 ሄሲ ዉሪካ ካሴ ናቤቲ ዮቲዳይሲ ቱሙ ጊዲዳይሳ ሎዔስ ቆንጨሲስ። ሄሳ ጊሽ ኢንቴ ዳማሶን ያምፔስ ሎዔስ ናጌቲዳይሳ ማላ ካሴ ናቤቲ ዮቲዳይሳ ሎዔሲ ናጌቲቴ። ኢንቴ ሄሳሶ አሳናይ ጋዴይ ዎንታናስ፤ ባዞይ ዞዓና ጋካናሲኔ ዎንታ ማላ ያለንቴዚ ኢንቴ ዎዝናን ፖዓና ጋካናሳ። 20 ኢንቴ ሃራፔ አሲ ቆፓናስ ቤሲዛይ ጌሻ ማግኘት ዲዛ ቲንቢቴ ቃላን ዮቲቲዳ አይ ሚሺካ አኒካ ባስ ሚሳቲዳ ማላ ቢርሻናስ ቤሴና። 21 አይ ቲንቢቴይካ አሳ ሼኔ ማላ ሙሌካ ዩቤና። ጊዶ አቲን ቲንቢቴይ ዉሪካ ጊሎ አያናይ ካሌሲን ኢዛ ካሊዳ አሳቲ ያሳፌ ኤኪዲ ዮቲዳዛ።

2

#### ዎርዶ አስታማሬታ

1 ጊዶ አቲን ቤኒ ዎዴ ዎርዶ ናቤቲ ዴሬዛ ጊዶን ዲዛይሳ ማላ ሄሳሶካ ሃሂ ኢንቴ ጊዶን ዎርዶ አስታማሬቲ ዴዓንዴቴስ። ሄይታንቲ አሳ ዳይሲዛ ዎርዶ ቲሚርቴ ቆታራ ዲጫና ማላ አሌቴስ። ባና

\* 1:18 ማቶሆሳ 17:1-5፤ ማር 9:2-7

አሺዳ ጎዳካ ካዲዲ ባና ኤሶን ዳይሲዛዝ ባ ቦላ ኤሄቴስ። 2 ሄሳ ጌዶን ዳሮ አሳይ ዩላቸዛ ኢስታ ኦጊዛ ካሌስ። ሄ ኢስታ አሶዛ ጌዶን ተማ ኦጊዴ ጫዩቴስ። 3 ሄይቲ ዎርዶ አስታማሬቲ ሚሻስ ጋጲጋጲዛ ጊሽ ባርካ ሜዲ ኤኪዳ ዮዎ ዮቲ ዮቲዲ ኢንቴስ ዲዛዝ ባስ ቦንቂ ኤኪቴስ። ቤኒ ቤኒ ዎዶሶፕ ፐርዳይ ኢስታስ ጊጌቲ ኡቲዴስ። አዳሬ ኢስታ ዳዮይ ናጊስ።

4 ሃራይ አቶ ሺን ናጋራ አሲዳ ኪታንቻታስ ያሲ ሚሹቶንታ ኢስቲ ጩማ ጊዲዳ ዳማ አላ ጊዶን ዴዲዲ ፐርዳ ጋላስ ጋካናስ ናጌታና ማላ ጌዴ ጋናሜን ዩጊዴስ። 5 ሄሳሶካ ዒሎቴሳ ጊሽ ሳባኬ ጊዲዳ ዮሄ ሃንኮ ላፑን አሳታራ አሺዲ ያሳስ ጎይኖንታ አሳቲ ዲዛ አላሜዛ ቦላ ዳይሲዛ ሃሌ ኤሂሹ ቃዴቲዲ ካሴ ሄ ዎዴ አላሜዛ ማሪቤና። \* 6 ቃሴካ ያሴ ጎይኖንታይታ ቃዳኖናስ ኡባስ ሌሚሶ ጊዳና ማላ ሶዶሜይኔ ጋሞራ ካታማቲ ቢዲንሳ ጊዳና ጋካናሲኔ ፀጌቲ ዳያና ጋካናስ ኢስታ ቦላ ፐርዲዴስ። \*

7 ዎጋይ ባይንዳ ዩላቸዛ አሶ አሲዛ አሳታ አሶን ኡባ ዎዴ ሶፀ ጊሹ ዲዛ ዒሎ ሎዌ ጊዲኮ አሺ ኤኪዴስ። \* 8 ሄ ዒሎ አዴዚ ኢስታ ጊዶን ዲሺን ጋላስ ጋላስ ኢዚ ቤዩዛይሳኒኔ ሲዩዛይሳን ሄ ዎጋይ ባይንዳ አሳታ አሶዛን ኢዛ ሽምፖ ዮዩታዱስ። 9 ሂስቲን ሄሲ ወሪካ ሄሳ ማላ ጊዲኮ ጎዳይ ባስ ጎይኒሽ ዲዛ አሳታ ፓጩፕ አሻናይሳኒ ናጋራንቻታካ ዎስቲ ቃዳኖናኮኔካ ፐርዳ ጋላሳስ ዎስቲ ኢስታ ናጊዲ ጋላናኮኔ ሄሳ ኢዚ ኤሬስ ጉሳ።

10 ሃራፕካ ሄይቲ ቱና ጊዲዳ ባ አሾ አሞ ካሊዛይታኔ ያሳ ጎዳቴሳ ካዲዛይታ ፐርዳ ጋላሳስ ናጊ ዎሲዴስ። ሄይቲ ዎርዶ አስታማሬቲ ኢስቲ ያላታኔ ኦቶራንቻታ ጊዲዳ ጊሽ ሳሎ ቦላ ኢስታስ ጎዳቴሳ ዲዛይታ ጫዩሽ ባቤቴና። 11 ኪታንቻቲ ኢስታሬ ቦላራ ዎልቃይኔ ጎዳቴሳ ዲዛይታ ጊዲኮካ ጎዳ ሲንሳን ኢስታ ቦላ ካዴ ቃላ ኬሲ ሞቴቴና።

12 ሄይቲ ዎርዶ አስታማሬቲ ቃስ ባስ ኤሬቶንታ ኢዲዳ ሚሽ ወርሲ ጫሺ ጫዩቴስ። ሄይታንቲ ናርዎን አይኪታናሲኔ ሃይቃናስ ዩሌቲዳ። ጮ ሜላ ባ ሺኔን ዲዛይታኔ ቆፋይ ባይንዳ ዶዓታ ማላ። ዶዓቲ ጮ ሜላ ዳዩዛይሳሶ ኢስቲካ ሙሌራ ዳያና። 13 ቆሆ አሶ አሲዳ ጊሽ ኢስቲ ሙሌራ ባ አሶ ዋጋ ኤካና። ኢስታ ኡፋይሲ ሴታ ጋላስ ማሶቴሌኔ ዎጋይ ባይንዳ ቡራቆ። ኢስቲ ሄሳ ማላ ዎጋይ ባይንዳ ጉፋን ኢንቴናራ ኢሲሬ ዌይጌቲዛ ዎዴ አስ ባሌሲዛ ባ አሾ አሶዛን ኢስቲ ኢታኔ ዩላቸዛይታ። 14 ኢስታስ ናጋራ አሶፕ ናጌቶንታ አሞቲዛ አይሬይ ዴስ። ኢስታስ ናጋራ አሶ ሲቂዛ አሞቴሌ አይ ዎዴካ ሲሜና። አማኖን ቡሮ ሚኒ ኤቆንታ አሳታ ባሌሌቴስ። ሚሻስ ጋጲጋጲቴስ። ኢስቲ ቃንጌቲዳይታ። 15 ኢስቲ ሱሬ ኦጊዛ አጋጊዲ ዳዩዳ። ኢታ አሶ አሲዲ ዴሚዛ ሚሽ ሲቂዳ ቢዎሪ ና ባላዓሜ ኦጊ ቢዲ ባሌቲዳ። 16 ባላዓሜይ ጊዲኮ ባ አሲዳ ናጋራ ጊሽ ሴሬቲዴስ ሺን ሃሳዮ ኤርንታ ሃራዮ አሳ ቃላን ኢዛስ ሃሳዮዳ ሄ ናቤዛ ባላፕ ሴራ ዛራዱስ።

17 ሄይቲ ሄ አሳቲ ሃሲ ባይንዳ ፑልቶታ። ጎቴ ጫርኮን ቢዛ ሻራ ማላ፤ ኢስታ ሳካና ዳማይ ናጊስ። 18 ካሴ ባላ ጋርሳን ዲዛ አሳታ ጊዶሬ ኬሲ ኤኪ ዩዲ ዳሮ ጋምዎንታ አሳታ፤ ጮ ሜላ ሃዳ ጊዲዳ ኦቶሮ ቃላ ሃሳያን፤ አሾ አሞኒኔ ላይማን ባሌሌቴስ። 19 “ኢንቴ ዎዜታና” ጊሹ ኢንቴስ ኡፋይስ ኢሜቴስ። ያኔቲዳ አሲ ባና ያኒዳዴስ አይሌ ጊዲ ሃራቲዛይሳሶ ኢስቲካ ባስ ናጋራስ አይሌ። 20 ኑ ጎዳኔ ኑና አሺዳ ዩሱስ ኪርስቶሳ ኤሪዲ ሃ አላሜዛ ቱናቴሳሬ ኬሲ ኤኪዳፕ ጉዩ ቃሴካ ጉዩ ሲሚዲ ሄ ካሴ ቱናቴሳን ያኔቲዲ ጌሊኮ ኢስታስ ካሲይሳሬ ጉዩይሲ አዶ ኢታ ጊዳና። 21 ኢስቲ ዒሎቴሳ ኦጊ ሻኪ ኤሪዳፕ ጉዩ ኢስታስ ኢሜቲዳ ጌሻ አዘዞፕ ጉዩ ሲማናፕ ኢስቲ ካሴ ሄ ዒሎቴሳ ኦጊዛ ኤርንታ አጊዳኮ ኢስታስ ሎዎሺን። 22 “ካናይ ባ ጮዩዳ ጮሻ ማናስ ጉዩ ሲሜስ” ሄሳሶካ “ጉዱንሳ ሜጩቲዲ ጉዩ ሲሚ ኡርቃን ጌንዴሬቴስ” ጌቴቲዛ ቱሙ ሌሚሶይ ኢስታ ቦላ ጋኪዴስ። \*

3

ጎዳ ዩሱስ ኪርስቶሳስ ናምዓንሶ ዩስ

1 ታ ሲቆቶ! ታኒ ኢንቴስ ዓሬሺን ሃይሲ ናምዓንሶ ኪታ። ታኒ ኢንቴስ ናምዑ ኪታታካ ዓሬዳይ ሃይታ ሃ ዮዎታ አኪኪ ኤኪዲ ኢንቴ ሱሬ ቆፋ ቆፓና ማላ ኢንቴና ቤጎላና ጋዳ። 2 ሃይሳሬ ካሴ ጌሻ ናቤቲ ዮቲዳ ቃላኔ ቃስ ኢንቴ ሃሞሬታ ባጋራ ኢንቴ ዴሚዳ ኑ ጎዳኔ ኑና አሺዳይሳ አዘዞ ኢንቴ ዩሺ ቆፓና ማላ ታ ኮያይስ።

3 ሃራ ኡባሬ ካሴቲዲ ሃይሳ ዩሺ ቆፐቱ። ወርሴሳ ጋላሳታን ቂዲዛይቲኔ ባ ኢታ አሞ ካሊሽ አሳ ካዲዛይቲ ያና። \* 4 ኢስቲ ቃስ “ጎዳ ዩሱሲ ‘ያና’ ጊዛ ሂዶታይ ዮቴቲቤኔ? ሂስቲን ኢዚ አሞን ዲዜ? ቤኒ ኑ አሞቲ ሃይቆሳፕ ሃ ሲሚን፤ ሃኒዛ ሚሺ ወሪካ ሜዴቶሳፕ ሃ ሲሚን ሄኮ ካሴ ባ ዲዛ ማላ ዴስ” ጌቴስ። 5 ሄይቲ ሄ አሳቲ ካሴ ዳሮ ዎዴፕ ካሴ ሳሎይ ያሳ ቃላን ሜዴቶይሳኔ ቢታይካ ሃሳሬኔ ሃሳን ዲዛይሳ ኤሪሽ ካዴቴስ። \* 6 ሄ ዎዴ ዲዛ አላሜዚ ሃሳን ሚቴቲ ዳዩዴስ። \* 7 ሄሳሶካ ሃዲ ዲዛ ሳሎይኔ ቢታይ ናጋራንቻቲ ዳያና ዲዛ ፐርዳ ጋላስ ጋካናስ ታማስ ጊጊ ኡቲዳ።

8 ታ ሲቆቶ! ኢንቴ ጊዲኮ ጎዳ አቻን ኢሲ ጋላሲ ሺ ላይሳ ማላ፤ ቃሴካ ሺ ላይሲ ኢሲ ጋላሳ ማላ ጊዲዳይሳ ሄሳ ሄ ሃኖዛ ባሎፐቱ። \* 9 ኢሲ ኢሲ አሳታስ ሚሳቲዛ ማላ ጎዳይ ባ ዮቲዳ ሂዶታ ቃላ ፖላናስ ጋምዴናኮ ሺን አሲ ወሪካ ማሬታና ማላኔ አይ አሲካ ዳዮንታ ማላ ኮይዲ ኢዚ ኢንቴ ጊሽ ታኪስ።

10 ጎዳ ጋላሳይ ቃሴ ካይሶ ዩሳ ማላ ቆፖንታ ዲሺን ጋኪ ዎዳና። ሄ ጋላስ ሳሎቲ ጊታ ጊሪሳን አዳና። ሜዴቴሌ ወሪካ ታማን ፀጌቲ ዳያና፤ ቢታይኔ ኢዛ ቦላ ዲዛዚ ወሪካ ፀጌታና። \* 11 ሄሳ

\* 2:5 ሜዴ 6:1-7:24 \* 2:6 ሜዴ 19:24 \* 2:7 ሜዴ 19:1-16 \* 2:22 ሎም 26:11 \* 3:3 ዩሀ 18 \* 3:5 ሜዴ 1:6-9 \* 3:6 ሜዴ 7:11 \* 3:8 ማዛ 90:4 \* 3:10 ማቶ 24:43፤ ሉቃ 12:39፤ 1ታሶ 5:2፤ አጁ 16:15

ጊሽ ሄይቲ ወሪካ ሄሳሶ ጳያናዚ ጊዲኮ ሂስቲን ኢንቴ ጌሻቴላን ሦሳስ ጎይኒሼ ዳናስ ኢንቴስ ዋኒ ቤሴኔ? <sup>12</sup> ሄሳ ጊሽ ሦሳ ጋላሳይ ያናይሳ ኢንቴ ላሞቲዛይታኔ ኢዚ ኤሌሊ ያና ማላ ኦሲዛይታ ጊዲቴ። ሄ ጋላስ ሳሎይ ታማን ፀጌቲ ጳያና። ሜዴቴላቲካ ታማ ሴላን ሴራና። <sup>13</sup> ጊዶ ኦቲን ኦኒ ኢዚ ኦስ ኢሚዳ ሂዶታ ማላ ጊሎቴላ ኦሶይ ኦሴቲዛሶ ኦራሳ ሳሎኔ ኦራሳ ቢታ ናጎስ። \* <sup>14</sup> ሄሳ ጊሽ ታ ሲቆቶ! ሄሲ ወሪካ ሃናና ጋላስ ኢንቴ ናጊሼ ዲኮ ጎዳይ ኢንቴና ኢንቴ ቦላ ቦሮይ ባይንዳ ዲሺን ሳሮቴላን ዴማና ማላ ሚኒ ዲቴ። <sup>15</sup> ኦ ጎዳ ዳንዳያይ ኢንቴና ኦሻናስ ጊዲዳይሳ ኢንቴ ኤራቴ። ኦ ሲቆ ኢሻ ጳወሎሲ ባስ ኢሜቲዳ ኤራቴላ ማላ ኢዚ ኢንቴስ ገፊዳይሲ ሃይሳ። <sup>16</sup> ኢዚ ሃይሳ ሃ ሃኖዛ ጊሽ ባ ኪታታን ኡባን ሃይሳሶካ ገፊዴስ። ኢዛ ኪታታ ጊዶን ኤራናስ ዋይሲዛ ኢሲ ኢሲ ሃኖቲ ዴቴስ። ኤራቴላ ኢስታስ ፓጫዳይቲኔ ናምዑ ቆፋን ዮቁ ጊዛይቲ ሃራ ጌሻ ማግፋታ ሚርቁዛይሳሶካ ሃይታካ ኢስቲ ሚርቃና። ኢስቲ ሄሳሶ ኦሲዛይ ባስ ጳያናሳ። <sup>17</sup> ታ ኢሻቶ! ኢንቴ ቃስ ሄሳ ካሴቲዲ ኤራዳ ጊሽ ሃንኮ ማካላታ ባላ ጌዶን ጎሼቲ ቢዲ ካሴ ኢንቴ ሚኒ ዲዛሶፔ ኩንዶንታ ማላ ናጌቲቴ። <sup>18</sup> ሄሳፌ ቦላራ ኦ ጎዳኔ ኦ ዳሴ ዮሱስ ኪርስቶሳ ኪያቴላኒኔ ኢዛ ሻኪ ኤሮን ፑዴ ዲጫቴ። ኢዛስ ሃዲካ ሜርናስካ ቦንቾይ ጊዶ። ኦሚን።

---

\* 3:13 ኢሳ 65:17፤ 66:22፤ ኦጁ 21:1

### ዮሃንሳ ገፊዳ ኮይሮ ኪታ ጊዶ ቆፋ

ዮሃንሳ ኮይሮ ዮዲዳ ኪታዛን ናምዑ አይፌ ዮቲ ዴቲስ። ሄይቲካ ሄ ኪታዛ ናባቢዛይታስ ያሳራኔ ያሳ ና ዮሱስ ኪርስቶሳራ ኢሲፌቴስ ዴግና ማላ ኢስታ ማንጅሳናሲኔ ሄሳ ሄ ኢሲፌቴሳ ጳይሲዛ ዎርዶ ቲሚርቴፌ ኢስቲ ናጌታና ማላ። ሃይሲ ኪታይ ገፊቴዛ ዎዴ ሄ አላሜዛ ቦላ ዳሮ ዎልቃማ ዎርዶ ቲሚርቴይ ዴስ። ሄ ቲሚርቴዚካ ኢሲ ኢሲ አማኒዛ አሳታ አማኖፕ ካሬ ኪሲዴስ። ሄ ዎርዶ አስታማሬቲ ታማርሲዛ ኢታ ቲሚርቴይ 1. “ዎሲ አያና አላሜ ገላላ ሜጲዴስ። 2. ሃይሳ ሃ አላሜዛን ዲዛ አይፌን ቤቲዛ ማሺ ኡባኔ ኑ አሳቴሳ ዎሲ ሜጲይና። ሄሳ ጊሽ ሄ ሜጲቴሳቲ ዉሪካ ኢታ ገላ። 3. ሃይሲ አይፌን ቤቲዛ አላሜዚኔ ኑ አሳቴሳይ ኑ አያና ቆሃናሲኔ ቱኒሳናስ ዳንዳዬና።” ሃይሳ ጉሲ “ኮይሮ ያሳፌ ዬዳ ዮሱሳስ አሳ አሳቴስ ዴና። ቃሴካ ናምግንሶራ ኢሳዴይ ሃራ አሳ ቦላ ናጋራ አሲኮኔ ኢዚ ሃራ አስ ኢዲኮ ሄሳዴ አሶዚ ኢዛ አያና ቆሃናሲኔ ቱኒሳናስ ዳንዳዬና” ጉሳ። ሄይቲ ሄ አስታማሬቲ “አቶቴሳ ጉሲ ሃይሳ አላሜዛ ዳሳስ ቆፖንታ አጎ ኮሼስ” ጊ ታማርሴቲስ። ሄሳራካ ጋሲዲ “ሎዎ አሶን ጊዲን ዎይኮ አሴ ሲቆይ ሙሌካ ኮሼና” ጊ ታማርሴቲስ።

ሄሳ ጊሽ ዮሃንሳ ባ ኪታን ሄሳሶ ዎርዶ ቲሚርቴይ ቱሙ አማኖ ቲሚርቴፌ ካሬ ጊዲዳይሳ ታማርሴስ። ሄሳ ሄ ቲሚርቴዛ ኢዎን ዮሱስ ኪርስቶሲ ኩሜሳራ አሴኮ፤ ዮሱሳን አማኒዛይቲኔ ዮሴ ሲቁዛይቲ ዉሪካ ባ ጋርሳን ኢሶይ ኢሳራ ሲቁታስ ቤሴስ ጊዲ ኤሪሲዴስ። ቃሴካ ዮሱሲ ቱሙ አሳ አሾ ማይዲዳይሳኔ ዮሴቲዳይሳ ካዲዛዴይ ያሳፌ ዮሴቲቤና። (4:2-3) ጎዳ ያሳፌ ዮሴቶንታዴይ ቃሴ ያሳፕ ጊዲዳይሳ ሲቃናዉ ዳንዳዬና። ያሳፌ ዮሴቲዳይሳ ኡባ ዎዴ ናጋራን ዴግናስ ዳንዳዬና። (3:10)

- ሃ ማግፋይ አይኪዳ ኩሜሳ ቆፋ
- ጌሎሶ 1:1-4
- ፖዶኔ ጳማ 1:5-2:29
- ያሳ ናይታኔ ገላሄ ናይታ 3:1-24
- ቱማኔ ዎርዶ 4:1-6
- ቱማ ሲቆ 4:7-21
- ዮኒዛ አማኖ 5:1-21

**ዴዎ ቃላ**  
1 ዴዎ ቃላ ጊሽ ኮይሮፕ ዲዛይሳ ኑኒ ኑ ሃይሳን ሲዬዳይሳኔ ኑ አይፌራ ቤዬዳይሳ ሎዴሲ ዪሊዳይሳ። ኑ ኩሼራ አይኪ ቤዬዳይሳ ጊሽ ሃሳዮስ። \* 2 ዴዎይካ ቆንጫዴስ፤ ኑካ ኑ አይፌራ ቤዬዲ ማርካቶስ። ኢዛስ ኢዛ አዎ አቻን ዲዛይሳኔ ኑስካ ቆንጫዳ ሜርና ዴዎ ጊሽ ኑ ኢንቴስ ዮቶስ። \* 3 ኢንቴስካ ኑናራ ኢሲፌቴሳ ዳና ማላ ኑኒ ቤዬዳይሳኔ ሲዬዳይሳ ኢንቴስ ዮቶስ። ኑ ኢሲፌቴሳይካ አዎራኔ ኢዛ ና ዮሱስ ኪርስቶሳራ። 4 ኑ ኡፋይሳይ ኩሜስ ጊዳና ማላ ኑ ሃይሳ ኢንቴስ ገፎስ። \*

**ፖዶን ሲሜሬቲስ**  
5 ኑ ኢዛፕ ሲይዲ ኢንቴስ ዮቲዛ ኪታይ “ዎሲ ፖዶ፤ ኢዛ አቻን ሙሌካ ጳማይ ዴና” ጊዛይሳ። 6 “ኑ ጳማን ሲሜሬቲሼ ኢዛራ ኑስ ኢሲፌቴሳ ዴስ” ጊኮ ዎርዶቶስ አቲን ቱማን ዶኮ። 7 ጊዶ አቲን ኢዚ ፖዶን ዲዛ ማላ ኑካ ፖዶን ሲሜሬቲኮ ኑ ጋርሳን ኑስ ኢሲፌቴሳ ዴስ፤ ኢዛ ና ዮሱስ ኪርስቶሳ ሱሲ ኑና ናጋራ ኡባፌ ጊሼስ። 8 ኑ ኑናን ናጋራይ ባዎ ጊኮ ኑርካ ኑና ባሌሶስ፤ ቱማይካ ኑናን ዴና። 9 ኑኒ ኑ ናጋራ ፓዲኮ ኢዚ ኑ ናጋራ አቶ ጋናሲኔ ኑ ቆሆፕ ኑና ዉርሲ ጊሻናስ ኢዚ አማኒቲዳዴኔ ዪሎ። 10 ኑ ናጋራ አሲቤኮ ጊኮ ኢዛ ኑ ዎርዳንቻ ኬሶሲኔ ኢዛ ቃላይካ ኑናን ዴና።

### 2

1 ታ ናይቶ! ታ ኢንቴስ ሃይሳ ገፊዛይ ኢንቴ ናጋራ አሶንታ ማላሳ። ጊዶ አቲን አኒካ ናጋራ አሲኮ አዎ አቻን ኑስ ገባቃይ ዴስ። ኢዚካ ዪሎዛ ዮሱስ ኪርስቶሳ። 2 ኢዚ ኑ ናጋራይ አቶ ጌቱታና ማላ አጌ ጊጊሲዛይ፤ ሄሲካ ኑና ገላላ ጊዶንታ ኩሜሳ አላሜ አሳሳራ አቲን ኑስ ገላ ጊዴና። 3 ኑ ኢዛ አዛዞታ ፖሊኮ ኑ ኢዛ ኤሪዳይሳ ሄሳን አማኒቶስ። 4 “ታ ኢዛ ኤሪዶስ” ጊሼ ኢዛ አዛዞ ፖሎንታዴ ጊዲኮ ሄሳዴይ ዎርዶ አሳ አቲን ቱማይ ኢዛዴን ዴና። 5 ቃሴ አኒካ ኢዛ ቃላ ናጊኮ ቱሙ ያሳ ሲቆይ ኢዛዴን ፖሌቲዴስ። ኑኒ ኢዛን ዲዛይሳ ኤሪዛይ ሄሳና። 6 ታ ኢዛን ዳይስ ጊዛ አሲ አኒካ ዮሱሲ ሲሜሬቲዳ ማላ ሲሜሬታናስ ቤሴስ።

### አራሳ አዛዞ

\* 1:1 ዮሃ 1:1 \* 1:2 ዮሃ 1:14 \* 1:4 ኑ ኡፋይሳይ ኢሲ ኢሲ ቢርሼቻታን ኢንቴ ኡፋይሳይ ጌቲቲዴስ።



7 ታ ሲቆይ! ታ ኢንቴስ ገፊዛይሲ ካሴ ኢንቴስ ዲዛሮ ኢንቴስን ጋምዲዳ አዛዞኖ አቲን ሃራ ኦራሳ አዛዞ ጊዴና፤ ጋምዲዳ አዛዞኖ ካሴ ኢንቴ ሲዱዳ ቃላ። 8 ሃራ ባጋራ ታ ኢንቴስ ገፊዛይ ኪርስቶሳ አቻኒኔ ኢንቴ አቻን ቱሙ ጊዲዳ ኦራሳ አዛዞ፤ ጋሶይካ ዱማይ አዲን ቱሙ ፖይይ ፖይ ቦላ ዴስ።

9 ፖፖን ዳይሲ ጊሼ ባ ኢሻ ኢዲዛዴይ ሃዲካ ዱማን ዴስ። 10 ባ ኢሻ ሲቁዛዴይ ፖፖን ዴስ፤ ሄሳዴስ ዱጵ ጊዲዛ ሚሺ ዴና። 11 ጊዶ አቲን ባ ኢሻ ኢዲዛዴይ ጊዲኮ ዱማ ጊዶን ዴስ፤ ዱማን ሲሜሬቴስ፤ ዱማይ ኢዛ ቆቂሲዳ ጊሽ ኢዚ አዋ ቢዛኮኔ ባ ቢዛሶ ኤሬና።

12 ታ ናይቶ! ኢንቴ ናጋራይ ዩሱስ ኪርስቶሳ፤ ዴንዲዳይሳን አቶ ጌቴቲዳ ጊሽ ታ ኢንቴስ ገፋይስ። 13 አዋቶ! ካሴ ኮይሮፕ ዲዛይሳ ኢዛ ኢንቴ ኤሪዛ ጊሽ ታ ኢንቴስ ገፋይስ፤ ናቴሳቶ! ኢንቴ ኢታ ጊዲዳ ገላዔ ያኒዳ ጊሽ ታ ኢንቴስ ገፋይስ።

14 ናቴሳ ናይቶ! ኢንቴ አዋ ኤሪዳ ጊሽ ታ ኢንቴስ ገፋይስ። አዋቶ! ኮይሮፕ ዲዛይሳ ኢዛ ኢንቴ ኤሪዳ ጊሽ ታ ኢንቴስ ገፋይስ። ናቴሳቶ! ኢንቴ ሚኖታ ጊዲዳ ጊሺኔ ያሳ ቃላይ ኢንቴናን ዲዛ ጊሽ ኢንቴ ኢታ ጊዲዳ ገላዔ ያኒዳ ጊሽ ታ ኢንቴስ ገፋይስ።

**አላሜ ዶሶፐቲ**

15 ሃይሳ አላሜዛ ዎይኮ ሃ አላሜዛን ዲዛ አይ ሚሽካ ዶሶፐቲ። ኦኒካ ሃ አላሜዛ ዶሲኮ አዋ ሲቆይ ኢዛይ አቻን ዴና። 16 ጋሶይካ ሃ አላሜዛን ዲዛይ ወሪ አሾ አሞቴሳ። አይፊስ ሎዶኔ ዱሳን ጨቆቴስ፤ ሃይቲ አላሜፕ አቲን ያሳ አዋፕ ዩዛይታ ጊዴና። 17 አላሜይኔ አላሜን ዲዛ አሞቴሲ አዳና ሺን ያሳ ሽኔ ፖሊዛይቲ ጊዲኮ ሜርናስ ዳና።

**ኪርስቶሳራ ኤቁቲዛይታፕ ናጌቴስ**

18 ናይቶ! ሃይሲ ወርሴሳ ሳቴ። ኢንቴ ሲዱዳ ማላ ኪርስቶሳራ ኤቁቲዛዴይ ያና። ሃዲካ ኪርስቶሳራ ኤቁቲዛ ዳሮቲ ዩዳ። ሃይሲ ወርሴሳ ሳቴ ጊዲዳይሳ ኑ ሃይሳን ኤርስ። 19 ኢስቲ ኑ ጊዶፊ ኬዚዳ። ጊዶ አቲን ኢስቲ ካሴካ ኑ ባጋ ጊዴቴና። ኢስቲ ኑ ባጋ ጊዲዳኮ ኑናራ ሚኒ ኤቃናኮሺን፤ ጊዶ አቲን ኢስቲ ወሪ ኑ ባጋ ጊዶንታይሲ ኤሬታና ማላ ኑፕ ሻኬቲዳ

20 ኢንቴና ቃሴ ኪርስቶሲ ያሎ አያናን ቲዩዴስ፤ ሄሳ ጊሽ ኢንቴ ወሪካ ቱማ ኤሬታ። 21 ታ ኢንቴስ ገፊዛይ ኢንቴ ቱማ ኤርንታ ጊሽ ጊዴና፤ ጊዶ አቲን ኢንቴ ቱማ ኤሪዛ ጊሺኔ ቱማ ጋርሳፊ አይኮ ዎርዶይካ ቤቶንታይሳ ኢንቴ ኤሪዛ ጊሻሳ።

22 ዩሱሳ ኢዚ ኪርስቶሳ ጊዴና ጊ ካዲዛዴፊ ሃራ ዎርዳንቻይ ኦኔ? ሄሳዴይ አዋኔ ናዛ ካዲዛ ኪርስቶሳራ ኤቁቲዛዴ። 23 ናዛ ካዲዛዴስ ኦናሲካ አዋይ ዴና፤ ናዛ ኤኪዛዴስ ኡባስ ኢዛስ አዋይካ ዴስ።

24 ኢንቴ ኮይሮ ሲዱዳ ቃላይ ኢንቴናን ዱ፤ ኢንቴ ኮይሮ ሲዱዳራ ኢንቴናን ዲኮ ኢንቴካ ናዛይ አዋን ዳና። 25 ሜርና ዴይይ ኢዚ ኑስ ኢማና ጊዳ ሂዶታ ቃላ።

26 ኢንቴና ባሌሲዛ አሳታ ጊሽ ሃይሳ ኢንቴስ ገፋዲስ። 27 ኢንቴ ቃሴ ኢዛፕ ኤኪዳ ያሎ አያናይ ኢንቴናን ዲዛ ጊሽ ሃራይ ኦኒካ ኢንቴና ታማርሳናስ ቤሴና። ኢዚ ኢንቴና ታማርሳናይሲ ቱሙ አቲን ዎርዶ ጊዴና፤ ሄሳ ጊሽ ያሎ አያናይ ኢንቴና ታማርሲዳ ማላ ኪርስቶሳን ዴዲቴ። 28 ሄሳ ጊሽ ናይቶ! ኢዚ ቆንጨዛ ዎዴ ኑስ ገላቴሲ ዳና ማላ ኢዚ ዩዛ ዎዴካ ኑ ኢዛ ሲንሳን ዩሌቶንታ ማላ ኢንቴ ኢዛን ዴዲቴ። 29 ኢዚ ያሎ ጊዲዳይሳ ኢንቴ ኤሪዛ ጊዲኮ ያሎ ኦሲዛይ ወሪ ኢዛፕ ዩሌቲዳይሳ ኢንቴ ኤሬታ።

3

**ያሳ ናይታ**

1 ኑኒ ያሳ ናይታ ጌቴታና ማላ አዋይ ዳርሲ ሲቁዳ ኢዛ ሲቆይ ኑስ አይ ማላ ጊታኮኔ ኦኔ ቤዩቲ! ቱሙካ ኑ ኢዛ ናይታ። አላሜይ ኑና ኤርንታ አጊዳይ ኢዛ ኤርንታ አጊዳ ጊሻሳ። 2 ታ ኢሻቶ! ኑኒ ሃዲ ሃይሳ ናይታ፤ ቡሮ ኑ አይ ሃናናኮኔ ሃዲ ቆንጨቤና፤ ኪርስቶሲ ቆንጨዛ ዎዴ ኑ ኢዛ ቤያናኔ ኑካ ኢዛ ሚሳታናይሳ ኑ ኤርስ። 3 ሃይሳ ኢዛን ሂዶታ ኦሲዛይ ወሪ ኢዚ ጊሽ ጊዲዳ ማላ ባና ጊሼስ።

4 ናጋራ ኦሲዛይ ወሪካ ማካላ ኦሴስ፤ ናጋራይካ ማካላ። 5 ኢዚ ናጋራ ዳይሳናስ ቆንጨዳይሳ ኢንቴ ኤሬታ። ኢዛን ናጋራይ ባዋ። \* 6 ኢዛን ዲዛ አሲ ኦኒካ ናጋራ ኦሴና። ናጋራ ኦሲዛዴይ ኦኒካ ጊዲኮ ኢዛ ቤይቤና ዎይኮ ኤሪቤና።

7 ታ ናይቶ! ኢንቴና ኦኒካ ባሌሶንታ ማላ ናጌቴቲ። ኢዚ ያሎ ጊዲዳ ማላ ያሎ ኦሲዛዴይካ ያሎ። 8 ናጋራ ኦሲዛይ ገላዔ፤ ጋሶይካ ገላዔይ ኮይሮፕካ ናጋራ ኦሲዛዴ። ያሳ ናይ ቆንጨዳይካ ገላዔ አሶ ላላናሳ።

9 ያሳፊ ዩሌቲዳይ ወሪ ናጋራ ኦሴና። ያሳ ዜሬሲ ኢዛን ዲዛ ጊሺኔ ኢዚ ያሳፊ ዩሌቲዳ ጊሽ ናጋራ ኦሳና ዳንዳዩና። 10 ያሳ ናይቲኔ ገላዔ ናይቲ ሻኬቲ ኤሬቴዛይ ሄሳና። ያሎ ኦሶንታይኔ ባ ኢሻ ሲቆንታይ ወሪ ያሳፊ ጊዴና።

**ኢንቴ ኢሶይ ኢሳራ ሲቁቲቲ**

11 ኢንቴ ኮይሮ ሲዱዳራ “ኑ ኑ ጋርሳን ሲቁታና ቤሴስ” ጌቴቲዳ ኪታያ ሃና። \* 12 ኢታ ባጋ ጊዲዳ ባ ኢሻ ዎዲዳ ቃዩሌ ማላ ጊዶፐቲ። ኢዚ ኣዛስ ዎዲዴ? ጋሶይካ ኢዛ ኦሶይ ኢታ፤ ኢሻ ኦሶይ ሎዎ ጊዲዳ ጊሻሳ። \*

\* 3:5 ዮሃ 1:29 \* 3:11 ዮሃ 13:34 \* 3:12 ሜዴ 4:8

13 ታ ኢሻቶ! ኢንቴና አላሜ አሳይ ኢጊኮ ማላሌቶፍቱ። 14 ኑኒ ኑ ኢሻታ ዶሲዛ ጊሽ ሃይቆፕ ጌዴ ዴፖን ፕኒዳይሳ ኑ ኤርስ። ሲቆይ ባይንዳዴይ ወሪ ሃይቆ ጊዶን ዴስ። \* 15 ባ ኢሻ ኢጊዛዴይ ሽምፖ ምዲዳ አሳ። ሽምፖ ምዲዳዴስ ሜርና ዴይ ባይንዳይሳ ኢንቴ ኤሬታ። 16 ዮሱስ ኪርስቶሲ ባ ሽምፖ ኑ ጊሽ አሲ ኢሚዳ ጊሽ ሲቆይ አዛኮኔ ኑ ሄሳን ኤርስ። ኑካ ኑ ሽምፖ ኑ ኢሻታ ጊሽ አሲ ኢማናስ ኑስ ቤሴስ። 17 ሚሺ ዲዛዴይ አኒካ ባ ኢሻይ ዋዮቲሺን ቤዱዲ ኢዛስ ሚሽቶንታ አጊኮ ያሳ ሲቆይ ኢዛን ዋኒ ዳኔ? 18 ታ ናይቶ! ቱሙ አሶንፕ አቲን ሮ ዱናኒኔ ቃሳን ሃላላ ሲቁቴስ አኔ አጎስ።

19 ኑኒ ቱሙ ባጋ ጊዲዳይሳ ሃይሳን ኤርሲኔ ኑ ምዝናካ ኢዛ ሲንሳን ሽምፕሶስ። 20 ሄሲካ ኑ ምዝናይ ኑ ቦላ ፕርዲዛ ሚሻን ኡባን ያሲ ኑ ምዝና ቆፋፕ ቦላራ ጊዲዳ ጊሽ ኢዚ ወርሲ ኤሬስ። 21 ታ ኢሻቶ! ኑ ምዝናይ ኑ ቦላ ፕርዶንታ አጊኮ ኑስ ያሳ ሲንሳን ባቢዛ ሚሺ ዴና። 22 ኑ አዛዞታ ናጊዛ ጊሺኔ ኢዛ ኡፋይሲዛዝ አሲዛ ጊሽ ኑ ኢዛ ያሲዛዝ ወርሲ ኑ ኢዛፕ ኤካና። 23 ኢዛ አዛዞይካ ኑ ኢዛ ናዛ ዮሱስ ኪርስቶሳ አማናሲኔ ኢዚ ኑና አዛዚዳ ማላ ኑኒ ኑ ጊዶን ዶሴታና ማላሳ። \* 24 ኢዛ አዛዞታ ናጊዛይቲ ወሪ ኢዛን ዴቴስ፤ ኢዚካ ኢስታን ዴስ። ኢዚ ኑናን ዲዛይሳ ኑ ኢዚ ኑስ ኢሚዳ አያናን ኤርስ።

4

አያና ፓጩ ያሊቱ

1 ታ ኢሻቶ! አያና ወርሲ አማኖፕቱ፤ ጊዶ አቲን አያናቲ ያሳፊኮኔ ፓጩ ቤይቱ። ጋሶይካ ዳሮ ምርዶ ናቤቲ ቢታ ቦላ ላሌቲዳ። 2 ኢንቴ ያሳ አያና ኤራና ኦጌይ “ዮሱስ ኪርስቶሲ አሳ አሾ ማይዲዲ ዩዴስ” ጊዛ አያናይ ወሪ ያሳፊኮ! 3 “ዮሱስ ኪርስቶሲ አሳ አሾ ማይዲዲ ዩዴስ” ጎንታ አያናይ ያሳፊ ጊዴና፤ ካሴ ኢዚ ያና ጊሺን ኢንቴ ሲዩዳ ኪርስቶሳራ ኤቁቲዛ አያናይ ሄሳ፤ ሃሲካ ኢዚ አላሜ ቦላ ዴስ።

4 ታ ናይቶ! ኢንቴ ያሳይታ። ኢንቴ ኢስታ ያኒዴታ፤ ጋሶይካ ኢንቴናን ዲዛይ አላሜን ዲዛይሳፊ አዴስ። 5 ኢስቲ አላሜ ባጋኮ፤ ሄሳ ጊሽ ኢስቲ ሃሳዩዛይ ወሪ አላሜፕ ኬዚዛይሳ፤ አላሜ አሳይ ኢስቲ ጊዛይሳ ሲዩስ። 6 ኑ ቃሴ ያሳ ባጋ፤ ያሴ ኤሪዛይ ኑ ጊዛዝ ሲያና ሺን ያሳ ባጋ ጊዶንታዴይ ጊዲኮ ኑ ጊዛዝ ሲዩና። ቱማ አያናኔ ምርዶ አያና ኑ ሻኪ ኤሪዛይ ሃይሳና።

ያሳ ሲቆ

7 ታ ኢሻቶ! ሲቆይ ያሳፊ ጊዲዳ ጊሽ ኑኒ አኔ ሲቁቶስ። አሳ ሲቁዛ አሲ ወሪ ያሳፊ ዮሌቲዳዴይ ያሴ ኤሪዛዴይ። 8 አስ ሲቆንታ አሲ ያሴ ኤራና። አዛስ ጊኮ ያሲ ሲቆ። 9 ያሳይ ኑ ጊዶን ባ ሲቆ ቆንጨሲዳይ ኑ ኢዛ ባጋራ ዴይ ዴፖ ማላ ባ ና ኢሲኔዛ ሃ ዱጌ ሃ አላሜዝን ዩዲዳይሳና። 10 ኑኒ ያሴ ሲቁቤይኮ ሺን ኢዚ ኑና ሲቁዴስ። ኑ ናጋራ ዳይሳና ማላ ባ ናዛ ዮዲዴስ። ሲቆ ጉሲካ ሄሳ።

11 ታ ኢሻቶ! ያሲ ኑና ሃይሳሳ ሲቁኮ ኑካ ኑ ጊዶን ሲቁታናስ ቤሴስ። 12 ያሴ ቤዩዳ አሲ አኒካ ባዋ። ኑኒ ኑ ጊዶን ሲቁቲዛ ጊዲኮ ያሲ ኑናን ዳና። ኢዛ ሲቆይካ ኑናን ፖሌታና። \*

13 ኢዚ ኑስ ባ አያና ኢሚዳ ጊሽ ኑ ኢዛን ዲዛይሳኔ ኢዚካ ኑናን ዲዛይሳ ኑ ሄሳን ኤርስ። 14 አዋይ ባ ናዛ ሃይሳ ሃ አላሜ አሳ አሻናስ ዩዲዳይሳ ኑ ቤይዶሲኔ ኢዛ ጊሽ ማርካቶስ። 15 ዮሱሲ ያሳ ና ጊዲዳይሳ አማኒዲ ማርካቲዛ ኡባን ያሲ ዴሲኔ፤ ኢዛዴይካ ያሳን ዴስ። 16 ሄሳ ጊሽ ያሲ ኑና ሲቁዛ ሲቆ ኑ ኤርስ። ኑ ኢዛ ሲቆን አማኔቶስ። ያሲ ሲቆ። ሲቆን ዲዛዴይ ያሳን ዴስ። ያሲካ ሄሳዴን ዴስ። 17 ኑኒ ሃይሳ ቢታ ቦላ ዴዲዛይ ኪርስቶሲ ዴዲዳ ማላ ጊዲዳ ጊሽ ኑስ ፕርዳ ጋላስ ባቦይ ዴና። ሄሳንካ ሲቆይ ኑናን ኩሜስ ጊዴስ። 18 ሲቆ ጊዶን ባቦይ ባዋ፤ ቱሙ ሲቆይ ጊዲኮ ባቦ ኬሲ ምራ ዩጌስ። ባቦይ ቁፃቴራ ኢሲፊ አይኬቲ ዴስ። ባቢዛዴ ሲቆይ ኩሜስ ጊዴና።

19 ኢዚ ካሴቲዲ ኑና ሲቁዳ ጊሽ ኑካ ኢዛ ሲቆስ። 20 አኒካ ያሴ ሲቃይስ ጊሺ ባ ኢሻ ኢጊኮ ሄሳዴይ ምርዶ። ባ አይፊራ ቤዩዛ ባ ኢሻ ሲቆንታ አሲ ባ አይፊን ቤዮንታ ያሳ ሲቃናስ ዳንዳዮና። 21 “ዮሴ ሲቁዛ አሲ ወሪካ ባ ኢሻ ሲቃናስ ቤሴስ” ጊዛ ሃ አዛዛዛ ኢዚ ኑስ ኢሚዴስ።

5

ያሳ ናን አማኖ

1 ዮሱሲ ኢዚ ኪርስቶሳ ጊዲዳይሳ አማኒዛይ ወሪ ያሳፊ ዮሌቲዴስ። አዋ ዶሲዛይ ወሪ ናዛካ ኢዛሳ ዶሴስ። 2 ኑኒ ያሴ ዶሲኮኔ ኢዛ አዛዞ ናጊኮ ኑ ያሳ ናይታ ሲቁዛይሳ ሄሳን ኤርስ። 3 ያሳ ዶሶ ጉሲ ኢዛ አዛዞ ናጎ፤ ኢዛ አዛዞቲ ዴይ ጊዴቴና። 4 ጋሶይካ ያሳፊ ዮሌቲዳይ ወሪ አላሜ ያኔስ። አላሜ ያኒዛይካ ኑ አማኖ። 5 ዮሱሲ ያሳ ና ጊዲዳይሳ አማኒዛዴፊ አቲን አላሜ ያኒዛይ ሃራይ ኦኔ? 6 ሃሳኒኔ ሱሳን ዩዳይ ሃይሳ ዮሱስ ኪርስቶሳ። ኢዚ ሃሳኒኔ ሱሳን ዩዴስ አቲን ሃሳን ሃላ ዩቤና። ሄሳካ ኢዛ ጊሽ ማርካቲዛይ አያና። ሄ አያናይ ቱሙ አያና። 7 ሄሳ ጊሽ ኢዛስ ሄዥ ማርካቲ ዴቴስ። 8 ሄይቲካ አያና፤ ሃሴኔ ሱሳ፤ ሄዥታ ቃላይካ ኢሲና። 9 ኑ አሳ ማርካቲስ አማኒኮ ያሳ ማርካቲሲ ሄሳፊ አዴስ። ሄሲካ ኢዚ ባ ናዛ ጊሽ ኢሚዳ ያሳ ማርካቲሳ። 10 ያሳ ናን አማኒዛዴ ኡባ ምዝናን ኢዛ ጊሽ ማርካይ ዴስ። ያሴ አማኖንታይ ወሪካ ያሲ ባ ናዛ ጊሽ ኢሚዳ ማርካቲሳ አማኖንታ ጊሽ ኢዛ ምርዶሴስ።

11 ኢዛ ማርካቲሳይካ ያሲ ሜርና ዴይ ኑስ ኢሚዴስ፤ ሄ ዴይዳካ ኢዛ ናዛን ዴስ ጊዛይሳ። \* 12 ናዚ ዲዛዴስ ዴይዳ ዴስ፤ ያሳ ናይ ባይንዳዴስ ዴይዳ ባዋ።

\* 3:14 ዮሃ 5:24 \* 3:23 ዮሃ 13:34፤ 15:12፤17 \* 4:12 ዮሃ 1:18 \* 5:11 ዮሃ 3:36

**ኩሻ ቆፋ**

<sup>13</sup> ኢንቴስ ሆላ ናን አማኒዛይታስ ሜርና ዴዎይ ዲዛይሳ ኢንቴ ኤራና ማላ ታ ሃይሳ ኢንቴስ ሃፋይስ። <sup>14</sup> ኑ ሆላ ሲንላ ሺቃናስ ኑስ ዲዛ ሃላቴላ ሃይሳ። ኑ አይ ሚሺካ ኢዛ ሽኔ ማላ ዎሲኮ ኢዚ ኑ ዎላ ሲያና። <sup>15</sup> ኑ ኢዛ ዎሲዛ ሚሽ ኢዚ ወርሲ ሲዩዛይሳ ኑ ኤሪዛ ጊዲኮ ኑ ዎሲዳ ሚሻ ወርሲ ኤካናይሳ ኑ ኤሮስ።

<sup>16</sup> አኒካ ባ ኢሻይ ባና ሃይቆስ ጋሶንታ ናጋራ አሲሺን ቤዩኮ ኢዛስ ዎሶ። ሆሲካ ሃይቆስ ጋሶንታ ናጋራ አሲዳይታስ ዴዎ ኢማና። ሃይቆስ ጋሲዛ ናጋራይካ ዴስ። ሃይቆስ ጋሲዛ ናጋራ ጊሽ ዎሶ ጊኬ። <sup>17</sup> ማካላይ ወሪካ ናጋራ፤ ሃይቆስ ጋሶንታ ናጋራይካ ዴስ።

<sup>18</sup> ሆላፌ ዩሎቲዳይ ወሪ ናጋራ አሴና፤ ጋሶይካ ሆላ ናይ ኢዛ ናጊዛይሳኔ ኢታይ ኢዛ ቦቾንታይሳ ኑ ኤሮስ።

<sup>19</sup> ኑኒ ሆላፌ ጊዲዳይሳኔ አላሜይ ኩሜስ ኢታ አሳ ኩሺን ዲዛይሳ ኑ ኤሮስ።

<sup>20</sup> ሆላ ናይ ዩዳይሳ ቱሙ ጊዲዳ ኢዛ ኑ ኤራና ማላ አኬካ ኢዚ ኑስ ኢሚዳይሳ ኑ ኤሮስ። ኑካ ቱሙ ጊዲዳ ኢዛ ናዛ ዩሱስ ኪርስቶስን ዶስ፤ ኢዚካ ቱሙ ሆላን ሜርና ዴዎ።

<sup>21</sup> ናይቶ! ኢንቴናቴላ ኤቃታፔ ናጊቴ።

### ዮሃንሳ ገጠና ስምዖንን ከታ ጊዶ ቆፋ

ስምዖንን ከታዘ ገጠናዳይ ጨማ ጊዳዳ ሃዋሬ ዮሃንሳን ጊዳሺን ከታዘ ገጠናዳይ ኢሲ ዶሬቲዳ ጎዳቲይሲኔ ኢዚ ናይታሳ። ኦኔ ኤሪዛይ ኢሲ ዎሳ ኬሳን ዲዛ አማኒዛይታስ ገጠናታን አገና። ሃይሲ ሃ ቃንሳ ከታዘ ገጠናዳይ አሳይ ባ ጋርሳን ኢሶይ ኢሳራ ሲቁታና ማላ ቆሬሳናሲኔ ዎርዶ አስታማሬታፕ ኢስታ ቲሚርቴፊካ አሳይ ናጌታና ማላሳ።

- ሃ ማገፋይ አይኪዳ ኩሜሳ ቆፋ
- ጌሎሶ 1-3
- ሲቆይ ኡባሬ አዴስ 4-6
- ዎርዶ ቲሚርቴፊ ናጌታና ማላ ቆሬሶ 7-11
- ኩሻ ቆፋ 12-13

1 ታፕ ጨማዛ፤ ቱማፕ ታ ዶሲዛ ዶሬቲዳ ጎዳቲይሲኔ ኢዚ ናይታስ፤ ታና ገላ ጊዶንታ ቱሙ ኤሪዛይቲ ዉሪ ዶሲዛሪስ ከቴቲዳ ከታ። \* 2 ጋሶይካ ሃይሲ ቱማይ ሃዲካ ኑ ጊዶን ዲዛይሳኔ ሲንሳሬካ ሚርናስ ዳናይሳ።

3 ዎሳ አዋፕኔ ኢዛ ና ዮሱስ ከርስቶሳፕ ከያቲሲ፤ ማሮቴሲኔ ሳርይ ቱማኒኔ ሲቆን ኑናራ ጊዶ። 4 ኔ ናይታፕ ባጋቲ አዋፕ ኑስ ኢሜቲዳ አዛዞዛ ማላ ቱማን ሚኒ ዲዛይታ ታ ቤዬዳ ጊሽ ዳሮ ኡፋዬታዲስ። 5 ሃዲካ ጎዳቲዬ! ካሴፕካ ዲዛሮ አቲን ታ ኔስ ሃራ አራሳ አዛዞ ገሬኬ፤ ሄሲካ ኑኒ ኑ ጊዶን ሲቁታናይሳ። \* 6 ሄ ሲቆይካ ኑ ኢዛ አዛዞዛ ማላ ዳናይሳ። አዛዞዚካ ኢንቴ ኮይሮ ሲዬዳ ማላ ሲቆን ዳና ማላ።

7 ዮሱስ ከርስቶሲ አሳ አሾ ማይዲዲ ዩቤና ጊዛ አማኖንታ ዳሮ ባሌሲዛይቲ አላሜ ቦላ ላሌቲዳ። ሄይታ ማላይ አይ አሲካ አስ ባሌሲዛይኔ ከርስቶሳራ ኤቁቲዛዴ። 8 ኢንቴ ጊዳኮ ኢንቴ ዳቡራ ዋጋፕ ሜላ አቶንታ ማላኔ ኩሜሳ ዎይቶ ኤካና ማላ ኢንቴ ሁዲስ ናጌቲ። 9 ከርስቶሳ ቲሚርቴ ማላ ዶንታ አሲኔ ኢዛ ቲሚርቴፊ ባሌቲዲ ካሬ ኬዚዛ አስ አናንካ ዎሲ ዴና። ከርስቶሳ ቲሚርቴን ዲዛዴይ ጊዳኮ ኢዛስ አዋይኔ አዋ ናይ ዴቴስ። 10 አኒካ ኢንቴኮ ዩሼ ሄሳ ሄ ቲሚርቴዛ ኤኪ ዮንታ አስ ሞኪ ኤኮፍቴኔ ሳሮካ ጎፒ። 11 ሞኪ ኤኪዲ ባሶ ጌልሲዛዴይ ሄሳይ አሶን ኢዛራ ኢሲኖ ጊዴስ።

#### ዉርሴሳ ሳሮካ

12 ታ ኢንቴስ ገፋናስ ኮዩዛ ዳሮ ሚሺ ዴሲሺን ዋራቃታኒኔ ቃላሜን ገፋና ማላ ኮይኬ። ጊዳኮካ ኑ ኡፋይሳይ ኩሜስ ጊዳና ማላ ታ ኢንቴኮ ባዳ ኢንቴ ሲንሳን ኢንቴናራ ሃሳያናስ ሂዶታ አሳይስ። 13 ዶሬቲዳ ኔ ሚፔይ ናይቲ ኔና ሳሮ ጌቴስ።

\* 1:1 ጎዳቲይሲኔ ኢዚ ናይታስ ዎሳ ኬሳን ዲዛ አባሌታ (አማኒዛ አሳ) ቤሴስ። ፓይዶ 4-5 ያላ። \* 1:5 ዮሃ 13:34፤ 15:12፤ 17



### ዮሃንሳ ገጠና ሄቫንሳ ኪታ ጊዶ ቆፋ

ሄቫንሳ ኪታዚካ ገጠናዳይ “ጩማ ጊዳዳ ሃዋሪ ዮሃንሳፕ” ጊሺን ሄ ኪታዚ ኢሲ ዎሳ ኬሳ ካሌሲዛ ጋዩዮሳ ጌቴቴዛዴሳ። ጋዩዮሲ ሃንኮ አማኒዛይታ ማዲዳ ጊሽ ገጠዚ ጋላቴስ። ሃራ ባጋራ ቃስ ዲዮትራፌሴ ጌቴቴዛዴ ኢሲ ኢታ አሳፕ ናጌታና ማላ ቆፊሴስ። ጋሶይካ ኢዚ ዎሳ ኬሳ ቦላ አቶሬቴሳፌ ዴንዲዳይሳን ዳና ጊዳና ኮይዛ ጊሻሳ።

- ፕ ማግፋይ አይኪዳ ኩሜሳ ቆፋ
- ጌሎሶ 1-4
- ጋዩዮሳስ ኢሜቴዳ ጋላታ 5-8
- ዲዮዊሮሳስ ሺቂዳ ዋላሴ 9-10
- ዲሜዊሮሳስ ኢሜቴዳ ቃላታ 11-12
- ኩሻ ቆፋ 13-15

1 ታፕ ጩማዛፕ ቱማፕ ታ ሲቂዛ ታ ሲቆ ላጌ ጋዩዮሳስ። \*

2 ታ ኢሻዞ! ኔ ሽምፖይ ሎዎን ዲዛ ማላ ኔ አሳቴሳይ ሎዎ ዳና ማላኔ ኔ አሲዛዚ ወሪካ ኔስ ጊጋ ጊዳና ማላ ታ ኔስ ዎሳይስ። 3 ኔ ቱማስ አማኒቴዳዴ ጊዳዳ ማላ ቃሴካ ኔ ሃኖይ ወሪ ቱሙ ጊዳዳይሳ ኢሲ ኢሲ አማኒዛ አሳቲ ታኮ ዩዲ ኔ ጊሽ ዮቴን ሲያዳ ታ ዳሮ ኡፋዩታዲስ። 4 ጋሶይካ ታ ናይቴ ሎዎኔ ቱማን ሲሜሬቴሺን ሲሳፌ አዲዛ ሃራ ኡፋይሲ ታስ ዴና።

#### ጋዩዮሳስ ኢሜቴዳ ሎዎ ማርካቴስ

5 ታ ኢሻዞ! ኢስቲ ኔስ ኢማስ ጊዳኮካ ኔኔ ኔ ኢሻታስ አሲዳ ሚሽ ኡባን አማኒታዳሳ። 6 ኔ ቦላ አይ ማላ ሲቆይ ዲዛኮኔ ኢስቲ ኔ ጊሽ ዎሳ ኬሳ አሳ ሲንሳን ማርካቴዳ። ኢስቲ ቢዛ አጌን ዎሴ ኡፋይሲዛ ሃኖን ኔ ኢስታ ማዲኮ ሎዎ አሳሳ። 7 አይሲ ጊኮ ኢስቲ ዎሳ አማኖንታይታፕ አይኮካ ኤኮንታ ኪርስቶሳ ሱንሳ ጊሽ ሜላ ኬዚዳ። 8 ሄሳ ጊሽ ኑ ኢሲፌ ቱማስ አሳና ማላ ሄይታንታ ማላታ ሞኪ ኤካናስ ቤሴስ።

9 ታ ዎሳ ኬሳስ ሃይሳፌ ካሴ ገፋዲስ። ጊዶ አቲን ካሌሲዛዴ ጊዳና ኮይዛ ዲዮዊራዎሲ ኑ ጊዛዝ ኤኬና። 10 ሄሳ ጊሽ፣ ታ ሄ ቢኮ ኢዚ ባ ኢታ ቃላን ኑ ሱንስ ሞራናስ አሲዳይሳ ታ ኢንቴስ ቆንጩሳና። ሄሲካ ኢዛስ ጊዶንታ ኢዲን አማኒዛ አሳ ሞኪ ኤኬና፤ ሞኪ ኤካና ኮይዛይታካ ዲጌሲኔ ዎሳ ኬሳፌ ኬሲ ጎዴስ።

11 ታ ኢሻዞ! ሎዎታ ሚሳታ አቲን ኢታ አሳታ ሚሳቶፓ። ሎዎ አሲዛዴይ ወሪካ ዎሳ አሳ። ኢታ አሲዛዴይ ቃሴ ዎሴ ቤይቤና። 12 ዲሜዊሮሳስ አሲ ወሪ ሎዎ ማርካቴስ። ቱማይካ ኢዛስ ማርካታወስ። ኑካ ኢዛስ ማርካቶስ፤ ኢንቴካ ኑ ማርካይ ቱሙ ጊዳዳይሳ ኤሬታ።

#### ወርሴሳ ሳሮካ

13 ታ ኔስ ገፋና ቡሮ ዳሮ ዮዎይ ዴስ ሺን ታ ኔስ ዋራቃታን ገፋናስ ኮይኬ። 14 ታ ኔና ማታ ዎዴ ቤያናስ ሂዶታ አሳይስ፤ ሄ ዎዴ ኑ ኢሲፌ ኡቴ ሃሳያና።

15 አኔ ሳሮን ዳ፤ ኔ ላጌቲ ኔና ሳሮ ሳሮ ጌቴስ፤ ታ ላጌታ ሱንሳን ሱንሳን ያይጋዳ ሳሮ ጋ።

\* 1:1 ሃዋ 19:29፤ አሮ 16:23-24፤ 1ቆሮ 1:14

### ዩሁዳይ ገሬዳ ኪታ ጊዶ ቆፋ

ዩሁዳ ኪታይ ገሬቲዳይ አማኒዳይታስ ጊዶንታ አማኒዳ አሲ ሚሳቲዳ ዎርዶ ቲሚርቲ ቢታ ጋሲዛ አሳታፎ አማኒዳይቲ ናጊታና ማላሳ። ናምዓንታ ጸፅሮሳ ኪታ ሚሳቲዳ ሃይሳ ሃ ቃንሳ ኪታዛን ገሬዚ “ዶሳይ ዛሬ ናምዓንታንታ ማላ ባ ደሬዛስ ኢሲቶ ኢሚዳ አማኖ ጊሽ አሳይ ሚኒ አሌታና ማላ” ናባቢዳይታ ሎዔሲ ቆፊሴስ።

ሃ ማግፋይ አይኪዳ ኩሜሳ ቆፋ  
ጌሎሶ 1-2  
ዎርዶ አስታማሬታ ቲሚርቲ፣ ሃኖኔ ኩንዴስ 3-16  
አማኒዳይቲ ባ አማኖ ናጋና ማላ ኢሜቲዳ ዞሬ 17-23  
ወርሴሳ አንጆ 24-25

1 ዩሱስ ኪርስቶሳስ አሲዛ ያቆቤ ኢሻ ዩሁዳ፣ ኢንቴስ ሄይጌቲዳይታስ፣ ዶሲ አዋይ ሲቂዳይታሲኔ ዩሱስ ኪርስቶሲ ናጊዳይታስ ኡባታስ፤ \* 2 ማሮቲሲ፣ ሳሮቲሲኔ ሲቆይ ኢንቴስ ዳር።

#### ዎርዶ አስታማሬታ

3 ታ ሲቆቶ! ኑ ኢሲፊ አቲዳ አቶቲሳ ጊሽ ታ ኢንቴስ ገፋናስ ዳር ኮያዲሲሺን ሃሲ ቃሴ ናምዓንታንታ ኢሲቶ ዶሲ አሳስ ኢሚዳ አማኖ ጊሽ ኢንቴ ዳር ባይታና ማላ ታ ኢንቴና ዞራይስ። ታ ኢንቴስ ገፋናስ ታስ ቶሆ ጊዳይስ። 4 ኢስታ ቦላ ፐርዴታናይስ ዳር ዎዴፎ ካሴ ኢስታ ጊሽ ገሬቲዳ አሳቲ ኢንቴኮ ካልዲ ጌሊዳ። ሄይታንቲ ዶሴ ኤሮንታይታ፤ ኑ ጎዳ ኪያቲሳ ሮሜ ሚላ ላሚዳይታኔ ዶሳ ጎይኖንታይታ። ኢዚ ባርካ ኑና ሃሪዳይሳኔ ኑስ ጎዳ ጊዳይ ዩሱስ ኪርስቶሳስ ካይቲስ።

5 ኢንቴ ሄሳ ኡባካ ካሴቲ ኤሪኮካ ጎዳይ ባ ደሬዛ ጊባዌፎ ኪሲዲ አሺዳይሳኔ ሃኑኮ አማኖንታይታ ጉዩፎ ዳይሲዳይሳ ታ ኢንቴና አኪኪሳና ኮያይስ። \* 6 ሄሳሶካ ባ ቦንቾ ናንታ ኢዲዲ ባ ዲዛሶ ዩዲዳ ኪታንቻታ ኢንቴ ዩሺ ቆጋና ማላ፤ ዶሲ ኢስታ ጊታ ፐርዳ ጋላስ ጋካናስ ሜርና ቃሾስ ጊርድ ጊዳ ዱማን ናጊ ዎሲዴስ። 7 ሄሳሶካ ሶዶሜይኔ ጋሞራይ ቃሴካ ኢስታ ሄራን ዲዛ ካታማቲካ ላይማቲዳኔ ሳሎ ሜዴቴሳታራ ላይማታናስ አሞቲዳ። ሄሳ ጊሽ ኢስቲ ሜርና ታማን ፀ-ጊታናይታስ ሴሚሶ ጊዳዳ። \*\*

8 ሄሳሶካ ሄይቲ ሄ አሳቲ ባርካ ባ አጉሞ ካሊዲ ባርካ ባ አሾ ቱኒሴቲስ። ባፎ ቦላራ ዲዛይታስ አዛዜቲቲና። ኢስቲ ሳሎን ቦንቾራ ዲዛይታካ ጫዩቲስ። 9 ሃራይ አቶሺን ሳሎ ኪታንቻታ ሃላቃይ ሚካሌይ ሙሴ አሾ ጊሽ ኢዛራ ፓላሜቲሽ “ኔና ጎዳይ ሃንቁቶ!” ጊዴስ አቲን ኢዛስ ጫሻ ቃላ ዛርቢና። \* 10 ሃይቲ አሳቲ ቃሴ ኢስታስ ኤራቶንታ ኢዲዳ ሚሽ ወርሲ ጫሽ ጫዩቲስ። አይኮካ ኤሮንታ ሜሄታ ማላ ሮሜ ሚላ ቆፐ ኤኪዳ ሚሽ ኢስታስ ዲኮ ኢስቲ ሄሳን ዳያና። 11 ኢስቲ ቃዩሌ አጌን ቢዳ ጊሽ ሚሻስ ጊዳ ባላግሜ ማላ ባላን ኩንዲዳ። ቃሴ ቆራይ ኤቁቲዳ ማላ ኢስቲካ ኤቁቲዳ ዳዩዳ ጊሽ ኢስታስ አዩ-አና! \*

12 ሃይቲ ሃ አሳቲ ዩላይ ባይንዳ ላይማ ሃኖራ ኢሲ ቦላ ኢንቴ ዲጊሴሶን ቤቲዛ ዎዴ ኢንቴስ ዱጵ ጊዴቲስ። ኢስቲ ባስ ገላላ ቆፎቲስ። ኢስቲ ጫርኮን ቢዛ ኢራይ ባይንዳ ሻራ ማላ። አይፌይ አይፊዛ ዎዴን አይፌይ ባይንዳ ገጵፎ ዱቃሌቲዲ ናምዑቶ ሜሊዳ ሚላ ማላ። 13 ኢስቲ ዩላቺዛ ባ አሶዛ ዎልቃማ አባ ዳምባላ ማላ ጎፖንቶ ሮሞፎ ሂስቲዳይታ። ጊርድ ጊዳ ዱማይ ኢስታ ሜርናስ ናጊዳይሳኔ ሮሜ ሚላ ዋዩቲዛ ያሊንቲታ ማላኮ!

14 አዳሜፎ ሃ ሲሚን ላፑንታ ዩሌቲስ ጊዳዳ ሄኖኪይ “ሄኮ ዶሲ ቆዳይ ባይንዳ ጌሻ ኪታንቻታራ አሳ ኡባ ቦላ ፐርዳናስ ያና። \* 15 ሄይታ ዶሳስ ጎይኖንታ አሳቲ አሲዳ ኢታ አሶ ጌዶን ኢስታ ኢዚ ቃያያና። አዳፌካ ዶሲ ሄይታ ባስ ጎይኖንታ ናጋራንቻታ ቦላ ኢስቲ ሃሳዩዳ ኢታ ሚሻታ ጊሽ ኢዚ ኢስታ ቦላ ፐርዳና” ጊዴስ።

16 ሄይቲ ሄ አሳቲ ኡባ ዎዴ ዙዙሜቲዳይታኔ አይ ሚሻንካ ኡፋዩቲ ኤሮንታይታ። ኢስቲ ባ ኢታ አሞ ካሊዳይታ፤ ኢስታ ዱናን አቶሬቲሳ ቃላይ ኩሚዴስ። ባስ ባ ጎዳ ኮዩሼ አስ አዳሼቲስ።

#### አኪኪሶ ዞሬ

17 ኢንቴ ታ ሲቆቶ! ኑ ጎዳ ዩሱስ ኪርስቶሳስ ሃሞራቲ ሃይሳፌ ካሴ ዮቲዳ ቃላ አኪኪቲ። 18 ኢስቲ “ዎዴ ወርሴሳን ዶሳ ሼኔፎ ሃኪዳይቲ ባርካ ባ ኢታ አሞ ካሊሼ አስ ቂዳይቲ ያና” ጊዳ ኢንቴስ ካሴ ዮቲ ዎሲዳ። \* 19 ሄይቲ አሳ ኢሳ ኢሳፌ ሻኪዳይታ፤ አሾ አሞቲስ ካሊዳይታኔ ኢስታን ጊሎ አያያና ባይንዳይታ። 20 ታ ኢሻቶ! ኢንቴ ቃሴ ኡባፌ ቦላራ ኢንቴ ጌሻ አማኖን ሚኒ ኤቁቲ፤ ጊሎ አያናንካ ሚኒ ዎሲቲ። 21 ኑ ጎዳ ዩሱስ ኪርስቶሲ ባ ማሮቲሳን ኢንቴና ሜርና ዴዎን ጋላናይሳ ናጊቲሼ ኢንቴናቲሳ ዶሳ ሲቆን ናጊቲ።

\* 1:1 ማቶ 13:55፤ ማር 6:3 \* 1:5 ኪሳ 12:51፤ ታይ 14:29-30 \* 1:7 ሶዶሜ አሳይ ሎዊኮ ዩዳ ኢማሳታራ ላይማታና ኮዩዳይሳ ቤሴስ። \* 1:7 ሜዴ 19:1-24 \* 1:9 ዳኔ 10:13፤21፤ 12:1፤ አጁ 12:7፤ ዛሬ 34:6፤ ዛክ 3:2 \* 1:11 ሜዴ 4:3-8፤ ታይ 22:1-35፤ 16:1-35 \* 1:14 ሜዴ 5:18፤21-24 \* 1:18 2ጴፅ 3:3

<sup>22</sup> ሲዲሼ ዲዛ አሳታስ ሚሼቲቴ፤ <sup>23</sup> ኢሲ ኢሲ አሳታ ታማፔ ኬሲ አሺቴ፤ ሃራታስ ያሻቴሳን ሚሼቲቴ ሺን ናጋራን ቱኒዳ ኢስታ አሳቴስ ቦቺዳ ማዮካ ወርሲ ኢዲቴ።

**ጋላታ ዎሳ**

<sup>24</sup> ኢንቴና ኩንዴሳፌ አሻናሲኔ ኢንቴና ዎሶይ ባይንዳይታ ሂስቲዲ ኡፋይሳን ባ ቦንቾ ሲንሲ ሺሻናስ ዳንዳዩዛይሳስ፤ <sup>25</sup> ኢዚ ሃላላ ኑስ ያሳኔ ዳሌ ጊዲዳ ጎዳ ዩሱስ ኪርስቶሳ ባጋራ ቤኒፔ ዶሚዲ ሃዲ ጋካናሲኔ ሜርናስካ ቦንቾይኔ ጊታቴስ፥ ዎልቃይኔ ጎዳቴሳ ኢዛስ ጊዶ። አሚን።

### ዮሀንሳ አጁታ ጊዶ ቆፋ

ዮሀንሳ አጁታይ ዓፌቲዳይ አማኒዛይቲ ዮሱስ ኪርስቶስ ኢስታስ ጎዳ ጊዲዳይሳ ኤሪዲ አማኒዳ ጊሽ ጎዴቴሲኔ ዋዬይ ኢስታ ቦላ ጋኪዳ ዎዴና። ዓፌዚ ማፃፋዛ ናባቢዛይቲ ባ ሂዶታ ቃንዎንታ ማላ ኢስታ ሚንፊላናሲኔ ቤና ጋኪዳ ጎዴቴላኒኔ ሜቶ ጋርሳን ኢስቲ ባ አማኖን ሚኒ ኤቃና ማላ ሚንፊላናሳ።

ሃ ማፃፋን ዳሪዛ ባጋይ ዳሮ ዱማ ዱማ አይኬቲ ዲዛ አጁታታ ኢሲ ቦላ ጋስ አይኪዴስ፤ አጁታቲካ ሄ ዎዴ ዲዛ አማኒዛ አሳይ ኤሪናስ ዳንዳዩዛዚ ጊዲሺን ሃንኮ አሳስ ቃስ ጌሎንታ ፀራ ጊዲዲ ሺቂዳ ሌሚሶ ማላን ሺቂዳ ዮዎኮ። ሺሪ ሺሪ ዮዲዛ ማላ ማፃፋዛስ ዋና ቆፋቲ ዱማ ዱማ አጁታታ ባጋራ ዱማ ዱማ ሜዳን ዛሬቲ ዛሬቲ ሺቂዳ። ሃ ማፃፋዛ ቢርሼሌ ዱማ ዱማ ጊዲኮካ ኢዛስ አይፌ ቆፋይ ቃስ ቆንጩ። ሄሲካ ያሲ ጎዳ ዮሱሳ ባጋራ ናምዓንጎይ ባይንዳ አጌራ ዓላዔራ ኢዛ ሞርኬታ ዉርሲ ያናና። ሄ ያዋዚካ ዉሪዳፕ ጉዬ ባስ አማኔቲዳ ባ ላጌታስ ኢዚ አራሳ ሳሎኔ አራሳ ቢታ አንጆ ላቲሳና ጊዛይሳ።

- ሃ ማፃፋይ አይኪዳ ኩሜሳ ቆፋ
- ጌሎሶ 1:1-8
- ኮይሮ ቤቲዳ አጁታ 1:9-20
- ላፑን ዎሳ ኬላታስ ዮዴቲዳ ኪታታ 2:1-3:22
- ማፃፋዛኔ ላፑን ማታሜታ 4:1-8:1
- ላፑን ፀሩምባታ 8:2-11:19
- ዳዌዛኔ ናምዑ ዶዓታ 12:1-13:18
- ዱማ ዱማ አጁታታ 14:1-15:8
- ዎሳ ሃንቆ ፀዓታ ላፑናታ 16:1-21
- ባቢሎኔ ኩንዴስ፣ ዶዓዛ ዎርዶ ናቤታኔ ዳቡሎሳ ዶኔቴስ 17:1-20:10
- ዉርሴላ ፒርዳ 20:11-15
- አራሳ ሳሎ፣ አራሳ ቢታኔ አራሳ ዮሩሳላሜ 21:1-22:5 ኩሻ ቆፋ 22:6-21

1 ሃይሲ አጁታዚ ማታ ዎዴ ቢታ ቦላ ሃናናይሳ ባስ አሲዛይታ ቤሳና ማላ ያሲ ዮሱስ ኪርስቶሳስ ኢሚዳይሳ። ዮሱስ ኪርስቶሲካ ባ ኪታንቻ ኪቲዲ ባ አሳንቻዛ ዮሀንሳስ ሃይሳ አጁታዛ ቆንጩሲዴስ።  
2 ዮሀንሲካ ዎሳ ቃላ ጊሺኔ ዮሱስ ኪርስቶሲ ታማርሲዳ ቱማ ጊሽ ቃሴካ ኢዚ ባ አይፌን ቤዩዳይሳካ ዉርሲ ማርካቲዴስ።  
3 ሃይሲ ዉሪካ ሃናናይ ማታ ዎዴን ጊዲዳ ጊሽ ሃይሳ ቲንቢቴ ቃላ ናባቢዛ አሲ አንጆቲዳዴ። ሄሳሳካ ቲንቢቴ ቃላ ሲዩዛይቲኔ ሃ ቲንቢቴ ቃላ ዓፌቲዳይሳ ፖሊ አሲዛይቲ ኢስቲ አንጆቲዳይታ።

#### ኢሲያን ዲዛ ላፑን ዎሳ ኬላታስ ኪቲቲዳ ሳሮካ

4-5 ኢሲያን ዲዛ ላፑን ዎሳ ኬላታስ ካሴካ ዲዛይሳፌ፣ ሃዲካ ዲዛይሳፌ፣ \* ቡሮካ ያና ዎሳፌ ኢዛ አልጋ ሲንሳን ዲዛ ላፑን አያናታፕ ሄሳሳካ ሃይቆፕ ዴንሳን ባይራ ጊዲዳይሳፌ፣ ሃ ቢታ ካዎታስ ካዎኔ አማኔቲዳ ማርካ ጊዲዳይሳፌ፣ ኑና ሲቂዛይሳፌኔ ባ ሱላን ኑና ኑ ናጋራፕ ጌሺዳ ዮሱስ ኪርስቶሳፕ ኪዮቴሲኔ ሳሮቴሲ ኢንቴስ ጊዶ። \* 6 ኑኔ ዮሱስ ኪርስቶሳ አዋ ዎሳስ አሳና ማላ ኑና ኢዚ ካዎታኔ ቁሴታ ኬሲዳ ዮሱስ ኪርስቶሳስ ቦንቾይኔ ዎልቃይ ሜርናፕ ሜርና ጋካናስ ኢዛስ ጊዶ! አሚን። \*

7 ሄኮ ኢዚ ሳሎፕ ሻራራ ጊታ ቦንቾራ ያና። ካሴ ኢዛ ጫዲ ዎዲዳይቲካ አቶንታ አሲ ዉሪካ ኢዛ ቤያና። ቢታ ቦላ ዲዛ ዴሬይካ ዉሪካ ኢዛ ጊሽ ዮካና። ሃይሲ ሃ ዮዎዚ ቱሙኮ! አሚን። \*

8 ካሴካ፣ ሃዲካ ዲዛይሲ ቡሮፕካ ያናይሲ ዉርሲ ዳንዳዩዛ ጎዳ ያሲ “አልፋይኔ አሜጋይ፣ ኮይሮይኔ ዉርሴሲ ታና” ጌስ። \*

#### ኪርስቶሲ አጁታን ቆንጩሺን

9 ታኒ ዮሱሳ ዋዬዛ ኢዛ ካዎቴሳ ቃሴካ ኢዛ ዳንዳዩን ኢንቴናራ ኢሲፌ ጊዲዳ ታ ኢንቴ ኢሻይ ዮሀንሲ ዎሳ ቃላኒኔ ዮሱሳስ ማርካቲዳ ጊሽ ቃሼታዳ ፊዒሞ ጌቴቲዛ አባ ጊዶን ዲዛ ዴሬ ዳሪን ዳይስ። 10 ታኒ ጎዳ ጋላስ ዒሎ አያናን ዲስኮ ማላ ሙ ሊጲጲ ጊሺን ዲንኬ ጊሪሳ ማላይ ጊታ ጊሪስ ታፕ ጉዮራ፣ 11 “ኒኒ ቤዩዳይሳ ዋራቃታን ዓፋዳ ላፑን ዎሳ ኬላታስ ሄይቲካ ኤፕሶኒስ፣ ሳሜርኔሴስ፣ ጴርጋሞኔስ፣ ቲያሊርኔስ፣ ሳርዴሴስ፣ ፒላዴልፊያሲኔ ሎዶቂያስ ዮዳ” ጊሺን ሲያዲስ።

12 ሄሳ ታስ አኒ ዮቲዳኮኔ ኤራና ጋዳ ታ ጉዬ ዮያ ዒሊዛ ዎዴ ዎምፕ ኢስታ ቦላ ዎሲዛ ዎርቃፌ አሴቲዳ ላፑን ባላታ ቤያዲስ። 13 ሄ ኢስታ ቦላ ዎምፕ ዎሲዛ ባላታ ጊዶን አሳ ና ሚሳቲዛዴ ዴማዲስ። ኢዚካ ሂርኪ ቶሆ ቂርጴ ጋኪዛ አዱሳ ማይዎ ማይዲዴስ፤ ቲራ ቦላካ ዎርቃ ማይዎ ማይዲዴስ። \* 14 ኢዛ ሁዔይኔ ኢዛ ሁዔ ቢናናይ ቃስ ቦላ ሻቾ ሚሳቲዛ ቦላ ሱፌ ጌቴቲዛ ካሳ

\* 1:4-5 ኪሳ 3:14፤ አጁ 4:5 \* 1:4-5 ኢሳ 55:4፤ ማዛ 89:27 \* 1:6 ኪሳ 19:6፤ አጁ 5:10 \* 1:7 ዳኔ 7:13፤ ማቶ 24:30፤ ማር 13:26፤ ሉቃ 21:27፤ 1ታሶ 4:17፤ ዛካ 12:10፤ ዮሃ 19:34፤ 37 \* 1:8 ኪሳ 3:14 \* 1:13 ዳኔ 7:13፤ 10:5



ማላ። ኢዛ አይፌሬቲካ ታማ ላጮ ሚሳቴቴስ። \* 15 ኢዛ ቶሆቲ ታማ ቦንቆን ቆዩቲ ኬዚዳ ገርቂማላ ሚሳቴቴስ። ኢዛ ቃላይካ ዎልቃማ ፒሳ ሃሴ ጊሪዛ ማላ ጊሬስ። \* 16 ኢዚ ባ ኡሻቻ ኩሼን ላፑን ያሊንቴታ አይኪዲ ኡቲዴስ። ኢዛ ዱናፔ ናምዑ ባጋራ ቃራ ማሻይ ኬዜስ። ኢዛ አይፌሬይ አዋ አርሼ ማላ ዎልቂቴስ።

17 ታኒ ሄሳ ቤያዳ ሃይቂዳ አስ ሚሳታዳ ኢዛ ቶሆ ጋርሳን ኩንዳዲስ። ኢዚ ቃስ ታ ቦላ ባ ኡሻቻ ኩሼ ዎሲዲ “ኔ ባቦፋ! ኮይሮይ ወርሴሲ ታና። \* 18 ታኒ ጋዓ ዳይስ። ካሴ ሃይቃዲስኮሺን ሄኮ ታኒ ሃይሳፌ ሜርናስ ጋዓ ዳና። ሃይቆ ቦላኔ ሲያሌ ቦላ ታኒ ጎዳ። 19 ሄሳ ጊሽ ኔኒ ቤዩዳይሳ ሃዲ ዲዛይሳኔ ጉዩፔ ሃናናይሳ ገፋ። 20 ኔኒ ታ ኡሻቻ ኩሼን ቤዩዳ ላፑን ያሊንቴታኔ ያምፔ ኢስታ ቦላ ዎሲዛ ዎርቃፌ አሴቲዳ ላፑን ባላታ ፀራይ ሄኮ ሃይሳ። ላፑን ያሊንቴቲ ላፑን ዎሳ ኬሳታ ኪታንቻታ። ያምፔ ኢስታ ቦላ ዎሲዛ ላፑን ዎርቃ ባላቲ ላፑን ዎሳ ኬሳታ።’

2

ኤፌሶን ዎሳ ኬሳ

1 “ኤፌሶን ዎሳ ኬሳ ኪታንቻስ ‘ሃይሲ ላፑን ያሊንቴታ ባ ኡሻቻ ኩሼን አይኪዳዴፌ ኢስታ ቦላ ያምፔ ዎሲዛ ላፑን ዎርቃ ባላታ ጊዶን ሲሜሬቲዛዴፌ ዮቴቲዴስ። 2 ታኒ ኔ አሶዛ፣ ዳፌቴሳኔ ዳንዳያካ ኤራይስ። ኔኒ ቃስ ኢታታ ዩጋ አዳናስ ዳንዳያንታይሳ ሃዎሬታ ጊዶንታ ዲሼ ባና ሃዎሬታ ጊዛይታካ ሻካዳ ኢስቲ ዎርዳንቻታ ጊዶይሳ ኔ ጋካ ዴሚዳይሳ ታ ኤራይስ። 3 ኔኒ ዳንዳያን ሚና ኤቂዳይሳኔ ታ ሱንሳ ጊሽ ሳሌቶንታ ኔ ዋዩ ቤዩዳይሳ ታ ኤራይስ። 4 ጊዲኮካ ታ ኔና ካዲዛ ኢሲ ሚሺ ዴስ። ሄሲካ ኔኒ ካሴ ኔ ሲቆዛ አጋዳሳ። 5 ኔኒ ካሴ አይ ማላ ዶቃሶን ዳሼ ሃዲ ቃስ ኔ ዋና ኩንዲዳኮኔ አኔ ዩሻ ቆጋዳ ማሮቴሳን ሲማ ጌላ። ኔ ካሴ አሲዛ ቤኒ ኔ አሶዛ ዛራ አሳ። ኔ ሄሳ ወርሳ ዛራ አሶንታ ኢዲኮ ታ ኔኮ ያና። ኔኒ ማሮቴሳን ጌሎንታ ኢዲኮ ኔ ያምፔ ኢዛ ቦላ ዎሲዛ ባላ ሄ ኢዚ ዲዛሶፔ ታ ዴንሳዩቻና። 6 ጊዶ አቲን ታ ኔና ጋላቲዛ ኢሲ ሚሺ ዴስ። ሄሲካ ታኒ ኢዲዛ ኒቆሳ ባጋ አሳ አሶ ኔካ ኢዳዳሳ።

7 “አያናይ ዎሳ ኬሳታስ ጊዛይሳ ሃይሲ ዲዛዴይ ወርካ ሲዮ! ‘ዶንዳዴይ ዎሳ ጋናቴ ጊዶን ዲዛ ዴዎ ሚሳ አይፌ ማና ማላ ታ አሳና።’

ሳማርኔሴ ዎሳ ኬሳ

8 “ሳማርኔሴ ዎሳ ኬሳ ኪታንቻስ፣ ሃይሲ ኮይሮይ ወርሴስ ጊዲዳይሳፌ ካሴ ሃይቂዳይሳፌ ሃዲ ቃስ ጋዓ ዲዛይሳፌ ዮቴቲዳዛ። \* 9 ታኒ ኔ ዋዩዛኔ ኔ ማንቆቴሳ ኤራይስ። ጊዲኮካ ኔኒ ዱሬኮ። አይሁዳ ጊዶንታ ዲሼ ባና ኦኒ አይሁዳኮ ጊዛ ገላዔ ማባራ ጊዲዳይቲ ሄይቲ ኔ ሱንሳ ሞርይሳ ታ ኤራይስ። 10 ቡሮ ሲንሳፌ ኔ ቦላ ጋካና ሜቶስ ባቦፋ። ኢንቴ ፓጩታና ማላ ኢንቴፌ ኢሲ ኢሲ አስ ዳቡሎሲ ቃሻ ኬሴ ጌልሳና። ታሙ ጋላስ ጋካናስ ኢንቴ ዋዩ ቤያናሺን ኔ ሃይቃና ጋካናስ አማኔቲዳይ ጊዳ። ታኒ ኔስ ሜርና ዴዎ አክሊሌ ሂስታ ኢማና።

11 “አያናይ ዎሳ ኬሳታስ ጊዛይሳ ሃይሲ ዲዛዴይ ሲዮ! ዶንዳዴይ ናምዓንሳ ሃይቆን ቆሄቴና” ጋ ገፋ ጊዴስ። \*

ጴርጋምኔ ዎሳ ኬሳ

12 ጴርጋምኔ ዎሳ ኬሳ ኪታንቻስ “ሃይሲ ናምዑ ባጋራ ቃራ ማሻ አይኪዳይሳፌ ዮቴቲዳዛ። 13 ኔኒ ገላዔ አልጋይ ዲዛሶን ዲዛይሳ ታኒ ኤራይስ። ጊዶ አቲን ኔኒ ታ ሱንሳ ሎዔሳ አይካዳሳ። ኔ ታና አማኒዛይሳ አጋቤይካ። ታስ አማኔቲዳ ማርካ ጊዲዳ አንቲጳሲ ገላዔይ ዲዛ ኢንቴ ካታማን አሳ ኩሼን ሃይቂዳ ዎዴካ ኔ ታና አማኖ አጋቤይካ። 14 ጊዲኮካ ታ ኔና ካዲዛ ኢሲ ሚሺ ኔ ቦላ ዴስ። ሄሲካ ባላዓሜ ቲሚርቲ አይኪዳ ኢሲ ኢሲ አሳቲ ኢንቴ ጊዶን ዴቴስ። ሄሲ ባላዓሜ ኢስራሬሌ አሳይ ኤቃስ ያርሼቲዳ ካስ ሚዲኔ ላይማ ላይማቲዲ ዱጴታና ማላ ባላቂ ዞሪዳዴ። \* 15 ሄሳሶካ ኒቆሳ ባጋ አሳታ ቲሚርቲ አይኪዳ አሳቲካ ኢንቴ ጊዶን ዴቴስ። 16 ሄሳ ጊሽ ማሮቴሳን ጌላ፤ አካይ ጊኮ ታኒ ኤሌሳዳ ኔኮ ባዳ ኔና ታ ዱናፔ ኬዚዛ ማሻ ሚሳቲዛ ቃላራ አሳና።

17 “አያናይ ዎሳ ኬሳታስ ጊዛይሳ ሃይሲ ዲዛዴይ ሲዮ! ዶንዳዴይ ታ ቆታን ዲዛ ማናፌ ኢማና። ኢዚ ታስ ጊዲዳይሳ ቤሳናስ ኢዛ ቦላ አራሳ ሱንሳ ገፌቲዳ ቦላ ሹቾ ኢዛስ ታ ኢማና። ሄሳካ ኤኪዳዴፌ አቲን ሃራ አሲ አኒካ ኤሬና። \*

ቲያሊሮኔ ዎሳ ኬሳ

18 “ቲያሊሮኔ ዎሳ ኬሳ ኪታንቻስ ሂዝጋ ገፋ ‘ሃይሲ ታማ ላጮ ሚሳቲዛ አይፌሬቲ ዲዛዴፌን ቦንቂዳ ታማን ጌሊ ቆዩቲ ኬዚዳ ገርቂማላ ሚሳቲዛ ቶሆቲ ዲዛዴፌ ዎሳ ናፔ ኪቴቲዳዛ። 19 ታኒ ኔ አሶኔ ኔ ሲቆ፣ ኔ አማኖኔ ኔ ሃጋዞ፣ ኔ ዳንዳያን ሚናይሳካ ኤራይስ። ካሴ አሶዛፔ ጉዩይሲ አዲዛይሳካ ታ ኤራይስ። 20 ጊዶ አቲን ታ ኔና ካዲዛ ሚሺ ዴስ። ሄሲካ ባና ‘ታ ናቤ’ ጊዛ ማሜሳዮ ኤሊዛቤሎ ኔኒ ቤሳ አጊዳ ጊሽ ኢዛ ታስ አሲዛይቲ ላይማ ላይማታና ማላኔ ኤቃስ ያርሼቲዳ ካስ ማና ማላ ኢዛ ታማርሳዳ ባሌሳዱስ። \* 21 ኢዛ ማሮቴሳን ጌላና ማላ ታ ኢዚስ ዎዴ ኢማዲስሂን፣ ኢዛ ቃስ ባ ላይማቴሳፌ ሲማናስ ኮያቤይኩ። 22 ሄሳ ጊሽ ታ ኢዛ ዋዩ አልጋ ቦላ ዩጋና። ኢዚራ አሲዳ

\* 1:14 ዳኔ 7:9፤ 10:6 \* 1:15 ሂዚ 1:24፤ 43:2 \* 1:17 ኢሳ 44:6፤ 48:12፤ አጁ 2:8፤ 22:13 \* 2:8 ኢሳ 44:6፤ 48:12፤ አጁ 1:17፤ 22:13 \* 2:11 አጁ 20:14፤ 21:8 \* 2:14 ታይ 22:5፣7፤ 31:16፤ ዛሬ 23:4፤ ታይ 25:1-3 \* 2:17 ኬሳ 16:14-15፤ 16:33-34፤ ጥሃ 6:48-50፤ ኢሳ 62:2፤ 65:15 \* 2:20 1ካዎ 16:31፤ 2ካዎ 9:22፣30

አሳቲ ባ ኢታ አሶፕ ማጭላን ሲሞንታ ኢጊኮ ኢዚራ ኢሲፌ ላይማቲዳ ኡባታ ቦላ ጊታ ሜቶ ታ ኤሃና።<sup>23</sup> ታኒ ኢዚ ናይታ ሃይቆን ቃፃያና። ዎሳ ኬላቲ ወሪካ አሳ ቆፋኔ አሳ አሞ ሻካ ኤሪዛይ ታና ጊዲዳይሳ ኤራና። ታኒ ኢንቴስ ኢሳስ ኢሳስ ኢዛይ አሶ ማላ ኢማና።

<sup>24</sup> “ቴያጊሮኔን ዲዛይታስ ኢንቴስኔ ሃይሳ ኢታ ቴሚርቴ ታማሮንታይታስ ኡባስ ሄሳሳካ ኢሲ ኢሲ ‘ዓላዔስ ሃይሲ ጨማ ፀራ’ ጌቴቲዛይሳ ካሎንታይታ ኢንቴና ታኒ ሃራ ቶሆ ቶሲኬ።<sup>25</sup> ጊዲኮካ ታ ሄ ባና ጋካናስ ኢንቴስ ዲዛዝ ወርሲ ሚንሱ አይኪቴ።<sup>26</sup> ያኒዳዴሲኔ ታ አሶን ወርሴስ ጋካናስ ሚኒዛይስ አይዛይታ ቦላ ታ ጎዳቴስ ኢማና።<sup>27</sup> ኢዚ ኢስታ ቢራታ ጉፌራ ሃራና። ኡርቃፌ ሜዴቲዳ ሚሻ ማላ ኢዚ ቡኪዲ ሲቂሳና። ሄሲ ሄ ጎዳቴሳይካ ታኒ ታ አሞፕ ኤኮ ጎዳቴሳ ማላ።<sup>28</sup> ታ ኢዛስ ዎንታ ቦላ ኬዚዛ ያሊንቴዛ ኢማና።<sup>29</sup> አያናይ ዎሳ ኬላታስ ጊዛይሳ ሃይሲ ዲዛይ ወሪ ሲዮ!” ጋዳ ዓፋ ጊዴስ።

3

**ሳርዴሴ ዎሳ ኬላ**

<sup>1</sup> ሳርዴሴ ዎሳ ኬላ ኪታንቻስ፡ “ሃይሲ ዎሳ አያና ላፑናታፔኔ ያሊንቴታ አይኪዳዴፌ ዮቴቲዳዛ። ታ ኔ አሶ ኤራይስ። ኔኒ ሱንሳን ፓፃ ዳሳ ሺን ቃስ ሃይቃዳሳ።<sup>2</sup> ቤጋ! ሃይቃና ማቲዳይሳኔ ኔስ ወራሼ ጉስ አቲዳ ዎልቃዮ ዛራ ሚንሳ። ታኒ ታ ጎዳ ሲንሳን ኔ አሶይ ኩሜስ ጊዲን ቤያቤኬ።<sup>3</sup> ሄሳ ጊሽ ኔኒ አይ ማላ ቴሚርቴ ኤኪዳኮኔ ኔ ሲዮይሳ ዩሻ ቆፓኔ ናጋ። ማጭላንካ ጌላ፤ ኔኒ ቤጎንታ አጊኮ ቃስ ታ ካይሶ ማላ ኔ ቆፖንታ ፑቱ ጋና። ታ አይ ሳቴን ኔኮ ያናኮኔ ኔ ኤራካ።<sup>\*</sup> <sup>4</sup> ጊዶ አቲን ባ ማይዎ ቱኒሶንታይቲ ሳርዴሴን ጉሳ አሳቲ ኔናራ ዴቴስ። ሄይቲ ቦላ ማይዎ ማይዳናይሲ ኢስታስ ቤሲዛ ጊሽ ኢስቲ ቦላ ማይዎ ማይዲታ ናራ ባና።<sup>5</sup> ያኒዳዴይ ኢስታሶካ ቦላ ማይዎ ማይዳና። ኢዛይ ሱንስ ታኒ ታ አሞ ሲንሳኒኔ ኪታንቻታ ሲንሳን ኤሪሳና። ዴዎን ዲዛይታ ሱንሱ ዓፌቲዳ ዴዎ ማዝጋባፕ ቁጨኬ።<sup>\*</sup>

<sup>6</sup> “አያናይ ዎሳ ኬላታስ ጊዛይሳ ሃይሲ ዲዛይሴ ሲዮ!”

**ፊላዴልፊያ ዎሳ ኬላ**

<sup>7</sup> ፊላዴልፊያ ዎሳ ኬላ ኪታንቻስ “ሃይሲ ጌሺኔ ቱማንቻ ጊዲዳይሳፌ ዳዉቴ ኬላ ቁልፕ አይኪዳይሳፌ ዮቴቲዳይሳ። ኢዚ ዶዩዳይሳ እኒካ ጎርዴና። ኢዚ ጎርዲዳዝ እኒካ ዶዩና።<sup>\*</sup> <sup>8</sup> ታኒ ኔ አሶ ኤራይስ፤ ሄኮ እኒካ ጎርዳናስ ዳንዳዮንታ ዶያ ፔንጌ ኔ ሲንሳን ዎሳዲስ፤ ኔ ዎልቃይ ጉስ ጊዲዳይሳ ታ ኤራይስ፤ ጊዲኮካ ኔ ታ ቃላ ናጋዳሳ፤ ታ ሱንሳካ ኔ ካዳቤይካ።<sup>9</sup> ሄሳ ጊሽ ባስ አይሁዳ ጊዶንታ ዲሼ ባና አይሁዳ ጊዛይቲ ሄይቲ ዓላዔ ማባራፕ ጊዲዳ ዎርዶቲ ዩዲ ኔ ቶሆ ቦላ ኩንዳና ማላ ታ አሳና። ታኒ ኔና ሲቂዳይሳ ኢስቲ ኤራና ማላ ታ አሳና።<sup>10</sup> ኔኒ ዳንዳዩዛይ ጊዳ ጋዳ ታ ኔስ ዮቶ ቃላ ኔ ናጊዳ ጊሽ ታካ ቡሮ ቤታ ቦላ ዲዛ አሳ ፓጫናስ ኩሜሳ አሳሜ ቦላ ያና ዋዩዛ ጋላሳፌ ታ ኔና ናጋና።<sup>11</sup> ሄኮ ታ ኤሶን ያና። ኔ አክሊሌ እኒካ ኤኮንታ ማላ ኔስ ዲዛዝ ሎዔሳ አይካ።<sup>12</sup> ያኒዳዴ ታኒ ታ ጎዳ ዎሳ ኬላን ቱስ አሳና። ኢዚ ሄፕ ሙሌካ ኬዜና። ታ ጎዳ ሱንሳኔ ታ ጎዳ ካታማዛ ሱንሳካ ታ ኢዛ ቦላ ዓፋና። ሃና ካታማዮ ሳሎፕ ታ ጎዳ አቻፌ ዎዳና አራሳ ዮሩሳላሜ። ታካ ታ አራሳ ሱንሳ ሄ ኢዛይ ቦላ ዓፋና።<sup>\*</sup>

<sup>13</sup> አያናይ ዎሳ ኬላታስ ዮቴዛይሳ ሃይሲ ዲዛይሴ ሲዮ!”

**ሎዶቂያ ዎሳ ኬላ**

<sup>14</sup> “ሎዶቂያ ዎሳ ኬላ ኪታንቻስ ‘ሃይሲ አሚን’ ጊዳይሳፌ ቱሙ አማኔቲዳ ማርካ ጊዲዳዴፌ ዎሳ ሜዴቴሲ ወሪ ኢዛፕ ቤቲዳዴፌ ዮቴቲዳዛ።<sup>\*</sup> <sup>15</sup> ታኒ ኔ አሶ ኤራይስ። ኔኒ ኢርፃ ዎይኮ ሚሻ ጊዳካ። ኔኒ ኢርፃ ዎይኮ ሚሻ ጊዲዳዩ ሎዎኮሺን።<sup>16</sup> ኢርፃ ዎይኮ ሚሻ ጊዶንታ ኔ ሮዎ ዶንቦላ ጊዲዳ ጊሽ ታ ኔና ታ ዱናፕ ኬላ ጨቃና ጋይስ።<sup>17</sup> ‘ታ ዱሬኮ፤ ታስ ዳሮ ሃራይ ዴስ፤ ታስ አይኮይካ ፓጨቤና’ ጋሳ ሺን ኔ ቃስ ጊልቃ፤ አይኮይ ባይንዳ ሃይሳ፤ ማንቆ፤ ቆቆኔ ኔ ካሎ ዲዛይ ጊዲዳይሳ ኤራይካ።<sup>18</sup> ኔ ዱሬ ጊዳና ኮይኮ ታፕ ታማን ፓጨቲዳ ዎርቃ ሻማና ማላ ኔኒ ኔ ካሎቴሳ ዮላቴሳ ካማናስ ቦላ ማይዎ ማይዳና ማላኔ ያላናስካ ዳንዳያና ማላ አይፌ ዳሌ ሻማና ኔ ቲዮታና ማላ ታ ኔና ዞራይስ።<sup>19</sup> ታኒ ታ ዶሲዛይታ ወርሳ ሃንቃይሲኔ ቃፃያይስ፤ ሄሳ ጊሽ ኔኒ ሚና፤ ማጭላንካ ጌላ።<sup>\*</sup> <sup>20</sup> ሄኮ! ታኒ ፔንጌን ኤቃዳ ያይጋይስ፤ እኒካ ታ ቃላ ሲይዲ ባ ፔንጌዛ ታስ ዶይኮ ታ ኢዛኮ ጌላዳ ኢዛዴራ ማና። ኢዛዴይካ ታናራ ማና።<sup>21</sup> ታኒ ያናዳ ታ አሞራ ኢዛ አልጋን ኡቴዳይሳሶ ያኒዳዴይ ታናራ ኢሲፌ ታ አልጋ ቦላ ታ ኡቴሳና።

<sup>22</sup> “አያናይ ዎሳ ኬላታስ ጊዛይሳ ሃይሲ ዲዛይሴ ሲዮ!” ጋ ዓፋ ጊዴስ።

4

**ሳሎን ዲዛ ጎይኖ ዎጋ**

<sup>1</sup> ሄሳፍ ጉዬ ታኒ ሳሎን ዶያ ዲዛ ፔንጌ ቤያዲስ። ታኒ ኮይሮ ሲዩዳይ ዲንኬ ጊሪሳ ማላ ጊሪስ “ሃ ፑዴ ኬዛ፤ ቡሮፕ ሃናና ሚሻታ ታ ኔና ቤሳና” ጊዴስ።<sup>2</sup> ታኒ ሄራካ አያናን ሊጲጲ ጋዳ ሳሎን ዲዛ አልጋ ቤያዲስ። ሄ አልጋዛ ቦላካ ኢሳዴይ ኡቴዴስ።<sup>3</sup> ሄ አልጋ ቦላ ኡቴዳይሳ ሜዳይ

\* 3:3 ማቶ 24:43-44፤ ሉቃ 12:39-40፤ አጁ 16:15 \* 3:5 ኬላ 32:32-33፤ ማዛ 69:28፤ አጁ 20:12፤ ማቶ 10:32፤ ሉቃ 12:8 \* 3:7 ኢሳ 22:22፤ ኢዮ 12:14 \* 3:12 አጁ 21:2፤ ኢሳ 62:2፤ 65:15 \* 3:14 ሉዎ 8:22 \* 3:19 ሉዎ 3:12፤ ኢብ 12:6

ኢያሱዲዴኔ ሴርዲኖኔ ኢንቁ ሚሳቲዛ አልጋዛ ዩዩ አዲዲ ማርጊዴ ጌቲቲዛ ኢንቁ ሚሳቲዛ ዙላይ ዴስ።<sup>4</sup> ሄሳሶካ ሄ አልጋዛ ዩዩ አዲዲ ናምቡ ታማኔ አይዱ አልጋቲ ዴቲስ። ሄ አልጋታ ቦላ ቃስ ቦላ ማይዎ ማይዲዲ ባ ሁዔ ቦላ ዎርቃ አክሊሌ ዎሲዳ ናምቡ ታማኔ አይዱ ጨማቲ ኡቲዳ።<sup>5</sup> ሄ አልጋፌ ቃስ ዎልቃንሱኔ ዳዳ ጊሪስ ኬዜስ። ሄ አልጋ ሲንሳን ፖዲዛ ላፑን ዎምፔቲ ዴቲስ። ሄይቲካ ዎሳ አያና ላፑናታ። \*<sup>6</sup> ሄ አልጋ ሲንሳን ጊሽ ሚልዲ ጊዳ ዎልቁዛ ማስቶቲ ሚሳቲዛ አባይ ዴስ። ኢዛ ጊዶን አልጋ ዩፑን ዳሮ አይፌራ ዲዛ አይዱ ዶዓቲ ዴቲስ።<sup>7</sup> ኮይሮ ዶዓዚ ጋሞ ሚሳቲስ። ናምዓንሶዚ ቃስ ቦራ ሚሳቲስ። ሄዳንሶዛ አይፌሶይ አሳ አይፌሶ ሚሳቲስ። አይዳንሶዚ ቃስ ፒራዲዛ ጎሌ ካፎ ሚሳቲስ።<sup>8</sup> ሄ አይዱ ዶዓቲ ኢሶይ ኢሶይ ኡሱፑን ቁፌራ ዴቲስ። ቁፌታ ዩፕኒኔ ቁፌታ ጊዶን አይፌይ ኩሚዴስ። ኢስቲ ቃማኔ ጋላስ። “ጊሻዉ! ጊሻዉ! ጊሻዉ! ዉርሳ ዳንዳይዛ ጎዶ! ካሴካ ሃሂካ ዲዛይሶ። ቡርካ ያናይሶ ጉሳፌ ሽምፒ ኤሬቲና።”<sup>\*</sup>

<sup>9</sup> ሄ ዶዓቲ ሄ አልጋ ቦላ ኡቲዳይሳሲኔ ሜርናፔ ሜርና ጋካናስ ዲዛይሳስ ጊታቲስ። ቦንቾኔ ጋላታካ ሺሺዛ ዎዴ ኡባን።<sup>10</sup> ናምቡ ታማኔ አይዱ ጨማቲ ሜርናፔ ሜርና ጋካናስ ዲዛ ባ አልጋ ቦላ ኡቲዳይሳ ሲንሳን ጉፓኒዲ ኢዛስ ጎይኔቲስ። ባ አክሊሌታካ ሄ አልጋ ሲንሳን ዎሲዲ።

<sup>11</sup> “ኑ ጎዳ ዎሶ።  
 ኔኒ ዉርሳ ሜዲዳ ጊሽ  
 ሜዴቲሳ ዉሪካ  
 ሜዴቲዳይኔ  
 ሽምፖራ ዲዛይ ኔ ሽኔን ጊዲዳ ጊሽ  
 ጊታቲሳ። ቦንቾይኔ ዎልቃይካ ኔስ ቤሴስ” ጊዳ።

5

ዶርሳዛኔ ኢዛ ማፃፋ

<sup>1</sup> ሄ አልጋ ቦላ ኡቲዳይሳ ኡሻቻ ኩሼ ቃዓ ጋርሳኒኔ ቦላ ባጋራ ዓፌቲ ኡቲዳ ላፑን ማታሜን ጎርዴቲዳ ኢሲ ዓፄቲ ኡቲዳ ማፃፋ ቤያዲስ።<sup>2</sup> ኢሲ ሚኖ ኪታንቻ ዳይሲ ጊታ ቃላራ “ሃይታ ማታሜታ ቢርሺዲ ሃ ዓሳ ማፃፋ ዶያናስ ቤሲዛዴይ አኔ?” ጊ ሃሳዩሺን ታ ቤያዲስ።<sup>3</sup> ጊዶ አቲን ሳሎንካ ጊዲን ዎይኮ ሳዓ ቦላ ዎይኮ ቤታፌ ጋርሳ ባጋንካ ሄ ዓሳ ማፃፋ ዶይዲ ኢዛ ጊዶን ዲዛይሳ ያላናስ ዳንዳይዳ አሲ አኒካ ቤቲቤና።

<sup>4</sup> ታካ ሄ ዓሳ ማፃፋ ቢርሺዲ ኢዛ ጊዶ ያላናስ ቤሲዛዴይ ቤቶንታ አጊዳ ጊሽ ዳሮ ዩካዲስ።<sup>5</sup> ሄ ዎዴ ጨማታፔ ኢሳዴይ ታስ “ኔ ዩኮፋ! ሄኮ ዩሁዳ ባጋ ጊዲዳ ዳዉቲ ዛርኬፌ ዴንዲዳ ጋሞይ ኢዚ ካሴ ያኒዴስ። ኢዚ ሄ ዓሳ ማፃፋዛኔ ሄ ላፑን ማታሜዛ ዶያናስ ዳንዳይሶ” ጊዴስ። \*

<sup>6</sup> ሄሳፌ ጉዩ አልጋ ቦላን አይዱ ዶዓታ ጊዶን ሄ ጨማታ ጊዶንካ ሹኬቲዳ ዶርሳ ሚሳቲዛይሲ ኤቁዳይሳ ታ ቤያዲስ። ሄ ዶርሳዛስ ላፑን ካጩይኔ ላፑን አይፌይ ዴስ። ሄ አይፌቲካ ኩሜሳ አላሜ ኪቲቲዳ ዎሳ አያና ላፑናታ። \*<sup>7</sup> ሄ ዶርሳይ ዩዲኔ አልጋ ቦላ ኡቲዳይሳፌ። ኡሻቻ ኩሼን ዲዛ ዓሳ ማፃፋ ኤኪዴስ።<sup>8</sup> ሄ ዓሳ ማፃፋዛ ኤኪዳ ማላ አይዱ ዶዓቲኔ ናምቡ ታማኔ አይዱ ጨማቲ ሄ ዶርሳ ሲንሳን ባ ሊዴን ጉፓኒዳ። ኢስቲካ ኢሶይ ኢሶይ ባ ኩሼን ዲሳ ማላ ሚሽ አይኪዴስ። ሄሳሶካ ጊሻታ ዎሳ ጊዲዳ ኢዛን ኤፃይይ ኩሚዳ ዎርቃ ዓሮ ባ ኩሼን አይኪ ዴቲስ። \*<sup>9</sup> አራሳ ዩሳ ሂዝጊ ዩዲዳ

“ኔኒ አሳ ዱማ ዱማ ኮቻፌ።  
 ዱማ ዱማ ቃላን ሃሳዩዛይታፔ።  
 ዱማ ዱማ ቆሞፌኔ  
 ዱማ ዱማ ዴሬፔ

ዎሳስ ዎዛናስ ኔ ሹኬቲዳ ጊሽ ሄ ዓሳ ማፃፋዛ ኤካናሲኔ ማታሜታካ ዶያናስ ቤሲዛዴ ጊዳዳ። \*<sup>10</sup>

ኔ ኢስታ ኑ ጎዳ ዎሳስ  
 ካዎታኔ ቁሴታ አሳዳሳ።  
 ኢስቲካ ቤታ ቦላ ካዎታና።” \*

<sup>11</sup> ታኒ ጌዴ ዛራ ያሊሺን ሄ አልጋዛ። ዶዓታኔ ጨማታ ዩዩ አዲዲ ዳሮ ኪታንቻታ ቃላ ጊሪስ ሲያዲስ። ኢስታስ ጮራቲሳይ ዳሮ ሺያኒኔ ዳሮ ሚሎኔን ቆዴቲስ። \*<sup>12</sup> ኢስቲ ዳሮ ጊታ ቃላን “ሃ ሹኬቲዳ ዶርሳይ ዎልቃ። ዱሬቲስ። ኤሬቲስ። ሚኖቲስ። ጊታቲስ። ቦንቾኔ ጋላታ ኤካናስ ቤሴስ” ጊዳ።

<sup>13</sup> ሳሎንካ ሳዓ ቦላካ። ቤታፌ ጋርሳንካ። አባ ጊዶን ዲዛ ሜዴቲሳ ኡባን “አልጋ ቦላ ኡቲዳይሳሲኔ ዶርሳስ ጋላታይኔ ድቃቲሳ። ቦንቾይኔ ዎልቃይ ሜርናፔ ሜርና ጋካናስ ኢዛስ ጊዶ!” ጊሺን ታ ሲያዲስ።<sup>14</sup> አይዱ ዶዓቲካ “አሚን” ጊዳ። ጨማቲካ ባ ሊዴን ጉፋኒዲ ኢዛስ ጎይኒዳ።

6

ላፑን ማታሜታ ዶዩቲስ

\* 4:5 ኬሳ 19:16፤ አጁ 8:5፤ 11:19፤ 16:18፤ ሂዚ 1:13፤ አጁ 1:4፤ ዛካ 4:2 \* 4:8 ሂዚ 1:18፤ 10:12፤ ኢሳ 6:2-3 \* 5:5 ሜዴ 49:9፤ ኢሳ 11:1፤ 10 \* 5:6 ኢሳ 53:7፤ ዛካ 4:10 \* 5:8 ማዛ 141:2 \* 5:9 ማዛ 33:3፤ 98:1፤ ኢሳ 42:10 \* 5:10 ኬሳ 19:6፤ አጁ 1:6 \* 5:11 ዳኔ 7:10

1 ሄሳፌ ጉዩካ ሄ ዶርሳይ ላፑን ማታሜታ፤ ኮይሮ ማታሜዛ ዶዩቪን ታ ቤያዲስ። ሄ አይዱ ዶዱታ፤ ኢሶይ ዳዳ ጉጉንሳ ማላ ቃላራ “ሃ ያ!” ጊቪን ሲያዲስ። 2 ቃሴካ ቦላ ፓራ ቤያዲስ። ሄ ፓራዛ ቦላ ባ ኩቪን ዎንዳፌ አይኪዳይ ዴስ። ኢዛስ ቃስ አክሊሌይካ ኢሜቲዴስ። ኢዚካ ዶኒዛይ ጊዲዲ ዶኖ፤ ጊዴ ዶኖን ባናስ ኬዚዴስ። \*

3 ሄ ዶርሳይ ናምዓንሳ ማታሜዛ ዶዶዳ ማላ ናምዓንሳ ዶዳዚ “ሃ ያ!” ጊቪን ታ ሲያዲስ። 4 ቃሴካ ሃራ ሄቃ ዞዎ ፓራይ ኬዚዴስ። ሄ ፓራ ቶጊዳዴይ ቤታ ቦላፌ ሳሮቴስ ጳይሳና ማላኔ አሳይ ባ ጋርሳን ኢሶይ ኢሳ ወርሳና ማላ አሲሳናስ ኢዛስ ጎዳቴሲኔ ዎጋ ጊታ ማሻይ ኢሜቲዴስ። \*

5 ዶርሳዚ ሄቫንሳ ማታሜዛ ዶዶን ሄቫንሳ ዶዳዚ “ሃ ያ!” ጊቪን ታ ሲያዲስ። ቃሴ ካሬላ ፓራ ቤያዲስ። ሄ ፓራ ቦላ ኡቲዳይሲ ባ ኩቪን ማካ ሚሽ አይኪዴስ። \* 6 አይዱ ዶዱታ ጊዶፌ ዩዳ ሚሳቲዛ ቃላ ሲያዲስ፤ ሄ ጊሪሳይካ “ባጋ ኪሎ ጊዲዛ ጊስቴ ኢሳዴስ ኢሲ ጋላሳ ዳሞዛ፤ ቃሴ ኢሲ ኪሎ ኩማና ሳይሶ ፓጩ ጊዲዛ ባንጋይ ኢሲ ጋላሳ ዳሞዛ ጊዶ። ጊዶ አቲን ዛይቴኔ ዎይኔ ሚስ ቆሆፓ” ጊቪን ታ ሲያዲስ።

7 ሄ ዶርሳይ አይዳንሳ ማታሜዛ ዶዶን አይዳንሳ ዶዳዛ ቃላይ “ሃ ያ!” ጊቪን ሲያዲስ። 8 ቃሴካ ሎሎሎ ፓራ ቤያዲስ። ፓራ ቶጊዳይሳ ሱንሲ ሃይቆ ጌቴቴስ። ኢዛ ቃስ ዱፎይ ካሌስ። ሃይቆይኔ ዱፎይ ቤታፌ ሳይሶ አላን፣ ጋፋን፣ ቦሻኒኔ ባዞ ዶዳን ዎዳና ማላ ጎዳቴሲ ኢስታስ ኢሜቲዴስ። \*

9 ኢቻሻንሳ ማታሜዛ ኢዚ ዶዶን ዶሳ ቃላ ጊቪኔ ባ ማርካቲዳ ማርካቲሳ ጊሽ ሃይቆይታ ሽምፓታ ያርሻ ያርሽዛሶዛ ጋርሳን ቤያዲስ። 10 ኢስቲ ቃስ ቃላ ጶቁ ሂስቲዲ “ጊሻኔ ቱማንቻ ጎዳወ! ኒኒ ቤታ ቦላ ዲዛ አሳ ቦላ ፐርዶንታይኔ ኑ ሱላ ጊሽ ኔ ሃሎ ኬሶንታይ አዩዴ ጋካናሴ?” ጊዲ ዋሲዳ። 11 ኢስታስ ኢሳስ ኢሳስ ቦላ ማይዶይ ኢሜቲዴስ። ኢስታ ማላቲካ ቡሮ ሃይቃና። ኢስታ ማላ አሳንቻ ጊዲዳ ኢስታ ላጌቴኔ ኢስታ ኢሻታ ቆዳይ ኩማና ጋካናስ ኢስቲ ጉላ ዎዴስ ሽምፐዲ ታካና ማላ ኢስታስ ጉቴቲዴስ።

12 ሄሳፌ ጉዩ ሄ ዶርሳይ ኡሱፑንሳ ማታሜዛ ዶዶን ታኒ ጊዴ ኢዛኮ ያላዲስ፤ ሄኮ ቤታይ ዎልቃማ ቃስ ቃሂዴስ። አዎ አርሼይ አሲ ካሶስ ማይዲዛ ካሬላ ማይዶ ማላ ካሬዲዴስ። አጊናይካ ኩሜሳራ ሱላ ማላ ዞዳዶስ። \*

13 ዎልቃማ አሱራ ጫርኮይ ጫርኪዲ ሚሳ አይፌ ቆቆፊዛ ማላ ሳሎፕ ያሲንቴይ ቆቆፊቴዴስ። \* 14 ሳሎይካ ዋራቃታ ማላ ዓይቴዲ ኪቺዴስ። ዙማቲኔ አባ ጊዶን ዲዛ ጋዴቲ ወሪካ ባ ዲዛሶፕ ጳይቺዳ። \* 15 ቤታ ቦላ ዲዛ ካዎቲ ቤታ ሃሪዛይቲ፣ አላ ሃላቃቲ፣ ዱሬቲ፣ ዎልቃማቲ፣ አሽካራቲኔ ጎዳቲ ወሪካ ጎንጎሎ ጊዶኒኔ ዙማታ ጋርሳን ዛላታ ጋርሳን ቆቴቲዳ። \*

16 ዙማታኔ ዛላታካ “ኑና ካሚቲ! አልጋ ቦላ ኡቲዳይሳ ሲንሳፌ፣ ሄ ዶርሳዛ ሃንቆፌ ኑና ቆቴቲ። \* 17 ዎልቃማ ሃንቆ ጋላሳይ ጋኪዴስ። ኢዛ ኦኔ ዳንዳያናይ?” ጊዳ። \*

7

ዪታኔ አይዱ ታማኔ አይዱ ሺ አሳ አታሜቴስ

1 ሄሳፌ ጉዩ አይዱ ኪታንቻታ ቤታ ቦላ አይዱ ባጋራ ኤቁዳይታ ቤያዲስ። ኢስቲካ ቤታ ቦላ ጊዲን ዎይኮ አባ ቦላ ዎይኮ ሚሳ ቦላ አይ ጫርኮይካ ጫርኮንታ ማላ አይዱ ባጋራ ዩዛ ቦሻ ጫርኮ ወርሲ አይኪዳ። \* 2 ዴዎ ዶሳ ማታማ አይኪዳ ሃራ ኪታንቻይ አዎ አርሼይ ሞኪዛ ባጋራ ሃ ዩቪን ታ ቤያዲስ። ቤታኔ አባ ቆሃናስ ኢስታስ ጎዳቴሲ ኢሜቲዳ አይዱ ኪታንቻታ ባ ቃላ ጶቁ ሂስቲዲ፣ 3 “ኑኒ ኑ ጎዳ አሳንቻታ ሊጴ ቦላ ማታሜ ዎሳና ጋካናስ ቤታ ቦላ ጊዲን ዎይኮ አባ ጊዶን ዲዛይታ ጊዲን ዎይኮ ሚሳታ ጊዲንካ ሄይታንታ ቆሆፐፕ” ጊ ዋሲዴስ። \*

4 ታካ ማታሜይ ኢስታ ቦላ ዎዲዳይታ ቆዳ ሲያዲስ። ኢስራዴሌ አሳ ኮቻ ኡባፌ ማታሜይ ኢስታ ቦላ ሽጩቲዳይታ ቆዳይ ዪታኔ አይዱ ታማኔ አይዱ ሺ አሳ። 5 ዩሁዳ ቆሞፌ ማታሜይ ኢስታ ቦላ ሽጩቲዳይቲ፣ ታማኔ ናምዑ ሺ፣

- ሮቤሌ ቆሞፌ ታማኔ ናምዑ ሺ፣
- ጋዴ ቆሞፌ ታማኔ ናምዑ ሺ፣
- 6 አሴሬ ቆሞፌ ታማኔ ናምዑ ሺ፣
- ኒፍታሌሜ ቆሞፌ ታማኔ ናምዑ ሺ፣
- ሚናሴ ቆሞፌ ታማኔ ናምዑ ሺ፣
- 7 ሲሞና ቆሞፌ ታማኔ ናምዑ ሺ፣
- ሌዌ ቆሞፌ ታማኔ ናምዑ ሺ፣
- ዩሳኮሬ ቆሞፌ ታማኔ ናምዑ ሺ፣
- 8 ዛቢሎኔ ቆሞፌ ታማኔ ናምዑ ሺ፣
- ዮሴፌ ቆሞፌ ታማኔ ናምዑ ሺ፣
- ቢኒያሜ ቆሞፌ ታማኔ ናምዑ ሺ።

ቦላ ማይዶ ማይዲዳ ዳሮ ዴሬ

\* 6:2 ዛካ 1:7-8፣ 6:3፣6 \* 6:4 ዛካ 1:7-8፣ 6:2 \* 6:5 ዛካ 6:2፣6 \* 6:8 ሂዚ 14:21 \* 6:12 አጁ 11:13፣ 16:18፣ ኢሳ 13:10፣ ኢዩ 2:10፣31፣ 3:15፣ ማቶ 24:29፣ ማር 13:24-25፣ ሉቃ 21:25 \* 6:13 ኢሳ 34:4 \* 6:14 አጁ 16:20 \* 6:15 ኢሳ 2:19፣21 \* 6:16 ሆሴ 10:8፣ ሉቃ 23:30 \* 6:17 ኢዩ 2:11፣ ሚል 3:2 \* 7:1 ኤር 49:36፣ ዳኔ 7:2፣ ዛካ 6:5 \* 7:3 ሂዚ 9:4-6



9 ሄሳፌ ጉዩ ታ ጻሊሺን ቆዳይ ባይንዳ ዳሮ ደሬይ ዲዛይሳ ቤያዲስ። ሄይታንቲካ ደሬፎ፣ ዱማ ዱማ ቆሞፌ፣ ዱማ ዱማ ዛርኬሬኔ ዱማ ዱማ ቃላ ሃሳዩዛይታፎ ሺቁቲዳይታ። ሄይቲ ወሪ ቦሳ ማይዎ ማይዲዲ ዛምባ ሃይስ ባ ኩሺን ኦይኪዲ አልጋ ሲንሳኒኔ ዶርሳዛ ሲንሳን ኤቁዳ። 10 ቃላ ዶቁ ሂስቲዲ “ኦቶቲሲ አልጋ ቦላ ኡቲዳ ኑ ጎዳፔኔ ዶርሳዛፎኮ!” ጊዳ።

11 ኢዛ ኪታንቻቲ ወሪካ ኢዛ አልጋስ፣ ጨማታኔ ኦይዱ ደዓታ ዩይ አዲ ኤቁዳ አልጋዛ ሲንሳን ጉፋኒዲ ያሳስ ጎይኒዳ።

12 “አሚን! ሳባይ፣ ጊታቴሲ፣ ኤራቴሲ፣ ጋላታይ፣ ቦንቾይ፣ ዎልቃይኔ ሚኖቴሲ ኑ ጎዳስ ያሳስ ሜርናፎ ሜርናስ ጊዶ። አሚን!” ጊዳ።

13 ጨማታ ጊዶሬ ኢሳዴይ ታኮ ሲሚዲ ታና “ሃይቲ ቦሳ ማይዎ ማይዲዳይቲ ኦናንቴ? ኢስቲ አዎፎ ዩዳይቴ?” ጊዶስ።

14 ታካ “ጎዳወ! ኔ ኤራሳ” ጋዲስ። ኢዚካ ታስ “ሃይቲ ዎልቃማ ዋዩዛ ካንሲዲ ዩዳይታ። ኢስቲ ባ ማዮካ ዶርሳ ሱሳን ሜጨ ጌሺዳ። \* 15 ሄሳ ጊሽ ያሳ አልጋ ሲንሳን ደዲዲ ቃማኔ ጋላስ ኢዛ ኬሳን ኢዛስ ኦሴቴስ። አልጋ ቦላ ኡቲዳይሲ ባ ቦንቾራ ቤቲዲ ኢስታስ ኩዋሶ ጊዳና። 16 ሃይሳፌ ጉዩ ኢስቲ ጋሬቴና፣ ሳሞቴቴና፣ አዎ አርሼ ሴላይካ ኢስታ ቦቴናኔ ሆምቤይካ ኢስታ ሆምቤና። \* 17 አልጋዛስ ጊዶ አዳን ኡቲዳ ዶርሳይ ኢስታ ሄሚዛይ ጊዳና። ኢስታካ ጌዴ ዴዎ ሃሳ ፑልቶይ ዲዛሶ ካሌሳና። ያሲ ኢስታ አይሬፎ አፋንሳ ቁጫና” ጊዶስ። \*

8

ላፑንሶ ማታሜ ዶዩቴስ

1 ዶርሳይ ላፑንሶ ማታሜዛ ዶዩን ባጋ ሳቴ ጊዲዛይሳ ኬና ሳሎይ ጮፀ ጊዶስ። 2 ያሳ ሲንሳን ኤቁዛ ላፑን ኪታንቻታ ታኒ ቤያዲስ። ሄ አሳታስካ ላፑን ዲንኬይ ኢሜቲዴስ።

3 ኤፃኔ ኢዛን ጨዋሲዛ ዎርቃና ኦሴቲዳይሳ አይኪዳ ኪታንቻይ ዩዲ ያርሾ ኢዛን ያርሺዛሶዛ አቻን ኤቁዴስ። አልጋ ሲንሳን ዲዛ ዎርቃሬ ኦሴቲዳ ያርሾ ኢዛ ቦላ ያርሺዛይሳ ቦላ ጌሻታ ዎሳራ ኢሲፌ ሺሺዛ ዳሮ ኤፃኔይ ኢዛስ ኢሜቲዴስ። \* 4 ሄ ኤፃኔዛ ጨዋይ ያሳስ ዱማቲዳ አሳታ ዎሳስ ሄ ኪታንቻ ኩሺፎ ፑዴ ያሳ ሲንሳ ኬዚዴስ። 5 ሄሳፌ ጉዩ ኪታንቻዚ ኤፃኔ ኢዛን ጨዋሲዛይሳ አይኪዳ ያርሾ ያርሺዛሶዛፎ ታማ ኤኪ ኢዛን ኩንሲዲ ዱጌ ቤታ ቦላ ዩጊዴስ። ዳዳይ ዳዳቲዴስ፤ ጊርሲ ጊርዴስ፤ ዎልቃንሲ ዎልቃሚዴስ፤ ቤታይካ ቃሂዴስ። \*

ዛዩይ ፑኔቲዴስ

6 ላፑን ዛዩ አይኪዳ ላፑን ኪታንቻቲ ባ ዛዩ ፑናናስ ጊጌቲዳ።

7 ኮይሮ ኪታንቻዚ ባ ዛዩዛ ፑኒዴስ፤ ሻፔኔ ሱሲ ዋላኬቲዳ ታማይ ሜዴቴዲ ዱጌ ቤታ ቦላ ዩጌቲዴስ፤ ቤታሬ ጨጎይ ፀጌቲዴስ፤ ሚሳፊካ ጨጎይ ፀጌቲዴስ፤ ጨሊላ ማታይካ ወሪ ፀጌቲዴስ። \*

8 ናምዓንሶ ኪታንቻይካ ባ ዛዩዛ ፑኒዴስ፤ ኢሲ ጊታ ዙማ ሚሳቲዛ ሚሺ ኤፃሺ ዱጌ አባ ጊዶ ዩጌቲዴስ፤ አባስ ጨጎይ ሱሳ ጊዲዴስ። 9 አባ ጊዶን ሽምፖራ ዲዛ ሜዴቴሳፌ ጨጎይ ወሪ ሃይቁዴስ። ማርካቤታፎካ ጨጎይ ኩሜስ ዳዩዴስ።

10 ሄቫንሶ ኪታንቻዚ ባ ዛዩዛ ፑኒዴስ። ያምፎ ማላ ኤፃዛ ኢሲ ጊታ ያሊንቴይ ሳሎፎ ዱጌ ኩንዲዴስ። ኢዚ ኩንዲዳይ ሻፋታ ጨጎ ቦላኔ ሃሳ ፑልቶታ ጨጎ ቦላ። \* 11 ሄ ያሊንቴዛ ሱንሳይ ጫሞ ጌቲቴስ፤ ሃሳስ ጨጎይ ጫሞ ጊዲዴስ፤ ሄ ጫሞ ሃሳ ጋሶን ዳሮ ደሬይ ሃይቁዴስ። \*

12 አይዳንሶ ኪታንቻይ ባ ዛዩዛ ፑኒዴስ፤ አዎ አርሼስ ጨጎይ፣ አጊናስ ጨጎይ፣ ያሊንቴታስ ጨጎይ ሾጩቲዴስ፤ ሄሳ ጊሽ ሄይታንታ ፖፖፎ ጨጎይ ዳሚዴስ፤ ሄሳ ማላንካ ጋላሳፌ ጨጎይ አማርስ ጊዲዴስ። ሄሳሳካ አማርሳፎ ጨጎይ ፖፖይ ባይንዳ ዳማ ጊዲዴስ። \*

13 ታ ቃስ ዛራ ጻሊሺን ኢሲ ጎሌ ካፎይ ሳሎ ቦላ ፒራዲሽ ጊታ ቃላን “ሃንኮ አቲዳ ሄቭ ኪታንቻቲ ባ ዲንኬታ ጊሪስ ሲሲዛ ዎዴ ቤታ ቦላ ዲዛ አሳስ አዩ-አና! አዩ-አና! አዩ-አና!” ጊሺን ሲያዲስ።

9

1 ኢቻሻንሶ ኪታንቻይ ባ ዛዩዛ ፑኒዴስ። ታ ቃስ ሳሎፎ ካሴ ዱጌ ቤታ ቦላ ኩንዲዳ ያሊንቴዛ ቤያዲስ። ኢዛስ ቃስ ጨማ አላ ዶዩዛ ቁልፎይ ኢሜቲዴስ። 2 ኢዚካ ሄ ጨማ አላዛ ዶዩዴስ። ሄ ጨማ አላፎ ዎልቃማ ታማ ጨዋ ማላ ጨዋይ ኬዚዴስ። ሄ አላፌ ኬዚዳ ጨዋዛ ጌዶን አዎ አርሼይኔ ሳሎይ ዳሚዴስ። \*

\* 7:14 ዳኔ 12:1፤ ማቶ 24:21፤ ማር 13:19 \* 7:16 ኢሳ 49:10 \* 7:17 ማዛ 23:1፤ ሂዚ 34:23፤ ማዛ 23:2፤ ኢሳ 49:10፤ ኢሳ 25:8 \* 8:3 አሞ 9:1፤ ኬሳ 30:1፣3 \* 8:5 ሌዌ 16:12፤ ሂዚ 10:2፤ ኬሳ 19:16፤ አጁ 11:19፤ 16:18 \* 8:7 ኬሳ 9:23-25፤ ሂዚ 38:22 \* 8:10 ኢሳ 14:12 \* 8:11 ኤር 9:15 \* 8:12 ኢሳ 13:10፤ ሂዚ 32:7፤ ኢዩ 2:10፣31፤ 3:15 \* 9:2 ሜዴ 19:28

3 ሄ ጩዋጥ ቢታ ቦላ ቦሌይ ኬዚደስ። ቢታ ቦላ ዲዛ ማስማሶታስ ዲዛ ዎልቃ ማላ ዎልቃይ ኢስታስ ኢሜቲደስ። \* 4 ቢታ ቦላ ዲዛ ማታ ጊዲን ዎይኮ አይ ሚሺካ ሃራ ጨሊላ ሚሽ ሞንታ ማላ ዎይኮ አይ ሚሊካ ቆሆንታ ማላ ኢስታስ ዮቴቲደስ። ኢስቲ ቆሃና ቤሲዛይ ቃስ ሊጴ ቦላ ያሳ ማታሜይ ባይንዳ አሳታ ዓላላ ጊዳና ማላ። \* 5 ሄ ኢስታካ ኢቻሹ አጊና ጋካናስ ዋዬ ዓላላ ዋዬሳና አቲን ዎዶ ዎዳና ማላ ፒቃደይ ኢስታስ ኢሜቲቤና። ሄ ቦሌቲ አሳ ቦላ ጋሲዛ ዋዬዚ ማሲማሶይ አስ ዱኪኮ አስ ሴሊዛ ሴላ ማላ። 6 ሄ ጋላሳታን አሳይ ሃይቃና ኮያና ሺን ሃይቆ ደሜና። ሃይቃናስ አዎታና ሺን ሃይቆይ ኢስታፌ ባቃታና። \*

7 ቦሌቲ ቃስ አላስ ጊጌቲዳ ፓራታ ሚሳቴቲስ፤ ኢስታስ ሁዔ ቦላ ዎርቃ አክሊሌ ሚሳቲዛ ሚሺ ደስ። ኢስታ አይፌሶይ አሳ አይፌሶ ሚሳቴስ። \* 8 ኢስታ ሁዔ ኢሊኬይ ማጫሳ ሁዔ ኢሲኬ ሚሳቴስ፤ ኢስታ አቼይ ቃስ ጋሞ አቼ ሚሳቴስ። \* 9 ቢራታጥ አሴቲዳ ፀፍሬ ጌቴቲዛ ማይዎ ማላ ቲራ ቦላ ማይዒዛ ማይዎይ ኢስታስ ደስ፤ ኢስታ ቁፌይ ጊሪዛ ጊሪሳይ አላስ ቶጌቲዛ ዳር ፓራኔ ፓራ-ጋራታ ጊሪሳ ማላ ጊራስ። \* 10 ኢስታስ ማሲማሶ ጎይና ማላይኔ ዱኪዛሶይ ደስ። ኢስታስ ጎይና ጊዶን ኢቻሹ አጊና ጋካናስ አስ ቆሃዛ ዎልቃይ ደስ። 11 ካዎይካ ኢስታስ ደስ። ሄ ኢዚካ ጨማ አላ ኪታንቻዛ። ኢዛ ሱንሳይካ ኢብራዌታ ቃላራ “አባዶኔ” ጌቴቲስ። ቃሴ ጊሪኬ ቃላራ “አጲሊዮኔ” ጌቴቲስ። ሄሳ ጉሲካ ፒቲ ዳይሲዛይሳ ጉሳ። \*

12 ኮይር ሂርጊሶ ዋሶይ አዲደስ። ሄሳፌ ቃስ ሃራ ናምቡ ዋሶይ ቡሮ ያና።

13 ኡሱፑንሶ ኪታንቻይካ ባ ዛዬዛ ፑኒደስ። ሄኮ! ያሳ ሲንሳን ዲዛ ዎርቃፌ አሴቲዳ ያርሾ ያርሺዛሳዛን ዲዛ ካጩታ ጊዶፌ ጊሪስ ሲያዲስ። \* 14 ሄ ጊሪሳይካ ዲንኬ አይኪዳ ኡሱፑንሳ ኪታንቻዛሶ “ዎጋ ሻፋን ኤፌራዒሴን ቃሹቲ ዲዛ አይዱ ኪታንቻታ ቢርሻ ዬዳ” ጊደስ። 15 ሃይሳ ሃ ሳቴዛሲኔ ሃ ጋላሳስ፣ ሃ አጊናሲኔ ሃ ላይሳስ ጊጌቲዳ አይዱ ኪታንቻቲ አሳ ዜራሳፌ ጨጎ ባጋ ዎዳና ማላ ቢርሹቲዳ። 16 ሄ ፓራን አሊዛ አሳታ ጮራቴሳይ ዪታታን ቆዴቲዛ ሚሎኔ ጊዲዳይሳ ታኒ ሲያዲስ።

17 ፓራቲኔ ሄ ፓራታ ቶጊዳ አሳታ ታኒ አጽታን ቤዬዳይቲ ሃይሳፌ ካሊዛይሳ ማላኮ! ኢስታስ ቲራ ቦላ ዲዛ ፀፍሬዚ ታማ ቦንቆ ማላ ዞዎ፤ ሳሎ ማላ ካሬሲኔ ጋላልዎ ሚሳቴስ። ፓራታ ሁዔይ ጋሞ ሁዔ ሚሳቴስ። ኢስታ ዱናጥ ታማይኔ ጩዋይ ዲኔ ጌቴቲዛ ሚሼ ኬዜስ። 18 ኢስቲ ባ ዱናጥ ኬሲዳ ታማይ ጩዋይኔ ዲኔይ ሃ ሄኸ ቦቻታን አሳ ዜራሳፌ ጨጎይ ሃይቂደስ። 19 ሄ ፓራታ ዎልቃይ ኢስታስ ዱና ጊዶኒኔ ጎይና ቦላ ደስ። ኢስታ ጎይናይ ሾሽ ሚሳቴስ። ኢዛስ ሾሻ ሁዔይካ ደስ። ኢስቲ አሴ ሄሳን ቆሃቴስ።

20 ሃይታ ሃ ቦቻታን ሃይቆጥ አቲዳ አሳ ዜራሳቲ ካሴ ባ አሲዳ ኢታ አሶጥ ሲሚዲ ማርቴሳን ጌሊቤይቴና። ዳይዳንሳስ ዎርቃፌ፣ ቢራጥ፣ ዓርቂማላጥ፣ ሹቻፌ፣ ሚሳፌ፣ አሴቲዳ ዪላናስ ዎይኮ ሃይሳን ሲያናስ ዎይኮ ሃሙታናስ ዳንዳዮንታ ኤቃታስ ጎይኖ አጊቤይቴና። \* 21 ሄሳሶካ ሽምፖ ዎዶጥ፣ ቢታጥ፣ ላይማፌኔ ካይሶቴሳፌ ሲሚዲ ማርቴሳን ጌሊቤይቴና።

10

ኪታንቻኔ ያሳ ማፃፋ ጉሳዮ

1 ሄሳፌ ጉዬ ሻራ ማይዒዳ ሃራ ሚኖ ኪታንቻይ ሳሎጥ ዱጌ ዎዲዛይሳ ቤያዲስ፤ ዙላይ ኢዛ ሁዔ ዩይ አዲደስ። ኢዛ አይፌሶይ አዎ አርሼ ሚሳቴስ። ኢዛ ቶሆቲካ ታማ ቱስ ሚሳቴቲስ። 2 ዓሳፌ ቢርሹቲዳ ኢሲ ጉሳ ማፃፋ ዲዛሮ ባ ኩሼን አይኪ ኡቲደስ። ኢዚ ባ ኡሻቻ ቶሆዛን አባ ሃዲሪሳ ቶሆዛን ቃስ ቢታ ዩዲ ኤቂደስ። 3 ጋሞ ዓጎ ማላ ጊታ ቃላራ ዓጊደስ። ኢዚ ዓጊዳ ማላ ላፑን ዳዳቲ ባ ጊሪሳ ሲሲዳ።

4 ላፑን ዳዳቲ ባ ጊሪሳ ሲሲዳ ማላ ታ ዓፋና ጋዳ ቆፓዲስ ሺን “ሃ ላፑን ዳዳቲ ዮቶይሳ ቁምዓ ዎሳ አቲን ዓፎፓ!” ጊዛ ቃላ ሳሎጥ ሲያዲስ።

5 ሄሳፌ ካሊዲ አባ ቦላኔ ቢታ ቦላ ኤቂ ዲሺን ታ ቤዬዳ ኪታንቻዚ ባ ኡሻቻ ኩሼ ፑዴ ሳሎ ደንሲዲ። 6 ሜርናጥ ሜርናስ ዲዛይሳን ሳሎኔ ሳሎን ዲዛይታ ቃሴካ ቢታኔ ቢታ ጋርሳን ዲዛይታ፣ አባኔ አባ ጊዶን ዲዛይታ ሜዲዳ ያሳ ሱንስ ዪይጊ ጫቂዲ “ሃይሳፌ ጉዬ ኢዚ ጋምዔና!” 7 ጊዶ አቲን ላፑንሳ ኪታንቻይ ባ ዛዬዛ ፑኒ ሲሲዛ ጋላሳታን ኢዚ ባ አሳንቻታሲኔ ናቤታስ ኤሪሲዳ ማላ ያሳ ፀራይ ፖሌታና” ጊደስ። 8 ሄሳፌ ጉዬ ታኒ ሳሎጥ ሲዬዳ ቃላይ “አባ ቦላኔ ቢታ ቦላ ኤቂዳ ኪታንቻ ኩሼን ዶይቲ ዲዛ ዓላ ማፃፋዛ ባዳ ኤካ!” ጊዲ ቃሴካ ታስ ዮቴደስ።

9 ታኒ ቃስ ኪታንቻዛኮ ባዳ “ሂኖ ቁሪ ዓላን ዲዛ ማፃፋዮ ታስ ኢማ” ጋዲስ። ኢዛካ “ሄይ ኤካዳ ማ! ኢዛ ኔና ኔ ኡሎ ጊዶን ጫማና ሺን ዱናን ቃሴ ኔና ኤሳ ማላ ማልዓና” ጊደስ።

10 ታካ ሄ ቁሪ ዓላ ማፃፋዮ ኪታንቻዛ ኩሼጥ ኤካዳ ማዲስ። ኢዛካ ታ ዱናን ታና ኤሳ ማላ ማልዓዱስ ሺን ታ ማዳ አጊን ጉዬጥ ታ ኡሎ ጊዶን ታና ጫማዱስ። 11 ሄሳፌ ቃሴ “ዳር ዱማ ዱማ ቆሞ አሳ ጊሽ ዱማ ዱማ ቃላን ሃሳዬዛ አሳታ ጊሺኔ ካዎታ ጊሽ ቃሴካ ቲንቢቲ ኔ ዮታና ማላ ኔስ ቤሴስ” ጌቴቲዲ ታስ ዮቴቲደስ።

\* 9:3 ኬላ 10:12-15 \* 9:4 ሂዚ 9:4 \* 9:6 ኢዮ 3:21፤ ኤር 8:3 \* 9:7 ኢዮ 2:4 \* 9:8 ኢዮ 1:6 \* 9:9 ኢዮ 2:5 \* 9:11 አባዶኔ፣ አባዶኔይ ጊሪኬ ቃላራ “አጲሊዮኔ” ጌቴቲስ፤ ቢርሹሳይካ “ፒቲ ዳይሳ” ጉሳ \* 9:13 ኬላ 30:1-3 \* 9:20 ማዛ 115:4-7፤ 135:15-17፤ ዳኔ 5:23

11

ናምዑ ማርካታ

1 ሄሳፌ ጉዬ ታ ኢዛራ ዋዳ ዋዳናስ ጉፌ ሚሳቲዛ ሾምቦቆይ ታስ ኢሜቲደስ። ታስ ሂዘቲደስ “ኔኒ ዴንዳዳ ያሳ ኬሳዛኔ ጊዶ ኪፊሌታ ዋዳ! ሄን ጎይኒዛያታ ታይባ። \* 2 ያሳ ያሳ ኬሳፌ ካሬራ ጮ ዲዛሶዛ አጋጋ። ሄሲ አይዛቤታስ ኢሜቲዳሶ ጊዲዳ ጊሽ ኔ ኢዛ ዋዶፋ። አይዛቤቲ ጌሻ ካታማዮ አይዱ ታማኔ ናምዑ አጊና ጋካናስ ዩዲ ሃራና። \* 3 ታ ማርካ ናምዳቲ ካዮ ማይዮ ማይዲዲ ኢሲ ሺያኔ ናምዑ ያታኔ ኡሱፑን ታሙ ጋላስ ጋካናስ ቲንቢቱ ዮታና ማላ ታ ኢስታስ ዎልቃ ኢማና።”

4 ሄይቲ ቢታ ጎዳ ሲንሳን ኤቂዛ ናምዑ ዎጋራ ሚሳቲኔ ኢስታ ቦላ ያምፔ ዎሲዛ ናምዑ ባላታ። \* 5 አኒካ ኢስታ ቆሃናስ ኮይኮ ኢስታ ዱናፔ ታማይ ኬዚዲ ኢስታ ሞርኬታ ፀጋና። ኢስታ ቆሃና ኮይዛዴንቲ ዉሪ ሃይቃናይ ሄሳ ማላና። 6 ኢስቲ ቲንቢቱ ዮቲዛ ሄ ጋላሳታን ኢራይ ቡኮንታ ማላ ሳሎ ጎርዳናስ ማታይ ኢስታስ ዴስ። ሄሳሶካ ሃሳታ ሱሳን ላማናስ ኮይኮካ ሃራ አይ ማላ ቦሻንካ ቢታ ሾጫናስ ዎልቃይ ኢስታስ ዴስ። \*

7 ኢስቲ ባ ማርካቴሳ ዉርሲዳፔ ጉዬ ሂርኪ ጨማ ኦላፌ ኬዚዛ ዶዳይ ኢስታራ ኦሌቲዲ ኢስታ ያናናይ ዎዳና። \* 8 ኢስታ አሃይ ሌሚራራ ሶዶሜኔ ጊብዜ ጌቲቲዛ ጊታ ካታማይን ጮ ዴንባን ዚንዳና። ሂና ካታማያ ካሴ ኢስታ ጎዳይ ኢዚን ካቂቲዳሶዮ። \* 9 ዱማ ዱማ ቆሞቲኔ ዱማ ዱማ ዛርኬቲ፣ ዱማ ዱማ ቃላን ሃሳዬዛይቲኔ ዴሬቲ ሄሹ ጋላሲኔ ባጋ ጋካናስ ኢስታ አሃ ያላናኔ ሄ ኢስታ አሃይ ሞጌቶንታ ማላ ዲጋና። 10 ሄይቲ ናምዑ ናቤቲ ካሴ ቢታ ቦላ ዲዛ አሳ ዎይሲዳ ጊሽ ሃዲ ቃስ ቢታ ቦላ ዲዛ አሳይ ሃ ናቤቲ ሃይቂዳ ጊሽ ኡፋዮታና። ሄ ኡፋይሳስ ባዳሌ ኦሲዲ ኢሶይ ኢሳስ ዩስ ኢማና። 11 ጊዶ አቲን ሄሹ ጋላሲኔ ባጋይ አዲዳፔ ጉዬ ኢስታስ ሼምፖ ኢሚዛ ፔኖይ ያሳ አቻፌ ዩዲ ኢስታ አሃን ጌሊዴስ። ኢስቲካ ባ ቶሆን ኤቂዳ ኢስታ ቤዩዳ አሳይ ዳር ባቢዴስ። \* 12 ሄሳፌ ጉዬ ሄ ናምዑ ናቤቲ “ሃ ፑዴ ኬዚቲ!” ጊዛ ቃላ ሳሎፔ ሲዩዳ። ኢስታ ሞርኬቲ ኢስታ ያሊሺን ኢስቲ ሻራራ ፑዴ ሳሎ ኬዚዳ። \* 13 ሄ ሳቴዩንካ ዎልቃማ ቢታ ቃሊ ሃንዴስ። ሄ ካታማስ ታማፌ ኢሲ ኩሼይ ላሌቲዴስ። ቢታ ቃላ ጋሶን ላፑን ሺ ዴሬይ ሃይቂዴስ። ሃይቆንታ አቲዳ አሳይ ቃስ ዳር ባቢዴሲኔ ሳሎ ያሳካ ቦንቺዴስ። \*

14 አዬ አና! ጊዛ ቃላ ናምዳንሶዚ አዲን ሄሻንሶዛ ዋሶይ ኤሶን ጋካና።

ላፑንሶ ዛዩ

15 ላፑንሶ ኪታንቻይካ ባ ዛዩዛ ፑኒዴስ። ሳሎን ቃስ “አላሜ ካዎቴሲ ኑ ጎዳ ያሳሲኔ ኪርስቶሳስ ጊዲዴስ። ኢዚካ ሜርናፔ ሜርና ጋካናስ ካዎታና” ጊዛ ጊታ ቃላይ ሲዩቲዴስ። \* 16 ያሳ ሲንሳን ባ አልጋ አልጋ ቦላ ኡቲዳ ናምዑ ታማኔ አይዱ ጨማቲካ ባ ሊዴን ጉፋኒዲ ያሳስ ጎይኒዳ። 17 ቃሴካ “ካሴካ፣ ሃዲካ ዲዛይሶ!

ኡባካ ዳንዳዩዛ ጎዳ ያሶ!  
ኔኒ ኔ ጊታ ጎዳቴሳ ኔ ኩሼን አይኪዳ ጊሺኔ  
ካዎቲዳ ጊሽ ኑኒ ኔና ጋላቶስ።

18 አይዛቤይ ሃንቁቲዴስ፤  
ካሴ ሃይቂዳይቲ ፐርዳ ዴሚዛ ዎዴይ ጋኪዴስ፤  
ካሴ ኔ አሳንቻታ ናቤታሲኔ  
ጌሻታስ ኔ ሱንሳካ ቦንቺዛይታስ፤  
ጉሳታሲኔ ጊታታስ፤  
ኔኒ ኢስታስ ኢስታ ዋጋ ኢሚዛ ዎዴይ ሃዲ ጋኪዴስ።  
ቢታ ዳይሲዳይታ ኔ ዳይሳናስ ዎዴይ ጋኪዴስ” ጊዳ።

19 ሳሎን ዲዛ ያሳ ኬሳ ጊዶ ኪፊሌይ ዶዩቲዴስ። ኢዛ ጫቆ ታቦታዚካ ሄን ያሳ ኬሳስ ጊዶ ኪፊሌን ቤቲዴስ። ዎልቃንሳ ዎልቃሚዴስ፤ ጊርሲ ጊርዴስ፤ ዳዳይ ዳዳቲዴስ፤ ቢታ ቃሊኔ ዎልቃማ ሻቺ ቡኪዴስ። \*

12

ማጫሳዮኔ ዳዌ ሾሻ

1 ሄሳፌ ጉዬ ጊታ ማላሊሲዛ ማላታይ ቦላ ሳሎ ቦላ ቤቲዴስ። ኢሲ ማጫሲያ አዋ አርሼ ማይዳዳ፣ አጊና ባ ቶሆን ዩዳዳ ታማኔ ናምዑ ያሊንቲታ አክሊሌ ማላ ባ ሁዔን ዎሳዳ ቤታዱስ። 2 ኢዛካ ሻራራ ዳዉስ። ዩሎ ሚግይ ኢዞ አይኪን ሜቶታዳ ዋሳዱስ።

3 ሄሳሶካ ሃራ ማላታይ ሳሎ ቦላ ቤቲዴስ። ኢዛስ ላፑን ሁዔይኔ ታሙ ካጩቲ ዲዛ ኢሲ ጊታ ዳዌይ ቤቲዴስ። ኢዛ ሁዔታ ቦላካ ላፑን ዛዉዴቲ ዴቲስ። \* 4 ኢዚ ባ ጎይናራ ሳሎ ያሊንቲታፔ ጨጎ ጊዲዛይታ ሳሎፔ ዱጌ ቢታን ዩጊዴስ። ሄ ማጫሳያ ዩሊሺን ኢዛ ዩሊዛ ናዛ ሚታናስ ቆፐዲ ዳዌዚ ሄ ዩላናስ ማቲዳ ማጫሳይስ ሲንሳን ኤቂዴስ። \*

\* 11:1 ሂዘ 40:3፤ ዛካ 2:1-2 \* 11:2 ሉቃ 21:24 \* 11:4 ዛካ 4:3፤11-14 \* 11:6 2ካዎ 17:1፤ ኬሳ 7:17-19፤  
1ሳሜ 4:8 \* 11:7 ዳኔ 7:7፤21፤ አጁ 13:5-7፤ 17:8 \* 11:8 ኢሳ 1:9-10 \* 11:11 ሂዘ 37:10 \* 11:12  
2ካዎ 2:11 \* 11:13 አጁ 6:12፤ 16:18 \* 11:15 ኬሳ 15:18፤ ዳኔ 2:44፤ 7:14፤27 \* 11:19 አጁ 8:5፤ 16:21  
\* 12:3 ዳኔ 7:7 \* 12:4 ዳኔ 8:10

5 ማጫሳያካ ካሴ ዴሬታ ኡባ ቢራታ ጉፊራ ሃሪዛ አቱማ ና ዩላዱስ ሺን ናዚ ቃስ ፑዴ ያሳኮኔ ያሳ አልጋኮ ኤኬቲዴስ። \* 6 ማጫሳያካ ዱጌ ባዞ ቢታ ቤታዱስ። ሄ ባዳ ኢሲ ሺያኔ ናምቡ ዌታኔ ኡሱፑን ታሙ ጋላስ ጋካናስ ቦንቾን ዳናሶ ያሲ ካሴ ኢዚስ ጊጊስ ያሲዴስ።

7 ሳሎ ቦላ አላይ ዴንዲዴስ። ሚካሌይኔ ኢዛ ኪታንቻቲ ዳዌዛራ አሌቲዳ። ዳዌዚኔ ኢዛ ኪታንቻቲካ ዛሪዲ ሚካሌራኔ ኢዛ ኪታንቻታራ አሌቲዳ። \* 8 ጊዶ አቲን ዳዌዚኔ ኢዛ ኪታንቻቲ ያኔቲዳ። ሄሳፌ ጉዬ ኢስታስ ሳሎን ዳናሶይ ቤቲቤና። 9 ሄ ጊታ ዳዌዚ ዱጌ ዩጌቲዴስ። ኢዚካ ኩሜሳ አላሜዛ ባሌሲዛ ዳቡሎሳ ወይኮ ያላዔ ጌቱቲ ዌይጌቲዛ ቤኒ ወዴ ሾሻዛ። ኢዚ ቃስ ዱጌ ቢታ ቦላ ዩጌቲዴስ። ኢዛ ኪታንቻቲካ ኢዛራ ኢሲፌ ዩጌቲዳ። \*

10 ሄሳፌ ጉዬ ኢሲ ጊታ ጊሪስ ሳሎፕ ሂዝጊሺን ታ ሲያዲስ “ሄኮ አሴ አሾይ፥ ወልቃይኔ ካወቅሲካ ኑ ጎዳስ ጊዲዴስ። ማታይካ ኪርስቶሳስ ጊዲዴስ። ኑ ኢሻታ ኑ ጎዳ ሲንሳን ጋላሲኔ ቃማ ሞቲዛ ኑ ኢሻታ ባርጋራይ ዱጌ ዩጌቲዴስ። \* 11 ኢስቲ ዶርሳዛ ሱሳኒኔ ባ ዮቲዳ ማርካቴሳ ቃላን ኢዛ ያኒዳ። ኢስቲ ባ ሺምፖስ ሚሼቶንታ ዲሼ ባና ሃይቆስ አሲ ኢሚዳ። 12 ሄሳ ጊሽ ሳሎቲኔ ኢስታ ጊዶን ዲዛይቲ ኢንቱ ዉሪካ ኡፋዮቲቱ። ኢዛስ ጉሳ ወዴይ አቲዳይሳ ኤሪዳ ጊሽ ዳቡሎሲ ጊታ ሃንቆራ ዱጌ ኢንቴኮ ወዲዳ ጊሽ ቢታሲኔ አባስ አዩ አና! አዩ አና!”

13 ዳዌዚ ዱጌ ቢታ ቦላ ዩጌቲዳይሳ ቤዶዲ አቱማ ና ዩሊዳ ማጫሳዮ ጎዴሬሲዴስ። 14 ማጫሳያካ ባስ ጊጌቲ ዲዛሶ ፒራዳዳ ዱጌ ባዞ ባና ማላ ኢዚስ ጊታ ጎሌ ካፎ ቁፌ ሚሳቲዛ ናምቡ ቁፌቲ ኢሜቲዳ። ኢዛ ሄን ዳዌዛ ሲንሳፌ ሃካዳ ሄሹ ላይሲኔ ባጋ ጋካናስ ሎዎ ቦንቾን ናጌታዱስ። \*

15 ሄ ማጫሳዮ ዲዎይ ኤኪ ባና ማላ ሾሻዚ ሻፋ ሃሴ ኬና ሃሴ ባ ዱናፕ ጩቲዲ ኢዚፕ ጉዬ ባጋራ ጉሲዴስ። 16 ጊዶ አቲን ቢታያ ሄ ማጫሳዮ ማዳዱስ። ባ ዱና ዶያዳኔ ሄ ዳዌዚ ጩቲዲ ጉሲዳ ሃሳካ ፁንፃዱስ። 17 ዳዌዚ ማጫሲዬ ቦላ ሃንቁቲዲ ሃንኮ አቲዳ ኢዚ ዜራሳታራ አሌታናስ ቢዴስ። ኢስቲካ ያሳ አዛዞታ ናጊዛይታኔ ዩሱሳስ አማኔቲዲ ማርካቲዛይታ። 18 ዳዌዚካ አባ አቻን አጩ ቦላ ኤቂዴስ።

13

ናምቡ ዶዳታ

1 ሄሳፌ ጉዬ ኢሲ ዶዳይ አባፌ ኬዚሺን ቤያዲስ። ኢዛስ ታሙ ካጩይኔ ላፑን ሁዔይ ዴስ። ካጩታ ቦላ ታሙ ዛወዴቲ ዴቴስ። ሁዔታ ቦላ ጫሻ ሱንሳቲ ዴቴስ። \* 2 ታ ቤዬዳ ዶዳዚ ማሄ ሚሳቴስ። ኢዛ ቶዎይ ዶዳ ዛርዶ ቶዎ ሚሳቴስ። ኢዛ ዱናይ ቃስ ጋሞ ዱና ሚሳቴስ፤ ዳዌዚ ባ ዎልቃ፥ ባ አልጋዛኔ ባ ጎዳቴሳካ ሄ ዶዳዛስ ኢሚዴስ። \*

3 ሄ ዶዳዛ ሁዔታፕ ኢሳ ቦላ ዎዲዛ ማዱንሲ ዲዛይሳ ታ ቤያዲስ ሺን ኢዛ ሃይቆስ ጋሲዛ ማዱንሳዚ ፓዲዴስ። ኩሜሳ አላሜይ ማላሌቲዲ ሄ ዶዳዛ ካሊዴስ። 4 ሄ ዶዳዛስ ጎዳቴሲ ኢሜቲዳ ጊሽ አሳይ ዉሪካ ሄ ዳዌዛስ ጎይኒዴስ። “ሃይሳ ዶዳዛ ሚሳቲዛይ አኔ? ኢዛራ አሌታናስ ዳንዳዩዛይ አኔ?” ጊሼ ኢዛስ ጎይኒዴስ።

5 ኢዛስ ቃስ አቶራቴሲኔ ጫሻ ቃላ ሃሳይዛ ዱናይ ኢሜቲዴስ። ኢዚ አይዱ ታማኔ ናምቡ አጊና ጋካናስ ጎዳቴሳን አሳና ማላ ኢዛስ ኢሜቲዴስ። 6 ያሳኔ ያሳ ሱንሳ ኢዚ ዲዛሶዛኔ ሳሎን ዲዛይታ ጫሼ አይኪዴስ። 7 ኢዚ ጌሻታ አላና ማላኔ ያናና ማላ ኢዛስ ጎዳቴሲ ኢሜቲዴስ። ዱማ ዱማ ቆሞታኔ ዛርኬታ፥ ዱማ ዱማ ቃላን ሃሳዩዛ ዴሬታ ኡባ ቦላ ኢዛስ ጎዳቴሲ ኢሜቲዴስ። \* 8 አላሜይ ሜዴቶሳፕ ሃ ሲሚን ኢስታ ሱንሳ ሹኬቲዳ ዶርሳዛ ዴዎ ማፃፋን ፃፌቶንታ አላሜ ቦላ ዲዛ አሳይ ዉሪካ ሄ ዶዳዛስ ሆኪ ጎይናና። \*

9 ሃይሲ ዲዛይዴ ሲዮ! 10 “ዲዴታናስ ዲዛይዴ ዲዴታና፤ ማሻን ሃይቃናስ ዲዛይዴ ማሻን ሃይቃና” ሄሳ ጊዲዳ ጊሽ አማኒዛይታ ዳንዳያይኔ ኢስታ አማኔቴስ ኮሺዛይ ሃኒና። \*

11 ቃሴካ ሃራ ዶዳይ ቢታፌ ኬዚሺን ቤያዲስ። ኢዛስ ቃስ ዶርሳ ካጩ ማላ ናምቡ ካጩይ ዴስ። ኢዚ ዳዌሳ ሃሳዮስ። 12 ኢዚ ካሴ ኮይሮ ዶዳዛ አላ ጌሊዲ ሄ ካሴይሳ ጎዳቴሳን አሴስ። ቢታያኔ ቢታ ቦላ ዲዛይቲ ዉሪካ ካሴ ኮይሮ ዶዳዛስ ጎይናና ማላ አሲዴስ። ሄ ዶዳዚ ቃስ ካሴ ኢዛ ሃይቆስ ጋሲዛ ማዱንሳይ ፓዲዳ ኮይሮ ዶዳዛ። 13 ሄሲ ናምዓንሶ ዶዳዚ ቃስ አሳ ሲንሳን ታማ ሳሎፕ ዱጌ ዩጋና ጋካናስ ጊታ ማላታታ አሲዴስ። 14 ኢዚ ኮይሮ ዶዳዛ ሲንሳን ማላታ አሳና ማላ ኢዛስ ኢሜቲዳ ማላታ ጌዶን ቢታ ቦላ ዲዛ አሳ ኢዚ ባሌሲዴስ። ማሻን ማዱንዲ ፓዲዳ ዶዳዛ ቦንቾስ ሚሲሌ አሳና ማላ ቢታ ቦላ ዲዛ አሳ ዉርሲ ኢዚ አዛዛና። 15 ናምዓንሶ ዶዳዚ ኮይሮ ዶዳዛ ሚሲሌዛስ ሺምፖ ኢማና ማላ ኢዛስ ጎዳቴሲ ኢሜቲዴስ። ዴዎ ሺምፖ ኢማናስ ኢዛስ ጎዳቴሲ ኢሜቲዳ ሚሲሌዚ ሃሳናና ማላኔ ሄ ኢዛስ ሆኪ ጎይናንታዴ ኢዚ ዉርሲካ ዎዳና ማላሳ።

16 ናምዓንሶ ዶዳዚ ቃስ ጉሳታ ጊዲን ወይኮ ጊታታ ጊዲን፥ ዱሬታ ጊዲን ወይኮ ማንቆታ ጊዲን፥ ጎዳታ ጊዲን፥ ወይኮ አሽካራታ ጊዲን፥ ዉሪካ ባ ኡሻቻ ኩሼን ወይኮ ባ ሊጴ ቦላ ማላታ ዎልቃራ ዎሲሳና። 17 ሄሳ ማላን ሄ ዶዳዛ ሱንሳ ኤሪሲዛ ዱማ ማላታይ ወይኮ ኢዛ ሱንሳ ኢዛ ቦላ ፃፌቲዳ ቁፁራይ ባይንዳዴይ አኒካ ጊያ ጌሊዲ ሻማናሲኔ ባይዛናስ ዳንዳዩና።

\* 12:5 ኢሳ 66:7፤ ማዛ 2:9 \* 12:7 ዳኔ 10:13፥21፤ 12:1፤ ዩሁ 9 \* 12:9 ሜዴ 3:1፤ ሉቃ 10:18 \* 12:10 ኢዮ 1:9-11፤ ዛካ 3:1 \* 12:14 ዳኔ 7:25፤ 12:7 \* 13:1 ዳኔ 7:3፤ አጁ 17:3፥7-12 \* 13:2 ዳኔ 7:4-6 \* 13:7 ዳኔ 7:21 \* 13:8 ማዛ 69:28 \* 13:10 ኤር 15:2፤ 43:11



18 ሄሳ ጊሽ አሲ ኤራ ጊዳናይ ሃኒና። ዎዝናራ ዲዛዴይ አኬኮ፤ ሄ ዶዓዛ ቁፁሬዚካ ሃይሳፌ ካሊ ዲዛይሳኮ። ሄሲካ ኡሱፑን ዪታኔ ኡሱፑን ታማኔ ኡሱፑና።

14

ዶርሳዛኔ ዪታኔ አይዱ ታማኔ አይዱ ሺ አሳ

1 ሄሳፌ ጉዬ ሄኮ ሄ ዶርሳዚ ዪዮኔ ዙማ ቦላ ኤቁዳይሳ ታ ቤያዲስ። ኢዛ ሱንሳኔ ኢዛ አዋ ሱንሳ ኢስታ ሊጴ ቦላ ዓፌቲዳይቲ ዪታኔ አይዱ ታማኔ አይዱ ሺ አሳቲ ኢዛራ ኢሲፌ ዴቴስ። 2 ሳሎፕ ዎልቃማ ፒሳ ሃሳ ጊሪሲኔ ዎልቃማ ዳዳ ጊሪስ ሚሳቲዛ ጊሪሲካ ሲያዲስ። ታኒ ሲዱዳ ጊሪሳይ ዲሲ ሚሳቲዛ ባጋና ጌቱቲዛይሳ ዲዪዲ አሳይ ሲሲዛ ጊሪሳ ማላ ጊሪዛይሳ። 3 አልጋ ሲንሳኒኔ አይዱ ዶዓታ ሲንሳን ጨማታ ሲንሳን ዪታኔ አይዱ ታማኔ አይዱ ሺ አሳይ አራሳ ዩስ ዩዲዴስ። ሄ ዩሳዛካ ዴራ ጋርሳፌ ዶሬቲዳ ዪታኔ አይዱ ታማኔ አይዱ ሺ አሳፕ አቲን ሃራይ አኒካ ኢዛ ታማራናስ ዳንዳይቤና። 4 ሄይቲ ማቾንታይታ ጊዲዳ ጊሽ ኢስቲ ማጫራ አቁዲ ቱንቤቴና። ኢስቲ ዶርሳይ ቢዛሶ ኢዛ ካሌቴስ። ኢስቲ ዶሳሲኔ ኢዛ ዶርሳዛስ አሳ ጋርሳፌ ዪራ ካሳ ማላ ሺቁዳይታ። 5 ኢስቲ ዎርዶ ሃሳዩ ኤሬቴና። ዎሶይካ ኢስታ ቦላ ባዋ። \*

ዶሳ ፒርዳ ኤሪሲዛ ሄቸ ኪታንቻታ

6 ሄሳፌ ጉዬ ቢታ ቦላ ዲዛ ዱማ ዱማ ቃላን ሃሳዩዛ ዱማ ዱማ ዴሬታ፣ ዛርኬታስ፣ ቆሞታስ፣ ኡባስ ዮታናስ ሜርና ሚሸራቾ ቃላ አይኪዳ ሃራ ኢሲ ኪታንቻይ ሳሎን ቦላን ፒራዲሽን ቤያዲስ። 7 ኢዚካ ባ ቃላ ዶቁ ሂስቲዲ “ዶሳስ ባቤቴኔ ኢዛ ቦንቺቴ። ኢዛ ፒርዳ ዎዴይ ጋኪዴስ። ሳሎኔ ቢታ፣ አባኔ ሃሳ፣ ፑልቶካ ሜዲዳ ዶሳስ ጎይኒቴ” ጊዴስ።

8 ሃራ ናምዓንሳ ኪታንቻይ ቃስ “ዴሬዛ ወርሳ ማሶሲዛ ላይማ ዎይኔ ጫጄ ኡሺዳ ማጫሳዩ ሂናካ ዎጋ ጊታ ባቢሎና ኩንዳዱስ! ኩንዳዱስ!” ጊሽ ኮይሮ ኪታንቻዛ ካሊዴስ። \*

9 ሃራይ ሄቸንሳ ኪታንቻይ ቃስ ጊታ ዶቃ ቃላን ሂዝጊሽ ኢስታ ካሊዴስ “ሄ ዶዓዛሲኔ ኢዛ ሚሲሌዛስ ጎይኒዛይቲኔ ባ ሊጴ ቦላ ዎይኮ ባ ኩሽ ቦላ ዎሲዛይቲ ወሪካ። 10 ዶሳ ሃንቆ ዎይኔ ጫጄዛ ኡዮና፣ ሄሲካ ሄ ዎይኔ ጫጄዚ ሃራራ ዋላኬቶንታ ኢዛ ሃንቆ ፀዓፕ ዱቄቲዳይሳ። ሄሳሳካ ሃንኮ ጌሻ ኪታንቻታ ሲንሳኒኔ ዶርሳዛ ሲንሳን ታማኒኔ ዲኔ ታማን ፀጌታና። \* 11 ኢስቲ ኢዛን ፀጌቲዛ ታማፕ ኬዚዛ ጩዋዚ ሜርፕ ሜርናስ ፑዴ ኬዚሽ ዳና። ሄ ዶዓዛሲኔ ኢዛ ሚሲሌዛስ ጎይኒዛይቲ ዎይኮ ኢዛ ሱንሳ ማላታ ባ ቦላ ዎሲዛይቲ ወሪካ ዎንታኔ ቃማን ኢስታስ ሽምፓይ ዴና።” \*

12 ዶሳ አዛዞ ናጊዛይታፕኔ ዩሱሳ አማኖን ሚኒዳ ጌሻታፕ ኮዬቲዛ ዳንዳይይ ሃኒንኮ።

13 ታኒ ሳሎፕ ሂዝጊዛ ቃላ ሲያዲስ “ሃይሳፌ ጉዬ ጎዳ ዩሱሳይታ ጊዲዲ ሃይቃናይቲ ኢስቲ አንጄቲዳይታ።” ዲሎ አዳናይካ “ኤ፣ ኢስቲ ባ ዳቡርሳፌ ሽምፓና ማላ ኢስታ አሶይ ኢስታ ካላና” ጌስ።

ቢታ ቦላ ጎዳ ሃንቆ

14 ሄሳፌ ጉዬ ታ ዪሊሽን ታስ ቦላ ሻራይ ቤቲዴስ። ሄ ሻራ ቦላ ቃስ ና ሚሳቲዛይ ኡቲዴስ። ኢዚ ቃስ ባ ሁዔ ቦላ ዎርቃ አክሊሌ ዎሲዴስ። ባ ኩሽንካ ቃራ ባጫ አይኪዴስ። \* 15 ሃራ ኪታንቻይ ዶሳ ኬሳፌ ኬዚዲኔ ሻራ ቦላ ኡቲዳይሳስ ዶቃ ቃላራ “ቢታ ቦላ ቦኔይ ጋኪዴስ! ካሳይ ጫኬቲዛ ሳቴይ ማቲዴስ” ጊሽ ዋሲዴስ። \* 16 ሄ ሻራ ቦላ ኡቲዳይሲ ባጫዛ ዱጌ ቢታ ቦላ ዩዲዴስ። ቢታይካ ጫኬቲዴስ።

17 ቃሴ ሃራ ኪታንቻይ ቦላ ሳሎን ዲዛ ዎሳ ኬሳፌ ኬዚዴስ። ሄ ኢዚካ ቃራ ባጫ ባ ኩሽን አይኪዴስ።

18 ታማ ቦላ ኢዛስ ጎዳቴሲ ዲዛ ሃራ ኪታንቻይ ያርሾ ኢዛ ቦላ ሺሺዛሶዛ አቻፌ ኬዚዲ ሄ ቃራ ባጫ አይኪዳ ኪታንቻዛስ “ሚሳ አይፌይ ካዪዳ ጊሽ ኔኒ ሃዲ ኔ ቃራ ባጫዛ ዩዳዳ ዎይኔ ሚሳ አይፌዛ ወርሳ ጫካዳ ቢታፌ ሺሻ” ጊዲ ጊታ ቃላን ዋሲዴስ። 19 ኪታንቻዚካ ባጫዛ ዱጌ ቢታ ቦላ ዩዲዲ ቢታን ዲዛ ዎይኔ ሚሳ አይፌዛ ጫኪዲ ዎጋ ዶሳ ሃንቆ ዎይኔ አይፌ ጉምዲዛሶን ዩጊዴስ። 20 ካታማፕ ካሬ ባጋራ ዲዛ ዎይኔ ሚሳ አይፌ ጉምዲዛሶን ጉሜኔቲዴስ። ሄ ጉምዲዛሶዛፕካ ቢታፌ ዶቃቴሲ ፓራ ቢዓላ ጋካናሲኔ ኢሲ ሺያኔ ኡሱፑን ዪታ ኪሎሜቲሬ ጊዲዛሶ ጋካናስ ሱሳ ጎጊዴስ። \*

15

ወርሴሳ ቦሻታ አይኪዳ ኪታንቻታ

1 ታኒ ሃራ ዎልቃማ ማላታ ሳሎ ቦላ ቤያዲስ። ዶሳ ሃንቆይ ኢስታን ፖሌታናስ ወርሴሳ ጊዲዳ ላፑን ቦሻታ አይኪዳ ላፑን ኪታንቻታ ቤያዲስ።

2 ሄሳፌ ጉዬ ታማራ ዋላኬቲዳ ማስቶቴ አባ ሚሳቲዛ ሚሽ ቤያዲስ። ሄሳሳካ ሄ ዶዓዛኔ ኢዛ ሚሲሌዛ ኢዛ ሱንሳ ቁፁሬዛ ማላታ ዶንዳይታ ቤያዲስ። ዶሲ ኢስታስ ኢሚዳ ዲሳ ማላ ባጋና ጌቱቲዛይሳ አይኪዳ ማስቶቴ ሚሳቲዛ አባ አቻን ኤቁዳ። 3 ዶሳ አሳንቻ ሙሴ ዩሲኔ ዶርሳዛ ዩሱ፣ “ኡባ ዳንዳይዛ ጎዳ ዎሶ!”

\* 14:5 ሰፍ 3:13 \* 14:8 ኢሳ 21:9፤ ኤር 51:8፤ አጁ 18:2 \* 14:10 ኢሳ 51:17፤ ሜዴ 19:24፤ ሂዚ 38:22 \* 14:11 ኢሳ 34:10 \* 14:14 ዳኔ 7:13 \* 14:15 ኢዩ 3:13 \* 14:20 ኢሳ 63:3፤ ኤር ዚላ 1:15፤ አጁ 19:15

ኔ አሶይ ጊታኔ ማላሊሲዛዛ፤  
ዴሬ ካዎዞ!

ኔ አጊይ ሊኬኔ ቱማ። \*\*  
4 ጎዶ ኔስ ባቦንታ አሲኔ

ኔ ሱንስ ቦንቾንታ አሲ ኦኔ?  
ኔኒ ኔርካ ጊሻ፤

ኔ ቱማ ፐርዳይ ቆንጨዳ ጊሽ ዴሬቲ ወሪ ዩዲ  
ኔ ሲንላን ኔስ ጎይናና” ጊ ዩዲዳ \*

5 ሄሳፌ ጉዩ ታ ዛራ ዩሊሺን ካሴ ማርካቴሳ ዱንካኔ ጊዲዳይሲ ያሳ ኬሲ ሳሎን ዶዩቲዴስ። \*

6 ላፑን ቦሻታ አይኪዳ ላፑን ኪታንቻቲ ያሳ ኬሳፌ ኬዚዳ። ኢስቲ ቃስ ጊሽ ጊዲዲ ያልቂዛ ቦሳ ማይዎ ማይዲዳ። ዎርቃፌ አሴቲዳ ዳንጮ ማላ ማይዎ ቲራ ቦላ ቃቺዳ። 7 አይዱ ዶዳታፕ አሶይ ላፑን ኪታንቻታስ ሜርናፕ ሜርናስ ዲዛ ያሳ ሃንቆይ ኢስታን ኩሚ ኡቲዳ ላፑን ዎርቃ ፀዓታ ኢሚዴስ። 8 ያሳ ኬሳይካ ያሳ ቦንቾፌኔ ኢዛ ዎልቃፌ ዴንዲዳይሳን ጩዋይ ኢዛን ኩሚዴስ። ላፑን ኪታንቻቲ ባ ኩሺን አይኪዳ ላፑን ቦሻቲ ፖሌታና ጋካናስ ኦኒካ ሄ ያሳ ኬሴ ጌላናስ ዳንዳይቤና። \*

16

ያሳ ሃንቆራ ዲዛ ፀዓታ

1 ሄሳፌ ጉዩ ላፑን ኪታንቻታ “ኢንቴ ቢዲ ያሳ ሃንቆ አይኪዳ ላፑን ፀዓታ ዱጌ ቢታ ቦላ ጉሲቱ!” ጊዛ ጊታ ቃላይ ያሳ ኬሳፌ ኬዚሺን ታ ሲያዲስ።

2 ኮይር ኪታንቻዚ ቢዲ ፀዓዛ ቢታ ቦላ ጉሲዴስ። ዶዳዛ ማላታይ ኢስታ ቦላኔ ሄ ዶዳዛ ሚሲሌስ ጎይኒዛያታ ቦላ ኢታ ዋይሲዛ ማዱንስ ኬዚዴስ። \*

3 ናምጎንሶ ኪታንቻዚ ቃስ ፀዓዛ አባ ቦላ ጉሲዴስ። አባይካ ሃይቂዳ አሳ ሱላ ማላ ጊዲዴስ። አባ ጊዶን ሽምፖራ ዲዛይቲ ወሪካ ሃይቂዳ።

4 ሄሻንሶ ኪታንቻይ ባ ፀዓዛ ሻፋታ ቦላኔ ፑልቶ ሃሳታ ቦላ ጉሲዴስ። ሄ ኢስቲካ ሱስ ጊዲዳ።

5 ሃሳ ቦላ ኢዛስ ጎዳቴሲ ዲዛ ኪታንቻዚ፤ “ካሴካ ሃዲካ ዲዛ ጊሻ ጎዶ! ኔኒ ሄሳፍ ፐርዲዳ ጊሽ ኔኒ ቱማንቻ። 6 አሳይ ካሴ አማኒዛይታ ሱሲኔ ናቤታ ሱስ ጉሲዳ ጊሽ ኔ ኢስታ ሱስ ኡሻዳሳ። ሄሲካ ኢስታስ ቤሴስ” 7 ያርሾ ያርሺዛሶዛፕ ቃስ “ኤ ወርሳ ዳንዳይዛ ጎዳ ያሶ! ኔ ፐርዳቲ ወሪካ ቱማኔ ሊኬ” ጊዛ ቃላ ሲያዲስ።

8 አይዳንሶ ኪታንቻዚ ባ ፀዓዛ አዋ አርሼ ቦላ ጉሲዴስ። አዋ አርሼይካ አሳ ባ ሴላን ፀጋና ማላ አዋ አርሼስ ዎልቃይ ኢሜቲዴስ። 9 አሳይካ ዎልቃማ ሴላን ፀጌቲዴስ። ሄ ቦሻታ ቦላ ሽኔይ ኢዛስ ዲዛ ያሳ ሱንስ አሳይ ጫዩዴስ አቲን ማርቴሳን ጌሊቤናኔ ኢዛካ ቦንቺቤና።

10 ኢቻሻንሳ ኪታንቻይ ባ ፀዓ ዶዳዛ አልጋ ቦላ ጉሲዴስ። ሄ ዶዳዛ ካዎቴሲ ቃስ ዲሚዴስ። አሳይ ቃስ ዋይዛፕ ዴንዲዳይሳን ባርካ ባ ኢንዳርስ ጋርጨዴስ። 11 ኢስቲ ቃስ ሄ ማዱንሳ ሳኮፕ ዴንዲዳይሳን ሳሎ ያሳ ቃንጊዳ አቲን ማርቴሳን ጌሊቤቴና።

12 ኡሱፑንሳ ኪታንቻይ ቃስ ባ ፀዓዛ ዎጋ ኤፊራዲሴ ሻፋን ጉሲዴስ። አዋ አርሼይ ሞኪዛ ባጋፌ ያና ካዎታስ ኦጌ ጊሊሳና ማላ ሻፋዚ ሜሊዴስ። 13 ሄ ዳዌዛ ዱናፔኔ ሄ ዶዳዛ ዱናፔ፤ ዎርዶ ናቤዛ ዱናፔ አቃርስ ሚሳቲዛ ሄሹ ቱና አያናቲ ኬዚሺን ታ ቤያዲስ። 14 ሄይቲ ቃስ ማላታታ አሲዛ ዳይዳንሳ አያናታ። ሄይቲ አያናቲ ወርሲ ዳንዳይዛ ጎዳ ጊታ ጋላስ ሃናና አላስ አሳ ሺሻናስ አላሜ ካዎቲ ዲዛሶ ኡባ ባና።

15 “ሄኮ ታኒ ካይሶ ማላ ቆፖንታ ጋካ ዎዳና። ኢዚ ካሎቲን አሳይ ኢዛ ካሎቴስ ቤዮንታ ማላ ቤጊዲኔ ባ ማይዎ ናጊዛ አሲ ጋላቴቲዳዴ!” \*

16 አያናቲካ ካዎታ ኢብራዌ አሳ ቃላራ፤ “አርማጊዶኔ” ጌቴቲዛ ሶ ሺሺዳ። \* 17 ላፑንሶ ኪታንቻዚ ባ ፀዓዛ ጫርኮ ቦላ ጉሲዴስ። ያሳ ኬሳ ጊዶን ዲዛ አልጋዛፕ “ፖሌቲዴስ” ጊዛ ዎልቃማ ቃላይ ኬዚዴስ። 18 ዎልቃንሲ፤ ዳዳ ጊሪሲኔ ጉጉንሲ፤ ጊታ ቢታ ቃሲ ሃኒዴስ። አሲ ቢታ ቦላ ሜዴቶሳፕ ሃኖ ጋካናስ ሄሳ ማላይ ቢታ ቦላ ሃኒ ኤሬና። \* 19 ዎጋ ካታማያ ሄሹ ኬዛ ሻኬታ ዎዳዳስ። አይዛቤታ ካታማቲ ላሌቲዳ ያሲ ዎጋ ካታማዮ ባቢሎኔ ዛሪ ቆፐዴስ። ሚኖ ሃንቆ ፀዓን ኩሚ አቲዳ ዎይኔ ጫጄ ኡሻ ኡያና ማላ አሲዴስ። \* 20 አባ ጊዶን ዲዛ ዴሬቲ ወሪካ ባቃቲዳ፤ ዙማቲካ ቤቲቤቴና። \* 21 ኢሲ ኢሲ ሻቺ አይዱ ታማኔ ኢቻሹ ኪሎ ጊዲዛ ሻቺ ሳሎፕ ዱጌ አሳ ቦላ ዎዲዴስ። ቦቻዚ ዳር ኢታ ጊዲዳ ጊሽ አሳይ ሄ ሻቻ ቦሻ ጊዶን ያሳ ጫዩዴስ። \*

17

ላይማን ኤሬቲዳ ማጫሳዮኔ ዶዳዛ

\* 15:3 ዴሬ ካዎዞ፤ ኢሲ ኢሲ ቢርሸሳቲ ዎዴታ ካዎዞ ጌቴስ። \* 15:3 ኬሳ 15:1 \* 15:4 ኤር 10:7፤ ማዛ 86:9  
\* 15:5 ኬሳ 38:21 \* 15:8 ኬሳ 40:34፤ 1ካዎ 8:10-11፤ 2ታር 5:11-14፤ ኢሳ 6:4 \* 16:2 ኬሳ 9:10 \* 16:15  
ማቶ 24:43-44፤ ሉቃ 12:39-40፤ አጁ 3:3 \* 16:16 2ካዎ 23:29፤ ዛካ 12:11 \* 16:18 አጁ 8:5፤ 11:13፤ 19  
\* 16:19 ኢሳ 51:17 \* 16:20 አጁ 6:14 \* 16:21 ኬሳ 9:23-24፤ አጁ 11:19

1 ላፑን ፀግታ ባ ኩሼን አይኪዳ ላፑን ኪታንቻታፍ ኢሶይ ሃ ታኮ ዩዲ ታስ “ሃ ያ፥ ዳሮ ሃሳታ ቦላ ኡቲዳ ሄ ኢታ ላይማ ማጫሳይ ቦላ ጋኪዛ ፐርዳ ታ ኔና ቤሳና። \* 2 ቤታ ቦላ ዲዛ ካዎቲ ወሪካ ኢዚራ ላይማቲዳ። ቤታ ቦላ ዲዛ አሳይካ ኢዚ ላይማቲሳ ዎይኔ ጫጂን ማሶቲዳስ” ጊዴስ። \*

3 ሄሳፌ ጉዩ ኪታንቻቻዚ ታና አያናን ዱጌ ባዞ ቤታ ኤፌዴስ። ኢዛ አሳቲሳዚ ኩሜስ ጫሻ ሱንሳን ሃፌቲዳ ላፑን ሁዔቲኔ ታሙ ካጩቲ ዲዛ ኢሲ ዞዎ ዶዓዛ ቦላ ኡቲዳ ኢሲ ማጫሳዮ ቤያዲስ። \*

4 ሄ ማጫሳዮ ጋላልዎ ማላ ማይዎኔ ዞዎ ማይዎ ማይዎዱስ፤ ዎርቃን፥ ቦንቾ ሹቻኒኔ ኢንቆ ጌቴቲዛ አልዎ ሚሺ ማይዳዳ ጰላወስ፤ ኢዛ ባ ኩሼን ቃስ ኢታ ሹኒዛ ሚሺኔ ባ ቱና ላይማቲሳ ኢዛን ኩሚዳ ዎርቃ ፀግ አይካ ኡታዱስ። \*

5 ኢዚ ሊጴ ቦላ “ፀራ፥ ላይማቲዳይታሲኔ ቤታ ቦላ ቱና አሲዛይታስ አዮ ዎጋ ባቢሎኔ” ጌቴቲዛ ሱንሳ ሃፌቲ ኡቲዳስ። 6 ሂና ሄ ማጫሳዮ ጌሻታ ሱሳኒኔ ዩሱሳ ሱንሳን ሃይቂዳ አሳ ሱሳን ማሶቲዳሮ ታኒ ቤያዲስ። ታ ኢዞ ቤያዳ ዳሮ ማላሌታዲስ። 7 ጊዶ አቲን ኪታንቻቻዚ ቃስ ታና “ኔ አዛስ ማላሌታይ? ሃ ማጫሳዮ ፀራ ዮዎኔ ኢዛ ኢስታ ቦላ ኡቲዳ ላፑን ሁዔታኔ ታሙ ካጩቲ ኢዛስ ዲዛ ዶዓዛ ፀራ ታ ኔስ ቆንጨሳና። 8 ኔ ቤዩዳ ዶዓዚ ካሴካ ዲዛይሳኮ ሺን ሃሲ ዴና። ኢዚ ጉዩፍ ጨማ አላ ጊዶፌ ኬዛናኔ ጌዴ ጳዮሶ ባና፤ አላሜይ ሜዴቶሳፍ ኢስታ ሱንሳ ዴዎ ማፃፋን ሃፌቶንታ ቤታ ቦላ ዲዛ አሳይ ሄ ዶዓዚ ካሴካ ዲዛይሳ ሃሲ ቃስ ዶንታይሳ ጉዩፍ ያናይሳ ጊዲዳይሳ ቤዩዲ ማላሌታና። \*

9 “ዩሺ ቆፐዛ ኤራ አሲ ኮዩቲዛይ ሃኒና። ላፑን ሁዔቲ ሄ ማጫሳዮ ኢስታ ቦላ ኡቲዳ ላፑን ዙማታ። ሄይቲካ ላፑን ካዎታኮ። 10 ሄ ላፑን ካዎታፍ ኢቻሻቲ ኩንዲዳ። ኢሶይ ሃሲ ዴስ። ሃንኮይሲ ቃስ ቡሮ ዩቤና። ኢዚ ዩዲ ጉሳ ዎዴ ታካናስ ቤሴስ። 11 አስፑንሶ ካዎዚ ካሴ ዲዛይ ሺን ሃሲ ቃስ ባይንዳ ዶዓኮ። ኢዚ ላፑናታፍ ኢሳ። ኢዚካ ጌዴ ጳዮሶ ባና።

12 “ኔ ቤዩዳ ታሙ ካጩቲ ቡሮ ካዎቶንታ ታሙ ካዎታ። ጊዲኮካ ኢስቲ ሄ ዶዓዛራ ኢሲፌ ኢሲ ሳቴስ ዶዓዛራ ካዎታናስ ካዎታሳ ዎልቃ ዴማና። \*

13 ሄ ታሙ ካዎታስ ኢሲ ቆፋይ ዴዓና። ኢስቲ ባ ዎልቃኔ ባ ጎዳቴሳ ሄ ዶዓዛስ አሲ ኢማና። 14 ኢስቲ ዶርሳዛ ቦላ አላ ዴንሳና ሺን ዶርሳዚ ጎዳታስ ጎዳኔ ካዎታስ ካዎ ጊዲዳ ጊሽ ኢዚ ኢስታ ያናና። ኢዛራ ዲዛይቲ ዩይጌቲዳይታ፥ ዶሬቲዳይታኔ አማኔቲዳይታ” ጊዴስ። 15 ሄ ኪታንቻቻዚካ ታስ “ሃ ላይማ ማጫሳዮ ኢስታ ቦላ ኡታ ዲሺን ኔኒ ቤዩዳ ሃሳታ፥ ዴሬታ፥ አሳታ፥ ዱማ ዱማ ቆዎታ ቃሴካ ዱማ ዱማ ቃላን ሃሳዩዛይታ።

16 ሄ ዶዓዚኔ ኔ ቤዩዳ ታሙ ካጩቲ ሄ ላይማ ማጫሳዮ ኢዲቴስ። ኢስቲ ኢዞ ጳዮሶ ጋሳና፤ ካሎ ሜላ አሻና፤ ኢስቲ ኢዚ አሾ ማናኔ ኢዞ ታማንካ ፀጋና። 17 ባ ቆፋ ፖላናስ ሃይሳሶ አሳና ማላ ሄሳ ሄ ቆፋ ኢስታ ዎዝናን ዎሲዳይ ያሳ። ሄሳ ጊሽ ያሳ ቃላይ ፖሌታና ጋካናስ ኢስቲ ቆፋን ኢሲኖ ጊዳና። ባ ካዎታሳ ጎዳቴሳካ ሄ ዶዓዛስ አሲ ኢማና። 18 ኔ ቤዩዳ ማጫሳዮ ቤታ ካዎታፍ ቦላራ ካዎታና ዲዛ ዎጋ ጊታ ካታማዮ” ጊዴስ።

18

ባቢሎኔ ኩንዲዳስ

1 ሄሳፌ ጉዩ ጎዳቴሳ ኢዛስ ዲዛ ሃራ ኪታንቻይ ሳሎፍ ዱጌ ዎዲሺን ቤያዲስ። ኢዛ ቦንቾ ፖዎፍ ዴንዲዳይሳን ቤታይካ ፖሲዴስ።

2 ኢዚ ቃስ ጵቃ ቃላን “ጊታ ባቢሎና ኩንዳዱስ! ኩንዳዱስ! ኩንዳዱስ! ዳይዳንሳ ዱሳ ሶ ጊዳዱስ! ቱና አያናታስ አቆሶ ጊዳዱስ! ሃራሲዛ ኢታ ካፎታስ ሺምፖሶ፥ ኢታኔ ሃራሲዛ ዶዓታሲካ አቆሶ ጊዳዱስ። \*

3 ዴሬ አሳ ወርሳ ማሶሲዛ ባ ላይማቲሳ ዎይኔ ጫጂዛ ኡሻዱስ። ቤታ ቦላ ዲዛ ካዎቲ ኢዚራ ላይማቲዳ። ቤታ ቦላ ዲዛ ዛልዓንቻቲ ኢዚስ ዲዛ ኢሻሎ ዱሳፌ ዴንዲዳይሳን ዳሮ ዱሬቲዳ” ጊ ዋሲዴስ \*

4 ቃሴካ ሃራ ቃላይ ሳሎፍ “ታ ዴሬቶ! ኢንቴ ኢዚራ ኢዚ ናጋራን ዙፍቶንታ ማላኔ ኢዞ ጋኪዛ ቦሻ ኢንቴ ኢዚራ ጊሼቲ ኤኮንታ ማላ ኢዚፍ ሻኬቲ ኬዚቴ። \*

5 ኢዚ ናጋራይ ዶሬቲዳ ፑዴ ሳሎ ጋኪዴስ። ያሲካ ኢዚ ሞሮዛ አኩኪዴስ። \*

6 ኢዚ ኢሚዳሪ ጊና ኢዚስ ኩሼ ዛሪቴ፤ ኢዚ አሶ ጊሽ ኢዚስ ናምዑ ኩሼ ጨጊቴ፤ ኢዚስ ናምዑ ኩሼ ኢዚይሳፌ አሲ ዋላኪቴ። \*

7 ኢዛ ባስ፥ ባ ቦንቾሲኔ ባስ ጊጋና ማላ ኢዎይሳ ጊና ዋዩኔ ሙዞቴስ ኢዚስ ኢሚቴ፤ ኢዛ ባ ዎዝናራ ‘ታኒ ካዎ ማቺ ማላ ኡታዲስ አቲን አምዲ ማላ ጊዲኬ። ታና ሙዞቴሳ ሙሌካ ጋኪና’ ጋዳ ጨቁታወስ።

8 ሄሳ ጊሽ ኢዚ ቦላ ቦቻይ ወሪካ ኢሲ ጋላስ ጋካና። ሃይቆይ፥ ሙዞቴሳኔ ጋፋይ ኢዞ ጋካና፤ ኢዛ ታማን ፀጌታና፤ ኢዚ ቦላ ፐርዲዛ ጎዳይ ያሲ ኢዚ ሚኖ” ጊሺን ታኒ ሲያዲስ።

9 ኢዚራ ላይማቲሼ ኢሻሎ ዱስ ዴዩዳ ሃ ቤታ ካዎቲ ኢዛ ፀጌቲሺን ጩዋቲዛ ጩዋ ቤዩዲ ኢዚ ጊሽ ዋሲዲ ዩካና። 10 ኢዚ ዋዩዛስ ባቢዳ ጊሽ ሃሆን ኤቂዲ “ሃኔ ጊታ ካታማዮ! ሃኔ ሚኖ ካታማዮ ባቢሎኔ! ኔ ፐርዳይ ሜዲ ኢሲ ሳቴ ጊዶን ዩዳ ጊሽ ኔስ አዩ አና! አዩ አና!” ጋና።

11 ሃይሳፌ ጉዩ ኢስታ ማርካቤን ጫኔቲዳዝ ሻሚዛ አሲ ባይንዳ ጊሽ ቤታ ቦላ ዲዛ ዛልዓንቻቲ ኢዚስ ዩካናኔ ካዮታና። \*

12 ኢስታ ማርካቤን ጫኔቲዳይ ዎርቃ፥ ቤራ፥ አልዎ ሹቾ ኢንቁ፥ ሌዔ ማይዎ፥ ጋላልዎ ማላ ማይዎ፥ ሃሬ ጌቴቲዛ ማይዎ፥ ዞዎ ማይዎኔ ሎዎ ሳዎ ሳዊዛ ሚሳ ኡባ፥

\* 17:1 ኤር 51:13 \* 17:2 ኢሳ 23:17፤ ኤር 51:7 \* 17:3 አጁ 13:1 \* 17:4 ኤር 51:7 \* 17:8 ዳኔ 7:7፤ አጁ 11:7፤ ማዛ 69:28 \* 17:12 ዳኔ 7:24 \* 18:2 ኢሳ 21:9፤ ኤር 51:8፤ አጁ 14:8፤ ኢሳ 13:21፤ ኤር 50:39 \* 18:3 ኢሳ 23:17፤ ኤር 51:7 \* 18:4 ኢሳ 48:20፤ ኤር 50:8፤ 51:6፥45 \* 18:5 ሜዴ 18:20-21፤ ኤር 51:9 \* 18:6 ማዛ 137:8፤ ኤር 50:29 \* 18:11 ሃዚ 27:31፥36



ዳንጋርሳ ዛሌ፣ አልዎ ሚሳፌ፣ ዓርቂማላ፣ ቢራታ፣ ምሊዎጆፌ አሴቲዳ ሚሺ ወሪካ 13 ቃራፋ፣ ሳዎ፣ ሳዊዛ ሚሲ፣ ካርቤ፣ ኤፃ፣ ዎይኔ ጫጄ፣ ዎጋራ ዛይቴ፣ ዲሌ፣ ጊስቴ፣ ሚዝ፣ ዶርሳታ፣ ፓራታ፣ ፓራ-ጋራታ፣ አይሌታኔ ሃራ አሳታኮ።

14 ዛልዓንቻቱ “ሃኔ ኔኔ አዋቲዳ ሎዎ ሚሻቲ ወሪካ ኔፔ ሃኪ ቢ ጊዲዳ፣ ኔ ሃርይካ ኔ ጌዳይካ ወሪካ ዳዩዴስ። ሃይሳፌ ጉዩ ኔኔ ሄይታንታ ሙሌካ ዛራ ዴማካ!” ጋና። 15 ሄይታንታ ወርሲ ሻሚ ሻሚዲ ዱራቲዳ። ዛልዓንቻቱ ኢዚ ቦላ ጋኪዳ ዋዩዛስ ባቢዲ ሃሆን ኤቃና፣ ዩኪሼኔ ሙዞቲሼ \* 16 “ካሴ ሌዔ ማይዎኔ ጋላልዎ ማይዎ ቃሴካ ዘዎ ማይዎ ማይዲዛሪስ፣ ዎርቃኒኔ ቦንቾ ሹቻን፣ ኢንቁንካ ጰሊዳ ጊታ ካታማይስ አዩ አና! አዩ አና! 17 ሄሳ ማላ ሃርይ ኢሲ ሳቴ ጋርሳን ዳዩዴስ” ጋና።

ማርካቤ አዛዚዛይቲ ወሪ ማርካቤን ቢዛይቲ ወሪ ማርካቤ ጊዶን አሲዛይቲ ወሪካ አባ ጊዶን ዛልዓንቻቱ ወሪካ ሃሆን ኤቃና። \* 18 ኢዛ ፀጌቲሺን ጨዋቲዛ ጨዋ ቤዩዲ “ሃኖ ሃ ጊታ ካታማዮ ሚሳቲዛ ካታማይ ሃራይ አዋን ዳንዴ?” ጊሼ ዋሲዳ። \* 19 ባ ሁዔን ጉዳላ ቆሊዲ ዩኪሼኔ ሙዞቲሼ “አባ ቦላ ማርካቤይ ዲዛይቲ ወሪካ ኢዚ ሚሼን ዱራቲዳይቲ፣ ሂና ጊታ ካታማያ ኢሲ ሳቴ ጊዶን ሙሌራ ዳይዳ ጊሽ ኢዚስ አዩ-አና! አዩ-አና!” ጊ ዋሲዳ። \* 20 ሳሎዞ! ኢዚ ጊዶን ኔ ኡፋዩታ፤ ያሲ ኢንቴ ጊሽ ኢዚ ቦላ ፐርዲዳ ጊሽ ኢንቴ ጊሻቲ፣ ሃዋራቲኔ ናቤቲካ ኡፋዩቲቴ። \*

21 ሄሳፌ ጉዩ ኢሲ ሚኖ ኪታንቻይ ዎልቃማ ዎፃ ሹቾ ሚሳቲዛ ኢሲ ሹቾ ዴንሲዲ “ጊታ ካታማያ ባቢሎና ሄሳሳካ ዎልቃራ ሱጌታዳ ኩንዳና። ሃይሳፌ ጉዩ ሙሌካ ቤቱ። \* 22 ዲሳ ሚሳቲዛ ባጋና ጌቱቲዛይሳ ሹጩዛይታኔ ዩሳ ዩዊዛይታ ዩሳ ሱሱልዔ ሱሱልዒዛ አሳይኔ ዲንኬ ፑኒዛይታ ጊሪስ ናምዓን፣ ኔናን ሲዩቴና። አይ ማላ ኩሼ ሂላቴሳ አሲዛ ኤራ አሲ ሃይሳፌ ጉዩ ኔናን ቤቴና፤ ዎፃ ጊሪስ ሃይሳፌ ጉዩ ኔናን ሲዩቴና። \* 23 ታማ ፖዶይ ሃይሳፌ ጉዩ ኔናን ፖዔና። አዴኔ ማጫ ሚሺራ ቃላይ ሃይሳፌ ጉዩ ኔናን ሲዩቴና። ኔ ዛልዓንቻቱ ካሴ አላሜን ኤራቲዳይታ። ኔኔ ቃስ አሳ ወርሳ ሙሬኖን ባሌሳዳሳ።

24 ኢዚ ጊዶን ናቤታ ሱንሳ፣ ጊሻታ ሱንሳኔ ቢታ ቦላ አሳ ኩሼን ሃይቂዳይታ ኡባታ ሱንሳ ቤቲዴስ” ጊሼ ዱጌ አባ ጊዶ ዩጊዴስ። \*

19

1 ሄሳፌ ጉዩ ዳሮ አሳ ቃላ ጊሪስ ሚሳቲዛ ጊታ ቃላ ጊሪስ ሳሎ፣ “ሃሌ ሉያ! አቶቴሲ፣ ቦንቾይ፣ ዎልቃይካ ኑ ጎዳሳ። \* 2 ኢዛ ፐርዳይ ቱማኔ አዳ፤ ኢዛ ቢታ ባ ላይማቴሳን ቱኒሲዳ ዎጋ ጊታ ላይማዮ ኢዚ ባ ፐርዳን ኢዞ ቃፃይዴስ፤ ኢዞ ቃፃይዲ ባ አሳንቻታ ሱላ ሃሎ ኬሲዴስ” ጊሺን ታ ሲያዲስ። 3 ቃሴካ “ሃሌ ሉያ፤ ኢዚፔ ኬዚዛ ጨዋይ ሜርናፔ ሜርና ጋካናስ ፑዴ ጨዋቲሼ ዴዓና” ጊሼ ዋሲዳ። \*

4 ናምዑ ታማኔ አይዱ ጨማቲኔ አይዱ ዶዓቲ አልጋ ቦላ ኡቲዳ ያሳስ ባ ሊጴ ቦላ ኩንዲዲ “አሚን፤ ሃሌ ሉያ!” ጊሼ ኢዛስ ጎይኒዳ።

ዶርሳዛ ሳርጌ ዲጊሳ

5 ሄሳፌ ጉዩ “ኢዛስ ያዩዛ ኢዛ አሳንቻቲ ወሪካ ጉሳቲኔ ጊታቲ ኑ ጎዳ ጋላቲቴ” ጊዛ ቃላይ አልጋፌ ኬዚዴስ። \* 6 ዳሮ አሳ ቃላ ጊሪስ ሚሳቲዛይ፣ ሻፋ ሃላ ጊሪስ ሚሳቲዛ ጊሪስ፣ ዎልቃማ ዳዳ ጊሪስ ሚሳቲዛ ጊሪስ “ሃሌ ሉያ! ወርሲ ዳንዳዩዛ ጎዳይ ካዎቴስ!” \* 7 ዶርሳዛ ሳርጌ ጋላሲ ጋኪዳ ጊሼኔ ኢዛ ሚሺራያ ጊጌታ ኡቲዳ ጊሽ ሃ ዩቴ፤ አኔ ኡፋዩቶስ! አኔ ኡፋይሳን ኢዛ ቦንቾስ። 8 ኢዛ ዎልቂቲዛ ጊሻ ሎዎ ማይዎ ማይዳና ማላ ኢዚስ ኢሜቲዴስ” ጊሺን ሲያዲስ። ሄ ሌዔ ማይዎዚ ጊሻታ ጊሎቴሳ አሶ።

9 ሄሳፌ ኪታንቻዚ ታና “ጌዴ ዶርሳዛ ሳርጌስ ሄይጌቲዳይቲ አንጄቲዳይታ ጋዳ ዓፋ” ጊዴስ። ካሌሲዲካ “ሃይሲ ቱሙ ያላ ቃላ” ጊዴስ። \*

10 ታካ ሄ ኪታንቻዛስ ጎይናናስ ኢዛ ቶሆ ቦላ ታ ሊጴን ጉፋናዲስ-ሺን ኢዚ ታና “አጋ! ሄሳሳ አሶፋ! ታካ ኔናራ ዩሱስ ኪርስቶሳ ማርካቴሳ አይኪዳ ኢሻታራ ኢሲፌ አሲዛዴ፤ ኔኔ ያሳስ ጎይና! ዩሱሳ ማርካይ ቲንቢቴ አያና” ጊዴስ።

ቦላ ፓራ ቶጊዳዴ

11 ሄሳፌ ጉዩ ሳሎይ ዶዩቲዳይሳ ታ ቤያዲስ። ቃሴካ ቦላ ፓራካ ቤያዲስ። ሄ ፓራዛ ቶጊዳይሲ አማኔቲዳዴኔ ቱማንቻ ጌቱቲዛዴ። ኢዚ ቃስ ቱማን ፐርዴሲኔ አሌቴስ። \* 12 ኢዛ አይፌቲ ታማ ላጮ ሚሳቲቴስ። ኢዛ ሁዔ ቦላ ዳሮ ዛወዴቲ ዴቴስ። ኢዛፔ አቲን ሃራ አሲ አኒካ ኤርንታ ሱንሳ ኢዛ ቦላ ዓፌቲ ኡቲዴስ። \* 13 ኢዚ ቃስ ሱሳን ማዴቲዳ ማይዎ ማይዲዴስ። ኢዛ ሱንሳይ ቃስ “ያላ ቃላ” ጌአቴቴስ። 14 ቦላ ፓራታ ቶጊዲ ቦሲኔ ጊሽ ጊዲዳ ሎዎ ማይዎ ማይዲዳ ሳሎ አሳንቻቲ ኢዛ

\* 18:15 ሂዚ 27:31፣36 \* 18:17 ኢሳ 23:14፤ ሂዚ 27:26-30 \* 18:18 ሂዚ 27:32 \* 18:19 ሂዚ 27:30-34 \* 18:20 ዛሬ 32:43፤ ኤር 51:48 \* 18:21 ኤር 51:63-64፤ ሂዚ 26:21 \* 18:22 ኢሳ 24:8፤ ሂዚ 26:13 \* 18:24 ኤር 51:49 \* 19:1 ሃሌ ሉያ ቢሪሻላይ ኢብራዌታ ቃላራ “ዮሲ ጋላቴቶ” ጉሳ። \* 19:3 ኢሳ 34:10 \* 19:5 ማዛ 115:13 \* 19:6 ሂዚ 1:24፤ ማዛ 93:1፤ 97:1፤ 99:1 \* 19:9 ማቶ 22:2-3 \* 19:11 ሂዚ 1:1-3፤ ማዛ 96:13፤ ኢሳ 11:4 \* 19:12 ዳኔ 10:6





ሜላ ኢማና። \* 7 ምዳዳይ ሃይሳ ላታና። ታካ ኢዛዴስ ሰሳ ጊዳና። ኢዚካ ታስ ና ጊዳና። \* 8 ጊዶ አቲን ሃንኮ ባቦቲ። ኢስታስ አማኔቶንታይቲ። ቱናቲ። አሳ ሼምፖ ዎዲዛይቲ። ላይማቲዛይቲ። ቢቲዛይቲ። ኤቃስ ጎይኒዛይቲ። ዎርዶቲዛይቲ። ሄይታ ኡባታ ቃዳይ ዲኔን ኤጊዛ ታማ አባ ጊዶን ጊዳና። ሄሲካ ናምዓንሶ ሃይቆ” ጊዴስ።

**አራሳ ዩሩሳላሚ**

9 ወርሴሳን ላፑን ቦሻቲ ኢስታን ኩሚዳ ላፑን ፀዋታ አይኪዳ ላፑን ኪታንቻታፕ ኢሶይ ታኮ ዩዲ ታና “ሃ ያ! ታ ኔና ዶርሳዛ ማቼዮ ሚሺራዮ ቤሳና” ጊዴስ። 10 ኢዚ ታና አያናን ኢሲ ጊታ ዶቃ ዙማ ቦላ ኪሲዲ ጊሻ ካታማያ አራሳ ዩሩሳላሚይ ሰሳ አቻፌ ሳሎፕ ዎዲዛይ ቤሲዴስ። \*

11 ኢዛካ ሰሳ ቦንቾን ፖራሳወስ። ኢዚ ፖዎዛ ሎዔቴሳይ ቃስ ኬሂ ቦንቼቲዛ ሹቻ ማላኔ ቤሪሌ ማላ ጊሸኔ ኢያሲዲዴ ጌቲቲዛ ኢንቆ ማላ። 12 ኢዚስ ታማኔ ናምዑ ፕንጌታራ ዲዛ ጊታ አዱሳ ጊንቤ ላሻይ ዴስ። ሄ ታማኔ ናምዑ ፕንጌታን ታማኔ ናምዑ ኪታንቻቲ ኤቁዲ ናጌቲስ። ሄ ፕንጌታ ቦላ ታማኔ ናምዑ ኢስራዔል ኮቻታ ሱንሲ ሃፌቲ ኡቲዴስ። 13 አርሼይ ሞኪዛ ባጋራ ሄሹ ፕንጌይ ዴስ። ፑዴ ባጋራ ሄሹ ፕንጌይ ዴስ። ዱጌሃ ባጋራ ሄሹ ፕንጌይ ዴስ። አርሼይ ወሊዛ ባጋራ ሄሹ ፕንጌይ ዴስ። 14 ሄ ካታማይ ጊንቤ ላሻዛስ ታማኔ ናምዑ ዋና ማሳራቲቲ ዴቴስ። ሄ ማሳራቲታ ቦላ ታማኔ ናምዑ ሄ ዶርሳዛ ሃዋራታ ሱንሲ ሃፌቲ ኡቲዴስ።

15 ሄሳ ታስ ዮቲዳ ኪታንቻዛስ ሄ ካታማዮኔ ኢዚ ፕንጌታ ቃሴካ ሄ ጊንቤ ላሻዛ ኢዛራ ዋዲዛ ዎርቃ ዛንጌይ ዴስ። \* 16 ሄ ካታማይ አዱሳቴሲኔ አሆቴሲ አይዱ ባጋራካ ኢሲ ጊና። ሄ ኪታንቻይካ ካታማዮ ባ ኢዛራ ዋዲዛ ዋዲዛ ዛንጌዛራ ዋዲዛ አዱሳቴሳይ ታማኔ ናምዑ ሺ ኪሎሜቲሬ ማላ ጊዲዴስ። ኢዚ ዶቃቴሲኔ አሆቴሲካ ኢዚ አዱሳቴሳ ጊና ጊዲዴስ። 17 ኪታንቻዚ ጊንቤዛ ዋዲዴስ። ሄ ኪታንቻዚ ኢዛራ ዋዲዛ ሚሻዚ ኤሬቲዳ ዋዲዛ ሚሻዚ ዪታኔ አይዱ ታማኔ አይዱ ሜትሬ ማላ ጊዲዴስ። 18 ሄ ጊንቤዚ ጊንቤቲዳይ ኢያሲዲዴ ጌቲቲዛ ሹቻና። ሄ ካታማያካ ማስቶቲ ማላ ጌያ ኡቲዳ ጊሻ ዎርቃፌ አሴታዱስ። \* 19 ሄ ካታማይሲ ጊዶ ማሳራቲ ሹቻይ ዱማ ዱማ አልዎ ሹቻን ሎዒ ጊጊዴስ። ኮይሮ ማሳራቲዚ ኢያሲዲዴ፣ ናምዓንሶዚ ሲምፔሬ፣ ሄዳንሶዚ ኪልቁዶኔ፣ አይዳንሶዚ ማርጊዴ፣ 20 ኢቻሻንሶይ ሳርዶንኪሴ፣ ኡሱፕንሶይ ሳርዲዮኔ፣ ላፑንሶይ ኪርስቶሎቤ፣ አስፑንሶይ ቤሪሌ፣ ኡዱፉንሶይ ቶጳዚዮኔ [ወራወሬ]፣ ታማንሶይ ኪርስጲራሲሴ፣ ታማኔ ኢሲንሶይ ያኪንቲ፣ ታማኔ ናምዓንሶይ አሜቲስጊኖሴ ጌቲቲዛ ሹቻታፕ። 21 ሄ ታማኔ ናምዑ ፕንጌቲካ ታማኔ ናምዑ ኢንቆታ። ፕንጌቲ ወሪካ ኢሶይ ኢሶይ ኢሲ ኢንቆፌ አሴቲዳ ሄ ካታማይ ጊዶ ኦጌይ ማስቶቲ ማላ ሃ ዛሪ ቤሲዛ ሙሩታ ዎርቃፌ አሴቲዴስ።

22 ወርሴ ዳንዳዩዛ ጎዳ ያሲኔ ዶርሳዚ ኢዚስ ፖራዛ ጊሸኔ ዶርሳዚ ኢዚ ፖሪ ጊዲዳ ጊሽ ሄ ካታማይ ጊዶን ሃራ ሰሳ ኬሳ ቤያቤኬ። 23 ሰሳ ቦንቾይ ኢዚስ ፖራዛ ጊሸኔ ዶርሳዚ ኢዚ ፖሪ ጊዲዳ ጊሽ ሄ ካታማይስ አዋ አርሼይ ዎይኮ አጊናይ ፖራሳናስ ኮሼና። \* 24 ዴሬቲ ኢዚ ፖሪዛን ሲሜሬታና። ቤታ ካዎቲ ወሪካ ባ ቦንቾ ኢዚስ ኤሃና። 25 ሄ ካታማይን ቃማይ ባይንዳ ጊሽ ኢዚ ፕንጌቲ አይ ዎዴካ ጎርዴቲቲና። 26 ሃራ ካዎታ ጊታቴሲኔ ቦንቾይ ኢዚስ ያና። 27 ሃራሲዛ ሚሺ ሙሌካ ጌዴ ኢዚን ጌሌና። ቱናቴሳ አሲዛይቲኔ ዎርዶ ሃሳዩዛይቲ ሙሌካ ሄ ኢዚኮ ጌሌቲና። ሄ ኢዚን ጌላናይታ ሱንሲ ካሴ ሄ ዶርሳዛ ዴዎ ማፃፋን ሃፌቲዳይታ ሃላላ። \*

22

1 ሄሳፌ ጉዩ ሄ ኪታንቻዚ ሰሳ አልጋፌኔ ዶርሳዛ አልጋፌ ኪዚዛ ማስቶቲ ማላ ጊሎ ቂገር ጊዳዳ ዴዎ ሃሳ ሻፋ ታና ቤሲዴስ። 2 ሄ ሻፋዚ ሄ ካታማይስ ዋና አጌዛ ጊዶ አዳን ሻኪ ዩጊዲ አዲ ቤስ። ሄ ሻፋዛስ ሃዲርሳ ባጋራኔ ኡሻቻ ባጋራ አጊናን አጊናን ፓጩይ ባይንዳ ላይሳን ታማኔ ናምዑ አጊና ኩሜሳ አይፊዛ ዴዎ ሚሲ ዴስ። ሄ ሚሳ ሃይሳይ ዴሬ ፓሴስ። 3 ሄሳፌ ጉዩ ቃንጌሳ ሙሌካ ዴና። ሰሳ አልጋፌኔ ዶርሳ አልጋይ ሄ ካታማይን ዳና። ኢዛ አሳንቻቲ ኢዛስ ጎይናና። 4 ኢስቲ ኢዛ አይፌሶ ቤያና። ኢዛ ሱንሲ ኢስታ ሊጴ ቦላ ዳና። 5 ሄሳፌ ጉዩ ቃማይ ዴና። ጎዳ ያሲ ኢስታስ ፖራዛ ጊሽ ታማ ፖዎይ ዎይኮ አዋ አርሼ ፖዎይ ኢስታስ ኮሼና። ኢስቲ ሜርናፕ ሜርናስ ካዎታና።

**ዩሱሳስ ናምዓንሶ ዩስ**

6 ሄሳፌ ጉዩ ኪታንቻዚ ታስ “ሃይቲ ቃላቲ አማኔቲዳይታኔ ቱማታ። ናቤታ ሃሳይሲዛ ጎዳ ያሲ ማታ ዎዴ ሃናናይሳ ባ አሳንቻታስ ቆንጫሳናስ ባ ኪታንቻዛ ኪቲዴስ” ጊዴስ።

7 ዩሱሲካ “ሄኮ ታ ኤሶን ያና፤ ሃይሳ ማፃፋዛ ቲንቤቲ ቃላ ናጊዛዴይ ኢዚ አንጄቲዳዴ” ጊዴስ።

8 ሃይታ ሃ ዮዎታ ሲዩዳይኔ ቤዩዳይ ታና ጥሃኒሳ። ታኒ ሃይታ ሃ ዮዎታ ሲዩዳ ዎዴኔ ቤዩዳ ዎዴ ሃይታ ሃ ዮዎታ ታና ቤሲዳ ኪታንቻዛ ሲንሳን ኢዛስ ጎይናናስ ሆካዳ ኢዛ ቶሆ ቦላ ኩንዳዲስ። 9 ሄ ኪታንቻዚ ቃሴ “ሃይሶ አጋ! ሃይሳሶ አሶፋ! ታካ ኔናራ ኔ ኢሻታራኔ ናቤታራ ቃሴካ ሃይሳ ማፃፋዛ ቃላ ፖሊዛ አሳታራ አሲዛዴ። ኔኒ ያሳስ ሃላላ ጎይና” ጊዴስ። 10 ቃሴካ “ዎዴይ ማቲዳ ጊሽ ኔኒ ሃይሳ ማፃፋዛን ሃፌቲዳ ቲንቤቲ ቃላ ማታማን ጎርዶፋ። 11 ሃይሳፌ ጉዩ ማካልዛይ ጉጂ ማካሎ፣ ቱናይካ ቱና፣ ጊሎይካ ጊሊ ካሎ፣ ጊሻይካ ጊዮ” ጊዴስ

12 “ሄኮ! ታ ኤሶን ያና! ኢሳዴስ ኢሳዴስ ኢዛ አሶ ማላ ታ ኢዛስ ኢዛስ ኢማና ዋጋ ታኒ ታ ኩሼን አይካ ኡታዲስ። 13 አልፋይኔ አሜጋይ፣ ሲንሲኔ ጉዩይ፣ ኮይሮይኔ ወርሴሳ ታና” ጊዴስ።

\* 21:6 ኢሳ 55:1 \* 21:7 2ሳሜ 7:14፤ ማዘ 89:26-27 \* 21:10 ሂዚ 40:1-2 \* 21:15 ሂዚ 40:3 \* 21:18 ኢሳ 54:11-12 \* 21:23 ኢሳ 60:19-20 \* 21:27 ኢሳ 52:1፤ ሂዚ 44:9

14 ሄ ደዎ ሚሳ አይፌ ማናሲኔ ሄ ካታማዮ ኢዚ ፔንጌራ ጌላናስ ቤሲዛይቲ ባ ማይዎ ሜጪዳይቲ አንጄቲዳይታ። 15 ካና ማላ ሮ ሆሱ ሆሲዛይቲ ቢታ ቢቲዛይቲ፣ ላይማቲዛይቲ፣ ሼምፖ ዎዲዛይቲ፣ ኤቃስ ጎይኒዛይቲ፣ ዎርዶ ሲቲዛይቲኔ ዎርዶ አሲዛይቲ ወሪካ ሄ ካታማይፔ ካሬን አታና።

16 “ታኒ ዩሱሲ ሃይሳ ኢንቴስ ማርካታና ማላ ታ ኪታንቻዛ ዎሳ ኬሳታስ ዩዳዲስ። ታስ ዩሌቴሳ ዛርኬይኔ ቆሞይ ካሴ ዳወቴኮ። ታኒ ፖሲሲዛ ዎንታ ያሊንቴ።”

17 ዒሎ አያናይኔ ኢዛ ሚሺራያ “ሃያ!” ጌቴስ። ሄሳ ሲዩዛይይካ “ኔ ሃያ!” ጎ። ሳሞቲዳይይካ ሃዮ፣ ኮይዳይይ ደዎ ሃሴ አይኮ ዋጋካ ቃንዎንታ ሮ ሜላ ኡዮ።

18 ሄኮ ታኒ ሃይሳ ማፃፋዛን ፃፌቲዳ ቲንቢቴ ቃላ ሲዩዛይቲ ናጌታና ማላ ዮታይስ። አኒካ ሃይሳ ሃ ቃላ ቦላ አይኮካ ጉጂኮ ሃይሳ ሃ ማፃፋዛን ፃፌቲዳ ቦሻታ ያሲ ኢዛ ቦላ ጉጃና። 19 አኒካ ሃይሳ ቲንቢቴ ማፃፋን ፃፌቲዳ ቃላታፔ ኢሲኖካ ፓጫሲኮ ሃይሳ ሃ ማፃፋዛን ዮቴቲዳ ደዎ ሚሳ አይፌፔኔ ጌሻ ካታማይፔ ያሲ ኢዛ ጊሻዛ ፓጫሳና።

20 ሃይታንታ ታ ማርካቲዛይሲ “ታኒ አዳፌ ኤሶን ያና!” ጌስ። አሚን! ጎዳ ዩሱሳ ሃያ።

21 ጎዳ ዩሱሳ ኪያቴሲ ኢንቴናራ ኡባትራ ጊዶ። አሚን! \*

\* 22:21 ኡባታራ ኢሲ ኢሲ ጌሻ ማፃፋቲ “ወሪሶታራ” ጊሺን ሃራይቲ ቃሴ “ዮሳ ዴሬታራ” ጌቴስ። ቃሴካ “ዮሳ ዴሬ ኡባታራ” ጊዛይቲካ ዴቴስ።